



Majepacʉ jũmenijicʉ¹
yávaiye
mamaene coyuitucubo

Cubeo New Testament

Contents

San Mateo	1
San Marcos	74
San Lucas	116
San Juan	188
Jesús ūi yávaiye méne beorī coyūicōjeimara ne ðaiye Espíritu Santoi paruéque	243
Romanos	312
1 Corintios	348
2 Corintios	384
Gálatas	409
Efesios	423
Filipenses	436
Colosenses	444
1 Tesalonicenses	452
2 Tesalonicenses	459
1 Timoteo	463
2 Timoteo	472
Tito	478
Filemón	482
Hebreos	484
Santiago	519
1 San Pedro	527
2 San Pedro	537
1 San Juan	543
2 San Juan	551
3 San Juan	553
San Judas	555
Jesucristoi jáðovaiye báque	558



Majepacʉ jʉmenijicʉ yávaiye mamaene coyʉitucubo

New Testament in Cubeo (CO:cub:Cubeo)

Language: Cubeo

Provided by: Wycliffe Bible Translators, Inc.

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit www.dbs.org (USA), www.bibleleague.ca (Canada), and www.opendoors.org (Europe).

Copyright and Permission to Copy

Copyright © 2009 Wycliffe Bible Translators, Inc.

Copyright © 2009 Wycliffe Bible Translators, Inc. Scripture text used by permission.

PDF, ePub, and MOBI Bible covers and design are copyrighted 2017 by the Digital Bible Society (www.dbs.org).

PDF generated on 2017-08-24 from source files dated 2017-08-24.

1d3b666c-0ddc-533d-a08a-78231f3c719a

ISBN: 978-1-5313-0179-8

San Mateo

Mamabuínore coyuíyebu Mateo bácu ūi toivaiye báquede Jesucristorā. Mateo bácu barejaquémanu judíovacach, Galilea āmicurijoborōcacu, aru Jesúis ūi yávaiye méne beorí coyuñicōjeimaracacu. Leví āmicuch barejaquémanu Mateo bácu, nai jabovare tāutura īcaipōecu bácu, Roma āmicurō jaborōre memeñu mácu, Jesúis ūi órejaquiye jipocare ū máchre. Majidivu ne dápiayele iye coyuñiyede Jesucristorā toivarejaquemavu ū mácu cuch bácu Israel báci pāramena ne curijoborōi. Pōecu cibebi majicu ye چu ūi toivaiju bácarōre diede, ubenita obedivu majidivu ne dápiayele ūniuju bácarōre 70 d.C. jipocare.

Mateo bácu jádovarejaquemavu Jesúre yópe jabocupe. Toivarejaquemavu judíovare, ne majinajiyele ayu Jesúre Jūmenijicu daroimu macuyére, yópe ūi coyuñicōjeiye báquedepedeca ūre coyuñcaipōeva mácavure aru ne toivaiye báquedepedeca Majepacu Jūmenijicu yávaiye javequede coyuñtucubore. Coyuñrejaquemavu 1:1 David bácu aru Abraham mácu Jesúis ūi jipocacavu bácvure, dápiare dacuyu Jūmenijicu “Yópe darājare”, ūi aiye báquedepedeca na mácavuque (Gn 15:18, 2 S 7:8-16). Jádovarejaquemavu Jesúre yópe bueipōecupe máre. Cūnápruype paiye Jesúis ūi coyuñye báquede toivarejaquemavu Mateo bácu: (1) Jūmenijicu jaboteinore coyuño (caps. 5-7); (2) Jesúis ūi yávaiye méne beorí coyuñicōjeimarare cōjeiyede coyuño (cap. 10); (3) jári dápiarī ne darājiyele ainore coyuño (cap. 13); (4) aipe daiye jaúrōre Jesúre ju aipōevare coyuño (cap. 18); aru (5) ijāravu cuiyede aru Jūmenijicu jaboteino buiyede coyuño (caps. 13-24).

Jesucristo ūi jipocacavu bácvure coyuño

(Lc 3.23-38)

1 Yū toivaquijivu ne āmiáre ina Jesucristo ūi jipocacavu bácvure, ūi jipoca pōeteivu bácvure. Útame nai jabocu bácu David báci pāramecu, aru Abraham máchi pāramecu máre.

² Abraham máchi Isaac báci pacu barejaquémanu. Isaac bácu Jacob báci pacu barejaquémanu. Jacob bácu Judájā mácavu népacu barejaquémanu. ³ Judá bácu Fares bácu aru Zara bácu népacu barejaquémanu. Aru Tamar báco népaco barejaquémanu. Fares bácu Esrom máchi pacu barejaquémanu. Esrom mácu Aram máchi pacu barejaquémanu. ⁴ Aram máchi Aminadab báci pacu barejaquémanu. Aminadab bácu Naasón máchi pacu barejaquémanu. Naasón mácu Salmón máchi pacu barejaquémanu. ⁵ Salmón máchi Booz báci pacu barejaquémanu. Aru Rahab báco jípaco barejaquémanu. Booz bácu Obed báci pacu barejaquémanu. Aru Rut báco jípaco barejaquémanu. Obed bácu Isaí báci pacu barejaquémanu. ⁶ Isaí bácu David báci pacu barejaquémanu. Nai David bácu Israecavu bácvu ne jabocu barejaquémanu. David bácu Salomón máchi pacu barejaquémanu. Aru Uriás báci márepaco jípaco barejaquémanu.

⁷ Salomón máchi Roboam máchi pacu barejaquémanu. Roboam mácu Abías báci pacu barejaquémanu. Abías bácu Asa báci pacu barejaquémanu. ⁸ Asa bácu Josafat báci pacu barejaquémanu. Josafat bácu Joram máchi pacu barejaquémanu. Joram mácu Uzías báci ūneku marejaquémanu. ⁹ Uzías bácu Jotam máchi pacu barejaquémanu. Jotam máchi Acaz báci pacu barejaquémanu. Acaz bácu Ezequías báci pacu barejaquémanu. ¹⁰ Ezequías bácu Manasés báci pacu barejaquémanu. Man-

asés bácu Amón máchi pacu barejaquémavu. Amón mách Joséas báchi pacu barejaquémavu.¹¹ Joséas báchi Jeconíajá mácavu néñecu marejaquémavu. Dinumhare, ne curinumhare, ina Babilonia ámicurócvu bácvu ne buorí nūvaimara marejaquémavu maya Israecavu maje jipocacavu bácvu. Na mácavu nūvarejaquemavu pü Babilonia ámicuróita.

¹²Na mácavu ne buorí nūvariburu yóboi, Jeconías báchi Salatiel báchi pacu barejaquémavu. Salatiel báchi Zorobabel báchi pacu barejaquémavu.¹³ Zorobabel báchi Abiud báchi pacu barejaquémavu. Abiud báchi Eliaquim máchi pacu barejaquémavu. Eliaquim máchi Azor báchi pacu barejaquémavu.¹⁴ Azor báchi Sadoc báchi pacu barejaquémavu. Sadoc báchi Aquim máchi pacu barejaquémavu. Aquim máchi Eliud báchi pacu barejaquémavu.¹⁵ Eliud báchi Eleazar báchi pacu barejaquémavu. Eleazar báchi Matán máchi Jacob báchi pacu barejaquémavu. Matán máchi Jacob báchi pacu barejaquémavu.¹⁶ Jacob báchi Joséi pacu barejámeda. Nai José Maríai márepacu barejámeda. Aru María Jesúi paco barejácodá. Nai Jesús Jūmenijicu ū epeim, Cristo, barejámeda.

¹⁷ Que baru Abraham máchi curinumure, pü David báchi curinumhita, catorce pайyajuboa bácvu curejaquemavu. Aru David báchi curinumure, pü ina Babilonia ámicurócvu bácvu ne buorí nūvaiyeta maya Israecavu maje jipocacavu bácvu Babiloniaita, apev catorce pайyajuboa bácvu curejaquemavu. Aru maya Israecavu maje jipocacavu bácvu ne buorí nūvaiyete, pü nai Cristoi pöeteiyeta, apev catorce pайyajuboa bácvu curejaquemavu.

Jesucristo ūi pöeteino

(Lc 1.27, 31; 2.1-7, 21)

¹⁸ Yópe barejávuya Jesucristo ūi pöeteino mácaro. Jípaco bacodó María ámicuco barejácodá. Joséi márepaco bacodó barejácodá. Óre ūi nomicubedata cäreja, javeta ó micatedejaquemavu nai Espíritu Santo ūi paruéque.¹⁹ José boropatebecu barejámeda Jūmenijicu jainore. Que baru María ói juedojicure eaiyede coreóvarí, judíova ne daicōjeiyepedeca daiyurí, óre jaruvacuyu barejámeda. Ubenita Josécapúravu ye jaruvaiyubedejamedá óre pöeva ne jáiyede, “Cuyoje tede daquijichuvu yu óre” ayu. Que baru óre pöeva ne jámene jaruvaiyuridurejamedá nai José.²⁰ Úi nópe dápiaríbura yóboi, cünácu ángele, Jūmenijicu daroimu, earejamedá nñorúmu José yebai. Aru yópe arí, coyuarejamedá ūre:

—Mu, José, David báchi pāramecu, jidubecuva Maríare nomicujacu mu. Espíritu Santo ūi juedojímó mácotame ó.²¹ Úmu juedojicure chvacodome ó. Ú machuyáme meadachuyu ūi pöevare, ne ámeina teiyede jaruvai. Que baru ū machuyá Jesús ámicuchuyume ū, arejamedá nai ángele Joséde.

²² Caiye iye nópe vaidéjavuya cünátaru Jūmenijicu ūi coyuacójieye báquepedeca cünácu ūi yávaiyede coyucaipóecu báchi. Yópe arí, toivaicójenejaquemavu ū máchi Jūmenijicu:

²³ Nomio ūmucubecova juedoeari juedochvacodome ó. Emanuel ámicuchuyume ū machuyá, arejaquemavu nai Jūmenijicu yávaiyede coyucaipóecu báchi.

Emanuel aiyuró, “Jūmenijicu majaque cubi”, aiyurótamu.²⁴ Que teni José coedarí, ángele ūi aiye báquepe darejamedá. Maríare nūvarejamedá ūi cürami.²⁵ Ubenita óque cubedejamedá

cāreja, pū ūi mácure juedocuvariburu yóboita. Aru ūi juedocuvaede, “Jesús bájacu mu” arī, ámidorejamedá José.

Abiácovare bueipōeva Jesúre ne járanuino

2 Belén ámicuriimaroí, Judea ámicurijoboróí, pöetedejamedá Jesús. Úi pöeteiyede dijoborócavu ne jabocu Herodes ámicucu barejámeda. Úcurejamedá Jerusalén ámicuriimaroí. Dinumure aviá dainocavu, abiácovare bueipōeva, earejaimada Herodes yebai.
2 Earí, yópe arī, jeníari járejaimada:
 —¿Muja judíova muje jabocu bacuyá, ári pöetecuba ū? Cūinácu abiácoru ūi pöeteiyede jádovañure jári, daivabu ñuña, jínajivu mearore ūre, arejaimada ina abiácovare bueipōeva.

3 Apevu diede ne coyuhiyede jápiarí, ámei cārijinu marejámeda ñai jabocu. Úi jabocu bae boje, apecu jabocu ūi pöeteiyede jápiayubedejaquemavu. Aru obedivu Jerusalécavu máre cārijivu barejáima. **4** Cārijinu, ūre memecaivure órejaicójenejamedá Herodes apevu sacerdotevare jaboteipōevare aru Jümenijicu yávaiye báquede bueipōevare máre. Ne eaiyede, yópe arī, jeníari járejamedá ñai jabocu:

—¿Ári pöeteyuha Jümenijicu epeimtu ijárahu, ñai Cristo? arejamedá náre.

5 Yópe arī, coyurejaimada ūre:

—Belén ámicuriimaroí, Judeacaróí, pöetecuymu Jümenijicu epeimtu, ñai Cristo. Yopedeca toivaicójenejaquemavu Jümenijicu yávaiyede coyucaipōecu bácre:

6 Judea ámicurijoborócaró imaro, Belén ámicuriimaroí, pöetecuymu ñai, Israecavu ne jabocu bacuyá, náre jipocatechuy. Que baru diímaro quíjinovacari, paruró maquiyébu, arī coyurejaquemavu Jümenijicu yávaiyede coyucaipōecu bácre,

arejaimada ina judíovai jabova Herodede.

7 Ne coyuriburu yóboi, ūre memecaivure yavenina órejaicójenejamedá Herodes ina abiácovare bueipōevare, pōeva ne jápiabenoi. Náque boroteni, coreóvarí majidejamedá aipiye bajure abiácoru ūi jároró mácarore. **8** Majicu bácu, náre jarorejamedá pū Belén ámicuriimaroita. Yópe daicójenejamedá náre:

—Voránujara muja juedojicure. Vorí eaivu bácavu, coyurádajará yure cojedeca. Yu máre nucuyumu ūi yebai, mearore jícu yure, arejamedá borocuchu ñai Herodes.

9 Jápiaivu bácavu ūi coyuhiyede, ina abiácovare bueipōeva mái nurejaimada, yópe ñai jabocu ūi aiye báquepedeca. Que teni abiácoru, ne jáimu mácu aviá dainocapúravu, náre jipocateni nurejamedá pū ūi eaiyede juedojicui curiñamine. Aru diñami puenoi mautedejamedá. **10** Ne jáiyede abiácoru mauteyure cuibeda diñami puenoi, uraró torojurejaimada ne úmei. **11** Diñami cūrami jívhi ne ecoiyede, járejaimada juedojicure jípacu Maríaque. Ñuatutarí ūi yebai, jídejaimada mearore ūre. Que teni ne cuve ñmaritócuare voarí, úrure, olíbano ámicue mumijude, aru mirra ámicue mumijude máre jídejaimada ūre. **12** No yóboi, vñorúmu, Jümenijicu copainicójemenejamedá náre Herodes yebai. Que baru ma apemamata copainurejaimada ne cüróita.

Jesúi buceva Egipto ne dupini nñino

13 Ina abiácovare bueipōeva ne nñiburu yóboi, cūinácu ángele, Jümenijicu daroimu, cuetedejamedá Joséde vñorúmu. Yópe arī, coyurejamedá ūre:

—Coedarí, nacajari, nñavajacu juedojicure, jípacore máre, Egipto ámicuri-

joborōita. Dupini nūjara mūja. Jñedo-jicure vorí, boarí jarūvaicōjechuyame Herodes. Que baru mautejarā mūja nore pu “Nūjara”, ji aiyeta cojedeca, arejameda ñai ángele Joséde.

¹⁴ Coedarí, jñedojojcure, jípacore máre, nūvarejameda José. Diñamimareca Egipto ámicurijoborōita dupini nurejaimada na. ¹⁵ Aru nore, Herodes ñi yaibéde cäreja, mautedejaimada na. Caiye iye nōpe vaidéjavuya cūinátu Jñmenijicu ñi coyuicōjeiye báquepedeca cūinácu ñi yávaiyede coyucaipōecu bácre. Yópe arí, toivaicōjenejaquemavu ñi mácre Jñmenijicu: “Jímacure cutucacu yu, ñi etaquiyepo ayu Egipto ámicurijoborōre jocari”, arejaquemavu Jñmenijich.

Herodes ñmu jñedojojnare ñi boarí jarūvaicōjeino

(Mr 1.24; Lc 2.39; Jn 1.45)

¹⁶ Ina abiácovare bueipōeva, ne copainumene Herodes yebai yópe ñi cōjeino mácarópe, Herodecapūravu joro-jinejameda, ne ju abe boje ñre. Ne jujovaiyede coreóvayu bácu, jorojíñu, churaravare boarí jarūvaicōjenejameda caivu ina ñmu jñedojojina rúcajuha cuy-abevure cäreja. Yópe ñi corevaiyepo ina abiácovare bueipōeva ne coyuhiye báquepe, mamarumure ne jáiye báquede abiácorure, Herodes boarí jarūvaicōjenejameda caivu ina ñmu jñedojojnare, Belén ámicuriimaro curivure aru no ñímaro joabenoi curivure máre. ¹⁷ Yópe Raquel báco ñi oiyе báquepe, nopedeca ina Belécvu máre orejaimada. Caiye iye nōpe vaidéjavuya cūinátu Jñmenijicu ñi coyuicōjeiye báquepedeca ñi yávaiyede coyucaipōecu bácu Jeremías bácre. Yópe arí, toivaicōjenejaquemavu ñi mácre Jñmenijicu:

¹⁸ Ramá ámicuriimaro jápurateavuya uraró ne chiori oiyе. Ico Raquedecabe odo mamara

mácvure boje. Nárecabu yaivu bácvu. Que baru orí dajocabebico õ, arejaquemavu Jñmenijicu yávaiyede coyucaipōecu bácu.

¹⁹ Apenumha vaiyede, Herodes bácu ñi yainíburu yóboi, José ñi cñede Egipto ámicurijoborōi, bedióva cojedeca vuorūmhi cuetedejameda ñre cūinácu ángele, Jñmenijicu daroimu. Yópe arí, coyuhejameda ñre:

²⁰ —Coedarí, nacajari, nūvajacu jñedocure, jípacore máre. Múje joborō, Israel ámicurijoborōi, nūjara cojedeca. Ñai boaiyuchu bácu jñedocure jave yaibí, arejameda ñai ángele Joséde.

²¹ José coedarí, nūvarejameda jñedocure jípacocue. Aru copainurejaimada Israel ámicurijoborōita.

²² Israecaró Judea ámicurijoborōi nñjororivu barejáimada na. Úbenita Herodes bácu mácu, Arquelao ámicuch, Judeacavure jaboteyu barejámeda jípacu bácu yóboi. Aru die borore jápiarí, jiduchu, Josécapūravu cuyubedejameda noi. Bedióva cojedeca vuorūmhi, Joséde nore nñicōjemenejameda Jñmenijicu. Que baru apeno Israecaró, Galilea ámicurijoborōi, nurejaimada Joséjá.

²³ Nazaret ámicuriimaro nuri, earí, cñrejaimada na. Nópe vaidéjavuya cūinátu Jñmenijicu coyuicōjeiye báquepedeca ina ñi yávaiyede coyucaipōeva mácvure. Yópe arí, “Ñai Cristo Nazarecacu bacuyáme”, arejaquemavu na mácvu.

Juan Bautista ñi coyuino

Jñmenijicu yávaiyede põecubenoi
(Mt 4.17; 7.19; 12.34; 23.33; Mr 1.1-8,
15; Lc 3.1-9, 15-17; Jn 1.19-28; 8.33)

3 Obediujua yóboi, Juan Bautista coyuñi bárejameda Jñmenijicu yávaiyede. Judea ámicurijoborócaró põecubenoi, põeva vaivure coyuhe

turejamedá nore. ² Yópe arí, coyuñejamedá:

—Chíori dápiarí maje āmeina teiyede, oatuvajará maje daiyede. Maje nópe daiyede, maumena mūjare jabotecuyame Jūmenijicu, arejamedá, coyuñu náre.

³ Nai Juan Bautista barejaquémanu Jūmenijicu yávaiyede coyuñcaipōescu bácu Isaías ūi coyuñimá mácu. Javede yópe arí, Isaías bácuré coyuñicójenejaquemavu Jūmenijicu Juan Bautista bacuyárá:

Jūmenijicure coyuñcaipōescu codoboboyure jápiarájarama pōecubeno: “Meadajará maje ūmene copu etaburí maje jabocure, nopedeca maje meadaiyepé daimare ūnai ūmá, maje pueñaimá, ūi daquiye jipocai. Que darí dajocajará maje āmeina teiyede Jūmenijicu daroimá maschuyá ūi daquiye jipocai, Jūmenijicu copu etaquiyepé ayu mūjare”, arejaquemavu Isaías bácu, coyuñu Juan Bautista bacuyárá.

⁴ Juan Bautista dorejamedá camello ámicachui podaque daicajede ūi cuitótecaje. Aru ūi jarióicáva máre áimacajeque daicáva marejávuya. Ú ãre curejamedá mujuñuvare aru mumicorore máre, yópe apevü nócavu chuve cùvabevüre. ⁵ Obedivu pōeva, Jerusalén ámicuriymarocavu, Judea ámicuriyoboróccavu, aru Jordán ámicuriya jia écaruacavu máre jápiaránurejaimada Juan Bautista yebai.

⁶ Aru jiai, Jordán ámicuriyai, na coapa “Ámecubu yu” ne aríburu yóboi Jūmenijicure, ne chíori dápiayepé boje ne āmeina teiyede, jádovarejamedá Jūmenijicuque.

⁷ Obedivu judíovai jabova, fariseo ámicuriyajubocavu aru saduceo ámicuriyajubocavu máre, jádovaranurejaimada Jūmenijicuque jiai. Ubenita na eaivüre jári, yópe arejamedá Juan Bautista:

—¡Muja jujovaivübu, maje daiye boje mearape! ¡Aru ádavape paivübu muja, maje āmedaiye boje apevüre! Jūmenijicu jorojíquijárvu eaiyede, jāve dupini buojabenamu muja.

⁸ Dajará muja yópe pōeva chíoiu ne āmeina teiyede, oatuvaiu ne daiyepé. ⁹ Yópe arí, “Majeñecu Abraham mácu meacu barejaquémanu. Jūmenijicu yóvarejaquemavu ū mácuré. Que baru meara bajutamu maja Jūmenijicu jáinore. Aru ūi jorojíquinore dupini buojarajaramu maja”, arí dápiabejará muja. Jāve coyuñubu mūjare: Muja oatuvabevu baru, Jūmenijicu jorojíquijárvu eaiyede dupini buojabenamu muja. Japiajará. Jūmenijicu ucu baru, buojaibi oatuvayu iboá cùraboare Abraham máchi pāramena márajivüre daschuyu, ne darájiyepé ayu yópe ūi urópe. ¹⁰ Yópe jiore memeipōescu ūi jáiyede joscua jéidua mearua cùbecure ūi jioi, ūi jaruvajurope dicuáre toaboi, nopedeca Jūmenijicu jáñu mūjare mearo dabevüre, jaruvachuyame mūjare toabo cùiméboi.

¹¹ Yü jāve mūjare jádovaivu Jūmenijicure ocoque, maje chíori dápiayepé boje maje āmeina teiyede. Ubenita daschuyame ji yóboi cùinácu, ji pheño paracu. Ú maschuyáme jádovañu mūjare Jūmenijicuque Espíritu Santoque, ūi cùquiyepé ayu mūjaque aru ūi cadatequiyepé ayu mūjare máre. Aru ūi maschuyáme jádovañu mūjare Jūmenijicuque toaque máre, maje meara tenajiyepé ayu yópe pōeva ne meadaiyepé tāure toaque, aru ūi nájine daquiyepe ayu mūjare, meara tebedu. Que baru caivu pheño meacu bajube ū. Yúcapúrvavu pare ūi cächinocacu. Que baru ūre cadateni buojabeyu yu. Pü oarí buojabevu yu nuvacayu ūre ūi curaidoare. ¹² Yópe oteiyepé memeipōescu ūi veoiyepé jaraboque, oteiyede epecuyu ūi epeíñami, aru

oteiye cajeáre juacuyu, nopedeca Jūmenijicu ūre ju aivare epecuyame ūi jaboteinoi aru ūre ju abevare jaravacuyame toabo cūiméboi, arī buejamedā Juan Bautista.

Juan Bautista ūi jādovaino Jesúre Jūmenijicuque

(Mt 12.18; 17.5; Mr 1.9-11;
Lc 3.21-22; 9.35)

¹³ Dinumure Jesús nurejamedā, etacuyu Galilea āmicurijoborōre jocarī, pū Juan Bautista yebaita, Jordán āmicuriya jiai, ūi jādovaquiyepē ayu ūre Jūmenijicuque. ¹⁴ Juan Bautista capūravu ūre jādovaiyabedejamedā. Que baru arejamedā Jesúre:

—Yure jauvu mi jādovaino ocoi Jūmenijicuque, ji āmeina teiye boje. Murecabu meacu baju. Que baru mure jaubevu ji jādovaino ocoi Jūmenijicuque, arejamedā Jesúre Juan Bautista.

¹⁵ Ubenita Jesúcapūravu arejamedā:

—Yópe Jūmenijicu dāicōjeiyepē daiye jauvu majare. Que baru mure jauvu mi jādovaino yure ocoi Jūmenijicuque, arejamedā ūre Jesús.

Que baru Juan Bautista jādovarejamedā Jesúre Jūmenijicuque no jiai. ¹⁶ Ūi jādovariburu yójiboi, maumena marejamedā Jesús jiare jocarī. Dinumumiareca vorī nurejavuya cavarō mearo Jūmenijicu cūrō. Aru Jūmenijicu Espíritu jurecope ēmeni tubacodadore ūi puenora jārejamedā Jesús. ¹⁷ Aru ina cūrivu noi jāpiarejaimada apeno yávainore, cavarō mearo Jūmenijicu cūrōque aiyede yópe: “Ñainecabe jímacu, ji ūmu. Me torojuvu yu ūre”, arejamedā Jesúre Jūmenijicu.

Abujuvai jabocu ūi Jesúre jujovarīduino

(Mr 1.12-13; Lc 4.1-13; He 2.18; 4.15)

4 Dinumure ūai Espíritu Santo nūvarejamedā Jesúre pōecubenoi, ūai abujuvai jabocu ūi jujovarīduiquiyepē ayu ūre. ² Aru cuarenta pajāravu, cuarenta paiñamia yéde āmenejamedā Jesús. Que baru no yóboi ānvé ijidejavuya ūre. ³ ūai jujovayu, Satanás āmicucu, earī, Jesús āuyaiyure coreóvarī, arejamedā ūre:

—Jāveneca Jūmenijicu mácu baru, aiyē dajacu iboá cūraboare, arejamedā.

⁴ Ubenita Jesúre arejamedā ūai abujuvai jabocure:

—Mi aiyepē dābevu yu. Jūmenijicu yávaiye ūi toivaicōjeiyepē báque coyuivu yópe: “Pōeva cūbenama ne aiyē matuiyeda. Quénora cūrājarama caiye Jūmenijicu yávaiyepē māre”, arejamedā Jesús.

⁵ Que arīburu yóboi, ūai abujuvai jabocu nūvarejamedā Jesúre Jerusalén āmicurímaroi. Ūre muri nure darejamedā Jūmenijicu cūrami puenora. ⁶ Aru arejamedā ūre:

—Jāve Jūmenijicu mácu baru, turī nūjacu yore jocarī, pū joborōita. Que baru Jūmenijicu yávaiye ūi toivaicōjeiyepē báque coyuivu mi borore yópe: “Jūmenijicu jarochuyame ūi ángelevare, ne corenajiyepē ayu mure. Jāmuórajarama mure ne pūrháque mi ijié tebequiyepē aivu mi cūbodore cūraboque”, arī toivarejaquemavu. Que baru mi turī nūru, yu jāñu buojachuyamu Jūmenijicu dayure yópe ūi aiyē báquepedeca, arejamedā Jesúre ūai abujuvai jabocu.

⁷ Aru Jesúcapūravu arejamedā ūre:

—Mi aiyepē dābevu yu. Jūmenijicu yávaiye ūi toivaicōjeiyepē báque coyuivu yópe: “Jujobejacu mi jabocu Jūmenijicure. Jādovaicōjemejacu ūi paruhéde”, arī toivarejaquemavu. Que baru yéde dābevu yu, jādovaicōjejurocu

ūi paruede. Majivu yu paruecre, arejameda Jesús.

⁸ Aru bediōva cojedeca ñai abujuvai jabocucapūravu nūvarejameda Jesúre. Cūracū ūmujuricū pñenoi jādovarejameda caiye ijāravñcaroā ñimaroare aru caiye die cūve méne máre. Aru arejameda úre:

⁹ —Caiye iye jabocubu yu. Que baru jíquijivu mure caiye iyede, mi ñuatutarí mearo jídu yure, arejameda Jesúre ñai abujuvai jabocu.

¹⁰ Dinumure Jesúcapūravu arejameda úre:

—Mi aiyepé dabevu yu. Aru mu, Satanás, maumena nujacu mu yure jocarí. Jūmenijicui yávaiye ñi toivaicōjeiye báque coyñivu yópe: “Mearore jíjacu mi jabocu Jūmenijicure aru úre cūinácura memecajacu yópe ñi үrōpe”, arejameda Jesús.

¹¹ Que baru ñai abujuvai jabocu nurejameda Jesúre jocarí. Aru ángeleva coreni cadatedejaimada úre.

Jesús Galileai ñi bueni buino

(Mt 3.2; 14.3; Mr 1.14-15; 6.17; Lc 3.19-20; 4.14-15; Jn 2.12)

¹² Dinumure Herodes ámicucu jabocu bñocicjenejameda Juan Bautistare. Die borore jápiayu bácu Jesús, nurejameda Galilea ámicuriyoboroi.

¹³ Nazaret ámicuriymarore dajocarí, nuri apeno joboroi, Zabulón aru Neftalí ámicuriyajuboa pöeyajuboacavu ne curioboroi, nurejameda Jesús. Caper-naum ámicuriymaroi cucusnurejameda, macajitabu urabu ñcarhi. ¹⁴ Nópe vaidéjavýya cūináturu Jūmenijicu ñi coyñicōjeiye báquepedeca ñi yávaiye coyñcaipóecu báture, Isaías ámicucure. Yópe arí, toivaicōjenejaquemavu ñmáture Jūmenijicu:

¹⁵ Zabulón aru Neftalí ámicuriyoboroi, Jordán ámicuriya apedave, jia uradacapūravui, Galilea ámicuro,

judíova ámevu ne cürötamu.

¹⁶ Ina pöeva ñeminoi dobarivu bácvu үrarö mearo miaðárore jådama. Ina pöeva bótainope painoi dobarivu bácvure, ne ûme yaijuroede, miaðáe tuivu náre, arejaquemavu Jūmenijicui yávaiyede coyñcaipóecu bácu.

Nópe ñi coyñiyede, yópe aiyurejaquemavu: Ina judíova ámevu Jūmenijicui yávaiyede jåvene majibedejaquemavu aru järavu cūiméjäravu baquinóre cùvabedejaquemavu Cristoi daquiye jipocai.

¹⁷ Dinumumiata bueni bárejameda Jesús. Yópe arí, coyure curejameda:

—Chíori dápiarií muje ámeina teiyede, oatuvajará muje daiyede. Muje nópe daiyede, maumena mujare jabotecuyume Jūmenijicu, are nurejameda Jesús.

Jesús ñi “Dajarä” aino yóvaicuvaivu moa boaipóevare

(Mt 9.35; Mr 1.16-20, 39; Lc 5.1-11)

¹⁸ Que teniburu yóboi, Jesús cuya macajitabu urabu Galilea ámicuriyitabu ñcarhi, járejameda pucará ñmuvare, Simóre aru Andrés ñmacumaquevure. Moa boarí bojedaipóeva marejáimada na. Que baru davaivu barejáimada ne pápicu uracure dibu macajitabu. ¹⁹ Ne que teiyede, Jesús arejameda náre:

—Dajarä yáque. Epequijivu mujare, muje davaräjjiyepo pöevare ji yebai, yópe muje moare davaiyepo pápicuque, ji meadaquiyepo náre, arejameda Jesús.

²⁰ Que ayure jápiarií, dajocarejaimada ne pápicuare, nñrajivu Jesúque. ²¹ Aru cuya cäreja, jipocai járejameda apevu pucará ñmuvare, Zebedeoí mårare, Santiago aru ñmacu Juan. ñmarejaimada népacuque ne jiadocui, meadaivu ne pápicuare. Járina, cuturejameda náre. ²² Quénora cùiná dajocarejaimada

dicüre aru nēpacüre máre, nūrajivu Jesúque.

Jesús ūi bueino obedivu pōevare

(Lc 6.17-19)

²³ Jesús bueyu barejáme Jūmenijichí yávaiyede caino Galilea āmicurijoboroi judíovai cójijiñamiai. Coyuyu barejáme iye yávaiye méne Jūmenijichí jaboteiyede pōevare. Aru meadayu barejáme pōevare caiye duica ijié coapa aru caino ijinore máre. ²⁴ Que baru caivu pōeva Siria āmicurijoborōcavu jāpiarejaquemavu Jesúi borore. Aru obedivu pōeva névu ijimarare meadarānūvarejaima Jesús yebai. Ina duica ijiéde cūvarivure, ijiéde nājivure, ijinore curivure, abujuva īmamarare, bidivure aburi ne jijecamure etaiyeque, aru nacajaiye majibevure máre meadarejame Jesús. ²⁵ Aru obedivu pōeva nūrejaima ūi yóboi, Galilea āmicurijoborōcavu, Decápolis āmicurōcavu, Jerusalén āmicurīmarocavu, Judea āmicurijoborōcavu, aru Jordán āmicurīya jia apeduvecavu máre.

Jesús ūi bueino obedivu pōevare cūracūi

(Lc 6.20-23; Hch 7.52; 1 P 3.14; 4.14)

5 Jesús jāñu ina obedivu pōevare, mūri nūrejamedá cūracūi. Noi ūi dobacunuiyede, buescuyu ūi bueimarare, ina pōeva nūrejaimada ūi yebai. ² Náre yópe arí bueni bárejamedá Jesús, ne majinajiyepo ayu aipe ārojarivure ina pōevare, Jūmenijicui jaboteimara mára-jivure. Yópe arejameda:

³ —Torojurājarama ina cōmajae ārojarivu ne ūmei, ne coreóvaiye boje ne baju āmeina teivu. Jūmenijicu ūi cādatebedu náre, bhojabema daivu mearore. Nárecabu Jūmenijichí jaboteimara. ⁴ Torojurājarama ina chioivu ne baju āmeina teive boje, aru ijāravucavu ne āmeina daiye

boje máre. Nárecabu Jūmenijichí torojure daquimara. ⁵ Torojurājarama ina “¿Meara márica ūja?” abevu, ne coreóvaiye boje Jūmenijicu jíyure caiye náre jauéde, ne cūvarājiyepo ayu méne, aru ne ārājiyepo ayu mearore. Mamajāravu edaquijāravu baquinóre, nárecabu Jūmenijicui mearore jícaquimara. ⁶ Torojurājarama ina teiyurivu boropatebevure Jūmenijichí jāinore, yópe ūuyaivu ne āiyure aru náre cūñóiyede ne ūcuiyure. Nárecabu Jūmenijichí boropatebede daquimara. ⁷ Torojurājarama ina cōmajae āroje jāivu apevure, ne coreóvaiye boje Jūmenijichí náre cōmajae āroje jāmenu, na máre nājijurorivure ne āmeina teive boje. Nárecabu Jūmenijichí cōmajae āroje jāquimara. ⁸ Torojurājarama ina pūcaūmea cūbevu, ne daiyue boje caiyede yópe Jūmenijichí үrōpe, ne baju үrōpe daiyubevuva. Nárecabu Jūmenijicure jārajivu. ⁹ Torojurājarama ina cārijimene daivu apevure, ne baju cārijimevuvu c̄ue boje Jūmenijichque. Nárecabu Jūmenijicu “Jímaramu”, ūi aquimara. ¹⁰ Torojurājarama ina pōeva apevü ne nājine daimara, ne daiye boje mearore yópe Jūmenijichí үrōpe dajocabevuva. Nárecabu Jūmenijichí jaboteimara. ¹¹ Torojurājaramu mūja pōeva Jūmenijicure ju abevu ne jaraiyede mūjare, ne nājine daiyede mūjare, aru ne borocurí āmeina coyuiyede mūjara máre, mūje yóvaiye boje yure. ¹² Me torojurājaramu mūja. Que teni boje үrārōre cūvarājaramu mūja cavarō mearo Jūmenijichí curōi. Nopedeca ina javecavu bácvu, Jūmenijicure ju abevu bácvu máre, nājine darejaquemavu ina Jūmenijichí yávaiyede coyūcaipōeva mácvure, mūje jipocacavu bácvure, arejameda Jesús.

“Yuquirare” aru “pēoibure” jári dápiarī ne dárājiyepo aino
*(Mr 4.21; 9.50; Lc 8.16; 11.33;
 14.34-35; Jn 8.12; 9.5; 1 P 2.12)*

¹³ Bedióva Jesús, yópe arī, buedejameda náre:

—Mujarecabu yópe yuquirape paivu ijāravni. Meadaivu maje áiyede yuquiraque. Nopedeca muja meara daivubu pōevare. Yuquira maje áiyede meadaivu. Ubenita yuquira ejue bíjaru, áiyede meadarī bhojabevu. Quédato pōeva jaruvadama diede mára, dimai cuivu ne curarājiyepo aivu diena.¹⁴ Mujarecabu yópe miadárope paivu ijāravni. Cuiñáro imaro cūracū pheñoi curō maru, ye yaveni bhojaino ámevu. Que baru caivu pōeva járajarama díimarore.¹⁵ Pōecu pēoibure pēoriburu yóboi, nōmemi dibure puebu cāchinoi. Quénora nōimi dibure jocuve pheñora. Que baru caivu diñami cūrami curivu járajarama me.¹⁶ Nopedecabu muje cue pōeva ne jainore. Ména cūjarā muja ijāravni, yócavu ne járajiyepo aivu muje mearore daiyede. Diede jári, coreóvarājarama aipe árojacure majepacu cavarō mearocacure. Aru “Meacabu mu”, arājarama ūre, arejameda Jesús.

Jesús ūi bueino Jūmenijicui jaboteiyede aru ūi daicōjeiyede

(Lc 16.17)

¹⁷ Cojedeca Jesús, yópe arī, buedejameda náre:

—“Jaruvacudayube”, arī dāpiabejarā yure iye daicōjeiyede Jūmenijicui coyuhiye báquede Moisés báçure, aru ina Jūmenijicui yávaiyede coyucaipōeva mácavu ne coyuhiye báquede máre. Diede jaruvacudabevu yu. Quénora mujare jádovacudayubu aipe aiyurōre, aru aipe daiye jaúrōre caiye diede jaubevuva.¹⁸ Que baru jāve coyuhyubu

mujare: Cuiñájāravu yo cavarō aru yo joborō máre cūiquíyebu. Ubenita caiye iye Jūmenijicui yávaiye, ūi toivaicōjeiyepo báque, ye cūiméquiyebu. Quénora caiye vaiquíyebu yópe Jūmenijicui toivaicōjeiyepo báquepedeca ūi yávaiyede.¹⁹ Caiye iye Jūmenijicui yávaiye, ūi toivaicōjeiyepo báque, jaúvua majare. Que baru caivu pōevare ju are daiye jaúvua caiye diede.

Ubenina yávabecubé Jūmenijicu. Ácu pōecu apejie ūi yávaiyede ju abede dabecu baru, aru apevure máre bueyu baru ne ju abede dabenajiye ayu, ūrecabe jaboteimu āmecuyu cavarō mearo Jūmenijicui curōi. Ubenita ácu pōecu caiye Jūmenijicui yávaiyede ju are dayu baru, aru apevure máre bueyu baru ne ju are dárājiyepo ayu, ūrecabe Jūmenijicui jaboteimu me pueadimu machuyu cavarō mearo Jūmenijicui curōi.²⁰ Que baru coyuhyubu mujare: Mearore daiye jaúvua mujare ina Jūmenijicui yávaiye báquede bueipōeva pueño aru ina fariseova pueño máre. Ne pueño Jūmenijicui ūrōpe dárī, mearore dabevu baru muja, ye Jūmenijicui jaboteimara āmenajaramu muja, aru cavarō mearo ūi curōi cùbenajaramu muja, arejameda Jesús.

Jesús ūi bueino pōeva ne jaraiyede

(Lc 12.57-59)

²¹ Yópe arī, buedejameda Jesús:

—Jápiadavu muja ina javecavu jápiaivu bácvare iye coyuhiye báquede yópe arī: “Pōevare boarí jaruvabejarā muja. Ácu pōecu apecure boarí jaruvayu baru, ūrecabe nájichuyu”, arejaquemavu.²² Ubenita yúcapúravu coyuhyubu mujare yópe: Ácu pōecu jarayu baru apecure, ūrecabe nájichuyu. Ácu pōecu “Árumecabu mu” ayu baru apecure, ūrecabe nájichuyu. Aru ácu pōecu “Jūmenijicure coreóvabecabu mu” ayu baru apecure, ūrecabe nájichuyu toabo

cūiméboi. Pōeva nópe āmeina yávaivu apecure āmeina dāivubu, yópe ne boarí jaruvajroope ūre.

²³⁻²⁴ Que baru mu nūvañu maru mi Jūmenijicure jícaquiyede ūi cūrami, aru nore earī, dāpiayu baru apecu chīoñure mi āmeina daiye boje ūre, epeni dajocajacu mi Jūmenijicure jícaquiyede iva ūre jícaquiyede juaiva jipocai. Nūjacu ūnai mi āmeina teimu yebai, jēniacuyu ūi ārūmetequiyepo ayu iye mi āmeina teiye báquede ūre copu. Mi cārijimene dārīburu yóboi ūque, copainuri Jūmenijicui cūrami, mi jícaquiyede jíjacu ūre.

²⁵ Apecu ūi āmecororu mure, aru ūi nūvaiyru mure jabova ne āmeina teivure jēniari jāiñami, maumena “Meadarājarev” ajacu ūre, ūi nūvamequiyepo ayu mure jabova ne āmeina teivure jēniari jāipōecure, aru ūi jēni jíbequiyepo ayu mure churaravare, aru ne jaruvabenajiyepo aivu mure āmeina teivure jēni jacoñami jīvni.

²⁶ Jāve couyubu mure: Ne buoru mure āmeina teivure jēni jacoñami, etabechuyumu mu caiye iye mi bojecube daiyede bojedayuta, arejamedá náre Jesús.

Jesús ūi bueino pōeva ne āmeina daiyede apecu némarebucuvaque

(Mt 18.8-9; Mr 9.43, 47)

²⁷ Bedióva Jesús buedejamedá, yópe arí:

—Jápiadavu mija ina javecavu jápiaivu bácvure iye couyiye báquede yópe arí: “Āmeina dabejarā mija apecu némarebucuvaque”, arejaquemavu.

²⁸ Ubenita yúcapūravu couyubu mujare yópe: Ácu pōecu jāñu maru nomiore, jēiyurí dāpiayu baru óre, ūrecabe āmeina dayu óque ūi que dāpiaiye boje.

²⁹ Que baru mu āmeina teyu baru mi jāiyede yacoru meapūravucarque, ūni jaruvajacu didure. Meaquiyebu bí-

jaru mure cūináru yacoru, Jūmenijicui jaruvabequiyepo ayu mi baju caibajure toabo cūiméboi.³⁰ Aru mu āmeina teyu baru mi daiyede puru meapūravucapuruque, burarí jaruvajacu dipurure. Meaquiyebu bíjaru mure cūinápuru, Jūmenijicui jaruvabequiyepo ayu mi baju caibajure toabo cūiméboi, arejamedá náre Jesús.

Jesús ūi bueino nomi jaruvainore

(Mt 19.7, 9; Mr 10.4, 11-12; Lc 16.18; 1 Co 7.10-11)

³¹ Bedióva Jesús buedejamedá, yópe arí:

—Jápiadavu mija ina javecavu jápiaivu bácvure iye couyiye báquede yópe arí: “Ácu pōecu jaruvayu baru jímarepacore, óre jíjacu ūcūnáyoca ‘Mure jaruvayubu yu’ aiyocare”, arejaquemavu.

³² Ubenita yúcapūravu couyubu mujare yópe: Ácu pōecu jaruvayu baru jímarepacore āmeina dabecoreca apecuque, ūrecabe āmeina dare dacuyu óre, ūi jaruvariburu yóboi caco baru apecuque. Aru ácu pōecu pūrūbhuoyu apecu ūi jaruvaimo mácoque, ūrecabe āmeina dayu óque oī mamarrumucacure jaruvarí, arejamedá Jesús.

Nópe ayu, “Nomi jaruvainore ubenita yu”, aiyucu barejaquémavu Jesús.

Jesús ūi bueino pōeva “Jāve dacuyumu” ne aiyede

(Mt 23.22; Stg 5.12)

³³ Yópe arí, buedejamedá Jesús:

—Jápiadavu mija ina javecavu jápiaivu bácvure iye couyiye báquede yópe arí: “Borocurí, ‘Jāve dacuyumu yu ji couyiyepe’, abejarā mija. Quénora dacajarā Jūmenijicure caiyede yópe mije couyiye báqupedeca ūre”, arejaquemavu.

³⁴ Ubenita yúcapūravu couyubu mujare yópe: Mije yávaiyede ye jēniamejara

apecure, ūi jádovaquiyepē aivu mūje coyuīye jävēne. Cavarō mearotamu Jümenijicu dobarō mearo curō. Que baru jēniamejara cavarō mearocacure, ūi jádovaquiyepē aivu mūje coyuīye jävēne.³⁵ Ijärvatamu yópe Jümenijicu cūboba thoinope, ūi cuedaiye báque boje ijärvare aru ūi pūrucuvāe boje caiyede. Que baru jēniamejara ijärvacacure, ūi jádovaquiyepē aivu mūje coyuīye jävēne. Jerusalén āmicuriūmarotamu Jümenijicu, ūi jabocu paruscu baju, ūi īmaro. Que baru jēniamejara Jerusalécacure, ūi jádovaquiyepē aivu mūje coyuīye jävēne.³⁶ Mūja oarī dābevu cūinámē mūje podamene boede aru ūnemiéne máre. Jümenijicu cūinácurecabe oarī dayu diede. Que baru jádovamejara mūje coyuīye jävēne mi jipobuque.³⁷ Que baru mūje yávaiyede ju ajarā aru bi ajarā quénora. Apejiene coyuīvā baru, āmeina dajebu. Ina borocurī yávavare jēniaiye jaūvu apesure, ūi jádovariduquiyepē aivu ne coyuīye jävēne. Übenita mūja jävēne yávavare jaubevu diede, arejamedā Jesús.

Jesús ūi bueino pōeva ne nájine daiyude ne mauvare

(Lc 8.29-30)

³⁸ Bedióva yópe arī, buedejamedā Jesús:

—Jápiadavū mūja ina javecavu jápiavu bácvare iye coyuīye báquede yópe arī: “Ácu pōecu ūi āmedaru apesui yacorure, ūi yacorure máre āmedajarā mūja. Aru ácu pōecu ūi āmedaru apesui cōpiyore, ūi cōpiyore máre āmedajarā mūja”, arejaquemavu.³⁹ Übenita yúcapūravu coyuīvbu mūjare yópe: Mauchvabearā ina mūjare āmedaivure. Quénora cūinácu pōecu ūi pēvaru mūje meapūravucaviobure, copedini pēvaicōjejara mūje cācopūravucaviobure máre.⁴⁰ Aru cūinácu pōecu ūi nūvaicōjenu

mūjare jabova ne āmeina teivare jēniari jáiñami, aru ūi āmecororu mūjare, jabocu ūi jícojequiyepē ayu mūjare mūje camisare ūnai pōecure, ūi nūvaicōjequiyepē jipocai, ūre jíjarā dicajede aru mūje pheuocacajede máre.⁴¹ Cūinácu churara ūi nūvacacajenu mūjare ūi cūvede cūinákilometro, yópe Romacavu ne jabova ne cōjeinope, nūvacajara diede pūcakilometros, diede daiyubevuvacari.⁴² Nai mūjare jēniañure jíjarā ūi jēniaiyede, bojedabecureca mūjare. Aru ūnai mūjenore “Jíjarā cāreja” ūi aru, ju arī jíjarā mūjare ūi jēniaiyede máre, jacopaiyovabecureca mūjare mūje jíye báquede ūre, arejamedā Jesús.

**Jesús ūi bueino maje
urōre maje mauvare**

(Lc 6.27-28, 32-36)

⁴³ Jesús buedejamedā cojedeca:

—Jápiadavū mūja ina javecavu jápiavu bácvare iye coyuīye báquede yópe arī: “Ujarā mūjevare aru ubejarā mūje mauvare”, arejaquemavu.⁴⁴ Übenita yúcapūravu coyuīvbu mūjare yópe: Ujarā mūje mauvare. Ina mūjare ūnjine daivare jēniacajara Jümenijicuque, ūi mearo dācaquiyepē aivu nāre.⁴⁵ Que daivu baru, majepacu cavarō mearocacu ūi mára marajáramu mūja. Ūpe paivu barajáramu mūja, mūje mearo daiyede mearare aru āmenare máre. Ūrecabe aviáre bōre dayu ina mearare aru ina āmenare máre, aru ocare dayu ina boropatebevare aru ina boropateivare máre.⁴⁶ Mūja, Jümenijicu pōeva, mūje ūru nāre ina ūrivare mūjare, Jümenijicu ye bojedabecuyume ména pōevare ne que daiyede. Ina máre, jabovare tāutura ūcaipōeva, āmeina daivuvacari, nōpe dādama.⁴⁷ Mūja, Jümenijicu pōeva, jacoyuivu baru mūjev u quévura, mearo dābevu mūja. Ina máre, judíova āmeina

daivūvacari, nōpe dādama. ⁴⁸ Que baru mūjacapūravu, cōmaje āroje jāri, mearore dājarā apevure jaūbevūva, yōpe majepacu cavarō mearocacu ū daiyepē, arejamedē Jesūs.

Jesús ūi bueino aipe daiye jaūrōre pōevare, ne cadatenajiyepē cōmaje ārojarivūre aino

(Mt 23.5)

6 Bediōva cojedeca Jesūs, yōpe arī, buedejameda:

—Me jājara mūja mūje daiyede mearore, cadatenajivu ina cōmaje ārojarivūre. Nāre cadatedu, jāicōjenajivu apevure mūje daiyede mearore. meamejebu. Nōpe dāru, majepacu cavarō mearocacu ye bojedabecūume mūjare.

² Que baru cainumua mūje jīcayede cadatenajivu ina cōmaje ārojarivūre, jibejarā caivu ne jāinoi, yōpe ina jujovaivu ne jīyepē. Nācapūravu jīyaima maje cōjījīnamai aru māi māre, jāicōjenajivu apevure, ne mearo yāvarājiyepē aivu nāra. Jāve coyūhbu mūjare: Nācapūravu javede cūvama ne boje caiyede. Apevu pōeva ne mearore jīye nāre, diebu ne boje matūye. Majepacu cavarō mearocacu ye bojedabecūume mūjare.

³ Nābenita mūjacapūravu, mūje jīcayede cadatenajivu ina cōmaje ārojarivūre, nāmene coyūbejara mūje daiyede. ⁴ Quénora cainumua jījarā yavenina, apevu ne coreóvabenajiyepē aivu. Nōpe dāru, majepacu cavarō mearocacu, ūnai jāñu mūje daiyede yavenina, bojedacūume mūjare mēna, arejamedē Jesūs.

Jesús ūi bueino aipe daiye jaūrōre pōevare, ne jēniarajiyepē Jūmenijicūque aino

(Mr 11.25-26; Lc 11.2-4; 18.10-14)

⁵ Yōpe arī, buedejameda Jesūs:

—Cainumua mūje jēniaiyede majepacu Jūmenijicūque, dabejarā yōpe ina jujovaivu ne daiyepē. Nācapūravu jēniadaima Jūmenijicūque, nūrivu maje cōjījīnamai aru tāibhāi māre, jāicōjenajivu apevure, ne mēna yāvarājiyepē aivu nāra. Jāve coyūhbu mūjare: Nācapūravu javede cūvama ne boje caiyede. Apevu pōeva ne mearore jīye nāre, diebu ne boje matūye. Majepacu cavarō mearocacu ye bojedabecūume nāre. ⁶ Ubenita mūjacapūravu, mūje jēniaiyede Jūmenijicūque, ecorī mūje cūramiai, jedevacobede bieniburu, apevu ne jāmenoi, jēniarajara majepacuque mūja coapa. Nōpe dāru, majepacu cavarō mearocacu, ūnai jāñu mūje daiyede yavenina, bojedacūume mūjare mēna.

⁷ Mūje jēniaiyede majepacu Jūmenijicūque, cūpecare nūmejara cūināromia borore mūje coyūhbede. Nōpe dādama ina judíova āmevu, Jūmenijicūre coreóvabevu, “Urarō ūnje coyūru Jūmenijicūre, jāpiaqujichābi ūnjare”, ne ubenina arī dāpiaiye boje. ⁸ Ne daiyepē dabejarā mūja. Mūje jēniarajije jipocai javeta coreóvabi majepacu cavarō mearocacu aipe jaūrōre mūjare. ⁹ Que baru yōpe arī, jēniarajara majepacu Jūmenijicūque:

Mu, ūnjepacu, cavarō mearocacu, meacu bajubu mu. Que baru caivu pōeva mūre puerā mearore jījarāri. ¹⁰ Bāre dājacu mu mi jabotequiyede pōevare. Caivu ijāravucavu dājarāri mearore yōpe mi үrōpe, yōpe ina cavarō mearocavu ne daiyepē mi үrōpe cainumua. ¹¹ Jījacu ūnjare jāravua coapa ūnje āiyeva. ¹² Aru ārumetejacu ūnje āmeina teiyede, yōpe ūnja māre ūnje ārumeteiyepē caiye apevu ne āmeina daiyede ūnjaque. ¹³ Ņai abujuvai jabocu ūi jujovajuroede ūnjare vaini

tūcōjemejacu ñujare, mūje dabenajiyepē āmenore. Quénora ñujare āmedare daicōjemejacu ñai abujuvai jabocure, arejamedā Jesús, náre bueyū Jūmenijicuque jéniaiyede.

¹⁴ Aru yópe arī, coyure nurejamedā Jesús:

—Mūjacapūravni ārūmetedu pōevare ne āmeina teiye báquede mūjare, majepacu cavarō mearocacūcapūravu máre ārūmetecuyume mūje āmeina teiyede. ¹⁵ Ubenita mūjacapūravni ārūmetebedu pōevare ne āmeina teiye báquede mūjare, majepacu cavarō mearocacūcapūravu máre ārūmetebecube mūje āmeina teiyede, arejamedā Jesús.

Jesús ūi bueino aipe daiye jaūrōre pōevare āmevūva āiyede ne jéniarajiyepē Jūmenijicuque aino

¹⁶ Yópe arī, buedejamedā Jesús:

—Mūje āmene āiyede jéniarajivu Jūmenijicuque, chīore cubejarā pōeva ne jāinore, ne coreóvarājiyepē aivu mūja āmevure āiyede, mūje jéniarajiyepē aivu Jūmenijicuque. Nópe dadama ina jujovaina. Nácapūravu chīore cuyama, jāicōjenajivu apevure ne ména yávarājiyepē aivu nára, ne āiyede āme boje. Jāve coyuhyu mūjare: Nácapūravu javede cuyama ne boje caiyede. Apevū pōeva ne mearore jīye náre, diebu ne boje matuiye. Majepacu cavarō mearocacu ye bojedabecuyume náre. ¹⁷ Ubenita mūjacapūravu, mūje āiyede āmene jéniarajivu Jūmenijicuque, chīore cubejarā. Quénora vaivéni mūje podare, cūitútujara mūje jivare. ¹⁸ Mūje nópe dāru, apevū pōeva coreóvabenama mūja āmevure āiyede. Quénora majepacu cavarō mearocacu cūinácura coreóvacuyume mūja āmevure āiyede. Aru ñai jāñu mūje daiyede yavenina,

bojedachuyume mūjare ména, arejamedā Jesús.

Jesús ūi bueino maje cūvarājiyede mearo bajure cavarō mearoita

(Lc 12.33-34; Stg 5.2-3)

¹⁹ Cojedeca yópe arī, buedejamedā Jesús:

—Vobejarā mūja urarō mūje cūvae méne ijāravui. Diede bocomiva āinomu, cura etainomu, aru ñavacurivu ecorí ñavainomu. ²⁰ Ubenita vojarā mūja urarō mūje cūvae méne cavarō mearo Jūmenijicu cūrōi, bocomiva ne āmenoi, cura etabenoi, aru ñavacurivu ne īmenoi máre. ²¹ Que baru mūje cūvae cūrōre dāpiarājaramu mūje ūmeque máre, arejamedā Jesús.

Jesús ūi bueino pōeva ne dainore ne dāpiainope

(Lc 11.34-36)

²² Cojedeca Jesús buedejamedā náre, ūque cūrivure:

—Pōeva ne yacorua, pēoinope, jāre daivu náre, ne memenajiyepē aino aru ne majinajiyepē aino āri ne nūiyede. Pōeva ne yacorua ijetedu náre, ye ne memeiyede aru ne nūiyede máre mājibenama. Aru pōeva ne ūme, yacorua paino, pēore daivu ne dāpiayede. ²³ Que teni pōecu cainamua dāpiayu baru ijāravuquede, ijetede daibi ūi ūmene, ūi dāpiabe boje cavarō mearo Jūmenijicu cūrōquede. Aru ñai pōecu ūi ūme bījacuyume. Que baru pōeva ne jāmenu ne yacoruaque āmenotamu. Ubenita pheño āmenotamu ne ūme ñemino maru, arī buedejamedā Jesús.

Jesús ūi bueino tāuturare urōre aru ubenore Jūmenijicure

(Lc 16.13)

²⁴ Yópe arī, buedejamedā Jesús cojedeca:

—Jūmenijicure aru tāuturare máre ārumejara mūja. Cūinácu pōecu Jūmenijicure ārucu baru, pare ārumemi tāuturare. Aru tāuturare pare ārucu baru, ārumemi Jūmenijicure. Que baru ñai tāuturare uscu baru, Jūmenijicure ubeschuyume, arejamedá Jesús.

Jesús ūi bueino Jūmenijicui coreiyede ūi pōevare
(Lc 12.22-31; 1 P 5.7)

²⁵ Bedióva yópe arī, buedejamedá Jesús:

—Que baru coyuyubu mūjare: Mūja ārurivu baru Jūmenijicure, cārijimejara mūja apurivu mūje ārajiyede, mūje ūcurajiyede máre. Aru cārijimejara mūja mūje bajure, mūje dorājiyede máre. Jūmenijicui apure daiye boje mūjare, jāve mūje āiyede máre cūvare dachuyume. Aru ūi cue daiye boje mūje bajuáre, jāve mūje doiyede máre cūvare dachuyume.

²⁶ Jārijide apa mūja ina mījinare. Majepacu cavarō mearocacu jíbi náre ne āiyeva, na otebevureca, aru oteiyede īmevureca, aru diede máre epebevureca oteiyede epeiñamia jívti. Aru caivu mījina obedivu pñeno bojecarivutamu mūja, Jūmenijicui pñeno ue boje mūjare. Que baru mūjare jauede jíchuyume ūi.
²⁷ Aru mūjacacu cārijinu maru, cūináora cūre ñarī majibei ūi cudee ijāravu. Que baru cārijiye meamevu mūjare.

²⁸ Que baru, ¿aipe teni cārijivurū mūja mūje dorājiyede? Jārijide apa mūja iye cónuare, dácarore. Die būciuyavu, mememevacari, aru ne cuitótecajeare máre naremeyvacari.
²⁹ Ubenita coyuyubu mūjare: Iye cónuá métamu, caiye icajea ñai jabocu bácu Salomón máchi cuitótecajea bojecuricajea pñeno. ³⁰ ¡Mūja pare quíjino jū aivubu Jūmenijicure! Jūmenijicui nópe mearo daibi iye cōriáre, caride dái cudee aru javenare pōeva ne juarājiyede. Nopedeca

Jūmenijicu jíchuyume mūjare mūje cuitótecajea meacajeare caiye iye cónuá pñeno. ³¹ Que baru cārijimejara mūja yéde mūje ārajiyede, mūje ūcurajiyede, aru mūje dorājiyede máre. ³² Ina judíova ámevu, Jūmenijicure jū abevu, cārijini vodama caiye iyede, ne ārajiyede, ne ūcurajiyede, aru ne dorājiyede máre. Aru majepacu cavarō mearocacu majibi caiye iye mūjare jauede. ³³ Ubenita vojarā mūja iye Jūmenijicui jaboteinoquede, mūje daiyué boje mearore yópe ūi ñaícojeiyepo. Aru Jūmenijicu jíchuyume mūje ārajiyede, mūje ūcurajiyede, aru cuitótecajeare máre. ³⁴ Que baru cārijimejara iye vaiquiyede mūjare javenare. Caijāravu coapa pōeva ñájínama ámenore. Que baru dápiajarā cari jāravuque ámenore, apejāravu edaquijāravuque ámenore dápiajebuvu, arī buedejamedá náre Jesús.

Jesús ūi pōevare apevure ámeccoricojemo

(Mr 4.24; Lc 6.37-38, 41-42)

7 Jesús, yópe arī, buedejamedá náre cojedeca:

—“Ámenatamu” arī, ámeccorobejara mūja apevure. Mūje nópe aru, majepacu Jūmenijicu ámeccororí, “Ámenatamu mūja” acuyume mūjare. ² Yópe mūje ámeccoroiyepo apevure, nopedeca mūjare ámeccorochuyume Jūmenijicu. Nópe mūje apevure jíyepedeca, jíchuyume mūjare Jūmenijicu. ³ Ùrarō ámeina teino mūje cūvaru, ámeccoroiye jaubevu apevü quíjino ámeina teivure. Nópe daiye yópe bájebu: Me jáivubu mūja mūjescu ūi docujje curore ūi yacorui. Ubenita jámevu mūja mūje ùrarō docucrōre mūje yacorui, mūjescure “¿Mi docujjene ñnaji mi cūvaede mi yacorui?” arī bñojabevu mūja. ⁵ ¡Jñjovaivutamu

muja! Mamarumu ījara muja muje ʉraro docucurore muje yacorure. No yóboi mearo jāivuta, ījara mujecu ūi docujene ūi cūvaede ūi yacoru. ⁶Jūmenijicu yávaiye pueno me bajure coyuejarā ina pōeva āmenare, diede jāpiarī eabevure. Nópe daru, yópe pōeva ne jíjuroepebu jiaruare yavimivare. Jiarua méne aru āmene máre coreóvaben, copedini cūñaima náre jívure. Nopedeca ina pōeva āmena, Jūmenijicu yávaiyede jāpiaiyuevut, āmedarājarama mujare diede coyurđuvure náre. Aru ji yávaiye méne, pueno bojecuede pōevare ne ūmei, buebejarā ina pōeva āmenare, diede jāpiarī eabevure. Nópe daru, yópe pōeva ne dūvajuroepebu cūrajiboa bojecurijiboa perla āmicurijiboare váriva ne jipocai. Nijiboare coreóvaben, curadaima nijiboare jobo jívn. Nopedeca ina pōeva āmena, ji yávaiye méne jāpiaiyuevut, āmedarājarama mujare diede bueniduivure náre, arī buedejameda Jesús.

Jesús ūi bueino aipe jēniaiye jaūrōre Jūmenijicuque aru aipe daiye jaūrōre apevure

(Lc 6.31; 11.9-13; Jn 14.13-14; 15.7, 16; 16.23-24; 1 Jn 3.21-22; 5.14-15)

⁷ Jesús coyurejamedá náre yópe:

—Jēniare nūjara Jūmenijicuque, aru jíchuyume muje jēniainore ūque. Vore nūjara ūre, aru earājaramu. Muje órejare nuiyede jedevacobei, Jūmenijicu voacachuyume mujare. ⁸Que baru caivu jēniainovu Jūmenijicuque cūvama ne jēniainore. Caivu voivu eadama ne voimure. Aru caivu órejaivure jedevacobei voaibi náre Jūmenijicu, arī buedejameda Jesús.

⁹ Aru cojedeca Jesús, yópe arī, buedejamedá náre:

—¿Muja juedocuvarivu, mujemacu ūi jēniaru mujare pāubore, jíje báríca muja ūre cūrabore? ¹⁰ Aru mujemacu ūi jē-

niaru mujare moacure, jíje báríca muja ūre ādare? ¡Que āmevu! ¹¹ Que baru muja āmena méne cūvaede jíni majepedeca mujemarare, majepacu cavarō mearocacu pueno méne cūvaede jíni majibi muja jēniaivure ūque.

¹² Que baru dājarā apevure yópe muje uepe daivure mujaque me. Nopedeca daicōjenejaquemavu Jūmenijicu pōevare ūi coyuhiye báquede ūi yávaiyede Moisés bácuré aru ina Jūmenijicu yávaiyede coyuecaipōeva mácavure máre, arejamedá Jesús.

**Jesús ūi bueino
jedevacobe quíjicobede
(Lc 13.24)**

¹³ Yópe arī, náre buede nūrejamedá Jesús:

—Ecojarā Jūmenijicu jaboteinoi, yópe muje ecoiyepé jedevacobé quíjicobé. Yópe jedevacobé ʉracobepé aru ʉrama maiyójabe ne cuimape, obedivu pōeva nūivubu, ne bíjarājiyede toabo cūiméboi. ¹⁴ Ubenita yópe jedevacobé quíjicobepé aru quíjima maiyójae ne cuima, obebejina nūivubu, ne meadarājiyede cavarō mearo Jūmenijicu ʉrōi, arejamedá Jesús.

**Jesús ūi bueino maje
majinore jocuhsa jēiduare**

(Mt 3.10; 12.33; Lc 3.9; 6.43-44)

¹⁵ Cojedeca Jesús buedejamedá náre, ne majinajiyepé ayu aipe ārojarivure bueipōevare:

—Me jājara ina Jūmenijicu yávaiyede coyuecaipōevape teivu, ʉbenina ne buenajiyepé aivu borochede. Námu yópe āimara jijecurivu lobova āmicurivupe paivu. Ovejavape teni ina lobova ecodama ne yebai, boarājivu náre. Nopedeca ina borochede bueivu, Jūmenijicure ju aivupe yávadama, ecorājivu muje yebai. Ubenita āmedaiyurivubu mujare muje ūmei.

¹⁶ Náre coreóvarājaramu maja ne daiyeque, yópe maje coreóvaiyepé jocucure dicu jéiduaque. Miuiña jémevu úyaiboare. Nopedeca jémevu higo āmicuridua miuñuare. ¹⁷ Jocuch meacu cūvavu jéidua mearuare. Übenita jocuch āmecu, āmeduare cūvavu. ¹⁸ Jocuch meacu cūbevu jéiyé āmene jícu. Aru jocuch āmecu cūbevu jéiyé méne jícu. ¹⁹ Caiye jocuchua jéidua mearua cūbedu, jiore memeipōecu coení jaruvajebu toaboi. Nopedeca Jūmenijicu ina borocuede bueivure nájine dacsuyume. ²⁰ Nopedeca coreóvarājaramu maja ina borocuede bueivure aru ina yávaiyede jávene bueivure máre ne daiyeque, arejamedá Jesús.

**Jesús ūi bueino caivu
ne ecobenajinore
Jūmenijicu jaboteinore**

(Lc 13.25-27)

²¹ Bedióva buede nurejameda Jesús:

—Caivu ina yure aivu “mu, níje jabocu”, übenita dabevuvacari yópe jipacu, cavarō mearocachu, ūi urópe, ecobenama ūi jaboteinore. Quévura ina ūi urópe daivu ecorājarama nore. ²² Anijáravu daquijáravu baquinóre obedivu pōeva, yópe arī, coyurājarama yure: “Mu, níje jabocu, níjarecabu Jūmenijicu yávaiyede coyuscaivu bácvavu, aru jaruvavu bácvavu abujuvare, aru ure pōeva ne darī majibede máre daivu bácvavu mi āmiái, mi paruquéque”, arājarama.

²³ Dinumu maquinóre náre coyuschuyumu yu: “Jívus āmevu muja. ¡Que baru caivu muja āmeina teivu nujara yure jocarī!” aschuyumu, arejamedá Jesús, náre ecoicōjemeccu Jūmenijicu jaboteinore.

**Jesús ūi coyusino pucadāmia
cūramia daivu bácvavure
(Mr 1.22; Lc 4.32; 6.47-49)**

²⁴ Cojedeca Jesús, yópe arī, buedejameda náre:

—Ina jápiaivu yure aru daivu ji cōjeiyepé daivubu yópe ūai cūramine dayupe jājaroi. ²⁵ Ocarī, jia yaborī, oco eaquemavu diñamine. Ürarō japusquemavu ūmevu. Übenita cūjibetequemavu diñami, jājaroi núe boje. ²⁶ Übenita ina jápiaivuvacari yure, dabevu baru ji cōjeiyepé daivubu yópe ūai cūramine dayupe jājamenoi. ²⁷ Ocarī, jia yaborī, oco eaquemavu diñamine. Ürarō japusquemavu ūmevu. Aru tāquemavu diñami. Ürarō bíjaino matequémavu, arī buedejameda Jesús.

Ūi nópe aiyede, yópe aiyusu barejaquémavu Jesús: Ina daivu yópe ūi urópe bíjabenajarama, übenita ina dabevu yópe ūi urópe bíjarajarama.

²⁸⁻²⁹ Aru Jesús ūi bueni buojaiyede, ina obedivu pōeva, ūi coyusiyede jápiaivu bácvavu ürarō dápiaři cuecumarejaimada, ūi bueye boje náre yópe paruscupe ina Jūmenijicu yávaiyede báquede bueipōeva pueño.

**Jesús ūi meadaino pojeyure
(Mr 1.40-45; Lc 5.12-16)**

8 Jesús ēmeñu mácure dicu cūracüre jocarī, obedivu pōeva nurejaimada ūi yoboi. ² Aru nurejameda Jesús yebai cūinacu pojeyu. Nūatutarī, arejameda ūre:

—Mu, ji jabocu, usu baru, meadajacu ji pojeyede. Bhojaivu mu meadayu yure, arejameda.

³ Dinumure Jesús, ūi puruque jabióvarī thoayu, arejameda ūre:

—Uvu yu. Caride meatejacu mu, arejameda Jesús.

Aru maumejiena Jesús ūi que aiyede, meatedejamedá. ⁴ Jesús coyuicōjemecu apevure arejamedá:

—Cūiná, nūri Jerusalén āmicurií-maroi, jádovajacu sacerdotede. Aru jíjacu mi meateye boje, yópe Jūmenijicui daicōjeiyede ūi coyuiche báquepe Moisés bácre, pōeva ne coreóvarājiyepo ayu mi meateinore, arejamedá ūre Jesús.

Jesús ūi meadaino churaravai jaboci yebacacure

(Mt 22.13; 25.30; Lc 7.1-10; 13.28-29)

⁵ Jesús ūi ecoiyede Capernaum āmicuriímaroi, cūinácu ūmu, cien paivu churaravai jabocu, nurejame ūi yebai. Yópe arī, jéniañu marejáme, ūi cadatequiyepo ayu:

⁶ —Mu, ji jabocu, cūinácu ji yebacacu cubi cūrami, parayu, nacajaiye mājibecu. Aru pare nájiñume ū, arejame Jesúre ūai jabocu.

⁷ Aru Jesús arejame:

—Yúvacari ūre meadacudaquijivu, arejame Jesús.

⁸ Ubenita ūai jabocu arejame Jesúre:

—Mu, ji jabocu, meacabu mu. Ubenita yácapúravu āmecutamu. Que baru darí ecobejacu ji cūrami. Quénora coyjacu mi cōjeinore. Aru ji yebacacu meatechuyume. ⁹ Yurecabu cuchu ne cōjeiyequem ina ji jabora. Aru cūvavu churaravare, ji cōjeimarare. Nácacu cūinácu “Nújacu” ji aríburu, nūimi ū. Aru “Dajacu” ji aríburu, daibi ū. Aru ji daicōjenu apejíene ji yebacacure, daibi ū, arejame Jesúre.

Ūi que aiyede, “Ijiéde cōjeipōecubu mu” aiyucu barejaquémauvu Jesúre.

¹⁰ Que ayure jápiarí, pare dāpiarejame Jesús. Aru jári ina nūivure ūi yóboi, arejame:

—Jāve coyuichu mūjare: Eabevu cāreja majacacure, Israecacure, me ju ayure yure yópe ūai churaravai

jabocure. ¹¹ Coyuichu mūjare: Darājarama pōeva cainoa joborōacavu, yure ju aipōeva. Dobarājarama tuoiva yebai, ārajivu Jūmenijicui jaboteinoi ūi pōevaque, Abrahāque, Isaaque, aru Jacoque máre. ¹² Ubenita obedivu mūjacavu, judíova, ina cūjurorivu bácavu noi, jaruvaimara marajárama nēminoita, ne ju abe boje yure, ne coatenajiyepo ayu yure jaruvári. Chioivu orí mautenajarama nore. Aru jararí cōpi cūrajarama na, arejame Jesús.

¹³ Dinumumareca arejame Jesús:

—Copainijacu mu mi cūrami. Jave dacavu yu yópe mi jéniaiyepo. Jave mi yebacacure meadavu yu, mi ju aiyeye boje yure, arejame Jesús.

Aru dinumumareca meatedejamedá ū.

Jesús ūi meadaino Simón Pedroi vácore

(Mr 1.29-31; Lc 4.38-39)

¹⁴ Jesús nurejamedá Simón Pedroi cūrami. Ecoyu bácu noi, jārejamedá Pedroi vácore, moimo paradore. ¹⁵ Ōi yebai nūri, óre tħorejamedá Jesús ūi puraue. Aru dajocarejavu yámo noī ōre. Dinumumia nacajari, aiyede meadari jidejacoda ina noi cūrivure.

Jesús ūi meadaino obedivu ijimarare

(Mr 1.32-34; Lc 4.40-41)

¹⁶ Dinañumica ūamijie baji, jabuóvai-jāravu vaiyede, ina īmarocavu nūvarejaimada Jesús yebai obedivu abujuva ne īmamarare. Ina abujuvare yávarí jaetovarejamedá Jesús. Aru caivu ina ijimarare máre meadarejameda. ¹⁷ Caiye iye nōpe vaidéjavu yáca cūinátu Jūmenijicui coyuicōjeiyepo báquepedeca ūi yávaiyede coyuicaipe bácu, Isaías āmicuchu, ūi aiyeye báquede Jūmenijicui epequimura: “Urecabe maja parubevure meadayu, aru majare ijiéde jaruvayu”, arejaquemavu Isaías bácu Jesúra.

Apevu Jesúque ne nuiyuriduino

(Lc 9.57-62)

¹⁸ Jesús ina obedivu pöevare jáñu ū yebai, jataicōjenejame ūi bueimarare.

—Járica, macajitabu urabu apeduvei nurevu, arejame Jesús.

¹⁹ Dinumu cūinácu Jūmenijicu yávaiye báquede bueipöecu ūi yebai nuri, arejame:

—Mu, bueipöecu, máque nūquijivu yu caino mi nūnoita, arejame Jesúre.

²⁰ Aru Jesús arejame ūre:

—Macayavimiva cūvama ne cobeá. Aru mījina cūvama ne juairoa. Ubenita yu, Jūmenijicu daroimu mácu ūmupe, ji curō cūvabevu, arejame Jesús.

²¹ Apecu, ūi bueimu, arejame ūre:

—Mu, ji jabocu, mamarumvre jaruvaquijivu cāreja jipacure cūracobei, ūi yaiyede. No yóboi máque nūquijivu, arejame Jesúre.

²² Ubenita Jesúcapúravu arejame:

—Dajacu yáque. Ina yaivu bácvare paivu, ne jápiabe boje Jūmenijicu jaboteinoque yávaiyede, jaruvajarāri ina yaivu bácvare, arejame Jesús.

Jesús ūmevare ūi býaroino

(Mr 4.35-41; Lc 8.22-25)

²³ Jesús jatuyu jiadocui, ūnjare ūi bueimara máre jaturejacarā.

²⁴ No macajitabu urabure jataivure jasurejavu ūmevu parurō baju. Aru pācaiboa coiyede jiadocui, buidéjavu dicure oco. ²⁵ Ubenita Jesús cānu marejáme. Que baru ūi yebai nuri, yópe arí, coedavarejacarā ūre:

—Mu, ūnje jabocu, meadajacu ūnjare! ¡Coivubu maja! ¡Býarajivubu maja! arejacarā ūnja.

²⁶ Aru Jesús arejame ūnjare:

—¿Aipe teni jidurivurū muja? ¿Aipe teni “Jesús meadacuyume ūnjare”, abevurū muja? arejame ūnjare Jesús.

Dinumure nacajari, jararejame ūmevare. Iboá uraboa pācaiboa býarejavu. Aru cārijimene darejame ū. ²⁷ Cuecumari, urarō dāpiarejacarā. Aru arejacarā ūnje bajumia:

—¿Yéchba ūnai, yópe cōjeñu ūmevare aru macajitabure máre ju aimu? arejacarā ūnja.

Jesús ūi meadaino ūmava abujuva ne īamarare

(Mr 5.1-20; Lc 8.26-39)

²⁸ No macajitabu urabure jatarí nuri, apeduvei Gadara āmicurōi earejacarā ūnja. ūnje maiyede jiadocure jocarí, pucarā ūmava, abujuva ne īamarara, Jesúre copu nurejaima. Cūracobeari, pöeva ne yaivu bácvare jaruvainoi, curivu barejaquémava na. Ne pare jijecue boje, pöeva ye oabedejaquémava vaivu nore. ²⁹ Aru býié codoboborejaima:

—Mu, Jesús, Jūmenijicu mácu, ¿yéde ucurū ūnjaque? ¿Ūnjare ūnjine dacuyurū Jūmenijicu abujuvare ūnjiavaquijäravu jipocamia? arejaima.

³⁰ Joabenoi aivu barejáima obedivu oteivāriva. ³¹ Aru jéniarejaima ina abujuva Jesúre:

—Ūnjare jaetovayu baru, coicōjejacu ina oteivārivar, arejaima.

³² —Coranūjara nára, arejame Jesús.

Aru etarí, corejaima ina oteivārivar. Cúyarí nuri, turejaima cūracu ēmeinoi, macajitabu urabui. Turi, corí, býarejaima na. ³³ Aru ina oteivāriva mácvare coreipöeva cuyarí nurejaima, coyurājivu uraímarocavure caiye iye vaiye báquede ina pucarā abujuva ne īamarara mácvare. ³⁴ Caivu no īmarocavu copu nurejaima Jesúre. Aru ūre jári, “Nujacu mu” arí parurōque, etaicōjenejaima ūre ne cūrōre jocarí.

**Jesús ūi cure daino
nacajaiye majibecure
(Mr 2.1-12; Lc 5.17-26)**

9 No yóboi Jesújā jiadocūi jaturī, macajitabu ұrabure jatarī, earejaimada ūi īmarore. **2** Apevū ūmua nūvarejaimada ūi yebai cūinācu ūmu, nacajaiye majibecure, ūi parainoque. Coreóvayu bácu Jesús náre ja aivure ūre, arejamedá ñai nacajaiye majibecure:

—Mu, ji ұмұ, chīomejacu. Mi āmeina teiyede jarūvarī, diede ārūmeteivu yu, arejamedá Jesús.

3 Apevū Jūmenijicu yávaiye báquede bueipōevacavu nore curivu, “Nai ūmū Jūmenijicu ұbenore daibi. Jūmenijicupe páyu teibi ū”, arī dāpiarejaimada na ne ūmei. **4** Ұbenita Jesús jāri, coreóvarī ne dāpiaryede ūre, jēniari jārejameða náre:

—¿Aipe teni āmeno dāpiaivurū muja? **5** Maiyójabevu yópe aru apecure, “Mi āmeina teiyede jarūvarī, diede ārūmeteivu yu”, ji paruēde jādovame boje, ji que coyuhiyede. Ұbenita maiyójarōtam u nacajari cuiçojenu nacajaiye majibecure. Ūre cure dayu baru, jādovaquijivu ji paruēde. “Mi āmeina teiyede jarūvaivu” ji aiyede, coreóvabevu muja Jūmenijicu ārūmeteinore diede. Ұbenita ñai cūvacu Jūmenijicu majié paruēde, ūrame yópe dāri jādovaiye majicu. Quécura Jūmenijicuvacari meadarí majibi ijimarare. **6** Que baru muje majinajiyepé ayu Jūmenijicu daroimu mácu ūmupe, yu, paruēde cūvacure ijāravure, jarūvacuyu āmeina teiyede, yópe daquijivu yu, arejamedá Jesús.

Dinumua arejamedá nacajaiye majibecure:

—Nacajari, mi parainore īni, nūjacu mi cūrami, arejamedá ūre Jesús.

7 Dinumuma, yópe Jesús ūi daicōjeiyepedeca dārejamedá. **8** Ina obedivu pōeva

diede jāri, cuecumari, mearore jídejaimada Jāmenijichre, ūi nōpe parure daiye boje ūmure.

Jesús ūi “Dajacu” aino Mateore

*(Mt 12.7; Mr 2.13-17;
Lc 5.27-32; 15.1-2)*

9 Jesús ūi vaiyede jārejame yure, Mateore, dobacure ji memeitucubu, pōeva ne Roma āmicurō jaboteino bojedainoi. Aru arejame yure, “Dajacu yáque”. Que baru nacajari, nūrejacacu ūque. **10** No yóboi, Jesús ūi ācunuiyede ji cūrami, obedivu jabovare tāutura īcaipōeva, āmeno daipōeva, aru ūi bueimara máre dobarejaima, ārajivu ūque. **11** Apevū judiova, daicōjeiyede daiye cōmajivu, fariseo āmicuriyajubocavu, cūrejaima nore. Ina fariseovacavu, Jūmenijicu yávaiye báquede bueipōeva, Jesús ānure jārejaima ina jabovare tāutura īcaipōevaque aru āmeno daipōevaque. Aru arejaima ūi bueimare:

—¿Aipe teni ānūma jabovare tāutura īcaipōevaque aru āmeno daipōevaque máre? jēniari jārejaima nūjare.

12 Que aivure jāpiarī, Jesús arejame:

—Meara pōevare juoipōecui caðateiyе jañbevu. Quénora ijimarare ūi caðateiyе jañvu. **13** Buejarā muja, coreóvarājivu me cūinācu Jūmenijicu yávaiyede coyucaipōecu báchi toivaiye báquede. Yópe arī, toivaicōjenejaquemavu Jūmenijicu ū mácure: “Ūvu yu muje cōmajé āroje jārajiyepé ayu apevure, muje yure jícaiyepé pueno”, arī toivaicōjenejaquemavu. Dabedejacacu yu ijāravu, cutuchuyu mearare ne baju dāpiainore. Quénora darejacacu yu, meadacuyu āmenare, ne chīorajiyepé ayu ne āmeina teiyede, Jūmenijicu ārūmetequiyepé ayu diede, arejame Jesús.

**Põeva ãmevúva ãiyede ne
jénaino Júmenijicúque
(Mr 2.18-22; Lc 5.33-39)**

¹⁴ Dinum Juan Bautistai bueimara, Jesús yebai nuri, jéniari járejaima ūre judíova ne ñarí cõmajiye, ne jéni- aiyede Júmenijicúque ãmevúva ãiyede:

—¿Aipe teni ñuja aru ina fariseova máre ãmevúba ãiyede, ûbenita mi bueimara ãmevú ãmema ãiyede? arejaima.

¹⁵ Jesú jévari coyurí, arejame náre:

—Ina purubuoyu ñi cutuimara ne torojuve tenajiyepo ayu ñi purubuoyede, ye chïomenama ñi cuede cäreja náque. Que baru ãmevú ãmema ãiyede. Nopedeca ji bueimara torojurivu ji cuede náque, ãmevú ãmema ãiyede. Ùbenita ji mauva ne ñuvavarajiyede yure, ji bueimara chïovu ãmenajarama ãiyede, arejame Jesús.

¹⁶ Cojedeca Jesús buedejame náre:

—Põeva jéomema cuitótecaje mamacaje joabecajei javecarõre. Nópe ñaru, no jéoicajeva mamacaje jadevajebu javecarõre. Que ñaru, pñeno baju járojebu codeicobe. Quédeca ñname bñojabema ju aivu ji bueiye mamaene aru javeque bueiyede máre. ¹⁷ Põeva yuabema vino ñyaicorore mamacorore ãimacaje curubu javecacurubuque. Que ñaru, codeóvajebu dicurubure. Yurí bñajebu dicoro. Aru bñajebu dicurubu máre. Ùbenita ne yuaru mamacorore mamacurubuque, bñjabebu dicoro aru dicurubu máre. Quédeca ñname bñojabema ñaivu yópe ji bueiye mamaepe, ñare ñuivu baru yópe ne jave ñaive báquepe, náre arí buedejame Jesús.

**Jesús ñi nacovaino Jairoi
máco bácore aru ñi meadaino
nomió ñájiñore jiveque
(Mr 5.21-43; Lc 8.40-56)**

¹⁸ Jesú ñi coyhiyede náre, cùinácu maya judíova maje jabovacacu darí, puerdarí, ñuatutarejame Jesús jipocai. Que teni yópe arejame:

—Carijie yaibico jímaco. Ùbenita yáque darí, tñojacu óre mi puruque, oí apucojiyepo ayu, arejame Jesúre.

¹⁹ Ñi que aiyede, Jesús nacajari, ñurejame ñque, ñuja ñi bueimaraque.

²⁰ Ñuje vaivári ñuiyede, obedivu põeva jéneboi curejaquemavu cùináco nomió, ijimo doce paiñuha baju jive yuiyeque. Jesús yóboi nuri, jéni járejaquemavu ñi doicaje turuvará.

²¹ Yópe arí dápiarejaquemavu ó: “Yü jéni jádo maru ñi doicajede, quénora ñimedacoðomu yu”, arejaquemavu ó. ²² Ùbenita Jesús copedini, óre jári, arejame:

—Mu, ji umo, torojuñaco. “Ù meada-aiye majibi yure”, arí dápiarebu mu. Que baru mi que arí dápiaiye boje, meadaivu mure, arejame óre Jesús.

Aru dinumumareca ico nomió, ijimo máco, meatedejaquemavu.

²³ Jesús eayu ñai judíovai jabochi cùrami, pedu japuivure aru obedivu põeva bñjíe oivure járejame. ²⁴ Náre etaicõeñu arejame:

—Etajará muja. Ico jñedoco yaiyó ãmemico. Quénora cädotame, arejame Jesús.

Náre nópe arejame Jesús, ñi ma-jié boje ñi nacovaquinore óre yainore jaruvará. Ñi que aiyede, yñridejaima ūre. ²⁵ Ñi etavaríburu yóboi ina põevare, ecorejame Jesús jñedoco bácoi cùritucubu. Ó mácoi purure jénejamedá. Aru nacajarejacoða ó, apuco cojedeca. ²⁶ Aru ñi que ñaive borore jápi-arejaimada caivu põeva dijoborócau.

**Jesús ūi meadaino pucarā
ūmava jāri eabevure**

²⁷ Jesús ūi dajocarī nuiyede nore jocarī, pucarā ūmava, jāri eabevu, darejaima ūi yóboi. Būjié, yópe arī, codoboborejaima:

—Mu, David bácu pāramecu, Jūmenijicu daroimu mácu, ūuje jabocu bacuyú, ūujare cōmaje āroje jājacu mu, codoboborī are nurejaima na.

²⁸ Jesús ūi ecoiyede cūrami, ina pucarā jāri eabevu darejaima ūi yebai. Aru jēniari jārejame náre:

—¿Dápiaivurū muja yure meadaiye majicure? arejame.

—Júju, ūuje jabocu, majivu ūuje mure meadaiye majicure, arejaima na.

²⁹ Dinumu ne yacoruarā tuorī, arejame:

—Meatejarā muja. Yópe muje ju aiyepa dacaivu yu mujare, arejame Jesús.

³⁰ Que dayure, jārejaima ina jāri eabevu bácavu. Parurōreca Jesús apevure coyūcōjemenidurejame náre:

—Ñamene coyūbejarā iye ji meadaiyede mujare, aridurejame.

³¹ Ubenita cūná, etaivu bácavu diñamine jocarī, coyūrejaimada caivu dijorōcavure Jesús ūi meadaiye báquede náre.

**Jesús ūi meadaino
yávaiye majibecure**

(Mt 10.25; 12.24; Mr 3.22; Lc 11.15)

³² Ina pucarā jāri eabevu bácavu ne etaiyede, cūnácu ūmu, yávaiye majibecure, davarejaima apevü Jesús yebai. Ñai ūmu abujucu ūi imamu marejaquémanu. ³³ Jesús ūi jaetovaríburu yóboi ñai abujucu ūi imamu mácu. Caivu ina obedivu pöeva Jesús ūi nöpe daiyede jāivu bácavu, cuecumari, utarō dápiarí aivu barejaima:

—Javede pu cari jāravuita ye jāmevu ūuje iyepa paiye daiyede yore, ūuje joborō, Israel āmicurijoborōi, arejaima.

³⁴ Ubenita ina fariseova yópe are curejaima Jesúrā:

—Abujuvai jaboci parhéque jaruvaibi abujuvare, arejaima ubenina.

Jesús ūi cōmaje āroje jāino pöevare

(Mt 4.23; Mr 1.39; 6.34; Lc 4.44; 10.2)

³⁵ Jesús buede nurejame cainoa imaroai aru imajinoai máre. Judíova ne cójijiñamai bueni, coyuyu barejáme iye yávaiye méne Jāmenijicu jaboteiyede pöevare. Aru meadayu barejáme caiye duica ijié coapa aru caino ijinore máre.

³⁶ Úi jāiyede pöeva chioivure ne ūajiyi boje aru ne baju cadateiye majibe boje, cōmaje āroje jārejame náre, yópe ovejava náre coreipöecu cübevure paivure. ³⁷ Que baru ūuje ūi bueimarare arejame Jesús:

—Obedivu pöeva curivubu, Jāmenijicu yávaiye méne majibevu cäreja, muje buenajimara iye yávaiye méne, ūi meadäquiyepa aivu náre. Ubenita obebevu memecaivubu Jāmenijicure.

³⁸ Que baru jēniajara ūque, ūi bueicōjequiyepa aivu apevure ūi yávaiye méne ina diede coreóvabevure cäreja, arejame ūujare Jesús.

**Jesús ūi beoino ūi yávaiye
méne coyūcōjeimarava**

(Mr 3.13-19; Lc 6.12-16)

10 No yóboi Jesús órejarejame doce paivu ūujare ūi bueimarare. Aru parure darejame ūujare, ūuje jaetovarājiyepa ayu abujuvare aru ūuje meadarājiyepa ayu caiye duica ijié coapa aru caino ijinore máre. ²⁻⁴ Ñujare beorī epedejame ūi yávaiye méne beorī coyūcōjeimarare: Mamarumu Simón, ūi āmidoimu mácu Pedro, aru Andrés, Simón Pedroi yócu; aru Zebedeoí mácu Santiago, aru Santiago

yócs Juan; Felipe aru Bartolomé; Tomás aru yu, Mateo, jabolare tāutura ūcaipōecu bácu; Santiago, Alfeoi mácu, aru Tadeo; Simón, ámicuču Celote, aru Judas Iscariote máre. Ñai marejáme jéni jíscuyu Jesúre ūi mauvare. Ñuja marejacárá Jesús ūi yávaiye méne beor̄ coyuñicōjeimara.

Jesús ūi jaroino ūi bueimarare

(Mt 11.24; Mr 6.7-13; Lc 9.1-6; 10.4-12; Hch 13.51; 1 Co 9.14; 1 Ti 5.18)

⁵ Ñuja doce paivure jarocuyu barejáme Jesús, ñuje coyurájiyepo ayu Jūmenijichu jaboteinoquede yávaiye méne. Yópe arī, majicarejame ñujare ūi jarouiye jipocai:

—Judíova ámevu ne joborðai nūmeara. Aru Samaria ámicurijoborðoque ñamaroare ecobejará muja. ⁶ Quénora coyuránujara muja mahevure, ina judíova, Israel báchi pārarenare. Jūmenijicui yávaiyede jápiaben, ūi urópe dabeni, ūre jaboteicōjemema na. Que baru ovejava mamateivu paivubu na. ⁷ Muje nūiyede yópe arī: “Jūmenijichu jabotecuyume pōevare maumejiena”, arī coyuñarā náre. Meadajarā ijimare. Nacovajara yaivu bácvure yainore jaruvári. Meadajarā pojeivure. Aru jaetovajará abujuvare ne ñimamarare jocarī. ⁸ Bojecubeda jívu yu muje paruēva, muje meadarājiyepo ayu pōevare. Que baru meadajarā náre bojecubeda. ⁹ Nuvamejara tāuturare muje jārióicávai. Úrure, platare, aru cobrede máre nūvamejara. ¹⁰ Curubhare máre, muje curánuri cüve nūvajúroricurubhare, nūvamejara muja. Aru pñacajea muje cuitótecajeare, curaidoare, aru tuturiteyoare máre nūvamejara muja. Memecaipōecure bojedaiye jauvu ūi memeinore. Que baru ina muje meadaimara márajivure jíye jauvu mujare jauéde.

¹¹ Ímaroi muje eaiyede, vor̄ eajarā cūináču pōecure, ne puedaímure, jápi-aiyacure muje coyuñiyede. Úque cujarā muja ūi cūrami pñ dajocarī nūivuta nore jocarī. ¹² Muje ecoiyede cūrami, diñamicavure jacouyarā muja, jéniacaivu Jūmenijicque ūi mearo dacacuypere aivu náre. ¹³ Na meara maru, náre mearo dacacuyume Jūmenijichu yópe muje jéniayepo. Úbenita na ámena maru, náre mearo dacabecuyume ū. ¹⁴ Apecu ūi copu etabedu mujare, aru muje coyuñiyede jápiayibedu máre, pñrejarā jobore mujare jéiyede muje cùboba cächinoi ūi jáiyede, muje etaiyede ūi cùramine jocarī, no ñamarore jocarī máre. ¹⁵ Jáve coyuñubu mujare: Ina Sodomacavu bácvu aru ina Gomorracavu bácvu máre pare ámeina daivu barejaquémanu. Úbenita diñmarocavu mujare copu etabevu nájinajarama nócvu bácvu pñeno baju, Jūmenijichu nájiovaquijárvu baquinóre pōevare, ne ámeina teiye boje, arejame Jesús, ñujare jaroyu.

Jesús ūi coyuñino ūre ju aivu ne nájiyede

(Mt 9.34; 12.24; 24.9, 13; Mr 3.22; 13.9-13; Lc 6.40; 10.3; 11.15; 12.11-12; 21.12-17; Jn 13.16; 15.20)

¹⁶ Jesús coyre nurejame ñujare, yópe arī:

—Jájara. Jaroivu yu mujare ijárvacavu jéneboi, yópe ovejava nūiyede áimara jijecurivu jéneboi. Ávaivubu majá judíova: Áda me majibi, aru jureco jijecubebico. Que baru ádape me majijarā, aru jurecope jijecubejarā pōevaque, muje coyuñiyede náre. ¹⁷ Me jájara muja. Mujare jéni nūvarajarama jabova ne ámeina teivure jéniari jáiñami. Jara popenajarama mujare majá judíova majé cójijiñamiai. ¹⁸ Aru mujare nūvarajarama cōjeipōeva ne jipocai aru jabova ne jipocai

máre, yure maje jü aiye boje, maje coyuräjiyepa aivü ji borore náre aru ina judíova ámevure máre.¹⁹ Ne jéni nüvaiyede mujare ámeina teivure jénari jáinami, “¿Aipe coyuräjidi náre?” arí cáríjimejara maja. Dinumü maquinómareca majinajaramu maje coyuräjiyepa mujare jaúéde.²⁰ Coyujarä maja yópe majepacu Espíritu üi dápiare daquiyepa aivü dinumü maquinóre.

²¹’Mujare, yure jü aivure, ina yure jü abevü ubenajarama. Que baru ümü jéní jíchuyame jíbchare o ímacchre máre, jabova ne boarí jaruvaicöjenajiyepa ayü üre. Aru nopedeca jípacu jéní jíchuyame mamachre. Aru nopedeca némara jü abeni nébucchvare maucavarí boarájarama náre.²² Caivü mujare, yure maje jü aiye boje, jorojini járajarama cainoa joboröacavü. Ubenita ñai jü ayü yure üi yainumüita, ü machuyáme ji mead-aimü.²³ Cüináro ímarocavü ne ñájine daiyede mujare, dupini nüjara maje apeno ímaroi. Jäve couyuybu mujare: Yü, Jümenijicu daroimü mácu ümire, copaidacchuymu maje coyurí bubaräjiye jipocamia ji yávaiye méne cainoa majé ñamaroa, Israeque ñamaroa.

²⁴’Ina bueimara ñame majibema náre bueipöecu pñeno. Aru ina memecaivü ñame parubema ne jaboci pñeno.²⁵ Ñai bueimüre vaiye jaunü caiye iye üre bueipöecu vaiye báquede. Aru ñai memecayure vaiye jaunü caiye iye üi jaboci vaiye báquede. Pöeva ámeina yávaivü baru cürami upacure, pñeno baju ámeina yávaräjarama üi cürami-cavure. Quédecabu ina yure jü abevü “Abujuvai jaboci pñu” aiyurí yure, ámidovü Beelzebüre. Que baru mujare majicayubu: Pñeno baju ámeina yávarí ñájine ñaräjarama mujare, arejame ñujare Jesús.

Jesús üi couyino pöeva ne jiduräjimüre

(Mr 4.22; Lc 8.17; 12.2-7)

²⁶Ñujare couyre nürejame Jesús:

—Pöevareca jidübejarä maja. Caiye yaveiye báque jároquiyebu. Aru dupióvaiye báquede máre majinajarama caivü pöeva.²⁷ Caiye ji couyiyede mujare ñeminoi, pöeva ne jápiabede, coyujarä pöevare miadároi, ne jápiayede. Aru caiye maje jápiayede, pöeva ne jüjuvaiyede, couyjarä obedivü pöevare ne cójijinoai.²⁸ Jidübejarä ina boarí jaruvaivure maje bajure, ubenita maje ümene boarí jaruvaivu oabevure. Quénora jidüjarä Jümenijicure, ñaine maje bajure aru maje ümene máre, bijarorí majicure toabo cüiméboi.

²⁹Yócavü bojedaivü pñacajna míjina quíjinare cüinátrava tauturaturava bojecübeturavaque. Ubenita cüinájicu nácacu turíburu joboröita üi yaidú, majepacu Jümenijicu tñicöjeimi üre. Jümenijicu üi tñicöjemenu cüinájicu nácacchre joboröita, tñbecchuyame.³⁰ Aru caiye iye podamea cñede maje jipobui majibi majepacu Jümenijicu.³¹ Que baru jidübejarä. Maja bojecürvutamu caivü míjina obedivü pñeno. Que baru Jümenijicu cñejemenu, ámeno vaibequiyebu mujare, arejame ñujare Jesús.

Jesúre jü aivure aru jü abevure couyino

(Lc 12.8-9; 2 Ti 2.12)

³²Yópe arí, couyre nürejame Jesús:

—Caiye ina jü aivure yure pöeva ne jáiyede, yü máre náre jü acuyumu jipacu, cavarö mearocacu, üi jáinoi.³³ Ubenita caivü ina jü abevure yure pöeva ne jáiyede, yü máre náre jü abecübu jipacu, cavarö mearocacu, üi jáinoi, arejame Jesús.

Jesús ūi coatede daino pōevare

(Mt 16.24-25; Mr 8.34-35; Lc 9.23-24; 12.51-53; 14.26-27; 17.33; Jn 12.24-25)

³⁴ Cojedeca Jesúś, yópe arí, buedejame ūnjare:

—Dápiabejarā mūja yu dayu bácare, cārijimene dacuyu ijárvacavure. Dabe-dejacacu yu ijárvni, cārijimene dacuyu mūjare. Quénora darejacacu yu, pōevare coatede dacuyu, apevu yure ne ju aiye boje ūbenita apevu yure ne ju abe boje. ³⁵ Ji daiye báque boje, macacu maucuvacachume jípacure, aru macaco maucuvacodome jípacore, aru macacu márepaco maucuvacodome ñi vācore máre. ³⁶ Que baru pōecu ūi cūramicavacaribu ūi mauva márajivu.

³⁷ Ácu pōecu jípacure o jípacore ucu baru ji pueno, ū bhojabebi jícu bacuyu. Ácu pōecu mamaçure o mamaçore ucu baru ji pueno, ū bhojabebi jícu bacuyu.

³⁸ Ácu pōecu daiyacu yáque, dajocajacurí pōeva ne mearo jáiyede ūre, chye-bejacurí yure yóvaiyede, aru jidubejacurí ūi nájiquiyede. Nópe dabecu baru, ū bhojabebi jícu bacuyu. ³⁹ Ñai pōecu ūi baju uröpe dárí, meadaiyacu baru ūi bajure, coatecuyume ūi bajure Jūmenijicure jaravarí, yópe yaiyá báçupe ūi ūmei. Ūbenita ñai pōecu, “Ye baju ámevu, ji yaidú Cristore boje” ayu, ūi baju uröpe dabecuva quénora ji uröpe dárí, ūrecabe ji meadaquim, cuchuyu Jūmenijicuque cainumha, ūnjare arí buedejame Jesúś.

Pōeva bojedaimara ne baju daiyepo

(Mr 9.37, 41; Lc 9.48; 10.16; Jn 13.20)

⁴⁰ Jesúś buedejame ūnjare cojedeca:

—Ñai pōecu copu etaivu baru mūjare mūje coyurānchiyede ji yávaiye méne, yure máre copu etaibi ū. Aru ñai pōecu copu etaivu baru yure, copu etaibi ñai yure daroyure máre. ⁴¹ Ñame copu etaivu cūinácu

Jūmenijicu yávaiyede coyuscaipōecure, Jūmenijichu bojedacuyume náre yópe ūi bojedaiyepedeca ñai ūi yávaiyede coyuscaipōecure. Aru ñame copu etaivu cūinácu ūmua meacure, Jūmenijichu bojedacuyume náre yópe ūi bojedaiyepedeca ñai ūmua meacure. ⁴² Jáve coyusybu mūjare: Ñai pōecu jíyacu cūinácu jororure ocoque, cadatecuyu cūinácu ji bueimaracacure, parubecureca ūi yóvaiye boje yure, jáve býabecuyume ū Jūmenijicu bojedaiyede ūre, arí buedejame Jesúś.

Juan Bautista ūi jaroimara Jesúś yebai

(Mt 17.10-13; Mr 9.11-13;

Lc 7.18-35; 16.16)

11 Jesúś ūnjia doce paivu ūi bueimarare majicarí bhojayu bácu, nore jocarí nurejame dijoborócaímaroai, pōevare buecuyu aru coyusybu ūi yávaiye méne.

² Dinumhure Juan Bautista ñai jabocu Herodes ūi bhoimua marejámeda. Cure-jamedá āmeina teivure jéni jacoíñami jívui. Noi cuchu, jápiarejamedá Cristo ūi daiye borore. Que baru jarorejamedá apevu ūi bueimarare Jesúś yebai. ³ Jēniari jácōjenejamedá náre yópe:

—¿Jáveneca máru Juan Bautista “Ji yóboi dacuyume apecu coyurópecu” arí, ūi buevacamu? ¿Úi que arí buevacamu āmenu, corenajidi ūnjia apecure? aicōjenejamedá náre Juan Bautista.

⁴ Ne que aríburu yóboi, Jesúś ju ayu arejame náre:

—Nuri coyujarā Juan Bautistare mūje jáiyede aru mūje jápiaiyede caride: ⁵ Ina jári eabevu bácvu jári eadama aru ina cuiye majibevu bácvu cuyama caride. Ina pojeivu bácvu meama aru ina jápi-abevu bácvu jápiadama caride. Ina yaivu bácvu nacovaimara yainore jaravarí apuma cojedeca caride. Aru cōmajae arojariyure coyusybu iye yávaiye méne,

Jāmenijicui meadaiyede pōevare.⁶ Aru torojūbi ñai jū arī dajocabecu yure, arejame nāre Jesús.

⁷ Ina daroimara ne nuriburu yóboi, Jesús Juan Bautistai borore yávarí báyut arejame ina obedivu pōevare noi curivure:

—Jāve jāranumeteavu mūja cōriáre ūmevu japuiyede pōecubenoi.⁸ Aru jāve jāranumeteavu mūja pōescu cuitótecaje meacajede doyure máre pōecubenoi. Majivu mūja ina doivure cuitótecajea meacajeare curivure cainumha jabolai cūramiai.⁹ Quénora jāve jāranumavu mūja cūinácu Jāmenijicui yávaiyede coyucaipōecure. Jāve coyucaipōecure. Jāve coyucaipōecure. Jāquemavu mūja Jāmenijicui yávaiyede coyucaipōecure pheno meacu bajure.¹⁰ Juan Bautistabe ñai Jāmenijicui toivaicōjeimu mácu ūre coyucaipōecu báture:
Jaroivu yure coyucaipōecure mi jipocai,
üi meadakuipyepo ayu pōevare, ne
copu etarājiyepo ayu mure, nope-
deca pōeva ne meadaiyepo cuimare
ñai ūmhu, ne pueñaimu, üi daquiye
jipocai, arī coyucaipōecure mi jipocai,
Jāmenijicu.

¹¹ Jāve coyucaipōecure. Cūbebi apecu Jāmenijicui yávaiyede coyucaipōecu meacu baju Juan Bautista pheno, ina ijāravure pōeteivu jēneboi. Ubenita caivu Jāmenijicui jaboteimara üi mearo dācaimaramu Juan Bautista pheno. Aru nācachu ubeni cūcu máre Jāmenijicui mearo dācaimume Juan Bautista pheno, arejame Jesús.

¹² Aru yópe arī, buede nurejame:

—Anijāravu bácarō Juan Bautista Jāmenijicui yávaiyede üi coyucaipōecu būijāravumata pu caride máre, obedivu pōeva parurō dādama, ecoiyurivu Jāmenijicui jaboteinore. Aru pōeva Jāmenijicure jū abevu parurō dādama, cūiné daiyurivu üi jaboteinore.¹³ Juan Bautista üi

curinumture cūrejaquemavu Jāmenijicui daicōjeije Moisés báture toivaicōjeni bueiye báque aru ina Jāmenijicui yávaiyede coyucaipōecu mácavu toivarí bueiye báque Jāmenijicui jabotechuyure üi pōevare.¹⁴ Aru ji coyucaipōecu mūje jū aiyuru, coyucaipōecu mūjare: Juan Bautistarecabé ñai Jāmenijicui yávaiyede coyucaipōecu Elíape páyuchacuyu Jāmenijicui epequimu üi daquiye jipocamia.¹⁵ Me jápiajarā mūja iye ji bueiyede, arejame Jesús.

¹⁶ Aru yópe arī, buede nurejame:

—¿Yéque jēvari coyucaipōecure? ¿Aipe ārojari na? Juedova tāibui dobarivupebu, yajurajivu nácamque. Aru yópe aivupebu:¹⁷ “Japuvu ñuña yuriainore. Ubenita upabetevu mūja. Yuriavu ñuña chiore daiyede. Ubenita obetevu mūja”. Aru nōpe ijāravucavu máre cārijinama na.¹⁸ Que baru Juan Bautista üi daiyede, üi āmeni aru ūcumeni teiyede, “Abujucure cūvabi”, ūra ubenina aivubu mūja.¹⁹ Aru Jāmenijicui daroimu mácu ūmupe, ji daiyede, arī aru ūcuri teiyede yópe caivu apevupé, “Ñai ūmhu urarō arī üi vainí tuiyeta, aru urarō ūcuri üi pacoteiyeta, yóvaibi āmenare aru jabolare tāutura ūcaipōevare máre”, yurā ubenina aivubu mūja. Que baru mūja máre, ijāravucavupedeca cārijivubu. Ubenita Jāmenijicui majiédé pōeva jādama ūre jū aivunque, arejame Jesús.

Apeīmaroacavu ne jū abeno Jāmenijicure

(Mt 10.15; Lc 10.12-15)

²⁰ Apeīmaroai ure pōeva ne dāri majibede darejame Jesús. Ubenita nōcavu chiomani ne āmeina teiyede, oatuvabedejaima ne daiyede. Que baru Jesús, yópe arī, jijateni bárejame ina īmaroacavure:

²¹—Muja, judíova, Corazícavu, āmeno ñájinajaramu muja! Aru muja, judíova, Betsaidacavu máre, āmeno ñájinajaramu muja! Pöecu ūi dāru pöeva ne dāri majibede yópe ji daiyepo muje jáiyyede, judíova āmevu Tirocavu aru Sidócvu máre ne jáiyyede, nócavu jave chiori ne āmeina teiyede, oatuvajebu ne daiyede. Neminicajeare dorí, ūapenare taorí ne jipobui, jádovajebu ne chiori dápiaiyede. ²²Ubenita yu coyuhyabu mujare: Muja ñájinajaramu Tirocavu aru Sidócvu pheeno baju, Jümenijicu ñájiovaquijárvu baquinore pöevare, ne āmeina teiye boje. ²³Aru muja, judíova, Capernaucavu, jave nūmenajaramu muja cavarō mearo Jümenijicu cüröi. Quénora muja nūrajaramu toabo cūiméboi. Ina Sodomacavu bácvu āmena bajuvacari, jáiyyu bácvu baru pöeva ne dāri majibede, yópe ji daiye báquepe Capernaui, chiori ne āmeina teiyede, oatuvajebu ne daiyede. Aru na mácvure bíjare dabejebu Jümenijicu. ²⁴Ubenita yu coyuhyabu mujare: Ina Sodomacavu bácvu pare āmeina teivureca, ne pheeno ñájinajaramu muja, Jümenijicu ñájiovaquijárvu baquinore pöevare, ne āmeina teiye boje, arejame Jesús.

Jesús ūi jabuóvare daiyue pöevare

(Lc 10.21-22; Jn 1.18; 3.35; 10.15)

²⁵Dinumumareca Jesús, yópe arí, coyuhejame Jümenijicure:

—Mu, jipacu, cavarō mearocavu ne jabocu aru ijárvacavu ne jabocu máre, mearore jívu mure, mi jádovame boje caiye iye ji coyuhejede ina majidivure aru mi jádovaiye boje caiye iyede ina majibevure. ²⁶Mu, jipacu, mearore jívu mure mi nöpe daiye boje, arejame Jesús.

²⁷Jümenijicure coyuři bhojarí, Jesús arejame ūujare, ūque curivure:

—Jipacu Jümenijicu yure majide daibi caiyede, aru parure daibi máre. Name majibema yure, quénora majibi jipacuva. Name majibema jipacure quénora majivu yu, aru na máre ina ji majide daimara. ²⁸Caivu muja uetuvu muje dārduiye boje yópe Jümenijicu daicōjeiyede, dajarā ji yebai. Jabuóvare daquijivu mujare diede jocarí, muje cárrijimenajiyede auyu. ²⁹Ju ajarā yure aru ji coyuhejede máre. Buejarā ūque ji bueiyede. Majicaicōjejara mujare yure, darājivu ji daiyepo. Yu cōmaje ároje jáñumu pöevare. “¿Meacu bárica yu?” arí dápiabevu. Que baru yu jabuóvare daquijivu mujare muje ūmene. ³⁰Ju arí yure, ji coyuhejede máre, maiyójabevu mujare. Muje daiye majibede daicōjemevu mujare, arejame Jesús.

**Jesúi bueimara ne phyoino
oteiyede jabuóvaijárvu**

(Mt 9.13; Mr 2.23-28; Lc 6.1-5)

12 Apejárvu, judíovai jabuóvaijárvu sábadoi, ūuja Jesújá vaidéjacarā oteiyede cüröi. ūuja ūi bueimarare ūváe ijidejavá. Que baru die oteiyede jení phyorí ãrejacarā ūuja. ²Aru apevu fariseovacavu ūuje nöpe daiyede jári, arejaima Jesúre:

—Jájacu. Mi bueimara maja judíova maje daicōjemenope dāri, āmeno daivubu jabuóvaijárvure, arejaima.

³Ubenita Jesús, ūi dápiaiyede boje ūuja āmeno dabevure, arejame náre:

—Jáve árumetenaru muja yo David báchi daino mácarore ūváe ijiéde ūre aru ūque curivure máre? ⁴U mácu ecorejaquemavu Jümenijicu cármi. Aru ãrejaquemavu páure, Jümenijicure jíye báquede, ina sacerdoteva ne ãiyede, sacerdote ãmecu bácvacari. Aru jídejaquemavu ūque curivure máre, sacerdoteva ãmevu bácvureca. Ubenita Jümenijicu ñájine ñabedeaquemavu na má-

cavhre. ⁵ ¿Aru jāve ārūmetenarū mūja Jūmenijicui daicōjeiyede sacerdotevare ūi toivaićōjeiye báquede Moisés bácre? Ina sacerdoteva memeivvacari Jūmenijicui cūrami jabuóvaijāravhare, āmeno dabema na. ⁶ Yh coyuñbu mūjare: Ji cuede mūje jēneboi mearotamu mūjare, mūje Jūmenijicui cūramine cūvae pheno. ⁷ Mūja ji bueimarara “Āmeno dāinvbu” abejebu, majidivu bácavu baru aipe aiyurōre iye Jūmenijicui yávaiyede toivaićōjeiye báquede: “Uvh yu mūje cōmaje āroje jārajiyepo ayu apevhere, mūje yure jícaiyepo pheno”, arī toivaićōjenejaquemavu Jūmenijicu. ⁸ Yh, Jūmenijicui daroim u mácu ūmupe, jabocabu yu. Que baru daicōjeni bhojaivu yu pōevare ne daiyede caijāravhare aru jabuóvaijāravhare máre, arejame Jesús.

Jesús ūi meadaino ūmu āmuve jiacubecure

(Mr 3.1-6; Lc 6.6-11; 14.5)

⁹ Nore jocarī nurejacarā ūvja, Jesújā. Aru cūinádamí judíovai cójijiñamí ecorejacarā. Noi cūrejame cūinácu ūmu, āmuve cūinápūrvu jiacubecu. ¹⁰ Apevuh fariseovacavu jēniari jārejaima Jesúre:

—¿Mi dāpiaru, meadaicōjeini Jūmenijicu jabuóvaijāravu sábadoi? arejaima na.

Nópe arejaima, boro coyuñ adaiyuridivu ūre.

¹¹ Jesús arejame náre:

—¿Ácu mūjacacu ūi oveja turu cobe jívui, cūiná jēni īmeje bárica ūre judíovai jabuóvaijāravu, mūjare memeicōjemejāravure? ¡Pōecu bojecucutame oveja pheno! ¹² Que baru Jūmenijicu mearore daicōjeimi pōevare jabuóvaijāravu sábadoi. Aru yu meadayu baru ūnai ūmure caride, mearo dajebu yu, arejame Jesús.

¹³ Nópe ayuva, ūnai ūmu āmuve jiacubecure arejame:

—Jabióvajacu mi āmuvede, arejame. Ūi jabióvaiyede, meatedejavu ūi āmuve, yópe aperūravacāāmuvepe. ¹⁴ Que teni ina fariseova etaivu bácavu cójijidejaimada. “Boarí jaruvarājarev”, arī dāpiaivu barejáimada Jesúre.

Isaías bácu coyuñcaimu Jesús

¹⁵ Jesús coreóvayu ina fariseova ne boarí jaruvarājude ūre, náre dajocarī nurejame nore jocarī. Obedivu pōeva cujurejaima ūi yóboi. Aru caivu nácavu ijimarare meadarejame Jesús. ¹⁶ Yávaicōjemenidurejame náre apevure, ne coreóvabenajiyepo ayu ūi daiyede. ¹⁷ Caiye iye nōpe vaidéjavu cūinátuру Jūmenijicui coyuñcōjeiye báquepedeca ūnai Isaías āmichu ūi yávaiyede coyuñcaipōecu bácre. Yópe arī, toivaićōjenejaquemavu ūmácre Jūmenijicu:

¹⁸ Jápajarā. ūnaim yure memecayu, ji beoim u mácu. ūrecabe ji ūmu. ūque torojuvu yu ji ūmei. ūre darocchymu ji Espíriture, ūi cōjequiyepo ayu yure memecayu ūi dāpiaiyede, ūi coyuñyede, aru ūi daiyede máre. Que baru coyuñchymu yure memecayu judíova āmevure aipe dāri bhojaivure, boropatebenajivu ja jāinore. ¹⁹ ūrecabe ādamatebecu, cođobobobecu mái, aru órejabecu ūmaroacarō tāibui. ²⁰ Napiñu cādatecchymu ina parubevure. Aru cōmaje āroje jāñu meadachchymu ina ijimara yaijororivure. Nōpe dachchymu ph ūi vainí turiburu yóboita āmenore jaruvarī, ūi jaboteiyeta. ²¹ ūrecabe pōevare meadarī bhojayu. Que baru ūre napini corenajarama ina judíova āmevuh ūi meadaquiyepo aivu náre, arī toivaićōjenejaquemavu Isaías bácre Jūmenijicu.

“Abujuvai jaboc̄hi paruede c̄habibi ū arī, ne boro coyurī adariduino Jesúre”

(Mt 9.34; 10.25; Mr 3.20-30; 9.40; Lc 11.14-23; 12.10)

²² Dinumure apevū davarejaima cūinácu ūmure, abujuc̄ ūi īmamure, Jesús yebai. Nai ūmu jári eabecu aru yávaiye majibecu barejáme. Aru ūre meadarejame Jesús. ²³ Ūi que dāiyede, caivū ina pōeva, nōcavū, cuecumari arejaima:

—¿David báchi pāramecu, Jūmenijic̄hi epeimū mácu maje jaboc̄ bacchuyá bárica ūnai? jēniari járejaima ne bajumia.

²⁴ Ubenita ina fariseova, jápiaivū pōeva nōpe ne couyiyede, yópe arejaima:

—Nai ūmu c̄habibi Beelzebúre. Que baru abujuvai jaboc̄hi parueque jaetovaiyi abujuvare, arejaima na.

²⁵ Jesús coreóvayu ne dāpiaiyede, arejame náre:

—Cūináro jaborōcavū ādamateivū baru ne bajumia, ina jaborōcavū cūinájarama na. Aru nopedeca cūináro īmarocavū o cūinádami c̄ramicavū máre ādamateivū baru ne bajumia, dīmarocavū o diñamicavū máre cūinájarama na. ²⁶ Aru nopedeca bájebu ūnai abujuvai jaboc̄, jaetovayu baru abujuvai jaboc̄ure. Ādamateyu bájebu ūi bajuma. Aru jaetovayu baru abujuvare, joe paruc̄ c̄bejebu ū. ²⁷ ¿Ji jaetovaru abujuvare ne jaboc̄hi parueque, ūnamei parueque jaetovaidi mūjacavū abujuvare? Que baru mūjacavū, abujuvare jaetovaivū, jādovadama mūjare mūje borochede yure ubenina. ²⁸ Ubenita Jūmenijic̄hi Espíritu Santo ūi parueque jaetovayu abujuvare. Que baru jādovaivū yu Jūmenijic̄hi jabolteyure mūjare.

²⁹ Ubenita bhojaino āmevū ecoivū ūnai ūmu paruc̄hi c̄ramine, ūnavarajivū ūi c̄vaede. Mamarumure ūre bhorī, que

daivū bácahvta bhojaivū ūnavavu ūi c̄vaede, arejame Jesús.

Nópe ayu, Jesús yópe aiyuc̄ barejaquémavu: Uvacari parub̄i abujuvai jaboc̄ pheño, ūi jaetovaiye boje abujuvare pōevare jocarī.

³⁰ Aru Jesús arejame:

—Nai yóvabecu maucuvabi yure. Aru ūnai apevūre yóvare dābebi yure, náre mauchvare dāibi yure.

³¹ Que baru couyubu mūjare: Jūmenijic̄hi ārumetecchuyume caiye iye mūje āmeina teiyede, aru caiye iye ūre āmeina yávaiyede máre. Ubenita ácu pōecu ūi yávaru āmeina ūnai Espíritu Santore, aipinum Jūmenijic̄hi ārumetebecube ūi āmeina teiyede. Quédato boropatechuyume, bījacchuy Jūmenijic̄hure jocarī cainumua. ³² Que baru caivū ina āmeina yávavure yure, Jūmenijic̄hi daroimū mácure ūmure, Jūmenijic̄hi ārumetecchuyume ne āmeina teiyede. Ubenita ina āmeina yávavure ūnaine, Espíritu Santore, Jūmenijic̄hi ārumetebecube ne āmeina teiyede, ijāravure aru daquijāravu baquinóre máre, arejame Jesús.

Jesús ūi bueino maje majinore jocuc̄ha jēiduare

(Mt 3.7; 7.20; 15.18;
23.33; Lc 3.7; 6.43-45)

³³ Cojedeca Jesús, yópe arī, buedejame:

—Jocuc̄ meach cūvavu jēidua mearuare. Ubenita jocuc̄ ūmecu, ūmeduare cūvavu. Que baru coreóvaivubu iye jocuc̄hare dichá jēiyeque. Nopedeca mūja coreóvarī bhojaivubu yure ji dāiyeque. ³⁴ ¡Mūja, ūjovavu, ādavape paivubu mūja! Mūjarecabu dāpiaivū ūmene. Que baru ūme matuiyede yávavubu mūja. Aru méne yávarī bhojabevu mūja. ³⁵ Nai pōecu meach yávavubé méne, ūi ūmei mearo c̄ue boje. Aru ūnai

pōecu āmecu yávayubē āmene, ūi ūmei āmeno c̄e boje. Que baru pōecu yávaibi ūi jijecamuque ūre c̄eude ūi ūmei. ³⁶ Coyuyubu mūjare: Jūmenijaravu daquijāravu baquinó Jūmenijichu ñájiovaquijāravu baquinore pōevare, ne āmeina teiye boje, caivu ubenina yávaiu bácvure ñajine dacchuyume Jūmenijicu, ne nōpe yávaiye báque boje. ³⁷ Mūje yávaiyeque jādovaivubu aipe mūje dāpiaiyede. Que baru Jūmenijicu bojedacchuyume mūjare yópe mūje yávaiyepo. Mūje mēna yávaru, mūjare boropatebevure jāchuyume Jūmenijicu. Ubenita mūje āmeina yávaru, mūjare boropateivure jāchuyume ū, arī buedejame Jesús.

Pōeva ne dārī majibenore Jesúre dāicōjeniduino

(Mt 16.1, 4; Mr 8.11-12; Lc 11.16, 29-32)

³⁸ Dintumure apevu ina Jūmenijichu yávaiye báquede bueipōevacavu aru apevu fariseovacavu máre yópe arīdurejaima Jesúre:

—Mu, bueipōecu, Jūmenijichu mājéque dārī jādovajacu pōeva ne dārī majibenore, arīdurejaima.

³⁹ Ubenita Jesúcapūravu yópe arejame nāre:

—Āmena bajutamu mūja. Jūmenijichure dajocaiyurivubu mūja yópe nomiō āmeco ūi dajocaiyepo jímarepacure jocarī. Que baru jēniariduvubu ji jādovaquiyepo aivu Jūmenijichu mājéque dainore, pōeva ne dārī majibenore. Ubenita jāmenamu apenore Jūmenijichu dainore mūjare, quénora yo Jonás mācure vaino mācarōre. ⁴⁰ Yópe Jonás māchi c̄ue báquepe moacu uracu yapiubu jívui yóbecurijāravu aru yóbecuriñamia máre, nopedeca yu, Jūmenijichu daroimu mācu ūmure, c̄uchuyumu joborō jívui yóbecurijāravu aru yóbecuriñamia máre.

⁴¹ Aru Jūmenijichu ñájiovaquijāravu baquinore pōevare, ne āmeina teiye boje, ina ūmava mācavu, Nínivecavu bácvu, nacajarajarama mūja ijāravucavuque, aru āmecororājarama mūjare, yure mūje ju abe boje. Aru ina Nínivecavu bácvu chīori ne āmeina teiye báquede oatuvarejaquemavu, jápiaivu bácvu Jonás māchi coyuhiyede Jūmenijichu yávaiyede. Ubenita Jonás māchi majié p̄ueno baju bueyubu yu. ⁴² Aru Jūmenijichu ñájiovaquijāravu baquinore pōevare, ne āmeina teiye boje, ico jaboco, aviā daino cācopūravucaco báco, nacajacodome mūja ijāravucavuque aru āmecorocodome mūjare, yure mūje ju abe boje. Ó māco darejaquemavu joarō joborōre jocarī, jápiacođo ūai Salomón māchi coyuhiye báquede ūi mājéque. Ubenita Salomón māchi majié p̄ueno baju bueyubu yu, arejame Jesús.

Jesús ūi coyuhiño abujucu copainore (Lc 11.24-26)

⁴³ Bediόva cojedeca Jesús, yópe arī, buedejame:

—Abujucu etayu bácu ūmure jocarī, voibi ūi jabuóvaino penenoi, pōecubenoi. ⁴⁴ Ubenita jabuóvaino eabecu baru, copaiyubi ūai ūmu, ūi etaimu mācurecata. Aru copaini dayu, eaibi ūai ūmu meacure, yópe cūrami oeni meadaiñamipe páyure. ⁴⁵ Que teni nūñi, nūvaimi apevu siete paiva abujuva ūi p̄ueno āmenare. Aru ne ecoiyede ūai ūmure, āmedadama ūre p̄ueno baju. Nopedeca vaiquiyebu ijāravucavu āmenare. Ñajinajarama yóbocajāravuare ne mamarumu ñájiye báque p̄ueno, arejame Jesús.

Jesús ū jina ne voino ūre (Mr 3.31-35; Lc 8.19-21)

⁴⁶ Jesús ūi coyuhiyede ina pōevare, jípaco aru ūi yóva máre ūque

boroteiyurivu edarejaimada ūi curōi. Ubenita judevamia mautedejaimada na.⁴⁷ Aru cūinácu nore cuchu arejame Jesúre:

—Mipaco aru míyova máre, mure járadaivu, judevai núma, arejame.

⁴⁸ Ubenita Jesúcapúravu arejame ūre couyu bácre:

—¿Namema jipaco aru jíyova? jeníari járejame ū.

⁴⁹ Aru ūi pürure jabióvarí jádovacuñu ñujare, ūi bueimarare, arejame:

—Yuibu jipacope paivu aru jíyovape paivu máre.⁵⁰ Que baru caivu ina daivu jipacu, cavarō mearocacu, ūi urópe, nárecabu jíyocupe páyu, jíyocope pádo, aru jipacope pádo máre, arejame Jesús.

“Oteipōecure” jári dápiari ne darājiyepe aino

(Mt 4.1-9; Lc 5.1-3; 8.4-8)

13 Dijárvumareca cūramine etarí, macajitabu urabu écarui nuri, dobarejame Jesús. ²Obedivu pöeva cójijidejaima ūi yebai. Que baru jiadocu écaru joabenoi cūricure jári, jaturí, dobarejame dicura, buechuyu pöevare. Aru caivu ina pöeva cürejaima macajitabu urabu écarui. ³Jesús buedejame ñujare jári dápiari ñuje darājiyepe ayu caijie apejíene. Yópe arí, buedejame:

—Yui oteipōecu otecunuquemavu.⁴ Ūi oteiyede, ape oteiye tūquemavu ma écarui. Aru míjina darí, áradaquemavu caiye iye oteiyede. ⁵Ape oteiye tūquemavu joborō edubenoi, cūraboa pheinoi. Nore joborō yaurijie cübeniburu, maumejiena piarí etaquemavu. ⁶Ubenita aviá ūi boiyede, équemavu. Aru nuomua ūmujurimua cübeni, yaiquémavu. ⁷Ape oteiye tūquemavu miucua jéneboi. Aru yóboi miucua bucusu, chioquemavu iye oteiyede. ⁸Aru ape oteiye tūquemavu mearo joboró. Aru die jéquemavu, apeñu jéñu cien paivu, apeñu jéñu

sesenta paivu, aru apeñu jéñu treinta paivu, caiye oteiyabea coapa. ⁹Me jápiajarā muja iye ji bueiyede, arejame Jesús.

Aipe aiyurōre Jesús ūi jári dápiari ne darājiyepe aino

(Mt 25.29; Mr 4.10-12, 25; Lc 8.9-10, 18; 10.23-24; 19.26)

¹⁰Dinumure ñuja, ūi bueimara, ūi yebai nuri, jeníari járejacarā Jesúre:

—¿Aipe teni bueyurū mu jári dápiari ñuje darājiyepe ayu mi couyu que? arejacarā.

¹¹ Aru Jesús coyurejame ñujare, yópe arí:

—Mujuare coyurí majide dayubu iye Jūmenijicu ūi couyicōjeme máquede. Ú jaboteibi mujuare, ūi pöevare. Ubenita ina apevu, iyede majibevure, quédá jári dápiari ne darājiyepe ayu, bueyubu yu náre. ¹²Nopedeca ina jápiavure Jūmenijicu yávaiyede, Jūmenijicu pueno baju majide dacuyume náre. Ubenita ina jápiabevure Jūmenijicu yávaiyede, iye ne quíjino majiéde, Jūmenijicu náre íchuyume. ¹³Jáivuvacari ji daiyede, coreóvaiybema yure. Aru jápiavuvacari ji couyiyede, ju aiyubema yure. Yéde majibema na ji yávaiyede. Que baru jári dápiari ne darājiyeque couyubu yu náre. ¹⁴Ne daiye nópe vaidéjaquemavu cūinátuřu Jūmenijicu couyicōjeiye báquepedeca ñai Isaías áamicus ūi yávaiyede coyucaipōecu bácre. Yópe arí, toivaicōjenejaquemavu ū mácre: Jáve jápiaridurájaramu muja. Ubenita ye jápiari eabenajaramu. Jáve járidurájaramu muja. Ubenita ye jári eabenajaramu. ¹⁵Muja coreóvaiybemavu, muje yávaiyede jávene jápiari eaiyube boje. Muja jápiabevu, muje yávaiyede jávene jápiayube boje. Muja bieivu muje yacorvare, muje jávene

jáiyube boje. Yure jári coreóvaivu baru maje yacorhaque, ju ajebu maja. Yure jápiaivu baru maje cámucobeaque, ju ajebu maja. Yure jápiari adaivu baru maje ümeque, ju ajebu maja. Que daivure, meadajebu yu mujare, toivacójenejaquemavu Jämenijicu Isaías bácre.

¹⁶ Ubenita torojurájaramu maja, ji bueimara. Ji daiyede jári coreóvaivubu maje jáiyede. Aru ji coyuiyede jápiari, ju aivubu diede. Que baru Jämenijicu mearo dacamaramu maja. ¹⁷ Jäve coyuyubu mujare: Obedivu Jämenijicu jávaiyede coyuscaipöeva aru meara pöeva máre jáiyuríduquemavu caiye iye maje jáiyede. Ubenita jámetequemavu. Aru jápiaiyuríduquemavu caiye iye maje jápiaiyede. Ubenita jápiabetequemavu, arí coyurejame nüjare Jesús.

**Jesús üi coyuino aipe aiyuñore
“oteipöecure” jári dápiari
ne darájiyepo aino**

(Mr 4.13-20; Lc 8.11-15)

¹⁸ Yópe arí, Jesús coyurejame nüja üi bueimarare:

—Yo jári dápiari maje darájiyepo ayu ji aino mácaro yópe coyuyurómu mujare: Iye oteiye Jämenijicu jávaiyepo paiyebu üi jaboteinoque jávaiye. Aru nai oteipöecu Jämenijicu jávaiyede bueipöecupe páyube. ¹⁹ Aru inamu ma ecaru oteiye turíduiye báquepe paivu. Náre coyuiyede Jämenijicu jávaiyede jápiadama, ubenita coreóvarí eabevuva. Que baru ne jápiari buru yóboi, nai abujuvai jabocu dari, árumetede daibi Jämenijicu jávaiyede, ne jápiaiyebáquede. ²⁰ Aru inamu joboró edubenoi, cáraboa rhenoi, oteiye turíduiye báquepe paivu. Jämenijicu jávaiyede jápiari, torojuma me. ²¹ Ubenita diede

ju aríduyama na. Que baru quíjino yóboi, pöeva ne cárivoraru aru nájine daru náre, ne ju aiye boje, maumena dajocaedama ne ju aiyede Jämenijicu jávaiyede. Que teni ju abema na. ²² Aru inamu miuchu jéneboi oteiye turíduiye báquepe paivu. Na máre jápiaivu Jämenijicu jávaiyede, ubenita cárijiñama ijárahuquede. Aru torojuma tauturaque. Que baru dápiadama caiye diede. Ubenita dápiabema Jämenijicu jávaiyede. Que baru Jämenijicu cädatebebi náre üi jávaiyepo yópe üi üröpe. ²³ Ubenita inamu mearo joboroi oteiye tuiye báquepe paivu. Jämenijicu jávaiyede jápiadama. Aru diede jápiari coreóvadama. Nárecabu ju are daivu apevu pöevare, apevu cien paivure, aru apevu sesenta paivure, aru apevu treinta paivure, arí buedejame Jesús nüja üi bueimarare.

**“Ämeçoria oteiye jéneboi” jári
dápiari ne darájiyepo aino**

²⁴ Apeno jári dápiari nüje darájiyepo ainoque buedejame Jesús:

—Jämenijicu jaboteino yópe painomu. Cünacu ümu üi oteiye méne, trigo ámicuende, otequemavu jioi. ²⁵ Ubenita námi, pöeva ne caiyede, üi maucu dupini dari, otequemavu ämeçoriale üi oteiye jéneboi. Aru que dari bhojarí, nüquemavu nai üi maucu. ²⁶ Que baru oteiye me piarí bhuschiyede, ämeçoria máre piarí bhusquemavu. ²⁷ Dínamure nai jio upacu üre memecaivu üi yebai nuri, aquemavu: “Mu, nüje jabocu, ¿otebetecurú oteiye méne jioi? Jájacu. Mi oteiyeque ämeçoria máre chuvu”, arí coyquemavu. ²⁸ Nai jio upacu náre coyuyu: “Ji maucu que dayume”, aquemavu. Üre memecaivu jéniari jáquemavu: “¿Iye ämeçoriale inajidi nüja?” aquemavu. ²⁹ Ubenita nai jio upacu aquemavu: “Bítamu. Maje iyede ámene, méne máre inajichuvu maja. ³⁰ Bhuschicójejara caiyede, oteiye

méne aru āmecōriare máre, pū jējāravū eaiyeta. Jējāravū eaiyede, yópe coyusuyumu yu ji oteiyede īcaipōevare: "Mamarumū ijara muja iye āmecōriare. Īni, tóroa ðarī, ditoroa coapa buorī, juajarā muja. Ubenita iye oteiye méne trigo āmicchēde īniburu, epejarā ji epeñami jīvui", coyusuyumu náre", aquemavu ñai jio upacu, arī buedejame Jesús.

**"Oteiyabe mostazare" jāri
dápiarī ne ðarājiyepē aino**

(Mr 4.30-32; Lc 13.18-19)

³¹ Apeno jāri dápiarī ñuaje ðarājiyepē ainoque buedejame Jesús:

—Coyusquijivu mujare aipe ārojarore yo Jūmenijicu jaboteinore. Yópe mostaza āmicuriyabe oteiyabepetu. Cūinácu ûmu diyabede īni, oteibi ùi jioi. ³² Diyabedecabu oteiyabe quíjiyabe caiye oteiye pñeno. Ubenita ùi oteniburu yóboi, bucurí muivu uracu ape oteiye pñeno. Aru dicu cavabu ñracavabu ñuivu, dicu taino cächinoi mójina ne juaiboa dadama, arejame Jesús.

Nopdedeca mamarumure Jūmenijicu jaboteino quíjinotamu, pñeva obebevu ne cue boje noi. Ubenita Jūmenijicu yávaiye méne coyuríburu yóboi, ñrarotamu no Jūmenijicu jaboteino, obedivu pñeva ne cue boje noi.

**"Påure bucure ðaiyede" jāri
dápiarī ne ðarājiyepē aino**

(Lc 13.20-21)

³³ Bedióva diede buedejame Jesús apeno jāri dápiarī ñuaje ðarājiyepē ainoque, yópe arī:

—Jūmenijicu jaboteino yópebu nomio õi påure bucure ðaiyede. Diede ñadarī jīvaiyepetu yóbecuricurubu påu daicurubhare. Aru caino jīvaibore bucuhóvainopebu, arejame Jesús.

**Aipe teni Jesús ùi bueino jāri
dápiarī ne ðarājiyepē aiyede**

(Mr 4.33-34)

³⁴ Caiye iye jāri dápiarī ne ðarājiyepē aiyede coyurejame Jesús ina obedivu pñevare. Coyure curejame cainumua jāri dápiarī ne ðarājiyepē aiyequemavu ùi bueinore. ³⁵ Nópe vaidéjavu cūinátuhi Jūmenijicu coyuscojeyebu báquepedeca cūinácu ùi yávaiyede coyuscaipóecu báture. Yópe arī, toivaicōjenejaquemavu ùi mácaru Jūmenijicu:

Jāri dápiarī ne ðarājiyepē ainoque coyusuyumu yu pñevare. Iye yávaiye jádovame máquede Jūmenijicu jāravure cuedaquiye jipocamatu coyusuyumu yu náre, arī toivaicōjenejaquemavu.

**Jesús ùi coyusino aipe aiyurõre
"āmecōria oteiye jēneboi" jāri
dápiarī ne ðarājiyepē aino**

³⁶ Dinumu ina obedivu pñevare dajocarī, cūrami ecorejame Jesús. Aru noi ñuaje, ùi bueimara, ùi yebai nuri, yópe arejacarā ñre:

—Mu, bueipóecu, coyusjacu ñuajare aipe aiyurõre yo jāri dápiarī ñuaje ðarājiyepē ayu mi aino mácarõre, āmecōria oteiye jēneboi, arejacarā.

³⁷ Yópe arī, coyurejame ñuajare Jesús:

—Ñai jio upacu oteiye méne oteicōjēñpere páyubu yu, Jūmenijicu daroimu mácu ûmape. ³⁸ Ùi jio ijāravupe painomu. Iye trigo āmicchē oteiyebu Jūmenijicu jaboteimarape paivu. Aru iye āmecōriamu abujuvai jabocijaboteimarape paivu. ³⁹ Ñai jio upacu maucube, āmecōriare oteyu, abujuvai jabocupe páyubu. No jāravu oteiye jējāravu ijāravu cūiquíjāravupe painomu. Aru ina oteiyede īcaipōevamu ángelevape paivu. ⁴⁰ Yópe ne ñi

juaiyepo toaque iye āmecōriare, nopedeca vaiquýebu ijāravu cūiyede.

⁴¹ Yü, Jūmenijicui daroimu mácu ūmupe, darocuyumu ji ángelevare ji jaboteimara yebai. Ina ángeleva īnajarama caivu ina ji jaboteimara jēneboi āmeina daivure aru apevure āmeina dare daivure máre. ⁴² Náre īni jarorājarama toabo cūiméboi. Chīoivu orí curājarama nore. Aru jararī cōpi cūrajarama na. ⁴³ Dintumu maquinóre ina pōeva meara, ina daivu yópe Jūmenijicui urōpe, curājarama majepasch Jūmenijicui jaboteinoi, miadáre daivupe yópe aviá ūi boiyepo. Me jápiajarā mūja iye ji bueiyede, arejame Jesús.

“Bojecue yaveiyede” jāri dāpiari ne dārājiyepo aino

⁴⁴ Apeno jāri dāpiari ūuje dārājiyepo ainoque buedejame Jesús:

—Jūmenijicui jaboteinomu yópe bojecuede yaveiyé báquepe jioi. Cūinácu ūmu memeñu, ūi ūiyede joborō jívui eayu baru bojecuede yaveiyé báquede noi, openi yaveyube diede cojedeca. Aru jiore copainuri, caiye ūi cūvaede jíni bojedarī, no jiore bojedayube, cūvacuyu bojecuede, arejame Jesús.

“Perla āmicurijibō cūrajibō pare bojecurijibore” jāri dāpiari ne dārājiyepo aino

⁴⁵ Apeno jāri dāpiari ūuje dārājiyepo ainoque buedejame Jesús:

—Jūmenijicui jaboteinomu yópe bojedaipōecui voiyepo cūrajiboa perla āmicurijiboa bojecurijibore. ⁴⁶ Nai ūmu eayu baru cūnájibo perla āmicurijibō cūrajibore, bojecurijibō caiboa apeboa pueno, caiye ūi cūvaede jíni bojedacunuhūme, īni bojedachuyu nijibore, arejame Jesús.

“Pápici uracure” jāri dāpiari ne dārājiyepo aino

⁴⁷ Apeno jāri dāpiari ūuje dārājiyepo ainoque buedejame Jesús:

—Jūmenijicui jaboteinomu yópe pápicu uracu ne jaboácu jia uradai, obedivu moa ne coiyepo dicui. ⁴⁸ Dicu buiyede, ina moa boaipōeva dicure nūvari, jabuborī ēcarhita, noi dobarī, jāri beorī adaivubu caivu ina moa mearare ne pueá jívui. Aru caivu ina āmenare jaruvaivubu na. ⁴⁹ Nopedeca vaiquýebu ijāravu cūiyede. Ina ángeleva darī, jāri beorī īnajarama ina pōeva āmenare ina meara jēneboi. ⁵⁰ Ina āmenare jarorājarama toabo cūiméboi. Chīoivu orí curājarama nore. Aru jararī cōpi cūrajarama na, arejame Jesús.

Bueiye mamae aru javeque máre

⁵¹ Yópe arī, jēniari jārejame ūujare Jesús:

—Caiye iye ji couyiyede mūjare jāpiari eaivurū mūja? arejame ūujare.

Aru arejacarā ūre:

—Jāpiari eaivubu ūja, arejacarā.

⁵² Que arī, Jesús arejame ūujare:

—Caivu ina Jūmenijicui yávaiye báquede bueipōeva bueivu baru Jūmenijicui jaboteiyede ūi pōevare yópe ji couyiyepo, bueni buojarājarama Jūmenijicui yávaiye báque javede aru Jūmenijicui yávaiye mamaene máre, cadatenajivu ina jápiaivure, ne majinajiyepo aivu aipe daiye jaúrōre. Nopedeca cūrami upacu davaibi ūi cūvae javequede aru mamaene máre ūi epeiyepo báquede ūi cūrami jívui, cadatecuyu diñamicavure ne daiyede, arejame Jesús.

Jesús Nazarei ūi nūino

(Mr 6.1-6; Lc 4.16-30; Jn 4.44)

⁵³ Caiye iye jāri dāpiarī ne ēdarājiyepē aiyede coyuriburu yóboi, nūrejame Jesús nore jocarī. ⁵⁴ Copainnūrejame ūi joborōi. Aru judíovai cójijiñami buedejame pōevare. Ūre jápiaivu cuecumari arejaima:

—¿Ároqueba caiye iye ūi majié aru iye ūi daiye pōeva ne darī majibede? ⁵⁵ ¿Nai āmeni jocure memeipōecui mácu? ¿Ico Maríā āmicuco āmeni jípacó? ¿Ūi yóva āmeni Santiago, José, Simón, aru Judas máre? ⁵⁶ ¿Aru ūi yórōmiva máre cūbedi majaque yui? Que baru, ¿ároqueba caiye iye ūi daiye ñai ūmu, majape páyū? jēniari járejaima na.

⁵⁷ Que arī, āmeina járejaima ūre. Ubenita Jesúcapūravu náre arejame, ne ju abe boje ūre:

—Cūbebi Jūmenijichí yávaiyede coyucaipōecu ne pueadimu ūi joborōcavu aru ūi cūramicavu máre, arejame.

⁵⁸ Aru obebejē pōeva ne darī majibede dārejame nore, ne ju abe boje ūre.

Juan Bautista bácu ūi yaino

(Mr 6.14-29; Lc 3.19-20; 9.7-9)

14 Dinumu ñai Herodes, nūja Galilea āmicurijoborōcavu nūja jabocu, jápiajamedá Jesúi borore. ² Jápiayu, ūre memecaivure arejamedá:

—Naime Juan Bautista. Nacajacuwe yainore jaruvári. Que baru yópe parucube ū, ubenina arejamedá.

³ Nópe dāpiarejamedá Herodes, Juan Bautista bácu apucure cāreja, ūi yaiquíye jipocai, Herodes ūi bhoicōjeiye báque boje ūre. Aru bhoicōjenejamedá, jacocuyu āmeina teivure jēni jacoñami, yópe Herodei márepaco Herodíai urópe. Nópe urejacoda, ūi jorojíye boje ūi āmecoroiye báquede Herodede, ūi cūvae boje ūre, ūmacu Felipei márepacore. ⁴ Javede Juan

Bautista bácu ávarejamedá Herodede: “Jūmenijichí daicōjeiye Moisés bácu ūi coyuiye báque cūvaicōjemevu mure apecui márepacore”, ávarejamedá ūre.

⁵ Herodecapūravu Juan Bautista bácuré boarí jaruvaiyucuvacari, jidurejamedá ina obedivu pōevare, “Jūmenijichí yávaiyede coyucaipōecu Juan Bautista”, arī dāpiavure.

⁶ Ubenita cūinájāravu ūi ārhrijāravu eaiyede, Herodei pōeteijāravu bácarōre, torojuve teino dārejamedá ū. Dijāravure Herodíai máco nūri, uparejacoða caivu ina Herodei cutuimara ne jáiyede. Que teni Herodede pare cojuvarejacoda ū. ⁷ Que baru paruqué arejamedá ūre:

—Jíqujivu mure yéde mi urōre. Yure nājine dājacurí Jūmenijichí, ji dabedu yópe ji ainope, arejamedá.

⁸ Jípacó jēniaicōjenejacoda ūre. Aru ico nomiò bojuyo arejacobá Herodede:

—Jíjacu yure carijie Juan Bautistai jipobure jororáque, arejacobá ū.

⁹ Ōi jēniainore jápiarī, chiojamedá ñai jabocu. Ubenita ūi aiye báque boje paruqué ūi cutuimara ne jápiaiyede, jícaicōjenejamedá ūre. ¹⁰ Boaipōecure jarorejamedá āmeina teivure jēni jacoñami jívui, ūi burarí jaruvaquiyepé ayu Juan Bautistai jipobure. ¹¹ Burarí bhojarí, jororáque nūvari, jídejamedá ico nomiò bojuyore. Aru jídejacobá jípacore, ūi majicojíye ade Juan Bautista bácu jāve yaiyú bácuré. ¹² Aru Juan Bautista báchi bueimara nūvarejaimada ūi baju bácarōre, jaruvvarájivu cūracobe jívui. Que teniburu yóboi, coyuránurejaimada Jesúre die borore.

Jesús ūi āre daino cūinápurupe paimil baju ūmuvaré

(Mr 6.30-44; Lc 9.10-17; Jn 6.1-14)

¹³ Jesúr diede jápiayu bácu, nore jocarí nūrejame jiadocu, ina pōeva obedivure dajocarí, pu pōecubenoita. Ubenita nūnure majidejaimada na. Aru mái ūi

yóboi nurejaima na, obedivu īmaroacavu. ¹⁴ Úti jataiyede, ēcarui mari, ina obedivu pōevare cōmajē ūroje jārejame Jesús. Nácvu ijimarare meadarejame ū. ¹⁵ Nainúta ūja ūi bueimara ūi yebai nuri, coyurejacarā ūre:

—Nainútamu majare yui pōecubeno. Pōeva ne ārajiyede bojedarānuiye jaubevu náre. Noi īmajinoai jarorí, náre “Āranūjara” ajacu mū, aridurejacarā Jesúre.

¹⁶ Ūnjare arejame:

—Ne ārajiyede bojedarānuiye jaubevu náre. Jíjarā mūja ne ārajiyede, arejame ūnjare.

¹⁷ Ūre arejacarā:

—Páuboa cūinápurupe paiboa aru moa pūcarā cūvavu ūja, arejacarā Jesúre.

¹⁸ —Diede davajarā ji yebai, arejame Jesús.

¹⁹ Dinumure cōriá puenora pōevare dobaicōjenejame Jesús. Aru die páuboa cūinápurupe paiboa aru moa pūcarârē jéni, cavarōi jāñu, torojuede jídejame Jūmenijicure. Úti cotuváriburu yóboi páuboare, ūja ūi bueimara jídejacarā diede ina pōevare, yópe Jesús ūi jícojeiye báquepedeca ūnjare. ²⁰ Aru caivu ãri, yapidejaima na. Æri bubáriburu yóboi, iye cotuvaiye báquede, ne ãri oabede, ñi, meadarí, puebua doce paibua, judíovai puebua, buivárejacarā ūja. ²¹ Aru ina ãivu bácavu ūmava cūinápurupe paimil baju barejáima. Apevu, nomiva aru jueordova máre, arejaima na.

Jesús ūi cuino oco puenora

(Mr 6.45-52; Jn 6.16-21)

²² Dinumu Jesús jatucōjenejame ūja ūi bueimarare jiadocui, ūje nura-jiyepo ayu ūi jipocai macajitabu urabu apeduvei. Que teni copaicōjenejamedá ina pōevare ne cūramiai. ²³ Ne náriburu yóboi, Jūmenijicure coyucunurejamedá cūináchua cūracui. Noi ūi coyuiyede Jū-

menijicque, ūami marejávuya. ²⁴ Dicū, ūje jiadocui, macajitabu urabu coricai curejavu. Pācaiboa uraboa jarururejavu dicure. Aru ūmevu cobarejavu ūnjare. ²⁵ Aru jārvučapúrvu aviá ūi daquiye jipocai, Jesús curí macajitabu urabu puenora darejame ūje yebai. ²⁶ Ubenita ūja jáivu ūcuyure macajitabu urabu puenora, jidurivu baju codoboborejacarā:

—¡Pōe decocu báctame! arí codoboborejacarā ūja, jidurivu.

²⁷ Ubenita maumena ūnjare coyurí, arejame Jesús:

—Parueque dápiajarā. Yátamu Jesús. Jidubejarā mūja, arejame ū.

²⁸ Dinumuma Pedro arejame ūre:

—Mū, ji jabocu, jáve mū maru, yure daicōjecacu mi yebai, oco puenora, arejame ū.

²⁹ Aru Jesús arejame ūre:

—Dajacu, arejame.

Que jápiayu, Pedro etarejame dicure jocarí. Aru vaivárejame oco puenora, náriduchu Jesús yebai. ³⁰ Ubenita ūmevu pare japuiyede jári, jidurejamedá ū. Jiducu, corí bárejame. Que baru codoboborejame:

—¡Mū, ji jabocu, cadatejacu yure! arejame.

³¹ Maumejiena Jesús jabióvarejame Pedore ūi purui. Aru arejame ūre:

—¿Aipe teni jiducurū mū? ¿Aipe teni “Jesús meadachuyame yure”, abecurū mū? arejame Pedore.

³² Ne jatuiyede dicū jiadocui, ūmevu bíjarejavu. ³³ Aru ūja dicū curivu mearore jídejacarā Jesúre.

—Jáve mítamu Jūmenijichu mácu, arejacarā ūre.

Jesús ūi meadaino Genesarecavu ijimarare

(Mr 6.53-56)

³⁴ Jatariburu yóboi, earejacarā Genesaret ãmicurijoboroí. ³⁵ Aru dicure jo-

carí etaivu bácvure, obedivu pöeva coreóvarejaima Jesúre. Que baru ūi borore jarorejaimada caino ne ūmaroai, ne davarajiyepo aivu ijimarare.³⁶ Úre jé-niarejaima, jéni járajivu ūi cuitótecaje turuvvarā. Aru caivu jéni jáivu meateivu barejáima na, ijimara mácavu.

Iye pöevare āmeina tede daiye

(Mt 12.34; Mr 7.1-23; Lc 6.39)

15 Dinumu fariseovacavu apevu Jümenijicui yávaiye báquede bueipöevaque, Jerusalén ámicuriímarore jocarí daivu bácvu, járadarejaima Jesúre. Aru ūre yópe arí, jéniari járejaima:

²—¿Aipe teni mi bueimara ne puruáre cojabedi ne árajiye jipocai, Jümenijicui me jáquiyepo aivu náre? Yópe ne áiyede, majeñecuva mácavu ne daicöjeiye báquede vainí tuyama na, arejaima.

³ Jesús náre yópe arí, coyurejame:

—¿Muja máre, aipe teni vainí tuivurū Jümenijicui daicöjeiyede, dáräjivu yópe mäjeneñecuva mácavu ne daicöjeiye báquepe? ⁴ Jümenijicu yópe aicöjenejaquemavu: “Mipacure aru mipacore máre ūri, ju ajarā. Übenita ñaine ámeno coyuyure jípacure o jípacore máre, muje jabova boarí jaruvajarari ūre”, arejaquemavu Jümenijicu, ūi ue boje pöeva ne cadatequiyepo ayu nébucuvare. ⁵ Übenita muja bueivabu yópe: “Cüinácu pöecu jípacure o jípacore ayu baru, ‘Máre cadateyu bhojabevu. Ji fäuturare, muje jacobijroede, javeita jícacu yu Jümenijicure’, ayu bájebu ū. ⁶ Nai pöecure cadateiyepo jaubevu ūi buecuvare”, aivabu muja. Que baru muje daiye boje yópe majeñecuva mácavu ne daicöjeiye báquepe, Jümenijicui yávaiyede bojecubede daivabu muja. ⁷ Muja, jujovaivu, jáve Jümenijicu,

yópe arí, coyuscaicöjenejaquemavu ūi yávaiyede Isaías bácvure mujara:

⁸ Ina pöeva yure ju adama ne jijecamuque. Übenita dabema yópe ji ūrōpe. ⁹ Bojecubenoque mearore jímidiuyama yure. Bueniduyama pöeva ne bueinore Jümenijicui yávaiyede, arejaquemavu.

Que arejame Jesús ina fariseovare aru ina Jümenijicui yávaiye báquede bueipöevare.

¹⁰ Jesús órejarejame ina pöevare ūi yebai. Aru arejame náre:

—Caivu yure jápiaivu dápiajarā. ¹¹ Caiye iye ecoiye pöeva ne jijecamui jedevaque āmeina tede dabevu náre. Übenita caiye iye etaiye pöeva ne jijecamure jocarí ne ūmeque āmeina tede daivu náre, arejame Jesús.

¹² Dinumure ñuja, ūi bueimara, ūi yebai nuri, arejacarā Jesúre:

—Ina fariseova jorojínama máre, ne jápiaiyede mi coyuyede, arejacarā ūre.

¹³ Yópe arí, coyurejame ñujare:

—Yópe jio upachi ñi jaruvaiyepo caiye ámene buecuyede ūi jioi, ūi oteiye báque ámene, nopedeca jipacu, cavarō mearocacu, ñi jaruvacuyume ūre jocarí caivu ina ūre coyuscaipöevape teivure übenina. ¹⁴ Náre cärijovaicöje-mejara muja. Námu jári eabevupe paivu jipocateiyurivu ahevure, übenita jáve ñamene cadateni majibevu. Cüinácu jári eabecu bhojabebi ñuñu mái apecu jári eabecuque. Que baru caipucarā jári eabevu baru, tuebu na cobei, arejame Jesús.

¹⁵ Pedrocapúravu arejame ūre:

—Coyujacu ñujare aipe aiyuröre yo jári dápiajíri ñuje dáräjiyepo ainore, arejame ū.

¹⁶ Aru arejame:

—¿Muja máre jápijärí coreóvabenar?

¹⁷ ¿Coreóvabenar caiye iye ecoiyede pöeva ne jijecamui jedevaque, ne yapibui earí etaiyede ne bajure jocarí?

¹⁸ Ubenita caiye iye etaiye pōeva ne jijecamure jocarī ne ūmeque, diedecabu, ne dāpiaiye, āmeina tede daiye nāre. ¹⁹ Ne ūmei āmeina dāpiadama apevūre. Boarī jarūvadama pōevare. Nomicūrivūvacari apecoque cūma. O nomiva máre ūmūcurivūvacari apecoque cūma. Nomicubevu, aru ūmūcuribevu máre, dādama caiyede āmeina daiyede apevūque. Ñavadama apevū ne cūvaede. Borocūma apevū borore. Aru coyūyama āmenore apevū borore caivu ne jāpiaiyede. ²⁰ Caiye iye āmene etaiye pōeva ne ūme jīvūquede, āmeūme cure daivu nāre. Ubenita ne āiyede ne puruáre cojabevūva, dābevu yópe mūjeñecuva mācavu ne dāicōjeive bāquepe, āmeina tede dābevu nāre, arejame Jesús.

Cūináco nomiō, judíova āmevūcacō, ūi jū aino Jesúre

(Mr 7.24-30)

²¹ Diūmarore jocarī, Jesús nūrejame apejborōi, Tiro aru Sidón āmicūrii-maroa yebai. ²² Aru cūináco nócaco, judíova āmevūcacō, Canaán āmicūriya-jubocaco, ūi yebai darī, yópe arī, codoboborejaco:

—Mu, ji jabocu, David báchi pāramecu, judíovai jabocu bacuyu, cōmajae āroje jājacu yure. Jímacobe abujucu ūi īmamo. Pare nājiñome ūi, arejaco ūi.

²³ Ubenita Jesúcapūravu bi ayu, yéde coyūbedejame ūre. Aru ūtja ūi bueimaracapūravu Jesús yebai nūri, ūre jaroicōjenidurejacarā ūre.

—Maje yóboi coédoboborī daibico ūi. Que baru ūre copainure dajacu mu, arídurejacarā.

²⁴ Jesús arejame:

—Jipacu Jūmenijicu daroibi yure, ji cādatequiyepe ayu ūtja Israecavure

quévūra. Námu yópe ovejava mamateivūpe paivu, nāre coreipōecu cūvabevūpe, arejame Jesús.

²⁵ Ubenita ūi darī, ūtmatutarī ūi jipocai, puecadodo ūre, arejaco:

—Mu, ji jabocu, cādatejacu yure, arejaco.

²⁶ Jesúcapūravu arejame ūre:

—Meamevu ūnu juedova ne āiyede, jí-najivu yavimivare, arejame ūi.

Que arī, aiyucu barejaquémavu judíovare Jūmenijicui márape aru judíova āmevūre yavimivare.

²⁷ Aru ūcapūravu arejaco:

—Mu, ji jabocu, jāve coyūvnu mu. Ubenita yavimiva máre dādama nāre upacu jīvu ne āri jarūvaiye tuviye báquede tuoivare jocarī, arejaco Jesúre.

²⁸ Jesús arejame:

—Mu, ji umo, urarō ju adobu yure. Que baru dācaivu mure yópe mi urōpe, arejame ūre Jesús.

Aru cūiná meatedejaquemavu ūi máco.

Jesús ūi meadaino obedivu ijimarare

²⁹ Jesús nūrejame nore jocarī. Vaidéjame macajitabu urabu Galilea āmicūrijitabu ēcaru. Aru cūracu uracu muri nūriburu yóboi, dicu pheñoi dobarejame ūi. ³⁰ Noi dobacure, obedivu pōeva darejaima ūi yebai. Davarejaima cuiye majibevure, jāri eabevure, puru ijimarare, yávaiye majibevure, aru apevure máre. Nāre jūarejaima Jesúi cūboba yebai. Aru nāre meadarejame ūi. ³¹ Que teni caivu ina obedivu pōeva cuecumarejaima ne jāiyede ina yávaiye majibevu bácvu yávavure, ina ijimara mācavu meadaimarare, ina cuiye majibevu bácvu vaivávure, aru ina jāri eabevu bácvu jāivure. Aru caivu ina pōeva mearore jídejaima Jūmenijicure, maja Israecavu maje mearore jímure.

**Jesús ūi ãre daino
yóvaicuvaimil baju ūmuvare
(Mr 8.1-10)**

³² Dinumū Jesús órejarejame ūuja ūi bueimarare ūi yebai. Aru arejame:

—Cõmajé ãroje jâivu yu ina põevaré. Ina obedivu cûma yáque yóbecuri-járavu. Aru aiyede cûvabema. Apevu ne cûramia joarótamu. Que baru copaicô-jeiyubevu yu náre. Mái nuri, mamaða-jebu, ne ãvñé ñájiye boje, arejame Jesús.

³³ Ñujacapúravu jëniari jârejacarã ūre:

—¿Ari earajidica ñuja aiyede yui põecubenoi, jinajivu caivu ina obedivu põevaré? arejacarã ñuja.

³⁴ Jesúcapúravu jëniari jârejame ñujare:

—¿Aipino pâuboare cûvarâru muja? arejame ū.

Aru arejacarã:

—Siete paiboabu. Aru obebejina moajinare máre cûvavu, arejacarã.

³⁵ Que aiyede, ina põevaré dobaicô-jenejame joborõi. ³⁶ Diboá pâuboar siete paiboare ñi, aru ina moajinare máre ñi, torojude jídejame Jümenijicure. Úi cotuvariburu yóboi pâuboare, ñuja ūi bueimara jídejacarã diede ina põevaré, yópe Jesús ūi jícõjeiye báquepedeca ñujare. ³⁷ Que daiyede, ári yapidejaima caivu. Aru ári bubariburu yóboi, iye cotuvariye báque pâu aru moa máre, põeva ne ári oabede ñi, meadarí, pueá siete paiphea, judíova ámevu ne pueáre, buivárejacarã ñuja. ³⁸ Ina aïvu bâcavu ūmuvu yóvaicuvaimil baju barejáima na. Aru apevu, nomiva aru juedova máre, árejaima na. ³⁹ Jesús ūi copaicô-jeniburu yóboi ina põevaré ne cûramiai, jiadocüi jaturí, nurejacarã úque apejoborõi, Magadán ámicurijoborõita.

Fariseovacavu aru saduceovacavu ne jëniaino põeva ne ðarí majibede

(Mt 12.38-39; Mr 8.11-13; Lc 11.16, 29; 12.54-56)

16 Apevu fariseovacavu aru saduceovacavu máre jujovaiyurâdarejaima Jesús yebai. Jëniarejaima ūi jâdovaquiyepo aivu náre põeva ne ðarí majibede, cavarô mearo Jümenijicui cûrõquede. ² Jesús, yópe arí, coyurejame náre:

—Aviá ūi doiyede, “Oopenibobu jüaripenibo. Que baru javena meajâravu baquiyébu”, aiyavu muja. ³ Aru aviá ūi cõaiyede, “Oopenibobu jüaripenibo. Que baru cari jâravu ocaquiyebu”, aiyavu muja. Cavarôquede coreóvaivuvacari, ubenita pare coreóvabevubu muja ijâravu vaiyede. ⁴ Muja ámena bajutamu, dajocaiyurivu Jümenijicure yópe nomio ámeço õi dajocaiyepo jímarepacure jocarí. Muja recabu jëniariduivu jâdovaiye põeva ne ðarí majibede. Ubenita jâmenamu muja apenore Jümenijicui dainore mujare, quénora yo Jonás mácure vaino mácarõre, arejame Jesús.

Que arí, náre dajocarí nurejame ū.

Fariseova ne ámeno dápiaiye

*(Mt 14.17-21; 15.34-38;
Mr 8.14-21; Lc 12.1)*

⁵ Jataivu bâcavu macajitabu urabu apeduveita, ñuja Jesúi bueimara coreóvarejacarã árumeteivu bâcavu pâure. ⁶ Jesús arejame ñujare:

—Me ðajarã. Me jâjara ina fariseova aru ina saduceova máre ne pâure buçuó-vare daiyede, arejame ū.

⁷ Que teni yávarejacarã ñuje bajumia:

—Ù yópe aibi, maje pâure cûvabe boje, arejacarã.

⁸ Ubenita Jesús coreóvarejaquemavu ñuje yávainore. Que baru arejame:

—¿Aipe teni yure jü abenarü maja? ¿Aipe teni coyivirü maja, “Páure cüvabevu maja” aivü? ⁹ ¿Coreóvabenaru maja? ¿Aru ármenarü maja? ¿Ji cotüvacaiye báquede cüináprüpe paiboa páuboare ina cüináprüpe paimil baju ümuvare, doce paibua puebua baju cotüvaiye báqueque ímetecarärü maja? ¹⁰ ¿Aru ji cotüvacaiye báquede siete paiboare ina yóvaichvaimil baju ümuvare, siete paipheu baju cotüvaiye báqueque ímetecarärü maja? ¹¹ Que baru mäjare jaúéde, maje árajiyede, jíyü majivü yu. Übenita, “Me jájara ina fariseova aru ina saduceova máre ne páure buechovare daiyede” ji ainore, coyubetevü yu páure. Quénora coyuñubu yu ne dápiaiyede. Que baru me jájara, maje dápiabena-jyeye aivü yópe ne dápiaiyeye, arejame ñujare Jesús.

¹² Dinumü coreóvarejacarä coyuñure ina fariseova aru ina saduceova máre ne bueiyede. Yópe páure buechre daiye jí-vaiyeye, caiye iye päu daiyede, nope-deca ne bueiye jáve ámeque jüjovadama obedivü pöevare, arejame Jesús.

Pedro üi “Cristobu mä” aino

(Mt 14.1-2; 18.18; Mr 6.14-15; 8.27-30;
Lc 9.7-8, 18-21; Jn 6.68-69; 20.23)

¹³ Jesús, üi eaiyede Cesarea de Filipo ámicuröi, ñuja üi bueimarare jeníari járejame:

—¿Aipe aidi pöeva yure, Jümenijicui daroimü máchure ümupe? arejame ü.

¹⁴ Üre arejacarä:

—Apevü adama, “Juan Bautistabe”. Aru apevü adama, “Elíabe”. Aru apevü adama, “Jeremíame”. Aru apevü adama, “Cüinácu Jümenijicui yávaiyede coyuñcaipöecübe ü”, arejacarä üre.

¹⁵ Aru arejame ñujare:

—¿Übenita aipe aivurü maja yure? arejame Jesús.

¹⁶ Aru Simón Pedro arejame üre:

—Mä Jümenijicui daroimü mácubu, ñujare jabotechüa. Cristobu mä. Jümenijicui apucui mácubu mä, arejame Pedro Jesúre.

¹⁷ Aru Jesúcapürvu, yópe arí, coyure-jame Pedro:

—Mä, Simón, Jonái mácu, torojuscüyumu mä. Jümenijicui mearo däcaimumu mä. Pöescü cübebi coreóvare dayü mure diede. Quénora jipacu, cavarö mearocacürecabe coreóvare dayü mure diede. ¹⁸ Coyuñubu mure: Mi ámiámu Pedro. No ámiá cürvacarö aiyurömu. Mi coyuñiebu yure yópe cürvava ürava parürivape paiye cürami cächinoi. Caivü jü aivüre yure, aru caivü jü arájivüre yure máre, coyuñie jaúvü yure mi coyuñiepe paiye. Aru caivü ina yaibénajarama ne ümei. Que baru coatebenajarama Jümenijicure jarüvarí.

¹⁹ Yópe ñai cüvacü cüramine voainore, llavede, üi ecoicöjeiyeye pöevare diñamine, nopedeca coyuñicöjeivü mure ji yávaiye méne pöevare, ne ecorájyeye ayü Jümenijicui jaboteinore, diede ne jü aru. Mi jacopübemarare ijäravü jacopübecüyume Jümenijicu cavarö mearo üi curöi. Aru mi jacopümarare ijäravü jacopübecüyume Jümenijicu cavarö mearo üi curöi, arejame Jesús.

²⁰ Aru parüquéque ñujare “Jesúbe ñai Cristo, Jümenijicui daroimü mácu”, arí coyuñicöjemenejame aperüre.

Jesús üi coyuño üi yaiquínore

(Mt 10.38-39; 25.31; Mr 8.31-9.1; Lc 9.22-27; 14.27; 17.33; Jn 12.24-25; Ro 2.6)

²¹ Dinumumata Jesús jádovari bárejame ñuja üi bueimarare ñájicuñucüyure Jerusalén ámicurümaroi. Yópe arí, buedejame ñujare:

—Jaúvü yure ürarö ji ñájiquino. Ina judío va buechva, aru sacerdote-

vare jaboteipōeva, aru Jūmenijicū yávaiye báquede bueipōeva máre yure ñájine dárājarama. Yure boarī jarūvarājarama. Aru yóbecurijāravha yóboi nacajacuyumu yu yainore jarūvarī, arī coyurejame ñujare.

²² Pedro ūre nūvarejame apevu ñu-jare jocarī. Aru yópe arī, jararídurejame Jesúre:

—¡Mu, ji jabocu, mi que aiyepē vaicō-jemejacurī mure Jūmenijicū! arejame Pedro.

²³ Ubenita Jesús copedini, arejame Pedro:

—Mu, Satanás, jujovarídubejacu yure. Nujacu mu yure jocarī. Murecabu maucuvacu yure mi nópe aiyepē. Dápliaivu mu pōevape. Aru dápiabevu mu Jūmenijicū jiede, arejame Jesús.

²⁴ No yóboi Jesús, yópe arī, coyurejame ñuja ūi bueimarare:

—Ácu pōecu daiyucu yáque, dajocajacurī pōeva ne mearo jáiyede ūre, cuyebejacurī yure yóvaiyede, aru jidubejacurī ūi ñájiquiyede. Nópe dabecu baru, ū buojabebi jícu bacuyá. ²⁵ Nai pōecu ūi baju үrōpe dárī, meadaiyucu baru ūi bajure, coatecuyume ūi bajure Jūmenijicure jarūvarī, yópe yaiyá bácupe ūi ûmei. Ubenita nai pōecu, “Ye baju ámevū, ji yaidú Cristore boje” ayu, ūi baju үrōpe dabecuva quénora ji үrōpe dárī, murecabu ji meadaquimtu, cuchuy Jūmenijicuque cainumua. ²⁶ Nai pōecu cuchacu baru caiye ijāravuquede, ubenita bíjayu baru ūi ûmene, ñájichuyume cainumua toabo cüiméboi. ²⁷ Que teni yu, Jūmenijicu daroimu mácu ûmupe, meacu baju dacuyumu jipaci mearoque aru ji ángelevaque, bojedacuyu caivu pōevare yópe ne daiyepē. ²⁸ Jäve coyuyubu mūjare: Apevu curivu yui, ne yainájiye jipocai järājarama yure, Jūmenijicu daroimu mácure ûmupe, jaboteyure, arejame ñujare Jesús.

Jesús ūi baju oatuvaino

(Mt 3.17; 11.14; 12.18; Mr 1.11; 9.2-13; Lc 3.22; 9.28-36; 2 P 1.17-18)

17 Seis paíjāravha yóboi, Jesús nūvarejamedá Pedrore, aru Santiagore, ímacu Jūare máre. Jipocatedejamedá náre cūracū ûmujuricū puenoi, apevure jocarī. ² Aru na járejaimada ūi oatuvaiye me bajure. Ūi jiva pēorejavuya, yópe aviá ūi pēoiyepē. Ūi cuitótecaje máre pēorejavuya, pare boricaje yópe miadárope. ³ Aru járorejaimada Elías Moisémaque. Núrejaimada boroteivu Jesúque. ⁴ Aru Pedro arejamedá Jesúre:

—Mu, ji jabocu, mearotamu ñuje curu yui. Mi үru, dacaquijivu yu yóbecurínamia cūramia quíjínamia maquiyéde. Cūinádami míñami maquinóre, aru apedāmi maquinóre Moiséde, aru apedāmi maquinóre Elíare dacaquijivu yu, arejamedá Pedro.

⁵ Ūi coyuyedeca, ocopenibo miadáripenibo ēmeni, taorejavuya náre. Aru jápiarejaimada apeno yávainore, ocopeniboi etaiyede: “Ñaime jímacu, ji umu. Me torojuvu yu ūre. Que baru jápiajarā ūi coyuyedea”, arejaquemavu Jūmenijicu.

⁶ Ina yóbecurā Jesúi bueimara ne jápi-aiyede diede, jidurī, mori turejaimada joborōi. ⁷ Ubenita Jesús ne yebai nuri, náre tħorī, arejamedá:

—Nacajajara muja. Jidubejarā, arejamedá Jesús.

⁸ Ne jáiyede, járejaimada Jesúre cūináchra. ⁹ Aru ēmeni daiyede dicū cūracūre jocarī, Jesús apevure coyuyicōjemenejamedá náre ne jáino mácarōre. Yópe arejamedá:

—Me jápiajarā muja. Coyübejarā apevure no muje jáino mácarōre cūracū ûmujuricū puenoi pu ji nacajariburu yóboita yainore jarūvarī. Yábu

Jūmenijicui daroimū mácu ūmūpe, arejameda náre Jesús.

¹⁰ Aru ina ūi bueimara, coreóvaivu ūre Jūmenijicui daroimū mácure, ūre jēniari járejaimada:

—¿Aipe teni aivuba ina Jūmenijicui yávaiye báquede bueipōeva, “Mamarumū Elías dacuyume, nái Jūmenijicui daroimū ūi daquiye jipocai”? arejaimada na.

¹¹ Aru Jesús arejameda náre:

—Jáve Elífarecabe meadacudacuyu caiyede, Jūmenijicui daroimū ūi daquiye jipocai. ¹² Jave dámē Elías, ayubu yu mūjare. Ubenita pōeva ūre coreóvabeteima na. Quénora ne urópe daima ūre. Quédocabu yure, Jūmenijicui daroimū mácure ūmūpe. Yure máre pōeva nájine darājarama, arejameda Jesús.

¹³ Dinumure ina ūi bueimara coreóvarejaimada ūi coyhiyede náre Juan Bautista bácre.

Jesús ūi meadaino jue docure, abujucu ūi imamure

(Mt 21.21; Mr 9.14-29; 11.23; Lc 9.37-43; 1 Co 13.2)

¹⁴ Jesújā ne eaiyede obedivu pōeva yebai, cūinácu ūmu nurejame Jesús yebai. Nūtatutarī ūi jipocai, pue daschuy ūre, arejame:

¹⁵ —Mu, ji jabocu, cōmajé ãroje jājacu jímacure. Bidini, aru aburi etarī ūi jícamure, pare nájimi ū. Apenumua tuibi toaboi. Aru apenumua jiai turí coibi ū. ¹⁶ Ūre davavu yu mi bueimara yebai, ubenita meadaiye majibetema na, arejame Jesús.

¹⁷ Jesús arejame:

—Mūja, ijāravucavu, Jūmenijicure ju abevu aru āmeina teivu máre, ¿aipi-járavua cūquidi yu mūjaque? ¿Aru aipi-járavua nájiquidi yu mūjaque, mūje ju arājiyeye ayu ji coyhiyede? Davajacu mímacure ji yebai, arejame Jesús.

¹⁸ Que teni Jesús nái abujucure jararī, jaetovarejame jue docure jocarī. Aru maumejiena meatedejame ū.

¹⁹ Que dārīburu yóboi, nūja ūi bueimara jēniari járe nurejacarā Jesúsre cūináchra, yópe arī:

—¿Aipe teni nūja jaetovari majibetedi nái abujucure? arejacarā nūja.

²⁰ Aru Jesús arejame nūjare:

—Quíjino mūje ju aiyé boje yure, que baru jaetovari majibetevu mūja. Jāve coyuyubu mūjare: Oteiyabe mostaza āmicuriyabe quíjiyabetamu. Ubenita pīarīburu yóboi, jocchū uracutamu. Nopedeca mūje ju aru yure quíjino, nōpe quíjiyabe oteiyabepo, Jūmenijicu urarō mearore dājebu mūjare. Mūja me ju aivu Jūmenijicure mūje cōjenu icū cūracū uracure yópe: “Nūjacū yore jocarī pu ãnoita”, dicū ju ajebu mūje cōjeyede. Jāve ju aivu baru yure, caiye dāiyede majinajaramu mūja. ²¹ Jūmenijicure jēniaiye jaunvā āmevñva āiyede, abujucu nāipe páyure mūje jaetovarājiyeye aivu, arejame nūjare Jesús.

Jesús ūi coyaino cojedeca ūi yaiquínore

(Mr 9.30-32; Lc 9.43-45)

²²⁻²³ Nūje cōjijiyedeca Galilea āmicurijoborōi, Jesús, yópe arī, buedejame nūjare:

—Yure, Jūmenijicui daroimū mácure ūmūpe, jēni jímajivubu ji mauvare, ne boarī jarūvarājiyeye ayu yure. Aru yóbecurijāravua yóboi, Jūmenijicu nacovachuyume yure yainore jarūvarī, arejame Jesús.

Üi nōpe aiyede, pare cārijivu barejacarā nūja.

Jūmenijicui cāramine coreivu ne pōe evare jícaicōjeino tāuturare

²⁴ Nūje copaidaiyede Capernaum āmicuriimaroí, Pedro yebai darejaimada

ina Jūmenijic̄hi cūramine tāutura īcaipōeva. Ūre jēniari jārejaimada, yópe arī:

—¿Jíbedi ñai mi bueipōec̄ tāuturaturavare, Jūmenijic̄hi cūramine meadaiye boje? arejaimada.

²⁵ Aru Pedro ju arejamedá náre:

—Jūju, jíbi ū, arejamedá.

Aru cūrami copaiyede, mamarum̄ure Jesú̄s jēniari jārejamedá ūre, yópe arī:

—Mu, Simón, ¿aipe dāpiayurū mu? ¿Ñamene jocarī tāuturare ñi ijāravucavu jabova? ¿Iní ne jaboteimarare jocarī o apevure jocarī? arejamedá Jesú̄s.

²⁶ Pedro arejamedá:

—Tāuturare ñama apevure jocarī, arejamedá.

Jesú̄s arejamedá:

—Que baru ne jaboteimarare jíye jaubevu tāuturare ne jabovare. Quédeca tāuturare jíye jaubevu yure, Jūmenijic̄hi máchre, ne meadarājiyepe jipac̄hi cūramine. ²⁷ Ubenita ne joroiñmenajiyepē majare, jajovac̄n̄ujac̄hi mu macajitabu urabu ēcarhi. Ñai mamarum̄hi mi ímu moach̄ ūi jijecamure voarī, eac̄uyumu mu cūinátrava tāuturaturavare, jícac̄uyu yure aru m̄ure máre. Diturava cūinátrava baquiyébu maja p̄ucarā majare jíye jaue Jūmenijic̄hi cūramine meadaiyede, arejamedá Jesú̄s.

Aru yópe Jesú̄s ūi daic̄ojeiyepē darejamedá Pedro.

¿Ñamema paruc̄hi maje jēnebore?

(Mr 9.33-37; 10.15; Lc

9.46-48; 18.17; 22.24)

18 Dínam̄ure ñuja, ūi bueimara, n̄urejacarā Jesú̄s yebai. Aru jēniari jārejacarā ūre:

—¿Ñamema paruc̄hi apevu p̄ueno Jūmenijic̄hi jaboteinore? arejacarā.

² Jesú̄s órejarejame cūináchi juedoc̄ure. Núvarejame ūre ñuje coricai.

³ Aru arejame:

—Jáve couyubu mujare: Jueðova “¿Meara márica ñuja?” arī dāpiabevu dāpiajarā muja. Oatuvabevu baru muje dāpiayede, Jūmenijic̄hi jaboteimara teivu bhojabenajaramu muja. ⁴ Ácu p̄oech “¿Meac̄hi bárīca yu?” abec̄hi baru, yópe ñai jueðoc̄ure, ūrecabe paruc̄hi apevu p̄ueno Jūmenijic̄hi jaboteinore. ⁵ Cūináchi p̄oech copu etayu baru cūináchi juedoc̄ure ji ámiái, ji cōjeiyepē, que dayu copu etaibi yure, arejame Jesú̄s.

Jidojarō maje ãmeina teino

(Mt 5.29-30; Mr 9.42-48; Lc 17.1-2)

⁶ Ñujare yópe arī, buede n̄urejame Jesú̄s:

—Ácu p̄oech ūi ãmeina tede daru apes̄hi yure ju ayure parubec̄ureca, ūi dajocaquiyepē ayu ūi ju aiyede yure, meajebu ūre jaruvvaru ūi ñamemui b̄uorī cūinábo cūrabu uraboque jia uradai. ⁷ Chiori ãmeno ñájinajarama ina ijāravucavu jujovainu apevure, ne ãmeno ðarajiyepē aivu. Jáve jujovarajarama mujare. Ubenita ñai jujovare dayu apevure chiori ãmeno ñájic̄uyame ū. ⁸ Aru mu ãmeno dayu baru mi p̄urque o mi cūbobaque, burarī jaruvajac̄hi dipurare o dibare. Meaquiyebu m̄ure, mi earu Jūmenijic̄hi curōi cūináp̄urque o cūinába cūbobaque. Ubenita meamequiyebu m̄ure, mi n̄uru toabo cūiméboi caipucarap̄uque o caipucaba cūbobaque. ⁹ Aru mu ãmeno dayu baru mi yacor̄que, iní jaruvajac̄hi didure. Meaquiyebu m̄ure, mi earu Jūmenijic̄hi curōi cūinára yacor̄que. Ubenita meamequiyebu m̄ure, mi n̄uru toabo cūiméboi caipucarua yacor̄uaque, majicarī arejame Jesú̄s.

**“Oveja mamateyure” jári
dápiarí ne darājiyepo aino
(Lc 15.3-7; 19.10)**

¹⁰ Jesús, yópe arí, buedejame bedióva cojedeca juedovará:

—Cavarō mearo Jūmenijicui cırōi ina ángeleva juedovare coreivu cüma cainumua Jūmenijicui jivateinoi. Que baru cüinájicu ina juedovacachre ye ámeina jámejara muge. Yéde ámeina dabejará cüinájicure. ¹¹ Yü, Jūmenijicui daroimü mácu ümupe, meadacħdaivu ina bíjare daivare Jūmenijicure jocarí. ¹² ¿Aipe dápiaivurü muge iye ji coyuquiyede muge: Cüinácu üm, ovejavare coreipōecu, cüvacu baru cien paivu ovejavare, aru cüinácu nácacu üi mamatedu, nai dajocajebu ina noventa y nueve paivu ovejavare cüracuái, vocuñu nai bíjayu bácre. ¹³ Aru jáve coyuquiyede muge: Eayu baru nai mamatey bácre, torojuebu üque ina noventa y nueve paivu mamatebevu pħeno. ¹⁴ Quédaca cüinájicu ina quíjnacacu üi bíjaiyede ubebi jipacu cavarō mearocacu, arejame Jesús.

**Aipe árumeteiye jauro
majecu üi ámeina daiyede**

(Mt 16.19; Lc 17.3-4; Jn 20.23)

¹⁵ Yópe arí, buedejame üjare Jesús:

—Apecu üi ámeina daru mure, apevü ne jápiabenoi coyujacu üre üi ámeina daiyede. Mi coyuquiyede jápiaru, árumetejacu üi ámeina daiyede. Aru cárjimene dajará muge. ¹⁶ Ubenita mi coyuquiyede jápiaiybedu, nüvajacu üi yebai cüinácu mugechre, üi majiquiyepo ayu, o pħarā mugevure, ne majinajiyepo ayu, aipe mi coyuquiyede üre aru aipe üi coyuquiyede mure máre, ne majicarājiyepo ayu üre. ¹⁷ Ne coyuquiyede máre jápiaiybedu, coyujacu üi ámeina daiyede caivu ina ure jü aivure ne cójijinoi. Aru ne

coyuquiyede máre jápiaiybedu, dajacu üre yópe mi daiyepo ina judíova ámevare aru ina jabovare tāutura īcaipōevare. ¹⁸ Jäve coyuquiyu muge: Caivu muge jacopubemarare ijāravu jacopubecuyume Jūmenijicu cavarō mearo üi cırōi. Aru caivu muge jacopuhimarare ijāravu jacopuhucuyume Jūmenijicu cavarō mearo üi cırōi.

¹⁹ Bedióva cojedeca coyuquiyu muge: Pħarā mugecavu cüinátu baru muge ümei, muge jenaiyede jipacu cavarō mearocacure, ücapūravu dacuyume yópe muge jenaiyepo. ²⁰ Pħarā o yóbecurā ne cójijidu, jēniarajivu ji ámiái, ji paruquéque, yúvacari cüvhu ne jēneboi, arí buedejame Jesús.

²¹ Dinumure Pedro jēniari járejame Jesúre:

—Mu, ji jabocu, qaiapiye baju majecu üi ámeina daiyede ure árumeteji? ¿Siete baju üi ámeina daiyede árumeteji? arejame Pedro.

²² Aru Jesús arejame üre:

—Siete baju abevu yu. Quénora corevabecuva árumetejacu üi ámeina daiyede cainumua, arejame Jesús.

**“Memecaipōecu árumeteiyebecure
apetu üi ámeina daiyede” jári
dápiarí ne darājiyepo aino**

²³ Yópe arí, buedejame Jesús, jári dápiarí ne darājiyepo ayu, pōeva ne árumetenajiyepo ayu apevure ne ámeina daiyede:

—Jūmenijicui jaboteino yópebu cüinácu jabocu meadaiyus u üre memecaipōecu ne bojecubé daiyede. ²⁴ Üi corevaru bħixiede, apevü davaquemavu üi yebai cüinácu üre memecaipōecure, bojecubé dayure obedimillones tāuturare. ²⁵ Üi bojecubé daiyede ye bojedayu bħojabetequemavu. Que baru nai jabocu, yebacavu teni, bojedaicōjequemavu üre, aru

jímarapacore, aru némarare máre. Caiye ne c̄vaede máre bojedaicōjequemavu, ūcuyu ūi bojecube daiyede.²⁶ Nai memecaipōecu pueðarī ñai jabocure, ñuatutaquemavu ūi jipocai. “M̄, ji jabocu, napijacu yure. Aru caiyede bojedacuyumu mure”, aquemavu.²⁷ Que baru ñai jabocu, cōmaje āroje jāri, ārūmetequemavu caiye iye ure bojecube daiyede. Aru jodeicōjequemavu ūre.

²⁸ Ubenita ñai memecaipōecu etayu bácu, apecu memecaipōecu ūi yóvaimure copuquemavu. Nai ūi copuimu majiéda bojecube daquemavu ūre, obebecentenares tāuturare. Nai ūi copuimure ūi ñamemui jēni, yaiváiyuriduquemavu ūre. “¡Mi bojecube daiyede jijacu yure!” aquemavu.²⁹ Que dāyure, apecu ñuatutaquemavu ūi jipocai. “Napijacu yure. Caiyede bojedacuyumu mure”, aquemavu.³⁰ Ubenita apecu jāpiayubetequemavu ūre. Quénora jaruvaicōjequemavu ūre ãmeina teivure jēni jacoñami jívhi, p̄ ūi bojedaiyeta caiye iye bojecube daiyede.³¹ Apevu ñai jabocure memecaivu ūi daiyede jāri, ch̄ori, coyurānquemavu diede ne jabocure.³² Ne coyuyede ūi jāpiariñburu yóboi, ñai jabocu órejaicōjequemavu ñai ūi ārūmeteimu mácure. Aru aquemavu: “¡Āmecu bajutamu m̄! Yácapūravu ārūmetevu caiye iye mi bojecube daiye báque urarō bajure, mi jēniaiye báque boje yure.³³ Que baru mure máre, cōmaje āroje jāiye jañuña mícure, yópe ji cōmaje āroje jāiyepo mure”, aquemavu.³⁴ Pare jarayu, ñai jabocu ãmeina teivure jēni jacoñami coreipōevare n̄avaicōjequemavu ūre, ūi ñájiquiyepo ayu, p̄ ūi bojedaiyeta caiye iye bojecube daiyede, arejame Jesús.

³⁵ Aru arejame Jesús:

—Quédeca ñachuyume m̄ujare jipacu, cavarō mearocacu, m̄uje ārūmetebu m̄ujecure ūi ãmeina daiyede, arejame ñujare, majicayu Jesús.

Jesús ūi bueino nomi jaruvinore

(Mt 5.31-32; Mr 10.1-12; Lc 16.18; 1 Co 7.10-11)

19 Jesús caiye iyede coyurī buo-jarī, n̄urejame Galilea ãmicuri-joborōre jocarī. Aru ecorejame Judea ãmicurijoborōi, Jordán ãmicuriya jia apeduvei.² Obedivu p̄oeva darejaima ūi yóboi. Aru noi ijimarare meadarejame.³ Fariseovacavu máre n̄urejaima ūi yebai. Ūre jujovaiyurivu, jēniari járejaima:

—¿Cūinácu ūmu jaruwayu baru jímarapacore, apejje ūi daiye boje, daidi yópe maje ñaicōjeiyepo? arejaima na.

⁴ Jesús arejame náre:

—Jáve buedavu m̄uja. Mamarumure Jūmenijicu cuedarejaquemavu caiyede, “Úmu macuyúre aru nomiō macodóre máre darejaquemavu Jūmenijich”.⁵ Aru arejaquemavu: “Que baru caride ácu p̄oecu, jímarapaco bacodó c̄uvacuyu, ūi bucuvare dajocachuyume. Aru jímarapacore c̄uvarī, ómaque cūinávupetamu na Jūmenijichu jānore”.⁶ Que baru p̄ucarā ãmema. Quénora cūinávupetamu na. Que baru p̄oecu Jūmenijichu cójovaimara mácavure coavabejacurī ū, arí buedejame Jesús.

⁷ Jesúre jēniari járejaima na:

—Aipe teni Moisés bácu jícojenejaquemari jímarapacure cūináyoca, “M̄ure jaruwayu yu” aiyocare, jímarapacore? arejaima.

⁸ Aru Jesús arejame náre:

—Moisés bácu jaruvaicōjenejaquemavu m̄ujare m̄ujemarepacore, m̄uje Jūmenijichu ñaicōjeiyede jāpiayuhbe boje. Ubenita mamarumumata nōpe ãmenejaquemavu.⁹ Aru yácapūravu coyuyu yu m̄ujare: Ácu p̄oecu

jímarepacore ámeina dabecoreca jaruváriburu yóboi purubhoym baru apecoque, ámeina daibi óre ai mamarumucacore jaruvári, arejame Jesús.

Nópe ayu, “Nomi jaruvainore ubevu yu”, aiyus barejaquémanu Jesú. ¹⁰ Que ayure, nüja ui bueimara arejacarā ūre:

—Nópe mi couyiyepo baru, meamequiyebu purubhoiye majare, arejacarā.

¹¹ Ubenita nüjare yópe arī, couyurejame Jesús:

—Caivu pōeva cūinácvva curivu majibema. Quénora na quévura Jūmenijicui torojure daimara curivu cūinácvva coapa majima na. ¹² Apevu pōeva nomicurī, ümucurī máre, bhojabema, ne nópe pōeteiye báque boje. Que baru purubhobema na. Aru apevu pōeva ne baju buraicōjeiye boje, nomicurī bhojabema na. Que baru purubhobema na. Aru apevu pōeva ne baju burabevuvacari, buravu bácvu paivu tedama na, ne memecarājiye boje Jūmenijicure cainumua ui jaboteinore. Que baru na máre purubhobema, ne baju nópe daiyue boje. Ácu pōecu Jūmenijicure torojure daimu cuchu cūinácvva, que dajacurī ū, arī buedejame Jesús.

Jesús ui mearore jíno juedovare Jūmenijicque (Mr 10.13-16; Lc 18.15-17)

¹³ Pōeva davare cuivu barejáima némarare Jesús yebai, ui thoquiyepo aivu náre ui puruáque, ui jéniaiyede Jūmenijicque náre boje. Que teni nüja ui bueimara davaicōjemenidurejacarā némarare. ¹⁴ Ubenita Jesús arejame:

—Ina juedova dajarāri ji yebai. Jūmenijicu jabotecchuyame pōevare nápe paivure. Que baru, “Davabejarā juedovare”, abejarā náre, arejame Jesús.

¹⁵ Aru náre coapa tħorī ui puruáque, jēniarejame Jūmenijicque náre boje. Que teniburu yóboi, nurejacarā nüja, Jesújā.

Cūinácv bojuyo cħeve cħvacu Jesúmaque ne boroteino

(Mt 20.16; 25.31; Mr 10.17-31;
Lc 13.30; 18.18-30; 22.30)

¹⁶ Cūinácv bojuyo, Jesús yebai nħari, jēniari járejame:

—Mu, bueipōecu meacu, q̄aipē daiye me jaħri yure, cħvacu yāravu cūiméjāravu baquinóre cavarō mearo Jūmenijicui curōi? arejame ū.

¹⁷ Jesús arejame ūre:

—Qaipē teni jēniari jāñur u mu yure daiye ména? Cūinácvrabe meacu baju. Jūmenijicvacaribe. Cħvaiyus baru jāravu cūiméjāravu baquinóre, dajacu yópe Jūmenijicui daicōjeiye, arejame Jesús.

¹⁸ —Qaipē daicōjeiye? jēniari járejame.

Aru Jesús arejame:

—Pōevare boarī jaruvabejacsu. Ċavabejacsu apecore mimarepacore jaruvári. Navamejacu apecu ui cħvaede. Borodabejacsu apecure. ¹⁹ Ju ajacu mipacure aru mipacore máre. Aru míċure, mi bajure jecuēpedeca, ūre máre jecujacu mu, arejame Jesús.

²⁰ Que ayure, nai bojuyo arejame:

—Daivu caiye iye mi couyiyede. Qāroma yure jaħrō cāreja? arejame.

²¹ Jesús ūre arejame:

—Jaħbeċħva cħiyyus baru Jūmenijicui jainore, nüjacsu aru jini bojedajacsu mi cħvede. Aru mi īquiyede jijacsu ina cōmaje ārojarivure. Que teni cħvacu yūmu mu mi boje méne cavarō mearo Jūmenijicui curōi. Aru dajacsu yáque, arejame Jesús.

²² Ubenita iyede jápiarī, uħarōreca chiorejame, dajocaiyubecu ui ure

chvede.²³ Que baru Jesús arejame ñuja ūi bueimarare:

—Jáve couyabu mujare: Ina pōeva cuve cavarivure pare maiyójavu ne jū aiye Jūmenijichre, ūi meadaquiyepa aivu náre aru ne ecorājiyepa aivu ūi jaboteinore, cavarō mearo ūi curōre.²⁴ Bedióva cojedeca couyabu mujare: Cūinácu aímacu uracu, camello ámicachu, ūi ecoru aviyo cobei, maiyójajebu ūre. Aru pñeno maiyójavu cuve cuvacure ūi ecoquino Jūmenijichre jaboteinore, arejame Jesús.

²⁵ Que ayure jápiaivu ñuja, cuecumarejacarā pare. Aru arejacarā:

—¿Name buojarī ecorājidica Jūmenijicu jaboteinore, cavarājivu jāravu cūiméjāravu baquinóre? jēniari jārejacarā Jesúre.

²⁶ Úcapúravu ñujsare jári, arejame:

—Pōeva ne dārī majibeno maiyójabevu Jūmenijichre. Ú cūináchu buojarī meadayubbe pōevare, arejame Jesús.

²⁷ Aru Pedro arejame:

—Dajocacarā ñuja caiye ñuje cūvaede, ñuje daiye boje máque. ¿Yéde earājidica ñujsa? arejame Pedro.

²⁸ Aru ñujsare arejame Jesús:

—Jáve couyabu mujare: Mamajāravu daquijāravu baquinó yu, Jūmenijichre daroimu mácu ūmupe, dobacuyumu jabocui dobarō mearoi, jabotecuyu pōevare. Aru muja máre, daiyu bácvu yáque, dobarājaramu doce painoa jabovai dobarōa mearoa coapa, coyurājivu ina doce paiyajuboacavu Israecavure méne o ámene ne daiyede.²⁹ Ácu pōecu dajocayu baru ūi cármine, o jíburare, ímarare, jípacure, jípacore, mamarare, o ūi joborore máre ji ámiá boje, ūi daiye boje yáque, memecachuyu yure, eacuyume pñeno baju mearo bajure. Aru cuvachuyume jāravu cūiméjāravu baquinóre.³⁰ Úbenita dinumu maquinóre apevu, jaboteivu

bácvu ijāravure, jabotebenajarama na Jūmenijichre jabotequiyede. Aru apevu, mujapedeca, jabotebevú bácvu ijāravure, jabotenajarama na Jūmenijichre jabotequiyede, arí buedejame Jesús.

“Memeipōevare” jári dápiarī ne dārājiyepa aino

(Mt 19.30; Mr 10.31; Lc 13.30)

20 Jesús, yópe arí, buedejame:

—Jūmenijichre jaboteinomu yópe jio upacui memeipōevare vorí, earí bojedaiyepa náre ne memeyede. Javejínar, seis baji, ñai jio upacu tāibui vocunquemavu memeipōevare, ne jēnajiyepa ayu úyaiboare ūi jioi.² Náre earí, “Cūinájāravu tāuturaturava, cūinájāravu memeije bojedaituravare jíquijivu mujare coapa”, aquemavu ū. Aru ūi nópe aiyede, jü aquemavu na coapa. Ne jü aríburu yóboi, ñai jio upacu náre jaroquemavu jioi.³ Yóbecuriara vainíburu yóboi, nueve baji, bedióva tāibui nñquemavu ñai jio upacu. Noi jāquemavu apevu memeipōevare, ne memeino cūvabevure.⁴ Aru náre máre, “Memenanujara muja ji jioi. Aru bojedaschuymu mujsare me, yópe jauépe”, aquemavu ū. Que baru memenanquemavu na.⁵ No yóboi, jāravu corica baji, aru no yóboi tres baji máre, nopedeca dāquemavu ū.⁶ Bedióva cojedeca, cinco baji, cūináora ne memeiora jauéde cāreja, nñquemavu ñai jio upacu tāibui. Noi jāquemavu apevu memeipōevare, ne memeino cūvabevure. Náre jēniari jāquemavu, “¿Aipe teni curivurū muja yui cajjāravu mememevuva?” aquemavu.⁷ Úre aquemavu na, “Pōecu cùbebi memeicójeñu ñujsare”, aquemavu. Náre máre “Memenanujara ji jioi”, aquemavu.

⁸Aviá ūi doiyede, ñai jio upacʉ yópe arī, coyquemavʉ ūi cūramine corecaipōecure: “Ina memeipōevare órejari bojedajacʉ náre. Ina memeni bñivʉ bácvʉ yóbcavʉre bojedajacʉ mamarʉmu. Aru no yóboi ina mamarʉmu memeni bñivʉ bácvʉre bojedajacʉ mu”, aquemavʉ. ⁹Ina cūináora memeivʉ bácvʉ ne daiyede, cūinátrava tāuturatrava, cūinájāravʉ memeiyे bojedaituravare jacopquemavʉ na coapa. ¹⁰Diede jári, ina javejñara memeni bñivʉ bácvʉ dápiariduquemavʉ ne baju jacopurājivʉre pñeno baju ne bojedaiyede. Übenita na máre quédeca, cūinátrava tāuturatrava, cūinájāravʉ memeiyे bojedaituravare jacopquemavʉ na coapa. ¹¹Ne jacopuiyede, jaraguemavʉ ñai jio upacure. ¹²Üre aquemavʉ, “Nácapūravʉ cūináora quénora memema. Aru ñujacapūravʉ memevʉ caijāravʉ. Aviá ūi boiyede ñájivʉ ñuña. Übenita ñájimevʉ bácvʉreca, náre bojedaivʉ mu cūinátrureca mi bojedaiyepē ñuñare, ñájivʉ bácvʉre”, aquemavʉ ina javejñara memeni bñivʉ bácvʉ. ¹³Übenita ñai jio upacʉ aquemavʉ cūinácu nácacure, “Pacomá, mure ámeno dabevu yʉ. Mácapūravʉ ju avu yure, ‘Cūinájāravʉ memeiyे bojedaituravare jíquijivʉ mure’, ji aiyede. ¹⁴Que baru iñacʉ iye mi bojede aru ñujacʉ mu. Cūinátrʉ iye ji jíyepē mure, jíyvʉ yʉ ñai cūináora memecayure. ¹⁵¿Yure jícojemeniduyurʉ ji cūvæquede yópe ji ʉrōpe? Ámeina jámejacʉ yure, ji cādatequiyepē ayʉ pñevare, ji mearo daiye boje”, aquemavʉ ñai jio upacʉ, arejame Jesús.

¹⁶Pñeva ne jári dápiabede yópe maje jabocʉ Jümenijicʉ jári dápaiyepē arī coyurejame Jesús:

—Apevʉ jabotebevu bácvʉ ijäravʉre jabotenajarama na Jümenijicʉ jabotequiyede. Aru apevʉ jaboteivʉ bácvʉ ijäravʉre jabotebenajarama na Jümenijicʉ jabotequiyede, arī buedejame Jesús.

**Jesús ūi coyʉino bedióva
cojedeca ūi yaiquínore
(Mr 10.32-34; Lc 18.31-34)**

¹⁷Mái nuri, cuivʉ barejacárā Jerusalén ámicuriimaro. Ñuje nñiyede, ñuña ūi bueimarare nñvarejame apevʉre jocarī. Aru yópe arī, coyurejame Jesús:

¹⁸—Jerusaléi nñivʉbu. Nore curī, yure, Jümenijicʉ daroimʉ máchre ñuñape, ji maucu jení jíquijibi sacerdotevare jaboteipōevare aru Jümenijicʉ yávaiye báquede bueipōevare máre. Ina pñeva arájivʉbu: “¡Boarí jarʉvaicōjejara ūre! ¡Yaijácrí!” ¹⁹Que arī, jínajivʉbu yure ina judíova ámevʉre. Que teni ina pñeva yurinajivʉbu yure. Jara popenajivʉbu yure. Aru yure pñevare jocñçjaravena, boarí jaravarājivʉbu. Übenita yóbecurijāravʉa yóboi, jipacʉ, Jümenijicʉ, nacovacuymʉ yure yainore jarʉvarí, arejame Jesús.

**Santiago aru Juan népaco
oi jéniaiino Jesúre**

(Mt 23.11; Mr 9.35; 10.35-45; Lc 22.25-27; Jn 13.12-15)

²⁰No yóboi Zebedeoí márai paco nñre-jacoda Jesús yebai mamaraque, Santiago aru Jüaque máre. Úi jipocai ñuñatutare-jacoda, òi jéniaiyʉe boje apejñene ūre.

²¹Aru Jesús jéniai járejamedá òre:
—¿Yéde dñacaji mure? arejamedá.
Úre arejacoda:

—Dobaicōjejacʉ ina jímara pñcarare mi yebai, cūinácre meapūravʉi aru apecure cäcopūravʉi, mi jabotequinumʉ maquinóre, arejacoda ò.

²²Übenita Jesúcapūravʉ arejamedá:

—Mi jēnaiyede coreóvabevu mū. Pōecu dobaiyuscu baru yáque ji jabotequinumu maquinóre, mamarumu ñájiye jausvu ūre yáque. ¿Úcuri bhojarajídica mūja ji ūcuinore? arejameda náre Jesús.

Aru ju arejaimada ūre:

—Bhojaivubu ñūja, arejaimada.

²³ Aru Jesús arejameda náre:

—Ji ūcuinore ūcurajivubu mūja. Ji que aiyede, yópe ayubu: Ji ñájiyepedeca ñájinajivubu mūja. Übenita yávacari beobevu náre, dobarajívure ji meapúravui aru ji cācopúravui máre. Quénora dobarajarama nore ina jipacu beoimara mácavu, javeta ūi meadaimara mácavu, arejameda Jesús.

²⁴ No yóboi, jápiarejacarā ne borore apevū ñūja caipicarúrhuape paivu Jesúi bueimara. Que baru jararejacarā inare. ²⁵ Dinumu Jesús órejarejame ñūjare ūi yebai. Aru arejame ñūjare:

—Mūja majivu ina jaboteivure judíova ámevure ne daiyede. Paruequé cōjeivubu ina ne jaborocavure, ne dacarajiyepa aivu náre ne uthópe. ²⁶ Übenita nápe dabejarā mūja. Ñai mūjacacu paracu baiyuscu baru, memecajacurí mūjare. ²⁷ Aru nopedeca ñai mūjacacu jabocu baiyuscu baru, yebacatejacurí caivure. ²⁸ Nopedeca Jämenijicu daroimucu mácu ūmure, yu, dabedejacacu, pōeva ne memecarajiyepa ayu yure. Quénora darejacacu yu, memecacuyu apevure aru boarí jaruvaicōjecuyu ji bajure, meadacuyu obedivu pōevare, ji yaiquiyede náre boje, arejame ñūjare Jesús.

Jesús ūi meadaino pūcarā jāri eabevure

(Mr 10.46-52; Lc 18.35-43)

²⁹ Jericó ámicuriímarore etarejacarā ñūja, Jesús. Obedivu pōeva darejaima ñūje yóboi. ³⁰ Aru pūcarā ūmua, jāri eabevu, ma ēcarui dobarejaima. Pōeva

“Jesús Nazarecacubé ū”, aivure jāpiaivu, codoboborejaima na, jāri eabevu:

—Mu, David bácu pāramecu, Jämenijicu daroimucu mácu, ñūje jabocu bacuyá, cōmajae ãroje jájacu ñūjare, arejaima na.

³¹ Ina obedivu pōeva náre aridurejaima:

—Bi ajarā mūja, aridurejaima.

Übenita pheño baju codoboborejaima cojedeca:

—Mu, ñūje jabocu, David bácu pāramecu, cōmajae ãroje jájacu ñūjare, arejaima na.

³² Que teni ūre codoboboivure jápiayu Jesús, dajocarejame. Aru apevure cuticōjenejame ina pūcarā jāri eabevure ūi yebai. Eaivure, Jesús jēniari jārejame náre:

—¿Aipe dacaji yu mūjare? arejame ū.

³³ Úre arejaima na:

—Mu, ñūje jabocu, jāri eabevubu ñūja. Ürarō jáiyurivubu ñūja, arejaima.

³⁴ Jesús cōmajae ãroje jāñu, ne yacoruaré tuorejame ū. Aru cūiná jārejaima na, jāri eabevu bácvu. Que teni Jesús yóvarí nurejaima na máre.

Jesús Jerusaléi ūi ecoino

(Mr 11.1-11; Lc 19.28-40; Jn 12.12-19)

21 Jerusalén ámicuriímaro joabejínoi cūrī, Betfajé ámicuriímajino baji, no cūracu Olivocu ámicuricu éemeino baji, earejacarā ñūja, Jesús. Nore earí, pūcarā ñūja ūi bueimaracavure yópe arí, jarorejame Jesús:

²—No cōchinoi cūrīmajinoi nūjara mūja. Cūiná earājaramu mūja pōevare ūmaiāimacure, burra ámicuco, mamaçque, nácacu bhoimare. Náre bhoimeare jōdeni, davajarā yure. ³ Aru, “¿Aipe teni ina áimarare náre bhoimeare jōdeni, náre nūvaivurā mūja?” ne aruta, yópe ajarā: “Ñūjare ícōjeni darobi maje jabocu. Úre ūmacayu áimacu jaubi ū.

Carijēneca mūjare jacopaiyovachyume cojedeca”, ajarā, arejame Jesús.

⁴ Caiye iye nōpe vaidéjavū cūinátu Jūmenijicu coyuñicōjeiye báquepedeca cūinácu ūi yávaiyede coyuñcaipōecu báçure. Yópe arī, toivaicōjenejaquemavu ū máçure Jūmenijicu:

⁵ Coyuñcasu ina Jerusalén āmicurií marocavhre. Jājara. Mūjje jabocu bacuyú mūjare dacuyume. “¿Meachu bárica yu?” abecubé. Burrore tubarí dacuyume. Burro bojuyovacari bacuyáme ūi tubamu macuyá, arī toivaicōjenejaquemavu Jūmenijicu.

⁶ Jesú daroimara nurejaima. Aru dārejaimada yópe ūi aiye báquepedeca náre. ⁷ Davacarejaima Jesúre ico burrare mamachque. Aru nūjje doicajea puenocacajeare burrare aru mamachque máre thorejacara. Mamachque tubarejame Jesús. ⁸ Dinumma ina obedivu pōeva, nūjaque curivu, ne puenocacajeare jūarejaima mára. Aru apevu joscus cavabua yoca curicavabhare burari, jūarejaima mára, Jesúre meadaiyurivu, ne puedarí jacoyurajiyepo aivu. ⁹ Úre jipocateivu aru ūi yóbocavu máre codoboborejaimana:

—David báçui pāramec, maje jabocu bacuyáre torojue bajadéni. Jūmenijicu mearo dācaimume ūi, Jūmenijicu daroimu máçu. Cari jabocu bacuyáre ména borotenajarevu, codoboborí arejacarā nūjja caivu.

¹⁰ Jesú ūi eaiyede Jerusalén āmicurií maroi, caivu nōcavu etarí, jári, jēniari jārejaima na, “¿Namema nai?” ¹¹ Aru ina pōeva nūjare yóvaivu arejaima náre:

—Útame nai Jūmenijicu yávaiyede coyuñcaipōecu, Jesús Nazarecacu, Galileacarōcacu, arejaima ina pōeva.

Jesús ūi meadaino Jūmenijicu cūramine

(Mr 11.15-19; Lc 19.45-48; Jn 2.13-22)

¹² Jesú edarí Jūmenijicu cūrami yebai, diñami tāibu uthatāibui ecorejame ū. Aru nore diñami curivu bojedaipōevare jaruvarejame Jesús. Tāutura oatuvaiapōeva ne jādovaivare moari nauzárejame ū. Aru jurevare bojedaipōeva ne dobarōare máre moari nauzárejame. ¹³ Náre yópe arejame Jesús:

—Yópe arī toivaicōjenejaquemavu Jūmenijicu ūi yávaiyede: “Ji cūrami caivu pōeva ne yure, Jūmenijicure, coyuñnamimu”, arī toivaicōjenejaquemavu. Ubenita diñamine tatorí ivu ne dupiñamipe daquemavu mūja, mūjje pueno utharō tāutura íye boje pōevare jocarí, ne bojedaipōede mūjje cuvaede, arejame náre Jesús.

¹⁴ Jári eabevu darí, aru cuiye majibevu máre daivu barejáima ūi yebai no Jūmenijicu cūrami. Náre coapa meadarejame Jesús. ¹⁵ Apevu fariseova aru Jūmenijicu yávaiye báquede bueipōeva caiye iye pōeva ne darí majibede Jesús ūi daiyede jārejaima. Aru ina jñedova noi curivu, “David báçui pāramec, maje jabocu bacuyáre torojue bajadéni”, ne arī codoboboyede jápiarejaima ina fariseovajā. Que baru jorojñejaima ūre. ¹⁶ Aru aridurejaima:

—¿Jápiabecurū mu ne aiyede? aridurejaima.

Ubenita Jesús arejame náre:

—Jápiavu yu. ¿Árūmetenarū mūja? Jūmenijicu ūi yávaiye báquede toivaicōjenejaquemavu cūinácu ūi yávaiyede coyuñcaipōecu báçure yópe arī yurā: Mu, nūjje jabocu, jñedovare aru jñedojñare máre mearore jícōjeivu mure, arī toivaicōjenejaquemavu Jūmenijicu, arejame Jesús.

¹⁷ Que arīburu yóboi, náre dajocarī etarejacarā ñuña, Jesújā, diímarore jocarī. Cárancurejacarā Betania ãamicuriimajinoi.

**Jesús ūi ámecoroino
higueracu jēidua cübecure**

(Mt 17.20; Mr 11.12-14,
20-26; 1 Co 13.2)

¹⁸ Cōmiáijárauñ javejínara copainhre-jacarā Jerusalén ãamicuriimaroita. Aru ñavé ijidejavuña Jesúre. ¹⁹ Que baru ūi jaiyede cūinách joscu higuera ãamicuricure ma ēcaru, jēiduare vocuñridurejame dicu yebai. Úbenita yoca matuiyeda earejame. Aru arejame dicure:

—Cainumua jēmejaðeni mi jēidua co-jedeca, arejame ū.

Aru cūiná dicu yaidéjavu. ²⁰ Ñuña ūi bueimara diede jári, cuecumarejacarā. Aru arejacarā:

—¿Aipe teni cūiná yaidí dicu higuer-acu? arejacarā.

²¹ Aru Jesús, yópe arī, coyurejame ñuñjare:

—Jáve coyuyabu mujare: Muja me ju aivu baru Jūmenijicure, aru “Jūmenijicu iye daiyede majibebi” arī dápiaibevu baru, muja máre darī buojarājaramu yópe ji daiye báquepe dicu higueracure. Aru pueno baju darī buojarājaramu muja. Icū cūracure “Nújacu yore jocarī pū jia uradaita, cocuñjacu” tuye aru, nópe daquiyebu dicu. ²² Caiye iye muje Jūmenijicure jēniaiyede, “Jáve Jūmenijicu jícuyuñe yure” arī dápiaru, Jūmenijicu jícuyuñe mujare muje uede, arī buedejame ñuñjare Jesús.

Jesús ūi parué

(Mr 11.27-33; Lc 20.1-8)

²³ Diede coyuyu bácu, Jesús Jūmenijicu cárabi ecorejame cojedeca. Noi pöevare bueyure, sacerdotevare jaboteipöeva aru judíova buchava

máre ūi yebai nurejaima. Aru jēniari jārejaima ūre:

—¿Ye paruéque dayurū mu iye mi daiyede? ¿Ñame jidi mure iye paruéde mi nópe daiyede? arejaima na.

²⁴ Jesús arejame náre:

—Yu máre jēniari jāquijivu mujare cūináro jēniari jainore. Yure coyuru, yu máre coyuyujivu mujare ji paruéque ji daiyede. ²⁵ Juan Bautista bácu jādovaquemari pöevare Jūmenijicu ūi paruéque o pöeva ne paruéque? Coyujarā yure, arejame náre Jesús.

Ú que aiyede, ne bajumia boroteivu arejaimada yópe:

—Maje aru “Jūmenijicu”, ū aquijibí “¿Aipe teni ju abetecarā ūre?”

²⁶ Úbenita maje aru “pöevaque”, jiduñjare majare. Ina obedivu pöeva coreóvadama Juan Bautista bácu Jūmenijicu yávaiyede coyucaipöeçu bácuré. Que baru nácapúravu ãmedajebu majare, arejaimada. ²⁷ Que baru arejaima Jesúre:

—Majibevu ñuña, arejaima.

Dinumure Jesús arejame náre:

—Yu máre coyubevu mujare ñamei paruéque ji daiyede, arejame Jesús.

**“Pucarā mamarare” jári dápiari
ne ðarajiyepo aino**

(Lc 3.12; 7.29-30)

²⁸ Bedióva yópe arī, buedejame Jesús:

—¿Aipe dápiaivurū muja iye ji coyuyiyede mujare? Cūnácu ūmu pucarā mamarare cüvacu yópe aquemavu cūnácuré: “Mu, bucu, memecuñjacu úyaimu jioi cari jāravu”, aquemavu jípacu.

²⁹ Úbenita úcapúravu “Núiyubevu”, aquemavu jípacure. Úbenita nópe arīburu yóboi, chiori dápiaquemavu ūi ju abe báquede jípacure. Aru jioi nuquemavu ūi, mamacu. ³⁰ Népacu ñai mamacure ūi coyuriburu yóboi, apecu mamacure quédeca aríduquemavu.

Aru ñai mamacapūravu “Báyu, memecuñapūmu yu”, jü ariduyuvacari, ubenita ye nūmetequemavu ü, arejame Jesús.

³¹ Náre jeníari járejame Jesús:

—¿Ácuba ina pucarā mamaracacu jípacu ʉrōpe dayu bácu? arejame Jesús.

Arejaima Jesús:

—Üi mamarumu jéniaimu mácu üi ʉrōpe daquemavu, arejaima.

Aru Jesús arejame náre:

—Jáve coychubu mūjare: Ina jabovare tāutura īcaipōeva aru ina nomiva ámena ne bajure bojedaivu ecorājarama Jūmenijicu jaboteinore mūje jipocai. ³² Quédeca Juan Bautista bácu buecudame mūjare aipe darī Jūmenijicu jáñire pōevare boropatebevure. Ubenita mūjacapūravu ü mácure jü abetequemavu. Quénora ina jabovare tāutura īcaipōeva aru ina nomiva ámena ne bajure bojedaivu ü mácure jü aquemavu, arejame náre Jesús.

“Ámena memecaipōevare” jári dápiarī ne dārājiyepo aino

(Mr 12.1-12; Lc 20.9-19)

³³ Jesú, yópe arī, buede nūrejame náre:

—Apeno jári dápiarī mūje dārājiyepo aino ji coychuiyede jápiajarā mūja. Cūinácu cūrami upacu doaicōjequemavu jiore ʉyaimuque. Doarī bhojarī, daicōjequemavu biadore jio turuvai. Aru tūicōjequemavu cobede ʉyai pipocobede. Aru daicōjequemavu ümujurínamí cūramine, jiore coreipōecu üi jāquiñamine máre. Caiye iyede meadarī bhojarī, vorī earī jiore memeipōevare, epequemavu náre, ne memecarājiyepo ayu üre. Ina memecaipōeva ñajivu batequémavu apeboa ʉyaiboare, ne memeiye boje. Aru nūquemavu ñai jio upacu apeno joborōi. ³⁴ ʉyai jēijāravu yóboi, ñai

jio upacu jaroríduquemavu apevu üi yebacavure memecaipōeva yebai, ne ñajiyepo ayu apeboa ʉyaiboare, ñai jio upacu jiede. ³⁵ Ubenita ina memecaipōeva ina yebacavu eaiñure jéni, cūináçure jara popequemavu, aru apecure boarī jaruvaquemavu, aru apecure cūraboaque dūvarī boarī jaruvaquemavu máre. ³⁶ Ñai jio upacu jaroríduquemavu apevu yebacavure. Ubenita náre quédeca daquemavu ina memecaipōeva.

³⁷ No yóboi, ñai jio upacu jaroríduquemavu mamacure memecaipōeva yebai. “Jímacure jáivu puedarājichuma na”, arī dápiarī, que dārāduquemavu. ³⁸ Ubenita ina memecaipōeva jáivu ñai jio upacu máchre, aquemavu ne bajumia, “Ñai ñuje jabocu bacuyúme. Jípacu üi yainiburu yóboi, cūvacuñume caiye üi cūvaede. Járica, boarī jaruvarājarevü üre, majá cūvaburí caiye üi cūvaede”, aquemavu na. ³⁹ Que arī, üre jéni jaetovaquemavu jiore jocarī. Aru boarī jaruvaquemavu üre, arejame Jesús.

⁴⁰ Na üi coychiyede jápiaivure jeníari járejame Jesús:

—¿Ñai jio upacu copaini dayu, aipe daquidi ina memecaipōevare? arejame ü.

⁴¹ Üre jápiaivu arejaima:

—Ina ámenare pare ñájine darī boarī jaruvaicōjecuñume ü. Aru epecuñume apevu memecaipōevare noi, üi jioi, üre jínañivure üi jéiduare jēijāravu eaiyeta, arejaima na.

⁴² Jesú arejame náre:

—¿Árūmetenaru mūja iye Jūmenijicu yávaiye üi toivaicōjeiye báquede? Yópe toivarejaquemavu yurā, Cristo ji borore: Iva cūravare cūramine daipōeva ubeni jaruvaquemavu. Caride iva cūrava caiva apeva pueno parurivabu. Nópe daino mácarore daquemavu Jūmenijicu. Que baru pare

mearotamu majare, maje dápiaru, arí toivarejaquemavu.

⁴³ Que baru coyu'ybu mujare: Muja judíova muje dabe boje mearore yópe Júmenijicui ʉrōpe ūi jaboteimarare daiye jauepé, apevu pöeva, judíova ámevu, mearore daivu yópe Júmenijicui ʉrōpe, ūi jaboteimara marajárama na muje püeno. ⁴⁴ Ács pöescu tuyu baru divarā, turí yavachyume ūi bajure. Aru diva tuiua baru pöecu püenora chitoquiyebu ūre, arejame náre Jesús.

Yópe aiyuróttamu no: Pöeva “Ámecubé ū”, arídurájarama Jesúi borore. Übenita meacu bajube ū, Jesús, caivu apevu püeno.

⁴⁵ Ina sacerdotevare jaboteipöeva aru ina fariseova jápiaivu bácvare Jesús ūi jári dápiari ne darájiyepe aiyede, coreóvarejaimada coyu'yure nára, “Muja judíova muje dabe boje mearore yópe Júmenijicui ʉrōpe, judíova ámevu ūi jaboteimara marajárama muje püeno” ūi aiye báque boje. Que baru jení nu-vaiyuridurejaima. ⁴⁶ Übenita ne jéiyuriduiyede ūre, obedivu pöeva “Jesúbe Júmenijicui yávaiyede coyu'caipöecu” arí dápiavare jidurejaimada.

**“Purubhoivu ne torojuve teinore”
jári dápiari ne darájiyepe aino
(Mt 8.12; 25.30; Lc 13.28; 14.15-24)**

22 Bedióva cojedeca Jesús, yópe arí, buedejame náre apeno jári dápiari ne darájiyepe ainoque:

² —Júmenijicui jaboteinomu yópe cūnácu jabocu mácu purubhooyre torojuve tede dainope. ³ Nai torojuve teino upacu jarorí, “Nujara” aicójeniduquemavu ūi yebacavare ūi cutuimarare. Übenita ina cutuimaracapúravu nuiyubetequemavu. ⁴ Bedióva cojedeca jarorí, aicójeniduquemavu apevu ūi yebacavare yópe: “Coyujará ina ji cutuimarare yópe: ‘Ji torojuve teinore

meadaivu yu. Boaicójeivu oteivechava ʉraráre aru ina mamara jiacrivare máre. Caiyede meadaivu yu. Que baru áranujara cari’, ajará ji cutuimarare”, aquemavu ñai jabocu. ⁵ Übenita ina cutuimarare ñai jabocure ámeina jári, yurini, nümetequemavu ūi torojuve teinore. Cūnácu memecunquemavu ūi jioi. Apecu memecunquemavu ūi bojedaitucubhi. ⁶ Aru apevu ina yebacavare jení, cuyojaró darí, boarí jaruvaquemavu náre. ⁷ Diede jápiari, ñai jabocu jaraquemavu. Churaravare jaroquemavu, ne boarí jaruvarájiyepe ayu ina boarí jaruvaivu bácvare ūi yebacavare aru ne juarájiyepe ayu ne imarore.

⁸ ’Dinumure ñai jabocu aquemavu apevu ūi yebacavare, “Jímacu ūi purubhooyre torojuve teino meadarí bhojainomu. Übenita ina ji cutuimarara mácvu ámena bajure daiye jaubetedebu. ⁹ Que baru ma ʉramai nujara muja. Nore caivu muje eaimarare cutujara, ne darájiyepe aivu ji torojuve teinoi”, aquemavu ñai jabocu. ¹⁰ Üi que aríburu yóboi, ina yebacavu mái nuri cójijovaquemavu caivu ne eaimarare, mearare aru ámenare máre, ne torojuve teitucubu buquíyepe aivu. ¹¹ Übenita ñai jabocu jácunari ina ūi cutuimarare no torojuve teitucubhi, jáquemavu cūnácu pöescure purubhoino doiyede dobecchva. ¹² Que baru ūre jeníari jáquemavu, “Pacomá, ¿aípe teni ecoyu bhojacurú yore purubhoino doiyede dobecchva?” aquemavu. Übenita ñai cutuimucapúravu bi aquemavu. ¹³ Dinumure ñai jabocu ūre cadateipöevare yópe aquemavu, “Üi puruáre, ūi cùbobare máre bhorí, jaruvarajará ūre joai, ñeminoi, ūi jü abe boje yure, ūi coatequiyeye aivu yure jaruvarí. Chioivu orí curájarama pöeva nore. Aru jararí cöpi cürájarama na, aquemavu ñai jabocu”, arejame Jesús.

¹⁴ Jesús, yópe arī, buede nurejame:

—Obedivu pōevatamu ina Jūmenijicu ūi cuturiduimara. Ubenita obebejīnatamu ina ūi beoimara, ūi jaboteimara márajivu, arejame Jesús.

Jesús ūi coyuino jabovare bojedainore

(Mr 12.13-17; Lc 20.20-26)

¹⁵ No yóboi apevū fariseova ne bajumia borotedejaimada aipe darī ne jujovarī jacotujroede Jesúre ūi coyuñequede. ¹⁶ Apevū ne bueimarare apevū Herodecavuque jarorejaimada na. Ūi yebai edarī, ūre yópe arejaima, mamadaiyurivu:

—Mu, bueipōecu, mure coreóvaivnū ūja. Nurié yávaivu mu. Jäveneca bueivu mu pōevare, ne darājiyepo ayu mearore yópe Jūmenijicu daicōjeiyepo. Caivu cūinácamuara yávaivu mu. Coyubevu mu pōevare yópe ne dāiyepo. Quénora jidubecuva coyuñu mu nare yópe ne dāpiaiyepo. ¹⁷ Que baru coyuñacu yéde mi dāpiaiyede iye ūja jēniayede mure caride. ¿Maje jabocu César ūi ícōjejroede, ūi jaboteiye boje, maje bojedaru, mearica die? ¿O bojedabejeba maja? arejaima na, ūre jujovaiyuriduivu.

¹⁸ Ubenita ne ūre āmeina dājroede majini, yópe arejame Jesús:

—Muja, jujovaivu, ¿aipe teni yure jujovaiyuridurārū muja? ¹⁹ Jādovajara yure tāuturatravare, arejame Jesús.

Que ayure, nácacu cūinátrava tāuturatravare davarejame ūre. ²⁰ Ūre ūi davarī jíyede, arejame Jesús:

—¿Nāmema ūai, dituravare jēñu? ¿Aru ūnamei āmiá curituratvaba diturava? arejame nare Jesús.

²¹ —Nai jabocu Césai decoch aru ūi āmiá máre curituratvatu, arejaima Jesúre.

Que aivure arejame Jesús:

—César jiede ūre jacopaiyovajarā muja. Jíjarā ūre tāutura yópe ūi bojedacōjeiyepo mujare. Aru Jūmenijicu jiede ūre jacopaiyovajarā muja. Dajarā yópe ūi urōpe, arejame nare, jēniari jāradaivure, Jesús.

²² Ūi que aiyede jápiari, pare dápiari cuecumarejaimada ina ūre jujovaiyuriduivu bácavu. Que baru ūre dajocari etarī nurejaima na.

Saduceova ne jēniari jāino Jesúre yainore jarūvarī nacajainore

(Mr 12.18-27; Lc 20.27-40; Hch 23.8)

²³ Dijāravumareca apevū saduceova darejaima Jesús yebai. Saduceo āmicuriyajubobu judíovacavu ne yajubo cūináyajubo. Caivu saduceova “Yainore jarūvarī nacajaiye cūbevū”, adama na. Jesúre jēniari jārejaima ina saduceova yópe arī:

²⁴ —Mu, bueipōecu, Jūmenijicu cōjeiyede Moisés bácu coyuñera jaquemavu: “Cūinácu néramicu yaidú, juedocuvabecuva, yaiyá báchi yócre purubhoiye jaunu nomiōpecoque, juedocuvachu. Aru ina juedova bárājivu yaiyá báchi āmiáre cūvarājarama na”, coyuñacōjenejaquemavu Moisés bácu Jūmenijicu. ²⁵ Javede cātequemavu siete paivu ūmuva ūjucavu. Cūinácu ūmuvi mára matequéma na. Aru néramicu purubhoquemavu. No yóboi yaiquémavu ū mácu, juedocuvabecuva.

²⁶ Que baru apecu, néramicu báchrā cutuyu, purubhoquemavu jíbucu báchi márepacoque. Aru jíbucu bácupedeca, yaiquémavu ū mácu máre, juedocuvabecuva. Aru apecu, ū máchrā cutuyu máre, nopedeca, aru caivu ina siete paivu bácavu óque purubhoi, yaiquémavu na mácavu caivu juedocuvabevuva. ²⁷ Caivu ne yóboi, ico nomiō máco máre yaiquémavu. ²⁸ Aru yainore jarūvarī nacajaijāravu

baquinóre, ñamei márepaco bacodóbaico? Ijárvai caivu ina siete paivu cùvatequemavu óre, arejaima na Jesúre.

²⁹ Ubenita Jesús arejame ina saduceovare:

—Mamateivabu maja, maje majibe boje Jümenijicu yávaiyede. Aru Jümenijicu paruédé máre majibevabu maja. ³⁰ Yainore jaruvári nacajaijárvu baquinóre purubuhobenajarama. Aru jíbenajarama némaromivare, ne purubuhorájiyepo aivu. Quénora ángeleva, ina purubuhobevu, cavaró mearo Jümenijicu cùròcavupe paivu, barajárama ina yainore jaruvári nacajajarivu. ³¹ ¿Iye yainore jaruvári nacajaiyede, jápiarí eabenaru maja iye Jümenijicu coyuviye báquede Moisés bácre? ³² “Yútamu Jümenijicu. Abraham, Isaac, aru Jacob ne mearore jímumu yu”, arejaquemavu Jümenijicu. Que arí, yaivu bácvu ne mearore jímuh ámemi Jümenijicu. Quénora apurivu ne mearore jímutame û, arí coyucrejame náre Jesús.

³³ Ina obedivu pöeva Jesús ûi nópe coyuviyede jápiaivu, pare dápiarí cuecumarejaimada, ûi nópe aiye boje.

Daicōjeiye parué caiye pñeno

(Mr 12.28-34; Lc 10.25-28)

³⁴ Apevu fariseova ne jápiaiyede Jesús vainí tuyu bácre ina saduceovare, bi are dayu bácre náre, cóijidejaima ûi yebai. ³⁵ Aru cùinácu nácacu, Jümenijicu daicōjeiyede majicu, Jesúre jújovári jacotuiyuriduyu jeníari járejame yópe:

³⁶ —Mu, bueipöecu, ¿ároma majare Jümenijicu daicōjeino pñeno paruró cõjeino? arejame û.

³⁷ Jesús arejame ûre:

—“Ujacu mi jabocu Jümenijicure Caino mi ümeduque, Caino mi ümeque, aru Caino mi majiéque”. ³⁸ Nótamu Jümenijicu daicōjeino pñeno paruró,

pñeno mearo máre. ³⁹ Aru no yóbo cächijino paruró daicōjeinotamu mamaro cõjeinope paino. “Mi bajure mi jecuédpedeca jecujacu mícucre máre”. ⁴⁰ Caiye Jümenijicu daicōjeiye ûi coyuviye báquede Moisés bácre, aru caiye ina Jümenijicu yávaiyede coyucaipóeva mácvu ne bueye báquede máre coyuviyetamu cùináturura iye pñque daicōjeiyeque. Pöevare ue jaivu majepacu Jümenijicure aru jecué jaivu apevu pöevare máre, arí budeejame Jesús.

Cristo ñai jabocu David bácu pãramecu

(Mr 12.35-37; Lc 20.41-44)

⁴¹ Ina fariseovacavu cóijivureca cäreja Jesús yebai, náre yópe arí, jeníari járejame Jesús:

⁴² ¿Aipe dápiaivuru maja ñai Cristore? ¿Namei máchba ñai? arejame.

Úre arejaima:

—David bácu pãramecu be û, arejaima.

⁴³ Náre arejame Jesús:

—Que baru, ¿aipe teni David bácvacari Espíritu Santo paruéque coyuicõjeimu marejaquémaru “mu, ji jabocu” Cristorá? David bácu, yópe arí, coyucrejauemavu Cristorá:

⁴⁴ Jümenijicu aquemavu ji jabocure, “Dobajacu ji meapúravu, mi cuvaé boje paruédé yupedeca. Aru yu epescuyumu mi mauvare mi cùboba cächinoi. Que teni mure vainí jaruvare dacuyumu yu náre, mi jabotequiyepe ayu náre”, arí toivarejaquemavu David bácv Cristorá.

⁴⁵ David bácvacari Cristoi borore arejaquemavu, “Úrecabe ji jabocu”. Que baru, ¿aipe teni David báchi pãramecu be û? arejame Jesús.

⁴⁶ Name bhojarí cùiná coyu beteima úre. Dijárvamata name yéde jeníari jámenejaima Jesúre bedióva cojedeca.

Jesús ūi boro coyurí adaino fariseovare aru Jūmenijicui yávaiye báquede bueipōevaré

(Mt 3.7; 5.34; 6.1; 12.34; 20.26-27; Mr 9.35; 10.43-44; 12.38-40; Lc 3.7; 11.37-54; 14.7-14; 18.14; 20.45-47; 22.26; Hch 23.3)

23 No yóboi Jesús, yópe arí, coyurejame ina obedivu pōevare aru nūja ūi bueimarare máre:

²—Jūmenijicui yávaiye báquede bueipōevaré aru fariseova buedama mūjare Jūmenijicui dāicōjeiyede ūi coyurejame báquede Moisés bácore. Jūmenijicui yávaiye jāvene buedama na. Que baru dājarā mūja yópe ne bueiyepedeca. ³ Ubenita návacari dabena na yópe ne bueiyepedeca. Que baru dabejarā mūja yópe ne dāiyepedeca. ⁴ Ne baju dāpiayele dāicōjedama pōevare. Ubenita yópe Jūmenijicui yávaiye báquepe dāpiabenama na. Maiyójajebu iye dāicōjeiyede ne baju dāpiayele báque. Návacari caiye iyede ye dabena na. Aru ne dāicōjeimarare ye cadatebenama, ne dārājiyepe aivu die maiyójae dāiyede. ⁵ Caiye ne dāiyede dādama apevure jāicōjenajivu, “¿Meara mérica na?” ne arí dāpiarājiyepe aivu. Que baru Jūmenijicui yávaiyequede ne toivaino mácarō yocarā, ne adaino mácarō quíjítocua jívui buodama na. Ditōcuare ne buoiyede ne tūtuvu coapa aru ne āmuve cācopūravucaāmuve coapa, uramea buoimeaque buodama na, jāicōjenajivu apevure. Aru ne cuitótecajea coapa nareicōjedama turuvacajea uracajeare, jāicōjenajivu apevure. Que teni apevure dāpiare dāiyuriduyama mearore jívaivure Jūmenijicure aru ju áavaivure máre. Ubenita nōpe dāpiajebu pōeva náre ubenina. ⁶ Torojuve teinore chiyuma na nai torojuve teino upacu yebai, apevure ne puerarājiyepe aivu ubenina.

Judíovai cójijiñamiare ume na ne dobae mearoa baji, apevure ne járajiyepe aivu náre parurivupe. ⁷ Aru ume na pōeva puerarājiyepe aivu tāibui aru “mū, bueipōeçu” ne ainore máre náre.

⁸ Ubenita mūjacapūravu “mū, bueipōeçu” aicōjemejara apevure mūja coapa, mūje dāpiayele boje meara apevure pueno. Yū cūináchratamu mūja bueipōeçu. Aru cūináchrabu mūja, caivu cūinávupre paivu. ⁹ Aru ijāravucaçu cābebi “mū, nūjepacu, nūje jabocu” mūje aimu. Nōpe abejara pōecure. Majepacu cūináchratame cavarō mearocacu. ¹⁰ Aru “mū, jabocu” aicōjemejara apevure mūja coapa. Yū, Cristo, cūináchratamu mūje jabocu. ¹¹ Que baru nai mūjacacu paracu baiyucu baru, memecajacu mūjare. ¹² Nai chiyucu me apevure pueno, parubecuyume pueno baju. Aru nai parubede dāiyucu ūi baju apevure cāchino, me cuchuyume pueno baju, Jūmenijicui mearo dācaquye boje ūre, arí buedejame nūjare Jesús.

¹³ Aru yópe arí, coyure nūrejame ū:

—Mūja, Jūmenijicui yávaiye báquede bueipōevaré, aru mūja, fariseova, jujobaivu, chīorajaramu mūja. Jūmenijicui nājine dāchuyume mūjare. Mūja dādavu yópe pōecu ūi bieiyepet cūramine, apevure ne ecobenajiyepet ayu, aru ū máre ecobecuyu. Mūja coreóvadavu Jūmenijicui yávaiye. Ubenita diede ju are dābavu apevure, ne ecobenajiyepet aivu Jūmenijicui jaboteinore, aru mūja máre ju abevu. Que baru ecobenajaramu nore.

¹⁴ Mūja, Jūmenijicui yávaiye báquede bueipōevaré, aru mūja, fariseova, jujobaivu, chīorajaramu mūja. Jūmenijicui nājine dāchuyume mūjare. Jujobaivu nāvadavu ina nomiōpeva ne apejīene. Aru jēniadavu joe Jūmenijicuque, pōeva ne dāpiarājiyepe aivu ubenina mūja me Jūmenijicure ju aivupe. Caiye

iyede mūje daiye boje, pñeno ñrarō ñájinajaramu mūja, mūje āmeina teiye boje.

¹⁵ Mūja, Jūmenijicui yávaiye báquede bueipõeva, aru mūja, fariseova, jyjovaivn, chñorajaramu mūja. Jūmenijicu ñájine dachuyume mūjare. Joai curānñavu mūja jia ñradai aru joborōi máre. Cūinácu põecure vorānñavu, oatñavarājivu ūi dápiaiyede, ūi dápiaquiyepo aivu mūje dápiaiyepo. Aru ūi daiyede máre oatñavadavu mūja, ūi daquiyepo aivu pñeno āmenore, ūi ñájiquiyepo aivu toabo cüiméboi mūje pñeno.

¹⁶ Mūja, Jūmenijicui yávaiye báquede bueipõeva, aru mūja, fariseova, jyjovaivn, chñorajaramu mūja. Jūmenijicu ñájine dachuyume mūjare. "Jūmenijicui yávaiye báquede bueni bñyojaivnbu ñúja", adavu mūja põevare ubenina. Yópe jári eabevu ne jipocateiyepo põevare, mūja Jūmenijicui yávaiye báquede bueni bñyojabenamu. Yópe ubenina bueðavu mūja: "Põescu ayu baru 'Ji aiyepo dachuyumu yu, Jūmenijicui cñrami cñe boje', daiye jañbevu ūre. Ubenita ayu baru 'Ji aiyepo dachuyumu yu, úru cñe boje Jūmenijicui cñrami jívnui', daiye jañvnu ūre", adavu mūja. ¹⁷ Mūjatamu jári eabevu paivu mūje ūmei. Mūjatamu árñmevu. Coreóvabevu mūja Jūmenijicui cñramine pñeno parñrōre caiye iye úru pñeno. Iye úrubu pñeno me, die cñe boje Jūmenijicui cñrami jívnui. ¹⁸ Aru yópe ubenina bueðavu mūja: "Põescu ayu baru 'Ji aiyepo dachuyumu yu, Jūmenijicure jícaiva cñe boje ūi cñrami jívnui', daiye jañbevu ūre. Ubenita ayu baru 'Ji aiyepo dachuyumu yu, Jūmenijicure jícaive boje jícaiva pñenorá ūi cñrami jívnui', daiye jañvnu ūre", adavu mūja.

¹⁹ Mūjatamu jári eabevu paivu mūje ūmei. Coreóvabevu mūja Jūmenijicure

jícaivare pñeno parñrōre caiye iye jícaive pñeno. Iye jícaiyebu pñeno me, die cñe boje Jāmenijicure jícaiva pñenorá. ²⁰ Que baru põescu ayu baru "Ji aiyepo dachuyumu yu, Jūmenijicure jícaiva cñe boje ūi cñrami jívnui", jáve aiyurō "Jūmenijicure jícaiva aru caiye Jūmenijicure jícaive diva pñenorá", aiyubi ū. ²¹ Aru põescu ayu baru "Ji aiyepo dachuyumu yu, Jūmenijicui cñrami cñe boje", jáve aiyurō "Jūmenijicui cñrami aru ñai cñscu noi", aiyubi ū. ²² Aru põescu ayu baru "Ji aiyepo dachuyumu yu, cavårō mearo cñe boje", jáve aiyurō "Jūmenijicui dobarō mearo aru ñai dobacu nore", aiyubi ū, arejame Jesú.

Ú que aiyede, Jesú yópe aiyucu bare-jaquémavu: Cainñmua daiye jañvu põevare yópe ne aiye báquepedeca.

²³ Aru yópe arí, coyure nñrejame Jesú:

—Mūja, Jūmenijicui yávaiye báquede bueipõeva, aru mūja, fariseova, jyjovaivn, chñorajaramu mūja. Jūmenijicu ñájine dachuyume mūjare. Caiye mūje oteiyoca, quíjiyoca bojecubeyoca, caipñcapñruape paiyocare cñvarivn, cñináyocare jíyavu Jūmenijicure. Ubenita mearo daivure apevure, cõmaje ároje jáivure apevure, aru ju aivure Jūmenijicure máre árñmevu mūja. Caipñcapñruape paiye mūje cñvaede jocarí, cñinárore Jūmenijicure jíye jañvnu mūjare. Ubenita pñeno baju jañvnu mūjare mūje mearo daiye apevure, mūje cõmaje ároje jáiyepo apevure, aru mūje ju aiye Jūmenijicure máre. ²⁴ Mūja daðavu yópe jári eabevu ne jipocateiyepo põevare. Iye parñbede dápiaðavu mūja. Que teni daðavu yópe põescu ūi íyepo jujicure ūi ūcuidore jocarí, ubenita ūi järñóiyepo camello ãmicucu aímacu ñracure.

²⁵ Mūja, Jūmenijicui yávaiye báquede bueipõeva, aru mūja,

fariseova, jyjovaivu, chiorajaramu mija. Jumenijicu ñajine dacuyume mujare. Mija joadavu mije ñucidoare aru jororuare mare phenomia, pöeva ne jainore. Ubenita mujavacari tatoiyurivbu apevu ne cavaede. Que teni ameno baju dadavu mija. Que baru mearo daiye apevure mearotamu joare daicöjeiye pheno. ²⁶Mija, fariseova, dadavu yope jári eabevure paivu ne ûmei. Mije joaru mamarumure ñucido jivui aru jororu jivui mare, ñucido pheno aru jororu pheno mare docuchequiye. Quédeca dapiavu baru me, édarajaramu me mare.

²⁷'Mija, Jumenijicu yávaiye báquede bueipöeva, aru mija, fariseova, jyjovaivu, chiorajaramu mija. Jumenijicu ñajine dacuyume mujare. Mujatamu yope yaivu bácvu ne epeinamia boriñamiape paivu. Diñamiare pöeva ne járu jedevai, meadamiape ãrojariñamiamu. Ubenita diñamia jivui, buidíñamiamu yaivu bácvu ne cüadoaque, aru docuchequemare. ²⁸Quédeca pöeva ne járu mijke, mearape aru mearore daivure ãrojarivbu mija ne jaiyede. Ubenita mije ûmei dapiadavu jyjovaivure paivu aru amenore daivure paivu mare.

²⁹'Mija, Jumenijicu yávaiye báquede bueipöeva, aru mija, fariseova, jyjovaivu, chiorajaramu mija. Jumenijicu ñajine dacuyume mujare. Mija dadavu meadamiacüramiare ina Jumenijicu yávaiyede coyuscaipöeva mácvu ne jobocobeabáque pheno. Aru mija meadadavu ãruriñamia cüramiare ina meara mácvure. ³⁰Yope borocurí adavu mija: "Majeñecuva mácvu ne curinumcu curivu baru maja, ne boarí jaruvaiye báquede ina Jumenijicu yávaiyede coyuscaipöeva mácvure cädatebejebu maja", adavu mija. ³¹Ubenita mujavacari jådovadavu ina

Jumenijicu yávaiyede coyuscaipöeva mácvure boarí jaruvaiivu bácvavure paivure. ³²Maumejiena iye ameina daiyede mijeñecuva mácvu ne baiye báquede bubajará mija, mije boarí jaruvavarajiyede yure, Jumenijicu daroimá mácvure.

³³'Mija, jyjovaivu, adavape paivubu mija! Mije toabo cüiméboi ñajinajiyede jocarí, dupini nñivu bhojabenamu mija. ³⁴Que baru yu daroquijivu mije yebai Jumenijicu yávaiyede coyuscaipöevare aru umiva majidivure, aru Jumenijicu yávaiye báquede bueipöevare mare. Apevu nácavure boarí jaruvavarajaramu mija. Apevure jocucharavena pëvari, boarí jaruvavarajaramu. Apevure jara popenajaramu maja judíova maje cójijiñamiai. Aru apevure cujurajaramu mija imaroa coapa. ³⁵Que baru Jumenijicu ñajine dacuyume mijke, caivu meara mácvu ne yaiye báque boje ijárvure, apecu ñi boarí jaruvaiye báque boje ñai Abel bácvure, aru apevu ne boarí jaruvaiye báque boje caivu Abel báci yóbocavu bácvure mare, ph Zacarías báci bajita, Berequías báci mácu bácvure, ñai mujacavu bácvu ne boarí jaruvaimu mácvure Jumenijicu cürami tâibu coricai. ³⁶Jäve coyuscvu mijke: Mija ijárvacavu ñajinajaramu, mije ameina daiye boje, arí buedejame Jesús.

Jesús ñi oino, Jerusalécvure jecuchu (Lc 13.34-35)

³⁷Yope arejame Jesús:

—¡Mija, Jerusalécvu, mijeñecuva mácvu boarí jaruvarejaquemavu ina Jumenijicu yávaiyede coyuscaipöeva mácvure! Cüraboaque davarí boarí jaruvarejaquemavu ina Jumenijicu daroimara mácvure ne yebai. Obedinumcu cójiovaiyuriduvu yu mijke ji yebai, yope cayuco oí cójiovaiyepo mamarare oí caveba

cāchinoi. Ubenita ubeteavu mūja.
³⁸ Jājara. Dinumū maquinó mūje cūrōre
 Jāmenijicu dajocarī jaruvacuyume.
³⁹ Aru coyuchu mūjare: Yure
 jāmenajaramu mūja cojedeca pū
 jādovacudayure meach bajure jāivuta.
 Dinumū maquinore arājaramu
 yópe: "Torojue bajadéni ñai dayure
 Jāmenijicui ãmiái, ūi paruhéque",
 arejame Jesús.

Jesús ūi coyuchino "Jāmenijicui cūrami tūquiyebu" arī

(Mr 13.1-2; Lc 21.5-6)

24 Jesús etayu bácu Jāmenijicui
 cūramine jocarī, ñuja ūi
 bueimara ūi yebai nuri, jādovarejacarā
 diñamia cūramiare, Jāmenijicui
 cūramicadāmiare. ² Aru ñujare arejame:

—Caiñamia diñamia uradāmia
 cūramiare jāivubu mūja. Jāve
 coyuchu mūjare: Cūináva cūrava
 mautebequiyebu apeva puenora. Caiye
 iva cūrava tūquiyebu, arejame Jesús.

Jādovaiye jāravu cūiquíye jipocai

(Mt 10.22; Mr 13.3-23; Lc 17.22-24, 31,
 37; 21.7-24; Ap 7.14)

³ Jesús dobarejame cūracū Olivocū
 āmicuricū puenoi. Ūi dobaede noi,
 ñuja, ūi bueimara, jēniari jārejacarā ūre
 yavenina, pōevare jocarī:

—Coyujacu ñujare: ¿Aipiyede
 tūquidi caiye iye cūramia uradāmia?
 ¿Aipe darī coreóvarājídica ñuja
 mi copaidaquiyede? ¿Aipe darī
 majinajidica ñuja ijāravu cūiquíyede?
 jēniari jārejacarā ūre.

⁴ Ñujare yópe arī, coyurejame Jesús:

—Me jājara apecu jūjovaiyucure
 mūjare. ⁵ Obedivu ūmuva darī
 arājarama "Cristobu yu", jūjovarājivu
 obedivu pōevare. ⁶ Aru "Pōeva boadáma
 apevu pōevaque" ne borore jápiarī, aru
 "Pōeva boarājarama apevu pōevaque"
 ne borore máre jápiarī, jidubejarā mūja.

Que baru caiye iye vaiye jaunu, jāravu
 cūiquíye jipocai. Ubenita cūimébu
 cāreja. ⁷ Cūináyajubo pōeyajubocavu
 ādamatenajarama apeyajubo
 pōeyajubocavuque. Aru cūináro
 jaboteinocavu ādamatenajarama apeno
 jaboteinocavuque. Joborō cūjiquiyebu
 obedicurōare. Nájinajarama ãvúéna.
⁸ Iye ñájiye baquiyébu yópe juedocu
 pōeteyure ñájiyepo. Yópe báquiyebu
 caiye iye ãmeina ñájinajiye.

⁹ Mūjare jēni jínajarama, mūje ñájinajiyepe aivu. Aru mūjare boarí jaruvarājarama na. Mūjare cainoa jaborōacavu jorojini jārajarama, yure mūje ju aiye boje. ¹⁰ Dinumū maquinore obedivu yure ju aivu bácacavu dajocarājarama ne yure ju aiye báquede. Obedivu jēni jínajarama névure ne mauvare. Aru obedivu jorojini jārajarama névure máre. ¹¹ Obedivu borocurivu "Jāmenijicui yávaiyede coyuchapōecubu yu" arī, ubenina coyucariduivu, pōevare jūjovarādarājarama. ¹² Dinumū maquinore obedivu pōeva urarō baju ãmenore ðarājarama. Que baru obedivu pōeva ubenajarama apeva pōevare. ¹³ Ubenita ñai ju ayu yure ūi yainumuita, ū machuyáme ji meadaimu. ¹⁴ Mamarumure yávaiye méne Jāmenijicui jaboteinora coyuchie jaunu cainoa joborōacavure, ne jápiarājiyepe aivu diede. Que baru cainoa joborōacavu iye yávaiye méne coreóvaivu barājarama. No yóboi jāravu cūiquíyebu.

¹⁵ Ubenita iye vaiquíye jipocai, ñai ūmu pare ãmecu núcuyume nore, Jāmenijicui cūcōjemenore ūre, yópe Daniel āmicus cūmenijicui yávaiyede coyuchapōecu bácu ūi coyuchie báqupedeca. Caivu jāri boroteivu iye toivaiyede me dápiajarāri caiye iyede. Ñai ūmu jārajaranu mūja. ¹⁶ Judeacavu dupini nūjarari cūracuái, ne jidubé boje ñai ūmu. ¹⁷ Aru ñai cūrami puenora cūchuyu, ūi dupini nūiyede, ēmeni, darī, nūvariduchuyu

ūi apejīene, ecobejacurī ūi cūrami.
18 Aru ūnai jiore memecuyu, ūi dupini
nuiyede, copainūmejacurī, ūniduchuyu ūi
cuitótecaje puenocacajede. 19 ¡Cōmaję
ārojarajarama ina nomiva micava
bárājivu dijāravu baquiyéde! ¡Aru ina
nomiva némajina nuri dajocabevure
cūvarājivu máre pare ūnajinajarama
dijāravu baquiyéde! 20 Jēniajara
Jūmenijicuque iye vaibéquiyepo aivu
ocorūmure aru jabhóvajāravu sábodore
máre.

²¹ 'Dijāravua baquiyéde pōeva ʉrarō ñájinajarama. Nópe paíye cibevu cäreja, mamarumumata Jümenijicu ñi cuedarī buinumure pʉ caride máre. Aru cainumua cibequiyebu.
²² Jümenijicu ñi javaiyobedu dijāravua ñájiovaquijárárvua baquiyéde, caivu yaijébu. Meadaimara cibejebu. Übenita Jümenijicu javaiyoschuyume dijāravua ñájiovaquijárárvua baquiyéde, ñi beoimara mácavure boje.

²³ 'Dijárávua baquiyéde apecu ūi
aru mūjare yópe, "Jájara. Ñainecabe
Cristo!" o apecu ūi aru mūjare,
"¡Áñurecabe Cristo!" náre jü abejará.
²⁴ Que teni obedivu borocurivu dari,
coyurājarama "Cristobu yu". Aru
apevu máre Jūmenijicu yávaiyede
coyucaridurājarama. Übenita
Jūmenijicu yávaiyede coyuscaipóeva
baju ámenajarama na. Ürarō pöeva
ne jámene aru ne dari majibede
máre darājarama, jujovaliyuriduivu
Jūmenijicu beoimara mácavu.
²⁵ Übenita me jájara mūja. Couyusbu
mūjare ne borore, mūje majinajiyepu
ayu, ne darājiye jipocai. ²⁶ Que baru
apevu ne aru "Jájara. Nai Cristo cubi
pöecubenoi", pumejara mūja nore.
Aru apevu ne aru "Jájara. Nai Cristo
cubi tucubu jívhi", jü abejará ne nópe
coyuchiyede.

27' Jūmenijicūi daroimū mácu
ūmupe, yaroinope nūquiyebu ji

copaidaquijárvu baquinóre. Yópe
no yaroíno péoiyepé cavarōi, aviá
dainocapúravvre jocarī pu aviá
doinocapúravvita, caivu pöeva
ne járajiyepé ayu nore, nopedeca
copaidacuyumu yu. Aru caivu
pöeva járajarama ji copaidaquiyede
ijárvvi. ²⁸ Ári yaiyá báchi cüröi, noi
cójijinajarama cavava. Nopedeca caiye
iye ji coyuhiyede jáivu, majinajaramu
muya ji copaidaquino joabenore, ji
ñájiovaquinore pöevare, ne ãmeina
teiye boje, arí buedejame Jesús.

Jūmenijichū daroimū mácu
ūmūpe ūi copaidaquino

(*Mr* 13.24-37; *Lc* 12.39-40; 17.26-30,
34-36; 21.25-33; *Ap* 1.7; 6.12-13)

²⁹ Bedióva cojedeca Jesús, yópe arí,
coyurejame nñajare:

—Cūinájāravu dijárvacajárvu
baquinói, iye ʉrarō ñájiniburu yóboi,
aviá ñemitecuyume. Aru aviá ñamicacu
máre pëomecuyume. Na abiácovu
túrajarama cavarõre jocarí. Aru
caivu ina parurivu curivu cavarõi
cújinajarama.³⁰ Dinumu maquinóre
Jümenijicui daroimu mácu ûmure ji
copaidaquiyede jádovaiye jároquiye
cavarõi. Aru caivu pöeyajuboacavu
ijárvacavu chíori orájarama.
Dinumu maquinóre járajarama yure,
Jümenijicui daroimu mácure ûmure,
dayure ocopeniboai, ʉrarō parueque,
jádovañure meacu bajure.³¹ Que
teni trompeta ámicuriyo japuiyore
japuiye pare bvíéque, ji ángelevare
darocuyumu yu. Nácapúravu
cójijovarajarama Jümenijicui beoimara
mácvare, caivu aviá dainocavure aru
caivu aviá doinocavure máre, cainoa
ioborõacavure.

32 Majijarā yo maje jāinore. Icu
jocacu higueracu āmicuricure yoca
yuiyede, majivu maje ujurāmu
joabenore. 33 Nopedeca jāivu caiye iye

teiyede, majinajaramu mūja jāravu cūino joabenore.³⁴ Jāve coyuyubu mujare: Apevu ijāravui curivu yaibédeca cāreja, vaiquíyebu caiye iye yópe ji coyuyepere.³⁵ Caino cavarō, aru caino joborō máre cūiquíyebu. Yópe ji yávaiyepedeca jāve vaiquíyebu.

³⁶ Ubenita dijāravu baquinóre aru diora baquinóre ñame majibema. Ángel-eva, ina curivu Jāmenijicáque cavarō mearoi, aru yu, Jāmenijicui mácu máre, majibeju ñuha. Quénora jipacu majibi dijāravu baquinóre.

³⁷ Dijāravu baquiyéde, Jāmenijicui daroimu mácu ûmupe ji copaidaqui-jāravu jipocai, cäquiyebu nópe ãnijāravu Noé mácu curijāravu báquepe. ³⁸ Ñanijāravu báquede, muiváibo daquiye jipocai, caivu pöeva aïvu barejaquémauvu, aru ûcuvu barejaquémauvu. Úmuva purubhoivu barejaquémauvu. Aru jívu barejaquémauvu némaromivare, ne purubhorájiyepo aivu. Nópe tedejaquemavu, Noé mácu jiaðocu ñracüre ecoijāravu bácaroita.³⁹ Ubenita ne bíjarájiyede coreóvabedeaquemavu, pu muiváibo daiyeta. Aru caivu ina pöeva corí bíjarejaquemavu na mácvu. Nopedeca baquiyébu Jāmenijicui daroimu mácu ûmupe ji copaidaquiyede.⁴⁰ Dinumu maquinóre pucarā ûmuva memenajarama ne jioi. Cūinácu nûvaimu macuyáme, yure ūi ju aije boje. Aru apechu mautecuyume, yure ūi ju abe boje.⁴¹ Pucarā nomiva jíorajarama ne cûrami jívui. Cūináco nûvaimo macodóme, yure ūi ju aije boje. Aru apechu mautecodóme, yure ūi ju abe boje.

⁴² Que baru me jâjara mūja. Mūja majibeju ji copaidaquijāravu, ji jabotequiyede mujare.⁴³ Nai cûrami

upacu majibebi aipiyede ñavaipöecu dacuyure. Majicu baru ñavaipöecu ūi daiyede, coreni, ecoicôjemeni, ñavaicôjemejebu ūi cûramiquede.⁴⁴ Aru mujare máre meadaiye jaunu. Que baru yu máre, Jāmenijicui daroimu mácu ûmupe, dacuyumu mûje corebeorai yure, arí buedejame Jesús.

“Memecaipöecu ju ayure aru memecaipöecu ju abecure” jári dápiarí ne ðarâjiyepo aino

(Lc 12.41-48)

⁴⁵ Bediôva jári dápiarí ñuje ðarâjiyepo arí, buedejame Jesús:

—Coyuyujivu mujare ūi borore ñai memecaipöecure ju ayure ūi jabocure aru majicure máre. Ñai cûrami upacu coreicôjecuyube ñai memecaipöecu majicure, ūi jíquiyepo ayu yebacavure ne ãrajiyeva caijāravu.

⁴⁶ Ñai cûrami upacu copaini dayu earu ūre memecaipöecure dayure yópe ūi cõeinope, torojuchuyube ñai memecaipöecu, cûrami upacu ūi jíquiyepo boje ūre bojedaino mearore.⁴⁷ Jâve coyuyubu mujare: Ñai cûrami upacu coreicôjecuyube ñai memecaipöecure caiye ūi cûvaede.

⁴⁸⁻⁴⁹ Ubenita ñai memecaipöecu, ju abechu baru ūi jabocure, “Ji jabocu maume dabecube” arí, aru ãmeina dayu baru ūi yebacavure aru yebacaromivare máre, ñararó ãri aru ûcuri pacotecuyube ūi.⁵⁰ Que teiyede ūi jabocu dacuyube ñai memecaipöecu ūi corebejäravu baquinói aru ūi majibeora baquinói máre.⁵¹ Aru ñai jabocu jaruvaiçôjecuyube ūre jujovaivure ne jaruvainoi, ūi ñájiquiyepo ayu noi. Nore chioivu orí, cûrajarama pöeva. Aru jararí cõpi cûrajarama na, arí buedejame Jesús.

**“Caipucapuruape paivu
bojurõmivare” jári dápiari
ne daräjiyepa aino**

(Lc 12.35; 13.25)

25 Yópe arī, jári dápiari ñuje
daräjiyepa ainoque buedejame
Jesús:

—Dijäravu baquinói, ji copaidaqui-järavu, Jämenijicui jaboteino yópe baquiyébu caipucapuruape paivu bojurõmiva ne daiye báquepe. Ina bojurõmiva, ne péoibhare náre coapa íni, copu etaquemavu ñai purubuoyure ñi daiyede. ²Cüinápuruape paivu nácavu majivevu batequémavu. Aru apevu cüinápuruape paivu nácavu majidivu batequémavu. ³Ina majivevu, ne nüvaiyede ne péoibhare, neore nüvametequemavu. ⁴Übenita ina majidivu, ne nüvaiyede ne péoibhare, nüvaquemavu ne neobhare máre neoque. ⁵Ñai purubuoyu ñi dabe boje căreja, caivu ina bojurõmiva cäquemavu.

⁶Übenita ñami corica bajicodoboboiyede jápiquemavu na. “Jájara. Ñai purubuoyu daibi. Üre copu etajarã mija”. ⁷Diede jápiari, caivu ina bojurõmiva coedaquemavu. Aru ne péoibhare meadaquemavu na. ⁸Que teni ina majivevu, yópe arī, jeníariduquemavu ina majidivu, “Ñuje péoibha codaibhatamu. Que baru jíjarã ñujare majiòvariñino mije neoquede”, aríduquemavu na. ⁹Übenita ina majidivu, yópe arī, coyuquemavu náre, “Bi, jíbevu mija. Neo eabequiyebu ñujare aru mija máre. Quénora neore bojedainoi bojedarãñijara mija, ñajivu mjeva”, aquemavu na. ¹⁰Ne neore bojedarãñiyede, ñai purubuoyu daquemavu. Ina bojurõmiva meadaivu bácavu ecoquemavu ñique, ñajivu torojuve teinoi. Aru no cürami jedevacobede biequemavu. ¹¹No

yóboi ina bojurõmiva meadabevu bácavu edaquemavu torojuve teiñami máre. Aru yópe arī, “Mu, ñuje jabocu, voacajacu ñujare”, jeníariduquemavu. ¹²Übenita ñai purubuoyu yópe aquemavu náre: “Jáve coyuqubu mija: Jívu ãmevu mija. Mija coreóvabevu yu”, aquemavu ñi ina bojurõmiva majibevu, arejame Jesús.

¹³Aru buede nürejame Jesús:

—Que baru meadaimara májara mija, mije majibe boje ye järavure aru ye órare máre ji copaidaquiyede, mija meadaiye jañquinore, arejame Jesús.

**“Täuturare” jári dápiari
ne daräjiyepa aino**

(Mt 8.12; 13.12; 22.13; Mr
4.25; Lc 8.18; 13.28; 19.11-27)

¹⁴Yópe arī, jári dápiari ñuje daräjiyepa ainoque buedejame Jesús:

—Dijäravu, ji copaidaqui-järavu baquinói, Jämenijicui jaboteino yópe baquiyébu cüinácu ñmu apeno jaboroi nüchuyu ñi daiye báquepe. Üi nüquiyepiocai, órejauquemavu üre memecaipöevare, epecchuyu ñi cüvaede náque, ne jári corenajiyepa ayu diede. ¹⁵Cüinácu nácacure epequemavu cüinápuruape paimil türava täuturaturavare. Apecu nácacure epequemavu pucamil türava täuturaturavare. Aru apecure epequemavu cüinámil türava täuturaturavare. Ne majiépe epequemavu náre coapa. Caiye iyede epeniburu yóboi, nüquemavu ñai ñmu. ¹⁶Ñai memecaipöecu jacophuyu bácu cüinápuruape paimil türava täuturaturavare bojedacñuquemavu dieque. Aru eaquemavu ape cüinápuruape paimil türava täuturaturavare. ¹⁷Quédeca ñai memecaipöecu jacophuyu bácu pucamil türava täuturaturavare bojedacñuquemavu dieque. Aru eaquemavu ape pucamil türava

tāuturatūravare. ¹⁸ Ubenita ñai memecaipōecu jacobonyu bácu cūinámil tūrava tāuturatūravare ñicnāquemavu joborōi, yavechuyu diturava, ñi jabocu tāuturatūravare.

¹⁹ Obedijāravu yóboi, ñai jabocu copaidaquemavu. Corevacahdaquemavu ne bojedaiyede ñi epeiyē báqueque náre. ²⁰ Ñai jacobonyu bácu cūinápurupe paimil tūrava tāuturatūravare ñaquemavu ñi jabocu yebai. Nūvaquemavu caipucapuruape paimil tūrava tāuturatūravare. Aru aquemavu, “Mu, ji jabocu, mu epeávü cūinápurupe paimil tūrava tāuturatūravare yure. Diede bojedarī, ívü yu ape cūinápurupe paimil tūrava tāuturatūravare”, aquemavu ù. ²¹ Que baru ñai jabocu aquemavu ñire, “Mearo darebu mu. Memecaipōecu meacubu mu. Daivu mu yópe daiye jauepe. Mi mearo daiye boje quíjinoque, epequijivu mure pñeno baju. Caride torojusçuyumu mu, yópe ji torojuepe”, aquemavu ñai jabocu. ²² Aru ñai jacobonyu bácu pñcamil tūrava tāuturatūravare ñaquemavu ñi jabocu yebai. Ñi jabocure aquemavu, “Mu, ji jabocu, mu epeávü pñcamil tūrava tāuturatūravare yure. Diede bojedarī, ívü yu ape pñcamil tūrava tāuturatūravare”, aquemavu ù. ²³ Que baru ñai jabocu aquemavu ñire máre, “Mearo darebu mu. Memecaipōecu meacubu mu. Daivu mu yópe daiye jauepe. Mi mearo daiye boje quíjinoque, epequijivu mure pñeno baju. Caride torojusçuyumu mu, yópe ji torojuepe”, aquemavu ñai jabocu.

²⁴ Ubenita ñai jacobonyu bácu cūinámil tūrava tāuturatūravare ñaquemavu ñi jabocu yebai. Ñi jabocure aquemavu, “Mu, ji jabocu, jidojacubu mu. Mu ññhmu apecu ñi epeiyē báquede. Aru mu jéñhmu apecu ñi oteiyē báquede. ²⁵ Que baru jiduvu yu mure. Aru yavecacu mi tāuturare

joborō jívhui. Yui cñavavu mi tāuturare”, aquemavu ù. ²⁶⁻²⁷ Ubenita ñai jabocu aquemavu ñire, “Mu, memecaipōecu ámecubu. Jūracucubu mu. Yu ññhre apecu ñi epeiyē báquede aru jéñhre apecu ñi oteiyē báquede majicuvacari, epecunhri jaúridurebu mure ji tāuturare tāutura epeiñami. Mi que daru, copaini dayu jacobonyebu yu ji tāuturare pñeno baju, diñamicavu ne bojedaiye báque cojióri”, aquemavu ñai jabocu. ²⁸ Que baru ñai jabocu apevure ícōjeni aquemavu, “Íjara ñire jocarī yo cūinámil tūrava tāuturatūravare. Aru jíjarā ñai caipucapuruape paimil tūrava cñvacure. ²⁹ Caivu cñvarivu jacopurajarama pñeno baju, cñvarajivu hrarō baju. Ubenita caivu dápiaivure cñvarivure apevure pñeno, caiyede náre ícñyumu yu. ³⁰ Aru ñai memecaipōecu yure cadatebecure jaetovajara joai ñeminoi, ñi jü abe boje yure, ñi coatequiyepo aivu yure jaravarī. Noi pñeva chíovu orí, curajarama. Aru jararī, cöpi cñrajarama na”, arí buedejame Jesús.

Jesús ñi bojedaino caivure yópe ne daiye báquepe

(Mt 16.27; 19.28; 1 Co 8.12; He 13.3)

³¹ Yópe arí, coyurejame Jesús:

—Yu, Jūmenijicu daroimu mácu ññhpe, meacu baju dacuyumu ijäravui. Aru caivu ina ángeleva darajarama yáque. Edariburu yóboi, dobacuyumu jaboci dobarō mearora. ³² Ji jipocai cójijinajarama caivu ijäravui joborōacavu. Yópe oteiñimarare coreipōecu ñi beoiyepo ovejavare ñi cabravare jocarī, nopedeca beocuyumu yu ina pñevare. ³³ Yópe ñi epeiyepo ina ovejavare ñi meapūravui aru ina cabravare ñi cäcopūravui, nopedeca beorí epecchuyumu yu ina pñevare.

³⁴ Beoriburu yóboi, acuyumu yu, caivu ne jabocu, ina pñeva meara ji meapūravui curivure, “Dajarā muja.

Mujamu jipacui mearo dacaimara. Ji jaboteimara májara mujja. Jipacu Jämenijicu ūi cuedaiye báquedata caiyede, meadacarejaquemavu yo jaboteinore mujare boje.³⁵ Yure ãvné ijiteavu. Aru ãiyede jiavu mujja yure. Yure cüiñóavu. Aru ūcuiyede jiavu mujja yure. Joai cucudacacu mujje yebai. Aru yure copu etavu mujja.³⁶ Cuitóteaje cüvabecacu yu. Aru ji doiyeva jiavu mujja yure. Ijim u matecácu yu. Aru ji yebai curádavu mujja. Jabova ne buoim u matecácu yu ãmeina teivure jeni jacoíñami jívui. Aru yure járadavu mujja noi”, acuyumu mujare.³⁷ Que ayure, ina pöeva meara, ji meapúravucavu, yópe arájarama yure: “Mu, ñuje jabocu, ¿aipyede mure ãuyaiyure jári, ãiyede jiarí ñuja? ¿Aipyede mure cüiñóimure jári, ūcuiyede jiarí ñuja?³⁸ ¿Aipyede mure joai cucudayure jári, copu etari ñuja? ¿Aipyede mure cuitóteaje cüvabecure jári, mi doiyeva jiarí ñuja?³⁹ ¿Aipyede mure ijimure aru mure ne buoimure jári, járadarí ñuja?” arájarama yure.⁴⁰ Aru yu, caivu ne jabocu, acuyumu náre: “Jáve couyubu mujare: Muje cadateiyede cüinajicu ina jívnucacure parubecureca, yure mujje cadateiyepetu”, acuyumu yu.

⁴¹ Dínamu maquinore ina pöeva amenare, ji cäcopúravu curivure yópe acuyumu yu: “Nujara mujja yure jocarí. Mujamu jipachi amedaimara. Nujara mujja toabo cüiméboi. No meadaino mácarõre abujuvai jaboci curõre ūi ángelevaque.⁴² Yure ãvné ijiteavu. Ubenita ãiyede jibeteavu mujja yure. Yure cüiñóavu. Ubenita ūcuiyede jibeteavu mujja yure.⁴³ Joai cucudacacu mujje yebai. Ubenita yure copu etabeteavu mujja. Cuitóteaje cüvabecacu yu. Ubenita ji doiyeva jibeteavu mujja yure. Ijim u matecácu yu. Aru jabova ne buoim u matecácu

yu ãmeina teivure jeni jacoíñami jívui. Ubenita yure járadabeteavu mujja”, acuyumu yu.⁴⁴ Que ayure, ina pöeva ãmena, ji cäcopúravucavu, yópe arájarama yure: “Mu, ñuje jabocu, ¿aipyede mure ãuyaiyure, o cüiñóimure, o joai cucudayure, o cuitóteaje cüvabecure, o ijimure, o jabova ne buoimure jári, ubenita mure cadatebeteari ñuja?” arájarama na.⁴⁵ Aru yu acuyumu náre: “Jáve couyubu mujare: Muje cadatebede cüinajicu ina jívnucacure parubecureca, yure mujje cadatebepedecabu”, acuyumu yu.⁴⁶ Aru nácapúravu nárajarama toabo cüiméboi, ñájinajivu cainumua. Ubenita ina meara ecorájarama ji jaboteinore, me curájivu cainumua, arí coyurejame Jesús.

Jesús ūi coyuino ne jénajinore ūre yóbomia

(Mr 14.1-2; Lc 22.1-2; Jn 11.45-53)

26 Caiye iyede Jesús coyurí buojarí, yópe arejame ñuja ūi bueimarare:

² —Majivu mujja. Pascua ãmicuri-járavu aru páure bucure daiye cübe ãiye torojuve teinumu pucajáravu jipocai barejávü cäreja. Aru dinumu maquinore yure, Jämenijicu daroim u mácure ūmupe, jeni jínajarama ji mauvare, ji yaiquyepet aivu jocuchajaravena, arejame Jesús.

³ Dínamure sacerdotevare jaboteipöech Caifás ãmicurejame. Apevu sacerdotevare jaboteipöeva aru judíova buchva cójijidejaimada ñai Caifás ūi cürami.⁴ Cójijivu, ne bajumia majicarejaimada Jesúre jujovarí jeni, boarí jaravarajivu yavenina.⁵ Ne bajumia arejaimada:

—Torojuve teinumu ūre jémenajarevu maya. Ūre jenu torojuve teinumu, pöevacapúravu jorojini, majare boarí

jaruvaivajebu, arejaimada ina judíovai jabova.

Cūináco nomiō ū mumijue yuaino Jesúre

(*Mr 14.3-9; Lc 7.37-38; Jn 12.1-8*)

⁶⁻⁷ Dintumure Jesús ūi chede Betania āmicurímajinoi, Simón pojeyu bácu cūrami tuoiva yebai aīvü barejacárā ñüja. Que teni cūináco nomiō darejaco Jesús yebai. Ico nomiō davarejaco cūinábu ūmujaribü boribüre, mumijuricoro cürübüre. Iye mumijue, nardo āmicue, pare mearo corajurejavü. Aru pare bojecue barejávüya. Que darī ico nomiō yuarejaco caiye iye mumijuede Jesúi jipoburā. ⁸ Ubenita ñüja Jesúi bueimara ūi nópe daiyede jári, jorojini arejacarā:

—¿Aipe teni iye mumijuede jaruvadoba ū? ⁹ Diede bojedarī, urarō boje ñi, jíye jaújebu óre cüve cüvabevüre, arejacarā ñüja.

¹⁰ Ubenita Jesús, diede coreóvayu, arejame ñüjare:

—¿Aipe teni ico nomiōre cärijovaivurü mija? Ūi daiye yure mearotamu. ¹¹ Cainumua ina cüve cüvabevü cürájarama mijaque. Ubenita yu cübecibu mijaque cainumua. ¹² Ūi yuayede dicorore yurā, meadacaibico ji bajure, ne jaruvarájiyepa ado. ¹³ Que baru jáve couyubu mijaque: Cainoa joboröai ijárvui pöeva ne couyiyede iye yávaiye méne ji meadaiyede pöevare, iye ūi yure dacaiyede máre coyuájarama, ne árurajiyepa aivü óre, arejame Jesús.

Judas ūi jení jíno Jesúre

(*Mr 14.10-11; Lc 22.3-6*)

¹⁴ No yóboi cūinácu ñüjacacu, doce paivü Jesúi bueimaracacu, ūi āmiá Judas Iscariote, nurejamedá ina sacerdotevare jaboteipöeva yebai. ¹⁵ Nai Judas náre jení niari járejamedá:

—¿Ji Jesúre jení jídu mija, aipino jínajivurü mija yure? arejamedá ū.

Aru treinta paiturava plataque daiturava tāuturaturavare jídejaimada ūre. ¹⁶ Que baru dinumumata Judas jári, coreni bárejamedá yavenina, jení jíchuyu Jesúre.

Jesús ūi aíno ūi bueimaraque

(*Mr 14.12-25; Lc 22.7-23; Jn 13.21-30; 1 Co 11.23-26*)

¹⁷ Páure bucüre daiye cübe aíye torojuve teinumü mamabuijárvü barejávü. Aru dijárvüre Jesús yebai nuri, jeníari járejácarā ñüja, ūi bueimara:

—¿Ari nuri, mure maje Pascua järavüque aíyede meadacarájídica ñüja? arejacarā ūre.

¹⁸ Aru arejame Jesús:

—Jerusaléi nuri, ñai ūmá, ji aimá mácu, ūi cūrami ñüjara mija. Ūre yópe ajarā mija, “Maje bueipöecu aibi, ‘Joabejnotamu ji yaiquíno. Que baru mi cūrami áquijivü yu Pascua järavüquede ji bueimaraque’, aibi maje bueipöecu”, ajarā mija, ñüjare arejame Jesús.

¹⁹ Ūre ju arī, imaroi nuri, darejacarā ñüja yópe Jesús ūi aíye báquepedeca. Noi Pascua järavüque aíyede meadarejácarā ñüja. ²⁰ Que teni meadarī buajarī, nainú baji, aviá ūi doriburu yóboi, darī dobarejame Jesús tuoiva yebai, ñüja ūi bueimara doce paivüque. ²¹ Ñüje aíyedeca, Jesús arejame ñüjare:

—Jáve couyubu mijaque: Mijacacu cūinácu yure ji mauvare jení jíchuyume ū, arejame Jesús.

²² Que baru chioivü barejacárā. Aru ñüja coapa yópe arī bárejácarā Jesúre:

—¡Mu, ji jabocu, que dabecibu yu! ¿Múcarí? arejacarā ñüja coapa.

²³ Que arī, Jesús arejame ñüjare:

—Cūinácu mijaçacu jóyu páure jororümica yáque, ū macuyáme ji mauvare yure jení jíyu. ²⁴ Yü, Jümenijicui daroimü mácu ūmápe

ijāravni, ji yaijāravni nucuyumu yu, yópe Jūmenijicni toivaicōjeiye báquepedeca ūi yávaiyede. Ubenita āmeno vaicuyumu ū, nai yure jēni jíyu bacuyá. Nai nópe dacuyu, ūi pöetebedu meajebu, arejame Jesús.

²⁵ Judas, ūre jēni jíchuyu, arejame ūre:

—Mu, bueipöecu, yu āmevu mi couyimú nópe. ¿Mácarí? arejame Judas.

Ūre arejame Jesús:

—Mútamu ji coyuimú nópe, arejame Jesús.

²⁶ Ñuje āiyedeca, páure ūni, Jūmenijicure torojude jídejame Jesús. No yóboi, páure cotuvarejame. Aru nūjare coapa jídejame.

—Páure ájara muja. Diedecabu ji ba-jupe, jádovaiye ji yaiquínore mujare boje, arejame nūjare Jesús.

Aru ūrejacerá nūja.

²⁷ Úcidore máre ūni, torojude jíni Jūmenijicure, nūjare jídejame Jesús, yópe arí:

—Jēni, ūcuri, veorí, ūcujara caivu muja coapa. ²⁸ Diedecabu ji jivepe, jádovaiye ji yaiquínore mujare boje, Jūmenijicai árumequiyepo ayu muje āmeina teiyede. Jūmenijic “Yópe dajarā muja, boropatebenajivu ji jainoi”, ūi yóbocarō coyuino mácarōre pöevare árrajaramu muja, muje ūcuiyede diede. ²⁹ Couyubu mujare: Quénora vino ūyaicorore ūcuñumu yu ijāravure. Ubenita ānijāravu, jipachi jabotequínemu maquinóre, bedióva cojedeca ūcuri jácuyumu yu, arejame Jesús nūja ūi bueimarare.

Aru ūcurejacerá nūja.

Jesús ūi coyuino Pedrore ūi “Jesúre yu coreóvabevu” aquinore

(Mt 28.16; Mr 14.26-31; Lc 22.31-34; Jn 13.36-38)

³⁰ Ñuje áriburu yóboi, Salmos āmicue yuriayede yuriarejacerá nūja. Yuriarí

búojari, no cūracu Olivocu āmicuricui nurejacerá nūja, Jesújá. ³¹ Mái nuri, arejame Jesús:

—Yure dajocarí nūrajaramu muja. Yure vaiquiyede Jūmenijicu toivaicōjenejaquemavu, yópe arí: “Ovejavare coreipöecure boarí jaruvacuyumu yu. Aru coateni nūrajarama na, ovejava”, arí toivaicōjenejaquemavu. ³² Ubenita ji yainfburu yóboi, Jūmenijicu ūi nacovaiyede yure yainore jaruvári, muje jipocai nucuyumu Galileai, arejame Jesús.

³³ Que ayure, Pedrocápuravu arídurejame ūre:

—Caivu apevu ne dajocarí nuiyedeca, yúcapúravu mure jocarí nūmecubu yu, arídurejame.

³⁴ Aru Jesús arejame ūre:

—Jáve couyubu mure: Cari nāmi cáyu ūi órejaquie jipocai, yóbecue baju “Jesúre yu coreóvabevu” acuyumu mu, arejame Pedrore Jesús.

³⁵ Ubenita Pedrocápuravu copu ayu barídurejame:

—Máque yure ne boarí jaruvári, “Jesúre yu coreóvabevu” abecubu yu, arídurejame Pedro.

Aru nūja coapa nópe arídurejacerá.

**Jesús Getsemaní ūi
jéniaino Jūmenijicque**

(Mr 14.32-42; Lc 22.39-46)

³⁶ No yóboi Jesús nurejame nūja ūi bueimaraque Getsemaní āmicuró. Nore earí, arejame nūjare:

—Yui dobarí corejarā muja ji Jūmenijicque boroteiyede ánoi, arejame Jesús.

³⁷ Ñujacavu Pedrore aru ina pucará Zebedeoí márare máre nūvarejame Jesús. Chioñu baju āmeno vaidéjamedá.

³⁸ Que teni arejameda náre:

—Yu āmeno chiori dápiaivu ji yaiquínore. Yui mauteñi, jári capujarā muja, arejameda ū.

³⁹ Jipojīca báque nūñū Jesús, nūhatutarī, mori turejamedā joborōita. Aru Jūmenijicuque boroteuyu barejámeda ū:

—Mu, jipacu, yure cari vaiquíye vaibéjadeni. Caiyede daiye majicūtamū mu. Übenita ji urōpe dabejacu. Quénora mi urōpe dajacu mu, arejamedā jípacure Jesús.

⁴⁰ Ina ūi bueimara yóbecurā ne yebai copainuri, náre cāivure earejamedā Jesús. Aru arejamedā Pedre:

—¿Cūináorajie cāmevūva coreiye majibenarū muja yúque? arejamedā Pedre.

⁴¹ Caivu náre arejamedā:

—Coreni, Jūmenijicuque borotejarā muja, abujuvai jabocu mujare jūjovari, āmeina tede dabequiyepē aivu. Muje ūme ue parurō mariduivu. Übenita muje baju daiye bajure parubevu muja, arejamedā náre Jesús.

⁴² Cojedeca Jūmenijicuque borotecunurejamedā, yópe arī:

—Mu, jipacu, yure cari vaiquíye jauru, mi urōpe dajacu mu, arejamedā Jesús.

⁴³ Ūi bueimara yóbecurā ne yebai copainuri, náre cāivure earejamedā Jesús cojedeca. Āmei vuo ijidejavūya náre. ⁴⁴ Que baru Jūmenijicuque ūi boroteiyē báquepedeca bedióva borotecunurejamedā, yóbecue borotecuñu. ⁴⁵ Boroteni bhojarī, ne yebai copainuri, arejamedā náre:

—¿Cāivurū muja cāreja? Jede, quénoramū. Iora jave eaivu. Ijāravuī dayu bácu, Jūmenijicui daroimū mácu ūmupe, āmeina teivu ne jení jínajimumu yu. ⁴⁶ Nacajajara muja. Copu nūrajarevu. Yure ji mauvare jení jíchuyu daibi, arejamedā Jesús.

Jesúre jení ne nūvaino

(Mr 14.43-50; Lc 19.47; 21.37; 22.47-53; Jn 18.2-11)

⁴⁷ Jesús ūi boroteiyedeca, edarejame Judas, nūjacacu, doce paivucacu. Obe-

divu pōeva ūque darī, boaicarovea aru boaidua dūrurī edarejaima, sacerdotevare jaboteipōeva aru judíova buçuva máre ne daroimara. ⁴⁸ Judas, nai Jesúre jení jíchuyu, ūi edaquiye jipocamia nore, javeta Jesúre boarī jaru-vaiyurivure coyurejamedā yópe: “Ji jacoyurī jiva nuimū macuyáme muje jénajimu. Úre jéjara”, arejamedā náre Judas. ⁴⁹ Jesús yebai nuri, cūiná Judas ūre earī, arejame:

—Aru, bueipōecu, arejame Jesúre Judas.

Que arī, ūre jiva nuri jacoyurejame. ⁵⁰ Que teni Jesúcapūravu jeníari járe-jame Judare:

—Mu, jícu, ¿aípe teni dacurū mu? arejame Jesús.

Que teiyede, Jadaque edaivu bácacu Jesúre jénejaima na. ⁵¹ Nópe teiyede jánata, nūjacacu cūinácu, Jesúque curivucacu, ūi boaicarovede tatorī, duarī, īni, sacerdotevare jaboteipōecu ūi yebacacure juijórī, nauzárejame ūi cámucare.

⁵² Nópe dayure jári, Jesús arejame ūre:

—Mi boaicarovede meadajacu mu. Caivu boaicarovede īni, pōevare boarājivu, yainájarama na boaicarovequedeca. ⁵³ ¿Coreóvabenaru muja yure jipacu cādateni bhojayure? Ji jeníari jipacure, cūiná darojobu yure doce paipayuboa ángeleva obedivu ne yajuboare, ne cādatenajiyepē ayu yure. ⁵⁴ Übenita ji nōpe daru, vaibéjebu yópe Jūmenijicu toivaicōjeiye báquepe ūi yávaiyede, arejame nūjare Jesús.

⁵⁵ Dinumure Jesús arejame ina obedivu pōevare:

—¿Tatorī nāavaipōecure jéivupe yure boaicaroveaque aru boaiduaque jení jacobeteavu muja? Jāravuā coapa muje jéneboi Jūmenijicu cūrami bueyū batecācu yu. Apurī mujaque cūcure, yure jení jacobeteavu muja. ⁵⁶ Übenita caiye iye vaivu yópe Jūmenijicu toivaicōjeiye

báquepedeca ina ūi yávaiyede coyu-
caipōeva mácavure, arejame náre Jesús.

Que tedurata ñuja ūi bueimara ūre jo-
carī, dupini nurejacarā ñuja.

**Jesúre ne nūvaino judíovai
jabova cójjivu yebai**

(*Mr 14.53-65; Lc 22.54-55,
63-71; Jn 2.19; 18.12-14, 19-24*)

⁵⁷ Jesúre Caifás yebai, ñai sacerdote-
vare jaboteipōecu yebai, nūvarejaimada
na, ūre jéivu bácvu. Nore ina Jū-
menijicui yávaiye báquede bueipōeva
aru judíova bucusva ne baju cójjivu
borotenanurejaimada ne jabova baju.
⁵⁸ Aru Pedrocapūravu joajenata Jesús
yóboi nure nūñu mách, sacerdotevare
jaboteipōecu tāibui ecorejamedá ū.
Nore ecorī, Jūmenijicui cūramine cor-
eipōeva que dobarejamedá ū, jácuyu aipe
vaiquiyede Jesúre.

⁵⁹ Na sacerdotevare jaboteipōeva aru
caivu ne cójjinocavu Jesúre ámeco-
rorajivure voridurejaimada, ūre boarí
jaruvayurivu. ⁶⁰ Ubenita obedivu Jesúre
borocurī, ámecororiduivureca, eabede-
jaimada na. No yóboi, pucarā darī,
borocurī ámecororejaimada Jesúre:

⁶¹ —Ñai pōecu yópe arī coyuhyure
jápiacarā ñuja: “Íñami Jūmenijicui
cūramine jaruvari majivu yu.
Yóbecurijárvu jaruvariburu yóboi
apedāmi dachyumu”, áme Jesús,
arejaimada na.

⁶² Que teni ñai sacerdotevare
jaboteipōecu nacajari, arejamedá
Jesúre:

—¿Coyurī majibechrū mū? ¿Ne nōpe
ámecoroyede, aipe ayurū mū? are-
jamedá Jesúre.

⁶³ Ubenita Jesúcapūravu bi
arejamedá. Dinumu arejamedá Jesúre
sacerdotevare jaboteipōecu:

—Yu coyuicōjeivu mure Jūmenijicu
apucu cue boje. ¿Máru ñai Cristo, Jū-

menijicui mách? Coyujacu ñujare, are-
jameda ū.

⁶⁴ Aru Jesús ju ayu arejamedá ūre:

—Quédeca mi aimutamu yu. Ubenita
yúcapūravu coyuhyubu mūjare: Jūmenijicui
daroimu máchre ūmure, yure,
járajaramu mūja, Jūmenijicui parucui
meapūravui dobacure. Aru ji ocopeni-
boai jōdari ēmeiyede máre járajaramu
mūja, arejameda náre Jesús.

⁶⁵ Que ayure, ñai sacerdotevare
jaboteipōecu jorojīni, ūi baju doiyede
tatorī, jadevarī, arejamedá:

—Nai ūmu Jūmenijicure copu ámeina
yávaibi. Quénora ūi ámeina teiyede
coyujarā mūja. Apevu ne coyuhyu
jaubevu. Javeta mūja jápiadavu.
Jūmenijicui ubebi ñai yópe yávayure.
⁶⁶ ¿Aipe adarāru mūja? arejamedá ū.

Aru arejaimada na:

—Boarí jaruvaimu macuyáme
ū, arejaimada na caivu, ūre boarí
jaruvaicōjeivu.

⁶⁷ Que arī, ūi jivarā jēcututurejaimada
na. Ūre jara popedejaimada. Aru
pēvavarejaimada máre ūre. ⁶⁸ Aru
arejaimada:

—Mu, Cristo, coyujacu ñujare. ¿Name
matedí pēvañu mure? ūre pēvavaivu
arejaimada na.

Ubenita Jesúcapūravu ye
coyubedejamedá.

**“Jesúre yu coreóvabevu”
arī, Pedro ūi coyuino**

(*Mr 14.66-72; Lc 22.56-62; Jn
18.15-18, 25-27*)

⁶⁹ Pedro sacerdotevare jaboteipōecu
tāibui dobacu barejámeda. ūi noi
dobaedeca, yebacarōmivacaco cūnáco
ūi yebai earejacoda. Aru arejacoda:

—Mu máre ñai Jesús Galileacacuque
cútev u mū, arejacoda ūre.

⁷⁰ Ubenita caivu ne jápiayede, Pedro-
capūravu ju abedejamedá óre:

—¡Nácacu ãmevu! Jesúre yu coreóvabevu. ¿Aipe arí, mu que adorū? arejamedá.

⁷¹ Que arí, tãibui etarí, jedevai nûtenevei nurejamedá Pedro. Aru apeco yebacarõmivacaco ūre jãri, arejacoda náre, nore curivare coyuþo:

—Ñai cûtebi Jesús Nazarecacuque, arejacoda.

⁷² Aru bedióva cojedeca Pedrocapûravu ju abedejamedá:

—¡Nácacu ãmevu! Jesúre yu coreóvabevu. Jûmenijicu majibi jâve coyuþure, arejamedá.

⁷³ No yôjiboi ina nore curivu Pedro yebai nûri, arejaimada ūre:

—Jâve mu máre nácacubu mu. Mi yávaiyeque majivu Galileacacure mure, arejaimada na.

⁷⁴ Dinumuma jâve ayupe, náre pare baju arí, coyuþejamedá Pedro:

—Jâveneca Jûmenijicu jâinoi yu mu-jare coyuþutamu! ¡Jâve ji coyuþbedu, Jûmenijicu ãmedajacarí yure! Jesúre yu coreóvabevu, arejamedá.

Úi que aiye bajure, órejarejamedá cayu. ⁷⁵ Úi órejaiyede, árurejamedá Pedro Jesúr ûi coyuþie báquede: “Cáyu ûi órejaquiye jipocai, yóbecue baju ‘Jesúre yu coreóvabevu’, acuþumu mu”, arí coyuþie báquede árurejamedá. Aru árhucu, cûiná etarí, pare chîori orejamedá úi.

Jesúre ne nûvaino Pilato yebai

(Mr 15.1; Lc 23.1-2; Jn 18.28-32)

27 Aviá ûi tucumiyede, caivu ina sacerdotevare jaboteipöeva aru judíova buchva cójjidejaimada na, ne bajumia boroteni majicarãjivu aipe ne boarí jaruvarãjiyede Jesúre. ² Boroteni bhojarí, Jesúre bhojarí, nûvari, jabocu ûi ãmiá Pilato yebai jacorãnurejaimada na.

Jesúre jêni jíyu bácu ûi yaino

(Hch 1.18-19)

³ Judas, Jesúre jêni jíyu bácu ûi mau-vare, coreóvayu ne boarí jaruvarãjiyede Jesúre, chioñu marejámeda ûi. Chiori dâpiarí, oatuvaiyuridurejamedá ûi daiye báquede. Que baru iye tâuturaturava treinta paiturava plataque daituravare nûvarejamedá ina sacerdotevare jaboteipöeva aru ina judíova buchva ne yebai. Diede náre nûvari jacopaiyovacunuridurejamedá Judas. ⁴ Ne yebai earí, arejamedá:

—Yurecabu ãmeina teyu bácu. Jêni jíyu mu-jare pöecu meacure, ãmeina dabecure. Que baru mu-je tâuturare, mu-je jíye báquede yure jêni jíye bojede, jacopaiyovaquijivu mu-jare caride, arejamedá Judas.

Übenita nácapûravu arejaimada ūre:

—Ye baquiyé ãmevu; miyetamura die, arejaimada na.

⁵ Que aivure, Judacapûravu iye tâuturare duvarí jaruvararejamedá Jûmenijicu cûrami jívui. Aru etarí, nûri, ûi ñamemure bhojarí, jocchucu cavabui yuyurí boarí jaruvararejamedá ûi baju. ⁶ Die tâuturare ñini, ina sacerdotevare jaboteipöeva arejaimada ne bajumia:

—Maje daicôjeiyepo iye tâuturare epe-icôjememaramu maja Jûmenijicure jí-caiyeque. Diedecabu bojedarí jíye báque pöecure ûi boarí jaruvarare daiyede apecu pöecure. Que baru diede jíye jaúbevu majare Jûmenijicure, arejaimada na.

⁷ Que arí, ne baju boroteni majicarejaimada. Boroteni bhojarí, iye tâuturaque jíni, joire bojedarejaimada. No jio jorodaipöecu jio bácarõ marejávuya. “Apenocavu yaivu bácvure yore, ne yuarí jaruvarãjinomu” arí, no joire bojedarejaimada. ⁸ No joire bojedarejaimada tâuturaque, pöecu ûi jíye báque, apecu pöecure boarí

jaruvaicōjescuy. Que baru aivabu maya “Jivecuro” no jiore, pü caride máre. ⁹Nópe vaidéjaväya cüinátmare Jümenijicui coyuicōjeiye báquepedeca ñai Jeremías ámicucu üi yávaiyede coyucaipöecu báchre. Yópe arí, toivaicōjenejaquemavu üi máchre Jümenijicu:

Íñama iye tāuturaturava treinta paiturava plaque que daituravare. Apevu Israecavu bojedaicōjenejaquemavu nópe paiye bojeda üre boje. ¹⁰Iye tāuturauraque jini bojedadama no jiore, jorodaipöecu jio bácarore. Que teni yópe Jümenijicui daicōjeino mácaröpedeca yure, dadama na, arí toivaicōjenejaquemavu Jümenijicu.

Pilato üi jeníari jáino Jesúre

(Mr 15.2-5; Lc 23.3-5; Jn 18.33-38)

¹¹Jesús üi eaiyede ñai jabocu Pilato yebai, nüréjameda üi jipocai. Ñai jabocu jeníari járejameda üre:

—¿Múru judíovai jabocu? arejameda. Jesúcapürvavu arejameda:

—Quédeca mi aimurecabu yu, arejameda.

¹²Übenita ina sacerdotevare jaboteipöeva aru ina judíova buçuva ne ámecoroiyede üre, náre coyubedejamedu Jesús. ¹³Dinumare Pilatocapürvavu arejameda üre:

—¿Jápiabecurü caiye ne ámecoroiyede mure? arejameda.

¹⁴Übenita bi arejameda Jesús. Caiye ne ámecoroiyede ye coyubedejamedu üi. Aru üi que yávabede cuecumánu ularó dápiarejameda Pilato.

Pöeva ne boarí jaruvaicōjeino Jesúre

(Mr 15.6-20; Lc 23.13-25; Jn 18.38-19.16)

¹⁵No torojuve teinumare, ñai jabocu Pilatocapürvavu ejúá coapa etavavarejameda cüinácu jacoimü

máchre, pöeva ne etavaicōjeimare. ¹⁶Dinumare, cüinácu üi bhoimaraçacu, caivu ne coreóvaimu marejámeda, Barrabás ámicucu. ¹⁷Que baru pöeva obedivu ne cójijiye de Pilato yebai, náre yópe arí, jeníari járejameda Pilato:

—¿Namene etavaji yu? ¿Barrabáre urivurü muja? ¿O Jesúre, Cristo ne aimare, urivurü muja? arejameda üi.

¹⁸Ina sacerdotevare jaboteipöeva Jesúre ne jorojiyede majini, obedivu pöeva ne ue boje üre, nópe náre jeníari járejameda Pilato. ¹⁹Pilato dobarejameda nore, coyuçuyu ina pöevare ñamene üi etavaquimare. Coyubecu căreja, üi dobaedeca, jímarepacu üre yópe arí, boro jarorejacoda: “Ñai ümu Jesúre ámedabejacu mu. Ürecabe meacu baju. Cari ñami maredo decoboavu yu üre. Aru pare ularó cărijuvü yu, iye decoboaiye báque boje. Que baru me dajacu mu” arí, boro jarorí majicarejacoda jímarepacu Pilatore.

²⁰Ina sacerdotevare jaboteipöeva aru ina judíova buçuva máre ina obedivu pöevare jéniaicōjenejaimada Pilatore, üi etavaquiyepa aivu Barrabáre aru üi boarí jaruvaquiyepa aivu Jesúre. ²¹Bedióva cojedeca ñai jabocu Pilato jeníari járejameda ina pöevare:

—¿Namene ina pucará bhoimaraçacu jaetovaji? arejameda.

Aru arejaimada:

—Barrabáre jaetovajacu mu, arejaimada na.

²²Ne que coyuřiburu, arejameda náre Pilato:

—¿Dinumü ñai Jesús, Cristo ne aimare, aipe daji yu? arejameda.

Caiyu ina pöeva arejaimada:

—¡Üre jochççjaravena pëvari boarí jaruvaicōjejacu mu! arejaimada ñai jabocu.

²³—¿Yéde ámeina tearí ñai? jeníari járejameda náre Pilato.

Ūbenita pñeno baju coðoboborí, arejaimada na:

—¡Úre jocucujaravena pëvari boarí jarúvaicójejacu mū! arí, codobobore jaimada na.

²⁴ Ne que aiyede, Pilato coreóvare-jamedá úre ju abevure. Quédato pñeno cärijovari búrejaimada na. Que baru ocoque joarejamedá ñi puruáre, yópe judíova ne daiyepé, ne jádovarajiyepé ayu boropatebevure. Úi joaiyedeca arejamedá:

—Yúvacari boropatebecubu, maje boarí jarúvaru ñai Jesúre, üm meacure ji jáinoi. Mäjemu die, arejamedá Pilato.

²⁵ Aru caivu ina pöeva arejaimada:

—Jau, ñujavacari aru ñujemara máre boropatenajivubu ñai üm Úi yaiye boje, arejaimada na.

²⁶ Ne que aríburu yóboi, Barrabáre etavarí darorejamedá Pilato. Aru Jesúre jara popeicójenejamedá. No yóboi, ina churaravare Jesúre jocucujaravena pë-vaiçjenejamedá Pilato.

²⁷ Que teni ina churarava Jesúre ñi, nüvari, ecovarejaimada ñai jabocu Pilatoi cürami. Nore ecovari, apevu churarava caivure cójiovarejaimada Jesúre jipocai. ²⁸ Úi cuitótecajare úre duarejaimada. Jesúre pñenocacaje, jabocu doicaje paicaje ñemijuaricajede doarejaimada na. ²⁹ Doarí buojari, miumua cäteni, cainitarabu darí, üi jipoburá ditarabure tuorejaimada na. Aru jochyo, jabocu cöjeiyope paiyore, durrere darejaimada Jesúre üi meapúravucapuri, yópe jabocu jéiyepé. Ne que teimure yurivu, jacoyurejaimada na:

—Ména cüjacu mu, judíovai jabocu, arejaimada churarava Jesúre, ubenita úre yurivu.

³⁰ Úra jécututuiv barejáimada. Aru úre jipoburá iyo jocujoque jádovaivu barejáimada na. ³¹ Que teni úre yurini buojari, úre ne doicaje ñemijuaricaje bá-

carõre, no jabocu doicaje paicajede ñi, duarí, üi doicaje bácarõre bedióva úre doarejaimada cojedeca. Que teni, buojari, úre nüvari, jocucujaravena úre pëvari jéoranurejaimada na, churarava.

Jesúre ne pëvari yuyaino jocucujaravena

(Mt 26.61; Mr 15.21-32; Lc 23.26-43; Jn 2.19; 19.17-27)

³² Ina churarava Jesúque nüivu, jocucujaravede ture nüñu maridurejame Jesú. Nuri, copurejaima cüinácu ümure, Cirene ämicuriimarocacure, üi ämiá Simón. Úre Jesú üi jocucujaravede tuino mácarore tuicójenejaima na, churarava.

³³ Ina churarava nüvarejaima Jesúre cüracu Gólgota ämicuricu. Pöe jipobucu aiyurómu no. ³⁴ Noi ücuiye upiáteye báque curijororá curejavu vino úyaicoro mirra ämicue jocuch cuidóque, churarava ne nüvaiye báquede. Die ücuiyede jínidurejaima

Jesúre, úre ijibequiyepé aivu. Úbenita ü ücuri jári, übecu, ücumenejame. ³⁵ Que teni úre jocucujaravena pëvari jéorejaima. Aru ne yajuiyede dûvarejaima. Cainijidua etaiyede jári, Jesú üi doiyede näre coapa ñejaima na, úre pëvaivu bácvu.

³⁶ Que teniburu yóboi, dobarejaima, jári capurajivu úre. ³⁷ Jocucujaravena üi jipobu pñenoi toivaino jénejavu, apevu ne majinajiyepé aino Jesúre boarí jarúvaivu ne dápiajnore, “¿Aipe teni úre boarí jarúvaráma na?” ne aino. Yópe aiyurejavu no toivaino: “Ñaime Jesú, judíovai jabocu”.

³⁸ Úque máre pëvari boarí jarúvarejaima pucarã tatorí ñavaipöevare, ape pucarõa jocucujaravearã. Cüinácu Jesú üi meapúravui aru apecu üi cäcopúravui curejaima. ³⁹⁻⁴⁰ Ina vainánuraivu jári, ne jipobuare cüjivarí, ämeina yávarejaima úre, yópe arí:

—Mu, Jūmenijichí cūramine jaru-vaiyvacacu aru yóbecurijárauva yóboi dīnamine meadaiyvacacu, mi bajure meadajacu mu. Mu Jūmenijichí mácu baru, caride jocucujaravede dajocarí, ēmeni, dajacu mu, arejaima Jesúre ina vainánuraiva.

⁴¹ Nopedeca ina sacerdotevare jaboteipóeva, ina Jūmenijichí yávaiye báquede bueipóevaque, aru ina judíova buchuaque máre, ne baju yurivu Jesúre, yópe arejaima:

⁴² —Apevure meadavacachvacari, ubenita üi bajure meadarí majibebi ü. Cristo, maja Israecavu maje jabocu baru, jocucujaravede dajocarí ēmeni dajacurí ü. Que élaru, maja ju arājaramu üre. ⁴³ Ü “Yábu Jūmenijichí mácu”, ayu bateáme. Ürecabe ju ayu Jūmenijicure aru “Jūmenijicu yure cadatecuyume”, arí dápiayu. Que baru Jūmenijicu, üre ucu baru, cadatejacurí caride, arejaima na.

⁴⁴ Aru ina pucarā tatorí ñavaipóeva pēvaimara mácavu máre üque, nope-deca āmeina yávarejaima üre.

Jesús üi yaino

(Mr 15.33-41; Lc 8.2-3; 23.44-49; Jn 19.28-30; He 10.20)

⁴⁵ Jāravu corica baji ñemié turí dare-javu caino joboroi. Pu yóbecuriora yóboita vaidéjavu. ⁴⁶ Aru yóbecuriora bajita, iye ñemié tuiyede dajocaiyede pare būjié codoboborí, yávarí darore-jame Jesús:

—Elí, Elí, ¿lama sabactani? Nópe aino: “Mu, ji mearore jímu, mu, Jūmenijichí, ¿aipe teni yure dajocarí, nñuru mu?” aiyuró marejávü.

⁴⁷ Que ayure, apevü nore nûrivu-cavu üre jápiarí, ubenita jápiarí eabeni, arejaima:

—Jápiajarä. Elíare órejaibi ü, arejaima na.

⁴⁸ Dinumure maumena nácacu cú-yarí, jaubore íni, uyovarejame viño úyaicoro upiáricoroque. Aru dijaábore abodorá buorí, jéori, jarururejame Jesús üi úcuquiyepa ayu. ⁴⁹ Ubenita apevü arejaima:

—Corejarä. Járabajevu Elías jōðavacu-dayure üre, arejaima na.

⁵⁰ Cojedeca Jesús pare būjié codoboborí, yaídéjame ü. ⁵¹ Dinumü üi yaitávabomica Jūmenijichí cūramicacaje uracaje coricopavaicaje bácaró quédá corica baji jadeni nurejavüya, puenocaturvai bári pü cāchinocaturvaita. Joboró cūjidejavu. Aru cūraboa uraboa pārejavu máre.

⁵² Yaivu bácvu ne jarvaino vaorejavüya. Obedivu Jūmenijichí pöeva yaivu bácvu nacovaimara marejaimada na, apurajivu bedióva cojedeca. ⁵³ Aru ina nacovaimara mácavu ne jarvainoare jocarí etarejaimada, Jesús üi nacajariburu yóboi. Etarí buojarí, Jerusalén ámicuriímaroi ecorejaimada. Obedivu pöeva járejaimada náre, yaivu bácvu nacovaimara mácavüre. ⁵⁴ Nore Jesús bácre cocorí nûrivu barejáima apevü churarava ne jabochque. No joboró cūjinore jári, aru caiye iye vaiye jidojaede máre, pare dápiavu cuecumarejaima. Aru arejaima:

—Jáveneca Jūmenijichí mácu baju batecábe ñai, arejaima na.

⁵⁵⁻⁵⁶ Obedivu nomiva máre cocorí nûrivu joajíemia currejaima. Ne jeneboi currejaima cūináco nomiò, Magdala ámicuriímarocaco, òi ámiá María, aru apeco nomiò, òi ámiá María máre, ico Santiago aru José nápaco, aru apeco máre, Zebedeoí márai paco. Jesús üi cuede Galilea ámicurií maroi cadateivu barejáima üre. Aru apevü nomiva, ina daivu bácvu üque Jerusalén ámicuriímaroi, currejaima nore.

Jesús bácu jaruvaimu ne pöe jaruvainoi

(Mr 15.42-47; Lc 23.50-56; Jn 19.38-42)

⁵⁷ Dijäravu bácarō, nainú, aviá ūi doriburu yóboi, cūinácu ūmu nurejameda Pilato yebai. Ū marejámeda cuve cūvacu, Arimatea āmicuriímarocacu, ūi āmiá José. Ū máre Jesús báchi bueímaracacu barejámeda ū. ⁵⁸ Pilato yebai nūri, Jesús báchi baju bácarore jēniacunurejameda ū. Ūi jēniaiyede Pilato churaravacavure jícojenejameda Jesús báchi baju bácarore ūre. ⁵⁹ Aru Jesús bácre jocucujaravede jōdavari, ūni, meacaje docucubecaje lino āmicurica-jeque ū mácre cūmarejaimada Joséjā. ⁶⁰ Ū mácre nūvari, cūracobe mama-cobe, José jicobei, Jesús bácre jaru-varejaimada Joséjā. Nore jaruváriburu yóboi, apeturava cūratruravare ūni, jātu-ruvari, dicobede biedejaimada. Aru bi-eniburu yóboi, nurejaimada na. ⁶¹ Ne Jesús bácre jaruvaiyede currejaimada nore María Magdalacaco aru apeco María máre, dobarivu dicobe jipocai.

Churarava ne jāri coreniduino Jesús báchi baju bácarore ne jaruvainore

(Mt 16.21; 17.23; 20.19; Mr 8.31; 9.31;
10.33-34; Lc 9.22; 18.31-33)

⁶² Dijäravu yóbocajäravu, maya judíova maje jabróvajäravu sábadoi, ina sacerdotevare jaboteipöeva aru fariseovacavu cójijidejaimada Pilato yebai. ⁶³ Aru ūre arejaimada:

—Mu, ūuje jabocu, árurivubu ūuja nai jujovayu bácu ūi aiyede apucu cäreja, yópe arī: “Yóbecurijäravha ji yainiburu yóboi nacajacuyumu yu yainore jaruvári”, ayu bateáme. ⁶⁴ Que baru churaravare me jāri coreicōjejacu mu Jesús báchi baju bácarore ne jaruvainore yóbecurijäravua vaiyeta. Nópe dajacu, ūi bueimara ne ūnavamenajiyepa ayu ū máchi baju bácarore ūamine. Ū máchi

baju bácarore ūnavaivu baru, “Jesús nacajaimi yainore jaruvári”, arī coyurā-jarama pöevare. Nópe dāivu baru, āmei jujovajebu pöevare ne mamaruμu jujo-vaiye báque püeno. Ū máchi “Naca-jacuyumu” ūi aiye báqueque pöevare jujovaríduame. Ubenita “Nacajaimi” ne ájuroeque, pöevare jāve jujovajebu, arejaimada na Pilatore.

⁶⁵ Pilatocapūravu arejamedá náre:

—Churaravare cūvavu muja. Náre jarorí me coreicōjejara Jesús báchi baju bácarore ne jaruvainore, arejamedá Pilato.

⁶⁶ Que baru churaravare jarorí, cūraturava үratrurava Jesús bácre jaruvacibede bieitüravare me jājare dāicōjenejaimada na. Aru ditüravare jājare dāriburu yóboi, no ne jaruvainore me jāri coreicōjenidurejaimada churaravare.

Jesús ūi nacajaino yainore jaruvári

(Mr 16.1-8; Lc 24.1-12; Jn 20.1-10)

28 No judíovai jabróvajäravu sábado yóbocajäravu, sumana bujäravu, domingo, miadáe tūquiye jipocai, María Magdalacaco apeco Maríamaque járanurejaimada Jesús báchi baju bácarore ne jaruvainore.

² Aru үrarō baju joborō cūjidejavüya, ángele ūi ēmeni daiye boje cavarō mearo Jūmenijichu cūrōre jocarī. Nai ángele, Jūmenijichu daroimu, ēmeni, dāri jāturuvarejaimada diva cūrava үravare, no cūracobede bieitürava bácarore. Ditüravare ūi jāturuváriburu yóboi, dobarejamedá ditürava püenora.

³ Nai ángele pēoñüpe páyu arojacu barejámeda, yópe yaroinope. Ūi cuitótecaje boricaje baju barejávüya.

⁴ Ūre jáivu, ina churarava dicobede jāri coreniduivu jidurivu bididejaimada, ne jidue boje. Bidini, turejaimada joborōi, yópe yaivu bácvape. ⁵ Aru nai ángele arejamedá ina nomivare:

—Jidubejarā mūja. Coreóvaivu yu voivure Jesúre, ne jocuchajaravena pēvaimu mácure.⁶ Yore cübebi ū. Javeta nacajami, yópe ūi aiye báquepedeca. Dajarā. Járijide apa. Ūi baju bácarōre ne jaruvaino mácarōre jájara mūja.⁷ Mau-mena nujara mūja. Yópe arī, coyujarā ūi bueimarare: “Jesús nacajaimi yainore jaruvvarī. Nucuyume mūje jipocai Galilea āmicurijoborōi. Noi járajaramu mūja ūre”, coyujarā. Jede, quénoramū ji coyuhino mujare, arejamedā náre.

⁸ Que aríburu yóboi, maumejiena dicobede etarī, nurejaimada ina nomiva, jidurivu ubenita pare torojurivu. Cú-yarī coyurānurejaimada iye borore ūi bueimarare. ⁹ Ne nuiyede, Jesúvacari náre copurejamedā. Aru náre jacoyurejamedā. Ūi yebai nuri, mori turejaimada joborōi ūi jipocai. Aru ūi cübobare jení, mearore jídejaimada ūre, yópe judíova ne darī cōmajiyepe. ¹⁰ Que teni Jesús arejamedā náre:

—Jidubejarā mūja. Jívure yópe arī, coyurānujara mūja, “Galileai nuri, noi yure járanujara mūja, aibi Jesús”, náre ajarā mūja, arejamedā dinomivare Jesús.

Churarava Jesús báchi baju bácarōre jári coreniduivu bácavu ne coyuhino borocurō

¹¹ Ina nomiva ne nuiyedeca, apevu ina churarava, Jesús báchi baju bácarōre jári coreniduivu bácavu, Jerusalén āmicurímaroi nurejaimada. Coyurānurejaimada ina sacerdotevare jaboteipōevara caiye iye vaiye báquede náre. ¹² Ina churarava ne coyuhiedy jämpiaivu bácavu, ina sacerdotevare jaboteipōevara ina judíova bucuvaque cójjidejaimada, majicarajivu ne bajumia. Cójijini bhojarī, ührarō tāuturare jídejaimada ina churaravare. ¹³ Aru yópe arī, borocuicōjenejaimada náre:

—Yópe ajarā mūja pōevare, “Jesús báchi bueimara ñamine darī, ñuje cāiyede, ñavarama ū mácuí baju bácarōre”, ajarā mūja.¹⁴ Aru ñai jabocu ūi jápiaru diede, “Ina churarava boropateivubu ne jári corebe boje” arī dápiaru, ñujavacari meadárājaramu caiyede ūque, ūi ñájine dabequiyepo aivu mujare, arejaimada ina judíovai jabova.

¹⁵ Que baru iye tāuturare ñi, borocurī coyurejaimada ina churarava, yópe ina sacerdotevare jaboteipōevara ne coyuhicōjeiye báquepe. Aru no coyuhino borocurōre coyuhvaivubu judíova ne bajumia pu caride máre.

Jesús ūi coyuhicōjeino ūi yávaiye méne

(Mt 26.32; Mr 14.28; 16.14-18; Lc 24.36-49; Jn 20.19-23; Hch 1.8)

¹⁶ Ñuja once paivu Jesúi bueimara Galilea āmicurijoborōi nurejacarā. Yópe Jesús ūi nūcōjeiye báquepe, cūracuī nurejacarā ñuja. ¹⁷ Noi ūre jári, mearore jídejacarā. Ubenita apevu ñujacavu, “Jesús ámemi” arī, ju abedejaima.¹⁸ Aru Jesús arejame ñujare:

—Caiye paruhéde cüavu yu. Jipacu Jūmenijicu paruhre daibi yure, ji cōjequiyepo ayu caivu cavarō mearocavure aru caivu ijäravucavure máre.¹⁹ Que baru jaroivu yu mujare. Buenanujara caivu ijäravucavure ji yávaiye méne, ne ju arājiyepe aivu diede, aru ne darājiyepe aivu ji ührōre. Ocoque jádovajara ina ju aivure jipacu Jūmenijicure; aru yure, Jūmenijichu mácure; aru ñai Espíritu Santore máre.²⁰ Buejarā náre, ne darājiyepe aivu caiyede yópe ji daicōjeiye báquepe mujare. Aru yúvacari cüchuyemu mujaque cainhuma, pu ijäravu bhojaiyeta, arejame ñujare Jesús.

Quénoramū.

San Marcos

Mamabuínore coyhiyebu Marcos bácu ūi toivaiye báquede Jesucristorã. Marcos bácu barejaquémavu judíovacach, Bernabé bácu chimacu (Hch 5:36, Col 4:10). Jípaco báco, María ámicucho, ñi cùrami cójijivarejaquémavu Jesúre jü aipóeva (Hch 12:12). Juan ámicucho barejaquémavu Marcos bácu. Cuchuñurejaquémavu Pablo bácuque aru Bernabé bácuque (Hch 12:25, 15:37-39). Majidivu ne dápiaiyepo, iye coyhiyede Jesucristorã toivarejaquémavu ūi mácu cuchu bácu Roma ámicuriñamaro. Marcos bácu, Jesúque cubecu bácvacari, majejaquémavu Jesú borore Simón Pedro bácu, ñai Jesú ūi yávaiye méne beorí coyhiçójeim, ūi coyhiye báque boje ūi mácu Jesúrã. Pöecu cubebi majicu ye tju ūi toivaijhu bácarore diede. Ùbenita obedivu majidivu ne dápiaiyepo Marcos bácu toivarejaquémavu Mateo bácu, Lucas bácu, aru Juan mácu ne toivarájiye jipocare, ñanijha báquede 57-63 d.C. baji.

Marcos bácu jádovarejaquémavu Jesúre yópe memecaipöecupe. Judío bácvacari, toivarejaquémavu judíova ámevure, ne majinajiyepo ayu Jesús parucure caivu pheno, ūi daiye boje pöeva ne darí majibede, ūi cõjeiye boje abujuvare, aru ūi jaravaiye boje pöeva ne ámeina teiyede. Coyurí bárejaquémavu Jesús ūmureca, ūi buiyede ūi memecaiyede, Juan Bautista bácu ūi jádovaiye báquede ūre Jümenijicu ocoque.

Juan Bautista ūi coyuino Jümenijicu yávaiyede pöecubeno

(Mt 3:1-12; Lc 3:1-9; Jn 1:19-28)

1 Yópeda teni bárejaquémavu iye yávaiye me Jesucristo Jümenijicu mácurã coyhiye.

² Javede toivarejaquémavu Jümenijicu yávaiyede coyuscaipöecu bácu ūi ámiá Isaías, yópe Jümenijicu aiye báquede mamacure:

Jaroivu yure coyuscaipöecu mi jipocai, mi cuimare meadaquiyepo ayu. ³ Jümenijicu coyuscaipöecu coédoboboyure jápiarajarama pöecubeno: “Meadajara máje úmene copu etaburí mage jabocure, nopedeca máje meadaiyepo daimare ñai úmu, máje pueðaimu, ūi daquiye jipocai”, arejaquémavu Jümenijicu, arí toivarejaquémavu Isaías bácu.

⁴ Nópe Jümenijicu yávaiyede coyuscau, Isaías bácu, ūi aiye báquedeca tedejaquémavu Juan Bautista pöecubeno. Pöeva vaivure coyure curejamedá nore. Ocoque jádovachu pöevare Jümenijicuque, coyuscaipöecu barejámeda pöevare, ne chiori dápiarajiyepo ayu ne ámeina teiyede, Jümenijicu árumeetequiyepo ayu diede.

⁵ Obedivu pöeva Judea ámicuriñaborócahu aru Jerusalén ámicuriñamarocavu máre jápiaránurejaimada Juan Bautista yebai. Aru na coapa “Ámecubu yu” ne aríburu yóboi Jümenijicu, ne chiori dápiaiyepo ayu ne ámeina teiyede, jádovarejamedá náre Jümenijicuque Jordán ámicuriya jiai.

⁶ Juan Bautista dorejamedá áimacu camello ámicucho podaque daicajede ūi cuitótecae. Aru ūi jarióicáva máre áimacajeque daicáva marejávuya. Úare curejamedá mujuñuvare aru mumi-corore máre, yópe apevu nóvacu chve cùvabevu. ⁷ Yópe arí, coyurejamedá pöevare:

—Dacuyame ji yóboi cùinácu, ji pheno parucu. Que baru caivu pheno meachu bajube ū. Bhojabevu yu oarí nacachini duayu ūi curaidoa bhoimeare. ⁸ Yu ocoque jádovaivu mujare Jümenijicu. Ùbenita ū macuyame jádovañu mujare Jümeni-

jicque, daroyu Espíritu Santore, arejameda Juan Bautista.

Juan Bautista ūi jádovaino Jesúre Jūmenijicque

(Mt 3.13-17; 12.18; Mr 9.7; Lc 3.21-22)

⁹Dijárahuai Jesús nurejameda Nazaret āmicuriimarore jocarī, etacuyu Galilea āmicurijoborōre jocarī, nññ Juan Bautista yebai. Aru Juan Bautista jádovarejameda ūre Jūmenijicque Jordán āmicuriya jiai. ¹⁰Maumena ūi maiyede jiare jocarī, Jesús jārejameda cavarō mearo vorī nñinore. Aru ñai Espíritu Santo jurecope ēmeni darejameda ūi pñenora. ¹¹Aru jápiarejameda apeno yávainore, cavarō mearo Jūmenijicchi cürōque aiyede yópe: “Mu, jímacu, ji ñmu, me torojuvu yu mure”, arejameda Jesúre Jūmenijicu.

Abujuvai jabocu Jesúre ūi jujovariduino

(Mt 4.1-11; Lc 4.1-13)

¹²No yóboi ñai Espíritu Santo nñavarejameda Jesúre pöecbenoi. ¹³Cuarenta paíjárahuai Jesús currejameda nore, āimara jijecurivu ne jéneboi. Que teni ñai abujuvai jabocu, Satanás āmicucu, jujovaiyuridurejameda ūre. Aru ángel-eva coreni cadatedejaimada Jesúre.

Jesús Galileai ūi bueni bñino

(Mt 3.2; 4.12-17; Lc 4.14-15)

¹⁴Dinumure Herodes āmicucu jabocu buorejameda Juan Bautistare. Ūre buoriburu yóboi, Jesús nñrejameda Galilea āmicurijoborōi, coyuchu iyeyávaiye méne, Jūmenijicui coyucicōjeiyede ūre. ¹⁵Que teni arejameda pöevare:

—Jave eaivu dijárahuai. Maumena Jūmenijicui mujare jabotecuyume. Que baru chiojara mujare āmeina teiyede. Oatuvajara mujare daiyede. Aru ju ajara

iyeyávaiye méne, Jūmenijicui coyucayede mujare, arejameda Jesúre.

Jesús ūi “Dajarā” aino yóvaicuvaivu moa boapõevarare

(Mt 4.18-22; Lc 5.1-11)

¹⁶No yóboi Jesús cuyu macajitabu urabu Galilea āmicurijitabu ēcarui, jārejameda Simóre aru Andrés īmacuquevure. Moa boarí bojedaipõevarare jamevare. Que baru dñvaivu barejáimada ne pápicure no macajitabu. ¹⁷Ne que teiyede, Jesús arejameda náre:

—Dajarā yáque. Aru epequijivu mujare, mujere davarajiyepo pöevare ji yebai, yópe mujere moare davaiyepo pápicque, ji meadaquiyepo náre, arejameda Jesúre.

¹⁸Que ayure jápiarī, dajocarejaimada ne pápicure, nñrajivu Jesúque.

¹⁹Aru cuyu cäreja, jipocai jārejameda Zebedeoí mårare, ne āmiá Santiago aru īmacu Juan. īmarejaimada ne jiadocu, meadaivu ne pápicure. ²⁰Járina culturejameda náre. Quénora cüiná dajocarejaimada népacure ūre memecaipõevaraque jiadocu, nñrajivu Jesúque.

Abujucu ūi īmamu Jesúre ūi copuino

(Mt 7.28-29; Lc 4.31-37)

²¹Jesús ūi bueimaraque earejaimada Capernaum āmicuriimaroi judíovai jabuovaijárahuai sábadoi. Judíovai cójijiñami ecorí, Jesús buedejameda ina pöevare noi cürivure. ²²Ina Jūmenijicui yávaiye báquede bueipõevarare pñeno buedejameda náre, yópe parucupe. Que baru ina jápiavu ūi bueiyede torojurí cuecumarejaimada. ²³Aru currejameda judíovai cójijiñami cünacu ñmu, abujucu ūi īmamu. ²⁴Coðoboborí arejameda Jesúre:

—Mu, Jesús Nazarecacu, ¿yéde uchrñ mu nñjaque? ¿Jaruvacudayu dacurñ mu nñjare? Coreóvaivu yu mure. Jūmenijicui mácu meacu bajubu mu, arí coðoboborejameda.

²⁵ Ubenita Jesús bi aicōjenejamedá ūre:

—Mu, bida etajacu ñai ūmure jocarī, arejameda Jesús.

²⁶ Que baru abujucu bidióvarejameda pare ñai ūmure. Codoborō pare, etarejameda ūre jocarī. ²⁷ Aru cuecumari jáivu ina pōeva, arejaimada ne bajumia:

—¿Yéba yo? ¿Ye bueye mamaema iye? Ūi yávaiye paruquéque jaruvaibi abujuvare. Aru nácapūravu ju adama ūre, arejaimada na.

²⁸ Aru maumejiena majidejaimada Jesúi borore caino Galilea āmicurijoborōcavu caivu.

**Jesús ūi meadaino
Simón Pedroí vácōre**

(Mt 8.14-15; Lc 4.38-39)

²⁹ Etaivu bácavu judíovai cójijiñamine jocarī, ecorānurejaimada maumena ne cūrami ina Simón aru Andrés máre. Santiago aru Juan máre yóvarejaimada náre. ³⁰ Ico Simói váco moimo pararejacoða. Aru cūiná coyurejaimada Jesúre òi borore. ³¹ Que baru Jesús nurejameda òi yebai. Jēni òi purure, óre nacovarejameda. Aru maumejiena dajocarejavuya moino óre. Dinumumia áiyede meadarī jídejacoða náre.

Jesús ūi meadaino obedivu ijimarare

(Mt 8.16-17; Lc 4.40-41)

³² Dinainumica ñamijie baji aviá ūi doriburu yóboi, jabuóvajáravu vaiyede, ina īmarocavu nūvarejaimada Jesús yebai caivu ijimarare, aru abujuva ne īmamarare máre. ³³ Que teni caivu ina īmarocavu cójijidejaimada jedevacobena. ³⁴ Jesús meadarejameda obedivu ijimarare. Caiye ijiéde jaruvararejameda. Jarorejameda náre jocarī ina abujuvare máre. Aru yávare dabedejameda, ne coreóvaiye boje ūre.

Jesús Galileai ūi bueino

(Mt 4.23; 9.35; Lc 4.42-44)

³⁵ Jesús coedarī nacajari ñeminomia, aviá ūi cōaquiye jipocai, nurejameda pōecubenoi. Jēniare cuyu barejámeda Jūmenijicuque. ³⁶ Miadáe tuiyede Simón ūcavuque vorejaimada Jesúre. ³⁷ Vorī earī, arejaimada ūre:

—Caivu pōeva vodama mure, arejaimada Jesúre.

³⁸ Náre arejameda:

—Járica, apenoa īmaroa joabenoai nurevhu, coyurājivu Jūmenijichu yávaiyede noi. Que baru daivu yu, coyucudayu diede, arejameda Jesús.

³⁹ Coyurejameda Jūmenijichu yávaiyede caino Galilea āmicurijoborōi judíovai cójijiñamiai. Aru jaetovarejameda abujuvare máre.

Jesús ūi meadaino pojeyure

(Mt 8.1-4; Lc 5.12-16)

⁴⁰ Cūinácu pojeyu nurejameda Jesús yebai. Aru ñuatutarī, arejameda ūre:

—Mu uch baru, meadajacu ji pojeyede. Buojaivu mu meadayu yure, arejameda.

⁴¹ Que ayure jápiarī, Jesús cōmajae aroje jári, ūi puruque jabióvarī tħoyu, arejameda ūre:

—Uvu yu. Caride meatejacu mu, arejameda Jesús.

⁴² Maumejiena Jesús ūi que aiyeda vaidéjavuya ūre. Meatedejameda ū. ⁴³ Ubenita Jesús majicarejameda parurōreca, “Nujacu” ayu ūre, arejameda majicariduyu:

⁴⁴ —Coyubejacu apevure. Cūiná nuri, jādovajacu sacerdote. Aru jíjacu mi meateyiye boje, yópe Jūmenijichu daicōjeiyede ūi coyubiye báquepe Moisés báture, pōeva ne coreóvarājiyepo ayu mi meateinore, arejameda ūre Jesús.

⁴⁵ Ubenita coyure nurejameda Jesúi borore. Que baru ecorī majibedejameda

Jesús pōeva ne jainore. Quénora currejameda pōec̄benoi. Aru nurejaimada pōeva, cainoa īmaroacavu, ūi yebai.

**Jesús ūi cure daino
nacajaiye majibecure**

(Mt 9.1-8; Lc 5.17-26)

2 Ecorejameda Jesús cojedeca Capernaum āmicuriūmaroi obedijāravua yóboi. Jāpiarejaimada cūcure cūrami. ²Que baru cójijidejaimada obedivu pōeva. Buiní jajidejaimada jedevacobeta. Aru Jesús coyrejameda Jūmenijicui yávaiyede náre. ³Dinumu yóvaic̄vaivu ūmūva nūvarejaimada ūi yebai cūinácu ūmu nacajaiye majibecure. ⁴Ūbenita ecoivu b̄hojabedejaimada Jesús yebai, pōeva obedivu ne cue boje. Que baru muri nuri cūrami puenora, voarejaimada diede, ēmeóvarajivu ūi nacajaiye majibecure ūi parainoque Jesús yebai. ⁵Náre coreóvayu jū aivure, Jesús arejameda ūi nacajaiye majibecure:

—Mu, ji ūmu, mi āmeina teiyede jarvari īrūmeteivu yu, arejameda Jesús.

⁶⁻⁷ Noi dobarejaimada obevevui Jūmenijicui yávaiye báquede bueipōeva, dápiaivu ne daiyūrōre: “¿Aipe teni que yávayuba ūi? Jūmenijicui ūbenore daibi ū. ¿Ñamema b̄hojarī jaruvayu āmeina teiyede, īrūmeteni diede? Quénora cūinácurabe Jūmenijicui jaruvayu diede” arī, dápiajaimada na.

⁸ Jesús jāri coreóvarī maumejiena ne baju ne dápiaiyede, jēniari jārejameda náre:

—¿Aipe teni que arī dápiaivurū muja? ⁹Maiyójabevu yópe aru apecure, “Mi āmeina teiyede jaruvari īrūmeteivu yu”, ji paruēde jādovame boje, ji que coyiyede. Ūbenita maiyójarotamu nacajari cuicōjenu nacajaiye majibecure. Ūre cure dāyū baru, jādovaquijivu ji paruēde.

“Mi āmeina teiyede jaruvvaivu” ji aiyede, coreóvabevu muja Jūmenijicui īrūmeteinore diede. Ūbenita ūi cūvacu Jūmenijicui majié paruēde, ūrame yópe darī jādovaiye majicu. Quécura Jūmenijicuvacari meadarī majibi ijimarare. ¹⁰⁻¹¹ Que baru muje majinajiyepo ayu Jūmenijicui daroimu mách ūmūpe, yu, paruēde cūvacure ijāravure, jaruvacuyu āmeina teiyede, yópe daquijivu yu, arejameda Jesús.

Dinumu arejameda nacajaiye majibecure:

—Yópe aivu yu mure, nacajari, mi parainore ūni, nūjacu mi cūrami, arejameda ūre Jesús.

¹² Dinumuma nacajari maumejiena, ūi parainore ūni, etarejameda ne jēneboi. Caivu cuecumari, mearore jídejaimada Jūmenijicure. Aru, “Aipinumua jāmeteavu maja yópe painore”, arejaimada na.

Jesús ūi “Dajarā” aino Levíde

(Mt 9.9-13; Lc 5.27-32)

¹³ No yóboi Jesús nurejameda cojedeca macajitabu ūrabu īcarui. Caivu pōeva nurejaimada ūi yebai. Aru bueyu barejameda náre. ¹⁴ Dinumure vainí nūñu jārejameda Levíde, Alfeoi mácure, dobacure ūi memeitucubui, pōeva ne Roma āmicurō jaboteino bojedainoi. Aru arejameda ūre:

—Dajacu yáque, arejameda Jesús.

¹⁵ Nacajari nurejameda Jesúque. Aru obedivu pōeva nurejaimada ūi yóboi. Que teni Jesús ūi ācūnuiyede Leví cūrami, obedivu jabovare tāutura īcaipōeva, āmeno daipōeva, aru ūi bueimara máre dobarejaimada, īrājivu Jesúque. ¹⁶ Apevu judíova, daicōjeiyede daiye cōmajivu, fariseo āmicuriyajubocavu, currejaimada nore. Ina fariseovacavu, Jūmenijicui yávaiye báquede bueipōeva, Jesús āñure jāri, ina jabovare tāutura īcaipōevaque aru

āmeno daipōevaque máre, arejaimada ūi bueimarare:

—¿Aipe teni āñuma jabolare tāutura īcaipōevaque aru āmeno daipōevaque máre? jēniari járejaimada náre.

¹⁷ Que aivure jápiarī, Jesús arejamedá:

—Meara pōevare juoipōecui cadateiye jaubevu. Quénora ijimarat ūi cadateiye jauvu. Dabedejacacu yu ijāravu, cutuchuy mearare ne baju dāpiainore. Quénora darejacacu yu, meadacuyu āmenare, ne chiorajiyepé ayu ne āmeina teiyede, Jūmenijicu ārūmetequiyepé ayu diede, arejamedá Jesús.

Pōeva āmevuba āiyede ne jēniaino Jūmenijicuque

(Mt 9.14-17; Lc 5.33-39)

¹⁸ Dinumu Juan Bautistai bueimara aru fariseovai bueimara máre ne jēniaiyede Jūmenijicuque āmenejaimada āiyede. Aru pōeva earī, jēniari járejaimada Jesús:

—¿Aipe teni Juan Bautistai bueimara aru fariseovai bueimara máre āmevuba āiyede, ūbenita mi bueimara āmevuba āmemá āiyede? arejaimada.

¹⁹ Jesús arejamedá náre:

—Ina purubhoyu ūi cutuimara, ne torojuve tenajiyepé ayu ūi purubhoyede, ye āmevu āmemá āiyede ūi cudec cāreja náque. Nopedeca ji bueimara torojurivu ji cudec náque, āmevu āmemá āiyede. ²⁰ Ūbenita ji mauva ne nūvarajiyede yure, ji bueimara chioivu āmenajarama āiyede, arejamedá Jesús.

²¹ Cojedeca Jesús buedejameda náre:

—Pōeva jēomema cuitótecaje mamacaje joabecajei javecarōre. Nópe daru, no jēoicajeva mamacaje jadevajebu javecarōre. Que daru, pueno baju járojebu codeicobe. Quédeca ūname bhojabema ju aivu ji bueiye mamaene aru javeque bueiyede máre. ²² Pōeva

yuabema vino ūyaicorore mamacorore āmacaje curubu javecacurubuque. Que daru, codeóvajebu dicurubure. Yurí bijajebu dicoro. Aru bijajebu dicurubu máre. Ūbenita ne yuaru mamacorore mamacurubuque bijabebu dicoro. Quédeca ūname bhojabema dāivu yópe ji bueiye mamaepe, dare nūivu baru yópe ne jave daiye báquepe, náre arī buedejameda Jesús.

Jesúi bueimara ne puyoino oteiyede jabuóvaijāravu

(Mt 12.1-8; Lc 6.1-5)

²³ Apejāravu, judíovai jabuóvaijāravu sábadoi, Jesús vaidéjamedá oteiye cūrōi ūi bueimaraque. Aru ūi bueimara jēnejaimada iye oteiyede. ²⁴ Apevu fariseova jēniari járejaimada ūre:

—Jājacu. ¿Aipe teni mi bueimara dāivuba āmeno, maja judíova majé dāicōjemenope, jabuóvaijāravure? arejaimada na.

²⁵ Ūbenita Jesús, ūi dāpiaiye boje ūi bueimara āmeno dābevure, arejamedá náre:

—Jāvē ārūmetenarū muja yo David bácu daino mácarōre, ūre jauéde aru āvúe ijiéde ūre, ūque curivure máre?

²⁶ Ú mácu ecorejaquemavu Jūmenijicu cūrami, Abiatar bácu ūi sacerdotevare jaboteiye báquede. Aru ārejaquemavu pāure, Jūmenijicure jíye báquede, ina sacerdoteva ne āiyede, sacerdote āmecu bácvacari. Aru jídejaquemavu ūque curivure máre, sacerdoteva āmevu bácvareca. Ūbenita Jūmenijicu ūname dābedejaquemavu na mácvare, arejamedá Jesús.

²⁷ Cojedeca Jesús arī buedejameda:

—Jūmenijicu epedeaquemavu jabuóvaijāravure pōevare boje. Ūbenita epebedejaquemavu pōevare dijāravure boje. ²⁸ Yu, Jūmenijicu dāroimū mácu ūmupe, jabocabu yu. Que baru dāicōjeni bhojaivu yu

pōevare ne daiyede caijāravhare aru jabuóvajāravhare máre, arejamedá Jesús.

**Jesús ūi meadaino ūmu
āmuve jiacubecure**

(Mt 12.9-14; Lc 6.6-11)

3 Bedióva Jesús ecorejamedá cojedeca judíovai cójijiñami. Noi c̄hrejamedá cūinácu ūmu, āmuve cūinápúravu ji-acubecu. ² Aru fariseovacavu Jesúre coreni járejaimada. Jesús ūi meadarū ñai ūmure, āmuve jiacubecure, judíovai jabuóvajāravu sábadoi, jāiyurivu, boro coyurī adaiyurīduivu barejáimada ūre. ³ Dinumuma Jesús arejamedá ñai ūmu āmuve jiacubecure:

—Nacajari nūjacu pōeva jēneboi, arejamedá Jesús.

⁴ Aru arejamedá apevu noi c̄urivure:

—Jēniari jāquijivu cūináro m̄ujare. ¿Yéde daicōjeini Jāmenijicu jabuóvajāravure, mearore o āmenore; meadarū pōevare o boarī jaruvaru náre? arejamedá Jesús.

Ubenita bi arejaimada na. ⁵ Que baru Jesús jararī chīorejamedá, ne coreóvabe boje. Aru arejamedá ñai ūmu āmuve jiacubecure:

—Jabióvajacu mi āmuvede, arejamedá Jesús.

Ūi jabióvajiyede meatedejavu ūi āmuve. ⁶ Que teni ina fariseova etaivu bácahu cójijidejaimada Herodede cadateipōevaque. “Boarī jaruvarājarevu”, arī dápiaivu barejáimada Jesúre.

**Jesús ūi meadaino obedivu pōevare
macajitabu ʉrabu ēcaru**

(Mr 4.1; Lc 5.1-3)

⁷⁻⁸ Jesús apevure dajocarī nurejamedá macajitabu ʉrabu ēcaru ūi bueimaraque. Obedivu pōeva cujurejaimada ūi yóboi, Galilea aru Judea āmicurijoborōcacavu,

Jerusalén āmicurii marocavu, Idumea āmicurijoborōcacavu, aru Jordán āmicuriya jia apeduvecavu: Tiro aru Sidón āmicurii maroacavu máre. Obediyajuboa pōeyajuboa nurejaimada ūi yebai, jápiaivu dayure ʉrarō pōeva ne darī majibede. ⁹ Aru Jesús arejamedá ūi bueimarare:

—Meadarī corejarā jiadocūre, pōeva obediva ne dariburu, jatujivarī, ne chītomenajiyepo yure, arejamedá Jesús.

¹⁰ Obedivure ūi meadaiye báque boje, apevu ijimara ūre chītorejaimada, tuoiyurīduivu ūre. ¹¹ Aru ina abujuva ne īmamara máre Jesúre jāri, mori tūrī codoboborejaimada ūre:

—Murecabu Jūmenijicu mácu, arī codoboborejaimada.

¹² Ubenita Jesús yávaicōjemenejamedá parurōque, apevu ne coreóvabenajiyepo ayu ūi daiyede.

**Jesús ūi beoino ūi yávaiye
méné coyuicōjeimarava**

(Mt 10.1-4; Lc 6.12-16)

¹³ No yóboi Jesús m̄ri nurejamedá cūracu. Aru órejarejamedá ūi umarare.

¹⁴⁻¹⁵ Beorejamedá doce paivure. Aru epedejamedá náre ūi yávaiye méné beorī coyuicōjeimarare, ne yóvarājiyepo ayu ūre aru jarocuyu náre ne coyurājiyepo ayu Jāmenijicu yávaiyede. Paruēde jídejamedá náre, ne jaetovarājiyepo ayu abujuvare. ¹⁶ Jesús epedejamedá ina doce paivure: Simón āmicu bácaru āmidorejamedá Pedro. ¹⁷ Zebedeoí mácu Santiago, aru Santagoi yócu Juan máre, āmidorejamedá náre Boanerges, òpo tuinói mára ayu. ¹⁸⁻¹⁹ Apevure máre beorejamedá Jesús: Andrés, Felipe, Bartolomé, Mateo, Tomás, Alfeoi mácu Santiago, Tadeo, Simón āmicu Celote, aru Judas Iscariote máre. Ñai marejámedá jēni jíchuyu Jesúre ūi mauvare. Que teniburu yóboi, Jesús ecorejamedá cūrami.

“Abujuvai jabocu paruede c̄uvabi ū” arī, ne boro coyurī adariduino Jesúre

(Mt 9.34; 10.25; 12.22-32; Lc 11.14-23; 12.10)

²⁰ Bedióva cóijidejaimada obedivu pōeva. Aru āicōjemenejaimada Jesúre, ūi bueimarare máre. ²¹ Pōeva “Ārūmemi” ne are cuiye boje ūre, ū jivu jápiarī, nurejaimada, ūre jēnanhivu. ²² Ubenita ina Jūmenijicu yávaiye báquede bueipōeva, ēmeni daivu bácavu Jerusalén āmicuriūmarore jocarī, arejaimada:

—C̄uvabi Beelzebúre. Que baru abujuvai jabocu parueque jaetovaibi abujuvare, arejaimada.

²³ Jesús náre órejaya bácu ūi yebai, yópe coyurejamedá:

—¿Aipe teni bhojaidica abujuvai jabocu jaetovayu ūi baju? ²⁴ Cūináro jaborōcavu ādamateivu baru ne bajumia, ina jaborōcavu cūinájaramana. ²⁵ Aru nopedeca cūinādami cūramicavu ādamateivu baru ne bajumia, diñamicavu cūinájaramana. ²⁶ Aru nopedeca bájebu ñai abujuvai jabocu, jaetovayu baru abujuvai jabocure. Ādamateyu bájebu ūi bajuma. Aru jaetovayu baru abujuvare, joe parucu c̄ubejebu ū.

²⁷ Ubenita bhojaino āmevu ecoivu ñai ūmu parucu cūramine, ñavarajivu ūi c̄uvaede. Mamarūmure ūre bhorī, que daivu bácavata bhojaivu ñavaivu ūi c̄uvaede, arejamedá Jesús.

Nópe ayu, Jesús yópe aiyacu barejaquémavu: ūvacari parubí abujuvai jabocu pheno, ūi jaetovaiye boje abujuvare pōevare jocarī.

²⁸ Aru Jesús arejamedá:

—Jāve couyuybu mūjare: Jūmenijicu ārūmetecuyume caiye iye mūje āmeina teiyede, aru caiye iye Jūmenijicure āmeina yávaiyede máre. ²⁹ Ubenita ácu pōecu ūi yávaru āmeina ñai Espíritu

Santore, aipinuム Jūmenijicu ārūmetecuybe ūi āmeina teiyede. Quedata boropatecuyume, bījacuyu Jūmenijicure jocarī cainuムha, náre arī buedejamedá Jesús.

³⁰ Nópe arejamedá Jesús, ina Jūmenijicu yávaiye báquede bueipōeva “Nai ūmu c̄uvabi abujuvare”, ne borocurī yávaiye boje ūi borore.

Jesús ū jina ne voino ūre

(Mt 12.46-50; Lc 8.19-21)

³¹ Dinuムre Jesúi yóva aru jípaco máre earī, jedevamia mauteni órejaicōjenejaimada ūre. ³² Aru ina pōeva obedivu dobarivu ūi cūrōi arejaimada ūre:

—Mipaco aru míyova máre jedevai cūma. Aru vodama mure, arejaimada ūre.

³³ Aru Jesús arejamedá:

—¿Namema jípaco aru jíyova? jēniari jārejamedá Jesús.

³⁴ Ina pōeva obedivu dobarivure ūi cūrōi jári, arejamedá:

—Yuibu jípaco aru jíyova máre. ³⁵ Que baru caivu ina daivu Jūmenijicu үrōpe, nárecabu jíyocupe páyu, aru jíyocope pádo, aru jípacope pádo máre, arejamedá náre Jesús.

“Oteipōecure” jári dápiarī ne darājiyepo aino

(Mt 13.1-9; Lc 5.1-3; 8.4-8)

4 Apejāravu Jesús buedejamedá cojedeca macajitabu үrabu ēcarui. Aru obedivu pōeva cóijidejaimada ūi yebai. Que baru jiadocu ēcaru joabenoi cūricure jári, jaturī dobarejamedá dicūra, buecuyu pōevare. Aru caivu ina pōeva cūrejaimada macajitabu үrabu ēcarui. ² Náre buedejamedá jári dápiarī ne darājiyepo ayu caijīe apejīene. Aru arejamedá ūi buekiyeque:

³ —Jápiajarā. Yui oteipōecu otecunuqueuemavu. ⁴ Ūi oteiyede ape oteiye tūquemavu ma ēcarui. Aru

míjina darī, āradaquemavu caiye iye oteiyede. ⁵ Ape oteiye tāquemavu joborō edubenoi cūrabo puenoi. Nore joborō yañrijie cūbeniburu, maumejiena pīarí etaquemavu. ⁶ Ubenita aviá ūi boiyede équemavu. Aru nñomua ūmujurimua cūbeni, yaiquémavu. ⁷ Ape oteiye tāquemavu miucua jēneboi. Aru yóboi miucua bñçurí, muiní, chioiyede, jēiye jēmetequemavu. ⁸ Aru ape oteiye tāquemavu mearo joborōi. Aru jēiye jēquemavu, apeñu jēññu treinta paivnha, aru apeñu jēññu sesenta paivnha, aru apeñu jēññu cien paivnha, caiye oteiyabea coapa, náre arī buedejamedá Jesús.

⁹ Dinumu Jesús arejameda náre:

—Me jápiajarā mñja iye ji bueiyede, arejameda Jesús.

Aipe aiyurōre Jesús ūi jāri dāpiarī ne ñarājiyepē aino

(Mt 13.10-17; Lc 8.9-10)

¹⁰ Jesús ūi cuede cūinácvu, apevu ūi yebai joabenoi curivu aru ūi bueimara máre jēniari járejaimada ūre:

—¿Aipe teni bueyurā mu jāri dāpiarī ūje ñarājiyepē ayu mi coyuiyepē? arejaimada.

¹¹⁻¹² Jesús arejameda náre:

—Mñjare coyurí majide dāyabu yu Jūmenijicu ūi coyuijōjeme máquede. Ú jaboteibi mñjare, ūi pōevare. Ubenita ina ūi jaboteimara ãmevhu, yópe jedevai curivupe, diede majibema. Quéda jāri dāpiarī ne ñarājiyepē ayu bueyabu yu náre, jāivureca, ne jāri majibenajiyepē ayu aipe aiyurōre ne jápiayede, aru jápi- aivureca, ne jápiarī majibenajiyepē ayu aipe aiyurōre ne jápiayede. Na majidivu baru, chiori oatuvajebu ne daiyede. Jūmenijicu jü aru, árumetejebu ū ne ãmeina teiyede, arejameda Jesús.

Jesús ūi coyuijino aipe aiyurōre “oteipōecchre” jāri dāpiarī ne ñarājiyepē aino

(Mt 13.18-23; Lc 8.11-15)

¹³ Yópe arī, Jesús coyurejameda ūi bueimarare:

—¿Majibenaru yo jāri dāpiarī mñje ñarājiyepē ayu ji ainore? ¿Aipe ñarī majinajivurū caiye ji jāri dāpiarī mñje ñarājiyepē ayu arī bueiyede? ¹⁴ Iye oteiye Jūmenijicu yávaiyepē paibebu. Aru nñai oteipōecu Jūmenijicu yávaiyede coyuijōecchre páyube. ¹⁵ Aru inamu ma ëcarui oteiye turíduiye báquepe paivu. Náre coyuiyede Jūmenijicu yávaiyede jápiadama, ubenita coreóvarí eabevuva. Que baru ne jápiariburu yóboi, nñai abujuvai jabocu darī, árumetede daibi Jūmenijicu yávaiyede, ne jápiayede báquede. ¹⁶ Aru inamu joborō edubenoi, cūrabo puenoi, oteiye turíduiye báquepe paivu. Jūmenijicu yávaiyede jápiarī, torojuma me.

¹⁷ Ubenita Jūmenijicu yávaiyede jü aríduyama. Que baru quíjino yóboi, pōeva ne cārijovaru aru nñajine ñaru náre, ne jü aiye boje, maumena dajocadama ne jü aiyede Jūmenijicu yávaiyede. Que teni jü abema na. ¹⁸⁻¹⁹ Aru inamu miucua jēneboi oteiye turíduiye báquepe paivu. Na máre jápiavu Jūmenijicu yávaiyede, ubenita cārijinama ijāravuquede. Torojuma tāuturaque. Aru cūvaiyuma caijé apejíene. Que baru dapiadama caiye diede. Ubenita dapiabema Jūmenijicu yávaiyede. Que baru Jūmenijicu cadatebebi náre ūi yávaiyepē yópe ūi urōpe. ²⁰ Ubenita inamu mearo joborōi oteiye tuiye báquepe paivu. Jūmenijicu yávaiyede jápiadama. Aru diede jü adama. Nárecabu jü are ñaivu apevu pōevare, apevu treinta paivnre, apevu

sesenta paivhre, aru apevū cien paivhre, arī buedejamedā Jesús.

“Pēoibure” jári dápiari ne ðarājiyepe aino

(Mt 5.15; 7.2; 10.26; 13.12; 25.29; Lc 6.38; 8.16-18; 11.33; 12.2; 19.26)

²¹ Cojedeca Jesús, yópe arī, buedejamedā náre:

—¿Pōecu davaidi pēoibure, ñóscuyu dibure puebu cāchinoi o paraino cāchinoi? Bi, quénora tuoibi dibure jocuve puenora. ²² Que baru caiye yaveiye báque jároquiyebu. Aru dupióvaiye báquede máre járarama caivu pōeva. ²³ Me jápiajarā mūja iye ji bueiyede, arejameda Jesús.

²⁴ Aru cojedeca, yópe arī, buedejamedā náre:

—Me dápiajarā mūje jápiaiyede ji bueiyede. Yópe pōeva adama: “Mi corevacaru apecure cūináru jororāque, didumica Jūmenijicu corevacacuyume mure. Aru jíchuyume pueno baju”.

²⁵ Nopedeca ñai jápiayhre Jūmenijicu yávaiyede Jūmenijicu pueno baju ūi majiéquede jíchuyume ūre. Ubenita ñai jápiabecure Jūmenijicu yávaiyede, iye ūi quíjino majíde Jūmenijicu ūre íchuyume, arejameda Jesús.

“Oteiye bueinore” jári dápiari ne ðarājiyepe aino

²⁶⁻²⁷ Cojedeca Jesús arī coyurejameda:

—Jūmenijicu jaboteino yópe painotamu. Cūinácu ūmu ūi oteiye epeiyepo joborōi, oteni buejari cāimi ū ñamia coapa aru coedaibi jāravua coapa. Que teni ārumemí diede, oteiye báquede. Ūi oteiye buechivu, ubenita ūi majibedeca. ²⁸ No joborō buechre daivu no bajumia. Mamarūmu etaivu cainiñu. No yóbo etaivu yoca. No yóbo baji etaivu diñu jéiyoa. ²⁹ Aru jéijāravu eaiyede, jéiyoa

coboiyede, pōeva jéñaima divháre, arejameda Jesús.

“Oteiyabe mostazare” jári dápiari ne ðarājiyepe aino

(Mt 13.31-32; Lc 13.18-19)

³⁰ Jesús arejameda:

—¿Yépe ārojari yo Jūmenijicu jaboteino? ¿Yéque jári coyurajidi maja nore? ³¹ Yópe mostaza ámicuriyabe oteiyabepebu. Cūinácu ūmu diyabede ūi, oteibi joborōi. Diyabedecabu oteiyabe quíjiyabe caiye oteiye pueno. ³² Ubenita ūi otenebiru yóboi, buecuri muivu uracu ape oteiye pueno. Aru dicu cavabua uracavabua nuivu. Dicu taino cāchinoi, míjina ne juaiboa dadama, arejameda Jesús.

Nopedeca mamarūmu Jūmenijicu jaboteino quíjinotamu, pōeva obebevu ne cue boje noi. Ubenita Jūmenijicu yávaiye méne coyuriburu yóboi, urarotamu no Jūmenijicu jaboteino, obedivu pōeva ne cue boje noi.

Aipe teni Jesús ūi bueino jári dápiari ne ðarājiyepe aiyede

(Mt 13.34-35)

³³ Yópe arī, buedejameda Jesús Jūmenijicu yávaiyede jári dápiari ne ðarājiyepe ayu. Ne jápiari coreóvarājiyepe ayu buedejameda náre cainumua. ³⁴ Coyure curejameda cainumua jári dápiari ne ðarājiyepe aiyequo ūi bueinore. Ubenita coyurejameda ūi bueimarare aipe aiyuede iye jári dápiari ne ðarājiyepe aiyede.

Jesús ūmevure ūi bíjaroino

(Mt 8.23-27; Lc 8.22-25)

³⁵ Dijāravumica nainújie baji Jesús arejameda ūi bueimarare:

—Járica, macajitabu urabu apeduvei nurevu, arejameda náre.

³⁶ Quénora dajocarī nurejaimada, nūvaivū Jesúre pōevare jocarī jiadocūi. Apevu pōeva nurejaimada jiadocūi, náre coapa yóvaivū náre. ³⁷ Aru jataivure japurejavūya ūmevu parurō baju. Pācaiboa coiye boje jiadocūi, buidéjavūya dicūre oco. ³⁸ Ubenita Jesúr cāñu marejámeda japuvaino yebai. Tuorejamedá jabuhóvaiboi. Aru coedavarī, arejaimada ūre:

—¿Mu jidubecurū maje corájinore? arejaimada.

³⁹ Jesúr coedarī jararejamedá ūmevure. Aru arejamedá macajitabure:

—Quénora, pācamejabu, arejamedá Jesúr.

Que aiyede, ūmevu bíjacunuri, pācamenejavūya dibu macajitabu. ⁴⁰ Que teni Jesúr arejamedá ūi bueimarare:

—¿Aipe teni jidurivurū muja? ¿Aipe teni “Jesúr meadacuyume ūujare”, abevurū muja? arejamedá.

⁴¹ Jesúr ūi que aiyede, cuecumari arejaimada ne bajumia:

—¿Yécuba ūai yópe dayu, ūmevu aru macajitabu máre ju aimu? arejaimada na.

Jesúr ūi meadaino ūmu abujuva ne ūmamure (Mt 8.28-34; Lc 8.26-39)

5 No macajitabu șrabure jatarī nuri, apeduvei jatarejamedá Jesúr ūi bueimaraque. Diduvei currejaimada na, Gerasa ămicurōcavu. ² Aru Jesúr ūi maiyede jiadocūre jocarī, maumejiena copu nurejamedá cūinácu ūmu, abujuva ne ūmamur. Yaivu bácvu ne baju bácarōre jauvainore jocarī etarejamedá. ³ Cucu barejámeda noi. Aru ūname bhoijedejaimada bhoivu ūre tāumeaque. ⁴ Cainumua ūre ūi ărađoare aru ūi ămuveare máre tāumeaque buorídurejaimada. Ubenita die ūi ămuveare ne bhoijede cobururūri burari, die ūi ărađoare ne

bhoijede máre pēvari buravarejamedá ū. Tuijibua darī dajocavarejamedá ūai abujuva ne ūmamur. Aru pōeva ūre jēivu parubedejaimada na. ⁵ Jāravua aru ūnamiá coapa cuyu barejámeda codoboborī cūracūai aru pōeva ne yaivu bácvure jaruvainoi. Ūi bajure jāđodovari, churiá teni, jive copidejamedá. ⁶ Ubenita Jesúr joai jāri, cuyari nuri, ūuatutarejamedá ūi yebai. ⁷ Aru būjié codoboborī, arejamedá:

—Mu, Jesúr, Jāmenijicui mácu, caivu pheeno parucui mácu, ¿yéde ucurū yáque? Jēniaivu mure Jāmenijicuque, ūnjine dabejacu yure, arī codoboborejamedá Jesúr.

⁸ Nópe arejamedá, Jesúr ūi aiyé báque boje jipocamia: “Muja, abujuva, eta-jarā ūai ūmure jocarī”, ayu barejámedá Jesúr. ⁹ Aru Jesúr jēniari jārejamedá:

—¿Yécu ămicucurū mu? arejamedá.

Ju arī arejamedá:

—Obedivubu ūuja. Que baru Obecu ămicuvu yu, arejamedá.

¹⁰ Pare jēniarejamedá Jesúr ūi jarobe-quiyepo ayu náre ne cūrōre jocarī.

¹¹ Currejaimada noi cūracū yebai obedivu oteivāriva, āre cuivu. ¹² Aru jēniarejaimada ina abujuva Jesúr:

—Jarojacu ūujare ina oteivārivar, ūuje corájiyepo nára, arejaimada na.

¹³ Dinumuma nūcōjenejamedá náre Jesúr.

—Nujara, arejamedá.

Aru ina abujuva etarī, corejaimada ina oteivārivar. Na marejáimada pucamil paivu baju. Cuyari nuri, turejaimada cūracū ēmeinoi, macajitabu șrabui. Tūrī, corī bíjarejaimada na.

¹⁴ Diede jāri, ina oteivāriva mácvure coreipōeva cuyari nurejaimada, coyuivu șraimaroai aru ūmaro cūrōvaquede máre. Que baru obedivu pōeva, “¿Aipe tenama?” arī, jāranurejaimada.

¹⁵ Jesúr yebai nūivu, jārejaimada ūai ūmu abujuva ne ūnjine daimu

mácu dobacure, cuitótecajede doyure, meacure cari. Aru jidurejaimada ūre. ¹⁶Coyurejaimada ina jáivu bácvu Jesúi daiye báquede aru aipe vaino mácarõre ñai ûmu abujuva ne ûmamu mácure, ina oteivârivare máre. ¹⁷Quénora “Nujacu”, arejaimada Jesúre parurôque. Etaicôjenejaimada ūre ne curõre jocarí.

¹⁸Aru Jesúi ūi jatuiyede jiaðocüi, jaturídurejamedá ñai ûmu abujuva ne ûmamu mácu. Jêniaridurejamedá parurõreca cuiyucu ūque. ¹⁹Ubenita Jesúre yóvaicôjemech arejameeda ūre:

—Nujacu mi cûrami, mívus yebai. Aru coyujacu caiye iye ularõ Jûmenijicu ūi daiyede máque, aru aipe ūi cõmaje ãroje jáinore mure, arejamedá Jesúre.

²⁰Nuri, coyurí bárejamedá Decápolis ámicurijoborõcaímaroai caiye iye Jesúre ūi daiye báquede ūre. Aru caivu cuecumarejaimada jápiaivu ūi que ainore.

**Jesúi ūi nacovaino Jairoi
máco bácore aru ūi meadaino
nomiô ñájiñore jiveque**

(Mt 9.18-26; Lc 8.40-56)

²¹No macajitabu ularbu Jesúre jatayu bácu cojedeca apeduvei jiaðocüi, cójijidejaimada obedivu pöeva ūi yebai. Aru ūi currejamedá macajitabu ularbu écaru. ²²Uí yebai earejamedá cûinách judíovai cójijiñamine coreipöecu, Jairo ámicucu. Aru maumejie járina ñuatutarejamedá Jesúi cûboba yebai. ²³Urarõreca jêniari, arejamedá Jesúre:

—Jímaco yaiyóta tebico ō. Yáque darí, tuojacu ōre mi puraque, ūi yaibécojiyepe ayu. Aru cûcodome ō, arejamedá Jesúre.

²⁴Uí que aiyede, Jesúre nurejamedá ūque. Cujurejaimada náre obedivu pöeva. Aru cojivare nurejaimada Jesúre. ²⁵Ne jêneboi cûináco nomiô currejacoda. Doce paivuva baju ijimo marejácodá jive yuiyeque. ²⁶Pare ñájiño mácore, obedivu juoipöeva

jhorídurejaimada ōre. Aru bojedarı jaruvarejacobá caiye ūi cûvae báquede, bojedacobá ina juoipöevare. Ubenita ye meatebedejavýa. Quédato pheeno baju ijino nurejavýa ōre. ²⁷Jesúi ūi pöevare ûmedavaiyede borore jápiado báco, nurejacodá ūi yóboi obedivu pöeva jêneboi. Aru jêni járejacodá ūi doicajena. ²⁸Yópe arí dâpiarejacobá ō: “Uí jêni jádo maru ūi doicajede, quénora ûmedacodomu yu”, arejacodá ō.

²⁹Maumejiena ūi jêni jáiyede, bíjarejavýa ūi jive yuino mácaro. Aru dâpiarejacobá caino ūi baju meateni ñuinore. ³⁰Ubenita Jesúre majicu ūi baju ūi paruecarõre etaiyede ūre jocarí, copedini, ina obedivu pöevare arejamedá:

—¿Name matedí yure jêni jádo ji cuitótecajede? jêniari járejamedá Jesúre.

³¹Uí bueimara arejaimada Jesúre:

—Obedivu pöeva cojivare daivare jâñuvacari, “¿Name matedí yure jêni jádo?” ayurú mu? arejaimada na Jesúre.

³²Ubenita járidurejamedá caino ūi curõvare, jáiyucu ñame jêni jádo mácore ūre. ³³Que teni ico nomiô bidini jiduce, majico Jesúre ūi ûmedavaino mácarõre ōre, nuri ñuatutarejacobá ūi jipocai. Aru coyurejacodá jäve ūi daino mácarõre. ³⁴Jesúcapüravu arejamedá ōre:

—Mu, ji umo, “Uí meadaiye majibi yure”, arí dâpiarebu mu. Que baru mi que arí dâpiaiye boje, meadaivu mure. Ména nuri cûjaco mu. Caride meateivu, arejamedá ōre.

³⁵Uí boroteiyede ōque, earejaimada ina judíovai cójijiñamine coreipöecu cûramicavu. Jairore arejaimada na:

—Javeta mímaco yaibíco ō. Quénora cärijovamejacu bueipöecure, arejaimada.

³⁶Ubenita Jesúre jápiayu bácu ne yávainore, jápiabecupe teni, arejamedá Jairore:

—Jidubejacu mu. Quénora ju ajacu ji coyahinore, arejamedá Jesús.

³⁷ Aru apevure nūcōjemeni, nūvarejamedá Pedrore, Santiagore, aru Jūare, Santiagoi yóchre máre. ³⁸⁻³⁹ Nurejaimada Jairoi cūrami. Cójijivure jári, aru codoboborí oivure jári, aru cōmaje āroje teivure máre jári, ecorí arejamedá Jesús:

—¿Aipe teni cójijini būjiéque oivurū muja? Ó yaiyó āmemico. Quénora cādota-me, arejamedá.

Náre nópe arejamedá Jesús, ūi majié boje ūi nacovaquinore óre yainore jaravarí. ⁴⁰ Ūi que aiyede, yuridejaimada ūre. Ubenita Jesúcapūravu náre etavarí, jarorejamedá jedevai. Jípacchre ūni, aru jípacore ūni, aru ūque curivure máre ūni, ecorejamedá juedoco bácoi curitucubui.

⁴¹ Ó mácoi purure jení, “Talita cumi”, arejamedá óre Jesús. “Juedoco, nacajaco”, ayu barejámeda, óre que ayu.

⁴² Cūiná ico juedoco, doce paíñuva cūvaco, nacajari, vaivárejacoda. Aru ina jáivu bácvavu pare cuecumari dáporejaimada. ⁴³ Ubenita Jesús apevure coyahicōjemenejamedá náre iye ūi daiye báquede. Aru “Aiyede jíjarā óre”, arejamedá Jesús.

Jesús Nazarei ūi nūino

(Mt 13.53-58; Lc 4.16-30; Jn 4.44)

6 Jesús nurejamedá nore jocarí, co-painhū ūi joboroi ūi bueimaraque. ² Aru judíovai jabuóvajáravu sábadoi bueni bárejamedá judíovai cójijinami. Ina obedivu pōeva ūre jápiaivu cuecumari arejaimada:

—¿Ároqueba caiye iye daiye? ¿Yéba iye ūre majide daiye, aru iye daiye pōeva ne dārī majibede? ³ ¿Nai āmeni jocure memeipōecui mách? ¿Nai āmeni Maríai mách? ¿Santiago, José, Judas, aru Simón máre némamicu āmeni? ¿Úi yórōmiva máre cūbedi majaque yui? arejaimada na.

Que arí, āmeina járejaimada ūre. ⁴ Ubenita Jesúcapūravu arejamedá náre, ne ju abe boje:

—Cubebi Jūmenijicui yávaiyede coyacapōecu ne puedaimu ū jivu aru ūi cūramicavu máre ūi joboroi, arejamedá.

⁵ Que baru dābedejamedá pōeva ne dārī majibede nore. Quénora obebevu ijimarare ūi puruque tħorī meadarejamedá. ⁶ Chiori dāpiarejamedá pare ne ju abe boje ūre.

Jesús ūi jaroino ūi bueimarare

(Mt 10.5-15; Lc 9.1-6; 10.4-11;
Hch 13.51; Stg 5.14)

Jesús buede nurejamedá cainoa īmaroa coapa. ⁷ Cūinájāravu ina doce paivu ūi bueimarare órejarejamedá ūi yebai. Jídejamedá ne paruēva, ne jaetovarājiyepo ayu abujuvare. Aru jarorejamedá pūcarā matħiyeda, ne coyurājiyepo ayu Jūmenijicui jaboteinoque yávaiye méné. ⁸ Nūvaicōjemenejamedá apejīene ne nūinore, pāuboare, aru curubuare, aru tātuturare máre ne jārióicāvai. Quénora nūvaicōjemenejamedá ne tuturiteyoava ne nūinoi. ⁹ Aru doicōjenejamedá ne curaidoare. Ubenita nūvaicōjemenejamedá náre pūcacajea cuitótecajeare. ¹⁰ Que baru arejamedá náre:

—Ari muja ecoivure īmaroi, cūjarā cūinách cūrami upacħque pħi dajocarí nūivuta nore jocarí. ¹¹ Aru apenoi ne copu etabedu mujare, aru ne jāpiaiyubedu iye yávaiye méné, etarí nūjara. Aru pūpejarā jobore mujare jēiyede muje cūboba cāchinoi ne jāiyede, ne jāpiaiyubē boje. Que teni diiħmarocavu coreóvarājarama ju abevure Jūmenijicure aru mujare máre, arejamedá Jesús.

¹² Que arīburu yóboi, etarí nurejaimada ūi bueimara, yópe arí coyurājivu pōevare: “Chiori dāpiarī

dajocajarā mūje āmeina teiyede, Jūmenijicui ārūmetequiyepē aivū diede".¹³ Jaetovarejaimada obedivu abujuvare. Aru obedivu ijimarare olivo āmicurich jēidua córoque yuari meadarejaimada na.

Juan Bautista bácu ūi yaino

(Mt 14.1-12; 16.14; Mr 8.28;
Lc 3.19-20; 9.7-9, 19)

¹⁴ Dinumū nai jabocu Herodes jápiarejamedā Jesúi borore, cainoacavu ne yávaiye boje ūre. Aru arejamedā:

—Juan Bautista, yaiyú bácu, nacajacube yainore jaruvarí. Que baru yópe parucube ū, ubenina arejamedā Herodes.

¹⁵ Apevu arejaimada: "Úrecabe Elías". Aru apevu arejaimada: "Jūmenijicui yávaiyede coyucaipōecube. Jūmenijicui yávaiyede coyucaipōeva mácavupē páyube ū", ávarejaimada pōeva Jesúi borore.¹⁶ Úbenita Herodes, jápiayu Jesúi borore, arejamedā:

—Náime Juan Bautista, ji buravacamū ūi jipobure, nacajañu mácu yainore jaruvarí, ubenina arejamedā.

¹⁷ Nópe dápiarejaquemavu Herodes, Juan Bautistare, apucure cāreja, ūi yaiquiyé jipocai, Herodei bhoicōjeive báque boje ūre. Bhoicōjenejamedā, jacosuyu āmeina teivure jení jacoñami, yópe Herodei márepaco Herodíai үrōpe. Nópe urejacoda, ūi jorojiye boje, ūi āmecoroiye báquede Herodede, ūi cūvae boje ūre, imacu Felipei márepacore.

¹⁸ Javede Juan Bautista bácu ávarejamedā Herodede: "Jūmenijichi daicōjeive ūi coyuviye báque Moisés bácuru cūvaicōjemevu mure apecui márepacore", ávarejamedā ūre.

¹⁹ Que baru Herodías jararí pare ubedejacoda Juan Bautistare, apucure cāreja. ūre boarí jaruvariyurídurejacoda. Úbenita majibedejacoda ūi.²⁰ Aru Herodes jidure curejamedā Juan

Bautistare, apucure cāreja, ūi majié boje meacure aru mearo dayure. Herodes cārijinu máchvacari Juan Bautistai coyuviye báque boje, torojuri jápiarejamedā ūre. Aru meadarejamedā ūre, apucure cāreja.²¹ Úbenita cūnájāravu, ūi ārurijāravu eaiyede, Herodei pōeteijāravu bácarore torojuve teino darejamedā ūi. Cuturejamedā caivu ina jabovare, churara jabovare, aru Galilea āmicurijoborōcavu parurivure máre. Dijāravui Herodías coreóvarejaquemavu aipe boarí jaruvarí bhojacodore Juan Bautistare.²² Herodíai máco nuri, uparí, cojuyarejacoda Herodede aru ūi cutuimare máre. Que baru Herodes arejamedā ūre:

—Jíquijivu mure mi үrōre, arejamedā.

²³ Aru paruhéque arejamedā ūre:

—Jíquijivu mure yéde mi үrōre. Yure nájine dajacurí Jūmenijicu, ji dabedu yópe ji ainope. Coricaita ji jabeteni cūvarore jíquijivu mure, arejamedā cojedeca.

²⁴ Náre jocarí, etarí nuri, jeníari járejacoda jípacore:

—¿Yéde jéniaji ūre? arejacoda.

Aru jípacu jéniaicōjenejacoda ūre:

—Juan Bautistai jipobure jéniajaco, arejacoda.

²⁵ Maumena copainuri nai jabocu yebai, arejacoda:

—Jíjacu yure carijie Juan Bautistai jipobure jororuhque, arejacoda ūi Herodede.

²⁶ Ūi jéniajore jápiari, chioarejamedā pare. Úbenita ūi aiye báque boje paruhéque, aru ūi cutuimare cuyeni, júabení majibedejamedā ūi.²⁷ Que baru maumena boaipōecure jarorejamedā, ūi davaquiyepē ayu Juan Bautista bácihi jipobure.²⁸ Āmeina teivure jení jacoñami nuri, burarí bhojarí nūvarejamedā Juan Bautista bácihi jipobure jororuhque. Jídejamedā ico

nomió bojuyore. Aru jídejacoda jípacore, òi majicojiyepo aðo Juan Bautista bácu jáve yaiyá bácore.

²⁹ Aru cūiná jápiaivuva iyede, Juan Bautista bácu bueimara nūvarejaimada ñi baju bácarore, jaruváräjivu cäracobe jívui.

**Jesús ñi ãre ñaino cūinápurupe
paimil baju ñumuvare**

(Mt 9.36; 14.13-21; Lc
9.10-17; Jn 6.1-14)

³⁰ Dinumu Jesúis ñi darioimara mácavu copainurejaimada ñi yebai. Aru ñre coyurejaimada caino ne ñaino mácarore aru ne bueino mácarore máre. ³¹ Aru obedivu pöeva Jesújäre nuri, jári, copainurejaimada. Que baru ina pöevacapuruva aïcójemenejaimada Jesújäre. Que teni Jesúis arejamedá ñi bueimarare:

—Járica, majapeda jabuóvaránura-jarevu ne cärijovamenoi, arejameda.

³² Que teni jiadocüi jaturí, nuri pöecubbenoi, nüridurejaimada na, Jesújä, pöevare jocarí nñivu. ³³ Ñbenita náre nñivure járejaimada pöeva obedivu. Nñivure jári, náre coreóvarí arejaimada: “Jesújamu”. Que arí, cuyarí nuri, Jesújä ne earajinoi ne jipocai ēmeni, coredejaimada na macajitabu urabu écarui curiímaroacavu obedivu. ³⁴ Aru ñ jatayu bácu, écarui mañu, ina obedivu pöevare jáñu, náre cõmaje ãroje járejamedá Jesúis. “Ovejava ne coreipöecu cibevuþebebu ina” arí, bueni bûrejamedá náre Jesúis. ³⁵ Ùrarõ coyurí buedejamedá náre Jesúis. Náre bueni, nainúta marejávuya. Que baru coyuræarejaimada na, ñi bueimara.

—Javeta nainútamu. Aru yo pöecubbenotamu. ³⁶ Mu, bueipöecu, pöevare ne ãrajiye bojedaicõjejacu mu. Écarucavu ne cäramia coapa aru noi ñmajinoai máre náre jarorí, “Äranujara” ajacu mu, aridurejaimada Jesúre ñi bueimara.

³⁷ —Muja náre ãiyede jíjarã, arejameda Jesúis.

Üi bueimara arejaimada ñre:

—Doscientos paijäravuva memeiye báque bojeque obedivure ne ãrajiye pâuboare ne bojedaránuru, eabequiyebu iye náre coapa, arejaimada.

³⁸ Arejameda náre:

—¿Aipiboa pâuboare chvarâru muja? Jâranurijide apa, arejameda.

Aru na majidivu bácvu arejaimada, ñre coyuivu:

—Pâuboar cùinápurupe paiboa aru moa pucarâ chavavu ñuña, arejaimada na.

³⁹ Dinumure cõriá puenora pöevare dobaicõjenejamedá Jesúis. Yajuboa teni, náre dobaicõjenejamedá ñi. ⁴⁰ Üi dobaicõjeiyede, dobarejaimada ina pöevacapuruva. Dobarí, yajuboa teni, cainimea teni, dobarejaimada na. Cincuenta paivu curiyajuboa aru cien paivu curiyajuboa dobarejaimada na.

⁴¹ Aru die pâuboar cùinápurupe paiboare aru moa pucarârre jení, cavarõi jáñu, torojuedé jídejamedá Jümenijicure. Torojuedé jíni buajarí, pâuboare cotuvarí jebeni, pöevare jícõjenejamedá Jesúis ñi bueimarare. Aru moare máre quédeca pöevare cotuvarerejamedá Jesúis.

⁴² Aru caivu ãri yapidejaimada na.

⁴³ Ñri bubaríburu iye cotuvaraiye báque pâu aru moa máre pöeva ne ãri oabede ñi, meadarí, puebua doce paibhare, judíovai puebhare, buivârejaimada ñi bueimara. ⁴⁴ Aru ina ãivu bácvu ñumuvu cùinápurupe paimil baju barejáimada na.

Jesús ñi cuino oco puenora

(Mt 14.22-27; Jn 6.16-21)

⁴⁵ Maumejiena Jesúis jatuicõjenejamedá ñi bueimarare jiadocüi, ne nñrajiyepo ayu ñi jipocai apeduvei, Betsaida ãmicurímaroi. Que teni copaicõjenejamedá ina pöevare.

⁴⁶ Ne nñriburu yóboi, Jümenijicure

coyusnurejameda cūracūi. ⁴⁷ Nami marejávuya. Ne jiadocū macajitabu ʉrabu coricai curejavuya. Aru Jesús cūracūi curejameda. ⁴⁸ Nore cucus, járejameda ūmevu cobainore náre. Que baru jatabedejaimada apeduvei. Pare doarī nájinejaimada. Aru jāravucapūravui aviā ūi daquiye jipocai, Jesús curī macajitabu ʉrabu puenora nurejameda ne yebai. Vaivárejameda náre jocarī vaiyúpe. ⁴⁹ Ubenita ūcuyure macajitabu ʉrabu puenora jári, jidurivu codoboborejaimada na:

—¿Poe decocu bácu bárica? codoboborí arejaimada na.

⁵⁰ Caivu ina ūre jári, pare cuecumarejaimada. Ubenita maumena náre coyusnarejameda:

—Paruéque dápiajarā. Yútamu Jesús. Jidubejarā muja, arejameda náre Jesús.

⁵¹ Que arī, jaturejameda ne yebai jiadocūi. Aru ūmevu bíjarejavuya. Que teni cuecumari pare dápiarejaimada.

⁵² Coreóvabedejaimada iye Jesús ūi daiye báquede páuboaque, ūi ãre daiye báquede ina cūinápurupe paimil baju ūmuvare. Que baru ye coreóvarī majibedejaquemavu na.

Jesús ūi meadaino Genesrecavu ijimarare

(Mt 14.34-36)

⁵³ Jatariburu yóboi, earejaimada Genesaret ámicurijoborōi. Aru buorejaimada ne jiadocūre ēcarui. ⁵⁴ Dicūre jocarī etaivure, obedivu pöeva coreóvarejaimada Jesúre.

⁵⁵ Que baru cuyarejaimada caino ne ímaroai, nūvarajivu ijimarare ne parainoai, caino curōai, ne jápiayede Jesús cucus. ⁵⁶ Caino Jesús ūi nhino, ímaroai, aru ímajinoai, aru curōvaquei máre, ijimarare nūvari epedejaimada tāibui. Ūre jeniarejaimada, ūi jeni jáicōjequiyepo aivu ūi cuitótecaje

turavarā. Aru caivu jeni jáivu meateivu barejáimada na, ijimara mácavu.

Iye pöevare ámeina tede daiye

(Mt 15.1-20)

7 Dinumu fariseovacavu apevá Jūmenijicui yávaiye báquede bueipöeva que Jerusalén ámicurí marore jocarī etaivu bácvu earī, cójijidejaimada Jesús yebai. ² Aru járejaimada ūi bueimaracavure aivure ne puruáre cojabevuva. Ina fariseova dápiarejaimada caivure ne cojaiye jauede ne árajiye jipocai, Jūmenijicui mearo jáquiyepo aivu náre. ³ Que baru ina fariseova ámeina járejaimada náre. Caivu fariseova aru caivu apevá judíova máre cainumua cojavarejaimada, ne árajiye jipocai. Nópe darejaimada nūjeñecuva mácavu ne daicōjeiye báquepe. ⁴ Aru áiye bojedainore jocarī copaivu bácvu cainumua cuyavarejaimada ne bajure, ne árajiye jipocai. Aru ape ʉrarō nūjeñecuva mácavu ne daicōjeiye báquede darejaimada na. Quédeca joavarejaimada ne jororuare, ne cōaiñhare, ne tāucōaiñhare, aru ne paraiboare máre. ⁵ Que baru ina fariseova aru Jūmenijichí yávaiye báquede bueipöeva jeniari járejaimada ūre:

—¿Aipe teni mi bueimara ne puruáre cojabedi ne árajiye jipocai? Yópe arī ma-jeñecuva mácavu ne daicōjeiye báquepe dabema na, arejaimada na.

⁶ Jesúcapūravu arejamedá náre:

—Jáve Isaías bácu Jūmenijichí yávaiyede coyuscarejaquemavu mujare, jujovaivure. Yópe arī, Jūmenijichí toivaicōjenejaquemavu ū mácure: Ina pöeva yure ju adama ne jijecamuque. Ubenita dabema yópe ji ʉrōpe. ⁷ Bojecubenoque mearore jímuduyama yure. Bueniduyama

põeva ne bueinore Jūmenijichí yávaiyepé, arí toivarejaquemavú.

⁸ Múja dajocarí jaruvaiybú Jūmenijichí daicōjeiyede. Ubenita jú arí daivabú mija põeva ne daicōjeiyede, arejamedá Jesús.

⁹ Aru náre arejamedá cojedeca:

—Jáve dajocarí jaruvaiybú mija Jūmenijichí daicōjeiyede, dárájivú yópe mijeñecuva mácavú ne daicōjeiyé báquepe. ¹⁰ Que baru Jūmenijichí coyurejaquemavú Moisés báçure, ūi toivaquiyepé ayú yópe: “Mipacure aru mipacore máre hrí, jú ajará. Ubenita ñaine ámeno coyuyure jípacure o jípacore máre, mije jabova boarí jaruvajarari ūre”, arejaquemavú. ¹¹ Ubenita mija bueivabú yópe, “Cūinácu põecu jípacure o jípacore ayú baru, ‘Mure cadateyu bhojabevú. Mu jacopujebu ji tāuturare. Ubenita jave jícacu yú Jūmenijicure ji tāuturare’, ayú bájebu ū”, aivabú mija. ¹² Múja ūre cadateicōjemevú bájebu jípacure o jípacore máre. ¹³ Que teni Jūmenijichí yávaiyede bojecubepé ñarí, cōmajivabú mijeñecuva mácavú ne daicōjeiyé báquepe daivú, ne bueiyé báque Jūmenijichí yávaiye pñeno. Aru daivabú mija cainumá iyepe paiyede, arejamedá náre Jesús.

¹⁴ Cojedeca Jesús órejarejamedá ina põevare. Aru arejamedá náre:

—Caivú yure jápiarí dápiajará. ¹⁵ Caiye iye ecoiye põevare jedevaque ámeina tede ñabevú náre. Ubenita caiye iye etaiye põeva ne ñumene ámeina tede ñaivú náre. ¹⁶ Me jápijará mija iye ji bueiyede, arejamedá Jesús.

¹⁷ Que arí, dajocarí nuri ina põevare jocarí, ecorejamedá cùrami. Ūi bueimara yore ūi coyhino mácarore jeníari járe-jaimada ūre. ¹⁸ Aru náre arejamedá:

—¿Múja máre jápiarí eabenaru? ¿Coreóvabenaru? Caiye iye ecoiye põevare jedevaque ámeina tede ñabevú

náre. ¹⁹ Ecobevú ne ñumei. Ubenita ne yapibú jívui earí etaivú bajure jocarí, arejamedá.

Caiye iye maje ãiye métamu aiyucu barejaquémavú Jesús. ²⁰ Cojedeca arejamedá:

—Ubenita caiye iye etaiye põevare jocarí, ne dápiaye, ámeina tede ñaivú náre. ²¹ Ne ñumei ámeina dápiajada apevure. Dadama ámeina daiyede apevüque, némarebucuva ámevüque. Ñavadama apevu ne cuvaede. Boarí jaruvadama põevare. ²² Nomicurivvacari apecoque cùma aru nomiva máre ñumicurivvacari apecoque cùma némarebucuvaré jaruvári. Cuvaluyuma apevu ne cuvaede. Ámeina daiyurí dápiajada. Jujobadama apevure. Ne baju ámeno dadama. Jorojínama. Coyuyama ámenore apevui borore caivú ne jápiaiyede. “¿Meara márica?” adama. Aru árumevüpe ámeina dadama, coreóvaiybvacari ñajinajivure ne que daiye boje. ²³ Caiye iye ámene etaiye põeva ne ñume jívüquede, ámeñume curre ñaivú náre, arí buedejamedá Jesús.

Cūináco nomió, judíova ámevucaco, ūi jú aino Jesúre

(Mt 15.21-28)

²⁴ Díimarore jocarí Jesús nurejamedá apejororoi, Tiro aru Sidón ámicuriñmaroa yebai. Noi cūinádamí cùrami ecorejamedá. Aru apevu ne majinore ubedejamedá cucure noi. Ubenita dupini oabedejamedá. ²⁵ Mauméjie cūináco nomió ūi borore jápiarí, nuri ūi yebai, ñuatutarejacoda ūi cùboba yebai. Cuvarajacoda mamacore abujucu ūi ñimamore. ²⁶ Aru õ nomió judíovacaco ámenejacoda. Sirofenicia ámicuriñbororí põetedejacoda õ. Jesúre jeníarejacoda, ūi etavaquiyepé ado abujucure ūi mácore jocarí.

²⁷ Jesús arejamedá óre:

—Meamevu īnu juedova ne āiyede, jínajivu yavimivare. Que baru juedova ājarari mamarumure, arejamedā Jesús.

Que arī, aiyacu barejaquémavu judíovare Jūmenijicu márape aru judíova āmevure yavimivape.

²⁸ Aru arejacoda ūre:

—Mu, ji jabocu, jāve coyuivu mu. Ubenita yavimiva máre thoiva cāchinoi curivu, juedova ne āri jarvaiyede ādama na, arejacoda Jesúre.

²⁹ Aru arejamedā ūre:

—Me copainūjaco, mi que aiye boje. Abujuçu jave etayume mímacore jocarī, arejamedā ūre Jesúr.

³⁰ Cūrami copainūri, earī, jārejacoda òi mácore òi parainoi meacore. Aru abujucu cūbedejamedā ūque.

Jesús ūi meadaino jápiabeni yávabecure

³¹ No yóboi copainūrejamedā Tiro āmicuriímaro curijoborōre jocarī. Aru vaidéjamedā Sidón āmicuriímarore aru Decápolis āmicurijoborōre máre, p̄a earīta macajitabu urabu Galilea āmicuri-jitabure. ³² Noi ūi cude, nūvarejaimada ūi yebai cūnácu ūmure, ñai jápiabecure aru yávarī majibecure. Aru jēniarejaimada Jesúre, ūi p̄uráque thoquiyepē aivu ūre.

³³ Que baru Jesús nūvarejamedā ūre joajíemaque apevure jocarī. Doarejamedā ūi āmuyoare ñai ūmu ūi cámucobea jívhi. Aru ūi āmuyoare jēcuturi thoarejamedā ñai ūmu ūi jemedore. ³⁴ Cavarōre jāri, ūme dapurī, arejamedā: “Efata”. “Efata” aino, voajarō aiyurótamu no.

³⁵ Que arī, Jesús ñai jápiabecu bácurē jápiare darī, ñai yávabecu bácurē yávare darejamedā. ³⁶ Que teniburu Jesús apevure coyuicōjemenejamedā nāre pare, ne majibenajiyepē ayu. Ubenita cainumua ūi coyuriduiyedeca yóboi, cainumua coyuarejaimada

ūi borore p̄ueno baju. ³⁷ Aru pare cuecumari arejaimada ūre:

—Ú daibi cainumua méne. Jápiare dayube jápiabevu bácvure. Aru yávare dayube yávabevu bácvure máre, arejaimada na.

**Jesús ūi āre daino
yóvaicuvaamil baju ūmuvare**

(Mt 15.32-39)

8 Apējāravui bedióva cójijidejaimada obedivu p̄oeva Jesús yebai. Aru āiyede cūvabedejaimada na. Que baru Jesús órejarejamedā ūi bueimarare ūi yebai. Aru arejamedā nāre:

² —Cōmajae āroje jāivu yu ina p̄oe-vare. Ina obedivu cūma yáque yóbecchrijāravua. Aru āiyede cūvabema. ³ Apevua ne cūramia joarōtam. Que baru ji copaicōjenu nāre ne cūramiai, mái nūri mamadajebu, ne ānvé ñājiye boje, arejamedā Jesúr.

⁴ Ūi bueimara jēniari jārejaimada ūre:

—¿Ubenita aipe darī jínajidi āiyede caivu ina p̄oevare, ne ārajiyepē yui p̄oechubeno? arejaimada na.

⁵ Jesús jēniari jārejamedā nāre:

—¿Aipboa pāuboare cūvarāru muja? arejamedā.

Aru arejaimada:

—Siete paiboabu, arejaimada.

⁶ Que aiyede, ina p̄oevare dobaicōjenejamedā joborōi. Aru diboá pāuboabu siete paiboare īni, torojuede jíni Jūmenijicure, diboáre cotuvarī jidejamedā ūi bueimarare, ne jínajiyepē ayu p̄oevare. Aru nōpe darī jidejaimada na. ⁷ Obebejīna moajinare máre cūvarejaimada. Jūmenijicure torojuede jíniburu yóboi, jícojenejamedā nāre máre. ⁸ Que daiyede, āri yapidejaimada caivu. Āri bubariburu yóboi, iye cotuvaibe báque pāu aru moa máre, p̄oeva ne āri oabede īni, meadarī, p̄ueá siete paipueare, judíova āmevu ne p̄ueáre, buivárejaimada na. ⁹ Aru

ina ãivu bácvu põeva yóvaicvaimil baju barejáimada na. ¹⁰ Jesú copaicjenejamedá náre, ūre jocarí. No yóboi, maumejiena jaturejamedá jiadocüi ūi bueimaraque. Aru nurejaimada apejboröi, Dalmanúta ámicurijoboröita.

**Fariseovacavu ne jénaino
põeva ne ñarí majibede**

(Mt 12.38-39; 16.1-4; Lc 11.16, 29; 12.54-56)

¹¹ Apevu fariseovacavu nurejaimada Jesú yebai. Aru ámeina boro coyurí bárejaimada ūre. Jáiuyrejaimada ūi jádovaiyede cavarō mearo Júmenijicui curóquede, jujovaridurajivu ūre. Yópe arí, põeva ne ñarí majibede ñaicójenidurejaimada ūre:

—Mu, Jesú, jádovajacu ūjare apede mi daiyede Júmenijicui parquéque, ūjue majinajiyepa aivu jáve mure Júmenijicui daroimá mácure, aridurejaimada Jesúre.

Nópe arí, ūre jujovaiyurejaimada na. ¹² Aru chiori, úme dapurí pare, arejameda:

—¿Aipe teni ijárvacavu jádovaiyede jáiuyri? Jáve coyuyabu mujare: Ijárvacavu jámenajarama jádovaiyede cavarō mearo Júmenijicui curóquede, arejameda Jesú.

¹³ Que arí, náre dajocarí, jiadocüi jaturí cojedeca, jatarí nurejamedá apedavei.

Fariseova ne ámeno dápiayé

(Mt 16.5-12; Mr 4.12; Lc 12.1)

¹⁴ Jesúi bueimara árumeiteivu bácvu páure, quénora cuvarejaimada cùinábo páubore náque jiadocüi. ¹⁵ Aru Jesú cõjeñu arejameda náre:

—Me dajará. Me jájara ina fariseova aru ñai Herodes máre ne páure buechóvare daiyede, arejameda Jesú.

¹⁶ Úi que aiyede, arejaimada ne bajumia:

—Ú yópe aibi, maje páure cuvabe boje, arejaimada na.

¹⁷ Ubenita Jesú coreóvarejamedá ne yávainore. Que baru arejameda náre:

—¿Aipe teni coyuvurú muja “Páure cuvabevu ūjua” aivu? ¿Coreóvabenaru cäreja?

¿Majibenaru cäreja?

¿Dápiabení coreóvabenaru muja?

¹⁸ ¿Yacorua cuvarivuvacari, jámenaru?

¿Aru cámucobeá cuvarivuvacari, jápiabenaru?

¹⁹ ¿Aru árumenaru?

¿Yu cotuvacavu cùinápurupe paiboa páuboare ina cùinápurupe paimil baju umuvare, aipipuebu cotuvaiye báqueque ícanaru muja? arejameda náre Jesú.

Na ju arejaimada ūre:

—Doce paibua puebua baju ícará ūjua, arejaimada na.

²⁰ Jesú arejameda náre cojedeca:

—¿Aru yu cotuvacavu siete paiboare ina yóvaicvaimil baju umuvare, aipipuea cotuvaiye báqueque ícanaru muja? arejameda.

Aru na ju arejaimada ūre:

—Siete paipuea baju ícará ūjua, arejaimada na.

²¹ Dinumure arejameda náre:

—¿Aipe teni majibenaru cäreja? Coyuyabu mujare: Me jájara ina fariseova aru Herodes máre ne dápiayede, muje dápiabenajiyepa ne dápiainope, arejameda náre Jesú.

**Jesús ūi meadaino jári
eabecure Betsaidai**

²² No yóboi earejaimada Betsaida ámicuriñamoi. Apevu põeva nûvarejaimada Jesú yebai cùinácu umu, jári eabecure. Aru Jesúre jeniarejaimada, ūi puraque tuoquiyepa aivu ñai umure. ²³ Que teni jári eabecu ūi purare jení, nûvarejameda ūre diñmarore jocarí. Aru jécuturi ūi

yacoruarā, ūre tuorī ūi puruáque, jēniari jārejamedā ūre:

—¿Apejíene jāñaru cari? arejamedā Jesús.

²⁴ Quíjino jári, arejamedā:

—Jáivu yu ūmuvare. Ubenita jocucuape ārojama cuivu, arejamedā Jesúre.

²⁵ Cojedeca Jesús thorejamedā ūi yacoruarā. Que teni ñai ūmu cocorejamedā me. Jári earejamedā cojedeca. Aru me jārejamedā caiyede. ²⁶ Jesús copaicōjenejamedā ūre ūi cūrami, yópe arī:

—Diímaroi ecobejacu mu, arejamedā ūre Jesús.

Pedro ūi “Cristobu mu” aino

(Mt 16.13-20; Mr 6.14-15;
Lc 9.7-8, 18-21; Jn 6.68-69)

²⁷ Jesús nurejamedā ūi bueimaraque ñamaroai Cesarea de Filipo ãmicuriñamaro joabejínoi. Aru mái nure ntiyede jēniari jārejamedā ūi bueimarare yópe:

—¿Aipe aidi pöeva yure?
—“Yéchubebu”, aidi yure? arejamedā Jesús.

²⁸ Arejaimada ūre:

—Apevu adama, “Juan Bautistabe”. Aru apevu adama, “Elíabe”. Aru apevu adama, “Jümenijicu yávaiyede coyucaipöecube ū”, adama mure, arejaimada na.

²⁹ Aru jēniari jārejamedā náre:

—¿Ubenita aipe aivurū muja yure?
arejamedā Jesús.

Aru Pedro arejamedā ūre:

—Mu Jümenijicu daroimu mácu. Ñujare jabotecuyumu mu, arejamedā Pedro Jesúre.

³⁰ Aru náre coyucojemenejamedā apevure ūi borore.

Jesús ūi coyuino ūi yaiquínore

(Mt 10.38-39; 16.21-28; Lc 9.22-27;
14.27; 17.33; Jn 12.24-25)

³¹ Jesús, yópe arī, bueni bürrejamedā náre:

—Jahvu yure, Jümenijicu daroimu mácu ūmupe, urarō ji ñájiquino. Ina judíova buchuva, aru sacerdotevare jaboteipöeva, aru Jümenijicu yávaiye báquede bueipöeva máre yure boarí jaruvarájarama. Aru yóbecuri-járauva yóboi nacajacuyumu yu yainore jaruvarí, arejamedā Jesús.

³² Caiye iyede coyurejamedā náre. Aru ūi coyuie báque maiyójabedjavuya náre, ne jápiarí earajiyepa aiye. Dinumare Pedro nüvarejamedā ūre apevu ina bueimarare jocarí. Aru paruóque jararí bürídurejamedā Jesúre. ³³ Ubenita Jesús, copedini jārejamedā apevu ūi bueimarare. Aru Pedro currejamedā ūi yóboi. Que teni jararí arejamedā ūre:

—Mu, Satanás, jüjovarídubejacu yure. Nüjacu yure jocarí. Dápiavu mu pöevape. Aru dápiabevu mu Jümenijicu jiede, arejamedā Pedre.

³⁴ Jesús órejarejamedā ūi yebai obedivu pöevare ūi bueimaraque. Aru arejamedā náre:

—Ácu pöecu daiyucu yáque, dajocajacurí pöeva ne mearo jáiyyede ūre, chyebejacurí yure yóvaiyede, aru jidubejacurí ūi ñájiquiyede. Nópe dabecu baru, ū buojabebi jícu bacuyá. ³⁵ Ñai pöecu ūi baju urópe darí, meadaiyucu baru ūi bajure, coatechuyame ūi bajure Jümenijicure jaruvarí, yópe yaiyá bácupe ūi umei. Ubenita ñai pöecu, “Ye baju ámevu, ji yaidú Cristore boje” ayu, ūi baju urópe dabecuva quénora ji urópe darí, úrecabe ji meadaquim, cuchuy Jümenijicu que cainumua. ³⁶⁻³⁷ Ñai pöecu cuchacu baru caiye ijárauquede, ubenita

bíjayū baru ūi ūmene, ñajichuyume cainumua toabo cūiméboi. ³⁸ Aru ñai pōecui cuyedu yure aru ji yávaiyede máre ijāravucavū ãmeina teivū ne jaiyede, yū, Jūmenijicui daroimū mácū ūmupe, máre chyení dápiaчuyumū ūre ji jādovaiyede jipacū meacū baju ūi mearore ji daiyede ina ángeleva mearaque máre, arejameda Jesús.

9 Aru arejameda náre cojedeca:
9 —Jáve coyuyabu mujare: Apevü curiva yui, ne yainájiye jipocai jāra- jarama Jūmenijicui jaboteino curóre paruque, ji jaboteiyede pōevare, arejameda Jesús.

Jesús ūi baju oatuvaino

(Mt 3.17; 11.14; 17.1-13; Mr 1.11; Lc 3.22; 9.28-36; 2 P 1.17-18)

² Seis pajárvua yóboi, Jesús nūvare- jameda Pedrore, Santiago, aru Jūare máre. Jipocatedejameda náre cūracū ūmujuricū puenoi, apevüre jocarí. Aru na jārejaimada ūi oatuvaiye me ba- jure. ³ Yópe barejávuya. Ūi cuitótecaje pēorejavuya, pare boricaje ūi cuitóte- caje. Ijárvure joapōecū yópe bori- caje darí majibebi. ⁴ Aru járorejaimada Elías Moisémaque, boroteivū Jesúque. ⁵ Dinumū Pedro arejameda Jesúre:

—Mu, bueipōecū, mearotamu ñuaje curu yui. Que baru darajivubu ñuaja yóbecuriñamia cūramia quíjiñamia maquiyede, cūinádamu míñamia maquinóre, apedāmi maquinóre Moiséde, aru apedāmi maquinóre Elfare, arejameda Pedro.

⁶ Pare cuecumarejaimada na. Que baru Pedro majibedejameda aipe ūi ainore.

⁷ Dinumuma ocopenibo ēmeni taore- javuya náre. Aru japiarejaimada apeno yávainore ocopeniboi etaiyede: “Ñaime jímacu, ji ūmu. Que baru japiajarā ūre”, arejameda Jūmenijicū.

⁸ Aru yávariburu yóboi, jārejaimada Jesúre cūinácura.

⁹ Ne ēmeni daiyede dicū cūracüre jocarí, Jesús apevüre coyuicōjemene- jameda náre ne jāino mácarore. Yópe arejameda:

—Me japiajarā muja. Coyubejarā apevüre no muje jāino mácarore cūracū ūmujuricū puenoi, ji nacajariburu yóboita yainore jarvarí. Yábu Jūmenijicui daroimū mácū ūmupe, arejameda náre Jesús.

¹⁰ Que baru ju aivū ūre, coyubede- jaimada apevüre no ne jāino mácarore. Aru jēniari jārejaimada ne bajumia, “¿Aipe aiyuchūba yo ūi aino nacajainore yainore jarvarí?” arejaimada na. ¹¹ Que teni jēniari jārejaimada ūre:

—¿Aipe teni aivuba ina Jūmenijicui yávaiye báquede bueipōeva, “Ma- marumū Elías dacuyume, ñai Jūmenijicui daroimū ūi daquiye jipocai”? arejaimada na.

¹² Aru arejameda náre:

—Jáve Elías dacuyume Jūmenijicui daroimū ūi daquiye jipocai, meadacu- dayū caiyede. Toivarejaquemavū yópe yure, Jūmenijicui daroimū mácure ūmupe: “Pare ñajine darajarama pōeva ūre. Aru ūbenama ūre”, arí toivarejaquemavū. ¹³ Ūbenita jave dámē Elías, ayubu yū mujare. Aru pōeva ne urōpe daima ūre, yópe Jūmenijicui toivaicōjeiye báquepedeca ūre, arí buedejameda náre Jesús.

Jesús ūi meadaino juedocure, abujucu ūi imamure

(Mt 17.14-21; Lc 9.37-43)

¹⁴ Apevü Jesúi bueimara yebai earí, jārejaimada ina bueimarare obedivū pōeva jēneboi. Aru Jūmenijicui yávaiye báquede bueipōeva jararí yávare- jaimada náque. ¹⁵ Jesús ūi eaiyede, ina pōeva ūre jāri, torojurí cuyarejaimada

ñi yebai, ñire jacoyurāñuivu. ¹⁶ Jesú斯 jé-niari járejamedá náre:

—¿Yéde yávaivuruñ muja náque? are-jamedá náre.

¹⁷ Cuiñacu pöecu pöeyajubo jéneboi arejamedá ñire:

—Mu, bueipöecu, jímacure abujucu ñimami. Aru yávaicōjememi ñire. Que baru ñire davariduvu yu mi yebai. ¹⁸ Nai abujucu cainumha bidióvarí ture dávabi ñire joboröi. Aru aburi etavavu ñire. Cöpi cívabi ñi. Aru ñi baju jajatevabi ñi. Que baru yu jéniariduvu mi bueimarare, ne jaetovarājiyepo ayu ñai abujucure. Ùbenita na ñaine jaruvarí majibema, arejamedá Jesúre.

¹⁹ Aru Jesú斯 arejamedá náre:

—Muja, ijárvacavu, Jümenijicure jü-abevu, ¿aipijárvua cùquidi yu mu-jaque? ¿Aru aipijárvua ñájiquidi yu mu-jaque, muje jü arājiyepo ayu ji coyñiyede? Davajarä ñai juedocure ji yebai, arejamedá Jesú斯.

²⁰ Nuvarejaimada juedocure Jesú斯 yebai. Aru ñai abujucu Jesúre jári, juedocure bidióvarí, ture darejamedá joboröi. Joboröi türí, ñai juedocu jätururejamedá. Aru aburi etarejavuñu ñire.

²¹ Jesú斯 jénari járejamedá jípacure yópe:

—¿Aipinumha baju abujucu ñimari ñire? arejamedá Jesú斯.

Aru jípacu jü arejamedá:

—Javeita, quíjicurata. ²² Aru apenumha ñire bidióvarí, ture därí toaboi aru jiai, boarí jaruvariduvabi ñire. Ùbenita buojayu baru cõmaje ãroje jári, cadatejacu ñajare, arejamedá Jesúre.

²³ Jesú斯 arejamedá ñire:

—¿Buojayu baru, ayurñ mu? Yu caiyede dacarí majivu mure, yure mi jü aru, arejamedá ñire Jesú斯.

²⁴ Maumejie ñai juedocu pacu codoboborejamedá:

—Mure jü aivu yu. Cadatejacu yure ji jü aiye parhé baquiyépe, arejamedá Jesúre.

²⁵ Dinumure Jesú斯 jári obedivu pöeva cuyaivure ñi yebai, parquéte etaicōjene-jamedá abujucure. Arejamedá:

—Mu, abujucu, ñai juedocure yávaicōjemecu aru jápiaicōjemecu, yu cõjeivu mure. Etajacu ñire jocarí. Aru ñamejaca ñire cojedeca, arejamedá Jesú斯.

²⁶ Que ayu Jesú斯, ñai abujucu codoboborí aru pare bidióvarí, ture därí juedocure, etarejamedá ñire jocarí. Que teni ñai juedocu yaiyú báçupe pararejamedá. Que baru ina pöeva obedivu “Jave yaibí ñi”, arídurejaimada na. ²⁷ Ùbenita Jesú斯, ñi purure jéni, nacovarejamedá ñire. Aru ñai juedocu nacajarejamedá. ²⁸ Que däríburu yóboi, Jesú斯 ecorejamedá cärami. Nore ñi bueimara jénari járejaimada ñire cünächra, yópe arí:

—¿Aipe teni ñuja jaetovarí majibetedi ñai abujucure? arejaimada na.

²⁹ Náre arejamedá:

—Jümenijicure jénaiyepo jaunu ãmevhu ãiyede, abujucu ñaipe páyure muje jaetovarājiyepo aivu, arejamedá náre Jesú斯.

Jesú斯 ñi coyñino cojedeca ñi yaiquínore

(Mt 17.22-23; Lc 9.43-45)

³⁰ Nore jocarí nuivu, Jesújä vaidé-jaimada Galilea ãmicurijoboröre. Aru pöeva ne majiéde ubedejamedá Jesú斯.

³¹ Ñi bueyu barejámeda ñi bueimarare. Que baru apevu pöeva ne eaiyede ñi yebai ubedejamedá Jesú斯. Yópe arí, buedejamedá ñi bueimarare:

—Yure, Jümenijicui daroimu mácure ñumpe, jéni jínaivhu ji mauvare, ne boarí jaruvarājiyepo ayu yure. Aru yóbecurijárvua yóboi, nacajacuñumu yu yainore jaruvarí, arejamedá náre Jesú斯.

³² Ubenita jápiarī eabedejaimada ūi coyħino mácarōre. Aru jidurivū jēniari jāiyabedejaimada īre.

ꝝNamema parucu maje jēnebore?

(Mt 10.40; 18.1-5; 20.26-27;
23.11; Mr 10.43-44; Lc 9.46-48;
10.16; 22.24, 26; Jn 13.20)

³³ Jesújā earejaimada Capernaum āmicuriimaro. Aru ecorejaimada cūrami. Cūrami jīvui curivu, Jesújā jēniari jārejamedā ūi bueimarare yópe:

—¿Ye batedí muje borotede daiye mái? arejameda náre Jesúj.

³⁴ Ubenita coyħbedejaimada īre, ne borotede daiye báque boje ñamene parucure ne jēneboi apevu pħeno. ³⁵ Dinħumre Jesú dobacħunħnejamedā, bueċħu. Órejarejamedā ina doce paivu ūi bueimarare. Aru arejameda náre:

—Nai pōecu ūi cōjeyħru apevhre, dāpiajye javhux īre yópe parubecħpre. Aru caivu ne yebacacħpre bacħxu. Apevhre bojecħbe memecaiye javhux īre, arejameda Jesúj.

³⁶ Que arīburu, Jesú jēnejamedā cūinácu juedocħre. Aru núvari īre ne coricai, durarī īre ūi āmuveaque, arejameda náre:

³⁷ —Cūinácu pōecu copu etayu baru cūinácu juedocħre ji āmiái, ji cōjeyep, que dayu nopedeca copu etaibi yħre. Aru cūinácu pōecu copu etayu baru yħre, copu etaibi ñai yħre daroyħre máre, arejameda Jesúj.

Majare jarabecu, majacacħbe

(Mt 10.42; 12.30; Lc 9.49-50; 11.23)

³⁸ Juan arejameda Jesúr:

—Mu, bueipōecu, jācarā ñu ja cūinácu ûmha abujuvare jaetovayħre mi āmiái, mi parubecħ. Ubenita ñu jaque ūi cibbe boje, “Dabejacu” acarā ñu ja īre, arejameda Juan.

³⁹ Ubenita Jesús arejameda náre:

—Nai dayu pōeva ne darī majibede ji āmiái, ji parubecħ, no yóboi āmeina yáv-abecħbe yure. Que baru nópe abejarā muja īre. ⁴⁰ Nai pōecu maucuva becħu majare quénora majacacħbe ū. ⁴¹ Que baru jāve coyħu yħu tħalli: Ácu pōecu jīyu baru cūinárū jororħre ocoque, caðateċċu cūinácu ji bueimaracacħre, ūi yóvaiye boje yħre, jāve bixabecħu yħi Jūmenijicħi me bojedaiyede īre, arejameda Jesúj.

Jidojarō maje āmeina teino

(Mt 5.13, 29-30; 18.6-9;
Lc 14.34-35; 17.1-2)

⁴² Bediόva buedejamedā Jesú, yópe arī:

—Ácu pōecu ūi vaini tħre daru apesu yħre ja ayħre parubecħreca, ūi dajocaqujeye ayu ūi ja aiyede yħre, meajebu īre jarħvaru jia ħradai ūi ñamemui bħor īt-tħalli cūrabu ħraboque. ⁴³⁻⁴⁴ Aru mu āmeina teyħi baru mi pħarque, burarī jarħvajacu dipħiżżejjha. Meaquiyebu mħare, mi earu cavarō mearo Jūmenijicħi cūrōi cūinápħarque. Ubenita meamequjyebu mħare, mi nħaru toabo cūiméboi caipħiċċapħarhaque. ⁴⁵⁻⁴⁶ Aru mu āmeina teyħi baru mi cibobaque, burarī jarħvajacu dibare. Meaquiyebu mħare, mi earu cavarō mearo Jūmenijicħi cūrōi cūinába cibobaque. Ubenita meamequjyebu mħare, mi nħaru toabo cūiméboi caipħiċċabha cibobaque. ⁴⁷ Aru mu āmeina teyħi baru mi yacorħque, īni jarħvajacu didħre. Meaquiyebu mħare, mi ecoru Jūmenijicħi jaħbiex cūnárū yacorħque. Ubenita meamequjyebu mħare, mi nħaru toabo cūiméboi pħċarha yacorħhaque.

⁴⁸ Nore toabo cūimébo cūrōi cūma jūva yaibévu. Que baru pōeva nore nħiġi baru cainħamha ñájinajarama na, toabore aru jūvare máre.

⁴⁹ 'Meadaivu maje āiyede yuquiraque. Nopedeca ñájiye meadaivu pōevare.
⁵⁰ Yuquira maje āiyede meadaivu. Ubenita yuquira vaijue bíjaro, āiyede meadaiye buojabevu. Aru maja máre yuquirape bájarā. Nópe yuquira meadaiyepedeca maje āiyede, cađatejarā mūjevure. Aru cārijimene dārī, me cūjarā mūjevure, arejamedā Jesús.

Jesús ūi bueino nomi jaruvainore

(Mt 5.31-32; 19.1-12; Lc 16.18; 1 Co 7.10-11)

10 Bueniburu yóboi, Jesús etarejamedā ne ìmarore jocarī. Aru nurejamedā Judea ãmicuriyoborōi aru Jordán ãmicuriya jia apeduvei máre. Bedióva cojedeca obedivu pōeva cójijidejaimada ūi yebai. Aru ūi dārī cōmajiyepē, bueyu barejámedā náre.
² Fariseovacavu máre nurejaimada ūi yebai, jujovaiyurivu ūre, jeníari járejaimada:

—¿Cūinácu ūmu jaruvayu baru jímarepacore, daidi yópe maje daicōjeyipe? arejaimada na.

³ Náre arejamedā Jesús:

—¿Aipe daicōjenejaquemari Jūmenijicu, ūi toivaicōjeyiye báquede Moisés báchre? arejamedā.

⁴ Aru arejaimada:

—Moisés bácu jícōjenejaquemavu pōecore cūináyoca “Mure jaruvayubu yu” aiyocare jímarepacore, arejaimada na.

⁵ Aru Jesús arejamedā:

—Moisés bácu jaruvaicōjenejaquemavu mūjare mūjemarepacore, mūje Jūmenijicui daicōjeyede jápiaiyube boje. ⁶ Ubenita mamarumure, Jūmenijicu cuedarejaquemavu caiyede. “Úmhu macuyáre aru nomiō macodóre máre darejaquemavu Jūmenijicu”. ⁷ Aru, “Que baru caride ácu pōecu jímarepacoco bacodó

cuvacuyu, ūi buchvare dajocacuyume.
⁸ Aru jímarepacore cūvarī, ómaque cūinávpetamu na Jūmenijicui jāinore”.
⁹ Que baru pucarā ãmemá. Quénora cūinávpetamu na. Que baru pōecu Jūmenijicui cójijovaimara mácavure coavabejacurī ū, arī buedejamedā Jesús.

¹⁰ No yóboi, cūrami jívhi ina ūi bueimara jeníari járejaimada ūre cojedeca aipe iye ūi coyuiye báquede.

¹¹ Náre arejamedā:

—Ácu pōecu jímarepacore jaruváríburu yóboi pūrubhoyn baru apecoque, nomicuchuvacari apecoque cucus baru, ãmeina daibi óre ūi mamarumucacore jaruvárī. ¹² Aru áco pōeco jímarepacore jaruváríburu yóboi pūrubhoodo baru apecuheque, ūmucuchcovacari apecuheque chuco baru, ãmeina daibico ūre oī mamarumucacore jaruvárī, arī buedejamedā náre Jesús.

Jesús ūi mearore jíno juedovare Jūmenijicuque

(Mt 18.3; 19.13-15; Lc 18.15-17)

¹³ Pōeva nūvare cuivu barejáimada némarare Jesús yebai, ūi tħoquiyepē aivu náre ūi pūrháque. Que teni ūi bueimara nūvaicōjemenidurejaimada némarare. ¹⁴ Ubenita Jesús járejamedā náre ne que daiyede. Pare cojudejavħya ūre. Que baru arejamedā náre:

—Ina juedova dajarāri ji yebai. Jūmenijicu jabotescuyume pōevare nápe paivure. Que baru, “Davabejárā juedovare”, abejarā náre. ¹⁵ Jāve coyuyubu mūjare: Ácu pōecu copu etabecu baru Jūmenijicore jaboteyure ūre, yópe juedocu ūi copu etaiyepē, ecobecuyume ūi jaboteinore, arejamedā Jesús.

¹⁶ Que arī, Jesús īni dūrurejamedā ina juedovare ūi ãmuveaque. Náre coapa dūrurī, tħorī ūi pūrháque, mearore jídejamedā náre Jūmenijicuque.

**Cūinácu ūmū cūve cūvacu
Jesúmaque ne boroteino**

(Mt 19.16-30; 20.16; Lc 13.30; 18.18-30)

17 Jesús ūi n̄hiyede cojedeca, cūinácu ūmū cūyarī ūhatutarejamedā ūi yebai. Aru jēniari járejamedā ūre:

—Mu, bueipōecu meacu, ¿aipe dajiyu, cūvacuyu jāravu cūiméjāravu baquinóre? arejamedā ū.

18 Jesús arejamedā ūre:

—¿Aipe teni “Meacubu mu”, ayurā yure? Jūmenijicu cūinácurabe meacu baju. 19 Majivura mu Jūmenijicu daicōjeiyede ūi coyuīye báquede Moisés bácur: “Pōevare boarī jarvabejacu. Cūvabejacu apecore mimarepacore jarvarī. Navamejacu apecu ūi cūvaede. Borodabejacu apecure. Borocurī ímejacu apecu ūi cūvede. Ju ajacu mipacure aru mipacore máre”, arejamedā Jesús.

20 Que teni arejamedā Jesúre:

—Mu, bueipōecu, dacacu caiye iye mi coyuīyede juedocu cāreja yu, aru caride máre, arejamedā.

21 Jesús ūre jári, urejamedā. Aru arejamedā ūre:

—Cūináro jaurv u mure cāreja. Nujacu aru jíni bojedajacu mi cūvede. Aru mi ūquiyede jíjacu ina cōmajé arojarivure. Que teni cūvacuyumu mu boje méne cavarō mearo Jūmenijicu curōi. Aru dajacu yáque, arejamedā Jesús.

22 Iyede jápiarī, ūai ūmū cojubeteni aru urarō baju chiori n̄urejamedā Jesúre jocarī, dajocaiyubecu ūi ure cūvede.

23 Que teni Jesús ūi bueimarare jári, arejamedā náre:

—Ina pōeva cūve cūvarivure pare maiyójavu ne ju aiye Jūmenijicure, ūi meadaquiyepo aivu náre aru ne ecorājiyepo aivu ūi jaboteinore, cavarō mearo ūi curōre, arejamedā náre Jesús.

24 Iye ūi coyuīyede jápiaivu bácavu ūi bueimara, cuecumarejaimada. Aru Jesús arejamedā náre cojedeca:

—¡Muja, ji umara, pare maiyójavu cūve cūvarivure ecoiyurivure Jūmenijicu jaboteinore! 25 Cūinácu ūimacu uracu, camello ūimicacu, ūi ecoru aviyo cobei, maiyójajebu ūre. Aru p̄heno maiyójavu cūve cūvacure ūi ecoquino Jūmenijicu jaboteinore, arejamedā Jesús.

26 Urarōreca cuecumaivu, arejaimada ūre:

—¿Name b̄hojarī ecorājidica Jūmenijicu jaboteinore, cūvarājivu jāravu cūiméjāravu baquinóre? arejaimada na.

27 Jesúcapūravu náre jári, arejamedā:

—Pōeva ne darī majibeno maiyójabevu Jūmenijicure. Ú cūinácura b̄hojarī meadayubē pōevare, arejamedā Jesús.

28 Aru Pedro arejamedā ūre:

—Dajocacarā ūija caiye ūije cūvaede, ūije daiye boje máque, arejamedā Pedro.

29-30 Jesús arejamedā:

—Jáve coyuīybu m̄ujare: Ácu pōecu dajocayu baru ūi cūramine, o jíbūrāre, ūmarare, jípacore, jípacure, mamarare, o ūi joborōre máre, ūi daiye boje yáque, aru Jūmenijicu yávaiye méne coyuīye boje máre, eacuyume p̄heno baju caride ijāravhi cūramiare, aru jíbūrāre, ūmarare, jíbūrōmivare, mamarare, aru ūi joborōre máre apevū ūajine daivureca ūre, daquijāravu baquinói cūvacuyume jāravu cūiméjāravu baquinóre. 31 Dínumure apevū jaboteivu bácavu ijāravure, jabotabenajarama na Jūmenijicu jabotequiyede. Aru apevū jabotebevū bácavu ijāravure, jabotenajarama na Jūmenijicu jabotequiyede, náre arī buedejamedā Jesús.

**Jesús ūi coyuino bedióva
cojedeca ūi yaiquínore
(Mt 20.17-19; Lc 18.31-34)**

³²Mái nure nūivu barejáimada Jerusalén āmicurímaroi. Jesús nurejamedá ne jipocai. Ūi bueimara cuecumarejaimada. Aru apevú máre, náre cujuivu, jidurejaimada. Cojedeca Jesús nūvarejamedá ina doce paívure apevüre jocarí. Aru coyurí bárejamedá náre pöeva ne ñarajiyede ūre. ³³Coyurí arejamedá yópe:

—Jerusaléi nūivubu. Nore curí, yure, Jūmenijicai daroimá mácure ūmupe, ji maucu jéni jíquijibi sacerdotevare jaboteipöevare aru Jūmenijicui yávaiye báquede bueipöevare máre. Ina pöeva arājivubu: “¡Boarí jaruvajarā ūre! ¡Yaijácurí!” Que arí, jínajivubu yure ina judíova āmevüre. ³⁴Que teni ina pöeva yurinajivubu yure. Jécututurajivubu yure. Jara popenajivubu yure. Aru boarí jaruvavarajivubu yure. Úbenita yóbecurijárávua yóboi, jipacu, Jūmenijicu, nacovachyame yure yainore jaruvvarí, arejamedá Jesús.

Santiago aru Juan ne jéniaíno Jesúre

(Mt 20.20-28; 23.11; Mr 9.35; Lc 12.50; 22.25-27; Jn 13.12-15)

³⁵Santiago aru Juan máre, Zebedeoí mára eare nurejaimada Jesús yebai. Aru arejaimada ūre:

—Mu, bueipöecu, dajacu ūje urre, ūje jéniarajiyede mure, arejaimada na.

³⁶Jesús jéniasi járejamedá náre:

—¿Yéde dacaji mujare? arejamedá ū.

³⁷Aru arejaimada ūre:

—Dobaicōejacu ūjare mi yebai, cūinácu meapúravui aru apecu cācopúravui, mi jabotequinumá maquinóre, arejaimada na.

³⁸Úbenita Jesúcapúravu arejamedá náre:

—Muje jéniaiyede coreóvabevubu muja. Dobaiyurivu baru yáque ji jabotequinumá maquinóre, mamarumá ūnájiye jauvu mujare yáque. ¿Ucuri bhojarajidica muja ji ūcuinore? ¿Aru jádovari bhojarajidica muja yópe ji jádovainope Jūmenijicu que? arejamedá náre Jesús.

³⁹Na ju arejaimada ūre:

—Buojaivubu ūmuja, arejaimada.

Aru Jesús arejamedá náre:

—Ji ūcuinore ūcurajivubu muja. Que teni ji ūnájiyepedeca ūnájinajivubu muja. Aru ji Jūmenijicu que jádovaiyepedeca jádovarajivubu muja. Que teni ji daiyepedeca ñarajivubu muja Jūmenijicui urre. ⁴⁰Úbenita yávacari beobevu náre, dobarajivüre ji meapúravui aru ji cācopúravui máre. Quénora dobarajarama nore ina jipacu beoimara mácavu, javeta ūi meadaimara mácavu, arejamedá Jesús.

⁴¹No yóboi, jápiarejaimada ne borore apevú caipucapúravape paivu Jesúi bueimara. Que baru jararejaimada inare, Santiagore aru Jūare máre.

⁴²Dintumá Jesús órejarejamedá ūi bueimarare ūi yebai. Aru arejamedá náre:

—Muja majivu ina jaboteivüre judíova āmevüre ne daiyede. Paruqué que cōjeivubu ina ne jaborocavüre, ne ñacarajiyepa aivu náre ne urre.

⁴³Úbenita nápe ñabejará muja. Ñai mujacacu parucu baiyacu baru, memecajacurí mujare. ⁴⁴Aru nopedeca ñai mujacacu jabocu baiyacu baru, yebacatejacurí caivüre.

⁴⁵Nopedeca Jūmenijicui daroimá mácu ūmupe, yu, dabedejacacu, pöeva ne memecarajiyepa ayu yure. Quénora darejacacu yu, memecachyue apevüre aru boarí jaruvacicójescuyu ji bajure, meadachyue obedivu pöevare, ji yaiquiyede náre boje, arejamedá Jesús.

**Jesús ūi meādaino
Bartimeore, jári eabecure
(Mt 20.29-34; Lc 18.35-43)**

⁴⁶ Jericó āmicuriīmaroi earejaimada na Jesújá. Nore cūrīduivu bácavu nurejaimada na cojedeca. Jesús ūi bueimaraque, obedivu pōeva máre yóvarí nurejaimada. Ne nūimai, no ma ēcarhi, Bartimeo, Timeoi mácu, dobarejamedá. Jári eabecu barejámedá. Que baru tāuturare jēniavarejamedá.

⁴⁷ Aru pōeva “Jesús Nazarecacubé ū”, aivure jápiayu, codoboborejamedá Bartimeo:

—Mu, Jesús, David bácu pāramecu, Jūmenijicu daroimu mácu, nūje jabocu bacuyá, yure cōmaje āroje jájacu mu, arejamedá ū.

⁴⁸ —Bi ajacu mu, arīdurejaimada Jesújáque nūivu.

Ūbenita pñeno baju codoboborejamedá ū cojedeca:

—Mu, David bácu pāramecu, Jūmenijicu daroimu mácu, nūje jabocu bacuyá, yure cōmaje āroje jájacu mu, arejamedá ū.

⁴⁹ Que teni ūre codoboboyure jápiayu Jesús, dajocarejamedá. Aru ūque nūivure cutuicōjenejamedá.

—“Dajacurí”, aibi mure Jesús. Torojujacu mu, arejaimada Bartimeo.

⁵⁰ Aru cūná nacajari, ūi pñenocacajede quēdata durí jaravarí, Jesús yebai earejamedá ū.

⁵¹ —¿Aipe dacaji yu mure? jēniari járejamedá ūre Jesús.

—Mu, bueipōecu, jári eabevu yu. Úrarō jáiyvnu yu, arejamedá Jesúre.

⁵² —Dinumu meavu. Ména nūjacu. “Yure meadachuyume Jesús”, arī dāpíarebu mu. Que baru mi jári eabede meadacaivu yu caride, arejamedá ūre Jesús.

Aru cūná járejamedá ū, jári eabecu bácu. Que teni Jesúre yóvarí nurejamedá ū máre, Bartimeo.

Jesús Jerusaléi ūi ecoino

(Mt 21.1-11; Lc 19.28-40; Jn 12.12-19)

11 Jerusalén āmicuriīmaro joabejínoi nūri, Betfajé aru Betania āmicuriīmajinoa bají, no cūracú Olivocú āmicuricú ēmeino bají, earejaimada na, Jesús ūi bueimaraque. Nore earí ūi bueimaracavu pñcaráre jarorejamedá Jesús.

² Náre yópe arí:

—No cōchinoi cūrīmajinoi nūjara muja. Ma ēmeinoi pōevare ūmaiāmacure, burrore, earājaramu muja, nōcasu ūi bñoiimure. Pōeva ne tubabemutame cāreja. Ūbenita ūi bñoiimene jōdeni, ūre davacajarā yure.

³ Aru, “¿Aipe teni burrore ūi bñoiimene jōdeni, ūre nūvaivurū muja?” ne aruta, yópe ajarā: “Nūjare ícōjeni darobi majé jabocu. Ūre ūmacayu āimacu jaubí ū. Carijieneca mujare jacopaiyovachuyume cojedeca”. Nópe ajarā, arejamedá Jesús.

⁴ Na ju arī ícarānurejaimada. Nūri, burrore earejaimada na. Cūrami jedevai, ma ēcarhi, bñoiimu nūrejamedá ū, tubamu. Aru ūi bñoiimene jōdenidurejaimada na. Dinumuma ina burro yebai nūrivu arejaimada:

⁵ —¿Aipe teni jodeivurū muja ūi bñoiimene? arejaimada tubamure ícaivure Jesúre.

⁶ Jesús ūi aiye báquepedeca náre, nore nūrivure coyurejaimada tubamure ívu.

⁷ Coyurí bñojarí, nūvaicōjenejaimada náre nōcavu. Nūvari Jesúre burrore nūvacarejaimada ina pñcará. Ne doicajea, ne pñenocacajeare tubamura thorí, Jesúi tubaquinore darejaimada ūi bueimara. Aru burrore tubarejamedá Jesús. ⁸ Dinumuma ne pñenocacajeare jūarejaimada ina obedivu pōeva mára. Aru apevu jocchu cavabu yoca

cūricavabuare burarī, jūarejaimada mára, Jesúre meadaiyurivu ne puedarī jaco yurājiyepe aivu.

⁹ Úre jipocateivu aru ūi yóbocavu máre codoboborejaimada na:

—Jūmenijicure torojuē bajadéni. Jūmenijicu mearo dācaimume ū, Jūmenijicui daroimū mácu. ¹⁰ Majeñecu mácu, David báchi jaboteino mácarōpedeca, cari jabotescuyume. Ūi jabotequino meaquiyebu. Cari jabocu bacuyúre ména borotenajarevu. Jūmenijicure torojuē bajadéni, codoboborí arejaimada na.

¹¹ Aru Jesús Jerusalén āmicuriímaroi earī, Jūmenijicu cūrami nurejamedá. Nore earī, ecorejamedá Jesús. Nore cocorī járidurejamedá Jesús. Ubenita nainúta marejávuya. Que baru ūi bueimara doce paivnque Betania āmicuriímajinoi nurejamedá Jesús.

Jesús ūi āmecoroino higueracu jéidua cūbecure (Mt 21.18-19)

¹² Cōmiáijáravu javejínara, Jesújā ne etaiyede Betania āmicuriímajinore jocarī, ávué ijidejavuya Jesúre. ¹³ Járejamedá joai cūnácu jocucu higueracure yoca cūricure. Que baru jéiduare vocunuridurejamedá dicu yebai. Ubenita nore earī, yoca matuiyeda járejamedá. Jéidua cūbedejavuya, jéidua higo āmicuridua jéijáravu eabe boje. ¹⁴ Aru arejamedá dicure:

—Cainumua āmejarari pōeva mi jéiduare cojedeca, arejamedá Jesús.

Aru nópe ūi aiyede jápiarejaimada ina ūi bueimara.

Jesús ūi međaino Jūmenijicu cūramine

(Mt 21.12-17; Lc 19.45-48; Jn 2.13-22)

¹⁵ Bedióva Jerusalén āmicuriímaroi earejaimada na Jesújā, Betania āmicurōi

nūivu bácvu. Earī, Jūmenijicu cūrami nūri, diñami tāibui ecorejamedá Jesús. Nore diñami cūrvu bojedaipōevare jaravarī jarorejamedá Jesús. Tāutura oatuvapōeva ne jádovaivare moari nauzárejamedá ū. Aru jurevare bojedaipōeva ne dobarōare máre moari nauzárejamedá. ¹⁶ Diñami tāibui nūvari jatajúrorivure ye apejēe paiyede nūvaicōjemenejamedá Jesús. ¹⁷ Náre bueyu, yópe arejamedá ū:

—Yópe arī, toivaicōjenejaquemavu Jūmenijicu ūi yávaiyede: “Ji cūrami caivu pōeva ne yure, Jūmenijicure, coyuiñamimu”, arī toivaicōjenejaquemavu. Ubenita diñamine tatorī ívū ne dupiñamipe daquemavu muja, muje pheño uharō tāutura íye boje pōevare jocarī, ne bojedaipyede muje cūvaede, arejamedá náre Jesús.

¹⁸ Sacerdotevare jaboteipōeva aru ina Jūmenijicu yávaiye báquede bueipōeva diede, Jesús ūi daiye báquede, jápiarī, úre boarī jaruvaiyurídurejaimada na. Ubenita ina pōevacapūravu Jesús ūi bueiyede jápiarī, uharō dāpiarejaimada na. Que baru jidurī, úre ne boarī jaravarājiyede borotedejaimada ina sacerdotevare jaboteipōeva ina Jūmenijicui yávaiye báquede bueipōeva que. ¹⁹ Aru nainíburu yóboi diímarore jocarī, nurejaimada Jesújā.

Higueracu yaicu

(Mt 6.14-15; 17.20; 21.20-22; 1 Co 13.2)

²⁰ Cōmiáijáravu javejínara vainánuivu dicu higueracu yebai járejaimada. Aru caicu dicu aru caiye nūo máre yaidéjavuya. ²¹ Dinumuma Pedro, Jesús ūi yávaino mácarore dicure áruri, arejamedá ū:

—¡Mu, bueipōecu, jájacu! Dicu, mi ēnoare āmecorovaricu, yaidébu, arejamedá Jesúre.

²² Aru Jesús arejamedá náre:

—Ju ajarā muja Jūmenijicure, ūi cadatequiyepo aivu mujare. ²³ Jáve

coyuhu mūjare: Ácu pōescu icū cāracūre ūi aru yópe: “Nujacū yore jocarī pu jia uradaita, cocunujacū”, nōpe daquiyebu dicū. Ácu pōescu ūi me ju aru Jūmenijicure aru “Jūmenijicu iye daiyede majibebi”, arī dāpiabedu, caiye ūi cāracūre cōjeiyepē tequiyebu.

²⁴ Que baru coyuhu mūjare: Caiye iye mūje Jūmenijicure jēniaiyede, dāpiajarā yópe: “Jāve Jūmenijicu jíchuyume yure”, arī dāpiajarā mūja. Yópe dāpiaru, Jūmenijicu jíchuyume mūjare mūje uede. ²⁵ Aru cainumcu mūje jēniaiyede majepasque, jaraivu baru o chioivu baru apecu ūi āmeina teiyede, ārūmetejarā diede. Cārijimene dājarā ūque, majepasch cavarō mearocacu ūi ārūmetequiyepē aivu mūje āmeina teiyede máre. ²⁶ Ubenita apecu ūi āmeina teiyede mūjaque ārūru, majepasch cavarō mearocacu ārūmetebecube mūje āmeina teiyede máre, nāre arī buedejamedá Jesús.

Jesús ūi parué

(Mt 21.23-27; Lc 20.1-8)

²⁷ Bedióva cojedeca earejaimada Jerusalén āmicuriñaro. Nore Jūmenijicu cārami tāibui cuya barejámeda Jesús. Sacerdotevare jaboteipōeva, aru Jūmenijicu yávaiye báquede bueipōeva, aru judíova bucuvá máre nurejaimada ūi yebai. ²⁸ Jēniari jārejaimada ūre:

—¿Ye paruéque dayurū mu iye mi daiyede? ¿Name jidi mure iye paruéde mi nōpe daiyede? arejaimada Jesús.

²⁹ Jesús arejamedá nāre:

—Yū máre jēniari jāquijivu mūjare cūináro jēniari jāinore. Coyujarā yure. Yure mūje coyuyiede, yū máre coyuquijivu mūjare ji paruéque ji daiyede. ³⁰ ¿Juan Bautista bácu jādovarejaquemari pōevare Jūmenijicu ūi paruéque o pōeva ne paruéque? Coyujarā yure, arejamedá nāre Jesús.

³¹ Ūi que aiyede, borotedejaimada ne bajumia yópe:

—Maje aru “Jāmenijicuque”, ū aquijibí “¿Aipe teni ju abetecarā ūre?” ³² Ubenita “pōevaque” aiye jaubevu mūjare, ne bajumia arejaimada.

Caivu ina obedivu pōeva coreóvarejaimada Juan Bautista bácu Jūmenijicu yávaiyede coyuscaipōescu bajure. Que baru ina jabova jidurejaimada nāre. ³³ Arejaimada Jesús:

—Majibevu ūya, arejaimada.

Dinumure Jesús arejamedá nāre:

—Yū máre coyubevu mūjare ūamei paruéque ji daiyede, arejamedá Jesús.

“Āmena memecaipōevare” jāri dāpiarī ne dārājiyepē aino

(Mt 21.33-46; Lc 20.9-19)

12 Dinumure Jesús coyurī búre-jamedá nāre jāri dāpiarī ne dārājiyepē ainoque, yópe arī:

—Cūinácu ūmu doaicōjequemavu jiore ūyaimuque. Doarī buojarī, daicōjequemavu biaidore jio turuvai. Aru ūicōjequemavu cobede ūyai pipocobede. Aru daicōjequemavu ūmujuriñami cāramine, jiore coreipōescu ūi jāquiñamine máre. Caiye iyede meadarī buojarī, vorī earī jiore memeipōevare, epequemavu nāre ne memecarājiyepē ayu ūre. Ina memecaipōeva īnajivu batequémovu apeboa ūyaiboare, ne memeiye boje. Aru nāquemavu ūai ūmu apeno joborōi. ² Ūyai jējāravu yōboi, ūai ūmu jaroriduquemavu cūinácu ūi yebacacure memecaipōeva yebai, ūi īquiyepē ayu apeboa ūyaiboare, ūai jabocu jiede. ³ Ubenita ūai yebacacu ūi eaiyede nore, ina memecaipōeva ūre jēni, pare boarī, copaide daquemavu ūre quēdata. ⁴ Cojedeca ūai ūmu, jio upacsu, jaroriduquemavu apecu ūi yebacacure memecaipōeva yebai. Ubenita churiá daquemavu ūre ūi jipobci. Aru cuyojarō

daquemavu ūre máre. ⁵ Cojedeca ñai ūmū, jio upacu, jaroríduquemavu apecu ūi yebacachre nore, memecaipōeva yebai. Ubenita boarí jaruvaquemavu ūre. Apevure jio upacu ūi jaroimarare máre boaquémavu. Aru apevure boarí jaruvaquemavu na.

⁶ 'No yóboi, mautequemavu ñai jio upachre cūinácu ūi mácu cūináchava, pare ūi umu. Quénora jaroríduquemavu macure. "Ūre jáivu, pueðarājichūma" ayu, que dápiaquemavu ū. ⁷ Ubenita ina memecaipōeva jáivu ñai jio upacu mácure, aquemavu ne bajumia, "Ñai ñuje jabocu bacchuyame. Jípacu ūi yainíburu yóboi, cūvacchuyame caiye ūi cūvaede. Járīca, boarí jaruvarājarevu ūre, maja cūvaburí caiye ūi cūvaede". ⁸ Que arī, ūre jēni, boarí jaruvaquemavu. Aru ūi baju bácarōre jaetovaquemavu jiore jocarī, arejamedá Jesús.

⁹ Na ūi coyuiyede jápiaivure jēniari járejamedá Jesús:

—¿Aipe daquidi ñai jio upacu náre? Ū boarí jaruvacchuchuyame ina memecaipōevare. Aru epecchuyame apevü memecaipōevare noi, ūi jioi. ¹⁰ ¿Jári borotebenaru muja iye Jūmenijicu yávaiye ūi toivaicōjeiye báquede? Yópe toivarejaquemavu yurā, Cristo ji borore:

Iva cūravare cūramine daipōeva ubeni jaruvaquemavu. Caride iva cūrava caiva apeva pheeno parurivabu. ¹¹ Nópe daino mácarōre daquemavu Jūmenijicu. Que baru pare mearotamu majare, maje dápiaru, arī toivarejaquemavu, arejamedá Jesús.

Yópe aiyurōtam no: Pöeva "Āmecübe ū", arídurājarama Jesúi borore. Ubenita meachu bajube ū, Jesús, caivu apevü pheeno.

¹² Que aiyede, Jesúre jēni, nūvaiyuridurejaimada, ūi coyuiye boje nára no jári dápiarī ne ðarājiyepe

ainore. Ubenita jidurejaimada ina obedivu pöevare. Que baru ūre dajocarī etarī nurejaimada.

Jesús ūi coyuiño jabovare bojedainore

(Mt 22.15-22; Lc 20.20-26)

¹³ Fariseova aru Herodecavu jarorejaimada nácavure Jesús yebai, ūre jujovarī, jacotujurorivure. ¹⁴ Ūi yebai earī, ūre yópe arejaimada na, mamadaiyurivu:

—Mu, bueipōecu, mure coreóvaivubu ñuja. Nurié yávaivu mu. Caivure cūinácamuara yávaivu mu. Coyubevu mu pöevare yópe ne daiyepe. Quénora jidubecuva coyuhuvu mu náre yópe ne dápiaiyepo. Jāveneca bueivu mu pöevare, ne ðarājiyepe ayu mearore yópe Jūmenijicu ðaicōjeiyepe. ¿Maje jabocu César ūi icojejuroede, ūi jaboteiye boje, maje bojedaru, mearica die? ¿O bojedabejeba maja? ¿Bojedaje bárīca maja? ¿O bojedaicōjeino āmeni? arejaimada Jesúre ina fariseova aru ina Herodecavu.

¹⁵ Ubenita ne jujovajuroede majichu, náre yópe arejamedá Jesús:

—¿Aipe teni yure jujovaiyuriduri vainí tuiyurāru muja? Yure tāuturaturava, ji jáquituravare, davajacurī mujacacu, arejamedá náre Jesús.

¹⁶ Ūre tāuturaturavare nūvarejamedá nácacu. Ūre nūvari jíyede, arejamedá Jesús:

—¿Nāmema ñai, dituravare jēñu? ¿Aru ñamei āmiá cūrituravaba diturava? arejamedá náre Jesús.

Ūre arejaimada:

—Ñai jabocu Césai decocu aru ūi āmiá máre cūrituravatamu, arejaimada.

¹⁷ Que aivure arejamedá Jesús:

—César jiede ūre jacopaiyovajarā muja. Jíjarā ūre tāutura yópe ūi bojedaicōjeiyepe mujare. Aru Jūmenijicu

jiede ūre jacopaiyovajarā mūja. Dajarā yópe ūi үrōpe, arejamedā náre, jēniari járadaivure, Jesús.

Aru jujovaiyuriduivu bácavu Jesúre ūi que aiyede, үharō dápiarejaimada ina fariseova aru ina Herodecavu máre.

Saduceova ne jēniari jáino Jesúre yainore jaruvvarī nacajainore

(Mt 22.23-33; Lc 20.27-40; Hch 23.8)

¹⁸ Apevu saduceova nurejaimada Jesús yebai. Saduceo āmicuriyajubobu judíovacavu ne yajubo cūináyajubo. Caivu saduceova “Yainore jaruvvarī nacajaiye cübevu”, adama na. Jesúre jēniari járejaimada ina saduceova yópe:

¹⁹ —Mu, bueipōecu, Jūmenijicu daicōjeiyede Moisés bácu toivarejaquemavu yópe: Cūinácu némamicu yaidú, jímarepacore jocarī juedocuvabecova, yaiyá báchi yóchre pürubhoiye jaunvu óque, juedocuvachuyu. Aru ina juedova báräjivu yaiyá báchi ámiáre cüvaräjarama na. Que arī, toivarejaquemavu Moisés bácu.

²⁰ Javede cátequemavu siete paivu ūmava. Cūinácu ūmhi mára matequé-mavu na. Némamicu pürubuoquemavu. No yóboi, yaiquémavu ū mácu, juedocuvabecchva. ²¹⁻²² Que baru apecu, ū máchrā cutuyu, pürubhoquemavu jíbucu báchi márepacoque. Aru jíbucu bácpedeca, yaiquémavu ū mácu máre, juedocuvabecchva. Aru apecu, ū máchrā cutuyu máre, nopedeca, aru caivu ina siete paivu bácavu óque pürubuorí, yaiquémavu, juedocuvabevuva. Caivu ne yóboi, ico nomiό máco máre yaiquémavu. ²³ ¿Yainore jaruvvarī nacajaijäravu baquinóre, ñamei márepaco bacodóba ico? Ijäravui caivu ina siete paivu cüvatequemavu óre, arejaimada na Jesúre.

²⁴ Aru Jesús arejamedā ina saduceovare:

—Mamateivubu mūja mūje majibe boje Jūmenijicu yávaiyede. Aru Jūmenijicu paruēde máre majibevubu mūja. ²⁵ Yainore jaruvvarī nacajaijäravu baquinóre pürubhobenajarama. Aru jíbenajarama némaromivare, ne pürubhoräjiyepa aivu. Quénora ángeleva, ina pürubhohevü, cavarō mearo Jūmenijicu cüröcavupe paivu baräjarama ina yainore jaruvvarī nacajarajivu. ²⁶ ¿Iye yainore jaruvvarī nacajaiyede, jápiarī eabenaru mūja iye Jūmenijicu coyuhiye báquede Moisés bácu ūi toivaiye báquede, jocuñicu uruijicure coyuñi? “Yútamu Jūmenijicu. Abraham, Isaac, aru Jacob ne mearore jímumu yu”, arejaquemavu Jūmenijicu Moisés báçure. ²⁷ Que arī, yaivu bácavu ne mearore jímum amemi Jūmenijicu. Quénora apurivu ne mearore jímumtame ū. Que baru ina majeñecuva apurivubu. Que baru pare mamateivubu mūja, arejamedā náre Jesús.

Daicōjeiye paruē caiye pueno

(Mt 22.34-40; Lc 10.25-28)

²⁸ Cūinácu Jūmenijicu yávaiye báquede bueipōecu Jesúre yebai earī, jápiarejamedā Jesús apevuque ne copu boroteiyede. Jesús náre ūi copu aiyede cojurejavuya ūre. Dinumuma Jesúre yópe jēniari járejamedā Jūmenijicu yávaiye báquede bueipōecu:

—¿Ároma majare Jūmenijicu daicōjeino mácarō pueno paruō cōjeino? arejamedā.

²⁹ Aru Jesús ju arejamedā ūre:

—Pueno paruō daicōjeinotamu yo: “Jápiajarā mūja, Israecavu. Maje jabocu Jūmenijicu cūináchratame. ³⁰ Ujacu mi jabocu Jūmenijicure caino mi ūmeduque, caino mi ūmeque, caino mi majiéque, aru caino mi baju paruēque máre”. ³¹ Aru no yóbo cächijino paruō daicōjeino yópe ainomu: “Mi bajure mi jecuñepedeca jecuñacu mícure máre”.

Iye daicōjeiyebu pñeno parué. Apeno daicōjeino pñeno paruñrō cñbevu, arejamedá Jesú.

³² Arejamedá Jesú:

—Mu, bueipóeçu, jãvetamu. Mu jãve arí coyñivu mu. Jümenijicu cünacürabe ñ. Apecu cùbebi. ³³ Maje áimacu caicure toaque juarí, Jümenijicure jíye o maje ape paiedyede Jümenijicure jíye meavu. Übenita Jümenijicure caiye maje ümeduque, caiye maje majiéque, aru caiye maje paruéque máre jecué aru majecure maje bajure jecürópe máre jecué, pñeno mearotamu, arejamedá Jesú.

³⁴ Jesú ñi jápiaiyede mearo ñi ju aiyede, yópe arejamedá:

—Quíjino baju jaúridurebu mi eaquino Jümenijicu jaboteinore, arejamedá Jesú.

Que aríburu jidurí, Jesú ye jeníari jámeneaimada na caivu.

Cristo ñai jabocu David bácui päramecu

(Mt 22.41-46; Lc 20.41-44)

³⁵ Jesú buede curejamedá Jümenijicu cùrami. Aru arejamedá:

—¿Aipe teni “Cristobe David báci päramecu”, aivuba Jümenijicu yávaiye báquede bueipóeva? ³⁶ David bácvacari Espíritu Santoi paruéque coyñicójeimu arejaquemavu ñ mácu: Jümenijicu aquemavu ji jabocure, “Dobajacu ji meapúravhi, mi cùvae boje paruéde yúpedeca.

Aru yu epecñymu mi mauvare mi cùboba cächinoi. Que teni mure vainí jaravare dacñymu yu náre, mi jabotequiyepo ayu náre”, arejaquemavu David báci Cristorã.

³⁷ David bácvacari Cristoi borore “Ürecabe ji jabocu”, arejaquemavu. Que baru, ¿aipe teni David báci päramecu ñ? arejamedá Jesú.

Aru caivu ina obedivu pñeva torojurí jápiarejaimada Jesú.

Jesú ñi boro coyñrí adaino Jümenijicu yávaiye báquede bueipóevare

(Mt 23.1-36; Lc 11.37-54; 20.45-47)

³⁸ Jesú bueyu bácu arejamedá:

—Me dajará ina Jümenijicu yávaiye báquede bueipóevare. Námu cuiyuríva cuitótecajea ümujuricaajeaque. Aru umána pñeva pueðarí ne jacoyñinore náre tâibui. ³⁹ Judíovai cójijiñamiare ne dobae méne umána na, pñeva ne járajiyepo aivu náre. Aru torojuve teinore, cuiyuma na ñai torojuve teino upacu yebai. ⁴⁰ Übenita jújovari ñavadama ina nomiópevare ne apejiene. Aru jéniadama joe uraró Jümenijicuque, pñeva ne dápiarajiyepo aivu Jümenijicu yávaiye báquede bueipóeva me Jümenijicure ju aivu. Caiye iyede ne daiye boje, pñeno uraró nájinajarama na, ne ãmeina teiye boje, arejamedá Jesú.

Nomiópeco cùve cùvabeco õi täutura jíno Jümenijicure

(Lc 21.1-4)

⁴¹ Nore, Jümenijicu cùrami, Jesú dobarejamedá joabejínoi cùinátocu pñeva ne Jümenijicure täutura jíye epeítocu yebai. Ditócu cùrevayu ñi jipocai. Noi dobarí, pñeva obedivu ne ure täuturare ditócu jíni tuoivare jâñu marejámedá Jesú. Aru obedivu cùve cùvarivu tuoijaimada ure täuturare.

⁴² Que teiyede cünaco nomiópeco, cùve cùvabeco, ditócu yebai earí, thorejacoda pucaturava täuturatüravare, me bojecubeturavare. ⁴³ Õi que daiyede jâñu Jesú, órejarejamedá ñi bueimarare ñi yebai. Aru arejamedá náre:

—Jáve coyñybu mýjare: Ico nomiópeco cùve cùvabeco, Jümenijicure jibico apevu ne jíye pñeno

baju, ñi jíye boje ñi cuvarõ cainore. Ùbenita nácapûravu quénora quíjino ne cuvarõcarõre jíyama.⁴⁴ Caivu ina pöeva ne ùrarõ cuvaecarõre jíyama Jümenijicure náre jaubede. Ùbenita ico nomiô ñi quíjino cuvariñino mácarõre cainore jíbico Jümenijicure. Caiye ñi ijärvu cuvajuroede jíbico ñi Jümenijicure, arejameda náre Jesús.

Jesús ñi coyuino “Jümenijicui cûrami tûquiyebu” arí

(Mt 24.1-2; Lc 21.5-6)

13 No yóboi Jesús etayu báçure Jümenijicui cûramine jocarí, cûinácu ñi bueimaracacu arejameda ñire:

—Mu, bueipõecu, jâjacu. ¡Pare meavabu iva cûrava! ¡Aru pare meadamiamu iñamia cûramia! arejameda Jesúre.

² Ñi que aiyede, Jesús arejameda ñire:

—¿Jâñuru mu iñamia uraldâmia cûramiare? Cûináva cûrava mautebequiyebu apeva puenora. Caiye iva cûravare nauárajarama. Que teni cûiquiyebu, arejameda Jesús.

Jâdovaiye jâravu cûiquíye jipocai

(Mt 10.17-20, 22; 24.3-28; Lc 12.11-12; 17.22-24, 31; 21.7-24; Ap 7.14)

³ Jesús dobarejameda cûracu Olivocu ãamicûricu puenoi, Jümenijicui cûrami ñi jipocai jâñu mácu. Ñi dobaede noi Pedro, Santiago, Juan, aru Andrés máre jeníari járejaimada ñire yavenina, pöevare jocarí:

⁴ —Coyujacu ñujare: ¿Aipiyede tûquidi caiye iye cûramia uraldâmia? ¿Aipe arí coreóvarâjidica ñuja caiye iye buojaquiyede? arejaimada na.

⁵ Aru Jesús arí bárejameda náre:

—Me jâjara apesu jujovaiyucure mujare.⁶ Darâjarama obedivu ñumava. Aru arâjarama “Cristobu yu”. Jujovarâjarama obedivu pöevare.

⁷ Muje jâpiaiyede boaino borore aru boaquíno borore máre, jidubejarã. Caiye iye vaiquiyebu jâravu cûiquíye jipocai. Ùbenita cûimébu cäreja.⁸ Cûináyajubo pöeyajubocavu ñadamatenajarama apeyajubo pöeyajubocavuque. Aru cûináro jaboteinocavu ñadamatenajarama apeno jaboteinocavuque. Joborõ cûjiquiyebu obedicurðore. Ñájinajarama ávnéna. Iye ñájiye baquiyébu yópe juedocu pöeteyure ñájiyepe. Yópe báquiyebu caiye iye ámeina ñájinajijiye.

⁹ Ùbenita mujacapûravu me jâri me ñajarã. Mujare jêni jínajarama ne jabolare. Mujare jara popenajarama judíovai cójijinamai. Aru muja nûrajaramu cõjeipõeva ne jipocai aru jabova ne jipocai máre, yure muje ju aiye boje, coyuräjivu ji borore.¹⁰ Mamarumure yávaiye méne Jümenijicui jaboteinora coyuïye jaunu, cainoa joborðacavu ne jâpiarâjiyepo aivu diede.¹¹ Ne jêni nûvaiyede mujare jabova ne ámeina teivure jeníari jâñami, “¿Aipe arí coyuräjidi náre?” arí, cárrijimejara muja. Ùbenita coyujarâ muja yópe ñai Espíritu Santo ñi dâpiare daquiyepo dinumu maquinóre.

¹² Que teni ñmu jêni jíchuymu jíbucure o ìmacure máre, jabova ne boarí jaravarâjiyepo ayu ñire. Nopedeca jípacu jêni jíchuymu mamacure. Aru nopedeca némara nébucuvare ju abeni jêni jínajarama, boarí jaruvacõjenajivu náre.

¹³ Caivu mujare muje yure ju aiye boje jorojini járajarama. Ùbenita ñai ju ayu yure pu ñi yainumuita, ñi macuyumé ji meadaimu, arejameda Jesús.

¹⁴ Aru Jesús buedejameda náre, ñi bueimarare, cojedeca:

—Ñai ñmu pare ámecu nûchuyume nore, Jümenijicui cûicõjemenore ñire. Caivu iye toivaiyede jâri boroteivu me dâpiajarâri caiye iyede. Ñai ñumure járajaramu muja. Judeacavu dupini nujarari cûracuai.¹⁵ Ñai

cūrami p̄uenora cūchuyu, ūi dupini n̄uiyede, ēmeni darī, n̄uvariducusuyu ūi apej̄iene, ecobejacurī ūi cūrami. ¹⁶Aru ñai jiore memecuyu, ūi dupini n̄uiyede, copainum̄ejacurī ñiducusuyu ūi cuitótecaje p̄uenocacajede. ¹⁷¡Cōmajē ārojarajarama ina nomiva micava bárājivu dijāravu baquiyéde! ¡Aru ina nomiva némajina nuri dajocabevare cūvarājivu máre pare ñájinajarama dijāravu baquiyéde! ¹⁸Jéniajara Jūmenijicuque iye vaibéquiyepo aivu ocorum̄ure. ¹⁹Dijāravu baquiyéde p̄oeva urarō ñájinajarama. Nópe paiye cūbevū cāreja, mamarum̄umata Jūmenijicu ūi cuedarī bhinum̄ure, pu caride máre. Aru cainum̄ua cūbequiyebu. ²⁰Jūmenijicu ūi javaiyobedu dijāravu ñájiovaquijāravu baquiyéde, caivu yaijébu. Meadaimara cūbejebu. Úbenita Jūmenijicu javaiyocuyume dijāravu ñájiovaquijāravu baquiyéde, ūi beoimara mácavure boje.

²¹'Dijāravu baquiyéde apecu ūi aru m̄ujare yópe, "Jájara. ¡Nainecabe Cristo!" o apecu ūi aru m̄ujare, "Áñirecabe Cristo!" náre ju abejára. ²²Que teni obedivu borocurivu darī coyurājarama "Cristobu yu". Aru apevū máre Jūmenijicu yávaiyede coyurājoram. Úbenita Jūmenijicu yávaiyede coyurājoram. Úbenita aru p̄oeva ne darī majibede máre ñarājarama, jujovariduivu Jūmenijicu beoimara mácavure. ²³Úbenita me jájara muja. Coyurājoram. M̄ujare ne borore, muje majinajiyepo ayu, ne darājiye jipocai, arejamedá Jesús.

Jūmenijicu daroim̄u mácu ūm̄upe ūi copaidaquinō

(Mt 24.29-36, 42, 44; Lc 12.36-38; 21.25-36; Ap 1.7; 6.12-13)

²⁴Bedióva cojedeca Jesús coyure-jamedá náre:

—Cūnájāravu dijāravuacajāravu baquinói, iye urarō ñájiniburu yóboi, aviá ñemitecuyume. Aru aviá ñamicach máre p̄omecuyume. ²⁵Na abiácova turājarama cavarōre jocarī. Aru caivu ina paruēque curivu cavarōi cūjinajarama. ²⁶Dinum̄u maquinóre járajarama yure, Jūmenijicu daroim̄u mácure ūm̄upe, dayure ocopeniboai, urarō paruēque, jádovañure meacu bajure. ²⁷Que teni ina ángelevare darochuyumu yu. Nácapūravu cójijovarājarama Jūmenijicu beoimara mácavure, caivu aviá dainocavure aru caivu aviá doinocavure máre, cainoa joborācavure.

²⁸Majijarā yo muje jainore. Icu joscu higueracure yoca yuiyede, majivu muja ujurum̄u joabenore.

²⁹Nopedeca jáivu caiye iye teiyede, majinajaramu muja jāravu cūino joabenore. ³⁰Jáve coyurājoram. Apevū ijāravu curivu yaibédeca cāreja, vaiquiyebu caiye iye yópe ji coyurājoram. ³¹Caino cavarō, aru caino joborō máre cūiquiyebu. Yópe ji yávaiyepedeca jáve vaiquiyebu.

³²Úbenita dijāravu baquinóre aru diora baquinóre ñame majibema. Ángel-eva, ina curivu Jūmenijicuque cavarō mearoi, aru yu, Jūmenijicu mácu máre majibevu ñuja. Quénora jipacu mājibi dijāravu baquinóre, ji aijāravure.

³³Que baru me jájara muja. Áru-jara. Muja majibevu ji copaidaquinōre. ³⁴Jévari coyurājivu ji copaidaquinore yópe cūinácu ūmu ūi cucunuquiyepo apejoborōi. Ūi etaquiyepo jipocai ūi cūramine, memeicōjeimi ūi

yebacavure náre coapa. Aru jedevacobede coreipōecure máre coreicōjeimi cāmecuva. ³⁵ Quédeca memeni corejarā mūja, cāmevūva. Mūja majibevu cūrami upacū ūi copaidaquinore. Daquijichubí nainúre, o ñami coricai, o cátu ūi órejaiyede, o javejínare. ³⁶ Úi copaidaru maumejiena aru mūjare cāivure earu, meamejebu mūjare. ³⁷ Nopedeca ji coyuñinore mūjare, coyuñubu quédeca caivure: Cāmevūva memeni corejarāri, arí budejamedá náre Jesús.

Jesús ūi coyuñino ne jénajinore ūre yóbomia

(Mt 26.1-5; Lc 22.1-2; Jn 11.45-53)

14 Pascua āmicurijāravu aru páure buçure daiye cūbe āiye torojuve teinumu pucajāravu jipocai barejávuya cāreja. Yavenina Jesúre jujovari jení, boarí jaruvaiyurejaimada sacerdotevare jaboteipōeva aru Jūmenijicu yávaiye báquede bueipōeva máre. ² Ne bajumia arejaimada:

—Torojuve teinumu ūre jémenajarevu maja. Ūre jénu torojuve teinumu, pōevacapūravu majare jorojini, majare boarí jaruvaiyuebu, arejaimada ina judíovai jabova.

Cūináco nomió ūi mumijue yuaino Jesúre

(Mt 26.6-13; Lc 7.37-38; Jn 12.1-8)

³ Jesús ūi cūde Betania āmicurijāmajinoi, Simón pojeyu báchi cūrami thoiva yebai āivu barejaimada na, Jesújā. Que teni cūináco nomió earejacoda Jesús yebai. Ico nomió nūvarejacoda cūinábu ūmujuribu boribu mumijuricoroque. Iye mumijue nardo āmicue pare mearo corajurejavuya. Aru pare bojecue barejávuya. Ico nomió earí, dibure cobari yuarejacoda caiye iye mumijue de Jesús jipoburā. ⁴ Ubenita nore curivu apevu, jorojini, ne bajumia arejaimada:

⁵ —¿Aipe teni iye mumijue de jaruvadoba ū? Diede bojedari, ularō boje ūni, cūinácu memeipōecu cūináuju ūi memeino bojede ūni, jíye jauejebu ūre cūve cūvabevure, arejaimada na.

Que baru jararejaimada ūre. ⁶ Ubenita Jesús arejamedá:

—Yávabejarā ūmeno ūre. ¿Aipe teni cārijovaivurū ūre? Ōi daiye yure mearotamu. ⁷ Cainumua ina cūve cūvabevu curājarama mūjaque. Que baru mūja cađateiyurivu cainumua náre buojaivu. Ubenita yu cūbecubu mūjaque cainumua. ⁸ Ō dacaibico yure ūi oainope. Ō meadacaibico ji bajure, ne yure jaruvavarājiye jipocai. ⁹ Que baru jāve coyuñubu mūjare: Cainoa joborōai ijāravu pōeva ne coyuñiede iye yávaiye méne ji meadaiyede pōevare, iye ūi yure dacaibico máre coyurājarama, ne arurajiyepé aivu ūre, arejaimada Jesús.

Judas ūi jení jíno Jesúre

(Mt 26.14-16; Lc 22.3-6)

¹⁰ No yóboi Judas Iscariote, cūinácu doce paivu Jesúi bueimaracach, nūrejamedá ina sacerdotevare jaboteipōeva yebai, náre jení jíyurejaimada Jesús. ¹¹ Úi daiyue de jípiari, torojurejaimada na. Que baru arejaimada ūre:

—Ñuja jínajivubu mure tāuturare, mi yavenina jení jíye boje ūre, arejaimada na Judare.

Que baru Judas jári coreni búrejamedá yavenina, jení jíchyu Jesús.

Jesús ūi aino ūi bueimaraque

(Mt 26.17-29; Lc 22.7-23; Jn 13.21-30; 1 Co 11.23-26)

¹² Páure buçure daiye cūbe āiye torojuve teinumu mamabuijāravu barejávuya. Pascua jāravucacure, ovejajicure, boarí, toaque juarí, ávarejaimada dijāravure. Aru dijāravure arejaimada Jesús ūi bueimara:

—¿Ári nūri mure maje Pascua jāravuque áiyede meadacarājidica nūja? arejaimada na.

¹³ Aru nácvu pucarā jarorī, arejamedá Jesús:

—Ímaroi nūri, ēmeni, nōcacchre oco tuyure copurājaramu mūja. ¹⁴ Úque nūri, cūramine ūi ecoiyede cūinátruru mūja máre ecojarā. Diñami upacchre yópe ajarā mūja: “¿Átucububa ji bueimaraque ji Pascua jāravure ji áquitucubu?” aibi bueipōecu”, ajarā mūja. ¹⁵ Diñami upacucapūravu phenocatucubu jave majare jauéde meadaitucubu bácarore mūjare jādovacchume ū. Noi ditucubui majare maje árajiyede meadajara mūja, arejamedá náre Jesús.

¹⁶ Úre ju arī, nūri, ímaroi earejaimada. Earī, nore Jesús ūi aiye báquepedeca ūi aitucubure earejaimada na. Noi Pascua jāravuque áiyede meadarejaimada na pucarā.

¹⁷ Que teni meadarī bhojarī, nainú bají, aviá ūi doriburu yóboi, ūi bueimara ina doce paivuque no ditucubure earejamedá Jesús. ¹⁸ Nore earī, dobarī áivure, Jesús arejamedá ūi bueimarare:

—Jáve couyabu mūjare: Cūinácu mūjacach yure ji mauvare jēni jíchuyume ū. Nai yure nōpe dacchuy, yáque caride aňume ū, arejamedá náre Jesús.

¹⁹ Que baru chiojaimada. Aru na coapa yópe arejaimada Jesús:

—¡Que dabecubu yu! ¿Mácarī? arejaimada na coapa.

²⁰ Que arī, Jesús arejamedá náre:

—Cūinácu mūjacach, jóyu pāure jororūmica yáque, ū machuyame ji mauvare yure jēni jíyu. ²¹ Y, Jūmenijicu daroimu mách ūmure ijāravu, ji yaijāravu nacchuyumu yu, yópe Jūmenijicu toivaicōjeiye báquepedeca ūi yávaiyede. Ubenita ámeno vaicchume ū, nai yure jēni jíyu

bacchuy. Nai nōpe dacchuy, ūi pōetebedu meajebu, arejamedá ūi bueimarare Jesús.

²² Ne áiyedeca, pāure ūni, Jūmenijicure torojuede jídejamedá Jesús. Torojuede jíni bhojarī, pāure cotuvarejamedá. Cotuvari bhojarī, náre coapa jídejamedá. Aru arejamedá:

—Pāure ájara mūja. Diedecabu ji bajupe, jādovaiye ji yaiquínore mūjare boje, arejamedá náre Jesús.

²³ Úcuidore máre ūni, torojuede jíni Jūmenijicure, náre jídejamedá Jesús. Diodore jēni, úcuri, veorī, úcurejaimada na coapa. ²⁴ Aru Jesús arejamedá náre:

—Dicorore úcujara mūja. Diedecabu ji jivepe, jādovaiye ji yaiquínore mūjare boje, Jūmenijicu árūmetequiyepé ayu mūje ámeina teiyede. Jūmenijicu “Yópe dajarā mūja, boropatebenajivu ji jainoi”, ūi yóbocarō coychino mácarore pōevare árūrajaramu mūja, mūje úcuiyede diede. ²⁵ Jáve couyabu mūjare: Quénora vino úyaicorore úcuñumu yu ijāravure. Ubenita ánjāravu baquinói, Jūmenijicu jabotequinum maquinóre, bedióva cojedeca úcuri jácchuyumu yu, arejamedá ūi bueimarare Jesús.

Jesús ūi coychino Pedrore ūi “Jesúre yu coreóvabevu” aquinore

(Mt 26.30-35; 28.16; Lc 22.31-34; Jn 13.36-38)

²⁶ Ne áriburu yóboi, Salmos ámicue yuriaiyede yuriarejaimada. Yuriarī bhojarī, no cūracū Olivocu ámicuricu nurejaimada na, Jesús. ²⁷ Mái nūri, arejamedá Jesús:

—Yure dajocarī nūrajaramu mūja. Yure vaiquiyede Jūmenijicu toivaicōjenejaquemavu, yópe arī: “Ovejavare coreipōecchre boarī jaruvacchuyumu yu. Aru coateni nūrajarama na, ovejava”, arī toivarejaquemavu. ²⁸ Ubenita ji yainiburu yóboi, Jūmenijicu ūi

nacovaiyede yure yainore jaravarí, maje jipocai nacuyumu Galileai, arejamedá Jesús.

²⁹ Que ayure, Pedrocapúravu arídurejameda ūre:

—Caivu apevú ne dajocarí jocarí nuiyedeca, yúcapúravu mure jocarí nūmecubu yu, arídurejameda.

³⁰ Aru Jesús arejamedá ūre:

—Jáve couyubu mure: Cari ñami püque cayu ūi órejaquiye jipocai, yóbecue baju “Jesúre yu coreóvabevu” acuyumu mu, arejamedá Pedrore Jesús.

³¹ Ubenita Pedrocapúravu copu ayu barídurejameda:

—Máque yure ne boarí jaravaruta, “Jesúre yu coreóvabevu”, abecubu yu, arídurejameda Pedro.

Aru na coapa nópe arídurejaimada, Jesúi bueimara.

Jesús Getsemaní ūi jéniaino Jümenijicque (Mt 26.36-46; Lc 22.39-46)

³² Getsemaní ámicurōi nurejaimada Jesújā. Nore earí, arejamedá ūi bueimarare Jesús:

—Yui dobarí corejará muja ji Jümenijicque boroteiyede ãnoi, arejamedá Jesús.

³³ Nuvarejameda ūque Pedrore, Santagore, aru Jüare máre. Aru urarō nájinu ūi dápiaino, ámeno vaidéjameda Jesús.

³⁴ Que teni arídurejameda náre:

—Yu ámeno chiori dápiaivu ji yaiquínore. Yui mauteni, jári capujarā muja, arídurejameda ū.

³⁵ Jipojíca báque nñuñu Jesús, nñuatartí, mori turejameda joboröita. Aru Jümenijicque boroteiyu barejámeda ū:

—Mu, jipacu, yure cari vaiquíye vaibéjadeni. Caiyede daiye majicútamú mu. ³⁶ Ubenita ji urópe dabejacu. Quénora mi urópe dajacu mu, arejamedá jípacu Jesús.

³⁷ Ūi bueimara yebai copainuri, náre cäivure earejameda Jesús. Aru arejameda Pedrore:

—Simón, ¿cánitaru mu? ¿Cünáorajie cämechua coreiye majibecurú mu? arejameda Jesús.

³⁸ Caivu ūi bueimarare arídurejameda cojedeca:

—Coreni, Jümenijicque borotejará muja, abujuvai jabocu mýjare jujovarí, ámeina tede dabequiyepo aivu. Maje úme ue parurō mariduivu. Ubenita maje baju daiye bajure parubevu muja, arídurejameda náre Jesús.

³⁹ Cojedeca Jümenijicque borotecunurejameda Jesús. Ūi Jümenijicque boroteiyepo báquepedeca bedióva borotecunurejameda ū. ⁴⁰ Ūi bueimara yebai copainuri, náre cäivure earejameda Jesús cojedeca. Ámei vno ijidejavuya náre. Aru ūre ju aiye majibedejaimada na. ⁴¹ Bedióva Jümenijicque borotecunuri, yóbecue borotecuñu. Boroteni bhojarí, ne yebai copainuri, arejamedá náre:

—¿Cáivurú muja cäreja? Jede, quénoram. Iora jave eavu. Ijárvai dayu bácu, Jümenijicu daroimú mácu ūmupe, ámeina teivure ne jení jínajimamu yu. ⁴² Nacajajara muja. Copu nñurajarevu. Yure ji mauvare jení jícu yu daibi, arejamedá Jesús.

Jesúre jení ne nñvaino

(Mt 26.47-56; Lc 19.47; 21.37;
22.47-53; Jn 18.2-11)

⁴³ Jesús ūi boroteiyedecata earejameda Judas, nácacu, doce paivucacu. Obedivu pöeva ūque earí, boaicarovea aru boaidua dururí earejaimada, sacerdotevare jaboteipöeva, aru Jümenijicu yávaiye báquede bueipöeva, aru judíova bñchava máre ne daroimara. ⁴⁴ Judas, ñai Jesúre jení jícu yu, ūi eaquiye jipocamia, javeta Jesúre boarí jaruvaiyurivure

coyurejamedá yópe: “Ji jacoyurí jiva nuimá macuyáme muge jénajimá. Úre jéjara. Úre jéni, ména úre jári capurí nüvajara muga”, arejamedá náre Judas.

⁴⁵ Jesús yebai nuri, cüná Judas úre earí, arejameda:

—Aru, bueipöecu, arejameda Jesúre Judas.

Que arí, úre jiva nuri jacoyurejamedá. ⁴⁶ Que teni ina pöeva úre jénajaimada na. ⁴⁷ Nópe teiyede jári, cünácu Jesúi bueimaracacu üi boaicarovede tatorí, duarí, íni, sacerdotevare jaboteipöecu yebacacure juijórí najuárejamedá üi cámucare.

⁴⁸ Úre jénaeaivure arejameda Jesús: —¿Tatorí ñavaipöecure jéivupe yure boaicaroveaque aru boaiduaque jéni jacobetavurí muga? ⁴⁹ Járavua coapa muge jéneboi Jümenijicui cürami bueyu batecácu yu. Apurí mugaque cucusre, yure jéni jacobeteavurí muga. Ubenita yópe Jümenijicui toivaicójeiye báquedeca, caiye iye vaivu, náre arejameda Jesús.

⁵⁰ Que tedurata üi bueimara úre jocarí, dupini nurejaimada na.

⁵¹ Cünácu bojyo, nore cucusre, Jesús yóboi nuri, dorejameda quénora cünácaje doicaje meacajede, lino ámicurícajede. Jesúre jéivu bácvu jénidurejaimada nái bojuyore máre, üi doicajede jéni. ⁵² Ubenita dajocayu dicajede ne puruá, cíyarí, dupini nurejameda cuitótecaje cùbecuva.

Jesúre ne nüvaino judíovai jabova cójijivu yebai

(Mt 26.57-68; Lc 22.54-55,
63-71; Jn 2.19; 18.12-14, 19-24)

⁵³ Jesúre nüvarejaimada sacerdotevare jaboteipöecu yebai na, úre jéivu bácvu. Nore ina sacerdotevare jaboteipöeva, aru ina judíova bucusre, aru ina Jümenijicui yávaiye báquede bueipöeva máre ne baju cójijini

borotenanurejaimada ne jabova baju ne cójijiñami. ⁵⁴ Aru Pedro joajienata Jesús yóboi nure nuri mácu, sacerdotevare jaboteipöecu tábui ecorejameda ü. Nore ecorí, Jümenijicui cüramine coreipöeva que toaboi chocarí dobarejameda ü.

⁵⁵ Na sacerdotevare jaboteipöeva aru caivu ne cójijinocavu Jesúre ámecororájivure vorídurejaimada, úre boarí jaruvaiyurivu. Ubenita eabedejaimada na. ⁵⁶ Obedivu Jesúre borocurí ámecororídurejaimada. Ubenita cünátaru boro coyubedejaimada na. ⁵⁷ Apevu ne jéneboi curivu nacajari, nuri, borocurí ámecororejaimada Jesúre, yópe arí:

⁵⁸ —Úi yópe arí coyuyede jápiacará nija: “Inami Jümenijicui cürami, pöevai daiñamine, jaruvacuyumu yu. Yóbecuríjáravua ji jaruvavariburu yóboi, apedámi dacuyumu yu. Ubenita ji puruáque dabecebu yu”, áme Jesús, arejaimada na.

⁵⁹ Ubenita yópe ne ámecororíduiyedeca cünátaru abedejaimada na. ⁶⁰ Dinumure nái sacerdotevare jaboteipöecu nacajari ne coricai nuri, arejameda Jesúre:

—¿Coyurí majibecurí mua? ¿Ne nópe ámecoroyede, aipe ayurí mua? arejameda Jesúre.

⁶¹ Ubenita Jesúcapúravu bi arejameda. Dinumurí bedióva cojedeca arejameda Jesúre sacerdotevare jaboteipöecu:

—¿Mu Cristo ámecurí mua? ¿Jümenijicui meachui máchrí mua? arejameda ü.

⁶² Aru Jesús arejameda úre:

—Quédeca mi aimutamu yu. Jümenijicui daroimá mácure ümure, yure, járajaramu muga, Jümenijicui paruchui meapúravui dobacure. Aru ji ocopeniboai jódari émeiyede máre járajaramu muga, arejameda náre Jesús.

⁶³ Que ayure, ñai sacerdotevare jaboteipöecu jorojini, üi doiyede tatorí, jaðevarí, arejameda:

—Apevu ne coyuhiye jaubevu. ⁶⁴ Javeta muja jápiadavu. Jümenijicu ubebi ñai nöpe yávayure. ¿Aipe adararu muja? arejameda ü.

—Boarí jaruvaimu macuyáme ü, arejaimada na caivu, üre boarí jaruvaicójeivu.

⁶⁵ Que arí, üra jécututurejaimada na. Aru üi jivare moari, üre pëvavarejaimada na. Aru arejaimada:

—Coyuhiacu mu. ¿Name matedí mure pëvañ? üre pëvavaivu arejaimada na.

Ina Jümenijicu cüramine coreipöeva máre üre totarejaimada na.

“Jesúre yu coreóvabevu” arí, Pedro üi coyuino

(Mt 26.69-75; Lc 22.56-62; Jn 18.15-18, 25-29)

⁶⁶ Pedro üi chedeca tāibui, sacerdotevare jaboteipöecu yebacaromivacaco cünáco nore earejacoda ñ. ⁶⁷ Ü cùocayure jári, üre me cocorejacoda ñ. Aru arejacoda:

—Mu máre ñai Jesúre Nazarecacuque cátetu mu, arejacoda üre.

⁶⁸ Übenita Pedrocápüravu arejameda õre:

—¡Nácacu ámevu! Jesúre yu coreóvabevu. ¿Aipe arí, mu que adorü? arejameda.

Que arí, tāibui etarí, jedevai numentevei nurejameda Pedro. Dinumu cayu órejarejameda. ⁶⁹ Aru bedióva cojedeca üre jári, arejacoda ico yebacaco náre, nore cùrivure coyuho:

—Ñai nácacube ü, arejacoda.

⁷⁰ Aru Pedrocápüravu arejameda cojedeca:

—¡Nácacu ámevu! Jesúre yu coreóvabevu, arejameda.

No yójboi ina nore cùrivu Pedrone jári, cocorí, arejaimada üre cojedeca:

—Mu máre nácacubu mu. Galilea-cacutamu mu, arejaimada na.

⁷¹ Dinumuma jáve ayupe, náre pare baju arí coyuarejameda Pedro:

—¡Jáveneca Jümenijicu jáinoi yu mujare coyuhiytamu! ¡Jáve ji coyubedu, Jümenijicu ámedajacurí yure! Muje aimure ye majibecutamu yu. Jesúre yu coreóvabevu, arejameda.

⁷² Üi que aiye bajure, bedióva cojedeca órejarejameda cayu. Üi órejaiyede, Pedro árurejameda Jesúre üi coyuhiye báquede: “Cayu üi pøque órejaquie jipocai, yóbecue baju, ‘Jesúre yu coreóvabevu’, acuyumu mu”, arí coyuhiye báquede árurejameda. Aru árhucu, cùiná orejameda ü.

Jesúre ne nüvaino Pilato yebai

(Mt 27.1-2, 11-14; Lc 23.1-5; Jn 18.28-38)

15 Aviá üi tucumaiyede ina sacerdotevare jaboteipöeva, judíova bucuvaque, Jümenijicu yávaiye báquede bueipöevaque, aru caivu ne cójijinocavu diede boroteni cójijidejaimada na. Boroteni bujarí, Jesúre buarí, nüvari jabocu üi ámiá Pilato yebai jacobanurejaimada na. ² Ne nüvaiyede üre, Pilato arejameda Jesúre:

—¿Muru judíovai jabocu? arejameda.

Jesúcapüravu arejameda:

—Quédeca, mi aimurecabu yu, arejameda.

³ Dinumuma Jesúre caijíe ámene ámecororejaimada na. ⁴ Aru Pilatocápüravu arejameda Jesúre:

—¿Copu náre ju abecurü mu? ¿Jápi-abecurü caijíe ne ámecoroiyede mure? arejameda.

⁵ Übenita ye yávabedejameda Jesú. Üi yávabe boje, urarõ dápiarejameda Pilato.

Põeva ne boarí jaruvaicōjeino Jesúre

(Mt 27.15-31; Lc 23.13-25; Jn 18.38-19.16)

⁶No torojuve teinumure Pilato capūravu jacoimu máchure põeva ne etavaicōjeimure etavavarejamedá.

⁷Roma āmicurō jaboteinore boainumure, põevare boarí jaruvaivu bácavu jacoimara marejáimada. Nácacu cūinácu Barrabás āmicurejamedá.
⁸Obedivu põeva Pilato yebai muri nuri, jēniari járanurejaimada Pilatore:

—Mi dāri cōmajiyepo dācjacu caride, arejaimada na.

⁹Ne jēniari jáiyede arejamedá náre Pilato:

—¿Dinumu mūje jabocure jaetovaji yu? arídurejamedá.

¹⁰Ina sacerdotevare jaboteipõeva Jesúre ne jorojíyede majini, obedivu põeva ne ue boje ūre, nópe náre jēniari járejamedá Pilato. ¹¹Ubenita ina põevare majicarī, aicōjenejaimada sacerdotevare jaboteipõeva yópe:

—“Barrabáre jaetovajacu mu”, arī coyuñjarā mūja Pilatore, arejaimada sacerdotevare jaboteipõeva.

Que baru ina põeva náre ju arī, que arejaimada Pilatore. ¹²Ne que coyuñburu yóboi, arejamedá náre Pilato:

—¿Dinumu ñai judíovai jabocu, mūje aimure, aipe dāji yu? arejamedá.

¹³—Ūre jocuñjaravena pēvari, boarí jaruvaicōjejacu mu! codoboborī arejaimada.

¹⁴—Yéde āmeina tearī ñai? jēniari járejamedá náre Pilato.

Ubenita pueno baju codoboborī arejaimada na:

—Ūre jocuñjaravena pēvari, boarí jaruvaicōjejacu mu! arī codoboborejaimada na.

¹⁵Que teiyede Barrabáre jaetovarejamedá Pilato, náre ne uropē dāiyacu.

Aru Jesúre jara popeicōjenejamedá. No yóboi churaravare Jesúre jocuñjaravena pēvaicōjenejamedá ū, Pilato.

¹⁶Que teni ina churarava Jesúre ñi, nuvari jabocu cūrami, ūre ecovarejaimada diñami tāibai. Nore ecovarī, cójijicōjenejaimada caivu apevu churaravare. ¹⁷Jesúre puenocacaje, jabocu doicajepe paicaje ñemijuñaricajede doarejaimada na. Doarī bhojarī, miumua cāteni, cainitarabure dārī, ūi jipoburā ditarabure tuorejaimada na. ¹⁸Que dārī ūre jacoyurejaimada na:

—Ména cūjacu mu, judíovai jabocu, arejaimada churarava Jesúre, ubenita ūre yurivu.

¹⁹Ūre jipoburā jocuñyoque jādori, ūra jēcututuri, ūre jabocure jacoyuñvape ñuaturī tedejaimada na coapa. ²⁰Ūre yurini bhojarī, ūre ne doicaje ñemijuñaricaje bácarōre, no jabocu doicajepe paicajede ñi, duarī, ūi doicaje bácarōre bedióva ūre doarejaimada cojedeca. Que teni bhojarī, ūre nuvari, jocuñjaravena ūre pēvari jēoranurejaimada na, churarava.

Jesúre ne pēvari yuyaino jocuñjaravena

(Mt 27.32-44; Mr 14.58; Lc 23.26-43;
Jn 2.19; 19.17-27; Ro 16.13)

²¹Jesús jocuñjaravede ture nuñu maridurejamedá. Aru cuyu bách ñamaroi earejamedá Simón, Cirene āmicurīmarocacu. Alejandro aru Rufo népacu barejámedá ū, Simón. Nore vaiyūre, ūre Jesús ūi jocuñjaravede tuino mácarōre tuicōjenejaimada na, churarava.

²²Ina churarava nuñarejaimada Jesúre cūracu Gólgota āmicuricu, Pōe jipobucu aiyurōmu. ²³Noi ūcuiye upiáteiye báque cūrijororū cūrevayu, vino úyaicoro mirra āmiche jocuñcuidóque. Die ūcuiyede jínidurejaimada Jesúre, ūre ijibequiyepo aivu. Ubenita

ñ ūcuri jári, uthesu, ūcumenejamedá.
²⁴ Que teni ñre jocucujaravena pëvari jëorejaimada. Aru ne yajuiyede cainijiduare dûvarejaimada. Diduá etaiyede jári, majidejaimada ácu nácacu íchuyre Jesús ñi doiyé báque coapa. Que teni yajurí, coavarí Jesús ñi doiyé báquede, ñejaimada ñre pëvaiu bácacu.

²⁵ Javejina nueve baji, pëvari jëorejaimada ñre. ²⁶ Jocucujaravena, ñi jipobu pheñoi, toivaino jënejavüya, apevú ne majinajiyepé aino Jesúre boarí jaravaivu ne dápiainore, “¿Aipe teni ñre boarí jaravaráma na?” ne aino. Yópe aiyurejavüya no toivaino: “Judíovai jabocube”. ²⁷ Úque máre pëvari jëorejaimada pucará tatorí ñavaipöevare, ape pucarãoa jocucujaravearã. Cüinácu Jesús ñi meapúravni aru apecu ñi cäcopúravni currejaimada. ²⁸ Que teni ñarejaimada ina yópe Jümenijicu ñi toivaicöjeive báquepedeca ñi yávaiyede: “Pöeva ñre ñarajarama yópe ne daiyepé ãmeina teivüre”, toivaicöjenejaquemavu.

²⁹⁻³⁰ Ina vainánuraivu jári, ne jipobuare cüjiovári, ãmeina yávarejaimada ñre, yópe arí:

—Mu, Jümenijicu cüramine jaruvaiyuvacacu aru yóbecuriyárvanu yóboi diñamine meadaiyuvacacu, caride jocucujaravede dajocarí, émeni, mi bajure meadajacu mu, arejaimada Jesúre ina vainánuraivu.

³¹ Nopedeca ina sacerdotevare jaboteipöeva aru Jümenijicu yávaiye báquede bueipöevaque máre, ne baju yurivu Jesúre, yópe arejaimada:

—Apevare meadavacacuvaci, ubenita ñi bajure meadarí majibebi ñi. ³² Cristo, Israecavu ne jabocu, jocucujaravede dajocarí, émeni, dajacurí ñi. Que ñaru, maja ju arajaramu ñre, arejaimada na.

Aru ina pucará pëvaimara mácacu máre ñque, nopedeca ãmeina yávarejaimada ñre.

Jesús ñi yaino

(Mt 27.45-56; Lc 8.2-3; 23.44-49; Jn 19.28-30; He 10.20)

³³ Järvavu corica baji ñemié turí darejavüya caino joborõi. Pü yóbecuriora yóboita vaidéjavüya. ³⁴ Aru yóbecuriora bajita, iye ñemié tuiyede dajocaiyede, pare bujié codoboborí, yávarí darorejamedá Jesús:

—Eloi, Eloi, ¿lama sabactani?

Nópe aino: “Mu, ji meareore jímu, mu, Jümenijicu, ¿aipe teni yure dajocarí nuñhuru mu?” aiyuró marejávüya.

³⁵ Que ayure, apevú nore nûrivu cavu ñre jápiarí, ubenita jápiarí eabení, arejaimada:

—Jápiararã. Elíare órejaibi ñi, arejaimada na.

³⁶ Dinumure cüinácu nácacu cíyarí, jaubore ñi, uyaovarejamedá vino úyacoro upiáricoroque aru dijaáubore abodorá buorí, jëori, jarururejamedá Jesús ñi ñucuquiyepé ayu. Aru arejamedá:

—Corejarã. Járajarevu Elías jöðavacudayure ñre, arejamedá ñi.

³⁷⁻³⁸ Cojedeca Jesús pare bujié codoboborí, “Quénoram” arí, yaidéjamedá ñi. Ñi yaiyeda, Jümenijicu cüramicacaje uracaje coricöpavaicaje bácaro quédá corica baji jadeni nurejavüya, pheñocaturuvai bári pü cächinocaturuvaita. ³⁹ Nore Jesús báçure cocorí núcua barejámedá churaravai jabocu. Jesús yaiyare jári, arejamedá ñai:

—Jáveneca Jümenijicu mácu bajubatecúbe ñai, arejamedá churaravai jabocu.

⁴⁰ Nomiva máre cocorí nûrivu joajíemia currejaimada. Ne jëneboi currejaimada cüináco nomiò, Magdala

āmicuriūmarocaco, òi āmiá María, aru apeco òi āmiá Salomé, aru apeco òi āmiá María máre, ico Santiago aru José népaco. Nai Santiago bojuyó barejámeda. Apecu Santiago buechue ñui cächinocacu barejámeda ù, Maríai mácu. ⁴¹ Na Jesúis ñui cuede Galilea āmicuröi cadateivu barejáimada ûre. Aru apevu nomiva, ina eaivu bácavu úque Jerusalén āmicuriūmaroi, cürejaimada nore.

Jesús bácu jaruvaimu ne põe jaruvainoi

(Mt 27.57-61; Lc 23.50-56; Jn 19.38-42)

⁴² Dijáravu, nainú, torojuve teijáravu baquinóre meadaijáravu barejávuya. Sábado baquinó jipocacajáravu barejávuya. ⁴³ Pilato yebai nurejamedá José, Arimatea āmicuriūmarocacu. Sacerdotevi cojijinore coyñipróvacacu barejámeda ù. Ne puedaimu marejámeda José. Ú máre Jümenijicu jabotequinumu maquinóre napini coreyu barejámeda. Jidurō cubeno, paruriúme curí, Pilato yebai nuri, Jesúis báchi baju bácaröre jéniacunurejamedá ù. José ñui jénaiyede, Pilato cuturejamedá churaravai jabocure. Aru jénari járejamedá ûre:

⁴⁴ —Jave yaidíca ù? ¿Aipiye bajure yaidí? arejameda.

⁴⁵ Aru churaravai jabocu ju arejameda:

—Jave yaibí ù mácu, arejameda.

Aru aiyeta, Jesúis báchi baju bácaröre ícōjenejamedá Pilato, Joséde ícōjeñu.

⁴⁶ Meacaje boricaje, lino āmicuricajede bojedari, Jesúis bácre jocuchuaravede jódavari, ñi, dicajeque, ù mácre cü-mari buorejaimada Joséjá. Ú mácre nüvari cüracobei, Jesúis bácre jaruvarejaimada na. Nore ne jaruváriburu yóboi, apeturava cüraturavare ñi, játuruvari, dicobede biedejaimada. ⁴⁷ Aru Jesúis bácre jaruvainore járejaimada

na, María Magdalacaco aru María, Joséi paco máre.

Jesús ñui nacajaino yainore jaruvári

(Mt 26.32; 28.1-10; Mr 14.28; Lc 24.1-12; Jn 20.1-10)

16 No judíovai jabuovajárávua sábado, nainú vaiyede, María Magdalacaco, aru Salomé, aru Santiago paco mumijuribure ñi bojedarejaimada na. Jesúis bácre ne jaruvainoi nuri, die mumijueque ù máchi baju bácaröre yuaranuivu barejáimada na. ² No sumana buejáravu domingo javejínara, aviá ñui tucumuyede, Jesúis bácre ne jaruvainoi nurejaimada ina nomiva.

³ Ne bajumia borotede nurejaimada, yópe arí:

—¿Name majare cüracobe bieitúravare játuruvari, cadatenajidica na? arejaimada dinomiva.

⁴ Ne eaiyede nore, dicobe biebecobede járejaimada na. Ditúrava bieitúrava bácarö uratúrava baju barejávuya. Übenita joajeneca ditúravare jári earejaimada na. ⁵ Dicobede ecoivu nore meapúravui dobacure, bojuyore járejaimada ina nomiva. Boricajede, ümujuricajede doyu barejámeda ù. Aru dinomiva cuecumarejaimada na.

⁶ Náre arejameda:

—Jidubeará muja. Jesúis Nazarecacure, ne jocuchuaravena pëvaimu mácre, voríduivabu muja. Yore cubebi ù. Javeta nacajami. Járijide apa. Úi bajure ne jaruvaino mácaröre jájara muja. ⁷ Pedrore aru Jesúi bueimara mácavu apevure yópe coyuránujara muja: “Muje jipocai Galileai nucuyume Jesúis. Nore mujae ñui ávarepe úre járajaramu muja”, ajará, arejameda náre.

⁸ Aru dicobede etarí, cuyarí nurejaimada ina nomiva. Jidurí bididejaimada na. Nuri, ne copuimarare ye abedejaimada dinomiva, cuecumaiju.

**Jesús ūi c̄eteino
María Magdalacacore
(Jn 20.11-18)**

⁹ Jesús nacajañu mácu yainore jarūvarī, sumana b̄uijāravu domingo javejīnara, c̄etedejamedá mamarumure María Magdalacacore, ico ūi jarūvaimo máco siete paivu abujuvare. ¹⁰ Ó nuri, majide darejacoda ina úque curivu bácvure, chīori oivure. ¹¹ Aru na jápiaivu nacajañure yainore jarūvarī, aru ñi jáino mácarōre máre jápiari, “Jáve majuvá”, abedejaimada na.

**Jesús ūi c̄eteino
pucarā ūi bueimarare
(Lc 24.13-35)**

¹² No yóboi c̄etedejamedá apecupeda ina pucarā ūi bueimaracavure ne nuyiede mái ñimarore jocari. ¹³ Na nuri coyuridurejaimada nácvure. Úbenita ju abedejaimada náre máre.

**Jesús ūi coyūicōjeino
ūi yávaiye méne
(Mt 28.16-20; Lc 24.36-49;
Jn 20.19-23; Hch 1.8)**

¹⁴ Yóbo baji Jesús c̄etedejamedá caivu once paivu ūi bueimarare ne dobaede tuoiva yebai. Ju abevu barejaimada ina jáivu bácvu Jesúre, nacajañu mácu yainore

jarūvarī, ne coyuyede ūra. Que baru jararejamedá ne ju abenore aru ne jápiari coreóvabede máre. ¹⁵ Arejamedá náre:

—Buenanūjara caivu ijāravucavure iye yávaiye méne. ¹⁶ Nácvu ne ju arī jádovaru Jūmenijicure ocoque meadacuyumu yu. Úbenita nácvu ju abevu baru b̄ijarājarama na. ¹⁷ Ina yure ju aivu pöeva ne darī majibede darājarama. Ji ñamiái, ji paruqué, jaetovarājarama abujuvare. Yávarājarama apecamuá yávaicamuare ne majibecamuare. ¹⁸ Dürurājarama ädavare. Ne ücuiyede ijede ye ñamedabequiyebu náre. Ijimarare tuoräjarama, aru meatenajarama na, arejamedá Jesús.

**Jesús ūi m̄aino cavarō
mearo Jūmenijicui c̄urōi
(Lc 24.50-53; Hch 1.9-11)**

¹⁹ Jesús yávayu bácu náre, muri nurejaquemavu ijāravure jocari. Nurejaquemavu cavarō mearo Jūmenijicui c̄urōi. Dobarejaquemavu Jūmenijicui meapūravhi. ²⁰ Aru ūi bueimara mácvu coyurāñurejaimada iye yávaiye méne pöevare cainoai. Que baru cainumua Jesús cadatedejamedá ūi pöevare, ne coyurājiyepe ayu Jūmenijicui yávaiyede pöeva ne darī majibede daiyeque. Quénoram.

San Lucas

Mamabuínore coyhiyebu Lucas bácu ūi toivaiye báquede Jesucristorā. Lucas bácu jhoipōecu barejaquemavu. Apevu bueipōeva ne dápiaru, ūi mácu judío āmenejaquemavu (Col 4:11-14). Cucunurejaquemavu Pablo bácuque (Hch 16:10). Áro ūi chede ūi toivaiyede iye coyhiyede Jesucristorā caiu majibevu. Apevu ne dápiaru Roma āmicuriímaroi, apevu ne dápiaru Cesarea āmicuriímaroi, aru apevu ne dápiaru Acaya āmicurijoborōi currejaquemavu. Majidivu ne dápiaiyede Lucas bácu toivarejaquemavu Marcos bácu ūi toivaríburo yóboi ūi coyhiyede Jesucristorā, āniyua báquede 60-65 d.C. baji. Que baru Lucas bácu Jesúque cubecu bácvacari, majidejaquemavu Jesú borore, ūi jári boroteiye báque boje Marcos bácu ūi toivaiye báquede.

Lucas bácu jádovarejaquemavu Jesúre, Jūmenijichu bajureca, yópe pōecupe. Coyurejaquemavu Jesú ūi jipocacavu bácvare pu Adán mácuta, aru Juan Bautista bácu ūi pōeteiyede, aru Jesú ūi pōeteiyede, aru Jesú juedochre. Coyurejaquemavu jénaiyede Jūmenijichue (3:2; 5:16; 6:12; 9:18, 29; 11:5-13; 18:1-8; 22:32; 23:40), nomivare (Juan Bautista báchi paco bácore aru Jesú paco bácore: 2:36; 7:11, 37; 8:2; 10:38-42; 13:11; 15:8; 18:1; 21:1; 23:27), aru apevu cōmajé arojarivure, inape juedovare, cüve cüvabevure, aru jabovare tāutura ícaipōevare. Lucas bácu toivarejaquemavu Jesú ūi daiyede, mamabuinoque bári pu buojainoque jebeni, cüináro, cüináro coapa. Toivarejaquemavu nai ūm Teófilo bácre aru apevu judíova āmevure, ne majinajiyepo ayu “jáveneca iye coyhiye” ne jápiaiyede Jesúrā (1:4).

Que baru toivarejaquemavu, ne majinajiyepo ayu Jesú caivu pōevare meadaipōecure, judíovare aru judíova āmevure máre.

Mamabuino

(Hch 1.1)

1 Mu, Teófilo, obedivu pōeva toivarí báquemavu caiye iye Jesúi daiye báquede maje jēneboi coyhinore.² Yópe ina mamarumure jáiuvu bácvu caiye Jesúi daiye báquede aru Jūmenijichui yávaiyede ūi toivaicōjeiye báquede coyhiuvu bácvu majare toivarejaquemavu. Návacari ūque currejaquemavu ūi mamabuijáravui pu ūi jebiejáravuita.³ Aru yu máre jāve jāri coreóvacu joe báque caiye iye daiye báquede. Que baru dápiavu yu yópe, “Ji toivaru coyhinore iye teiye báquepe Teófilo, meajebu ūre”, arí dápiavu yu.⁴ Que baru toivaivu mure, mi majiquiyepo ayu jáveneca iye coyhiye mi jápiaiyede báquede.

Juan Bautista ūi pōetequinore cüinácu ángelo ūi coyhiño

⁵ Ánijáravu báquei Herodes bácu Judea āmicurijoborócvu ne jabocu baede, currejamedá cüinácu sacerdote, ūi ámiá Zacarías. Abías āmicurijayubocu barejámeda ūi. Jímarepacu máre Aarón āmicucu bácu sacerdote báchi pārameco barejácoda, ūi ámiá Isabel.⁶ Ina pucarā meara marejáimada Jūmenijichui jáinore. Aru darejaimada iye Jūmenijichui daicōjeiyede ūi coyhiye báquede Moisés bácre.⁷ Ubenita Isabel juedoeabedejacoda. Aru ina pucarā bácvina marejáimada. Que baru juedocuvabedejaimada na.

⁸ Cüinájáravu Zacaríai yajubo, sacerdotevacavui yajubo, ne memeijáravu Jūmenijichui cürami jívui barejávuya.⁹ Aru Zacaríare ne beoiye boje, ūi juacunuino marejávuya. Que baru sac-

erdoteva ne ñarí cõmajiypededeca ñaiye jaurejavuya ūre. Mumijude juacuecore-jamedá ū Jümenijicui cûrami. ¹⁰ Que teni obedivu põeva jêniarejaimada Jü-menijicure ūi cûrami jedevacobei diora, mumijude juaiorai. ¹¹ Zácarías mumijude juayu bácu, ūre cuetedejamedá cûinácu ángele, Jümenijicui daroimu, núcú meapûravhi ne juaino yebai. ¹² Aru ūre jári, cuecumarejamedá Zácarías. Jiducu barejámedá ū. ¹³ Úbenita ñai án-gele arejamedá ūre:

—Mu, Zácarías, jidubejacu mu. Jü-menijicu jâpiaibi mi jéniaiye báquede. Aru caride Jümenijicu cadatecuyume mure. Mimarepaco juedocuvacodome. Aru Juan ámidojachu mu ū macuyáre. ¹⁴ Torojuscuyamu mu mímacu bacuyáre boje. Aru obedivu põeva torojurájarama ūi pôeteiyede. ¹⁵ Mímacu bacuyú parucu bacuyáme Jümenijicui jâinore. Jümenijicui Espíritu Santo ūque cuscuyáme jípa-coi yapiþu jívumiareca. Que baru vino úyaicoro boqueicorore úcumecuyume ū. Aru apecoro boqueicorore máre úcumecuyume ū. ¹⁶ Ñai mímacu bacuyá obedivu põeva Israel báci pâramena márajivure, ūi coyuquiyede náre Jü-menijicui yávaiye méne, chiore ñarí ju arâjarama ne jabocu Jümenijicure. ¹⁷ Jü-menijicu nópe ñare dacuyume mímacu bacuyáre. Aru jipocatede dacuyume mímacu bacuyáre maje jabocure ūi Espírituque, ūi paruqué. Nopedeca Jü-menijicu parure darejaquemavu ūi yávaiyede coyucaipõescu bácre máre, ūi ámiá Elías, ūi Espírituque, ina bûcuvu ne ju arí jipocatenajiyepo ayu némarare ne cáríjimene ñarâjiyepo ayu náque, aru ina ju abevu ne dâpiarâjiyepo ayu ju aivu ne majiépedeca. Caiye iye dacuyume mímacu bacuyá põevare meadarí, ne jacopurâjiyepo ayu maje jabocure, Jü-menijicui daroquimure, arejamedá ñai ángele Zácaríare.

¹⁸ Ñai ángele ūi aríburu yóboi, Zácarías jêniari jârejamedá ūre:

—¿Aipe ñarí coreóvaji yu jímarepaco juedocuvacodore? Bûcucubu yu. Aru jímarepaco máre bûcucobe ū, arejamedá Zácarías.

¹⁹ Aru ñai ángele arejamedá ūre:

—Yábu Gabriel. Yu núcubu cainumua Jümenijicu yebai, memecayu ūre. Jü-menijicu daroimumu yu. Mure coyucus-dayubu yu iye yávaiye méne. ²⁰ Úbenita caride yávarí majibecubu mu. Aru yáv-abecuyumu mu mímacu bacuyá ūi pôeteiyeta, mi ju abe boje ji coyuhiyede. Caiye vaiquiyebu yópe ji coyuhiyepo mure cari, arejamedá ñai ángele.

²¹ Aru ina nôpe coyuvu, caivu ina obedivu põeva Zácaríai etaiyede coredejaimada na. Ùrarô coreni ūre, pare dâpiarejaimada, “¿Aipe teni Zácarías etabedi Jümenijicui cûramine jocarí?” aivu. ²² Bûojarí, etarejamedá Zácarías Jümenijicui cûramine jocarí. Etayu bácu, yávarí majibedejamedá náre. Que baru ina põeva coreóvarejaimada Zácarías jâñu mácre yópe decoboainope ariñure diñami Jümenijicui cûrami jívui. Zácaríacapûravu yaredejamedá ūi puruque náre. Úbenita yávarí majibecu mautedejamedá ū.

²³ No yóboi, apejárvu ūi yajubo, sacerdotevacavu yajubo, ne Jümenijicui cûrami memejâravu yóboi, Zácarías copainarejamedá ūi cûrami. ²⁴ Aru dijâravu yóboi jímarepaco juedoearejacoda ū. Que teni cûinápurupe paivavare mautedejacoda ū cûrami jívui. Aru arejacoda:

²⁵ —Yopedeca dacaque mavu Jümenijicu yure. Cõmaje ãroje jári yure, ïame ji cuyeno mácarõre. Aru dacaiabi yure põeva ne cõenímenajiyepo ayu, arejacoda ū, Isabel.

**Jesús ūi pōetequinore
cūinácu ángele ūi coyuhino
(Mt 1.18, 21)**

²⁶ Isabel ōi seis paiaaviava micaco bae-data, dinhamita bedióva cojedeca ñai ángele Gabriede darorejamedá Jūmenijicu, Galilea ãamicurōi, Nazaret ãamicuríi-maroi. ²⁷ Díimaroi cūináco nomiō cure-jacoda, María ãamicuco. Ó marejácoda David bácu pāramecu Joséi márepaco bacodó. Ó ye cübedejacoda ûmûque cäreja. Ōi yebai darorejamedá Jūmenijicu ñai ángelede. ²⁸ Ōi yebai earī, yópe arejameda Maríare ñai ángele:

—¿Me cucusu mū? Mu Jūmenijicu beoimomu. Múque cubi Jūmenijicu, arejameda Maríare.

²⁹ Ubenita ñai ángele ūi nópe aiyede cuecumari, “¿Aipe ayu bárica ū yure?” arí dâpiarejacoda. ³⁰ Aru ñai ángele arejameda óre:

—Ji coyuiyede jidubejaco mū, María. Jūmenijicu mure jecubi. ³¹ Micateñi, juedocuvacodomu mū. Mi juedocuvacojimū Jesús ãmicusuyame ū macuyá. ³² Jabocu paruchu bacuyáme mímacu bacuyá. Aru pöeva arâjarama ūi borore, “Jūmenijicu paruchu mácu ū”. Úi ñecu mácu, David báçupe, jabotede dacuyume Jūmenijicu mímacu bacuyáre. ³³ Israel báchi pâramena ne jabocu bacuyáme. Mímacu bacuyá ūi jaboteiye ye cüiméquiyebu, arejameda Maríare.

³⁴ Maríacapûravu arejacoda ūre:

—¿Aipe ayurū mū, nópe ayu? Yu ye ûmûque cübecotamu yu, arejacoda ó.

³⁵ Nai ángelecapûravu arejameda óre:

—Mure dacuyume Jūmenijicu Espíritu Santo. Aru Jūmenijicu caivu pueno paruchu ūi paruhé cüquiyebu máque. Que baru mi juedocuvacojimū meacu baju bacuyáme ū. Jūmenijicu mácu bacuyáme ū. ³⁶ Aru miparímo Isabel, buchcovacari, micacobe ó märe.

Caride “juedoeabeco”, ne aimo máco javeta seis paiaaviava micacotamedá. ³⁷ Jūmenijicu caiyede daiye majibi. Que baru ye cübevu ūi dabeno, arejameda Maríare ñai ángele.

³⁸ Aru arejacoda Maríacapûravu:

—Jūmenijicu yebacacotamu yu. Mi aiyepo bajaróri yure, arejacoda ó.

Coyurí buojarí, nurejameda ñai ángele óre jocarí.

María õi jáconuino Isabede

³⁹ Dijäravuai María nurejacula maumejie cūináimaroi, cûracuái, Judea ãamicurijoborōi. ⁴⁰ Ímaroi earī, Zácaríai cûrami ecorejacoda ó. Aru ecorí jacoyurejacula Isabede. ⁴¹ Ói jâpiaiyede Maríai jacoyuiyede, ói mácu cûjidejameda ói yapibui. Aru Espíritu Santo dâpiaicôjenejameda Isabede. ⁴² Que baru Isabel, yópe arí, codoboborejacoda Maríare:

—Jūmenijicu mure me jâri, mearo dacaquevam u mure caivu nomiva pueno! Jūmenijicu me jâri, mearo dacachuyame mímacu bacuyáre märe pueno baju! ⁴³ Cuecumari dâpiaivu yu ji jabocu paco ji yebai ói cucodaiyede. ⁴⁴ Ji jâpiaiyede mi jacoyuiyede, jímacu torojuçu cûjibi ji yapibui. ⁴⁵ Mu ju arebu ángele ūi coyuiye báquede mure. Mu dâpiarebu Jūmenijicu dacuyure mure ūi aiye báquepedeca. Que baru Jūmenijicu me teyube mure. Torojuvhu mu, arejacoda ó.

⁴⁶ Aru María arejacoda:

Ji úmei coreóavu ji jabocu paruédé.

⁴⁷ Aru ji decochu torojuvhu Jūmenijicu, yure meadaipôecure, boje.

⁴⁸ Jūmenijicu cõmajé ãroje jâque-mavu yure, ūi yebacacore. Que baru caivu ijâravucahu “Jūmenijicu torojure daimome ó”, arâjarama yure. ⁴⁹ Nai paruchu baju dayube yure mearo urarõre. Aru meacu bajube. Caivu apevú pueno meacube

50 Cōmajé ãroje jāñume caivu ina puelaivure ūre, javede aru caride máre. 51 Úi daiyeque jādováñume ūi paruéde. Ina põeva ne baju me dápiaivure, apevú pueno meara dápiaivure, coavayube. 52 Ina jabova parurívure ne paruéde ñume náre jocarí. Aru ina cōmajé ãrojarivure mearo dacayube ū. 53 Ina ãuyaivure yapide dayube me ãiyeque. Aru ina cuve cavarivure jaroyube cuve cavariveva. 54 Cadateyube ūi põevare, maja Israecavure, ūi cōmajé ãroje jári árue boje. 55 Cūinátruru yávarejaquemavu majeñecuva mácavure, Abraham mácure aru ūi pāramenare máre, cainumua, arejacoda María.

56 Cerejacoða Isabeque yóbecurá aviáva. Aru no yóboi copainurejacoda òi cūrami.

Juan Bautista ūi põeteino

57 Dinumuai Isabel juedocuvarejacoda ūmu juedoñicure. 58 Aru òi cadajiecavu, ò jivu máre, ne jämpaiyede òi borore Jūmenijicu cōmajé ãroje jāñure óre, torojurejaimada óque. 59 Ocho pajiárvu põeteniburu yóboi, sacerdoteva òi máchi cajede buraicōjeni judíova ne ñarí cōmajipepe, ñaréarejaimada na. Aru ámidorájivu barídurejaimada ūre Zacarías, jípacupe. 60 Úbenita jípaco arejacoda:

—Bi, Zacarías ámemi. ū amicichuyume Juan, arejacoda ò.

61 Que teni ina põeva arejaimada óre:

—Cubebi apecu mívu jēnebore Juan amicicu, arejaimada na.

62 Aru ina põeva yaredejaimada ne parque jípacure, jeníari jáivu ūre, “¿Yéch amicichuyurū ūre?” 63 Que teni Zacarías jabióvarí jeníarejaimada toivaivede. Aru toivarejaimada yópe: “Juan amicubi ū”. Que baru caivu pare dápiajaimada caiye iyede. 64 Aru cūiná yávarí búri, torojurí, mearore jídejaimada Jūmenijicure

Zacarías. 65 Que baru caivu ina põeva, ūi cadajiecavu, cuecumarejaimada na. Caiye iye borore borotedejaimada caivu caino dijoboroi, Judea ámicurijoborócacuá cūracuá. 66 Aru caivu ina jämpaiivu, me dápiai arejaimada:

—¿Yéch baqidíca ñai juedocu? arejaimada na.

Aru Jūmenijicu cadatedejaquemavu ūre.

Zacarías ūi yávaino Jūmenijicure

67 Dinumure Espíritu Santo dápiaicōjenejamedá Zacaríare. Que baru Jūmenijicu yávaiyede coyurejaimada:

68 Torojivu yu Jūmenijicuque.

Que baru mearore jívu yu maje jabocure, Israecavu maje mearore jímure. Cōmajé ãroje jári ūi põevare, meadaibi majare abujuvai jabochi paruéde jarúvarí.

69 Jūmenijicu daroyube majare cūnácu meadaipõecure, ūi põecu David báchi pāramecure.

70 Javede Jūmenijicu yávaiyede coyucapõeva mácavu, yópe arí, coyurejaimada: “Jūmenijicu darocuyume meadaipõecure, ūi põevare meadaquiyepo ayu”. 71 Majare meadaipõecu meadacuyume majare maucuvaviru ne paruéde jarúvarí. 72 Que dachuyume ūi cōmajé ãroje jáiye báque boje maje jipocacava bácvure aru ūi árumetebé boje “Yópe ñarajarevu”, ūi aino mácarópedeca na mácavure.

73 Jáve dachuyume majare yópe ūi aiye báquepedeca majeñecu mácu Abraham mácure.

74-75 Meadacuyume majare maucuvavirure jarúvarí, maje memecarajiyepo ayu Jūmenijicu jabolteinore jidubevuva maja, mearore dápiai aru mearore ñarí

Jūmenijicui jáiyede cainumua, caride pü maje yainumua, arejamedá Jūmenijicure.

⁷⁶ Aru mamacure máre arejamedá Zácarías:

Mu, jímacu, coreóvarājarama mure Jūmenijicui yávaiyede coyucaipöecure caivu püeno parucure. Que baru mu nüschumu maje jabocu jipocai. Coyucaiyumu Jūmenijicui yávaiye méne pöeva chiori ne ámeina teiyede, ne oatüvaräjiyepo ayu ne daiyede üi daquiyede jipocai. ⁷⁷ Coreóvare dacuyumu mu üi pöevare, ne majinajiyepo ayu meadaquiyede náre. Ürecabe árumetecuyu ne ámeina teiyede. ⁷⁸ Nópe dacuyumu mu Jūmenijicui cömaje ároje jáye boje pöevare ánjäravu, majare meadaipöecu bacuyá üi daquijäravu baquinói. Yópe mamajäravu miadáepe baquiyébu majare. ⁷⁹ Ánjäravu baquinóre yávaiyede jávene majide dacuyume pöevare majare meadaipöecu bacuyá, yópe pëoibe járe daiyede ina ñeminoi dobarivure, ina yainore jidurivure. Yópe máre pëori maje cuiyepo, nopedeca cüre dacuyume majare cärijimoque. Jūmenijicui majide dacuyume caivu ina coreóvabevure üi yávaiyede jávene. Aru caivu majare cüre dacuyume cärijimeváva, arejamedá Zácarías.

⁸⁰ Bucurejamedá Zácaríai mácu. Paruriúme cürejamedá. Aru macaroi, pöecubenoi, cürejamedá, üi coyurí bujäravu baquinó eaiyeta Israel bácu päramenare.

Jesús üi pöeteino

(Mt 1.18-25)

2 Dinumure üi jabodaimarare corevaicójenejamedá

Augusto. ² No mamarumu ne ámiáre toivaicójeinumare Siria ámicurijoborócvare cöjeipöecu barejámedá Cirenio. ³ Que baru caivu corevaimara márajivu ne burchva bácvu ne cue báquei copaidejaimada. ⁴ Aru José máre Galileacaró ímaro, Nazaret ámicuríímaroi cucus bácu, Judea ámicuríímaro, üi ñecu máchi curó mácaroi earejamedá José, David báci páramecu. Que baru nürejamedá José noi. ⁵ Nuri, jímarepacu bacodore nüvarejamedá José. Ne ámiáre toivarí ícöjenanürejaimada na. Aru dinumare micacota barejácoða ò. ⁶ Noi earí, curí, juedocuvarejacoda María, ümu juedojícu, mama juedocure. ⁷ Cuipóeva ne caiñami buidíñami marejávuya. Que baru ne cüjhororó eabení, oteiáimara ne curiñami curí, juedocuvarejacoda María. Juedocuvarí, mamacure pavaicajeaque cümarí, oteiáimara ne äitöcui thorejacoda üre María, üi cäquiyepo ado.

Ángeleva Jesúi pöeteinore ne coyuño ovejavare coreipöevare

⁸ Nore ovejavare coreipöeva cürejaimada dáre ñami, ne oteiáimarare coreivu. ⁹ Cüiná, Jūmenijicui daroimu, ángele, nore émenejamedá üi nára. Cojié nürejavuya. Jūmenijicui cojino pare cojidejavuya. Nára pëorejavuya. Ámei jidurejaimada ina oteiáimarare coreipöeva. ¹⁰ Übenita ñai ángele arejamedá náre:

—Jidubejará muja. Mujaire yávaiye méne davayutamu yu. Mujaire aru caivure muje torojuräjiyede davayubu yu. ¹¹ Cari ñami David báci curíímaro mácaroi pöeteibi muje ámeina téjhoede meadacuyu, Jūmenijicui epeimu, Cristo, muje jabocu bacuyá. Jävetamu.

¹² Mujaire ji coyuñumare noi earajaramu

César

mūja, cūmaimure. Oteiāimara ne
āitōcui paraibi, arejameđa ñai ángele.

¹³ Coyurí bhojarí, obedivá Jümenijicui daroimara, ángeleva, járorejaimadá ñai ángeleque. Jümenijicure torojurí mearore jídejaimadá ina ángeleva.

¹⁴ Mearore jinajarevu Jūmenijichure, cavaro mearocacure, caivu pueno parucure. Aru ijāravucavure, ijoborōcavure, Jūmenijichure ju aivure, meaquivyebu, arejaimada na.

¹⁵ Que arī bhojarī, cavarō mearo Jūmenijicui curōi copaidejaimada ina ángeleva. Ne nūriburu yóboita, ina oteiāimarare coreipöeva arejaimada ne bajumia:

—Járica, Beléi nəri, Jūmenijicui cari
coyhiyede járanhrajarevü, arejaimada
na.

¹⁶ Que arī, cūiná nurejaimada. Nuri
ph Joséde aru Mariare earejaimada na

Aru Maríai máchre máre, parayure,
oteiāimara ne äitöcui earejaimada na.
¹⁷ Que teni juedojicure jári, Jümenijicui coyuibe báquede náre coyarejaimada ipe oteiāimara earejaimada na.

cumari dapiarejaimada na.¹⁹ Aru Maria-capūravu die caiyede jápiarī, me dapiarejacoda òi ümei.²⁰ Que teni ne curōre copainhrejaimada ina oteiāimarare coreipōeva. Nópe ne jápiaiye báquepe, ñai ángele üi coyhiye báquepedeca, járejaimada na. Que baru torojurī arejaimada ina oteiāimarare coreipōeva:

—¡Mu, Jūmenijicu, meacu bajutamu mu! are nurejaimada na.

**Ne nūvaino Jesúre
Jūmenijicui cūrami**

(Lc 1.31)

²¹Ocho pайjäravha ūi pöeteniburu yóboi, sacerdotevare Maríai máctui cajede buraicōjenejaimada, judíova ne ñarí cõmajiyepe. Aru ãmidorejaimada ūre Jesús, vópe ñai ángele ūi coviñe

báquepe Jesúi pöetequiyé jipocai.
22 No yóboi náre daiye jauede nópe Jümenijicai daicöjeiyede üi coyuiye báquepe Moisés báture, ne meara marajiyépe ayu Jümenijicai jáinore, Jesúi buchua, üre nuvari, muri nurejaimada Jerusalén ämicuríimaroj, jínajivü üre Jümenijicure. 23 Nópe darí, darejaimada yópe Jümenijicai daicöjeiyede üi toivaicöjeiyé báquepe: "Caivü ina ümu jheðova népacore mamarumü pöeteivü, Jümenijicai beoimara márajivubu. Que baru náre jíjarä Jümenijicure". 24 Jümenijicai cürami nurejaimada. Aru mójinare jídejaimada Jümenijicure, ne boarí juaräjiyepo aivü yópe Jümenijicai daicöjeiyepo mamarumü pöeteyü boje: "Pucará jurevare o pucará cöriájurevare jíjarä Jümenijicure".

²⁵ Dinumure cūináč ūmū curejameda Jerusalén āmicuriímaroi, ūi āmiá Simeón. Nai Simeón meacu barejámeda. Jūmenijicure urí, ūi daicōjeiyepē dare nurejameda cainumua. Napini coreni vore nurejameda Israecavure cadatechyre. Aru ñai Espíritu Santo ūque curejameda. ²⁶ Nai Espíritu Santo ūre coreóvare darejameda yaibéchyre jipocamia jámecuva ñai Jūmenijicui epeimū, Cristore. ²⁷⁻²⁸ Que baru ñai Espíritu Santo ecore darejameda ūre Jūmenijicui cūrami. Aru ina bucuvané nūvaiyede diñami némacu Jesúre, ne ðarajiyepē ayu yópe Jūmenijicui daicōjeiyepē, ūre dururejameda Simeón ūi āmuveai. Aru torojurí mearore jíyu Jūmenijicure arejameda:

²⁹ M_u, ji jaboc_u, caride y_u, mi pōec_u,
yaiqujiv_u cārijimec_uva, yópe mi
coyu_uye báquepe. ³⁰ Jáiuv_u y_u ji baju
ñai mi daroim_u mácure, caiv_ure
meadaipōec_ure. ³¹ M_u daroiv_u ñ_ure
caiv_u pōeva ne meatenajiyep_e auy_u
abujuvai jabochi paru_ude jaruvar_u.
³² Ú machuv_ume pēoinope caiv_ure

ina pōeva judíova āmevure, ne mājinaiyepe ayu Jāmenijicure. Aru davaçuyume mearore mi pōevare, Israecavure, arejamedá Simeón.

³³ Caiye iye ūi yávaiyede Jesúi borore jāpiarī, Jesúi būcūva cuecumari dāpiare-jaimada. ³⁴ Aru Simeón torojurī mearore jiyu Jāmenijicure nāre boje, yópe are-jamedá Maríare, Jesúi pacore:

—Nai juedocu Jāmenijicu epeimume. Obedivu Israecavu býjarājarama, ne ube boje ūre. Aru obedivu Israecavu mead-aimara marajárama, ne ue boje ūre. Ū coreóvare dāchuyume obedivu pōevare Jāmenijicu dāpiainore. Ubenita obe-divu pōeva ūre ju abeni ubenajarama. ³⁵ Caiye iye pōeva ne dārājiye mímacure ñájine daquiyebu mure yópe cūináve tāuve mi ūmene burarī cotuvaiyepo. Que teni caivu majinajarama obedivu pōeva ne dāpiainore ne ūmei, arejamedá Simeón Maríare.

³⁶ Aru diñamine máre cūrejacoda cūnáco Jāmenijicu yávaiyede coyucaipōeco, oī āmiá Ana, Fanuel báchi máco, Aser báchi yajubocaco. Pare būcūco barejácoða ò. Bojuyu cāreja, purubuodo báco siete paitjua cūrejacoda jímarepacu báchque. ³⁷ Aru nomiópeco barejácoða ò ochenta y cuatro paitjuaita cāreja. Jāmenijicu cūramine etabení, nore cūrī cainumua jíyo mearore Jāmenijicure, āmecova āiyede jēniarejacoda ūre jāravure aru ñamine máre. ³⁸ Dinumumiareca Jesúi yebai nuri, jídejacoda mearore Jāmenijicure. Aru Jesúi borore coyucrejacoda caivu ina napini coreni vore cuivure Jāmenijicu meadaquiyede Jerusalén āmicuriímarocavure.

Jesúi būcūva Nazarei ne copaino

(Mt 2.23)

³⁹ Jesúi būcūva daivu bácvu caiye iye Jāmenijicu daicōjeiyepo, copainurejaimada Galileacarō ūmaro

Nazaret āmicuriímaroi. ⁴⁰ Aru némacu me būcurejamedá. Parucu barejámedá. Uharō majidejamedá ū. Aru Jāmenijicu me járejamedá ūre máre.

Jesús ūi majicaino majidipōevare

⁴¹ Ujuá coapa Pascua āmicurijāravure aru pāure būcure daiye cūbe āiye torojuve teinumure, Jesúi būcūva muri nurejaimada Jerusalén āmicuriímaroi.

⁴² Que baru Jesúi cūvaede doce paitjua nūvarejaimada ūre noi, dārājivu yópe ne daiyepe ujuá coapa. ⁴³ Torojvhe teniburu yóboi, obedivu ina pōeva copainuivu barejáimada Jerusalén āmicuriímarore jocarī. Ubenita nai juedocu Jesúis mautedejamedá noi. Aru ūi būcūva coreóvabedejaimada. Dāpiarī arídurejaimada ne baju yópe:

⁴⁴ “Obedivu pōeva mái nūñama. Que baru Jesúis nūñume apevñque”, arídurejaimada na. Que dāpiarī, nurejaimada cūnájāravu baju. Aru yóboi vorídurejaimada Jesúre névu jēneboi. ⁴⁵ Ubenita ūre eabedejaimada. Que baru Jerusalén āmicuriímaroi copaini vorānurejaimada ūre.

⁴⁶ Pare vore curejaimada na. Yóbecurijāravu yóboita, ūre earejaimada Jāmenijicu cūrami, dobacure bueipōeva majidivu jēneboi. Nare jāpiayu aru jēniari jāñu marejámeda ū, Jesúis. ⁴⁷ Caivu ina jāpiaivu ūre pare dāpiarejaimada, ūi majié boje aru ūi yávaiye boje máre. ⁴⁸ Ūi būcūva jāivu ūre noi, pare dāpiarejaimada. Que teni jípacu arejacoda ūre:

—Būch, ¿aipe teni que dayurū ñujare? Jājacu, mipacu aru yu máre chīori voivubu ñuja mure, arejacoda ò.

⁴⁹ Jesúis arejamedá náre:

—¿Aipe teni vodarāru yure? ¿Majibenaru mija jaurōre yure memecayure jipacure? arejamedá Jesúis.

⁵⁰ Úbenita coreóvabedejaimada na iye ūi aiyede náre.

⁵¹ Náre yóvarí émenejamedá Nazaret ámicuriímaroi. Aru náre ju arí, yópe ne hrópe dayu barejámedá. Jípacó caiye iyede me dápiarí, árarejacoða ūi yávaiye báquede aru ūi daiye báquede máre. ⁵² Jesús me bucurejamedá ūi baju aru Júmenijicu majiéque máre. Júmenijicu aru pöeva máre ūque toroju'rejaimada.

**Juan Bautista ūi coyuino
Júmenijicu yávaiyede pöecubenoi**

(Mt 3.1-12; 7.19; 12.34; 14.3-4;
23.33; Mr 1.1-8; 6.17-18; Lc
7.29; Jn 1.19-28; 8.33)

3 No yóboi Roma ámicuró jaboteino jabocu currejamedá, ūi ámiá Tiberius César. Úi jaboteiyede quince paíyuña baju, Poncio Pilato jaboteyu barejámedá Judea ámicurijoborócacavure. Aru Herodes jaboteyu barejámedá Galilea ámicurijoborócacavure. Herodei yócu, Felipe, jaboteyu barejámedá Iturea aru Traconite ámicurijoborócacavure. Aru Lisanias jaboteyu barejámedá Abilinia ámicurijoborócacavure. ² Anás aru Caifás máre sacerdotevare jaboteipöeva marejáimada na. Dinumure Júmenijicu yávarejamedá Juan Bautistare, Zácarías báchi mácure, pöecubenoi. Pöeva vaivure coyure curejamedá nore. ³ Únurejamedá caino Jordán ámicuriya jia yebai. Coyuyu barejámedá pöevare, ne Júmenijicure jádovarajiyepo ayu ocoque, ne chiori dápiarajiyepo ayu ne ámeina teiyede. Aru ne oatuvavarajiyepo ayu ne daiyede, "Júmenijicu árumetecuyume" ayu barejámedá diede. ⁴ Yópe toivarejaquemavu javede ñai Júmenijicu yávaiyede coyucaipöecu bácu, ūi ámiá Isaías:

Júmenijicure coyucaipöecu codoboboyure jápiarajarama pöecubenoi: "Meadajará mije umene copu etaburí maje jabocure,

nopedeca mije meadaiyepo daimare, ñai umu, mije puedaimu, ūi daquiye jipocai. Que darí dajocajará mije ámeina teiyede, Júmenijicu daroimu macuyá ūi daquiye jipocai, Júmenijicu copu etaquiyepo ayu mujare. ⁵ Caino émeino buiquiyebu. Aru caiye círacúa jôdaquiyebu. Ma nurimema nuratequiyebu. Aru ma yaribema máre yaritequiyebu. Jabovare aru jabova ámevure máre dajocarí ne ámeina teiyede oatuvaiye jañu náre ñai Júmenijicu daroimu macuyá ūi daquiye jipocai. ⁶ Caivu ijárauvucavu járajarama Júmenijicu daroquimure, pöevare meadaipöecure", arí toivarejaquemavu Isaías bácu.

⁷ Obedivu pöeva earejaimada Juan Bautista yebai, ūi jádovaquiyepo aívu náre Júmenijicu que jiai. Úi yebai eaivure, náre arejamedá:

—¡Mija, jujovaivubu, mije daiye boje mearape! ¡Aru áðavape paivubu mijá, mije ámedaiye boje apevure! Júmenijicu jorojiquijárau edaiyede, jáve dupini buojabenamu mijá. ⁸ Dajará mijá yópe pöeva chioivu ne ámeina teiyede, oatuvavu ne daiyepo. Mije baju abejará: "Majeñecu Abraham mácu barejaquemavu. Júmenijicu yóvarejaquemavu ū mácure. Que baru meara bajutamu maja Júmenijicu jainore", abejará mijá. Jáve coyuyubu mujare: Júmenijicu buojaibi oatuvavu círabore Abraham mácu pâramena márajivure dacuyu, ne darajiyepo ayu yópe ūi hrópe. ⁹ Yópe jiore memeipöecu ūi jáiyede jocuchua jéidua mearua cibecure ūi jioi, ūi jaruvajuroepe dicuáre toaboi, nopedeca Júmenijicu jâñu mujare mearo dabevure, jaruvacuyume mujare toabo cüiméboi, arejamedá Juan Bautista.

¹⁰ Que teni ina obedivu põeva jeníari járejaimada Juan Bautistare:

—¿Aipe ðarðjidi ñuja? arejaimada.

¹¹ Juan Bautista arejamedá náre:

—Pucacajea cuitótecajea cùvacu baru, jíjacu ñai cùvabecure. Aru áino cùvacu baru máre, jíjacu ñai áino cùvabecure, arejamedá.

¹² Ina jabovare tautra ūcaipõeva Juan Bautista yebai nrejaimada, ūi jado-vaquiyepo aivu náre Jamenijicuque jiai. Aru arejaimada ūre:

—Mu, bueipõecu, ¿aipe ðarðjidi ñuja? arejaimada.

¹³ Ū arejamedá náre:

—Ímejara pñeno baju yo muje jabocu cõjeinore mujare. arejamedá.

¹⁴ Apevu churarava máre jeníari járejaimada ūre:

—¿Aipe ðarðjidi ñuja? arejaimada.

Ū arejamedá náre:

—Tatobejar apevu ne cûvaede. Boar jaruvaiyubejar náre. Aru borocubejar ubenina ne ðabedeca, ne jínajiyepe aivu mujare tautrare, muje borocubejanjiyepe aivu. Torojujar muje memeni cûvae boje, arejamedá ū.

¹⁵ Obedivu põeva coreivu barejáimada Jamenijicu epequimure. Que baru Juan Bautista ūi que aiye boje, caivu ina põeva dapiar ne ūmei jeníari járejaimada ne bajumia: “¿Cristo, Jamenijicu epeimu, mrica ñai?” ¹⁶ Úbenita Juan Bautista arejamedá náre:

—Yu jave mujare jadovaivu Jamenijicure ocoque, muje chori dapaiye boje muje ãmeina teiyede. Úbenita dacuyume ji yóboi cûinácu, ji pñeno paracu. Ū macuyume jadovañu mujare Jamenijicuque Espritu Santoque, ūi cûquiyepo ayu mujaque aru ūi cadatequiyepo ayu mujare máre. Aru ū macuyume jadovañu mujare Jamenijicuque toaque máre, muje meara tenajiyepo ayu yópe põeva ne

meadaiyepo taure toaque, aru ūi ñájine ðaquiyepe ayu mujare, meara tebedu. Que baru caivu pñeno meacu bajube ū. Yúcapuravu pare ūi cachinocacabu. Que baru ūre cadateni bhojabevu yu. P  oar  bhojabevu yu duayu ūi curaidoa buoimeare. ¹⁷ Yópe oteiye memeipõecu ūi veoiyepe jaraboque, oteiyede epecuyu ūi epeiñami jivni, aru oteiye cajeare juasch , nopedeca Jamenijicu ūre ju aivure epecuyume ūi jaboteinoi aru ūre ju abevure jaruvacuyume toabo cuim boi, ar  buedejamedá Juan Bautista.

¹⁸ N ope coyurejamedá Jamenijicu yavaiye méne meadaipõecure, darocuyure ina põevare, náre mearo ðaic jen , ne ñ jimenajiyepo ayu toabo cuim boi.

¹⁹ Aru Galilea ãmicurijobor cavu ne jabocu Herodede jararejamedá Juan Bautista, ūi cûvae boje ìmacui mareparecore, ūi ãmi  Herod as, aru caiye ape ūi ãmeina teiye boje máre. ²⁰ Úbenita Herodes Juan Bautistare japiayubecu, jaruvacijenejamedá ūre ãmeina teivure j ni jacoñami.

Juan Bautista ūi jadovaino Jes re Jamenijicuque

(Mt 3.13-17; Mr 1.9-11; Lc 9.35)

²¹ Juan Bautista jadovañu marej med a Jamenijicuque jiai caivu ina obedivu põevare. Aru Jes s mare nrejamed  ūi yebai, ūi jadovaquiyepo ayu ūre Jamenijicuque jiai. ūi jadovariburu y boi, Jes s j nian u marej med  Jamenijicure. Dinumure cavar  mearo Jamenijicu c r  vor  nrejav ya. ²² Que teni jurecope Espritu Santo  meni darejamed  ūi p enora. Aru japiarejaimada apeno y vainore cavar  mearo Jamenijicu c r que aiyede y pe: “Mu, j macu, ji umu, me toroj u yu mure”, arejamed  Jes re Jamenijicu.

**Jesucristo ū jipocacavu
bácvure coyuino**

(Mt 1.1-17)

²³ Jesús treinta raijua cūvacu mamarumu bueni bárejameða pōevare. Ina marejaimada Jesúi būchua: Pōeva dāpiarejaimada ūtre Joséi mácupe. Aru José Elí báchi mácu barejaquémavu. ²⁴ Aru Elí báchi Matat báchi mácu barejaquémavu. Matat báchi Leví báchi mácu barejaquémavu. Leví báchi Melqui báchi mácu barejaquémavu. Melqui báchi Jana máchi mácu barejaquémavu. Jana mácu José báchi mácu barejaquémavu. ²⁵ Aru José báchi Matatías báchi mácu barejaquémavu. Matatías báchi Amós báchi mácu barejaquémavu. Amós báchi Nahúm máchi mácu barejaquémavu. Nahúm mácu Esli báchi mácu barejaquémavu. Esli báchi Nagai báchi mácu barejaquémavu. ²⁶ Aru Nagai báchi Maat báchi mácu barejaquémavu. Maat báchi Matatías báchi mácu barejaquémavu. Matatías báchi Semei máchi mácu barejaquémavu. Semei mácu Josec báchi mácu barejaquémavu. Josec báchi Judá báchi mácu barejaquémavu. ²⁷ Aru Judá báchi Joanán máchi mácu barejaquémavu. Joanán máchi Resa báchi mácu barejaquémavu. Resa báchi Zorobabel báchi mácu barejaquémavu. Zorobabel báchi Salatiel báchi mácu barejaquémavu. Salatiel báchi Neri báchi mácu barejaquémavu. ²⁸ Aru Neri báchi Melqui báchi mácu barejaquémavu. Melqui báchi Adi báchi mácu barejaquémavu. Adi báchi Cosam máchi mácu barejaquémavu. Cosam mácu Elmadam máchi mácu barejaquémavu. Elmadam mácu Er báchi mácu barejaquémavu. ²⁹ Aru Er báchi Josué báchi mácu barejaquémavu. Josué báchi Eliezer báchi mácu barejaquémavu. Eliezer báchi

Jorim máchi mácu barejaquémavu. Jorim mácu Matat báchi mácu barejaquémavu. ³⁰ Aru Matat báchi Leví báchi mácu barejaquémavu. Leví báchi Simeón máchi mácu barejaquémavu. Simeón máchi Judá báchi mácu barejaquémavu. Judá báchi José báchi mácu barejaquémavu. José báchi Jonam máchi mácu barejaquémavu. Jonam máchi Eliaquim máchi mácu barejaquémavu. ³¹ Aru Eliaquim máchi Melea báchi mácu barejaquémavu. Melea báchi Mena máchi mácu barejaquémavu. Mena máchi Matata báchi mácu barejaquémavu. Matata báchi Natán máchi mácu barejaquémavu. ³² Aru Natán máchi David báchi mácu barejaquémavu. David báchi Isaí báchi máchi barejaquémavu. Isaí báchi Obed báchi mácu barejaquémavu. Obed báchi Booz báchi mácu barejaquémavu. Booz báchi Sala báchi mácu barejaquémavu. Sala báchi Naasón máchi mácu barejaquémavu. ³³ Aru Naasón máchi Aminadab báchi mácu barejaquémavu. Aminadab báchi Admin máchi mácu barejaquémavu. Admin máchi Arni máchi mácu barejaquémavu. Arni máchi Esrom máchi mácu barejaquémavu. Esrom máchi Fares báchi mácu barejaquémavu. Fares báchi Judá báchi mácu barejaquémavu. ³⁴ Aru Judá báchi Jacob báchi mácu barejaquémavu. Jacob báchi Isaac báchi mácu barejaquémavu. Isaac báchi Abraham máchi mácu barejaquémavu. Abraham máchi Taré báchi mácu barejaquémavu. Taré báchi Nacor báchi mácu barejaquémavu. ³⁵ Aru Nacor báchi Serug báchi mácu barejaquémavu. Serug báchi Ragau báchi mácu barejaquémavu. Ragau báchi Peleg báchi mácu barejaquémavu. Peleg báchi Heber báchi mácu barejaquémavu. Heber báchi Sala báchi mácu barejaquémavu. ³⁶ Aru Sala báchi Cainán máchi

mácu barejaquémavu. Cainán mácu Arfaxad báchi mácu barejaquémavu. Arfaxad bácu Sem mácu mácu barejaquémavu. Sem mácu Noé mácu mácu barejaquémavu. Noé mácu Lamec báchi mácu barejaquémavu. ³⁷ Aru Lamec bácu Matusalén máchi mácu barejaquémavu. Matusalén mácu Enoc, ñai yaibécu, üi mácu barejaquémavu. Enoc Jared báchi mácu barejaquémavu. Jared báchi Mahalaleel báchi mácu barejaquémavu. Mahalaleel báchi Cainán máchi mácu barejaquémavu. ³⁸ Aru Cainán mácu Enós báchi mácu barejaquémavu. Enós báchi Set báchi mácu barejaquémavu. Set báchi Adán máchi mácu barejaquémavu. Aru Adán máchi Jümenijicu mácu barejaquémavu.

Abujuvai jabocu Jesúre ñi jujovaríduino

(Mt 4.1-11; Mr 1.12-13)

4 Jesús, Espíritu Santoi daicójeim, copaidejamedá Jordán ámicuriya jiare jocarí. Ñai Espíritu Santo nūvarejamedá ûre pöecbenoi. ² Jesús curejamedá nore cuarenta pajárárvu. Yéde ámenejamedá noi üi curijárvare. Aru abujuvai jabocu, Satanás ámicchu, jujovaiyurídurejamedá ûre. Que baru no yóboi ávvé ijidejavhyá ûre.

³ Que baru ñai abujuvai jabocu arejamedá Jesúre:

—Jáveneca Jümenijicu mácu baru, áiye dajacu ibo cárabore, arejamedá.

⁴ Jesús arejamedá ñai abujuvai jabocu:

—Mi aiyepo dabevu yu. Jümenijicu yávaiye üi toivaicójeiye báque coyuvu yópe: “Pöeva cùbenama ne áiye matuiyeda. Quénora curájarama caiye Jümenijicu yávaiyeque máre”, arejamedá Jesús.

⁵ Que aríburu yóboi, ñai abujuvai jabocu nūvarejamedá Jesúre cáracu

ñimujuricu puenoi. Jádovarejamedá maumena caiye ijárvacaróa ímaroare. ⁶ Aru arejamedá ûre:

—Yu jíquijivu mure ji jaboteinore aru caiye die cüve méne máre, mi jabotequiyepe ayu diede ji parueque. Jíyebu caiye iye ijárvacu. Que baru buojaivu jíyu ji umure. ⁷ Jíquijivu mure caiye ijárvacuquede, mi nusatutarí mearo re jídu yure, arejamedá ñai abujuvai jabocu Jesúre.

⁸ Aru Jesúcapúravu arejamedá ûre:

—Mi aiyepo dabevu yu. Jümenijicu yávaiye üi toivaicójeiye báque coyuvu yópe: “Mearore jíjacu mi jabocu Jümenijicure aru cúnacura memecajacu üi urópe”, arejamedá Jesús.

⁹ Que teniburu yóboi, ñai abujuvai jabocuapúravu nūvarejamedá Jesúre Jerusalén ámicuriímaroi. Úre muri nure darejamedá Jümenijicu cárabi puenora. Aru arejamedá ûre:

—Jáve Jümenijicu mácu baru, turí nüjacu yore jocarí pü joboróita. ¹⁰ Jümenijicu yávaiye üi toivaicójeiye báque coyuvu mi borore yópe: “Jümenijicu jarocuyume üi ángelevare, ne corenajiyepo ayu mure. ¹¹ Jámúrájarama mure ne puruáque, mi ijié tebequiyepo aivu mi cùbobare ibo cáraboque”, arí toivarejaquemavu. Que baru mi turí nuru, yu jáñu buojacuyumu Jümenijicu dayure yópe üi aiye báquepedeca, arejamedá Jesúre ñai abujuvai jabocu.

¹² Jesúcapúravu arejamedá ûre:

—Mi aiyepo dabevu yu. Nopedeca Jümenijicu yávaiye üi toivaicójeiye báque coyuvu yópe: “Jujovalejacu mi jabocu Jümenijicure. Jádovaicójemejacu üi paruéde”, arí toivarejaquemavu. Que baru yéde dabevu yu, jádovaicójejurocu üi paruéde. Majivu yu parucure, arejamedá Jesús.

¹³ Nópe daríduyu ñai abujuvai jabocu jujovarí majibedejamedá Jesúre.

Que baru nurejamedá Jesúre jocarí apenamuita.

Jesús Galileai ūi bueni báino

(Mt 4.12-17; Mr 1.14-15)

¹⁴ Jesú ūi copaiyede Galilea āmicuri-joborōi Espíritu Santoi daicōjeiye paruēde cūvacu barejamedá. Aru pōeva yávarejaimada ūi borore caino ijaborócarōi. ¹⁵ Jesú bue dejamedá ne judíovai cójijiñamiai īmaroa coapa. Aru caivu torojurejaimada ūre.

Jesús Nazarei ūi nhino

(Mt 13.53-58; Mr 6.1-6; Jn 4.44)

¹⁶ Jesú nurejamedá Nazaret āmicuriñamaroi, ūi burchiñamaro mácarōi. Ecorejamedá judíovai cójijiñami ne jabuóvaijāravu sábadoi, yópe ūi daiyepe cainumua. Aru nacajari jári borotedejamedá Jūmenijicu yávaiyede. ¹⁷ Jídejaimada ūre Jūmenijicu yávaiyede coyucaipōecu Isaías báchi toivaiye báquede. Aru voarí jānū earejamedá yópe arí toivaino mácarōre:

¹⁸ Ji jabocu Jūmenijicu ūi Espíritu cibi yáque. Que baru ūi epeimamu yu, coyucaiyu ūi yávaiye méné ina cō-maje arojarivure. Daroibi yure, ji meadaquiyepo ayu ina chioivure ne ūmei. Aru coyucaipōecu Isaías báchi toivaiye báquede. (Nai Elíare Jūmenijicu nūvarejaquemavu Paraíso āmicurōi apucura.) Aru ocabedejaquemavu yóbecuruiju corica bají. Que baru ānvéne nájinejaquemavu Caino joborōre. ²⁶ Ubenita Elías cadatecunmenejaquemavu ina nomiópeva bácamu yebai. Quénora nurejaquemavu cūináco nomiópeco báco yebai, Sarepta āmicuriñamaroi, Sidón āmicuriñamaro joabenoi caco bácore. ²⁷ Nopedeca curejaquemavu obedivu pojeivu Israecavu bácamu Eliseo báchi curijāravu báquede. Ubenita Eliseo bácu meadabedejaquemavu ina caivure. Cūinácurata meadarejaquemavu, Naamán āmicucure, Siria āmicurijoborócacu bácore. Aru ina pucarā, ico nomiópeco báco aru Naamán mácu máre, judíova āmenejaquemavu na, arejamedá Jesú.

cójijiñami jívhi. ²¹ Jesú yávarí báyuh, arejamedá yópe:

—Caride yu ddayubu muje jēneboi yópe iye Isaías báchi toivaiye báquepe javede, arejamedá Jesú.

²² Caivu coyucrejaimada mearo Jesúi borore. Aru pare dápiarejaimada mearo ūi coyucrejaimada jápiari. Aru jēniari járe-jaimada ne baju:

—¿Joséi mách āmeni ñai? arejaimada.

²³ Náre arejamedá Jesú:

—Jáveneca arājaramu muja yópe: “Mu, jhoipōecu, jhojacu mi bajuma, jādovachuyu pōevare jhorí majicure”. Aru arājaramu muja yure: “Náje jápaiyede mi daiye báquede Capernaui, nope-deca dajacu yore, mi joborō bajure”, arejamedá.

²⁴ Aru yávare nurejamedá:

—Jáve coyucrejaimada mujare: Ácu Jūmenijicu yávaiyede coyucaipōecu cübebi ne me copu etaimu ūi joborōre. ²⁵ Que baru jáve coyucrejaimada mujare: Curejaquemavu obedivu nomiópeva Israecavu bácamu Elíai cūrijāravu báquede. (Nai Elíare Jūmenijicu nūvarejaquemavu Paraíso āmicurōi apucura.) Aru ocabedejaquemavu yóbecuruiju corica bají. Que baru ānvéne nájinejaquemavu Caino joborōre. ²⁶ Ubenita Elías cadatecunmenejaquemavu ina nomiópeva bácamu yebai. Quénora nurejaquemavu cūináco nomiópeco báco yebai, Sarepta āmicuriñamaroi, Sidón āmicuriñamaro joabenoi caco bácore. ²⁷ Nopedeca curejaquemavu obedivu pojeivu Israecavu bácamu Eliseo báchi curijāravu báquede. Ubenita Eliseo bácu meadabedejaquemavu ina caivure. Cūinácurata meadarejaquemavu, Naamán

āmicucure, Siria āmicurijoborócacu bácore. Aru ina pucarā, ico nomiópeco báco aru Naamán mácu máre, judíova āmenejaquemavu na, arejamedá Jesú.

²⁸ Ne jápiaiyede iye ūi coyhiyede, caivu ina judíovai cójijiñami curivu jorojínejaimada pare Jesúre. ²⁹ Nacajari jabuborí nūvarejaimada Jesúre īmarore jocarí. Úre nūvarejaimada cūracū puenoi, jaruvárājivu dicū tūrobu cāchinoi. ³⁰ Ubenita Jesús vaicánuvarejamedá ne jēneboi, náre jocarí.

Abujusc ūi imamū Jesúre ūi copuino

(Mt 7.28-29; Mr 1.21-28)

³¹ Jesús ēmeni nūrejamedá Galileacarō īmaroi, Capernaum āmicurímaroi. Aru noi buedejamedá pōevare judíovai jabubóvaijáravu sábadoi. ³² Ina jápiaivu ūi bueiyede, torojurí cuecumarejaimada ūi bueiyede, ūi yávaiye boje paruéque. ³³ Aru cūrejamedá judíovai cójijiñami cūinácu ūmū, abujusc ūi imamū. Codoboborí arejamedá Jesúre:

³⁴ —Mu, Jesús Nazarecacu, cārijo-vamejacu ūujare. ¿Yéde ucurū mu ūjaque? ¿Jaruvacudayu dacurū mu ūjaque? Coreóvaivu yu mure. Jūmenijichu mácu meacu bajubu mu, arī codoboborejamedá.

³⁵ Ubenita Jesús bi aicōjenejamedá ūre:

—Mu, bida, etajacu ūnai ūmure jocarí, arejamedá Jesús.

Que baru ūnai abujusc ūre darejamedá ūi imamure joboroi ne jēneboi. Etarejamedá ūre jocarí, āmeno dabeçuva ūnai ūmure. ³⁶ Aru cuecumari jāivu ina pōeva, arejaimada ne baju:

—Paruéque yávaibi ūnai ūmu. Ūi yávaiye paruéque jaruvaiabi abujuvare. Aru etadama ména, arejaimada.

³⁷ Que baru yávarejaimada Jesúborore caino Galilea āmicurijoboroi.

Jesús ūi meadaino Simón Pedroi vácore

(Mt 8.14-15; Mr 1.29-31)

³⁸ Dinumuh Jesús etarejamedá judíovai cójijiñamine jocarí. Aru ecorejamedá Simón Pedroi cūrami. Ico Simón Pedroi váco moimo marejácoda pare. Coyurejaimada Jesúre ūi borore. ³⁹ Que baru Jesús ūi yebai nacachini, dajocaicōjenejamedá moinore ūre jocarí. Maumejiena dajocarejavuya moino ūre. Dinumumia nacajari, aīyede meadari jídejacoda náre.

Jesús ūi meadaino obedivu ijimarare

(Mt 8.16-17; Mr 1.32-34)

⁴⁰ Dinainumica ūnamijie baji aviá ūi doriburu yóboi, jabubóvaijáravu vaiyede, nūvarejaimada Jesús yebai obedivu ijimarare. Aru tħorejamedá Jesús ūi puruque náre coapa. Que darí meadarejamedá náre. ⁴¹ Aru etarejaimada ijimarare jocarí abujuva, codoboborí arejaimada Jesúre:

—Murecabu Jūmenijichu mácu, arejaimada Jesúre.

Ubenita Jesús bi aicōjenejamedá náre, ne majié boje Jūmenijichu darioimu mácu Cristore.

Jesús Galileai ūi bueino

(Mr 1.35-39)

⁴² Miadáe tuiyede Jesús nūrejamedá pōecubenoi. Ubenita pōeva vorí earejaimada ūre. Ūi yebai earí, jēniarejaimada ūre, ūi nūmequiyepo aivu náre jocarí. ⁴³ Ubenita Jesús arejamedá náre:

—Nuiye javhu yure, coyucuyu apenoa īmaroare máre Jūmenijichu jaboteiyede pōevare. Que baru daivu yu, coyucudayu diede, arejamedá Jesús.

⁴⁴ Que arí, coyure nūrejamedá judíovai cójijiñamiai caino Galilea āmicurijoboroi.

**Jesús ūi bueimarare ұrarō
moare boaré daino**

(Mt 4.18-22; 13.1-2; Mr 1.16-20;
3.9-10; 4.1; Jn 21.3, 6)

5 Pöeva obedivu nūivu Jesús yebai, ūi cuede macajitabu ұrabu Genesaret āmicurijitabu ēcarui, pare copiporejaimada ūre, jápiaiyurivu Jūmenijicui yávaiyede. ² Jesús jārejameda pūcacūa jiadocūare macajitabu ұrabu ēcaru yebai. Dicūai moa boaipöeva nūrejaimada dicūa yebai, joaivu ne pápicuare. ³ Jesús jatuyu bácu cūinácu jiadocūi, Simón Pedro jicui, jaroicōjenejamedá joajēmaque ēcarure jocarī. Aru dobacu dicūi, bueni bárejamedá ina obedivu pöevare. ⁴ Yávarī buojayu bácu arejamedá Simón Pedre:

—Nūvajacu mi jiadocūre macajitabu ūmujrō bajī. Aru noi jaboájarā mūje pápicuare, moa boarājivu, arejamedá Jesús.

⁵ Simón Pedro jā ayu, arejamedá Jesúre:

—Mu, bueipöescu, caiñami memeniduvu ūnja. Ұbenita ye boabétevu. Ұbenita mi cōjeiye boje, jaboáquiyu ji pápicuare, arejamedá.

⁶ Que teni daivu bácvu yópe Jesús, coyuhiyepu, jēnejaimada obedivu moare. Cođedejaimada ne pápicuare.

⁷ Dinumu “Yareni dajarā”, arejaimada ne yóvaimarare, apecū jiadocūcavu, ne cadatenaearājiyepu aivu. Aru earī, buivárejaimada caipucacūa jiadocūare coicūa baju. ⁸ Yópe teiyede jári, Simón Pedro ūuatutarī Jesús yebai, arejamedá ūre:

—Mu, ji jabocu, nūjacu yure jocarī, ji āmeina teiye boje, arejamedá Jesúre.

⁹ Que baru Simón Pedro aru ūcavu máre cuecumarejaimada, ұrarō ne moa boaiye boje. ¹⁰ Santiago aru Juan máre, Zebedeoí mára, Simón

Pedroi yóvaimara marejáimada. Cuecumarejaimada na máre. Ұbenita Jesús arejamedá Simón Pedre:

—Jidubejacu. Caride epequijivu mure, mi davaquiyepu pöevare ji yebai yópe mi moare davaiyepu pápicuque, ji meadaquiyepu náre, arejamedá Jesús.

¹¹ Que teni jiadocūa eaiyede ēcarui, dajocavu bácvu caiyede nūrejaimada Jesúque.

Jesús ūi meadaino pojeyure

(Mt 8.1-4; Mr 1.40-45)

¹² Jesús ūi cuede cūináro īmaroi, ūi yebai nūrejamedá cūinácu pojeyu. Aru Jesúre jári, ūuatutarejamedá joborōi, puedachu ūre. Aru jēniarejamedá:

—Mu, ji jabocu, ucu baru, meadajacu ji pojeyede. Buojaivu mu meadayu yure, arejamedá.

¹³ Dinumure Jesús, ūi pūrūque jabióvarī tħoġu, arejamedá ūre:

—Uvu yu. Caride meatejacu mu, arejamedá Jesús.

Yópe ūi aiyede vaidéjavu ūre.

¹⁴ Jesús, coyuhičōjemecu apevare, arejamedá:

—Cūiná nuri, jādovajacu sacerdotede. Aru jíjacu mi meateiye boje, yópe Jūmenijicui daicōjeiyede ūi coyuhiye báquepe Moisés bácre, pöeva ne coreóvarājiyepu ayu mi meateinore, arejamedá ūre Jesús.

¹⁵ Ұbenita pħeno baju coyuhiyvarejaimada Jesús borore. Obedivu pöeva cōjjidejaimada jápiaivu, aru ūre meadajacu ūre ijiéde. ¹⁶ Que baru ina obedivu cue boje, Jesús nūrejamedá pöecħbenoi, jēniacu Jūmenijicuque.

**Jesús ūi cure daino
nacajaiye majibecure**

(Mt 9.1-8; Mr 2.1-12)

¹⁷ Cūinájāravu Jesús ūi bueiyede pöevare, dobarejaimada noi fariseovacavu, ina Jūmenijicui

daicōjeiyepē daivu, aru Jūmenijichí yávaiye báquede bueipōevacavu máre, eaivu bácvu cainoa ímaroa Galilea ámicurōre, Judea ámicurōre, aru Jerusalén ámicuríímarore jocarí máre. Jūmenijichí paruédé c̄urejamedá Jesús, meadachuyu ijimarare.¹⁸ Dinumu apevú ūmuvá nūvarejaimada ū yebai cūinácu ūmu, nacajaiye majibec̄ure, ū paraínoque. Ecoiyurejaimada cūrami jívhi Jesús yebai.¹⁹ Ubenita eabedejaimada ne ecorājino, obedivu pōeva c̄ue boje. Que baru muri nuri cūrami p̄uenora, voarí diede, ēmeóvarejaimada ijimure ū paraínoque pōeva jeneboi Jesús yebai.²⁰ Náre coreóvayu ju aivure, Jesús arejamedá nái nacajaiye majibec̄ure:

—Mu, ji ūmu, mi ámeina teiyede jaruvarí, árumeiteivu yu diede, arejamedá Jesús.

²¹ Dinumu ina Jūmenijichí yávaiye báquede bueipōeva aru fariseova máre dápiarí bürerjaimada yópe: “¿Yécuña nái ūmu ámeina yávayu Jūmenijic̄ure? Ñame buojabema jaruvaivu ámeina teiyede. Quénora cūináchrabe Jūmenijicu buojaři jaruvaivu diede”, arí dápiarejaimada.

²² Aru Jesús, jári coreóvarí ne baju ne dápiaiyede, arejamedá náre:

²³ —¿Aipe teni que arí dápiaivurū muja? Maiyójabevu yópe aru apec̄ure: “Mi ámeina teiyede jaruvarí, árumeiteivu yu”, ji paruédé jádovame boje ji que coyuviyede. Ubenita maiyójarotamu nacajari cuicōjenu nacajaiye majibec̄ure. Úre cure dayu baru, jádovaquijivu ji paruédé. “Mi ámeina teiyede jaruvaivu”, ji aiyede, coreóvabevu muja Jūmenijicui árumeteinore diede. Ubenita nái c̄uvacu Jūmenijichí majié paruédé, úrame yópe darí jádovaiye majicu. Quécura Jūmenijic̄uvacari meadarí majibi ijimarare.²⁴ Que baru muje majinajiyepē ayu Jūmenijichí daroimu mácu

ūmupe, yu, paruédé c̄uvacure ijāravare jaruvacuyu ámeina teiyede, yópe daquijivu yu, arejamedá Jesús.

Dinumu arejamedá nacajaiye majibec̄ure:

—Yópe aivu yu mure: Nacajari, mi parainore īni, nujacu mi cūrami, arejamedá Jesús.

²⁵ Dinumuma nacajari, ū parainore īni, etarejamedá obedivu jeneboi. Aru mearore jídejamedá Jūmenijic̄ure. ²⁶ Caivu ina pōeva máre, pare dápiaivu, mearore jídejaimada Jūmenijic̄ure.

Jesús ū “Dajacu” aino Levíde

(Mt 9.9-13; Mr 2.13-17; Lc 15.1-2)

²⁷ No yóboi, Jesús etarí nūnū jārejamedá cūinácu judíovacacu, Roma ámicurō jaboteino jabovare tāutura ícaipōecu, ūi ámiá Leví, dobacure ne bojedainoi. Aru arejamedá úre:

—Dajacu yáque, arejamedá Jesús.

²⁸ Aru nacajari, dajocayu caiyede, nurejamedá Jesúque.

²⁹ Que teniburu yóboi, Leví torojuve tedejamedá áino ularōque ūi cūrami, pueñacuyu Jesúre. Aru obedivu jabovare tāutura ícaipōeva aru apevú pōeva máre dobarejaimada Levíque aru Jesúque máre. ³⁰ Ubenita Jūmenijichí yávaiye báquede bueipōevacavu aru fariseovacavu máre ámeina yávarí bürerjaimada Jesúi bueimarare. Arejaimada:

—¿Aipe teni arí, ūcuri teivurū muja ina jabovare tāutura ícaipōeva que aru ámeno daipōeva que máre? arejaimada náre.

³¹ Jesús ju ayu, arejamedá náre:

—Meara pōevare juopōecu cādateiye jaubevu. Quénora ijimarare ūi cādateiye jaubu. ³² Dabedejacacu yu ijāravu, cutuchuyu mearare ne baju dápiainore. Quénora darejacacu yu, meadachuyu ámenare, ne chiorajiyepē ayu ne ámeina teiyede, Jūmenijichí

ārūmetequiyepē ayu diede, arejamedā Jesús.

**Pōeva āmevuba āiyede ne
jēniaino Jūmenijicuque
(Mt 9.14-17; Mr 2.18-22)**

³³ Dinumure jēniari jārejaimada Jesúre ina fariseova:

—¿Aipe teni Juan Bautistai bueimara aru ūnje bueimara máre āmevuba āiyede, ūbenita mi bueimara āmevuba āmema āiyede? arejaimada.

³⁴ Jesú arejamedā náre:

—Ina pūrubuoyu ūi cutuimara ne torojuve tenajiyepē ayu ūi pūrubuoyede, ye āmevu āmema āiyede ūi c̄hede cāreja náque. Nopedeca ji bueimara torojurivu ji c̄hede náque, āmevu āmema āiyede. ³⁵ Ubenita ji mauva ne nūvarajiyede yure, ji bueimara chīovu āmenajarama āiyede, arejamedā Jesús.

³⁶ Jēvari coyurejamedā náre:

—Name b̄ojabema buraiu cūinájeve cuitótecaje mamaçajede, jēorajivu cuitótecaje javecarõre. Nópe ñaru, āmedajebu cuitótecaje mamarore. Aru mamajeve jēmejebu cuitótecaje javecarõre. Quédeca ñame b̄ojabema ju aivu ji bueiyede mamaene aru javeque bueiyede máre. ³⁷ Nopedeca b̄ojabema yuaivu vino ūyaicorore mamaçorore ai-macaje curubu javecacurubuque. Que ñaru, coðeóvajebu dicurubuque. Aru yuri b̄íjajebu dicoro. B̄íjajebu dicurubu máre.

³⁸ Ubenita ne yuaru vino ūyaicorore mamaçorore mamaçurubuque, b̄íjabejebu dicoro. Quédeca ñame b̄ojabema ñaivu yópe ji bueiyede mamaepe, dare nñiñu baru yópe ne jave daiye báquepe. ³⁹ Aru ñai ūcuñu mácu icoro mamaboqueicorore ūcuiyubecu mamaene ajebu yópe: “Javequetamu me baju”. Nopedeca apev u pōeva jāpiaiyubevu Jūmenijicuqui yávaiye mamaene, ne dāpiaiyede boje

javeque yávaiye pñeno me bajure, arí buedejamedā náre Jesús.

**Jesúi bueimara ne puyoino
oteiyede jabuóvaijāravu**
(Mt 12.1-8; Mr 2.23-28)

6 Apejāravu, judíovai jabuóvaijāravu sábadoi, Jesús ūi vaiyede oteiyede curõi, ūi bueimara diede jēni, pūrháque cōjáñori, ārejaimada. ² Aru apev u fariseovacavu jēniari jārejaimada náre:

—¿Aipe teni āmeno ñaivurū majā, majā judíova maje ñaicōjemenope, jabuóvaijāravure? arejaimada náre.

³ Ubenita Jesús, ūi dāpiaiyede boje ūi bueimara āmeno ñabevure, arejamedā náre:

—¿Jáve ārūmetenaru majā yo David báchui daino mácarõre āvñé ijiéde ūre aru ūque curivure máre? ⁴ Ú mácu ecorejaquemavu Jūmenijicu cūrami. Aru ārejaquemavu pâure, Jūmenijicu jíye báquede ina sacerdoteva ne āiyede, sacerdote āmecu bácvacari. Aru jídejaquemavu ūque curivure máre, sacerdoteva āmevu bácvareca. Ubenita Jūmenijicu nájine ñabedeaquemavu na mácvare, arejamedā Jesús.

⁵ Cojedeca Jesús arí buedejamedā:

—Yu, Jūmenijicu daroimu mácu ūmupe, jabocubu yu. Que baru ñaivu yópe ne pōevare ne ñaivejede cajāravuare aru jabuóvaijāravuare máre, arejamedā Jesús.

**Jesú ūi meadaino ūmu
āmuve jiacubecu**

(Mt 12.9-14; Mr 3.1-6)

⁶ Apejāravu cojedeca, judíovai jabuóvaijāravu sábadoi, Jesús ecorejamedā ne cōjijiñami. Aru bueni bárejamedā pōevare. Noi c̄rejamedā cūnácu ūmu, āmuve meapūrvacaāmuve jiacubecu.

⁷ Jūmenijicu yávaiye báquede bueipōeva aru fariseova máre nore

curivu coreni járejaimada Jesúre. Jaiyurivu barejáimada meadayure ūre ne jabuóvaijárvui, boro coyuñ adaiyurduivu Jesúre. ⁸ Ubenita ū, majicu ne dápiaiyede, arejamedá nai ūmu āmuve jiacubecure:

—Nacajari nújacu pöeva jéneboi, arejamedá Jesús.

Jesús ū que aiyede, nai ūmu nacajari nürejamedá. ⁹ Dínumuma Jesús arejamedá náre:

—Jéniari jáquijivu cūináro mujare. ¿Yéde daicōjeini Jümenijichu jabuóvaijárvure, mearore o āmenore; meadaru pöevare o boarí jarvvaru náre? arejamedá Jesús.

Ubenita bi arejaimada na.

¹⁰ Que baru Jesús, jāñu ina curivure ū yebai, arejamedá nai ūmu āmuve jiacubecure:

—Jabióvajacu mi āmuvede, arejamedá Jesús.

Ūi jabióvaiyede, meatedejavuya ū āmuve. ¹¹ Ubenita apevu, joroiñi pare, jéniari járejaimada ne bajumia:

—¿Aipe ðarajidica maja naine? arejaimada na.

Jesús ū beoino ū yávaiye méne coyuñcojeimarava

(Mt 10.1-4; Mr 3.13-19)

¹² Cūinájárvu Jesús nürejamedá cūracuái, jéniacuñu. Aru noi jénirejamedá Jümenijicuque caiñami.

¹³ Miadáe tuiyede órejarejamedá ū bueimarare. Aru doce paivure beorí epedejamedá ū yávaiye méne beorí coyuñcojeimarare. ¹⁴⁻¹⁶ Na marejáimada Simón, ū āmidoimá mácu Pedro; Andrés, Simón Pedroi yócu; Santiago, Juan, Felipe, Bartolomé, Mateo, Tomás; Santiago, Alfeoi mácu; Simón, āmicuñ Celote; Judas, Santiago mácu; aru Judas Iscariote. Nai marejáimada jéni jíchu Jesúre ū mauvare.

Jesús ū bueino obedivu pöevare

(Mt 4.23-25)

¹⁷ Jesús ēmeñu mácu cūracuare jocarí, mautedejamedá dái ū bueimaraque. Aru obedivu pöeva cūrejaimada. Judea āmicuñijoborócau, Jerusalén āmicuñimaroacau, aru macajitabu urabu ēcaru īmarocavu máre: Tiro aru Sidón āmicuñimaroacavu máre cūrejaimada. Ina earejaimada, jápiaiyurivu Jesúre aru ū meadaquiyepo aivu náre ijiéde. ¹⁸ Ina abujuva ne nájine daimarare máre Jesús meadarejamedá. ¹⁹ Caivu pöeva thoiyurejaimada Jesúre, ū meadaiye boje ū paruqué. Aru meadarejamedá ina caivure.

Jesús ū bueino torojurōre aru chīoinore máre

(Mt 5.1-12; Hch 7.52; 1 P 4.14)

²⁰ Dínumure Jesús, jāñu ū bueimarare, arejamedá:

—Muja cōmaje ãrojarivu, mujarecabu Jümenijichu jaboteimara. Que baru torojurajaramu muja. ²¹ Muja āvhe yaivu caride, yapinajaramu. Que baru torojurajaramu muja. Muja caride oivu yurinajaramu. Que baru torojurajaramu muja.

²² Torojurajaramu muja pöeva Jümenijicure ju abevu ne āmeina jáiye boje mujare aru ne jarvaiye boje mujare máre, muje yóvaiye boje yure, Jümenijichu daroimá mácu ūmupe. Torojurajaramu muja, pöeva Jümenijicure ju abevu ne jaraiye boje mujare aru ne ūbe boje mujare máre, muje yóvaiye boje yure, Jümenijichu daroimá mácu ūmupe. ²³ Torojurajaramu muja dijáravure. Aru cūvarajaramu muje boje urarõ cavaro mearo Jümenijichu c̄rōi. Nopedeca ānina javecavu bácau, mujeñecuva mácau máre, āmeina darejaquemavu ānina Jümenijichu yávaiyede coyuñcaipöeva mácau.

²⁴ Ubenita mūja cūve cūvarivu ijāravure torojurī cūvū mūja. Que baru āmeno nājino cūvarājaramu mūja. ²⁵ Mūja yapivu caride āino utarōque, āmei ānvé yainājaramu mūja. Que baru āmeno nājino cūvarājaramu mūja. Mūja yurivu caride chīori orājaramu mūja. Que baru āmeno nājino cūvarājaramu mūja. ²⁶ Āmeno nājino cūvarājaramu mūja, pōeva ne me yávaiyede mūjare. Nopedeca ānina javecavu bácacavu, mūjeñecuva mácacavu máre, me yávarejaquemavu ānina borocurivu Jūmenijicu yávaiyede coyucaipōevape teniduivu bácacavure, arī buedejamedā náre Jesús.

Jesús ūi bueino maje urōre maje mauvare

(Mt 5.38-48; 7.12)

²⁷ Jesús, yópe arī, buedejamedā náre cojedeca:

—Ubenita coyuçubu mūjare, jápi-aivure ji coyuçiyede. Ujarā mūje mauvare. Me dajarā náre ina āmeina jāivure mūjare. ²⁸ Torojurī mearore jíjarā náre ina āmeina yávavure mūjare. Jēnia-jara Jūmenijicuque ina borocurī yávavure mūjare. ²⁹ Cūinácu pōecu ūi pē-varu mi cūinápüravucaviobure, copedini pēvaicōjejacu apepūrvure máre. Aru cūinácu pōecu ūi īnu mi cuitó-tecaje puenocacajede, jíjacu mi camisare máre. ³⁰ Jíjacu caivure ne jēniainore mure. Aru ne tatoru míyede, jēniamejacu cojedeca. ³¹ Dajarā apevure yópe mūje uepe daivure mūjaque.

³² Mūje uru náre, ina urivure mūjare, Jūmenijicu bojedabecubē pōevare ne que daiyede. Nopedeca ina āmeina teivu máre ūma urivure náre. ³³ Mūje mearore daru náre, ina mearore daivure mūjare, Jūmenijicu bojedabecubē pōevare ne que daiyede. Nopedeca ina āmeina teivu máre dādama nópe. ³⁴ Mūje jídu náre, ina

jacopaiyovarājivure mūjare, Jūmenijicu bojedabecubē pōevare ne que daiyede. Nopedeca ina āmeina teivu máre jíyama apevū āmeina teivure, ne jacopaiyovarājiyepē aivu cojedeca. ³⁵ Ubenita ujarā mūje mauvare. Me dajarā náre. Aru jíjarā jacopaiyovaiyede corebevure no boje. Nópe daru, utarō meaquiyebu mūje boje jēino. Aru Jūmenijicu mára marajáramu mūja. Que baru ū meacubē náque ina jíbevure mearore ūre aru ina jíyubevure apevure máre. ³⁶ Cōmaje āroje jājara mūja apevure, nai majepacu Jūmenijicu ūi cōmaje āroje jāiyepedeca, náre arī buedejamedā Jesús.

Jesús ūi pōevare apevure āmecoroicōjemento

(Mt 7.1-5; 10.24-25;
15.14; Jn 13.16; 15.20)

³⁷ Jesús, yópe arī, buedejamedā náre cojedeca:

—“Āmenatamu” arī, āmecorobejarā mūja apevure. Mūje nópe aru, majepacu Jūmenijicu āmecororī, “Āmenatamu mūja”, acuçume mūjare. Jaruvabejarā mūja apevure. Mūje jaruvabedu, Jūmenijicu jaruvabecubē mūjare. Arumetejarā mūja apevure ne āmene. Mūje arumetedu, Jūmenijicu máre arumetechuçume mūje āmeina teiyede. ³⁸ Jíjarā mūja apevure. Aru Jūmenijicu jíchuyçume mūjare. Jíchuyçume mūje pueá buidírhea, doaiprea, aru jayuiprea. Nopedeca mūje apevure jíyepedeca Jūmenijicu jíchuyçume mūjare, arejamedā náre Jesús.

³⁹ Aru yópe arī, jēvari coyuçejamedā Jesús:

—Cūinácu jāri eabecu bhojabebi nāñu māi apecu jāri eabecuque. Que baru caipħcarā jāri eabevu baru tħebu na cobei. ⁴⁰ Bueimara nāme baju majibema ne bueipōecu pueno. Ubenita bueni bhojaivu baru, ne bueipōecupe tenajarama.

⁴¹ 'Me jáiñvbu maja majeeci docujié carõre ūi yacorui. Ubenita jámenvu maja maje urarõ docucarõre maje yacorui.
⁴² Aru jámenvvacari maja urarõ docucarõre maje yacorui, majeçure "¿Mi docujiene ñnaji mi cuyaede mi yacorui?" arí buojabevu maja. ¡Jujoavaivutamu maja! Mamarumu ijara maja maje urarõ docucarõre maje yacorure. No yóboi, mearo jáiñvta, ijara majeeci docujiene ūi cuyaede ūi yacorui, arí buedejamedá náre Jesús.

Yópe aiyurõtamu iye Jesúi aiye báque: Pöecu ūi urarõ ámenore daru, "Dajocajacu mi ámeina teiyede" arí, coyuíe jaubevu ūre apecure, quíjino ámenore dayure. Quénora mamarumu ñnai urarõ ámenore dayure dajocaiye jauvu ūi baju ámeina teiyede cäreja.

Jesús ūi bueino maje majinore jocuchua jéiduare

(Mt 7.17-20; 12.33-35)

⁴³ Cojedeca Jesús arí buedejamedá náre, ne majinajiyepo ayu aipe árojarivure pöevare:

—Cubevu jocuchua meacu jéiyepo ámene jícu. Aru cubevu jocuchua ámecu jéiyepo méne jícu. ⁴⁴ Que baru coreóvaivubu jocuchare dicuá jéiyequ. Miuñha jémenvu higo ámicuriduare. Nopedeca jémenvu úyai miuñhara. ⁴⁵ Nai pöecu meacu yávayube méne, ūi úmei mearo cüe boje. Aru ñnai pöecu ámecu yávayube ámene, ūi úmei ámeno cüe boje. Que baru pöecu yávaibi ūi jijecamuque ūre cuede ūi úmei, arí buedejamedá Jesús.

Jesús ūi coyuino pucadämia cúramia daivu bácvare

(Mt 7.24-27)

⁴⁶ Cojedeca Jesús arí buedejamedá náre:

—¿Aipe teni aivaru yure "ñuje jabocu", ubenita dabeuvvacari ji

coyuíyede? ⁴⁷ Coyuquijivu majaare ñamepe árojacure ñnai yure darí jápiayure aru dayure yópe ji coyuíyede. ⁴⁸ Daibi yópe ñnai pöecu ūi daiye báquepe ūi cúrami jájaroi. Aru jia yaboiyede, oco eavuña diñamine. Ubenita cújibeteavuña diñami, jájaroi núa boje. ⁴⁹ Ubenita ñnai jápiayuvacari yure, dabecu baru yópe ji coyuíyede, ñnai pöecu úpebe ñnai dayu bácvare ūi cúramine jájamenoi. Aru jia yaboiyede, oco eavuña diñamine. Aru tuavuña diñami. Urarõ mateávuya diñami bíjaino, arí buedejamedá Jesús.

Jesús ūi meadaino churaravai jabocu yebacacure

(Mt 8.5-13)

7 Jesúi yávarí dajocayu bácu pöevare, nurejamedá Capernaum ámicurímaroi. ² Noi chrejamedá cien paivu churarava ne jabocu, cüvacu ūi yebacacure pare ūi umu. Ijumu baju barejamedá ñnai yebacacu. ³ Ñnai churaravai jabocu jápiayu bácu yávaivure Jesúi borore, jarorejamedá apevü judíova bácvare, ne órejarájiyepo ayu Jesúre, ūi mead-aquiyepo ayu ñnai yebacacure. ⁴⁻⁵ Jesúi yebai eaiyu, pare nñicójenejaimada ūre. Arejaimada:

—Ñai jabocu meacube ū. Que baru mi cadateiyepo jauvu ūre, ūi ue boje maje curijaborõre. Úvacari daicójeame cüinádamí maje cójijiñamiva, arejaimada na Jesúre.

⁶ Dinumumia Jesús nurejamedá náque. Ubenita joabenoi ne tñvaiyede ūi cúrami yebai, ñnai jabocu jarorejamedá ūi yóvaimarare, yópe aránñivu Jesúre:

—Mu, ji jabocu, cärijimejacu. Meacubu mu. Ubenita yácapúravu ámecutamu. Que baru darí ecobejacu ji cúrami. ⁷ Baojarí vocuñmeteve yu mure ji baju. Quénora coyujacu mi cöjeinore. Aru ji yebacacu meatecuyume. ⁸ Yurecabu cücu ne

cōjeiyeque ina ji jabova. Aru c̄uvavu churaravare, ji cōjeimarare. Nácacu cūnácre “Nujacu” ji aríburu, nūimi ū. Aru “Dajacu” ji aríburu, daibi ū. Aru ji dāicōjenu apejene ji yebacacure, daibi ū. Nópe aicōjemi nūjare daroyu, cien paivu churarava ne jabocu, arejamedá Jesúre nai jabocui jaroimaracacu.

Úi que aiyede, “Ijiéde cōjeipōecu bmu” aiyuch barejaquémavu Jesúre.

⁹ Que ayure jápiarí, pare dāpiare-jamedá Jesú. Aru jári ina pōeva nūivure ūi yóboi, arejamedá:

—Jáve couyubu mūjare: Eabevu cāreja majacacure, Israecacure, me ju ayure yure yópe nai churaravai jabocupe, arejamedá Jesú.

¹⁰ Aru ne copaiyede jabovai cūrami, earejaimada nai yebacacure meacuta.

Jesús ūi meadaino nomiópecoi mácre

¹¹ No yóboi, Jesús nurejamedá Nain āmicuriimaro. Úque nurejaimada ūi bueimara aru apecu pōeva máre, obedivu. ¹² Úi eaiyede imaro joabenoi, járe-jamedá nūvaivure yaiyú bácre, jaru-varānuivu. Jípaco, nomiópeco caride, cūnácu ōi mácu bácu barejámedá. Aru obedivu pōeva diímarocavu yóvare-jaimada náre. ¹³ Jesús cōmaje ároje jári, arejamedá óre:

—Obejaco, arejamedá ū.

¹⁴ Joabejinoi nūri, icadava paraicadava, yaiyú báchi paraicadavare, tuorejamedá Jesú ūi pürüque. Ina nūvaivu bácvu dicadavare mautedejaimada. Dinumuma Jesús arejamedá yaiyú bácre:

—Mu, bojuyo, couyubu mure: Nacajacu, arejamedá Jesú.

¹⁵ Quénora nai yaiyú bácu dobarí, yávarí bárejamedá. Aru Jesús jídejamedá ūre jípacore. ¹⁶ Yópe dayure jáivu, cue-

cumarejaimada caivu. Aru torojurí, jívua meareore Jūmenijicure arejaimada:

—Jūmenijicui yávaiyede coyacaipōecu parucu edaibi maje jēneboi. Jūmenijicu daibi, cadatecudayu ūi pōevare, arejaimada na.

¹⁷ Que teni Jesúi boro earejavuya Caino Judea āmicurijoboroi aru caiye curōaquede máre. Jápiarejaimada caivu Jesúi daiye báquede.

Juan Bautista ūi jaroimara Jesú yebai

(Mt 11.2-19; 21.32; Lc 3.12)

¹⁸ Juan Bautistai bueimara, ūi yebai nūri, coyurejaimada ūre caiye Jesúi daiye báquede. Aru órejarejamedá Juan Bautista pucarā ūi bueimarare. ¹⁹ Jesú yebai jarorí, jēniari jáicōjenejamedá náre yópe:

—Jáveneca mūru Juan Bautista “Ji yóboi dacuyume apecu couyipōecu” arí, ūi buevacam? Úi que arí buevacam ūmenu, corenajidi nūja apecure? aicōjenejamedá náre Juan Bautista.

²⁰ Ina daroimara, Jesú yebai earí, arejaimada ūre:

—Juan Bautista darobi nūjare jēniari jáicōjeñu: “Jáveneca mūru Jūmenijicui daroim, ‘Ji yóboi dacuyume apecu couyipōecu’ arí, ūi buevacam? Úi que arí buevacam ūmenu, corenajidi nūja apecure?” arejaimada Jesúre.

²¹ Aru dinumumareca Jesús meadare cuyu barejámeda obedivu pōevare: ijmamarare, nájivure, aru abujuva ne imamarare máre. Aru obedivu jári eabevure cōmaje ároje jári meadarejamedá.

²² Que teni Jesús ju ayu, arejamedá Juan Bautistai daroimarare:

—Nuri couyajarā Juan Bautistare mūje jāpiayede aru mūje jáiyede máre: Ina jári eabevu bácvu jári eadama caride, aru ina cuiye majibevu bácvu cuyama caride. Ina pojeivu bácvu meama aru ina jápiabevu bácvu jápiadama caride.

Ina yaivu bácvu, nacovaimara yainore jaruvári, apuma cojedeca caride. Aru cōmaje ārojari vure coyuyubu iye yávaiye méne, Jūmenijicu meadaiyede pōevare. ²³Torojubi ñai jü arí dajocabesu yure, arejameda náre Jesús.

²⁴Ina daroimara ne nūriburu yóboi, Jesús Juan Bautistai borore yávarí báyu, arejameda ina pōevare:

—Jáve járanumeteavu mija cōriáre ūmevu japuiyede pōecubenoi. ²⁵Aru jáve járanumeteavu mija pōecu cuitótecaje meacajede doyure máre pōecubenoi. Majivu mija ina doivure cuitótecajea meacajeare curivure torojuve teni cainumua jabovai cūramiai. ²⁶Quénora jáve járanumavu mija cūinácu Jūmenijicu yávaiyede coyucaipōecure. Jáve coyuuyubu mujare: Jáquemavu mija Jūmenijicu yávaiyede coyucaipōecu pheno meach bajure. ²⁷Juan Bautistabe ñai Jūmenijicu toivaicōjeimá mácu úre coyucaipōecu báçure:

Jaroivu yure coyucaipōecure mi jipocai, úi meadaquiyepo ayu pōevare, ne copu etarājiyepo ayu mure, nope-deca pōeva ne meadaquiyepo cuimare ñai úmu, ne puedaimu, úi daquiyepo ayu, arí coyucaipōecure mi jipocai, arí coyucaipōecure mi jipocai, arí coyucaipōecure mi jipocai.

²⁸Jáve coyuuyubu mujare: Cúbebi apecu Jūmenijicu yávaiyede coyucaipōecu meach baju Juan Bautista pheno ina ijárvu pōeteivu jéneboi. Ubenita ñai ubeni cucus Jūmenijicu jaboteinore Jūmenijicu mearo dācaimume Juan Bautista pheno, arejameda Jesús.

²⁹Úi que aiyede Juan Bautistai borore japiarí, obedivu pōeva aru ina jabovare tāutura ícaipōeva máre coreó-varejaimada Jūmenijicure jáve ayure. Que baru Juan Bautistare jádovaicōjene-jaimada náre Jūmenijicuque. ³⁰Ubenita ina fariseova aru Jūmenijicu yávaiye

báquede bueipōeva máre ubedejaimada Jūmenijicu daiyurore náre boje. Que baru Juan Bautistare jádovaicōjemene-jaimada náre Jūmenijicuque.

³¹Que teni Jesús arejameda náre:

—¿Yéque jévari coyuji ina pōeva ijárvucahvare? ¿Aipe ārojari na?

³²Juedova tāibhi dobarivupebu, yajurājivu nácacavuque. Aru yópe aivupebu: “Japuvu ñija yuriainore. Ubenita upabetevu mija. Yuríavu ñija chiore daiyede. Ubenita obetevu mija”. Aru nópe ijárvucahvare máre cārijiñama na. ³³Que baru Juan Bautista úi daiyede, úi ámeni aru úcumeni teiyede, “Abujucure cùvabi”, úra ubenina aivubu mija. ³⁴Aru Jūmenijicu daroimá mácu úmupe, ji daiyede, ári aru úcuri teiyede yópe caivu aperuope, “Ñai úmu urarō ári úi vainí tuiyeta, aru urarō úcuri úi pacoteiyeta, yóvaibi ámenare aru jabovare tāutura ícaipōevare máre”, yurā ubenina aivubu mija. ³⁵Ubenita Jūmenijicu majiéde pōeva jádama úre jü aivuque, arejameda Jesús.

Jesús úi cüe fariseovacacu Simói cürami

(Mt 26.7; Mr 14.3)

³⁶Cúinácu fariseovacacu cuture-jameda Jesúre, “Árevu” ayu, úi cürami. Aru Jesús jü arí, ecorí, dobarejameda tuoiva yebai. ³⁷Aru cùináco nomiò, diímarocaco, ámeina teipōeco, majico Jesús dobacure ñai fariseoi cürami, nüvarejacoda cùinábu úmujuribu boribu mumijue curibure. ³⁸Orí earejacoda Jesúi cùboba yebai. Aru òi orique énuvarejacoda úi cùbodore. Que teni popovarejacoda òi podaque. Aru nuri úi cùbodore, òi puedaiye boje úre, yuarejacoda iye mumijude úi cùboba pheno. ³⁹Que teni ñai fariseo, Jesús cutuyu bácu, “Árevu” arí úre, yópe teinore jári, dápiarejameda úi baju: “Ñai úmu Jūmenijicu yávaiyede

coyñcaipõecu baru, majijebu yéco põeco ico jéni jádore ūre. Põeco āmeina teipõecobe ò”, arí dápiarejamedá.

⁴⁰Quénora Jesú斯 arejamedá ñai fariseore:

—Mu, Simón, apejino coyuñuyuñu mure, arejamedá Jesú斯.

Ñai fariseo ju arejamedá ūre:

—Mu, bueipõecu, coyuñjacu yure, arejamedá Simón.

⁴¹Úi nópe aiyede, Jesú斯 yópe arí coyñrejamedá ūre:

—Pucarā ūmuña bojecube daquemavu tauturare cūinácu tautura jípōecure. Cūinácu bojecube daquemavu rincayuña memeiye bojede. Aru apecu bojecube daquemavu pucarā aviáva memeiye bojede. ⁴²Na yéque buojarí ne bojedabe boje, ñai tautura jípōecu ārūmeteque-mavu ina pucarā ne bojecube daiyede. Coyuñjacu yure. ¿Ácu pōecu ina pucarā-cacu pñeno baju uthi ūre? arejamedá Jesú斯.

⁴³Aru Simón ju arejamedá:

—Dápiavu ñacure pare ūre ñai ūi ārūmeteimu mácu pñeno bojecube dayure, arejamedá.

Jesú斯 arejamedá ūre:

—Jáve coyuñvnu mu, arejamedá.

⁴⁴Jesú斯 copedini, jánhu ico nomiore, arejamedá Simóre:

—Jájacu ico nomiore. Ecovu yu mi cūrami, aru jibetevu mu oco, joaquiye ji cùbobare. Ubenita ico nomiò énu-vaimico ji cùbobare ñi orique aru popo-vaibico ñi poðaque. ⁴⁵Jacoyubetevu mu yure. Ubenita ico dajocabebico pueðado yure, ji cùbobare nuño. ⁴⁶Yuabetevu mu mumijueque ji jipobure. Ubenita ñi yuarí mumijue daibico ji cùbobare. ⁴⁷Que baru aivu yu, ñi ñameina teiye urede Jü-menijicu ārūmeteiyé báque boje, utharó ñi uthore jádovaimico ñi. Ubenita ñai ñi ñameina teiye obebeda Jü-menijicu ārūmetedu, quíjino ñi uthore jádovaimi ñi, arejamedá Jesú斯.

⁴⁸Aru arejamedá ico nomiore:

—Mi ñameina teiyede ārūmeteivu yu, arejamedá Jesú斯.

⁴⁹Ina Simói cutuimara, dobarivu úque, yávarí bárejaimada ne bajumia:

—¿Yéch bárica ñai ūmu ñameina teiyede ārūmetede dayu? arejaimada na.

⁵⁰Aru Jesú斯 arejamedá ico nomiore:

—Mi ju aiye boje, meateivu mu. Que baru me nujaco cärijimecova, arejamedá ñre Jesú斯.

Nomiva Jesúre ne cadateino

(Mt 27.55-56; Mr 15.40-41; Lc 23.49)

8 No yóboi, Jesú斯 coyuñunrejamedá ñimaroai aru ñimajinoa coapa, põeva ne majinajipepe ayu Jümenijicu jaboteinoque borore. Aru ina doce paivu ñi bueimara yóvarejaimada ūre. ²Apevü nomiva máre yóvarejaimada náre, Jesúii meadainomiva mácavu. Apevure ina nomivare Jesú斯 javei jaetovarejamedá abujuvare. Aru apevure javei meadarejamedá ñi. Cūináco Magdala ñamicuriñmarocaco barejácoda, ñi ñamíá María. Jipocamia Jesú斯 jaetovarejamedá siete paivu abujuvare ñre jocarí. ³Apeco barejácoda, ñi ñamíá Juana. ñai jaboca Herodes ñi cùramine coreipõecu márepaco barejácoda ñi, ñi ñamíá Chuza. Aru apeco barejácoda, ñi ñamíá Susana. Apevü obedivu nomiva, Jesúii meadainomiva mácavu máre yóvarejaimada ūre. Ina nomiva Jesújäre jauéde jídejaimada.

“Oteipõecure” jári dápiarí ne ñarajiyepo aino

(Mt 13.1-9; Mr 4.1-9)

⁴Obedivu põeva cójijivu Jesú斯 yebai ñimaroa coapacavu. Que teni Jesú斯 buedejamedá náre jári dápiarí ne ñarajiyepo ainoque, yópe arí:

⁵—Cūinácu oteipōecu otecūnque-mavu ūi oteiyede. Ūi oteiyede ape oteiye tūquemavu ma ēcarui. Aru ne curaiyede ina cuivu noi, míjina vuivu darī, āradaquemavu caiye iye oteiyede. ⁶Ape oteiye tūquemavu joborō edubenoi cūraboa pħenoi. Aru yóboi pīarí etaquemavu. Ubenita yaiquémavu, no oco cube boje. ⁷Ape oteiye tūquemavu miucua jēneboi. Aru miucua bħucu ħi chioyede, jēiye jēmetequemavu. ⁸Ape oteiye tūquemavu mearo joborōi. Aru bħucuquemavu. Aru jēquemavu jēiñu cien paivu caiye oteiyabea coapa, arejameda Jesús.

Que yávayu bácu, Jesús pare bħujino yávarī, arejameda náre:

—Me jāpiajarā mħaja iye ji bueiyede, arejameda Jesús.

Aipe aiyurōre Jesús ūi jāri dāpiarī ne ċarājiyepe aino

(Mt 13.10-17; Mr 4.10-12)

⁹Jesúi bueimara jēniari jārejaimadha ūre:

—¿Aipe teni bueyurā mu jāri dāpiarī ūje ċarājiyepe ayu mi coyhiyeque? arejaimada.

¹⁰Aru Jesús arejameda náre:

—Mħajre coyħi majide daxxu iye Jūmenijicu ūi coyhiċōjeme máquede. Ū jaboteibi mħajre, ūi pōevare. Ubenita ina ahev u iyede majibevu quēda jāri dāpiarī ne ċarājiyepe ayu bueyħu u náre, jāivureca ne jāri majibenajiyepe ayu aipe aiyurōre ne jāiyede, aru jāpiavureca ne jāpiarī majibenajiyepe ayu aipe aiyurōre ne jāpiaviede, arejameda Jesús.

Jesús ūi coyħino aipe aiyurōre “oteipōecure” jāri dāpiarī ne ċarājiyepe aino

(Mt 13.18-23; Mr 4.13-20)

¹¹Yópe arī, Jesús coyurejameda ūi bueimarare:

—Yo jāri dāpiarī mħaje ċarājiyepe ayu ji aino yópe coyhiyurōmu mħajre: Iye oteiye Jūmenijicu yávaiyepe paiyebu. ¹²Aru inamu ma ēcaru oteiye turiduiye báquepe paivu. Náre coyhiyepe Jūmenijicu yávaiyepe jápiadama, ubenita coreóvarī eabevuva. Que baru ne jāpiarīburu yóboi, ñai abujuvai jabocu darī, ārūmetede daibi Jūmenijicu yávaiye ne jāpiaye báquede, ne jħu abeni majibenajiyepe ayu, meatebenajivu. ¹³Aru inamu joborō edubenoi, cūraboa pħenoi, oteiye turiduiye báquepe paivu. Jūmenijicu yávaiyepe jápiarī, torojħuma me. Ubenita Jūmenijicu yávaiyepe jħu ariduyama na. Que baru qujjino yóboi, pōeva ne cārijovaru náre, ne jħu aiye boje, maumena dajocadama ne jħu aiye Jūmenijicu yávaiyepe. Que teni jħu abema na. ¹⁴Aru inamu miucua jēneboi oteiye turiduiye báquepe paivu. Na máre jāpiavu Jūmenijicu yávaiyepe, ubenita cārijinama ijāravuquede. Torojħuma tātutħuraque. Aru caiye iye ne torojħuve teiye ijāravuqude cojuvu náre. Que baru Jūmenijicu cađatebebi náre ūi yávaiyeque yópe ūi urōpe. ¹⁵Ubenita inamu mearo joborōi oteiye tuiye báquepe paivu. Jūmenijicu yávaiyepe jāpiavu, jħu adama jāve diede. Aru me ārūma dajocabevuva. Que baru nárecabu daivu Jūmenijicu urōpe cārijimevva, arejameda Jesús.

“Pēoibure” jāri dāpiarī ne ċarājiyepe aino

(Mt 5.15; 10.26; 25.29; Mr 4.21-25; Lc 11.33; 12.2; 19.26)

¹⁶Cojedeca Jesús, yópe arī, buedejameda náre:

—Pōecu cubebi pēoibure pēoriburu yóboi moaňu dibure cōaiňuqu o nōňu paraino cāchinoi. Quénora thoibi jochu pħenora, pēoquyepe ayu caivu ecoivu nore. ¹⁷Que baru caiye yaveiye báque

jároquiyebu. Aru dupióvaiye báquede máre járajaranama caivu pöeva.

¹⁸ Que baru me dápiajarā muje jápiayede ji bueiyede. Aru dajarā yópe ji coyuñiyepo. Nopedeca ñai jápiayure Jūmenijicu yávaiyede, Jūmenijicu pueno baju ñi majiéque jíchuyme ñire. Übenita ñai jápiabecure Jūmenijicu yávaiyede, iye ñi quíjino majiéde dápiayu cüvaede, Jūmenijicu ñire íchuyme diede, arejameda Jesús.

Jesús ñi jina ne voino ñire

(Mt 12.46-50; Mr 3.31-35)

¹⁹ Dinumure Jesúi paco aru ñi yóva earejaimada ñi curói. Übenita ñire eabe-dejaimada, obedivu pöeva ne cüe boje.

²⁰ Que baru apevu arejaimada Jesúre:

—Mipaco aru míyova máre jedevai nürivu, mure járadadama, arejaimada.

²¹ Übenita Jesús arejameda náre:

—Caivu ina Jūmenijicu yávaiyede jápiavu aru Jūmenijicu urópe daivu, nárecabu jipacope pádo aru jíyovape paivu máre, arejameda Jesús.

Jesús ûmevure ñi bíjaroino

(Mt 8.23-27; Mr 4.35-41)

²² Cüinájäravu Jesús, jatuyu jiaðocu ñi bueimaraque, arejameda náre:

—Járica, macajitabu urabu apeduvei nürevu, arejameda náre.

Que baru nürejaimada na.

²³ Ne jataiyede, Jesús cärejameda. Japurejavüya ûmevu parurō baju.

Aru pääcaiboa ecorejavüya jiaðocure.

Que baru dicu buidéjavüya. Pare

jidojarejavüya no. ²⁴ Que teni Jesús

yebai nuri, yópe arí, coedavarejaimada

ñire:

—¡Mu, bueipöecu, coivubu maja! ¡Bí-jarajivubu maja! arejaimada na.

Jesús coedarí, jararejameda ûmevure.

Iboá uraboa pääcaiboa bíjarejavüya. Aru

cärijimene darejavüya. ²⁵ Que teni Jesús

arejameda ñi bueimarare:

—¿Aipe teni “Jesús meadachuyme ñujare”, abevurü muja? arejameda.

Que aiyede, cuecumari urarō dápiare-jaimada. Aru arejaimada ne bajumia:

—¿Yéchba ñai, yópe cõjeñu ûmevure aru macajitabure máre ju aimu? arejaimada na.

Jesús ñi meadaino ûmu abujuva ne ìmamure

(Mt 8.28-34; Mr 5.1-20)

²⁶ Jesújä jatarejaimada no macajitabu urabure apeduvei. Aru cürejaimada na Gerasa ämicurócacu, Galilea ämicuró

côchinoi. ²⁷ Jesús ñi maiyede jiaðocure jocarí, copu nürejameda cüinácu ûmarocacu, abujuva ne ìmamu. Joe baju cuitótecajede dobedejamedá. Aru cürami cübedejameda ñi. Quénora pöeva ne yaivu bácvure jaruvainoi cuchu barejámeda. ²⁸ Jesúre jári, ñi yebai nuri, ñuatutarí buejé codoboborí, arejameda:

—Mu, Jesús, Jūmenijicu mácu, caivu pueno paruchu mácu, ¿yéde usurñ yúque? Jëniaivu mure, ñajine ðabejacu yure, arí codoboborejameda.

²⁹ Nópe arejameda Jesús ñi etaicõjeiye báque boje jipocamia ina abujuvare ñai ûmure jocarí.

Apenumua abujuva ñire ûmarejaimada. Que baru nócavu ñire coreni buorí-durejaimada tâumeaque, buoimeaque máre. Übenita coburururí buravare-jaimeda dimeáre. Aru ina abujuva jarore-jaimada ñire pöecubenoi.

³⁰ Dinumure Jesús jëniari járejameda ñire:

—¿Yéch ämicurü mu? arejameda.

Ju arí arejameda:

—Obecu ämicuvu yu, arejameda.

Nópe arejameda, obedivu abujuva ne ïmae boje. ³¹ Ina abujuva pare jë-niarejaimada, ñi jarobequiyepo aivu náre ûmujuricobei, abujuva ne ñajinoi.

³² Cürejaimada noi cüracu yebai obe-

divu oteivāriva, ãre cuivu. Aru jēniarejaimada ina abujuva Jesúre:

—Jarojacu ñujare oteivārivara, ñuje corājiyepé nára, arejaimada.

Dinumuma, nñicōjenejamedá náre Jesús:

—Nujara, arejamedá.

³³ Aru ina abujuva etarí, corejaimada oteivārivara. Cúyarí nuri turejaimada cūracú emeinoi, macajitabu ularbi. Turi corí bījarejaimada na. ³⁴ Aru ina oteivāriva mácavure coreipóeva cúyarí nurejaimada, coyinu ularmaroai aru imaro cūrōvaquede máre. ³⁵ Que baru obedivu pöeva “¿Aipe tenama?” arí, járanurejaimada. Nuhu Jesús yebai, járejaimada nai umu abujuva ne nájine daimu mácu dobacure, cuitótecajede doyure, meacure cari. Aru jidurejaimada úre. ³⁶ Coyurejaimada ina jáivu bácacu Jesúr meadaiye báquede nai umu, abujuva ne imamu mácure. ³⁷ Quénora “Nujacu”, arejaimada Jesúre paruróque caivu Gerasa ãmicurōcavu, ne jidue boje.

³⁸ Jiadocuji jaturí, Jesús copainurejamedá. Ubenita ui copaiquiye jipocamia nai umu, abujuva ne imamu mácu, jēniarejamedá paruróreca cuiyucu úque. Ubenita Jesús yóvaicōjemecu arejamedá úre:

³⁹ —Copainuyacu mi cūrami. Aru coyuyacu caiye iye ularo Jūmenijicu ui daiyede mique, arejamedá Jesús.

Nuri, coyuyu barejámeda caivu imarocavure caiye iye Jesús ui daiye báquede úre.

Jesús ui nacovaino Jairoi máco bácore aru ui meadaino nomio nájiñore jiveque

(Mt 9.18-26; Mr 5.21-43)

⁴⁰ Jesús copaiyu bácore, obedivu pöeva coreivu barejáimada úre. Que baru cójjidejaimada ui yebai, úre jacoyuyu. ⁴¹ Aru earejamedá cūinácu

judíovai cójijiñamine coreipóecu, Jairo ãmicuchu. Járina ñuatutarejamedá Jesúr cuboba yebai. Urarōreca jēniañu arejamedá Jesúre:

—Mu, bueipóecu, dajacu ji cūrami, arejamedá.

⁴² Cūinácova ui máco, doce paíjuua cūvacore, cūvarejamedá Jairo. Aru yaidé nñño marejáco ò. Que baru Jesús nurejamedá úque. Cujurejaimada náre obedivu pöeva. Aru cojivare nurejaimada Jesúre.

⁴³ Ne jēneboi cūináco nomio cūrejaco ò. Doce paíjuua baju ijimo marejáco ò jive yuiyeque. Aru pöecu cùbedejamedá juoiye majicu òre. ⁴⁴ Nurejacoda ui yóboi obedivu pöeva jēneboi. Aru jeni járejaco ò doicaje turuvár. Cūiná òi jeni jáiyede, bījarejavuya òi jive yuino mácaro.

⁴⁵ Dinumu Jesús arejamedá:

—¿Name matedí yure jeni jádo? arejamedá.

Caivu “Yu ãmevu” ne aiyede, Pedro arejamedá:

—¡Mu, bueipóecu, obedivu pöeva cojivare daivubu mure! arejamedá.

⁴⁶ Ubenita Jesús arejamedá:

—Cūináco nomio jeni jácobe yure. Que baru majivu yu. Ji baju ji majiéque meadaivu yu òre caride, arejamedá Jesús.

⁴⁷ Úi que aiyede, ico nomio òi baju dupini majibe boje, bidini jidaco, nuri ñuatutarejacoda ui cuboba yebai. Coyurejacoda caivu ina pöeva ne jáiyede òi jeni jáinore úre aru cūiná òi meateinore. ⁴⁸ Aru Jesús arejamedá òre:

—Mu, ji umo, “Ú meadaiye majibi yure”, arí dápiajebu mu. Que baru mi que arí dápiajeye boje, meadaivu mure. Ména nuri cuyaco mu, arejamedá Jesús.

⁴⁹ Úi boroteiyede óque, cūinácu nai judíovai cójijiñamine coreipóecu cūramicacu earí, arejamedá Jairore:

—Javeta mímaco yaibíco õ. Quénora cārijovamejachueipōecure, arejamedá.

⁵⁰ Ubenita Jesús, jápiayú bácu ñi yávainore, arejamedá Jairore:

—Jidubéjacu mu. Quénora ju ajacu ji coyñinore, aru meatecodome õ, arejamedá Jesús.

⁵¹ Jesús ñi eaiyede Jairoi cūrami, apevure ecoicōjemeni ñque, nūvarejameda Pedore, Jūare, Santiagore, aru ico juedoco bácoi pacure aru pacore máre. ⁵² Caivu pōeva nōcavu óre oivu aru cōmaje ároje jáivu barejáimada. Ubenita Jesús arejamedá:

—Obejará. Ó yaiyó ãmemico. Quénora cādotame, arejamedá.

Náre nópe arejamedá Jesús, ñi majé boje ñi nacovaquinore óre yainore jaruvarí. ⁵³ Ñi que aiyede, yuridejaimada ñre, ne majié boje yaiyó bácore. ⁵⁴ Dinumu Jesús ecōrejameda juedoco bácoi cūritucubu aru õi pūrure jení, bujíe yávarejameda óre:

—Mu, juedoco, nacajajaco, arejamedá Jesús.

⁵⁵ Aru ñimedarejacoða õ. Que baru cūiná nacajarejacoða. Aru, “Aiyede jíjará óre”, arejamedá Jesús. ⁵⁶ Ói buchua cuecumari pare dāpiarejaimada. Ubenita Jesús apevure coyñicōjemenejameda náre iye ñi daiye báquede.

Jesús ñi jaroino ñi bueimarare

(Mt 10.5-15; Mr 6.7-13; Lc 10.4-11; Hch 13.51)

9 Órejarí ina doce paivu ñi bueimarare ñi yebai, Jesús jídejameda ne paruéva, ne jaetovarājiyepé ayu abujuvare aru ne meadarājiyepé ayu ijimarare. ² Aru jarorejameda náre, ne coyurājiyepé ayu Jūmenijichí jaboteinoque yávaiye méne aru ne meadarājiyepé ayu pōevare. ³ Jesús arejameda náre:

—Nūvamejara muja apejíene muje nūnire. Tutariteyoava nūvamejara, curubuare máre, aiyede máre, aru tāuturare máre. Nujara muje cuitótecaje doinō cheda. ⁴ Ári muja ecoivu ñmaroi, cūjarā cūinácu cūrami upacuque pñ dajocarí nūivata nore jocarí. ⁵ Apenoi ne copu etabedu mujare, aru ne jápiayubedu iye yávaiye méne, etarí nūjara. Aru püpejará jobore mujare jéiyede muje cūboba cāchinoi ne jáiyede, ne jápiayubé boje. Que teni diímarocavu coreóvarājarama ju abevure Jūmenijichí aru mujare máre, arejamedá Jesús.

⁶ Que aríburu yóboi, etarí nurejaimada ñmaroi aru ñimajinoa coapa. Coyurejaimada Jūmenijichí yávaiye méne aru meadarejaimada pōevare caino.

Juan Bautista bácu ñi yaino

(Mt 14.1-12; 16.14; Mr 6.14-29; 8.28; Lc 9.19)

⁷ Dinumu ñai jaboca Herodes jápiarejameda Jesúi borore, caiye ñi daiyede. Aru cārijinejameda, pōeva ne yávaiye boje. Apevu arejaimada, “Juan Bautista bácu nacajacube yainore jaruvarí”. ⁸ Apevu arejaimada, “Elías járocube cojedeca”. Aru apevu arejaimada, “Cūinácu Jūmenijichí yávaiyede coyuscaipōescu bácu nacajacube yainore jaruvarí”. ⁹ Herodecapūrava arejameda: “Juan Bautista báchi jipobure buraicōjecasu yu. Que baru, ¿ñamema ñai ñi borore ji jápiaimu?” arejamedá. Aru pare jāiyurejameda Jesúre ñai jaboca Herodes.

Jesús ñi ãre daino cūinápūrupe paimil baju ñmuvare

(Mt 14.13-21; Mr 6.30-44; Jn 6.1-14)

¹⁰ Dinumu Jesúi daroimara mácavu copainurejaimada ñi yebai. Ñre coyure-

jaimada caino ne daino mácarõre. Aru Jesús náre nñavaridurejamedá põevare jocarí cüináimaro joabenoi, Betsaida ámicurõi. ¹¹ Ùbenita náre nñivare majidejaimada põeva obediv. Aru Jesújäre cujurejaimada na. Jesúcapúravu torojuchu jacoyurejamedá náre. Coyurejamedá Jümenijicu jaboteinoque yávaiyede. Aru meadarejamedá nácvu ijimarare máre.

¹² Aru nainú tñvaino marejávaya. Que baru coyurääearejaimada ina doce paivu ùi bueimara. Arejaimada úre:

—Põecubenotamu yo. Que baru nñicõjejacu ina põevare, ne voräjiyepé ayu ne jabuóvaräjiyede aru ne bojedaräjiyepé ayu ne ärajiyede imaro joabenoi aru no cñrõvaquei, arejaimada Jesúre.

¹³ Ùbenita Jesús arejamedá náre:

—Muja náre äiyede jíjarã, arejamedá. Na arejaimada úre:

—Páuboa cüinápürupe paiboa aru moa pucarã quénora cüavu nñuja. ¿Nñuja bojedacaränurajidi äiyede, jínajivu caivu ina põevare? arejaimada na.

¹⁴ Aru nácvu ùmhuva cüinápürupe paimil baju barejaimada na. Jesús arejamedá ùi bueimarare:

—Dobaicõejara muja ina põevare yajuboa teni, cainimea teni, cincuenta paivu curiyajuboa, arejamedá Jesús.

¹⁵ Ùi aiye báquepedeca dñarejaimada na. Que teni dobaicõjenejaimada náre.

¹⁶ Aru die páuboa cüinápürupe paiboa aru moa pucarãre jení, cavarõi jâñu, torojuede jídejamedá Jümenijicu. Torojuede jíni buajarí, páubore aru moare máre cotuvarí jebeni, põevare jícõjenejamedá Jesús ùi bueimarare. ¹⁷ Aru caivu ãri yapidejaimada na. ãri bubaríburu yóboi, iye cotuvariye báque páu aru moa máre põeva ne ãri oabede ñi, meadarí, puebua doce paibhare,

judíova ne puebhare, buivárejaimada ùi bueimara cojedeca.

Pedro ùi “Cristobu mu” aino

(Mt 14.1-2; 16.13-19; Mr 6.14-15; 8.27-29; Lc 9.7-8; Jn 6.68-69)

¹⁸ Jesús coyuhyu barejamedá Jümenijicu cüináchua. Aru ùi bueimara curejaimada úque. Dinumure jeníari járejamedá náre yópe:

—¿Aipe aidí põeva yure? ¿“Yécubebu”, aidí na? arejamedá Jesús.

¹⁹ Arejaimada úre:

—Apevu adama, “Juan Bautistabe”. Aru apevu adama, “Elíabe”. Aru apevu adama, “Cüinácu Jümenijicu yávaiyede coyucaipõecu bácu nacajauñu mácu”, adama mure, arejaimada na.

²⁰ Aru Jesús jeníari járejamedá náre:

—¿Ùbenita aipe aivurú muja yure? arejamedá Jesús.

Pedro ju arejamedá úre:

—Mu Jümenijicu daroimu mácu. Nñjare jabotecuyumu mu, arejamedá Pedro Jesúre.

Jesús ùi coyuino ùi yaiquínore

(Mt 10.38-39; 16.20-28; Mr 8.30-9.1; Lc 14.27; 17.33; Jn 12.24-25)

²¹ Ùbenita ùi borore apevare coyuicõjemenejamedá náre, yópe arí:

²² —Jahvu yure, Jümenijicu daroimu máchre ùmhepe, urarõ ji ñájiquino. Ina judíova buchua, aru sacerdotevare jaboteipõeva, aru Jümenijicu yávaiyede báquede bueipõeva máre yure boarí jaruvaräjarama. Aru yóbecuri-järavua yóboi nacajachuyumu yu yainore jaruvarí, arejamedá Jesús.

²³ Aru caivure arejamedá Jesús:

—Ácu põecu daiyuchu yúque, dajocajacurí põeva ne mearo jáiyede úre, cuyebejacurí yure yóvaiyede, aru jiduþejacurí ùi ñájiquiyede. Nópe dñabecu baru, ù buojabebi jícu bacuyú. ²⁴ Ñai põecu ùi baju urópe ðarí, meadaiyuchu baru

Üi bajure, coatecuyume üi bajure Jūmenijicure jaravarí, yópe yaiyá bácupe üi ümei. Übenita ñai pöecu, “Ye baju amevu, ji yaidú Cristore boje” ayu, üi baju utepe dabecuva quénora ji utepe darí, ürecabe ji meadaquim, cuchuy Jūmenijicque cainumua.²⁵ Ñai pöecu cuchuy baru caiye ijárravuquede, übenita bíjayu baru üi ümene, ñajichuyume cainumua toabo cüiméboi.²⁶ Aru ñai pöechi cuyedu yure aru ji yávaiyede máre, yu, Jūmenijicu daroimu mácu ümupe, máre cuyeni dápiacuyumu üre ji jádovaiyede ji mearore, aru jipacu meacu baju üi mearore, aru ina ángel-eva meara ne mearore máre, ji daqui-járravu baquinói.²⁷ Jäve couyuhu mühare: Apevu curivu yui, ne yainájiye jipocai járrajarama Jūmenijicu jaboteino curore, ji jaboteiyede pöevare, arejameda Jesús.

Jesús üi baju oatuvalino

(Mt 3.17; 12.18; 17.1-8; Mr 1.11; 9.2-8; Lc 3.22; 2 P 1.17-18)

²⁸ Ocho paíjárravua yóboi, Jesúsu nüvarejameda Pedrote, Jüare, aru Santiagore máre, jéniarajivu Jūmenijicque cüracu. ²⁹ Üi jéniaiyedeca, üi jiva oatuvalorejavya. Aru üi cuitótecaje boricaje pëorejavya.³⁰ Pucarā ümava járorejaimada, boroteivu üque. Na marejáimada Moisés aru Elías.³¹ Caino ne curó miadári jajavu tedejavuya. Borotedejaimada Jesúsu üi copaiquinore ijárravure jocari aru üre vaiquínore máre Jerusalén ámicuriímaroi.³² Pedro aru ücavu máre vuocurivvacari, cámenejaimada. Quénora apurivu járejaimada Jesúsu meacu bajure aru náre máre, ina pucarā ümava curivure üque.³³ Moisés aru Elías ne dajocaiyede Jesúsu, Pedro arejameda:

—Mu, bueipöecu, mearotamu ñuje curu yui. Que baru darajivubu ñuje yóbecuriñamia cüramia quíjíñamia

maquiyéde, cüinádami maquinóre míñami, aru apedámi maquinóre Moiséde, aru apedámi maquinóre Eláre, arejameda Pedro.

³⁴ Übenita majibedejameda üi que ainore. Üi coyuyedeca, ocopenibo émeni taorejavaya náre. Que baru jidurejaimada pare.³⁵ Aru ocopenibo taoiyede náre, jápiarejaimada apeno yávainore ocopenibo etaiyede: “Ñaime jímacu, ji beoimu. Que baru jápiajará üre”, arejameda Jūmenijicu.

³⁶ Aru yávariburu yóboi, járejaimada Jesúre cüinácvu. Übenita ne jáino mácarore bi arí coyubedejaimada apevu pöevare.

Jesús üi meadaino juedocure abujucu üi imamure

(Mt 17.14-21; Mr 9.14-29)

³⁷ Comiájjárravu, émeivu bácvu dicu cüracure jocari, obedivu pöeva copu nurejaimada Jesúre.³⁸ Aru cüinácu pöecu pöeyajubo jeneboi, yópe arí, codoboborejameda:

—Mu, bueipöecu, jéniaivu mure. Jäjacu jímacure, cüináura ji cüvamure.³⁹ Abujucu cainumua bidióvarí ture dávabi üre joboroi. Üre ñajine darí, codobobore dávabi. Aburi etavavu üre. Aru ñai abujucu dajocaiyubevabi üre.⁴⁰ Yu jéniariduvu mi bueimarare, ne jaetovarajiyepo ayu ñai abujucure. Übenita ñaine jaetovarí majibema na, arejameda Jesúre.

⁴¹ Jesús arejameda:

—Muja, ijárravucavu, Jūmenijicure ju abevu aru ámeina teivu máre, ¿aipi-járravua cüquidi yu mijaque? ¿Aru aipi-járravua ñajiquidi yu mijaque, mije ju arajiyepo ayu ji coyuyede? Davajacu mímacure ji yebai, arejameda Jesúre.

⁴² Aru ñai juedocu üi eaiyedeca Jesúsu yebai, ñai abujucu bidióvarí ture darejameda üre. Übenita Jesúsu jararí abujucure, jaetovarejameda

ŕre ñai juedocure jocarí. Que darí meadarejamedá ŕre. Aru jacopaiyovarejameda jípacure. ⁴³ Aru caivu cuecumarejaimada Jūmenijicu ūraro paruáde.

**Jesús ūi coyuhino
cojedeca ūi yaiquínore**
(Mt 17.22-23; Mr 9.30-32)

Pöeva ne ұrarō dápiaiyede caiye ūi daiye báquede, Jesús arejameda ūi bueimarare:

⁴⁴—Me jápiajarā caiye iye ji coyuhuiyede mūjare. Árumetebejarā. Yure, Jūmenijicui daroimu mácure ūmupe, jēni jínajivubu ji mauvare, Jesús arejameda náre.

⁴⁵ Jūmenijicu jápiarī eaicōjemene-jameda náre iye Jesús ūi coyuhuiyede. Que baru jápiarī coreóvabedejaimada. Aru jidurivu jēniari jáiyubedejaimada ŕre iye ūi coyuhino mácarore náre.

Ṅamema parucu maje jēnebore?

(Mt 10.40; 18.1-5; Mr 9.33-37;
Lc 10.16; 22.24; Jn 13.20)

⁴⁶ Jesúi bueimara jararī bárejaimada ne bajumia ūamene parucure ne jēneboi apevu pueno. ⁴⁷⁻⁴⁸ Ūbenita Jesús coreóvayu bácu ne dápiaiyede ne ūmei, jēnejameda cūinácu juedocure. Aru ŕre nūvari ūi yebai, arejameda náre:

—Cūinácu pöecu copu etayu baru ñai juedocure ji ámiái, ji cōjeiyepo, que dayu nopedeca copu etaibi yure. Aru ñai copu etayu baru yure, copu etaibi ñai yure daroyure máre. Que baru ñai mūjacach parubecu caivu pueno, ñai cadateiyuch apevure, ărecabe jāve parucu Jūmenijicui jāinore. Pöeva parurivubu, cadateivu baru apevure Jūmenijicui jāinore. Ūbenita ina jaboteiyurivu apevure, aru daicōjeiyurivu náre máre, parubevubu Jūmenijicui jāinore, arī buedejameda Jesús.

Majare jarabecu, majacacube

(Mr 9.38-40)

⁴⁹ Juan arejameda Jesúre:

—Mu, bueipöecu, jácarā ūja cūinácu ūmu abujuvare jaetovayure mi ámiái, mi paruáque. Ūbenita ūjaque ūi cube boje, “Dabejacu” acarā ūja ŕre, arejameda Juan.

⁵⁰ Ūbenita Jesús arejameda:

—Ácu pöecu mauchvabecu baru majare, majacacube ū. Que baru ŕre nópe aiye jaubeteavu mūjare, arejameda náre Jesús.

**Jesús Santiagore aru
Jūare máre ū jaraino**

⁵¹ Joabejino marejávuya ūi muri ūquijárvu baquinó cavarō mearo Jūmenijicui curóita. Que baru Jesús, paruáque dápiaři, bárejameda ūi nūiyede Jerusalén ámicuriimaro.

⁵² Ūi jipocai jarorejameda ŕre boro nūvacaiipöevare. Aru ina nuri ecorejaimada Samaria ámicurijoborócaimaro. Noi Jesús ūi eaquinore meadarānūridurejaimada na. ⁵³ Ūbenita ina Samariacavu copu etaiyubedejaimada Jesúre, ūi nūiyede boje Jerusalén ámicuriimaroita, ne ūbe boje diñmarocavure. ⁵⁴ Ūi bueimara pūcarā, Santiago aru Juan, diede jāivu bácvu, jēniari jārejaimada Jesúre:

—Mu, ūje jaboch, ăjōdaicōjenajidi ūja toabore cavarō mearo Jūmenijicui curóquede, ne énajiyepe aivu? arejaimada na.

⁵⁵ Ūbenita Jesús copedini jararejameda náre. ⁵⁶ Aru nūrejaimada apeno ūmaroi.

Apevu Jesúque ne nūiyuriduino

(Mt 8.19-22)

⁵⁷ Jesújā mái nūiyede, cūinácu ūmu arejameda Jesúre:

—Máque nəquijivu yu caino mi nənoita, arejameda.

⁵⁸ Aru Jesús arejameda ūre:

—Macayavimiva cəvama ne cobeá. Aru míjina cəvama ne juaiboa. Übenita yu, Jāmenijicħi daroimħu máċu ūmure, ji cħrō cəvabevu, arejameda Jesús.

⁵⁹ Aru apecħure arejameda:

—Dajacu yáque, arejameda.

Übenita arejameda Jesúre:

—Mu, ji jabocu, mamarumħure jaruvaquijivu cāreja jipacure cūracobei, ūi yaiyede, arejameda.

⁶⁰ Übenita Jesúcapūravu arejameda:

—Ina yaivu bácavhux pe paivu, ne jápiabe boje Jāmenijicħi jaboteinoque yávaiyede, jaruvajarāri ina yaivu bácavhux. Übenita mácapūravu couyċiñu jaçu Jāmenijicħi jaboteinoque yávaiyede, arejameda Jesús.

⁶¹ Aru apecu máre arejameda Jesúre:

—Mu, ji jabocu, máque nəquijivu yu. Übenita mamarumħure, “Nnħñumu” aicōjejacu yure ji cūramicavu, arejameda.

⁶² Jesúcapūravu arejameda ūre:

—Pōecu daiyħu baru ji ħrōre aru ūi baju ħrōre máre, bħojabebi memecayu yure. Pōeva ūpe paivu Jāmenijicħi jabotebecu, arī buedejameda náre Jesús.

Jesús ūi bueicōjeni jaroino setenta y dos paivu

(Mt 9.37-38; 10.7-16; 11.24; Mr 6.8-11; Lc 9.3-5; Hch 13.51; 1 Co 9.14; 1 Ti 5.18)

10 No yóboi Jesús beorejameda apevure setenta y dos paivu. Náre jarorejameda ūi jipocai pħarā matħuiyeda cainoa īmaroai ūi nəquinoai.

² Aru jaroyu, arejameda náre:

—Obedivu pōeva curivu, Jāmenijicħi yávaiye méne majibema na cāreja, muje buenajimara iye yávaiye méne, Jāmenijicħi meadarājiye aivu náre, Jesús.

ne ju aiyede diede. Übenita obebevħu memecaivu Jāmenijicħre. Que baru jēniajara ūre, ūi daroquiyep āivu apevu buenajivu ina pōevare. ³ Nuri jājara muja. Jaroivu mūjare ijāravu, jēneboi yópe ovejavai nəhiyep āimara jiġecurivu jēneboi. ⁴ Nnħamejara muja tātutħare, curubħare, aru curaidoare máre. Borotede nūmejara muje mái copħimaraque. ⁵ Āri muja ecoivu cūinādami cūramine, mamarumħu ajarā yópe: “Inħamica, mearo cūjarā muja”. ⁶ Aru diñamicavu mearoque ne curu, nōpe ajarā náre. Übenita mearoque ne cūbedu, “Mearo cūjarā muja”, abejarā náre. ⁷ Cūjarā cūinādāmima. Que teni āri aru ūcuri tejarā ne jíyede mūjare, muje náre cađateiye boje. Muja memecaivu, Aru memecaipōeħure bojedaiye javvu ūi memeinore. Übenita nūmejara cūramia coapa.

⁸ Ecoivu baru muja īmaroi, aru ina īmarocavu ne copu etaru mūjare me, ājara apejjiene ne jíyede mūjare.

⁹ Meadajarā ijimarare. Aru coujarā náre yópe: “Jāmenijicħi jabotecħu, pōevare maumejiena”. ¹⁰ Übenita ecoivu baru muja īmaroi, ne copu etabenoi mūjare diñmarocavu pōeva, cuimai nūri, ajarā yópe: ¹¹ “Muje jobore nūjare jéiyede nūje cəboba cāchinoi pħapeiñu nūjja, muje copu etabe boje aru muje jápiabe boje nūjare. Übenita majijarā iyede: Jāmenijicħi jabotecħu, pōevare maumejiena”, ajarā.

¹² Coħħu, mūjare: Ina Sodomacavu bácaħu pare āmeina tdeejaimada. Übenita diñmarocavu, mūjare copu etabevu bácaħu, nājinajarama ina Sodomacavu bácaħu pħeno baju Jāmenijicħi nājiovaqujāravu baquinóre pōevare, ne āmeina teiye boje, arī buedejameda náre Jesús.

**Apeīmaroacavu ne jū
abeno Jūmenijicure
(Mt 10.40; 11.20-24;
Mr 9.37; Lc 9.48; Jn 13.20)**

¹³ Jesús arejameda cojedeca:

—¡Muja, judíova, Corazícavu, ámeno ñájinajaramu muja! ¡Muja, judíova, Betsaidacavu máre, ámeno ñájinajaramu muja! Pöecu ūi daru pöeva ne darí majibede yópe ji daiyepo muje jáiyede Tirocavu aru Sidócvu máre ne jáiyede, jave chíori ne ámeina teiyede, oatuvajebu ne daiyede.

¹⁴ Ubenita muja ñájinajaramu Tirocavu aru Sidócvu pueno baju, Jūmenijicui ñájiovaquijárau baquinóre pöevare, ne ámeina teiye boje. ¹⁵ Aru muja, judíova, Capernaucavu, jáve nümenajaramu muja cavarō mearo Jūmenijicui curói. Quénora muja nurajaramu toabo cüiméboi, arejameda Jesús.

¹⁶ Jesús arejameda ūi bueimarare cojedeca:

—Ñai pöecu jápiayu baru mujare, jápiaibi yure máre. Ñai pöecu ubecu baru mujare, ubebi yure máre. Aru ñai pöecu ubecu baru yure, ubebi ñai yure daroyu bácu, Jūmenijicure máre, arejameda Jesús.

Setenta y dos paivu ne copaini daino

¹⁷ Ina setenta y dos paivu, Jesúi jaroimara mácvu, copaidejaimada torojarivu Jesús yebai. Aru yópe arejaimada ūre:

—¡Mu, ñuje jabocu, abujuva máre ju ama ñuje cōjeiyede náre mi ámiái, mi paruéque! arejaimada na.

¹⁸ Aru Jesús arejameda náre:

—Jávu yu ñai abujuvai jabocure, ūi ámiá Satanás, tuyure cavarore jo-carí yópe yaroino tuiyepo. ¹⁹ Mu-jare

parure daivu yu, muje járu ádavare aru murivare máre, muje c̄hrarājiyepo ayu náre. Aru muja parurivutamu ñai muje maucu, abujucu pueno. Que baru ámeno dabenama mujare ádava aru muriva máre. ²⁰ Ubenita muja, torojarivu ina abujuva ne jū aiye boje mujare, pueno baju torojarā muje ámiá toivaino c̄ue boje cavarō mearo Jūmenijicui curói. Que baru muja c̄hvarájaramu járava cüiméjárau baquinóre, arejameda náre Jesús.

Jesús torojus

(Mt 11.25-27; 13.16-17; Jn 3.35; 10.15)

²¹ Dinumumiareca Jesús, torojarī ūi úmei Espíritu Santoi paruéque, yópe arí, coyurejameda Jūmenijicure:

—Mu, jipacu, cavarō mearocach aru ijárau jabocu máre, mearore jívu mure, mi jádovame boje caiye iye ji coyuyiede ina majidivure, aru mi jádovaiye boje caiye iyede ina majibevure. Mu, jipacu, jívu mure mearore mi nópe daiye boje, arejameda Jesús.

²² Jūmenijicure coyurī bhojarī, Jesús arejameda ina úque c̄hrivure:

—Jipacu Jūmenijicui jibi yure caiye ji majiéde aru caiye ji paruéde máre. Ñame majibema yure. Quénora majibi jipacu. Ñame majibema jipacure. Quénora majívu yu, aru na máre ina ji coyuyimara, arejameda Jesús.

²³ Dinumu apevure dajocarī, Jesús arejameda ūi bueimarare:

—¡Torojuma ina pöeva jáivu caiye iye muje jáiyede! ²⁴ Coyuyubu mujare: Obedivu Jūmenijicui yávaiyede coyuya-caipöeva aru jabova máre jáiyuríduquemavu caiye iye muje jáiyede. Ubenita jámetequemavu. Aru jápiaiyuríduquemavu muje jápiaiyede. Ubenita jápia-betequemavu, arejameda Jesús.

**“Samariacacure” jári dápiarí
ne darājiyepo aino**

(Mt 22.35-40; Mr 12.28-34)

²⁵ Cūinácu pōecu, Jūmenijicui daicō
jeiyede majicu, Jesúi majiéde majiyacu,
nacajari, jēniari járejameda ūre:

—Mu, bueipōecu, ¿aipe daquidi
yu, cūvacuyu jāravu cūiméjāravu
baquinóre? arejameda ū Jesúre.

²⁶ Jesú arejameda ūre:

—¿Aipe Jūmenijicu toivaicōjene-
jaquemari ūi daicōjeiyede Moisés
bácure javede? ¿Aipe majicurū iye mi
bueiyede? arejameda Jesú.

²⁷ Ju ayu arejameda ūre:

—Ujacu mi jabocu Jūmenijicure caino
mi ūmeduque, caino mi ūmeque, caino
mi baju parhéque, aru caino mi majiéque
máre. Aru ujacu míchure yópe mi uepe mi
baju, arejameda Jesúre.

²⁸ Que teni Jesú arejameda ūre:

—Meavu mi ju aino. Dajacu yópe
mi coyuinope, cūvacuyu jāravu
cūiméjāravu baquinóre, arejameda
Jesú.

²⁹ Ubenita ñai ūmu, apevure ne me
járajiyepo ayu ūre, jēniari járejameda
Jesúre:

—¿Ñamema ñai jícu? arejameda ū.

³⁰ Jesú ju ayu, arejameda ūre:

—Cūinácu ūmu ēmeni nāquemavu
Jerusalén āmicuriñmarore jocarí,
nāñu Jericó āmicuriñmaroi. Que
teni nāvacurivu jēquemavu ūre,
tatorájivu ūi cūvaede. Íquemavu ūi
cuitótecajede aru caiye ūi apejíene
máre. Aru jara popequemavu ūre.
Pare churiá daquemavu. Que teni
dajocauquemavu ūre, “¿Yaiyú bárica?”
arí dápiavu. ³¹ Nópe teniburu yóboi,
cūinácu sacerdote ēmeni nāquemavu
dimamica. Aru jāquemavu ñai parayure
joboroi, ma ēcarui. Ubenita ūre jári,
vaiquémavu. ³² Nopedeca cūinácu
Jūmenijicui cūramine memeipōecu,

levita āmicuriyajubocacu, eaque mavu
joabenoi ñai parayu yebai. Ubenita ūre
jári, vaiquémavu.

³³ No yóboi, cūinácu apenocacu,
Samaria āmicurijoborócacu, nāñu
dimamica, eaque mavu ñai parayu
yebai. Aru cōmajae āroje jāquemavu
ūre. ³⁴ Úi yebai nuri, ūi churiáre
yuaquemavu olivo āmicuricu jēidua
córore aru vino ūyaicorore máre. Aru
cuitótecajecāvaque buorí juoquemavu
ūre. Que teni nacovari nōquemavu
ūi tubamura. Aru nāvaquemavu ūre
cuipóeva ne cāiñami, meadacuyu
ūre. ³⁵ Cōmiájāravu jíquemavu
tāuturaturavare ñai cāiñami upacure,
bojedacuyu ūi meadaquiyede ñai
tatoimu máchre. Aru aquemavu ūre:
“Meadajacu ñai ūmure me. Que teni ji
copainumata bojedaquijivu mure caiye
mi jíye báquede ūre”, aquemavu ñai
Samariacacu, arejameda Jesú.

³⁶ Coyurí buajarí, ñai majicure
Jūmenijicui daicōjeiyede ūi coyuie
báquede Moisés báchure jēniari
járejameda Jesú:

—Ácu pōecu ina yóbecurá ūmuva-
cacu batequémarí cađateyu ñai ūmure,
nāvacurivu ne tatoimu máchre? are-
jameda Jesú.

³⁷ Ju ayu arejameda Jesúre:

—Nai cōmajae āroje jári, cađateyu
báchure ūre, arejameda.

Jesú arejameda ūre:

—Caride nuri dajacu ūi daiye
báquepe. Cōmajae āroje jári, cađatejacu
mu apevure, arejameda Jesú.

**Jesús ūi jácunhino
Marta aru María yebai**

(Jn 11.1)

³⁸ Jesú nārejameda mái ūi
bueimaraque. Aru ímajinoi ecoiyede,
cūináco nomiō, ūi āmiá Marta, copu
etarejacoda Jesúre ūi cūrami. ³⁹ Martai
yóco máre cūrejacoda, ūi āmiá María.

Ico dobaco Jesúi cüboba yebai, nópe ina judíovai dárí cõmajiyepe ne buenajiyepo aivu, jápiado barejácoda ūi bueiyede. ⁴⁰ Ubenita Marta pare cãrijinejacoda, òi ãiyede memeiye boje. Que baru Jesús yebai nuri, arejacoda ūre:

—Mu, ji jabocu, ¿ye baju ãmeni jíyocoj dajocaino yure, cünácova memeivu yu? Cañateicõjemejacu óre yure, arejacoda ò Jesúre.

⁴¹ Ubenita Jesús arejamedá óre:

—Mu, Marta, cãrijivu mu caijíe apejíe boje. ⁴² Ubenita cünárora jañvu mure. Yópe María òi daiyepo paino mearo-tamu. Ói jápiaiye ji bueiyede mearo-tamu. Que baru põecu cübebi ícuyu òi daiyurôre, arejamedá Jesús.

Jesús ūi bueino Jümenijicuque jéniainore

(Mt 6.9-15; 7.7-11; Jn 14.13-14; 15.7, 16; 16.23-24; 1 Jn 3.21-22; 5.14-15)

11 Cünájäravu Jesús jéniainu mare-
jámeđa jípacu Jümenijicuque.
Aru ūi jéniariburu yóboi, cünácu ūi
bueimaracacu arejamedá ūre:

—Juan Bautista bácu Jümenijicuque jéniainore buequemavu ūi bueimarare. Que baru mu máre buejacu ūjare Jü-menijicuque jéniainore, arejaimada na.

² Aru Jesús arejamedá náre:

Muja jéniaivu Jümenijicuque yópe
ajará: “Mu, ūjepacu, measu
bajubu mu. Que baru caivu
põeva mure puedarí mearo
jíjarári. Báre dajacu mu mi
jabotequiyede põevare. ³ Jíjacu
ūjare järavua coapa ūje ãiyeva.
⁴ Aru árumejetacu ūje ãmeina
teiyede yópe ūja máre ūje
árumeteiyepo caiye apevus ne
ãmeina daiyede ūjaque. Nai
abujuvai jabociu jujovajroede

ūjare vainí tuiçõjemejacu ūjare,
ūje dabenajiyepo ãmenore”,
arejamedá náre Jesús.

⁵⁻⁷ Aru Jesús coyurejamedá náre yópe:

—Põecu ūi náru cünácu ūi yóvaimu
yebai, acuyu ūre yópe: “Yácacu, jíjacu
yure yóbecuriboa pâuboare. Apecu ji
yóvaimu edaibi ji cürami cuyu. Aru
ãiye cübevu yure. Que baru jíquiye
úre eabevu yu” ayure, nai ūi yóvaimu,
ūi cürami cucus, ju abejebu ūre yópe:
“Cãrijovamejacu yure. Jave bievu yu ji
cüramine. Aru jímara jave cãivutamu.
Que baru mure nacajari jíy uhojabevu
yu”. ūi yóvaimu abejebu ūre yópe.
⁸ Coyuyubu mujare: ūi yóvaiye boje
jíbecube ūre. Quénora ūi cãrijovaiye
boje, nacajari jíchuyume caiye iye jañéde
úre. ⁹ Que baru coyuyubu mujare: Jé-
niare nájara Jümenijicure, aru jíchuyume
muje jéniainore ūre. Vore nájara ūre, aru
earájaramu. Aru muje órejare náiyede
jedevacobai, Jümenijicu voacacuyume
mujare. ¹⁰ Que baru caivu jéniaivu Jü-
menijicure cùvama ne jéniainore. Aru
caivu voivu eadama ne voimure. Aru
caivu órejaivure jedevacobai voaibi, are-
jamedá Jesús, náre bueyu.

¹¹ Cojedeca Jesús, yópe arí, bued-
jamedá náre:

—Muja jñedochvarivu, ¿mujemacu ūi
jéniaru mujare pâubore, jíje báraca muja
úre cürabore? ¿Aru mujemacu ūi jé-
niaru mujare moachre, jíje báraca muja
úre ádare? ¹² ¿Aru mujemacu ūi jé-
niaru mujare jídure, jíje báraca muja úre
murine? Nópe dabenamu muja. ¹³ Que
baru muja ãmena méne cùvede jíni
majípedeca mujemarare, majepacu Jü-
menijicu cavarõ mearoacu pheo méne
cúvaede jíni majibi muja jéniaivure
úque. Úvacari darochuyume nai Espíritu
Santore caivu jéniaivure ūre, arejamedá
Jesús.

“Abujuvai jabocui paruede cuyabu ñi arí, ne boro coyuri adariduino Jesúre”

(Mt 9.34; 10.25; 12.22-30, 38;
16.1; Mr 3.20-27; 8.11; 9.40)

¹⁴ Dinumure Jesús jaetovayu barejámeda abujucu yávabecure cūinácu ñumure jocari. Aru ñai abujucu ñi etariburu yóboi, ñai ñumu yávabecu bácu yávarejamedá. Que baru ina pöeva jáiuvu bácvu, pare dápiaivu, cuecumarejaimada. ¹⁵ Ubenita apevu ina pöevacavu arejaimada:

—Beelzebú, abujuvai jabocu, ímamume ñi. Que baru ñi parueque jaruvaibi abujuvare, boro coyuri adaridurejaimada Jesúre.

¹⁶ Aru apevu juyovaiyurivu barejáimada ñire, ne majinajiyepo aivu jáve ñi daru ñi daiyede Jümenijicu parueque. Que baru jeniarejaimada ñi jádovaquiyepo aivu pöeva ne darí majibenore. ¹⁷ Ubenita Jesús coreóvayu ne dápiaiyede, “Beelzebú ñi ímamu” aivure, arejamedá náre:

—Cuináro jaborócvu ádamateivu baru ne bajumia, ina jaborócvu cūinájarama na. Nopedeca cūinádamu cūramicavu ádamateivu baru ne bajumia, diñamicavu cūinájarama na. ¹⁸ Nopedeca bájebu ñai abujuvai jabocu, jaetovayu baru abujuvai jabocure. Ádamateyu bájebu ñi bajuma. Aru jaetovayu baru abujuvare, joe parucu cuyejebu ñi. “Abujuvai jabocui parueque jaetovaibi abujuvare”, mije aiye boje yure, yópe coyuyabu mijke: ¹⁹ ¿Ji jaetovaru abujuvare abujuvai jabocui parueque, ñamei parueque jaetovaidi mjacavu abujuvare? Que baru mjacavu abujuvare jaetovaivu jádovadama mijke borochéde yure ubenina. ²⁰ Ubenita Jümenijicu parueque jaetovayabu yu abujuvare. Que baru jádovaivu yu Jümenijicu jaboteyure mijke, arejamedá Jesús.

²¹ Dinumure Jesús coyurejamedá náre yo jári dápiarí ne dárajiyepe ainore, ne majinajiyepo ayu parucure abujuvai jabocu pueno.

—Ñumu parucu jári coreyu ñi cūramine ñi boaiyeque, me meadaquemavu ñi cuyaede. ²² Ubenita apecu ñi pueno parucu earí, boarí tatoquemavu ñire. Ñi boaiyede, aru ñi cuyaede nñvari, coavaquemavu diede apevu ñi yóvaimaraque. ²³ Que baru ñai yóvabecu mauchuvaibi yure. Aru ñai apevure yóvare daibei yure, náre mauchuvaré daibi yure, arí buedejamedá Jesús.

Jesús ñi coyuino abujucui copaino

(Mt 12.43-45)

²⁴ Bedióva cojedeca Jesús buedejamedá náre:

—Abumucu etayu bácu ñumure jocari, voibi ñi jabuóvaino penenoi. Ubenita jabuóvaino eabecu baru, copaiyubí ñai ñumu, ñi etaimu máchrecata. ²⁵ Aru copaini nñuñu, eaibi ñai ñumu meacure, yópe cūrami oeni meadaiñamipe páyure. ²⁶ Que baru apevu siete paivu abujuva ñi pueno ãmenare vorí earí, nñvaimi ñque. Aru ina daicõjeivu ñai ñumure, ãmedadama ñire pueno baju, arí buedejamedá Jesús.

Jesús ñi coyuino torojuede

²⁷ Jesús ñi yávaiyedeca, cūináco nomiò ina obedivu pöeva jeneboi codoboborí arejacoda ñire:

—Mure juedocuvaco báco, aru mure buchóvado báco mearo torojuyacorí õ, arejacoda õ.

²⁸ Ubenita Jesús arejamedá õre:

—Ói pueno torojurãjarama ina pöeva Jümenijicu yávaiyede ju arí, daivu yópe die coyuinope, arejamedá Jesús.

**Põeva ne ëarí majibenore
Jesúre ðaicōjeniduino**

(Mt 12.38-42; 16.4; Mr 8.12)

²⁹ Obedivu põeva ne cójijiye de Jesús yebai, yávarí bárejamedá náre:

—Ijäravucavu ãmena jáiyuríduyama põeva ne ëarí majibenore. Ùbenita jámenama apenore Jümenijicu ðainore náre, quénora yo Jonás máçure vaino mácarõre. ³⁰ Yópe Jümenijicu ñi jaroíe báquepe Jonás máçure, ñi coyucaquiyepé ayu ñi yávaiyede nócavu, Nínive ãmicuriímarocavu bácvare, nopedeca Jümenijicu darorejame yure, ñi darioimá máçure ñmure, ji coyucaquiyepé ayu ñi yávaiyede ijäravucavare. Aru yópe Jonás máçui cue báquepe moacu ñracui yapibu jívui yóbecurijáravu aru yóbecuríñamia máre, nopedeca yu, Jümenijicu darioimá máçu ñmure, cincuyumu joborõ jívui yóbecurijáravu aru yóbecuríñamia máre. ³¹ Jümenijicu ñájiovaquijáravu baquinóre põevare, ne ãmeina teiye boje, ico jaboco aviá daino cäcopüravucaco báco nacajacodome ina põeva ijäravucavu que aru ãmecorocodome náre, ne yure ju abe boje. Õ máco darejaquemavu joarõ joborõre jocarí, jápiacodo ñai Salomón máçui coyuñie báquede majiéque. Ùbenita Salomón máçui majié pueno baju bueyabu yu. ³² Aru Jümenijicu ñájiovaquijáravu baquinóre põevare, ne ãmeina teiye boje, ina ñmava mácavu, Nínivecavu bácvu, nacajarajarama ijäravucavu que aru ãmecororajarama náre, ne yure ju abe boje. Ina Nínivecavu bácvu chiori ne ãmeina teiye báquede oatuvarejaquemavu, jápiavu bácvu Jonás máçui coyuñie báquede Jümenijicu yávaiyede. Ùbenita Jonás máçui majié pueno baju bueyabu yu, arejameda Jesús.

**Jesús ñi bueino põeva ne
ðainore ne dápiaiñope**

(Mt 5.15; 6.22-23; Mr 4.21; Lc 8.16)

³³ Cojedeca Jesús buedejameda ina ñque çarivare:

—Põecu põibure põoriburu yóboi, ñómemi dibure cobe jívui aru puebu cächinoi máre. Quénora ñoimi dibure jocuve puenora, ina ecoinvu nore ne járajiyepe ayu. ³⁴ Põeva ne yacorua, põoinope, járe ðaivu náre, ne memenajiyepé aino aru ne majinajiyepé aino ári ne nuiyede. Põeva ne yacorua ijetedu náre o ne jáiye bíjaru náre, ye ne memeiyede aru ne nuiyede máre majibenama. Aru põeva ne ñume, yacoruhape paino, põore ðaivu ne dápiaiyede. ³⁵ Que baru põecu cainumua dápiaiyu baru ijäravuquede, ijetede ðaibi ñi ñmene, ñi dápiaibe boje cavarõ mearo Jümenijicu çròquede. Aru ñai põecu ñi ñmene bíjacuyume. ³⁶ Que baru põeva ne jámenu ne yacoruaque ãmenotamu. Ùbenita pueno ãmenotamu ne ñume ñemino maru, arí buedejameda Jesús.

**Jesús ñi boro coyuñi adaino
fariseovare aru Jümenijicu
yávaiye báquede bueipõevare**

(Mt 23.1-36; Mr 12.38-40; Lc 20.45-47)

³⁷ Jesús ñi yávaríburu yóboi, cünacu fariseovacacu “Ácudajacu” ayu, órejarejameda ñre ñi cürami. Que baru Jesús ecorí, dobarejameda thoiva yebai. ³⁸ Aru ñai fariseo ãmeina járejameda ñre, ñi cojabe boje ñi áquiye jipocai. ³⁹ Aru Jesús arejameda ñre:

—Muja fariseova joaivubu maje ñucuidoare, aru jororuhare máre puenomia, põeva ne jáiyede. Ùbenita muja tatoiyurivubu apevu ne cüvaede. Que teni ãmeno baju ðaivubu muja. Mearo ðaive apevure mearatamu joare ðaicōjeiye pueno. ⁴⁰ ¡Arumevu muja! Ñai Jümenijicu cuedayu maje

baju p̄uenocarōre c̄uedarejaquemavu jív̄carōre, maje ūmene máre.
⁴¹ Ubenita m̄uje c̄uvaede jív̄quede jíjarā cōmaje ārojarivure. Nópe daivu mearo dāpiarī c̄urājaramu m̄uja. Que baru mearo baju daivubu m̄uja.

⁴², M̄uja, fariseova, āmeno ñájino c̄uvarājaramu m̄uja! Caiye m̄uje oteiyoca, quiñiyoca, bojecibeyoca, caip̄scap̄rhuape p̄aiyocare c̄uvarivu, cūináyocare jíyavu Jūmenijicure. Ubenita mearo daivure apevure aru jec̄edé Jūmenijicure máre ār̄umevu m̄uja. Caip̄scap̄rhuape p̄aiye m̄uje c̄hvede jocarī, cūinárore Jūmenijicure jíye jaivu m̄ujare. Ubenita p̄ueno baju jaivu m̄ujare m̄uje mearo daiye apevure aru m̄uje jec̄hé Jūmenijicure máre. Que daru me coj̄uquiyebu Jūmenijicure.

⁴³, M̄uja, fariseova, āmeno ñájino c̄uvarājaramu m̄uja! M̄uje ue boje dobae mearoa baji judíovai cójijiñamiare aru m̄uje ue boje p̄oeva ne jacoyuyede m̄ujare tāibui, ñájinajaramu m̄uja. Ñájinajaramu m̄uje ue boje apevure ne dāpiayede m̄ujare mearape apevuh p̄ueno.

⁴⁴, Āmeno ñájino c̄uvarājaramu m̄uja! Yaivu bácvu ne jobocobeape paivu. P̄oeva cuivubu dicobea p̄uenora, jâmev̄va. Que baru ne cuyiede jaruvaino p̄uenora majibema na. Nopedeca p̄oeva cuivubu m̄uje yóboi, ubenita m̄uje ūmene jâmev̄va. Que baru m̄uje āmeina dāpiaiyede majibema na, arejamedá Jesús, náre bueyu.

⁴⁵ Aru cūinácu p̄oecu, Jūmenijicui daicōjeiyede majicu, arejamedá Jesúre:

—Mu, bueip̄oecu, mi que aiye āmeco-roivu ñ̄ujare máre, arejamedá Jesúre.

⁴⁶ Aru Jesús arejamedá náre:

—M̄uja, Jūmenijicui daicōjeiyede ma-jidivu máre āmeno ñájino c̄uvarājaramu m̄uja, m̄uje daicōjeiye boje apevure ne daivu bhojabede. Ubenita m̄ujavacari ye cadatebevu náre. Que baru m̄uja máre ñájinajaramu.

⁴⁷, Āmeno ñájino c̄uvarājaramu m̄uja! Muja daivubu meadamia c̄ramiare ina Jūmenijicui yávaiyede coyucap̄oeva mácavu ne jobocobeá báque p̄uenoi, p̄uedarājivu na mácavure. Ubenita m̄ujeñecuva mácavu boarī jaruvarejaquemavu na mácavure.
⁴⁸ M̄uje daiyede diñamiare, jâdovaivubu ju aivure ne āmeina teiye báquede, ne boarī jaruvaiye báquede Jūmenijicui yávaiyede coyucap̄oeva mácavure.

⁴⁹ Que baru Jūmenijicu ūi majiéque arejaquemavu yópe: “Jarocchymu yure yávaiyede coyucap̄oevare aru ji yávaiye méne beorī coyucōjeimarare máre. Apevuh ina yure yávaiyede coyucap̄oevacavure aru ina ji yávaiye méne beorī coyucōjeimaracavure máre āmeina darī, boarī jaruvārājarama náre”, arejaquemavu Jūmenijicu.
⁵⁰ Ne nópe daiye boje, Jūmenijicu yaicōjeschymme ijāravuacavure ijāravure darī b̄hiyedata. ⁵¹ Apecu ūi boarī jaruvaiye báque boje ñai Abel bácvare, aru apevuh ne boarī jaruvaiye báque boje caivu Abel báci yóbocabu bácvure máre p̄u Zácarías báci bajita, ñai ne boarī jaruvaimu mácu Jūmenijicui c̄rami tāibu coricai, jâve couyuyubu m̄ujare: Ijāravuacavu ñájinajarama ne boarī jaruvaiye báque boje.

⁵², M̄uja, Jūmenijicui daicōjeiyede majidivu, āmeno ñájino c̄uvarājaramu m̄uja! Jūmenijicui majiéde bueivuacari, couyuyubevubu m̄uja apevure, ne majibenajiyepe aivu. Jâve Jūmenijicui majiéde majibevu, majidivu bueivuacari, apevure máre majicōjemevubu, arī buedejamedá náre Jesúre.

⁵³⁻⁵⁴ Jesús ūi yávariburu yóboi nure-jamedá nore jocarī. Aru no yóboi ina Jūmenijicui yávaiye báquede bueip̄oeva aru ina fariseova máre pare cārijovari jēniari járejaimada ūre, boro coyurī adaiyuriduivu ūi yávaiye boje.

Jesús ūi coyñino borocurí majiéde*(Mt 16.6; Mr 4.22; 8.15; Lc 8.17)*

12 Dinumáma obedivu pöeva cóijivu ne baju curaraiyede, Jesús, yópe arí, coyurí bárejamedá ūi bueimarare:

—Me dajara. Me jájara, muge dápiabenajiyepe yópe ina fariseova ne dápi-aiyepe. Nácapúravu dápiavaivubu aipe darí jujovarajivu apevure.² Caiye jádovame máque jároquiyebu. Aru dupiô-vaiye báquede máre majinajarama caivu pöeva.³ Que baru caiye muge aiye báquede ñeminoi, japiarajarama caivu pöeva Jümenijicu coyure dayure diede miadároi. Caiye muge jüjuvaiye báquede máre tucubu jívai apevure jocarí, japiarajarama caivu pöeva Jümenijicu coyure dayure diede ne cóijinoi, arejameda Jesús.

**Jesús ūi coyñino pöeva
ne jidurajimure***(Mt 10.26-31)*

⁴ Jesús coyurejameda náre cojedeca:

—Muga, ji yóvaimarare, coyñubu mujare yópe: Jidurbejará ina boarí jaruvavure muge bajure aru apeno darí buojabevure.⁵ Ubenita coyñuijivu mujare muge jidurajimure: Jidurjará Jümenijicure, ñaine muge baju yainíburu yóboi jaruvvarí buojayure toabo cüiméboi. Jäve coyñubu mujare: ¡Jidurjará ūre! arejameda Jesús.

⁶ Aru cojedeca Jesús arejameda náre:

—Yócaru bojedaivu cüinápurupe paivu míjina quíjinare pucaturava tauturaturava bojecubeturavaque. Aru Jümenijicu árumetebibi caivu ina míjinare.⁷ Jümenijicu majibi caiye podamea chede muge jipobni máre. Que baru jidurbejará. Muga bojecurivutamu caivu míjina obedivu pueno, muge üme yaibé boje, arí buedejameda náre Jesús.

**Jesús ūi coyñino ūre ju
aivure aru ju abevure***(Mt 10.19-20, 32-33; 12.32;
Mr 3.29; 13.11; Lc 21.14-15)*

⁸ Bedióva cojedeca Jesús, yópe arí, coyurejameda ina ūque curivure:

—Coyñubu mujare: Caivu ina ju aivure yure pöeva ne jáiyede, yu máre, Jümenijicu daroimá mácu ümupe, náre ju achuyumu Jümenijicu ángeleva ne jáiyede.⁹ Ubenita caivu ina ju abevure yure pöeva ne jáiyede, yu máre náre ju abecubu Jümenijicu ángeleva ne jáiyede.

¹⁰ Caivu ina ámeina yávaivure yure, Jümenijicu daroimá máchre ümupe, Jümenijicu árumetebibi ne ámeina teiyede. Ubenita ina ámeina yávaivure ñai Espíritu Santore, Jümenijicu árumetebibi ne ámeina teiyede.

¹¹ Aru ne jení nüvaiyede mujare judíovai cóijinámia yebai, aru ámeina teivure jeníari jáipöeva jipocai, aru jabova jipocai máre, “¿Aipe coyurajidi náre?” arí cáríjimejara muga.¹² Dinumá maquinómareca ñai Espíritu Santo majcacuyume mujare iye muge coyurajiyede náre, arejameda Jesús.

**Jesús ūi coyñino apejie
uraró chavaru jidojaróre**

¹³ Cünacu ina pöevacacu arejameda Jesúre:

—Mu, bueipöecu, ñujeracu yaiyá bácu, ūi chavaede dajocame. Aru jimamicu íame caiye diede. Que baru coavaicó-jejacu jimamicure die ūi chavaede yúque, arejameda Jesúre.

¹⁴ Ubenita Jesús arejameda ūre:

—¿Ñame yure epedi ámeina teivure jeníari jáipöecupe o coavaipöecupe mujare? arejameda Jesús.

¹⁵ Aru arejameda ina obedivu pöevare:

—¡Me jájara! Úujimejara mūja. Pōescū ūi apué ámevu ūi ұrarō cūvaeque, arejameda Jesús.

¹⁶ Que baru ne jápiarī earājiyepe ayū, yópe arī, jári dápiarī ne ұrarājiyepe ainore coyurejameda Jesús:

—Cūinácu ūmū cūve cūvacu ұrarō oteiyede īquemavu ūi jiore. ¹⁷ Que teni dápiaqueuemavu ūi baju: “¿Aipe daji yū? Caiye iye ji ұrarō oteiyede epeñami cūvabevu yū”. ¹⁸ Que dápiarī, ūi baju yópe arī dápiaqueuemavu cojedeca: “Tūvarī jarūvaicōjequijivu ji cūramia epeñamiare. Aru tūvarī jarūvariburu yóboi, daicōjequijivu apedāmia pueno ұradāmiare. Aru ұradāmia jīvū epeicōjequijivu caiye ji oteiyede aru caiye ji apejīene máre. ¹⁹⁻²⁰ Aru ji baju dápiarī aquijivu yópe: ‘Urarō cūvaede cūvavu yū obediūjaqueva. Que baru jabhóvarī, arī, ūcuri, torojuve tequijivu yū dieque’, aquemavu”. Ұbenita Jūmenijicū aque-mavu ūre: “¡Mū, ărūmecu, cari ūnami-mareca yaiquijivu mū! Que teni caiye iye mi cūvae bījaquiyebu mūre”, aquemavu ūre Jūmenijicū. ²¹ Nopedeca vaivu ūre, ūnai pōecu jēnūre ū jieva ұrarō cūvaede. Ұbenita Jūmenijicū jáinoi ye cūvabebi ū, arī coyurejameda Jesús.

Jesús ūi bueino Jūmenijicū coreiyede ūi pōevare

(Mt 6.25-34)

²² No yóboi Jesús arejameda ūi bueimarare:

—Coyuyabu mūjare: Cārijimejara mūja apurivu mūje ărajiyede, aru mūje bajure, mūje dorājiyede. ²³ Mūje apurō ăiye pueno bojecurōtam. Aru mūje baju máre doiyе pueno bojecurōtam, mūje ūme yaibé boje. ²⁴ Jārijide apa īna míjinare. Na otebevūreca, aru oteiyede máre ūmevūreca, aru ne oteiyede epeñamine máre cūvabevūreca, ұbenita Jūmenijicū jībi nāre ne ūiyeva.

Aru caivu míjina obedivu pueno mūja bojecurivutamu, Jāmenijicū pueno ūe boje mūjare. ²⁵ Aru mūjacacu cārijinū maru cūináora cure daiye majibebi ūi cuede ijāravu. Que baru cārijiyē meamevu mūjare. ²⁶ ¿Būojarī dābevūvacari maiyōjabenore, aipe teni cārijivurū mūja mūje daiye majibede?

²⁷ Jārijide apa mūja iye cōvua. Die būchayavu, mememevacari, aru ne cuitótecajeare máre naremeyacari. Ұbenita cōchayabu mūjare: Iye cōvua métamu, caiye icaje ūnai jabocu bácu Salomón māchi cuitótecajea bojecuricaja pueno. ²⁸ ¡Mūja pare quíjino ju aivabu Jūmenijicure! Jūmenijicū nōpe mearo ăaibi iye cōriáre, caride dái cuede aru javenare pōeva ne juarājiyede. Nopedeca Jūmenijicū jīcūyume mūjare mūje cuitótecajea meacajeare caiye iye cōvua pueno. ²⁹ Que baru cārijini vobejarā mūje ărajiyede aru mūje ūcurajiyede máre. ³⁰ Ina Jūmenijicure ju abevu cārijini vodama caiye iyede, ne ărajiyede, aru ne ūcurajiyede máre. Ұbenita majepacu Jūmenijicū majibi caiye iye mūjare jauéde. ³¹ Ұbenita vojarā mūja Jūmenijicū jaboteinoquede, mūje ădaiyue boje mearore yópe ūi daicōjeiyep. Aru Jūmenijicū jīcūyume mūje ărajiyede, mūje ūcurajiyede, aru cuitótecajeare máre, arī buedejameda nāre Jesús.

Jesús ūi bueino maje cūvarājiyede mearo bajure cavarō mearoita

(Mt 6.19-21)

³² Cojedeca yópe arī, buedejameda Jesús:

—Mūja, jīvū, obebejīnavacari jidubejarā. Majepacu Jūmenijicū, ūi me boje, epecchayume mūjare jabovava ūi jaboteinumūre. ³³ Jīni bojedajarā mūje cūvaede aru tāuturare ūniburu, jījara cūve cūvabevūre. Que teni

cūvarājaramu cainumua mūje cūvae me cūiméne cavarō mearo Jūmenijichī chrōi, ñavaipōeva ne īmenoi aru bocomiva ne īmenoi.³⁴ Que baru mūje cūvae chrōre dāpiarājaramu mūje ūmeque máre, arejamedā Jesús.

Jesúre meateni coreino

(Mt 24.43-44; 25.1-13; Mr 13.34-36)

³⁵ Jesúr, yópe arī, buedejamedā ina ūque curivure:

—Meatejarā mūja yópe pōeva ne memenajiye jipocamia ne meateiyepē. B̄uojarā mūje jāriōicāvare aru pēo-jara mūje pēoibhre.³⁶ Dajará yópe ina memecaipōeva ne daiyepē coreivu ne jabocure, voarājivu maumena ūi copaiyede p̄urubhōrī torojuvē teinore jocarī.³⁷ Nai jabocu darī earu ina ūre memecaipōeva coreivure, torojurājarama na. Jāve couyubu mūjare: Nai jabocu b̄hocuyume ūi jāriōicāvare. Aru nāre dobaicōjeni t̄oiva yebai, jíchuyume ne īrajiyeva.³⁸ Que teni nai jabocu ūi daiyede nāmi coricai o mi-adáe tuiyede, ina memecaipōeva coreivu baru ūre, me torojurājarama na, ūi mearo dacaquiyepē boje nāre.³⁹ Me dāpiajarā iyede: Nai cūrami upacu majibebi aipiyede ñavaipōecu daschuyure. Majicu baru ñavaipōecu daquiyede, coreni, ecoicōjemeni, ñavaicōjemejebu ūi cūramiquede.⁴⁰ Yū máre, Jūmenijichī darioimá máchū ūmupē, daschuyumu yure mūje corebenumure. Que baru meateiyepē jaunvū mūjare máre, arejamedā Jesús.

“Memecaipōecu ju ayure aru memecaipōecu ju abecure” jāri dāpiarī ne dārājiyepē aino

(Mt 24.45-51)

⁴¹ Pedro jēniari jārejamedā Jesús:

—Mu, nāje jabocu, ¿coyucacurā mu yo jāri dāpiarī pōeva ne dārājiyepē aino mácarōre nājare? ¿O coyucacurā yore caivure? arejamedā Jesús.

⁴² Aru Jesús arejamedā ūre:

—Coyucujivu mūjare ūi borore nai memecaipōecure ju ayure ūi jabocure aru majicure máre. Nai cūrami upacu coreicōjecuyube nai memecaipōecu majicure, ūi jíquiyepē ayu yebacavure ne īrajiyeva caijāravu.⁴³ Nai cūrami upacu copaini dayu, earu ūre memecaipōecure dayure yópe ūi cōjeinope, torojuchuyube nai memecaipōecu, cūrami upacu ūi jíquiyepē boje ūre bojedaino mearore.⁴⁴ Jāve couyubu mūjare: Nai cūrami upacu coreicōjecuyube nai memecaipōecure caiye ūi cūvaede.⁴⁵ Ubenita apecu memecaipōecu, nai ju abecu ūi jabocure, “Ji jabocu maume dabecubē” arī, āmeina dayu baru ūi yebacavure aru yebacarōmivare máre, utarō arī aru ūcuri pacotecuyube ūi.⁴⁶ Que teiyede, ūi jabocu daschuyube nai memecaipōecu ūi corebejāravu baquinói aru ūi majibeora baquinói máre. Aru jarūvaićōjecuyube ūre noi, Jūmenijichīre ju abevure ne jarūvainoi, ūi nājiquiyepē ayu.

⁴⁷ Que baru nai memecaipōecu majicureca ūi jabocu utarōre, ubenita ūi mememenu, aru ju abedu ūre, nai jabocu pare jara popeicōjecuyube ūre.⁴⁸ Ubenita nai memecaipōecu majibedu ūi jabocu utarōre, aru āmenore dāru, majiēda jara popeicōjecuyube ūre. Nai majicure ūi jabocu utarōre daiye jaunvū ūi majiēpe. Aru nai pōeva ne jímu máchure utarō, jacopaiyovaiye jaunvū nāre coapa cojedeca, arejamedā Jesús, nāre bueyu.

Jesús ūi coatede daino pōevare

(Mt 10.34-36; Mr 10.38)

⁴⁹ Cojedeca Jesús coyurejamedā nāre:

—Darejacacu yu ijāravhi, Espíritu Santo ūi daquiyepē ayu ijāravhucavure. Aru pare uva yu ūi daquiyede ūi ure parhēque.⁵⁰ Ubenita mamarumá utarō nājije jaunquiyebu yure. Nājivu yu caride, aru nājiquijivu ji nājije

bhojaiyeta. ⁵¹ ¿Dáapiaivurū muja yu dayu bácre cárrijimene dacuyu ijáravacavre? Jáve coyuyubu mujare: Ji daiye báque boje ijáravui, poeva coatenajarama ne baju. ⁵² Que baru cüinápurupe paivu cüinádamu cárramicavu mauchvarajivubu ne baju yure boje. Pucará ádamatenajivu apevu yóbecuráque. ⁵³ Apevu nácavui ju arájivu yure. Übenita apevu nácavui ju abenajivu yure. Que baru népacu ádamatequijibi mamacuque. Aru mamacu ádamatequijibi jípacuque. Népaco ádamatecojibico mamacoque. Aru mamaco ádamatecojibico jípacuque. Mamacu márepaco ádamatecojibico òi vácuque. Aru òi vácure ádamatecojibico òque, arejamedá Jesús.

Jesús ui coyuhino meajáravure aru ámejáravure

(Mt 16.1-4; Mr 8.11-13)

⁵⁴ Jesus arejamedá ina obediupoere:

—Muja jáivu ocopenibo nacajainore aviá doinu, cüiná aiyavu muja “Ocaquiyebu”. Aru nopedeca ocaiyavu no. ⁵⁵ Aru muja jáivu úmevujapuinore aviá daino cäcopüravure jocaru, aiyavu muja “Pare bo daivu. Meajáravui daivu”. Aru nopedeca boiyavu no. ⁵⁶ ¡Muja, jujovaivutamu! Joboróquede aru cavaróquede máre coreóvaivuvacari, übenita pare coreóvabevubu muja ijáravui vaiyede, arejamedá Jesús.

Mauvare mearo maje daino

(Mt 5.25-26)

⁵⁷ Jesus arejamedá náre cojedeca:

—¿Aipe teni meadabenaru muje daiyede caride muje majinomia? Meadajará muje daiyede caride yópe muje majinope. ⁵⁸ Mujacacu nunu maru ure ámecoroyque jabova ne ámeina teivure jeníari jáiñami,

“Meadarajarevu” ajacuru ure, ui nuvamequiyepe ayu ure jabova ne ámeina teivure jeníari jáiñami, aru ui jení jíbequiyepe ayu ure churaravare, aru ne jaruvabenajiyepe ayu ure ámeina teivure jení jacoñami jívui. ⁵⁹ Coyayubu mujare: Ne buoru ure ámeina teivure jení jacoñami jívui, etabecube pu bojedayuta caiye iye ui bojecube daiyede, arejamedá náre Jesús.

Muje ámeina daiyede chíoino méne oatuvaino

13 Dinamu apevu poeva, Jesus yebai járanuri, ure coyurejaimada nai jabocu Pilato ámicuch ui boaru jaruvaiyede apevu Galilea ámicurijoborócavre aru ui jívaino mácarure ne jivede áimara jiveque, diede juacojeni puedaríducu Júmenijicure. ² Aru Jesus arejamedá náre:

—¿Dáapiaivurū muja ina Galileacavre, Pilatoi boaru jaruvaimara mácavu, ámena mácavu bajure apevu Galileacavu pueno? ³ Coyayubu mujare: ¡Que ámevu! Muja chíori dápiaru muje ámeina teiyede jaruvaru oatuvabevu baru, napedeca nájinajaramu muja. ⁴ ¿Aru dáapiaivurū muja ina dieciocho paivu tuimara mácavure cárriu umujuriñami Siloé ámicurocadámi ámena mácavu bajure caivu apevu Jerusalécavre pueno? ⁵ Coyayubu mujare: ¡Que ámevu! Muja chíori dápiaru muje ámeina teiyede jaruvaru oatuvabevu baru, napedeca nájinajaramu muja, arejamedá Jesús.

“Higueracure” jári dápiaru ne darájiyepe aino

⁶ Apeno jári dápiaru ne darájiyepe ainoque, yópe aru, buedejamedá Jesus:

—Cüinácu umu cüvatequemavu higuera ámicuricure ui jioi. Aru

cūinájāravu nuri vorīduquemavu dicu jēiduare. Ubenita eabetequemavu diduare.⁷ Que teni aquemavu jiore memecaipōecure yópe: “Jājacu. Yóbecurijua coapa vocudariduivu yu jēiduare icu joscure. Ubenita cainumua eabevu yu. Jēidua cibevu dicu. Que baru icu higueracure coení jaruvajacu mu. ¿Aipe teni bíjaji yu ji joborōre icu āmecu boje?” aquemavu ñai jabocu memecaipōecure.⁸ Ubenita ñai memecaipōecu aquemavu ūre: “Mu, ji jabocu, dajocajacu icu higueracure iñu bajure cāreja. Üiyunu yu icu yebai. Aru etejude máre epeiyunu yu dicure.⁹ Que teni apeñu jēidua būcuru, meaquiyebu. Ubenita apeñu jēidua būcbedu, coení jaruvaiçōjejacu icu higueracure”, aquemavu ñai memecaipōecu, arejamedá Jesús.

Jesús ūi meadaino tūjidu ijimore judíova ne jabuóvaijāravu

¹⁰ Dinumu Jesús buey u barejámeda cūinádamí judíovai cójijiñami jívhí ne jabuóvaijāravu sábadoi.¹¹ Aru nore currejacoða cūináco nomið abujucu ūi ijide daimo. Nai abujucure currejacoða ò dieciocho paijua baju. Ó tūjidu barejácoða. Nurié núco oabedejacoða ò.¹² Jesús òre jāñu, cuturejamedá òre ūi yebai. Aru arejamedá:

—Mu, nomið, meadaimomu mu mi ijinore, arejamedá Jesús.

¹³ Que arí, tuorejamedá òre ūi puruáque. Aru cūiná nurié nûrejacoða ò. Que baru torojude jídejacoða Jämenijicure.¹⁴ Ubenita ñai judíovai cójijiñamine coreipōecu Jesúre jarayu, ūi meadaiye boje jabuóvaijāravu, arejamedá ina pöevare:

—Seis paíjāravu cuyu, muje memei-jāravu. Memeijāravuai meatenadajarā muja. Ubenita jabuóvaijāravu meatenadabejarā, arejamedá ū.

¹⁵ Aru Jesús arejamedá ūre:

—¡Muja jújovaivutamu! Caivu muje oteivecure o muje burrore máre ūi aítōcure jodení jocarí, ocore jínanuvaiyavu muja jabuóvaijāravu.¹⁶ Quédeca ico nomiðre, Abraham máchi pāramenacacore, abujuvai jabocu ūi daicōjeimo mácore dieciocho paijua baju, meadaiye jañu òre jabuóvaijāravu, arejamedá Jesús.

¹⁷ Ú que ayure, caivu ūi mauva chyoje tedejaimada na. Aru caivu ina obedivu pöeva pare torojurejaimada caiye iye ūi darí majibede daiye boje.

“Oteiyabe mostazare” jári dápiari ne darājiyepe aino

(Mt 13.31-32; Mr 4.30-32)

¹⁸ Bedióva Jesús arejamedá:

—Coyuquijivu muje aipe árojarore yo Jämenijicui jaboteinore. Jári dápiari muje darājiyepe ainore coyuquijivu muje majinajiyepe ayu.¹⁹ Yópe mostaza ámicuriyabe oteiyabepetu. Cūinácu ūmu diyabede ūni oteibi ūi jioi. Aru būcurí muivu joscupe. Dicu cavabu uracavabu nūivu. Aru dicu taino cāchinoi míjina ne juaiboa dadama, arejamedá Jesús.

Nopedeca mamarumure Jämenijicui jaboteino quíjinotamu, pöeva obebevu ne cüe boje noi. Ubenita Jämenijicui yávaiye méne coyuriburu yóboi uharōtamú no Jämenijicui jaboteino, obedivu pöeva ne cüe boje noi.

“Páure būcure daiyede” jári dápiari ne darājiyepe aino

(Mt 13.33)

²⁰ Bedióva cojedeca Jesús arejamedá:

—Jári dápiari muje darājiyepe ainore coyuquijivu yo Jämenijicui jaboteinore. Yópebu nomið òi páure būcure daiyede.²¹ Diede adarí jívaiyepebu yóbecuricurubu páu daicurubuare. Aru caino jívai-bore būchóvainopebu, arejamedá Jesús.

Jesús ūi bueino jedevacobe quíjicobede

(Mt 7.13-14; 21-23; 8.11-12; 19.30;
20.16; 22.13; 25.30; Mr 10.31)

²² Jesús ūi nuiyede Jerusalén āmicurii-maroi, ūi vaiyede īmaroare aru īmajoare máre, buedejamedá nōcavure.
²³ Aru cūinácu pōecu jēniari járejamedá ūre:

—Mu, ūuje jabocu, ḡobebevu bárājidica na, Jūmenijicui meadaimara márajivu? Jesúre arejamedá.

Aru Jesús arejamedá caivu ina pōevare:

²⁴ —Ecojarā muja jedevacobe quíjicobei. Norecabu Jūmenijicui jaboteino. Couyuhabu mujare: Obedivu ecoiyuridurājarama nore. Ubenita buojabenajarama. ²⁵ Cūinácu cūrami upacu bieniburu yóboi ūi jedevacobede ūamine, voaiyubebi dicobede cojedeca. Nopedeca Jūmenijicu ūi jaboteino ecoiyede bieniburu yóboi, voabecuyume muja nūrivure jedevai. Órejarājaramu ūre pare: “Mu, ūuje jabocu, voajacu ūujare”. Ubenita Jūmenijicu acuyume mujare: “Jívua āmevu muja. Muje dainore majibevu yu”, acuyume ū. ²⁶ Dinumure yópe arī bárājaramu muja: “Núja āri aru ūcuri tecarā máque aru ūuje īmaroa ma ēcarui bueávū mu ūujare”, arājaramu.

²⁷ Ubenita ū acuyume: “Couyuhabu mujare: Jívua āmevu muja. Muje dainore majibevu yu. ¡Que baru caivu muja āmeina teivu nūjara yure jocar!” acuyume ū. ²⁸ Chioivu orī curājaramu muja nore. Aru jararī cōpi cūrajaramu muja jaívū náre; Abrahāre, Isaare, Jacore, aru caivu ina Jūmenijicui yávaiyede couycaipōevare máre, curivure Jūmenijicui jaboteinoi. Ubenita mujacapūravu mauteñajaramu jedevai. ²⁹ Aru darājarama pōeva, cainoa joborōacavu. Dobarājarama

ūi tuoiva yebai, ārajivu ūi torojuve teinumure Jūmenijicui jaboteinoi. ³⁰ Dinumu maquinóre apevu jabotebevu bácvu ijāravure jabotenajarama Jūmenijicui jaboteino edaiyede. Aru apevu jaboteivu bácvu ijāravure jabotebenajarama Jūmenijicui jaboteino edaiyede, arejamedá Jesús.

Jesús ūi oino, Jerusalécauvure jecucu

(Mt 23.37-39)

³¹ Dinumu apevu ina fariseovacavu nurejaimada Jesús yebai. Aru arejaimada ūre:

—Herodes boarí yaiváiyubi mure. Que baru dupini nūjacu mu yore jocarí, arejaimada na.

³² Ubenita Jesús arejamedá náre:

—Yópe arānūjara āñu borocucure: “Jesús ūujare aicōjeimi mure yópe, ‘Abujuvare jarūvavu yu aru pōevare meadaivu yu caride aru javenare máre. Aru yóbecurijāravu yóboi ji daiyede buojaquijivu. ³³ Ubenita mái nuiye jaunu yure caride, javenare, aru javena cōmiáijāravure máre. Cūinácu Jūmenijicui yávaiyede couycaipōecu yainí buojabecube Jerusaléne jocarí. Que baru nūquijivu yu Jerusaléi, ina Jūmenijicui yávaiyede couycaipōeva mácavure ne boarí jarūvainoi, pōeva ne boarí jarūvarājiyepo ayu yure’, ajará Herodede”, náre aicōjenejamedá Jesús.

³⁴ Aru arejamedá Jesús:

—Muja, Jerusalécauvu, mujeñecuva mácavu boarí jarūvarejaquemavu ina Jūmenijicui yávaiyede couycaipōeva mácavure! Cūraboaque dñvarí boarí jarūvarejaquemavu ina Jūmenijicui daroimara mácavure. Aipiye baju cōjjiovaiyuriduvu yu mujare ji yebai, yópe cayuco ūi cōjjiovaiyepo mamarare ūi caveba cāchinoi. Ubenita ubeteavu muja. ³⁵ Jājara. Dinumu maquinóre muje cūrōre Jūmenijicu dajocarí jarūvacuyume. Aru couyuhabu mujare:

Yure jámenajaramu maja cojedeca pü jádovacudayure meachü bajure jáivuta. Dinamü maquinóre arájaramu yópe: "Torojue bajadéni ñai dayure Jümenijicui ámiái, üi paruéque", arejameda Jesús.

Jesús üi meadaino cocoroyure

(Mt 12.11)

14 Cüinájárvu, judíovai jabuóvai-járvu sábadoi, Jesús áchunure-jameda cüinácu jabocü, fariseovacachü cürami. Ina jabova nore curivü corejaimada üre, üi ámeina tedu, boro coyurí adarajivü üre.² Aru cüinácu ümpare ijimu járorejameda nore, üi ámu-vea aru üi árada máre pare cocorore-javuya üre.³ Üre jáñu Jesús, jeníari járe-jameda ina Jümenijicui yávaiye báquede bueipöevare aru ina fariseovare máre, noi curivüre, yópe ari:

—¿Meadaiye jauri pöevare judíovai jabuóvaijárvu sábadoi? arejameda Jesús.

⁴ Übenita bi arejaimada na. Dinumüma Jesús ñai ijimüre jení meadarejameda. Üi meadariburu yóboi, nuiçojenejameda üre.⁵ Aru Jesús arejameda náre:

—¿Ácu muijacachü mamachü o üi oteivechü máre turu cobe ümäjüricobü jívvi, cüiná ímaje bárica üre judíovai jabuóvaijárvure? arejameda Jesús.

⁶ Übenita bi arejaimada na.

"Cutuimara torojue teinoi" jári dápiarí ne darajiyepo aino

(Mt 23.12; Lc 18.14)

⁷ Dinumüre Jesús járejameda ina cutu-imara voivüre apevü püeno ne dobarö mearova. Que baru coyurejameda náre yo jári dápiarí ne darajiyepo ainore:

⁸⁻⁹ —Apecü üi cuturu máre üi torojue teinoi, apevü püeno dobabejacü do-barö mearoi. Que daru, ñai torojue teino upachü cutuyü baru apecü ümure,

mi püeno ne majimüre, acchüme máre: "Jíjacü mi dobaröre ñai ümure". Que teni cuyoje teni dobacunuejebu mu turuvaita.¹⁰ Übenita apecü üi cuturu máre üi torojue teinoi, dobajachü turuvai. Que daru, dacchüme mi yebai ñai cutuyü bácu aru acchüme máre: "Jícu, nüjacü püenomaque. Vojacü mi dobarö mearova". Que teni torojurí járajarama máre caivü dobarivü máque tuoiva yebai.¹¹ Que baru ñai chiyacü me apevü püeno, parübecchüme püeno baju. Aru ñai parübede daiyacü üi baju apevü cächino, me chchüme püeno baju, Jümenijicui mearo dacaquiye boje üre, arejameda Jesús.

¹² Aru ñai üre cutuyü báchüre máre arejameda Jesús:

—Mi torojue teinumü, cutubejacü mu mi yóvaimarare, aru mívüre, aru mi cadajiecajü cüve chvarivüre máre. Que daivü baru, nácapürvü ne cuturajiyede máre máre ne torojue tenajiyede, cüvacchümu mu mi bojeva.¹³ Übenita mi torojue teinumü cutujacü ina cömajü ärojarivüre: cüve chvabevüre, ijimarare, cuiye majibevüre, aru jári eabevüre máre.¹⁴ Aru torojuchümu mu. Nácapürvü bujabenama bojedaivü máre. Übenita eacchümu mu mi bojeva ina boropatebevu ne nacajarajijárvü baquinóre yainore jaruväri, arejameda Jesús.

"Ürarö ainore" jári dápiarí ne darajiyepo aino

(Mt 22.1-10)

¹⁵ Cüinácu üque curivücacü, Jesús üi que aiyede jápiayü bácu, arejameda Jesúre:

—¡Torojuchüme ñai áchüü Jümenijicui jaboteinore! arejameda ü.

¹⁶ Jesús, üre buechü, arejameda:

—Apenumü cüinácu ümü torojue teinore meadaquemavü. Aru cutuquemavü obedivü pöevare.¹⁷ Que teni

ne āiora joabejīnoi ñai torojuve teino upash ūi yebacachre jaroyh, aicōjequemavh ūi cutuimareare yópe: “Jave meadacavh caiyede mūjare, que baru ‘Āradajarā’ aibi ji jaboch”, ajacsh, aque-mavh ū. ¹⁸ Ubenita ina ūi cutuimara coapa coyurī báquemavh nñiyubevu ūi torojuve teinore. Cūinácsh ūi cutuimaracach aquemavh: “Mamajiore bojedavh yh. Que baru jácunhiye jañvu yure no joire. Que baru coyujacsh mi jabochre, ūi corebequiyeph yure”, aque-mavh ū. ¹⁹ Aru apecsh aquemavh: “Caiphcapurhape paívh oteivechvare bojedavh yh. Que baru jácunhiye jañvu yure náre. Que baru coyujacsh mi jabochre, ūi corebequiyeph yure”, aquemavh ū. ²⁰ Aru apecsh aquemavh: “Purabhonu yh. Que baru daiye majibevu yh mi jabochri torojuve teinoi”, aquemavh ū. ²¹ Que teni ñai ūi yebacach copaini coyuquemavh caiyede ūi jabochre.

‘Ūi coyuquiyede jápiayh bácsh ñai jaboch, jararī dápiayh, aquemavh ūi yebacachre: “Maumejiena nñjach ñmarocama unctionai aru quijimai máre. Aru davajacsh ina cōmaje ārojariyüre: chve cüvabevüre, iji-marare, jári eabevüre, aru cuiye mäjibevüre máre”, aquemavh ñai jaboch. ²² Ñai yebacach ūi copaiyede, aquemavh ūi jabochre: “Mu, ji jaboch, yópe mi cōjeyeph dawh yh. Ubenita mi äitu-cubh buibévu cäreja”, aquemavh ñai yebacach. ²³ Aru ñai jaboch aquemavh ūi yebacachre: “Ímarore jocarī nñjach mu. Ma nñimai nñjach aru daicōjejach põevare ji torojuve teinoi, ji cürami buiquíyeph. ²⁴ Coyuquibh mure: Caivh ina ji cutuimara mácavh ämenajarama ji torojuve teinoque äiyede”, aquemavh ñai jaboch, arejameda Jesús.

Jesúque nñru ñájiovaino

(Mt 10.37-38; 16.24;
Mr 8.34; Lc 9.23; Jn 12.24)

²⁵ Mái nñiyede obedivh põeva yóvare-jaimada Jesúre. Aru ū copedini, jári, arejameda náre:

²⁶ —Ácu põech ūi daru ji yebai, ji bueimaracach bacuyh, yure jeché jañvu ūre caivh pñeno baju. Que baru ujacurī yure jípach, jípach, jímarepach, mamara, jíburā, ñmara, aru ūi baju máre pñeno baju. ²⁷ Ácu põech daiyacsh yáque, dajocajacurī põeva ne mearo jáiyede ūre, cüyebejacurī yure yóvaiyede, aru jidubhbejacurī ūi ñájiquiyede. Nópe dabech baru, ū bñojabebi jícsh bacuyh. ²⁸ Ácu mñjacach cürami unctionai daiyacsh baru, dápiarī dobajebu, corevacuyh aipino bojecuróre diñamine aru ūi bñojquinore máre. ²⁹⁻³⁰ Iñamine ñarī báriburu yóboi, ñai cüramine dayh ūi bñojabedu, caivh ina jáivh ūre yñrinajarama yópe aivh: “Ñai ūmu cüramine ñarī bácshbe. Ubenita bñojabebi caride”. ³¹ Aru ácsh jaboch dápiarī dobajebu, ū jina caiphcapurhape paimil baju churaravaque boaiyacsh baru apecsh jaboch veinte mil paivh baju churarava cüvacuque ädamatecudayh ūre. ³² Aru boarī bñojaiyubech baru ūi boro nñvaipõevare coyurī jarocuyhme ūi mauch joai cuedeca cäreja, “Boaiyubevu yh” arī jaroyh. ³³ Que baru me dápiayh jañvu mñjare jipocamia, ji bueimara märajivh baru. Mñja dajocabevh baru mñje cüvaede, ji bueimara teivh bñojabenamu mñja, arejameda Jesús.

“Yuquirare” jári dápiarī ne ñarajiyeph aino

(Mt 5.13; Mr 9.50)

³⁴ Bediôva cojedeca arī buedejameda Jesús náre:

—Meadaivu maje ãiyede yuquiraque. Nopedeca ñájiye meadaivu põevare. Yuquira maje ãiyede meadaivu. Ùbenita yuquira vajue bíjaro, ãiyede meadaiyé bhojabevu.³⁵ Joborõre aru oteiye ùro-jurõre máre meadaiyé bhojabevu. Quédato põeva jaruvaðama iye yuquira meamene. Nopedeca Jümenijicu põeva ûi uthõpe ðarí dajocaivu baru, meadarí bhojabenama ijáravcavure. Me jápijarã mûja iye ji bueiyede, arejamedá Jesús.

“Oveja mamateyure” jári dápiari ne ðaräjiyepe aino

(Mt 18.10-14; Lc 5.29-30;
Jn 10.1-16; He 13.20)

15 Apenuñu earejaimada Jesús yebai obedivu Roma ãmicurõ jaboteino jabolare tautura ïcaipõeva aru ãmeno ðaipõeva máre, jápiaraeivu ûre. ² Fariseova aru Jümenijicu yávaiye báquede bueipõeva máre borotedejaimada, ne bajumia aivu:

—Nai ûmú copu etaibi ãmeno ðaipõevare aru ãimi náque, arejaimada na.

³ Ne que aiye boje, Jesús coyurejamedá náre yo jári dápiari ne ðaräjiyepe ainore:

⁴ —Mujacacu ovejavare coreipõecu chvacu baru cien paivu ovejavare, aru cüinácu nácacu ûi mamatedu, nai dajocajebu ina noventa y nueve paivu ovejavare põecubeno, vocuñu nai bíjayu bácare ûre earíta. ⁵ Aru ûre earí, ïni, aruboi tuorí, torojuñi nñavajebu nai ovejare ûi cüramita. ⁶ Cürami earí, órejajebu ûi yóvaimarare aru ûi cadajiecvare máre. Aru ajebu náre yópe: “Torojuñarã yáque, ji oveja bíjayu bácare ji eaiye boje”, ajebu. ⁷ Nopedeca coyuyabu mûjare: Ina cavarõ mearo Jümenijicu curôcavu torojuñarama cüinácu ãmeno ðaipõecu chiori, oatuvaru ûi daiyede, apevu noventa y nueve paivu pueno,

ina “Chiori oatuvaiye jaubevu yure”, arí dâpiaivu, arí buedejamedá Jesús.

“Täuturaturavare” jári dápiari ne ðaräjiyepe aino

⁸ Cojedeca Jesús coyurejamedá apeno jári dápiari ne ðaräjiyepe ainore, náre buecuyu:

—Cünaco nomiò chvacu baru pucapuruape paiturava täuturaturavare aru cüinátrava bíjaro õre, ico nomiò pêoibure pëori, õi cüramine oeni, vojebu pu dituravare earíta.

⁹ Dituravare earí, ïni, epeni, torojuñi órejajebu õi yóvaimarare aru õi cadajiecvare máre. Aru ajebu náre yópe: “Torojuñarã yáque, ji täuturaturava bíjaino mácarõre ji eaiye boje”, ajebu. ¹⁰ Nopedeca coyuyabu mûjare: Ina Jümenijicu ángeleva torojuñarama cüinácu ãmeno ðaipõecu chiori, oatuvaru ûi daiyede, arí buedejamedá Jesús.

“Mamacu mamateyure” jári dápiari ne ðaräjiyepe aino

¹¹ Cojedeca Jesús coyurejamedá apeno jári dápiari ne ðaräjiyepe ainore, náre buecuyu:

—Cünácu ûmu chvatequemavu pucarã mamara. ¹² Aru nai imacucapûravu pueðabecu jípacure aquemavu: “Mu, jípacu, jíjacu yure, ‘Míye baquiyébu’, mi aiye báquede yure”, aquemavu. (Mamacu nópe ayu jípacure, “Mi yaiquínore uvu yu”, ayube û.) Dinumuma népacu jíquemavu diede náre coapa. ¹³ Obejäravu yóboi, nai imacu caiye ûi apejene meadarí, ïni, nñquemavu joai, apeno joborõi. Aru noi jaruvaquemavu caiye ûi chvade ûi uthõpe ðarí. ¹⁴ Aru ûi jaruvariburu yóboi caiye ûi chvæ báquede, ãvñu daquemavu Caino no ûi curijoborõre. Que baru ûi urarõ ñájiquemavu ãvñéna. ¹⁵ Nuri, memeino voquemavu apecu ûmu, dijoborõcacure.

Que teni ñai jaroquemavu ūre, coreicō-jeñu oteivārivare.¹⁶ Aru ãiyutequemavu oteivāriva ne ãinore. Ùbenita ñame jí-betequemavu ūre.¹⁷ Aruri earí, dápi-arí aquemavu ñi baju: "Caiu ina jí-pacu memecaivu cūvarāma utarō ne ãiye méne aru púphiyé máre. Ùbenita yu yaiyútamú ãnvéna.¹⁸ Caride copaiqui-jivu jipacu yebai. Coyuquijivu ūre yópe: "Mu, jipacu, ãmeno davu yu Júmeni-jicure aru mure máre.¹⁹ Que baru "jí-macu", abejacu yure caride. Jájacu yure yópe mi jáiyepu cūinácu memecayure mure", arí dápiaquemavu ñi.

²⁰ Que teni nacajari náquemavu jí-pacu yebai. Aru jípacu dayure jári joam-ica, cõmaje ãroje jáquemavu ūre. Que baru cúyarí, copu ñuri, ūre narióque-mavu. Aru ñi vioburá nuquemavu ma-macure.²¹ Aru mamacu aquemavu ūre: "Mu, jipacu, ãmeno davu yu Júmeni-jicure aru mure máre. Que baru "jímacu", abejacu mu yure caride", aquemavu jí-pacu. ²² Ùbenita jípacu aquemavu ūre memecaivu: "Davacajará maumejiena ūre meacaje cuitótecajede. Doajará ūre. Adajará ãmuyo adaitarabu máre. Aru curaidoare máre doajará ūre.²³ Davajará ñai oteivecu mamacu me jiacchure. Boajárá, ãmuri, torojuve tenajivu caivu ïmarocavu.²⁴ Ñai jímacu yaiyá bácupe páyu ûmedayupebe cojedeca. Javede bí-jame yure jocarí. Ùbenita eaivu ūre co-jedeca", aquemavu jípacu. Aru torojuve teni báquemavu na.

²⁵ Que teiyedeca, jíbucu memenú matequémavu jioi. Copaini cûrami, joabejínoi jápiaquemavu ne upaiyede.²⁶ Aru cûinácu memecaipóecure órejarí, jénari jáquemavu ūre, "¿Aipe teni upaivuba na?"²⁷ Ju aquemavu ūre: "Míyochu copaini dacube. Que baru mipacu boaicójemi ñai oteivecu me jiacchure, mamacu meacure copu etaiye boje", aquemavu ūre.²⁸ Ùbenita ñai jíbucu jarayu, torojuve teinoi

ecoiyubetequemavu. Que baru jípacu, etarí ñi yebai, jéniaquemavu ūre: "Mu, bacu, ecorí, ãjacu".²⁹ Ùbenita aquemavu jípacure: "Obediuja memecaivu mure yebacacupe. Aru cainumha ju ainvu mure aru mi cõjeiyede daivu. Ùbenita yure mu jíbevu cûinájienece cûinácu oteiáimajicure, ñuje ãrajiyepu ji yóvaimaraque torojuve teinoi.³⁰ Ùbenita ñai mímacu ñi eaiyede, mi jíye báquede ūre jaruvayu bácreca nomiva ãmenaque, boacáicôjenebu mu ūre oteivecu me jiacchure", aquemavu ñi.³¹ Aru jípacu aquemavu ūre: "Mu, buecu, mu cava yáque cainumha. Aru caiye ji cavae míyetamu.³² Ñai míyochu yaiyá bácupe páyu apusupebe cojedeca. Nai bíjayu bácu eaimume caride. Que baru torojuve teiye jaavu majare", aquemavu népacu, arí coyurejamedá Jesús.

"Ñai memeipóevare coreyu
vainí tuyure" jári dápiari
ne ðarajiyepu aino

(Mt 6.24; 25.21; Lc 19.17)

16 Jesúis coyurejamedá ñi bueimarare, yópe arí:

—Cátequemavu cûinácu ñi cûve cûvacu. Cûvatequemavu cûinácu ñi cûvaede coreyure. Aru apevu coyque-mavu ñai cûve cûvacure yópe: "Ñai mi coreipóecu jaruvavaibi caiye mi cûvaede", aquemavu na.² Que baru ñai cûve cûvacu órejaicójeni ñai cor-eipóecure ñi yebai, aquemavu ūre: "¿Aipe jápiayuba yu mi borore? Jádo-vajacu yure mi toivarí cûvarore, ji ma-jiquiyepu aipino mi jacopuyede aru aipino mi jíyede ji cûvede. Caride memecabecchumu mu yure cojedeca", aquemavu ñai jabocu.³ Que baru ñai coreipóecu ñi baju dápiari aquemavu: "¿Aipe tequidi yu? Ji jabocu ími yure ji memeinore jaruvavarí. Joborore ñuri bao-jabevu yu, ji parubé boje. Aru tâuturare

jēniari cuyaevu yu. ⁴Jave majivu yu ji daquinore, cūvacuyu pōeva ne copu etarājiyepo ayu yure ne cēramiai ji memeino cūvabede”, arī dāpiaquemavu ñai coreipōecu.

⁵Que baru ñai coreipōecu órejaquemavu nāre coapa ina bojecubé daivure ūi jabocure, coreóvabevureca ūre memeino cūvabecure. Aru ñai mamarumhre ūi órejaimhre jēniari jāquemavu: “¿Aipino bojecubé dayurū mu ji jabocure?” aquemavu. ⁶Ju aquemavu ū: “Cien paibua joscubua olivocu āmicuricu jēidhare pipocorore bojecubé daivu yu ūre”, aquemavu. Aru ñai coreipōecu aquemavu ūre: “Úju, jējacu mi bojecubé daino curiyocare. Maumejiena dobarí oatavarí toivajacu iyede: ‘Cincuenta paibua bajura’, aquemavu. ⁷Dinumhama ñai coreipōecu jēniari jāquemavu apecu bojecubé dayure: “¿Aipino bojecubé dayurū mu ji jabocure?” aquemavu. Ju aquemavu ū: “Cien paipheá trigo āmiche oteiyede bojecubé daivu yu ūre”, aquemavu. Aru ñai coreipōecu aquemavu ūre: “Úju, jējacu mi bojecubé daino curiyocare. Aru oatavarí, toivajacu iyede: ‘Ochenta paipheá bajura’”, aquemavu. ⁸Aru ñai jabocu, jāñu ūi borocurí majinore, aquemavu ñai coreipōecu borore: “Nai ūmu borocucuvacari me majibi ū”, aquemavu. Ina ijāravucavu Jūmenijicure ubevu, ne cūvae méne aru ne me cude máre ñi majima, aru me bajura ne tāuturare earí majima ina Jūmenijicure ju aivu pheno, arejamedá Jesús.

⁹Jesús arī buedejamedá nāre cojedeca:

—Muje cūvaede jíyede cōmajé arojarivure, na pueadarājarama mūjare. Muje nōpe daru, Jūmenijicu jíchuyume mūjare muje cūrō cūiménore, arejamedá Jesús.

¹⁰Bedióva cojedeca Jesús coyurejamedá ina pōevare:

—Nai mearo darī epeyu baru quíjnore, dinumure mearo darī epecchuyume ularore máre. Aru ñai quíjino ūi cūvarōque borochcu baru, ularō ūi cūvarōque máre borochchuyume ū. ¹¹Que baru ijāravhi cūrivu mearo dābevubu mūja muje cūvaede. Que daivu, mūjare Jūmenijicu jíyede mearo dabenamu mūja. ¹²Que baru apecu jíyede mearo dābedu, ñame būojarí jíbenama mūjeneca. ¹³Cūinácu Jūmenijicure ãrhcu baru, pare ãrūmemi tāuturare. Aru tāuturare pare ãrhcu baru, ãrūmemi Jūmenijicure. Que baru Jūmenijicure aru tāuturare máre ãrūmejara mūja. Ñai tāuturare ucu baru, Jūmenijicure ubecchuyume ū, arejamedá Jesús.

¹⁴Ina fariseova tāuturare pare urejaimada na. Que baru iye Jesús ūi coyuchiye báquede jápiaivu bácvavu ūre yuridejaimada. ¹⁵Ubenita Jesús arejamedá náre:

—Pōeva ne jáiyede mearape paivubu mūja. Ubenita Jūmenijicu majibi muje dāpiainore. Pōeva ne mearo jáiyede Jūmenijicu ubebi, arejamedá Jesús.

Majare cōjeyiye aru Jūmenijicu jaboteino

(Mt 5.18; 11.12-13)

¹⁶Jesús, yópe arī, buedejamedá nāre cojedeca:

—Juan Bautista bácu ūi cūrinumh mácarō baji cūrejaquemavu Jūmenijicui dāicōjeyiye Moisés bácuré toivaicōjeni bueiye báque aru ina Jūmenijicu yávaiyede coyuchaipōeva mácavu toivarí bueiye báque máre. Dinumh mácarore Juan Bautista bácu coyuháme Jūmenijicu jaboteinoquede aru ūi yóbore máre coyuhivbu iye yávaiye méne. Aru caivu pōeva pare tedama ecoiyurivu Jūmenijicu jaboteinore.

¹⁷ Caino cavarō aru caino joborō máre cūiye maiyójabevu. Ubenita caiye iye Jāmenijicui daicōjeiye cūiye maiyójavu. Quénora caiye jāve vaiquíyebu yópe Jāmenijicui daicōjeiye, arejameda Jesús.

Jesús ūi bueino nomi jaruvainore

(Mt 5.32; 19.1-12; Mr 10.1-12; 1 Co 7.10-11)

¹⁸ Bedióva cojedeca Jesús arī buede-jameda ina pōevare:

—Ácu pōecu jímarepacore jaruvávariburu yóboi purubhuoyu baru apocoque, nomicchvacari apocoque cuchu baru, āmeina daibi óre ūi mamarumucacore jaruvári. Aru ácu pōecu purubhuoyu baru cūináco nomiō jímarepacu mamarumucacu ūi jaruvaimore āmeina daibi óque, arejameda Jesús.

Jesús ūi coyuhino cuve cūvacure aru Lázarore

¹⁹ Jesús coyurejameda ina pōevare cojedeca:

—Cūinácu ūmu cuve cūvacu cútequemavu. Pare meacaje cuiótatecajede dorī torojuve teni, javatequemavu jāravua coapa. ²⁰ Aru apesu ūmu cuve cūvabecu cútequemavu, ūi āmiá Lázaro. U pátēquemavu ūai cuve cūvacu ūi cūrami jedevacobe yebai. Churiá ijié cútequemavu ūai Lázaro. ²¹ Aiyuriduquemavu āiye tuiye báquede ūai ūmu cuve cūvacu ūi tuoivare jocarī. Aru yavimiva darī nenequemavu ūi churiáre. ²² Cūinájāravu ūai cuve cūvabecu, Lázaro bácu, yaiquémavu. Aru ángeleva nūvaquemavu ūre Abraham yebai. ūai cuve cūvacu bácu máre yaiquémavu. Aru ūi bajure jaruvaquemavu cáracobei. ²³ Nūquemavu ūi toabo cūiméboi.

‘Noi pare ūajíñu, jāquemavu joai Abrahāre aru Lázarore máre. ²⁴ Que

baru órejaquemavu, ayu yópe: “Mu, jícu, Abraham, cōmaje āroje jājacu yure. Darojacu Lázarore ji yebai ūi ocoque jórī neneóvaquiyepo āmuyoque ji jemedore, cojujovacu yure. Pare ūajivu yu yo toaboi”, aquemavu. ²⁵ Ubenita Abraham aquemavu ūre: “Mu, jícu, ārūjacu mu caiye iye méne mi cūvavaquede apus cuareja. Aru Lázaro apus cuareja ūajiquemavu urarō āmenore. Ubenita caride torojubi ū yore, aru ūajivu mu. ²⁶ Maje coricai cūvu urarō tūrobu. Que baru ūajacavu jataiyurivu buojabema nūivu nore. Nopedeca nōcavu máre jataiyurivu buojabema daivu yore”, aquemavu Abraham.

²⁷⁻²⁸ Dínūmūma aquemavu ūai cuve cūvacu: “Mu, jícu, jēniaivu mure. Jarojacu Lázarore jipacu bácu cūrami, ūi couyquiyepo ayu jiyova cūinápurupre paivure, ne ūajimenajiyepo ayu yore”, aquemavu. ²⁹ Ubenita Abraham aquemavu yópe: “Jāmenijicui daicōjeiyede ūi toivaicōjeiye báquede Moisés bácuru aru ina Jāmenijicui yávaiyede coyacaipōeva mácavu ne toivaiye báquede máre cūvama na. Que baru míyova jápiajarāri diede”, aquemavu Abraham. ³⁰ Ubenita aquemavu ūai cuve cūvacu: “Mu, jícu, Abraham, ina jápiabevuvacari iye Jāmenijicui yávaiyede, cūinácu yainore jaruvári copainuru náre, chiori oatuvárajarama ne daiyede”, aquemavu Abrahāre. ³¹ Aru Abraham aquemavu ūre: “Ina pōeva jápiabevu baru Jāmenijicui daicōjeiyede ūi toivaicōjeiye báquede Moisés bácuru aru ina Jāmenijicui yávaiyede coyacaipōeva mácavu ne toivaiye báquede máre, jápiabenama cūinácu nacajañureca yainore jaruvári”, aquemavu Abraham, arī coyurejameda Jesús.

Jidojarō maje āmeina teino

(Mt 18.6-7, 15, 21-22; Mr 9.42)

17 Jesús buedejameđa ūi bueimarare, yópe arī:

—Jáve jujovarajarama mūjare. Ubenita ñai jujovare dāyu apevure chiori āmeno ñajicuyume ū. ² Ñai pōecu ūi vainí ture daru apecu yure ju ayure parubecureca, ūi dajocaquiyepo ayu ūi ju aiyede yure, meajebu ūre jaruvaru jia uradai ūi ñamemui buorí cūinábo cūrabo uraboque. ³ Me jájara mūja. Me dāpiajarā mūje darajiyede. Apecu ūi āmeno daru mure, majicajacu ūre ména. Aru ūi chiori oatuvetu ūi daiyede, ārumetejacu iye ūi āmeno daiye báquede mure. ⁴ Aru ūi āmeno daru mure siete paiye baju cūinájāravure aru siete paiye bajureca, “Chioivu yu ji āmeno daiye báquede mure” ūi aru, ūi āmeno daiyede ārumetejacu mū, arejameda Jesús.

Jūmenijicure ārure daino majare

⁵ Ina Jesús ūi yávaiye méne beorí coyñicōjeimara arejaimada Jesúre yópe:

—Cdātejacu ūjare, ūuje ju arājiyepo mure pñeno baju! ūre arejaimada na.

⁶ Aru Jesús arejameda:

—Oteiye mostaza āmicue oteiye quíjetamu. Ubenita pñariburu yóboi jocucu ñracutamu. Nopedeca mūje ju aru yure quíjino, nópe quíjie oteiyepe, Jūmenijicu urarō mearore dajebu mūjare. Mūja me ju arī Jūmenijicure, mūje aru icu jocucu ñracure yópe: “Nūjacu caiye mi nñoque. Aru nñri nñjacu jia uradai”, dicu ju ajebu mūje cōjeinore, arejameda Jesús.

Memecaipōecu ūi daino

⁷ Jesús arī buedejamedo cojedeca:

—Mūjare memeni coreyure jiore o coreyure aimarare ūi copaidaiyede

cūrami, “Maumena darī, ācudajacu”, abevu mūja ūre. ⁸ Quedata, “Meadajacu ji ñiquiyede. Oatuvajacu mi doiyede. Aru corejacu ji ñiyede cāreja. Ji āriburu yóboita mū máre āri ñucujacu”, aivabu mūja ūre. ⁹ Aru ñai jabocu jāve abecube ūi yebacacure, “Meavu mi memecaino yure”, ūi daicōjeiye báquepe daiye boje. ¹⁰ Nopedeca mūja máre, caiye iye daicōjeiye báquepe mūjare darī buojaivu, ajarā mūje baju yópe: “Bojecubevabu maja. Quénora daivabu maja yópe Jūmenijicu daicōjeiyepe majare”, náre arī buedejamedo Jesús.

Jesús ūi meadaino caipñcapuruaape paivu pojeivure

¹¹ Jesús nñññ Jerusalén āmicuriñmaroi, vaidéjamedo Samaria aru Galilea āmicurijoborōa turuvare. ¹² Cūináro ñimajino ecoiyede, copu nñrejaimada ūre caipñcapuruaape paivu ñmava pojeivu. Nñrejaimada joai Jesúre jocarī. ¹³ Aru codoboborejaimada na:

—Mū, Jesús, bueipōecu, cōmajé āroje jājacu ūjare, arejaimada na.

¹⁴ Náre jāri, arejameda Jesús:

—Nuri jādovajara sacerdotevare, arejameda.

Nópe arejameda, judíova ne daiye boje Jūmenijicu daicōjeiyepe. Aru ne nñiyedeca mái, meatedejaimada ne pojeiyede. ¹⁵ Que teni cūnacu nácacu jāri coreóvarí meateyu ūi baju, copaini nñri codoboborí torojurejameda Jūmenijicure. ¹⁶ Mori turejameda joborōi Jesús jipocai, jíyu mearore ūre. Aru Samaria āmicurijoborōcacu barejaquémavu ñai ñmu. ¹⁷ Que teni Jesús arejameda:

—Caipñcapuruaape paivu meatevu mūja. Ñárima apevü, ina nueve paivu?

¹⁸ Apevü cùbema ina jínadajurorivu mearore Jūmenijicure. Quénora ñai dacube, apeno joborōcacuvacari, arejameda Jesús.

¹⁹ Aru Jesús arejamedá ūre:

—Nacajari nūjacu mū. “Ū yure meadaiye majibi”, arī dāpiarebu mū yure. Que baru, mi que dāpiaiye boje, meadaivu mure, arejamedá ūre Jesús.

Jūmenijichí jaboteino aipe edaqinore

(Mt 10.39; 16.25; 24.17-18,
23-28, 36-41; Mr 8.35;
13.15-16; Lc 9.24; Jn 12.25)

²⁰ Cūinájāravu apevu fariseovacavu jēniari jārejaimada Jesúre, yópe arī:

—¿Aipiyede edaquidica yo Jūmenijichí jaboteino maquinó? arejaimada na.

Jesús arejamedá náre:

—Jūmenijichí jaboteinore jāri majibevu mūja. ²¹ Que baru abenajarama yópe: “¡Jájacu, yui cūvū!” Aru abenajarama yópe: “¡Jájacu, noi cūvū!” Quédala jave Jūmenijichí jaboteyube mūje jēneboi, arejamedá Jesús.

²² Dinumure Jesús arejamedá ūi bueimarare:

—Jāravu cūquiyebu mūje jāiyūrijāravu yure, Jūmenijichí daroimū máchre ūmūpe, cūinájāravura. Ubenita jāmenajaramu mūja. ²³ Aru arājarama mūjare yópe: “¡Jájara noi!” Aru arājarama yópe: “¡Jájara yui!” Ubenita nūmejara mūja. Nūmejara ne yóboi. ²⁴ Jūmenijichí daroimū máchū ūmūpe yaroinope nūquiyebu ji copaidaquijāravu baquinó. Yópe no yaroino pēoyepe cavarōre cūinápūravu pū aperpūravu, caivu pōeva ne jārajiyepo nore, nopedeca copaidachuyumu yu. Aru caivu pōeva jārajarama ji copaidaiyede ijāravu. ²⁵ Ubenita mamarūmu үraro ūnájiye jaunvū yure. Aru ijāravucavu ju abenajarama yure.

²⁶ Dijāravu baquiyéi, Jūmenijichí daroimū máchū ūmūpe, ji copaidaquijāravu jipocai, cūquiyebu nōpe ūnájiyāravu Noé máchi curijāravu

báquepe. ²⁷ Dinumū mácarōre caivu pōeva ūivu barejaquémavu, aru ūcuivu barejaquémavu. Ūmava purubuovu barejaquémavu. Aru jidejaquemavu némaromivare, ne purubuorājiyepo aivu, Noé máchi jiadocū үracüre ecoijāravhita. Muiváibo darejaquemavu. Aru caivu ina pōeva cori bījarejaquemavu na mácavu.

²⁸ Nopedeca curejaquemavu Lot báchi curijāravua báquede máre. Caivu pōeva ūivu barejaquémavu, aru ūcuivu barejaquémavu. Bojedaivu barejaquémavu. Oteivu barejaquémavu. Aru cūramiare daivu barejaquémavu máre. ²⁹ Ubenita ūnájiyāravu bácarō, Lot báchi etaiyede Sodomare jocarī, Jūmenijichí maumena darorejaquemavu toabore aru cūraboa uruiboare máre. Ocainope tūrejaquemavu cavarōre jocarī. Aru caivu ina diūmarocavu bácauvu yaidéjaquemavu na mácavu. ³⁰ Nopedeca baquiyébu Jūmenijichí daroimū máchū ūmūpe, ji copaidaquijāravu baquinóre. Maumena, pōeva yure ne corebede, copaidachuyumu yu ijāravhi cojedeca.

³¹ Dijāravu baquinói ūai cūrami puenora cūcū bacuyú émeni dabejacurī, nūvacuyu ūi apejīene. Ecobejacurī ūi cūrami. Aru ūai jiore memeñu macuyá copainumejacurī ūi cūrami. ³² Arūjara mūja iye Lot báchi márepaco bácore vaiye báquede. Ó mácoi ju abe boje Jūmenijichí cōjeiye báquede, yuquirara cainidu tedejaquemavu ó máco. ³³ Nai pōecu ūi baju үrōpe darī, meadaiyūcū baru ūi bajure, coatecuyūme ūi bajure Jūmenijichre jarūvarī, yópe yaiyá bácupe ūi ūmei. Ubenita ūai pōecu, “Ye baju ūmevū ji yaidú Cristore boje” ayu, ūi baju үrōpe dabecuvva quénora ji үrōpe darī, ūrecabe ji meadaquimū, cūcū Jūmenijichque cainumua.

³⁴ ‘Coyuyubu mūjare, ji copaidaquijāravu baquinói pūcara ūmūva cāra-

jarama ne cūrami jívhi ñamine. Cūinácu nūvaimu macuyáme, yure ūi jü aiye boje. Aru apecu mautechuyame, yure ūi jü abe boje. ³⁵ Aru pucarā nomiva jíorajarama ne cūrami jívhi. Cūináco nūvaimo macodóme, yure ūi jü aiye boje. Aru apeco mautecodome, yure ūi jü abe boje. ³⁶ Aru pucarā ūmuva memenajarama ne jioi. Cūinácu nūvaimu macuyáme, yure ūi jü aiye boje. Aru apecu mautechuyame, yure ūi jü abe boje, arejameda Jesús, náre buey.

³⁷ Aru jéniari járejaimada ūre:

—Mt, ñuje jabocu, ¿ári yópe vaiquídaiye iye? arejaimada Jesúre.

Aru arejameda náre majidivu ne aino mácaróque yópe:

—Ári yaiyá báchi cüröi, noi cójjinajarama cavava. Caiye iye ji coyuyede jáivu, majinajaramu muja ji copaidaquino joabenore, ji ñájiovaquinore pöevare, ne ámeina teiye boje, arejameda Jesús.

**“Ámeina teivure jéniari jáipecore
aru nomiópecore” jári dápiari
ne darájiyepe aino**

18 Jesús buedejameda pöevare jári dápiari ne darájiyepe ainoque ne jéniarajiyepe ayu Jümenijicque cainumua dajocabevuva. ² Aru arejameda:

—Cūinámaroi cátiquemavu cūinácu jabocu, ámeina teivure jéniari jáipecu. Ñai jabocu puedabetequemavu Jümenijicque. Aru puedabetequemavu pöevare máre. ³ Diñmaromiareca cátiquemavu cūináco nomiópeco máre. Ó nuri, yávare nurejaquemavu ūre: “Cádatejacu yure, ji mauch ūi ñájine dabequiyepo yure”, aquemavu ó. ⁴⁻⁵ Obedijárvare ñai jabocu jápiabetequemavu óre. Ubenita no yóboi arí dápiaquemavu ūi baju: “Yu puedabecuvacari Jümenijicque aru puedabecuvacari pöevare máre,

ico nomió, ji yebai dado järavuva coapa, ūi pare cárivovaiye boje yure, cadatequijivu óre, ūi ueture dabecojiyepe yure”, aquemavu ū, arejameda Jesús.

⁶ Aru Jesús arejameda:

—Jápiajarā ñai ūmu ámecu ūi aiye báquede. ⁷ Aru jáve cadatechuyame Jümenijicu ina ūi beoimare jéniaivure ūre, ūi cadatequiyepo ainvu náre järavure aru ñamine máre. Corede dabecube ū joe baju, cadatechuyu náre. ⁸ Coyuyubu mujare: Maumejiena cadatequijibi náre. Ubenita yu, Jümenijicu daroimu mácu ūmupe, ji copaidaiyede ijárvu, jáve obebejina pöeva ju aivure Jümenijicure paruriúmeque eacuyumu, arejameda Jesús.

**“Pucarā ūmuva ne jéniaino
Jümenijicque” jári dápiari
ne darájiyepe aino**

(Mt 23.12; Lc 14.11)

⁹ Bedióva Jesús buedejameda náre jári dápiari ne darájiyepe ainoque. Coyurejameda ina pöevare “¿Meara márica?” arí dápiaivure ne baju apevu pueno. Arejameda:

¹⁰—Pucarā ūmuva Jümenijicque jéniaranquemavu Jümenijicu cürami. Cūinácu fariseovacach batequémavu. Aru apecu jabovare tăutura ícaipöecu batequémavu. ¹¹ Ñai fariseo nuri jéniari dápiaquemavu ūi baju yópe: “Mt, ji meareore jím, torojhede jívus mure, ji ámedabe boje. Yu apevure dabevu. Apevure jujovarí imevu yu ne cuyaede. Ámeno dabevu yu apevure. Nomicuchu, apecoque cübevu yu. Aru ñai jabovare tăutura ícaipöecupe dabevu yu. ¹² Pucajárvare sumana coapa ámecuva áiyede jéniaavaivu yu mure. Aru caiye ji cuyaede caipucapuruape paiyede cüvarí, cūináro jívavu yu mure”, aquemavu ñai fariseo. ¹³ Ubenita ñai jabovare tăutura ícaipöecu joai nuri,

jáiyubecu cavarõre, totaquemavu ūi ñarebare, ūi chioye boje. Aru aquemavu: “Mu, ji mearore jímu, cõmaje ãroje jájacu yure, ãmeina teyure”, aquemavu ñai jabovare tâutura ícaipõeca. ¹⁴ Coquyubu mujare: Jümenijicu ãrûmetequeuemavu ñai ūmu ūi ãmeina teiye báquede. Übenita ãrûmetebetequeuemavu ñai fariseo ūi ãmeina teiye báquede. Que baru ñai chiyucu me apevu pñeno, parubecuyume pñeno baju. Aru ñai parubede daiyucu ūi baju apevu cãchino, me cuchuyume pñeno baju, arejameda Jesús.

**Jesús ūi mearore jíno
juedovare Jümenijicuque**

(Mt 19.13-15; Mr 10.13-16)

¹⁵ Pöeva nûvare cuivu barejáimada némarare Jesús yebai, ūi thaquiyepé aivu náre ūi pñruáque. Que teni Jesús bueimara náre jáivu, nûvaicõjemenejaimada némarare. ¹⁶ Übenita Jesús órejarejameda náre ūi yebai. Aru arejameda:

—Ina juedova dajarãri ji yebai. Jümenijicu jabotecuyume pöevare nápe paivure. Que baru, “Davabejarã juedovare”, abejarã náre. ¹⁷ Jäve coquyubu mujare: Ácu pöecu copu etabecu baru Jümenijicure jaboteyure ūre, yópe juedocu ūi copu etaiyepé, ecobecuyume ūi jaboteinore, arejameda Jesús.

**Cüinácu ūmu çuve cùvacu
Jesúmaque ne boroteino**

(Mt 19.16-30; Mr 10.17-31)

¹⁸ Cüinácu jabocu jeníari járejameda Jesúre:

—Mu, bueipõecu measu, ¿aípe daji yu, cùvacuyu järavu cüiméjäravu baquinóre? arejameda Jesúre.

¹⁹ Jesús arejameda ūre:

—¿Aípe teni “Meacubu mu”, ayurū yure? Jümenijicu cüinácurabe meacu baju. ²⁰ Majivura mu Jümenijicu daicõjeiyede ūi coquiyé báquede Moisés bácuré: “Chvabejacu apecore mimarepacore jaruvarí. Pöevare boarí jaruvaré jacu. Navamejacu apecu ūi cùvaede. Borodabéjacu apecore. Ju ajacu mipacore aru mipacore máre”, arejameda Jesús.

²¹ Que teni arejameda Jesúre:

—Dacacu caiye iye mi coquiyede juedocu cäreja yu, aru caride máre, arejameda.

²² Ūi ju aiyede jápiayu bácu Jesús, arejameda ūre:

—Cüináro jauvu mure cäreja. Jíni bojedajacu mi cùvede. Aru mi iquiyede jájacu ina cõmaje ãrojarivure. Que teni cùvacuyumu mu boje méne cavarõ mearo Jümenijicu curõi. Aru dajacu yáque, arejameda Jesús.

²³ Übenita iyede jápiarí urarõreca chiorejameda, dajocaiyubecu ūi ure cùvede. ²⁴ Que teni Jesús ūre jári, arejameda:

—Ina pöeva çuve cùvarivure pare maiyójavu ne ju aiyé Jümenijicure, ūi meadaquiyepé aivu náre aru ne ecorájiyepé aivu ūi jaboteinore cavarõ mearo ūi cùrõre. ²⁵ Cüinácu áimacu uracu, camello ámichcu, ūi ecoru aviyó cobei, maiyójajebu ūre. Aru pñeno maiyójavu çuve cùvacure ūi ecoquino Jümenijicu jaboteinore, arejameda Jesús.

²⁶ Ina ūre jápiavu bácvu arejaimada:

—¿Name buojarí ecorájidica Jümenijicu jaboteinore, cùvarájivu järavu cüiméjäravu baquinóre? arejaimada na.

²⁷ Jesúcapúravu arejameda náre:

—Pöeva ne ñarí majibeno maiyójabevu Jümenijicure. Ú cüinácura buojarí meadayubé pöevare, arejameda Jesús.

²⁸ Aru Pedro arejamedá:

—Dajocacarā ñuja caiye ñuje cuvaede, ñuje daiye boje máque, arejamedá Pedro.

²⁹⁻³⁰ Aru Jesús arejamedá náre:

—Jáve coyuyabu mágare: Ácu pöecu dajocayu baru ūi cūramine, o jímarepacore, jíburáre, ímarare, ūi buevare, o ūi márare máre, Júmenijicui jaboteino boje, ñai pöecu eachuyume pñeno baju caride ijárvu. Aru daquijárvu baquinói cuvacuyume járvu cūmégárvu baquinóre, arejamedá Jesús.

**Jesús ūi coyuino bedióva
cojedeca ūi yaiquínore**

(Mt 20.17-19; Mr 10.32-34)

³¹ Jesús nüvarejamedá ina doce paivure. Aru yópe arí, coyurejamedá náre:

—Jerusaléi nüivubu. Nore ðarajivubu na yure, Júmenijicui daroimú mácure ñumpe, caiye iye Júmenijicui yávaiyede coyucaipöeva mácavu ne toivaiye báquepe. ³² Jínajivubu yure ina judíova ámevure. ³³ Que teni ina pöeva yurinajivubu yure. Cuyoje ðarajivubu yure. Jécututurajivubu yure. Jara popenajivubu yure. Aru boarí jaravarajivubu yure. Übenita yóbecuriyárvua yóboi jipacu, Júmenijicu, nacovachuyume yure yainore jaravarí, arejamedá Jesús.

³⁴ Übenita caiye iyede jápiarí eabe-dejaimada na, ūi bueimara. Coreóv-abedejaimada aipe aiyuró iye Jesús ūi coyuie báquede náre. Que baru ma-jibedejaimada ūi coyuyede.

**Jesús ūi meadaino jári
eabecure, Jericócacure**

(Mt 20.29-34; Mr 10.46-52)

³⁵ Jericó ámicuriímaroi joabenoi eare-jamedá Jesús. No ma ēcarui cūnácu ūmu, jári eabecu, tātuturare jéniañu do-

barejamedá. ³⁶ Ú jápiayu bácu obedivu pöeva vaivure mái, jeníari járejamedá:

—¿Aipe teidi? arejamedá.

³⁷ Aru apevu arejaimada ūre:

—Jesús Nazarecacu mái nüimi, arejaimada.

³⁸ Nai jári eabecu codoboborejamedá:

—Mu, Jesús, David bácu päramecu, Júmenijicui daroimú mácu, ñuje jabocu bacuyú, yure cōmajé ároje jájacu, arejamedá ū.

³⁹ Aru ina ūi jipocai nüivu, ūre jaraivu, aridurejaimada:

—¡Bi ajacu mu! aridurejaimada.

Übenita pñeno baju codoboborejamedá ū cojedeca:

—Mu, David bácu päramecu, Júmenijicui daroimú mácu, ñuje jabocu bacuyú, yure cōmajé ároje jájacu mu, arejamedá ū.

⁴⁰ Que teni ūre codoboboyure jápiayu Jesús, dajocarejamedá. Aru arejamedá:

—Davajará ūre ji yebai, arejamedá.

Nai jári eabecu ūi eaiyede, Jesús jeníari járejamedá ūre:

⁴¹ —¿Aipe dacaji yu mure? arejamedá Jesús.

Nai jári eabecu arejamedá:

—Mu, ji jabocu, jári eabevu yu. Ùraró jáiyuvu yu, arejamedá Jesúre.

⁴² Jesús ju arejamedá ūre:

—Dinumú meavu. Jájacu mu cari. “Yure meadachuyume Jesús”, arí dápi-arebu mu. Que baru mi jári eabede meadacaivu yu caride, arejamedá ūre Jesús.

⁴³ Aru cūná járejamedá ū, jári eabecu bácu. Que teni Jesúre yóvarí nürejamedá ū máre, mearore jíyu Júmenijicure. Que baru caivu ina pöeva máre, ūre jári, mearore jídejaimada Júmenijicure.

Jesús ūi copuino Zaqueore

(Mt 18.11)

19 Jericó ámicuriímaroi Jesús ecorí vaiyú barejámeda. ² Noi

cūinácu ūmu cūrejamedá, ūi ámiá Zaquo. Ú jabovare tāutura ícaipóeva ne jabocu barejámeda. Aru cuve cūvacu barejámeda ū. ³Obedivu pōeva Jesúre jáiyurí copurejaimada. Zaquo máre jáiyurídurejamedá ūre. Übenita ñai Zaquo ūmujubecu, aru obedivu pōeva ne nuiye boje ūi jipocai, jāmenejamedá ū Jesúre. ⁴Que baru cūyarí apevü jipocai, jocchucu sicómoro ámicurichi muri, Jesúre jácchurejamedá ū. ⁵Que teni Jesús mái vaiyé jocchucu yebai, jāñu Zaquo jocchucu tubacure, arejamedá ūre:

—Mu, Zaquo, jōdajachu maumena. Mi cūrami mautechuyubu yu caride, arejamedá ūre Jesús.

⁶Que teni Zaquo maumena jōdari, torojurí jacoyurejamedá Jesúre. ⁷Aru caivu ina pōeva jáivu iyede, ámeina yávarejaimada.

—Nai Jesús mautechuhimi ámeina teipōecu cūrami, arejaimada na.

⁸Úi cūrami ecoriburu yóboi, Zaquo núri, yávayu arejamedá Jesúre:

—Mu, ji jabocu, coricai ji cūvaede jíquijivu yu cōmaje árojarivure. Aru jacobaiyovaquijivu yu ina ji jahovaimara mácavure yóvaichvaiye pheño baju ji íno mácarore náre jocarí, arejamedá Zaquo.

⁹Que ayure, Jesús arejamedá ūre:

—Mu máre Abraham mácu pāramechubu. Que baru caride iñami cūramicavu meadaimaramu mija. Jūmenijicu meadarejaquemavu Abraham mácure, ūi ju aiye báque boje ūre. Nopedeca Jūmenijicu meadaibi mure aru mi cūramicavure, mije ju aiye boje ūre. ¹⁰Yu, Jūmenijicu daroimá mácu ūmupe, vocudavu ina bíjaivure, meadachuyu náre, arejamedá Jesús.

“Tāuturare” jári dápiari ne darājiyepe aino

(Mt 13.12; 25.14-30; Mr 4.25; Lc 8.18)

¹¹Diede pōeva ne jápiariburu yóboi, Jesús bueni bárejamedá náre jári dápiari ne darājiyepe ainoque, ūi Jerusalén ámicuríimaro joabejínoi cué boje, aru ne dápiaye boje caivu pōeva járajivure Jūmenijicu jaboteiyede pōevare maumejiena. ¹²Que baru Jesús arejamedá:

—Cūinácu ūmu, jabova jicu, nūcuyu batequémavu apeno joarōcajaborōi, ne epenajiyepé ayu ūre jabocuva. ¹³Nai jabocu bacuyá órejaquemavu caipucapuruape paivu ūre memecaipōevare. Aru náre coapa tāuturare jíyü, caivure cūináturü, “Bojedajará muja iye tāuturaque ji copaidaiyeta”, aquemavu náre ñai jabocu. Que teni ñai jabocu ūtequemavu ne ñajiyepé ayu tāuturare pheño baju. ¹⁴Coyurí bhojarí, ñai jabocu nūquemavu apeno joarōcajaborōi. Übenita ūi jaborōcavu baju pare ubetequemavu ūre. Que baru jaroquemavu boro nūvacaiipōevare ūi yóboi, ne jēniarajiyepé aivu ánjaborō jabocure, ūi epebequiyepé aivu ñai ūmure ne jabocuva. “Übevu ñaje jabocuva ñai ūmure”, aríduquemavu na. ¹⁵Übenita ñai ūmu copaiyü jabocu batequémavu ū.

¹⁶Aru órejaicōjequemavu ina ūre memecaipōevare, ūi tāuturare jímara mácavure, majiyuchu ne bojedarí íno mácarō borore. ¹⁷Que teni cūinácu ina memecaipōevacacu ñai jabocu yebai nūri, aquemavu: “Mu, ji jabocu, mi jíye báqueque bojedacacu yu. Que teni caride caipucapuruape paiturava cūvavu”, aquemavu ñai jabocure. ¹⁸Aru ñai jabocu aquemavu ūre: “Mearo darebu mu. Memecaipōecu meacabu mu. Mi mearo daiye boje quíjinoque, jíquijivu yu mure caipucapuruape paíímaroare, mi

jabotequiyepē diīmaroacavūre”, aquemavu ñai jabocu ūre. ¹⁸ Aru apecu ina memecaipōevacacu ñai jabocu yebai nūri, aquemavu: “Mu, ji jabocu, mi jíye báqueque bojedacacu yu. Que teni caride cūináphrūpe paiturava cūvavu”, aquemavu ñai jabocure. ¹⁹ Aru ñai jabocu aquemavu ūre: “Mure máre jíquijivu yu cūináphrūpe paīmaroare, mi jabotequiyepē diīmaroacavūre”, aquemavu ñai jabocu ūre.

²⁰ Ubenita apecu ina memecaipōevacacu ñai jabocu yebai nūri, aquemavu: “Mu, ji jabocu, yui cūvavu mi tāuturare, mi jíye báquede yure. Epecacu yu diede cuitótecajeque, meadayu diede. ²¹ Jidojacabu mu. Mu iñamu apecu ñi epeye báquede. Aru mu jéñamu apecu ñi oteiye báquede. Que baru jidutevu yu mure”, aquemavu ñai jabocure. ²²⁻²³ Aru ñai jabocu aquemavu ūre: “Mu, memecaipōesu āmecabu. Mi que aiye boje āmecoroimu macchýmu mu. Yu jidojacure majichvacari, aru yu iñare apecu ñi epeiyede aru jéñure apecu ñi oteiyede majichvacari, epebetekuemavu mu ji tāuturare tāutura epeiñami. Mi que dāru, copaini dayu jacopajebu yu ji tāuturare pueno baju, diñamicavu ne bojedaiye báque cojorí”, aquemavu ñai jabocu.

²⁴ Que baru ñai jabocu aquemavu ina nūrivare nore: “Ijara ūre jocarí yo cūináphrava tāuturaturavare. Aru jíjarā ñai caipucapuruape paiturava cūvacure”, aquemavu. ²⁵ Aru aquemavu na: “Mu, nūje jabocu, ñi jave cūvabi caipucapuruape paiturava tāuturaturavare”, aquemavu. ²⁶ Ubenita ñai jabocu aquemavu: “Coyuyu mūjare: Caivu cūvarivu jacopurājarama pueno baju. Ubenita caivu dápiaivure cūvarivupe apevu pueno, caiyede nare ícuyumu yu. ²⁷ Aru ina ji mauvare, ji jaboteinore ubevure, davajarā nare yui.

Aru boarí jaruvajara nare ji jáinoi”, aquemavu ñai jabocu, arejameda Jesús.

Jesús Jerusaléi ñi ecoino

(Mt 21.1-11; Mr 11.1-11; Jn 12.12-19)

²⁸ Jesús ñi coyuriburu yóboi, nūñi cojedeca muri nurejameeda Jerusalén āmicuríimaro ñaimai. ²⁹ Aru Jerusalén āmicuríimaro joabejínoi nūri, Betfajé aru Betania āmicuríimajinoa bají, no cūracu Olivocu āmicuricu ēmeino bají, earejameda Jesús. Noi earí ñi bueimara pucarare, yópe ari, jarorejameda Jesús:

³⁰ —No cōchino cūlímajinoi nūjara mūja. Ma ēmeinoi pōevare ûmaiāmacure, burrore, earajaramu mūja, nōcaschi bhoimure. Pōeva ne tubabemutame cāreja. Ubenita ñi bhoimene jodení, ūre davarajarā yure. ³¹ Aru, “¿Aipe teni burrore ñi bhoimene jodení, ūre nūvaviru mūja?” ne aruta, yópe ajarā mūja: “Ñujare ícōjeni darobi maje jabocu. Ūre ûmacayu āimacu jaubi ñi”, arejameda nare Jesús.

³² Ina ñi daroimara nurejaimada. Aru vaidéjavu nare nōpe Jesús ñi aiye báquepedeca. ³³ Ne jodeiyede burrore, ūre uparivu arejaimada nare:

—¿Aipe teni jodeivurū mūja ñi bhoimene? arejaimada na. ³⁴ Aru arejaimada ina Jesúi bueimara:

—Maje jabocure ûmacayu āimacu jaubi ñi, arejaimada.

³⁵ Ne ju aiyede nare, nūvarejaimada burrore Jesúre. Ne doicaja puenocacajeare burrorā tħorí, Jesúi tubaquinore darejaimada ñi bueimara.

³⁶ Úi nūiyedeca ina obedivu pōeva ma ēcarhi nūrivu jūrejaimada ne puenocacajeare mára Jesús jipocai, puerdarajivu ūre. ³⁷ Aru Jerusalén āmicuríimaro joabejínoi, Jesús ñi ēmeiyede cūracu Olivocu āmicuricure jocarí, caivu ina obedivu pōeva, Jesúi bueimara, torojurivu Jāmenijicure mearore jíni bárejaimada, ne jáiye

báque boje ūi daiye báquede caiye iye pōeva ne dārī majibede.³⁸ Aru parurōreca arejaimada:

—Jūmenijicure torojue bajadéni. Jūmenijicui mearo dācaimume ūai jabocu Jūmenijicui daroimū mácu. Cārijimena cūjarari cavarō mearocavu. Jūmenijicure mearo majoróri. Jūmenijicure torojue bajadéni, arejaimada na.

³⁹ Apevū fariseovacavu curivu nore arídurejaimada Jesúre:

—Mu, bueipōecu, bi aicōjejacu mi bueimarare, arídurejaimada na.

⁴⁰ Ubenita Jesús arejamedá:

—Coyuyubu mujare: Na bi aru, iboá cūraboavareca cođobobojebu, arejameda náre Jesús.

⁴¹ Jerusalén āmicuriímaro joabejínoi eayu Jesús, diñmarore jāñu, orejameda, ūi Jerusalén āmicuriímarocavure cōmaje ároje jáiye boje.⁴² Aru arejameda:

—Muja, Jerusalécvu, muje coreóvaru cārijimene daiyede, meajebu mujare. Ubenita coreóvarí majibevu muja diede. Jūmenijicu majide dabebi mujare diede cāreja.⁴³ Apejárvu baquiyéi járajaramu muje mauva edaivure muje īmaro turuvai. Epenajarama jobore cūracüape. Etaino cābequiyebu mujare. Bienajaramu mujare īmaro jívui, muje dupibenajiyepo aivu.

⁴⁴ Jaruváräjarama muje cūramiare. Aru ye mautebequiyebu cūináva cūrava apeva cūrava puenora. Boarí jaruváräjarama mujare aru mujemarare máre. Caiye diede nájinajaramu muja, muje coreóvabe boje cari järavure, Jūmenijicu ūi daroiyede yure, ji meadaquiyepo aya mujare, muje nūmenajiyepo aríduya toabo cūiméboi, arejameda Jesús.

Jesús ūi meadaino Jūmenijicui cūramine

(Mt 21.12-17; Mr 11.15-19;
Lc 21.37; Jn 2.13-22)

⁴⁵ No yóboi Jesús earejameda Jerusalén āmicuriímaroi. Jūmenijicui cūrami tāibui ecorejameda. Aru jaetovarejameda ina bojedaipōeva curivure nore jocarí. Arejameda náre:

⁴⁶ —Yópe arí, toivaicōjenejaquemavu Jūmenijicu ūi yávaiyede: “Ji cūrami caivu pōeva ne yure, Jūmenijicure, coyuyamimu”, arí toivaicōjenejaquemavu. Ubenita diñamine tatorí ivu ne dupiñamipe daquemavu muja, muje pueno ӯrarō tāutura íye boje pōevare jocarí, ne bojedaiyede muje cūvaede, arejameda náre Jesús.

⁴⁷ Caijárvu Jesús bueyu barejámeda Jūmenijicui cūrami jívui. Ina sacerdotevare jaboteipōeva, aru Jūmenijicui yávaiye báquede bueipōeva, aru ina judíova jabova máre boarí jaruvayırvu barídurejaimada Jesúre.⁴⁸ Ubenita caivu ina obedivu pōevacapüravu torojurí jápiaiyurejaimada Jesús ūi bueiyede. Que baru ūre boarí jaruvarı bhojabedejaimada na, ūi mauva.

Jesús ūi paruē

(Mt 21.23-27; Mr 11.27-33)

20 ¹⁻² Cūinájárvu Jesús bueyu barejámeda ina pōevare, Jūmenijicui cūrami curivure. Coyuyu barejámeda Jūmenijicui yávaiye méne, ūi meadaquiyede pōevare. Sacerdotevare jaboteipōeva, aru Jūmenijicui yávaiye báquede bueipōeva, aru judíova būchva máre ūi yebai nuri, arejaimada ūre:

—Coyuyacu ūjare. ¿Ye paruéque dayurū mu iye mi daiyede? ¿Name jídi mure iye paruéde mi nópe daiyede? arejaimada Jesúre.

³ Jesús arejameda náre:

—Yü máre jeníari jáquijivü mäjare cüináro jeníari jainore. Coyñjará yure. Aru yure coyñiyede, yü máre coyñquijivü mäjare ji paruéde ji daiyede.⁴ ¿Juan Bautista bácu jádovaquemari pöevare Jämenijicü üi paruéque o pöeva ne paruéque? arejameda náre Jesús.

⁵ Ú que aiyede, ne bajumia boroteivu arejaimada yópe: "Maje aru 'Jümenijicque', û aquijibi '¿Aipe teni ju abete-cararu ūre?' ⁶ Ubenita maje aru 'pœvaque', caivu ina pœva cûraboare duvarí boarí jaruvarajarama majare, ne majié boje Juan Bautista báchure Jümenijicchi yávaiyede coyucaipóecu báchure jâve", arejaimada ne bajumia. ⁷ Que baru arejaimada Jesúre:

—Majibevü ñuja, arejaimaða na.

⁸ Dinumure Jesús arejamedá náre:

—Yú máre coyubevú mūjare ñamei parueque ji daiyede, arejamedá Jesús.

**“Amena memecaipōevare” jāri
dápiari ne ḏarājiyepe aino**
(Mt 21.33-44; Mr 12.1-11)

⁹ No yóboi Jesús coyurí búrejamedá
ina ūque curivure jári dápiarí ne
darājiyeye ainoque, yópe arí:

—Cūinácu ūmū doaicōjequemavu
jiore ūyaimuque. Aru epequemavu
apevu ūre memecaipōevare noi. Ina
memecaipōeva īnajivu batequémavu
apeboa ūyaiboare, ne memeiye boje.
Aru nāquemavu apeno joborōi.
Joe cūchuyu batequémavu ū. ¹⁰ Ūyai
jēijāravu yóboi, ñai jio upacu
jaroriduquemavu cūinácu ūi yebacacure
memecaipōeva yebai, ūi īquiyepo ayu
apeboa ūyaiboare, ñai upacu jiede.
Ūbenita ñai yebacacu ūi eaiyede
nore, ina memecaipōeva ūre jēni,
pare boarí copaide daquemavu ūre
quédata. ¹¹ Cojedeca ñai jio upacu
jaroriduquemavu apevu ūi yebacacure
memecaipōeva yebai. Ūbenita ūre
máre boaquémavu. Aru cūyojarō

darí, copaide daquemavu ūre máre
quédata. ¹² Cojedeca ñai jio upacu
jaroríduquemavu apecu ūi yebacacure
nore memecaipóeva yebai. Ubenita
churiá darí, jaetovaquemavu ūre nore
jocarí.

13 "Dinumet ñai jio upacu aquemavu yópe: "¿Aipe daaji ya? Jave majivu yu ji daquiyede. Jaroquijivu jímacu, ji umure. Üre jáivu puedarajichuma na' ayu". Que aquemavu ü. 14 Übenita ina memecaipóeva jáivu ñai jio upacu mácure, aquemavu ne bajumia: "Ñai ñuhe jabocu bacuyáme. Jípacu üi yainšburu yóboi, cüvacuyume caiye üi cüvaede. Járica, boarí jaruvarajarevu üre, maja cüvaburí caiye üi cüvaede", aquemavu na. 15 Que arí, üre jení jaetovaquemavu jiore jocarí. Aru boarí jaruvaquemavu üre, arejameða Jesúis.

Coyuríburu yóboi, Jesús yópe arí, jé-niari járejamedá ina jápiaivure úre:

—¿Aipe daquidi ñai jio upach náre?
16 Ū boarí jaruvacunucuyume ina
memecaipöevare. Aru epecuyume
apevh memecaipöevare ñii jioi,
arejamedá Jesús.

Diede jápiaivu arejaimada:

—¡Que ámevü no! arejaimada.

¹⁷ Ubenita Jesús, jāñu náre,
arejamedá:

—¿Aipe aiyari iye Jämenijichi
toivaicōjeiye báquede üi yávaiye?
Iva cūravare cūramine daipōeva ubeni
jarüvaquemavu. Caride iva cūrava
caiva apeva püeno parurivabu, arī
toivaicōjenejaquemavu.

¹⁸ Ách pöecʉ tʉyʉ baru divarā, turī yavacʉyʉme ūi bajure. Aru diva tʉiva baru pöecʉ pʰenora, ch̥itoquiyebu ūre, arejamedá náre Jesús.

Yópe aiyurõtamú no: Pöeva "Āmecubé û", arñdurājarama Jesúi borore. Ùbenita meacu bajube û, Jesús, caivu apevu pheeno.

¹⁹ Ina Jāmenijicu yávaiye báquede bueipōeva aru ina sacerdotevare jaboteipōeva máre jēni nūvaiyuridure jaimada Jesúre dinumumia, ūi coyuíye boje no jári dápiarī ne dārājiyepo ainore, cūravare coyuino mácarore, nára. Ubenita jidurejaimada ina obedivu pōevare.

Jesús ūi coyuino jabovare bojedainore

(Mt 22.15-22; Mr 12.13-17)

²⁰ Ina judíovai jabova cocorejaimada Jesúre, meajárvai coreivu ne jēni jína-jinore ūre ñai jabocu Pilatore. Que baru ārojamena jarorejaimada jujovaivure, dāivure mearape, ne earidurājiyepo aivu ūi ámeina tedu aru ūi borochru apevure.

²¹ Que baru jēniari jārejaimada Jesúre:

—Mu, bueipōecu, mure coreóvaivubu ūja. Nurié yávaivu mu. Caivure cūinácamuara yávaivu mu. Coyuvechvum pōevare yópe ne dājiyepo. Quénora jidubecuva coyuivu mu náre yópe ne dāpiayepo. Jāveneca bueivu mu pōevare, ne dārājiyepo ayu mearore yópe Jāmenijicu daicōjeiyepo. ²² ¿Maje jabocu César ūi ícōjejuroede, ūi jaboteiye boje, maje bojedaru, mearica die? arejaimada Jesúre.

²³ Ubenita ne jujovajuroede majich, nácacure arejamedá Jesús:

²⁴ —Jádovajacu yure tāuturaturavare. ¿Ñamema ñai, dituravare jēñu? ¿Aru ñamei ámiá curiturvabu diturava? arejamedá náre Jesúre.

—Césai decocu aru ūi ámiá máre curiturvavatu, arejaimada Jesúre.

²⁵ —César jiede ūre jacopaiyovajarā muja. Jíjarā ūre tāutura yópe ūi bojedacōjeiyepo mujare. Aru Jāmenijicu jiede ūre jacopaiyovajarā muja. Dajarā yópe ūi urópe, arejamedá náre, jēniari járadaivure, Jesús.

²⁶ Ina jujovaiyuriduivu bácvavu Jesúre ūi que aiyede urarō dāpiarejaimada ūi coyuíye. Aru bi arejaimada na.

Saduceova ne jēniari jáino Jesúre yainore jaruvvarī nacajainore

(Mt 22.23-33; Mr 12.18-27; Hch 23.8)

²⁷ Apevavu saduceova nurejaimada Jesúre yebai. Saduceo ámicuriyajubobu judíovacavu ne yajubo cūnáyajubo. Caivu saduceova “Yainore jaruvvarī nacajaiye cübevu”, adama na. ²⁸ Jesúre jēniari jārejaimada ina saduceova yópe:

—Mu, bueipōecu, Jāmenijicu daicōjeiyede Moisés báci toivare-jaquemavu yópe: Cūinácu ūmu yaidú, jímarepacore jocarī juedocuvabecova, yaiyú báci yócsire purubhuoye jaunvu óque, juedocuvachuva. Aru ina juedova bárājiyu yaiyú báci ūmíare cūvarájarama na. ²⁹ Javede cütequemavu siete paivu ūmuva. Cūinách ūmu mára matequémauvu na. Némamicu purubhuoquemavu. No yóboi yaiquémavu ū mácu, juedocuvabecuva.

³⁰ Que baru apecu, ū mácu rā cutuyu, purubhuoquemavu jíbucu báci márepacoque. Aru jíbucu bácupedeca yaiquémavu, juedocuvabecuva.

³¹ Aru apecu, ū mácu rā cutuyu, máre nopedeca, aru caivu ina siete paivu bácvavu óque purubhuorí, yaiquémavu, juedocuvabevuva. ³² Caivu ne yóboi, ico nomiō máco máre yaiquémavu. ³³ ¿Yainore jaruvvarī nacajaijárauva baquinore, ñamei márepaco bacodóba ico? Ijáraivure caivu ina siete paivu cüvatequemavu óre, arejaimada na Jesúre.

³⁴ Aru Jesús arejamedá ina saduceovare:

—Ijáraivucavu purubhuodama aru némaromivare jíyama, ne purubhuorājiyepo aivu. ³⁵ Ubenita ánjáraivucavu yaibénama na. Que baru Jāmenijicu yainore

jaruvarī nacajaicōjeimara márajivu, pūrhobenajarama.³⁶ Anijáravucavu ángelevape ārojarajarama na. Que baru Jūmenijicui māratamu na, ne yainore jaruvarī nacajaiye boje.³⁷ ¿Iye yainore jaruvarī nacajaiyede, jápiarī eabenaru mija Jūmenijicui coyuie báquede, Moisés bácu ūi toivaiye báquede, jocujiču uruijicure coyurī? “Yútamu Jūmenijicu. Abraham, Isaac, aru Jacob ne mearore jímamu yu”, arejaquemavu Jūmenijicu Moisés bácre. ³⁸ Yaivu bácvu ne mearore jím u ãmemi Jūmenijicu. Quénora apurivu ne mearore jímutame ū. Que baru ina majeñecuva apurivubu. Caivu Jūmenijicui beoimara apurivubu na, arejamedá náre Jesús.

³⁹ Aru apev, Jūmenijicui yávaiye báquede bueipōevacavu, ju arejaimada ūre:

—Mu, bueipōecu, me yávaiuv mu, arejaimada na.

⁴⁰ Que baru jidurivu jeníari jáiyube-dejaimada ūre bedióva cojedeca, ūi me ju aiye boje ina ūre jujovaiyuríduivu bácvure.

Cristo ūnai jabocu David bácu pāramecu

(Mt 22.41-46; Mr 12.35-37)

⁴¹ Ubenita Jesús jeníari járejamedá náre:

—¿Aipe teni “Cristobe David báchi pāramecu” aivuba?⁴² David bácvacari Espíritu Santo paruqué coyucōjeimu toivarejaquemavu Salmos ãmicuriyoca cāriáiyocarā yópe arī:

Jūmenijicu aquemavu ji jabocure, “Dobajacu ji meapūravu, mi cūvae boje paruédé yupedeca.⁴³ Aru yu epecchuymu mi mauvare mi cūboba cāchinoi. Que teni mure vainí jaruvare dachuymu yu náre, mi jabotequiyepo ayu náre”, arī

toivarejaquemavu David bácu Cristorā.

⁴⁴ David bácvacari Cristoi borore “Úrecabe ji jabocu”, arejaquemavu. Que baru, ¿aipe teni David báchi pāramecu ū? arejamedá náre Jesús.

**Jesús ūi boro coyurī adaino
Jūmenijicui yávaiye
báquede bueipōevare**

(Mt 23.1-36; Mr 12.38-40; Lc 11.37-54)

⁴⁵ Caivu ina pōeva ne jápiaiyede, Jesús arejamedá ūi bueimarare:

⁴⁶ —Me dajarā ina Jūmenijicui yávaiye báquede bueipōevare. Námu cuiyurivu cuitótecajea ûmuyuricajeaque. Aru umu na pōeva puerdarī ne jacoyuinore náre tāibui. Judíovai cójijiñamiare ne dobae méne umu na. Aru torojuve teinore cuyuma na ūnai torojuve teino upacu yebai. Caiye iyede umu na, pōeva ne mearo járajiyepe aivu náre.⁴⁷ Ubenita jujovari ūnavadama ina nomiópevare ne apejíene. Aru jeníadama joe utarō Jūmenijicuque, pōeva ne dápiarājiyepe aivu Jūmenijicui yávaiye báquede bueipōeva me Jūmenijicure ju aivupe. Caiye diede ne daiye boje, pueno utarō ūnajajarama na, ne ãmeina teiye boje, arejamedá Jesús.

**Nomiópeco cūve cūvabeco ūi
tāutura jíno Jūmenijicure**

(Mr 12.41-44)

21 Jesús jánu marejámedá ina pōeva cūve cūvarivure ne ure tāuturare Jūmenijicui cūrami tāutura jíye epeitōcui jíni thoivure.² Járejamedá cūináco nomiópecore cūve cūvabecore, pūcaturava tāuturatüravare, me bojecubeturavare tuodore.³ Aru arejameda:

—Jáve coyuyubu mūjare: Ico nomiópeco cūve cūvabeco Jūmenijicure jibico apev u ne jíye pueno baju, ūi

jíye boje òi cavarō cainore. Ubenita nácapúrvavu quénora quíjino ne cavarōcarõre jíyama. ⁴ Caivu ina pöeva ne urrearō cuyaecarõre jíyama Jümenijicure náre jaubede. Ubenita ico nomiò òi quíjino cavaríjino mácarõre jíbico cainore Jümenijicure. Caiye òi ijäravu cuyavuroede jíbico ò Jümenijicure, arejameda Jesús.

Jesús ūi coyuino “Jümenijicui cūrami tūquiyebu” arí

(Mt 24.1-2; Mr 13.1-2)

⁵ Apevu, Jümenijicui cūramine jári, arejaimada:

—¡Pare meavabu iva cūrava! ¡Aru pare meadamatiamu iñamia cūramia! ¡Aru pare mearomu pöeva ne jíno mácarõre, cojuyaräjivu diñamiare! arejaimada na.

⁶ Ne que aiyede, Jesús arejameda:

—Apejäravu cūquiyebu cūiné daijäravu baquinó caiye iye muge jáiyede. Cūináva cūrava mautebequiyebu apeva puenora. Caiye iva cūravare tūvarājarama. Que teni cūiquiyebu die, arejameda Jesús.

Jádovaiye järavu cūiquíye jipocai

(Mt 24.3-28; Mr 13.3-23; Lc 12.11-12)

⁷ Jesúi bueimara jeníari járejaimada áre:

—Mu, bueipöecu, ¿aipiyede tūquidi caiye iye cūramia uradāmia? ¿Aipe darí coreóvaräjidica nūja caiye iye buojaquiyede? arejaimada na.

⁸ Aru Jesús arejameda náre:

—Me jájara apecu jujovaiyuchure mugeare. Darājarama obedivu ümuvu. Aru arājarama “Cristobu yu” aru “Cristo daquijäravu baquinó joabejñotamu”. Náre ju abejarā. Aru náque nūmejara. ⁹ Muge jápaiyede boaino borore aru boaquíno borore máre, jidubejarā. Caiye iye vaiquiyebu järavu cūiquíye jipocai. Ubenita cūimébu cäreja, arejameda náre Jesús.

¹⁰ Dinumu arejameda náre:

—Cūináyajubo pöeyajubocavu ãdamatenajarama apeyajubo pöeyajubocavuque. Aru cūnáro jaboteinocavu ãdamatenajarama apeno jaboteinocavuque. ¹¹ Urarō joborō cūjiquiyebu obedicurōrare. Nájinajarama ãvnéna aru duica ijiéde máre, yainájivu. Aru járajarama urrearō jádovaino jidojarõre cavarōi.

¹² Ubenita iye vaiquíye jipocai pöeva jénajarama mugeare. Ameno darājarama mugeare. Jéni jínajarama mugeare ina judíovai cójijiñamine coreipöevare aru ina ãmeina teivure jéni jacoñamine cor-eipöevare máre. Nuvarajarama mugeare, muge núrajiyepo aivu cōjeipöeva ne jáinoini aru jabova ne jáinoini máre, yure muge ju aiyede boje.

¹³ Dinumuma muge coyurājaramu ji borore. ¹⁴ Que baru muge baju majijarā, dapiabenajivu aipe muge arājinore. ¹⁵ Que teni yávacari majide dacuyumu mugeare, muge coyuräjiyepo ayu méne. Que baru caivu ina muge mauva mugeare copu yávarí aru mugeare majibevuque jádovari buojabenajarama.

¹⁶ Mugebucuva máre, mugeamina, mugevü, aru muge yóvaimara máre jéni jínajarama mugeare, jabovare ne boarí jaravaräjiyepo aivu mugeacavu. ¹⁷ Aru caivu mugeare, muge ju aiyede boje yure, jorojini járajarama. ¹⁸ Ubenita cūinájijo muge podado bíjabequiyebu. Que baru ye ameno ñababenajarama mugeare. ¹⁹ Muge ju aivu baru yure, muge yainumua, earajaramu muge járavu cūiméjäravu baquinóre.

²⁰ Ubenita muge jáiyede ina muge mauva churarava jacoturādaivure Jerusaléne, majinajaramu joabenore diñmaro bíjaquinore. ²¹ Dinumuma ina Judeacavu dupini nūjarari cūracuái. Aru ina ñimarocavu cuyarí etajarári ñimarore jocarí. Aru ina jioi curivu ecobejarári ñimarore. ²² Dijäravu Jümenijicui ñájiovaquijäravu

baquiyébu, eaquiyepo ayu caiye iye toivaiye báquede ñájinárvu baquiyéde. ²³ ¡Cómaje árojarajarama ina nomiva micava bárájivu! ¡Aru ina nomiva némajina nuri dajocabevure cavarájivu máre, pare ñájinajarama na! Díjárvavu baquiyéde urarō ámeno edaquiyebo ijaboróre. Aru ijárvavucavu ñájinajarama urarō baju. ²⁴ Ne mauva boarí jarúvarájarama nácvure. Aru buorí apevure, núvarajarama náre cainoa joboróai. Aru bíjarorájarama Jerusaléne ina judíova ámevu ne jaboteinumu bhojaiyeta, arí buedejamedá náre Jesús.

Júmenijicu daroimu mácu ñumape ūi copaidaquino

(Mt 24.29-35, 42-44; Mr 13.24-37;
Lc 19.47; Ap 1.7; 6.12-13)

²⁵ Jesús buede nurejamedá, yópe arí:
—Júmenijicu jádovachuytme
úi paruéde aviáque, aru aviá
ñamicacque, aru abiácovaque máre.
Ijárvavucavu, cainoa joboróacavu,
jidurivu cárjinajarama jia urada
pácaiyé pare býié boje. ²⁶ Aru pöeva
cuecumarajarama, ne jidué boje,
dápiaivu caino no ámeno vaiquínore
ijárvavucavure. Que baru caivu
ína paruéque curívavacari cavaró
cújinajarama. ²⁷ Dinumu járarama
yure, Júmenijicu daroimu mácure
ñumape. Dacuyumu ocopeniboi, urarō
paruéque, jádovachuytmeachu bajure.
²⁸ Que baru caiye iye bñiyede yópe
ji coyuiyepo, jidúbejará. Dinumu
maquinóre maumena Júmenijicu
meadaquijibi mūjare, arejamedá náre
Jesús.

²⁹ Aru Jesús coyurejamedá náre jári
dápiarí ne ñarájiyepo ayu:

—Jájara ich jochu higueracure aru
apecua jochuare máre. ³⁰ Yoca yuiyede
majivu mūja ujurumu joabenore. ³¹ No-
pedeca jáivu caiye iye teiyede, ma-

jinajaramu mūja Júmenijicu jabote-
quinumu joabenore.

³² Jáve couyuibu mūjare: Apev
ijárvavu curivu yaibédeca cäreja,

vaiquíyebu caiye iye yópe ji couyuibe.
³³ Caino cavaró aru caino joboró máre
cuiquíyebu. Yópe ji yávaiyepedeca jáve
vaiquíyebu.

³⁴ Cáríjovamejara mūje torojvhe
teiyede, aru áiyeque, aru úcuiyeque
mūje pacoteiyede, aru caiye ijárvu
daiyeque máre. Me jájara mūja,
ñájinárvu, ji copaidaquijárvu baquinó,
edabequiyepo mūjare mūje corebede,
yópe dorinu jéiyepo moacure.

³⁵ Ñájinárvu baquinó edaquiyebo caivu
ijárvavucavure maumejiena. ³⁶ Ùbenita
árjara cainumua. Mūje vaiyede caiye
iye ñájiyede, jénajara Júmenijicure,
úi jíquiyepo aivu mūjare úi paruéde,
núrajivu jidúbevenvha aru cuyebenvha
máre Júmenijicu daroimu mácu
ñumape, ji jáinoi, arejamedá náre Jesús.

³⁷ Caijárvavu Jesús bueyu barejámedá
Júmenijicu cürami. Ùbenita nainíburu
yóboi, ñimarore jocarí nuri, Jesújá
cáravarejaimada cüracu Olivocu
amicuricu. ³⁸ Aru javejina coapa
ñimaroi copaini, Júmenijicu cürami
ecovarejamedá cojedeca Jesús. Aru
obedivu pöeva úre jápiaránurejaimada
úi yebai nore.

Jesús úi coyuino ne jénajinore úre yóbomia

(Mt 26.1-5, 14-16; Mr
14.1-2, 10-11; Jn 11.45-53)

22 Pascua ñamicurijárvu, páure
bucure daiye cübe áiye torojvhe
teinumu joabeno marejávuya. ² Ina
sacerdotevare jaboteipöeva aru
Júmenijicu yávaiye báquede bueipöeva
jujovarí jéni, boarí jarúvaiyurejaimada
Jesúre. Ùbenita jidurejaimada ina
obedivu pöevare.

³ Dinumture nai abujuvai jabocu, Satanás, daicójenejaquemav Judas Iscariote, nai cūinácu ina doce paivu Jesúi bueimaracacure. ⁴ Que teni nai Judas coyñicunurejameda ina sacerdote-vare jaboteipóevare aru ina Jūmenijicui cūramine coreipóevare máre. Náre jení jíyurejameda Jesúre. ⁵ Úi daiyuede jápiarí, torojurejaimada na. Que baru arejaimada úre: “Núja jínajivubu mure tāuturare, nūjare mi jení jíye boje úre yavenina”, arejaimada Judare. ⁶ Judas jú arejameda náre. Que baru jári coreni bárejameda, jení jíchuyu Jesúre yavenina, ina obedivu pöeva ne jámenoi.

Jesús üi áino üi bueimaraque

(Mt 26.17-29; Mr 14.12-25;
Jn 13.21-30; 1 Co 11.23-26)

⁷ Páure bucure daiye cübe áiye torojuve teijárvu barejávuya. Pascua järavuacachre, ovejajicure, boarí, toaque juarí, ávarejaimada dijárvure. ⁸ Que baru Jesús, Pedrore aru Jūare máre jarorí, arejameda náre:

—Meadaránujara maje Pascua järavuque áiyede maje árajiyede, arejameda náre Jesús.

⁹ Aru jeníari járejaimada Jesúre:

—¿Ári nuri meadacarajidica nūja diede? arejaimeda na.

¹⁰ Ü arejameda náre:

—Muja ecoivu bácvu imarore, ēmeni, nócachre oco tuyure copurajaramu muja. ¹¹ Que nuri, cūramine üi ecoiyede cūnaturu muja máre ecojará. ¹² Diñami upacure yópe ajará muja: “¿Átucububa ji bueimaraque ji Pascua järavure ji áquitucuba?” aibi bueipóecu”, ajará muja. ¹² Diñami upacucapúravu puenocatucubu uratucubu jave majare jauede meadaitucubu bácarore mujare jádovacuyume ü. Noi ditucubui majare maje árajiyede meadajara muja, arejameda náre Jesús.

¹³ Úre jú arí, nuri, imaroi earejaimada na. Earí, nore Jesús üi aiye báquepedeca üi aitucubure earejaimada. Noi Pascua järavuque áiyede meadarejaimada na pucarã.

¹⁴ Que teni ne Pascua áiora barejávuya. Jesús earí, dobarejameda tuoiva yebai üi yávaiye méne beorí coyñicójeimaraque. ¹⁵ Aru arejameda náre:

—Pare áiyuvu yu iye Pascua áiyede mujaque ji nájiquiye jipocai. ¹⁶ Que baru coyñubu mujare: Ámecubu yu Pascua järavuque áiyede cojedeca, pü Jūmenijicui jaboteino eaiyeta, arejameda Jesús.

¹⁷ Úcuidore íni, Jūmenijicure torojuede jiniburu yóboi, arejameda:

—Úju, coapavajará dicorore mujue baju. ¹⁸ Que baru coyñubu mujare: Quénora vino úyaicorore úcuñumu yu ijárvure. Úcumecubu dicorore cojedeca, pü Jūmenijicui jaboteinumuita, arejameda üi bueimarare Jesús.

¹⁹ Ne áiyedeca, páure íni, Jūmenijicure torojuede jídejameda Jesús. Torojuede jíni buojarí, páure cotuvarejameda. Cotuvári buojarí, náre coapa jíni, arejameda:

—Dápijará iye páure yópe mujue dápiaiyepé ji bajure. Jíquijivu yu ji bajure, ne boarí jaruvárijiyepé yure, mujare ji meadaquiye boje. Que baru mujue áiyede iye páure, árujara yure, arejameda náre Jesús.

²⁰ Aru nopedeca úcuidore íni, ne ári bubariburu yóboi, Jesús arejameda:

—Dápijará iye úcuiyede yópe mujue dápiaiyepé ji jivede. Jíquijivu yu ji jivede, ne boarí jaruvárijiyepé yure, mujare ji meadaquiye boje. Que baru yure mequiyebu ji jive obedivure boje. Jūmenijicu “Yópe dajará muja, boropatebenajivu ji jainoi”, üi yóbocaró coyñino mácarore pöevare árujaramu muja, mujue úcuiyede diede. ²¹ Übenita jájara. Nai ümu jení jíchuyu yure ji

mauvare cābi yui thoiva yebai yáque.
 22 Yh, Jūmenijic̄hi daroim̄ máču ūm̄pe ijāravui, ji yajāravui nūchuyumu yu, yópe Jūmenijic̄hi toivaicōjeiye báquepedeca ūi yávaiyede. Ubenita āmeno vaicúyume ū, nai yure jéni jíyu bacuyá, arejamedá Jesús.

23 Que baru jéniari jári bárejaimada ne bajumia:

—¿Name maquidí jéni jíyu Jesúre ūi mauvare? arejaimada na.

¿Namema parucu maje jénebore?

(Mt 18.1; 19.28; 20.25-28; 23.11; Mr 9.34-35; 10.42-45; Lc 9.46; Jn 13.12-15)

24 Jesúi bueimara yópe yávarejaimada ne bajumia:

—¿Namema majacasu parucu apevu pueno? arejaimada.

25 Jesús arejamedá náre:

—Ina judíova ámevu ne jabova paruqué que cōjeivubu ne jaborōcavure, ne dacarājiyepe aivu náre ne urópe. Aru ina jaborōcavu, “Nūjare cadateipōevatamu”, aivubu ne jabovare. 26 Ubenita nápe dabejarā muja. Nai mujacacu parucu baiyuchu baru, mujeyocupe memecajacuī mujare. 27 Apevu dobarivubu thoiva yebai. Aru apevu, ne yebacavu, jíyama ina dobarivure ne áiyede. ¿Namema parucu apevu pueno? ¿Nai dobacu thoiva yebai o nai yebacacu pueno parucuba? Jäve nai dobacu thoiva yebai pueno parucube. Ubenita yu cāvhu muje jéneboi yebacacupe.

28 Muja dajocabevu yure ji nájiyede, quénora nájivu muja cūinártur u yáque. 29-30 Yópe jipacu ūi jíyepo yure ji jabotequinore, nopedeca yu máre jívu mujare muje jabotenajinore, muje dobarājiyepe ayu ji thoiva yebai ji jabotequiyede, árajivu aru ūcurajivu yáque, aru muje dobarājiyepe ayu jabolai dobarōa mearoara, coyurajivu mearare o

āmenare ina doce pailajuboa Israe-cavure, arejamedá Jesús ūi bueimarare.

Jesús ūi coyuino Pedrore ūi “Jesúre yu coreóvabevu” aquinore

(Mt 26.31-35; Mr 14.27-31; Jn 13.36-38)

31 Jesús arejamedá Simón Pedrore:

—Mu, Simón, nai abujuvai jabocu Satánare Jūmenijic̄h yujoaicōjeimi mujare, yópe pōeva ne jajuóiyepo matore.

32 Ubenita yu jēniaivu Jūmenijic̄h que, mi dajocabequiyepo ayu mi ju aiyede ūre. Nai abujuvai jabocu mure yujo-variburu yóboi, mi me cāquiyede Jūmenijic̄h que cojedeca, cadatejacu apevu ūre ju aivure, mi yóvaimarare, arejamedá Jesús.

33 Aru Simón Pedro arídurejamedá Jesúre:

—Mu, ji jabocu, ámeina teivure jéni jacoñami máque pññu bhojaivu yu. Aru máque yaiyá máre bhojaivu yu, arídurejamedá Jesúre.

34 Ubenita Jesús arejamedá ūre:

—Mu, Pedro, coyuñubu mure: “Jesúre yu coreóvabevu”, acuyumu mu cari ñami, cāyu ūi órejaquiye jipocai. Aru yóbecue nópe acuyumu mu, arejamedá Pedrore Jesús.

Jesúre ne jénajino joabenoi

(Mt 10.9-10; Mr 6.8-9; Lc 9.3; 10.4)

35 Jesús arejamedá náre, ūi bueimarare:

—Javede ji jaroiyede mujare nūvame-teavu muja tāuturare, aru curubhare, aru curaidoare máre. ¿Ye jautearī mujare? arejamedá náre Jesús.

Aru ju arejaimada ūre:

—Jauteavu ūi mujare, arejaimada na.

36 Ū arejamedá náre cojedeca:

—Ubenita caride nai tāuturare cūvacu baru, nūvajacurī diede. Aru nai curubure máre cūvacu baru, nūvajacurī dicurubure. Aru nai boaicarovede cūvabecu baru, ūi pñenocacaje doicajede jíjacurī,

bojedacuyu boaicarovede. ³⁷ Coiyuñubu mūjare: Javede Jūmenijicui yávaiyede coiycaipōecu bácu, yópe arí, toivarejaquemavu yurā: “Pōeva ūre darajarama yópe ne daiyepé ãmeina teivure”, arí toivarejaquemavu. Aru ji mauva darajarama yare nópe iye toivaiye báque coiyuñepere, arejamedá Jesús.

³⁸ Arejaimada na:

—Mu, ñuje jabocu, jājacu. Yuibu pucavea boaicarovea, maje boarājivea, arejaimada.

Aru Jesús ju arejamedá náre:

—Quénora meaquiyebu, arejamedá Jesús.

Jesús Getsemaní ūi jēniaino Jūmenijicque (Mt 26.36-46; Mr 14.32-42)

³⁹ No yóboi Jesús etarejamedá ne Pasqua ãitucubure jocarí. Aru ūi darí cōmajyepé nurejamedá cūracú Olivocú ãmicuricú. Úi bueimara máre yóvarejaimada ūre. ⁴⁰ Ne eaiyede ūi nuiyurō mácaroi, Jesús aridurejamedá náre:

—Jūmenijicque borotejarā muja, abujuvai jabocu mūjare jujovarí, ãmeina tede dabequiyepé aivu, aridurejamedá náre Jesús.

⁴¹ Que ayu bácu, náre jocarí nurejamedá, yópe pōecu cūrabore duvarí jaroinope paino bají. Aru ñuatutarí joboroi borotedejamedá Jūmenijicque.

⁴² —Mu, jipacu, yure cari vaiquíye vaibéjadeni. Caiyede daiyepé majicutamu mu. Ubenita ji urópe dabejacu. Quénora mi urópe dajacu mu, arejamedá jípacure Jesús.

⁴³ Dinumure cūinácu ángele, cavarō mearo Jūmenijicui curōcacu, járorejamedá ūi yebai, cađatecudayu earejamedá. ⁴⁴ Jesús ūi uraró ñájiye boje, pheño parurō borotedejamedá Jūmenijicque. Que teni ijove darí, jivepe turejavuya joboroi.

⁴⁵ Aru boroteni bhojarí, nacajari copainurejameda, ūi bueimara yebai. Earejameda náre cāivure, uetuivure, ne chioye boje. ⁴⁶ Dinumura Jesús arejamedá náre:

—¿Aipe teni cāivurū muja? Nacajajara. Jūmenijicque borotejarā muja, abujuvai jabocu mūjare jujovarí, ãmeina tede dabequiyepé aivu, arejamedá náre Jesús.

Jesúre jēni ne nūvaino

(Mt 26.47-56; Mr 14.43-50;

Lc 19.47; 21.37; Jn 18.2-11)

⁴⁷ Jesús ūi boroteiyedecata earejaimada obedivu pōeva. Judas, ina doce paivucacu, jipocatedejamedá náre. Jesús yebai nuri, ūre jiva nuri jacoymure. ⁴⁸ Ubenita Jesús arejamedá ūre:

—Mu, Judas, jíiva nuri jacoymurū mu yure, Jūmenijicui daroimu mácure ñumure, jēni jíchuyu yure ji mauvare? arejamedá Jesús ūre.

⁴⁹ Ina Jesúi yóvaimara, jáivu iyede vayede, jēniari járidurejaimada Jesús:

—Mu, ñuje jabocu, ¿boarājidi ñuja náre ivéa boaicaroveaque? aridurejaimada na.

⁵⁰ Dinumura cūinácu Jesús yóvaimaracu ūi boaicarovede tatorí, duarí, iní, sacerdotevare jaboteipōecui yebacacure juijórí najuárejamedá ūi, ūi meapūravucamacare. ⁵¹ Ubenita Jesús arejamedá:

—Dajocajarā diede quénora, arejamedá.

Que ayuva, ūi cámucare tuorí, ūre meadarejamedá Jesús. ⁵² Dinumure Jesús arejamedá ina sacerdotevare jaboteipōevare, aru ina Jūmenijicui cūramine coreipōevare, aru ina judíova buçuvare máre:

—¿Tatorí ñavaipōecure jéivupe yure boaicaroveaque aru boaiduaque jēni jacoboradaiurū muja? ⁵³ Jāravna coapa mu-

jaque Jāmenijichí cūrami cátēcasu yu. Apurí mujaque cūchure, yure jéni jacobeteavú muija. Ubenita caride Jāmenijicu muijare daicōjeñume muje urópe yáque. Aru caride abujuvai jabocu ámeno dare daibi yure, yópe muje urópe, arejamedá Jesús.

"Jesúre yu coreóvabevu" arí, Pedro ūi coyuino

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Que arurata Jesúre jéni, sacerdotevare jaboteipóecu cūrami nūvarejaimada ūre. Aru Pedro joajénata ūi yóboi nure nūñu mácu, sacerdotevare jaboteipóecu tāibu ecorejamedá ū. ⁵⁵ Apevu Jesúre nūvainu bácauñucavu toabore dacuváriburu yóboi, dobarejaimada toabo ēcarui nore tāibu coricai. Aru Pedro máre dobarejamedá ne jéneboi. ⁵⁶ Ūi noi dobaedeca, yebacarōmivacaco cūináco jārejacođa Pedrore, toabo pēoyede ūjivare. Ūre me cocorí, arejacođa:

—Nai ūmu máre cátēbi Jesúque, arejacođa ō.

⁵⁷ Ubenita Pedro ju abedejamedá ūi yávaiyede:

—Jesúre yu coreóvabevu, arejamedá.

⁵⁸ Que aríburu yójiboi, apecu, Pedrore jánhu, arejamedá:

—Mu máre nácacubu, arejamedá.

Ubenita Pedrocápúravu arejamedá cojedeca:

—¡Nácacu ámevu! Jesúre yu coreóvabevu, arejamedá.

⁵⁹ Cūináora yóboi, apecu máre arejamedá paruróreca:

—Jáve nai ūmu cátēbi Jesúque. Ū máre Galileacacutame ū, arejamedá.

⁶⁰ Ubenita Pedrocápúravu jáve ayupe, pare baju arejamedá cojedeca:

—¡Jáveneca Jāmenijichí jáinoi yu máre coyuyutamu! ¡Jáve ji coyubedu, Jāmenijicu ámedajacurí yure! Mi

aimure ye majibecutamu yu. Nai Jesúre yu coreóvabevu, arejamedá.

Dinumuma, ūi que aiye bajure, óre-jarejamedá cayu. ⁶¹ Que teiyedata, Jesús copedini jārejamedá Pedrore. Aru ū arurejamedá Jesús ūi coyuiente báquede: “Cari nāmi, cayu ūi órejaquiye jipocai, yóbecue baju ‘Jesúre yu coreóvabevu’, acuyumu mū”, arí coyuiente báquede arurejamedá Pedro. ⁶² Aru arúchu, cūiná etarí, pare chiori orejamedá ū.

Jesúre ne yávarí yurino

(Mt 26.67-68; Mr 14.65)

⁶³ Ina Jesúre coreipóeva yuridejaimada ūre. Aru totatarejaimada ūre.

⁶⁴ Ūi yacoruare moari, ūre pēvavari, arejaimada:

—Coyujacu mū. ¿Name matedí mure pēvánu? arejaimada na.

⁶⁵ Aru urarō yávarí, ámeina yávarejaimada ūre.

Jesúre ne nūvaino judíovai jabova cójijivu yebai

(Mt 26.59-66; Mr 14.55-64; Jn 18.19-24)

⁶⁶ Aviá ūi tuchumuiyede, ina judíova bucuba, aru ina sacerdotevare jaboteipóeva, aru ina Jāmenijichí yávaiye báquede bueipóeva máre cójijidejaimada na. Nūvarejaimada Jesúre ne cójijinoi. Aru arejaimada ūre:

⁶⁷ —Mu Cristo baru, coyujacu nūjare, arejaimada na.

Aru Jesús arejamedá náre:

—Ji coyuru, muja ju abenajaramu yure. ⁶⁸ Aru ji jéniari járu, ju abenajaramu muja yure. ⁶⁹ Ubenita yure, Jāmenijichí daroimu mácure ūmupe, jára-jaramu muja caride pu cainumua Jāmenijichí parucu meapúravhi dobacure, arejamedá.

⁷⁰ Dinumu caivu ina jéniari jārejaimada:

—¿Jāmenijichí mácuru mū? arejaimada.

Jesús ju ayu náre arejameda:

—Quédeca, muje aimurecabu yu, arejameda û.

⁷¹ Nácapúravu arejaimada:

—Apevu ne coyuuye jaubevu. Javeta jápiadavu majा ūi coyuuyede ūi baju ámeina teyure, jorojuni arejaimada na.

Jesúre ne nūvaino Pilato yebai

(Mt 27.1-2, 11-14; Mr 15.1-5; Jn 18.28-38)

23 No yóboi caivu ina judíovai cóijinocavu nacajari, Jesúre nuvari, jabocu ūi ámiá Pilato yebai jucoránurejaimada na. ² Aru ámecororu burejaimada Jesúre.

—Nuja eavu ūai ūmure jaruvaríduyure majе jaborore, aru bojedaicōjemecure nujare tuuturare majе jabocu Césare, aru ayure ūi baju “Cristobu yu” aru jabocu máre, arejaimada na Pilatore.

³ Ne que aiyede, Pilato juniari jurejaimada Jesúre:

—¿Múru judíovai jabocu? arejameda. Jesúre ju arejameda:

—Quédeca, mi aimurecabu yu, arejameda.

⁴ Pilato arejaimada ina sacerdotevare jaboteipóevare aru caivu ina obedivu puevare:

—Ameina tebecutame ū ji járu, arejameda.

⁵ Ubenita paruroreca arejaimada budióva cojedeca:

—Nai cárivaimi caivu Judeacavure ūi bueiyeque. Bueni buquemavu Galileai. Aru edaibi yuita, jorojuvu arejaimada na.

Jesúre ne nūvaino Herodes yebai

⁶ Ne nópe ámecoroyede jápiaru Pilato, juniari jurejaimada:

—¿Galileacacuba ū? arejameda.

⁷ Ina Jesúre ámecoroiu ne ju aiyede, Pilato majicu Jesúre Galileacacure, jarorejaimada ūre Galileacavu ne jabocu

Herodes yebai. Dinumu ūai Herodes Jerusalén ámicuriimaro curejamedá.

⁸ Jesúre jári, torojurejamedá Herodes, ūi jápiaiye báque boje Jesúi daiye báque borore. Que baru ūre pare juiyucu barejámedá. Jesúr poeva ne darí majibede dayure pare juiyurejamedá Herodes. ⁹ Jesúre caijuene juniari járidurejamedá Herodes. Ubenita Jesúcapúravu bi arejameda ūre.

¹⁰ Herodes ūi juniari juiyede Jesúre, pare ámecoroiu barejáimedá ina sacerdotevare jaboteipóeva aru Jümenijicu yávaiye báquede bueipóeva máre. ¹¹ Dinumuma Jesúre yurini, ámeno baju ūre darejaimada na, Herodes ūi churaravaque. Doicaje meacajede Jesúre doaru, ūre yurini, Pilato yebai jacopaiyovaru jarorejamedá Herodes. ¹² Jipocare ina jabova pucará maucuvarejaimada ne baju. Ubenita ne que teijárvui, dijárvu baju, boroteni, meadarejaimada ne baju, Herodes Pilatomaque.

Poeva ne boaru jaruvaicōjeino Jesúre

(Mt 27.15-26; Mr 15.6-15; Jn 18.39-19.16)

¹³ No yóboi Pilato cóijiovarejamedá ina sacerdotevare jaboteipóevare aru apevu judíova cóijinocavure máre.

¹⁴ Ne cójijiyede ūi yebai, arejameda náre:

—Nai ūmure davaivubu muja ji yebai. Ūre boro coyuu adaru, “U jaruvaridubi majе jaborore”, aivubu yure. Ubenita muje juainoi yuvacari juniari juivu ūre ūi daiye báquede. Aru ūi coyuuyede jápiariburu, coyhyabu mujure: Ameina tebecutame ū ji járu. ¹⁵ Herodes máre Jesúr ūi ámeina teiyede eabetecebe. Que baru jacopaiyocabu ūre ūnue yebai cojedeca. Jápiajaru. Coreóvaiyabu muja. Ūi ámeno daru, ūre boaru jaruvaicōjejebu yu. ¹⁶ Que baru jara popeicō-

jeniburu yóboi, jaetovaquijivu ūre, arejameda náre Pilato.

¹⁷ Nópe dayu Pilato, ūi dārī cōmajiye boje պյա coapa no torojuve teinumture, cūinácu jacoimü mácure, pōeva ne etavaicōjeimüre, jaetovavarejameda ū. ¹⁸ Ubenita caivu ina pōeva codobobore-jaimada cūináthru, boarí jaruvaicōjeivu Jesúre.

—;Naine boarí jaruvaicōjejacu mu! Barrabáre jaetovajacu mu, arī codobo-borejaimada na.

¹⁹ Nai Barrabás ámicucure jacore-jaimada ámeina teivure jēni jacoñami ūi boarí jaruvaiyue boje Romacavure, ne jaboteiye boje Jerusalén ámicurií-marore, aru pōevare ūi boarí jaru-vaiye báque boje máre. ²⁰ Ubenita Pilatocapūravu jaetovaiyurejameda Jesúre. Que baru bedióva cojedeca coyuridure-jameda ina pōevare. ²¹ Ubenita cojedeca codoboborejaimada ina pōevacapūravu, boarí jaruvaicōjeivu Jesúre.

—;Ure jocucujaravena pēvari boarí jaruvaicōjejacu mu! arī codobobore-jaimada Pilatore.

²² Bedióva cojedeca Pilatocapūravu aridurejameda náre:

—¿Yéde ámeina tearī ūnai? Coreó-vaivubu mūja. Ūi ámeno dāru, ūre boarí jaruvaicōjejebu yu. Que baru jara pope-icōjeniburu yóboi, jaetovaquijivu ūre, aridurejameda Pilato náre.

²³ Ubenita ina pōevacapūravu parurōreca codoboborí būjiéque boarí jaruvaicōjenejaimada Jesúre. Que baru Pilato yu arejameda náre. ²⁴ Boarí jaruvaicōjenejamedá ūre ina pōeva ne urópe. ²⁵ Pilato jaetovarejameda ūnai boarí jaruvarayu bácare, ámeina teivure jēni jacoñamicacure, ne jēniaimüre. Ubenita jídejameda Jesúre náre, ne darājiyepe ayu ūre yópe ne urópe.

Jesúre ne pēvari yuyaino jocucujaravena

(Mt 27.32-44; Mr 15.21-32;
Jn 19.17-27; Ap 6.16)

²⁶ Jesúre nūvarejaimada. Jocucujaravede ture nūñu maridurejameda ū. Aru cuyu bácu imaroi earejameda Simón, Cirene ámicuriímarocacu. Nore vaiyúre, ūre Jesús ūi jocucujaravede tuino má-carore tuicōjenejaimada na, churarava, Jesús yóboi.

²⁷ Obedivu pōeva nūrejaimada ūi yóboi. Aru nácvu nomiva orejaimada pare, ne chíoiye boje. ²⁸ Ubenita Jesús copedini, náre jári, arejameda:

—Mūja, Jerusalécvu, obejarā yure. Quénora ojarā mūje bajure, mūjemarare máre. ²⁹ Apejáravu baquiyéde pōeva arājarama yópe: “Torojurājarama ina juedochuvabevu, aru ina juedoeabevu máre”. ³⁰ Arājarama cūracuá սracuáre: “Tujacuári նվjare”. Aru arājarama cūracuáre: “Yavejacuári նվjare”. ³¹ Mūja jáivu ne daiyede yure, meacure, jocucupe páyure. Que baru jāve pheño ámeno dārājarama mūjare, ámenare, yópe pecacuape paívure, arejameda náre Jesúre.

³² Aru pūcarā ámeina teivure máre nūvarejaimada ina churarava, Jesúque ne boarí jaruvarajimarare.

³³ Pōe jipobucu ámicuricu cūracuái eaivu, Jesúre jocucujaravena pēvari jēorejaimada na. Aru ina pūcarāre máre ne jocucujaravea coapa pēvari jēorejaimada na, cūinácu meapūravu, apecure cācopūravu, aru Jesúre ne coricai. ³⁴ Ubenita Jesús arejameda:

—Mu, jipacu, ne ámeina teiyede árumetejacu mu. Coreóvabema ne dainore, arejameda Jesús jípacu.

Churarava ne yajuiyede dūvarī, Cainijidua etaiyede jári, Jesú ūi doiyede náre coapa īnejaimada na, ūre pēvaiyu bácvu. ³⁵ Pōeva nore cocoivu bare-

jáimada. Aru nácavu judíovai jabova, Jesúre yurivu, yópe arejaimada na:

—Apevare meadavacacu. Caride jáve Jūmenijicui beoimu maru, Cristo baju baru, ūi bajure meadajacurí ū, arejaimada na.

³⁶ Ina churarava máre ūre yurivu bare-jáimada na. Ūi yebai nūri, ūcuiye up-iáteiye báquede ūre jínidurejaimada na, ūre ijibequiyepa aivu. Aru arejaimada ūre:

³⁷ —Mu judíovai jabocu baru, mi baju mi yaiquínore meadajacu, arejaimada Jesúre ina churarava.

³⁸ Jocucujaravena, ūi pñenoi, toivaino jénejavuña. “Judíovai jabocube”, aiyurejavuña no toivaino. Griegova ne yávaicamuaque, Romacavu ne yávaicamuaque, aru judíova ne yávaicamuaque máre toivarejaimada nore.

³⁹ Aru cūinácu ina āmeina teivucacu, jocucujaravena ne pëvaimu mácu, Jesúre āmeina yávarejamedá ū máre.

—Mu, ¿Cristo āmecurū mu? Cristo baju baru, mi baju mi yaiquínore mead-arí, nūjare máre nūje yainájiyede mead-acacacu mu, arejamedá Jesúre.

⁴⁰ Ubenita apecucapúravu Jesúre āmeina ayure jári, jararejamedá:

—¿Jūmenijicure jidubecurū mu? Maja yaivutamu, maje āmeina teiye báque boje. ⁴¹ Que baru āmeno vaivu majare. Ubenita nai āmeina tebecutame ū. Majacapúravu maje āmeina teiye báquede bojedaiutamu maja, arejamedá.

⁴² Que ayuva, arejamedá Jesúre:

—Mu, Jesús, jabocu bacuyu, ārūjacu yure, arejamedá.

⁴³ Aru Jesús ju arejamedá ūre:

—Jáve coyuabu mure: Cari jāravumica Paraíso āmicurōi yúque cuchuymu mu, arejamedá Jesús nai chioñure ūi āmeina teiye báquede.

Jesús ūi yaino

(Mt 27.45-56; Mr 15.33-41; Lc 8.2-3; Jn 19.28-30; Hch 7.59; He 10.20)

⁴⁴ Jāravu corica bají ñemíe turí darejavuña caino joborōi. Pú yóbecuriora yóboita vaidéjavuña. ⁴⁵ Que baru yóbecuriora baju ye aviá pëomenejameda. Aru Jūmenijicui cūramicacaje uracaje coricopavaicaje bácarō quédá corica bají jađeni nurejavuña. ⁴⁶ Dinumure pare bujíe codoboborí, yávarí darorejameda Jesús:

—Mu, jipacu, ji ümene mure jiyabu yu, arejamedá Jūmenijicure.

Que ayuva, yaidéjameda ū.

⁴⁷ Nore Jesús bácre cocorí núcú bare-jamedá churaravai jabocu. Jesús yaiyáre jári, mearore jídejameda Jūmenijicure.

—¡Jáveneca nai ūmu āmeina tebecu batecubé! arejamedá churaravai jabocu.

⁴⁸ Aru caivu ina obedivu pöeva cójijivu bácvu nore, Jesús yaiyá bácre jáivu, copainurejaimada ne cūramia coapa, totaivu ne ñarebare, ne chioyi boje. ⁴⁹ Caivu Jesús bácthi coreóvaimara, aru ina nomiva, Galilea āmicurōre jocarí daivu bácvu ūque, na máre cocorí nurejaimada joajíemia.

Jesús bácu jaruvaimu ne pöe jaruvainoi

(Mt 27.57-61; Mr 15.42-47; Jn 19.38-42)

⁵⁰ Cūinácu ūmu currejameda, ūi āmiá José, Arimatea āmicurímarocacu. Sacerdotevai cójijinore coyuipöevacacu barejámeda ū. Nai José meacu aru āmeina tebecu barejámeda ū. ⁵¹ Que baru ju abedejameda ina judíovai cójijinocavu ne daiye báquede Jesúre. Ū máre Jūmenijicui jabotequinumá maquinóre napini coreyu barejámeda ū. ⁵² Pilato yebai nūri, Jesús bácthi baju bácarōre jéniacumurejameda ū. ⁵³ Pilato ūi jénaiyede ju aríburu yóboi, Jesús bácre jocucujaravede jódavari, íni,

meacaje boricaje lino āmicuricajeque cūmari nūvarejaimada ū mācure cūracobei. Pōeva ne yaivu bácvu ne īmamecobe barejávuya dicobe. Aru dicobei Joséjā jaruvarejaimada Jesús bácre. ⁵⁴ Dijárvu, nainú, torojue teijárvu baquinóre meadaijárvu barejávuya. Sábado baquinó jipocacajárvu barejávuya.

⁵⁵ Ina nomiva Jesúque eaihv bácvu Galilea āmicurore jocarī, Joséjā yóboi nuri, járejaimada dicobede aru ne jaruvaiyede Jesús báchi baju bácarore nore. ⁵⁶ Jári buojarī, copainurejaimada na, meadarājivu mumijude aru jijovaiyede máre, ne nūvarajiyede sábado järavu yóboi, meadarājivu Jesús báchi baju bácarore dieque. Aru judíovai jabuóvaijárvu sábadoi, jabuóvarejaimada na yópe Jūmenijicui ñaicōjeiye báquepe.

Jesús ūi nacajaino yainore jaruvvarī

(Mt 16.21; 17.22-23; 20.18-19; 28.1-10;
Mr 8.31; 9.31; 10.33-34; 16.1-8; Lc
9.22; 18.31-33; Jn 20.1-10)

24 No sumana būjárvu domingo javejinara, aviá ūi tuchmuyede, ina nomiva nurejaimada Jesús bácre ne jaruvainoi, nūvaihvumumijude, ne meadaiye báquede, yuarājivu diede Jesús báchi baju bácarore. ² Dicobe cūracobede curejavuya bieiturava cūraturava uraturava. Dinomiva ne eaiyede ū mācure ne jaruvainore, earejaimada dicobe biebecobede. ³ Ubenita ne ecoiyede dicobei, Jesús báchi baju bácarore eabedejaimada. ⁴ Cārijini dápiaivu, “¿Ári curi Jesús báchi baju bácaro?” arejaimada ne bajumia. Ne nópe dápiaiyedeca, járorejaimada pucarā ūmuva, nūrivu ne yebai. Aru ne doicajea boricajea pare pēorejavuya. ⁵ Que baru ina nomiva, cuecumaihv, doco járejaimada na, ne jidue boje. Aru ina ūmuva arejaimada nare:

—¿Aipe teni voivurū muja apucure yaivu bácvure ne jaruvainoi? ⁶ Jesús jave nacajami yainore jaruvvarī. Que baru cübebi yore. ¿Āru metenaru muja ūi coyhiye báquede mujare nore Galileai? ⁷ Coyquemavu mujare yópe: “Jahv uyre, Jūmenijicui daroimá mācure ūmupe, ji utarō nájiquino. Jēni jínajarama yure ina āmeina teivure, ne pēvari boarī jaruvvarajiyepa yure. Aru yóbecurijárvua yóboi yainore jaruvvarī nacajachuyumu yu”, aquemavu mujare Jesús, arejaimada na nomivare.

⁸ Ne que aiyede, ina nomiva ārurejaimada Jesús ūi coyhiye báquede nare. ⁹ Copainuriburu yóboi Jesús bácre ne jaruvaino mācarore jocarī, caiye ne jáiye báquede coyurejaimada ina once paivure aru apevhu Jesúi yóvaimarare máre. ¹⁰ Iye borore coyuhu bácvu barejaimada María Magdalacaco, aru Juana, aru apeco María, Santiago paco máre, aru apevhu nomiva náque curivu. Ina coyuridurejaimada ne jáino mācarore Jesús ūi yávaiye méne beorī coyhicōjeimarare. ¹¹ Ubenita nácapūrvu jū abedejaimada ina nomiva ne coyhiyede. “¿Ubeni márica?” arī dápiarejaimada.

¹² Ubenita Pedro nacajari, cýarī, earejamedá Jesús bácre ne jaruvaino mācarō yebai. Dicobei nacachini, járejamedá Jesúi cūmaicajea báquede, lino āmicuricajea paraicajeare cūinároma. Que teni Pedro, pare dápiayu, cārami copainurejamedá.

Jesús ūi cueteino Emaús ma nūimai (Mr 16.12-13)

¹³ Dijárvumica Jesúi bueimaracavu pucarā Emaús āmicuriímaroi nūivu barejaimada na, Jerusalén āmicuriímaroi curivu bácvu. Jerusalén joabejinoi, once paikilometros baju barejávuya diñmaro. ¹⁴ Nure nūivvacari boroteivu barejaimada na, yo Jesús báchi baju bácarō bíjaino

mácarõre. ¹⁵Diede boroteivu ne yávare nuyedeca mái, Jesús ūi baju nára earejamedá ū. Náque vaivári nurejamedá Jesús. ¹⁶Vaivári nuyereca náque, ūre coreóvabedejaimada na.

¹⁷Aru náre arejameda Jesús:

—¿Aipe arí boroteivurū mija, mái nuivu? ¿Aipe teni chioivurū mija? arejameda.

Ūi que aiyede, dajocarī, núranurejaimada na, chioivu. ¹⁸Aru nácacu cūinácu, Cleofas ámicacu, arejameda Jesúre:

—¿Mu máre Jerusaléi cuchvacari, caiye vaiye báquede majibecurū mu? arejameda ū.

¹⁹—¿Yéde? jeníari járejameda náre Jesús.

Aru arejaimada:

—¿Jesús Nazarecacu bácre vaise báquede jápiabetecurū? Júmenijicu yávaiyede coyucaipōecu bácu baju bateáme ū. Júmenijicu jainoi aru pōeva ne jaiyede máre caiye ūi daiye báque aru caiye ūi coyuviye báque máre me mateávū. Coyurī paruchu bateáme ū mácu. ²⁰Aru ūre boarī jaruvaicōjeni, ūre jocucuaravena pēvaicōjeima na sacerdotevare jaboteipōeva ina maje jabovaque. ²¹Ubenita, “Ú majubí Israecavure meadaipōecu bacuyá”, aivu bateávū nuya. Cari járavuque yóbecurijárvu nuyu ūi yainíburu yóboi. ²²Nuyacavu nomiva nuyare cuavama caride. Cari járavu javejinara ū mácre ne jaruvainoi numada na, nuyje nomiva. ²³Ubenita ū máchi baju bácarō cübetevuya. Eabetemada na. Aru yópe arí, nuyare coyurāedama na nomiva: “Ángelevare jávu nuya. ‘Apubi ū Jesús’, ama na”, ama nuyare dinomiva.

²⁴Dinumuma nuyacavu apevū, “¿Jáve márica no?” arí, járanuma na nomicata. Nomiva ne aiye báquedeca jámada na máre. Ubenita ūre, Jesúre, jámetemada

na, arí coyuarejaimada ina pucarā mái nuyipōeva.

²⁵Náre arejameda Jesús:

—Dápiabevutamu mija. Coreóvabení curivutamu mija. Júmenijicu yávaiyede coyucaipōeva mácavu ne toivaiye báque caiyede jápiari coreóvabevubu mija. ²⁶Nópe ámeno vajébu Cristo. Aru no yóboi, ámeno vayiú bácu, caiyede jaubeda jebeuya bácu, meachu baju nujebu cavarō mearo Júmenijicu curöi, arí coyuarejimedá náre Jesús.

²⁷Aru coyurī bári Júmenijicu daicōjeiyede ūi toivacōjeiyede báquede Moisés bácre, aru ina Júmenijicu yávaiyede coyucaipōeva mácavu ne toivaiye báquede coyurī jebedejimedá náre Jesús caiye ūi borore.

²⁸Ímaro ne earajino joabejímoi eaiyede, nuyupe tedejameda Jesúcapúravu. ²⁹Ubenita ne yebai mauteicójenejaimada na:

—Yui nuyaque cujacu mu. Jájacu, jave nainútamu. Jave nemié tuinotamu, arejaimada Jesúre.

Que teni ne yebai nurejameda Jesús. ³⁰Náque curí, dobarejameda Jesús, áchuyu náque. Páure íni, Júmenijicu torojuede jíni, páure cotuvarí, náre jídejameda Jesús. ³¹Úi páure cotuvarí jíye bajure, ūre coreóvarejaimada na. Ne coreóvaiye bajure cūiná náre bíjarejameda Jesús. ³²Que teiyede, arejaimada na, ne bajumia boroteivu:

—Jávemu. Ūi boroteiyede majare mái Júmenijicu yávaiyede coyuvi, maja meaumé cütevu, arejaimada na, Jesús ūi bíjariburu yóboi.

³³Que teninata, cūiná Jerusalén ámicuríimaro copainurejaimada na. Nore eaivu, ina Jesúi bueimara mácavu once paivu baju, aru apevü náque curivu, cūinároi cójjivure earejaimada na. ³⁴Aru ina Jesúi bueimara mácavu

once paivucapūravu arejaimada ina pucarā copainv bácvare yópe:

—Jáve bajubu. Maje jabocu yaiyú bácu bedióva cojedeca apubbiya ū. Simón Pedro ūre jámiya, arejaimada na.

³⁵ Dinumuma ina copainv bácvu náre vaiye báque caiyede coyurejaimada ina once paivure. ūi coyuiye báquede náre mái coyurejaimada na.

—Páure ūi cotuvaiye bajure ūre coreóvavu ūja, arí coyurejaimada na.

Jesús ūi cueteino ūi bueimarare

(Mt 28.16-20; Mr 16.14-18;
Jn 20.19-23; Hch 1.4)

³⁶ Ne nópe couyiedeca, Jesúvacari cuetedejamedá ne jéneboi. Aru yópe arí, jacoyurejamedá náre:

—¿Ména curāru mija? arejamedá Jesús.

³⁷ Ubenita na cuecumari jidurivu, yópe arí dapiarejaimada: “¿Poe decocu bácu bárica?” arejaimada na. ³⁸ Ubenita Jesús arejamedá náre:

—¿Aipe teni jidurivuru mija? ¿Aipe teni pucáumea curivuru mija? ¿Aipe teni “¿Namema ūnai?” aivuru mija?

³⁹ Jájara ji puruáre, ji cubobare máre. Jáve yurecabu. Jéni jájara yure. Aru jájara yure máre. Que baru jiaru aru cúaðo máre cuvu. Poe decocu yópe cübebi, arejamedá Jesús.

⁴⁰ Que ayuva, jáðovarejamedá náre ūi puruáre aru ūi cubobare máre.

⁴¹ Ubenita ju abedejaimada cäreja, ne urarō torojue boje, aru ne pare dápiaiye boje máre. Jesús jéniari járejamedá náre:

—¿Áiyede cüvabenarú mija yore? arejamedá náre.

⁴² Ju arí, jídejaimada ūre cüinátibu moacu joaimure, aru mumicorore máre.

⁴³ Aru dituibure ūni, aru mumicorore máre ūni, árejamedá ne jáinore.

⁴⁴ Dinumu arejamedá náre:

—Jave yu coyucacu mujare caiye iyede ji cüede mujaque.

Coyucacu mujare daiye jaunu caiye iye Jumenijicu daicōjeiyede ūi toivaicōjeiyede báquepe Moisés bácvare, aru Jumenijicu yávaiyede coyucalpöeva mácvu ne toivaiye báquepe, aru iye Salmos ámicu toivaiye báquepe máre, arejamedá náre Jesús.

⁴⁵ Que ayuva, Jumenijicu yávaiyede coyuři majicarejamedá náre, ne me majinajiyepo ayu iye Jumenijicu yávaiyede. ⁴⁶ Aru coyuři bujarí, arejamedá náre:

—Yópe toivainotamu: “Cristore ūi urarō ūnajiyeye jaunu ūre. Aru yóbecurijárvua ūi yainiburu yóboi nacajacuyume yainore jaruvarí”. ⁴⁷ Aru, “Coyuiye jaunu pöevare ne ámeina teiyede chiori, ne oatavarajiyepo aivu, Jumenijicu árumetequiyepo aivu náre ne ámeina teiyede. Cristoi ámiái, ūi parueque, coyuiye jaunu náre caivu ijárvacavre, mamaramure Jerusalécamure aru yóboi caivu apevure máre”, arejamedá Jesús, Jumenijicu yávaiyede majicayu ūi bueimarare.

⁴⁸ Bedióva cojedeca Jesús coyurejamedá náre:

—Mujavacari jáivu bácvabu caiye iyede. Que baru coyuiye jaunu mujare apevure, ne majinajiyepo aivu. ⁴⁹ Yü daroquijivu mujare ūnaine, jipacu daroquimure, Espíritu Santore. Que baru mautejará mija cäreja yui imaroi, pü mije jacobiyeta Jumenijicu paruede, cavarō mearoquede, arí daicōjenejamedá Jesús ūi bueimarare.

Jesús ūi muino cavarō mearo Jumenijicu cürü

(Mr 16.19-20; Hch 1.9-11)

⁵⁰ ūi que aríburu yóboi, Jesús jipocatedejamedá ūi bueimarare pü Betania ámicurimajinoita. Nore ūi puruáre jarururí, “Jumenijicu jánoi me tejará mija”, arejamedá náre. ⁵¹ Nópe ayuvacari, muri

nurejaquemavu náre jocarí pü cavaró
mearo Jümenijicui cüröita.⁵² No yóboi,
ñuatutarí mearore jídejaimada ñre. Aru
torojurivu copainurejaimada Jerusalén

amicuriimaro. ⁵³ Nore Jümenijicui
cürami jívai mauteñi cainumua,
mearore jídejaimada Jümenijicure.
Quénoram.

San Juan

Mamabuínore coyuíyebu Juan mácu ūi toivaiye báquede Jesucristorā. Juan mácu barejaquémañu judíovacach, Galilea āmicurijoborōcacu, aru Jesús ūi yávaiye méne beorí coyuicōjeimara-cacu. Ūi mamicu Santiago bácuque moa boaipōecu bácu barejaquémañu, Jesús ūi órejaquiye jipocare ū mácu. Lucas bácu coyurejaquemavu Juan mácu borore Hch 3:1-4:22. Majidivu ne dápiaiyepo, iye coyuíyede Jesucristorā toivarejaquemavu ū mácu cuchu bácu Éfeso āmicurímaroi. Pōecu cübebi majicu ye چu ūi toivaiyu bácarōre diede, ubenita obedivu majidivu ne dápiaiyepo āniyuha báquede 85-98 d.C. baji, Marcos bácu, Lucas bácu, aru Mateo bácu ne toivariburu yóbore. Juan mácu toivarejaquemavu yóbecuriyoca ūi paperayocare ūi toivaquiye jipocare iye coyuíyede Jesucristorā. Aru toivarejaquemavu Jesucristo ūi jádovaiye báquede ū mácu ūi toivariburu yóbore iye coyuíyede Jesucristorā.

Juan mácu jádovarejaquemavu Jesúre, pōecu bajureca, yópe Jūmenijicupe. Ūi coyuíye boje judíova ne cōmajiye daiyede, judíova āmevure toivarejaquemavu, ne majinajiyepo ayu “Jesucristobe Jūmenijicu daroimá mácu. Jūmenijicu mácu be Jesú” (20:31). Que baru Juan mácu bábedejaquemavu ūi coyuíyede Jesúrā ūi pōeteino mácarōre coyuíyequ. Quénora bárejaquemavu ūi coyuíyede Jesú ūi cuedaiye báquede caiyede coyuíyequ. Juan mácu apevu pueno coyurejaquemavu Jesú ūi bueiyede jēvari coyuíyequ: Jūmenijicu ovejajícpo (cap. 1); cüre daiocope (caps. 4, 7); apure darí āiyepo (cap. 6); pēoinope (cap. 8); ovejavare

coreipōecu meacupe (cap. 10); aru oteiuyaímupe (cap. 15). Apevu pueno coyurejaquemavu Jesú ūi coyuíyede aru ūi daiyede āniñami ūi yaiquijárau jipocacañamine (caps. 13-17), aru ūi daiyede ūi nacajariburu yóboi yainore jaruvarī (caps. 20-21).

Jūmenijicu yávaiye pōeteino

(Mt 3.1; 11.27; Mr 1.4; Lc 3.1-2; 10.22; Col 1.15-17; He 1.2; 1 Jn 1.1-2; Ap 19.13)

1 Mamarumure cäreja jāravure cuedaquiye jipocai, cürejaquemavu majare Jūmenijicu dápiaínore coyuicuedacuyu. Jūmenijicuque cürejaquemavu. Aru Jūmenijicu baju barejaquémañu ū. **2** Mamarumumiata jāravure cuedaquiye jipocamiata, Cristorecabe cuchu bácu Jūmenijicuque. **3** Úrecabe Jūmenijicu caiyede cuedare daimu mácu. Úre pōevare, āimarare, aru caijé coapa cuedare darejaquemavu Jūmenijicu. Ūi cuedabedu, ye cübejebu. **4** Úrecabe cüre dayu bácu pōevare apurivure, ūi daicōjeimarare. Yópe pēoye járe daiyepo pōevare, nopedeca Cristo pōevare coreóvare darejaquemavu jāve baju. **5** Yópe ūami jāmene daiyepo pōevare, nopedeca ijāravucavu ne āmeno daiyequ jāvene coreóvabede daimaramu. Ubenita Cristo, pēoinope, darejaquemavu ijāravui, ūeminitucubupe, āmeçuri-jāravui, coreóvare dacuyu pōevare jāve bajure. Aru pēoyede codavainope teino coyuíye jāvene vainí turiduyama ijāravucavu āmeno daivu. Ubenita ūi coyuíye jāvene vainí tuiye majibenama.

6-7 Pōevare Jūmenijicu dápiaínore coyuicuedacuyure Cristore jádovaiyucu, Juan Bautistare coyuicōjenejamedá Jūmenijicu. Juan Bautista coyuicudare-jaquemavu ijāravui iye coyuíyede, Jūmenijicu coreóvare daiye báquede úre Cristorā, caivu pōevare ne jápiarí ju arājiyepo ayu iye yávaiye méne. **8** Nai

Juan Bautista Jūmenijic̄hi dāpiainore coyuchs̄edacuyū baju, Cristo baju, āmenejamedā ū. Quēda Cristorā, Jūmenijic̄ui dāpiainore coyuchs̄edacuyū bajura, coyuchs̄dayū barejámeda ū. ⁹ Cristorecabe dayū bácu ijāravni coreóvarí b̄hojare dacuyū caivū p̄oevare Jūmenijic̄ui dāpiainore jāve bajure.

¹⁰ Cristo curídurejamedā ijāravni. Jūmenijic̄ui cuedare daimū máchvacari ijāravure, ūre coreóvabedejaquemavū ijāravucavū. ¹¹ Ū jino dijāravū ūi cuedaino mácarōi, darídurejaquemavū ū. Ubenita ūre jacopubedejaimada obedivū ū jina mariduivvacari. ¹² Ubenita apevū nácvū jāve coreóvarí jacopurí ūre ju aivure Jūmenijic̄ui mára teicōjenejaquemavū Cristo. ¹³ “Yure jāpiarí ju aivū Jūmenijic̄ui mára tejarāri na”, ūi que aino, maja p̄oeva maje juedocuvavarōpe āmevū no. Aru maja p̄oeva, “Jūmenijic̄ui mára teiyurí, ūi mára tenajaramu”, maje aiyepe āmevū no. Aru nomioí márepac̄ui juedocuvaiyhere máre āmevū no. Quénora “Yure jāve baju jāpiarí ju aivū Jūmenijic̄ui mára tejarāri na. Jūmenijic̄ui mára baju tejarāri na”, arejaquemavū ū.

¹⁴ Majare Jūmenijic̄ui dāpiainore coyuchs̄edacuyū p̄oetedejaquemavū dijāravni. Majaque curejame ū, p̄oecupe páyu. Urarō baju urí majare, dacaibi méne. Aru ūvacari jādovarejame majare aipe ārojacure Jūmenijicure jāve matuiyede. Meacu bajube ū. Jūmenijic̄ui ūi paruēde jímui máchi paruēde jārejacarā ū. Cūinácurabe ū. ¹⁵ Juan Bautista coyurejame ūi borore ūre jāriburu yóboi. Yópe arī, codoboborejame p̄oevare:

—Naime mūjare ji coyuvaimū ji ávaiyepē: “Ji yóboi dacuyume ū. Ubenita ji p̄oetequiye jipocamiata curejaquemavū ū, ji mūjare ji

coyuvaimū. Ji jipocacacūbe ū. Yure vainí taibi ū. Caiyede cuedaquiye jipocai curejaquemavū ū”, acacu yū mujare, arejame Juan Bautista.

¹⁶ Urarō ūi ue boje, mearo dacaibi caivū majare. Obedinumua ména cure daibi majare. Obedinumua bediōva mearo dācavaibi, cadatecuyū majare. ¹⁷ Jūmenijic̄ui coyuríburu yóboi Moisés bácre ūi daicōjeiyede p̄oevare, ména cure daicōjeino majare buenidurejaquemavū Moisés bácu. Ubenita Jesucristo barejáme majare Jūmenijic̄ui uede jādovānū. Majare aipe ārojacure Jūmenijicure jāve jādovarejame Jesús. ¹⁸ Jāimui āmemi Jūmenijic̄ui. Ubenita Jūmenijic̄ui mácu cūináchrā, ūvacari Jūmenijic̄ui baju, majepac̄ue cuchu, majare coreóvare dacudarejame ū Jūmenijicure. Edarī, jípacu jiede coyuchs̄edarejame ū.

Juan Bautista ūi memecaino Jesucristore

(Mt 3.11-12; Mr 1.7-8; Lc 3.15-17)

¹⁹ Ina judíova Jerusalén āmicuriímarocavū jēniari jāicōjeni jarorejaimada Juan Bautistare. Sacerdotevacavū aru Jūmenijic̄ui cūramine memeipōevacavū, levita āmicuriyubocavū, jarorejaimada ina jabova, “¿Namenū mu?” ne arī jēniari jārajiyepē aivū ūre. Que arī, yécu p̄oecupe páyūre majiyurejaquemavū na. ²⁰ Juan Bautistacapuravū nuriéna coyurí jebedejame náre.

—Cristo āmevū yu. Jūmenijic̄ui epeimū, jabocu bacuyú, āmevū yu, arejame náre.

²¹ —¿Dinumui ñamenū mu? Cristo āmevū mu. ¿Elíarū mu? arejaima ina sacerdoteva.

—Ú āmevū yu, arejame.

—Nai Jūmenijic̄ui yávaiyede coyacapōecu bacuyú, majeñecuva mácavū

“edachuyu”, ne ávaimurū mu? arejaima ūre cojedeca.

—Ú amevu yu, arejame náre.

22 —¿Dinumu áchpe páyurū mu? Nuhare cūiná couyacu mu, nūjare jēniari jāicōjeivhre nūje couyurājiyepo. ¿Aipe ayurū mu? ¿Yécurū mu? arejaima ūre ina sacerdoteva.

23 Úcapūravu couyurejame náre yópe arī, nai Jūmenijicu yávaiyede couyacaipōecu bácu, Isaías āmicucu bácu ūi toivaiye báqueque:

—Yurecabu Isaías bácu ūi toivaimu mácu: “Jūmenijicure couycaipōecu codoboboyhre jápiarājarama pōecubeno: ‘Meadajarā muje ūmene, copu etaburí maje jabocure, nopedeca muje meadaiyepo daimare, nai ūmu, muje pueadim, ūi daquiye jipocai. Que dāri dajocajarā muje āmeina teiyede, Jūmenijicu daroimu macuyá ūi daquiye jipocai, Jūmenijicu ūi copu etaquiyepo aivu mujare”, arejame náre Juan Bautista.

24 Ina fariseovai jaroimara Juan Bautistare are nuri jēniari jārejaima:

25 —Mu Cristo āmevu. Elías āmevu mu. Aru nai Jūmenijicu yávaiyede couycaipōecu bacuyá āmevu mu. ¿Dinumu aipe teni pōevare Jūmenijicu jādovañhru mu ocoque? arejaima ina fariseovai jaroimara.

26 Juan Bautista arejame náre:

—Yurecabu pōevare jādovañh Jūmenijicure ocoque. Ubenita cūinácu cūbi muje jēneboi, muje coreóvabem.

27 Ji yóboi dacuyame ū. Ubenita ji pueno paracu bacuyáme. Caivu pueno meacu bajube ū. Yúcapūravu pare ūi cāchinocacabu. Que baru ūre cadateni bhojabevu yu. Pa oarí bhojabevu yu duayu ūi curaidoa bhoimeare, arejame náre.

28 Caiye iye vaidéjavu Betania āmicurōi, Jordán āmicuriya jia aviá daiduve écarci, Juan Bautista

ūi jādovare cuiyede pōevare Jūmenijicu que ocoi nore.

Jesús Jūmenijicu daroimu mácu ovejajicupe, jaruvacuyu pōeva ne āmeina teiyede

29 Cōmiáijárvai yópe barejávū. Juan Bautista jārejame Jesúre dayhre ūi yebai. Ūre jāri, arejame nūjare:

—Jájara muja. Úrecabe Jūmenijicu daroimu mácu ijārvai, jaruvacuyu pōeva ne āmeina teiyede. Yópe sacerdoteva ne boaiyepo ovejajinare, jínajivu Jūmenijicure ūi ārumetequiyepo aivu pōeva ne āmeina teiyede, nopedeca nai Jūmenijicu daroimu mácu boarí jaruvavarājarama pōevare boje, Jūmenijicu ārumetequiyepo aivu pōeva ne āmeina teiyede. Que baru pōeva ne āmeina teiyede meadaipōecu be ū. 30 Náime mujare ji couyvaimuji ji ávaiyepo: “Ú ji yóboi dacuyame. Ubenita ji pōetequiyepo jipocamiata currejaquemavu. Que baru yure vainí twibi ū. Cayede cuedaquiye jipocamiata currejaquemavu”, mujare acacu yu. 31 Mamarumhre yu máre coreóvabecacu ūre Jūmenijicu máchre. Ubenita pōevare Jūmenijicu que jādovacudacacu yu ocoque, Israecavu ne coreóvarājiyepo ayu ūre, Jūmenijicu máchre, arejame nūjare, ūcavure, Israecavure, Juan Bautista.

32-33 Yópe arī, ūi majiéde couyurejame ū:

—Yu máre ūre coreóvabecu cāreja, “Jūmenijicu daroimu mácu bajubí ū”, abetecacu yu. Ubenita Jūmenijicu, yure jādovaicōeñh mácu pōeva Jūmenijicu jina teiyurivhre ūre ocoque, yópe arī couyáme yure: “Jácuymu mu ji Espíritu Santo tubacnēmeñhre cūinácu ūmura aru cūcure ūque. Nai ūmu, ūrecabe pōeva jina teiyurivhre yure jādovacuyu Espíritu Santoque”, áme yure Jūmenijicu. Quédeca ūi aiye báquepe, Jesúra

ñai Espíritu Santo tubachémenüre jure-cope cavarō mearo Jūmenijicui cüröre jocarī jácacu yu. Aru ñai Espíritu Santo cúteamer üque. ³⁴ Yúcapūravu majivu, ji jáiye báque boje. Que baru coyuyubu mūjare. Ñai ümu, mūjare jí coyuvacamu, Jūmenijicui mácu be ü, arejame Juan Bautista.

Jesús üi mamarumu bueimara

³⁵ Cōmiáijāravui Juan Bautista cure-jame nore cojedeca ñuja pucarā üi bueimaraque. ³⁶ Que teni Jesús noi vayiüre jári, arejame ñujare:

—Üre jájara muja. Ürecabe Jūmenijicui daroimu mácu. Yópe sacerdoteva ne boaiyepo ovejajinare, jinajivu Jūmenijicure, nopedeca ñai Jūmenijicui daroimu mácu boarí jaruvavarajarama pöevare boje, arejame ñujare Juan Bautista.

³⁷ Üi que aiyede jápiaivu, Jesúque nurejacerā ñuja. ³⁸ Jesús núcunuri, cope-dini, ñujare jeníari járejame:

—¿Aru muja yéde voivurü? arejame Jesús.

—Mu, bueipõechu, ¿ári cuchurü mu? arejacerā ñuja Jesúre.

³⁹ —Yúque járadajara muja, arejame ñujare Jesús.

Ñuje naiyede üque, yóvaichuvaiora nainu marejávü. Üque nuri, üi cüröi jári, curejacerā üque dijäravu joarö.

⁴⁰ Cüinácu ñuja pucarā Juan Bautistare jápiaivu bácvacacu aru Jesúque naiivu bácvacacu Andrés ámicucu barejáme, Simón Pedro yócu.

⁴¹ Cüiná, Andrés vocunurejame üi mamicu Simóre. Eayu bácu, arejamedá áre:

—Mesíare, Jūmenijicui epeimure, pöevare meadaipõechre, eavu ñuja, arejamedá Andrés.

Mesías aino, Cristo aiyurötamu. ⁴² No yóboi Andrés jibucure nüvarejamedá

Jesús yebai. Jesús, Simóre jári, yópe arí coyurejame:

—Simómu mu. Mipacu ámicubí Juan. Übenita Cefas ámidoimu macuyámu mu, arejame Jesús.

Cefas aino, Pedro ainotamu. Aru növacari cürabo aiyurötamu.

Jesús üi “Dajarā” aino Felipedé, Natanaene máre

(Mt 16.15; Mr 8.29; Lc 9.20)

⁴³ Cōmiáijāravui Galilea ámicuri-joboröi nucuyu barejáme Jesús. Nuñu, Felipedé copurejame ü:

—Yúque dajacu mu, arejame Felipedé Jesús.

⁴⁴ Betsaida ámicuriñmarocacu barejáme Felipe. Andrés aru Pedro ne ímarocacu barejáme. ⁴⁵ Dinumüre Natanaene vocunurejamedá Felipe. Üre eayu, coyurejamedá:

—Ñaine, Moisés bácu aru ina Jūmenijicui yávaiyede coycaipöeva mácavu ne toivarí coyuvaimure eavu ñuja. Moisés bácu üi toivaiye báquede Jūmenijicui daicöjeiyede toivarejaquemavu úra. Ütame Jesús Nazarecacu, Joséi mácu, arejamedá Natanaene Felipe.

⁴⁶ Natanaecapūravu arejamedá:

—No ímaro Nazarede pöeva meara, apevüre cadateivu, cübema na, arejamedá Natanael.

—Dinumu jácudajacu mu mi baju, arejamedá áre Felipe.

Járadarejaima ina pucarā. ⁴⁷ Náre edaivüre jári Jesús, yópe arejame Natanaena:

—Majecu, israevacacu baju, edaibi ü. Borocubecu bajube ü, arejame Jesús, Natanaene jánu.

⁴⁸ —¿Aipe teni yüre majitecurü mu? arejame Jesúre Natanael.

—Mure Felipe üi cutubede cäreja jávü yu. Higueracu cächinoi dobatevu mu, arejame Natanaene Jesús.

⁴⁹—Mu, bueipōecu, Jūmenijicu mácu bu mu. Ñuja Israecavu ñuje jabocu bu mu, arejame Jesúre Natanael.

⁵⁰ Quénora Jesúcapúravu arejame ūre: —¿“Jocucu cāchinoi mure jāv”

ji aiyede, “Jūmenijicu mácu bu mu”, ayurū yure? Pheo ji apejje paruē ji daquiyede jāchuyamu mu.

⁵¹ Jāve couchuybu mujare: Cavarō mearo Jūmenijicu curō vorī nūinore jārajaramu muja. Nore Jūmenijicu ángeleva, jōdaivure aru muivure jārajaramu muja. Aru ne coricai cuchuyamu yu, Jūmenijicu daroimu mácu ūmupe, arejame ñujare Jesús.

Jesús ū būno pōeva ne ðarī majibede

(Mt 4.13)

2 Pucajárvua yóboi, Galilea āmicuðroi, Caná āmicuðimaro, purubhoivu ne torojuve teino marejáv. Aru Jesúi paco curejaco noi. ² Jesús aru ñuja ū bueimara ina purubhoivu ne cutuimaracavu barejacára. ³ Ñuje ãiye bajure ūcuiye cūinéjavuya. Jesúre coychodarejaco jípacó:

—Bucuru, javeta ūcuiye, vino úyaicoro, cūivá die, arejaco Jesús.

⁴ —Báco, ¿aípe teni yure que adorū? Ji memeinumu eabevu cāreja, arejame jípacore Jesús.

Ániñami cūramicavu ne yebacavu yebai nuri, yópe arejacoda õ:

⁵ —Jímacu cōjeiyepo dajarā muja, arejacoda Jesúi paco.

⁶ Nore curejavu seis paibua jorobua, cūratorobua. Urabua jorobua baju, cūinábu cincuenta o setenta pailitros baju eaibu barejáv. Dibuá ocoque buivábuare cūvarejacarā ñuja judíova, ñuje cojarájiyepo aivu, ñuje nópe teni cōmajinope Jūmenijicu me jāquiyepe aivu ñujare. Que teni iñamicavu máre cūvarejaima dibuáre.

⁷ —Ocore ñini, davarī, dibuáre buivájarā muja, arejame nōcacu yebacavure Jesús.

Na ju arī, dibuáre yuyeni, buivárejaima.

⁸ —Que darī quíjinora doarī, torojuve teino upacu re nāvajara muja. Úi ūcuri dápiaquiyepo arī, jínanujara, arejame ina yebacavure.

Ju arī, ñai torojuve teino upacu diede nūvari, jídejaima.

⁹ Die oco báquede Jesús oatuvávarī, vino úyaicoro tede darejame. Ñai torojuve teino upacu die ūcuiyede ūcuri jārejame. Úcapúravu majibedejame ároi ne íye báquede diede. Úbenita ina yebacavu capúravu, ina ocoque dibuáre yuyeinvu bácavu, me majidejaima. Úcuri jāri, purubhuoyure cuturejame ñai torojuve teino upacu. ¹⁰ Dayu bácuru yópe arejame ñai torojuve teino upacu:

—Mamarumure ūcuiye me bajure jíyavu maju maje cutuimarare. Aru yóbota, na ūcuri vainí tuivure jāri, majiéda meacorore náre jíyavu maju. Que ñabetevura mu. Mamarumure meacorore yavedebu mu. Aru yóbota, méne ūcuiyede jívu mu, arejame purubhuoyure ñai torojuve teino upacu.

¹¹ Que teni pōeva ne ðarī majibenore darejame Jesús, jāðovachu ū majiéde. Galilea āmicuðroi, Caná āmicuðimaro, ū ocore oatuvainoque, Jesús bárejame pōeva ne ðarī majibede ū daiyede. “Jūmenijicu epeimáme ū”, pōevare aredayu, nópe náre jāðovarejame Jesús. Aru “Cristo bajube ū” arī, me ju arejacarā ñuja ū bueimara.

¹² No yóboi Capernaum āmicuðimaro nurejame Jesús. Úre yóvaranurejacarā jípacó, ū yóva, aru ñuja ū bueimara. Nore obebejáravu chrejacarā.

Jesús ūi meādaino Jūmenijicu cūramine

(Mt 21.12-13; 26.61; 27.40; Mr 11.15-18; 14.58; 15.29; Lc 19.45-46)

¹³ Pascua āmicurijāravu torojuve teijāravu baquinó eare nūino marejávū. Nūja judíova nūje torojuve teinumu marejávū no, Jūmenijicu etavaiye báque boje nūjeñecuva mācavare Egipto āmicurijoborōre jocarī. Dinumure Jerusalén āmicuriimaroí nūrejaima obedivu judíova. Que baru Jesú斯 máre mūri nūrejame. ¹⁴ Muri nūri, earī, Jūmenijicu cūramine jácunurejame Jesú斯. Diñami tāiburā earī, ecorī oteivechva, ovejava, aru jurevare bojedaivure járejame. Nácapūravu pōevare urarō ne tāuturare ñejaima. Apenoa joborōacavu ne tāuturare oatūvaipōeva dobarivure máre járejame nore. ¹⁵ Que baru cainimea ñi, ūi jara boaquímene cāriárejame. Cāriári bhojarī, dimeque jara popeni, diñami curivure jaetovarejame Jesú斯 ina tāibui curī bojedaivure ne āimaraque. Tāuturare oatūvaivure máre jararī, ne jādovaivare japuporī, moari najuárejame, jaruvacuyu ne tāuturaturavare joborōi. ¹⁶ Jurevare bojedaivure yópe arejame:

—Nūjara mūja, mūje bojedajuromarare ñi. Jipacure mearore jíñamimu yo. Bojedaiñami dabejarā jipacu cūramine, arejame náre Jesú斯.

¹⁷ Jesú斯 ūi que aiyede, Jūmenijicu yávaiyede ūi toivaicōjeiye báquede ārurejacarā nūja, ūi bueimara. “Mu, Jūmenijicu, apevu āmeina dārājivubu yure. Que baru mi cūramine jecurī vaivu yu”, apecu bácu ūi aiyé báquede toivaicōjenejaquemavu Jūmenijicu.

¹⁸ Ina judíova nūje jabova yávarādarejaima Jesúre:

—Jūmenijicu mure que daicōjenu, nūjare jādovajacu pōeva ne dārī majibede mi dainore, arejaima ina jabova.

¹⁹ Jesú斯 arejame náre:

—Iñamine bíjarorī jaruvajarā mūja. Iñamine mūje jaruvvariburu yóbecurijāravu yóboi, mūje jaruvaiñami mácarōre meadacuyumu yu, arejame Jesú斯.

²⁰ Ina judíova arejaima ūre:

—Cuarenta y seis pañuña baju diñamine núvari nājiquemavu memeipōeva. ¿Aru mu yóbecurijāravu memeni, diñamine meadayu bhojaje bárica mu? arejaima nūje jabova Jesúre.

²¹ Ubenita diñami bajure ayu āmenejame Jesú斯. Ūi bajure cūramipe ayu barejáme ūi. Ubenita majibedejaquemavu na, jabovacapūravu. ²² Majibenidurejacarā nūja máre, Jesú斯 ūi que aiyede. Ubenita ūi nacajariburu yóboi yainore jaruvvarī, ūi que aiyé báquede dāpiarī, ārurejacarā nūja, ūi bueimara. Ārurivu ūi coyuiye báquede aru Jūmenijicu yávaiye báquede máre ju arejacarā nūja ūi bueimara.

Jesú斯 ūi majiéde pōeva ne dápiaiyede

²³ Pascua torojuve teinumu, Jesú斯 ūi cuedeca Jerusalén āmicuriimaroí, ūre ju aridurejaima pōeva obedivu. Ne jāiye boje ūi jādovaiyede pōeva ne dārī majibede, “Jūmenijicu epeimu Cristobe ū”, arejaima na.

²⁴ Ubenita Jesúcapūravu náre coreóvarī, “Jāve abema na”, arī dāpiarejamedā. Me baju pōevare coreóvarejaquemavu ūi. ²⁵ Ūre jañbevu apecu ūi coyuiye aipe ārojaene pōevare. Me majidejaquemavu pōeva ne dápiaiyede. Quénora ūi baju coreóvarejaquemavu náre.

Jesú斯 Nicodemomaque ne boroteino

(Jn 8.28; 12.32-34; 18.32; 1 P 1.3, 23)

3 Cūinácu ūmu Nicodemo āmicuca barejáme, nūja judíova nūje jabova-

cacu. Fariseo āmicūriyajubocacu bare-jáme Nicodemo. ²Cūináñami Jesúre borotecuearejamedá.

—Mu, bueipōecu, coreóvaivubu nūja mure Jūmenijicu daroimu mácure, buechuyre ū jiede. Que baru ácu pōecu Jūmenijicu parhēde chavabecu baru, daiye majibebi yópe pōeva ne darí majibede mi daiyepo. Que baru māque cubi Jūmenijicu, arejameda Nicodemo Jesúre.

³—Jáve couyubu mure: Ácu pōecu bedióva cojedeca ūi pōetebedu mamaūmeque, ūre jabotebecchuyame Jūmenijicu, arejameda Jesús.

⁴—¿Aipe teni? ¿Bedióva cojedeca juedocupe pōeteiyé majidi būscus? Jáve būscus jípacoi yapiburá imari, pōeteyu būojabebi, arejameda Nicodemo.

⁵Úre arejameda Jesús:

—Jáve couyubu mure: Ácu pōecu ūi pōetebedu ocoque aru Espíritu Santoque máre, ūre jabotebecchuyame Jūmenijicu. ⁶Pōevai mára pōevatamu. Úbenita nai Espíritu Santoi pōedaimara mamaūmeque epeimarata mu. Que baru Jūmenijicu máramu. ⁷“Ácu pōecu bedióva cojedeca ūi pōetebedu mamaūmeque, ūre jabotebecchuyame Jūmenijicu”, ji aiyede mure ularō baju dápiabejacu mu. ⁸Úmebo darí japuinopebu no. Ári japuri nūiyurō nūquiyebu. Úmebo japuinore maya quédá jápiadav. Jáino ámevu no. Quédecabu Espíritu Santoi pōedaimara mamaūmeque. Jári majino ámevu no, arejameda Jesús.

⁹—¿Aipe aiyurō márica no, mi que aino? arejameda Jesúre Nicodemo.

¹⁰Úre arejameda Jesús:

—Murecabu judíova ne bueipōeva me majidivucach. ¿Jápiari eabecurū mu iye ji mure couyiyede? ¹¹Jáve couyubu mure: Nūje majiéde mūjare couyriduyav ūnūja. Nūje jáiye bajure couyriduyav ū. Úbenita ju abevu mūja

nūje couyriduiyede. ¹²Ijāravuquede couyriduvu yu. Úbenita ji couyiyede ju abevu mūja. Ijāravuquede couyiyede ju abevu baru, cavarō mearo Jūmenijicu chroquede ji couyquiyede ju abenajaramu mūja. ¹³Cavarō mearo Jūmenijicu curōi muri nuri, cojedeca ijāravu ēmeni dayu bácu cūbebi. Que baru ácu ijāravuquede cavarō mearoquede couyiyede couyibe. Yurecabu Jūmenijicu daroimu mácu ūmūpe. Cavarō mearo Jūmenijicu curōi cuchu bácu ijāravu darejacasu yu. Que baru cavarō mearo Jūmenijicu curōquede couyiyede couyibe majivu yu. ¹⁴Yópe Moisés báci daiye báquepe, ūi cuede cāreja pōecubenoi, ādape paino bronce āmicurō tāuque daino mácarōque, nopedeca vaiquíyebu yure. Ūi daimu mácure jochyo ūmūjuriyorā jēori, jāmūréjaquemavu Moisés bácu. Nopedeca yure, Jūmenijicu daroimu mácure ūmūpe, jocuchurā jēori, jāmūrájarama pōeva. ¹⁵Yure yópe daivure jári, caivu pōeva yure ju aivu baru, chavarajarama jāravu cūiméjāravu baquinore cavarō mearoi, arejameda Jesús.

Jesús ūi couyino Jūmenijicu ūi uede caivu pōevare

¹⁶Coyure nurejameda Jesús:

—Quécura, cūinácurabu yu Jūmenijicu mácu. Pare baju ijāravuquede ayu, yure darorejame Jūmenijicu yore. Jaúrabeda toabo cūiméboi ne nūmenajiyepo ayu, yure ju aivure jāravu cūiméjāravu baquinore cure daibi Jūmenijicu cavarō mearoi. ¹⁷Jūmenijicu darobedejame yure, ji nājine daquiyepo ayu ijāravuquede ne ámeina teiye boje. Quénora darorejame yure, ji meadaquiyepo ayu nāre. ¹⁸Yure ju aivu bácvure nājine dabecchuyame Jūmenijicu. Úbenita yure ju abevure nājine dacchuyame Jūmenijicu, ne ju abe

boje yure, Jūmenijichí mácu cūináchra. ¹⁹ Yópe dárí Jūmenijichí apevüre “Boropatebevu maja ji jáiñoi”, aru apevüre “Boropateivubu maja ji jáiñoi”, coyuñube. Ji daiye boje ijárávchi, pöevare majide daivu Jūmenijichí yávaiyede jávene, yópe pëoino járe daiyepo náre. Aru ijárvacavu ne ámeina teiyede ñeminopebu. Pöeva yure ubema. Quénora ne ámeina teiyede umana. Nárecabu Jūmenijichí “Nájinajaramu maja”, üi arí coyuhimara, ne ube boje yure. ²⁰ Caivu ina ámeina teivu yure jádovaicójeiyubema ne ámeina teiyede. Que baru yure pëoñpore, ne ámeina teiyede jádovañure, jáiñubema. ²¹ Übenita caivu ina ju aivu Jūmenijicure, nai ayure jávene, yaveiyubema ne daiyede. Quénora jádovadama ne daiye caiyede yópe Jūmenijichí urópe. Que baru yure pëoñure vodama, arejamedá Jesús.

Juan Bautista üi coyuhino Jesús üi paruéde

(Mt 14.3; Mr 6.17; Lc 3.19-20; Jn 1.20)

²² No yóboi Judea ámicurijoboródi nurejame Jesús, nüja üi bueimaraque. Nore currejacerá nüja obedijárvchi. Nócavhre Jūmenijichque jádovaivu barejacárá ocoque. ²³ Aru Enón ámicuriñamaro baji, Salim ámicuró joabejíno, currejamedá Juan Bautista máre. Pöeva üre eaivüre Jūmenijichque jádovañu marejámeda, oco uraró cne boje nore. ²⁴ Dinumüre curreja Juan Bautistare jení, nüvari, buobedejaimada nüje jabova.

²⁵ Juan Bautista üi bueimaracavu copu yávarí bárejaimada cūinácu judíoque, nüje dárí cõmajiyede Jūmenijichí me jáquiyepo aivu nüjare.

²⁶ Que teni yávarí buojarí, Juan Bautistare coyuráearejaimada ina üi bueimaracavu:

—Mu, bueipöecu, nai máque cüvacavu Jordáda âniduvei, mi coyuhvacamú Jūmenijichí majiéque, üvacari pöevare Jūmenijichque jádovaimi ocoque. Obedivu nüñama üque caride, arejaimada.

²⁷ Yópe arí, náre coyurejamedá Juan Bautista:

—Pöecu cübebi üi daiyepo dárí buojayu, Jūmenijichí üre parure däbedu. ²⁸ Muyavacari jápiadavu ji coyuríduye báquede. “Cristo ámevu yu”, acacu yu mójare. Quéda üre coyurí jipocateicójeimamu yu.

²⁹ Yópebu yu Cristo que. Purubhoscuyu nomicucuyume. Aru üi yóvaimu, nai meadayu bácu ne purubhosiyede, torojubi üi jápiaiyede nai purubhoscuyu üi yávainore. Nai yóvaimu üi teinope teyubu yu. Que baru pöeva Jesúque nüivüre jánhu, uraró torojuvu yu ji ümei.

³⁰ Püeno parucu nüscuyume Jesús. Übenita parubecu nüscuyumu yu. Pöeva ne püedaimu macuyáme ü. Übenita püedabejarári yure, arejamedá Juan Bautista.

Cavaró mearo Jūmenijichí curöi cuchu báçure coyuhino

(Mt 11.27; Lc 10.22)

³¹ Coyure nurejamedá Juan Bautista:

—Cavaró mearo Jūmenijichí curöi cuchu báçu, ijárvchi émeni dárí, caivu ijárvacavu maje püeno majibi. Ijárvacavu yócacubé. Que baru majibi yóque majide. Übenita cavaró mearore émeni dayu báçu yócavu maje püeno majibi. ³² Nai cavaró mearo Jūmenijichí curöi cuchu báçu üi jáiye báquede coyuríduibi. Übenita üi coyuhiyede ju abema obedivu yócavu. ³³ Que baru ácu pöecu ju ayu baru üi coyuhiyede, Jūmenijichí jáve aiyede, “Jávemu”, ayutame ü. ³⁴ Jechbecuva Jūmenijichí üi Espíritu Santore curre daibi Cristo que. Que baru Cristo, Jūmenijichí daroimu mácu ijárvchi, Jūmenijichí jiede coyuhibi.

³⁵ Mamacure pare ubi majepash Jūmenijich. Caiyede aru caivhre p̄uruchvaicōjeimi ū mamacure. ³⁶ Caivh ju aivh macure, Cristore, jāravh cūiméjāravh baquinóre cavarō mearoi cūvama na. Ubenita caivh jápiabevh ūre, Cristore, jāravh cūiméjāravh baquinóre cavarō mearoi cūvabema na. Quénora ne jápiayhbe báque boje, náre ӯrarō nájine dachyhme Jūmenijich, arejamedá Juan Bautista.

Jesús Samariacacoque ne boroteino (Jn 7.37-39)

4 ¹⁻² Obedivh ūi bueimara cūvarejamedá Juan Bautista. Ubenita p̄ueno obedivh ūi bueimara cūvarejame Jesús. Aru Jesúi Jūmenijicure jádovaimara mácavh ocoque obedivh barejáima Juan Bautista ūi Jūmenijicure ocoque jádovaimara mácavh p̄ueno. Ubenita Jesúcapuravh p̄oevare Jūmenijicure jádovamenejame ocoque. Quénora ūja, ūi yávaiye méne beorí coyñicōjeimarare jádovacójenejame náre ocoque. Ina fariseo āmicuriyajubocavh, p̄oeva “Jesús obedivh ūi bueimara cūvabi Juan Bautista p̄ueno”, ne ari boroteiyede jápiarejaimada. ³ Jesús jápiayh bácu ina fariseova ne coreóvaiyede iye borore ūra, Judea āmicurörē dajocarī nuri, Galilea āmicurijoborōi nurejame. Aru ūque nurejcarā ūja.

⁴ Ūje nuiyede Galileai, Samaria āmicurijoborōi vaiye jaurejavh ūjare. ⁵ Vaidé nuri, Samariacarō ūmaro, Sicar āmicurímaroi ēmenejacarā ūja. Sicar bajita cūrejaquemavh no joborō, ūjeñecu mácu Jacob bácu ūi jíno mácarō ūi mácu, José báture. ⁶ Nore cūvh ne oco doaicobe, Jacob báchi oco doaicobe. Jāravh corica baji barejávh. Joa baju mari, darī, ueturejame Jesús. Que baru no oco doaicobe ēcarui dobarejame, jabuóvacuyh.

⁷⁻⁸ Ūi jabuóvaiyede, ūmaroi ēmeni nurejacerā ūja, ūje ārajiyede bojedárānuivh. Ūje nuriburu yóboi, oco doainore ēmeni earejacoda cūináco Samariacaco. Oco doacodado barejácoda.

—Oco, ji ūcuquiye jíjaco yure, arejamedá oco doacodadore Jesús.

⁹ Ubenita Samariacavhre judíova ne p̄uque ūbe boje, cuecumari dápiarī yópe arejacoda Jesúre:

—Judíobu mu. Aru yu Samariacacobu. ¿Aipe teni yure ūcuiye jēniañurh mu? arejacoda.

¹⁰ Ūre arejamedá Jesús:

—Jūmenijich mure jíjuroede majibevh mu. Yu mure ocore jēniañure, majibevh mu. Yure majico baru, “Ocore jíjach”, yure ajebu mu. Aru nópe jēniadore apure daiocore mure jíjebu yu, arejamedá ūre Jesús.

¹¹ Jesúre arejacoda:

—¿Aipe ayurh mu yure? Ūmujuri-cobebu yo. Aru mi oco doaquito cūvabevh mu. ¿Ari apure daicorore, mi ocore, íchuyurh mu? ¹² Dicobede jídejaquemavh majeñecu mácu, Jacob bácu. Javede ū mácu aru ūi mára mácavh yore ocore ūni ūcurejaquemavh. Aru jídejaquemavh ne oteiāimara mácavh. ¿Jacob bácu p̄ueno parucurh mu? arejacoda ūre.

¹³ Ūre arejamedá Jesús:

—Ácu p̄oecu ūcuñure oco dicobequede, bediôva cojedeca cūinóquiyebu ūre. ¹⁴ Ubenita ácu p̄oecu iye ocore, ji jíquicorore, ūcuñu máture cūinára, ye cūinómequiyebu ūre cojedeca. Ji jíquicoro oco p̄iapóinope teni, jāravh cūiméjāravh baquinóre cūvacuyhme ji jíquicorore ūcuñu mácu, arejamedá Jesús.

¹⁵ Ico nomió arejacoda:

—Jede, mi aicorore, iye ocore, jíjach yure caride. Ji ūcuojiye jíjach yure, bediôva cojedeca cūinómequiyepo auyh

yure aru ji oco doacodabecojiyepe ayu yore jāravha coapa, arejacoda ò.

¹⁶ Ói que arīburuta, óre yávarejamedá Jesús:

—Mimarepacure cutuconhaco m. Úre davajaco yure, arejamedá óre.

¹⁷ —Jimarepacu cübebi, arejacoda ò.

—Jáve adobu m. Mimarepacu baju cübebi. ¹⁸ Cūináprhure paivu ümava curíduavu m. Aru caricacu mi yóvaimh, mimarepacu baju ãmemi ù. Jáve baju adobu m, arejamedá óre Jesús.

¹⁹ —Yure Jūmenijicu yávaiyede coyu caipöecu batedébu m. ²⁰ Yore, yócacu cūracure Jūmenijicure mearore jíde-jaquemavu ñujeñecuva mácavu. Übenita "Jerusalévacari Jūmenijicure mearore jíye jañvu", adavu maja judíova, arejaco ñ.

²¹ Jesús arejamedá:

—Ji coyuñyede me jápiajaco. Jävetamu ji coyuñye. Apejárvanha daquijárvanha baquiyé pöeva Jūmenijicure mearore jínanümenajarama Jerusaléi aru dicu cūracui märe. ²² Maja Samariacavu maje mearore jímure majibevu maja. Übenita ñuja judíova majivu. Jūmenijicu ù daroimu mácu pöevare meadaipöecu ñujecu. Que baru majinineca Jūmenijicure mearore jívubu ñuja judíova. ²³ Ji aijárvanha daquijárvanha baquiyé jav eare nüivu. Dinum maquinóre pöevare mearore jíde dacuyume ñai Espíritu Santo Jūmenijicure yópe jáve coyuñyede. Pöeva nápe paivu quévura Úre mearore jíyurivare ubi Jūmenijicu. ²⁴ Jūmenijicurecabe cüre dayu caivure. Pöeva mearore jini majidivabu Úre, yópe jáve coyuñyede ñai Espíritu Santo ù nópe majide daiyede, ù náre cüre daiyequ mamaúmeque, arejamedá Jesús.

²⁵ Úre arejacoda:

—Majivu yu Mesíare, Jūmenijicu epeimure, pöeva ne aimure Cristo,

dacuyure. Aru ùi daquiyede, caiyede majare coyurí jebecuyume, arejacoda.

²⁶ —Yábu Cristo, mure boroteyu, arejamedá óre Jesús.

²⁷ Ico nomióre ùi que coyuñye bajure copaidarejacarã ñuja, ìmaroi cuivu bácavu. Pare dápiaivu ñuje jáyiye boje Úre boroteyure nomioque, "¿Aipe teni óque boroteyurú m?" ájúrorivu barejacará ñuja. Übenita Úre jeníari jámenejacarã. ²⁸ Ócapúravu õi oco doaibure noi ñóri, copainürejacoda õi curiímaroi. Noi nuri, earí, nócavure coyurejacoda:

²⁹ —Járadajará maja. ¿Yure ji teiyé báque caiyede coyuñu, Cristo báríca ù? arejacoda náre.

³⁰ Ói que arīburu yóboi, óque járadarejaquemavu diímarocavu.

³¹ Ìmarocavu ne edabede cäreja, ñuje bojedaiye báque ãiyede Jesúre aícojenidurejacarã ñuja.

—M, bueipöecu, ãiyede ãjacu m, arídurejacarã Jesúre.

³² —Muje majibede ãiyeye cüvavu yu, arejame ñujare Jesús.

³³ Aru ñuje bajumica boroteivu, jeníari järejacarã:

—¿Úre ãiyeye davaráma apevuh? arejacarã.

³⁴ Aru Jesús arejamedá:

—Maja ãiyede ãri bhojaríburu ümedaivu maja. Quédeca yu dayu yópe yure daroyu bácu ùi urópe aru bhojayu iye daiyede ùi daicōjeiye báquede yure, ümedaivu yu. ³⁵ "Yóvaichuvaivu aviáva buçuquiyebu maje ãiyeye", majidivu ne coyuño mácarópe aiyavu maja. Übenita yu coyuñubu majare. Æiyeye jéniumu jav eai. Änina majare edaivure jájara maja. Æiyede jéiyepetu na. Vea coboiyede jári, íye jañvu no. Quédecabu änina, majare edaivu. Vea coboiyepedeca javeta yure ju aivu barajárama na. ³⁶ Pöevare yure ju are dayu bácu ãiyede jéñu mácupedeca torojubi. Ùi memeiye boje, yure ùi

jü are daimarare torojübi. Pöevare järavü cüüméjärvü baquinóre cüvare daibi. Que baru torojübi ü. Jämenijicü yávaiyede coyurí báyü báçure, oteipöecüpe páyu, cadateibi pöevare yure jü are daipöecü. Aru pöeva ne jü aiyede torojüma ina pücarä.³⁷ Majidivü ne coyüino mácaröpe, “Cüinácu oteibi aru apecüta äiyede ími”, jävetamu no caride.³⁸ Äiyede jëivüre paivüre müssjare jaroyütamu yü, pöeva yure ne jü aräjiyeye ayü. Übenita müja ämeteavü mamarrumü Jämenijicü yávaiyede coyurí bivü náre. Müje jipocai Jämenijicü yávaiyede coyurí báquemavü apevu. Apevu ne coyüimara mácavüre yure jü are dajaraä müja caride. Jämenijicü yávaiyede jäpiariduivü bácvü yure jü ajaräri na, arejame Jesús ünjare majicayü.

Üi que aiyedata edarejaima ïmarocavü, Jesúque borotedo bácoi cutu-imara mácavü.³⁹ Öi aiye boje Jesúrää, “Ji teiye báque caiyede coyüibi”, obedivü Samariacavü jü arejaquemavü üre.⁴⁰ Que baru ne edaiyede üi yebai, “Ñu-jaque cüjacü cäreja”, arejaima Jesúre ina Samariacavü. Dinamü pücajärvavü náque cürejame Jesús, náre bueyü ne ïmaroi.⁴¹ Jesúque borotedo báco öi coyüiyede boje náre, üre jü arejaquemavü apevu. Übenita üque boroteivü obedivü baju barejáima üre jü aivü.

⁴² Que baru Jesúque borotedo bácore öi cuturí davaimara mácavü arejaima:

—Caride üre jü aivü ämevü ünja mi coyüiyede báque boje. Quénora üre jü aivübu ünje baju jäpiayede báque boje üi coyüiyede. Me majivü ünja Jesúre caivü pöevare meadaipöecüre, arejaima na.

Jesús üi meadaino jaboci mácure

(Mt 13.57; Mr 6.4; Lc 4.24; Jn 2.1-11, 23)

⁴³ Pücajärvavü náque curiburu yóboi, Galilea ämicuröi nürejacerä ünja cojedeca, Jesúque nüivü.⁴⁴ Javede

üvacari arejame ünjare: “Cübebi Jämenijicü yávaiyede coyücaipöecü üi joboröcavü ne puedaimü”, arejame ünjare Jesús.⁴⁵ Jipocamia, Pascua torojüve teinümüre, apevu Galileacavü nürejaquemavü Jerusalén ämicuriimaro. Nore Jesúre pöeva ne darü majibede dayüre jáivü bácvü barejáima. Que baru Jesús üi eaiyede ne joboröi cojedeca, üre torojürivü copü etarejaima nócavü.

⁴⁶ Oco báquede Jesús üi ücuiye daino mácaröi Caná ämicuriimaro, Galileacaröi, copainürejacerä ünja Jesújä cojedeca. Nore, Canái, cürejame cüinácu jabovacacü. Aru Capernaum ämicuriimaro cürejamedä üi mácu, pare ijeteuyü.⁴⁷ Que baru nai jabocü jápiayü bácu Jesúi copaiyede Galileaita, Judeare jocarü, jácudarejame üi yebai. Jesús yebai edarü, yópe arü jëniarejame Jesúre:

—Jímacü pare baju ijeteuyübe ü. Maumejeneca yaiquíjibi. Üre jácunuri, üre meadacajacü yure, arejame Jesúre nai jabocü.

⁴⁸ —Yure pöeva ne darü majibede dayüre jámevü baru, yure ye jü abenajaramu müja, arejame üre Jesúre.

⁴⁹ Übenita Jesúre nüicöjenidurejame nai jabocü.

—Maumena dajacü. Yáque jácudajacü mu, jímacü yaiquíyede jipocai. Yaibécübe cäreja jímacü, aridurejame Jesúre.

⁵⁰ Aru Jesús arejame üre:

—Meaquiyebu. Mi curöi copainüjacü mu caride. Mímacü yaibécübe, arejame.

Jesús üi coyüiyede jü arü, cüiná copainürejamedä nai jabocü.⁵¹ Üi curöi eare nüñüre copürejaimada üre memecaivü.

—Mímacü ümedabi ü, arejaimada üre.

⁵² —Aipiye bajure ümedari ü? jëniari järejamedä üre memecaivü.

—Enoa maredo, järavü corica yójiboi moino buruvü üre, arejaimada.

⁵³ Ne que aiyede, ñai jabocu coreóvarejamedá. Jesú斯 “Mímacu meacubé caride”, üi aiora bácarõre ñai jabocu mácu ūmedarejamedá. Dinumure ñai jabocu aru caivu üi cûramicavu máre Jesú斯 jü arejaimada.

⁵⁴ Judea ámicurõi cucus bácu, Galilea ámicurõi edarí, cucus, pöeva ne darí majibenore darejame Jesú斯. Jabocu máchre ūmedavainoque, pñque pöeva ne darí majibe bajure darí jádovarejame Jesú斯.

**Jesú斯 üi meadaino
nacajaiye majibecure**

(Jn 10.30-38)

5 No yóboi Jerusalén ámicurõimaroí ñuja judíova ñuje torojuve teino cûináro cûrejavü cojedeca. Que baru ñuja Jesújá máre no ímaroi jácunurejacarã. ² Diímaro biaido jedevacobe bajita, ovejava ne ecoicobe jedevacobena cûrejavü cûinábu cuyaibu. Judíova ñuje yávaiyeque dibu ámicurejavü Betesda. Dibu ëcarhi pöeva ne earí cûrâjinore cûinápurupe painoa jabuóvainoa cûrejavü. ³⁻⁴ Die jabuóvaiyena obedivu ijimara paraivu barejáima. Jári eabevu, cuiye majibevu, nacajaiye majibevu máre, ijimara coapa noi cûrejaima. Apenumua pâcarejavü dibu. Dibu oco pâcayiede coredejaima ina ijimara. Apenumua nore cûinácu ángele cavarõ mearo Jümenijichí curõre jocarí émeni darí, dibu ocire pâcovarejaquemavu. Üi ocire pâcovaiye bajure dibure cuyaräemejúrorivu barejáima ina ijimara. Mamarumucacu pâcovaiye bajure dibure cuyacubémeñu, cûiná ūmedarejame, áde ijiéde cucus bácvacari. ⁵ Ijimaracacu cûinácu treinta y ocho raijua baju corenidurejamedá, nore parayu. ⁶ Nomicata Jesú斯 earí, ñai parayure jári, coreóvarejamedá joe baju nore cucus. Que baru üre borotecunurejame.

—¿Ümedaiuyucurü mü? arejame Jesú斯.

⁷ Ñai ijimü arejame Jesúre:

—Jápijacu. Cainumua pâcovaiyede, ji cuyacubémejúroede, ji jipocai apecucapúravu nore émeni, turí cóvaibi. Yure ocire émevacayu cùbebi, arejame Jesúre.

⁸ —Nacajajacu mü, aru mi parainore cututurí, ñni, vaivári nujacu mü, arejame üre Jesú斯.

⁹ Quénora cûiná ūmedarejame ñai ijimü mácu. Üi parainore cututurí, ñni, vaivári nurejame ü. Jesú斯 üi nôpe dajáravu ñuja judíova ñuje jabuóvaijárauvu barejávü. ¹⁰ Que baru üre, ijimü mácure, coyurâearejaimada judíovai jabovacavu:

—¿Aipe ñaychü mü, mi parainore nôpe nûvañu? Cari járauvu maje jabuóvaijárauvu. Parainore nûvaicôjemenu-tamu, arejaimada üre ina jabova.

¹¹ —Übenita yure meadapõecu yópe abi: “Mi parainore cututurí, ñni, vaivári nujacu mü”, abi yure. Que barureca yu nûvañumu, arejamedá ñai ijimü mácu.

¹² —¿Ñame matedí mure que ayu? arí jeníari járejaimada na.

¹³ Übenita coyuie majibedejamedá náre. Üre meadari buojarínata, pöeva ne jéneboi bíjacunurejamedá Jesú斯, obedivu pöeva ne cüe boje nore. Que baru Jesúre coreóvabedejamedá ñai ijimü mácu. ¹⁴ No yóboi, Jümenijichí cûramita ijimü máchre copurí, yópe arí, coyurejame Jesú斯:

—Meabaju cucusnurejame mure. Caride mi ámeina teiye báquede dajocajacu. Cojedeca mü ámeina ñayu baru, pñeno ámeno ñajicuyumu mü, arejame üre Jesú斯.

¹⁵ Jesú斯 üi que aríburu yóboi, üre coreóvarejamedá ñai ijimü mácu. Cûiná, jabovare coyusnurejamedá:

—Yure meadayu bácu Jesúbe, arí coyurejamedá náre.

¹⁶ Que teni Jesúre pare cârijovari bûrejaima ñuje jabova, üre ñajine

dájurorivu ūi meadaiye báque boje ijimū máchre ñuje jabhóvajáravure.

¹⁷ Ne ñajine dájuroede ūre, Jesús náre yópe arí, coyurejame:

—Jipacu jabhóvabebi. Quénora cainumua cadatevaibi pöevare. Que baru yu máre cadateyubu náre, arejame Jesús.

¹⁸ Jesús ūi que aiye boje, pheo ūre boarí jarvaiyurejaima ñuya judíova ñuje jabova. Ūi dabe boje ne daicōjeiyepo jabhóvajáravure, ūre boarí jarvaiyurejaima. Übenita pare boarí jarvaiyurejaima ūre, “Jipacube Jümenijicu”, ūi aiye boje. Ne dápiaru, ūi que aino, “Jümenijicupe majicubu yu”, ayu barejáme Jesús.

Jesúre Jümenijicu ūi purucuvaiacōjeino

(Mt 3.17; Mr 1.11; Lc 3.22;
Jn 1.19-27; 3.27-30)

¹⁹ Jesús, yópe arí, coyurejame náre:

—Jáve coyuñubu mūjare: Yu, Jümenijicu mácu, ji baju jipacu coyuñbenore jaúrabeda dayu buojabevu. Quénora jipacu Jümenijicure jāñu, ūi daiyepedeca dayubu yu. Caiye iye jipacu daiyede yu, mamacu, máre daiyu diede. ²⁰ Pare ubi yure jipacu. Ūi daiye caiyede majicaibi yure. Pheo paruéde ji daquiyede jáðovachuyume yure jipacu. Muyavacari utarō cuecumarajaramu yure, jáðovaicōjecuyure jipacu. ²¹ Yópe yaivu bácvare jipacu nacovaiyepo yainore jarvvarí, nopedeca yu, mamacu, cire dayubu ina ji umarare. ²² Jipacu ãmemi coyuñuyu pöevare áde ne bojede ne daiye boje ijárvhi. Quénora yure, mamacure, coyuñcōjeimi diede náre. ²³ Ū que cōjeimi, caivu pöeva ne puedarajiyepo ayu yure ne puedaiyepedeca jipacure. Ácu pöecu puedabecu yure, mamacure, puedabebi jipacure máre, yure daroyu bácre ijárvhi, arejame Jesús.

²⁴ Náre coyure nurejame Jesús:

—Jáve coyuñubu mūjare: Ácu pöecu ji coyuñyede jápiayu baru aru yure daroyu bácre ju ayu baru, järavu cüiméjárvu baquinore cüvabi ū. Coatejárocu bácvacari Jümenijicure jarvvarí, ñájiñu macuyá ãmemi. Javeta järavu cüiméjárvu baquinore cüvabi ū.

²⁵ Jáve coyuñubu mūjare: Cüinájárvu daquijárvu baquinó javé eare nüinotamu ina coateivu Jümenijicure jarvvarí ne jápiarajiyede ji coyuñyede. Ina coateivu Jümenijicure jarvvarí yaivu bácvare paivutamu ne ūmei. Übenita ne jápiayede yure, Jümenijicu máchre, ju aivu baru ji coyuñyede, curajarama na. ²⁶ Yópe jipacu apure daiyepo pöevare, nopedeca yure, mamacure, apure daicōjeimi pöevare.

²⁷ Yurecabu Jümenijicu daroimu mácu ūmpre. Que baru Jümenijicu purucuvaiacōjeimi yure, ji coyuñquiyepo ayu caivu pöevare áde ne bojede ne daiye boje ijárvhi. ²⁸ Cuecumamejara mūja. Apejárvu baquinó eare nüinoi, caivu ina yaivu bácvu jápiarajarama ji coyuñyede. ²⁹ Aru nacajarajarama yainore jarvvarí. Ina meara mácavu nacajari, järavu cüiméjárvu baquinore cüvarajarama na cavarō mearo Jümenijicu curöi. Übenita ina ãmeina teivu bácvu nacajari, ñájinajarama cainumua toabo cüiméboi, arejame Jesús.

³⁰ Náre coyure nurejame Jesús:

—Ji baju jipacu coyuñbenore jaúrabeda dayu buojabevu. Quénora jipacu Jümenijicure jápiayu, ūi coyuñyepeda coyuñubu yu pöevare áde ne bojede ne daiye boje ijárvhi. Que baru ji coyuñyede nurié coyuñubu yu. Ji nöpe coyuñye nuriétamu, ji daiyube boje yópe ji baju uröpe. Quénora jipacu, ñai daroyu bácu yure ijárvhi, ūi uröpe dayubu yu. ³¹ Ji baju “Meacabu yu”, abevu. Ji que aru, “Übeni que

ayubé ū”, ajebu mūja.³² Ubenita yure apecuscaravu “Meacs bajutame Jesú”, aibi. Jävetamu ūi que aino.

³³ Mūjavacari mūje daroimaraque jēniari jáicōjeniduquemavu Juan Bautista yebai, yure majiyuriduivu. Aru Juan Bautista nāre jāve coyuquemavu.³⁴ Meavu no ūi coyuino. Ubenita yure coyucaipōecu jaubevu, ji jádovaquiyepo ayu ñamene yure. Juan Bautista ūi coyuino mácarōre coyuuyu batevá yu, mūje majinajiyepo ayu ñamene yure, ji meadaquiyepo ayu mūjare.³⁵ Yópe pēoibu jāre daiyepo pōevare, nopedeca yávaiyede jāvene majide dámē Juan Bautista. Nurinimare pēoibu pēoinope jádovariduame. Ūi que teiyede torojuteavu mūja mamarumure cāreja.³⁶ Ubenita ji baju daiyepo jádovaivu ñamene yure. Yátamu jádovañu Juan Bautista ūi jádovaino mácarō pñeno.

’Jipacuī daicōjeiyepeda yure, diedecabu ji daiye. Iye daiye jádovaiyetamu yure jāve jipacuī daroimu mácure.³⁷ Aru jipacvacari, ñai daroyu bácu yure, coyuhibi ji borore jāve. Ubenita jipacure jāmevu mūja. Aru jápiabevu mūja.³⁸ Yure, Jūmenijicu daroimu mácure, ju abevu mūja. “Jūmenijicure coyucaipōecbu mū”, yure aiyubevu mūja. Que baru ūi yávaiyede cūvabevu mūje ūmei.³⁹ Jūmenijicu yávaiyede ūi toivaicōjeiye báquede pare bueniduyavu mūja. “¿Jūmenijicu yávaiyede ūi toivaicōjeiye báquede bueivu, aipe darí jāravu cūiméjāravu baquinóre earājidi maja?” ariduyavu mūja. Aru diemiareca mūje bueiyepo ji borore jāve toivaiyebu.⁴⁰ Ubenita yure jéniaiyubevu ji cūvare daquiyepo aivu mūjare jāravu cūiméjāravu baquinóre, arejame nāre Jesú.

⁴¹ Nāre coyure nurejame Jesú:

—Pōeva ne mearore jíyede yure vobevu yu.⁴² Mūjare me majivu yu. Coreóvaivu mūjare Jūmenijicure

ubevure mūje ūmei.⁴³ Yore coyuicōjeni darorejame yure jipacu. Ubenita yure ubeni, copu etabevu mūja. Ubenita apecu ūi coyuicudaru ūi baju, jaúrabeda ūre copu etadarāmu mūja. Ūre jápiadarāmu. Ubenita yure ye jāpiaiyubevu mūja.⁴⁴ Mūje baju copu mearore jíyurivubu mūja. Mūje bajumia mearore jíyede vore cuivubu mūja. Ubenita ye vobevu mūja ñai Jūmenijicu cūinácura ūi jíquiyepo aivu mearore mūjare. Mūje nópe daiye boje, ji coyuhiyede jāve ju arí bñojabevu mūja.⁴⁵ Ubenita dápiabejarā mūja ubenina. Yávacari ãamevhu boro coyurí adacuyu mūjare jipacu jainore. Moisés bácu, ñai mūje coreimu cadatecuyure, ūrecabe boro coyurí adayu mūjare, mūje jápiabení ju abe boje iye borore, ūi toivaino mácarōre.⁴⁶ Moisés bácu ji borore toivarejaquemavu. Que baru mūja jāve ju aivu baru ū mácure, yure máre ju ajebu mūja.⁴⁷ Ubenita mūje ju abe boje ūi toivarí coyuhiye báquede, ji coyuhiyede máre ju abevu mūja, arejame nāre Jesú.

Jesús ūi äre daino cūinápurupe paimil baju ūmuvare

(Mt 14.13-21; Mr 6.30-44; Lc 9.10-17)

6 No yóboi jiadocuī jaturí, macajitabu urabu Galilea ãmicurijitabure jatarí nurejacarā ñuja Jesújā pü apeduveita. Dibuvacari Tiberias máre ãmicuvu.² Ñuja jataivuque darejaima pōeva obedivu. Ne ijimarare meadayure jáiye báque boje, pōeva ne darí majibede jádovaiyede jáivu bácvu Jesúque darejaima.³ Macajitabu urabure jataivu bácvu, cūracu pñenoi muri dobacunurejame Jesú, ñuja ūi bueimaraque.⁴ Pascua ãmicurijárvu baquinó, ñuja judíova ñuji teinumu maquinó eare nuino marejávü.⁵ Dicu pñenoi dobacu, pōeva obedivure ūra mure daivure járejame Jesú.

—Que pōeva obedivu dare daivu jároma. ¿Ne ārajiyede āri bojedarājídica majā? jēniari jārejame Felipede Jesús.

⁶ Que arejame Felipede. Aipe ārojae ūi ju ainore jápiraiuyus barejáme, ūre que ayu. Felipede ūi jēniari jāquiye jipocamata, jāve majidejaquemavu Jesús aipe ūi daquiyede. ⁷ Felipe arejame:

—Tāuturaque doscientos pajāravu memeiye báque bojeque ne ārajiye quíjie baju pāure bojedarī bhojabevu majā, arejame Felipe Jesúre.

⁸ Apecu ūujacacu, Jesúi bueimara-
cacu, Simón Pedroí yócu Andrés, are-
jame Jesúre:

⁹ —Pōevaque dayu bácu jueðocu
páuboa cūináþurupe paiboa cebada
āmicue oteiyeque ne daiboa báquede
aru moajina phcajina ne joaimara
mácavure cūvabi ū. Ubenita pōeva
obedivure eabequiyebu āru, arejame
Jesúre Andrés.

¹⁰ —Pōevare dobaicōejara muja, are-
jame Jesús ūuja ūi bueimarare.

Cōriá meacōria currejavu nore. Que
baru cōriá puenora dobarejaima
na. Nácavu ūmuvacari cūináþurupe
paamil baju barejáima. Aru nomiva,
jueðova máre, obedivu currejaima.

¹¹ Pōeva ne dobariburu yóboi, Jesús
páuboare jēni, torojuede jídejame
Jāmenijicure. Torojuede jíni bhojarī,
páuboare cotuvari jebeni, ina
dobarivure jícojenejame Jesús ūujare,
ūi bueimarare. Aru moajinare máre
quédeca darejacarā ūuja. Ne urōpe
ārejaima ina pōeva. ¹² Ne āriburu yóboi,
Jesús arejame ūujare, ūi bueimarare:

—Pōeva ne āri oabede ijara muja,
maje bíjare dabenajiyepo aivu āiyede,
arejame Jesús.

¹³ Que baru īni, meadari iye ce-
badaque ne daiboa báque páuboaje-
veare pōeva ne āri oabe báquede pue-
bu doce paibuare buivárejacarā. ¹⁴ Ina
pōeva jāivu bácu ūi pōeva ne darī ma-

jibenore, Jesús ūi daiyede, yópe arī būre-
jaima ne bajumia:

—Jāve ūaime Jāmenijicui yávaiyede
coyucapóecu bacuyá, edacuyu me
ijāravure ne ávaimu, aivu barejáima na.

¹⁵ Ūre que aivare majidejaquemavu
Jesús. Aru ne jēni jabojacoyede máre
majidejaquemavu ū. Que baru náre jo-
carī cūinácvu muri nurejamedá cūracu
puenoi, dupiyu náre.

Jesús ūi cuino oco puenora

(Mt 14.22-27; Mr 6.45-52)

¹⁶ Nēmié tuiyede macajitabu
urabu ūmenejacarā ūuja, Jesúi
bueimara. ¹⁷ Nore jiādocu jaturī
nuri, macajitabure jataridurejacarā,
Capernaum āmicuriímaroi ūjorivu.

Que teicavure nainéjavu. Aru Jesús
dabedejame cāreja ūuje yebai.
¹⁸ Úmevu ūujare edarī, jasurejavu. Pare
pācarejavu macajitabu urabu ūujare,
jatajorivure. ¹⁹ Ūuja pare doarī,
nájini, cūináþurupe paikilometros baju
nuri, macajitabu urabu puenora vaivári
darejame Jesús, ūuje yebai dayu. Ūre
jāri, urarō jidurejacarā ūuja. ²⁰ Que
teivure jāri, ūujare yávarejame Jesús:

—Yu Jesútamu. Jidubejarā muja, are-
jame ūujare.

²¹ Ūi que arīburu, torojue “Jatujacu”,
arejacarā. Ūi jatuiyedata ēcaru ūuje
earājinore cūiná datuórāearejacarā ūuja.

Pōeva ne voino Jesúre

²² Cōmiájjāravu Jesúre voridure-
jaimada na macajitabu urabu ūcaru
mauteivu bácu, ūi ūoimara máca-
vus. Majidejaimada jiādocu cūinácvu nore
curicu mácarore no jipocacajāravure.
Aru majidejaimada ūuja ūi bueimaraque
nuñechu bácuré máre. Que baru apecu
ūi jatajoricu cūbedejavu. ²³ Ne
voiyede apecu jataivu bácu Tiberias
āmicuriímarocavu parānurejaimada.
Jesús Jāmenijicure torojuede jiniburu

yóboi pőevare páuboa ne ārajiboa jíno mácarō joabejínoi tuijarejaimada. ²⁴ Jesúre aru ñujare ūi bueimarare máre eabeni, edaicúa máquede jaturejaimada ina ēcaboi c̄urivu bácvu. Macajitabu urabure jatarī nuri, Capernaum āmicurímaroi earejaima na, Jesúre voivu.

Jesús ūi couyino pőevare apure darī āiyepē

²⁵ Dibure jataivu bácvu Jesúre earī, jēniari jārejaima ūre:

—Mu, bueipōecu, ɬaiipyē bajure iduvei jatacurū mu? arejaima.

²⁶ Jesúcapūrvu, yópe arī, couyrejame náre:

—Jāve couyubu mūjare: Yure vorādabevu mūja, mūje jápiarī eaiye boje ji jādovaiyede pőeva ne darī majibede ji daiyede. Quénora yure vorādadavu mūja, mūje āri yapiye báque boje. ²⁷ Yóque āiyepojeiyebu. Die matuiyeda memeni vobearā mūja. Quénora iye āiyepojeiyebu. Die matuiyeda memeni vobearā mūja. Quénora iye āiyepojeiyebu. Die matuiyeda memeni vobearā mūja. Diedecabu yu, Jūmenijicu daroimu mácu ūmūpe, ji jíquye mūjare, jipacu Jūmenijicu ūi jādovaiyede boje ūi mearo jāiyede yure, arejame Jesús.

²⁸ Ūre jēniari jārejaima:

—¿Aipe daiye jaūri ñujare, ūuje darājiyepo aivu yópe Jūmenijicu ūrōpe? arejaima.

²⁹ Jesús arejame:

—Yo cūináro daiye jaūnu mūjare, darājivu yópe Jūmenijicui ūrōpe. Ju ajarā yure, ūi daroimu máchre, arejame.

³⁰ Ūre arejaima:

—¿Yéde pőeva ne darī majibede dacchuyru mu, ūuje jāriburu yóboi ūuje majinajiyepo ayu jāvene mi couyiyede? ¿Ádepe paibea mi daiye? ³¹ Majeñecuva mácvu ne chede pőecubenoi maná āmicue āiyede ārejaquemavu na mácvu. Que darejaquemavu yópe Jūmeni-

jicu toivaicōjeiye báquepe ūi yávaiyede: “Cavarō mearo Jūmenijicu c̄urōre jocarī ūiyede jōdavari darorī jídejaquemavu náre”, arī toivaicōjenejaquemavu Jūmenijicu, arejaima Jesúre.

³² Aru Jesús ju ayu arejame náre:

—Jāve couyubu mūjare: Moisés bácu āmenejaquemavu ūai jōdavari daroyu bácu ūiyede cavarō mearo Jūmenijicu c̄urōquede. Quénora jipachrecabe ūai jōdavari daroyu bácu ūiyede bajure cavarō mearoquede. ³³ Cavarō mearoque ūiyede Jūmenijicu ūi daroilye me bajutamu. Iyetamu pőevare c̄ure daiye jāravu cūiméjārvu baquinóre, arī couyrejame Jesús.

³⁴ —Ūuje jabocu, iye ūiyede jíjacu ūujare cainumha, arejaima ūre.

³⁵ Jesús arejame náre:

—Yurecabu iye ūiyede. ūiyede pőevare jāve c̄ure dayubu yu jāravu cūiméjārvu baquinóre. Yópe pőecu ūri bhojarī, ūre ūvúe ijibepo, nopedeca ácu pőecu yure yóvacudayu baru, ūre ye jaūbequiyebu cainumha ūi ūmei. Aru yópe pőecu ūcuri bhojarī, ūre cūinómepe, nopedeca ácu pőecu yure ju ayu baru, ūre jaūbequiyebu cainumha ūi ūmei. ³⁶ Ūbenita yópe ji mūjare ávarepe, yure jāivuvacari ju abevu mūja.

³⁷ Yure jipacu ūi ju are daimara coapa yure yóvarī c̄urājarama. Aru jāve náre coapa ju arī jacobusyumu yu. ³⁸ Cavarō mearo Jūmenijicu c̄urōi c̄uchu bácu yore ēmechudarejacacu yu, dacchuyu jipacu, yure daroyu bácu, ūi ūrōpe. Ji ūrōpeda dacchuyu āmenejacacu yu. ³⁹ Yópe ubi ūai yure daroyu bácu: Caivu ina yure ūi ju are daimarare coreiye jaūnu yure, ne bíjabenajiyepo ayu, aru ji nacovaquiyepo ayu náre coapa yainore jarūvarī ānijāravu bhojaquijārvu baquinóre. Que dainore ubi ūai daroyu bácu yure. ⁴⁰ Jipacu ubi caivu pőeva yure jāri, coreóvarī, ju aivure ne cuvarājiyepo ayu jāravu cūiméjārvu baquinóre. Aru yú-

vacari náre nacovacuyumu yainore jaruvareñi ãnijáravu bhojaquijáravu baquinó, arejame Jesús.

⁴¹ “Cavarō mearoque ãiye bajutamu yu”, ūi aiyede jápiarí, Jesúre jorojíne-jaimada nócavu judíova, ne bajumia jújuvaivure úra.

⁴² —Nai Jesús José bácu mácutame. Aru jípacore máre coreóvadavu majá. ¿Aipe teni, “Cavarō mearo Jümenijichí curóre jocarí ëmeni darejacacu yu”, arí bhojaidi ū? arejaimada na, ne bajumia boroteivu.

⁴³ Quénomia Jesús arejame náre:

—Muje bajumia jorojíni ãmeina yávabejará yure. ⁴⁴ Náme dabenama ne baju yure yóvarádaivu jípacu, yure daroyu báchi náre daicójemenu. Jípacurecabe yure darocaipöecu, ji nacovaquiyepé ayu ina pöevare yainore jaruvareñi bhojaquijáravu baquinóre. ⁴⁵ Javede Jümenijichí toivaicójenejaquemavu ina ūi yávaiyede coyucaipöeva mácavure yópe arí: “Pöeva caivure buechuyume Jümenijichí”, arí toivaicójenejaquemavu. Que baru caivu ina jípacu bueiyede jápiarí adarí, ju aivu, yure yóvarádaivubu na, arejame Jesús.

⁴⁶ Náre coyucre nurejame ū:

—Ji nópe aiyequé, “Jümenijichí jádaima pöeva”, aiyetu ãmevu yu. Yurecabu Jümenijichí yebai chetu bácu, ūi daroimu mácu, cüinácura ūre jáñu mácu. ⁴⁷ Jäve coyucre mühare: Caivu pöeva ju aivu yure járavu cüiméjáravu baquinóre cüvarajarama. ⁴⁸ Yútamau ãiyepé páyu. Jäve pöevare cure dayabu yu járavu cüiméjáravu baquinóre. ⁴⁹ Mühenechuva mácavu ne chede pöecubenoí ávarejaquemavu manáre. Aru diede aivu bácvavacari buechuteni yaidéjaquemavu. ⁵⁰ Ubenita ji coyucre ãiyebu, cavarō mearo Jümenijichí curóí ãmeni daiye báque ãiye. Mühenechuva mácavu ne ãiyepé báquepe paiye ãmevu die. Na mácavu aivu bácvavacari buechuteni yaidéjaquemavu. Ubenita ácu pöecu ūi ji cari coyucre ãiyede chuchuyume cainumua, arejame Jesús.

Coatebechuyume Jümenijichíre jaruvareñi. ⁵¹ Yútamau iye cavarō mearo ãmeni daiye báque ãiye. Ácu pöecu iye ãiyede ū maru, chuchuyume cainumua. Iye ãiye ji jíquiye ji bajubu. Ji bajure jíchuyumu caivu pöevare boje, ne curajiyepé ayu mamaúmeque, arejame Jesús.

⁵² Jesús ūi que aiyede, ina judíova ne bajumia boroteni büréjaima, ūre jaraivu, ūi nópe aiye boje.

—¿Aipe dárí majare ūi bajure ãicójeni bhojaquidica ūi? arejaima.

⁵³ Yópe arí, jévari coyurejame náre Jesús:

—Jäve coyucre mühare: Yábu Jümenijichí daroimu mácu ūmupe. Ji jiarure ãmevu baru mühja, aru ji jivede máre ūcumevu baru, cübenajaramu mühja mamaúmeque. ⁵⁴ Ácu pöecu ji jiarure ū maru mácu aru ji jivede máre ūcumevu mácu járavu cüiméjáravu baquinóre chuchuyume. Aru yávacari ūre nacovacuyumu yainore jaruvareñi ãnijáravu bhojaquijáravu baquinóre.

⁵⁵ Áiye bajutamu ji jia. Aru ji jive máre ūcuiye bajutamu. ⁵⁶ Ácu pöecu ji jiarure ū maru mácu aru ji jivede ūcumevu mácu chibi yáque, aru ūque cüvnu yu máre. Cüinávape cüvnu ūja.

⁵⁷ Jípacu, ūi pöevare apure dayabu mamaúmeque, darorejame yure aru apure darejame. Nopedeca ácu pöecu yure ū maru máchre, ūre apure dacchuyumu yu. ⁵⁸ Iye ji coyucre ãiyebu cavarō mearo Jümenijichí curóí ãmeni daiye báque ãiye. Mühenechuva mácavu ne ãiyepé báquepe paiye ãmevu die. Na mácavu aivu bácvavacari buechuteni yaidéjaquemavu. Ubenita ácu pöecu ūi ji cari coyucre ãiyede chuchuyume cainumua, arejame Jesús.

⁵⁹ Capernaum ãmicuríímaroi chuchuyume, judíovai cójijiñami pöevare bueyuu, nópe coyucre Jesús.

**Jesús ūi bueino jāravu
cūiméjāravu baquinóre**

(Mt 16.16; Mr 8.29; Lc 9.20)

⁶⁰Jesús ūi nópe bueiyede maiyójeda dápiarī, yópe arejaima ūi bueimara obedivu.

—Maiyójarō baju bueibi. Nore jápiari coreóvabevu ñuja, arejaima na Jesúre buejúrorivu ne bajumia.

⁶¹Jesús, coreóvayu jorojívure ne bajumia jūjuvaivure ūra, jeníari járejame náre:

—¿Cari muijare ji bueiye boje ámeina jáivurū yure? ⁶²¿Yure, Jümenijicui daroimu mácure ūmupe, ji curō mácaroi ji muiyede jáivu baru, aipe dápiaje báraca muija? ⁶³Jümenijicui Espíriturecabe pöevare cure dayu jāravu cūiméjāravu baquinóre. Pöeva ne baju apevu pöevare cure daiye majibema. Iye cari ji coyuhiyeque, yurecabu muijare cùvare dayu Jümenijicui Espíriture, nái pöevare cure dayure mamaúmeque ne ju aiyede yure. ⁶⁴Ubenita apevu muijacavu yure ju abema cäreja, arejame náre Jesús.

Úi buení buijárávus bácarore jipocamata, Jesús coreóvarejamedá ñame ūre ju abenajívure aru ácu pöecure ūre jénene dacchuyre ūi mauvare máre.

⁶⁵Jesús arejame náre cojedeca:

—Caivu ámevu muija ju aivu yure. Que baru coyuhyabu muijare: Ácu pöecu cubebi ūi baju yóvacudayu yure, ju acchyu jipacui ūre daicōjemenu. Jipacurecabe pöevare ji yebai darorí ju aredayu, arejame.

⁶⁶Dinumumia Jesúque buejúrorivu bácavu ūre dajocarejaima. Quénora úque cubedejaima. ⁶⁷Que teiyede jári, ñuijare, ūi bueimarare, ñuijá doce paivu bajure, yópe jénari járejame:

—¿Muija máre yure dajocaiyurivurū? arejame ñuijare Jesús.

⁶⁸Yópe arí darorejame Jesúre ñuijare Simón Pedro:

—Mu, ñuije jaboci, mítamu ñuijare jāve baju bueiyede coyuhyu. Mi coyuhiyeque ñuijare cure daiyu mu jāravu cūiméjāravu baquinóre. ⁶⁹Javeta mure ju adavu ñuija. Mure coreóvaivabu Jümenijicui mácu meacu bajure, arejame Pedro Jesúre.

⁷⁰Jesús arejame ñuijare:

—Mujare doce paivure beocacu yu. Ubenita cùinácu muijacacu abujuvai jabochi cōjeimume ū, arejame ñuijare ūi bueimarare.

⁷¹Jesús que ayu, Judas, Simón Iscarioei mácu, ūi daquinore coyuhyu barejáme. Judas Jesúi bueimu mácuvacari, Jesúre jénene dacchuyu barejáme ūi mauvare.

Jesúi yóva ūre ne ju abeno

7 No yóboi Galilea ámicurōcarða ímaroa coapa cucuñu marejáme Jesús. Ubenita Judea ámicurōi nuiyubedejame, nócavu judíova ñuije jabova jorojini ne boaiyue boje ūre. ²Ñuija judíova ñuije torojave teinumu, úcua daiñumu, eare náino marejávuu.

³Que baru Jesúre nuiçójeivu, ūi yóva arejaimada:

—Yui mautebejacu mu. Quénora nuijacu Judeaita, ina nócavure mi bueimara máre ne járajiyepo aivu mi daiyede. ⁴Pöecu úcu baru apevu ne coreóvaiyede ūre, ūi daiyede dabebi yavenina. Que baru na caivure mi paruéque mi daiyede jádovacuñiacu mu, ámiyó, arí coyurejaimada ūi yóva.

⁵Dinumure ūi yóva Jesúre, “Jümenijicui mácubu mu”, abedejaimada. Que barureca Jesúre nópe arejaimada.

⁶Náre, yópe arí, coyurejamedá Jesús:

—Yure ji náino eabevu cäreja. Ubenita muijare, muije nuiyurinumu naru, meavu. ⁷Muijare cōenímema ina Jümenijicure ju abevu. Ubenita yure

jáiyubema Jūmenijicure jū abe pōeva. Nāre ne āmeina teiyena coyuivn yu. Que baru yure jáiyubema.⁸ Mujavacari torojuve teiyede járanujara. Yu nūmevu cāreja, ji nūquino eabe boje, arejamedá Jesús.

⁹Nópe arī coyuuyu bácu ūi yóvare, Jesúcapúravu maute dejame apejāravu no Galilea āmicrōmia.

Jesús ūi coyuino judíovai úcūa daino ne torojuve teinoi

(Jn 5.9)

¹⁰Ūi yóva ne torojuve teiyede járanuriburu yóbore, Jesús máre nore jácunurejame. Aru ārojamejiena earejame ū. ¹¹Torojuve teinumure Jesúre pare vorídurejaimada ñuja judíoya ñuje jabova.

—¿Ári curi ñai? arejaimada na.

¹²Úbenita ina pōevacapúravu ne bajumia boroteivu barejaimada ūi borore:

—Meacube ū. Pōevare cadateibi, arejaimada.

Úbenita apevu pōeva:

—Āmecube ū. Jújovaibi majare, arejaimada na.

¹³Ñuje jabovare jidurína, bídeca nuri, borotedejaimada na.

¹⁴Torojuve teino corica tūvaiye bajure, Jūmenijicu cūrami nūrejame Jesús. Nore ecorī, pōevare buenibárejame ū.

¹⁵Úre jápiaivu, ñuje jabova cuecumari arejaima:

—¿Buebecu bácvacari, aipe teni caiye iye jaubeda majidi ñai? arejaima.

¹⁶Jesús náre yópe arī, coyuřejame:

—Ji bueiyede ji bajuma majibevu yu. Quénora yure daroyu bácube yure majide dayu. Ū jiede bueyabu yu. ¹⁷Ácu pōech Jūmenijicu үrōpe daiyucu baru, coreóvacuyume ároque ji bueiyede. Ji buedu Jūmenijicu majiéque o ji bajumajiéque, coreóvacuyume. ¹⁸Ácu pōech ūi bajumajiéque yávayu vorídubu pōeva

ne puerdarājiyepe ayu ūre. Úbenita ácu pōech voyu pōeva ne puerdarājiyepe ayu ūre daroyu bácre, ūrecabe coyuuyu jāve, ye borocubecuva.

¹⁹Moisés bácu barejaquémavu mujare Jūmenijicu daicōjeiyede coyuuyu. Úbenita ácu mujacacu ūi toivarī epeiyebáquepe ju arī dayu cübebi. ¿Aipe teni yure boarí jaruvaiyurivu mūja? arejame Jesús ñuje jabovare.

²⁰—Abujucu cubi máque. ¿Namema boaiyurivu mure? arejaima ina pōeva obedivu.

²¹Jesús arejame náre:

—Cūinájāravu mūje jabuóvaijāravui cūináro ji daino mácarōre mūje darī majibenore cuecumavu mūja. ²²Mūja buraicōjeivaivubu mūjemara ūmu juedovare ne cajede jabuóvaijāravui, ocho pajāravu baru ne pōeteniburu yóbore, yópe Moisés bácu ūi daicōjeiyebáquepe. Úbenita Moisés bácu āmenejaquemavu buraicōjeni báyu. Quénora majeñecuva mácavu, Moisés bácu ñecuva mácavu barejaquémavu ūmuvaí cajede buraicōjeni báivu. ²³Mūja máre buraicōjeivu mūjemara ūmu juedovai cajede mūje jabuóvaijāravui, darājivu yópe Moisés bácu ūi daicōjeiyepo. ¿Dinumu aipe teni jorojīvurū yure ji meadaiye báque boje cūinácu ijimu mácu bajure maje jabuóvaijāravui? ²⁴Coyurí dajocajarā mūja apecu meacure o āmecure ūi ārojae bojeda. Quénora dápiajarā apecu meacure o āmecure ūi jāve daiye boje, arejame Jesús.

Jesús ūi coyuino ūi daino mácarōre

²⁵Jesús nópe ayure jápiaivu, Jerusalén āmicurímarocavu arejaima:

—¿Ñai āmeni maje jabova pare ne vóvaimu boarí jaruvaiyuriduivu? ²⁶Járijide apa. Maje coricai majare bueybē ū. Úbenita aipe abema maje jabova. “Cristo, Jūmenijicu epeimu bajube ū”, adarāma na.

²⁷ Cristoi daiyede ñame majibena-jarama árocacure. Ùbenita ñai Jesús ùi chro mácarõre majivu maja, arejaima ìmarocavu.

²⁸ Ne que aiyede coreóvayu Jesús, bueyuvacari Jümenijichí cûrami, yópe arí darorejame bujíe:

—Yure aru ji daino mácarõre majivu maja. Ùbenita ji bajuma ji ma-jíequedabedejacach yu. Quénora dare-jacach yu apecu ùi daroimu mách. Útame borocabecu. Úrecabe maje coreóv-abem u máre. ²⁹ Útame daroyu bácu yure, úque cuchu bácre. Que baru yure-cabu úre me coreóvayu, arejame Jesús.

³⁰ Dinumure Jesúre jení jacojúrорivu barídurejaima ñuje jabova. Ùbenita úre ne jénajíjárvu ámenejaquemavu cäreja. Que baru Jesúre ñame jémenejaima. ³¹ Obedivu ina pöevacavu Jesúre ju aivu, yópe arí, coyuvinu barejáima:

—Cristo, Jümenijichí daroimu macuyá, ùi daquiyede jáve pöeva ne ðarí majibede jádovañu baojabejebu Jesús pheeno. ¿Mácarí? arejaima ina pöeva obedivu.

Jesúre fariseova ne jení jacoicójeniduino

³² Ne que aiyede Jesúi borore jápiari fariseovacavu, ina fariseova aru sacer-dotevare jaboteipöeva máre Jümenijichí cûramine coreipöevacavure jení jacoicó-jenidurejaima Jesúre. ³³ Dinumure Jesús yávayu, pöevare arejame:

—Majióvarõ bajura cuchuyumu muaque. Quíjino bajura jañvu yure ji copaini nüquino yure daroyu bácu yebai. ³⁴ Dinumu maquinóre pare vorájaramu maja yure. Ùbenita ji nüquinore nüye majibevu maja. Que baru eabenajaramu yure, arejame náre Jesús.

³⁵ Que ayure, ina judíova ñuje jabova ne bajumia yávavu arejaima:

—¿Ari nüquidica ñai, ñuje eabenajiyepu ayu úre? ¿Apeno joborõi,

majevu ne cárñuñímaro mácarõi, cuchuyuquidica ù, buecuyu nócavu judíova ámevare? ³⁶ “Yure pare vorídurájaramu maja. Ùbenita ji nüquinore nüye majibevu maja”, aibi. ¿Aipe aiyurõ márica no ùi que aino? arejaima ne baju.

Jiape cure daiocore Jesús ùi jícaquinore ùi coyuño

(Jn 4.10-14)

³⁷ No torojuve teino baojaijárvu pheeno meajárvu barejávü. Dijárvure Jesús nacajari núc, yópe arí darorejame bujíe:

—Ácu pöecu pare cüvaiyucu baru járvu cüiméjárvu baquinóre yópe pöecu cüinóim u ùi pare ücuiyepo ocore, ju ajacutí yure. Aru yópe ji jíjuroepe ocore cüinóimure, nopedeca úre cure dacuyumu yu járvu cüiméjárvu baquinóre. ³⁸ Yópe arí, toivaicójenejaquemavu Jümenijichí ùi yávaiyede: “Ácu pöecu yure ju ayu bácre cure dacuyumu yu mamaümeque yópe cure daioco píapóri daiyepo”, arejame Jesús.

³⁹ Nópe ayu, Espíritu Santo ùi borore ayu barejáme Jesús. Caivu Jesúre ju aivu jacopivnu barajárama ñai Espíritu Santore. Dinumure Jümenijichí Espíritu Santore darobedejaquemavu cäreja, Jesús ùi muri nüme boje cäreja, mearore cu-vachuyu cavarõ mearo Jümenijichí chroí.

Jesúre judíova ne cüináturura yávabeno

⁴⁰ Apevu ina obedivu pöeva ne jápi-aríburu yóboi Jesús ùi que aiyede, ne bajumia boroteivu arejaima:

—Jáve ñaime Jümenijichí yávaiyede coyucaipöecu bacuyá, “edacuyu” ne ávaimu, arejaima apevu.

⁴¹ Apevu nácavu arejaima:

—Ñai Jümenijichí daroimu mácu-be Cristo baju, arejaima.

Ubenita apevu nácavu arejaima:

—Cristo baju Galileacacu āmecuyume. ⁴² David báchi pāramecu bacuyume Cristo baju. Belén āmicuriumarocacu, David báchi curiumaro mácarōcacu bacuyume Cristo. Que arī, toivaicōjenejaquemavu Jūmenijicu ui yávaiyede, arejaima apevu pōeva.

⁴³ Que baru Jesúre cūináthura yáv-abedejaima pōeva. Cūináthu āmene-javu ne ūme. ⁴⁴ Jesúre jení jacoiyure-jaima apevu nácavu. Ubenita ñame ūre jémenejaima.

Jesúre judíovai jabova ne ju abeno

(Jn 3.1-2)

⁴⁵ Que teiyede Jūmenijicu cāramine coreipōevacavu Jesúre jení jacoicōjeniduimara mácavu copainurejaimada fariseova aru sacerdotevare jaboteipōeva yebai.

—¿Aipe teni Jesúre jémetenaru muja? arejaimada náre ina fariseova aru sacer-dotevare jaboteipōeva.

⁴⁶ —Ui bueiyepe couyuure ñuja ye japiabevu. Que baru ūre jení davabetevu ñuja, arejaimada ina coreipōeva.

⁴⁷ Quénomia ina fariseova arejaimada:

—Muja máre ui jujovaiyede ju arebu muja. ⁴⁸ Ñuja fariseova aru ina jabova máre ye ju abevu Jesúre. Ye ñujacacu cūinávu ūre ju abebi. ⁴⁹ Ubenita pōe-vacapūravu Jūmenijicu daicōjeiyede ui toivaicōjeiyeb*u* báquede Moisés bácu re majibema na. Ne majibe boje, Jū-menijicu ñajine daimara marajárama na toabo cūiméboi, arejaimada ina fariseova.

⁵⁰ Fariseovacacu Nicodemo, Jesúre boroteyu báchi jipocamia, c̄urejamedá náque. Aru apevu nore c̄urivure arejamedá ui:

⁵¹ —Jesús ui boro bajure coyuubebi c̄areja. Nópe páyure pōecure ñajine daicōjemevu Jūmenijicu daicōjeiyeb*u* ui

toivaicōjeiyeb*u* báque majare. Ui baju coyuuiyede jápiaiye javu majare, maje majinajiyepe aivu yéde ui daiyede, arī-durejamedá Nicodemo.

⁵² Ūre arejaimada na:

—¿Mu máre Galileacacuru? Jūmenijicu yávaiye ui toivaicōjeiyeb*u* báquede me buejacu mu, majicuyu. Áv Galileacacu Jūmenijicu yávaiyede coyuucaipōesu c̄ubevaibi ui, arejaimada Nicodemore ina fariseova.

⁵³ Que arī, ne c̄aramia coapa co-painurejaimada na.

Cūináco nomió c̄ucore bácore apecuque jímarepacure jaruvarí

8 Pōevare coyuuri bubaru c̄ucracu Olivocu āmicuricu*u* muri n̄urejame Jesús. ² Cōmiáijárvu javejína, Jūmenijicu c̄aramine copainurejame Jesús. Ui yebai darejaima obedivu pōeva. Que baru dobaru, ūre edaivure bueni bárejame Jesús. ³ Ui bueiyede, Jūmenijicu yávaiye báquede bueipōevacavu aru fariseovacavu máre cūináco nomió ne eaimo máco c̄ucore apecuque, jímarepacure jaruvarí, davarejaima Jesús yebai. Óre núicōjenejaima ina obedivu pōeva ne coricai.

⁴ Aru arejaima Jesúre:

—Mu, bueipōecu, ico nomió jímarepacure jaruvarí apecuque c̄ucore eavu ñuja. ⁵ Moisés bácu ópe pādore c̄uraboaque durení boaru jaruvaicōjenejaquemavu, yópe Jūmenijicu daicōjeiyepe. ¿Aru mácapūravu aipe ayuu mu óre? arejaima Jesúre.

⁶ Que aivu ūre jujovarídu-rejaima, boro coyuuri adaiyuridurajivu ūre, ui vainí tājuroede ne daicōjeiyede. Ubenita Jesús nacachini, joborōi āmuyoque toivarejame. ⁷ Ui que daiyede, Jesúre jeníari járanurejaima

na. Ne que teiyede nacajari, nūri, arejame nāre:

—Jede, mūjacacu āmeina tebecu bácu bajacúrī mamarūmu durení báyū óre cáraboaque, arejame Jesús.

⁸ Que arī, bedióva cojedeca nacachini, joborōi toivarejame. ⁹ Nópe ūi aiyede jāpiaivuva, cūinácu, cūinácu etarī nurejaima na, Jūmenijicu yávaiye báquede bueipōeva aru fariseova máre. Ne pheño būchucu mamarūmu aru ūi cāchinocavu ūi yóbo etarī nurejaima. Pū mautedejacarā nūja, Jesúsjā, ico nomiōque. ¹⁰ Cojedeca nacajari, nūri, arejame óre Jesús:

—¿Mure boro coyurī adariduvu ūri curi na? ¿Mi āmenore daiye boje, pōecu cūbedi mure nājine dayu? arejame óre.

¹¹ —Cubebi, ji jabocu, arejaco ū.

—Yū máre mure nājine dabevu. Nu-jaco mu caride. Aru āmeina dabejaco cojedeca, arejame óre Jesús.

Jesús pēoinope pōevare coreóvare dayu majepacu dápiaiye jāvane

(Mt 5.14; Jn 5.31; 9.5)

¹² Bedióva cojedeca pōevare yávarejame Jesús:

—Yurecabu pēoinope páyu ijāravu-cavu ne ūmei, coreóvare dāchuyu Jūmenijicu dápiaiye jāvene ji bueiyeque. Ácu pōecu yure yóvacudayu, ūrecabe cu-vacuyu iye pēoiye apyre daiyede. Que baru mamaūmene cuvacuyu ū. Ūrecabe cu-chuyu yópe miadároi cuuyupe, cainhuma ñeminoi cubecuyu. Ūbenita pōeva coreóvabevu Jūmenijicu dápiaiye jāvene cūrivu yópe ñeminoi cuivupe, ne majibe boje ūi dápiaiye jāvene, arejame nāre Jesús.

¹³ Fariseovacavu arejaima ūre:

—Murecabu mi borore coyuchu mi baju. Que baru ūbenina que ayubu. Bo-jecubevu mi que coyuiye, arejaima ūre.

¹⁴ Yópe arī, coyurejame Jesús:

—Ji borore ji coyuiyevacari bojescuetamu. Yūvacari coreóvaivu ji

cūrō mácarōre aru ji nūquinore máre. Que baru ji coyuiye jāvetamu. Ūbenita ji cūrō mácarōre aru ji nūquinore máre ye coreóvabevu yūja. ¹⁵ Mūjacapūravu apevure nājine dāvavu pōevare yūje coyuiyeque. Ūbenita yácapūravu nāmene nājine dābecubu. ¹⁶ Ūbenita pōevare ji nājine daru, ji nōpe daiye jāve májebu. Quénora cūinácu ji baju nōpe dābejebu yu. Quénora jipacu, ūai daroyu bácu yure yui, nōpe dājebu yáque. ¹⁷ Mūje dāicōjeiyede yópe arī, toivaicōjenejaquemavu Jūmenijicu: “Pūcarā cūináthru ne coyuru ne jāiye báquede, bojecuvu ne que coyuiye”, arī toivaicōjenejaquemavu. ¹⁸ Yūvacari ji borore coyuyu. Aru jipacu, ūai daroyu bácu yure, ū máre coyuchaibi ji borore, arejame Jesús.

¹⁹ —¿Mipacu ūri curi ū? jēniari járe-jaima Jesúsre fariseova.

—Yure coreóvabevu yūja. Aru jipacure máre coreóvabevu yūja. Yure coreóvaivu baru, jipacure máre coreóvajebu yūja, arejame Jesús nāre.

²⁰ Caiye iyede coyurejame Jesús ūi bueiyede pōevare Jūmenijicu cūrami, Jūmenijicure tāutura jíye epeitōcua yebai. Ūbenita pōecu cūbedejame jēni jacochuyu ūre, ūi mauva ūre ne jēnajijāravu baquinó eabe boje cāreja.

Jesús “Ji nūquinoi nūri bñojabenajaramu yūja” ūi aino

²¹ Bedióva cojedeca pōevare yávarejame Jesús:

—Yurecabu nūchuyu. Yure voridurā-jaramu yūja. Ūbenita yainájaramu yūja boropateivu, yūje āmeina daiyede dājocabe boje aru “Jesúbe Jūmenijicu mácu aru majare meadāipōecu”, yūje abe boje. Ji nūquinore nūri bñojabenajaramu yūja, arejame Jesús.

²² Que ayure, ina judíova nūje jabova ne bajumia yávaivu arejaima:

—¿Ñujare “Ji n̄uquinore n̄ari b̄uocabenajaramu m̄uja” ūi ainoque, jāve ūi baju boarí jaravacuyuba? arejaima ne bajumia.

²³Náre arejame Jesús:

—M̄ujacapūravu ijoborōcavu m̄uja. Úbenita yurecabu ūmicasacu, cavarō mearo Jūmenijicu cūrōcasu. M̄ujacapūravu ijāravucavu m̄uja. Úbenita yácapūravu ijāravucacu āmevu yu. ²⁴Que baru “Yainájaramu m̄uja boropateivu, m̄uje āmeina daiyede dajocabe boje, ‘Jesúbe Jūmenijicu mácu aru majare meadaipōecu’, m̄uje abe boje”, avu m̄ujare. M̄uje ju abe boje ji ávarede ji baju, “Jūmenijicu mácu aru majare meadaipōecu”, ji arī coyūvarede, yainájaramu m̄uja boropateivu, m̄uje āmeina daiyede dajocabe boje, “Jesúbe Jūmenijicu mácu aru majare meadaipōecu”, m̄uje abe boje, arejame náre Jesús.

²⁵—¿Yécurū m̄u? jēniari jārejaima ūre.

—Mamarūmu ji b̄uviyede aru carita ji coyūvacamu yu. ²⁶M̄ujare ji coyūjuroe ūrarō cūvavu. Aru ūrarō m̄ujare ji ūjaine dājuroe máre cūvavu. Úbenita ūnai daroyu bácu yure borocubecube aru jāve yávayube ū. Que baru ūi coyūcōjeino mácarōpeda m̄uja ijāravucavu coyūivu yu, arejame Jesús.

²⁷Úbenita “yure daroyu bácu”, ūi aiyede, “jipacu”, ayure majibedejaquemavu na.

²⁸Que baru yópe arī, coyurejame Jesús náre:

—M̄uje joc̄churā jēori jāmhórajiyede yure, Jūmenijicu daroimu mácure ūmupe, majinajaramu jāvene ji ávarede ji baju, “Jūmenijicu mácu yu, caivure meadaipōecu”, ji arī coyūvarede. Dinumu maquinore majinajaramu m̄uja. Ji baju jipacu coyūbenore d̄ayu b̄uojabevu. Quénora

jipacu, Jūmenijicu, ūi coyūhiyepedata, yópe ūi coyūcōjeiye báquepe yure, coyūyubu yu. ²⁹Nai daroyu bácu yure cūbi yáque. Yure cūinácura jocarī nūmechube jipacu, ji daiyede boje ūi ūrōpe cainumua, arejame Jesús.

³⁰Jesús nōpe ayure jāpiarī, ju arejaima ūre obedivu pōeva.

Jūmenijicu mára aru cōjeimarape paivu ne āmeina daiyue boje

(Mt 3.9; Lc 3.8; Gá 5.1, 13)

³¹Ina judíova Jesús yebai cōjijivure, ūre ju aivu bácvure yópe arī, coyurejame Jesús:

—M̄uja ju aivu baru ji bueiyede, ji bueimara baju barajáramu m̄uja. ³²Ji bueye jāve bajure majinajaramu m̄uja. Aru que baru apecu cōjeimarape āmenajaramu m̄uja, arejame Jesús.

³³Ūre arejaima ina judíovacavu:

—Ñuja Abraham máchi pārnamatamu. Que baru cainumua apecu cōjeimara āmevu ūnua. ¿Aipe teni “Apecu cōjeimarape āmenajaramu m̄uja”, ayurū m̄u ūnjare? arejaima Jesúre.

³⁴Náre ju ayu arejame Jesús:

—Jāve coyūyubu m̄ujare: Yópe cōjeimara ne baju ūrōpe dābevu, quénora apecu ūrōpe daivu, nopedeca caivu ina āmeina daivu cōjeimarapebu, ne āmeina daiyue boje. ³⁵Cūrami upacu márapa āmemu ūi cōjeimara. Mamara memeivu ne ūe boje népacure. Úbenita cōjeimara memeivu ne jaboci cōjeiye boje náre. Quénora úbenina curivutamu ina cōjeimara. Jabochi márapa cainumua ména cūbema ūi cōjeimara. Úbenita jívua bajutamu mamara baju. Que baru me cūima népacuque cainumua. Aru yávacari Jūmenijicu mácu bajubu. ³⁶Que baru yu, Jūmenijicu mácu, m̄ujare cōjeimarape āmevu cōjeimarape āmevu barajáramu m̄uja. Darajaramu m̄uje daiyede m̄uje

ue boje majepash Jesúsmenijichre. Dabena-jaramu mujje daiyede apecu hi cō-jeiye boje mujare. ³⁷ Coreóvaivu yu mujare Abraham mácu pāramenare. Ubenita ji bueiyede ju aiyuhevubu muja. Que baru yure boarí jaruvaiyurivubu muja. ³⁸ Yúcapúravu coyuubu jipacu jesúsovaiye báquede yure. Ubenita mujacapúravu daivubu yópe mujepash coyu*u*ye báquepe mujare, arejame náre Jess.

³⁹ —Nuestreñecu mácu barejaquémavu Abraham mácu, arejaima na.

Ubenita Jess arejame náre:

—Abraham mácu pāramena baju baru, hi daiye báquepedeca dajebu muja. ⁴⁰ Ubenita iye yávaiye jesúsene Jesúsmenijicu bueiyede báquede yure coyuu bácreca mujare, mujacapúravu boarí jaruvaiyurivubu yure. Que dabedejaque-mavu Abraham mácu. ⁴¹ Muje que daiyueque, yópe mujepash daiyepedeca daiyurivubu muja, arejame náre Jess.

Nácapúravu arejaima hire:

—Nuestra ubenina eaimara ámevu. Jesúsmenijicuvararibe cūinácu nuestreñepash baju, arejaima.

⁴² Náre, yópe arí, coyu*u*rejame Jess:

—Jesúsmenijicu chroí cuscu bácu yore émeni darejacash yu. Aru cuscu caride yui. Que baru Jesúsmenijicu mujepash baju baru, yure ujebu muja. Ji bajuma ji majiéque dabedejacacu yu. Quénora Jesúsmenijicu daroimu mácu yu.

⁴³ ¿Aipe teni ji coyu*u*ye jesúsiai eabenaru muja? Yure ji coyu*u*ye jesúsiai yu. Que baru jesúsiai eabevubu muja. ⁴⁴ Mujepash abujuvai jabocu. Ūpe paivubu muja. hi urópe daiyurivubu muja. Mamarumure aru caride máre, poevare boarí jaruvaipõecuh. Jesúsmenijicu yávaiye jesúsene jesúsiai yu. Aru cainumuna yávaiye jesúsene coyu*u*be h. hi borocuede coyu*u*be h, “¿Jesúsá márica?” poeva ne arajiyepo ayu.

Aru mamarumucash borocuede h. ⁴⁵ Ubenita yúcapúravu coyuubu yávaiye jesúsene. Mujacapúravu ji coyu*u*ye jesúsene abevubu. ⁴⁶ Nuestreñecu mujacacu ji ámeina daiyede jesúsene buojabebi, ji boropatebe boje. Jesúsetamu ji coyu*u*ye. ¿Dinumu aipe teni diede ju abenaru muja? ⁴⁷ Jesúsmenijicu jesúsene jesúsene jápiaibi hi yávaiye. Ubenita mujacapúravu Jesúsmenijicu jina ámevu. Que baru hi yávaiye jesúsiai yu. arejame náre Jess.

Jess hi cuede Abraham mácu poetequiye jipocai

(Jn 8.24; 10.30-33; 13.19)

⁴⁸ Dinumu ina judío va arejaima Jessire:

—Jesús coyu*u*bu hija: Samaria-cacuh bu. Aru abujucu cibi máque, arejaima na.

⁴⁹ Náre arejame Jess:

—Abujucu cibebi yáque. Jipacure puedaivu yu. Ubenita yure puedabevu muja. ⁵⁰ Yure mearore jesúsene vobevu yu. Ubenita jipacu ubi poevare ne jesúsene ayu mearore yure. Aru hrecabe coyu*u* poevare ne daiye báque méne aru ámene máre. ⁵¹ Jesús coyu*u*bu mujare: Ácu poecu ju ayu ji coyu*u*ye yaibéchuyame, arejame Jess.

Que ayu, poecu yaibéde hi hime aiyu*u*na barejaquémavu Jess.

⁵² Arejaima na:

—Caride jesús coreóvaivubu hija. Abujucu cibi máque. Javede Abraham mácu aru ina Jesúsmenijicu yávaiye coyu*u*ipõeva mácavu máre yaidéjaquemavu. Ubenita “Ácu poecu ju ayu ji coyu*u*ye yaibéchuyame”, bu ayu. ⁵³ Majeñecu Abraham mácu yaidéjaquemavu. hi pueno parucuru bu? Jesúsmenijicu yávaiye coyu*u*ipõeva mácavu máre yaidéjaquemavu. ¿Yécupe páyuru bu, mi dápiaru? arejaima na.

⁵⁴ Que aivhre, yópe arejame Jesús:

—Ji baju “Meacutamu yu” ji aru, bojecubejebu no. Ubenita jipacurecabe “Meacutamu mu” ayu yure. Urecabe “ñujepas Jumenijich”, muje aimu. ⁵⁵ Muyacapúravu úre ye coreóvabevhbu. Ubenita yurecabu coreóvayu. “Úre coreóvabevu yu” ayu baru, myajapedeca borocubebu yu. Ubenita úre coreóvavu yu. Úi couyiyede me ju aivu yu. ⁵⁶ Aru dapiayu bácu ji edauiyede ijárvu, torojurejaquemavu majeñecu Abraham mácu. Que teyu, ji edaiyede jánu mácu, yure torojurejame úi mácu, arejame náre Jesús.

⁵⁷ Ina judíova arejaima úre:

—Cincuenta paíyua cùvabevu mu. Aru Abraham mácu javeita yaidéjaquemavu. ¿Aipe teni “Járejacachú mácure”, ayurú mu? arejaima Jesúre na.

⁵⁸ —Jáve couyubu mágare: Abraham mácu úi pöetequiy eipocai cùrejacachú yu, arejame Jesús.

⁵⁹ Úi que aiyede, Jesúre jorojív, ina judíova boarí jarvavaiyurivú úre ñejaima cùraboare, durenajivú úre. Ubenita Jumenijich cùramine jocarí etarí, dupini nurejame Jesús.

Jesús úi járe daino jári eabecu pöeteyu bácuru

(Mt 5.14; Jn 8.12)

9 No yóboi, Jesús úi cuiyede, járejame cùinácu úmu, jári eabecure. Nópe pöetedejamedá ñai jári eabecu. ² Ñuja Jesúi bueimara jeníari járejacará úre:

—Bueipöecu, ¿aipe teni jári eabecu pöetedejaquemari ñai? ¿Úi baju ámeina daiye boje nópe pöetedejaquemari? ¿O úi bácuva ne ámeina daiye boje nópe pöetedejaquemari? arejacará ñuha Jesúre.

³ Ñujare, yópe arí, couyrejame:

—Úi baju ámeina daiye boje ámevu aru úi bácuva ne ámeina daiye boje máre ámevu nópe pöeteyu

bácu úi jári eabecu. Jumenijich paruédé jádovaquiyepo ayu, nópe pöetedejaquemavu úi. ⁴ Járavure pöeva memeivu bhojadama. Ubenita ñemié tuiyede memeivu bhojabema. Quédeca majare máre daiye jaunu yure daroyu bácu daicójeiyede járavure cäreja. Ubenita ji yainiburu yóboi quénora darí bhojabecubu yu. ⁵ Ji chede cäreja ijárvu, pöoinope páyu Jumenijich dápiaiye jávene majide daivu ijárvucavure, arejame Jesús.

⁶ Que ayu bácu, yebará jécuturi, nájuári joboque jívarejame. Úi jívaiye báquede ñi, jári eabecu yacoruhare jobo jíjovarejame.

⁷ Jíjovañu mácu úre arejame Jesús:

—Siloé ámicuriocobui mi yacoruhare joacunujacu mu, arejame jári eabecure Jesús.

Siloé aino, “Jaroicobe” aiyurótamu. Dibui nuri, ocoque úi yacoruhare joarejame. Joarí bhojarí, úi cùrami copainurejame, jánuta. ⁸ Úre, tauturare jeniamia jipocamia, jáivu bácvu arejaima ne bajumia:

—Járijide apa. ¿Jári eabecu bácu tauturare jeníari dobavayu bácu ámeni ñai? arejaima úi curócvu.

⁹ —Júju, úi baju apa, arejaima nácvu.

—Úi ámemi. Úreca páyube. Ubenita jári eabecu bácu ámemi úi, arejaima apecu.

Ne que aiyede, úi bajumareca arejame:

—Jári eabecu bácvu yu, arejame, náre couyu.

¹⁰ Dinumu úre jeníari járejaima úi curócvu:

—¿Aipe darí jári eayurú mu? arejaima.

¹¹ —Jesús ámicuchu yebará jécuturi, joboque jívacu. Die úi joboque jívaiye báqueque ji yacoruhare jíjovami úi. “Siloé ámicuriocobui joacunujacu mu”, abi yure. Que dacunuvu yu. Diede joayu

bácu, jávhu yu, arí coyurejame ūi curōcavhre jári eabecu bácu.

12 —¿Mi aimu ári curi ū caride? arejaima ūre ūi curōcavu.

—Aidica, majibevu yu, arejame náre jári eabecu bácu.

Jári eabecu bácre fariseovacavu ne jeníari jápiaino

13 Dinumure jári eabecu bácre nūvarejaimada ūi curōcavu fariseova yebai. 14 Dijāravu, Jesúi joboque jíjovari meadaijāravu bácaro jári eabecu bácre nūja judíova nūje jabuóvaijāravu sábado barejávū. 15 Ina fariseova jári eabecu bácre jeníari járejaimada:

—¿Aipe teni jári eayhru mū? arejaimada.

—Jobo ūi jívaiye báqueque ji ya-coruare jíjovame. Joacuñu, ūi cō-jeiyepo. Que teyu bácu jáivu caride, arejamedá náre.

16 —Jūmenijicu daroimu mácu amecube ū, mure meadayu bácu, ūi memeiye boje maje jabuóvaijāravhre, arejaimada apevu ina fariseovacavu.

Ubenita apevu arejaimada:

—¿Ámeina dayu baru, aipe teni pōeva ne dari majibede jádovaiye majidi ū? arejaimada nácvu.

Que arí ne bajumia cūináthura yáv-abedejaimada. Aru cūináthura ámene-javuña ne ūme. 17 Bedióva cojedeca ina fariseova jeníari járejaimada ūre:

—¿Nai mure meadayu bácu mi aimu, mi dápiaru, ye pōecu páyu báriza ū? arejaimada.

—Ji dápiaru, Jūmenijicu yávaiyede coyhaipōecube ū, arejamedá.

18 Ubenita nūje jabova judíova “Jári eabecu bácube jáñu”, abedejaimada cāreja. Que baru ūi buchvare cutu-icōjenejaimada, ne darājiyepo aivu ne yebai. Ne eaiyede fariseova jeníari járejaimada:

19 —¿Mujemacu ñai? Aru mujemacu baru, jári eabecu pōetedejari ū? ¿Nópe pōeteyu bácvacari, aipe teni jánuma caride? arejaimada jári eabecu bácu buchvare ina fariseova.

20 —Ñujemacu bajube ñai. Jári eabecu pōetedejame. 21 Aru caride jári eaibi. Aipe teni jánu mácre majibevhbu nūja. Úre meadayu bácre coreóvabevhbu. Jéniari jájara nūjemacure. Buchucube ū. Úi baju coyuchuyume mujare, arejaimada ūi buchvava.

22 Nópe arejaimada, ne jiduē boje nūja judíova nūje jabovare. Jipocamia yópe arí, coyurejaimada ina fariseova: “Ácu pōecu ‘Jesúbe Jūmenijicu daroimu mácu ū’ ayure, nūje cójijiñamine jaetovarājaramu nūja, ūi cójijibequiyepo aivu nūjaque bedióva cojedeca”, aivu barejáimada na jipocamia. 23 Que baru, “Buchucube ū. Úre jeníari jájara mūja”, arejaimada ina fariseovare ūi buchvava.

24 Bedióva cojedeca jári eabecu bácre cutuicōjenejaimada ina fariseova. Eayu bácre arejaimada:

—Mure meadayu bácre majivu nūja, ámeina teipōecu bajure. Que baru Jūmenijicu jáinore jāve coyujas u caride, arejaimada jári eabecu bácre.

25 —Ámeina dayure o mearore majibevu yu. Ubenita jári eabecu batevú yu. Caride que ámevu. Jáivu yu. No quénoratamu ji majino, arejamedá ina fariseovare jári eabecu bácu.

26 —¿Aipe dari ū mure? ¿Aipe dayu, mure járe dari ū? arí jeníari járejaimada ūre cojedeca.

27 —Mujare coyhivu yu. ¿Jápiabenaru mūja? ¿Úi bueimara teiyurivuru mūja? Que barureca burubeda yure jeníari jáivhbu mūja, arejamedá fariseovare.

28 Úre, yópe arí, ámeina yávarejaimada:

—Métamu ūi bueimu. Moisés báci bueimaramu nūja. 29 Moisés bácre yá-

varejaquemavu Jūmenijicu. Aru Moisés bácre majivu ūpja. Ubenita mure meadayu bácre ye majibevubu ūpja. ¿Árocacuba ū? arejaimeda ina fariseova.

³⁰—“¿Árocacuba ū?” aivubu mija. Ubenita ji jári eabe báquede meadaibi yure. Mijacapūravu ūi curō mácarore majibevubu mija. ³¹ Me majivu majas: Āmeina teivure jápiabebi Jūmenijicu. Quénora ūre mearore jívure, ūi unctione daivure, jápiabebi ū. ³² Jári eabecure meadaiyede mama jápiabevubu. Yureca páyu nópe ámepeda pöeteyu bácre meadaipöecu cibebi ū. ³³ Yure meadayu bácu Jūmenijicu darioimá mācū ámenu, ji jári eabe báquede meadabejebu ū, ayubu yu mujare, arejaimeda náre jári eabecu bácu.

³⁴—Mipacoí yapiburā pöetecuyu-vacari javeta ámeina dayu barejaquémau mija. ¿Quécvacari ūjare bueyurū mija? arejaimeda jári eabecu bácre ina fariseova.

Que arī, ūre ne cóijiñamine jaetovare-jaimada ina fariseova, ūi cóijiñbequiyepo aivu náque bedióva cojedeca.

Jesús ūi coyuino majepasn Jūmenijicu coreóvabevu jári eabevupe paivure

³⁵ Jári eabecu bácre ne jaetovaiye báquede coreóvarejaquemavu Jesú. Coreóvayu bácu, jári eabecu bácre vocnurejame. Aru eayu bácu ūre, yópe arī, jeníari járejame Jesú:

—¿Mu Jūmenijicu darioimá mācre ūmupe ju ayurū? arejame Jesú.

³⁶—Mu, ji jabocu, mi aimure coreóvare dajacu yure. Ūre majichu, ju achuyumu yu, arejame Jesú jári eabecu bácu.

³⁷—Jave jáivu mu ūre. ūmu yu, māque boroteyu caride, arejame ūre Jesú.

³⁸ Ūi que aiyeda, ūuatutarī Jesú mearore jídejame jári eabecu bácu:

—Mu, ji jabocu, mure ju aivu yu, arejame Jesú.

³⁹ Dinumure yópe arī, coyurejame Jesú:

—Ijāravhi darejacachu yu, beocuyu ju aivure aru ju abevure máre. Pöeva “Majibevubu ūpja Jūmenijicu dápiaiye jāvene” aivu, jári eabevupe paivubu. Nápe paivure meadacudayubu yu, ne majinaiyepo ayu Jūmenijicu dápiaiye jāvene jáiuvupe. Ubenita pöeva “Majidivubu ūpja Jūmenijicu dápiaiye jāvene” aivu, jáiuvupe bariduyama, ne dápiaru. Nópe ne dápiaiye boje, náre meadabecubu yu. Que baru jári eabevupe teni, Jūmenijicu dápiaiye jāvene ye majibenama na, arejame Jesú.

⁴⁰ Jesú que ayure jápiarejaima fariseovacavu.

—Que baru, “Jári eabevupe paivubu mija”, ayurū mu ūjare? arejaima Jesú.

⁴¹ Jesú ju ayu yópe arejame náre:

—Mija jári eabevupe majibevu baru aru mija coreóvamu baru Jūmenijicu caðateiyede jañrōre mujare, boropatebe-jebu mija. Ubenita “Majidivubu ūpja Jūmenijicu dápiaiye jāvene” aivu, jáiuvupe paivutamu mija. Ubenina dápiaðavu mija majini bhojaivure Jūmenijicu dápiaiye jāvene ū caðatebecuva mujare. Que baru boropateivu mauteivubu mija cäreja, arejame náre.

Jesús ūi coyuino ovejavare coreipöecu

(Lc 15.4-5; He 13.20)

10 Dinumure náre yópe arī, coyurejame Jesú:

—Jáve coyuibu mujare: Ñai pöecu ovejavare biaido jedevacobei ecobecu, quénora biaidore mūrina ecoyu baru, ūrecabe ūnavipöecu o tatorī ipöecu. ² Ubenita ñai ecoyu ovejavare biaido jedevacobé bajita, ūrecabe ovejavare coreipöecu aru náre upacu máre. ³ Ūre-

cabe biaido jedevacobede coreipōecu voacaimu jedevacobede. Aru ovejavare órejarī daroibi ne ámiá coapa náre coreipōecu. Ū órejaiyede jápiarī, coreóvarī, dadama ū yebai. Aru náre nūvaimi ū, ãocchuy. ⁴ Ovejavare etavayu bácu biaidore jocarī, náre jipocateibi. Aru ū yóboi cujuyama na, ne coreóvaiye boje ū yávainore. ⁵ Ubenita ne coreóvabemque nūmema na, ū órejaiyede. Ūre dupivu cýanurinata bíjadama na ovejava, ne coreóvabe boje ū yávaicamure, arejame Jesús.

⁶ No jári dápiarī ne dárajiyepe ainore coyuridurejame náre Jesús. Ubenita ye jápiarī majibedejaima na.

**Jesús ména coreyu pōevare
yópe ovejavare coreipōecu
meacu ū coreiyeye ovejavare**
(Mt 11.27; Lc 10.22; 15.4-5;
Ef 2.11-22; He 13.20)

⁷ Bedióva cojedeca pōevare yávare-jame Jesús:

—Jáve couyubu tūjare: Ovejavai biaido jedevacobepé páyutamu yu, pōeva ne earājiyepe ayu Jūmenijicure. ⁸ Ji edaquiyeye jipocare apevu, ovejavare coreipōevape teni, edaque mavu. Caivu na ñavacurivupe paivu aru tatorī ipōevape paivu batequémavu. Ubenita náre jápiarī adabetequemavu pōeva. ⁹ Jedevacobedeca páyutamu yu. Yópe ovejava jedevacobé biaidoi ne ecorī buojaiyepe náre coreipōecu, ū meadaquiyeye aivu náre, nopedeca pōeva yáque earī buojaivubu Jūmenijicure, ū meadaquiyeye aivu náre. Ne ámeina vajuroede meadacchuytu yu. Yópe ovejava ecorī, etarī jedevacobei buoimara ámevupé, no-pedeca pōeva yáque curivu jidubevu buoimarape ámemá. Yópe ovejava ne áiyede eaiyepe náre coreipōecu que, no-pedeca ina yáque curivu náre apure daiyede earī, ména curājarama na ne ūmei, arejame Jesús.

¹⁰ Náre, yópe arī, coyure nurejame Jesús:

—Navaipōecu quénora ñavacudaibi aru pōevare boari jaruvacudaibi, náre bíjarochuy. Ubenita yúcapuravu apure dacudaivu pōevare mamaúmeque, ne curājiyepe ayu urarō meaúmeque cainumua. ¹¹ Ovejavare coreipōecu meacu me baju jári caphibi ū ovejavare pu ū yaiyeta náre boje. Quédeca tecchuytu yu máre. Pōevare meadachuy, yaicáyumu náre boje. ¹² Ubenita nópe dabebi ovejava upacure memecaipōecu. Ū ovejavare coreipōecu ámemi. Ū jina ámemá na. Que baru áimacu jijecucus, lobo ámicucus, ū edaiyede ján, cūiná cýuarī dupibi ovejava upacure memecaipōecu, ovejavare jocarī nūñu. Que baru corebemarape ovejavare cujurī jaroibi nai lobo. Cūinácuré jēniburu, apevu coateni nūñama. ¹³ Nai memecaipōecu jecchubebi ovejavare. Quénora ū jabocui bojedaiyeda ubi ū. Que baru ovejavare jocarī, dupini nūmimi ū, arejame Jesús.

¹⁴⁻¹⁵ Náre, yópe arī, coyure nurejame Jesús:

—Yu mearo coreyu pōevare yópe ovejavare coreipōecu meachi coreiyeye ovejavare. Jipacu coreóvaibi yure. Aru coreóvaivu yu ūre máre. Quédeca coreóvaivu yu ji cùvamara coapa. Aru yure coreóvama na máre. Yurecabu meadacchuy pōevare. Que baru yaicáyumu náre boje. ¹⁶ Yópe apedoa biaidoacavu ovejavai chépe, nopedeca apevu pōeva, yócvu ámemá, ubenita jína márajivu cùma nore máre. Náre cuturī, jipocateni davachuytu yu. Ji cutuiyede jápiarī ja arājarama na. Náre epecchuytu jívunque cūinávupé. Na caivu curājarama yáque. Aru náre corechuytu yu. Que teni cūináyajubope teni, yu ne coreipōecu cūináchque curājarama caivu ina jív, arejame Jesús.

¹⁷ Náre coyure nurejame Jesús:

—Ji mauvare boarí jaruvaicōjeiyuñu yu ji bajure, nacajari yainore jaruvarí cuchuyu bedióva cojedeca. Que baru ubi yure jipacu. ¹⁸ Pöecu cabebi yure boarí jaruvacuyu ji ubedu. Ji mauvare boarí jaruvaicōjecuyamu. Yu bhojaivn boarí jaruvaicōjeñu ji bajure aru nacajari cuchuyu bedióva cojedeca máre. Que daicōjeimi yure jipacu, arejame Jesús.

¹⁹ Que ayure jápiari, ina judíova cūináturu ãmevu cojedeca ne ûme, cūináturura yávabema Jesúrā.

²⁰ —Abujucu cubi ūque. Que baru árumemí. ¿Aipe teni ūi coyhiyede jápi- aivurū muja? arejaima nácvu obedivu.

²¹ Übenita apevu nácvu arejaima:

—Abujucure cùvachu nópe yávayu bhojabebi. Aru jári eabecure meadaiye bhojabebi abujucu. ¿Mácarí? arejaima ina judíova.

Jesúre judíova ne übeni jaruvaíno

(Jn 1.28)

²² Dinumure uracoro ocorum marejávñ. Aru Jerusalén ámicuríimaroí torojuve teinumü marejávñ. Jümenijicu cùramine meadaiye báquede árvirivu, torojurejacarä ñuña judíova. ²³ Nore Jümenijicu cùrami Salomón máchi cuino mácaro ámicurói vaiváre nurejame Jesús. ²⁴ Nópe vaiváre nñure tarabudarí ūre, jeníari járejaima judíovacavu:

—Mure uraró chiodavu ñuña. ¿Yécurñ mu? Cristo, Jümenijicu daroimü mácu baru mu, cùiná coyujacu ñuñare. Coreni uetuyavu ñuña, arejaima Jesúre.

²⁵ Náre, yópe arí, coyurejame Jesús:

—Jave coyuriduvu muñare. Übenita ji coyhiyede ju abetevu muña. Muña jáiyede pöeva ne éarí majibede jipacu cojeiye bajure davu yu. Übenita diede jáivuvacari, yu Cristore ju abevu muña cäreja. Yu, Cristo, jádovaivu jáve ji daiyeque. ²⁶ Übenita muñacapúravu ji ovejavape paivuacavu ãmevu. Ji pöeva

ãmevuñtam muña. Que baru ji coyhiyede ju abevu muña. ²⁷ Yópe ovejava ne jápi- arí, ju arí daiyepe náre coreipóecu bajui urópe, nopedeca ji pöeva yure jápiari, ju arí daivubu yópe ji urópe. Jívare me coreóvaivu yu. Yure jápi- arí, ju arí cuma yáque. ²⁸ Náre járavu cùiméjárvu baquinóre cùvare daivu yu. Toabo cùiméboi nñmenajarama na cainumua. Ji coreimarare yure tato- jurocu cabebi ū. ²⁹ Yure jipacu jí- mara bojecurivubu caiye pheno. Jipacure tatojurocu náre cabebi ū. ³⁰ Yu jipacuñmaque cùinávupebu ñuña, arejame Jesús ina judíovare.

³¹ Üi que aiyede, Jesúre jorojivu ina judíova, boaiyurivu ūre, ñnejaima cùraboare cojedeca, duvarajivu ūre.

³² Übenita Jesúcapúravu arejame:

—Jipacu ure daicōjeiyede pöeva ne éarí majibede jáelovavu yu, cùdatecuyu pöevare. ¿Caiye die muje jáiye báquede, áde boje cùraboare duvarajivu yure? arejame náre Jesús.

³³ Jesúre arejaima na:

—Mi daiyede jáivu bácavu cùraboaque durení, mure boabénamu ñuña. Übenita “Jümenijicu que cùinávupebu ñuña”, avura mu. Jümenijicu ãmeina yávavu mu, que ayu. Quénora pöecuratamu mu. Que baru Jümenijicu mi ãmeina yávaiye boje, mure boarajaramu ñuña, arejaima Jesúre ina judíova.

³⁴ Náre, yópe arí, coyurejame Jesús:

—Muñecuva mácvu ne toivaří epeiyoca cäriáiyocai yópe arí, toivaicōjenejaquemavu Jümenijicu ūi yávaiyede: “Jümenijinape paivubu muña”, arejaquemavu Jümenijicu. ³⁵ Me coreóvaivubu maja Jümenijicu yávaiye ūi toivaicōjeiye báque jáve bajure cainumua. Üi yávaino mácaroë oatuvaino cùbevu no. Aru Jümenijicuvacari, “Jümenijinape paivubu muña”, arejaquemavu ina

javecavu ūi yávaiyede coyuimara mácavure.

³⁶ Yurecabu Jūmenijicui beoimu mácu, memecachuyu ūre. Yure darorí epeibi ijāravni. Que baru, ¿“Jūmenijichí mácu yu” ji aiyede, aipe teni yure “Jūmenijicure āmeina yávaiu mū”, aivurū mūja? ³⁷ Jipacui daicōjeiyede ji dabedu, yure jū abejarā mūja. ³⁸ Ubenita pōeva ne darí majibede jipachi daicōjeiyede ji daru, nōpe dayure muje jári coreóvaiye boje, jū ajarā mūja. Yure jū abevureca, ji daiyede jū aiye jaunv mūjare, muje cūiná majinajiyepo ayu jāve jipacu cuchre yúque aru yu cuchre ūque máre cūinávupe, arejame náre Jesús.

³⁹ Bedióva cojedeca Jesúre jēni jacoiyurídurejaima na. Ubenita náre dupidejame ū.

⁴⁰ Náre dupiyu bácu Jordán āmicuriya jia ániduvei, Juan Bautista bácu ūi pōevare Jūmenijichue ocoi jādovaino mácarō yebai nurejame Jesús cojedeca. Noi cuchupnū, ūque nurejacarā ūjua ūi bueimara. ⁴¹ Nore ūjue cuede pōeva obedivu Jesúre jāradarejaima. Ne bajumia yópe arī, borotedejaima:

—Pōeva ne darí majibede dabeteame Juan Bautista bácu. Ubenita caino ūi coyuino mácarō Jesúi borore jāve baju batequémavu, arejaima ina Jesúre jāradaivu bácvu.

⁴² Aru nore cuchre, Jesúre jū arejaima obedivu pōeva.

Lázaro bácu yaino

(Lc 10.38-39; Jn 12.3)

11 Dínumure cūinách ūmu ūi ámiá Lázaro ijeteuyu barejámeda. Jíburómiva que Betania āmicuriímajinoi currejame ū. Marta aru María āmicurejaima na, jíburómiva. ² Ico María Lázaro mamico barejácoda Jesúre mumijue yuado bacodó ūi cubobare aru ūi yuaríbura yóboi

oi poðaque tūredó macodó máre. ³ Jesúre boro jarorejaimada na, Lázaro i maminomiva:

—Ñuje jabocu, mi yóvaimu, pare mi jecuvam, ijeteibi ū, arī boro jarorejaimada Jesúre dinomiva.

⁴ Ne que aino mácarore jápiayu bácu, yópe arejame Jesús:

—Ijeteuyvacari yaibéchbe Lázaro. Quénora Jūmenijicui paruédé jādovaquiyepo ayu pōevare ijeteibi ū. Ūi ijeteiyepo boje pōeva jārajarama yu, Jūmenijichí mácu, ji paruédé, arejame Jesús.

⁵ Martare, Maríare, aru néyocu Lázaro pare jecurejaquemavu Jesús.

⁶ Ijimure jápiayu bácvacari, nomicata pucajáravua maute dejame cāreja. ⁷ Pucajáravua yóboi, Jesús arejame ūjare ūi bueimarare:

—Járica, Judeai nūrajarevu maja cojedeca, arejame ūjare.

⁸ —Mu, bueipōecu, javejieneca cūraboaque duren, mure boajurorivu batemá nōcavu. ¿Nore nacuyurū mu cojedeca? arejacarā Jesúre.

⁹ “Ji dājuroede bhojajebu yu” ayu, yópe arī coyurejame Jesús:

—Jāravua coapa doce paiora cūv. Ñai cuyu jāravure, aviá ūi boiyede, to-bebi ū, aviá ūi boino cue boje jāravure. ¹⁰ Ubenita ñai cuyu ñamine, torí yavaibi ū, aviá ūi miadáre daino cübe boje, arejame Jesús.

Que ayure Jesús, yópe aiyurō mare-jaquémavu: Jāravua currejaquemavu ūre cāreja, ūi bhojajiyepo ayu ūre daiye jaurōre.

¹¹ Que coyuríbura yójiboi, yópe arī coyurejame Jesús cojedeca:

—Maje yóvaimu Lázaro cāñume. ūre coedavacupnūmu yu, arejame ūjare.

¹² —Mu, ūjue jabocu, jāve cāru, dinumur meaquiyebo. Meatechuyume, arejacarā ūjua.

¹³ Jesús ūi nōpe aiyede majibedejacarā ñūja. Ubenita “Cāñamebu”, arī dāpi-arejacarā ñūja. ¹⁴ Nūje que dāpiaiyede, yópe arejame Jesús yavebecuva:

—Jave yaicúbe Lázaro bácu. ¹⁵ Ji cübe báque boje ūque, torojuvū yu. Caride yure me baju coreóvarī jū arājaramu mūja, ji daquiyede jāivu. Járica, Lázaro bácu yebai nūrajarevu maja, arejame Jesús.

¹⁶ Nūjacacu Tomás, pējacu ñūje aimu, arejame ñūjare:

—Járica, Jesúque yainánurajarevu maja máre, arejame.

**Jesús ūi pōevare apure daino
cojedeca, ūi nacovariburu
náre yainore jarūvari**

(Ro 6.4-5; Col 2.12; 3.1)

¹⁷ Járancarejacerā ñūja, Jesújā. Earanpūnū bajure Lázaro báci yaino mácarōre coyurādarejaima nōcavu. Javeta Jesús ūi eaquiye jipocamia, yóvaicuvaljāravu jipocamiata, ūmácre jarūvarejaimađa cūracobei, pōe jarūvacobei. ¹⁸ Lázaro báci cūriimaro, Betania āmicuriimajino, joabejinoi yóbecurikilometros baji cūrejavu Jerusalén āmicuriimaro. ¹⁹ Que baru Martare aru Maríare máre, yaiyá báci maminomivare, járancarejaimada Jerusalécvu judíova obedivu. Na chioinuque orānurejaimada. ²⁰ Jesús edayure majini, ūre copu darejaco Marta. Ubenita Maríacapūravu dabedejaco. Quédato cūramimia cūrejaquemavu. ²¹ Jesúre copuyo, yópe arejaco Marta:

—Mu, ji jabocu, yui mi curu, jíyocu bácu yaibéjebu. ²² Ubenita coreóavu yu Jūmenijicu dayure caiyede yópe mi jéniaiyepo ūre, arejaco Jesús.

²³ —Míyocu bácu nacajacu yainore jarūvari, arejame Martare.

²⁴ —Jávemu no. Nore majivu yu. Járavu cūiyeta, nacajacu yainore jíyocu

bácu yainore jarūvari, arejaco o cojedeca.

²⁵ Dínamure Jesús arejame:

—Yábu yaivu bácvare nacovañu yainore jarūvari. Jāve yaivu bácvare cainamua cūre dayubu yu. Pōecu yaiyá bácvacari, yure jū ayu bácu baru, bediōva cojedeca apusuyume. ²⁶ Yure jū ayu, ji nacovaquimu, apusuyume cainamua. Ye nūmesuyume toabo cūiméboi. ¿Iye ji coyuiyede jū adorū mu? arejame Martare Jesús.

²⁷ Aru arejaco:

—Mu, ji jabocu, jū aivu yu. Mu Cristobu, Jūmenijicu mácu baju. Jūmenijicu ūi epeimu mácu yore ūi daroimu mácu mu, arejaco Jesúre Marta.

Lázaro bácre Jesús ūi oino

²⁸ Ūre que aeo báco copainuri, īmacore, Maríare, cutuconurejaco Marta. Yavenijiena cūrejaco Maríare, apevu ne jápiabenajipe aeo:

—Bueipōecu dare daibi. “Dajacorī”, aibi mure, arejaco Maríare Marta.

²⁹ Jū arī, cūiná nacajari, Jesús yebai copu nurejaco Maríare. ³⁰ Ímaro bajure eabedejacarā ñūja cāreja. Martare ñūje copuino mácarōmiata cūrejacarā cāreja.

³¹ Jūjujiena nūnore jāivu, Maríare yóvarādarejaima ina judíova. Oque orādaivu baridurejaimada. “Yaiyá bácre ne jarūvaino mácarōi oconuñome o”, arī dāpiaridurejaimada na.

³² Maríare ñūje yebai edarīna, Jesús yebamiata nūuatutarī, arejaco ūre:

—Mu, ji jabocu, yui mi curu, jíyocu bácu yaibéjebu ū, arejaco Jesúre Maríare.

³³ Maríare odore jāñu, aru óque edaivu oivure jāñu, óre cōmajae āroje jāri, utarō chōrejame Jesús.

³⁴ —¿Ari yaiyá bácre jarūvarāru mūja? arejame Jesús.

—Mu, ñūje jabocu, jácudajacu, arejaima Jesús.

³⁵ Dinumu orejame Jesús máre.

³⁶ —Urarō yaiyá bácre úteamo Jesús, arejaima ne bajumia ūre jáivu bácvu.

³⁷ Apevu nácavu arejaima:

—Jári eabecure meadame Jesús. ¿Aipe teni Lázaro bácre meadabetedi ū, ūi yaibéquiyepo ayu? arejaima na, ne bajumia yávaivu.

Lázaro bácu ūi nacajaino yainore jarvarí

³⁸ Yaiyá bácre jarvaino mácarõre eare nuiye bajure bediova cojedeca orejame Jesús, pare chioñu. Que teni ū mácre ne jarvaino mácarõre eare-jacarā ūtja, Jesúque daivu. Cūracobe, cainituravaque ne bieicobe barejávu Lázaro bácre ne jajuidorí adaicobe bácaro.

³⁹ —Cainituravare vejará muja, arejame náre Jesús.

—Mu, ji jabocu, yóvaichvaijárvuva vaivu yaiyá bácre ūtje jarvariburu yóbo. Javeta ūrojucube ū mácu, arejaco Jesúre Marta, yaiyá báchi mamico.

⁴⁰ —Javede coyuvu mure. Mu yure ju ado baru, yure Jūmenijicu paruédé cuvacure jácodomu mu, avu yu mure, arejame Martare Jesús.

⁴¹ Dinumu dicobede bieitvavare veorí ñejaima apevu. Ne que dariburu yóboi, nore núcu, cavaroi jáñu, arejame Jesús:

—Mu, jipacu, yure jápiaivu mu Cainumu. Que baru mure torojuede jívu yu. ⁴² Yu me coreóvaivu jápiayhre yure Cainumu. Ubenita yore yúque curivu ne majinajiyepo ayu, mure que aivu yu. Ne “Jūmenijicu daroimu mácuve Jesús”, ne arájiyepo ayu, nópe mure yávaivu yu, arejame Jesús.

⁴³ Jípacuque yávayu bácu codoboborí, órejarejame Jesús:

—Lázaro, etarí dajacu mu, arejame.

⁴⁴ Jesú ūi que aiyedata, etarí darejame ū yaiyá bácu. Cuitótecajeaque ūi cuboba, ūi puruá, aru ūi jipobu máre,

caicu ne cūmaimu mácu, Lázaro etarí darejame.

—Cuitótecajea ūre cūmaicajeare jodení jarvajarā muja, cūrami ūi copaiquiyepo aivu, arejame náre Jesús.

Jesús ūi coyuino ne jénajinore ūre yóbomia

(Mt 26.1-5; Mr 14.1-2; Lc 22.1-2)

⁴⁵ Obedivu ina Maríaque yaiyá bácre orádaivu bácvuacavu, Jesúre nópe dayure jáivu bácvu, ūre ju arejaimada. ⁴⁶ Ubenita fariseovacavure coyuráearejaimada apevu. Caiye Jesús ūi daiye báquede náre coyurejaimada. ⁴⁷⁻⁴⁸ Que teni sacerdotevare jaboteipóevaque cójjidejaimada ūtja judíova ūtje jabova, ina fariseova. Aru arejaimada, ne bajumia boroteivu:

—Pöeva ne darí majibede ure daibi Jesú. Que dayu, parucu nuñume ū. Jesúre nópe ūtje dare ūtcojenu, caivu pöeva ūque ūtjebu. Ūque pöeva ne naru, meamejebu majare. Ūre ju arí, jabojacoyuma. Aru ne jabojacoru ūre, majare boarádaicójejebu churaravare ina Romacavu, maje jabova baju. Jesúre jabojacoyurorivure jáivu baru, Romacavu jabocure vainí tuiñupe majare játjebu nócavu. Dinumuta maje Jūmenijicu cūramine vaivéni jarvarí, maje joborõre máre tatorí ijebu ina Romacavu. Que baru, ¿aipe darajidica maja? arejaimada ūtje jabova.

⁴⁹ Ubenita cūinácu nácacu ūi ámiá Caifás, sacerdotevai jabocu baju diujure, arejameda:

—Muja, jívu, jápiajará. Majibevu muja nópe yávaivu. ⁵⁰ ¿Coreóvabenaru muja? Cūinácu yaidú, majare meavu. Que teni caivu yainí bíjabejebu maja, arejameda jabovare Caifás.

⁵¹ Ū cūinácu nópe abedejaquemavu Caifás. Sacerdotevai jabocu baju boje, ūre nópe are darejaquemavu Jūmeni-

jicu, Jesús ūi yaiquíyede judíovare boje coyuhyu.

⁵² Ubenita náre quévu bojeda yaicáyu āmenejame Jesús. Quénora cainoa joboróacavure boje máre, yaicáyu barejáme Jesús, obedivu Jūmenijichí mára márajivure cūináyajubope dacuyu.

⁵³ Sacerdotevare jaboteipóeva aru fariseova máre, “Dinumur Jesúre boarí jarúvarājarevu maya”, arí bárejaimada na dijāravu, Caifás ūi nópe coyujāravumia.

⁵⁴ Nore majicu Jesús, uraímaroai cubedejame. Judeacavure dupini nūnū, ne joborōre jocarí, pōecubenoi nurejame Jesús. Nūjare ūi bueimarare máre nūvari, Efraín āmicuriimajinoi curānurejacarā nūja.

⁵⁵ Nūja judíova nūje torojuve teijāravu, Pascua āmicurijāravu baquinó eare nūino marejávū. Que baru Jerusalén āmicuriimaroí obedivu pōeva, cainoa īmaroacavu, muri nurejaima na, dārājivu ne torojuve tenajye jipocai yópe Jūmenijichí daicōjeiyepo ūi coyuhiye báquede Moisés báchure, meara márajivu Jūmenijichí jánore. ⁵⁶ Que teivu, Jesúre vore cuivu barejáimada ina pōeva. Cójijivu Jūmenijichí cūrami, ne bajumia boroteivu jēniari járejaimada:

—¿Muje dápiaru, Jesús máre edaquídica ū? arejaimada.

⁵⁷ Jipocamia ina sacerdotevare jaboteipóeva aru ina fariseova máre caivure, yópe arí, coyuicójenejaimada:

—Jesúi cūrōre majidivu baru, cūiná nūjare coyurādajarā mūja, nūje jēni ja-corājiyepe aivu ūre, arejaimada nūje jabova.

María ūi mumijue yuaino

(Mt 26.6-13; Mr 14.3-9; Lc 7.37-38)

12 Seis paíjāravu Pascua

āmicuriimajinoi nurejacarā nūja Jesúque cojedeca. Lázaro, yaiyá báchure Jesúi nacovaimu máchi curiimaroí nurejacarā. ² Nūja edaivure urarō āiye tuorejaima apevu nōcavu, puerdarajivu Jesúre. Āiyede tuodo barejáco Marta. Aru Lázaro máre cūrejame tuova yebai apevu dobarivuque. ³ Añure, María davarejaco trescientos paigramos baju mumijūricorore Jesú yebai. Iye mumijue nardo āmicue pare mearo corajue barejávū. Aru pare bojecue barejávuya máre. Die mumijūricorore yuarejaco Jesúi cūbobarā. Yuadó báco, ūi poðaque tārenejaco Jesúi cūbodore. Aru caiñami cūramine mumijurejavu die. ⁴ Dinumur jararejame Judas Iscariote, nūja Jesúi bueimaracacu, ūre jēne dacuyu. Óre jararí, yópe arejame ū:

⁵ —Iye ūi jarúvaicorore, aipe teni apevure bojedabetedi ū? Tāutura urarō, trescientos paíjāravuare memeiye boje jíye jaúridurebu óre. Diede boje ūni, cūve cūvabevure cadatejebu maya, arejame Judas.

⁶ Ubenina que ayu barejáme Judas. Cūve cūvabevure cōmaje āroje jāñu āmenejame, que ayu. Quénora nūvacachu barejáme. Ū marejáme nūjare tāutura nūvacapóecu. Iyede nūje tāutura corecayu, ūi urōmia ūni, nūje tāuturare nūnavarejaquemavu ū.

⁷ Ubenita Jesú arejame:

—Āmeno yávabejacu óre. Ū que daibico, meadacodo ji bajure ne jarúvarājiyede cūracobeita. ⁸ Cainumua ina cūve cūvabevu curājarama mūjaque. Ubenita yu cūbecabu mūjaque Cainumua, arejame Jesú.

Sacerdotevare jaboteipóeva ne Lázaro re boarí jarúvaiyuró

⁹ Dinumur Jesú Betania āmicuriimajinoi ūi cūde boro jāpiarejaimada obedivu judíovacavu. Que baru Jesúre jāradarejaima, aru

Lázarore máre, Jesúi nacovaimu mácure yainore jaruvvarí.¹⁰ Lázarore máre boarí jaruvaiyurejaimada ina sacerdotevare jaboteipóeva.

¹¹ Náre jocarí nurejaima obedivu judíovacavu, Jesúre ju arajivu ūi nacovaiye báque boje Lázarore yainore jaruvvarí. Que baru Lázarore máre boarí jaruvaiyurejaimada na.

Jesús Jerusaléi ūi ecoino

(Mt 21.1-11; Mr 11.1-11; Lc 19.28-40)

¹² Apejárvu, Lázaroque Jesú ūi āijárvu bácarō yóbocajárvu, Jesú Jerusaléi ūi edaquiyejedé jápiarejaquemavu na, Pascua torojuve tejjárvure járadaivu.¹³ Diede jápiari, yapoporuhare burarí ūni, ūija Jesújare copu darejaima obedivu pöeva. “Jámenijicure torojue bajadéni. Jámenijicui mearo dacaimume ūi daroimu mácu, maju judíova maje jabocu bacuyú”, arí codoboborejaima ina judíova Jesúque nuiu.

¹⁴ Pöevare ūmaiāimacu, burro ámicučre earí, ūre tubarí nurejame Jesú. Nópe teyu, yópe Jámenijicui yávaiyede ūi toivaicōjeiye báquepe, teyu barejáme Jesús:

¹⁵ Muja Jerusalén ámicuriūmarocavu, jidubejarā muja. Jájara muje jabocu bacuyú dacuyure, burrojicurā tubarí dacuyure, arí toivaicōjenejaquemavu Jámenijicui.

¹⁶ Que teinore majibedejacarā ūija Jesúi bueimara. Ubenita ūi yainí, nacajari, aru muri nriburu yóboi cavarō mearo Jámenijicui curōi, árurejacerā ūija. Dínumu maquinó “Jámenijicui toivaicōjeino mácarōpedeca Jesúre tequemavu maje, maje mearore jíyede ūre burrojicurā tubarí dayure”, arajivu barejacarā ūija.¹⁷ Ina pöeva, Jesúque curivu bácvu ūi órejaiye báquede Lázarore ūi etaquiyepé ayu cüracobede jocarí apucu

cojedeca, coyure cuivu barejáimada iye ne jáyiye báquede.¹⁸ Ne nópe coyuhiye boje no Jesúi jádovaino mácarore pöeva ne ñarí majibede, Jesúre copurādarejaima caivu ina obedivu pöeva.¹⁹ Que baru ina fariseova ne bajumia arejaimada:

—Coyurí oabevu maja. Majare jápiabema ina pöeva. Quédato Jesúque yóvaranuñama caivu, arejaimada na, ne bajumia yávaivu.

Apevu Greciacavu Jesúre ne voino

(Mt 10.38-39; 16.24-25; Mr 8.34-35; Lc 9.23-24; 17.33)

²⁰ Apevu judíova ámevu, Jámenijicure mearore jíavivu, ina obedivu pöeva jeneboi Jámenijicure mearore jínanurejaimada Jerusalén ámicuriūmaroita Pascua torojuve teinumure.²¹ Na Felipede borotenanurejaimada. Galilea ámicuri-joborōcarō ímaro Betsaida ámicuriūmarocacu barejáme Felipe.

—Jesúque boroteiyuriduivubu ūija, arejaimada Felipede.

²² Andrés yebai nuri, coyurejamedá Felipe ne borore. No yóboi, ina pucarā nuri, coyurārearejaimada Jesúre ina judíova ámevu ne borore.

²³ Yópe arí, coyurejame ūjare Jesús:

—Díjárvu ji ávaijárvu eavu. Caride jipacu Jámenijicui jádovacuyume yure, ūi daroimu mácure ūmupe, meacu bajure.²⁴ Jáve coyuhabu ūjare: Jauvu yure ji yaiquínore. Jévari coyurí coyuquijivu. Yópe cüináyabe oteiyabede maje otebedu, quénora cüinárrora mauteinomu no. Ubenita iyabe oteiyabede maje otedu, joborō jívui chede cäreja, yainope teni, píarí cüpurruri nuiyavu. Nopedeca ji yaidú, obedivu pöeva mamaūme curivu bhojarájarama, ji yaiye boje.²⁵ Nai pöecu ūi baju jecchui baru, bíjacuyume ū. Ubenita ūai pöecu jecchuecui baru ūi baju ijárvure, járvu cüiméjárvu

baquinóre cūvacuyume ū. ²⁶ Ácu pōescu yure memecaiyuscu baru, yure ūi jū aiyē jaūvū ūre. Que baru yáque ji curōi cūcuyume ū. Aru ácu pōescu yure memecaru, ūre puecadacuyume jipacu, arejame Jesús.

Jesús ūi coyuino ūi yaiquínore

²⁷ Náre coyure nurejame Jesús:

—Caride urarō chīoivu yu ji ūmei. ¿Aipe ajeba yu jipacure? ¿Yure nájino vajárōri no, ajeba yu jipacure? Abevu yu nópe. Nájinore vaicuyu darejacacu yu ijárvai, arejame Jesús ūijare, ūi bueimarare.

²⁸ Ūijare nópe coyurī bhojarī, arejame jipacure Jesús:

—Mu, jipacu, pōevare jádovajacu mi baju meacu bajure, arejame jipacure.

Dinumuma cavarō mearo Jūmenijicu curōre jocarī yávarī darorejavū: “Meavu mi que aino. Que dacacu javeta. Aru que dacuyumu yu cojedeca”, arejavū no yávarī daroino.

²⁹ Ina obedivu pōeva ūijaque curivu no būjinore jápiarejaima.

—Ópo tainomebu, arejaima nácanu.

—Que ámevu. Cūinácu ángelé yávarī daroyubebu ūre, arejaima apevu.

³⁰ Ubenita Jesús arejame:

—No yávarī daroino yure boje ámevu. Quénora mujare bojetamu no yávarī daroino. ³¹ Caride ijárvacavure ne ámene jádovari, coreóvare dacuyume Jūmenijicu caivu yure ju abevu nájinajivure cūinájárvu. Caride ijárvacavu ne jabocure, ūai abujuvai jabocure, jaruvacuyume Jūmenijicu. ³² Ubenita yu ne jocucurā pēvari jéori jāmuorajimu, yurecabu obedivu pōevare ju are dacuyu yure, arejame Jesús.

³³ Nópe arī coyuuyu, aipe árojae teni ūi yaiquínore coyuuyu barejáme Jesús. ³⁴ Ūi que aiyede, yópe arejaima ūre jápiaivu:

—Jūmenijicu ūi yávaiyede toivaicōjenejaquemavu, ūi ñuje majinajiyepu ayu ūi daroquimare yaibécu bacuyáre cainumua. ¿Aipe teni “Jūmenijicu daroimu mácu ūmupe ne jocucurā pēvari jéori jāmuóimá machuyámu yu”, ayurū mu? ¿Yécu páyurū mu? ¿Namema Jūmenijicu daroimu mácu ūmupe? arejaima Jesúre.

³⁵ Náre yávarejame cojedeca Jesús:

—Nai cūchuyucure jāravure, aviá ūi boiyede, cuiye jaūvū ūre. Que baru ñemié tuiyede, majibebi arī ūi nūinore. Quédeca quíjino baju cūchuyumu yu mujaque pēoipōescupe, jādovañu Jūmenijicu jāvene. Mujare majide daivu Jūmenijicu dápiaiyé jāvene ji bueyeque. Que baru muja diede majibevu baru caride, ji cuedé muje jéneboi cāreja, ji nūriburu yóbore apa ñeminoi cuivupe paivu barajáramu muja. ³⁶ Que baru ji cüepé cāreja muje jéneboi, ji bueiyede ju ajarā muja. Yúcavu tenajaramu muja, ji bueiyede ju aivu baru, arejame náre Jesús.

Nópe ayu bácu, náre dupini nurejame.

³⁷ Pōeva ne jáiyede ūre ne éarī majibede dayureca Jesús, ūre ju abedejaima na.

Jesúre obedivu judíova ne ju abeno

(Mr 4.12; Lc 8.10)

³⁸ Caiye iye vaidéjavu yópe ūai Jūmenijicu yávaiyede coyucaipōescu Isaías bácu “Yópe tequiyebu” arī, ūi toivaino mácarópedeca.

Mu, ji jabocu, obebejina baju ju adama ūuje yávaiyede. Jūmenijicu ūi paruédé jádovaimi obebejina bajure, arī toivaicōjenejaquemavu Jūmenijicu Isaías bácuru.

³⁹ Que baru nácapúravu ju aivu bhojabejaima. Bedióva cojedeca Jūmenijicu, yópe arī, toivaicōjenejaquemavu Isaías bácuru:

⁴⁰ Jāri eabevure daibi náre Jūmenijicu, ne jāmenajiyepu ayu. Aru dápi-

arī majibede daibi náre, ne jápi-
arī eabenajiyepé ayu. Aru Jūmeni-
jicu yópe arī, coyüibi: “Nópe daivu
yu, ne chiori oatuvabenajiyepé ayu
ne daiyede. Que baru náre mead-
-abecuyumu”, arī toivaicōjenejaque-
mayu Isaías bácuré Jūmeniicu.

⁴¹ Nópe arejaquemavu Isaías bácu ūi
jáiyé báque boje Jesucristoi mearore Jū-
menijicui jádovaiye báquede nore aru ūi
covuive báque boje ūra.

⁴² Ubenita obedivu põeva ne jabovacavu Jesúre majini, jū arejaima ūire. Ubenita fariseovare jidurinī, “Jesúque nñivubu ñuja”, abedejaima ne jápi-aiyede. Jipocamia “Jesúbe Jümenijicu daroimu mácu Cristo”, aivure maje cóji-jinamine jaetovarajaramu ñuha, ne cóji-jibenajiyepe aivu ñujaque bediôva co-jedeca”, arejaimada ina fariseova. Que baru fariseovare jidurivu, bi arejaima na Jesúre jū aivu.⁴³ Jümenijicu mearo jáiyede náre ubeni, pueno baju vorejaima põeva ne mearo jáiyede náre.

Põeva ne ñájinajino Jesús ūi yávaiye boje

⁴⁴ Yópe arī, būjino yávarī darorejame Jesús:

—Ácu pōecu yure ju ayu baru, yure daroyu bácuré máre ju aibi ū. ⁴⁵ Aru quédecabu. Ácu pōecu yure jāñu maru, yure daroyu bácuré máre jāimi ū.
⁴⁶ Ijárvai darejacacu yu. Pōeva ne majinajiyepre ayu Jūmenijicure, yu pēoñupre teyu buecudarejacacu náre. Yure que teyure ju aivu, ñeminoi ne mautebenajiyepre ayu yópe Jūmenijicure ma-jibevupre, darejacacu yu. ⁴⁷ Ubenita ácu pōecu ji couyiyede jápiayuvacari ju abedu, yu ūre ñájine dabecubu ū ãmeina teiye boje caride. Pōevare ne ãmeina teiye boje ñájine dacuyu dabe-dejacacu. Quénora pōeva bíjajorivure meadacudayu darejacacu yu. ⁴⁸ Ácu pōecu yure ubecu baru aru ji couyiyede

máre ju abecu baru, úrecabe jäve
ñájicuyu. Úi ju abe boje ji coyu^{iyede},
ñájicuyume buojaquijäravu baquinói.
⁴⁹ Ji baju ji majiéque coyu^{bevu} yu.
Quénora jipacu, yure daroyu bácu, yure
coyu^{icójeimi} ji coyu^{ye} caiyede. Que
baru pöeva ñájinajarama, ne ju abe boje
ji coyu^{iyede}. ⁵⁰ Coreóvaivu yu iyede:
Pöeva yure ju aivu baru yópe jipacu
daicójeiyepé náre, chvarajarama järavu
cüiméjäravu baquinóre. Que baru yópe
jipacu coyu^{icójeiyepeda} coyu^{yubu} mu-
jare, arejame Jesúis.

Jesús ūi bueimarare ne cubobare ūi joaino

(Mt 10.24, 40; 20.28; Mr 9.37; 10.45; Lc 6.40; 9.48; 10.16; 22.27; Jn 15.20)

13 Pascua torojávve teijárvav jipoca-cajárvav barejávav. Coreóvare-jaquemavav Jesú斯 dijárvav eainore ūi naquinore ijárvavre jocarí, copaicuyav jípacu yebai. Ina ijárvavcavavre ūi jinare cainumua jecubí ūi. Que teni ñujare jecurejaquemavav ūi yaiyeta.

² Nainú baji ñuja üi bueimaraque äñu marejáme Jesús. Javeta ñujacacu Judas, Simón Iscariotei máchre yópe arí, "Jesúre üi mauvare jení jíquijivu yu", dápiare dñarejaquemavu ñai abujuvai jabocu, üi jení jíquiyepé ayu Jesúre üi mauvare. ³ Jesús coreóvarejaquemavu majepacu Jämenijicre caiyede aru caivure purucuvaiköjeñu máchre üre paruéque. Aru coreóvarejaquemavu üi baju Jämenijicui daroimu mácu aru copaichuyu üi yebai. ⁴ Que baru coreóvayu, ñuje äiyedeca nacajari, üi pñeno-cacajede durí, epeni, tñreicajede ñini, järióri jéori buorejame. ⁵ Que teyu bácu oco doaibure yuarí buivárejame, ñuje cùbodore joachuyu. Ñuje cùbodore joarí bárejame. Ñujacacu cùináchre joaríburu yóboi, tñreicaje üi bñouicajeque tñrenejame. ⁶ Joarí tñreni ñujare coapa, Simón

Pedrore eacunurejame Jesús. Aru Pedro arejame ūre:

—Mu, ji jabocu, ūre ji cūbobare joacuyurū mu? arejame.

⁷ Jesús arejame:

—Ji cari daiyede coreóvabevu mu. Ubenita no yóboi coreóvacuyumu, arejame.

⁸ Pedro arejame Jesúre:

—Ure ji cūbobare ye joaicōjemevu mure, arejame.

Aru Jesús arejame ūre:

—Dinumu ure joaicōjemech baru, yácacu ámecuyumu mu, arejame.

⁹ Pedro arejame:

—Mu, ji jabocu, ji cūboba matuinora joarī dajocabejacu mu. Ji jipobure aru ji pūruáre máre joajach mu, arejame.

¹⁰ Aru Jesús arejame ūjare:

—Caibaju joaimu mácure bedióva cojedeca caibaju joaiye jaubevu. Quénora cūbobare joaiye jauvu, docucuru. Javeta caibaju joaimara mácavure paivutamu muja, Jūmenijicu árumeteiye báque boje muje ámeina teiyede muje chiori dápiarī, diede jarvarī, ju aiye báquede ure. Ubenita mujacacu cūinácu caibaju joaimu mácure ámemi ū, ū chioméni jarvaiyube boje ū ámeina teiyede, arejame ūjare Jesús.

¹¹ Ūre jēne dacuyure coreóvare jaquemavu Jesús. Que baru “Mujacacu caibaju joaimu mácu ámemi ū”, arejame ū.

¹² Que teni ūje cūbobare joarī bñajarī, ū puenocacajede bedióva cojedeca īni, dorejame Jesús. Dorī bñojarī, áivarā dobacudarī, yópe ūjare arī coyurejame:

—Ji cari daiye báquede, coreóvadararu muja? ¹³ Ure “bueipōecu” aru “ūje jabocu” máre aivabu muja. Muje nōpe aiye meavu ure. Quédocabu ure. Mujare bueipōecabu. Aru muje jabocabu ure. ¹⁴ Ure muje jabocvacari aru muje bueipōecvacari yebacacupe muje cūbobare joauv ure. Que baru

quédeca dajarā muja. Apevu ure ju aipōeva ne cūbobare joaiye jauvu mujare coapa. ¹⁵ Que daivu u mujare jādovacuyu aipe daiye jausrōre mujare. Que barureca ji daiyepedeca dajarā muja mujevure. ¹⁶ Jāve couyubu mujare: Yebacacu cūbebi ūi jabocure vainí tuyu. Aru daroimu cūbebi ūre daroyure vainí tuyu máre. ¹⁷ Iye cari couyiyede coreóvavivubu muja caride. Que baru nope-deca daivu baru, torojurājaramu muja.

¹⁸ Ubenita ji beomara mácavure coreóvavivu ure. Que baru “Torojurājaramu”, ji aiyede muja caivure abevu ure. Yópe Jūmenijicu yávaiyede ūi toivaicōjeiye báquepedeca vaiquíye jauvu ure: “Nai ãñu mácu yáque, ure boaiyubí”, arī toivaicōjenejaquemavu Jūmenijicu. ¹⁹ Iye vaiquíye jipocamia nōpe couyivu mujare, muje ju arājiyepo ayu jāvene “Jūmenijicu mácubu ure” ji aino mácarōre. Ji couyino mácarōpe vainíburu yóboi, coreóvarājaramu muja. ²⁰ Jāve couyubu mujare: Ácu pōecu ji jaroimare me jacopuvi baru, ure máre me jacopuvi ū. Ácu pōecu ure me jacopuvi baru, ure daroyu báture máre me jacopuvi ū.

Que arī, coyurejame Jesús ūja ūi bueimarare.

**Jesús ūi couyino Judas ūi
jēni jíquinore ūi mauvare**

(Mt 26.20-25; Mr 14.17-21; Lc 22.21-23)

²¹ Nōpe arī couyu bácu urarō chiorejame Jesús ūi ūmei. Chiori, ūjare yópe yávarī darorejame cojedeca ye yavebecabu:

—Jāve couyubu mujare: Cūinácu mujacacu ure ji mauvare jēni jíchuyume ū, arejame Jesús.

²² Ūi que aiyede ūje bajumia jārejacarā ūja, cuecumavu. Ácu ūjacacu ūi aimure majibedejacarā ūja. ²³ Cūinácu ūjacacu pare Jesús ūi jecumu Jesús yebai ūi tucavai

dobarejacacu yu. ²⁴ Yure ūi puru jabióvarī, jēniari jāicōjenejame Simón Pedro:

—“Ácuba mure jēni jícuyu?” arī, Jesúre jēniari jājacu mu, arejame yure Pedro. ūi puruque nópe arejame.

²⁵ Nópe dāyure jāñu, Jesúre pueno caðajie nuri, jēniari jārejacacu yu yavenijienas.

—Mu, ji jabocu, ácuba ū, mure jēni jícuyu? arejamecū yu.

²⁶ Ji nópe arura, ju arejame Jesús:

—Ji pāujevede jórī, ji jímu, ū macuyáme yure jēni jíyu ji mauvare, arejame Jesús.

Que arī, pāure cōpavari īni, jórī, Judare, Simón Iscariotei máchire, jídejame. ²⁷ Dīnūtūmiareca Judas diede īñuva, cūiná Satanás daicōjeni bárejaquemavu ūre. Aru ūre arejame Jesús:

—Maumena mi dāiyude dāchupujacu mu, arejame Judare Jesús.

²⁸ Ubenita ūjja náque dobarivu thoiva yebai aipe teni Jesús ūi que ainore Judare coreóvabedejacarā cāreja. ²⁹ Judas ūi cūvae boje ūjje tāuturare, ūjjacavu, “Nuje ārajiyede torojuve teinumu bojedāicōjeñume Jesús Judare”, arī dāpi-arejaquemavu. Aru apevu ūjjacavu, “Cāve cūvabevre tāuturare jícunhicō-jeñume Jesús ūre”, arī dāpiarejaquemavu. ³⁰ Iye pāure īnu mách, cūiná etarī nurejame Judas. Nami marejávū ūi etarī ūiyede.

Jesús ūi daicōjeino yóbocarō

(Jn 7.34; 15.12-17; 1 Jn 2.7; 3.23; 2 Jn 5)

³¹ Judas ūi etariburu yóboi, ūjpare yópe arī, yávarejame Jesús:

—Caride pōeva jārajivubu Jūmenijicui daroimu mách ūmupe meachu bajure. Caride yu, Jūmenijichu daroimu mách ūmupe, pōevare

jāre dāquijivu Jūmenijicu meachu bajure. ³² Jūmenijichu daroimu mách ūmupe ji jādovaru Jūmenijicu meachu bajure, Jūmenijichu vacari pōevare jādovachuyume ūi daroimu mách meachu bajure. Aru maumejieneca que dāchuyume Jūmenijicu. ³³ Muja, jímajinape paivu, majióvarō bajura cūchuyumu mujaque. Yure vorājaramu muja. Ubenita yópe ji coyuhino mácarōpe maje jabovare, mujare máre coyuhubu yu: Ji nāquinore nāiye majibevu muja. ³⁴ Caride dāicōjeino yóbocarōre dāicōjequijivu yu: Muje bajumia ujarā muja yópe ji upededeca mujare. Muje bajumia jecujarā muja. ³⁵ Que dāivure muje bajumia uřivure jāivu, majinajarama caivu ji bueimara bajure mujare, arejame ūjare Jesús.

Jesús ūi coyuhino Pedrore ūi “Jesúre yu coreóvabevu” aquinore

(Mt 26.31-35; Mr 14.27-31; Lc 22.31-34)

³⁶ Jesús que ayure, yópe arejame Simón Pedro:

—Mu, ji jabocu, ári nāñurū mu? arejame.

Jesús arejame:

—Ji nāquinore caride nuri bōjabevu mu. Ubenita ji nāriburu yóboi, mu máre nāchuyumu, arejame.

³⁷ Pedro arejame:

—Mu, ji jabocu, áiipe teni caride máque nuri bōjabedi yu? Jañru, mure cadateni, yaiquijivu yu, arejame.

³⁸ Aru Jesús arejame Pedrore:

—“Mure boje yaiquijivu yu”, ayurū mu? Jāve coyuhubu mu: “Jesúre yu coreóvabevu” acuyumu mu cari nāmi, cāyu ūi órejaquiyē jipocai. Aru yóbecue nópe acuyumu mu, arejame Pedrore Jesús.

**Jesús pőevare ūi eare
dainore Jūmenijicu yebai**

(Mt 7.7-11; 11.27; Lc 11.9-13; Jn 1.18;
6.46; 15.7, 16; 16.23-24; Hch
4.12; 1 Jn 3.21-22; 5.14-15)

14 Que ayu bácu, nñajare yópe coyurejame Jesús:

—Chíomejara muja. Jūmenijicure ju ajarā muja. Úre ju arī, yure máre ju ajarā muja.² Jipacu curoi tucubua ure cunhu. Que ámenu, yópe arī mujare coyubejebu yu. Nore muje curajiyede meadacacuñchaymu yu.³ Nore nuri, meadariñbura yóboi, copaidachaymu yu cojedeca, mujare íni nñvacudacayu, muje curajiyepo ayu yáque.⁴ Ji nñquinore majivu muja, yópe pőeva ne majiépe ma nñimare, arejame Jesús, nñajare coyayu.

5 Tomás arejame Jesúre:

—Mu, ji jabocu, mi nñquinore ye majibevu nñja. ¿Aipe ayurū mu, “Ji nñquinore majivu muja” ayu? arejame.

6 Jesús arejame:

—Yurecabu pőevare eare dayu Jūmenijicu yebai yópe ma nñinope cavarō mearoi. Yurecabu pőevare majide dayu Jūmenijicu dápiaiye jávene aru cure dayu mamañmeque máre. Nname eabenama jipacu yebare, ji nñvamenu náre.⁷ Muja yure jáve coreóvaivu baru, jipacure máre coreóvajebu muja. Caride jáve úre coreóvaivubu muja cainumha. Aru úre jádavu muja máre, arī coyurejame nñajare Jesús.

8 Úre ju ayu arejame Jesúre:

—Mu, ji jabocu, majepachre jádovajacu mu. Quénora meaquiyebu nñajare, arejame.

9 Úre ju ayu arejame Jesús:

—Mu, Felipe, ¿que joede mujaque ji cnedeca, yure coreóvabecurū cäreja? Ácu pőecu jáñu yure, jáimi jipacure máre. Que baru, ¿aipe teni “Majepachre jádovajacu”, ayurū mu yure?¹⁰ Yu

cunhu jipacuque. Aru jipacu cibi yáque cüinávare. Iye ji coyuñyede, ju ayurū mu? Iye mujare ji coyuñye ji bajuma ji dápiaino ámevu. Quénora jipacuñrecabe, nñai cuchu yáque cainumha, yure coyuñre dayu yópe ūi urópe. Aru ji daiyede máre ji bajuma dayu ámevu. Quénora jipacuñrecabe yure daicójeñu.¹¹ Ji coyuño mácarore, “Cunhu yu jipacuque aru jipacu cibi yáque cüinávare”, ju ajarā muja. Úbenita ju abevu baru ji coyuño mácarore, quénora ju ajarā yure ji daiye báque boje.¹² Jáve coyuñybu mujare: Ácu pőecu yure ju ayu, ji daiye báquepe paiyede dacayuñme ū. Aru ape paiyede me pñeno paruñéde dacayuñme, ji nñquiye boje jipacu yebai.¹³ Caiye muje jéniaiyede yure ji ámiái dacayuñmu. Yópe muje jéniaiyepedeca dacayuñmu yu, jádovacayu jipacu meacsu bajure.¹⁴ Áde muje jéniarajiyede yure ji ámiái, ji paruñéque, mujare dacayuñmu yu, arejame Jesús.

Jesús “Jipacu Espíritu Santore daracayuñme mujare” arī, ūi coyuño

15 Nñajare coyuñre nñrejame Jesús:

—Muja urivu baru yure, caiye ji daicójeiyepo darajaramu muja.¹⁶ Yurecabu jipacure jéniaçayu mujare boje, ūi daroquiyepo ayu apecu cadateipódecure. Ū cainumha cuchayuñme mujaque, jipacu daroquimha.¹⁷ Úrecabe Jūmenijicu Espíritu pőevare coreóvare dacayu Jūmenijicu dápiaiye jávene. Ijárvacavu Jūmenijicure ju abevu úre jaçopuñv buojabenama, ne jári eabe boje ūi daiyede aru ne coreóvaiye majibe boje aipe árojacure ūre. Úbenita mujacapúravu coreóvarajaramu aipe árojacure ūre, ūi mautequiye boje mujaque. Mujaque curí, dajocabecayuñme mujare cainumha.¹⁸ Téumarape dabecubu yu mujare. Mujare jocarí nñmecubu yu. Bediôva cojedeca copaidachaymu, cuchayu mujaque.

¹⁹Quijino baju yure jámenajarama ijāravucavu yure jū abevu. Ubenita mūjacapūravu yure járajaramu. Bedióva co-jedeca apusuyumu yu. Que baru mūja máre cainumta aperivu barajáramu mūja mamaúmeque. ²⁰Ánijárvu, maje copurajíjárvu baquinore, jipacu que ji cuede majinajaramu mūja, aru yáque mūje cuede, aru mūja que ji cuede máre. Maja cūinávpe curajaramu maja. ²¹Ácu pōecu ji daicōjeiye caiyede jū arī dayu, ūrecabe yure ucu. Aru ñai yure ucu, ūrecabe jipacu uquim. Yū máre ūre, yure uchre, uchuyumu. Aru ji bajure jādovachuyumu ūre, arejame ñujare Jesús.

²²Úi que arīburu yóboi, cūinách ūjacach, ūi ámiá Judas, jēniari jāre-jame Jesúre. (Judas Iscariote ámene-jame. Apecu Judas barejáme ū.) Yópe arī, jēniari jārejame Jesúre:

—Mū, ji jabocu, ¿aipe darī ñuja, mure urivu, mi bajure jādovachuyurū, ubenita apevure, ijāravucavu mure jū abevure, mi bajure jādovamechuyurū mū? arejame Judas.

²³Jesús, yópe arī, coyu'rejame:

—Ácu pōecu yure ucu, ji couyiyede jū acuyume. Ūrecabe jipacu uquim. Yū aru jipacumaque ūi yebai nūri, ūque curajaramu ñuja. ²⁴Ácu pōecu yure ubecu, ji couyiyede jū abebi. Ji couyiye ji bajuma ji dāpiaino ámevu. Quénora jipacu, yure daroyu bácu, jiede couyutamu yu. ²⁵Que arī, couyinu yu mūjare, ji cuede cāreja mūja que. ²⁶Ubenita mūja que ji cibenumure ñai Espíritu Sante, cadateipōecu, darochuyume mūjare jipacu ji parueque. Ūrecabe caiyede mūjare buechuyu. Aru ji couyiye báque caiyede mūjare árure dacuyume ū.

²⁷Mūjare, meaúme cārijimeúme curivure, epecchuyumu yu. Ji cārijimeúmene mūjare jíquijivu. Ijāravucavu mūjare ji jíyepo paiedyed jíyepo majibema. Que baru cārijimevuvu

chiomejara aru jidubejarā mūja, ayubu yu. ²⁸Mūjare ji couyino mácarōre, "Yū pucusuyumu. Ubenita mūje yebai copaidachuyumu yu" ainore, japiadavu mūja. Yure urivu baru, ji ñuquiyede jipacu yebai toroju'jebu mūja. Jipacu ji pñeno parucube. Que baru ūi yebai pucusuyumu yu. Aru toroju'jebu jañu mūjare. ²⁹Nópe couyinu mūjare caride, iye vaiquíye jipocamia, mūje coreóvarājiyepe ayu jāvene ji couyino mácarōre. ³⁰Caride ijāravucavu ne jabocu, ñai abujuvai jabocu, daibi. Que baru urarō baju mūjare coyu'bequijivu yu. Ú yure ūi daicōjeiye parue cibabecureca pucusuyumu yu. ³¹Vaiquíyebu yure yópe ji aiye báquepedeca, ijāravucavu ne coreóvarājiyepe ayu ji uede jipacure. Que baru caiye jipacu daicōjeiyede daivu yu. Jārica, etarevu, arejame ñujare Jesús.

Jesús "Oteiñyaimu yobedope páyubu" arī ūi couyino

(Jn 13.34; 15.17; 1 Jn 3.23; 2 Jn 5)

15 Ñuja ūi bueimarare, yópe arī, coyu're nurejame Jesús:

—Yurecabu oteiñyaimu yobedope páyubu. Aru jipacurecabe dimure coreipōecu, oteipōecureca páyubu. ²Aru dimu cavajibuape paivutamu mūja. Ámecavabuha, jēmecavabuare burari jarvibaibi jipacu. Meacavabuha, jēicavabuare majié burari, meadaibi jipacu, oteipōecu ūi daiyepo dayu. Que teni jēicavabuare urarō jēne daibi jipacu. ³Mūje jū aiye boje ji couyiyede, javeta mūjare meadacacu yu. Que baru jipacu ūi meadaimaramu mūja. ⁴Yáque cibarā mūja. Aru yu mūja que cibuyumu. Cūinávpe curajaramu maja. Cavabu cibedu dimure, cainidua jēmevu. Quédecabu mūjare. Yáque cibevu baru, Jāmenijichu urópe dabenamu. Yáque mautebevu baru,

mearore, yópe ji memeiyepe, dabejebu mūja. Pōeva mearore dabevəbu, yópe cavabnā jēidnā cübepe.

⁵ 'Oteiñyaimu yobedope páyəbu yə. Aru dimu cavabnāpe paivəbu mūja. Ách pōecu cūcu baru yáque aru ji cūru máre ūque cūinávəpe, ūrecabe urarō mearore dacuñu yópe Jūmenijicuñi urōpe. Übenita yáque cūbecu baru, Jūmenijicuñi urōpe daiye majibebi ū. ⁶ Yáque mautebecu, oteipōecu ūi burarī jarñvaicavabnāpe paicavabnābe ū. Dicav-abu yaicavabu jarñvaquicavabure apecu jevaiyame meādayu. Dicavabnāre jevarí, pecatoro dārī, nūvaiyame ū nore jocarī, juarī jarñvacuñu.

⁷ Mūja yure dajocabevu baru, aru ji coyuñiyede ju are nūivu baru, áde mūje jéniaiyede mūje urōpe cūvarājaramu mūja. ⁸ Mūje urarō mearo daiyede jāve ji bueimara dārī jādovaínvəbu mūja. Pōeva mūjare nōpe daivnre jāivu, jipacure mearore jínajarama na. ⁹ Yure jipacuñi ūepedeca uvu yu mūjare. Que baru ji umarape mautejarā mūja. ¹⁰ Ji daicōjeiye caiyede ju arī daivu baru, ji umara mautenajaramu mūja. Nopedeca jipacuñi daicōjeiye caiyede ju arī daivu, ūi umu mauteivu yu.

¹¹ 'Que arī, coyuñivu yu mūjare, mūje torojurājiyepe ayu ji torojuepedeca, aru mūje buojarājiyepe ayu torojurivu mūje ūme jaubevuña. ¹² Ji daicōjeino mūjare yópe ainotamu: Mūje bajumia cūjarā mūja yópe mūjare ji ūepedeca. ¹³ Pōecu ūi yaidú ūi yóvaimarare boje, ape ūi daiye cübevu, ūi jādovaquiyepu nāre ūchre. ¹⁴ Ji daicōjeiyeju arī daivu baru, ji umaramu mūja. ¹⁵ Caride "yure memecaivu" abecuñu mūjare. Quénora "ji yóvaimara" achuñmu mūjare. Pōecure memecaivu ne jabocuñi dápiañinore majibema na. Übenita pōecuñi yóvaimara ūi dápiañinore majima. Aru yure jipacuñi jápiadovaiye báquede mūjare coyuñiye

jebivu yu. ¹⁶ Yure vobeteavu mūja. Yə batetacácu mūjare vorī beoyu. Jipacuñi urōpe mūje dārājiyepe ayu, mūjare beorī epecacu. Ji epeimaramu mūja, urarō mearore dārājivu yópe Jūmenijicuñi urōpe. Aru mūje dārājiye bījabequiyebu. Quénora mautequiyebu. Que baru áde mūje jéniaiyede jipacure ji ámiái, dacacuñme ū yópe mūje jéniaiyepedeca. ¹⁷ Que baru yópe arī, coyuñivu yu mūjare cojedeca: Mūje bajumia cūjarā mūja, arī coyuñrejame Jesús, ūjare bueyu.

Jesús ū jinaque ijāravuñcavu ne ūbemara

(Mt 10.24; Lc 6.40; Jn 13.16; 17.14-18)

¹⁸ Yópe arī, coyuñre nūrejame Jesús:

—Ijāravuñcavu Jūmenijicure ju abevu mūjare ūbenajarama. Übenita coreóvarajā iyede: Mūjare ne ūbenajiye jipocai, yure ūbeteima na. ¹⁹ Mūja ijāravuñcavu baju baru, mūjare cūjebu ijāravuñcavu Jūmenijicure ju abevu, yópe ne ūepedeca ne bajumia. Übenita yávacari mūjare beorī epecacu jívū barājiyepe ayu ijāravuñcavure jocarī. Que baru náque cūrivuñvacari, nácvu ūmevu mūja. Que baru mūjare ūbema na. ²⁰ Ji coyuñvarede me ārūjara mūja. Yebacacu cübebi ūi jabocure vainí tūyv. Apevu ūnjine daima yure. Que baru mūjare máre ūnjine dārājarama. Übenita apevu ji coyuñiyede ju aima. Que baru mūjare máre ju arājarama. ²¹ Yácvuñbu mūja. Aru ina ijāravuñcavu yure daroyu báçure majibema na. Que baru mūjare máre ūnjine dārājarama na.

²² Nāre ji coyuñcudabedu, boropatebejebu ne ūmeina teiye boje. Übenita ji coyuñcudaiye báque boje ijāravuñcavure, ye bojedabemarava cūma na ne ūmeina teiyede. ²³ Ách pōecu ūbecu yure, jipacure máre ūbebi ū. ²⁴ Pōeva ne dārī majibe bajure jādovacacu yu yócvure. Apecu cübebi ji daiyepe paiyede dārī

majicu. Ji que dabedu ne jáiyede, boropatebejebu ne ámeina teiye boje. Úbenita ji nópe dñaiyede jådama na. Aru jáivacari, yure ubeni, jipacure máre ubema na.²⁵ Caiye iye vaivu yópe Jümenijicu toivaicóje ye báquepedeca üi yávaiyede: “Jaurabeda yure ubema”, arí toivaicójenejaquemavu Jümenijicu.

²⁶ Úbenita ñai Espíritu Santo, tñajare cädateipóescu, dacñumte tñaje yebai. Úrecabe pöevare coreóvare dacñu Jümenijicui dápiaye jävene. Üre jipacu curóre jocarí darocñumtu yu tñaje yebai. Üi edariburu yóboi, úrecabe coyñumtu ji borore üi jáiyе báque boje.²⁷ Aru tñaja mamarumture ji bueni bñinumture yáque cûteavu tñaja. Pu caride máre curivabu yáque. Que baru tñaja máre coyurajivabu ji borore tñaje jáiyе báque boje, arejame Jesús.

16 Yópe arí, coyure nurejame Jesús:
—Nópe coyñivu yu tñajare, tñaje dajocabenajiyepo ayu tñaje ju aiyede yure. ² Judíovai jabova jaetoviaicójenajarama tñajare ne cójijñamiajare jocarí. Apejäravu daquijäravu baquiyé pöeva ne boarí jarñvarájiyede tñajare, “Nópe dñarí Jümenijicure memecaivabu maju”, arí dápiajarama ina tñajare boarajivu. ³ Que dñarajarama, yure aru jipacure máre ne coreóvabe boje. ⁴ Nópe coyñivu yu tñajare, tñaje árrurajiyepo ayu iye ji coyñiye báquede ánjäravu, ne nópe dñarajijäravu baquiyéde tñajare, arí coyure-jame Jesús.

Jesús üi coyñino Espíritu Santoi daquinore

Yópe arí, coyure nurejame Jesús:

—Ji bueni bñinumture caiye iye ji cari coyñiye de tñajare coyñbetecacu yu, ji cue boje tñajaque.⁵ Úbenita caride yure daroyu bácu yebai nucñumtu yu. Nucñureca tñjacacu cùbebi, “¿Ari

nucñumtu mñ?” arí jeníari jáñu yure. ⁶ Quénora ularó chioñvabu tñaja tñaje ümei ji nópe arí coyñiye boje.⁷ Úbenita yácapúravu tñajare yávaiyede jävene coyñumtu yu. Ji nñquino meaquiyebu tñajare. Ji nñmenu, tñajare cädateyebu bacñuyá dabejebu. Úbenita yu nññu mácu darocñumtu üre tñajare.

⁸ ‘Dacñu edayu bácu ijäravñcavu boropateivure ne ámeina teiye boje coreóvare dacñumte. Yure boropatebecure Jümenijicu jáinore coreóvare dacñumte. Jümenijicu nñajine dacñu yure pöevare ne ámeina teiye boje máre coreóvare dacñumte ü, ji daroquim. ⁹ Náre coreóvare dacñumte ámeina teivu boropateivure ne ju abe boje yure. ¹⁰ Náre coreóvare dacñumte yure boropatebecure Jümenijicu jáinore, ji nñquiyepo boje jipacu yebai. Que baru yure jámenajaramu tñaja. ¹¹ Aru náre coreóvare dacñumte Jümenijicu nñajine dacñu yure pöevare ne ámeina teiye boje, Jümenijicu “Nájicñumtu mñ”, üi jave coyñiye báque boje ijäravñcavu ne jabocure, ñai abujuvai jabocure.

¹² Ùraró tñajare ji coyñuroe cñavavu. Úbenita cñiná caiyede jämpaiye majibevabu tñaja. ¹³ Úbenita ñai Espíritu Santo dacñumte, pöevare coreóvare dacñu Jümenijicu yávaiyede jävene. Úrecabe coreóvare dacñu tñajare caiye Jümenijicu yávaiyede jävene. Aru iye vaiquiyede coyñumte tñajare. Üi baju majiéque coyñbecube. ¹⁴ Ji majié matñiyede jämpaiyu bácu, diede tñajare coreóvare dacñumte. Que baru yure mearore jícyumte. ¹⁵ Caiye jipacu majiéde majivu yu. Que baru “Ñai Espíritu Santo ji majié matñiyede tñajare coreóvare dacñumte”, avu yu tñajare, arejame Jesús.

**Jesúi bueimara ne chioriburu
yóboi ne torojñede**
(Mt 7.7-11; Stg 1.5-6)

¹⁶ Yópe arí, coyure nurejame Jesús:

—Quijino baju yure jámenajaramu maja. Ubenita apeno quijino baju yójiboi bedióva cojedeca yure járajaramu maja, arejame Jesús ñija ui bueimarare.

¹⁷ Úi que aiyede, ñujacavu yópe arí, jénari járejaima ne baju:

—¿Aipe ayu bárica, “Quijino baju yure jámenajaramu maja. Ubenita apeno quijino baju yójiboi bedióva cojedeca yure járajaramu maja” ayu? ¿Aru, “Jipacu yebai puchuytu yu” ayu, aipe ayuha ñ? ¹⁸ ¿Carijíeneca ui aiyeque aipe ayuha Jesús? “Maiyójavu majare. Majino ámevu ui que coyuino”, arejaima ñujacavu ne bajumia boroteivu.

¹⁹ Ñuje jénari jáiyede úre coreóvayu, ñujare yópe arí, coyuarejame Jesús:

—¿Ji aiyede, “Quijino baju yure jámenajaramu maja. Ubenita apeno quijino yójiboi bedióva cojedeca yure járajaramu maja” jénari jáivurú maja, maje bajumia boroteivu? ²⁰ Jáve coyuivu maja: Muyacapúravu uraró chiori orájaramu. Ubenita ijárauvacavu Jénenijicu jü abevacapúravu torojuájarama na. Ubenita maje chioivvacari, no yóboi chioivu bácavu torojuájaramu maja. ²¹ Maje nomiva juedocuvarivu ámeno ñájimama na. Ijiébu náre. Ubenita juedocuvariburu yóboi, ijino mácarore árumenama juedocuvarivu bácavu. Némajichre jári torojuárvu, no mácaro ámeno ne ñájiye báquede árumenama na. ²² Nópebu maja: Caride uraró ñájinajaramu. Ubenita maja jácudacuytu cojedeca. Dinumma maquinore uraró torojuájaramu maja maje úmei. Aru maja ñame chiore daivu buojabenama cainumua.

²³ 'Dinumma maquinore quénora yure ye apejíene jénari jámenajaramu maja. Jáve coyuivu maja: Áde maje jéniarajiyede jipacure ji ámiái, dacacuyume yópe maje jéniaiyepedeca úre. ²⁴ Javede pu carita ye apejíene jéniametu maja cäreja ji ámiái. Jumenijicure jéniajara cari. Maje jénaru, maje jéniaiyepedeca dacacuyume Jumenijicu, maje buojarájiyepa ayu torojuárvu maje úmei jaubevuva, arejame Jesús ñujare.

Jesús ui vainí tuino ijárauvque ámene

(Ro 8.37; 2 Co 2.14; Ap 3.21; 5.5)

²⁵ Yópe arí, coyuivu nurejame Jesús:

—Nópe coyuivu yu maja apejíene jévari maiyójepeda. Ubenita apejárauvu daquijárauvu baquiyéde apejíene jévari coyubecuytu maja cojedeca. Quénora maja coyuivu nuriéne jipacu borore yavebecuva. ²⁶ Dintumma maquinore maja vacari úre jéniarajaramu ji ámiái, ji parueque. Que baru, “Jipacure jéniacacuytu maja”, abevu yu. ²⁷ Jipacu vacari ubi maja. Maja ubi, maje ue boje yure. Maja ubi, maje ju aiye boje yure, ui daroimma mácaro. Que baru maje baju jéniaiyede úre jápiacuyume jipacu. ²⁸ Jipacu que cuchu bácu, ui curóre jocarí etarejacacu, émeni dacuyu yore ijárauvu. Aru caride yore cuchu, ijárauvu jocarí dajocacuytu, cojedeca puchuyu jipacu yebai, arejame Jesús.

²⁹ Dinumare ñija ui bueimara arejacará Jesúre:

—Caride me coyuivu maja ñujare, apejíene jévamecuya. ³⁰ Caride maja caiyede coreóvayre majivu ñija. Maje jénari jáiye ye jaubevu. Que baru maje, Jumenijicu daroimma mácu bajure, ju aivabu ñija, arejacará ñija Jesúre.

³¹ Ñujare arejame Jesús:

—¿Jáve “Ju aivabu maje”, aivurú maja? ³² Járijide apa. Anijárauvu daqui-

jāravu baquinó javé eare nūinotamu no. Carijieneca yure jocarí nūrajaranu mūja mūje cūrōai coapa. Cūinácvu mautecuyu mu yu. Ubenita jipacu yáque cūbi cainhyma. Que baru cūinácu ba-juva ámevu yu.³³ Caiye iyede mūjare coyuhu yu, mūje cārijimenajiyepo ayu, mūje cue boje yáque cūinávuru. Mūjare nājine dārājarama ijāravucavu Jū-menijicure ju abevu. Ubenita jidubejarā mūja. Ijāravuque ámene javé vainí tuivu yu. Que baru ju ajarā yure, arejame nū-jare Jesús.

**Jesús ūi jēniaino ūi
bueimarare Jūmenijicuque**
(Jn 13.18)

17 Que arīburu yóboi cavarōi jāñu,
yópe arejame Jūmenijicure
Jesús.

—Mu, jipacu, ji memeinymu javé eaivu yure. Pōevare yure mímacu meacu bajure jádovajacu mu, ji jádovaquiyepo ayu mure meacu bajure.² Yure jaboteicōjeivu mu caivu pōevare, ji cūvare daquiyepo ayu jāravu cūiméjāravu baquinore caivu ina mi ju are daimarare yure.³ Māvacari Jūmenijicu cūinácura jāvetamu mu. Aru yu, Jesucristo, mi daroimu máchbu yu. Ina majare coreóvaivu, nārecabu cūvarājivu jāravu cūiméjāravu baquinore, ne coreóvaiye boje majare.⁴ Iye mi daicōjeiye báquede yure dārī bhojaiju yu. Que baru mure meacu bajure jádovaivu yu yore ijāravu.⁵ Mamarūmure majé caiyede cuedarājiye jipocai, meacu baju barejacacu mi yebare. Caride bedióva yure meacu bajure epejacu mi yebai cojedeca, yópe ji mamarūmure cue báquede, arejame Jesús.

⁶ Yópe arī, coyure nūrejame Jesús jípacure:

—Ijāravucavu mure ju abevure jaru-varī, beorī, īni, coatede dāvū mu ina

yure ju arājivure. Mamarūmureata mínu bárājivu barejáima na. Aru nāre yure ju are daivu mu. Nārecabu mure ji coyuhimara, majinajivu aipe ārojacure mure. Aru mi yávaiyede jāpiarī ju adama na.⁷ Caride caiye iye mi majié cūvare daiyede yure jāve míyede coreóvaivubu na.⁸ Iye mi coyuhicōjevarede yure, nāre coyuhu yu. Aru na ju adama diede. Yure, mi daroimu máchre, jāve coreóvaivubu. Aru mu yure daroyu báchre ju adama.

⁹ Ijāravucavu mure ju abevure jēni-acabevu yu máque. Quénora ina mi yure ju are daimarare jēniacaivu yu máque, ne mínu bae boje.¹⁰ Caivu yá-cavu mínu bu na. Aru caivu mácacu jívubu na. Aru yu meacu bajure jádovadama na.

¹¹ Yuh mautebecubu ijāravure caride. Quénora maumejieneca dacuyumu mi yebai, cūchuyu máque. Ubenita nácapūravu mautenajivubu ijāravure. Mu, jipacu bajutamu mu. Que baru ina yore mautenajivure corejacu mu mi paruhéque, iye paruhé mi cūvare daiye báqueque yure. Corejacu nāre, cūinávupeda ne tenajiyepo ayu yópe majapedeca.¹² Yore cūchuyu baju coreivu yu nāre mi paruhéque, iye paruhé mi cūvare daiyeque yure. Nāre meādaivu yu. Aru bíjabema na. Cūinácu quécura, nāi bíjacuyu ūi ámeina teiye boje, yure bíjaibi ūi, vaiquiyepo ayu yópe mi yávaiyede mi toivaicōjeiye báquede.

¹³ Caride mi yebai dacuyumu yu. Nópe coyuhu yu ji cueda cāreja ijāravure ne jāpiainoi, ne bhojarājiyepo ayu torojurivu ne ūmei jaubevuva, yópe ji torojuepedeca ji ūmei.¹⁴ Iye mi coyuhicōjevarede yure, nāre coyuhu yu. Na yápe dāpiainubu cari. Yópe ijāravucavu mure ju abevu ne dāpiayepo dāpiabema na. Que baru nāre ubema ijāravucavu.¹⁵ “Ina mi yure

ju are daimarare iñi nuvajacu ijárvavre jocarí", arí jéniamevu yu mure. Quénora "Náre jári corejacu me, abujuvai jabocu ñi ámeina dare dabequiyepe ayu náre", arí jéniaivu yu mure. ¹⁶ Yu dápiabevu yópe ijárvucavu mure ju abevu ne dápiayepe. Quédeca ina mi yure ju are daimara máre ijárvucavu mure ju abevu ne dápiayepe dápiabema na. ¹⁷ Ijárvavque ámene jarhvarí náre coavarí, epejacu mucavre, ne memecarajiyepe ayu mure. Que dajacu mi yávaiyepe. Jávetamu mi yávaiyepe. ¹⁸ Mu darorejavu yure, ji buequiyepe ayu ijárvucavre. Nopedeca yu máre jaroivu náre, ne buenajiyepe ayu ijárvucavre. ¹⁹ Ji baju epeivu yu, memecasuyu mure yópe mi unctione. Que daivu náre boje, na máre ne epenajiyepe ayu ne baju, memecarajivu mure yópe mi unctione. Que dárájivubu, ne majié boje jávene mi yávaiyede.

²⁰ Ina mi yure ju are daimara, ji bueimarare, mure jéniaicaivu yu. Aru apevre máre, yure ju aivu bárájivure, ji bueimara ne bueye boje náre, jéniaicaivu yu mure. ²¹ Mure jéniaivu yu, ne curájiyepe ayu cüinávre. Mu chvu yáque aru yu chvu muque cüinávre. Quédeca na márajivu máre cujarári majaque cüinávre. Que teivre jáivu, yure, mi daroimu mácure, ju arájarama ijárvucavu. ²² Yópe mi meadaiye báquepe yure, quédeca yu máre meadaivu náre, ne curájiyepe ayu cüinávre yópe maje cuededeca cüinávre. ²³ Náque chvu yu aru yáque chvu mu, ne curájiyepe aivu majaque cüinávrepeda. Que baru yu mi daroimu mácure aru na mi umarare cüinátuu yure mi unctioneca ucure coreóvarájarama ijárvucavu.

²⁴ Mu, jipacu, mi yure ju are daimara márajivure, ne curájiyepe yáque ji cuquinore uvu yu, ne járajiyepe ayu yure meachu bajure, mupe páyre. Ma-

marumure maje caiyede cuedarajiyepe jipocai, yure urejavu mu. Que baru yu meachu bajure, mupe páyre, jádovaivu mu. ²⁵ Mu, jipacu, meachu baju, boropatebevu mu. Mure coreóvabema ijárvucavu mure ju abevu. Ubenita yácapúravu coreóvaivu mure. Aru ina mi ju are daimara yure, mi daroimu máchure, coreóvadama na. ²⁶ Mu aipe árojacure coreóvare daivu yu náre. Aru mure ne coreóvaino pueno náre coreóvare dachuyumu yu, ne unctionepe ayu apevre yópe mi unctioneca yure. Que teni yávacari náque cuchuyumu cüinávre. Que arí, jípacure coyurejame Jesús.

Jesúre jení ne nuvaino

(Mt 26.39, 47-56; Mr 14.36, 43-50; Lc 22.42, 47-53)

18 Nópe coyuriburu yóboi jípacuque, Jesús aru ñuja ñi bueimara etarí, nuri jiajiya Cedrón ámicuriyare jatarejacará. Nore eavu oteiye curóoi, ecorejacará ñuja. ² No oteiye curóoi ñuje nñinore javede Jesúque návarejacará ñuja doce paivu ñi bueimara. Que baru noi ñuje nñiyede majidejaquemavu Judas, nñai Jesúre jení jíchuyu ñi mauvare. ³ Majicu, no oteiye curóre darejame Judas. Jipocateyu barejáme Júmenijichí cüramine coreipóevacavre, sacerdotevare jaboteipóeva aru fariseova ne jaroimara áque, aru churarravare máre. Ina ñi jipocateimara ne boarájiyede duruivu barejáima. Peoibuque aru cámaveaque máre darejaima na. ⁴ Ñre vaiquiyede majicu, náre eavure, copu nuri yópe arí, jéniori járejame Jesús:

—Ñamene voivuru muja? arejame náre.

⁵ —Jesús Nazarecacure vorádaivubu ñuja, arejaima na.

—Yábu, arejame náre Jesús.

Ne nópe boroteiyede, ne coricai nûre-jame Judas, Jesúre jéni jíyú ūi mauvare.

⁶ Jesúr ūi que aiyede, daruñi yebamia puaréva turejaima na, Jesúre jénadaivú.

⁷ Bedióva cojedeca náre jéniari járejame Jesús:

—¿Namene voivurú muja? arejame náre.

—Jesús Nazarecacure voivubu ñúja, arejaima na.

⁸ —Javeta mujare “Yábu”, avu. Yure voivu baru, dinumu ji yóvaimarare nuicōjejara, arejame ūre voivure Jesús.

⁹ Que arejame Jesús yópe ūi aino mácarōpedeca vaiquíyepo ayu, “Mu, ji-pacu, ina mi yure ju are daimaracacu ye cūinácu bíjacabebi yure”, ūi aino mácarōpe.

¹⁰ Dinumure Simón Pedro ūi boaicarovede tatorí, ñini, duarí, sacerdotevare jaboteipóecu ūi yebacacure, Malco ãmicchure, juijórí naujárejame ūi meapúravucamacucare.

¹¹ Nópe dayure jári, Jesús arejame ūre:

—Mi boaicarovede meadajacu m. Åmenore yure jipacu ūi vaidé daquiyede jáve vaicáyumu yu, arejame Pedrore Jesús.

Jesúre ne nûvaino Anás yebai

(Mt 26.57-58; Mr 14.53-54;
Lc 22.54; Jn 11.49-50)

¹² Dinumu ina churarava aru ina Jü-menijichí cûramine coreipóeva máre, Jesúre jéni, ūi pñuháre bñorí buojarí, nûvarejaima. ¹³ Úre nûvarejaima marumú Anás ãmicchucu yebai. Caifás barejáme ūi vácu. Aru ñai Caifás sacer-dotevare jaboteipóecu barejáme diuñure.

¹⁴ Ñai Caifárecabe, “Cûináchua yaidú, majare meajebu. Que teni caivu yainí bíjabejebu maja”, ayu bácu barejámeda apevú judíovai jabovare.

“Jesúre yu coreóvabevu” arí, Pedro ūi coyúino

(Mt 26.69-70; Mr 14.66-68; Lc 22.55-57)

¹⁵ Jesúre ne jéni nûvaiyede, ne yójiboi nûre nûrejacarã ñúja, yu aru Simón Pedro. Sacerdotevare jaboteipóecu coreó-vaimu marejacácu yu. Que baru ūi cûrami tâibure Jesúre ne ecovaiyede, yure máre ecoicôjenejaima. ¹⁶ Übenita tâibucarõ biaido jedevai maute dejame Pedro. Que baru ecoinore coreipóeco que borotecunurejacasu, oí ecoicôjecojoiyepo ayu ūre máre.

¹⁷ Pedro ecoyu bácre, jedevacobede coreipóeco jéniari járejaco ūre:

—¿Jesús ūi bueimaracacu ãmecurú mu? arejaco.

—¡Nácacu ãmeyu! arejame ūre Pedro.

¹⁸ Diñami ãmei jujurejavu. Que baru nôcacu yebacavu ina coreipóeva que nore toabore dacuvarí, chocarejaima. Aru Pedro máre náque chocarejame.

Jesúre sacerdotevare jaboteipóecu ūi jéniari jápiaino

(Mt 26.59-66; Mr 14.55-64; Lc 22.66-71)

¹⁹ Sacerdotevare jaboteipóecu Jesúr ūi bueiyede aru ñúja ūi bueimarare máre jéniari járejamedá Jesúre. ²⁰ Ūi jéniari jáiyede, Jesúcapúravu, yópe arí, coyure-jamedá ūre:

—Yu caivu ne jápiayede buecacu yavebecchua. Maja judíova maje cóji-jínamiai aru Jümenijichí cûrami máre bueyu batecáchu yu. Pöeva ne cójijinoai buecacu yu cainumua. Ye yavenina bue-betecacu yu. ²¹ Que baru, ¿aípe teni yure jéniari jâñurú mu? Yure jápiainu bá-cavure jéniari jájacu. Náta ji coyúiye báque caiyede majidivu coyurâjarama mure, arejamedá Jesús.

²² Jesúr ūi que aiyede, cûináchua ina cor-eipóevacacu ūi jijecamure pñuque pë-vari, yópe arejamedá Jesúre:

—Maje jabocure nópe arī, abejach mū, arejamedā.

²³ Aru Jesús arejamedā:

—Āmene ji que aru, yure coyujacu mū caride, caivu ne jápiayede. ¿Ubenita méne ji que aru, aipe teni yure pēvacurū? Pēvaiye jaubevu mure, arejamedā ūre Jesús.

²⁴ Dinumure Anás Jesúre bhoimure jarorejamedā Caifás, sacerdotevare jaboteipōecu yebai.

**“Jesúre yu coreóvabevu” arī,
Pedro bediόva ūi coyuhino**

(Mt 26.71-75; Mr 14.69-72;
Lc 22.58-62; Jn 3.14; 12.32)

²⁵ Nore toabo ēscarhi chocayu bare-jáme Pedro cāreja. Apevu nore chivu ūre jēniari jārejaima:

—¿Mu máre Jesúi bueimaracacu āmecurū mu? arejaima ūre.

—¡Nácacu āmevu yu! arejame náre.

²⁶ Dinumure sacerdotevare jaboteipōecu yebacavucacu, Pedro ūi boaicaroveque ūi buraimu mácu jich, Pedrore arejame:

—Cari ñami maredē oteye chidōi Jesúque mure jāvu yu, arejame.

²⁷ —¡Nácacu āmevu yu! Jesúre yu coreóvabevu, arejame Pedro cojedeca.

Ūi que aiye bajure, cāyu órejarejame.

Jesúre ne nūvaino Pilato yebai

(Mt 27.1-2, 11-14; Mr 15.1-5; Lc 22.1-5)

²⁸ Aviá ūi tuchumiyede, Caifái cūramine jocarī pu jabocu cūramita Jesúre nūvarejaima. Nai jabocu, Roma āmicurō jaboteino jabochi epeimu marejáme, jabotecuyu ina judíovare. Judío āmenejame ñai jabocu, Pilato āmicucu. Ūi cūrami ecoivu baru, Pascua torojuve teinoque āiyede āicōjememara májebu judíova. Que baru iye āiyede āiyurivu, diñamine corī nūmenejaima ina judíova, Jesúre nūvainu, Jūmenijicu jāmequiyepu aivu

náre āmenape. ²⁹ Que baru náre jēniari jāchetarejame Pilato.

—¿Ye āmenore boro coyurī adaivurū muja ñai ūmure? arejame.

³⁰ Ina judíova arejaima:

—Ūi āmeno dābedu, ūre davabejebu ñuja mi yebai, arejaima.

³¹ Pilato arejame náre:

—Dinumu ūre nūvari, majijarā muje baju. Muje daicōjeiyepedeca coyujarā ūre aipe ñajicuyure, ūi bojedaquiyepe aivu ūi āmeno daiye báquede, arejame.

Nácapūravu arejaima:

—Muja Romacavu ñuja judíovare boarī jaruvaicōjemevu pōevare. Que baru ūre boarī jaruvaivu bhojabevu ñuja, arejaima.

³² Nópe vaidéjavu, “Yópe vaiquíyebu” Jesúre ūi aiye báquepedeca javede aipe ārojae jocucujaravena ūi mauva ne pēvaimu ūi yaiquínore.

³³ Ūi cūramine corī nūri, Jesúre cu-tuicōjenejamedā Pilato. Ūi eaiyede ūi yebai ūre jēniari jārejamedā:

—¿Múru judíovai jabocu? arejamedā Jesúre.

³⁴ Jesúcapūravu arejamedā:

—¿Mu mi baju majini, yópe jēniari jāñuru mu, que ayu? ¿O apevu ne coyuiyede jápiarī, yópe jēniari jāñuru mu? arejamedā.

³⁵ Pilatocapūravu arejamedā:

—¿Judíovacacu bárīca yu, mi que aiyede? Mi joborōcavu aru sacerdotevare jaboteipōeva mure boro coyurī adarādama na. ¿Aipe dacurū mu, ne que āmecoroiyede? arejamedā.

³⁶ Jesús jū arejamedā:

—Ijāravucarō āmevu ji jaboteino. Yore ji jabotedu, ādamatejebu ji yóvaimara, ji mauva ne jēni jíbenajiyepu aivu yure ina judíovai jabovare. Ijāravucarō āmevu ji jaboteino, arejamedā.

³⁷ Dinumu jēniari jārejamedā Pilato:

—¿Jāve “Jabocu yu”, ayurū mu? arejamedā.

Ju arejamedá Jesús:

—Quédeca mi aimurecabu yu. Jabocubu yu. Que barureca ijāravui edarí, pōetedejaquemavu yu, jabotecuyu aru coyucuyu yávaiyede jāve bajure. Yávaiyede jāve bajure majiyurivu, yure jápiarí adarājarama na, arejameda Jesús.

³⁸ Aru Pilato jēniari jārejameda:

—¿Yéba yávaiye jāve baju? arejameda ū.

Pōeva ne boarí jarūvaicōjeino Jesúre (Mt 27.15-31; Mr 15.6-20; Lc 23.13-25)

Que ayu bácu Jesúre, jedevai etarí, pōevare borotecunurejame Pilato cojedeca:

—Āmeina tebecutame ñai ūmu ji jāru.

³⁹ Ubenita Pascua jāravui ji darí cōmajiypedeca daquijivu yu. Majacacu ji buoimaracacu cūináture jaetovaquijivu. ¿Ñai muje jabochre jaetovaji yu? aridurejame judíovare Pilato.

⁴⁰ Pilato ū que aiyede cūiná jorojíni, codoboborejaima:

—Bi, ūre jaetovabejacu mu. Barrabáre jaetovarí, darojacu mu, arejaima Pilatore ina judíova.

Ñavacucu barejáme ñai Barrabás.

19 Dinumure ina judíova ne que aiyede, churaravare jara popeicōjenejameda Pilato Jesúre. ² Aru ūre puenocacaje, jabocu doicajepa paicaje ñemijuaricajede doarejaimada na. Jesúre que teivu, miumua cāteni, cainitarabure darí, ūi jipoburā ditarabure thorejaimada ina churarava.

³ Que darí Jesúre jacoyurejaimada:

—Ména cūjacu mu, judíovai jabocu, arejaimada churarava, ūre yurivu.

Que teivu, ūre pēvavarejaimada ūi jivai ne puruáque.

⁴ Jesúre ne yuriniburu yóboi, jedevai etarejame Pilato cojedeca.

—Jájara. Jaetovaivu yu ūre, muje coreóvarājiyepe ayu: Āmeina tebecu bajube ū ji jāru, arejame.

⁵ Pilato ū que arīburuta, etarí darejame Jesús. Jabochi doicajepa paicaje ñemijuaricajequé ne doaimu mácu, ne jipoburā miumua cāteni jacoimu mácu etarí darejame.

—Jede, ūre jájara caride, arejame Pilato.

⁶ Cūiná Jesúre ne jāiyede, codoboborejaima ina sacerdotevare jaboteipōeva aru Jāmenijichí cūramine coreipōeva máre:

—Ūre jocucujaravena pēvari boarí jarūvaicōjejacu mu, arí codoboborejaima.

Pilato arejame:

—Muje baju ūre nūvari, jocucujaravena pēvari boarí jarūvajarā. Yure ji jāru āmeina tebecutame, arejame.

⁷ Arejaima Pilatore:

—“Yu Jāmenijichí mácu yu”, ávaibi Jesús. Que baru yópe cūnáro ñūjare daicōjeinope ñaipe páyure boarí jarūvaiye jaevu ñūjare, arejaima.

⁸ Ne que aiyede jápiayu, pueno baju cuecumarejaquemavu Pilato.

⁹ Diñami ecorí cojedeca, Jesúre jēniari jārejameda:

—¿Árocacurū mu? aridurejameda Jesúre Pilato.

Ubenita Jesúcapūravu bi arejameda.

¹⁰ Dinumuma Pilato arejameda ūre:

—¿Yure coyuiyubecurū mu? ¿Ji jaboede majibecurū mu? Mure jocucujaravena pēvaicōjeiyuca baru, jocucujaravena mure pēvaicōjecuyumu yu. O mure jaetovaiyucu baru, mure jaetovacuyumu yu. ¿Majicurū mu diede? arejameda.

¹¹ Jesús arejameda ūre:

—Jāmenijichí mure jaboteicōjeimi ū. Ūi que dabedu, yure yópe dabejebu mu. Que baru ñai yure jēne dayu bácu mure

mi pueno boropateibi, ūi āmeina teiye boje, arejameda.

¹² Jesús ūi nōpe coyuyede, pueno baju ūre jaetovaiyūridurejameda Pilato. Ubenita yópe arī, codoboborejaima ina judíova:

—Jesúre jaetovayu baru, ñai jabocu ijāravuacu pueno baju parucu, César maje aimu, ūi yóvaimu āmejebu mu. Ácu pōecu “Jabocubu yu” ayu, ñai jabocu ijāravuacu pueno baju parucure, César maje aimure, mauchuaibi ū, arejaima ina judíova Pilatore.

¹³ Que aivure jápiarī, ūi dobariborā dobacnūrejame Pilato. Noi dobacu, Jesúre davaicōjenejame, boarí jaruvaicōjescu ūre. Pilato ūi dobaribo curiva, cūraboaque ne tuoiva, ne meadaiva ñuje judíova ñuje yávaicamuai Gabata āmicurejavu.

¹⁴ Pascua āmicurijāravu baquinó jipocacajāravu barejávū, jāravu corica bají. Ina obedivu judíovare, Jesúre ubevure, yávarí darorejame Pilato:

—Jede, jájara caride muje jabocure, arejame.

¹⁵ Ina judíovacapūravu ūrarō codoboborejaima:

—¡Yaijácurí! ¡Yaijácurí! ¡Jocucujaravena pēvari boarí jaruvaicōjejacu ūre! arejaima na.

Pilato arejame:

—¿Muje jabocure boarí jaruvaji yu, muje dápiaru? arejame.

Ina sacerdotevare jaboteipōeva arejaima:

—Cūinácurabe ñuje jabocu, ñai jabocu ijāravuacu pueno baju parucu, César maje aimu, arejaima.

¹⁶ Que baru ne ūrōpe ðarī, jocucujaravena Jesúre pēvari, boarí jaruvaicōjenejame Pilato.

Jesúre ne pēvari yuyaino jocucujaravena

(Mt 27.32-44; Mr 15.21-32; Lc 23.26-43)

Que baru Jesúre ñi, ne pēvarajinoi nūvarejaima churarava.

¹⁷ Jesúvacari turī nūrejame dijaravede Pōe jipobucu ñuje aicu cūracuita, Gólgota āmicuricu ñuje yávaicamuaque. ¹⁸ Dicure eaivu, jocucujaravena pēvari jēorejaima na. Úque apejaravearā apevu pūcarāre máre pēvari jēorejaima, cūinácuré Jesúi meapūravu, aru apecure Jesúi cācopūravu, aru Jesúre ne coricai. ¹⁹ Yópe arī, “Jesús Nazarecacu ūre judíovai jabocu”, toivaicōjenejameda Pilato jocuvena, ne jēorajiyepa ayu divede Jesúi jocucujaravena.

²⁰ Jerusalén āmicurímaro joabejímoi Jesúre jocucujaravena jēorejaima. Que baru obedivu pōeva nore jāradaivu no toivaino mácarōre jāri borotedejaima. Yóbecuricamua yávaicamuaque toivaicōjenejaquemavu Pilato. Ñuje yávaicamuaque, Romacavu ne yávaicamuaque, aru griegova ne yávaicamuaque máre toivaicōjenejaquemavu Pilato. Que baru caivu divede jāri majidejacarā ñuje. ²¹ Pilato ūi nōpe toivaicōjeiyede ubeni, sacerdotevare jaboteipōeva coyūrānūrejaimada ūre:

—Nōpe mi toivaicōjeino mácarōpe toivaicōjemejacu mu. Quénora “Judíovai jabocubu yu”, abi ū”, arī toivarī jēojacu mu cojedeca, arīdurejaimada Pilatore sacerdotevacavu.

²² Ubenita Pilato arejame ñare:

—Ji toivaicōjeino mácarō nōpeda bajaróri no. Oatuvabecubu yu, arejameda.

²³ Jesúre jocucujaravena pēvari jēori bubariburu yóboi, ūi doiyé báquede coapa ñejaima ūre pēvaivu bácvu. Yóvaicuvaivu barejáima na. Que baru ñare coapa ñejaima. Ubenita dicaje

p̄uenocacaje nareimea c̄ubecajede coa-pavaiȳbedejaima na.

²⁴ Cūinácu nácacu arejame:

—Dicaje nareimea c̄ubecajede jaē-varí, coapa īnu, meamejebu. Yópe ðarā-jarev̄. Duvarí yajuiv̄upe tenajarev̄ maya. Ácu majacacu majare yajurí vainí tuyu, dicajede īchuyume ū, arejame.

Na “jede” arí, nópe yajurejaima na. Ne nópe coapavaiye vaidéjav̄ yópe Jūmenijicu toivaicōjeiye báquepedeca ūi yávaiyede: “Ji doiyē báquede īni, coapavarājarama na. Aru duvarí ya-jurí vainí tuyu apecajede, ji p̄uenocacaje īchuyume nácacu”, arí toivaicōjene-jaquemavu Jūmenijicu. Quédeca tede-jaima ina Jesúre jocchujaravena p̄evaivu bácv̄.

²⁵ Jesúr ūi jocchujarave joabejínoi nürejaima jípacu, jípacoi mamico Cleo-fai márepaco María ámicucho, aru María Magdalacaco máre. ²⁶ Jípacu nore nú-core aru nijinoi yure máre, pare ūi jecum̄ure, járejame ū. Aru yópe arí, yá-varejame jípacore:

—Jájaco. Mímacureca páyube ū, are-jame jípacore Jesúr.

²⁷ Yure máre yópe arejame Jesúr:

—Jájacu. Mipacoreca pádobe ū, are-jame yure.

Que teni ji cūramine óre n̄vari openi, chvarejacacu yu óre jipacope.

Jesús ūi yaino

(Mt 27.45-56; Mr 15.33-41; Lc 23.44-49)

²⁸ No yóboi, caiye iye Jūmenijicu ðaicōjevarede ðarí bubayu bácu coreó-varejaquemavu Jesúr. Que baru yópe Jūmenijicu yávaiyede ūi toivaicōjeiye báquepedeca vaiquíyepe ayu, yópe are-jame Jesúr:

—Cūiñóiv̄ yure, arejame Jesúr.

²⁹ Nore jorobu, vino úyaicoro upiári-coroque jorobu chrejav̄. Diede jauborā uyovarí hisopo ámicuricu jocuicu cava-jibui jéori jarururejame cūinácu ina chu-

raravacacu. Jesúre ūi jijecamura jijo-varejame ū. ³⁰ Die upiáteye báquede ne-neniburu yóboi, yópe arejame Jesúr:

—Quénoram, arejame Jesúr.

Que arí, ūi jipobu mori tūrī, yuyurī, yaidéjame.

Jesús bácuré churara ūi totarí cōajaroíno

(1 Co 5.7; Ap 1.7)

³¹ Dijāravu torojuve teijāravu baquinóre meadaijāravu barejáv̄. Sábado, Pascua ámicurijāravu, judíovai p̄ueno meajāravu, puedaijāravu baquinó jipocacajāravu barejáv̄. Que baru dijāravu baquinóre ne p̄evaimara mácavu jocchujaravearā ne mautebenajyepe aivu, Pilatore coyurānurejaimada ūjua judíova ūjue jabovacavu. Ūre jeníarejaimada, ūi boarí p̄hyoicōjequiyepo aivu ina jocchujaravearā jéivu ne áraðoare, ne yainájiyepe aivu maumena, jöðavari īnajivu ne bajuá báquede torojuve teijāravu baquinó jipocai. ³² Que baru Pilato ūi cōjeniburu yóboi, ina jocchujaravearā yuyuiv̄re ne áraðoare boarí, p̄hyorānurejaima churaravacavu. Mamarum̄ucacure earí, ūi áraðoare boarí p̄hyorí, apecure máre quédeca boarí p̄hyorejaima ina churarava, Jesúque jocchujaravearā p̄evaimara mácavure boaivu. ³³ Ubenita Jesúr yebai eaivu, javé yaiyú bácuré járejaima. Que baru yaiyú bácuré jári, ūi áraðoare boarí p̄hyobedejaima.

³⁴ Ubenita quédeca cūinácu churaravacacu Jesúi tépenaba cächinoi ūi tāutedor̄que totarí cōajarojame ū. Jive ocoque jívaiye etarejav̄ dicobede, ūi totarí cōajarojede. ³⁵ Yávacari járejacacu. Que barureca ji jáiye báquede toivarí epeyubu yu, m̄uje j̄a arājiyepe ayu Jesúre. Ji majié jáve bajure couyubu yu.

³⁶ Que vaidéjavū. Yópe Jūmenijichí yávaiyede ūi toivaicōjeiye báquepedeca vaino marejávū: “Úi cūađoare ye cūináđo phyobenajarama na”, arī toivaicōjenejaquemavu Jūmenijich.

³⁷ Aru apeno Jūmenijichí toivaicōjeino mácarō aiyepedeca vaidéjavū: “Ne totaimu mácure járajarama pōeva”, arī toivaicōjenejaquemavu Jūmenijich.

Jesús bácu jaruvaimu ne pōe jaruvainoi

(Mt 27.57-61; Mr 15.42-47;
Lc 23.50-56; Jn 3.1-2)

³⁸ Jesús ūi yainíburu yóboi, ū máchi baju bácarōre meadaiyus, Pilatore jē-niacunurejamedá José Arimateacas. Jesús bácu ūi bueimu mách baridurejame. Ubenita sacerdotevare pare jidurejamedá. Que baru “Jesúcacbu yu”, arī coyubedejamedá José. Pilato Joséde ju arejamedá. Que baru Jesús báchi baju bácarōre ūni, nūvarejaimada Joséjā. ³⁹ Joséde cadatecunurejamedá Nicodemo, ūi mamarumure ūami Jesús báchre borotecunuh mách. Jesús báchi baju bácarōre meadachuy, Nicodemo me mumijuripenaque jīvaiyede nūvarejamedá. Jocuch cuidó mirra āmichiricu yoca aru vecuichichabo jēicucoro máre, treinta paikilos ūni nūvarejamedá.

⁴⁰ Jesús báchi baju bácarōre ūni, nūvari, meadarejaimada na. Meacaje lino āmichiricajeque aru iye mumijueque ū máchi baju bácarōre cūmarejaimada. ūja judíova ūuje darī cōmajiyepe yaiyá báchre ūuje jaruvarājiye jipocai meadarejaimada Joséjā. ⁴¹ Jesús báchre ne pēvari jēoino mácarō joabejíno oteiye cūrōi ū mácure nūvarejaimada. Nore pōe jaruvainaibe mamacobe chrejavū. Cūracobei Jesús báchre nūvarejaimada. Pōeva ne yaivu bácvu ne ūmamecobe barejávū dicobe. Nore Jesús báchre jaruvarānurejaimada Joséjā. ⁴² Jabuovaijāravu baquinó

jipojīca barejávū no. Aru dicobe joabejínoi marejávū. Que baru maumepeda Jesús báchi baju bácarōre meadarī, nore jaruvarānurejaimada.

Jesús ūi nacajaino yainore jaruvvarī

(Mt 28.1-10; Mr 16.1-8; Lc 24.1-12)

20 No sumana būijāravu domingo javejñara, aviá ūi tucumhquiy e jipocai, Jesús báchre ne jaruvainoi jáconurejacoda María Magdalacaco. Nore earī, no cūratrava uratrava dicobede bieitrava bácarō javeta veoitrava bácarō marejávaya ecoicobede jocarī. ² Nópe jári, cūná cuyarī darī, Simón Pedrore aru yure máre coyuhoearejaco María. ūjare edarī, yópe arī, coyurejaco:

—Maje jabocu báchi baju bácarōre dicobede jocarī ūni, nūvari, apenoi epe-nama apevū. Ne nūvari epeinore majibevu ūja, arejaco ūjare María.

³ Ōi que aiyede, ūmarore jocarī nure-jacarā ūja, Pedromaque, Jesús báchre ne jaruvainore járanhivu. ⁴ Cúyarī nure-jacarā ūja. Ubenita Pedrore jocarī ūri, ūi jipocai earejacacu yu. ⁵ Ūi jipocai earī, dicobe jīvui nacachini járidurejacacu yu. Nore Jesús báchre ne cūmaicaja báquede, nore paraicajeare, járejacacu. Ubenita dicobede ecorī ūmenejacacu yu. ⁶ Ji yóbo earī, dicobei cūiná ecorī nurejame Pedro. Dicajeare nore paraicajeare járejamedá ū máre. ⁷ Aru yaiyá báchre ne jipobare moaicaje bácarōre jīcua tubaricaje pēpejeicajede máre járejamedá Pedro. ⁸ Dinumu dicobede mamarumure eayu bácu nore ecorī nurejacacu yu máre. Nore ecorī, yu máre caiyede járejacacu.

—Jāve bajubu. Jave nacajacube Jesús yainore jaruvvarī, arī dāpiarejacacu.

⁹ Jūmenijichí toivaicōjeiye báque jipocaquede, Cristo nacajacu yure yainore jaruvvarī majibenidurejacarā ūja cāreja. ¹⁰ Dinumuma, járiduivu

bácavu, n̄uje cūrami copainurejacerā
n̄uja pucarā.

Jesús ūi cueteino María Magdalacacore

(Mr 16.9-11)

¹¹ Marí María Magdalacaco copainuri
Jesús bácre ne jarvainoi, dicobe
jedeva bajita núco barejácoda, odo.

Orí, nacachini, dicobe jívui járejacoda.

¹² Nore pucarā ángelevare, Jūmenijicu
daroimarare, járejacoda María.
Boricajeare doivu dobarejaimada na
Jesús báchi paraino mácaroi, cūinácu
ūi jipobu bácaroi aru apecu ūi cumboba
bácaroi. ¹³ Aru arejaimada óre:

—Mu, nomiō, ¿aipe teni odorū mu?
arejaimada na.

Ó arejacoda:

—Ji jabocu báchi baju bácarore nu-
varama apevu. Ári ne nuvainore ma-
jibevu yu, arejacoda.

¹⁴ Que adova, copedini, nore núcure
Jesúre járidurejacoboda, Ubenita úre
coreóvabedejacoda. ¹⁵ Óre arejamedá:

—Mu, nomiō, ¿aipe teni odorū mu?
¿Namene vodorū mu? arejamedá.

Ubenita, “Yore oteye curore cor-
eipöecu bajubí ū, que ayu”, arí dapiarī-
turejacoboda ó.

—Mu, ūmu, ū mácre nuvañu mácu
baru, mi epeinore coyujacu yure. Yu bá-
cojivu úre íconuño, arejacoda ó.

¹⁶ Jesú arejamedá óre:

—María, arejamedá.

Cūiná copedini ó, hebreo ámicurica-
mua yávaicamuaque:

—Rabuni, arejacoda Jesúre.

Rabuni aiyurō, bueipöecu
aiyurōtamu.

¹⁷ Yópe arí, coyure nurejamedá Jesú.

—Jipacu yebai nūmevu yu cäreja. Que
baru yure jéni jámejaco mu. Quénora
jívure yópe coyucacaconçjaco yure: “Ji-
pacu yebai, ji mearore jím u yebai, nūñu-
tamu yu. Aru jipacu mujepacube ū.

Muje mearore jímume ū jipacu”, yópe
arí, náre coyucajaco yure, arejamedá
Maríare Jesú.

¹⁸ Que aríburu yóboi, n̄uja ū
bueimarare coyucodarejaco Maríá:

—Maje jabocure jāvui yu, arejaco
n̄ujare.

Que arí, ūi aiye báquede coyurejaco ó
n̄ujare.

Jesús ūi cueteino ūi bueimarare

(Mt 16.19; 18.18; 28.16-20;

Mr 16.14-18; Lc 24.36-49)

¹⁹ Dijáravu, sumana būijáravumica
n̄amine, n̄uje cūramine bienina
curejacarā n̄uja, Jesúi bueimara, diñami
jívui, n̄uje jidué boje n̄uja judíova n̄uje
jabovare. Que jidurivure n̄uje coricai
cuetedejame Jesú.

—¿Ména curaru muja? arejame n̄ujare
Jesú, jacoyuyu.

²⁰ Que ayuva, ūi puruáre aru ūi tépen-
aba cächinoi ūi churiá báquede jádo-
varejame Jesú. N̄uje jabocure jāivui,
uraró torojurejacoboda n̄uja. ²¹ Bedióva co-
jedeca n̄ujare arejame Jesú:

—¡Cujarā muja cārijimena! Yópe yure
jipacu ūi daroibe báquepedeca caivure
bueicójeni, nopedeca yu máre mujare
jaroyutamu yu, arejame n̄ujare Jesú.

²² Que arí, n̄ujare ūme jasurejame.
Aru arejame:

—Espíritu Santore jacopujarā muja.

²³ Namene “Jūmenijicu árumemi muje
ámeina teiyede” muje aru, jāve diede
árumemi Jūmenijicu. Ubenita namene
“Jūmenijicu árumetebi muje ámeina
teiyede” muje aru, jāve diede árumetebi
Jūmenijicu, arejame n̄ujare Jesú.

Tomás ūi jáino Jesúre nacajañu mácre yainore jaruvári

²⁴ Jesú ūi edaiyede n̄ujacacu Tomás,
pējacu n̄uje aimu, n̄ujaque cübedejame
ū. ²⁵ Que baru Jesú ūi nuriburu yóbo,

Tomáre coyuridurejacarā Jesúre jáivu bácavu.

—Maje jabocure jávu ñuja, arejacarā ñuja.

Aru Tomás arejame:

—Jáve ámetevu. Úl baju ámeteyu. Úl puruáre ne pëvaiye báquede yu ji baju jáñu maru, “jáve” acuyu. Ne pëvaiyoa coiye báquede ji ámuyoque yu ji baju doarí jáñu maru máre, “jáve” acuyu. Aru üi tépenabacachuri bácarore yu ji baju doarí jacoyu baru, “Jávetame ñai” acuyu, arejame ñujare Tomás.

²⁶ Ocho paíjárvaa yóboi, nomica ñuje cùramine bienina currejacarā ñuja cojedeca. Dinumire ñujaque currejame Tomás máre. Diñami bieñamineca ecorí, ñuje coricai curredejame Jesús cojedeca. Aru arejame ñujare:

—¿Ména churáu muja? arejame.

²⁷ Dinumire arejame Tomáre:

—Mu, Tomás, mi ámuyoque ji puruáre mu mi baju doarí jácudajacu. Aru ji tépenabacachuri bácarore máre mu mi baju doarí jájacu. Ju abecu tebejacu mu. “Jávemu” arí, ju ayu tejacu, arejame Tomáre Jesús.

²⁸ Tomás, üi churiá báquede jári maticu, arejame:

—Ji jabocu bajubu mu. Yure Jümenijicu bajubu mu, arejame.

²⁹ Aru Jesús arejame:

—Yure jáivu mu mi baju. Que baru mu yure ju aivu. Torojurivbu na jámevava yure ju aivu, arejame Jesús.

Juan üi toivaino pöeva ne ju aräjiyepu ayu Jesús

³⁰ Pöeva ne darí majibede ure darejame Jesús ñuje jáiyede. Yore ijárvu üi daiye báque caiyede corevarí toivabevu yu. ³¹ Ubenita diede toivacaivu yu, Jesús muje ju aräjiyepu ayu. “Jesucristobe Jümenijicu daroimu mácu. Jümenijicu mácu be Jesús” muje aräjiyepu

ayu, iyede toivacaivu. Muje majini ju aräjiyepu ayu úre, iyede toivacaivu yu. Jesúre ju arí, mamaúme cuvarajaramu muja. Que baru mujare, yópe arí, toivacaivu yu.

Jesús üi curreteino siete paivu üi bueimarare

(Lc 5.5-6)

21 No yóboi bedióva cojedeca ñujare cueteni, jádovarejame Jesús macajitabu Tiberias ámicurijitabu écarui. Yópe barejávü Jesús üi curreteino mácaro. ² Simón Pedro; Tomás, pëjacu ñuje aimu; Natanael, Galileacaró ñimarocu, Canácacu; Zebedeoí mára pucará, jíamichu aru yu; aru apevu pucará Jesúi bueimara quévura currejacarā ñuja noire.

³ Simón Pedro arejame ñujare:

—Yu moa boacéñumu, arejame.

Aru ñuja arejacarā:

—Jede, ñuja máre daivbu, arejacarā. Que arí, jiadocu jaturanurejacarā ñuja. Jave nainúta marejávü. Nami joaró pápi boarídurejacarā ñuja. Ubenita boabédejacarā. Ye cùinájicu cùvabedejacarā. ⁴ Javejina miaédáe tuiyede, dibu écarui cucudarejaquemavu Jesús. Ubenita ñuja moa boaríduvu úre nore núcure jári coreóvabedejacarā. ⁵ Ñujare órejarejame, yópe arí:

—¿Moa boabénaru muja? arí jeníari járejame ñujare.

—Bítamu. Moa boabénu, arejacarā.

⁶ Jesús arejame ñujare:

—Jiadocu meapúravu duvarí, jaboájará muja. Que daivu boarajaramu muja, arejame.

Úl que aiyede, meapúravu duvarí, jaboárí, dabuborí, inidurejacarā. Moa pucajinare boaréjacarā. Dabuborí oabedejacarā. ⁷ Yu, Jesúi pare jecumu, arejacacu Pedro:

—Maje jabocu vacaribe ñai, que ayu, arejacacu Pedro.

Simón Pedro ji que aiyede ūi pheñocacajede duyu bácu ūi moa boarí memeiye boje, dorí, jārióri, dibui biarári corí Jesús yebai tarí nurejame. ⁸ Úi yóboi jiadocūi darejacarā ūijá. Dicu pápicure moa buiní vaidéjaima na. Que baru dicure ūni, adaivu oabedejacarā. Quédala jabuborí, ēcaru mavaranurejacarā. Joabejíno cien paímetros baju barejávú. ⁹ Ēcaru eaivu, jiadocure datuhóri, mari nurejacarā pu Jesús yebai. Toaboi moa joayá barejáme ū. Aru pāure máre chvarejame Jesús.

¹⁰ Dinumure Jesús ūijare arejame:

—Muje boaimara mácavu obebevure davajarā, arejame.

¹¹ Que arí, jiadocūi jatuchuñarejame Simón Pedro cojedeca. Pápicure jabuborí, ēpacūi jūarejame. Urará marejáima ūije boaimara mácavu. Ciento cincuenta y tres baju barejáima. Obedivvacari dicu pápicure codebedejaima na.

¹² Jesús arejame ūijare:

—Āradajarā, arejame.

Aru “¿Namenu mu?” abedejacarā ūija Jesúre. Úre majidejacarā. ¹³ Ūijare tuorejame Jesús ūije aiyede. Pāure jíni aru moa ūi joaimara mácavure máre ūijare jídejame Jesús.

¹⁴ Nóque yóbecue ūija ūi bueimarare cuetedejame Jesús ūi nacajariburu yóboi yainore jaravarí.

Jesús Simón Pedromaque ne boroteino

¹⁵ Ūije āri buojariburu yóboi, Simón Pedore jeníari jarejame Jesús:

—Mu, Simón, Jūai mácu, ¿ucurū mu yure ina apevu ne ue pheño? arejame.

Aru Pedro ju arejame:

—Mu, ji jabocu, mure uvu yu. Ji uede mure majivu mu, arejame.

Úi que aiyede, Jesús arejame:

—Dinumu yure ju aivure, parubevure cāreja ne ūmei, meadacajacu yure. Mi coreiye inare jaunu yópe ovejava mamajinare coreiye jañépe. Ji coyuie báquede bueni, náre yure ju ariduivure ju are dajacu, arejame Pedrore.

¹⁶ Bedióva cojedeca ūre quēdeca jeníari jarejame Jesús:

—Mu, Simón, Jūai mácu, ¿yure ucurū mu? arejame.

Ju arejame Jesúre cojedeca:

—Mu, ji jabocu, mure uvu yu. Ji uede mure majivu mu, arejame.

Úi que aiyede, Jesús arejame:

—Yópe ovejavare coreipōecu ūi meadaiyepo ovejavare, nopedeca yure ju aivure meadacajacu yure. Úi aoiyepo ovejavare, ji coyuie báquede buejacu mu yure ju aivure, arejame Pedrore.

¹⁷ Que arí, bedióva cojedeca jeníari jarejame ūre Jesús:

—Mu, Simón, Jūai mácu, ¿yure ucurū mu? arejame.

Yóbecue Jesús ūi que aiyede, urarō chiorejame Pedro. Que baru arejame:

—Mu, ji jabocu, caiye jañeda majivura mu. Mure uvu yu. Majivura mu, arejame.

Jesús arejame Simón Pedore:

—Yure ju aivure meadacajacu yure. Ovejavape paivabu na. Ji coyuie báquede náre majicajacu mu. ¹⁸ Jāve coyuibu mure: Mu mi bojurumha doiyé mi uede dorí, āri nuiyacu mu, nuiquemavu mu. Ubenita bñaschuta mure buorí nuivacuyume apecu. Mi amuveare dabuborí, buorí, dacuyume mure. Dinumu maquinó mi nuiyabenoi mure nuivacuyume, arejame.

¹⁹ Nópe ayu, Pedro ūi yaiquínore coyuibu barejaquéma Jesús. “Mi yaiquínore mi daiye boje ji urópe jāri, Jāmenijicure mearore jínajarama pōeva”, ayu barejaquéma Jesús, Pedore que ayu. Dinumu arejame Pedore:

—Ji bueimu májacu mu, arejame Jesús.

Jesúi bueimu pare ūi jecumu

(Jn 13.25)

²⁰ Pedro copedini yure ūi yóboi dayure járejame. Yu barejacácu, Jesúi bueimu ūi pare jecumu, ūi yebai ūi tucavai dobacu bácu ñuje áino mácarore. “Mu, ji jabocu, ¿ñame maquidí mure jéne dacchuyu mi mauvare?” jéniari jāñu mácu barejacácu Jesúre. ²¹ Ne yóboi dayure yure jári, yópe arejame Jesúre Pedro:

—Mu, ji jabocu, ¿ñaine aipe vaiquídica? jéniari járidurejame Jesúre.

²² Jesús arejame Pedrore:

—Ji uru, bedióva cojedeca ji copaidaiyeta yaibécuva cujebu ū. Ñaine vaiquíye míye ámevu. Cárrijovamejacu ūre vaiquíyede. Mácapúravu quédá ji bueimu májacu mu, arejame.

²³ Que teni Jesús ūi aiye báque boro nurejaquemavu ūi bueimara jéneboi: “Jesúi bueimu pare ūi jecumu yaibécchuyume ū”. No aino boro nurejaquemavu yurā. Que arídurejaima Jesúcavu. Übenita nópe ayu ámenejame Jesús. “Ye yaibécchuyume ū”, ayu ámenejame Jesús. Quénora “Ji uru, bedióva cojedeca ji copaidaiyeta yaibécuva ūi curu, míye ámevu”, arejame Jesús.

²⁴ Jesús ūi que aimamu yu. Que barureca nuriéna couyuyubu yu. Iye caiye ji toivarí epeiyet báque jávetamu. Ji toivarí epeiyet báque ñuja majivu jávene.

²⁵ Jesús ūi daiye báque caiye cuvu. Übenita caiye yore toivabevu yu. Caiye ūi teiye báquede paperare toivarí jéoru, paperatucuboa ure baju nujebu. Caiye iye toivajuroede epeino cubejebu ijárvhi. Quénoramu.

Jesús ūi yávaiye méne beorī coyūicōjeimara ne daiye Espíritu Santoi paruéque

Los hechos de los apóstoles

Mamabúinore coyuiyebu Lucas bácu ūi toivaiye báquede Jesús ūi yávaiye méne beorī coyūicōjeimara ne daiye báquede Espíritu Santoi paruéque. Lucas bácu, judío āmenejaquemavu. Júoiropēcu barejaquémavu (Col 4:11-14). Cucuñrejaquemavu Pablo bácuque (Hch 16:10). Diede toivarejaquemavu, bñojacuyu ūi toivaino mácarõre ūi bñiye báquede ūi coyuiyequ Jesucristorā. Que baru Lc 24:50-53 aru Hch 1:1-11 máre coyurejaquemavu Jesús ūi muri nñino mácarõre cavarō mearoi. Majidivu ne dápiaiyepo maumena ūi jebeniburu yóboi ūi toivaino mácarõre Jesucristorā, toivarejaquemavu Jesús ūi yávaiye méne beorī coyūicōjeimara ne daiye báquede Espíritu Santoi paruéque, āniñuá báquede 62-65 d.C. Ári ūi cuede ūi toivaiyede diede caivu majibevu.

Toivarejaquemavu nai ūmu Teófilo bácuru aru apevú judíova āmevure, ne majinajiyepo ayu aipe ina Jesús ūi yávaiye méne beorī coyūicōjeimara mácavu ne coyuiyede, aipe judíova ne ju abede iye coyuiyede, aipe judíova āmevú ne ju aiyede diede, aru aipe jabova ne daiyede ina Jesús ūi yávaiye méne beorī coyūicōjeimara mácavure. Yópe Jesús ūi coyūicōjeiyepo ūi yávaiye méne "Jerusalécvure, Judeacavure, Samariacavure, aru pu caino joborōcvure máre" (1:8) nopedeca coavaiyepo bñojaiyu iye toivaiye báquede: (1) ne coyuiyede Jerusalén āmicuríimarocavure (1:1-6:7); (2) ne coyuiyede Judea aru Samaria

āmicurijoborōcvure (6:8-9:31); (3) aru ne coyuiyede apenoa joborōcvure máre (9:32-28:31), ina Antioquia āmicuríimarocavure (9:32-12:24), ina Asia āmicurijoborōcvure (12:25-16:5), ina Egeo āmicuriyia jia urada ēcarucavure (16:6-19:20), aru ina Roma āmicuríimarocavure máre (19:21-28:31).

Espíritu Santo ūi daquino

(Mt 3.11; Mr 1.8; Lc 3.16; 24.49; Jn 1.33)

1 1-2 Mu, Teófilo, ji mamarumu toivaiye báquede toivacacu yu, mi majiquiyepo ayu caiye iye Jesús ūi daiye báquede aru caiye iye ūi bueiye báquede máre. Majicacacu yu mure caiyede Jesús ūi memeni bñijárvure, aru pu ūi cavarō mearo Jñmenijicu curōi mñjárvita máre, jípacu Jñmenijicu ūi jacopaiyovaiyede ūre cavarō mearo ūi curōi. Aru ūi muri nñquiye jipocai, Jesús daicōjenejamedá ūi yávaiye méne beorī coyūicōjeimara ūi beoimara mácavure, Espíritu Santoi paruéque.³ Aru caiye cuarenta pñjárvava Jesús ūi yainfburu yóboi, ina ūi yávaiye méne beorī coyūicōjeimara jåvarejaimada ūre cainumua. Que baru jåve majidejaimada na Jesús apucure cojedeca, ñacajañu mácure yainore jarvavá. Ūre jårejaimada. Aru coyurejamedá náre Jñmenijicu jabotequiyede ūi pñevare.

⁴ Jesús cuchu bácu náque cäreja, yópe arí, cójenejamedá náre:

—Numejara mñja Jerusaléne jocarí cäreja. Queda corejará nñaine, jípacu daroquimure mñjare. ⁵ Juan Bautista bácu jådovame mñjare Jñmenijicure ocoque. Ùbenita yu jådovacuyubu mñjare Jñmenijicure pñeno mearo baju obebejárvava yóboi. Darocuyubu mñjare nai Espíritu Santore, arejamedá náre Jesús.

**Jesús ūi muiño ūmhi, cavarō
mearo Jūmenijichí curōi**

(Mt 28.19; Mr 16.15,
19; Lc 24.47-48, 50-51)

⁶ No yóboi, Jesús ūi yávaiye méne beorí coyūicōjeimara cójjidejaimada ūque cūracū Olivocū āmicūricū puenoi. Aru jēniari jārejaimada ūre:

—Mu, nūje jaboch, ¿caride jaboteicō-
jequídica mu cojedeca majacavu, Israe-
cavure? arejaimada na.

⁷ Jesús arejamedá náre:

—Jipacu, ūi caivure jaboteiye boje,
majibi aipijāravu vaiquíye jaúrōre.
Ūbenita ū majicōjememi mujare iyede.
⁸ Jūmenijicu darocuyube ūai Espíritu
Santore, ūi daicōjequíyepe ayu mu-
jare. Que baru mujja coyurājaramu
ji yávaiye méne. Coyurājaramu mujje
jáiyede ji daiye báquede aru mujje jápi-
aiyede ji coyuhíe báquede máre. Coyurā-
jaramu caivu ijāravucavure: Jerusalé-
cavure, Judeacavure, Samariacavure,
aru pu caino joborōcavure máre, are-
jamedá Jesús.

⁹ Que arí yávaiyeda, Jesúre jacopaiyovarejaquemavu Jūmenijicu náre
jocarí, cavarō mearo ūi curōita. Ūi
muyedeca ocopenibo darí, ūre taore-
javuya. Quénora jámenejaimada ūre.
¹⁰ Ne járiduyedeca cavarōre Jesús muri
bijayure, cūiná, pucarā ūmuva doivu
boricajea cuitótecajeare nūrejaimada ne
yebai. ¹¹ Ina pucarā ángeleva jēniari
jārejaimada náre:

—Muja, Galileacavu, ¿aipe teni yui
núri jáivurū mujja cavarōre? Ñai Jesús
muhñu mácu mujare jocarí cavarō mearo
Jūmenijichí curōi copaidacuyube co-
jedeca ijāravu cavarō meareore jocarí
yópe ūi mhiyepedeca, arejaimada.

**Matíare ne beoino Judas
bácu ūi yaiye boje**

(Mt 3.16; 10.2-4; 27.3-8; Mr 1.9; 3.16,
19; 16.19; Lc 3.21; 6.14-16; 24.51)

¹² No yóboi, Jesús ūi yávaiye méne
beorí coyūicōjeimara copainurejaimada
cūracū Olivocū āmicuricūre
jocarí Jerusalén āmicuríimaro. Cūinákilometro
vaivárejaimada na. Yópe judíova ne
jabuóvajárvu nūicōjeiyepa vaivárejaimada na.

¹³ Ne eaiyede diímaroi, ecorí, nuri
cūinádamí cūrami, ūmuçatucubuña, ne
curitucubuña, ecorejaimada na: Pedro,
aru Juan, Santiago, Andrés, Felipe,
Tomás, Bartolomé, Mateo; apecu
Santiago, Alfeoi mácu; Simón āmicach
Celote, aru Judas, apecu Santiago jicu
máre. ¹⁴ Obedijárvu Jūmenijicu que
jēniari, cójjivu barejáimada na nore.
Jesúi yóva, María, Jesúi paco, aru apev
nomiva máre, caivu ina cūináturu ne
ūme Jūmenijicu que jēniarejaimada na.

¹⁵ Obebejárvu yóboi, Jesúre ju
aipōeva cójjidejaimada. Ciento veinte
paivu baju barejáimada na. Aru Pedro
nacajari arejamedá náre:

¹⁶ —Mujja, jívu, jave vaivu yópe Jū-
menijicu toivaicōjeiye báquepe David
bácre Espíritu Santo paruqué. Judas
bácu jēni jíame Jesúre ūi mauvare. ¹⁷ Ū
mácu, majacach bácu, yóvayu bateáme
majare. Que baru ū mácu máre Jesús ūi
beoimu mácu bateáme, ūi memequiyepa
ayu majaque, arejamedá náre Pedro.

¹⁸ Jesúre ūi jēni jíquye jipocai,
Judas bácu jacopurejamedá tātuturare,
ūi Jesúre jēni jíye boje, ūi āmeina
teiye boje. Iye tātuturaque apev
bojedarejaimada cūináro joborōre. No
joborōre ūi baju boarí jaruvaiyuchu,
ūmu turí darí ūi baju bijarejamedá
Judas bácu. Aru ūi curabo etarejavuya
joborōita. ¹⁹ Caivu Jerusalén
āmicuríimaro cavu jápiarejaimada

ñ máchi borore. Que baru ne yávaicamuaque ámidorejaimada no joborõre Acéldama ámicurõ, Jivecurõ aiyurõ. ²⁰Pedro are nurejamedá ina Jesúre jü aipöevare yópe:

—Jave toivarejaquemavü iye toivaiye báque Salmos ámicurõi yópe Judas báchi borore:

Üi curõ mácarõ pöecübeno majaróri.

Ñame cübejarãri nore, arí toivarejaquemavü.

'Aru yópe toivarejaquemavü apeno Salmoi:

Apecü dajacurí üi memeino mácarõre, arí toivarejaquemavü.

²¹⁻²²'Que baru apecü yóvajacurí ñu-jare, ñ máre coyusçuyü pöevare ñu-jape: "Majivü yu Jesúr apusçure. Üre jácacü yu, nacajañure yainore jaruvarí", arí coyusçuyümé ñ. Ü majacurí cüinácu ná-cacü ina ñu-jaque curivü bácavu járavu coapa Jesúr üi cuiyede ñu-jaque, Juan Bautista bácu üi jádovari bùiyede pöe-vare Jümenijicure ocoque, aru pu Jesús üi muijára-vita cavarõ mearo Jümeni-jicu chroí, arí coyurejamedá náre Pedro.

²³Üi coyuriburu yóboi, ina pöeva jádovarejaimada pucarã ñumavare, ná-cavure, cüinácu üi ámiá José, ne ámi-doimü Barsabás aru apenümüa ne ámi-doimü Justo, aru apecü máre, üi ámiá Matías. ²⁴⁻²⁵Yópe arí, jeniarejaimada ina Jesúre jü aipöeva Jümenijicuque:

—Mu, ñu-je jabocü, me majivü mu caivü pöeva ne dápiaiyede. Que baru jéniaivubu mure. Majide dajacü ñu-jare ñamene ina pucarã ñumavare mi beoimure, üi memecaquiyepo cüináturu ñu-jaque mi yávaiye méne beorí coyusçoyimaraque. Judas bácu dajocame mi yá-vaiye méne coyuñore, üi nuiyede toabo cüiméboi, üi ámeina teiye báque boje. Que baru apecü mi yávaiye méne beorí coyusçoyimü jaubi, arí jeniarejaimada na.

²⁶Ne jeníariburu yóboi, dûvare-jaimada cürayabeare, ina pucarã ñumavu ne ámiáque. Aru tarejavüya diyabe Matías üi ámiáque. Que baru ñ máre, apevü once paivuque, Jesúr üi yávaiye méne beorí coyusçoyimü tedejamedá Matías.

Espíritu Santo üi edaino Jesúre jü aipöevare

2 Pentecostés ámicurijára-vu eaiyede, caivü ina Jesúre jü aipöeva cóji-jidejaimada cüinádamí cürami jívui. ²Cüiná jápiarejaimada urarõ bùjinore yópe ñumevu parurõ japuinope. No bùjino darejavüya cavarõre jocarí. Aru caivü ina dobarivü diñami jívui jápiarejaimada no bùjinore. ³No yóboi, járe-jaimada ure toa quíjino uruino yópe jemedope. Tubarejavüya caivure, náre coapa. ⁴Caivü ina pöeva cüvarejaimada ñai Espíritu Santore. Náre yávaicôjene-jamedá. Aru yávarejaimada apecamua yávaicamua ne majibecamuare, yópe ñai Espíritu Santo yávare daiyepo náre coapa.

⁵Nore Jerusalén ámicuriñmaroi judíova caino joborõcavü cürejaimada dijára-vuare. Ina judíova cainumüa jídejaimada mearore Jümenijicure.

⁶Ne jápiayede iye vaiyede, obedivü ina judíova cójjidejaimada. Aru jápiarejaimada caivü na coapa Jesúre jü aipöeva yávaivüre ne yávaicamuaque. Que baru pare cuecumarejaimada na. ⁷Cuecumari, pare dápiaivü arejaimada na:

—Járijide apa. ¿Galileacavü ámeni caivü ina yávaivü? ⁸¿Aipe teni caivü ñu-ja jápiavüba náre yávaivüre ñu-je yávaicamua coapa? ⁹⁻¹⁰Yui curivubu apevü Partiacavü, aru apevü Mediacavü, apevü Elâcavü, apevü Mesopotamiacavü, apevü Judeacavü, apevü Capadociacavü, apevü Pontocavü, apevü Asiacavü,

apevu Frigicavu, apevu Panfiliacavu, apevu Egipcavu, apevu Áfricacavu, aru apevu Cirenecavu máre. Aru apevu Romacavu máre carivubu yui. Apevu majacavu judíovabu, ne põeteiye báque boje nópe, ne chvae boje nébuchva judíova. Aru apevu majacavu judíova ãmevu, ubenita ju aivubu judíovai bueiyede.¹¹ Carivubu apevu Cretacavu aru apevu Arabiacavu máre. Ubenita maya jápiaivubu náre yávaivure maje yávaicamua coapa. Coyuivbu majare Jümenijicu ührarõ mearo dainore ñi parhqué, arejaimada ne bajumia.

¹²Cuecumaivu aru jápiari eabevu chreja, jeníari járe cuivu barejáimada ne bajumia:

—¿Aipe ðarí jápiari earajidica maya caiye iyede? arejaimada na.

¹³Ubenita apevu yurivu arejaimada ina Jesúre ju aipõevare:

—Ina ümuva pacovatamu! arejaimada.

Pedro ñi yávaino põevare

(Mt 22.44; 27.35; 28.5-6; Mr 12.36; 15.24; 16.6; Lc 20.42-43; 23.33; 24.5; Jn 19.18; 1 Co 15.25; He 1.13)

¹⁴Dinumuma Pedro nacajari, nûri apevu once paivu Jesúr ñi yávaiye mene beoru coyucõjeimaraque parhrõreca coyurejameða caivu ina obediuu põevare, ne jápiari earajiyepo ayu*u* iye ne jáiye báquede aru ne jápiaiye báquede máre.

—Muja, judíova, jívu, caivu muja Jerusalécavu, caride coreóvajarã diede, ñu*je* majiéd. Jápiajarã yure. Aru me jápiari adajarã ji coyuquiyede mujare.¹⁵ “Pacovabebu”, arí dápiaivubu apevu mujacavu ñu*je* jare. Ubenita javejínamu, nueve baji caride. Que baru pacova ãmevu ñu*ja*.¹⁶ “Pacovabebu”, arí dápiabejarã muja ñu*je* jare. Que baru põecu chbebi pacoteyu javejínare. Quénora ñu*je*

daiyede yópe coyucarejaquemavu Jümenijicu yávaiyede coyucaipõech bácu, ñi ãmiá Joel.

¹⁷Jümenijicu arejaquemavu: “Yópe dacuymu yu ãnjäravu buojaquijäravu baquiyéna. Darocuymu ji Espíriture caivu põevare. Mujemara, aru mujemaromiva máre, Jümenijicu yávaiyede coyucarájarama. Mujacavu ümuva bojuuva apurivure yópe decoboainope majide dacuymu yu. Aru mujacavu ümuva buchvare majide dacuymu yu decoboainoqe.”¹⁸ Jäve ãnjäravu baquiyéna darocuymu ji Espíriture yure memecaipõechare, ümuvarre aru nomivare máre, ne coyucarájiyepo ayu*u* ji yávaiyede.

¹⁹ Ðacuymu yu põeva ne jámene cavarõi aru ne ðarí majibede joborõi. Aru põeva járajarama jivede, toare, aru bicore máre, caino jidojarõ, ji jádovaquiyepo jipocare náre.²⁰ Jümenijicu ñájiovaquijäravu baquinó jipocare põevare, ne ãmeina teiye boje, ñai aviá põomechuyume. Quédato ñemitechuyume ñi. Aru aviá ñamicasu máre jüatechuyume yópe jivepe. Yópe vaiquiyepo maje jaboci Cristo ñi daquijäravu baquinó jipocare. Põeva járajarama ührarõ ne ðarí majibede. Aru ne jáiye diede pare cuecumara-jarama na.²¹ Dijäravu baquiyéna meadacuymu caivu ina órejaivure yure ji cadatequiyepo aivure náre. Íchuyume náre abujuvai jaboci parhde jocari”, arejaquemavu Jümenijicu, coyucarejaquemavu Joel bácu.

²²Muja, Israecavu, me jápiajarã ji coyuquiyede mujare. Jümenijicu jäve jádovaquemavu mujare ñi daroimu mácure, ñi me jáiure,

Jesús Nazarecachre. Que baru Jesús dáme ūi daiye báquede Jūmenijichí paruéque, pōeva ne jāmene, aru ne dārī majibede, aru ape paruéque dāiyede máre mūje jēneboi. Que baru mūjavacari majidivābu caiye iye jāvene. ²³Nai Jesúre Jūmenijichí javede jēni jícōjenejaquemavu, yópe ūi үrōpe aru ūi majiéque máre. Que baru jēni jíquemavu ūre mūjare. Aru mūja boarī jarūvaicōjeavu ūre, āmeina teivure ne pēvarajiyepo aivu ūre jocucçjaravena. ²⁴Übenita Jūmenijichí nacovaquemavu ūre yainore jarūvarí. Jesús yaiyú bácvacari, mautebeteame yaiyú bácvape. Que baru Jūmenijichí jebequemavu ūi ñájiye báquede ūi yainore. ²⁵Javede ñai jabocu David bácu, yópe arī, Jūmenijichí yávaiyede coyuçcarejaquemavu Jesúrā:

Cainumha jācacu yu ji jabocure ji jipocai. Ū cūbi ji yebai. Que baru apevu cārijovari bñojabenama yure. ²⁶⁻²⁷Mu, Jūmenijichí, dajocabecubu mu ji ūmene ina yaivu bácvu ne curōi. Pojeicōjemecubu mu ji bajure, ji meacu baju boje, aru ji memecaiye boje mure. Que baru torojuvu yu ji ūmei. Aru torojurí yávaiyu yu. Caivu pōevape páyu, yu máre yaicáyumu. Übenita apucu jabñóvaiyu yu, ji coreiye boje mi mearo dacaquiyede yure. ²⁸Mu jādovaivu yure ye daiye jañrōre cucusvare máque. Aru mi cue boje yúque cainumha, үharō torojuvu yu mure, arī coyuçcarejaquemavu David bácu Jesús ūi coyuçie báquede Jūmenijichí.

²⁹'Mūja, jívü, jāve coyuçiyvnu mūjare majeñecu mácu David báci borore. Ū mácu yaidéjaquemavu. Aru jarūvarejaquemavu ūi baju bácarōre cáracobei. Maja cari curivvbu joabeno dicobede. ³⁰Nai David bácu apucu cárera, Jūmenijichí yávaiyede coyuçcaipōescu

barejaquémavu. Majidejaquemavu Jūmenijichí jāve dacchuyre yópe ūi aiye báquepedeca ūre. Jūmenijichí coyuçcarejaquemavu David bácre, "Yópe jāve dacchuymu" arī: "Mu, David, yópe mearo dacachuymu yu mure. Cūinácu mipāramenacachre jaboteicōjecchymu yu, yópe ji jaboteicōjeiyepedeca mure", arejaquemavu Jūmenijichí David bácre. ³¹David bácu Jūmenijichí yávaiyede coyuçcaipōescu barejaquémavu. Que baru majidejaquemavu Jūmenijichí dacaquiyede. Die majiéque coyuçcarejaquemavu ñai Cristoi borore, yópe arī: "Jūmenijichí dajocabecubé ūre yaivu bácvu ne curōi. Ūi bajure máre pojeicōjemecubé ūre", arī coyuçcarejaquemavu Jūmenijichí yávaiyede David bácu. ³²Ñaineca Jesúre Jūmenijichí nacovaquemavu yainore jarūvarí. Aru caivu ñuja ūre jácarā apucure cojedeca ūi yainiburu yóbore. ³³Jūmenijichí nacovari Jesúre epequemavu ūre ūi meapūravhi. Ñai meapūravhi cucus paruéde cūvabi. Aru jípacu Jūmenijichí daroquemavu ūre ñai Espíritu Santore, yópe ūi aiye báquepedeca. "Darocchymu mure ñai Espíritu Santore", jipocamia aquemavu Jūmenijichí Jesúre. Aru Jūmenijichí Jesúre daroicōjeme ñai Espíritu Santore ñujare máre. Que baru Jesús daibi caiye iye mūje jāiyede, mūje jápiaiyede máre cari jāravvre. ³⁴Übenita David bácu muri nūmenejaquemavu cárera cavarō mearo Jūmenijichí curōi yópe Jesús ūi muiye báquepe. Que baru David bácu arejaquemavu yópe:

Jūmenijichí aquemavu ji jabocure: "Dobajacu ji meapūravhi mi cūvae boje paruéde yúpedeca. ³⁵Aru yu epecchymu mi mauvare mi cüboba cächinoi. Que teni mure vainí jarūvare dacchuymu yu náre, mi jabotequiyede ayu náre", arejaquemavu David bácu Cristora.

³⁶ Caivu maja Israecavu jave majitarā iyede: Nai Jesúvacaribe maje jocucujaravena pēvaicōjeimu mácu, ji coyimū mujare. Ubenita Jūmenijicu epeibi nai Jesúre maje jabocuva. Úrecabe Jūmenijicui daroimū mácu, arejamedá Pedro ina pōevare.

³⁷ Aru ina pōeva, ne jápiaiyede caiye ūi coyuiyede náre, cārijinejaimada. Que baru arejaimada Pedrojare:

—Muja, nūjevu, ¿aipe ñarajidi nūja? arejaimada na.

³⁸ Pedro arejamedá náre:

—Caivu maja jaruvajarā maje āmeina teiyede. Aru oatuvajarā maje daiyede. Jādovajara Jūmenijicure ocoque maje Jesúre ju aiye boje, Jūmenijicu ūi ārūmetequiyepo aivu maje āmeina teiyede, aru ūi daroquiyepo aivu mujare nai Espíritu Santore. ³⁹ Mujare, mujemarare, mujepāramenare máre, aru caivu ina joai curivure máre darocuyume cāreja Jūmenijicu nai Espíritu Santore yópe ūi aiye báquepedeca. Caivu ūi cutuiyumarare meadachuyume ūi, arejamedá Pedro.

⁴⁰ Aru Pedro coyure nurejamedá náre parurōreca, urarō ūi coyuiyede, ne ju arājiyepo ayu Jesúre.

—Ina āmeina teivu pare nājinajarama. Jūmenijicu meadajacurī mujare, maje nājimenajiyepo ayu ne nājinajiyepo, arī coyurejamedá Pedro.

⁴¹ Que ayure jāpiari, obedivu ina pōevacavu ju arejaimada iye ūi coyuiyede. Aru Pedrojā jādovarejaimada náre Jūmenijicure ocoque. Que teni, dijāravure cōjijidejaimada apevū yóbecurimil paivu baju Jesúre ju aipōevaque. ⁴² Yópe dare cuivu barejaimada jāravua coapa. Jesús ūi yávaiye méne beorī coyucōjeimara bueivu barejaimada náre. Cadateivu barejaimada ne bajumia. Ne cūvaede jivu barejaimada ne bajumia. Caivu aivu barejaimada cūnáromia. Aru caivu

jeniaivu barejaimada Jūmenijicque máre cūináturu.

Jesúre ju aipōeva mamarūmucavu ne ñaino

(Hch 4.32-35)

⁴³ Jesús ūi yávaiye méne beorī coyucōjeimara dare cuivu barejaimada ure pōeva ne jámene, ne ñarī majibede máre. Aru iye ne jādovaiyede jāri, caivu cuecumarejaimada pare. ⁴⁴ Caivu ina Jesúre ju aipōeva, cūnátu ne ûme, cadateivu barejaimada ne bajumia. Nácavu cūve cūvarivu jivu barejaimada apevū nácavure jauéde, cūbenajiyepo aivu cōmajé ãrojariju ne jēneboi. ⁴⁵ Cūnácu nácacure jauru, apevū nácavu bojedarī ne cūvaede, jivarejaimada nai cūvabecure jauéde. ⁴⁶ Caijāravua cōjijivarejaimada Jūmenijicu cūrami. Aru cōjijivarejaimada ne cūramia coapa, ãrajivu. Torojurī ávarejaimada na ne ûme méque. ⁴⁷ Jivarejaimada mearore Jūmenijicure. Que baru caivu apevū pōeva me jārejaimada náre. Puedarejaimada náre, ina Jesúre ju aipōevare. Aru caijāravua Jūmenijicu cōjijovarejaquemavu apevū ūi meadaimarare.

Pedro aru Juan ne meadaino cuiye majibecure

3 Cūinájāravu, tres bají nainú, Pedro Jūamaque muri náivu barejaimada Jūmenijicu cūrami. Diora cūnáora judíova ne Jūmenijicque jeniaiora barejávuya. ² Cūnácole Jūmenijicu cūrami jedevacobe yebai, Meacobe ãmicurijedevacobe yebai, cūrejamedá cūnácu ūmu, cuiye majibecu. Nai ūmu pōetedejamedá cuiye majibecu. Caijāravua apevū ñre nūvari epevarejaimada yo jedevacobe yebai, ūi jeniaquiyepo aivu tāuturare ina Jūmenijicu cūrami ecoivure. ³ Ú

jáñu mácu Pedrore aru Jūare máre ecoivure, jēniaridurejameda tāuturare náre. ⁴ Ubenita ina pucará pare járejaimada. Aru Pedro arejamedá ūre:

—Jájacu ūnjare, arejamedá.

⁵ Ūi que aiyede, nai ūmu járejamedá náre, “Jínajivubu yure”, arī dāpiaríduy. ⁶ Dinumu Pedro arejamedá ūre:

—Tāuturare chvabevu yu. Ubenita jíquijivu mure ji majié chvaede. Jesú Nazarecacu ūi āmiái, ūi paruéque, nacari cuicōjeivu mure, arejamedá Pedro.

⁷ Que ayuva, ūi puru meapūravure jeni, Pedro nacovarejameda ūre. Cūiná ūi cuboba, ūi cubochíara máre, tututedejavuya. ⁸ Maumejiena biarári, nūri ūi cubobare, vaivári büréjamedá ūi, cuiye majibecu bácu. Ecorejamedá Jūmenijicu cūrami náque. Vaiváy barejámedá. Biaráy barejámedá. Aru yópe arī, mearore jíyu barejámedá Jūmenijicu: “Jūmenijicu measch bajube”, ayu barejámedá nai cuiye majibecu bácu. ⁹ Obedivu pöeva járejaimada ūre vaiváyure. Aru japiarejaimada ūre, “Jūmenijicu measch bajube”, ayure. ¹⁰ Ne coreóvaiyede ūre nai tāuturare jēniari dobacu bácre Jūmenijicu cūrami jedevacobe yebai, pare cuecumarejaimada na, nai ūmu ūi meateiye boje.

Pedro ūi yávaino pöevare Salomón máchi cuinoi

(Mt 22.32; 27.15-23; Mr 15.6-14; Lc 23.13-23; Jn 19.12-25; Hch 7.37; Gá 3.8; Fil 2.7-9)

¹¹ Nai ūmu jēiyede Pedrore aru Jūare máre, ina obedivu pöeva cuecumaiyu cuyarejaimada ne yebai Jūmenijicu cūramicacuino, Salomón mácu cuino āmicurōi. ¹² Pedro jáñu mácu ina pöevare, arejamedá náre:

—Mujja, Israecavu, ¿aipe teni cuecumaiyurū mujja? ¿Aipe teni jáivurū ūnjare? ¿Dápiavurū cure daivure

nai ūmure ūuje paruéque, o ūuje me boje Jūmenijicu jáinore? ¹³ Abraham mácu, Isaac bácu, aru Jacob bácu máre, majeñecuva mácavu ne ju aimu, Jūmenijicu, jádovaimi ūre memecaipōdecu Jesús ūi paruéde. Nai Jesúrecabe muje jeni jícaimu mácu muje jabovare, ne boarí jaruvvarájiyepa aivu ūre. Aru nai jabocu Pilato ūi jaetovaiyude, ubeteavu mūjavacari. ¹⁴ Nai Jesús cainumua memecaya bateáme Jūmenijicu. Aru cainumua dayu bateáme mearore Jūmenijicu jáinore. Ubenita mujja ubeteavu ūre. Quénora mujja jēniavu Pilatore, ūi jaetovacacuviyepa aivu mujare nai boaipōdecu, Jesúre jaruvvari. ¹⁵ Que teni mūjavacari boarí jaruvvaicōjeavu nai jíyure pöevare jāravu cūiméjāravu baquinore. Ubenita Jūmenijicu capūravu nacovaquemavu ūre yainore jaruvvari. Nūjavacari jácará ūre apūcure cojedeca, ūi yainíburu yóbore. ¹⁶ Jesúvacari, ūi paruéque, meadacube nai cuiye majibecu bácre. Caride mujja jári majidivubu caiye iye vaiyede ūre, ūi dāpiayiye boje, yópe arī: “Jesús meadayu majibi”, arī dāpiacube ūi. Aru ūi ju aiye boje Jesúre, meateibi nai ūmu mujje jáiyede.

¹⁷ Mujja, jínu, majivu yu. Muje daiye báquede aru muje jabova ne daiye báquede Jesúre boarí jaruvvaivu coreóvabeteavu mujja diede. ¹⁸ Javede caivu ina Jūmenijicu yávaiyede coyucapōeva mácavu coyurejaimada ūra, pöeva ne coreóvarájiyepa aivu ūi daroimu mácu Cristoi urarō nájiquiyede. Aru nōpe ne coyuiye báquedeca vaiávuj Jesúre. ¹⁹ Que baru chīojara mujja muje āmeina teiyede. Aru oatuvajarā muje daiyede. Vojarā Jūmenijicu, ūi jaruvvaquiyepa aivu muje āmeina teiyede, aru diede máre ūi ārūmetequiyepa aivu. ²⁰ Muje yópe daru, Jūmenijicu parue

dañacuyume majare myje ümei. Aru darocuyume majare Jesúre, ñai ñi beoimu mácure, majare meadacuyure. ²¹Jesús ñi mauteino jañvu cavaró mearo Jümenijicu cñroi pñ dijárvu baquinói, Jümenijicu caiyede mamaene cuedaquijárvuita bedióva cojedeca. Javede Jümenijicui yávaiyede coyucaipóeva mácavu, Jümenijicure cüináchra memecaínu, coyuçarejaimada Jümenijicure, pöeva ne majinajiyepa aivu diede. ²²Nopedeca, Moisés bácu arejaquemavu: “Jümenijicu, myje jabocu, darocuyume majare cüinách ñi yávaiyede coyucaipóecure, yópe ñi daroiyepa yure. Ú macuyume cüinách myjacas. Judío bacuyume ñi. Me jápiajará úre. Dajará yópe ñi coyuçiyepa. ²³Ácu pöecu ñi jápiabedu úre, Jümenijicu coavacuyume úre ñi pöevare jaruvarti”, arejaquemavu Moisés bácu.

²⁴Samuel bácu aru ñi yóbocavu bácvu, aru apevu Jümenijicu yávaiyede coyucaipóeva mácavu máre coyuçera-jaquemavu iye vaquiyede ñajárvu baquiyéde. ²⁵Jümenijicu coyuçicjene-jaquemavu ñi yávaiyede coyucaipóeva mácavure, yópe arí: “Yu, Jümenijicu, mearo dacacuyumu majare”. Aru “majare” ayu Jümenijicu, majenecuva mácavure aru majare máre ayu bare-jaquémavu. Jümenijicu “Yu mearo dacacuyumu majare” ñi aiyede apecu oatuvarti bhojabebi diede. Aru Jümenijicu baju oatuvabebi ñi que aiyede. Que baru myjavacari jäve jacopurá-jaramu Jümenijicu mearo dacacuyede. Mearo dacacuyume majare máre. Nopedeca arejaquemavu ñi Abraham mácure: “Mipáramena márajivure mearo dacacuyumu yu. Mure mearo dacaiye báquepedeca ijárvucavu apevu caivure máre mearo dacacuyumu yu”, arejaquemavu Jümenijicu. ²⁶Aru beorejaquemavu Jesúre, úre memecaipóecure. Úre

nacovariburu yóboi, daroquemavu majeyebai mamarumure. Que darí Jümenijicu mearo dacacuquemavu majare, ñi jaruvacicjeye boje majare majé ámeina teiyede, arejamedá Pedro ina pöevare.

Pedro aru Jüamaque ne boroteino jabova yebai

(Mt 21.42; Mr 12.20-22; Lc 20.17; Jn 14.6; 1 P 2.7)

4 Pedro aru Juan máre yópe yávaiyedeca ina pöevare, apevu sacerdotevacavu, aru Jümenijicu cüramine coreipóevai jabocu, aru saduceovacavu máre nurejaimada ne yebai. Saduceo ámicuriyajubo judíovacavu barejáimada na. Dápiarejaimada nacajaino cübenore yainore jaruvarti. ²Jararejaimada Pedrojäre ne bueiye boje. Pedrojä arí buedejaimada:

—Jesús nacajaquevavu yainore jaruvarti. Aru maya máre nacajaraçaramu yainore jaruvarti, arejaimada Pedrojä.

³Jaraivu Pedrojäre, ina saduceovajá náre jení, ámeina teivure jení jacoñínamí nüvaicjenejaimada churaravare. Jave nainú marejávuya. Que baru cõmiájjárvuítia jabova ne ámeina teivure jeníari jáiñamí nüvarajivu barejáimada náre. ⁴Übenita obedivu pöeva, ne bueiyede jápiavucavu bácvu, ju arejaimada Jesúre. Ina pöeva mamarumu ju aivu Jesúre dijárvure cüinápvu paimil paivu baju ümava marejáimada na. Obedivu nomiva máre ju arejaimada úre.

⁵Cõmiájjárvu ina judíovai jabova, aru bácvu, aru Jümenijicu yávaiyede bueipóeva máre cójijidejaimada Jerusalén ámicuriímaroi. ⁶Apevu ina jabovacavu barejáimada sacerdotevare jaboteipóecu ñi ámiá Anás, aru Caifás, Juan, Alejandro, aru apevu Anás jinacavu. ⁷Cójijivu bácvu, davaicjenejaimada Pedrojäre ne yebai aru nüicjenejaimada náre ne

coricai. Que teni cūinácu nácacu jeníari járejameda Pedrojäre:

—¿Namei parueque meadaráru mija nai cuiye majibecu bácre? arejameda náre.

⁸ Dinumu ñai Espíritu Santo Pedrore daicōjeñu, yávaicōjenejameda áre ui ju aiyede náre.

⁹ —Mija jabova, mija buchava máre, caride mija jeníari jáivu ñujare ñuje meadacaino mácarore ñai cuiye majibecu bácre. Mija majiyuvu aipe darí meadaimu mácre. ¹⁰ Que baru coyuyubu mujare, mije majinajiyepo ayu, aru caivu Israecavu máre, ne majinajiyepo ayu. Jesúz Nazarecasu ui parue boje, ñai umu númi yui mije jainoi, meachu baju. Nainecabe Jesúz mije pëvari boarí jarvavimu mácu. Ubenita Jümenijicu nacovaquemavu áre yainore jaruvári. ¹¹ Aru Jümenijicu toivaicōjenejaquemavu ui yávaiyede yópe Jesúz borore: “Iva cūravare cūramine daipöeva ubeni jarvavemavu. Caride iva cūrava caiva apeva pñeno parurivabu”, arejaquemavu Jümenijicu. Nopedeca Jesúz, mije ubemu mácu, Jümenijicu epeimume. Apevu pñeno jabocu parucabu ñai Jesúz. ¹² Que baru árecabe cūinácu pöevare meadaipöecu. Ijárvure apecu cübebi. Quécura Jesúz, Jümenijicu epeimu, pöevare meadayu buojaibi, ne ñájimenajiyepo ayu ne ámeina teiye boje, arejameda Pedro cójijinocavure.

¹³ Áre jápiaivu bácvu, ina cójijinocavu cuecumarejaimada, ne jáyiede Pedrore aru Jüare máre yávaivure jidubevuvu, ne coreóvaiye boje náre ubeni curivure aru buebevu bácvure máre. Ubenita majidejaimada Jesúz yóvaimara mácvure. ¹⁴ Járejaimada ñai umu meadaimu mácre ne jéneboi Pedro aru Jüaque máre. Que baru coyurí majiben, bi arejaimada na. ¹⁵ Dinumu etaicōjenejaimada

Pedrojäre ne cójijitucubure jocarí. Ne etaríburu yóboi, ina jabova yávaivu barejaimada ne bajumia, yópe arí, jeníari járejaimada:

¹⁶ —¿Aipe darajídica maja náre? Daráma na uraró pöeva ne darí majibede. Caivu Jerusalécvu majima ne daiye báquede. Que baru maja ju abeni majibevu. ¹⁷ Ubenita ne buebenajiyepo aivu apevure ne bueiyede, aru ne dabenajiyepo aivu pöeva ne darí majibede cojedeca, yávaicōjemenajarevu cojedeca Jesúz borore, arejaimada ina cójijinocavu, ne bajumia yávaivu.

¹⁸ Ne yávaríburu yóboi, órejaicōjenejaimada Pedrore aru Jüare máre ne cójijitucubu cojedeca. Aru paruróreca yávaicōjemenidurejaimada náre Jesúz borore.

—Bedióva cojedeca buebejará mija Jesúz borore, aridurejaimada na Pedrojäre.

¹⁹ Ubenita Pedrojácapúravu arejaimada ina judíovai jabovare:

—Dápiarí majijará mija. ¿Jümenijicu jainoi, ju arajidi ñuja mije daicōjeiyede o Jümenijicu daicōjeiyede? ²⁰ Jave dápiarí majivu ñuja aipe daiye jaúrore ñujare. Ju aiye jaúvu ñujare Jümenijicu daicōjeiyede. Que baru apenore daiye majibevu ñuja. Quénora daivubu yópe iye ñuje jáiye báquepe, aru yópe ñuje jápiaiye báquepe máre, arejaimada.

²¹ Ina cójijinocavu capúravu cojedeca yávaicōjemenidurejaimada náre paruróreca.

—Jesúz borore mije buedu, ñájine darajívubu mujare, arejaimada Pedrojäre.

Ina pöevacapúravu torojurí mearore jídejaimada Jümenijicu, Pedrojá ne daiye báque boje. Que baru ina cójijinocavu, yávaicōjemeniduivu, jaetovarejaimada náre. ²² Aru ñai umu, ne meadaimu mácu pöeva ne darí

majibeno daiyeque, cuarenta paima
rhoeno baju bacsucu barejámeda ñ.

Jesúre ju aipóeva ne jeníaino paruede Júmenijicuque

(Mt 27.1-2; Mr 15.1; Lc 23.1, 7-11;
Jn 18.28-29; Fil 2.7)

²³ Maumejiena etaríburu yóboi cójijinore jocarí, Pedro aru Júamaque copainrejaimada ne yóvaimara yebai. Aru coyurejaimada náre caiye ina sacerdotevare jaboteipóeva aru ina judíova bacsuva máre ne coyuhiye báquede náre. ²⁴ Ina Jesúre ju aipóeva jápiaivu bácau Pedrojái borore, cüináture yópe arí, coyurejaimada Júmenijicuque:

—Mu, ñuje jabocu, caivu jabova rhoeno meacu, cuedarejaquemavu mu cavarõre, aru joborõre, aru jia uradare máre, aru caivu nócavure, aru noi cuede máre. ²⁵ Mu yávaicójenejaquemavu ñujeñecu David báçure, mure memecaipóecu báçure, mi Espíritu Santo majiéque. Que teni David bácu arejaquemavu:

Judíova ámevu jorojínajarama.

Póeva dápiarajarama ubenina ne darájiyede. ²⁶ Ijárvacavu jabova meadarajarama na ne baju. Aru ina ímaroare cōjeipóeva cójijinajarama, mauchvarajivu Júmenijicuque aru ñi epeimu Cristore máre, arejaquemavu David bácu.

²⁷ Yópe David bácu ñi Júmenijicu yávaiyede coyucaiyé báquepe daiyede jávu ñuja. Yo ímaroi ina jabova Herodes aru Poncio Pilato cójijiquemavu judíova ámevuque aru apevu Israecavuque máre, mauchvarajivu Jesúre, mure memecaipóecu meacu bajure, ñai mi epeimu Cristore. ²⁸ Cójijiquemavu, darajivu yópe “Darajarama”, mi aino mácarope, mi majiéque, nópe arí, yávarejaquemavu mu.

²⁹ Aru mu, ñuje jabocu, cōmaje ãroje jájacu ñujare, ne ñajine daiyue boje

ñujare. Jidubevuva yávare dajacu ñujare Jesús ñi yávaiye méne. ³⁰ Ijimarare meadajacu náre coapa. Parure dajacu ñujare ñuje ûmei, ñuje darájiyepo ayu pöeva ne jámene, ne darí majibede máre, mure memecaipóecu Jesús ñi ñamiái, ñi parueque, arí jeníarejaimada Júmenijicuque na, Jesúre ju aipóeva.

³¹ Jéniali buojaiyede, ne curó cüjidejavuya pare Júmenijicu parueque. Aru ñai Espíritu Santo daicójeñu, yávaicójenejaquemavu náre. Que teni jidubevuva coyurejaimada Júmenijicu yávaiye méne.

Caivu ne cüvae ne coavaino

(Hch 2.44-45)

³² Caivu Jesúre ju aipóeva ne ûme aru ne dápiayé máre cüináture barejáimada na. Nácacu cübedejamedá “Yo jínomu” ayu. Quénora caiye ne cüvae “Majemu”, arejaimada na, Jesúre ju aipóeva. ³³ Jesús ñi yávaiye méne beorí coyuicójeimara parurõreca coyurejaimada apevure: “Jácará ñuja Jesúre nacajañure yainore jaruvari”, arejaimada. Aru Júmenijicu mearo dacarejamedá náre pare. ³⁴⁻³⁵ Nácacu cübedejamedá jaumu ûre apejé. Apevu ina joborõre cüvarivu, cüramiare cüvarivu máre, bojedainu barejáimada nénore. Aru ne bojedainore nuvari, jívu barejáimada Jesús ñi yávaiye méne beorí coyuicójeimara, ne coavarajiyepo aivu ina apejé jaumarare náre jaurõpe. ³⁶ Cüinácu nácacu yópe darejamedá, ñi ñamiá José. Ñai José levita ñamicuriyajubocacu barejámeda. Aru pöetedejamedá Chipre ñamicuriyavu. Jesús ñi yávaiye méne beorí coyuicójeimara ñamidorejaimada ûre Bernabé, “cadateipóecu” aivu. ³⁷ Ú cüvacu bácu joborõre, aru cüináro ñi joborõre bojedarejamedá ñi, Bernabé. Bojedáriburu yóboi, bojedainore nuvari, jídejamedá diede Jesús ñi yávaiye

méne beorí coyñicōjeimarare, ne coavarājiyepe ayu. Que darejamedá Bernabé.

Ananías jímarepacomaque ne borocurō

5 Apevu currejaimada, ūi āmiá Ananías, aru jímarepacu máre, ūi āmiá Safira. Nai bojedari jídejamedá ūi joborore. ² Ne bojedainore īni, apede ne bojedainoquede yaveni epedejamedá nénova. Que teni apede ne bojedainoquede jídejamedá Jesús ūi yávaiye méne beorí coyñicōjeimarare.

—Úju, yo Caino n̄uje joborō mácarō bojetamu, ubenina arejamedá Ananías Pedrojäre.

Jipocamia jímarepacu majidejacoða caiye iye ūi daquiyede. ³ Úi jíniburu yóboi, Pedro arejamedá ūre:

—Mu, Ananías, ¿aípe teni abujuvai jabocu dápiaicōjeni mure yópe mi dainore, mi jujovarāduquiyepo ayu nai Espíritu Santore mi yaveni epeiyede apede yo bojedainoquede? ⁴ Mi joborore bojedari jíquiyepo jipocai, míno cátevu dijoborō. Aru bojedari buru yóboi, iye tāutura máre míye batevú. Que baru, ¿aípe teni dápiacurū mu mi ūmei iye ámeina teiyede? Borocubevu mu pōevare quévra. Quénora borocubu mu Jūmenijicure, arejamedá Pedro ūre.

⁵ Cūiná Ananías jápiayu bácu iye Pedro ūi coyñiyede, yainí turejamedá joborōi. Aru caivu ina jápiavu ūi borore jidurejaimada pare. ⁶ Dinumu apevu bojuvu earí, yaiyú bácu baju bácarore cūmari, nūvari, jaruvarejaimada ūmárcure cáracobei.

⁷ Yóbecuriara yóboi, Ananías bácu márepaco nurejacoda Pedrojäre yebai. Ubenita majibedejacoda cāreja jímarepacu bácre jave yaiyáre. ⁸ Pedro jeniari jārejamedá ōre:

—Coyñjaco ure. ¿Iyeba caiye tāutura muge bojedaino joborō mácarō boje? arejamedá Pedro.

Ó ju arejacoda ūre:

—Júju, quénora bojecubu, ubenina arejacoda ó.

⁹ Ói que aiyede, Pedro arejamedá ōre:

—¿Aipe teni borocuriduráru muga Jūmenijicu Espíritu Santore? Jājaco daivare ina mimarepacu bácre jaruvavu bácvu, curivare jedevacobei caride. Mure máre nūvari, jaruvvarājivubu, arejamedá Pedro.

¹⁰ Aru cūiná ó máre yainí turejacoða joborōi Pedro ūi cùboba yebai. Ina bojuvu ecorí, yaiyó bácore jári, ó bácore máre nūvari, jaruvarejaimada jímarepacu bácu yebai. ¹¹ Que teni caivu ina Jesúre ju aipōeva aru apevu máre, ne jápiaiyede Ananías bácu aru Safira báco ne borore, pare jidurejaimada na.

Ure pōeva ne darī majibeno aru ne jāmeno máre

¹² Jesús ūi yávaiye méne beorí coyñicōjeimara dare nūivu barejáimada ure pōeva ne jāmene, ne darī majibede máre. Aru caivu ina Jesúre ju aipōeva cójjide nūivu barejáimada Jūmenijicu cùrami jínvi, Salomón máchi cuino ámicurōi. ¹³ Caivu ina Jesúre ju abevu cójjibedejaimada ina ju aipōeva que, ne jidue boje. Ubenita caivu ina ju abevu me jáiavu aru me yávaivu barejáimada ina Jesúre ju aivvare, náre ne pue daiye boje. ¹⁴ Apevu obedivu pōeva, ūmuva aru nomiva máre, ju arí Jesús ūi yávaiye méne, cójjide nūivu barejáimada Jesúre ju aipōeva que.

¹⁵ Jesús ūi yávaiye méne beorí coyñicōjeimara, ne daiye boje pōeva ne darī majibede, obedivu pōeva nūvare nūivu barejáimada ijimarare ne parainoai, jūarajivu náre tāibvai, Pedro nore vaiyá, ūi decocuque ūi taoquiyepo aivu apevu ijimaracavure,

ne meatenajiyepo aivu. ¹⁶ Aru apeno ñimajinoacavu obedivu eare nñivu barejáimada Jerusalén ãmicuriñmaroi. Na máre ijimarare, aru abujuva ne ñimamarare máre, nñvare nñivu barejáimada. Aru caivu ne nñvaimara mácavu meadaimara marejáimada na.

Jabova ne ñajine ñaino Pedrojäre

(Mt 27.25; Jn 11.25; 14.6; Ro 6.4)

¹⁷ Dinumu ñai sacerdotevare jaboteipöecu aru ñre cadateipöeva, caivu ina saduceo ãmicuriyajubocavu, pare jorojinejaimada Jesú斯 ñi yávaiye méne beorí coyuicöjeimarare. Que baru ina saduceovacavu maucuvaví bárejaimada náre. ¹⁸ Náre jéicöjeni, bñorejaimada ãmeina teivure jéni jacoñami. ¹⁹ Ùbenita diñamimiareca cüinácu Jümenijicu daroimu, ángele earí ne yebai, voacarí náre diñami jedevacobede, jipocatedejamedá náre nore jocarí. Que teni arejameda náre:

²⁰ —Jümenijicu cürami nñjara mujá. Aru coyujarã pöevare nore caiye iye yávaiye méne järavu cüiméjäravu baquínore, arejameda ñai ángele náre.

²¹ Ñre ju arí, miadáe tuiyede Jümenijicu cürami ecorí, bueni bárejaimada.

Dinumumia ñai sacerdotevare jaboteipöecu ñre cadateipöeva que órejaicöjenejaimada caivu judíova bñucuvare, ne cójijinajiyepo aivu caivure. Que teniburu, apevu ne coreipöevacavure davaicöjenidurejaimada Jesú斯 ñi yávaiye méne beorí coyuicöjeimarare ãmeina teivure jéni jacoñamine jocarí ne cójijinoita. ²² Ùbenita ina coreipöeva ne eaiyede ãmeina teivure jéni jacoñami, nore eabedejaimada ina Jesú斯 ñi yávaiye méne beorí coyuicöjeimarare. Que teni cójijinoi copainuri, yópe arí, coyurejaimada ina cójijinocavure:

²³ —Ñuje eaiyede ãmeina teivure jéni jacoñami, jedevacobede me bieicobede

eavu ñuja. Aru churarava nñrivu jedevacobé yebai coreivure máre eavu ñuja. Ùbenita jedevacobede ne voaiyede, eabetevu ina bñomara mácavure, arejaimada ina coreipöeva.

²⁴ Ne coyuicoyede jápiaivu bácvu Jümenijicu cüramine coreipöevai jabocu aru sacerdotevare jaboteipöeva máre pare cárjini, “¿Aipe tedica na cari?” arí dápiarejaimada. ²⁵ Dinumumia cüinácu ñmu ecorí ne cójijitucubu arejameda:

—Jápiajarã yure. Ina muje ñenoare bñomara mácavu caride Jümenijicu cürami jívui nñri bueivubu pöevare noi, arejameda.

²⁶ Aru coreóvarí ári cürivure, ñai jabocu nñrejameda Jümenijicu cürami ina coreipöeva que, ne nñvarajiyepo ayu Jesú斯 ñi yávaiye méne beorí coyuicöjeimarare cójijinoi. Ùbenita náre ãmeno dabeuvu nñvarejaimada, pöevare ne jidué boje. “Ñuje ãmeno ñaru náre, pöeva cüraboaque duvarí boarájarama nñjare”, arí dápiarejaimada na. ²⁷ Ne eaiyede ne cójijitucubu, nñicöjenejaimada ne bñomarare ina cójijinocavu ne coricai. Sacerdotevare jaboteipöecu, yópe arí, jararejameda náre:

²⁸ —Ñujavacari parurõreca bueicöjemeniduvu mujare ññu ñmu ñi borore. ¡Ùbenita muja ju abevu nñjare! Bueivubu muja muje bueiyede obedivure, caino Jerusalécvure. Náre coyujuyu muja, “Sacerdoteva boarí jaruvaicöjema Jesúre”, aivubu muja, pöeva ne ãmeina járajiyepo aivu nñjare, arejameda sacerdotevare jaboteipöecu.

²⁹ Pedrocapúravu apevu Jesú斯 ñi yávaiye méne beorí coyuicöjeimaraque arejaimada ñre:

—Ju aiye jañvu nñjare Jümenijicu ñi daicöjeiyede pöeva ne daicöjeiyepu.

³⁰ Mujavacari Jesúre pëvari boarí jaruvaicöjeavu jocucujaravena. Ùbenita Jümenijicu capúravu, majeñecuva

mácau ne jabocu, nacovaquemavu ūre yainore jaruvarí. ³¹ Aru nacovariburu yóboi, Jāmenijicu epequemavu ūi meapūravni. Nai meapūravni cucus paruēde cūvabi. Que baru Jesúrecabe maje jabocu aru majare meadaipōescu máre, Israecavu chiori ne āmeina teiyede, oatuvarí buajarājiyepo ayu ne daiyede, aru Jāmenijicu ūi ārametequiyepo ayu ne āmeina teiyede. ³² Nuje jāyi báque boje Jāmenijicu ūi daiye báquede Jesúre, coyuivabu mujare iyede. Nai Espíritu Santo máre coyuivabe Jāmenijicui daiye báquede. Aru Jāmenijicu daroyube nai Espíritu Santore caivu ina ju aivure ūre, arejaimada Pedrojā.

³³ Ne coyuivede jápiaivu ina cójjinocavu, pare jararejaimada Jesús ūi yávaiye méne beorí coyuicōjeimarare. Ne náre pare jaraide boje, “Boarí jaruvaicōjenajarevu náre”, arejaimada ina cójjinocavu ne bajumia. ³⁴ Ubenita cūinácu cójjinocacu, fariseovacacu, ūi ámiá Gamaliel, nacajari, coreipōevare nūvaicōjenejamedá Pedrojäre cójjitucubure jocarí. Caivu pōeva me puedarejaimada ūre, Gamaliede. ³⁵ Pedrojä ne etariburu yóboi, Gamaliel yópe arí, coyuirejamedá apevu cójjinocavure:

—Muja, jívus, Israecavu, me dápiajará muje daiyude ina ūmuvare. ³⁶ Arujara muja ãnus Teudas bácu ūi daino mácarore obediuju jipocai. “Parcubu yu. Me jabotequijiva mujare”, arejamedá ūmácu pōevare. Aru cuatrocientos paivu ūmuvu baju nurejaimada ūque. Ubenita ne boarí jaruviyede ūmáche, ūque nūivu bácvu coateni nurejaimada na. Que teni ūmáci daiye báque bíjarejavuya. ³⁷ No yóboi, nopedecabu apesu ūi daino mácaro, ãnus Galileacacu bácu, ūi ámiá Judas. Jabochi toivaicōjeinum pōevare ne ámiáre, corevaiyuchu náre, obedivu pōeva nurejaimada ūque máre. Aru ūre máre ne boarí jaru-

vaiyede, ūque nūivu bácvu coateni nurejaimada na. ³⁸ Nopedecabu caride ina ūmuvave. Coyuivabu mujare: Dabajarā ūmeno náre. Cārijovamejara náre. Pōeva ne daicōjenu iye ne daiyue aru ne bueiye máre, bíjaquiyebu die. ³⁹ Ubenita Jāmenijicu ūi daicōjenu iye ne daiyue aru ne bueiye máre, bíjabequiyebu die. Mujia maucuvavarivu baru náre, maucuvajebu Jāmenijicure máre, arejamedá Gamaliel.

Aru ina cójjinocavu ju arejaimada ūi coyuivede. ⁴⁰ Que arí, ina coreipōevare davaicōjenejaimada Jesús ūi yávaiye méne beorí coyuicōjeimarare cójjitucubu cojedeca. Ne eaiyede, ina coreipōevare jara popeicōjenejaimada náre, Pedrojäre. Aru jara popeniburu yóboi, ina jabova yávaicōjemenidurejaimada Pedrojäre cojedeca Jesúi borore. Que teniburu yóboi, jaetovarejaimada náre. ⁴¹ Aru Jesús ūi yávaiye méne beorí coyuicōjeimaracapūravu torojurivu baju etarejaimada cójjinore jocarí. Torojurejaimada ne cuyoje teni nájiye boje, ne ju aiye boje Jesúre. ⁴² Aru caijäravu Jāmenijicui cūrami aru ne cūramai máre buede nūivu barejáimada, aru coyuare nūivu barejáimada na iye yávaiye méne Jesúrā, Jāmenijicui epeimu mácrā.

Siete paivu cadateipōevare ne beoino

6 No yóboi, apevu obedivu Jesúre ju aipōeva jararí jūjuvavu barejáimada ne bajumia. Nácvu griego ámicuricamuare yávaivu aru apevu nácvu hebreo ámicuricamuare yávaivu jaraivu barejáimada ne baju. Ina judíova griegore yávaivu arejaimada:

—Nujacavu nomiópeva jacopubema muje coavaiyede jāravu coapa. Que baru, “Mujia coapavabevu”, chioinvu arejaimada.

² Que baru ina doce paivu Jesús ūi yávaiye méne beorí coyuicōjeimara órejari

caivu ina Jesúre ju aipōevare ne yebai arejaimada:

—Ñuje dajocaru Jūmenijicui yávaiye méne coyuíyede, jínajivu nomiópevare aru apevu cõmaje árojarivure máre náre jaueéde, meamejebu no.³ Que baru m̄uja, ñ̄yevu, beojarā siete paivu m̄ujacavure. Yópe bajarári na: Pöeva ne pueđaimara, Espíritu Santo ūi daicōjeimara, aru majíde c̄uvarivu bajarári. Ñ̄uja náre coapa vaicōjenajivubu cõmaje árojarivure.⁴ Que teni ñ̄yjacapūravu cūináturu ñ̄yje ûme jēniarajivubu Jūmenijicque aru coyurajivubu ūi yávaiye méne, arejaimada na, Pedrojā.

⁵ Ne coyuíye cojarejavuya caivu ina Jesúre ju aipōevare. Que baru beorejaimada Estebâre. Ū parurōreca ju ayu barejámeda Jesúre. Aru ñai Espíritu Santo daicōjenejameda ūre. Beorejaimada apevure máre: Felipede, Prócorore, Nicanore, Timóre, Parmenare, aru Nicoláre máre. Ñai Nicolás Antequíia ãmicuriímarocacu barejámeda. Ū judío ãmenejameda. Úbenita jipocamia ju arejamedá ina judíova ne bueiyede.⁶ Náre beorī b̄ojarī, n̄uarejaimada náre Jesús ūi yávaiye méne coyuicōjeimara yebai, ne jēniacarajiyepa aivu náre Jūmenijicque, tñorí p̄uráque ne jipoburā náre coapa yópe judíova ne darī cõmajiyepe, jáðovarajivu ne memeino buiyede.

⁷ Aru apevu pöeva obedivu Jūmenijicui yávaiye méne coyuíyede jápiari, ju arejaimada diede. Caijāravua apevu ne ju aiyede p̄ueno baju obedivu ju aivu n̄uarejaimada Jerusalén ãmicuriímaroi. Aru apevu ina sacerdoteva máre ju arejaimada Jesús ūi yávaiye méne.

Estebâre apevu ne jēino

⁸ Esteban Jūmenijicui mearo dacaimu marejámeda. Jūmenijicui me járejaquemavu ūre. Que baru parure darejaque-

mavu ūre. Aru majide darejaquemavu ūre máre. Esteban dare cuyu barejámeda urarō pöeva ne jámene, ne darī majibede máre, pöeva jēneboi.⁹ Úbenita apevu ūmuva maucuvarejaimada ūre. Ina cūinádamí judíovai cójijiñamicavu barejáimada na. Ina Estebâi mauva marejáimada Cirene aru Alejandría ãmicuriímaroacavu, aru apevu Cilicia aru Asia ãmicurijoborōacavu máre. Caivu ina judíova barejáimada na. Esteban yebai n̄uri, jaraivu yávarī búrejaimada na ūque.¹⁰ Úbenita Esteban yávarejamedá urarō majiéque, ñai Espíritu Santoí paruédé ūi c̄uvae boje. Que baru ina ūi mauva ju arī majibedejaimada na ūre.¹¹ Que baru Estebâi mauva bojedarejaimada apevu borocurivure. Aru ina borocurivu arejaimada yópe:

—Esteban ãmeina yávabi Moisés báçure aru Jūmenijicure máre. Jápiaivubu ñ̄uja, úbenina arejaimada.

¹² Yópe darī jorovarejaimada obedivu pöevare, judíova b̄uçuvare aru Jūmenijicui yávaiyede coyuipöevare máre. Ina Esteban yebai n̄uri, ūre jēni, jarporejaimada judíovai cójijiñami.¹³ Dinumu davarejaimada apevu borocurivure. Aru borocurí arejaimada na:

—Ñai ūmu Cainumua ãmeina ávaibi Jūmenijicui c̄aramine aru Jūmenijicui daicōjeiyede ūi coyuíye báquede Moisés báçure máre.¹⁴ Ñ̄javacari jápiaivubu ū ayure yópe ãñu Jesús Nazarecacui borore: “Jesús jaruvacuyume diñami Jūmenijicui c̄aramine aru oatuvacuyume caiye maje darī cõmajiyepe yópe Jūmenijicui daicōjeiyede ūi coyuíye báquepe Moisés báçure”. Que abi ñai Esteban, ina borocurivu arejaimada cójijinocavure.

¹⁵ Aru caivu nore curivu me cocorī Estebâre járejaimada ūi jivare yópe ángelei jivape árojarore.

**Esteban ūi yávaino ūre
ne boarájiye jipocai**
(Mt 22.32; Hch 3.22)

7 Dinumu ñai sacerdotevare
jaboteipōdecu jeníari járejamedá
Estebáre:

—¿Jávema yo ne coyuino mi borore?
arejameda.

² Aru Esteban, yópe arí, coyurejameda
cójijinocavu:

—Muja, jívu aru jíbucuva máre,
jápiajarā ji coyuñyede. Javede Jūmeni-
jicu meacu baju cuetedejaquemavu
majeñecu Abraham mácu yebai
úi cuedeca cāreja Mesopotamia
āmicurijoboroi, úi nūquiyu jipocamia
Harán ámicuriñmaroi. ³ Jūmenijicu
arejaquemavu úre: “Mu, Abraham,
mi curóre jocarí nūjacu mu. Aru
mi curócavre máre jocarí nūjacu.
Jádovacuyumu yu mure mi apeno
curó, mi cuquinore”, arejaquemavu
Abraham mácure Jūmenijicu.

⁴ Ju arí Jūmenijicu, Abraham
mácu etarejaquemavu Caldea
āmicurijoborore jocarí, cucusuñcuyu
Harán ámicuriñmaroi. (Mesopotamia
āmicurijoboroi cuvu Caldea.) Abraham
máchi pacu bácu úi yainíburu yóboi,
Jūmenijicu nūicójenejaquemavu úre
yore, muge cari curóre.

⁵ Dinumu Abraham máchi eaiyede
yore, Jūmenijicu jíbedejaquemavu
joborore ú mácure. Ye joboró quíjinore
máre cūinácbobareca úi epeino
jacopubedejaquemavu Abraham mácu
cāreja. Ubenita, “Yo curó mi cuquinore
jíchumu yu mure”, Jūmenijicu
arejaquemavu ú mácure. “Yo joborore
jíchumu yu mure aru mipáramena
márajivure máre. Yo joboró mugeño
maquiyébu”, arejaquemavu Jūmenijicu
ú mácure. Aru Jūmenijicu úi que
aiyede, Abraham mácu juedocuvabecu
barejaquémavu cāreja. ⁶ Yópe arí,

coyurejaquemavu Jūmenijicu ú mácure:
“Mipáramena márajivu apejoboroi
nuri, cuatrocientos paíjua baju
nore curajarama na márajivu. Aru
nore curí, mipáramena márajivure
pare memeicójenajarama nócavu, ne
eajiborócavu. Yebacavupe memecarā-
jarama mipáramena márajivu. Náre jara
popeni, memecaicójenajarama nócavu.
⁷ Ubenita náre, dijoborócavre, nájine
dacuyumu yu ne ámeina daiye báque
boje mipáramena márajivure. No yóboi,
yore copaidarajarama mipáramena
márajivu dijoborore jocarí. Aru yure
mearore jínajarama yui”, arejaquemavu
Abraham mácure Jūmenijicu.

⁸ No yóboi, bediova Jūmenijicu
“Yópe darajare”, arí yávarejaquemavu
Abraham mácure. “Mu ju aru ji coyuñye
báquede, yópe darí jádovajara muja.
Mu aru mívu ûmuva aru mi yebacavu
ûmuvaque máre muge cajede burajará
muja, árurivu ji coyuñye báquede
mujare”, arejaquemavu Jūmenijicu.
Abraham mácu ju arejaquemavu úre.
Que baru cajede burarejaquemavu
mamacu Isaac báçure ocho paíjáravu
úi pöeteniburu yóboi. Aru nopedeca
darejaquemavu Isaac bácu mamacu
Jacob báçure. Aru nopedeca
darejaquemavu Jacob bácu doce paívu
mamarare, majeñecuva mácavu.

⁹ Caipucapuruape paivu ina Jacob
báchi mára, majeñecuvacavu bácavu,
pare jorojínejaquemavu néyocu
báçure, úi ámiá José. Que baru
bojedarejaquemavu ú mácure apevu,
ú mácure nūvari bojedarajiyepe
aivu Egipto ámicurijoborocacure
yebacacuvpe. Ubenita Jūmenijicu
cadatedejaquemavu ú mácure. ¹⁰ Ú
máchi cuede Egipto ámicurijoboroi
apenumu nájíñu marejaquémav
ú, José bácu. Ubenita cainumu
Jūmenijicu cadatedejaquemavu ú
máçure, úi etaquiyepe meacu ayu.

Urarō majide darejaquemavu ū máchre. Que baru Egip tocavu ne jabocu bácu, Faraón ne aimu, me járejaquemavu José báchre, ūi mearo daiye boje aru ūi majié boje máre. Jaboteicōjenejaquemavu José bácre caivu ūi cūramicavure aru caivu Egip tocavure máre. Aru coreicōjenejaquemavu ū mácre caiye ūi cūvaede.

¹¹ Dinamu āmeno baju vaidé-jaquemavu no āiye cūbenore caivu Egipto āmicurijoborōcavu aru Canaán āmicurijoborōcavu máre. Que baru majeñecuva mácavu, Canaán āmicurijoborōi curivu, ye āiye cūvabedejaquemavu na mácavu. ¹² Jacob bácu jápiayu “Āiye cūrōre Egiptore”, darorejaquemavu caipucapuhaape paivu mamarare, majeñecuva mácavure, mamarumu ne nuri īnajiyepo ayu āiyede. ¹³ Ne copaiyede nore bedióva cojedeca, José bácu “Yū Josébu”, arejaquemavu jíbūrā mácavure. Faraón mácu José bácu jivure coreóvarejaquemavu. ¹⁴ José bácu jarorejaquemavu jíbūrā mácavure aru īmacu báchre máre népacu Jacob bácu yebai, daicōjeňu caivu ū jivure ūi yebai, Egipto āmicurijoborōi. Aru setenta y cinco paivu baju barejaquéma na mácavu. ¹⁵ Jacob bácu nurejaquemavu Egipto āmicurijoborōi. Ū mácu aru caivu mamara máre, majeñecuva mácavu, yaidéjaquemavu dijoborōi. ¹⁶ Yóbore népāramena mácavu nūvarejaquemavu ne bajuá báquede, jaruvvarājivu cūracobei Siquem āmicuríimaro. No ne yaivu bácvure jaruvvarājinore Abraham mácu bojedarī īnejaquemavu jipocamia Hamor báchi mārare. Na mácavure jídejaquemavu tātūrare Abraham mácu.

¹⁷ Aru ānjāravu, Jūmenijich Abraham mácre, “Yópe dacachuyumu mure”, ūi aijāravu bácarō joabede,

obedivu majeñecuva mácavu cūrejaquemavu Egipto āmicurijoborōi. ¹⁸ Dinamu jaboteyu barejaquéma na Egip tocavure apecu jabocu bácu. Ū mácu coreóvabedejaquemavu José bácre. ¹⁹ Ū mácu borocurī āmeina darejaquemavu majeñecuva mácavure. Nájine darejaquemavu na mácavure. Ū mácu dajocaicōjenejaquemavu némara quíjinare jedevai, ne yainájiyepo ayu. ²⁰ Dinumumia pōetedejaquemavu majeñecu mácu, ūi āmiá Moisés. Juedocu meacu baju barejaquéma. Ū máchi būchva bácvu būchovarejaquemavu ū máchre yóbecurā aviáva ne cūrami jívhi. ²¹ Ne dajocaiyede ū máchre jedevai, Faraón máchi máco báco Moisés bácre earī, nūvari ūi cūrami, būchovarejaquemavu mamacu bajupe. ²² Ina Egip tocavu bácvu májiéde buedejaquemavu Moisés báchre. Que teni būchcu cari yávarejaquemavu aru darejaquemavu urarō paruéque.

²³ Cuarenta paivu cūvacu Moisés bácu, jácunhrejaquemavu apevu ū jivure, Israecavure. ²⁴ Járejaquemavu cūinácu Egip tocacu bácre jara boayure cūinácu Israecacu bácre. Ū jicu báchre cađateiychu, ānh Egip tocacu bácre boari jaruvarejaquemavu Moisés bácu yavenina. ²⁵ Ū mácu yópe arī dāpiarīdurejaquemavu: “Ina jívhu majinajarama Jūmenijich yure nūvaićojecu yure náre ne yebacateinore jocarī”, arīdurejaquemavu. Ubenita majibedejaquemavu na mácavu.

²⁶ Cōmíajáravu Moisés bácu járejaquemavu pucarā ūmava Israecavu bácvure ādamateivure ne bajumia. Que teni cārijovamene dārīdurejaquemavu ū mácu na mácavure. Yópe arejaquemavu: “Muja cūinávutamu. Que baru, ¿aipo teni āmeina daivurū muja muje baju?” arejaquemavu Moisés bácu. ²⁷ Ubenita cūinácu nácacu bácu jarpuporejaque-

mauv Moisés bácre. Aru jeníari járejaquemavu ū mácre: “¿Name jaboteicōjeni mure ūjare? ¿Name jeníari jáipōecupe pedi mure? ²⁸ ¿Yure máre boarí jarvaiyucrū, yópe mi boavarepe áñu Egiptocach bácre énoare?” arejaquemavu. ²⁹ Ū mácu que aiyede jápiyu Moisés bácu, dupini nurejaquemavu Egipto ámicurijoborōre jocarī. Apeno joborō, Madián ámicurijoborōi, earí currejaquemavu. Jímarepacó báco, dijoborōcaco, juedocuvarejaquemavu pucará ūmuvare.

³⁰ Aru Moisés bácu nore currejaquemavu cuarenta paicuha. Dinumu cūinácu Júmenijich daroimú mácu, ángele, cuetedejaquemavu ū mácre pōecubenoi joabejinoi Sinaí ámicuricū cūracūre. Áñu ángele cuetedejaquemavu cūinácu jocuichuríjicu urujiču jéneboi. ³¹⁻³² Moisés bácu cuecumáñu ūjaiyede, joabenoi nurejaquemavu, me jácuyu. Que teni jápiarejaquemavu Júmenijich yávainore, yópe aiyede: “Yátamú Júmenijich. Míñecuva Abraham, Isaac, aru Jacob ne jú aimumu yu”, arejaquemavu Júmenijich. Diede jápiarī, Moisés bácu jiduch, bidini jáiyubedejaquemavu. ³³ Cojedeca Júmenijich arí yávarejaquemavu ū mácre: “Mu núv caride joborō mearo baji, ji cue boje yui. Aru yábu meach baju caivu pheno. Que baru dujach tu mi curaidoare, pucedachu yure. ³⁴ Yu jáivu ji pōeva urarō nájivure no joborō Egiptoi. Yu jápiaivu ne oiyede. Que baru daivu yu, meadacudayu náre. Nujacu cari. Jacopaiyovaquijivu mure Egiptoita”, arejaquemavu Júmenijich Moisés bácre.

³⁵ Áñu Moisés bácre Israecavu bácvu ubeni jarvaiyurídurejaquemavu. Yópe arí, “¿Name jaboteicōjeni mure ūjare? ¿Name jeníari jáipōecupe pedi mure?” jeníari járejaquemavu na

mácvu. Ubenita na mácvu ū mácre jarvaiyurídurejaquemavu. Júmenijich jarorejaquemavu Moisés bácre ne yebai, ūj jaboteni meadaquiyepo ayu na mácvure. Aru áñu ángele, ūj jáimú mácu jocuichuríjicu uruijich, cadateyue barejaquémavu ū mácre.

³⁶ Moisés bácvacari nurejaquemavu ánina Israecavu bácvure Egipto ámicurijoborōre jocarī. Darejaquemavu pōeva ne jámene aru ne dárí majibede máre ure Egipto ámicurijoborōi, ne etarājiye jipocare, aru jia urada yebai, aru na mácvu cudee máre pōecubenoi cuarenta paicuha baju. ³⁷ Áñu Moisés bácvacari arejaquemavu Israecavu bácvure: “Júmenijich darochuyume tujare apecu ūj yávaiyede coyucaipōecure nopedeca ūj daroiyepo yure. Muyacach bacuyume ū. Ju ajara ūre”, arejaquemavu ū mácu. ³⁸ Áñu Moisés bácvacari currejaquemavu Israecavu bácvuque, majeñecuva mácvuque, ne cójijiyede pōecubenoi. Aru currejaquemavu áñu ángele ūre yávayu bácvuque Sinaí ámicuricū cūracūi. Áñu Moisés bácvacari jacoparejaquemavu Júmenijich yávaiyede, majide dacuyu majare, maje majinajiyepo ayu aipe dacu jaurōre, maje cuvarājiyepo ayu járvu cūiméjárvu baquinore.

³⁹ Ubenita majeñecuva mácvu ju abedejaquemavu Moisés bácre. Ubedejaquemavu ū mácre. Aru, “Egiptoi copaiyurivubu ūjaja”, aridurejaquemavu na mácvu. ⁴⁰ Que teni yópe arí, jeníarejaquemavu Aarón mácu, Moisés báchi yócu bácre: “Dacajach ūjare apev pēpeimarare, maje nüvarajiyepo maje jipocai. Majibevu maja aipe vainore ūnai Moiséde, majare davavacure Egipatore jocarī”, arejaquemavu na mácvu. ⁴¹ Que arí, darejaquemavu ne pēpeimare yópe oteivecuyjicupe. Que dárí buojarī, áimarare boarī, juarejaquemavu, ne

pēpeimure jívus. Aru torojurejaquemavu, mearore jívus ne baju pūrháque ne daiye báquede.⁴² Que teni ne Jūmenijicure jaruvaiye boje, Jūmenijicu máre jaruvarejaquemavu na mácavure, mearore jícōjeñu abiácovare. Nópe darí, darejaquemavu na mácavu yópe cūinách Jūmenijicui yávaiyede coyucaipōevacacu bácu ūi toivaiye báquedepedeca:

Muja, Israecavu, cainumua no cuarenta paiujua muje cuede pōecubenoi, yure āimarare boarí, juarí, jibeteavu muja. Aru apejyede máre jibeteavu muja yure.⁴³ Nai jūmenijicu, ūi āmiá Moloc, ūi cūramine, āimacajeaque daiñamine, nūvavu muja. Aru nai jūmenijicu, ūi āmiá Refán, ūi pēpeimure yópe abiácorupe páyure máre nūvavu muja. Dinumure iye muje pēpeimurare daiye báque boje, aru muje mearore jíye boje náre, muje mauvare nūvaicōjecuyu yu mujare muje joborore jocarí pü Babilonia āmicurō ãnipúravu, arejaquemavu Jūmenijicu, arí toivarí, ūi yávaiyede coyucairejaquemavu.

⁴⁴ Majeñecuva mácavu ne cuede pōecubenoi cūvarejaquemavu náque diñami cūrami ne āimacajeaque daiñami mácarore, iveá cūravea báqueque Jūmenijicu daicōjeive ūi coyuhiye báquede Moisés báture toivainoque curiñami mácarore. Diñami mácarore darejaquemavu na mácavu nópe Jūmenijicu jádovaino mácarope jipocamia Moisés báture ūi cuede cūracu.⁴⁵ Obediujua yóboi, Josué bácu jabotedejaquemavu majeñecuva mácavure, diñami mácarore daipōeva mácavu pāramena mácavure. Jipocamia na mácavu jacopurejaquemavu diñami mácarore nēñecuva mácavu jíno mácarore

náre. Josué bácu que nari, Jūmenijicu etavaiyede apevu judíova āmevure ijborore jocarí, majeñecuva mácavu ñejaquemavu yo joborore. Na mácavu máre nūvarejaquemavu diñami mácarore dinumumia. Aru népāramena mácavu máre jacopurejaquemavu diñamine, nébucuva bácvu jíno mácarore na mácavure pü David báchi jaboteiyeta.

⁴⁶ Aru David bácu daiyurejaquemavu Jūmenijicu urre. Que baru Jūmenijicu me järejaquemavu ūi máchre. Aru David bácu daacaiyuridurejaquemavu cūramine, pōeva ne jéniaiñamine Jūmenijicure. ⁴⁷ Ubenita David báchi mách bácu, ūi āmiá Salomón, daicarejaquemavu diñami mácarore Jūmenijicure. ⁴⁸ Ubenita Jūmenijicu, parucu caivu apevu püeno, cübebi pōeva ne daiñamia jívus. Que teni cūinách Jūmenijicu yávaiyede coyucaipōech bácu yópe toivarejaquemavu Jūmenijicu yávaiyede:

⁴⁹ Cavaró mearomu yópe ji dobaró mearo. Caiyede daicōjeivu yu nore dobacu. Aru ijárvabu yópe ji cüboba epeinope. Que baru ji cūramiva darí majibeju muja. Jūmenijicu cürore ji jabóvaiñamine darí majibeju muja. ⁵⁰ Yévacari caiyede cuedarejacacu yu, arejaquemavu Jūmenijicu.

⁵¹ Yü coyuñabu mujare: ¡Ubenita jápiaiyubevu muja! Dápicavabu muja yópe Jūmenijicure ju abevu ne dápiaiyepo. Jápiaiyubevu muja Jūmenijicu yávaiyede. Mujeñecuva mácavure paivabu muja. Na mácavupedeca mujavacari máre cainumua jápiabevu nai Espíritu Santore. ⁵² Mujeñecuva mácavu nájine darejaquemavu caivu ñanina Jūmenijicu yávaiyede coyucaipōeva mácavure. Mujeñecuva mácavu capúravu boarí

jaruvarejaquemavu Jūmenijichi
daroimara mácavure, ūi yávaiyede
coyhcipōeva mácavure, ānina
javede "Jūmenijicure memecaipōeas
meach baju dacchymme", arī coyhinv
bácvure. Aru ūi daiyede mujacapūravu
jēni jíni ūre ūi mauvare, boarī
jaruvaičōjeavu ūre. ⁵³ Mujavacari
jacopurejaquemavu Jūmenijichi
daicōjeiyede ūi toivaicōjeiye báquede.
Ū yávarejaquemavu ángelevare. Aru
ina ángeleva yávarejaquemavu Moisés
bácvure. Aru ū mácu toivarejaquemavu
diede, maje majinajiyepo ayu.
Ūbenita mujacapūravu ye ju abevu
iye Jūmenijichi daicōjeiyede ūi
toivaicōjeiye báquede, arejamedā
Esteban cōijinocavure.

Estebāre cūraboaque ne boaino

(Lc 23.34, 46)

⁵⁴ Esteban ūi coyhuyedeca jápiaivu ina
cōijinocavu, pare jararejaimada ūre.
Que baru cūrejaimada ne cōpiare, pare
ne jaraiye boje. ⁵⁵ Ūbenita ñai Espíritu
Santo daicōjeñu marejámedā Estebāre.
Que teni Esteban, cavarōre cocorī jāre-
jamedā Jūmenijichi mearo miadárore,
aru Jesúre máre núcure Jūmenijichi
meapūravu parueque. ⁵⁶ Aru Esteban
arejamedā:

—Jájara. No cavarō voainore
jáivu yu. Aru ñai Jūmenijichi
daroimu mácvure ūmupe máre, núcure
Jūmenijicui meapūravu yebai jáivu yu,
arejamedā.

⁵⁷ Ūi que aiyede, codoboborī
biedejaimada na ne cámucobeare
ne puruáque. Cūináturu nacajari,
cúyarī nuri ūi yebai, ūre jēni,
nūvarejaimada nore jocarī. ⁵⁸ Jabuborī
jaetovarejaimada ūre ūmarore jocarī.
Aru cūraboaque dūvarī bárejaimada
na Estebāre. Ina ūre boro coyhri
adaivu bácvu barejáimada cūraboaque
dūvarī buivu. Ne dūvarājiye jipocamia,

epedejaimada ne puenocacajeare
cūinácu ūmpe yebai, ūi āmiá Saulo.
⁵⁹ Ne dureiyedeca cūraboaque,
Estebācapūravu jēniañu marejámedā
Jesúre.

—Mu, ji jabocu, Jesú, caride ijacu ji
ūmene, arejamedā Esteban.

⁶⁰ Que arī, nūtatutarī joborōi,
codoboborejamedā:

—Mu, ji jabocu, ārūmetejacu iye ne
āmeina teiyede, arejamedā.

Nópe ayu bácu, Esteban mácu
yaidéjamedā.

8 Aru ñai Saulo torojurejamedā ne
boarī jaruvaiyede Esteban mácvure.

Saulo ūi nájine daino Jesúre ju aipōevare

(Hch 2.2, 4-5; 26.9-11)

Dijāravumareca Jesúre ju aipōeva
Jerusalén āmicuríimaroí curivu ñájini
búrejaimada pare, náre apevu ne
āmeina daiye boje. Caivu ina Jesúre
ju aipōevare dupini nure darejaimada
caino Judea āmicurijoborōi, aru
caino Samaria āmicurijoborōi máre.
Ūbenita Jesú ūi yávaiye méne beorī
coyhcōjeimara dupini nūmenejaimada.

² Apevu ūmava, Jūmenijicure
urivu, nūvarejaimada Esteban
máchi baju bácarōre, jaruvárājivu
ū mácvure cūracobei. Urarō chīovu
codoboborī bujíeque orejaimada ū
mácvure. ³ Ūbenita Saulocapūravu
bijaroiyurejamedā caivu Jesúre ju
aipōevare. Que baru nūñu cūramia
coapa, ina ju aipōevare jēni jabuborī
bhoicōjeñu marejámedā āmeina teivure
jēni jacoñami jívui. ūmavare aru
nomivare máre nájine darejamedā ñai
Saulo.

Felipe Samariai ūi coyhino Jesús ūi yávaiye méne

⁴ Ina Jesúre ju aipōeva dupini nūivu
Jerusalén āmicuríimaroí jocarī, Jesú

ūi yávaiye méne coyurānurejaimada caino joborōi. ⁵ Cūinácu nácacu, Felipe āmicacu, nurejamedá Samaria āmicuriímaroi. Aru coyuyu barejámedá Jesús ūi yávaiye méne nócavure. ⁶ Obedivu pöeva ūi coyuiyede jápiaivu aru ūi daiyede pöeva ne dārī majibede jáivu, me jápiarejaimada ūre. ⁷ Felipe etaicōjenejamedá abujuvare obedivu pöevare jocarī. Coéloborī etarejaimada na. Aru meadarejamedá obedivu nacajaiye majibevure, cuiye majibevure máre. ⁸ Que baru obedivu Samaria āmicuriímarocavu pare torojurivu barejáimada na.

⁹ Ubenita diímaroi cūinácu ūmu curejameda, ūi āmiá Simón. Joe baju cucus bácu noi, yaviéde dayu barejámeda ū. Caivu nócavu cuecumarejaimada ūi yaviéde. “Parucubu yu”, arejameda ū. ¹⁰ Que baru caivu diímarocavu, jabova aru apevu máre, me jápiarejaimada ūi coyuiyede. “Nai Simón paruchébe apevu pñeno. Jūmenijicu paruéde cùvabi ū. Úrecabe Jūmenijicu baju”, arejaimada caivu.

¹¹ Joe baju Simón pare cuavarejameda ina pöevare. Que baru me jápiarejaimada caiye ūi coyuiyede. ¹² Ubenita ina pöeva ne ju aiyede Felipei coyuiyede, jápiaivu bácvu iye yávaiye méne Jūmenijicu jaboteinore aru Jesúre, Jūmenijicu epeimu mácure máre, jādovarejaimada Jūmenijicure ocoque, ūmhu aru nomiva máre. ¹³ Simón máre ju arejameda Jesúre. Aru jādovarejameda Jūmenijicure ocoque. Ūi jādovariburu yóboi, Simón yóvarejameda Felipede. Úvacari cuecumarejameda ū jāñu mácu caiye iye Felipe ūi daiyede pöeva ne jāmene aru ne dārī majibede.

¹⁴ Aru Jesús ūi yávaiye méne beorí coyucōjeimara Jerusalén āmicuriímaroi curivu, jápiarejaimada ina Samaria-cavure ne ju aiyede Jūmenijicu yávaiye méne. Que baru jarorejaimada Pedrore

aru Jūare máre Samaria āmicuriímaroi. ¹⁵ Nore Pedrojā earī, jēniacarejaimada Jūmenijicure, ūi daroquiyepo aivu Espíritu Santore ina pöeva mamarumu ju aivure Jesúre dijārvahare. ¹⁶ Jave jādovarejaimada Jūmenijicure ocoque Jesúi āmiái. Ubenita nai Espíritu Santore cùvabedejaimada na cāreja. ¹⁷ Ne jēniariburu yóboi, Pedro aru Juan máre tuorejaimada ne pñuháque náre coapa ne jipoburā. Que teni caivu ina cùvarejaimada nai Espíritu Santore.

¹⁸ Aru Simón jārejameda Pedrojā ne tuoiyede Jūmenijicu daroyure Espíritu Santo pöevare. Que baru jíyurejameda tātuturare Pedrojare, cùvaiyucu Jūmenijicu majiéde nápe.

¹⁹ —Jíjarā yure máre iye Jūmenijicu majiéde. Yu máre jíyuvu Espíritu Santore ina ji tuoimareare ji pñuháque, Simón arejameda Pedrojare.

²⁰ Ubenita Pedrocápüravu jarayu arejameda ūre:

—Yu uvu Jūmenijicu nájine daquiyepo mure mi tātuturaque toabo cūiméboi, mi dápiaye boje bojedainore ūre iye majiéde Espíritu Santo jíyede pöevare. ²¹ Mu Jūmenijicu jāinore ámeccu bajutamu mu mi ūme. Que baru mu jāve nñajacacu ámevu. Nñuje memeinore dabevu mu. ²² Caride chñoñu oatuvajacu mu mi daiyede. Dajocajacu mi ámeina dápiaínore. Aru jēnijacu Jūmenijicuque, ūi árumequiyepo mi nópe dápiaínore. ²³ Jáivu yu mure pare jorojñure. Aru buoimape páyubu mu, mi ámeina teiye boje, arejameda Pedro ūre.

²⁴ Nópe ayure, Simón ju arejameda:

—Jēniaivu mujare. Jēniacajarā yure Jūmenijicuque, vaibéquiyepe yópe mi coyuiyepo, arī jēniarejameda Simón.

²⁵ No yóboi Pedro aru Juan, Jesúre coreóvaivu, coyurejaimada caivu ina pöevare Jūmenijicu yávaiye méne. Coyurí buojari, etarejaimada

díimarore jocarī, copainurajivu Jerusalén āmicuriimaro. Aru mái nuri coyurejaimada Jūmenijicui yávaiye méne obedivu ñimaroacavure Samaria āmicurijoborōi.

Felipe ūi bueino Etiopiacacu

²⁶ Dinumu Jūmenijicui daroim, cūinácu ángele, nñicōjenejameda Felipede.

—Caride aviá daino cācopūravu nñjacu, Jerusalén āmicuriimaro yebai nñmai nñjacu, Gaza āmicuriimaro nñmimai, arejamedá.

Caride pöeva cübema dimare. ²⁷ Ju arī, Felipe nñrejamedá. Dinumu dimai cūinácu ñum eunuco, Etiopía āmicurijoborōcach, copainurah marejámedá Jerusalén āmicuriimaro jocarī ūi joborōi. Ñai ñum jabocu parucu barejámedá. Ūi joborō jaboco tátuturare coreipōecu barejámedá. Aru ico jabocore pöeva arejaimada Candace. Ñai ñum copainurah marejámedá ū, torojhede jíyuh bácu Jūmenijicure Jerusalén āmicuriimaro. ²⁸ Jāturuicūi dobacu nñnh caballoaque, aru ūi nñiyedeca Jūmenijicui yávaiyede jári boroteyu barejámedá. Ñai Jūmenijicui yávaiyede coyūcaipōecu bácu, ūi ámiá Isaías, ūi toivaiye báque barejávaya ūi jáiye. ²⁹ Aru Felipei jáiye ñai ñumure, Espíritu Santo arejamedá ūre:

—Jāturuicū yebai nñjacu mu. Mautejacu mu ñai ñmhque, arejamedá.

³⁰ Ju arī, cuyarī, ūi yebai earī, Felipe jápiarejamedá ūi jári boroteiyede Isaías báchui toivaiye báquede. Que teni Felipe jēniari járejameda ūre:

—¿Dápiarī eayurū mu aipe aiyurōre yo mi jári boroteinore? arejamedá Felipe.

³¹ Aru ñai Etiopiacacu arejamedá Felipede:

—Bi, dápiarī eabevu yu yo ji jári boroteinore. Pöecu majicu jaubu yure,

majicacuyu aipe aiyurōre yo ji jári boroteinore. Jatujacu Dobajacu ji yebai. Majicajacu yure yore, arejamedá ñai ñum Felipede.

³² Iye toivaiye báquede jári boroteyu barejámedá yópe:

Nñvarajarama ūre boarī jaruvārājivu, yópe ne nñvaiyepo ovejare boarī jaruvainoi. Aru bi acuyume ū, yópe ovejajicu obepo ūi podare buraiyedeca. Abecuyume ū.

³³ Cuyoje tede dārājarama ūre. Aru yávarī cadateipōecu cübecuyume. Que baru ámeno dārājarama ūre. Cüiquiyebu ijāravure ūi curō. Que baru ūi pāramena majurórivu cübenajarama. Aru na majurórivure coyūbenajarama ne borore, jári borotedejameda ñai Etiopiacacu.

³⁴ Aru jēniari járejameda Felipede:

—Coyūjacu yure. ¿Ñamene Jūmenijicui yávaiyede coyūcarejaquemari iyede? ¿Coyūrejaquemari ūi baju o apecure? arejamedá.

³⁵ Ju arī ūre, iye toivaiye báque que búri, Felipe coyūrejameda ūre caiye iye Jesús ūi yávaiye méne. ³⁶ Ne nñiyedeca mái earejaimada oco curijitabure. Aru ñai jabocu arejamedá Felipede:

—Jájacu. Yuibu oco curijitabu. ¿Ji jádovaiyude Jūmenijicure ocoque, apecu jádovaicójemecu buojaidi yure? arejamedá.

³⁷ Felipe arejamedá ūre:

—Mu ju ayu baru Jesúre, jádovari buojaivu mu Jūmenijicure ocoque, arejamedá.

Ñai jabocu, yópe arī, ju arejamedá ūre:

—Yu ju ayubu Jesúre. Majivu yu ūre Jūmenijicui mácure, Jūmenijicui daroimuh mácure, arejamedá ñai jabocu.

³⁸ Que arī, nñicōjemenejameda caballovare, icū jāturuicū mautequiyepo ayu. Aru ina pñcarā, Felipe ūmaque, etarī dicure jocarī, émeni oco curijitabui, Felipe jádovarejameda ūre Jū-

menijicuque noi. ³⁹Aru ne maiyede oco cūrijitabure jocarī, cūiná Jūmenijicui Espíritu nūvarejamedá Felipede. Nai jabocu jāmenejamedá ūre cojedeca. Ubenita torojucu mái nūrejamedá bediōva. ⁴⁰Felipecapúravu járorejamedá Azoto āmicuriūmaroi. Etarī nore jocarī, mái nūre nūnū Cesarea āmicuriūmaroi coyurejamedá iye Jesús ūi yávaiye méne cainoa ìmaroai dimai pū eayuta Cesarea āmicuriūmaroi.

Saulo Jesucristore jāri ūi ju aino

(Hch 22.6-16; 26.12-28)

9 Que teiyedeca, Saulo cainumua nājine dāyu barejámeda Jesúre ju aipōevare, nāre yópe arī:

—Boaquíjivu mūjare mūje Jesúre ju aiye boje, jarayu arejamedá Saulo.

²Aru nai sacerdotevare jaboteipōecure jēniacuñurejamedá paperayocare Saulo, ūi jādovaquiyepé ayu diyocare judíovai cójijiñamia coreipōevare Damasco āmicuriūmaroi, ne majinajiyepé ayu nāmene ū Saulo aru ye paruédé cūvacure ū, ne cōjeimü mácu. Damasco āmicuriūmaroi nucayu barejámeda Saulo, vocuñu Jesúre ju aipōevare. Nāre eayu baru, bñojebu nāre, ūmuvare aru nomivare máre, nūvacayu nāre Jerusalén āmicuriūmaroi.

³Diyocare ñi, Saulo nūrejamedá mái. Damasco āmicuriūmaro joabenoi eaiyede, maumejiena cavarōre jocarī pēorejavüya yópe yaroinope ūi yebai, aru uthrarō miadárejavüya noi. ⁴Que baru cuecumañu, mori tħrejamedá joborōi. Aru jāpiarejamedá Jesú ūi yávainore, yópe ainore:

—Mu, Saulo, ¿aipe teni maucūvacurū mu yure? arejamedá.

⁵Saulo jēniari jārejamedá:

—Mu, ji jabocu, ¿ñāmenu mu? jēniari jārejamedá.

Aru Jesús arejamedá:

—Yūrecabu Jesús, mi maucūvamu mácu. Mi maucūvarō yure āmedaivu mure, arejamedá.

⁶Saulo, jiducu, bidini jēniari jārejamedá Jesúre:

—Mu, ji jabocu, ¿yéde ji dainore ucurū mu? arejamedá Saulo.

Aru Jesús arejamedá ūre:

—Nacajajacu. Ecojacu diūmaroi. Noi apecu majicacuñume mure aipe mi daquinore, arejamedá Jesús ūre.

⁷Iye pēoiyede, ina ūmava, nūivu bácavu Sauleque, dajocarejaimada. Aru bi arejaimada na. Iye yávainore jāpiarejaimada na. Ubenita nai yávayure ye jāmenejaimada na. ⁸Ju arī Jesús ūi cōjeiyede, Saulo nacajarejamedá. Ubenita ūi yacorū voaiyede, ye jāmenejamedá ū. Jāri eabecu barejámeda ū, Saulo. Que baru ūque nūivu ūi puruáre jēni, nūvarejaimada ūre pū Damasco āmicuriūmaroita. ⁹Yóbecuñijäravuare Saulo jāri eabedejamedá. Āinore ye āmenejamedá. Aru ūcuñore máre ūcumenejamedá ū.

¹⁰Noi, Damasco āmicuriūmaroi, currejamedá cūinácu Jesúre ju aipōevacacu, ūi āmiá Ananías. Ū apucu jārejamedá Jesúre decoboainope. Aru Jesús arejamedá ūre:

—Mu, Ananías, ¿chucurū mu? arejamedá.

Aru Ananías arejamedá:

—Mu, ji jabocu, cūvu yu, arejamedá.

¹¹Jesú arejamedá ūre:

—Nujacu Nurinima āmicurimai. Noi, Judai cūrami nuri, vojacu cūinácu ūmure, Tarso āmicuriūmarocacure, ūi āmiá Saulo. Jipacu Jūmenijicure jēniaimi ū. ¹²Jāri eabebi ū caride. Apucu ū decoboainope jāimi mure tħoyure mi puruáque, jāre dācuyure ūre cojedeca, arejamedá Jesús Ananías.

¹³Nópe ayure jāpiarī, Ananías arejamedá:

—Mu, ji jabocu, ū mīnare mearare Jerusalécvuare āmeno dabiya ū. Obe-

divu pōeva yávadama yure. ¹⁴ Que baru yo Damascore caivu ina mure ju aivure buocudayutame ū, sacerdotevai jabova ne cōjeimu mácu, arejamedá Ananías Jesúre.

¹⁵ Ubenita Jesús arejamedá ūre:

—Nūjacu. Beoivu yu nai ūmure, ūi coyuquiyepo ayu ji yávaiye méne apejorōacavure, nōcavu ne jabovare māre, aru Israecavure māre. ¹⁶ Yu jādovauquijivu ūre nājiyede yure boje, arejamedá Jesúr.

¹⁷ Dinumu Ananías nurejamedá cārami, Sauloi curiñami. Ecou bácu, thorí ūi paruáre Saulorā, arejamedá:

—Mu, jícu, Saulo, Jesúvacari nai mi jāimu mácu māi dayu, daroibi yure, mi jāquiyepo ayu cojedeca aru Espíritu Santo ūi daicōjequiyepo ayu mure, arejamedá Ananías Saulore.

¹⁸ Nópe ūi aiyeda, turejavuya ūi yacoruare jocarí moatūchiapé paiedyede, aru me jārejamedá cojedeca. Dinumure nacajañure jādovarejamedá Jūmenijicure ocoque. ¹⁹ No yóboi āri, parucu nurejamedá cojedeca. Aru mautedejamedá obebejāravu Jesúre ju aipōeaque, Damasco āmicuriñmaroi curivhque.

Saulo Damascoi ūi coyuño Jesús ūi yávaiye mēne

²⁰ Maumejiena Saulo coyuñi bárejamedá judíovai cōjijiñamiai, “Jesúre jāveneca Jūmenijichi mácu” ayu. ²¹ Caivu ūre jápiaivu bácvu cuecumaihv arejaimada ne baju:

—Nai Jesúre ju aivure āmeno dayube ū. Que baru náre jēni jíchuyu dacubé yui, ina sacerdotevai jabova ne bhorājiyepo ayu náre, arejaimada na.

²² Ubenita Saulocapūravu coyuñrejamedá Jesús ūi yávaiye mēne, paruéque jādovañu jāveneca Jūmenijicu mácure. Ubenita jápiarí

coreóvare dabedejamedá ina judíova curivure Damasco āmicuriñmaroi.

Saulo ūi dupino judíovare jocarí

(2 Co 11.32-33)

²³ Obedijāravu yóboi, judíovacavu cōjijiñrejaimada, boarí jaruvarājivu Saulore. ²⁴ Ubenita ū majidejamedá.

Jāravure aru namine māre coreivu baridurejaimada īmaro jedevacobai, boarí jaruvarājivu ūre, ūi etaru nore. ²⁵ Ubenita Jesúre ju aipōeva epedejaimada Saulore pue ʉrapue jívui. Aru no biaido tarabu jāicobede ēmeóvarejaimada ūre īmaro biaido apēpūravu pü joborōita nāmi. Yópe dāri, Saulo dupini nurejamedá ūi mauvare jocarí.

Saulo Jerusaléi ūi curō

²⁶ Saulo eayu bácu Jerusalén āmicuriñmaroi, cōjijiñyūridurejamedá Jesúre ju aipōeaque. Ubenita caivu jidurejaimada, ne dápiaiye boje ju abecure Jesúr ūi yávaiye mēne.

²⁷ Ubenita Bernabécapūravu nūvari yóvare darejamedá Jesús ūi yávaiye mēne beorí coyuñcōjeimaraque. Coyurejamedá aipe teni Saulo ūi jāino mácarore Jesúre, ūi nāiyede Damasco āmicuriñmaroi, aru aipe Jesúr ūi yávaino mácarore ūre. Aru Bernabé coyuñrejamedá aipe Saulo ūi yávaino mácarore māre, Damasco āmicuriñmaroi, coyuñu jidubecuva caivu pōevare Jesúr ūi yávaiye mēne.

²⁸ Yópe arīburu yóboi, Saulo maute dejamedá Jerusalén āmicuriñmaroi, cuyu Jesúr ūi yávaiye mēne beorí coyuñcōjeimaraque. ²⁹ Coyure cuyu barejámedá jidubecuva pōevare Jesúr ūi yávaiye mēne, boroteni coyuñrejamedá pare ina judíova griego āmicuricamuare yávavure. Ubenita boarí jaruvaraiyure curiduivu barejáimada na. ³⁰ Jesúre ju aipōevare

majidivu boarí jarvaiyurivure, nuvarejaimada Saulore Cesarea amicuriimaro. Aru nore jocarí, jarorejaimada áre Tarso amicuriimaroita. ³¹ Yópe teni, Jesúre ju aipóeva caivu Judea, aru Galilea, aru Samaria amicuróacavu nájimenejaimada. Pueno baju majidivu barejáimada na Júmenijicure aru ui yávaiyede máre, nai Espíritu Santo ui bueiyede náre. Curejaimada puedarí Júmenijicure Espíritu Santo ui cadateinoque. Aru pueno baju obedivu tedejaimada Jesú ui yávaiye méne ju aipóeva.

Pedro ui meadaino Eneare

³² Dinumu Pedro coyure cuyu barejámeda cainoa imaroacavure. Que teni cuinájárvu jácunurejamedu ina poevare, Júmenijicure mearore jívure, Lida amicuriimarocavure. ³³ Nore cuinácu um curejamedu, ui ámiá Eneas. Nacajaiye majibecu barejámeda ui. Ocho paijuha joe nacajamenejamedu ui parainore jocarí. ³⁴ Aru Pedro ui yebai nuri, arejamedu áre:

—Mu, Eneas, caride Jesúvacari mead-aibi mure. Nacajajacu. Aru meadajacu mi parainore, arejamedu Pedro Eneare.

Maumejieno Eneas nacajarejamedu. ³⁵ Que teni caivu ina poeva Lida amicuriimarocavu aru Sarón amicuridarócavu máre járejaimada Eneas meateyure. Que baru ju arejaimada Jesúre.

Pedro ui nacovaino Dorcas yaiyó bácore Jesú paruqué

³⁶ Dinumu Jope amicuriimaro cuináco nomió curejacoda, oi ámiá Tabita. Ico Tabita Jesúre ju aipóeco barejácodu oi. oi ámiá griego amicuricamua yávaicamuaque Dorcas barejávuya, yo aiyró namaco. Cainumu mearo darí comajivo báco apevare aru cadateido báco

comaje árojarivure máre. ³⁷ Dijáravu ijeteni, yaidéjacoda oi, Tabita báco. oi baju bácarore joariburu yóboi, epedejaimada puenocatucubu. ³⁸ Jope amicuriimaro aru Lida amicuriimaro joabeno marejávuya. Que baru ina Jesúre ju aipóeva Jope amicuriimarocavu jápiaivu Pedro cucure Lida amicuriimaro, yo borore jarorejaimada áre pucará umuvaque:

—Maume dajacu nuje curoi, arí daicojenejaimada áre.

³⁹ Ju arí, Pedro nurejamedu náque. Ne eaiyede, nuvarejaimada áre yaiyó bácoi curitucubu puenocatucubu. Ditucubu ecoyu, caivu ina nomiópeva oivu o mácore chitoivu áre, jádovaivu barejáimada doicajeare, Dorcas báco oi nareiye báquede apuco careja. ⁴⁰ Ubenita Pedro etaicojenejamedu caivu inare ditucubure jocarí. Que teniburu yóboi, nusatutarí jéniarejamedu Júmenijicque. Ui jéniariburu yóboi, copedini, oi baju bácarore jári, arejamedu:

—Mu, Tabita, nacajajaco, arejamedu.

oi yacoruare voarí, Pedrone jári, nacajari dobarejacoda oi, Tabita. ⁴¹ oi purure jéní, Pedro nacovarejamedu áre. Dinumuma órejarejamedu ina Jesúre ju aipóevare aru ina nomiópevare máre, ne járajiye ayu óre apucore cojedeca. ⁴² Aru oi borore jápiarejaimada caivu Jope amicuriimarocavu. Que baru obedivu poeva ju arejaimada Jesúre nore. ⁴³ No yóboi, Pedro mautedejamedu díimaroi obedijárvua. Curejamedu apecu Simóque, áimacajeare memeipóecque, ui curami.

Pedro ui coyano Cornelioare Jesú ui yávaiye méne

(Hch 11.4-18)

10 Cuinácu um curejamedu Ce-sarea amicuriimaro, ui ámiá Cornelio. Nai Cornelio cien paivu churraravai jabocu barejámeda ui. Roma

āmicurō jaboteino churaravai yajubo italiano āmicuriyajubocacu barejámeda ū. ² Jāve mearore jíni Jūmenijicure, ū jivu máre mearore jívarejaimada ūre. Cadatede cuyu barejámeda ina judíovacavu cōmaje árojarivure. Aru jéniajare-jamedá Jūmenijicuque. ³ Cūinájárvu tres baji nainú, ñai Cornelio apucu järe-jamedá cūinácu Jūmenijicu daroimu, ángelede, decoboainope. Ñai ángele ecorí, Cornelio yebai nuri, arejamedá ūre:

—Mu, Cornelio, arejamedá.

⁴ Cornelio, jiducu, ñai ángelede cocorí, jéniajare-jamedá ūre:

—Mu, ji jabocu, ¿yéde ucurū mu? arejamedá Cornelio.

Nai ángele ju arí, arejamedá ūre:

—Jūmenijicu jápiaibi mi jéniajayedé ūre. Aru me jáimi mi cadateiyede cōmaje árojarivure máre. Que baru Jūmenijicu árumi mure. ⁵ Caride jarojacu apevü ūmuvare Jope āmicuríimaro, ne vorí earájiyepe ayu cūinácu ūmure, ūi amíá Simón Pedro. ⁶ Apecu Simón, áimacajeare memeipöechu, ūi cūrami cūvabi jia uropa ëcarci. Aru Simón Pedro cacube ūi cūrami. Ūre ne eaiyede, dava-jarari mi yebai, arejamedá ñai ángele Cornelio.

⁷ Que arí, ñai ángele nurejamedá Cornelio jocarí. Dinumua Cornelio órejarejamedá pucarā ūi yebacavure aru cūinácu churaravacacure. Nai máre mearore jiyu barejámeda Jūmenijicure. Cornelioi me dápiaimua marejámeda, ūre ūi mearo cadateiyede boje. ⁸ Ina yóbecurá ne eaiyede ūi yebai, Cornelio coyurejamedá náre caiye iye ñai ángele ūi coyuiye báquede. Aru nūicōjenejamedá náre Jope āmicuríimaro.

⁹ Cōmiájárvu ne mái nuiyedeca, Jope āmicuríimaro joabenoi, Pedro muri nurejamedá cūrami pñenora, jéniachyu Jūmenijicuque. Járavu

corica barejávuya. ¹⁰ Úi jéniajayedeca, ñuvé ijidejavuya ūre. Ubenita aiyede jatuhóbedejaimada cāreja. Ne jatuhójayedeca, Pedro apucu järejameda yópe decoboainope. ¹¹ Järejameda no cavarō voainore aru apejie yópe uracaje cuitótecajepe jödarejavuya cavarōre jocarí. Jödarejavuya yópe pñeva ne buorí yóvaicuwaitobua dñi emeóvaiyepo dicajede. Jödarejavuya pu cūrami pñenoita Pedro yebai. ¹² Dicaje jívhui cürejaimada obedivu ãimara yóvaicuvaivu cubobaque cuivu, aru obedivu ãdavape papeivu, aru obedivu ãimara vñivu máre. ¹³ Pedro japiarejamedá apeno yávainore. Aru yópe arejamedá Jūmenijicu ūre:

—Mu, Pedro, nacajacu. Boajácu mi ãquinova, arejamedá Jūmenijicu.

¹⁴ Ubenita Pedro arejamedá:

—Mu, ji jabocu, ¡que ámevu! Cainumua ámevu yu caiye iye Moisés bácu aicójemene ñujare, judíovare. Que baru áiyubevu yu diede, arejamedá Pedrocapúravu.

¹⁵ Ubenita Jūmenijicu capúravu arí yávarejamedá Pedrore cojedeca.

—“Áiyubevu yu”, abejacu mu iyede ji aicójeyede mure, arejamedá Jūmenijicu.

¹⁶ Yóbecue vaidéjavuya Pedrore yópe paino. Aru no yóboi, dicaje uracaje muri copainurejavevuya pu cavaróita cojedeca.

¹⁷ Pedrocapúravu pare arí dápiaiyu barejámeda. “¿Yéde majicaiyusuba Jūmenijicu yure yo ji jáino mácaróque?” arí dápiajamedá ū. Que dápiajayedeca, ina Cornelioi jaroimara mácavu Simói cūramine vorí, earí, nûrejaimada jedevacobei. ¹⁸ Aru jéniajare-jamedá:

—¿Aru, Simón Pedro curi yui? arejaimada.

¹⁹ Pedrocapúravu coreóvabecu cāreja aipe aiyuró ūi jáino mácarore dápiaiyu baridurejamedá. Que teiyedeca, ñai Espíritu Santo arejamedá Pedrore:

—Jápijacu. Yóbecurā ūmava vođama mure. ²⁰ Que baru nacajacu, jōđacu, aru nijacu náque. “Nuiyabevu yu náque. Jív u ámemna na”, arí dapiabecacu m̄. Yurecabu daroyu náre yui, arejameda ñai Espíritu Santo Pedrote.

²¹ Ju arí, nacajari, jōđari ne yebai, jacoypurí náre, Pedro arejameda:

—Yurecabu muje voim̄. ¿Yéde urivnurū muja yáque? arejameda.

²² Pedrote arejaimada na:

—Ñuje jabocu, üi ámiá Cornelio, cien paivu churaravai jabocu, darobi ñujare mi yebai. Meacube ü, aru mearore jiyube Jümenijicure. Caivu judíova me jådama ūre. Puedadama ūre pare. Cüinácu Jümenijicui daroim̄ mácu, ángele, yópe abiya ūre: “Cutujacu m̄ Pedrore mi cürami, üi coyquiyepo ayu mure Jümenijicui yávaiye méne”, abiya ñai ángele ñuje jabocure, arejaimada ina Pedrote vorådaivu bávacu.

²³ Ne borore jápiayede, Pedro yópe arí, mauteicōjenejameda náre ūque:

—Ecojará muja. Cari ñami cüjará muja yui, arejameda Pedro náre.

Cómiáijárvu Pedro üi cüvede meadarí, nurejameda náque. Aru apevu ūmava, Jesúre ju aipóeva, Jope ámicuriímarocavu yóvarejaimada ūre mure. ²⁴ Earejaimada na Cesarea ámicuriímaroi. Noi Cornelio coredejameda Pedrote. Ūque curiva üi cürami apevu ü jivu aru üi yóvaimara mure, üi cutuimara mácavu barejaimada na. ²⁵ Pedro üi eaiyede Cornelio cürami, ñai jabocu ūre jacoypurí, pueñaycu mori turejameda Pedrote üi cuboba yebai. ²⁶ Übenita Pedrocápuravu nacajaicōjenejameda ūre.

—Nacajacu m̄. Yópe dabejacu m̄. Yü mure mápe páyu pöecibu yu, arejameda Pedro Cornelio.

²⁷ Ne baju yávaivu ecorejaimada Cornelio cürami. Pedro járejameda caivu

ina obedivu pöevare cóijivure noi. ²⁸ Aru arejameda náre:

—Jave majivu muja, ñuja judíova curanumevure muja judíova ámevque aru ñuja yóvabevure märe mujare, ñujare Moisés báchi daicōjeiye boje. Übenita Jümenijicuvacari majicabi yure iye daicōjeiye jaubevu yure caride. Ámeina jáicōjememi yure apevure, judíova ámevure. ²⁹ Que baru yure mi órejaiye báquede jápiarí, cüiná ju arí, davu yu mi yebai. Que baru coyujacu yure. ¿Aipe teni daicōjecurū m̄ yure? arejameda Pedro.

³⁰ Aru Cornelio arejameda ūre:

—Yóvaicuvajárvu jipocai yo óra baji, tres baji nainú, yu jeniauvu Jümenijicque yui ji cürami. Ji jeniaiyedeca, maumena cüinácu ūmu doicaje pöicajeque númi ji jipocai.

³¹ Aru ü abi yure: “Mu, Cornelio, Jümenijicu jápiabibi mi jeniaiyede ūre. Aru me jáimi mi cadateiyede cõmaje árojarivure märe. Que baru Jümenijicu áruumi mure. ³² Caride jarojacu apevure Jope ámicuriímaroi, ne vorí earájiyepe ayu cüinácu ūmure, üi ámiá Simón Pedro. Apecu Simón, áimacajeare memeipöecu, cüvabi üi cürami jia urada écarhi. Aru Simón Pedro cücibe diñami”. Que abi yure ñai ángele. ³³ Que baru cüiná jarovu yu inare, ne davarájiyepe ayu mure ji yebai. Aru me daivu m̄ caride. Caivu ñuja cóijivbu yui caride, Jümenijicui jáinoi. Jápiayurivbu ñuja caiye iye mi coyuiyede yópe Jümenijicui coycaicōjeiyede mure ñujare, arejameda Cornelio Pedrote.

Pedro üi yávaino Cornelioi cürami

³⁴ Pedro yávarí báyuh, yópe arí, coyurejameda náre:

—Yü coreóvaivu caride jáve Jümenijicu jáñure caivu pöevare cüinátu.

³⁵ Jümenijicu copu etayube caivu ina

puedaivure ūre, ju aivure ūre, aru mearo daivure máre. Caivu ina caiyajuboacavu yópe daivure Jūmenijicu copu etayube náre. ³⁶ Mūjavacari majivu iye Jūmenijicu coyuhiye báquede Israel bácu pármena mácavure ūi daroquim u Cristorá. Jūmenijicu recabe daroyu bácu Jesucristore, caivu pöeva ne jabocuva, ūi coyuhiyepe ayu náre ūi yávaiye méne, cárrijimene dacachuyre náre Jūmenijicu que. ³⁷ Aru mūjavacari majivu no utarō teino mácarõre Juan Bautista bácu ūi coyurí buhojarí jádovaiye báquede pöevare Jūmenijicu. Jesucristo bñame ūi daiyede utarō pöeva ne ñarí majibede Galilea ãmicurijoborõi. Diede ñare cuyu bateáme pu caino Judea ãmicurijoborõi. ³⁸ Aru mūjavacari majivu ñai Jesús Nazarecasu borore. Jūmenijicu beorejaquemavu ūre javede. Que teni daroquemavu ūre ūi Espíritu Santore. Que baru Jūmenijicu paruéde cùvateque-mavu ñi, Jesús.

'Caino ūi cuino Jesús cadateame pöevare. Meadame caivu ina pöevare abujuvai jabochi ñajine daimara mácavure, ūi cùvae boje Jūmenijicu paruéde. ³⁹ Ñujavacari jácarã caiye iye ūi daiye báquede Jerusalén ãmicurímaroi aru caino judíovai joborõi máre. Ubenita ūre pëvari jocucuaravena, boarí jaruvarima ūi mauva. ⁴⁰ Ubenita yóbearijáravu ūi yainíburu yóboi, Jūmenijicu nacovaquemavu ūre yainore jaruvarí. Aru jádovame ūre ñujare. ⁴¹ Apevu jámetequemavu ūre. Quévura ñujavacari, Jūmenijicu beoimara mácavu jipocama, jácarã ūre, apñure cojedeca. Ūi nacajariburu yóboi yainore jaruvarí, ñuja ūque ácarã aru ücucarã. ⁴² Ūque curivu ñuja, coyuhiyepe ñujare ūi yávaiye méne apevure. Aru yópe aicójeame ñujare máre: "Jáve ijáravu cùiquíyede yávacari

jarocchymu caivure, apñrivure aru yaivu bácvure máre, ne cüräjinoi. Apevure jarocchymu cavarõ mearo Jūmenijicu cürõi. Aru apevure jarocchymu toabo cüiméboi. Javede Jūmenijicu beorejaquemavu yure, yópe jarocchymu caivu pöevare". Que aicójeame ñujare Jesús. ⁴³ Aru Jesúvacari ñai caivu Jūmenijicu yávaiyede coyucaipöeva mácavu coyuimame ñi. Na mácavu coyuarejaimada ūi borore yópe: "Caivu pöeva ne ju aru Jūmenijicu daroquimure, Jūmenijicu ãrûmetecchymu ne ãmeina teiyede", arí coyuarejaimada na mácavu, arí coyuarejameda Pedro Corneliojäre.

Judíova ãmevu ne copu etaino Espíritu Santore

⁴⁴ Pedro ūi coyuhiyedeca, ñai Espíritu Santo náre earí ñaicojenejameda caivu ina jápiaivure iye yávaiye méne. ⁴⁵ Que baru ina judíova, Jesucristore ju aivu, Pedro yóvaimara mácavu, cuecumarejaimada ne jáiyede Jūmenijicu daroyure ñai Espíritu Santore ina judíova ãmevure. ⁴⁶ Ina judíova jápiaivu ina judíova ãmevure yávaivure apecamua yávaicamua ne majibecamuaque, majidejaimada ñai Espíritu Santore ñaicojenejure náre. Ina pöeva mamarumu ju aivu Jesúre dijáravure mearore jídejaimada Jūmenijicu, ūi utarō majié boje, ūi utarō parué boje máre. ⁴⁷ Dinumu Pedro arejameda:

—Ina pöeva, ñujape paivu, copu etadama ñai Espíritu Santore. Que baru pöecu cùbebi náre jádovaicójemeçu Jūmenijicu ocoque, arejameda Pedro.

⁴⁸ Que arí, náre jádovaicójenejameda Jūmenijicu ocoque, ne Jesucristore ju aiye boje. Dinumu jeníarejaimada Pedore, ūi mautequiyepa aivu náque apejáravu.

**Pedro ūi coyuño Jerusalécamu
Jesúre ju aipōevaré
(Hch 1.5; 10.1-48)**

11 Dinumu Jesús ūi yávaiye méne beorí coyñicōejimara aru Jesúre ju aipōeva caino Judea āmicurijoborócamu máre jápiarejaimada ne borore, apevu judíova ámevure ju aivure máre Jūmenijicu yávaiye méne. ² Que baru Pedro muri nūnū mácu Jerusalén āmicuriímaroi, apevu judíovacavu jararí yávarejaimada ūre. Ina judíova dāpiarejaimada caivu ūmuvare Jesúre ju aivure ne cajede buraicōjeiye jaúrōre náre, yópe Jūmenijicu dāicōjeiye ūi coyuñie báquede Moisés báture. Que baru ina judíova jaraivu Pedrone, jēniari járejaimada ūre:

³ —¿Aipe teni ecocurū mu judíova ámevui cūrami? ¿Aipe teni náque dobarí achrū mu? arejaimada na Pedrone.

⁴ Ne que aiye boje, Pedro coyurejameda náre caiye iye vaiye báquede ūre mamabuño mácarore pū dijāravuita. ⁵ Yópe arí, coyurejameda náre:

—Yávacari jēniañu matecácu Jūmenijicure Simói cūrami, Jope āmicuriímaroi. Ji jēniaiyedeca, yu apucu jācacu yópe decoboainope apejíene yópe unctione cuitótecaje yóvaicuwaitobuaque bhoinope jōdaicajede cavarore jocarí. Emeni darí pū ji yebai mauteavu dicaje. ⁶ Que teni me cocorí dicaje jívui jācacu obedivu áimarare yóvaicuvaivu cubobaque cuivure, apevu oteiáimarare aru apevu macarócamu jijecurivure máre; aru obedivu papeivure; aru obedivu áimara vuivure máre. ⁷ Dinumu jápiacacu Jūmenijicure yópe ayure yure: “Mu, Pedro, nacajajacu. Boajácu mi áquinova”, áme yure. ⁸ Ubenita acacu yu ūre: “Mu, ji jaboci, ¡que ámevu! Cainumua ámevu yu caiye iye Moisés

bácu áicōjemene ūjare, judíovare. Que baru áiyubevu yu diede”, acacu yu. ⁹ Ubenita Jūmenijicu capúravu, yópe arí, yávame yure cojedeca cavarō mearo ūi cūrōre jocarí: “Áiyubevu yu, abejacu mu, iyede ji áicōjeiyede mure”, áme yure Jūmenijicu. ¹⁰ Aru yóbecue vaiávū yure yópe paino. No yóboi, quénora muri copainuavu dicaje pū cavaroi cojedeca.

¹¹ 'Dinumumareca yóbecurā ūmuva edaima diñami ji cūriñami. Cūinácu Cesarea āmicuriímarocacu ūi daroimara mácamu bateima na, yure voraeivu. ¹² Aru ūai Espíritu Santo yópe áme yure: “Jidubejacu. Náque nūjacu mu”, áme yure. Aru ina seis paivu ūmuva, Jesúre ju aipōeva, yóvaima yure. Cesarea āmicuriímaroi nuri, yure órejaya bácu cūrami earí, noi ecocarā ūja caivu.

¹³ Que teni ūai cūrami upacu, yópe arí, coyuáme ūjare: “Cūinácu ángel euetebi yure. Jávu yu ūre núcure yui ji cūrami jívui. Ū abi yure: ‘Jarojacu apevure Jope āmicuriímaroi, ne vorí earājiyepe ayu cūinácu ūmure, ūi ámiá Simón Pedro. ¹⁴ Ū coyuñuyame mure yávaiye méne, mu aru caivu mi cūramicavu máre, muje meatenajiyepe ayu, Jūmenijicu árumetequiyepo ayu muje ámeina teiyede’. Que abi ūai ángel yure”, áme ūai cūrami upacu yure.

¹⁵ Aru ji yávarí bhiyede, ūai Espíritu Santo edaibi náre máre nopedeca ūi edaiyede ūjare mamarumure.

¹⁶ Dinumure árutecacu yu Jesúr ūi coyuñie báquede: “Juan Bautista bácu jādovame mujare Jūmenijicure ocoque. Ubenita yu jādovacu yu mujare Jūmenijicure pheño mearo baju. Darochuyu mujare ūai Espíritu Santore”. Que áme ūjare Jesúr. ¹⁷ Jāvemu. ūja judíova ūje ju aiyede Jesúre, Jūmenijicu daroáme ūjare ūai Espíritu Santore. Nopedeca daibi ina

judíova ãmevu ne ju aiyede Jesúre. Jümenijicu daroibi ñai Espíritu Santore náre máre. Que baru, ¿aipe daiye jauri yure? Jümenijicure ùi ʉrōre daicōjemech bhojabevu yu, arejamedá Pedro ina judíovare.

¹⁸ Aru ina judíova jápiaivu bácvavu Pedro ùi coyuyede, ne jararí yávaiyede úre dajocarejaimada. Quénora mearore jídejaimada Jümenijicure.

—Jümenijicu meacu bajube ù. Ú ubi judíova ãmevure máre, ne daiyede oatavarí ne ãmeina teiyede chioye boje, ùi árumetequiyepo ayu diede, aru ùi cure daquiyepo ayu náre järavu cüiméjäravu baquinóre, arejaimada na.

Antioquiacavu ne ju aino Jesúre (Hch 8.1-4; 21.10)

¹⁹ Esteban mácure judíovai jabova ne boarí jaravaríburu yóboi, Jesúre ju aipöeva dupini nurejaimada Jerusalén ãmicuriímarore jocarí apejoróaita, judíovai jabova ne nájine daiye boje náre. Apevu dupini nurejaimada joai, pü Fenicia ãmicurijoboróita, aru Chipre ãmicuriijiavuuta, aru Antioquia ãmicuriímaroita. Ne nuiyedeca coyurejaimada Jesús ùi yávaiye méne apevu judíovare. Übenita coyubedejaimada cäreja diede judíova ãmevure. ²⁰ Übenita apevu ümava, Jesúre ju aipöeva, Chipre ãmicuriijiavuuta aru Cirene ãmicuriímarocavu máre, nurejaimada Antioquia ãmicuriímaroi. Noi coyurejaimada judíova ãmevure máre iye yávaiye méne. “Jesúrecabe caivu pöeva ne jabocu”, arí coyurejaimada na. ²¹ Jümenijicu jídejamedá náre ùi paruáde. Que teni cadatedejamedá náre, ne buenajiyepo ayu me. Aru obedivu pöeva ju aivu iye yávaiye méne, chioivu ne ãmeina teiyede, oatuvarejaimada ne daiyede, ju arajivu Jesúre.

²² Antioquia ãmicuriímarocavu ne borore jápiaivu, ina Jerusalén ãmicuriímarocavu Jesúre ju aipöeva jarorejaimada Bernabéde ne yebai. ²³ Úi eaiyede Antioquia ãmicuriímaroi, járejamedá Jümenijicu ʉrarō mearo daiyede ina Jesúre ju aivure. Que baru torojurejamedá ù, Bernabé. Paruróreca yópe arí, coyurejamedá náre:

—Jesúre ju ajarā cainumua. Cüináumequa dajarā cainumua caiye iye ùi bueye báquepe. Cainumua árumetebejarā diede, arejamedá náre.

²⁴ Nai Bernabé paruróreca ju ayu barejámedá Jesucristore. Aru ñai Espíritu Santo daicōjenejamedá úre. Que baru mearo dayu barejámedá ù. Aru obedivu nócavu, ùi bueiyede jápiaivu, ju arejaimada Jesúre.

²⁵ No yóboi, Bernabé nurejaimada Tarso ãmicuriímaroi, vocuñu Saulore.

²⁶ Úre vorí earí, nüvarejamedá úre Antioquia ãmicuriímaroi. Noi ina pucarā curivu cüináuju baju. Cójijivaivu barejáimada ina Jesúre ju aivuque. Obedivu pöeva Jesúre ju aivure buevavu barejáimada na, Bernabé aru Saulo máre. Noi Antioquia ãmicuriímaroi mamarumu pöeva ámidorejaimada ina Jesúre ju aipöevare cristianova.

²⁷ Dijáravhai apevu Jümenijicu yávaiyede coyucapöeva émenejaimada Jerusalén ãmicuriímarore jocarí. Aru earejaimada Antioquia ãmicuriímaroi.

²⁸ Cüinácu nácacu, ùi ãmiá Agabo, yávacunacajarejamedá ù. Nai Espíritu Santo yávaicōjenejamedá úre. Aru Jümenijicu yávaiyede coyucarejamedá ù, yópe arí: “Caivu Judea ãmicurijoborócvu nájinajivu ʉrarō ãvuéna”, arejamedá ù. Aru obebeñju yóboi, Claudio ùi jaboteinumure, pöeva nájinejaimada ʉrarō ãvuéna, nópe ùi coyucaiye báquepedeca.

²⁹Iye Jūmenijicu yávaiyede coyucaiyede jápiaivu bácacavu, ina Jesúre ju aipōeva “Cadatenajare náre, Judeacavu Jesúre ju aivure”, arejaimada ne baju. Que aivu, na coapa davaivu barejáimada tāuturare ne oainope, ne jínajije. ³⁰Ne tāuturare cójijovariburu yóboi, Bernabé Saulomaque nūvarejaimada diede, jínajivu Judea āmicurijoborōcavu Jesúre ju aivure coreipōevare.

Jabova ne boarí jaruvaino Santiagore aru ne buoino Pedrore

12 Dijāravuai ñai jabocu Herodes ñajine darī bárejamedá apevu Jesúre ju aipōevare. ²Boarí jaruvaijenejamedá Santiagore, Jūai mamicure, boaicaroveque. ³Üi boarí jaruvaiye báque Santiago bácuru cojurejavuya ina judíovai jabovare. Que baru bhoicójenejamedá Pedrore. Dinumu pāure buchure daiye cube áiye torojuve teinumu marejávuya. ⁴Pedrore ne jéniburu yóboi, nūvarejaimada ūre āmeina teivure jeni jacoñami. Noi yóvaicuvaiyajuboa churarava jári coreivu barejáimada ūre. Yóvaicuvaiyu churarava barejáimada yajuboa coapa. Aru ina churarava jári coredejaimada ūre ne yajuboa coapa. Herodes davaicōjecuyu barejámeda Pedrore pōeva ne jainoi Pascua āmicurijárvu yóboi, acuyu ūre “Yaicáyumu mu”. ⁵Que teni ina churarava me coreivu barejáimada Pedrore āmeina teivure jeni jacoñami jívui. Übenita ina Jesúre ju aipōeva parurōreca jeniaivu barejáimada Jūmenijicuque ūre jāravure aru ñamine máre.

Jūmenijicu üi jaetovaino Pedrore āmeina teivure jeni jacoñamine jocarí

⁶Cūináñami, Herodes davaicōjecuyu Pedrore cōmiáijárvu jipocacañamine, Pedro cāñu marejámeda āmeina teivure

jeni jacoñami jívui. Pucarā churarava coricai cāñu, pucamea tāumeaque buoimá mácu; cūinámeque buoimá mácu cūinácu churarare üi meapūravu aru apemeque buoimá mácu apecu churarare üi cācopūravu. Aru apevu churarava máre coreivu barejáimada diñami jedevacobe yebai. ⁷Maumejena ñai Jūmenijicu daroimu, cūinácu ángele, cuetedejamedá noi Pedro yebai. Aru miadárejavuya diñami jívui. Nai ángele jeni jāñu marejámeda ūre cūinápūravu, ūre coedavacuyu, aru arejamedá ūre:

—¡Maume coedajacu mu! arejamedá Pedrore.

Aru cūiná dimeá tāumea voarí turejavuya Pedroi āmuveare jocarí. ⁸Nai ángele arejamedá ūre:

—Buojacu mi jārióicavare. Dojacu mi curaidoare máre, arejamedá.

Ju arī, üi daicōjeiyepedeca darejamedá Pedro. Aru ñai ángele arejamedá ūre:

—Dojacu mi pheñocacajede. Aru dajacu yáque, arejamedá ü.

⁹Pedro üi yóboi nuri, etarejamedá diñami jacoñamine jocarí. Übenita Pedrocápūravu coreóvabedejamedá üi daiye jävne. “¿Decoboaino mérica yo?” arī dápiarejamedá Pedro. ¹⁰Nure nuivu vaidéjaimada cūináyajubo churarava coreivure. Aru vaidéjaimada apeyajubore máre, churarava coreivure. Quénora earejaimada na uracobe jedevacobe paruricobe tāuque daicobede, nuino imaroi. Dicobe bajumareca vorejavuya, ne etarājiyepo diñami jacoñamine jocarí. Nuimai cuivu barejáimada na. Aru cūiná ñai ángele dajocarejamedá Pedrore cūináchu. ¹¹Dinumumia Pedro coreóvarejamedá iye ūre vaiye jävne. Yópe arī dápiarejamedá: “Caride majivu yu caiye iye jävne. Jūmenijicu darocube üi ángelede, üi

jaetovaquiyepē ayu yure Herodes ūi daicōjeiyede jarūvarī, ūi dabequiyepē ayu yure yópe ina judíovai jabova ne ȳrōpe", arī dāpiarejamedā Pedro ūi baju.

¹² Ū coreóvayu caiye iyede, nurejamedā Maríai cūrami. Ico Maríia Jūai paco barejácoda. Aru ñai Jūavacari āmicrejamedā Marcos máre. Obedivu pōeva cójjivu diñami jéniaivu barejáimada Jūmenijicuque, ūi meadaquiyepē aivu Pedre. ¹³ Ne jéniaiyedeca, Pedro eayu diñami jedevacobēi, órejarejamedā. Aru cūináco ne yebacaco, òi ãmiá Rode, voaconuridurejacoda ò. ¹⁴ Ubenita Pedrore jápiarī, coreóvari, pare torojurejacoda ò. Que baru cuyarī copainurejacoda pōevai cūritucubui cojedeca, jedevacobede voabecova cāreja. Ina jéniaivure torojuco arejacoda ò:

—Jedevacobei cubi Pedro, arejacoda ò.

Ubenita ju abevu óre, arejaimada na:

¹⁵ —Ārumecobu mū, arejaimada.

Ubenita parurōreca:

—Jāvetamu. Jápajarā yure. Jedevacobei cūbi Pedro, arejacoda ócapūravu.

Ina cójjivu arejaimada óre:

—Urecabe Pedro báchi decocu, mi jápaimu, arejaimada na.

¹⁶ Aru ne nópe yávaiyedeca, Pedro capūravu dajocabecuva órejayu barejámeda ūi cāreja. Quénora apevu nácacu jedevacobede voaivu, Pedre jáivu, cuecumarejaimada na. ¹⁷ Pedro cūrami ecorī, ūi phruque jádovari, bi aicōjeni, coyurejamedā náre caiye iye Jūmenijicu daiye báquede jaetovacuyu ūre āmeina teivure jénii jacoñamine jocarī.

—Iye ji coyhiyede Santiago, Jesúi yóchre, máre coyjurā mūja, aru caivu apevu Jesúre ju aipōevare máre, arejamedā náre Pedro.

Náre yávarī buojarī, Pedro etarejamedā diñamine jocarī, nuchuyu apenoita.

¹⁸ Cōmáiijáravu miadáe tuiyede ina āmeina teivure jénii jacoñami churarava pare jidurivu cārijinejaimada na. Jéniai jáivu barejáimada ne bajumia:

—¿Ari cūri Pedro? ¿Aipe tedica ū? arejaimada.

¹⁹ Herodes churaravare voicōjenidurejamedā Pedre. Ubenita eabedejaimada ūre. Que baru Herodes jéniai járejamedā ina churaravare ne majide Pedro borore. Aru boarī jarūvaicōjenejamedā náre, Pedro ūi dupini nuiye boje náre jocarī.

No yóboi, Herodes ēmenejamedā Judea āmicurōre jocarī, cuchuyu Cesarea āmicuriñmaroi.

Herodes ūi yaino

²⁰ Ūi cudee noi, pare jararejamedā ñai Herodes Tiro aru Sidón āmicuriñmaroacavure máre. Que baru apevu dīímaroacavu cójjidejaimada, cārijimene dāiyurājivu Herodede. Dīímaroacavu ñi bojedaivu barejáimada ne ārajiyede Herodei jaboteinoi. Que baru mauchuvaiyubedejaimada ūre. Mamaramure coyurānurejaimada Blastore, jéniarajivu ūi cadatequinore náre. Ñai Blasto Herodei cūramine coreipōecu barejámeda. Ne coyhiyede jápiayu, ne jéniaiyede ju ayu, cadateiyurejamedā náre. Ūi cadateiyequ, cójjini, nūrajivu barejáimada Herodes yebai, jéniarajivu ūi cārijimene daquiyepē aivu náre. ²¹ Que baru cūinájáravu, Herodes ūi beoijáravu, ūi meacaje jabocu doicajede doriburu yóboi, ne cójjinoi nūri, jabocu dobarōra dobarī, yávarejamedā náre joe ñai Herodes. ²² Aru yávariburu yóboi, caivu ina cójjivu, yópe arī, codoboboivu barejáimada:

—¡Jūmenijicu yávaiyepo yávaibi ū! Yávabebi ūmupe. ¡Jūmenijicu yávaiyepo yávaibi ū! coeloboborí arejaimada na.

²³ Maumejiena Jūmenijicu daroim, cūinácu ángele, pare ijino jídejamedá Herodede, “Yu máre ūmurecabu. Jūmenijicu ámevu yu” ūi arí coyabe boje ina pöevare. Que teni júva ne áim, yaidéjamedá ū, Herodes bácu.

²⁴ Ubenita apevu pöeva obedivu Jūmenijicui yávaiye méne coyuyede jáparí, ju arejaimada diede. Caijáravu apevu ne ju aiyede püeno baju obedivu ju aivu nurejaimada.

²⁵ Bernabé aru Saulo ne jíniburu yóboi iye tăuturare ju aivu cor-eipöevare, copainurejaimada Jerusalén ámicuriímarore jocarí. Aru Juan Marcore nüvarejaimada náque Antioquía ámicuriímaroi.

Bernabé aru Saulo ne bueni bueino Jūmenijicu yávaiyede

13 Antioquía ámicuriímarocavu Jesúre ju aivu jeneboi currejaimada apevu Jūmenijicu yávaiyede coyuvu aru pöevare bueivu máre. Na marejaimada Bernabé; aru Simón, ámidomu mácu ñemicu; aru Lucio, Cirene ámicuriímarocacu; aru Manaén, Herodei buchovaimu mácu jneñocu cäreja; aru Saulo máre. (Nai Herodes Galileacavu ne jabocu barejaquémanu.) ² Cūinájáravu ina bueipöeva mearore jív u barejaimada Jūmenijicure. Aru ámenejaimada aiyede, ne me jeniarajiyepo aivu ūre. Ne nópe daiyedeca, nai Espíritu Santo arejameda náre:

—Javede beocacu yu Bernabéde aru Saulore máre, ne memecarajiyepo ayu yure. Que baru caride jarojará náre yure memecarajiyure, arejameda nai Espíritu Santo.

³ Que teni cojedeca jeníarejaimada Jūmenijicure ámevuva aiyede. Bernabéde aru Saulore máre ne jipoburá tñoriburu yóboi ne püruáque, jádovarajivu ne memeino buiyede, jarorejaimada náre.

Jesús ūi yávaiye méne beorí coyucicójeimara ne bueino Chiprecavure

⁴ Nai Espíritu Santo nücicójenejamedá ina pucaráre Seleucia ámicuriímaroi. Noi jiadocu uracu jaturí nurejaimada pü Chipre ámicuriíjiavita. ⁵ Earejaimada Salamina ámicuriímaroi. Judíovai cójijinamiai nuri, ecorí coyurejaimada Jūmenijicu yávaiye méne. Aru Juan Marcos náre yóvayu barejámedá, cadatacuyu náre. ⁶ Caino no jiavure vainí, nuri earejaimada na Pafos ámicuriímaroi. Noi copurejaimada cūinácu judíore, ūi ámiá Barjesús.

Nai Barjesús “Jūmenijicu yávaiyede coyucapöecubu yu”, are cuyu barejámedá. Ubenita borocucu barejámedá. Quénora yaviéde dayu barejámedá ū. ⁷ U yóvaimu marejámedá no jiavucavu jabocu, ūi ámiá Sergio Paulo. Nai jabocu me majicu barejámedá ū. Jápiaiyurejamedá Jūmenijicu yávaiye méne. Que baru cuturejamedá Bernabéde aru Saulore máre ūi yebai, ne coyurajiyepo ayu diede ūre. ⁸ Ubenita nai yavié daipöecu, ūi ámiá griego ámicuricamua yávaicamuaque Elimas, maucuvarejameda náre. Ubenidurejamedá nai jabocure ūi ju aiyede Jūmenijicu yávaiye méne. ⁹ Dinumure Saulo me járejameda nai yavié daipöecure. Saulovacari barejámeda Pablo ūi ámiá. Nai Espíritu Santo daicójenejameda Pablore. Que baru nai yavié daipöecure me jári arejameda ūre:

¹⁰ —¡Mu, abujuvai jabocupe dare cuivu mu! Cainumua maucuvacutamu mu ina mearore daivure. No mearore

ubevu mu. Cainumua āmechbu mu. Boroc̄utamu mu. Jujovaivu apevure. Cainumua meuyarī áavaivu mu, “Jāve āmevu Jāmenijicu yávaiye”. Yópe áavaivu mu p̄ovare, ne ju abenajiyepo ayu Jūmenijicu yávaiyede.¹¹ Jājacu. Caride Jāmenijicu nájine daquijibimare mi āmeina teiye boje. Jāri eabequijivu mu. Apejárauvu aviá ūi miadáene jāmequijivu mu, arejameda Pablo.

Cūiná jāre eabedejameda Elimas. Que baru curidurī voyu barejámeda apecure, ūre n̄vacuyu ūi puruque.¹² Aru n̄ai jaboci iyede jāñu, ju arejameda Jesús ūi yávaiye méne. Que baru pare cuecumarejameda iye ne bueiyede Jesúrā.

Pablo aru Bernabé ne bueino Antioquía Pisidiacarōcavure

(Mt 3.11, 17; 10.14; 17.15; 27.22-23, 57-61; Mr 1.4, 7; 6.11; 9.7; 15.13-14, 42-47; Lc 3.3, 16, 22; 9.5, 35; 10.11; 23.21-23, 50-56; Jn 1.20, 27; 19.15, 38-42; Hch 1.3; 2.27; He 1.5; 5.5)

¹³ No yóboi, Pablojā jiadocu unctioni jaturī Pafos āmicuriimarore jocari nurejaimada Perge āmicuriimaroi jia urada apeduvei, Panfilia āmicurijoborōi. Dinum Juan Marcos dajocarejameda náre, copainusuyu Jerusalén āmicuriimaroi.¹⁴ Ubenita Pablojā nurejaimada Perge āmicuriimarore jocari. Earejaimada Antioquía āmicuriimaroi, Pisidia āmicurijoborōi. Noi judíovai jabuóvaijárauvu sábadoi, judíovai cójijiñami nuri, ecorí, dobarejaimada na, Pablojā.¹⁵ Apecu jāri borotedejameda Jāmenijicu daicōjeiyede ūi coyuixe báquede Moisés bácuru aru cūinácu Jāmenijicu yávaiyede coyucaip̄ovacacu bácu ūi toivaiye báquede máre. ūi jāri boroteniburu yóboi, ina cójijiñamine coreip̄eva darorejaimada apecure

Pablojā yebai, ūi jēniari jáquiyepe aivu náre:

—Muja, jívu, զyávaiyurāru muja ina p̄oeva yore curivure, cađatenajivu náre? Yávaiyurivu baru, coyujarā caride, arejameda ne daroimu mácu Pablojāre.

¹⁶ Que baru Pablo nacajari, ūi puruque jádovari ne bi arājiyepe ayu, coyuři bürējameda náre.

—Muja, jívu, Israecavu, aru judíova āmevu mearore jívu Jāmenijicure máre, jápiajarā ji coyuixyede.¹⁷ Nai Jāmenijicu, Israecavu maje mearore jímu, beorejaquemavu majeñecuva mácavure, judíovare. Obedicūpuruvarejaquemavu na mácavure ne cue báquede apevure apejoborōi, Egípto āmicurijoborōi. ūi urarō paruque n̄avarejaquemavu na mácavure Egípto āmicurijoborore jocarī.¹⁸ Napinejaquemavu na mácavure cuarenta paíjua baju ne cue de cāreja p̄oecubenoi.¹⁹ Bíjaroyu bácu siete paíyajuboare, Canaán āmicurijoborōcavure, jídejaquemavu no joborore ūi p̄oeva mácavure.²⁰ Que teni Jāmenijicu jabotede darejaquemavu obedivu jabova ūi p̄oeva mácavure cuatrocientos cincuenta paíjua reca p̄u nai ūi yávaiyede coyucaip̄oescu Samuel bácu ūi jaboteiyeta.

²¹ 'Aru Israecavu bácvu ne jēniaiyede Samuel bácuru, “Epejacu jabocure n̄ujare” ne aiyede, Jāmenijicu jabotede darejaquemavu Saúl bácuru, Cis báci mácuru, Benjamín máchi yajubocacure, ūi jabotequiyede ayu na mácavure. Aru Saúl bácu jabotedejaquemavu na mácavure cuarenta paíjua baju.²² Dintumumia Jāmenijicu jaboteicōjemenejaquemavu Saúl bácuru. Quénora jabotede darejaquemavu David bácuru. Yópe arejaquemavu Jāmenijicu: “Davique, Isaí máchuque, torojuvu yu. Ji daicōjeiyepedeca dacuyame ū”, arejaquemavu Jāmenijicu.

²³ 'Aru cūinácu David bácu pāramenacacure, Jesúre, daroquemavu Jūmenijicu, ūi meadaquiyepo ayu Israe-cavure. Que teni Jūmenijicu daque-mavu yópe ūi jipocamia aiye báque-pedeca. ²⁴ Ubenita Jesús ūi daquiye jipocai, Juan Bautista bácu coyuámeda caivu Israecavure. "Chíori dápiajarā mūja mūje āmeina teiyede. Oatuvajarā mūje daiyede, Jūmenijicu ūi árume-tequiyepo aivu diede. Aru jádovajara mūja Jūmenijicure ocoque", ámeda Juan Bautista bácu. ²⁵ Ūi memeinore buojare nūñu, Juan Bautista bácu ámeda pōe-vare: "Mūja dápiaivubu yure mūje cor-eimupe, ubenita yu āmevu ñai mūje coreimu. Dachuyumé ji yóboi cūinácu, ji pheno parucu. Úrecabe meacu baju caivu pheno. Que baru ūre cadateni buo-jabevu yu. Buojabevu yu oarí nacachini duayu ūi curaidoa buoimeare", ámeda Juan Bautista bácu.

²⁶ Mūja, jínu, Abraham mácu pāramena, aru judíova āmevu mearore jínu Jūmenijicure máre, majareca Jūmenijicu daroibi ūi yávaiye méne, maje meatenajiyepo ayu. ²⁷ Ubenita ina Jerusalén ámicurímarocavu aru ne jabova máre coreóvabetequemavu ñai Jesúre náre meadaipōecure. Ne boaicōjeiyede ūre daquemavu yópe ina Jūmenijicu yávaiyede coyucaipōeva mácavu ne toivaiye báquepe, diede jári boroteivvacari ne jabhóvaijāravhai sábadoa coapa. Ubenita ne boarí jaruvaicōjeiyede Jesúre, vaiquémauv caiye yópe ina Jūmenijicu yávaiyede coyucaipōeva mácavu ne toivaiye báquepedeca. ²⁸ Jesús ūi āmeina teiye cubedeca, quénora Pilatore boarí jaruvaicōjeimada ūre. ²⁹ Aru ūre dáríburu yóboi yópe ina Jūmenijicu yávaiyede coyucaipōeva mácavu ne toivaiye báquepedeca ūi borore, apevu ū mácure jocucujaravede jódavari, ñi, cūracobei jaruvaimada na. ³⁰ Ubenita

Jūmenijicu nacovaquemavu ūre yainore jaruvarí. ³¹ Obedijäravhare ina ūi yóvaimara mácavu jaimada ūre. Na mateima yóvaivu bácvu ūre jipocamia ūi nuiyede Galilea ámicurijoborore jocarí pü Jerusalén ámicurímaroita. Aru caride ina jáivu bácvu coyuivubu Israecavure ne majiéde Jesúre.

³²⁻³³ 'Aru nūyacapūravu coyurá-daiyubu mūjare iye Jūmenijicu yávaiye méne. Jūmenijicu "Mearo dacacuyumu yu mūjepāramena márajivure", arejaquemavu judíovai ñecuva mácavure. Aru Jūmenijicu nacovañu mácu Jesúre yainore jaruvarí, dacacuquemavu majare, judíova bácvu pāramenare aru judíova āmevure máre, yópe ūi aiye báquepedeca. Yópe toivarejaquemavu apeno toivaino mácarō Salmo ámicurōi Jūmenijicu coyuhiye báquede Jesúrā: "Jímacurecabu mū. Caride caivu ne jápaiyede yávacari jaboteicōjeivu mure", arejaquemavu Jūmenijicu Jesúre. ³⁴ Apeno toivaino mácarōi Jūmenijicu arí coyuarejaquemavu ūi nacovaquiyede Jesúre yainore jaruvarí, ūi bajure pojebequiyepo ayu. "Jáve mearo dacacuyumu yu mūjareca yópe ji aiye báquepedeca David bácur", arejaquemavu Jūmenijicu. ³⁵ Aru apeno toivaino mácarō máre, Salmo ámicurōi, ñu toivaipōecu bácu arejaquemavu Jūmenijicure: "Pojeicōjemecabu mū ji bajure, ji meacu baju boje, aru ji memecaiye boje mure", arejaquemavu. ³⁶ David báchcapūravu darejaquemavu Jūmenijicu unctione ūi cue báquede ijāravhi. Que dárí buojarí, yaídéjaquemavu. Aru jaruvararejaquemavu ūi baju bácarore ūi ñecuva mácavu yebai cūracobei, aru ūi baju bácarō pojedejaquemavu. ³⁷ Ubenita Jesúvacari, Jūmenijicu nacovaimu mácu yainore jaruvarí, pojobetequemavu ūi.

³⁸⁻³⁹ 'Mujā, jívū, jāve majijarā mūja ñūje coyuiedyede mūjare Jūmenijicui yávaiye ménē, ūi ārumetequiyepē aivū āmeina teiyede, Jesús ūi yaiye báque boje majare boje. Majijarā. "Mi āmeina teiye cūbevu", acuyume Jūmenijicui caivu ina ju aivure Jesúre. Ubenita pōeva ne dāiyuru Jūmenijicui dāicōjeiyede ūi coyukiye báquede Moisés bácare, "Mi āmeina teiye cūbevu", abecuyume nárē. ⁴⁰ Que baru me dājarā mūja, vaibéquiyepē aivu mūjare yópe Jūmenijicui toivaicōjeiye báquepe ūi yávaiyede coyucaipōeva mácavure:

⁴¹ Jājara mūja, ju abeni yurivu ji yávaiyede. Yure jāri cōenínajaramu mūja. Ji dāquiedyede jidūjarā mūja. Yainí bījarajaramu mūja. Mūje cūrijāravure pōeva ne dārī majibede dāchuyumu yu. Ubenita ju abejebu mūja, apecu ūi coyuru mūjare ji dāiyede. Apecu ūi coyuiedyedeca aipe aiyurōre ji dāiyede, ju abejebu mūja cāreja, arejaquemavu Jūmenijicui mūjare, arejameda Pablo nárē.

⁴² Arī buojarī, Pablojā ne etaiyede judíovai cójijiñamine jocarī, judíova āmevucavu jēniarejaimada nárē ne copaidarājiyede apesumana judíovai jabuóvajāravu, ne coyurājiyepē aivu pueno baju iye yávaiye ménē. ⁴³ Obedivu pōeva, judíova aru judíova āmevū mearore jívu Jūmenijicure, ne etaiyede cójijiñamine jocarī cujurejaimada Pablore aru Bernabéde māre ne nuiyede. Que teni ina Jesús ūi yávaiye ménē beorī coyuicōjeimara coyuchu barejáimaða ina pōevare parurōreca, ne dajocabenajiyepe aivu ne coreinore Jūmenijicui mearo bojecubeno ūi dacaquiyede nárē.

⁴⁴ Aru apesumana judíovai jabuóvajāravu sábadoi, obedivu pōeva diímarocavu cójijidejaimada, jápiarājivu Jūmenijicui yávaiye ménē.

⁴⁵ Ubenita apevū judíovacapūravu, ne

jáiyede caivu ina obedivu pōevare cójijivure, pare jorojínejaimada na. Que baru copu arejaimada Pablo ūi coyuiedyede. Aru āmecororejaimada ūre. ⁴⁶ Ubenita Pablo aru Bernabécapūravu jidubevuva pueno baju parurōque arejaimada:

—Mamarūmure jauvu ñūjare ñūje coyukiye Jūmenijicui yávaiye ménē mūja, judíovare. Ubenita mūja jápiaiyubeuva diede. Que baru mūje chvaiyube boje jāravu cūiméjāravu baquinore dajocaiyubu mūjare. Caride coyurānūvibu iye yávaiye ménē ina judíova āmevure. ⁴⁷ Que teni dārājivubu ñūja yópe Jūmenijicui coyukiye báquepe, arejaimada. Yū jaroivu mure yópe pēoinope caivu ina pōeva judíova āmevure, ne ju arājiyepe ayu ji yávaiye ménē, meadacuyu nárē, arejaquemavu Jūmenijicu.

⁴⁸ Ina judíova āmevū jápiaivu iyede, torojurivu "Jūmenijicui yávaiye me bajutamu", arejaimada. Nácvu, Jūmenijicui beoimara mácavu cūvarajivu jāravu cūiméjāravu baquinore, ju arejaimada na Jesúre.

⁴⁹ Aru caino dijoborōre apevū pōeva obedivu Jūmenijicui yávaiye ménē jápiarī, ju arejaimada diede. Que teni pueno baju obedivu ju aivu nurejaimada. ⁵⁰ Ubenita nócvu judíova mauchuvare dārejaimada diímarocavu, ūmuva parurivure aru nomiva judíova āmevū pōeva ne puedainomivare māre, ne nájine dārājiyepe aivu Pablore aru Bernabéde māre. Que baru jaetovarejaimada nárē dijoborōre jocarī.

⁵¹ Dintumure Pablojā pūpedejaimada jobore nárē jēiyede ne cūboba cāchinoi ne jáiyede, ina pōeva ne jápiaiyube boje Jūmenijicui yávaiye ménē. Que teni nárē dajocarī nurejaimada na Iconio āmicuriímaroi. ⁵² Ina Antioquia āmicuriímarocavu Jesúre ju aipōeva

torojurejaimada. Aru ñai Espíritu Santo daicōjenejamedá náre coapa.

Pablo aru Bernabé ne bueino Iconiocavure

14 Iconio āmicuriimaroí Pablo Bernabémaque ecorejaimada judíovai cójijiñami, buenajivu nócavure. Aru buedejaimada majiéque. Que baru obedivu pöeva ju arejaimada Jesúre, apevu judíova aru apevu judíova āmevu máre.² Ubenita nócavu judíova Jesúre ju abevu maucuvare darejaimada nócavu judíova āmevure, ne āmeina dápiarājiyepa aivu Pablojäre.
³ Que baru Pablojä mautedejaimada noi obedijäravu. Náre Jesús üi cadateye boje, jidubevuva coyivu barejáimada paruquéque. Aru Jümenijicu parure darejaquemavu náre, ne darājiyepa ayu pöeva ne jámene aru ne darí majibede máre. Que baru Jümenijicu jádovarejaquemavu jáve ne coyuiyede jiyede mearo bojecubenore Jesúre ju aipöevare.⁴ Ubenita cūináturu ne üme dápiabedejaimada na, diimarcavu. Apevu ju arejaimada ina judíova ne coyuiyede aru apevu ju arejaimada Jesús üi yávaiye méne beorí coyhicōjeimara ne coyuiyede.
⁵ Dinumure ina judíova aru apevu judíova āmevu máre coyurejaimada jabovaque, yópe arí: “Nájine darājarevu Pablojäre”, arejaimada ne bajumia. Que arí, cūraboaque duvarí boaiyurídurejaimada náre.⁶ Pablojä coreóvaivu ne maucuvare dápiaiyede náre, dupini nurejaimada apejoboroi. Curejaimada Licaonia āmicurijoborócaimaroai, Listra aru Derbe āmicuriimaroai, aru no joabenoquei máre.⁷ Coyivu barejáimada Jesús üi yávaiye méne nócavure.

Listracavu ne boaino Pablore cūraboaque

(Hch 4.24)

⁸ Listra āmicuriimaroí dobarejamedá cūinácu ümu cuiye majibecu. Üi cùboba jiacubedejavuya. Pöetedejamedá ñai ümu cuiye majibecu. Aru cainumua cubedejamedá ü. ⁹ Ü jápiayu barejáimada Pabloi coyuiyede. Pablo me cocoyu üre, coreóvarejamedá ñai ümu ju ayure Jesús parucure, üre meadachyure. ¹⁰ Que baru Pablo me jánu üre, arejamedá paruróreca:

—Nacajajacu mi cùbobaque nurié, arejamedá Pablo.

Maumejiena biarári, núri, vaivári bùrejamedá ü, cuiye majibecu bácu. ¹¹ Ina obedivu pöeva jáivu Pabloi daiye báquede, codoboborí bùrejaimada ne yávaicamuaque, Licaonia āmicurijoboróca ne yávaicamuaque. Yópe arí, codoboboivu barejáimada na:

—Jümenijina ümuvape ārojarivu teni ëmeni darí edadama maje yebai! arejaimada na.

¹² Que baru arejaimada Bernabéde, “Urecabe ñai jümenijicu üi āmiá Zeus”. Aru arejaimada Pablore, “Urecabe ñai jümenijicu üi āmiá Hermes”. Que arejaimada na Pablo üi yávaiye boje Bernabé pueno. ¹³ Cūinádamí cùrami pöeva ne torojude jíñami ñai Zeure curejavuya diimaro turuvai. Aru Zeui sacerdote davarejamedá oteivecuvare aru còvare máre diñami jedevacobe yebai. Ü diimarcavuque ina oteivecuvare boarí juaiyurídurejaimada na, mearore jínajivu Bernabéde aru Pablore máre.¹⁴ Ubenita Bernabé aru Pablocapúravu jápiaivu pöeva ne daiyude, ne baju doicajeare tatorí jadevarejaimada, pöeva ne majinajiyepa aivu diede ubevure. Aru pöeva jéneboi cuyarí nuri, codoboborejaimada na:

¹⁵—Yópe dabejarā mūja! Jūmenijina āmevu ñuja! Ñuja máre mūjape paivu pōevatamu. Coyurādaivubu Jūmenijicu yávaiye méne mūjare, mūje dajocarājiyepe aivu mūje mearore jíyede jūmenijina āmevure aru mūje majinajiyepo aivu ñnai Jūmenijicu apucu cūináchua. Ñnai Jūmenijicu cuedarejaquemavu cavarōre, joborōre, jia uradare máre, aru caivu nōcavure, noi cuede máre. ¹⁶Jipocai judíova āmevu daivu bácacavureca ne baju urō coapa, Jūmenijicu daicōjeñu āmenejaquemavu náre. ¹⁷Ubenita cainumua Jūmenijicu jádovaimi mūjare aipe ūrojacu ūi baju ūi dācayede mearore mūjare. Que teni Jūmenijicu ocare dacaibi cavarōre jocarī mūjare. Aru bucure dacaibi mūje oteiyede, mūje cūvarājiyepe ayu ãiyede. Yapide dacaibi mūjare ãiyequ. Aru torojure dacaibi mūje ūmene, Pablo Bernabémaque arejaimada.

¹⁸Yópe arejaimada, náre ne torojude oteivechvare juarī jíyue boje. Ubenita maiyójarejavuya náre ne dajocaiyede.

¹⁹Dinumure apevu judíova, Pisidia āmicurijoborōcaímaroa Antioquíia aru Iconio āmicuriímaroacavu earejaimada diímaroi. Obedivu diímarocavure maucavare darejaimada na Pablojare. Que teni Pabllo ūni, cūraboaque dūvari ūre, “¿Yaiyá bárica?” arī jabborī jarvarejaimada ūi baju bácarōre diímarore jocarī.

²⁰Ubenita no yóboi Jesúre ju aipōeva cójijini ntivu ūi yebai, Pablo nacajari, copainurejamedo diímaroi. Cōmiájárvare Bernabémaque nurejaimada Derbe āmicuriímaroi.

²¹Pablojá coyurejaimada Jesús ūyávaiye méne diímaroi. Aru obedivu pōeva ju arejaimada diede. No yóboi, copainurejaimada Listra, Iconio, aru Antioquíia āmicuriímaroai, Pisidia āmicurijoborōcaroai. ²²Diímaroa coapa

cadatedejaimada Jesúre ju aipōevare, ne ju arājiyepe aivu pueno baju parurō aru ne dajocabenajiyepo aivu ne Jesúre ju aiyede máre. Arejaimada diímaroacavure:

—Caivu maja ju aivu Jesúre ñájinajivubu pare ijāravui, maje ecorājiye jipocai Jūmenijicu jaboteinore, arī buedejaimada na.

²³Diímaroa coapa apevu ūmava Jesúre ju aivucavure beorejaimada Pablo aru Bernabé máre, ne corenajiyepo aivu apevu Jesúre ju aipōevare, náque cójijivaivure. Que teni jēniarejaimada Jūmenijicure āmevava ãiyede, ūi corequiyepe aivu ina ūre ju aipōevare, aru ūi cadatequiyepe aivu náre. Que dārejaimada Pablojá diímaroa coapa.

Pablo aru Bernabé ne copaino Antioquía Siriacerōi

²⁴Dinumu Pisidia āmicurijoborōre vainí, earejaimada Pablojá Panfilia āmicurijoboroi. ²⁵Noi Perge āmicuriímaroi coyurejaimada Jesús ūi yávaiye méne. Coyurī buajarī, ēmenejaimada Atalia āmicuriímaroi. ²⁶Noi jiadocū uracu ūi jaturī, earanurejaimada Antioquia āmicuriímaroi cojedeca, mamarumua ne etaino mácaroi. Ne etarājjárvare jipocamia, Jesúre ju aipōeva diímarocavu jēniarejaimada Jūmenijicure, ūi corequiyepe aivu ina ūre memecaivure aru ūi cadatequiyepe aivu náre.

Que arejaimada, jēniaivu Jūmenijicure ūi dacaquiyepe aivu mearore Pablojare. Aru ne copaiyede noi cojedeca jave buojarejaimada ne memeinore, Jūmenijicui coreni cadateiye báque boje náre. ²⁷Que baru Pablojá eaivu Antioquia āmicuriímaroi, cójijide dārejaimada caivu Jesúre ju aipōevare, coyurájivu náre caiye iye Jūmenijicui cadateiye báquede náre aru

ūi meadaicōjeiye báquede ina judíova āmevure, ju arājivure Jesúre. ²⁸ Aru Pablojā maute dejaimada Jesúre ju aipōeva que noi obedijāravu.

**Jesúre ju aipōeva jabova
Jerusaléi ne cójijino**

(Hch 2.4; 10.1-44)

15 Dinumure apevu ūmavare ēmene-
jaimada Judea āmicurijoborōre
jocarī Antioquia āmicurii maroi. Yópe
arī, bueni bárejaimada ina Jesúre ju
aipōevare:

—Muja trivu baru Jūmenijichí mead-
aquiyepe aivu mūjare, buraicōjeiye
jauvu mūje cajede yópe Jūmenijichí
daicōjeiyepe ūi coyuviye báquede Moisés
bácre, arī buedejaimada.

² Pablo aru Bernabé máre ju abe-
dejaimada iye ne bueiyede. Que baru
coyuridurejaimada náre jāve āmene.
Ubenita ina Judeacavu jaraivu jápi-
aiyubedejaimada Pablojāre. Que baru
Jesúre ju aipōeva beorejaimada Pablōre
aru Bernabéde, aru apevu Jesúre ju
aivure máre, ne muri nrājivepe aivu
Jerusalén āmicurii maroi, jēniari jára-
jivu diede Jesús ūi yávaiye méne beorī
coyūcōjeimarare aru ju aivure coreipōe-
vare máre. ³ Que baru ina Jesúre ju aivu
jarorejaimada náre. Vainí nrī Fenicia
aru Samaria āmicurijoborōre, coyure
cuivu barejaimada nōcavure īmaroa
coapa apevu judíova āmevure ne ju aiyede
Jesúre. Iye borore jāpiaivu bácamu nō-
cavu Jesúre ju aipōeva ӯrarō torojure-
jaimada na.

⁴ Pablojā ne eaiyede Jerusalén
āmicurii maroi, ina Jesúre ju aipōeva aru
náre coreipōeva, aru Jesús ūi yávaiye
méne beorī coyūcōjeimara máre
jacoyurejaimada náre. Dinumu Pablojā
coyurejaimada náre caiye Jūmenijichí
daiye báquede ne bueye báquede ūi
yávaiye méne. ⁵ Dinumure apevu Jesúre

ju aivu, fariseo āmicurijubocavu,
nacajari arejaimada Pablojāre:

—Ina judíova āmevure ūmavare ne
cajeáre buraicōjeiye jauvu aru daiye
jauvu náre caiye yópe Jūmenijichí daicō-
jeiyepe ūi coyuviye báquede Moisés
bácre, arejaimada ina fariseova.

⁶ Ne que arīburu yóboi, ina Jesús ūi
yávaiye méne beorī coyūcōjeimara aru
ina Jesúre ju aivure coreipōeva máre
cójijidejaimada, majinajivu diede. ⁷ Ne
ӯrarō coyūrīburu yóboi, Pedro nacajari
arejamedá náre:

—Muja, jívus, majivu muja javede
Jūmenijichí beoyu bácre yure muje
jēneboi, ji coyuviyepe ayu ūi yávaiye
méne, judíova āmevure, ne jápiarī ju
arājivepe ayu. ⁸ Aru Jūmenijichí, nai ma-
jicu caivu ne dápiaiyede, jādovaque-
mavu náre ūi copu etaimara mácavure
ūi daroiyede náre nai Espíritu Santore
nopedeca majare ūi daroyle báquepe
ūre. ⁹ Que baru Jūmenijichí copu etaibi
caivure cūináturu. Jāimi náre, judíova
āmevure, nōpe ūi jáiyepedeca majare,
judíovare. Que baru Jūmenijichí árume-
teibi ne āmeina teiyede ne ju aiyede
Jesúre. ¹⁰ ¿Aipe teni ӯbevaru muja Jū-
menijichí daiye báquede? Muja daicō-
jeiyeurivabu Jūmenijichí jave daicōjeme
máquede. Muja daicōjeiyeurivabu Jesúre
ju aipōeva judíova āmevure pueno
baju. Majeñecuva mácavu nōpe darī
bhojabedaquemavu caiye iyede. Aru
maja máre darī bhojabevu majah caiye
iyede. ¹¹ Nōpe dabejarā. Maja coreó-
vaivu Jūmenijichí meadayure majare,
Jesús ūi mearo dacaiye báque boje ma-
jare. Aru cūináturu Jūmenijichí mead-
ayube judíova āmevure máre, arejamedá
Pedro.

¹² Caivu ina cójijivu bi arejaimada
na. Dinumu Bernabé aru Pablo máre
coyurejaimada aipe pōeva ne jāmene
aru ne darī majibede máre Jūmenijichí
dare daiye báquede náre judíova āmevure

jēneboi. Aru caivu ina cōjijivu me jápi-
arejaimada ne coyuhiyede.¹³ Coyuriburu
yóboi, Santiago, Jesúi yócu, yópe arí,
yávarejamedá:

—Muja, jívu, jápiajará ji coyuhiyede.
¹⁴ Simón Pedro coyuibi mujare aipe
darí Jūmenijicu mearo dacarí būino
mácarõre judíova ãmevure, aru aipe
darí beoino mácarõre apevu nácvure
ü jina márajivure.¹⁵ Aru cūináthru iye
Pedro üi coyuhiyeye toivarejaquemavu
ina Jūmenijicu yávaiyede coyuhaipõeva
mácvu. Yópe Jūmenijicu toivaicõjene-
jaquemavu cūinácu üi yávaiyede coyu-
caipõecu bácre üi yávaiyede:

¹⁶ Yü Jūmenijicutamu. No yóboi,
copaidaschymu yu. Põevare
yure mearore jíde dacchymu yu,
yópe ne mearore jíye báquepe
yure David báci jaboteinum
mácarõre. David báci pãramena
mácvu ne jaboteino cūnotamu,
nopedeca cūinádamí cûrami
tuiñamipe. Übenita parure
dacchymu yu cojedeca cūinácre
nepâramenacacu baccháre, üi
jabotequiyeye ayu bediôva yópe
põeva mamadami cûramine ne
daiyeye tuiñami mácarõquede.
¹⁷ Yópe dacchymu yu judíova
ãmevure, ne vorâjiyeye ayu
yure, ne jabocure. ¹⁸ Que teni
caivu ji beoimara mácvu jína
márajivutamu, arejaquemavu
Jūmenijicu.

¹⁹ Que baru yu dápiaivu yópe.
Cârijovamenajarevu maya ina judíova
ãmevü jü aivure Jūmenijicure.
²⁰ Quénora toivarâjarevu paperayocare,
daicõjenajivu náre ne ãmenajiyeye
aivu caiye ãiyede pêpeimarare jíye
báquede, ne dabenajiyeye aivu ãmeina
daiyede némarebucuva ãmevque,
ne ãmenajiyeye aivu ãimajiarua jive
cuedé, aru ne ãmenajiyeye aivu jivede
máre. ²¹ Yópe daiye jañvu majare. Joe

baju cainoa ïmaroai caisumana coapa
jabuovaijáravuai, judíovai cójijiñamia
nuri, põeva jári boroteda Jūmenijicui
daicõjeiyede üi coyuhiye báquede Moisés
bácre aru buedama diede. Que baru
ina jápiaivu bácvu jave majima na
diede, arejamedá Santiago.

Paperayocare ne toivaino judíova ãmevure

²² Caivu ina Jesúr üi yávaiye méne
beorí coyuicõjeimara, ina Jesúre jü
aivure coreipõeva, aru caivu ina Jesúre
jü aipõeva máre jü arejaimada San-
tiago üi coyuhiyede. Que baru beore-
jaimada ne jēneboi apevu ümuvare,
jarorâjivu náre Pablo aru Bernabéque
Antioquia ãmicuriñamoi, ne nüvara-
jiyeye aivu diyoca paperayocare. Que
baru beorejaimada pucarã nácvu jabo-
vare. Cúinácu üi ãmiá Judas, ñvacari
Barsabás ãmicurejamedá. Aru apecu
Sillas ãmicurejamedá. ²³ Ne jaroiyocaque
yópe arejaimada:

“Ñuja, Jesúr üi yávaiye méne beorí
coyuicõjeimara aru Jesúre jü aivure
coreipõeva máre meaicõjeivubu mujare,
ñujevure, judíova ãmevü Jesúre jü
aipõeva Antioquiacavure, Siriacavure,
aru Ciliciacavure. ²⁴ Jápiaivubu ñuja
apevu ñuje cójijinocavure nüivure
muje yebai, ne buenajiyeye aivu
mujare muje cajeáre buraicõjeiye
jañrõre yópe Jūmenijicu daicõjeiyeye
üi coyuhiye báquede Moisés bácre.
Übenita ñuja jarobetecarã náre. Que
baru chioivubu ñuja ne cârijovaiyede
mujare ne bueiyequ. ²⁵ Que baru
cójijivubu ñuja cūináthru ñuje üme,
beorâjivu apevu ñujacavure, ne
járanurâjiyeye aivu mujare. Dañama ina
ñuje jaroimara Bernabé aru Pabloque
máre, maje umaraque. ²⁶⁻²⁷ Põeva ne
boaiyuriduimara ne Jesúre memecaiye
boje, aru ñuje jaroimara, ne ãmiá Judas
aru Sillas máre, coyuñajarama mujare

nópe ñuaje toivaiyepedeca diyocare. ²⁸Jámenijicu Espíritu Santo ñuajare toivaiçójeimi mujare. Aru me ju aivu ñuja iye üi cõjeiyede, daicõjemenajivu ñararõ maiyójarõ daicõjeinore. Quénora yópe daicõjeivu ñuajare: ²⁹Caiye äiyede pêpeimara mácavu ne jíno mácarõre ämejara. Aru jivede ämejara. Äimajiaru jive cuede máre ämejara. Aru ñabejarã ämeina ñaiyede apevñque mujemarebucuva ämevñque. Nópe ñaivu baru, mearo ñarâjaramu ñuja. Quénoramu”, arí toivarejaimada na.

³⁰Ina ne jaroimara mácavu émenejaimada Antioquía ämicuriímaroi. Na eavu noi, cójijovarejaimada caivu ina Jesúre ju aipõevare. Aru jídejaimada náre diyoca paperayocare. ³¹Ne jári boroteiyede diyocare, iye toivaiye báque pare cadatedejavuya náre. Que baru torojurejaimada na. ³²Judas aru Silas máre Júmenijicu yávaiyede coyuñpõeva marejáimada na. Que baru ina puçarã pare buedejaimada nócavu, náre cadatenajivu, aru pueno baju parure ñarâjivu náre ne ümei. ³³Obedijäravu mautedejaimada ina puçarã nore. Aru bueniburu yóboi, nócavu Jesúre ju aivu jacopaiyovarí jarorejaimada ina coyuñpõevare ne daino mácarõi. “Me nujara ñuja cärijimevuvu”, arejaimada náre. ³⁴Übenita Silas mautedejameda noi, Antioquía ämicuriímaroi. ³⁵Pablo Bernabémaque máre mautedejaimada obedijäravu nore. Bueivu barejáimada aru Jesús üi yávaiye méne coyuñv u barejáimada na apevü obedinque.

**Pablo üi jácunhino cojedeca,
coyuñv Júmenijicu yávaiyede**

(Hch 13.13)

³⁶Obedijäravu yóboi, Pablo arejameda Bernabéde:

—Járiza, járanurevü cojedeca maje bueimarare ñmaroa coapa, maje bueino

mácarõ Jesús üi yávaiye méne, jámuri aipe ne cuede Jesúque, arejameda Pablo.

³⁷Bernabé nuvaiyurejameda Juan Marcore máre. ³⁸Übenita Pablocapûravu ju abedejameda üre. Jipocamia Juan Marcos dajocarejameda náre Panfilia ämicurijoborõi. Que teni yóvabedejameda náre pu ne memeinore buojaiyeta. ³⁹Que baru cùinátu ne üme cubedejaimada na, Pablo Bernabémaque. Que baru coatedejaimada ne baju. Bernabé Juan Marcomaque nurejaimada jiadocu ñracuñque Chipre ämicuriijavu. ⁴⁰Übenita Pablo beorejameda Silare, nucuyu üque. Jesúre ju aipõeva “Júmenijicu coreni cadatejacuri ñuajare” ne aríburu yóboi, nurejaimada Pablo Silamaque. ⁴¹Aru vaidéjaimada Siria aru Cilicia ämicurijoborõare. Buede cuivu barejáimada Jesúre ju aipõevare, pueno baju parure ñarâjivu náre ne ümei.

Timoteo üi yóvaino Pablore, Silare máre

16 Pablojá earejaimada Derbe aru Listra ämicuriímaroai. Nore cuerejameda cùinácu Jesúre ju aipõecu, üi ämiá Timoteo. Jípacu, judíovacaco, Jesúre ju aipõeco barejácoa õ. Übenita jípacu judío ämenejameda ü. ²Listra aru Iconio ämicuriímaroacavu Jesúre ju aipõeva me járejaimada Timotore. ³Pablo nuvaiyurejameda üre náque. Übenita nócavu judíova majidejaimada Timoteoi pacu judío ämecure. Que baru Pablo buraicõjenejameda Timoteore üi cajede, yópe judíovai daicõjeiyepa. ⁴Pablojá ne vaiyede ñmaroa coapa buede nurejaimada Jesúre ju aipõevare. Coyürejaimada náre Jesús üi yávaiye méne beorí coyuñcõjeimara aru Jerusalén ämicuriímarocavu Jesúre ju aivure coreipõeva ne daicõjeiyede judíova ämevure, ne ñarâjiyepa aivu

yópe ne cōjeiyepē. ⁵Ne nópe teiyede Jesúre jū aipōeva majidejaimada Jesú斯 ūi yávaiyede pñeno baju. Aru caijárvavu apevñ ne jū aiyede pñeno baju obedivñ jū aivñ nurejaimada na.

Pablo ūi jáino decoboayupe Macedoniacacure

⁶Ñai Espíritu Santo Pablojäre coyuicōjemenejameda Jesú斯 ūi yávaiye méne Asia ãmicurijoborõi. Que baru vaidéjaimada na Frigia aru Galacia ãmicurijoborõare. ⁷Misia ãmicurijoborõ turuvai ne eaiyede, nñiyuridurejaimada Bitinia ãmicurijoborõi. Ubenita ñai Espíritu Santo nuicōjemenejameda náre nore. ⁸Que teni Misia ãmicurijoborõi vainí, émeni, earejaimada Troas ãmicuriimaro. ⁹Dñiamimareca Pablo járejameda decoboainope cüinácu ñam Macedonia ãmicurijoborõcacure, núcure, jéniañure ûre, “Dajach Macedoniai, cadatejacu ñujare”, ayure Pablore. ¹⁰(Lucas copurejaquemavu Pablojäre Troas ãmicuriimaro.) Que teni coreóvarejacerã Jümenijicu jarochyure ñujare, coyurajivñ Macedonia ãmicurijoborõcavure Jesú斯 ūi yávaiye méne. Que baru no decoboainore járiburu yóboi, cüiná meadarejacerã ñuja, nurajivñ ne joborõi.

Pablo Silamaque ne bueino Filipocavure

¹¹Etarejacerã jiadocu urrecavure Troas ãmicuriimaro jocarí. Jatarejacerã nurié pu Samotracia ãmicurijavhita. Cõmiájárvavhi jatarejacerã pu Neápolis ãmicuriimaro. ¹²Nore jocarí, mái nurejacerã pu Filípos ãmicuriimaro. Javede Roma ãmicurõ jaborõcavu barejáimada mamarumu daivñ diñmarore. Aru pñeva nore curivu Roma ãmicuriimarocavupe paivu barejáimada na. Cüinárocarõ joborõcarõ Macedonia

ãmicurijoborõcarõ aviá daino turuvacarõ marejávuya no ïmaro urre. Obebejárvavha curejacerã noi.

¹³Aru judíovai jabhóvaijárvavu sábadoi, nurejacerã ïmarore jocarí tuipávai. Judíova cójijini cõmajidejaimada, jéniarajivñ Jümenijicu que noi. Que baru voränurejacerã cüináro ne jénainore. Apevñ nomiva cójijivñ barejáima tuipávai. Náque dobarí, coyurejacerã náre Jesú斯 ūi yávaiye méne. ¹⁴Cüináco nácaco ñuje couyiyede jápiado, õi ãmiá Lidia, Tiatira ãmicuriimarocaco barejácoda. Meacajea ñemijuaricafea cuitótecajeare bojedaipõeco barejácoda õ. Mearore jívarejacobda Jümenijicure. Que baru Jümenijicu jápiarí adare darejaquemavñ ôre. ¹⁵Que teni õ aru õi cäramicavu máre jádovarejaima Jümenijicure ocoque. Dinumu yópe ari, cuturejaco ñujare õi cärami:

—Muja dâpiaivu baru yure jâve jù adore Jesúre, cáradajarã ji cärami, arejaco õ.

Aru pare jecurejaco ñujare. Que baru mautedejacerã ñuja õi cärami.

¹⁶Apeljárvavu ñuje nñiyede bediôva no jénainoi, copurejaco ñujare cüináco yebacaco, abujucu ūi ïmamo. Aru õ cäcoé namuódo marejáco ñai abujucu cue boje ôre. Que teni õi jabova ïvu barejáimada urretare, õi cäcoé namuóyiye boje pñevare aipe vaiquíyede náre. ¹⁷Ico yebacaco, yópe ari, codoboborõ are cuyo barejáco ñujara:

—Ina ûmuvarecabu memecaivu Jümenijicure, caivu pñeno parçu bajure. Coyurâdaivu mujare aipe darí Jümenijicu meadachyure mujare, ado barejáco õ.

¹⁸Obedijárvavha nopedeca are cuyo barejáco. Ubenita pare cárivado marejáco Pablore. Que baru copedini, arejame ñai abujucure:

—Jesúi paruéque cōjeivu mure, etajacu óre jocarí, arejame.

Aru cūiná etarejaquemavu óre jocarí.
¹⁹ Que teni òi jabova coreóvaivu ne tāutura ímenajinora òi cacoé namuóiyequ, jenejaima Pablore aru Silare máre. Náre jabuborejaima Roma āmicurō jaborócahu jabova yebai tāibui. ²⁰ Náre davaivu arejaima ina jabovare:

—Ina ümhuva judíovabu. Cārijovadama maje ímarocavure. ²¹ Bueivuhu ne darí cōmajiyede. Ubenita maja, Romacavu, yópe darí bhojabevu. Maje daicōjeiye daicōjemevu majare yópe ne bueiyepo, arejaima na.

²² Que arí, caivu pöeva tāibui curivu maucuvári bárejaima Pablojäre. Aru ina Romacavui jabova jaðevaicōjenejaima Pablojäre ne doicajeare. Aru jara popeicōjenejaima náre jaraðoque. ²³ Uraró jara popeniburu yóboi, ina Romacavui jabova nuvaicōjenejaima náre āmeina teivure jení jacoñami. Parurōreca coreicōjenejaima ñai diñamine coreipöecure náre, ne dupini nuamenajiyepo aivu. ²⁴ Ne cōjeiyede jápiayu, ñai coreipöecu epedejamedá náre jení jacoñami jívubaji. Aru ne cubobare tāiñorejamedá jocuveaque.

²⁵ Ñami corica joabeno baji Pablo aru Silas máre jeniaivu barejáimada Jūmenijicuque. Yuriaivu, mearore jívuhu barejáimada óre. Aru apevuhu bhoimara náre jápiayu barejáimada. ²⁶ Cūiná, joboró cójidejavu pare. Aru diñami āmeina teivure jení jacoñami máre cójidejavu pare. Que teni cūiná, caicobea diñami jedevacobea bajumareca vorejavu. Aru caivu ina bhoimara ne bhoimea tāumea cojodorí turejavu náre. ²⁷ Ñai coreipöecu coedarí, jedevacobea voaicobearé jári, “Bhoimara etaráma”, arí dápiarejamedá óre baji. Que baru óre boaicarovede duarí ñi, boacuyu barejámedá óre bajumia.

(Bhoimuhu óre coreyure nájine daicōjenejaquemavu bhoimuhu máchui nájinope.) ²⁸ Ubenita Pablo coðoboborí bhuíequ arejamedá:

—Boabéjacu mi baju. Jájacu. Caivuhu ñuña caivu yui, arejamedá Pablo.

²⁹ Ñai coreipöecu davaicōjeñu pëoinore, nore ñi, cuyaři, Pablojä yebai ecorí, bidini, mori turejamedá ne cuboba yebai. ³⁰ Nacajari, nuvarejamedá Pablore aru Silare máre nore jocarí. Aru jeníari járejamedá náre:

—Muja, ji jabova, ¿aípe daji yu ji meatequinore? arejamedá óre:

³¹ Pablojä arejaimada óre:

—Jesucristore ju ajacu mu, mu aru mívuhu máre meadaimara marajiyépe ayu, arejaimada.

³² Que arí, coyurejaimada Jesús óre yávaiye méne óre, aru caivuhu óre cūramicavure máre. ³³ Dioramia, ñamimareca, ñai coreipöecu joarejamedá ne churiáre. Aru cūiná jádovarejaimada óre aru caivuhu óre jivure máre Jūmenijicure ocoque. ³⁴ Pablore aru Silare máre nuvarejamedá óre cūrami. Jídejamedá áiyede náre. Aru torojurejamedá óre jivuhu, óre ju aiye boje Jesúre.

³⁵ Cōmiáijäravure javejínara ina Romacavui jabova churaravare jaetovaicōjenejaimada Pablojäre. ³⁶ Que teni ñai coreipöecu arídurejamedá Pablore:

—Ji jabova yure jaetovaicōjema mujare. Que baru etajará. Me ñujara muja cárrijimevuhu, arídurejamedá.

³⁷ Ubenita Pablocapüravu arejamedá ina churaravare:

—Iye Roma āmicurō jaboteino daicōjeiye nájine daicōjemevu Romacavure ne āmeina teiyede jádovaiyeta. Ñujavacari Romacavutamu ñuña. Ubenita ñuje āmeina teiyede jádovari bhojabema ina jabova. Aru jádovamevuhu diede, jara popeicōjema ñujare caivuhu pöeva ne jáiyede. Aru bhooma ñujare. Que teniburuta, jaetovaiyuma na ñujare yavenina.

¡Que ámevʉ! Návacari darī jaetovajarāri ñʉjare yore jocarī, arejamedā Pablo.

³⁸ Ina churarava ne coyʉiyede diede Romacavʉi jabovare, jidurejaimada ina jabova, ne coreóvaiye boje Pablojā Romacavʉre. ³⁹ Que baru ámeina teivʉre jēni jacoñāmi nuri, arejaimada Pablojāre:

—Chioñvʉbu ñʉja, ñʉje ámeina daiye báque boje mʉjare. Jēniaivʉbu mʉjare. Árūmetejarā diede, arejaimada.

Que arī, nʉvarejaimada Pablojāre diñnamine jocarī. Aru parurōreca jēni-aivʉ barejaimada náre, ne etarājiyepe aivʉ diñmarore jocarī.

⁴⁰ Que teni Pablo aru Silas máre etarejaimada. Nurejaimada Lidiai cūrami. Jāranuri Jesúre jʉ aipōevare, coyʉrejaimada, parure dārājivʉ náre ne ûmei. Aru coyʉriburu yóboi, etarejaimada na, Pablo aru Silas máre.

Tesalónicacavʉ ne cārijini jorojīno Jesúre jʉ aipōevaque

17 Pablojā vaidéjaimada Anfípolis ámicuriñmarore aru Apolonia ámicuriñmarore máre. Aru earejaimada Tesalónica ámicuriñmaroi. Diñmaroi curejavʉya cūnādami judíovai cójijiñami. ² Noi Pablo nurejamedā yópe üi darī cōmajiyepo yóbecurisumanareca jabuñvajāravʉ sábadoi. Jūmenijichí yávaiyepo buedejamedā nócvare. ³ Coyʉrejaimada náre Cristo üi ñájiye báquede, aru üi yaiye báquede, aru üi nacajaiye báquede máre yainore jarʉvarī. Caiye iye vaiye báque Cristore jaurejavʉya, yópe Jūmenijichí yávaiyede coyʉiyepo báquepe. Aru Pablo arejamedā náre:

—Ñai Jesúvacari, ji coyuñmu, ürecabé Cristo, Jūmenijichí epeimʉ, arejamedā üi.

⁴ Apevʉ nácavʉ judíova aru obedivʉ judíova ámevʉ mearore jívʉ Jūmenijichíre, aru apevʉ

máre, obedivʉ nomiva jabova parurinomiva, jʉ arejaimada Jesú üi yávaiye méne. Aru yóvarejaimada Pablojāre. ⁵ Übenita apevʉ judíova jorojinejaimada Pablojāre. Que baru cójijovarejaimada obedivʉ ûmʉva ámenare, tāibui núrivʉre, mememevʉre, aru codoboborī, bʉjini, cýyarī cārijovarejaimada caivʉ diñmarocavʉre, ne maucuvarājiyepe aivʉ Pablojāre. Ina judíova ne cójijovaimaraque nurejaimada cūnácu ûmʉ, üi ámiá Jasón, üi cūrami, Pablojā ne mauteiyepo boje üque. Voridurī Pablojāre, davaiyurejaimada náre jedevai. Cūramine tatorī voari, ecorejaimada na. ⁶ Aru náre eabení, jabuñborī Jasóre aru apevʉ Jesúre jʉ aipōevare máre, davarejaimada náre diñmarocavʉi jabova yebai. Yópe arī, codoboborejaimada:

—Pablojā cārijovadama pōevare caino joborōi. Caride dadama maje ìmaroi. ⁷ Aru Jasón cūcōjeimi náre üi cūrami. Caivʉ ina pueñabenama ñai Roma jaboteino jabocu ijāravñcacu pñeno baju parʉcure. Üi daicōjeiyepo dabenama na. Aru adama, “Apecu jabocu jaboteibi ñʉjare, üi ámiá Jesú”, arejaimada ina obedivʉ pñeva ne jabovare.

⁸ Apevʉ obedivʉ jápiaivʉ bácvare aru ina jabova máre, ne jápiaiyede diede, cārijini jorojinejaimada na. ⁹ Jícōjenejaimada tāuturare Jasójare. Aru tāuturare ne jíniburu yóboi, jaetovarejaimada náre.

Pablo Silamaque ne bueino Bereacavure

¹⁰ Maumejiena ñemié tñiyede nócvare Jesúre jʉ aipōeva jarorejaimada Pablore aru Silare máre Berea ámicuriñmaroi. Ne eaiyede nore, nurejaimada judíovai cójijiñami. ¹¹ Nócvare judíova Tesalónica ámicuriñmarocavʉ judíova pñeno meara, jápiaiyurejaimada Jesú

Üi yávaiye méne. Järvua coapa bueivu barejáimada Jümenijichí yávaiyede. “¿Jáve márica die?” arí majiyurejaimada nócavu Pablojá ne bueiyede.¹² Que baru obedivu nácavu jú arejaimada Jesús üi yávaiye méne. Ne jéneboi cürejaimada judíova ámevu, nomiva parurinomiva aru ümuvu parurivu máre.¹³ Übenita Tesalónica ámicuriímarocavu judíova jápiainu bácvu Pablo üi coyuiyede Jümenijichí yávaiyede Berea ámicuriímarocavu, nurejaimada noi, cárjini jorojínajivu obedivu pöeva nócavu.¹⁴ Maumejiena nócavu jú aipöeva jarorejaimada Pablojare jia urada ēcarui. Übenita Silas Timoteomaque mautedejaimada Berea ámicuriímaroi.¹⁵ Pabloi yóvaimara nurejaimada úque pu Atenas ámicuriímaroi. Aru ne copainurajye jipocai nore jocarí, Pablo náre coyucójenejamedá Silare aru Timoteore máre, yópe arí: “Dajarári ji yebai maumena”. No yóboi, copainurejaimada Berea ámicuriímaroi.

Pablo üi bueino Atenacavu

¹⁶ Pablo üi coreiyedeca Silare aru Timoteore máre ne earájiyede, pare chíorejamedá üi jáiye boje obedivu pëpeimarare diímaroi.¹⁷ Que baru yávare cuyu barejámeda judíovai cójijiñami judíovaque aru judíova ámevu Jümenijichre mearore jívque, aru ina tábui cójijiñque.¹⁸ Apevu bueivu Epicúreo báci yávaiye báquede, ne yajubo epicúreo ámicuriyajubo, aru apevu bueivu Zenón máchi yávaiye báquede, ne yajubo estoico ámicuriyajubo, yávarí bárejaimada na Pablogue. Apevu nácavu arejaimada ne bajumia:

—¿Aipe ayu baríduidi nái bueipöecu majibecu? arejaimada.

Aru apevu arejaimada:

—Bueyu bajubí apevu ne jümenijinare, arejaimada.

Yópe arejaimada Pablo üi bueiyede boje Jesú斯 üi yávaiye méne aru pöeva ne nacajaiyede yainore jaruvarí.

¹⁹ Que teni Pablore jéni nüvari ne cójjinoi Areópago ámicuró, arejaimada úre:

—Majiyuvu nüja iye boro mamaene mi coyuiyede.²⁰ Mu bueyebu nüje majibede cäreja. Que baru coreóvaiyuvu aipe aino mi bueinore, arejaimada Pablore.

²¹ Que baru caivu ina Atenas ámicuriímarocavu aru apenoacavu máre nore curivu cainhmuá cójjivu barejáimada, borotenajivu apevure ape boro mamaene ne jápiaino mácarore aru jápiarajivu apevu ne boro mamaene ne jápiabede cäreja.²² Que teni Pablo núcua Areópago ámicuró cójjinoi, yópe arí, yávarejamedá ina cójjinocavu:

—Muja, Atenacavu, jáivu yu mujare mearore jívure obedivu jümenijinare.

²³ Ji vaiyede muje jümenijina curói, jávu yu cüináro jümenijinare jícayiede juainore, yópe toivaiye curóre nora: “Yo jícayiede juainomu nái jümenijichu nüje majibemure”, arí toivainomu. Nái jümenijichu muje mearore jímure coreóvabevureca, úrecabe ji coyuhu mujare caride. Jümenijicútame ü. ²⁴ Üvacari cuedarejaquemavu ijárvure, caivu yóvacavu, aru yore cuedé máre. Que baru üvacari cavaró mearocavu jabocu aru ijárvucavu máre jabocutame ü. Que teni üvacari cübebi cüramia pöeva ne daiñamia jívui.²⁵ Aru pöeva cädateimu ámemi Jümenijichu, úre caiye jaube boje. Quénora üvacari apure dayube caivure, ümene epeyube majare, aru caiye jaude máre jíyube majare.

²⁶ Mamarumure Jümenijichu cuedarejaquemavu cüinácu pöecure aru caivu pöeva ijárvucavu, caiyajuboacavu, üi pärmenatamu. Aru cuma na caino joborói. Jümenijichu cuedaiye baquiyé

jipocai, majidejaquemavu ū caiyajuboa pōeyajuboare ne c̄rājinore, aru ne pōeteijāravure, aru ne yaijāravure máre.²⁷ Jūmenijicu cuedarejaquemavu pōevare, maje vorī, earī, jū arājiyepē ayu ūre. Que baru Jūmenijicu c̄bi joabejīnoi maje yebai, majare coapa.²⁸ “Ūvacari apure dāyube majare, vaivāre dāyube majare, aru c̄re dāyube majare máre”, arejamedā apecu. Aru yópe apevu mujacavu toivaipōeva mácavu arejaimada: “Jāve caivu maja Jūmenijicui cuedaimaramu yópe ūi pāramenape”, arī toivarejaquemavu.²⁹ Que baru maja jāve Jūmenijicui pāramenape paivu baru, dāpiaiye b̄uojabevu maja Jūmenijicure ārojācure yópe pēpeim ūruque aru plataque aru cāraboaque daimupe, pōeva ne daimu mácupe ne p̄uruáque aru ne majiéque. Jūmenijicu nōpe āmemi.

³⁰ Javede Jūmenijicu nājine dabedejaquemavu pōevare, bojedayu ne āmeina teiyede, ne daiye bāquede cāreja majibe boje. Ubenita caride caivu pōevare caino joborōcavure dajocaicōjeñume maje āmeina teiyede, maje chīori oatavarājiyepē ayu maje daiyede.³¹ Jūmenijicu beorejaquemavu pōeva ne dārājiyede yópe, ūi nājiovaquijāravu baquinóre nāre. Ānijāravu baquinói Jūmenijicu nājine dacchuyume caivu pōevare, ne āmeina teiye boje, ū ārūmetebecu baru cāreja ne āmeina teiyede. Aru cūinacu ūmu, Jūmenijicui epeimu mácu, dacchuyume diede Jūmenijicure. Aru Jūmenijicu jāve jādovaquequemavu nai ūmure, ūi epeimu mácare, caivu pōevare, maje majinajiyepē ayu ūre Jūmenijicui nacovaiye bāquede yainore jar̄uvarī, arejamedā Pablo nāre.

³² Ne jāpiaiyede ūre coyuyure pōecui nacajaiyede yainore jar̄uvarī, apevu nācavu yuridejaimada ūre. Ubenita apevu arejaimada:

—Nūja jāpiaiyuvu mi coyuyquiyede diede bediōva cojedeca apejāravure, arejaimada.

³³ Que baru Pablo nurejamedā cōjinore jocarī.³⁴ Apevu pōeva yōvarejaimada ūre. Aru jū arejaimada Jesúre. Cūinacu nācacu, ūi āmiá Dionisio, Areópago āmicurō cōjijinocacu barejāmedā ū. Apeco máre, Dámaris āmicurejacob. Aru apevu máre curejaimada nāque.

Pablo ūi bueino Corintocavure

18 No yóboi, Pablo etarejamedā Atenas āmicuriūmarore jocarī. Aru nurejamedā Corinto āmicuriūmaroi.² Nōi copurejamedā cūinacu judiore, ūi āmiá Aquila. Roma āmicurijaborōcavure jabocu ijāravucacu pueno baju parucu, ūi āmiá Claudio, jipocamia nūicōjenejamedā caivu judiovare Roma āmicuriūmarore jocarī. Que baru Aquila etarejamedā nore jocarī, Italia āmicurijaborōre jocarī, jímarepacomaque, ūi āmiá Priscila. Aquila Ponto āmicurijaborōcacu barejāmeda ū. Mamarūmure earejaimada na Corinto āmicuriūmaroi. Aru Pablo jācunurejamedā nāre ne yebai.³ Aquilajā āimara cajeáque cūramiare nareni, dārī, bojedārī memenejaimada na. Aru Pablo máre nopedeca memenejamedā ū. Que baru nāque c̄rejamedā.⁴ Caisumana coapa judiovai jabhóvajāravu sábadoi, Pablo bueyu barejāmeda judiovai cōjijiñami jívui. Jādovaiyurejamedā judiovare aru judiova āmevure máre ūi bueiyede jāve, ne jū arājiyepē ayu diede.

⁵ Aru Silas Timoteomaque ne eaiyede Pablo yebai, Macedonia āmicurijaborōre jocarī, Pablo dajocarejamedā ūi memeinore. Quénora coyure cuyu barejāmeda iye yávaiye me matuuyeda, yópe arī judiovare:

—Jesúvacari Cristobe. Ūrecabe Jūmenijicui daroimu mácu, arejamedā ū.

⁶ Na ūi yávaiyede jū abevu, aru ūre maucuvvarivu, aru āmeina ne yávaiye ūre máre, ne nōpe daive boje, Pablo p̄pedejamedā ūi doicajede, ne majinajiyepē ayu dajocacuyu nāre. Aru arejameda:

—Coyuybu yu Jūmenijicui yávaiye méne mūjare. Ubenita mūjavacari jápiabevu. Jūmenijicui daroimā mācure, meadaipōecure, jū abevu mūja. Que baru Jūmenijicu ārūmetebescuyume mūje āmeina teiyede. Que baru mūjavacari mūje bajuma bíjaivu mūja jāravu cūiméjāravu baquinóre. Quénora nājinajaramu toabo cūiméboi. Yúcapūravu cadateni bhojabevu mūjare. Que baru dajocaybu mūjare caride. Coyusupuquijivu iye yávaiye méne judíova āmevure, arejameda Pablo ina judíovare.

⁷ Que arī, dajocarejameda nāre. Díimaroī currejameda cūinácu ūmu, judíova āmevucacu, ūi āmiá Tito Justo. Jū ayu barejámeda Jūmenijicure. Ūi cūrami judíovai cójijiñami tucavai currejavuya. Aru Pablo cuchupurejameda ūi cūrami. ⁸ Apecu máre currejameda, cūinácu judío, ūi āmiá Crispo. Judíovai cójijiñamine coreipōecu barejámeda ū. Nai ūmu ū jivuque aru apevu obediva Corinto āmicuriímarocavu Jesús ū yávaiye méne jápiare cuivu, jū arī diede, jádovarejaimada Jūmenijicure ocoque.

⁹ Cūináñamine Jūmenijicu coyurejameda Pablore yópe decoboaínope. Arejameda ūre:

—Jidubejacu ina ūmuvare. Bueni dajocabejacu ji yávaiye méne. Bi abejacu mu. ¹⁰ Yávacari cadateivu mure. Nāme āmeno dabenama mure, ji cūvae boje obedivu p̄evare díimaroī, arejameda Jūmenijicu Pablore.

¹¹ Que baru Pablo mautedejameda noi cūináju coricai, buede cuyu nōcavure Jesús ūi yávaiye méne.

¹² Ūi bueiyedeca noi, Acaya āmicurijoborore jabotedejameda Galión. Aru caivu nōcavu judíova maucuvarejaimada Pablore. Que teni apevu nācavu ūre jēni nūvarejaimada jabocu yebai. ¹³ Aru arejaimada nai jabocure:

—Nai ūmu bueibi p̄evare, ne mearore jínajiyede Jūmenijicure yópe daicōjemepe, arejaimada.

¹⁴ Pablo yávacuyu barejámeda. Ubenita Galión arejameda ina judíovare:

—Mūja, judíova, cārijovamejara yure. Nai ūmu jaboteino daicōjeyepē ūi dābedu o āmeina tedu, yu jápiajebu mūje coyuyede. ¹⁵ Ubenita mūja jorōjívubu nai ūmure, ūi bueye boje aru ūi dabe boje mūje daicōjeyede. Que baru mūjavacari meadajarā diede. Yúcapūravu nājine dābecuyumu ūre, arejameda ina judíovare.

¹⁶ Que arī, jaetovarejameda nāre nore jocarī. ¹⁷ Que teni ina judíova āmevū jēnejaimada Sóstene, judíovai cójijiñamine coreipōecure. Jara popedejaimada ūre nai jabocu ūi jāinoi. Ubenita Galiócapūravu jāmecupeda yéde dābejameda ū.

Pablo ūi copaino Antioquíai aru ūi jácunhuino bedióva cojedeca, coyucusuyu Jūmenijicui yávaiyede

¹⁸ Obedijāravu Pablo mautedejameda Corinto āmicuriímaroi Jesúre jū aipōevaque. Ūi etaiyede nore jocarī, Priscila aru Aquila máre yóvarejaimada ūre. Nurejaimada Cencrea āmicuriímaroi. Nore Pablo buraicōjenejameda ūi podare, jádovacuyu ūi jebeiyede “Yópe dacacuyumu yu” ūi aino mácarore Jūmenijicure. No yóboi Pablo, Priscila, aru Aquila máre jiadocu uracuī jaturī, etarejaimada Cencrea āmicuriímarore jocarī. Dicū nūquicu

marejávuya pü Siria āmicurijoboröita. ¹⁹ Ubenita Pablojä jatarejaimada pü Efeso āmicuriimaro. Ne eaiyede noi, Pablo dajocarí Priscilare aru Aquilare máre, cūinácvu nüri, ecorí judíovai cójijiñami, coyurejamedá nócvu judíovare. ²⁰ Aru nácvu jéniarejaimada ūre, ūi mautequiyepo aivu náque obedijárvua. Ubenita Pablo jü abedejamedá náre. ²¹ Quénora ūi etaiyede náre jocarí arejamedá:

—Núquijivu Jerusalén āmicuriimaro torojuve teinumure. Ubenita yure Jümenijicu ūi daroru, copaidacuymu yu mije yebai cojedeca, arejamedá náre Pablo.

Que arí, jiadocu urrecui jaturí, nurejamedá Efeso āmicuriimaro jocarí.

²² Jatarí pü Cesarea āmicuriimaro, nore jocarí mái mari nurejamedá pü Jerusalén āmicuriimaro, jacoyuchu Jesúre jü aipöevare noi. Aru nore jocarí, émeni nurejamedá pü Antioquía āmicuriimaro cojedeca. ²³ Apejáravhare curejamedá nore. Ú etayu bácu nore jocarí, vaidéjamedá caino Galacia aru Frigia āmicurijoboröai. Ímaroa coapa vaidé nuri, Jesúre jü aipöevare coyure cuyu barejámeda ūi, parure dacuyu náre ne úmei.

Apolos ūi coyuhino Éfesocavure

²⁴ Cūinácu ūmu judíovacacu, Alejandría āmicuriimarcacu, ūi āmiá Apolos, earejamedá Éfeso āmicuriimaro. Me coyurejamedá pöevare. Aru me majidejamedá Jümenijicui yávaiyede máre. ²⁵ Uetubecuva buedejamedá me Jesú ūi yávaiye méne. Ubenita quénora Juan Bautista bácu ūi bueiyede aru ūi jádovaiyede pöevare Jümenijicure ocoque majidejamedá. ²⁶ Jidubecu coyurí bárejamedá paruröreca judíovai cójijiñami jívui. Priscila aru Aquila máre jápiaivu ūi coyuiyede, nüvarejaimada ūre pöevare jocarí,

buenajivu ūre caiye Jümenijicui yávaiye méne. ²⁷⁻²⁸ No yóboi, Apolos jatarí nuiyurejamedá Acaya āmicurijoboröi. Que baru ina Éfeso āmicuriimarcavu Jesúre jü aivu Apolore cadateiyurivu, nácacu toivarejamedá paperayocare ina Acaya āmicurijoboröcavu Jesúre jü aivure, ne jacopuräjiyepo aivu Apolore ūi eaiyede ne yebai. Aru ūi eaiyede noi, caivu pöeva ne jainoi paruröreca coyurejamedá judíovare. Jäve jádovarejamedá náre Jümenijicui yávaiyepo Jesúreca Cristore, Jümenijicui epeimu mácure.

Pablo ūi bueino Éfesocavure

(Mt 3.11; Mr 1.4, 7-8;

Lc 3.4, 16; Jn 1.26-27)

19 Apolos ūi cuede Corinto āmicuriimaro, Pablo capuravu mái nuri, cūracuare jatarí vainí, earejamedá cojedeca Éfeso āmicuriimaro. Noi copurejamedá apevü Jesúre jü aipöevare. ² Náre yópe arí jéniari járejamedá:

—¿Jesúre mamarumu mije jü aiyede, Espíritu Santore jacopurärü muja? arejamedá Pablo.

—Núja ye jápiabevu nai Espíritu Santo cucure, arejaimada na.

³ Ne que aríburu, Pablo jéniari járejamedá náre:

—¿Ye bateári mije jádovaiye báque Jümenijicure ocoque? arejamedá Pablo.

—Juan Bautista bácu ūi jádovaiye báquepe jádovaima Jümenijicure nüjare ocoque, arejaimada Pablore.

⁴ Aru Pablo arejamedá náre:

—Juan Bautista bácu jádovaquemavu ina pöeva chioivure ne ámeina teiye boje ne daiyede oatuvavivure. Aru náre coyuhquemavu, yópe arí: “Dachuyume ji yóboi cūinácu, ji püeno paruchu, Jümenijicui daroquim. Ju ajará ūre”, aque-mavu Juan Bautista bácu. Aru Jesúreca

batequémanu dacuyu ñai Juan Bautista bácu yóboi, arejamedá Pablo náre.

⁵ Diede jápiaivu bácacu, jádovare-jaimada Júmenijicure ocoque, ne Jesúre ju aiyé boje, u jina márajivu. ⁶ Dinumuma Pablo ui tuoiyede ui puruáque náre coapa ne jipoburá, jacopurejaimada ñai Espíritu Santore. Que teni yávarejaimada apecamua yávaicamua ne majibecamuaque. Aru Júmenijicui yávaiyede coyucarejaimada na. ⁷ Doce paivu umuva marejáimada na.

⁸ Yóbecurá aviáva baju Pablo návarejaimada ne judíovai cójijinami. Jidubecuva coyuyu barejámeda paruróreca, ne majinajiyepo ayu jáve ui coyuyede Júmenijicui jaboteino borore. ⁹ Ubenita apevu, ui yávaiyede jápiaiyubevu aru ju aiyubevu, ámeina yávarejaimada Jesúi bueicójeiyede caivu ina judíova cójijivu ne jáiyede. Que baru Pablo dajocarejaimada náre. Aru návarejaimada ina Jesúre ju aipóevare úque. Caijárvua coyuyu barejámeda pöevare apedámi, Tirano ámicuvi ui bueiñami. ¹⁰ Nópe dayu barejámeda pucavju baju. Que teni caivu pöeva Asia ámicurijoborócvu, judíova aru judíova ámevu máre, jápiarejaimada Júmenijicui yávaiye méne.

¹¹ Júmenijicu Pablore dare darejaimada uraró pöeva ne dari majibede. ¹² Que baru ui doicajeare návaivu barejáimada ijimarare. Aru ne tuoiyede dicajeare meatedejaimada na. Abujuva máre etarejaimada náre jocarí.

¹³ Apevu judíova, yaviéde daivu, cuivu ímaroa coapa jaetovavu barejáimada abujuvare pöevare jocarí. Jaetovaviyuridurejaimada abujuvare Jesúi paruáque máre. Que teni arejaimada cūinácu abujucure:

—Daicójeivu mure, Pabloi coyutimá Jesú ui paruáque, etajacu mu ñai umure jocarí, arejaimada.

¹⁴ Ina yaviéde daivu siete paivu umuva, cūinácu umui mára marejáimada na. Népacu cūinácu judíovai sacerdotevare jaboteipóeucu barejámeda, ui ámiá Esceva. ¹⁵ Ubenita ñai abujucu arejamedá náre:

—Jesúre majivu yu. Aru Pablore máre majivu yu. Ubenita mujare ye majibevu yu, arejamedá náre ñai abujucu.

¹⁶ Que arí, ñai umu, abujucu ui ímam, jijecuvi ne pheño biarári, jara popeni, ne cuitótecajeare jadevarí, jaetovarejaimada náre cüramine jocarí. Que teni cuyaarejaimada cüramine jocarí na coapa, churiá curivu aru cuitótecajea cübeviva. ¹⁷ Aru caivu Éfeso ámicurí-marocavu, judíova aru judíova ámevu máre, jápiarejaimada iye Escevai márai borore. Que baru pare jidurejaimada ina caivu. Aru pheño baju mearore jíde-jaimada Jesúre, ui paruáboje.

¹⁸ Obedivu pöeva, Jesúre ju aivu caride, caivu ne jáiyede coyurárearejaimada ne ámeina teiye báquede, Jesúre ne ju arájiye jipocai.

¹⁹ Obedivu nácvu, yaviéde daivu bácacu ne yaviéde bueitucuboare davarí, juarejaimada caiye ditucuboare caivu pöeva ne jáiyede. Aru ne corevaiyede aipino bojecuró ditucuboa ne éitucuboa báquede, cincuenta mil paiturava tāuturaturava me bojecuriturava bojecurópe baju bojecurejavu. (Cūináturubu quince paivu memeiþóeva ne memeiye boje caipucapuruape paitjuare.)

²⁰ Yópe paruróque caijárvua dari jádovaiyede apevu obedivu pöeva jápiaivu Júmenijicui yávaiye méne, ne ju aiyede pheño baju obedivu ju aivu nurejaimada na.

²¹ Que teniburu yóboi, Pablo arí dápi-arejamedá: “Vainí náquijivu Macedo-

niare aru Acayare máre. Que teni nəquijiv Jerusaléne. Aru no yóboi, nəiyen jauvu yure Romai”, arí dápiarejamedá Pablo.²² Que baru jarorejamedá pucarā ūi yóvaimarare, Timoteore aru Erastore máre, ne nərajiyepe ayu ūi jipocai Macedonia āmicurijoborōi, ūi mauteiyedeca apejāravuare Asia āmicurijoborōi.

Éfesocavu ne cārijini jorojino Jesúre jū aipōevaque

²³ Dinumureca obedivu Éfeso āmicuriimarcavu jararejaimada Pablore, ūi bueiye boje pōeva ne darajiyede yópe Jesúre үrōpe.²⁴ Cūinácu ūmu, nōcacu, ūi āmiá Demetrio, tāure memeipōecu barejámeda ū. Darejamedá tāuque quījiñamia cūramiare yópe ico jūmenijico ūi āmiá Artemisa ūi cūrami үradāmipe paiñami, dari bojedachu diñamiare pōevare. Үrarō tāuturare īnejamedá ū diñamia boje. Aru apevu Demetriore memecaipōeva máre үrarō tāuturare īnejaimada na, ne memeiye boje.²⁵ Que baru Demetrio cójijovarejamedá caivu ūre memecaivuare aru caivu apevu nōcavu máre ne memeiye paiedyedeaivuare. Cójijivu caivu, Demetrio arejamedá náre:

—Muja, ji yóvaimara, məjavacari majivu maje me curōre maja coapa iyede maje memeiye boje.²⁶ Nai Pablore jāri jápiaivubu muja. Buede cuibi pōevare, yópe arí: “Pēpeimara pōeva ne daimara jūmenijina āmema”, arí bueibi ū. Obedivu pōeva yui, Éfesocavu, aru caino Asiacyavu máre, jū adama ūi bueiyede.²⁷ Yópe ne jū aino jidojavu majare. Maje memeino bíjaquijichuvu. Aru iñami jūmenijico Artemisai cūrami máre diñamine yávaino mácarō, bíjaquijichuvu. Nópe vaidú, puerdārī dajocarājarama ūre, aru āmeina jārajarama ūi paruede caivu Asiacyavu aru caino joborōacavu máre, arejamedá Demetrio.

28 Ūi yávaiyede jápiaivu, ina obedivu pōeva jaraivu codoboborī bárejaimada:

—Artemisa, ūija Éfesocavu jūmenijico meaco bajube ū, codoboborī arejaimada na.

29 Que teni obedivu pōeva, caivu īmarocavu, cārijini jorojinejaimada. Cúyarī nūri, pucarā Pablo ūi mái dari yóvaimara mácavuare, ne āmiá Gayo aru Aristarco máre, Macedoniacavuare, jēni jabuborī ecovarejaimada īmarocavu cójijino үrarō curōi.³⁰ Pablo capūravu coyuçunuridurejamedá no cójijinoi. Übenita nōcavu Jesúre jū aipōeva nūcōjemenejaimada ūre.³¹ Aru apevu máre, Asia āmicurō jabova, Pabloi yóvaimara, boro jarorejaimada, jēniarajivu ūre ūi nūmequiyepo aivu no cójijinoi.³² Que teiyedeca, apevu ina cójijinocavu codoboboivu barejaimada. Cūináyajubo apei ne aiyede, apeyajubo máre apeita ávarejaimada na. Que teni ina cójijivu coreóvabevu obedivu jēniari jārejaimada ne baju, “¿Aipe teni dari maja yui?” arejaimada na, majibevu.

³³ Übenita ina judíova coyürejaimada Alejandrole aipe vaiyede. Aru nūvarejaimada ūre caivu ne jāinoi, ūi coyuçquiyepo aivu náre, “Caiye iyede jacotucchuyumu judíovare”. Que teni Alejandro ūi pūrueque jādovarejamedá, ne bi arājiyepe ariduyu.³⁴ Übenita na majidivu ū máre judíore, pucora baju codoboboivu barejaimada na cojedeca:

—Artemisa, ūija Éfesocavu jūmenijico meaco bajube ū, codoboborī arejaimada na.

35 Quénora Éfeso āmicuriimarcavuare jabocu bi aicōjenejamedá ina pōevare. Aru arejamedá náre:

—Muja, Éfesocavu, jápiajarā ji yávaquiyede. Maja, Éfesocavu, jāri corievubu ico jūmenijico Artemisa, meaco baju, ūi cūramine aru ūi cūrabore máre, cavarōre jocarī tūibo bácarōre, caivu pōeva ne mearore jibore. Aru

caivu põeva majima diede.³⁶ Põecu cübebi bñojarí jü abecu diede. Que baru mñjacapñravu bi ajarä mñja. Ðabejarä ãrñmevñpe.³⁷ Mñja davadavu ina pñcarä ñmñvare yui. Ùbenita jñmenijina cñramia cüvede ñnavamema na. Aru ãmeina yávabema maje jñmeniji-core máre.³⁸ Que baru Demetriojä boro coyurí adaiyñrivu baru, boro coyurí adarññjarari na jabova ne ãmeina teivure jëniari jääñami. Noi ãmeina teivure jëniari jääpöecu cübi ü. Üi jäänoi boro coyurí adajäräri na.³⁹ Mñja apejñene ürivu baru, coyñye jañvu noi, ñmarocavu ne cójijinoi yópe maje daicõjeiyepo.⁴⁰ Me dajarä. Jidojavu majare ina Romacavu jabova coyurí adarí yávarajivure majare yópe maucñvarivñpe, maje coyurí majibe boje aipe teni buñnore yo maje ñrarõ codoboboinore, arejamedu ñai jabochu ina põevare.

⁴¹ Que yávariburu yóboi, "Quénoram. Nñjara mñja mñje cñramia coapa", arejameda náre.

Pablo üi nuino Macedoniai, Greciai máre

20 No codoboboino mácarõ cüiyede, Pablo daicõjenejamedu üi yebai ina Jesúre jü aipõevare, majicacñu náre. Aru "Nññmu" arí, dajocarejameda náre, nucñu Macedonia ãmicurijoborõi.² Ü vaiváyu no joborõre bueyu barejámeda nócvare, cadatecñu náre. Que teyu, earejameda Grecia ãmicurijoborõi.³ Mautedejameda noi yóbecurã aviáva baju. Jatachuyu barejámeda Siria ãmicurijoborõi. Ùbenita coreóvarejameda üre üi nuquyedeca jiadocu ñracñque apevu judíova boarí jarñvarajivure üre. Que baru jatubedejameda dicüi. Quénora mái nüri, vaidéjameda Macedonia ãmicurijoborõi bediôva cojedeca.⁴ Aru

apevu yóvarejaimada üre, ne ãmiá Sópater, Pirroi mácu, Berea ãmicuriñmarocacu; Aristarco aru Segundo máre, Tesalónica ãmicuriñmarocavu; Gayo, Derbe ãmicuriñmarocacu; Timoteo; aru Tíquico, Trófimo máre, Asia ãmicurijoborõcavu.⁵ Ina Jesúre jü aipõeva ñuje jipocai nüri, coredejaima ñujare Troas ãmicuriñmaroi.⁶ Páure buñcure daiye cübe ãiye torojave teinumu yóboi, ñuja jatuivu jiadocu ñracñ etarejacarã Filipos ãmicuriñmarore jocarí aru cünápñravu pajäravu yóboi tuijarejacarã Troas ãmicuriñmaroi. Aru cürejacarã nore cünásumana.

Pablo üi jácunhino Troacavure

⁷ Domingo järavu Jesúre jü aipõeva cójijidejacarã, ãri ñcurajivu, ãrñrajivu Jesúi yaiye báquede. Aru etarajivu barejacárã cõmiájjäravure. Que baru Pablo coyñu barejáme náre joe ñami corica bajita.⁸ Cójijidejacarã pñenocatucubu jínuhi aru ure pñoibua pñorejavu.⁹ Cüinácu bojñyo, üi ãmiá Eutico, dobarejame jácobei. Pablo üi ñrarõ coyñyedeca, vuø ijidejavu ñai Euticore. Cäri nurejame ü. Aru cäñu, tñrejame jácobede jocarí pñ joborõita. Yóbecuriva cüraivare vainí tñrejame ü. Apevu üre jñnejaima, jave yaiyú bácta.¹⁰ Ùbenita Pablo jõdari yaiyú bácu baju bácarõre tucññri, narióñu arejame apevure:

—Cuecumamejara. Apucube cojedeca, arejame Pablo.

¹¹⁻¹² Dinumu Pablo copaini mñri nurejame pñenocatucubu cojedeca. Ñai bojñyore nñvarejaima apucure. Aru torojurejaima, üre meadaiye boje. Pablojä pñure cotñvarí, ãrejacarã. ãri buñjarí Pablo borotedejame náque joe baju midadáe tñiyeta, ñuje etaiyeta. Que teniburu yóboi, nurejacarã ñuja.

Pablo ūi nñino Miletói, Troare jocarí

¹³ Pablo nñicójenejame ññjare jiadocú uracúque Aso āmicuriímaroi ūi jipocai. Ūcapúravu mái nñcuyu barejáme, copnuyu ññjare noi. ¹⁴ Que teni ññje copnuyede Aso āmicuriímaroi, Pablo jaturejame ññjaque. Aru nñrejacarã Mitilene āmicuriímaroi. ¹⁵ Cõomiáijárvchi Mitilene īmarore jocarí, jatarí nñri earejacarã Quío āmicuriijiavu cõchinoi. Bedióva cõmiáijárvchi jatarí nñri, tuijarejacarã Samos āmicuriijiavu tuipávai. Jatarí nñri Trogulio āmicuriímaroi, jabñovarezacarã noi. Aru cõmiáijárvchi jatarí nñri, earejacarã Miletó āmicuriímaroi. ¹⁶ Pablo eaiyurejame Jerusalén āmicuriímaroi Pentecostés torojuve teijárvu jipocai. Que baru jatarí nñri, vaidéjacarã Éfeso āmicuriímarore jocarí, Pablo ūi mauteiyube boje Asia āmicurijoboröi.

Pablo ūi yávaino Éfesocavu ju aivare coreipõevare

(2 Ti 4.7)

¹⁷ Ūi cuede Miletó āmicuriímaroi, Pablo boro jarorejame Jesúre ju aivare coreipõevare Éfeso āmicuriímarocavu, ne darájiyepo ayu ūi yebai. ¹⁸ Ne edaiyede ūi yebai, arejame náre:

—Mujavacari coreóvaivabu aipe cuchre yu mñje jéneboi mamaramñre ji daiyede Asiai pu caride máre. ¹⁹ Cainumua cátécacu yu mñje jéneboi Jesúre memecayu, dápiabecu ji baju apevu pñeno meacupe, aru oyu ji ñájiyede judíova ne āmedaiyue boje yure. ²⁰ Jidubecu couyu batecáchu mujare caiyede, cadatecuyu mujare. Bueyu batecáchu Jesús ūi yávaiye méne mñje cójijñamiai aru mñje cùramia coapa. ²¹ Paruróreca couyu batecáchu judíovare aru judíova āmevure máre: “Chíojara mñje āmeina teiyede.

Oatuvajarã mñje daiyede. Aru ju ajara Jesús ūi yávaiye méne”, arí couyu batecáchu yu. ²² Aru caride, nñai Espíritu Santo nñicójeimi yure Jerusaléi. Majibevu yu aipe yure vaiquiyede noi. ²³ Quénora nñai Espíritu Santo majide daibi yure yópe: Cainoa īmaroai ji nñquinoai pñeva coredama yure. Nájine ñarajarama yure. Aru apenumua bñorajarama yure āmeina teivare jení jacoñami. ²⁴ Ñubenita ye baquinó āmevu yure cuchre ijárvure. Quénora daiyuvu mearo iye memeiyede, Jesús ūi daicójeiyede yure pu ji bñojiyeta diede. Couyuyu caivare iye yávaiye méne Jümenijichí ñararó mearo dacaiyede pñevare, ūi meadaquiyepo ayu náre.

²⁵ Jápajajarã. Couyucunucacu iye yávaiye méne Jümenijichí jaboteinore mñje jéneboi. Ñubenita coreóvaivu yu mujare jámenajivu yure cojedeca ijárvure. ²⁶ Que baru couyivu yu mujare caride yópe: Mujavacari mñje bajuma bíjaro járvavu cùiméjárvu baquinóre, yácapúravu cadateni bñojabevu mujare. Jave ñacavu yu mujare caino ji oainope. ²⁷ Jidubecu bueni bñojacacu yu mujare me caiye iye Jümenijichí yávaiyede. Ye ñrñmetebewu yu caiye diede. ²⁸ Me ñajarã mujare. Nñai Espíritu Santo mujare jári corede daibi caivu Jesúre ju aipõevare. Que baru me corejarã náre yópe ovejavare coreipõecu ūi coreiyepo. Caivu Jesúre ju aipõeva Jümenijichí jinatamu na, Jümenijichí mácu, Jesú, ūi yaicáiyé báque boje náre. ²⁹ Coreóvaivu yu ji etaríburu yóboi mujare jocarí, apevu ñarajivure mñje jéneboi yópe āimara macarócvu jijecurivu ne daiyede ovejava jéneboi. Borocurajarama mujare, mñje dajocarajiyepo aivu mñje ju aiyede Jesúre. ³⁰ Aru apevu mujacavuvacari borocurivu buebenajarama jávene. Quénora

jújovarājarama Jesúre jú aipōevare, mūje dajocarājiyepo aivu mūje jú aiyede Jesúre aru mūje yóvarājiyepo aivu náre. ³¹ Que baru me jájara mūja. Árūjara iye yóbecurijua jāravure aru ñamine máre unctionarō ji orí majicavaquede caivu mūjare.

³² Yú jéniñámu Júmenijicure, üi jári corequiyepo ayu mūjare. Aru yávaiye me unctionarō mearo dacaiye cādatequiyebu mūjare. Que baru parure daquiyebu mūjare mūje ümei üi yávaiye paruquéque, mūje jú arājiyepo Jesúre cainumua. Aru Júmenijicu epecchuyume mūjare mūje curajino caivu apevque, ina üi meadaimaraque, ne Jesúre jú aiye boje. ³³ Yú ñýubevu jíyeva apecu üi tāuturare aru üi cuitótecajeare máre. ³⁴ Mūjavacari coreóvaivbu aipe memeñure yure, bojedarí íchuyu yure jauede aru ina ji yó-vaimarare jauede máre. ³⁵ Cainumua yú jādovaivu mūjare yópe unctionarō memeino jaurōre mūjare, mūje cadatenajiyepo ayu ina cōmaje árojarivure. Aru dápi-ajarā cainumua yópe Jesús üi aiye báquepe: “Ñai jíyu apecure torojas-tame ñai jacopuyu pñeno”, arejame Pablo.

³⁶ Que aríburu yóboi, Pablo ñuatutarí jéniarejame Júmenijicure caivuque.

³⁷ Aru caivu orí narióri Pablore, nuivu barejáima üi jivare, yópe ne dárí cōma-jiyepo névu ne nürajiye jipocai. ³⁸ unctionarō chioivu barejáima, “Yure jámenajivbu mūja cojedeca ijárvu” üi aiye báque boje jipocamia. Aru üre yóvarejaima mái, jia unctionarō nuri jiadocu unctionarō yebaita.

Pablo üi nñino Jerusaléi (Hch 6.5; 8.5; 11.28)

21 Ñuje etaiyede náre jocarí, jaturejacerá jiadocu unctionarō. Jatarejacerá nurié pu Cos ámicurijia-vuita. Cōmiájjaravu jatarejacerá nurié Rodas ámicurijavu aru Pátara

amicuríimaroí máre. ² Noi vorí earejacerá apecu unctionarō, Fenicia ámicurijoboróí nñuquicure. Que teni jaturí nurejacerá dijávure jocarí. ³ Chipre ámicurijavure vaidéjacerá dijáv u cācopuravu. Aru nurejacerá pu Siria ámicurijoboróí.

Tujarejacerá Tiro ámicuríimaro ecarui, dicure memecaipóeva, ne mavarajiyepo dicu davaiyede. ⁴ Que baru dicure jocarí etarí, mari, imaroi nuri, vorí copurejacerá diímarocavu Jesúre jú aipōevare. Náque maute dejacerá cūinásumana. Ñai Espíritu Santo náre majide darejaquemavu aipe vaiquiyede Pablore Jerusalén ámicuríimaroí. Que baru “Nñamejacu Jerusaléi”, arejaima üre. ⁵ Ñuje etaijárvu eaiyede, mái nurejacerá, jatarájivu cojedeca. Caivu ina Jesúre jú aipóeva, némarebucuvaque, némaraque máre, yóvarejaima nñujare mái ne imarore jocarí pu tuipávai jia unctionaró. Noi nñuatutarí épacu jéniarejacerá Júmenijicuque. Aru jéniari buojari, “Nñivu” arejacerá náre. ⁶ Que arí, dicu unctionarō jaturejacerá. Aru ina Jesúre jú aipóeva copainurejaima ne cūramiai na coapa.

⁷ Etarí Tiro ámicuríimaro jocarí, earejacerá Tolemaida ámicuríimaroí. Jacoyurejacerá diímarocavu Jesúre jú aipōevare. Aru maute dejacerá náque cūinájárvu. ⁸ Cōmiájjaravu etaiivu diímarore jocarí, earejacerá Cesarea ámicuríimaroí. Aru nurejacerá Felipe cūrami. Felipe Jesús üi yávaiye méne coyñiróecu barejáme. Cūinácu ina siete paivu Jesús üi yávaiye méne beorí coyñicōjeimarare cādateipóevacu barejámeda ü. ⁹ Yóvaicuvaivu üi máromiva, ümucuhevü, Júmenijicu yávaiyede coyñcaivu barejáima na. ¹⁰ Ñuje mauteiyedeca náque apejárvu, ñai

Jūmenijicui yávaiyede coyucaipōesu, ūi āmiá Agabo, ēmenejaquemavu Judea āmicurijoborōre jocarī. ¹¹ Darī ūje yebai, jēni Pabloi jārióicāvare, bñorejame ūi baju ūi pñuháre aru ūi cùbobare máre dicāvake. Aru arejame:

—Yópe aibi ūnai Espíritu Santo: “Jerusalécamu judíova buorājivabu dicāva jārióicāva upacure yópe. Aru jínajivubu ūre judíova āmevure”, arejame Agabo.

¹² Ñuja jápiaivu diede, ñuja aru nócamu máre jēniaivu barejacárā Pablore parurōreca, ūi muri nñumequiyepo aivu Jerusalén āmicuriimaro. ¹³ Úbenita Pablocapúravu arejame ñujiare:

—¿Aipe teni oivurū muja? Chiore dabejarā yure. Yúvacari júracubevu Jerusalécamu yure ne bñoru, aru yure ne boarí jaruvaru máre, ji coyuviye boje Jesús ūi yávaiye méne, arejame Pablo.

¹⁴ Ñuja ūre ju are darī buojabedejacarā. Que baru jēniari dajocarejacarā ūre. Quénora:

—Jūmenijicu dajacurī ūi hrópe, arejacarā ñuja.

¹⁵ No yóboi, meadarejacarā ñujiare cuvede. Aru muri nñurejacarā Jerusalén āmicuriimaro. ¹⁶ Apevu Cesarea āmicuriimarovavu Jesúre ju aipóeva yóvarejaima ñujiare. Nñurejaima ñujiare Mnasói cñrami. Nai Mnasón Chipre āmicuriijiavucacu barejámeda. Aru javeita ju arejameda Jesúre. Ūque curājivu barejacárā ñuja.

Pablo ūi jácunhuino Santiagore

¹⁷ Ñujiare eaiyede Jerusalén āmicuriimaro, Jesúre ju aipóeva torojuři me jacyoyurejaima ñujiare. ¹⁸ Cõmiáijárauvu nñurejacarā Pabloque Santiago yebai, ūre járanhivu. Caivu ina Jesúre ju aivure coreipóeva cójijidejaima ūque. ¹⁹ Pablo nñare jacyoyurī buajarī, coyurejame caiye Jūmenijicui dare daiye báquede ūre judíova āmevu jéneboi. ²⁰ Ūi coyuviyede

jápiaivu bácamu, caivu mearore jídejaima Jūmenijicure. Aru arejaima Pablore:

—Mu, ñujiécu, járijide apa. Obedivu judíovacavu ju aivubu Jesúre. ²¹ Aru caivu ina dadama cainumha yópe Jūmenijicui daicōjeiyede ūi coyuviye báquepe Moisés bácur. Apevu borocurivu, yópe arī, coyuimada náre: “Pablo bueibi judíovare judíova āmevu ne joborōai curivure, ne dabenajiyepo ayu yópe Jūmenijicui daicōjeiyede ūi coyuviye báquepe Moisés bácur. Aru daicōjememi náre yópe majeñecuva mácamu ne darī cõmajiye báquepe”, aimada. ²² Ina judíova Jesúre ju aipóeva jápiarājarama mi borore edayure. Que baru, ¿aipe darājidi maja? ²³ Dajacu yópe ñujiare daicōjeiyepo. Ñujacavu yóvaicuvaivu Jesúre ju aivu “Yópe dacadchuyamu yu” aimá na Jūmenijicure. Úbenita nópe darī buojabema na cäreja. ²⁴ Que baru nñujacu náre máque. Náque dajacu mu máre yópe Jūmenijicui daicōjeiyede ūi coyuviye báquepe Moisés bácur, muje meara marajiyépe aivu Jūmenijicui jáinoi. Aru bojedacajacu mu náre coapa, caiye ne podare ne yñvarājiyepo ayu yópe Jūmenijicui daicōjeiyede ūi coyuviye báquepe Moisés bácur, ne bubarājiyepo ayu “Dacadchuyamu Jūmenijicure”, ne aiye báquede. Mi yópe daru, caivu ina judíova majinajarama jáve āmevu ne jápiaiyepo báquede mi borore. Návacari járajarama mure dayure yópe Jūmenijicui daicōjeiyede ūi coyuviye báquepe Moisés bácur. ²⁵ Úbenita ñujavacari toivacarā no paperayocare ina judíova āmevu Jesúre ju aipóevare, ne majinajiyepo aivu maje dápiaiyede.

Yópe arī, toivacarā náre: “Caiye āiyede pēpeimara mácavu ne jíno mácarōre āmejara. Aru jivede āmejara. Āimajiarua jive cuede máre āmejara. Aru dabejarā āmeina daiyede apevñque mūjemarebucuva āmevñque”, arī toivacarā ñuja náre, arejaima Pablore Jesúre ju aivure coreipóeva.

Churarava ne jéino Pablore Jūmenijicui cūrami jívui

(Hch 15.29; 20.4)

²⁶ Dinumu Pablo yóvarejamedá ina yóvaicuvaivu ūmuvare. Cōmiáijárauvi darejamedá ū yópe Jūmenijicui daicōjeiyede ūi coyuviye báquepe Moisés bácre náque, ne meara marajiyépe ayu Jūmenijicui jáinoi. Ecorejamedá Jūmenijicui cūrami, coyuçuyu sacerdotevare ájárauva ne jebeijárauva, ne jína jiyepo ayu ne jícaiyede Jūmenijicure na coapa.

²⁷ Yópe Jūmenijicui daicōjeiyede ūi coyuviye báquepe Moisés bácre darejaimada siete paíjárauva baju. Dijárauva cüiquíye jipojícai, apevu judíova daivu bácau Asia āmicurijoborore jocarí járejaimada Pablore Jūmenijicui cūrami jívui. Obedivu pöevare jarare darejaimada Pablore. ²⁸ Úre jeni, codoboborí arejaimada:

—¡Muja, Israecavu, cadatejarā ñujare! Nai ūmu, ūrecabe buecunuhu caino joborōcavure, ne jápiabenajiyepe ayu majá judíovare, ne ju abenajiyepo ayu Jūmenijicui daicōjeiyede ūi coyuviye báquede Moisés bácre, aru ne pueabenenajiyepe ayu Jūmenijicui cūramine máre. Aru davacube judíova āmevure Jūmenijicui cūrami jívui. Que teni āmeno daibi yo curō Jūmenijicu jinore, arejaimada na.

²⁹ Jipocamia járejaimada Pablo cuyure Jerusalén āmicuriimaroí judíova āmevñcacumaque, ūi āmiá Trófimo, Éfeso āmicuriimarcacu. Que

baru ina judíova “Pablo nūvacube judíó āmeçure Jūmenijicui cūrami jívui”, arejaimada na ubenina.

³⁰ Dinumu caivu diñmarocavu jorojív ucyarí, cójijini, Pablore jeni, jabuborejaimada Jūmenijicui cūramine jocarí. Cūiná biedejaimada caicobeá diñami jedevacobeare. ³¹ Ne boarí jaruvvariduiyedeca úre, apevu pöeva boro jarorejaimada nai churaravai jabocure. “Caivu Jerusalécau cáríjini jorojívabu”, arejaimada úre.

³² Maumejiena cójijovarí churaravare aru apevu ne jabovare máre, ucyarí jödari earejaimada ina obedivu pöeva yebai. Aru ne jáiyede nai jabocure aru ina churaravare máre, Pablore jara popeni dajocarejaimada na. ³³ Ne yebai dayu nai jabocu, bhoicōjenejamedá Pablore pucamea tāumeaque. Aru jeníari járejaimada:

—¿Namema nai? ¿Aipe tedi ū? arejaimada ū.

³⁴ Apevu ina cójijinocavu apei arí codoboboyede, apevu máre apeita codoboborí ávarejaimada na. Ne pare bujié boje, nai jabocu coreóvabedejamedá aipe aivure. Que baru churaravare nūvaciōjenejamedá Pablore churaravai cūrami jívui. ³⁵ Nūvarejaimada úre quédato muicadavaita. Ubenita ina obedivu pöeva ne jorojíye boje, íyuridurejaimada Pablore cojedeca churaravare jocarí. Que baru úre dñrurejaimada, pöeva ne īmenajiyepo aivu úre. ³⁶ Que teni ina obedivu pöeva nurejaimada ūi yóboi aru:

—¡Boarí jaruvajarā úre! ¡Yajácarí ū! arí codoboborejaimada.

Pablo “Āmeno dabevu yu” arí, ūi yávaino

(Hch 5.34-39; 8.3; 26.9-11)

³⁷ Ne nūvaiyede Pablore bhoimape churaravai cūrami, Pablo arejamedá

griego āmicūricamua yávaicamuaque ñai churaravai jabocu pñeno parucure:

—Yu mure coyñiyunu, arejamedá Pablo.

Aru ñai churaravai jabocu arejamedá Pablore:

—¿Mu griegovai yávaiyede majicurū? 38 ¿Dinumā mu āmecurū ññ Egipto-
cachu jabenoti pñevare nñuvañu mácu yó-
vaicuvaimil paivu baju pñecubenoi, pñe-
vare boaré dacuyu, me javejene aru
maucuvare dacuyu jaboteinore máre?
arejameda ñai churaravai jabocu pñeno
parucu Pablore.

³⁹ Aru Pablo arejameda ūre:

—Ñai āmevu yu. Yávacari judíobu yu.
Ciliciacaímaro ühraro Tarsocacubu yu.
Jéniaivu mure. Coyñicōjejacu yure ina
obedivu pñevare, arejameda Pablo ñai
jabocure.

⁴⁰ Ñai churaravai jabocu pñeno parucu coyñicōjenejamedá ūre. Que
baru Pablo núri noi muicadavai,
ñi pñuheque jāðovarejameda, ne bi
arājiyepo ayu. Ne bi aiyede, Pablo
coyñir bárejameda ne yávaicamuaque,
judíovai yávaicamuaque, yópe arī:

22 —Muja, jívu aru jíbucuva máre,
jápiajará ji coyñiyede ji daiye
báquede, arejameda Pablo.

² Ne jápiayede ñi coyñiyede ne yá-
vaicamuaque, pñeno baju bídeca jápi-
arejaimada na. Aru Pablo arī coyñure-
jameda náre:

³ —Yávacari judíobu yu. Tarsoi pñet-
edejaquemavu yu. Que baru Cilici-
acacubu yu. Übenita buchóvarejaima
yure yui Jerusaléi. Aru Gamaliel buede-
jame yure me caiye iye Jūmenijichu
daicōjeiyede ñi coyñiye báquede Moisés
bácure, majeñecuva mácvu ne darí cō-
majiye báquede. Cainumā memecaiyu-
cachu Jūmenijicure ñi ühröpe, nopedeca
muje daiyepo caride. ⁴ Que teni pare
ñájine dacacu yu Jesúre ju aipñevare.
Náre cujurí, jení, buocachu yu, ñmu-

vare aru nomivare máre. Aru apevure
boarí jarüvaicōjecachu. ⁵ Maje sacerdote-
vare jaboteipñecu aru caivu maje cōjí-
jinocavu máre jāðovari buojadama ji
coyñiyede jāve. Na jíma yure paperay-
ocare, ji buorí davaquiyepo aivu judíova
Damascocavure Jesúre ju aipñevare pñ
yui Jerusaléi, ñájine ührájivu náre. Que
baru etacacu yu, nñuchu Damascoi, are-
jameda Pablo.

**Pablo ñi coyñino Jesús jicu
teni bñino mácarore**

(Hch 9.1-19; 26.12-18)

⁶ Pablo coyñure nñrejameda, yópe arī:

—Mái nñiyede Damasco joabenoi
eaiyede järavu corica baji, maumejiena
cavarore jocarí pñeoávu yure ühraró
miadáro ji núroi. ⁷ Que teni cuecumáñu
mori tucacu joboroi. Aru jápiacacu
yávainore yópe ainore yure: “Mu, Saulo,
¿aipe teni maucuvacurū mu yure?”
jéniori jáme yure. ⁸ “Mu, ji jabocu,
¿ñamenu mu?” acacu yu. “Yurecabu
Jesús Nazarecacu, mi maucuvamū”,
áme yure. ⁹ Aru ina ji yóvaimara no
miadárore jáima. Übenita ñai yure
yávayu bácu ñi yávainore jápiabeteima
na. ¹⁰ Aru jéniori jácacu ūre: “Mu, ji
jabocu, ¿yéde ji dainore ucurū mu?”
acacu yu Jesúre. “Nacajari ecojachu
Damascoi. Noi apecu majicacuyu
mure aipe mi daquinore yópe
Jūmenijichu ühröpe”, áme yure Jesúis.
¹¹ No miadáro mácaro yacoru cobovaiye
boje, jāñu mácu jári eabetecachu. Que
baru apevü ji yóvaimara ji pñruáre jení
nñvaima yure Damascoi.

¹² Noi cñteamo cñináchu ñmu, ñi āmiá
Ananías. Ü mearore jiame Jūmenijicure
jáve aru édayu yópe Jūmenijichu
daicōjeiyede ñi coyñiye báquepe Moisés
bácure. Aru caivu nócavu judíova ūre
puedarí me yávaquemavu ūra. ¹³ Ji
yebai darí, núri yure áme: “Mu, jícu,
Saulo, caride jåquijivu mu cojedeca”,

áme yure. Aru cūiná jári eacacu cojedeca. Jácacu ūre. ¹⁴ Aru Ananías áme yure cojedeca: “Jámenijicu, ñai majene-cuva mácavu ne ju aimu ūi beoimumu mu, majichuy ūi urōre, jácuyu Júmenijicure, ñai mearore dayure, aru jápi-acuyu ūi yávainore máre. ¹⁵ Que baru mu coyuçuyumu ūi yávaiyede caivu pöe-vare mi jáyié báquede aru mi jápiaiye báquede máre. ¹⁶ ¿Yéde coreyurū mu caride? Nacajari Jesúi parueque jaruva-jacu mi ámeina teiyede. Aru jádovajacu Júmenijicure ocoque”. Que áme Ananías yure, arejamedá Pablo.

Pablo ūi coyaino judíova ámevure ūi bueinore

(Hch 7.58)

¹⁷ Yópe arí, Pablo coyure nurejameda: —Ji copaiyede Jerusaléi, nucacu Jú-menijicui cūrami, jéniacuyu Júmenijicure. Aru ji jéniaiyede, yu apucu já-cacuji jabocure yópe decoboainope. ¹⁸ Ú áme yure: “Ina Jerusalécaju abena-jivabu mi coyuhiyede ji yávaiyede. Que baru maumejiena nujacu yore jocarí”, áme ji jabocu yure. ¹⁹ Ubenita acacu yu: “Mu, ji jabocu, návacari majima ji borore, bhoicójeñu mácure aru jara popeicójeñu mácure máre ina mure ju aipöevare ne cójijiñamia coapa. ²⁰ Aru apevure ne boarí jaruvaiede máre ñai Es-teban mácure, mure coyuçayu báçure apevure mi yávaiyede, yávacari núc, jáñu, ju acacu yu ne daiye báquede. Aru ina ū mácure boarí jaruvaivu bá-cavni puenocacajea doicajeare jári core-cacu yu”, arí yávacacu yu ji jabocure. ²¹ Dinmuji jabocucapúravu áme yure cojedeca: “Yávacari jaroquijivu mure joaroi, mi coyuquiyeye ayu ji yávaiye méne judíova ámevure. Que baru nujacu mu”, áme yure ji jabocu, arejame Pablo ina obedivu pöevare.

Pablo ūi yávaino churaravai jabocuque

²² Úi nópe aiyede, quénora ye jápiayubedejaimada ina pöeva, ūi judíova ámevure coyuhiye boje. Yópe arí, codoboborejaimada:

—¡Boarí jaruvaajarā ūre! ¡Yaijácurí ū! Jáiuyubevu cùcure yore, arejaimada na.

²³ Codoboborí, jipocatedejaimada na. Pare jorojivu, ne baju doicajeare tatorí jadevaivu aru jobobicore dúaivu bare-jaimada na. ²⁴ Diede jáñu ñai churaravai jabocu pueno parucu nüvaicójene-jameda Pablore churaravai cùrami jívui. Noi jara popeicójenejameda ūre áimaca-jeque daimeque. Ūre coyure daiyure-jameda, majiyuch aipe teni ina pöeva jorojivure ūre. ²⁵ Que baru ina churarava buorejaimada Pablore, meadarí ūre ne jara popenajiye jipocai. Ubenita Pablo arejamedá apecu churaravai jabocure, apecu cächino parucure, núcure ūi yebai:

—Yábu Roma jaboteinocacu. ¿Yure jara popeicójeni mure ji ámeina daiyede jádovamecuya cäreja? arejamedá Pablo.

²⁶ Diede jápiayu ñai jabocu, nurejameda ūi jabocu yebai, ñai Pablore coyuçójeimu mácu. Aru arejamedá ñai churaravai jabocu pueno parucure:

—Mu, ji jabocu, me dajacu mu. Ñai ūmu Roma jaboteinocacube, arejamedá ū.

²⁷ Que baru ñai churaravai jabocu pueno parucu nurejameda Pablo yebai. Aru arejamedá ūre:

—Coyujacu yure. ¿Jáveneca Roma jaboteinocacurū mu? arejameda.

Pablo arejamedá ūre:

—Jáju, ūrecabu yu, arejamedá.

²⁸ Ñai jabocu pueno parucu arejameda:

—Urarō tāuturare jícacu yu Roma jaboteino jabovare, ne epenajiyeye ayu

yure Roma jaboteinocachua, arejamedá ū.

Pablo arejamedá:

—Yurecabu Roma jaboteinocacu ji pōeteinumumiareca aru jipacu máre ūi Roma jaboteinocacu bae boje, arejamedá.

²⁹Ina ūre jara popenajivu bácacu que ayure jápiaivu, cūná daruini nurejaimada ūre jocarī. Aru ñai churaravai jabocu pueno parucu máre jidurejamedá, ūi bhoiye báque boje Pablore tāumeaque, yópe Roma ámicurō jaboteino daicōjemenope.

Pablo ūi yávaino judíovai jabovaque

(Mt 22.23; 23.27; Mr 12.28;

Lc 20.27; Hch 26.5; Fil 3.5)

³⁰Ñai churaravai jabocu pueno parucu majiyurejamedá aipe teni ina judíova pare jorojivure Pablore. Que baru cōmíajáravui cōjijicōjenejamedá caivu ina sacerdotevare jaboteipōevare aru ina judíovai jabova cōjijinocavure máre. Churaravare jodeicōjenejamedá Pablore. Aru nūvarejamedá ūre ne cōjijino yebai.

23 Pablo me jári, ina cōjijinocavure arejamedá:

—Muja, jívu, yávacari cainumua cuvu yu, “Boropatebevu yu”, arī dāpiarī Jūmenijicu jáinoi, arejamedá Pablo.

²Úi que aiyeda, ñai sacerdotevare jaboteipōescu, ūi ámiá Ananías, ina nūrivure Pablo yebai, jara boaicōjenejamedá Pablori jijecamure. ³Que teni Pablo arejamedá ūre:

—Mu, jujovayu, Jūmenijicu jara boacáyume mure. Yui mu doba, dacuyu yópe daicōjeiye ainope. ¿Aipe teni māvacari daicōjemecupe dayurū mu mi jara boaicōjeiyede yure? arejamedá Pablo.

⁴Apevu ūi yebai nūrivu arejaimada Pablore:

—Mu ámeina yávaivu Jūmenijicu sacerdotevare jaboteipōecure, arejaimada.

⁵Que aiyure, Pablo arejamedá:

—Muja, jívu, coreóvabetevu yu ūre Jūmenijicu sacerdotevare jaboteipōecure. Yu majicu baru, nōpe abejebu yu, Jūmenijicu yávaiyede toivaiye báque boje yópe: “Ámeina yávabejarā muja ñai mūjare jaboteyure”, arejamedá Pablo.

⁶Aru Pablo coreóvarejamedá apevu ina cōjijinocavure saduceovacavure aru apevu fariseovacavure. Que baru arī codoboborejamedá:

—Muja, jívu, fariseovacacu yu. Aru fariseovai mācubu yu. Buodama yure, ji bueiye boje majé coreiyede Jūmenijicu nacovaquiyede caivu yaivu bácacavure yainore jaruvarī, arejamedá Pablo.

⁷Ne jápiaiyede ūi coyuiyede, jararī bürerjaimada na. Ina saduceova ina fariseovaque cūinártu ámenejavuya ne ūme. ⁸Ina saduceova “Yainore jaruvarī nacajaino cibevu, aru ángeleva, decova máre cibema”, ávadama. Ubenita ina fariseova “Yainore jaruvarī nacajaino cuvu, aru ángeleva, decova máre cuma”, ávadama. ⁹Ina cōjijinocavu pare jararī nūivu, pueno baju codoboboivu barejaimada na. Que teni apevu fariseovacavu, Jūmenijicu yávaiyede coyuiipōeva, nacajari, parurōreca arejaimada:

—Ñuje járu, ámeina tebecu bajube ñai ūmu. Cūinácu decocu o cūinácu ángelé máre coyuchubi ūre. Maucuvabenajarevu maja Jūmenijicure, arejaimada na.

¹⁰Pueno baju jaraivu barejaimada na. Ñai churaravai jabocu pueno parucu náre jáñu, arī dāpiarī jiducu, “Pablore ámeina ñarājichuma” ayu, churaravare ina nūicōjenejamedá Pablore cōjijinocavure jocarī, ne

nūvarajiyepe ayu ūre churaravai cūrami cojedeca.

¹¹ Diñamimareca Jesús cueteni nūcu Pablo yebai arejamedá ūre:

—Jidubejacu mū. Nópe mi coyhiyepedeca ji yávaiyede Jerusalécvure, coyñchuyumu Romacavure máre, arejameda Jesús Pablore.

Pablore judíova ne boarí jaruvaiyurō

¹² Cōmiáijárvu javejñara apevú judíovacavu cójjivu yavenina, cūinátru ne ūme, “Yópe dacarājaramu Jūmenijicure”, arejaimada na.

—Nuje boarí jaruvabedu Pablore, Jūmenijicu jaruvajacurí nūjare toabo cūiméboi. Amenajivutamu aru ūcumenajivutamu, nūje Pablore boarí jaruvārājiye jipocai, parurōreca arejaimada na.

¹³ Cuarenta paivu pueno baju boaipóeva marejáimada na.

¹⁴ Nurejaimada na sacerdotevare jaboteipóeva aru judíova būcava yebai. Aru arejaimada náre:

—Nuje parurōreca avu “Yópe dacarājaramu Jūmenijicure”. Nuje boarí jaruvabedu Pablore, Jūmenijicu jaruvajacurí nūjare toabo cūiméboi. Amenajivutamu aru ūcumenajivutamu, nūje Pablore boarí jaruvārājiye jipocai. ¹⁵ Que baru mūjavacari boro jarojarā nai churaravai jabocu pueno parucure, jēniarajivu ūi daroquiyepa aivu Pablore mūje cójjinoi cojedeca. Ajarā ūre: “Pablore jēniari jápiayurivbu nūja bedióva cojedeca”, ajarā. Aru nūjacapúravu yavenina coreni boarí jaruvārājivbū ūre ūi edaquiye jipocai mūje yebai, arejaimada na.

¹⁶ Ubenita Pabloi yūicu iye borore ne dārājiyede jápiarejameda. Que baru churaravai cūrami nūri, ecorā, coyurejameda ūi jápiayebai báquede Pablore.

¹⁷ Que teni Pablo órejarejameda ūi yebai

cūinácu churaravai jabocure. Aru arejameda ūre:

—Nuvajacu nai bojuyore mi jabocu pueno parucu yebai, ūi coyñquiyepa ayu ūre ūi jápiayebai báquede, arejameda Pablo.

¹⁸ Que baru nai jabocu nūvarejameda ūre ūi jabocu pueno parucu yebai. Aru arejameda:

—Nai bhoimt ūi āmiá Pablo yure davaicōjeimi nai bojuyore mi yebai, ūi coyñquiyepa ayu mure ape borore, arejameda ū.

¹⁹ Nai churaravai jabocu pueno parucu ūi āmuvede jēni, ūre nūvari apevure jocarā, yavenina jēniari járejameda nai bojuyore:

—¿Yéde coyñiyucrū yure? arejameda ū.

²⁰ Aru ju arejameda nai bojuyo:

—Ina judíovai jabova jēniarajivubu mure, mi jaroquiyepa aivu Pablore ne yebai javenai, bedióva cojedeca ūre jēniari jápiarī ubenina teiyurivu.

²¹ Ubenita apevú, cuarenta paivu, yavenina coreni, jaburājivubu ūre. Na “Aiyede āmenajare aru ūcumenajare máre ūcumenajare”, arāma na Jāmenijicu que ne boarí jaruvārājiye jipocai Pablore. Caride coreivubu mi ju aiyede ne jēnaiyede. Que baru ju abejacu diede, arejameda Pabloi yūicu.

²² Aru nai jabocu pueno parucu nai bojuyore coyñicōjemenejameda apevure iye ūi coyñiye báquede ūre.

—Coyubejacu apevure iye borore mi coreóvare dāiyede yure, arejameda nai churaravai jabocu pueno parucu.

Que arā, copaicōjenejameda nai bojuyore.

Ne jaroino Pablore jabocu Félix yebai

²³ Dinūmuma nai jabocu pueno parucu daicōjenejameda pucarā churara jabovare ūi yebai, aru arejameda náre:

—Meatejarā mūja doscientos paivu churarava cuivure, aru apevu setenta paivu caballovarā tubarivure, aru apevu doscientos paivu tāumure nūvaivure máre. Cari ñami nueve baji nūvajara mūja Pablore Cesareaita.²⁴ Meadacajarā Pablore máre ūi caballovare. Me nūvajara ūre pu ñai jabocu Félix yebai Cesareai, arejamedá ñai churaravai jabocu pñeno parucu.

²⁵ Aru ū, yópe arī, toivarejamedá paperayocare:

²⁶ “Yū, Claudio Lisias, toivacaivu mure, ji jabocu Félide. Me cūjacu mū. ²⁷ Apevu judíova tatorī jēma ñai ūmure, ūi ãmiá Pablo. Boarí jaruvvarājivu batemá ūre ji nūiyede ne yebai churaravaque, ji jāpiayé báque boje Pablo Roma jaboteinocacure. Ūre ïvu ñūja, ne boarí jaruvabenajiyepo aivu. ²⁸ Aru coreóvaiyūcacu yu aipe teni jaraivure ūre. Que baru nūvacarā ūre ne cójijinoi. ²⁹ Jarama ūre judíova ne dāicōjeiye boje. Ubenita ūi daiye báque boje ūi yaiquino jaibevu, ūre bñorājino máre. ³⁰ Aru ji jāpiayede apevu jāri coreni, boarí jaruvaiyūrivure ūre yavenina, cūinā jaroivu ūre mi yebai. Aru coyūcōjeivu ūi mauvare mi jipocai, ne boro coyūrī adarājiyepo aivu”, arī toivarejamedá ñai churaravai jabocu pñeno parucu.

³¹ Dinūmu ina churarava, ne jabocu dāicōjeiye báquepe, nūvarejaimada Pablore ñami pu Antípatris ãmicuriímaroita. ³² Cōmiáijāravu ina cuivu copainurejaimada churaravai cūrami. Ubenita ina caballovarā tubarivu yóvarejaimada Pablore cojedeca. ³³ Ne eaiyede Cesarea ãmicuriímaroi, ñai jabocu Félix yebai nūri, jídejaimada ūre diyoca paperayocare aru Pablore máre. ³⁴ Diyocare jāri boroteniburu yóboi, ñai jabocu jēniari jārejamedá árocacure Pablore. Aru ūi coreóvaiyede Cilicia ãmicurijoborōcacure, arejamedá ūre:

³⁵ —Jápiaquijivu mi coyñiyede mi mauva ne edaiyede, arejamedá Félix Pablore.

Que arī, Félix churaravare nūvaicōjenejamedá Pablore Herodes báchi cūrami, jabovai cūrami, ne jāri corenajiyepo ayu ūre noi.

**Pablo “Ãmeno dabevu yu”
arī, ūi yávaino Félide**

(Hch 21.17-28; 23.6)

24 Cūinápurupe paíjāravua yóboi, ñai sacerdotevare jaboteipōecu, Ananías, earejamedá Cesarea ãmicuriímaroi apevu judíova bucuvaque aru Roma jaboteino dāicōjeiye bueipōecuque, ūi ãmiá Tértulo. Tértulo coyñacachu barejámeda ina judíovare. Que baru jabova ne ãmeina teivure jēniari jáiñami nñerejaimada, boro coyūrī adaridurājivu Pablore ñai jabocu Félix ūi jivateinoi. ² Churarava ne davaiyede Pablore noi, Tértulo yópe arī, boro coyūrī adaridurejamedá:

—Mu, ñuje jabocu, meacabu mu, mi majié boje. Mi jaboteiyede obedijāravu cārijimena caivu ñuje. Ùrarō mearore dacaivu mu caivu ñuje joborōcavure. ³ Que baru caivu ñuje ìmarocavu torojurí ãravu mure. ⁴ Ubenita coreóvaiu cōmajae ãroje jāñure mu ñujare. Que baru joe baju nñemequiyepo ayu maje boroteino, jēniaivu mure mi jápi- aquiyepo ayu ñuje boro quíjinore. ⁵ Ñai ūmu Pablo pare cārijovaimi ū. Caino joborōi maucuvare dāibi judíovare ne baju, ūi apede bueiye boje. Apeyajubo, nazareno ãmicuriyajubo jabovacacube ū. ⁶ Aru ãmedariduame ū Jñemenijicu cūramine. Ubenita jēcarā ñuje ūre. Aru ñájine dārajivu batecárā ūre ñuje dāicōjeiyepe. ⁷ Ubenita ñai jabocu Lisias darí churaravaque, ñame ūre ñujare jocarí parurōque. ⁸ Aru boro coyūrī adaicōjeame ñujare mi yebai. Mu jēniari jápi-

ayū baru ūre, majini b̄hojac̄yumu caiye ūje coyūiyede ūra jāvene, arejamedā Tértulo Félide.

⁹ Aru ina judíova máre nopedeca boro coyūrī adaridurejaimada Pablore, jū arī caiye iye Tértuloi yávaiye báquede. ¹⁰ Din̄umu ñai jabocu Félix jādovare-jamedā Pablore, ūi coyūquiyepo ayū ūi borore. Que baru arejamedā:

—Obediūja javede p̄ū caride máre mū jāpiaivū ūje boro coyūrī adaiyede ūje joborōcavure. Que baru torojurī coyūybu ji borore, mi majiquiyepo ayū diede. ¹¹ Mū majini b̄hojac̄yumu jāve ji coyūiyede. Quénora doce paíjárvacū vaivū caride, ji eaiye báquede Jerusaléi. Nore nūcasch ū, mearore jíchyū Jūmenijic̄re. ¹² Yū jarabetecacū apec̄ure. Aru cārijini jorojimeteccacū cójijivure. Jūmenijic̄ui cūrami, aru judíovai cójijiñamai, aru tāibui máre. Yópe ne boro coyūrī adaiyepo dabetecacū ū. ¹³ B̄ojabema jādovaivū jāve āmeno dayure yure yópe ne coyūiyepo. ¹⁴ Ubenita jāvemu “Pablo jū aibi Jesú̄ Nazarecacū ūi bueiyede”, ne coyūhiye yurā. Jū ayūbu ū Jūmenijic̄re, ūjeñecuva mācavū ne mearore jímure. Mearore jíyubu ū Jūmenijic̄re yópe ina judíova “Apēde bueibi”, ne aiyepedeca yurā. Ubenita ape bueiyehū ūmevū. Jū ayūbu ū caiye iye Jūmenijic̄ui daicōjeiyede ūi coyūhiye báquede Moisés bácre aru caiye iye Jūmenijic̄ui yávaiyede coyūcaipōeva mācavū ne toivaiye báquede máre. ¹⁵ Yū coreivū Jūmenijic̄ui nacovachyure caivū yaivū bácvavure yainore jarūvarī, mearare aru āmenare máre, yópe judíova ne coyūiyepedeca. ¹⁶ Que baru yávacari cainumua daiyuvū ū, “Boropatebevū ū”, arī dāpiarī Jūmenijic̄ui jāinoi aru pōeva ne jāiyede máre.

¹⁷ Obediūja cātecacū apenoa joborōai. No yóboi, copainuñcacū Jerusaléi cojedeca, tāuturare jíchyū judíova cōmaje ārojarivure aru ape

jícayede jíchyū Jūmenijic̄re máre.

¹⁸ Ji Jūmenijic̄re jíquye jipocai, dacacu yópe Jūmenijic̄ui daicōjeiyede ūi coyūhiye báquepe Moisés bácre meacū bacuyū Jūmenijic̄ui jāinoi. No yóboi, apev̄ū judíova, Asiacavū, jāima yure Jūmenijic̄ui cūrami jívui, jíyure ji jícayede Jūmenijic̄ure. Ubenita cójijivū c̄ubetema ji yebai. Jaraino máre c̄ubeteavū. ¹⁹ Que baru boro coyūrī adaradajarāri ina Asiacavūvacari yui mi jipocai, na jāivū bácre baru yure āmeina teyure. ²⁰ Aru ne coyūbedu, coyūjarāri ina ūm̄va yui c̄urivū, aipe ji āmeina teiyede ne eaiye báquede ji c̄ue báquede judíovai jabova ne cójijinoi. ²¹ Quénora arājichūma na: “Pablo c̄uñ ūje cójijinoi, yópe arī codoboboame, ‘B̄uodama yure, ji bueiyehū boje maje coreiyede Jūmenijic̄ui nacovachyure caivū yaivū bácvavure yainore jarūvarī’, arājichūma na ji borore, arejamedā Pablo Félide.

²² Aru Félix, Jesú̄ ūi yávaiye méne coreóvayū me, ūi jāpiaiyede diede, dajocacōjenejamedā ne coyūiyede apejárvacū, yópe arī:

—Nai jabocu Lisiás ūi daiyede, ū coyūchuyumu mi ñájinu, arejamedā Pablore.

²³ Que arī b̄ojarī, Félix coyūrejamedā ñai churaravai, jaboc̄re, Pablore davayū bácre. Ūre nūvaicōjenejamedā Pablore jabovai cūrami cojedeca, churarava ne jāri corenajiyepo ayū ūre noi. Ubenita daicōjenejamedā Pablore yópe ūi үrōpe aru jāradacōjenejamedā ūre ūi yóvaimarare, ne cādatenajiyepo aivū ūre jañéde. ²⁴ Apejárvacū yóboi, Félix copaidarejamedā cojedeca jímarepacomaque, judíovacaco, ōi āmía Drusila. Órejaicōjenejamedā Pablore ne yebai, ne jāpiaiyehū boje ūi coyūiyede aipe dāri pōeva jū aivure Jesú̄. ²⁵ Que teni Pablo nāre coyūrejamedā pōevare ne mearo daiye jañéde apevure yópe

Jāmenijicui daicōjeiyepē, aru pōevare ne curī majié jauede ne baju coapa, aru Jāmenijicui ñajine daquiyede pōevare ne āmeina teiye boje máre. Aru iye coyñiyede jápiayu, Félix cuecumari arejamedā Pablore:

—Quénoramū caride. Nujacu mū. Apejāravu órejaquijivu mure cojedeca, arejamedā Pablore.

²⁶ Obedijāravuai Félix daicōjenejamedā Pablore ūi yebai, borotecuyu ūque, ūi coreiye boje ūi jíquiyepe ayu tāuturare. Tāuturare ūi jídu, Félix jaetovajebu ūre. ²⁷ Ubenita rūscañua yóboi Félix ūi jaboteino cūinéjavuña. Ū torojure daiyurī judíovare, dajocarejamedā Pablore bhoimūpe. Aru apecu jaboteni bárejamedā, ūi āmiá Porcio Festo.

Pablo ūi yávaino jabocu Festo que

25 Festo earejamedā dijoborōi aru yóbecurijāravu yóboi muri nurejamedā Cesarea āmicuriímarore jocarī pu Jerusalén āmicuriímaroi. ² Noi ina sacerdotevare jaboteipōeva aru apevu judíovai jabova máre ūi yebai earī, āmeno boro coyurī adaridurejaimada Pablore. ³ Jipocamia ina jabova arejaimada ne baju: “Boaipōevare coreni, jaburī boarī jaruvāicōjenajarevu Pablore”, arejaimada yavenina. Que baru parurōque jēniariduvaivu barejaimada ñai jabocare, ūi ju aquiyepē aivu náre yópe ne urōpe.

—Copaide dajacu mū Pablore Jerusaléi, arī jēniaridurejaimada na.

4 Ubenita Festo arejamedā náre:

—Pablo bhoimū cubi Cesareai. Mau-mena nuñamu yu noi. ⁵ Que baru yó-vajarāri yure muije jabova Cesareai, ne boro coyurī adarājiyepe aivu Pablore noi, ūi āmeina tedu, arejamedā Festo.

⁶ Pu ocho paíjāravu ūi mauteñiburu yóboi nore, Festo ēmenejamedā Cesarea

āmicuriímaroi. Aru cōmiáijāravu jabova ne āmeina teivure jēniari jāiñami nari, dobarejamedā, jápiacuyu ne boro coyurī adariduiyede. Aru davaicōjenejamedā Pablore. ⁷ Ūi eaiyede, ina judíova Jerusalén āmicuriímarocavu daivu bácañu nūrejaimada ūi yóboi. Urarō āmeno boro coyurī adariduiyu barejáimada ūi borore. Ubenita ye bhojabedejaimada jādovainu jāve ne borore. ⁸ Pablo capūravu arejamedā:

—Judíova ne daicōjeiyede, aru Jāmenijicui cūramine, aru ñai jabocu ijāravuñucacu pñeno baju parucure máre, āmeina dabevu yu, arejamedā Pablo.

⁹ Ubenita Festo judíovare torojure daiyurī, yópe aridurejamedā Pablore:

—¿Muri nñiyubecurū mū Jerusaléi? Noi yávacari jápiacuyuñmu cojedeca mi borore, “Āmeno dabetequemavu mū” acuyu o “Ñajicuyuñmu mi āmeina teiye boje” acuyu, arejamedā Festo.

¹⁰ Ubenita Pablo capūravu arejamedā ūre:

—Núnu yu caride Roma jaboteino jabova ne āmeina teivure jēniari jāiñami. Yuita meadaiye jañnu yure, etachuyre o ñajicuyure. Múvacari me coreóvaivu. Ye āmeno dabetecacu yu judíovare. ¹¹ Ji āmeina daiye boje, boarī jarvavaiye jañrō maru yure, jidubejebu yu ji yaiquínore. Ubenita ne boro coyuñye jāve āmenu, pōecu cübebi bhojarī jíyū yure náre. Que baru jēniaivu mure jarocuyure yure ñai jabocu ijāravuñucacu pñeno baju parucu yebai, ūi baju meadaquiyepē ayu yure, arejamedā Pablo.

¹² Dinumū Festocapūravu borotedejamedā ūre cadateipōeva que. Aru boroteni bhojarī arejamedā Pablore:

—Ñai jabocu ijāravuñucacu pñeno baju parucu yebai nñiyuñu mū. Que baru nucuyuñmu ūi yebai, arejamedā Festo.

Pablo ūi yávaino jabocu Agripa

¹³ Apejāravua yóboi, ñai jabocu Agripa, jíbucomaque, õi ãmiá Berenice, earejaimada Cesarea ãmicuriimaro. Jacoyuránurejaimada Festore. ¹⁴ Aru obedijāravua mautedejaimada na. Cūinájāravu Festo coyurejamedá náre Pabloi borore.

—Yui cubi cūinách ūmu, Félix ūi buorí epeimu mácu. ¹⁵ Ji cue báquede Jerusaléi, sacerdotevare jaboteipóeva aru judíova buchva máre ãmeno boro coyurí adarādariduima ūre ji yebai. Jēniariduima yure ji nájine daquiyepé aivu ūre. ¹⁶ Ubenita yu acacu náre: “Yópe darí cõmajiyama Romacavui jabova. Mamarumure ina boro coyurí adaivuque copu yávare darí cõmajiyama ñai ne coyurí adaimuque, ū máre ūi coputequiyepé aivu náre. Ñuja Romacavui jabova yópe dabevu baru mamarumure, jíbevu pöecure ina boro coyurí adaivure”, acacu yu náre. ¹⁷ Que baru ne edaiyede yui, joe corebechva, cõmiáijárvare dobatotecacu jabova ne ãmeina teivure jēniari jáiñami jívui. Aru davaicõjecacu ñai ūmure. ¹⁸ Dápiayu bariducacu ina judíova boro coyurí adarajivure ūre urarō ūi ãmeina teiye báquede. Ubenita coyurí adaivu ye yávabeteima urarō ūi ãmeina teiye báquede yópe ji dápiariduino mácarope. ¹⁹ Quénora jorojíma ūre ne bueiyede jévari Júmenijicure aru cūinácu Jesús ãmicuchu yaiyú báture. Ubenita Pablocapúravu paruróreca couyuhbe ñai Jesús apucure cojedeca. ²⁰ Yúcapúravu ye majibetecacu caiye iye ne borore. Que baru jēniari jácacu Pablore: “¿Muri nuiyubecurú mu Jerusaléi? Noi yu jápiacuyumu cojedeca mi borore”, acacu ūre. ²¹ Ubenita úcapúravu jēniáme: “Jarojacu yure ñai jabocu ijárvacacu pheo baju paruchu yebai, ūi jápiacuyepé ayu ji borore”,

ámē yure. Que baru churaravare coreicõjecacu ūre buoimure ji jaroiyeta ñai jabocu ijárvacacu pheo baju paruchu yebai, arejamedá Festo Agripare.

²² Aru Agripa arejamedá:

—Yúvacari jápiacuyumu ñai ūmure, arejamedá.

Que baru Festo ju arejamedá:

—Javena ūre jápiacuyumu mu, arejamedá.

²³ Cõmiáijárvui Agripa Berenice-maque earí cójijiñami uradámi, ecorejaimada noi pöeva ne urarō puedaiyede náre ne ecoiyede. Caivu ina churaravai jabova parurivu, aru caíno diímarocavu parurivu máre ecorejaimada diñami náque. Aru Festo davaicõjenejamedá Pablore. ²⁴ Que teni Festo arejamedá:

—Mu, judíovai jabocu, aru caivu muja nüjaque churivu máre, jáiñubu ñai ūmure. Caivu ina judíova Jerusalécvu aru yócvu máre ãmeno boro coyurí adariduima ūi borore. Coðoboborí, “Urre boarí jaruvajach”, pheo baju aima na.

²⁵ Ubenita yúcapúravu ye ūi ãmeina teiyede eabevu yu. Ji járu, ūi daiye báque boje boarí jaruvaiye jañbevu ūre. Ñai Pablovacari jēniáme ñai jabocu ijárvacacu pheo baju paruchu jápiacuyure ūi borore. Que baru arí dápiacacu: “Jarochuyumu ūre ñai jabocu ijárvacacu pheo baju paruchu yebai”, acacu yu. ²⁶ Ubenita yúcapúravu majibevu yéde ji toivaquiyede ūi borore ñai jabocure, ūi majiquiyepé ayu Pabloi ãmeno daiye báquede. Mu, ji jabocu Agripa, que baru daicõjeivu ūre yui muje yebai. Maje ūre jēniari jápiaríburu yóboi, yu majiquijichuvu ūi ãmeno daiye báquede, toivacuyu ñai jabocu ijárvacacu pheo baju paruchure.

²⁷ Buoimure jaroije majibevu yu jabocu yebai, coyubechva aipe darí ūi ãmeno daiye báquede, arejamedá Festo náre.

26 Dinumu Agripa arejamedá Pablore:

—Caride coyujacu mi borore,
arejameda.

Que aiyede, Pablo jabióvaru ui purure,
yávaru bárejamedá, coyuchuu ui borore:

²—Mu, nuje jabocu Agripa, caride
torojuu yu ji üme mi jápiaquiyepe ayu
ji coyuhiyede caiye iye ne ámeno boro
coyuri adaiyede yure ina judíova. ³Má-
vacari coreóvaivu me judíova ne dáru
cómajiyede aru ne bueiyede máre. Que
baru jéniaivu mi jápiaquiyepe ayu ji
coyuhiyede napiyeque, arejameda Pablo.

Pablo ui coyuino ui daiye báquede Jesús jicu tequiye jipocai

(Hch 23.6; Fil 3.5)

⁴ Pablo, yópe aru, coyure nurejameda:
—Ina judíova coreóvadama aipe
cucure yu ne jéneboi juedocu cäreja aru
caride máre, mamarumure ji cuede ji
ímaroi aru no yóboi ji cuede Jerusaléi
máre. ⁵Joe baju yurecabu cūnáyajubo
fariseo ámicuriyajubocacu. Nuja
fariseova mearore jívubu Júmenijicu
yópe ui daicójeiyede ui coyuhiyede
báquepe Moisés bácre caivu apevu
judíova pueno baju. Ina judíova urivu
baru, ju ajebu jáve iye ji coyuhiyede.
⁶Caride níuvu yu yui, ne boro coyuri
adaimu, ji coreiye boje Júmenijicu
mearo dacaquiyede nujare yópe ui aiye
báquepedeca nujeñecuva mácavure.
⁷Aru caivu nuje doce payajuboacavu
Israecavu máre coredama yópe ji
coreiyepe. Que baru mearore jíyama
na Júmenijicure järavure aru namine
máre. Aru mu, nuje jabocu Agripa, ina
judíovavacari boro coyuri adaivubu
yure, iye ji coreiye boje. ⁸¿Aipe teni
“Júmenijicu nacovañu bhojabebi
yaivu bácavre yainore jaruvaru”, aru
dápiaivubu muja? arejameda Pablo.

Pablo ui coyuino ui nájine daiye báquede Jesúre ju aipóevare

⁹ Yópe aru, coyure nurejameda Pablo:

—Javede yuvacari yópe aru dápia-
cacu: “Jesús Nazarecacure ju aipóe-
vare maucuvae jauvu yure”, acacu yu.

¹⁰ Yópe dacacu yu Jerusaléi: Obedivu ina
Jesúre ju aipóevare jení, bhori, jarocacu
yu náre ámeina teivure jení jacoíñamiai,
yópe ina sacerdotevare jaboteipóeva ne
daicójeiyepe. Aru ne boaru jaruvaiyuhede
náre, yu máre ju acacu diede. ¹¹Obedi-
járavu yu nucasu judíovai cójijiñamiai,
nájine dacuyu ina Jesúre ju aipóevare.
Jesúre ju abede dáruducacu yu náre.
Aru ji uraru baju jorojiye boje náre, yu
cujucacu náre apeímaroaita, arejameda
Pablo.

Pablo ui coyuino cojedeca Jesús jicu teni bhono mácarore

(Hch 9.1-19; 22.6-16)

¹² Yópe aru, coyure nurejameda Pablo:

—Cuinájáravu Damascoi nucasu
yu ina sacerdotevare jaboteipóevai
paruéque, dacuyu yópe ne daicójeiyepe.

¹³ Aru mu, nuje jabocu Agripa, ji
nuiyede mái järavu corica baji jácacu
cavarore jocaru uraru miadárore, aviá
ui pueno cojinore. Peoávu nuje yebai,
yure aru yáque nuivure máre. ¹⁴ Que
baru cuecumaiu caivu mori tucará
joborui. Aru jápiacacu apeno yávainore
nuja judíova nuje yávaicamuaque,
yópe ainore: “Mu, Saulo, ¿aipe teni
maucuvacuru mu yure? Yópe dayu,
mávacari nájine daiuu mu mi bajuma,
yópe cūináu oteiáimacu uracu
ui nájine daiyepe ui bajure tutánu
abodo juijóiyore”, áme yure. ¹⁵“Mu,
ji jabocu, ¿namenu mu?” acacu yu.
“Yurecabu Jesú, nai mi maucuvamu.

¹⁶ Caride nacajari nújacu. Yu jádovaivu
mure, ji baju mi memecaquiyepe ayu
yure. Beoivu mure, mi coyuquiyepe

ayu apevure yope mi jaínope yure caride. Aru mi jáquiyede yure bedióva coyusuyumu diede máre.¹⁷ Que baru jaroquijivu mure, mi coyusquiyepo ayu ji yávaiye méne judíovare, aru judíova ámevure máre. Aru yu jodechuyumu mure, ne ámeno dabenajiyepo ayu.¹⁸ Mi coyusquiyede judíova ámevure, yu jápiari eare dachuyumu náre, ne dajocarajiyepo ayu ne ámeina teiyede yope ñeminoi cuiyepo, aru ne ju arájiyepo ayu yure yópe miadároi cuiyepo. Yu jaetovacuyumu náre ñai abujuvai jabocu Satanás ñi jaboteinore jocarí. Aru ecovacuyumu náre Júmenijicui jaboteinoi. Que teni yu árumetecuyumu ne ámeina teiyede, ne yure ju aiye boje. Aru Júmenijicui pöevaque curájarama na”, áme Jesús yure, arejameda Pablo.

Pablo ñi coyusino ñi daiyede Jesúi daicójeinore ñre decoboinoque

(Hch 9.20, 28-29; 1 Co 15.20)

¹⁹ Yópe arí, coyure nurejameda Pablo:

—Mu, ñuje jabocu Agripa, ñai cavaró mearo Júmenijicui cárucacu ji jáimu mácare jáve ju acacu yu.²⁰ Que baru coyusacu mamarumure Damascocavure, aru no yóboi Jerusalécvure, no yóboi caino Judeacavure, aru no yóboi judíova ámevure máre. Coyusacu náre: “Chiojara muja muje ámeina teiyede. Aru jaruvajará diede. Oatuvajará muje daiyede. Aru dajará yópe Júmenijicui urópe, apevu pöeva ne majinajiyepo ayu jáve muja ju aivure Júmenijichre”, arí coyusacu náre. ²¹ Ji nópe bueiye boje, ina judíova yure jení boarí jaruváriduima Júmenijicui cármi jívhi. ²² Ubenita javede aru caride máre Júmenijicui cädateibi yure. Que baru yu yui núcus, coyusivu yávaiyede jávene caivure, parurivure aru parubevure máre.

Quénora coyusivu yu yópe Júmenijicui daicójeiyede ñi coyusiyepo báquepe Moisés bácre aru ina Júmenijicui yávaiyede coyuscaipöeva mácavu ne toivaiyede báquepe ne coyuscaiyede, “Yópe vaiquíyebu. Que ayube Júmenijicu”, ne aiye báquepedeca.²³ Yópe arí, toivarejaquemavu na: “Cristore, Júmenijicui daroquimure, jaunu ñi ñájiquiye, aru ñi yaíquíye, aru ñi nacajaquiyepo yainore jaruvári caivu apevu jipocai. Que ñarí yópe pöoino járe daiyepo pöevare, nopedeca Cristo jádevacuyume judíovare aru judíova ámevure máre Júmenijicui meadaquiyede náre”, arejaquemavu na, arejameda Pablo.

Pablo “Ju ajacu Jesúre” ñi aríduino jabocu Agripare

²⁴ Pablo ñi coyusquiyede, Festo codoboborejameda ñre:

—Mu, Pablo, árumevu mu. Mi pare bueiye boje, árumevu mu, arejameda ñre.

²⁵ Ubenita Pablo arejameda ñre:

—Mu, ñuje jabocu Festo, árumecu ámevhu yu. Quénora coyusivu yávaiyede jávene ji ñumei. Ubenina ayu ámevhu yu.

²⁶ Ñai jabocu Agripa majibi caiye iye ji coyusquiyede. Que baru yu jidubeccha coyusivu ñre. Yavenina ámeno daiye ámevhu iye. Que baru javede jápiaquemavu diede ñai jabocu Agripa, arejameda Pablo.

²⁷ Que ayu, Pablo arejameda Agripare:

—Mu, ñuje jabocu Agripa, ina Júmenijicui yávaiyede coyuscaipöeva mácavu ne toivaiyede báquede ju aivu mu. Majivu yu mu ju ayure, arejameda ñre.

²⁸ Agripa arejameda Pabllo:

—Mi coyusinoque quíjino baju yure ju are ñaríduivu mu Jesúre, arejameda.

²⁹ Aru Pablo ju arejameda ñre:

—Quíjino baju meajebu. Ùraró baju máre meajebu. Yu Júmenijichque jení-

acaivu caivu mūjare, mūje ju arājiyepē ayu ūre aru mūje nūrajiyepē ayu yápe paivu, ubenita buoimeaque cābevuvā, arejameda Pablo.

³⁰Dinumu ñai jabocu Agripa, ñai jabocu Festo, Berenice, aru náque dobarivu máre nacajari etarejaimada nore jocarī. ³¹Ne etariburu yóboi, arejaimadu ne bajumia:

—Nai ûm u ñi daiye boje yaiquíno jaubevu ūre, aru buoino máre. ³²Pablo ñi abedu “Jarojacu yure ñai jabocu ijāravucacu pñeno baju parucu yebai, ñi jämpaquiyepe ayu ji borore”, maya buoja-jebu etaicōjeivu ūre. Ubenita ñi nópe jē-naiyiye boje, maya buojabevu etaicōjeivu ūre, arejameda Agripa Festore.

Pablore ne jaroino Romai

27 Ñai jabocu ijāravucacu pñeno baju parucu chrejameda Italia āmicurijoborōi. Que baru Pablore aru apevu buoimare máre Festo coreicōjenejameda cūinácucu churaravai jabocure, ñi ãmiá Julio, ñi nuvaquiyepe ayu náre Italia āmicurijoborōi jiaðocu uracu ûmevu japuino nūcúque. Ñai Julio cien paivu churaravare jabotedejameda. Ne yajubo “Augusto jina churaravayajubo” āmicuriyajubo barejávuya. Aru yu máre nūcuyu barejacácu. ²Que teni jaturejacarā cūinácucu jiaðocu uracui, Adramitio āmicuriimaro jocarī daicu mácarōi. Dicu etaquicu marejávua, tuijaquicu ïmaroa coapa Asia āmicurijoborōi jia urada ēcarui. Aru Aristarco máre, Macedonia āmicurijoborōcarō ïmaro Tesalónica āmicurōcacu, yóvarejame ñujare. ³Úmevuque nuri, cõimáijárvu tuijarejacarā Sidón āmicuriimaro ēcarui. Julio me járejame Pablore. Que baru maicōjenejame ūre ñi yóvaimara nócavu yebai, ne jínajiyepe ayu ūre jauede. ⁴Jaturi cojedeca, etarejacarā nore jocarī. No

ûmevu japuiye boje ñujare copu, vaidéjacarā Chipre āmicuriyavure ñuje cācopúravui. Dijiávu cue boje, ûmevu ãmedabedejavu ñujare. ⁵Dijiávure vainiburu yóboi, jatarī jia uradai, vainí Cilicia aru Panfilia āmicurijoborōare, earejacarā Licia āmicurijoborōcarōi, Mira āmicuriimaro.

⁶Noi Julio vorí earejame apecu jiaðocu uracure, ûmevu japuino nūcure, Alejandría āmicuriimaro jocarī daicu mácarōre. Etarī, nūcū tuijaquicu marejávua Italia āmicurijoborōi. Que teni jature darejame ñujare dicui. ⁷Bedióva ûmevu japuiye boje ñujare copu, duibajieneca nurejacarā obedijárvua. Eabenidurejacarā Gnido āmicuriimaro. Aru ûmevu nūcōjemenejavu ñujare ñuje nurié nūinoi. Que baru eaivu Salmócapido āmicuriimaro, vaidéjacarā Creta āmicuriyavure ñuje meapúravui. Dijiávu cue boje, ûmevu ãmedabedejavu ñujare. ⁸Duibajieneca nuri, tuijarejacarā Mearoa tuipáva āmicuriimaro, Lasea āmicuriimaro joabenomia.

⁹Obedijárvua vaidéjavu. Aru judíovai torojuve teijárvu máre, ne ãruri-járvu Jümenijichu ãrumeeteiyede ne ãmeina teiyede, vaidéjavu. Ocorum joabe boje, pöeva ne nūino maru jiaðocu uracuque, jidojarō marejávua. Que baru Pablo majicarejame náre, ñuque nūivure:

¹⁰—Muja jämpajarā. Maje naru jia uradai cojedeca cari, meamequiyebu. Ocorum boje, bïjaquiyebu dicui, aru caiye maje nūvaiye máre dicui. Aru maya máre cori bïjarájaramu, arejameda Pablo, majicayu.

¹¹Ubenita dicu upacu aru dicuire cõjeipöecu máre ju abedejaima Pablore. Aru Julio jämpaarejame náre Pablore pñeno. ¹²Mauteino meamenejavu ocorumure diimaro, Mearoa tuipávai.

Que baru apevu obedivu põeva dicūcavu etaiyurejaima nore jocarı, nuridurajivu apeno tuipávai, Fenice ámicuriimaroí.

Coreiyurejaima ocorum vaiyede nore. Fenice Creta ámicurijavu cav. No tuipávai curı, jia uradare aviá ui darı doinocapuravu, aru aviá ui darı doino meapuravu máre jáino marejávu. Que baru jiadocu jorı noi, javaiyorejavu ocorumre.

Jia urada pacaibo urabo daino

¹³ Úmevu japuino oatuvaiyede, duibajeneca japuiyede aviá daino caccopuravure jocarı, jiadocu uracure memeipóeva jāmuórejaima ducuribore, dicui numene daibore. Nurejacerá dicuique Creta ámicurijavu écaru joabejínoi. ¹⁴ Ubenita no yójiboi, úmevu pare paruro jasurejavu dijíavu apeduvere jocarı, aviá ui darı doino cacopuravure daino. ¹⁵ Aru no úmevu pare jasurejavu nuje jiadocure. Que teni úmevu nuje jipocai japuiye boje, nuri buojabedejacaru. Numenejacerá nuje n*uiyurore*. Que baru dicure copediovarı, úmevre japopoicjenejacerá úmevu ninoi. ¹⁶ Vaidéjacaru Cauda ámicurijavure nuje meapuravu. Dijiávu cue boje, úmevu ámedabedejavu nujare. Aru apecu quíjicure, uracu dabuboicure, jāmuóiyurejacerá, adarajivu uracu jivu. Ubenita nópe daivu pare najinejacerá. ¹⁷ Quíjicure meadariburu yóboi, ina memeipóeva buorejaima uracure buoimea uramea parurimeaque. Uracu cachinoi dimeáre epeni, me buorejaima na, dicu copobequiyepa aivu.

No yóboi, ne jidue boje dicu ejuroede Libia ámicurijoborı, noi ecar joabenoi epacuro, pare meameno, Sirte ámicurı, jiadocure jéino, jódovarejaima uracaje úmevu paicajede, epacu jémequiyepa aivu nuje jiadocure. Que teni úmevque nurejacerá nuja. ¹⁸ No úmevu ye bí-

jabedejavu. Quénora cainumua pueno baju jasurejavu no. Aru pacaibo máre uraboa baju jariyadedejavu dicure. Que baru cõmiáijáravui n*uvaiyede* jaruvarı burejaima jia uradai. ¹⁹ Cõmiáijáravui jaruvarurejacerá apeno dicucarore: cajeáre, buoimeare, aru abodoare máre. ²⁰ Obedijáravua jámenejacerá aviáre aru abiácovare máre. No úmevu, pacaibo máre ye b*ijabedejav*u. Quénora cainumua pueno uraro baju n*urejav*u no. Que baru “¿Bíjarajivu bárica jia uradai?” arı dapiarejacerá nuje baju.

²¹ Obedijáravua ye ámenejaima na. Aru Pablo darı, nuri ne jéneboi arejame náre:

—Muja jápiabeteu yure ji coyuriduiye báquede mujare. “Cretare jocarı n*uiyevu* majare”, ariduvu yu. Maje dabelu, yópe tede dabejebu majare. Ubenita maje daiye boje vaivu majare yópe. ²² Yu coyuyabu mujare: Jidubejarı. Majacacu ye c*uinácu* b*ijabequijib*i. Quénora dicu jiadocu uracu b*ijaquiyebu*. ²³ Nópe majivu yu, c*uinácu* ángele ui coyu*hiye* báque boje yure cari nami mared. Júmenijicu, ji jabocu aru ji mearore jímu máre, ui daroimu matecube nai ángele. ²⁴ Ji yebai darı, abi yure: “Mu, Pablo, jidubejacu. Mi nuquye boje nai jabocu ijáravucacu pueno baju paru yebai, Júmenijicu ui me boje, caiuu ina máque jiadocu uracu n*uivu* yaibénajarama na”, abi yure nai ángele. ²⁵ Que baru jidubejarı muja. Júmenijicu ju aivu yu. Que baru majivu yu caiye vaiquiyede yópe nai ángele ui aiye báqupedeca. ²⁶ Ubenita no úmevu japoquiyebu maje jiadocure apeduve jiavu écaruita, arejame Pablo náre.

²⁷ Pucasumana úmevu uraro japurı buriburu yóboi, namineca jataivu barejacára numevu japoquiyepu jia urada Adriático ámicurijare. Nami corica baji dicure memeipóeva “¿Joborı joabenoi eaivu bárica?” arı dapiarejaquemavu

ne baju. ²⁸ Que baru corevarejaima na aipino ūmujurō jia ұrada ne yebai. Aru treinta y seis paimetros ūmujurō marejávū noi. Quíjino no yójiboi, corevarejaima cojedeca. Aru veintisiete paimetros ūmujurō marejávū noi. ²⁹ Que teni jidurejaima, “¿Jārajidica?” aivu ēcarui cūraboaque. Que baru ēmeóvarejaima yóvaicħvaiboa ducuriboa dicūre nūmene daiboare japuvainocapūravui jocarī. Aru, “Maumejiena miadáe tūjarōri”, arī jēniarejaima na. ³⁰ Dicūre memeipōeva dupini nūiyurejaima ña dicūre jocarī. Dicū quíjicū bħoimeare jodeni, dicūre ēmeóvari jia ұradai, borocurī “Apeboa ducuriboa epenanħivbu pūraboi”, arejaima na, borocurivu. ³¹ Ұbenita Pablo arejame churaravai jabocure aru churaravare máre:

—Ina dicūre memeipōeva ne nūru ji adocūre jocarī, mūjavacari yainájaramu, arejame náre Pablo.

³² Que baru apevu churarava burarejaima dimeáre, dicūre bħorī yuyaimeare. Aru dicū quíjicū tūrī jia ұradai, corī bijarejavū.

³³ Miadáe tūquiyé jipocai cāreja, Pablo āicōjenejame náre.

—Caride pħasumana vaiyede mħaja cārijivu, coreivu, ye āmevu āiyede. ³⁴ Que baru parħorreca jēniaivu mħajra. Ājara, parħburī tarājivu. Ārūjara. Caivu maya yaibénajaramu, arejame Pablo náre.

³⁵ Que arī, Pablo pāure jēni, Jūmenijicure torojuede jiniburu yóboi ne jāinoi, pāure cotħvarī, arejame û. ³⁶ Caivu ina īre āñure jāivvva, na máre ārejaima na. ³⁷ Aru caivu ñħaja dicūi curivu doscien-tos setenta y seis paivu baju barejacárā ñħaja. ³⁸ Que teni caivu yapiniburu yóboi, ñħuje āiyede pħixxiede, trigo āmicue oteiyede, jarħvarejaima dicūre jocarī jia ұradai, ducubecū darājivu dicūre.

Jiadocū ұracū coinō

³⁹ Miadáe tuiyede yo joborōre ye coreóvabedejaima ina dicūre memeipōeva. Ұbenita jārejaima tuipāvare ēpacū, cūraboa cūbenore. Que baru, “Tuijarājarevu noi”, arī dāpiarejaquemavu ne baju.

⁴⁰ Mamarħumre apevu burarejaima ducuriboa bħoimea máquede diboáre, dajocarājivu jia ұrada jīvui. Dinumħuma apevu duarejaima dicū jipocateivea bħoimeare, diveáre ēmeóvari jipocatena jīvū dicūre diveáque. No yóboi, jāmħo rejaima ұracaje ūmevu paċajede, eaiyuriduivu ēpacūi. ⁴¹ Ұbenita dicū pūrabo jia ұrada jīvui apecū ēpacū ұracū cħrejavū. Ñħuje jiadocū jārejavū ēpacūra. Aru pūrabo ēpacūi dorī jēnejavū. Pācaiboa parħiboa jāriyadedejavū pare ñħuje jiadocūre copovaiye japuvainore.

⁴² Que baru ina churarava boarī jarħvayiħidurejaima ina bħoimarare, ne tarī dupini nūmenajipe aivu.

⁴³ Ұbenita ñai churaravai jabocu meadaiyurejame Pablore. Que baru churaravare boarī jarħvaicōjemenejame û ina bħoimarare. Quénora ina tarī majidivare biarāri coicōjenejame jia ұradai mamarħumre, ne tarī nūrajiyeppe ayu ēcaruta. ⁴⁴ Aru ne yóboi nūicōjenejame apevure jorī jocħveai, dicū mácarō jarħvaiye. Que teni caivu ñħuje baju meadaivu, earejacarā joborōita.

Pablo үi cūrō Maltai

28 Ñħuje eaiyede mearava joborōi, nōcavu “Yo Malta āmicuri ħiavu”, coyurejaima ñħejare.

² Ina dijiávui curivu me jāri ñħejare, jacoħurejaima na. Ocarī buiyede cojedeca āmei jūjurejavū ñħejare. Que baru toabore dacuvacarejaima ñħejare.

³ Aru Pablo jevarī pecare cūinátoro

pecatorore, juarejame ditorore toaborā. Que teni cūinácu āda etarejame pecatorore jocarī, toajie boje. Cūri jēnejame Pabloi pūrui.⁴ Aru nōcavu ne jāiyede ñai āda jēñure Pabloi pūrui, arīdurejaima ne bajumia: “¿Boarī jaruvayu bárīca pōevare ñai ūmu? Dupini dacabe jia uradare jocarī. Ubenita Jūmenijicu apnicōjememi ūre. Que baru caride yaicúyume, ūi āmeina daiye boje”, ubenina arīdurejaima nōcavu.

⁵ Ubenita Pablo pūpeni ūi pūrure, jaruvārī dūvarejame ñai ādare toaboi. Aru ijibedejavu ūre. ⁶ Que baru ina pōeva arīdurejaima ne bajumia, “Coroquiyebu ūre”. Aru, “Yainí tāquijibi ū”, arīdurejaima na. Ubenita joe coreni jāiyede, ye ñājimenejame ū. Que baru ne dāpino oatuvārī, “¿Jūmenijicu bárīca ū?” arejaima na.

⁷ Aru cūinácu ūmu, ūi āmiá Publio, ūi curō joabeno cūrejavu ūjje maino mácarōi jia uradare jocarī. Nōcavu jabocu barejáme ū. Ñujare cuturejame ūi cūrami. Aru me copu etarejame ūjjeare noi. Yóbecurijāravu cūrejacarā ūque. Aru mearo dacarejame ūjjeare. ⁸ Publio pacu parayu ijimu, morejavu ūre. Aru codo yaiyá barejáme ū. Pablo jācūnurejame ūi yebai. Jēniari Jūmenijicuque ūre, tħouu ūi pūrūque, meadarejame ūre. ⁹ Apevu nōcavu ijimara jāpiaivu bá-cavu Publio pacu borore, darejaima ūjje yebai, Pablo ūi meadaquiyepa aivu nāre máre. Aru meadaimara marejáima na. ¹⁰ Jívū barejáima ūjjeare cūvede. Aru ūjje etarājiye jipocai, ūjje jiadocu jívui adarejaima caijē ūjjeare jauede.

Pablo ūi eaino Romai

¹¹ Cūinácu jiadocu ħracu, Alejandría āmicurii-marore jocarī daicu mácarō javaiyorejavu ħracorore dijiávuh tuipāvai. Dicu Cástor aru Pólux āmicuricu aru ina pūcarā jūmenijina

ne decova cūrejavu dicu pūraboi. Noi cūrivu bá-cavu yóbecurā aviáva baju jaturejacarā, nūrajivu dijiávure jocarī. ¹² Tuijarejacarā Siracusa āmicurii-maroi. Aru maute dejacarā noi yóbecurijāravu. ¹³ Etarī nore jocarī, nurejacarā ēcabo cūináturu pu Regio āmicurii-maroi. Cūinájāravu yóboi, ūmevu aviá daino cācopūravure jocarī japuri bárejavu. Que baru nurejacarā cojedeca. Pucajāravu yóboi, Puteoli āmicurii-maroi tuijarejacarā ūjja. ¹⁴ Apevu nōcavu Jesúre ju aipōevare copurejacarā noi. Cuturejaima ūjjeare:

—Cūinásumana mautejarā ūjjaque, arejaima na.

Que baru cūinásumana yóboi, etarejacarā nāre jocarī, nūrajivu Roma āmicurii-maroi. ¹⁵ Diñmarocavu Jesúre ju aipōeva jāpiaivu bá-cavu ūjje borore, jacoymārādarejaima ūjjeare Apio āmicurō cūve bojedaino āmicurii-maroi aru Yóbecurijāravu āmicurii-maroi máre. Pablo jānū nāre, torojurejame. Aru torojuede jídejame Jūmenijicu. ¹⁶ Ñuje eaiyede Roma āmicurii-maroi, apevu jabocu Pablore cūcōjenejame ūi cūrami baji cūinácuva. Ubenita cūinácu churaravacacħre jāri coreicōjenejame ūre cainumua, ūi dupini nūmequiyepa ayu.

**Pablo ūi coyuino Jesús ūi
yávaiye méne Romacavure**

*(Mt 13.14-15; Mr 4.12; Lc 8.10;
Jn 12.40; Hch 25.11)*

¹⁷ Yóbecurijāravu yóboi, Pablo óre-jarejamedu ūi yebai nōcavu judiovai jabovare. Cójijivu bá-cavure, Pablo are-jamedu nāre:

—Muja, jívū, yávacari āmeno ċabete-cacu judiovare. Aru āmeina yávabete-cacu majeñecuva mácavu ne darī cō-majiyede máre. Ubenita apevu maja-cavu bħoima yħre Jerusaléi. Aru jíma yħre bħoimpre Romacavu jabovare.

¹⁸ Ne jēniari jáiyede yure, ina Romacavu jabova jaetovaiyuteima yure. Ji borore “Nai ūmu ūi daiye boje boarí jaruvaiye jaubevu ūre”, aimana. ¹⁹ Ubenita ina judíova jorojini jū abeteima diede. Que baru jēniacacu yópe: “Nai jabocu ijāravucacu pueno baju parucu yebai nāquijivu”, acacu yu. Ubenita ye āmenore boro coyurí adabequijivu yu jīnchi borore. ²⁰ Que baru cutuivu mujare, jáiyuvu mujare, aru coyuiyuvu mujare máre. Buoimumu yu, maje coreiye boje Cristo meadachyure majaa Israecavure, arejamedá Pablo náre.

²¹ Aru arejaimada ūre:

—Ina Judeacavu toivabema paperayocare nūjare mi borore. Aru ina majacavu edaivu bácvu yui āmeina yávabema mure. ²² Ubenita majivu nūja īmaraoa coapa āmeina jáivure Jesúre jū aipōevare aru āmeina yávaivure iye bueiye mamaene. Que baru jápiayurivbu mi dápiainore diede, arejaimada Pablore.

²³ Que baru apejāravu, ne beoijāravu, obedivu ina judíova, Romacavu, nurejaimada Pabloi cūrami. Javejínare bári pu nainúta Pablo coyurejameda náre Jūmenijicu dāicōjeiyede ūi coyuiye báquede Moisés báçure. Coyurejameda náre ina Jūmenijicu yávaiyede coyacaipōeva mácavu ne toivaiye báquede máre. Jū are daiyurejameda náre Jesúre, Jūmenijicu daroimá máçure, aru Israecavu coreimá máçure máre. ²⁴ Apevu jū arejaimada ūi coyuiyede. Ubenita apevu jū abedejaimada diede. ²⁵ Que baru cūinaturu āmeni ne ūme, etarí bárejaimada ina judíova. Ubenita ne etarājiye jipocai, Pablo arejameda náre:

—Jāve Isaías bácu Espíritu Santoi yávaicōjeiyequ Jūmenijicu yávaiyede

coyucarejaquemavu majeñecuva mácavure Jūmenijicu yávaiyede:

²⁶ Nujacu ina pōevare ne yebai. Aru ajacu náre: “Jāve jápiariidurājaramu muja. Ubenita ye jápiari eabenajaramu. Jāve járidurājaramu muja. Ubenita ye jāri eabenajaramu. ²⁷ Muja coreóvaiyubevu, maje yávaiyede jāvene jápiari eaiyube boje. Muja jápiabevu, maje yávaiyede jāvene jápiaiyube boje. Muja bieivu maje yacoruare, maje jāvene jáiyube boje. Yure jāri coreivu baru yacoruaque, jū ajebu muja. Yure jápiari adaivu baru ūmeque, jū ajebu muja. Que daivure, meadajebu yu mujare”, arí toivaicōjenejaquemavu Jūmenijicu Isaías báçure, arejamedá Pablo náre.

²⁸ Aru cojedeca Pablo arejamedá náre:

—Jāve majiarā muja, judíova. Caride Jūmenijicu daroibi ūi yávaiye méne coyucapōevare, meadachyv u ina judíova āmevure ne āmeina teiyede jaruvvarí. Aru návacari jápiarājarama, arejamedá Pablo judíovare.

²⁹ Pablo ūi que aiyede, ina judíova etarejaimada, jorojini yávaivu ne bajumia.

³⁰ Pucajuua baju Pablo cūrejameda noi. Bojedarejameda ūi baju ūi cūramine noi. Aru torojuchu jacoyurejameda caivu ūre járadaiuvre. ³¹ Jidubecuva coyurejameda Jūmenijicu jaboteinoquede. Aru buedejameda maje jabocu Jesucristorā máre, jidubecuva. Aru nāme jecubedejaimada coyuyure aru bueyure máre. Quénoram.

Romanos

Mamabūinore coyuuyebu Pablo bácu ūi toivaicōjeiye báquede paperayocare Roma āmicuriūmarocavu Jesúre ju aipōevare. Pablo bácu judíovacacu bácuvacari, Jesús ūi yávaiye méne beorī coyuicōjeimu marejaquémavu, coyuusnuy ūi yávaiye méne judíova āmevure, judíova ne ju abe boje ūi coyuuyede. Lucas bácu coyurejaquemavu Pablo báchi borore Hch 7:57-8:1, 9:1-31, 13:1-28:31, aru ūi cude Roma āmicuriūmaroi Hch 28:14-31. Javede Pablo bácurē toivacaipōecu bácurē toivaicōjenejaquemavu pucayoca ūi paperayocare Tesalónica āmicuriūmarocavure, aru pucayoca ūi paperayocare Corinto āmicuriūmarocavure, aru ūi paperayocare Galacia āmicuriujoborōcavure máre, ūi toivaicōjequiye jipocai Tercio bácurē iyoca paperayocare Roma āmicuriūmarocavure (16:22). Pablo bácu coyurejaquemavu ūre toivacaipōecu bácurē aipe ūi toivacaquiyé báquede diyocare. Toivaicōjenejaquemavu diyocare āniūjua báquede 56-57 d.C., yóbesue ūi cucusnuyede, coyuusnuy Jesús ūi yávaiye méne. Majidivu ne dápiayele, curejaquemavu Grecia āmicuriujoborōi, Corinto āmicuriūmaroi, o apeno īmaro dijoborōcaīmaroi ūi toivaicōjeiyede diyocare.

Diyocaque Pablo bácu coyurejaquemavu caivu pōeva ne boropateiyede Jūmenijicu jāinore, Jesucristoi boropatebede Jūmenijicu jāinore, pōeva ne boropatebede Jūmenijicu jāinore ju aivu baru Jesucristore, aru Jesucristoi boropatebede daimarare daiye jaūrōre yópe Jūmenijicu үrōpe Espíritu Santoi cađateiyequ.

Pablo ūi meaicōjeino Romacavure (Mt 1:1; 12:23)

1 Yū, Pablo, toivaicōjeivu apecure iyoca paperayocare mūja Roma āmicuriūmarocavure. Jesucristore memecayubu yu. Jūmenijicu beorī epeibi yure Jesús ūi yávaiye méne beorī coyuicōjeimure, ji coyuquiyepo ayu ūi yávaiye méne, meadaiyede caivu pōevare.

2 Javede iye yávaiye méne Jūmenijicu, "Yópe jāve dacacuyumu yu pōevare", arejaquemavu. Aru toivaicōjenejaquemavu ina ūi yávaiyede coyucaipōeva mácavure diede, ūi yávaiyede. **3** Iye yávaiye méque Jūmenijicu coyuibí mamachí borore. Ūi mácu, nai cuse cainumua, pōetedejaquemavu ūmuvape ijāravui. Jūmenijicu mácu, maje jabocu Jesucristo, nai jabocu David báchi pāramecubé ū. Que baru Jesucristo pōecubé, ūi ūmuvape ārojae boje.

4 Ubenita Jūmenijicu jādovaimi parurōreca caivu pōevare maje jabocu Jesucristo mamacure. Jūmenijicu jādovarejaquemavu diede jāveneca ūi nacovaiye báquede Jesucristore yainore jaravarí. Que baru Jesucristo Jūmenijicu máchube, ūi ūmepo me cue boje. **5** Jūmenijicu Jesucristore epede daibi nūjare Jesús ūi yávaiye méne beorī coyuicōjeimarare, ūi mearo dacaiye boje bojecubeda, nūje coyurajiyepo ayu caino joborōcavure, ne ju arājiyepo ayu Jesús ūi yávaiye méne, ne darājiyepo ayu ūi үrōpe, apevu máre ne jinajiyepo ayu mearore ūre. **6** Aru mūja máre nácavubu. Jesucristo ūi beoimaratamu mūja. Ūjinamu mūja.

7 Caivu mūjare, Jūmenijicu ūmarare, Romacavure, Jūmenijicu beorejaquemavu mūjare ū jina márajivure. Majepacu Jūmenijicu, maje jabocu Jesu-

cristomaque, mearo dacajacurī mūjare bojecubeda ūi me boje. Aru torojurī cure dacajacurī mūjare cārijimevāva.

Pablo ūi jācūnuiyurō Romacavure

(Hch 19.21)

⁸ Mamarumure couyiuvu mūjare yópe: Caivu ijāravucavu jāpiaivabu mūje borore, mūje ju aiye boje Jesucristore. Que baru yu jíyubu torojhede Jūmenijichre nūje baju urōque mūje ju aiye boje ūre. Jesucristobe cadateni, “Pueno baju meacubu mū”, Jūmenijichre yure are dayu, obedivu pōeva ne jāpiaiye boje mūje ju aiyede Jesucristore. ⁹ Yu memecayubu Jūmenijichre ji ūmei ji bueiyede pōevare ūi yávaiye méne Jesucristorā. Cainumha ji couyiyede Jūmenijicque jēniacavayubu mūjare. Jūmenijicvacari majibi jāve ji couyiyede. ¹⁰ Javemiareca jācūnuiyuriduivu yu mūjare. Que baru jēniavayubu Jūmenijichre, ūi jāre dacunure daquiyepo ayu mūjare. Aru ūi uriburu, jācūnuchuyumu mūjare. ¹¹ Pare jāiyuvu mūjare, cādatecuyu mūjare yópe ūai Espíritu Santoi cādateiyepo yure, mūje pueno paruriūme cūvarājiyepo ayu mūje ju aiyede Jesúre. ¹² Yópe ayubu yu: Mūja māre yure cādatenajaramu. Aru mūjare māre yu cādatecuyumu. Aru cūinātura torojurivu cādatenajarevu maje bajumia.

¹³ Mūja, jívu, majijarā iyede: Obedinumha jācūnuiyuriducacu yu mūjare, bueschuyu mūjacavure māre, ne ju arājiyepo ayu Jesúre nōpe ji bueiyepedeca apenoa īmaroai apeyajuboacavure, ne ju arājiyepo ayu napedeca. Ubenita nūri bhojabevu yu mūje yebare cāreja. ¹⁴ Couyiye jaunu yure Jūmenijichre yávaiye méne caivu pōevare, ina yávaivure nūje yávaicamuare aru ina apemamuare yávaivure māre, aru majidi-

vure aru majibevure māre. ¹⁵ Que baru yúcapūravu hetubevu bueiyus iye yávaiye mēne mūjare, Romacavure, māre.

Pablo ūi couyino Jūmenijichre yávaiye me paruēde

(Mr 8.38; 1 Co 1.18; Gá 3.11; He 10.35)

¹⁶ Cuyebevu yu Jesús ūi yávaiye mēne couyu. Jāve majivu yu caivu pōeva ne jāpiaru diede, aru ne ju aru Jesúre, Jūmenijichre meadachyure nāre ūi paruēque. Mamarumure Jūmenijichre meadaiyurejaquemavu judiovare caivu jipocamia. Ubenita caride ū meadaiyubi judiova āmevure māre.

¹⁷ Jūmenijichre yávaiye méque coreóvaivubu aipe dāri Jūmenijichre “Boropatebevu mūja ji jāinore”, ūi aiyede majare. Jūmenijichre yópe dacalbi ina Jesúre ju aivure. Cūinājāravu ne jāpiaiyede ūi yávaiyede ju adama ūre. Aru no yóboi cajāravu jū adama ūre cainumha. Javede yópe arī, Jūmenijichre toivaičōjenejaquemavu ūi yávaiyede: “Ina Jūmenijichre boropatebede daimara mācavu ne ju aiye boje ūre, apurājivubu cainumha. Que baru coatede dabemara mārajivubu na Jūmenijichre jaruvarī”, toivaičōjenejaquemavu Jūmenijichre.

Pablo ūi couyino pōeva ne āmeina daiyede

(Ef 4.17-18)

¹⁸ Jūmenijichre cavarō mearocacu jorōjini jāimi pōevare ne puedabe boje ūre aru ne āmeina teiye boje apevque. Que baru Jūmenijichre ūjaine dāibi nāre ne ārūmetede daiye boje ne bajumia Jūmenijichre yávaiyede jāvene. ¹⁹ Pōeva coreóvarī bhojadama apejīnore aipe ārojachre Jūmenijichre. Ūvacari jādovaimi nāre aipe coreóvarī bhojarājivure aipe ārojachre ūre. Que teni cħedaibi nāre, ne coreóvarājiyepo ayu ūre. ²⁰ Jūmenijichre ūname bhojarī jāmema. Ubenita jāinomu ūi paruēde cūiméne. Que baru

Jūmenijicu caiyede cuedaijāravu bácarōmata pü caride máre, caivu pöeva coreóvarí buojadama aipe ārojacure Jūmenijicure aru ūi paruēde máre, ūi cuedaiye boje. Jūmenijicu daiye báquede jāri, caivu coreóvaivubu ūre. Que baru ūi pöevare nājine daiyede ūname “Jūmenijicure coreóvabeteacu yu” arī buojabenama na.

²¹ Pöeva coreóvadama ūnai Jūmenijicu parucu baju cūcure. Ubenita mearore jíbenama ūre püeno baju meacupe. Aru torojuede máre jíbenama ūre. “Meacubu mu”, aru “Meavu mi dacaiyede ūujare”, ye abenama ūre. Quénora ubenina däpiadama na. Aru jāpiarí coreóvabenama na. Aru āme matuie däpiadama na ārumevüpe. ²² “Me coreóvaivubu ūjja”, arīduyama na. Ubenita que aivuvacari ārumevüte tede ūñama na. ²³ Dajocadama na ne mearore jiyede Jūmenijicure, ūnai cainumua cūcure. Quénora mearore jiyama na pëpeimarare, ne püruáque daimara mácavüre, yópe yainájivüre majapedeca, apevu ūmuvape, aru apevu míjinape, apevu āimarape, aru apevu papeivüpe paivüre máre.

²⁴ Ne Jūmenijicure dajocaibe boje, Jūmenijicu máre dajocaibi náre, ne dārājiyepo ayu yópe ne āmeina daiyepo. Que teni pöeva cuyojarō vaiye báque boje ūrarō ijetede dadama na ne bajure. ²⁵ Ju aiyuabenama iye yávaiyede jāvene Jūmenijicurā. Quénora ju adama borocuēde. Mearore jiyama aru pueadama Jūmenijicu cuedaiye báquede. Ubenita Jūmenijicure, caiyede dayu báçure, pueadbeni mearore jíbenama na. Aru darí jādovamenama ne pueadaiyede ūre. Ubenita mearore jiyé jaunu Jūmenijicure caivu, aru cainumua. Quédocabu.

²⁶ Que baru Jūmenijicu dajocaibi náre, ne cūvarājiyepo ayu ne āmeina

daiyepo aru ne cuyojarōre máre dārājiyepo ayu. Que teni nomiva āmeina dadama ne bajure. Dajocarí ūmuvaque ne dājuroede, dadama ne bajumia apevu nomivaque. ²⁷ Aru ūmuvu máre nopedeca āmeina dadama ne bajure. Parurōreca ūma apevu ūmuvare. Dajocarí nomivaque ne dājuroede, dadama ne bajumia apevu ūmuvaque. Cuyojarō bajubu nópe ne daino. Que baru ijetede dadama na ne bajure, ne āmeina daiye boje.

²⁸ Pöeva majibenama Jūmenijicure. Ne Jūmenijicu yávaiyede jāvene coyuaiyede jāpiayube báque boje, Jūmenijicu dajocaibi náre, ne dārājiyepo ayu yópe ne āmeina püeno baju dare nuiye ūrōpe, āmeno vainájiyepo ayu. ²⁹ Quédato cainumua āmeina baju dadama na. Āmeina darí, apevüre máre dare daiyuma na. Jecuma na püeno ūrarō ne cuyaede. Āmeina däpiadama apevüre, daiyurivu náre āmenore. Jorojñama na. Pöevare boarí jaruvadama na. Jararí pare, dādamateiyüma na. Jujovalada na. Āmeina ārojama ne baju. Yávadama jāpiabenoi āmenore apevüi borore. ³⁰ Coyuyama āmenore caivu ne jāpiainoi apevüi borore. Āmeina jādama Jūmenijicure, aru Jūmenijicu máre náre āmeina jāimi. Ye baju āmema apevüre. Däpiadama ne baju “¿Meara mérica apevu püeno?” Aru, “Mearatamu ūjja apevu püeno”, adama na. Mamae āmeina teiyede cuedadama na. Ju abenama nēbucuvaré. ³¹ Jāpiarí majibenama na. Dabenama nópe “Dārājivu”, ne aiye báquepe. Apevüre jāiyubenama na, aru nēvu bajure, ne cūramicavüre máre ubema na. Apevu ne āmeina daiyede náre, püeno bajura darí ārumeiteiyubenama na. Aru apevüre máre cōmaje āroje jāiyubenama na. ³² Majima me bajureca Jūmenijicu ūjicōjeñure ūi daicōjeiyeque caivu

yópe āmeina dāivure. Coavachyume náre ūre jarūvarī, ne āmeina teiye boje. Ubenita pueno urarō dāre nūñama na. Aru torojurivu me jādama apevū āmeina teivure nápe āmeina dāivure. Aru, “Me dādama”, adama na ne borore.

Jāmenijicu ūi coyuino pōevare ne dāiye mēne o āmene

(Mt 7.1; 16.27; Lc 6.37; 2 Ti 4.14)

2 Mu ayu baru apevū ne borore, “Nájiye jaunvū náre ne āmeina teiye boje”, arī bhojabevu “Āmeina dābevu yu. Que baru nájiye jaubevu yure”. Mi coreóvaiyede apevū ne āmeina teiyede, mu máre pōec̄recabu. Que baru napedeca āmeina dāyabu mu. Que baru “Apevure nájiye jaunvū” mi aru, “Yure máre nájiye jaunvū”, ainopebu no. ²Majivu maja jāveque Jāmenijicu nájine dāyure caivu ina nōpe āmeina dāivure. ³Jāmenijicu aru apevure “Nájinajaramu mūja mūja āmeina teiye boje”, dāpiabejacu mu, pōec̄pe, mi nápe cūināturu teiyede Jāmenijicu abechyure mure máre, “Nájichyumu mu mi āmeina teiye boje”. Nópe jāve acchuyume mure. Aru, “¿Nájimec̄va vaiquídica?” arī dāpiabejacu mu, mi āmeina teiye boje. Jāmenijicu jāve nájine dāchuyume mure máre. ⁴Puedabecupe tebejacu mu Jāmenijicure, ūi pare mearo cūiméno boje. Jāmenijicu cōmajé aroje jāimi mure. Duibajiena napini coreibi mure. Coreóvajacu mu jāve Jāmenijicu meachure māque, ūi ue boje mi jarūvaquiyede mi āmeina teiyede. Mi oatuvaiye boje, mearo dācacchuyume mure. ⁵Ubenita mi āmeūme boje, āmepedabu mu. Dāiyubevu mu yópe Jāmenijicu ūrōpe. Ūre jāpiaiyubevu aru mi daiyede máre oatuvaiyubevu mu. Que teni pueno āmeno baju dāyabu mu mi pueno urarō baju nájiquiyede

Jāmenijicu nájiovaquijāravu baquinói pōevare, ne āmeina teiye boje. Dijāravu baquinói caivu pōevare Jāmenijicu jāchuyume cūināturu. Aru jorojīni jāri, nájine dāchuyume náre, ne āmeina teiye boje. ⁶Dijāravu baquinói Jāmenijicu bojedachuyume caivu pōevare náre coapa yópe ne dāiye báquepedeca ijāravure.

⁷Pōeva cainumha mearo dāivu baru apevure, aru urivu baru Jāmenijicu dāquiyepo aivu náre meara baju yópe ūi ūrōpe, aru urivu baru Jāmenijicu coyuquiyepo aivu náre “Mearo dāivubu mūja” ainore máre, aru urivu baru Jāmenijicu apure dāquiyepo aivu náre cainumha, ne coatebenajiyepo ayu ūre jarūvarī, nárecabu Jāmenijicu cūre dāquimara jāravu cūiméjāravu baquinóre ūque. ⁸Ubenita pōeva ne ūrōpe cainumha dāivu baru Jāmenijicu ūrō pueno, aru dāpiabevu baru Jāmenijicure, jāpiaiyubevu baru ūi yávaiyede jāvene, aru ju abevu baru ūre, quēda dāivu baru āmenore cainumha, āmeina dārājivu, nárecabu Jāmenijicu jorojīni nájine dāquimara pare. ⁹Caivu ina pōeva āmeina dāivu nájinajarama aru chīorajarama, judíova mamarumure caivu jipocamia, aru judíova āmevū máre. ¹⁰Ubenita caivu ina pōeva mearare, Jāmenijicu dāchuyume náre coapa meara baju yópe ūi ūrōpe. Aru coychuyume náre, “Mearo dāivubu mūja”. Aru cārijimevūva me cūre dāchuyume náre máre, judíovare mamarumure caivu jipocamia, aru judíova āmevure máre.

¹¹Que baru Jāmenijicu jāimi cūināturu caivu pōevare. ¹²Judíova āmevū, cūvabevu Jāmenijicu dāicōjeiyede ūi coyuhiye báquede Moisés bácre, bíjarājarama na coapa ne āmeina teiye boje, die dāicōjeiyede majibevuva. Que teni nácapūravu coatede daimara

márajivubu Jümenijichre jaruvarí, ne ámeina teiye boje. Ubenita judíovare, cavarivare Jümenijichi daicójeiyede ui coyu^uye báquede Moisés bácre, Jümenijich nájine dacuyu^ume náre coapa ne ámeina teiye boje, ne dabe boje yópe iye daicójeiye coyu^uyepe. Que teni nácapúravu máre coatede daimara márajivubu Jümenijichre jaruvarí, ne ámeina teiye boje.¹³ Jümenijich abebi “Boropatebevu^u muja ji jainore”, ina ui daicójeiye báquede coyu^uyepe jápiaiu^u bácavureca dabevuva yópe ui daicójeiye báquepe. Quénora Jümenijich ajebu “Boropatebevu^u muja ji jainore”, caivu inare yópe ui daicójeiye báquepe dajurorivure.

¹⁴ Ina judíova ámevu^u cuvabema Jümenijichi daicójeiye ui coyu^uye báquede Moisés bácre. Ubenita apenumu^u dadama na yópe Jümenijich daicójeiye báquepe, Jümenijich cuedaiye báque boje náre ne mearo dapiaiyeque. Que dárí jádovadama na ne coreóvaiyede ne ümei mearore Jümenijich jáiyede aru ámenore máre, cuvabevuvacari iye Jümenijich daicójeiyede ui coyu^uye báquede Moisés bácre. ¹⁵ Ne daiyeque jádovadama na ne coreóvaiyede ne ümei aipe árojaene Jümenijich daicójeiyede ui coyu^uye báquede Moisés bácre. Apenumu^u “Boropatebevu^u yu” aru apenumu^u “Boropateivu yu”, ne arí dapiaiyeque jádovadama na ne jáve coreóvaiyede diede. Aru ne dapiaiyeque máre jádovadama na diede. Que baru apenumu^u arí dapiadama ne baju “Mearore dayubu yu”, aru apenumu^u “Ámenore dayubu yu”, arí dapiadama na.

¹⁶ Que teni iye Jümenijich bojedaiye pöevare ne daiye báque boje vaiquíyebu yópe ji yávaiye méne coyu^uyepe Jümenijich nájiovaquijárvu baquinói pöevare, ne ámeina teiye boje. Dijárvu

baquinói Jümenijich Jesucristore nájine daicójechuyu^ume pöevare, ne yaveni ámeina dápiaiye boje aru ne yaveni ámeina daiye báque boje máre. Nopedeca coyu^ubu yu Jümenijich yávaiye méne.

Judíova ne daiyuro yópe Jümenijich daicójeiyede ui coyu^uye báquepe Moisés bácre

¹⁷ Mujacapúravu adavu “Judíovabu nuja”. Aru, “Jümenijich mearo dacacuyu^ube nujare, nuje cuvae boje ui daicójeiyede ui coyu^uye báquede Moisés bácre”, arí dápiauda vu muja. Aru coyuuavu muja apevure, “Nujarecabu Jümenijich jina. Úi beoimaratamu nuja”. ¹⁸ Aru adavu muja, “Majidivubu Jümenijich urore nuje darajinore”. Aru adavu muja yópe: “Majidivubu mearore aru ámenore máre pöeva ne darajinore. Que baru beo^uye jauvu náre mearo bajure. Diede majidivubu, nuje bueiye boje Jümenijich daicójeiyede ui coyu^uye báquede Moisés bácre”, arí dápiauda vu muja. ¹⁹ Muja bueni bhojariduyavu bueiyede jávene ina majibevure, yópe nai jánu nuvaiyepe jári eabevure. Yópe arí, coyuuavu muja: “Apevure, majibevure, me majide daivubu nuja. Náre bueivubu ne coreóvabede, ne jári eabevu^upe mautebenajiyepa aivu”. Aru muja cadateni bhojariduyavu ina mearore coreóvabevure, ne coreóvarajiyepa aivu diede, nöpe nai pëoinore cuvacu^u cadateiyepa némoini curivure. Yópe arí, coyuuavu muja: “Apevure coreóvabevure me cadateivubu nuja. Náre cadateivubu ne némoini curivu^upe mautebenajiyepa aivu”. ²⁰ Aru muja adavu yópe: “Nuja bueivubu ina majiéde eabevure, ne mearore majinajiyepa aivu. Aru bueivubu ina majibevure máre, ne coreóvarajiyepa aivu”, adavu muja.

Muja arī dāpiadavū muje cūvae boje Jūmenijicui daicōjeiyede ūi coyuīye báquede Moisés bácre me majidivū caiyede aru caiye muje majiéde jāvene.

²¹ ¿Muja bueivū apevūre, aipe teni dabevūrū muja yópe muje bueiyepē? Muja "Navamejara" aivūvacari apevūre, muja máre ñavadavū muja. ²² Muja "Dabejarā āmeina mujemarebucuvare jaruvarī" aivūvacari apevūre, muja máre dadavū āmeina mujemarebucuvare jaruvarī. Muja ubevūvacari pēpeimarare, muja máre puedabenamu Jūmenijicure aru ū jiede máre. ²³ "Ñuja judíova mearamu apevū pueno, ūmuje cūvae boje Jūmenijicui daicōjeiyede ūi coyuīye báquede Moisés bácre", adavū muja. Ubenita nōpe aivūvacari puedabevū āmeina yávadavū muja Jūmenijicure, ju abevū ūi daicōjeiyede. ²⁴ Javede yópe arī, Jāmenijicu toivaicōjenejaquemavū ūi yávaiyede: "Ina pōeva judíova āmevū āmeina yávadama Jūmenijicure, muje āmeina dārī jādovaiye boje", arī toivaicōjenejaquemavū.

²⁵ Muje ju aru Jūmenijicui daicōjeiyede ūi coyuīye báquede Moisés bácre, cadateivū mujare muje ūmuva cajede buraicōjeiye, muje majinajiyepē aivū muja Jūmenijicui jinare. Ubenita muje ju abedu iye Jūmenijicui daicōjeiyede báquede, ye cadatebevu mujare iye cajede buraicōjeiye. ²⁶ Ina judíova āmevū buraicōjemema ne cajede. Ubenita ne dare yópe Jūmenijicui daicōjeiyede ūi coyuīye báquepe Moisés bácre, majibevūva diede, Jūmenijicu jāve jāimi náre cūinátarū ūi jāiyepē muja judíovare, muje cajede buraicōjeivūpedeca. ²⁷ Mujacapūravū cūvarivūbu iye Jūmenijicui daicōjeiyede ūi coyuīye báquede Moisés bácre, aru buraicōjeivūbu máre muje cajede. Ubenita ye dabevu muja yópe Jūmenijicui daicōjeiyepē. Quénora ju abevū diede. Que baru apevū, judíova

āmevū, ne cajede buraicōjemevūreca, ne daiyede yópe Jūmenijicui daicōjeiyede ūi coyuīye báquepe Moisés bácre, ne boro coyurū adaimara mārajivūbu muja, judíova, Jūmenijicui ñájine dārājiyepē aivū mujare, muje ju abe boje die daicōjeiyede.

²⁸ Ina pōeva aivū baru "Yábu judíovacacū, mearore jíyū Jūmenijicure", caivū ina judíova baju āmema na. Aru ina ne cajede buraicōjeivū, Jūmenijicu jina tenajiye boje, caivū ina máre judíova baju āmeni, Jūmenijicu jina āmema na. ²⁹ Ubenita ina pōeva mearore jíyū Jūmenijicure judíova bajupe ju adama Jūmenijicure ne ūmei. Ina pōeva Jūmenijicui daicōjeiyepē buraicōjeivū ne cajede, caivū ina judíova baju āmema na. Ubenita ina pōevare Jūmenijicu Espíritu oatuvacayūbe ne ūmene, dachuyū náre Jūmenijicu jinava. Nárecabu judíova baju. Que baru nárecabu mearore bhojarī jíyū Jūmenijicure jāve, ūi cadateiyepē boje. Ne baju dāiyeque bhojabema jíyū mearore Jūmenijicure.

3 ¹⁻² Aru apecu ūi aru yure: "Caivū majidivūbu ina judíovare Jūmenijicui beoimara mācavūre. ¿Mi dāpiaru, ina judíova meari apevū pueno aru ne cajede buraicōjeiyede cadatebedi náre?" yópe arī, coyujebu yu: "Jūju. Yópe ayubuicu yu. Pōecu judíovacacū baru, pare meavū ūre. Aru cajede buraicōjeiyepē pare cadateivū judíovare, ne nōpe jādovaiye boje Jūmenijicu jinare. Mamaramure Jūmenijicu jídejaquemavū judíovare ūi yávaiyede, maje ju arī, aru bueni apevūre, meadarī corenajiyepē ayu diede". Que ajebu yu. ³⁻⁴ Ubenita apecu ūi aru yure: "Apevū judíova ju abema Jūmenijicui yávaiyede. ¿Ne ju abe boje, dābecchuyuba Jūmenijicu nōpe ūi aiye báquepedeca?" yópe arī, coyujebu yu: "¡Bi, ye que āmevū! ¡Aipinūmu vaibéjarōri nōpe! Jūmenijicu jāve dachuyūme yópe ūi aiye báquepedeca.

Caivu põeva ne borocuru, Jümenijicu-capûravu cainumua borocubeche û". Javede yópe arí, toivaicôjenejaquemavu Jümenijicu ûi yávaiyede:

Mi ñájine daiyede yure ji ju abe boje mure, apevu jâivu aipe ðarí ñájine ðayure yure, puedarí mure arâjarama na mi borore: "Daibi yópe ûi aiye báquepedeca majare. Borocuch âmemi û", arí toivaicôjenejaquemavu.

⁵ Aru apecu ûi aru yure: "Maja judíova maje ðabede yópe Jümenijicu ðaicôjeiye báquepe majare, jâdovaivubu Jümenijicucapûravu pueno meacu bajure ûi jâve daiyede yópe ûi aiye báquepedeca cainumua, mearo ðayure põeva ne mearo ðabede", aipe aji yu? Aji yópe apevu põeva ne aiyepe, "Jümenijicucapûravu jorojíni jâri, ñájine ðayu baru majare, judíovare, ûi ñájiovaquijâravu baquinói põevare, ne âmeina teiye boje, âmenore ðayu bájebu û"? ⁶ Bi, ye que âmevu? ¡Aipinumu vaibéjarõri nôpe! Jâve maru no, Jümenijicu ye ñájine ðarí bhojabejebu ijâravucacre cûinâcra yópe ûi âmeina teiyepedeca. ⁷ Cûinâcu põecu ûi jînoque mearore pêpeimarare ûi coreóvare ðaru põevare ûrarõ baju Jümenijicu meacre caivu pueno, jâve Jümenijicu ñájine ðacuyum ere, ûi que daiye boje. ⁸ Que baru maje âmeina daiyede maje coreóvare ðaru Jümenijicu pueno meacu bajure, apevu põeva yópe adama: "Âmeina ðarâjarevu, Jümenijicu ûi jâdovaquiyepo aivu majare meacu bajure caivu pueno", adama na. Apevu põeva boro coyuri ðadarûduyama yure, ji nôpe aiye boje. Que aivu, borocum yure. Jümenijicu ñájine ðacuyum ina borocurivre yópe nâre ñájine daiye jauépe, ne que aiye báque boje.

Caivu põeva maje boropateino maje âmeina teiye boje

(Gá 2.16)

⁹ ¿Mearama maja judíova apevu pueno Jümenijicu jâinore? ¡Que âmevu! Jave jâri coreóvaivubu judíovare aru judíova âmevure máre, caivu cûinâturu âmeina teivure. Caivu ijâravucavu maje âmeina daiyue boje cõjeimarape curivubu. ¹⁰ Yópe arí javede Jümenijicu toivaicôjenejaquemavu ûi yávaiyede:

Põecu cûbebi meacu Jümenijicu jâinore. Ye cûinâcu páyu cûbebi.

¹¹ Caivu põeva coreóvabenama mearore. Aru caivu põeva Jümenijicu jina máre teiyubbenama.

¹² Caivu põeva dajocadama Jümenijicure, ãrumetedama ûre. Mamatedama caivu cûinâturu. Ye cõmajе ãroje jâmeni apevure cadatebenama nâre. Nâme ðabenama mearore. Ye cûinâcu páyu cûbebi.

¹³ Ne jijecamu yópe põetõcu voitõcupebu. Que baru ne yávaiyeque jorojine ðadama Jümenijicure. Borocurivu yávadama apevure, jujovarâjivu. Ne yávaiye yópe ãdai jîmape paiyebu. Que baru ne yávaiyeque âmetede ðadama apevure.

¹⁴ Âmeina ðarí yávadama apevure, ijivu ne yávaiye. ¹⁵ Que baru cãrijiñama boarí jaruvaiyurivu põevare. ¹⁶ Ári ne nhinoi ñájine ðadama põevare, aru mamatede ðadama, aru chõore ðadama nâre. ¹⁷ Torojure ðabeni aru cãrijine ðadama põevare.

¹⁸ Ye cûinâjino quijinoreca puedabenama Jümenijicure máre, arí toivaicôjenejaquemavu. ¹⁹ Majidivubu maja caiye iye Jümenijicu ðaicôjeiyede ûi coyure báquede Moisés bâcre toivacaino mácarõre caivu maja judíovare,

maje majinajiyepē ayu majare máre āmeina teivure. Caivu bi arājarama Jūmenijicui jāinoi ūi nājiovaquijāravu baquinói pōevare, ne majié boje nājiye jaūrōre náre, ne dabe báque boje yópe Jūmenijicui daicōjeiye báquepe. ²⁰Iye daicōjeiyeque nāme boropatebema Jūmenijicui jāinore. Quénora iye daicōjeiyeque pōeva coreóvaivubu caivure āmena matuuyede.

**Jūmenijicu ūi jāino
pōevare boropatebevure
ne ju aiyede Jesucristore**

(Gá 2.16; 3.20)

²¹ Ubenita caride Jūmenijicu coreóvare daibi majare aipe darī coyuři bhojayure pōevare “Boropatebevu maja ji jāinore”, Jesucristoi daiye báque boje. Aru yópe dacaibi majare ūi daicōjeiye báquede dābecuva. Ubenita Jūmenijicui daicōjeiyede ūi coyuřiye báquede Moisés báchure aru ina Jūmenijicui yávaiyede coyuřaipōeva mácavu ne toivaiye báquede máre javede coyuřejaquemavu aipe dācuyure Jūmenijicui diede. ²²Jūmenijicu coyuři pōevare “Boropatebevu maja ji jāinore”, ne ju aiyede Jesucristore. Caivu pōeva cūinárturātam. Que baru Jūmenijicu nōpe coyuři caivure Jesucristore ju aivure.

²³Maja caivu pōeva āmene daivubu maja. Que baru nōpe daivure Jūmenijicu “Boropatebevu maja”, abecube majare, maje dabe boje yópe ūi urōpe. ²⁴Ubenita Jūmenijicurecabe pueno meacu baju. Que baru jíyube mearore bojecubeda. Que teni coyuři “Boropatebevu maja ji jāinore” caivu majare, maje Jesucristore ju aiyede. Nōpe bojecubeno darī, Jesús nājine dābede daibi majare, maje āmeina teiye boje yópe pōecu ūi yebacacure bojedari ūyepē, ūi dajocaquiyepē ayu ūi memeino āmeno baju bácarōre.

²⁵Jūmenijicu jorojīni jāimi maje āmeina teiyede. Que baru dajocacuyu ūi jorojīyede, darorejaquemavu Jesucristore, ūi nājiquiyepē ayu pōeva ne āmeina teiye boje. Que baru Jesucristo yaidéjaquemavu maje yaijuroede. Que teni ūi jiveque bojedarejaquemavu pōevare ne āmeina teiyede. Jesús ūi yaiye báque boje, Jūmenijicu capūravu ārūmeteibi maje āmeina teiyede caivu maja Jesucristore ju aivure. Jūmenijicu yópe vaidé darejaquemavu, jádovachuyu aipe darī coyuři bhojayu pōevare “Boropatebevu maja ji jāinore”.

Jipocamia Jūmenijicu majidejaquemavu darocuyu Jesucristore, ūi bojedaquiyepē ayu pōeva ne āmeina teiyede. Que baru Jūmenijicu napinejaquemavu pōeva ne āmeina daiyede. Yópe nājine dābecuhyu pōeva ne āmeina teiyede. ²⁶Ubenita caride Jūmenijicu quēda vaibébi pōeva ne āmeina teiyede. Quénora āmeina teiyede bojedaibi ū, jádovachuyu pōevare boropatebevure ūi jāinoi. Que teni Jūmenijicu coreóvare daibi ūi daino pueno mearo bajure, “Boropatebevu” ayu caivu Jesucristore ju aivure.

²⁷Caride “Boropatebevu maja”, arī majidi maja, maje dāpiaru? Nōpe arī majibevu maja. ¿Aipe teni diede nōpe arī majibedi maja? ¿Jūmenijicui daicōjeiyepē darī cōmajidu, “Boropatebevu” abecuhyu Jūmenijicu majare? ¡Que āmevu! Maja darī bhojabevu yópe caiye Jūmenijicui daicōjeiyepē cainumua. Ubenita pōecu ūi ju aru Jesucristore, Jūmenijicu vacari boropatebede dācuyume ūre ūi jāinoi. ²⁸Pōecu cūbebi Jūmenijicu “Boropatebevubu mā” ūi aimu, Jūmenijicui daicōjeiyede daiye boje. Quénora caivu pōeva ju aivure Jesucristore, “Boropatebevu maja ji

jáinore” aibi Jūmenijicu. Que baru ácu pōecu cübebi “Meacütamu yu” ayu.

²⁹ ¿Dápiavurū mija Jūmenijicu ucure judíova quévura ū jinava? Jāve āmevu no. Jūmenijicu ubi judíovare aru judíova āmevu máre ū jinava. ³⁰ Cūinácurabe Jūmenijicu. Que baru Jūmenijicu coyuibi judíovare “Boropatebevu mija ji jáinore”, maje ju aiyede Jesucristore. Aru quédeca coyuibi judíova āmevu máre “Boropatebevu mija ji jáinore”, ne ju aiyede Jesucristore. Que teni Jūmenijicu recabé coyuuyu caivu majare “Boropatebevu mija”, maje ju aiyede ūre. ³¹ Dinumu, ¿coyuivu ba maja pōevare ne dajocarājiyepe aivu Jūmenijicu daicōjeiyede ūi coyuaye báquede Moisés bácur, Jūmenijicu coyuaye boje maja boropatebevure maje ju aiyede Jesucristore? ¡Bi, ye que āmevu! ¡Aipinumu vaibéjaróri nópe! Quénora caride maje ju aiye boje Jesucristore pueno baju daiyurivubu maja yópe Jūmenijicu daicōjeiyede báquepe.

Abraham máchi darí jáðovaino mácaro

(Gá 3.6)

4 Caride mājare coyuquijivu yu aipe Jūmenijicu daiye báquede javede maja judíova majeñecu mácur, ūi āmiá Abraham. ² Jūmenijicu ūi coyuuru Abraham mácur, “Boropatebecubu mu ji jáinore”, ū máchi mearo daiye báque boje, Abraham máchucapúravu coyuuyu bhojajebu, “Yúvacari mearo daivu ji bajuma”. Úbenita nāme nópe arí bhojabema Jūmenijicu jáinore. ³ Aru yópe arí, Jūmenijicu toivaicōjenejaquemavu ūi yávaiyede: “Abraham ju arejaquemavu Jūmenijicu. Que baru Jūmenijicu coyurejaquemavu ūre, ‘Boropatebecubu mu ji jáinore’, ūi

ju aiye báque boje Jūmenijicu”, arí toivaicōjenejaquemavu.

⁴ Nai jabocu ūi bojedaiyede ūre memecaipōecure ūi memecaiye boje, pōecu cübebi “Bojecubeda jínomu no” ayu. Quénora caivu majidivubu bojedaiye jaurōre nai memecaipōecure. ⁵ Úbenita ina pōeva eaiyubevure boropatebenore Jūmenijicu jáinore ne mearo daiyeque, “Boropatebevu mija”, arí coyuusnyme Jūmenijicu nājare, nāje daiye boje”, arí dápiabenama na. Quénora “Nāja ju aivubu Jūmenijicu, nai coyuuyu pōeva boropatebevure ne ju aiyede ūre”, arí dápiadama. Pōeva nópe dápiavu, ye ne dabeledeca mearore, Jūmenijicucapúravu, pōevare ucu, coyuibi “Boropatebevu mija ji jáinore”, ne ju aiyede ūre.

⁶ Nopedeca David bácu arí toivarejaquemavu nai pōecure Jūmenijicu torojure dainore dabecureca mearore Jūmenijicu “Boropatebecubu mu ji jáinore”, ūi ainore. Yópe arí, Jūmenijicu David bácur toivaicōjenejaquemavu ūi yávaiyede:

⁷ Ina jāve torojurivure, náreca Jūmenijicu árumeteibi caiye ne ju abe báquede ūi daicōjeiyep, aru jāmemi ne āmeina teiyede máre. ⁸ Aru nai jāve torojurivure, ūreca Jūmenijicu ūi āmeina teiyede coyuři nājine dabecube, arí toivarejaquemavu David bácu.

Que arí, “Jūmenijicu nājine dabecuyume náre ne āmeina teiyebóje”, aiyurómu.

⁹ ¿Aru judíova cūinávuba torojurivu bhojaidi yópe iye David báchi coyuaye báquepe? ¡Que āmevu! Judíova āmevu máre nopedeca jāve torojuri bhojadama na. Dápiajarā cojedeca Abraham mácur. Jave coyuivu yu mājare iye Jūmenijicu toivaicōjeiyede báquede ūi yávaiyede: “Abraham ju arejaquemavu Jūmenijicu. Que baru Jūmenijicu

coyurejaquemavu ūre, ‘Boropatebecubu mu ji jāinore’. ¹⁰ ¿Aipiyede nōpe yávarejaquemari Jūmenijicu Abraham mácure? ¿Jave buraicōjenejaquemari Abraham mách ūi cajede dinumture? Bi, ū mách buraicōjemenejaquemavu ūi cajede cāreja. Jūmenijicu nōpe yávarejaquemavu ūi mácure ūi cajede buraicōjequiye jipocamia. ¹¹ Que baru Jūmenijicu nōpe yávariburu yóboi, Abraham mách buraicōjenejaquemavu ūi baju dicajede. Aru ūi yópe buraicōjeiye báque jádovaiye barejaquémavu ūre, ūi majiquiyepe ayu ū mách Jūmenijicui coyuimu mách boropatebecure ūi jāinoi, Abraham mách ūi aiye boje Jūmenijicure.

Que teni caivu ne cajede buraicōjemevhva ju aivure Jūmenijicure, ūi coyuquiyepo aivu náre boropatebevure ūi jāinoi, Jūmenijicu Abraham mácure tede darejaquemavu néñecupe páyu. ¹² Aru ū mách máre majeñecu mách barejaquémavu maya cajede buraicōjeivu bácvavu ju aivure Jūmenijicure. Ubenita majeñecu mách ámenejaquemavu, maye cajede buraicōjeiye báque boje. Quénora majeñecu mách barejaquémavu maye ju aiye boje Jūmenijicure, nopedeca majeñecu mách Abraham mách ūi cuperedeca ju ayu Jūmenijicure ūi cajede buraicōjequiye jipocamia.

Boropatebeno Jūmenijicu “Yópe dacacuyumu mure”, ūi aino mácarō Abraham mácure

(Gá 3.7, 18, 29)

¹³ Javede Jūmenijicu arejaquemavu Abraham mácure yópe: “Mure aru mipáramena márajivure mearo dacacuyumu yu. Mipáramena márajivure jíchyumu yu ijāravure, ne cūvarājiyepe ayu caivu ijāravucavure”, arejaquemavu Jūmenijicu Abraham mácure. Ubenita Jūmenijicu

yópe abedejaquemavu Abraham mách ūi daiye báque boje, yópe ūi daicōjeiyede ūi coyuie báquepe Moisés bácre. Quénora Jūmenijicu yópe arejaquemavu Abraham mách ūi aiye báquede ūre, coyusuyu ūi mácure “Boropatebecubu mu ji jāinore”. Que teni Jūmenijicu mearo dacacuyu barejaquémavu ūi mácure aru caivu apevure máre ūre ūi aivure. ¹⁴ Ubenita Jūmenijicui jídu ijāravure ina ūi daicōjeiyede ūi coyuie báquede Moisés bácre cūvarivure, ne cūvarājiyepe ayu diede, ye baju ámejebu pōeva ne ūi aiye Jūmenijicure aru ye baju ámejebu Jūmenijicu “Yópe mearo dacacuyumu”, ūi aiye báque máre. ¹⁵ Jūmenijicui daicōjeiye ūi coyuie báqueque Moisés bácre coyubedejaquemavu “Yópe mearo dacacuyumu”, ūi aiye báquede. Jūmenijicui daicōjeiye ūi coyuie báqueque Moisés bácre jorojini jári, nájine dayube pōevare, ne vainí turí daiye boje diede. Ubenita Jūmenijicui daicōjeiye ūi coyuie báque Moisés bácre cūbedu, iyede vainí turí daiye máre cūbejebu.

¹⁶ Abraham mách ūi aiye báquede Jūmenijicure, Jūmenijicu arejaquemavu ūi mácure, “Boropatebecubu mu ji jāinore”. Que teni jádovarejaquemavu “Yópe mearo dacacuyumu”, ūi aiye báquede, mearo dacaiye bojecubede jāve, caivu Abraham mách pāramena márajivure. Jūmenijicu nōpe darejaquemavu ūi meacu baju boje. Aru Jūmenijicu jāve dacayume yópe ūi aiye báquepedeca. Abraham mách pāramena márajivubu Jūmenijicui daicōjeiyede ūi coyuie báquede Moisés bácre dabevu. Quénora Abraham mách pāramena márajivubu ju aivu Jūmenijicure, yópe Abraham mách ūi aiye báquepedeca ūre. Que baru pōeva Jūmenijicui daicōjeiyede cūvarivure aru pōeva diede cūvabevure máre,

caivu maju Jūmenijicure ju aivure, majeñecu máchpe páyu barejaquémavu Abraham mácu.¹⁷ Yópe arī, Jūmenijicu toivaicōjenejaquemavu apecure ūi yávaiyede: “Yu obediyajuboacavu néñecu machuyre dacuymu yu mure”, arejaquemavu Jūmenijicu Abraham mácure. Que baru Jūmenijicui nópe aiye boje, ñai Abraham mácu ju aimu “Yópe dacachuymu”, ūi aino mácarō bojecurótamu. Jūmenijicu nacovaimi yaivu bácvure yainore jaruvarti, ne apurājiyepo ayu cojedeca. Aru Jūmenijicu cuedaibi ūi daicōjeiyeque no jipocai cübe báquede.

¹⁸ Nópe pöeva ne dápiaiyepo, Jūmenijicui aiye báque Abraham máchre ye bhojabequiye barejaquémavu. Ubenita Abraham mácucapúravu ju arī Jūmenijicure napini coredejaquemavu. Que teni obediyajuboacavu néñecu máchpe páyu bhojarejaquemavu ūi mácu. Jūmenijicu, yópe arī, toivaicōjenejaquemavu apecure ūi yávaiyede: “Obedivu tenajarama na mipáramena mára-jivu”, arejaquemavu Jūmenijicu Abraham mácure.

¹⁹ Dinumu Abraham mácu pare buecuchu barejaquémavu. Quíjino bajura jaurejavuya cien paíjua ūi chuaquino. Aru ūi juedocuvajhorore juedochavarí bhojabecu ūi baju yaiyú bácu bajupe cuvarejaquemavu Abraham mácu. Aru jímarepacu báco, Sara báco, máre buecoco barejaquémavu. Que baru juedoearí bhojabedejaquemavu ó máco. Ubenita Jūmenijicure ūi ju aiye parabetebedejaquemavu. Quéda cainumha ju arejaquemavu Jūmenijicure. ²⁰ Abraham mácu dajocabedejaquemavu cainumha ūi ju aiye Jūmenijicure. Ye “Úi aiye báquepe yure Jūmenijicu darí bhojabecube”, arī dapiabedejaquemavu ūi mácu. Quénora ūi ju aiye boje Jūmenijicure, parucu darejaquemavu

ūi máchre, ūi juedocuvaquiyepo ayu. Aru parucu teni ūi úmei cainumha, “Parucu bajubu mu”, ávarejaquemavu ūi mácu Jūmenijicure. ²¹ Que baru ūi baju arī dapiarejaquemavu parurōreca, “Jūmenijicu jāve bhojaibi yure dacayu yópe ūi aiye báquepedeca”, ávarejaquemavu Abraham mácu. ²² Que baru, “Boropatebecubu mu ji jainore”, arī coyurejaquemavu Jūmenijicu Abraham mácure, ūi ju aiyede ūre.

²³ Ubenita Jūmenijicu toivaicōjemenejaquemavu “Boropatebecubu mu ji jainore”, ūi aiye báquede Abraham máchre boje quécura. ²⁴ Quénora Jūmenijicu toivaicōjenejaquemavu diede majare boje máre. Majare máre Jūmenijicu coyachuyume “Boropatebevu muja ji jainore”, maje ju aiyede ūre, Jesucristore, maje jabocure, nacovaimu máchre yainore jaruvarti. ²⁵ Jūmenijicu yaidé darejaquemavu Jesucristore majare boje, maje ámeina teiye boje. Aru Jūmenijicu coyurejaquemavu majare “Boropatebevu muja ji jainore”, ūi nacovaiye báque boje Jesúre yainore jaruvarti. Caiye diede ju aivubu maju.

Pöeva ne boropatebeno Jūmenijicui jainore

5 Jūmenijicu coyibí majare “Boropatebevu muja ji jainore”, maje ju aiyede ūre. Aru cáríjimevhu cure daibi majare maje jabocu Jesucristo Jūmenijicque. ² Maje ju aiye boje Jesucristore, ūi cuvare daibi majare Jūmenijicui mearo dacaiye bojecubede. Aru maja curivubu caride Jūmenijicui mearo dacaiye bojecubede. Que baru torojurivubu maja maje úmei, maje coreóvaiye boje cüinajárvu baquinói Jūmenijicu achuyre majare “Muñarecabu yópe ji hrópe”. Aru nájine dabecube majare cojedeca. ³ Aru maja máre torojurivubu maje úmei maje nájiyede, maje coreóvaiye

boje pñeno ularo napinajivure maje ñájiye boje.⁴ Aru torojurivubu maje ümei maje napiye boje, maje coreóvaiye boje Jümenijicu cadateyure majare maje ñájiyede cainumta. Que baru napini coreivubu Jümenijicure jidubevvua.⁵ Maje napini coreiyede Jümenijicui mearo dacacuyume majare, cuyebenamu maja. Caride coyuquijivu mñjare aipe darí majidivure cuyebenajivure. Jümenijicu daroibi ñai Espíritu Santore üi cuyuiyepa ayu maje ümei, üi majide daquiyepa ayu majare Jümenijicui ñumarare.

⁶ Maja ámeno daivu, maje baju mearo daiye majibedeca, Cristocapúravu yaidéjaquemavu majare, maje ubebedeca Jümenijicure. Jümenijicui beoijárauvu bácaroi yaidéjaquemavu ü mácu.⁷ Ácu pöecu yaiyubebi apecu pöecure boje, mearo dayure. Ácu pöecu cneyubi, jidubechua yaiyuchu apecu pöecu meacure boje, apevure cadateyure.⁸ Ùbenita Jümenijicu jáðovaimi majare aipe üi ularo ueste majare, daroyu bácu Cristore, üi yaiquiyepa ayu majare boje, maje ámeina teiyedeca cäreja.⁹ Maje majivu Cristoi mearo dacaiye báquede majare, yaiyá majare boje. Üi jive meiye báque boje, Jümenijicu coyuhibi majare "Boropatebevu mñja ji jainore". Üi nópe ularo mearo dacaiye báque boje majare, maje ámeina teiyedeca cäreja, jáve majidivubu maja. Que baru pñeno ularo Cristoi mearo dacacuyiede majare, maje ñájimenajiyepa ayu ñájírauvu Jümenijicui ñájiovaquijárauvu baquinore pöevare, ne ámeina teiyepa boje.

¹⁰ Majacapúravu maucuvare-jaquemavu Jümenijicure. Ùbenita Jümenijicucapúravu cärijimene darejaquemavu majare, daroyu bácu mamacure üi yaiquiyepa ayu majare boje. Que teni caride Jümenijicui yóvaimaramu maja. Cristoi ularo

mearo dacaiye báque boje majare üi yaiyede, jáve pñeno ularo mearo dacacuyume majare caride, apüsü cojedeca. Maje cuede cüinávure majare jabocu Jesucristo que, meadacuyume majare Jümenijicui jorojiyede jaruvarti.¹¹ Aru pñeno baju Jümenijicu coyure daibi majare maje ñájiyede, "Jáve torojurivubu maja Jümenijicui jainore", maje jabocu Jesucristo cärijimene daiye báque boje majare Jümenijicu que. Que baru cuyebenajaramu maja maje napini coreiyede Jümenijicure.

Pablo üi coyuño Adán mácu aru Cristo ne borore

¹² Javede ñai ümu mácu mamarumucacu bácu, üi ámiá Adán, ámeina tedejaquemavu. Aru coatedejaquemavu ü mácu Jümenijicure jaruvarti, ámeina teni. Que baru caivu pöeva máre Adán mácu yóbocavu coatedama Jümenijicure jaruvarti aru yaiyáma máre Adán mácu ámeina teiye báque boje.¹³ Que teni Jümenijicui coyuquiyepa jipocai üi daicójeiyede Moisés bácre, caivu ijárauvucavu ámeina teivu barejaquémavu. Dinumure cäreja üi daicójeiyede cubede, Jümenijicu corevabedejaquemavu pöevare ne ámeina teiyede.¹⁴ Ùbenita caivu ijárauvucavu, Adán mácu yóbocavu coatedama Jümenijicure jaruvarti, Adán mácu ámeina teiye báque boje. Adán mácu darejaquemavu Jümenijicui daicójemenore. Que baru coatedejaquemavu Jümenijicure jaruvarti. Aru caivu üi yóbocavu, Jümenijicui daicójeiyede cuvabede jü abevu ámevuvacari, coatedejaquemavu Jümenijicure jaruvarti. Aru Adán mácu daiye báquepe páyureca barejaquémavu ñai Jesucristo. Pöeva jacobhyama ne daiye báque bojede. Caivu pöevare Jümenijicu jáimi ámeina teivu, Adán mácu jü abeno mácaro boje.

Nopedeca Jūmenijicu jáimi pōevare boropatebevüpe, Cristoi ju aino mácarō boje.

¹⁵ Ubenita ina pucarā ūmūva cūinátrū āmemá. Pōecu mamarumūcacu, Adán mácu, ju abecu bácreca Jūmenijicure, Jūmenijicucapūravu unctionarō mearo dacaiibi pōevare. Jāve caivu pōeva coatedama Jūmenijicure jarūvarī, Adán mácuju abeno mácarō boje. Ubenita Jūmenijicu pueno meacu bajutame. Que baru pueno unctionarō mearo dacaiibi obedivu pōevare ūi mearo dacaino mácarō bojecubenoque daroyu bácu Jesucristore, ūi meadaquiyepé ayu náre. Adán mácu daino mácarō āmedaivu pōevare. Ubenita Cristoi daino mácarō meadaivu pōevare. Aru Cristoi daino mácarō mearo bajubu Adán mácu daino mácarō pueno.

¹⁶ Que baru Jūmenijicu mearo dacaiibi pōevare bojecubeda, Adán mácu ju abecu bácreca ūre. Adán mácu cūinára ūi ju abe boje, Jūmenijicu arejaquemavu ū mácre, “Mu aru mipāramena márajivu máre nájinajaramu, mi ju abe boje yure”. Ubenita obedivu pōeva ju abevüreca cainumua baju, Jūmenijicu aibi majare, “Nájimenajaramu maja, maje ju abe boje yure”, ūi pueno meacu baju mearo dacaiye boje. ¹⁷ Jāve cūinácu ūmū, Adán mácu, ūi ju abeno mácarō boje, caivu apevu pōeva máre coatedama Jūmenijicure jarūvarī. Ubenita jāve baju cūinácu ūmū, Jesucristo, ūi daino mácarō boje, obedivu pōeva meatedama Jūmenijicuque. Que baru caivu maja jacobinu bácvu Jūmenijicu mearo dacaino bojecubenore, maja ūi coyimara mácavu, “Boropatebevüma ji jáinore”. Jāravu cūiméjāravu baquinóre cūvarajaramu maja Jūmenijicuque, cūinácu ūmū, Jesucristo, ūi daino mácarō boje.

¹⁸ Que baru nōpe cūinácu ūmū mácu cūinára ūi ju abeno mácarō boje,

Jūmenijicure járe darejaquemavu caivu pōevare boropateivüpe. Nopedeca cūinácu ūmū, Jesucristo, cūinára ūi mearo daino mácarō boje, Jūmenijicu jáimi pōevare caiyajuboacavüre boropatebevüpe, aru me apure daibi náre coapa. ¹⁹ Aru cūinácu ūmū mácu ūi vainí turí ju abe boje, caivu āmene daivu barejaquéma. Nopedeca cūinácu ūmū, Jesucristo, ūi daiye boje yópe Jūmenijicui unctione, boropatebevüpe tede daibi obedivu pōevare Jūmenijicui jáinore.

²⁰ Ubenita obediuju Adán mácu yóbore aru obediuju Cristoi daquiye jipocai, Jūmenijicu coyurejaquemavu ūi daicōjeiyede Moisés bácre, coreóvare dacuyu pōevare unctionarō āmeno ne daiyede. Que teni pueno unctionarō ju abede nurejaquemavu na mácavu. Ubenita pōevacapūravu ne unctionarō āmeno daiyedeca, Jūmenijicucapūravu, cōmaje āroje jāñu, pueno unctionarō mearo baju dacarejaquemavu na mácavüre. ²¹ Que baru pōeva ne āmene daiyue paruétamu, ne coateiyepé boje Jūmenijicure jarūvarī. Nopedeca Jūmenijicui mearo dacaiye obedivu pōevare pueno baju paruétamu aru cūvare daivu jāravu cūiméjāravu baquinóre ūque, ūi jāiye boje obedivu pōevare boropatebevüpe. Aru Jūmenijicu yópe mearo dacaiibi pōevare, maje jabocu Jesucristoi dacaiye báque boje.

Pōeva ne cué Cristo que cūinávüpe

(Gá 2.20; Col 2.12)

6 ¿Maje ju aiye boje diede, aipe darājidi maja caride? ¿Pueno āmenore dare nuiye jauri, Jūmenijicui jādovaquiyepé aivu ūi pueno unctionarō meare? ² ¡Bi, ye que āmevu! ¡Aipinumu vaibéjarōri nōpe! Majarecabu boarí jarūvaimara mácavüpe paivu. Aru āmeno majare

boarí jaruvayu bácupe painotamu. Que baru āmeina teiye jaubevu majare. Aru “Đare nuivu baru āmenore me curājaramu maju Jūmenijicuque”, arī buojabevu maju. ³Jáve majidivu maja aipe teni jādovaimara mácavu Jūmenijicure ocoque. Maje jādovaiye báque Jūmenijicure ocoque apevure coreóvare darejaquemavu maju curivure Jesucristo que cūinávure. Iye maje nājijueroede maju āmeina teiye boje, Jūmenijicu nājine darejaquemavu ūre majare boje. Ūre yaídé dayu, Jūmenijicu dajocarejaquemavu ūre cūináchua. ⁴Maje jādovaiyede Jūmenijicure ocoque, yaivu bácvu barejaquémavu maju, yópe jaruvaimara mácavu Jesucristo que pōe jaruvainoi, mamabaju cavarājivu ūque. Yópe vaidéjaquemavu Jesucristore. Majepacu Jūmenijicu ūi parue pheño mearoque nacovarejaquemavu ū mácure yainore jaruvari, apusuyure cojedeca, maje ména curājiyepo ayu caride Jesucristo que cūinávure.

⁵Que baru maje yaivu bácvu parejo boje ūque cūinávure ūi yaiyede, jáve nacovaimaramu maju yainore jaruvari ūque cūinávure ūi apue mamaene. ⁶Aru majidivu maju maje cne báquede javede, Jesúre ju arājiye jipocare. Cristo ūi yaiyede jocucusjaravena bíjarorejaquemavu maju āmeina daiyude parue báquede. Jūmenijicu nópe dacarejaquemavu majare, maje dabenajiyepe ayu maje āmeina daiyude yópe yebacavu ne jaboci cōjeiyede daiyede. ⁷Ubenita jaboci cibebi cōjeñu yaiyá bácupe. Nopedeca maje yaiye báque boje Cristo que, coatede darejaquemavu majare, maje āmeina daiyude jaruvari. ⁸Maje majié boje maju yaivu bácvu Cristo que ūi yaiyede, coavaimara

márajivu maje āmeina daiyude jaruvari. Nopedeca majidivu maja curājivare me Jesucristo que, maje ju aiye boje Jūmenijicure caride aru cainumha. ⁹Maja majidivu Cristo nacajañu mácure yainore jaruvari. Yaibécube ū cojedeca. Caride yaino buojabevu ūre yaiváino.

¹⁰Que baru Cristo yaidéjaquemavu cūinára, yaibéchu cainumha, parubede dacuyu maje āmeina daiyude. Aru Jūmenijicu parue que cibi, daiyucu yópe Jūmenijicu urópe. ¹¹Quédeca dápiajará maja maje baju yópe: “Āmeina teiye parubebu, Jesucristo daiye báque boje. Que baru daicójemev u yure caride. Ū yaiyá bácupe páyubu āmeina teiye que. Ubenita yu apusubu Jūmenijicu que, ūi parue boje. Yu cunu dayu yópe Jūmenijicu urópe, cuchu cūinávure Jesucristo que”, arī dápiajará maja.

¹²Āmeina daiyude daicójemejara maje bajure. Daicójemev baru maje āmeina daiyude maje bajure, coatenajaramu maja Jūmenijicure jaruvari. ¹³Que baru daicójemejara maje āmeina daiyude maje bajure aru maje ūmene máre. Quénora daicójemejara Jūmenijicure maje bajure aru maje ūmene. Nacajaivu bácvu paivu yainore jaruvari, apurājivu cojedeca. Que baru Jūmenijicu matuiyeda cōjejacurí maje dápiaiyede aru maje daiyude máre, mearore dare daquiyede aivu. ¹⁴Maje āmeina daiyude daicójemejeye jaubevu maje. Jaubevu maje máre maje daiye yópe Jūmenijicu daicójemejede ūi coyupe báquepe Moisés bácupe. Ubenita maja me curivu cari, Jūmenijicu cire daiye boje maje cūinávure Jesucristo que, ūi urópe dari. Nópe daibi Jūmenijicu ūi mearo dácayede boje bojecubeda.

**Pablo ūi jēvari coyñino yebacateinora
maja mearore daicōjeimarare**

¹⁵ ¿Aipe arājidi majá? ¿Amenore dārājidi, majare daiye jaube boje yópe Jūmenijicui daicōjeiyepé ūi coyñiye báquede Moisés bácuré? ¿O quédá Jūmenijicu pñeno meacu baju ārumeteidi majá ámeina teiyede? ¡Bi, ye que ámevú! ¡Aipinam̄ vaibéjarorí nópe! ¹⁶ Jāve majidivubu majá iyede. Yebacateivu baru apecure, majare ju aiye jañvú ūre. Quédeca majá ju aiyurivu baru majá ámeina daiyñede, maumena daiye jañquiyebu majare diede. Aru coatenajaramu majá Jūmenijicure jaruvári. Ubenita majá ju aiyurivu baru Jūmenijicure, pñeno baju ju arājaramu ūre. Que teni me curājaramu majá, daivu ūi urópe. ¹⁷ Jipocamia majá ju arejaquemavu majá ámeina daiyñede yópe yebacavu ne ju aiyepé ne jabocure. Ubenita apejäravure majá ju arejaquemavu majá ūmei iye yávaiyede jāvene, Jūmenijicui jāpiari eare daiyede majare apevú ne bueiyede. Que baru mearore jínajarevu Jūmenijicure. ¹⁸ Urecabe daicōjene däbecu majare majá ámeina daiyñequ. Quénora majamu ūi yebacavupe paivu, dārājivu mearore.

¹⁹ Yü coyñubu majare yópe majiépe, majá jāpiarājiyepé ayu ji bueiyede. Jipocare majá yebacavupe barejaquémanu, dārājivu ámenore. Ámeina daivu barejaquémanu majá. Aru ju abeni Jūmenijicui daicōjeiyede, daivu ámenejaquemavu majá ūi urópe. Nopedeca caride yebacavupe tejará majá, dārājivu mearore. Majare Jūmenijicui coavaiye boje ámeina daiyede jaruvári, cainumua dare nñjara pñeno mearore.

²⁰ Jipocamia majá ámeina daiyñequ yebacavupe paivu barejaquémanu majá. Aru mearore daivu ámenejaquemavu

dinum̄ure. ²¹ Ye mearore eabedejaquemavu majá iye majá ámeina daiye báqueque. “Torojürājivutamu ñuña”, ari dāpiaridurejaquemavu majá. Que baru caride cuyevu majá, majá ámeina daiye báque boje, coatede daiye pñevare Jūmenijicure jaruvári. ²² Ubenita Jūmenijicu daicōjemene daibi majare majá ámeina daiyñequ. Quénora epeibi majare yópe ūi yebacavupe. Que teni cainumua memecaiyurivubu majá Jūmenijicure. Aru Jūmenijicui coatede daiye boje majare majá ámeina daiyñede jaruvári, pñeno mearo dare nñivubu majá, cavarajivu jāravu cūiméjāravu baquinóre ūque. ²³ Pñeva ne ámeina daiye bojebu ne coateino Jūmenijicure jaruvári. Ubenita ina curivu Jesucristo que cūinávupe, cuyama ne bojeva, Jūmenijicui mearo däcaye boje bojecubeda, ne cuede ūque caride aru cainumua.

**Pablo ūi jēvari coyñino
purubuoinora Jūmenijicui
coyñiye báquede Moisés bácuré**

7 Majá, jívü, coreóvaivubu jāve iye ji coyñuiyede majare caride. Coyñuijivu Jūmenijicui daicōjeiyede ūi coyñiye báquede Moisés bácuré. Pñeva daicōjeimaramu dieque ne cuede cäreja ijāravu pñ ne yaiyeta. ² Que baru Jūmenijicui daicōjeiyede ūi coyñiye báque Moisés bácuré yópe cūináco nomiō purubuodope paíyebu, cucedo jímarepacuque ūi yaibéde cäreja ūqueda. Ubenita ūi yaidú, iye daicōjeiyede aipe dabejebu õ dinum̄. ³ Que baru ico apecuque cäco baru jímarepacure jaruvári ūi cuede cäreja, ámeina däjebu õ aru “ämeco” ajebu óre. Ubenita jímarepacu báchi yainšburu yóbore, cöjeimo ámejebu õ dinum̄. Que baru purubuodo baru apecuque, ámeina dabejebu õ.

⁴ Mūja, jīvū, judíova, Jesúre jū aivū, quēdeca vaivū mūjare. Yópe ūmū ūi cūvaepē jīmarepacore, Jūmenijicui daicōjeiye ūi coyūiye báque Moisés báçure cūvarejaquemavū mūjare. Que baru iye daicōjeiyeque daicōjeimara marejaqué-mavū mūja. Übenita Jesucristoi yaiyede, caivū ina ūre jū arājivū máre yaidéjaquemavū ūque Jūmenijicui jāinore. Que teni mūja máre yaivū báçavūpe barejaqué-mavū ūque. Que baru iye daicōjeiyeque daicōjeimara āmevu mūja caride. Yópe nomiō, jīmarepacu báçui yainíburu yóbore, ōi pūravbhoiyepē apecsque, no-pedeca mūja máre mūje coateniburu yóbó yainore jaruvarī, yópe nacovaimarape paivū cūrivubu Jesucristo que cūinávūpe. Maje cūde Jesucristo que cūinávūpe, yopedecabu majare: ⁵ Ú mājemarepacu pāyu pueno mearore dāri nūre dāibi majare, maje curājiyepe ayū pueno mearo ūque. ⁶ Übenita maje curājiye jipocai Jesucristo que, maje āmeina daiyue báque boje, coatede-jaquemavū maja Jūmenijicure jaruvarī.

Yopedeca barejaqué-mavū majare: Pueno āmenore dare nūrejaquemavū maja, pueno baju coatenajivū Jūmenijicure jaruvarī. Jūmenijicui daicōjeme máque apejīene majare Moisés báçure ūi coyūcōjeiye báqueque, yópe pueno ūrarō āmenore dare darejaquemavū maje āmeina daiyuede. Que teni maja maje bajure daicōjenejaquemavū aru maje dāpiayede máre, pueno baju āmeina tenajivū. ⁶ Übenita caride daicōjememaramu maja Jūmenijicui daicōjeiye ūi coyūiye báqueque Moisés báçure. Jipocamia yebacavūpe barejaqué-mavū maja. Diede jū aiye jaurejaquemavū majare. Übenita Jūmenijicure memecabevubu maja javecarōque, yópe ūi daicōjeiye ūi coyūiye báquepe Moisés báçure. Quénora Jūmenijicure memecaivubu maja mamaro que caride, yópe ūnai

Espíritu Santoi cūre daiyepē majare apuē mamaeque. Que baru daivubu yópe iye daicōjeiyepe majare jaué cūbe boje, quénora maje daiyue boje.

Pablo “Āmeina tede daiye cūe ji baju” arī, ūi coyūino

(Ro 13.9; Gá 5.17)

⁷ ¿Aipe coyūiye jauri majare caride? ¿Meameni Jūmenijicui daicōjeiye ūi coyūiye báque Moisés báçure? Meame āmevu. Nópe dāpiayede jaubevu. Übenita ji daicōjeiye coreóvaquiyē jipocare, coreóvabedejacacu yu ji āmeina daiyue cūde. Cūináro iye daicōjeiyecarō, “Āujimejacu apecu ūi cūvaede”, aino cūbedu, āujimejebu yu apecu ne cūvaede. ⁸ Daicōjeiye cūbedu, maja āmeina daiyubejebu. Übenita Jūmenijicui daicōjeiye ūi coyūiye báque Moisés báçure coreóvare darejaquemavū yure āujije jaubede pōevare. Übenita no yóboi, ji coreóvaiye boje diede, ūrarōreca dāpiarī bárejacacu āujiyede. Ji āmeina daiyue boje, jūjovaimu yu. Que baru āujivu yu. ⁹ Apenumha iye daicōjeiye coreóvabecu, torojacu barejacacu ji baju. Coreóvabedejacacu boropateyū ji baju. Übenita cūinájāravu ji jápaiyede yo daicōjeino, “Āujimejara” ainore, ure āmeina daiyede bárejacacu yu. Aru yaiyū báçupe coateyu barejacacu Jūmenijicure jaruvarī.

¹⁰ Jūmenijicui coyaridurejaquemavū ūi daicōjeiye Moisés báçure, pōeva jū arī diede ne curājiyepe ayū me ūque ijāravure aru jāravu cūiméjāravu baquinore máre. Übenita bijare darejaquemavū yure. Ji dabe báque boje yópe Jūmenijicui daicōjeiyepe, coatede daimu marejacacu yu Jūmenijicure jaruvarī. ¹¹ Ji coreóvaiye báque boje, cūináro ūi daicōjeiyecarō ūi coyūiye báque Moisés báçure, jūjovaimu tedejacacu yu ji āmeina

daiyue boje. Nurié dapiabedejacacu yu. Ubenita ji nöpe daiye báque boje, ju abedejacacu Jümenijicure. Que teni ji ãmeina daiyue boje, coatedejacacu yu Jümenijicure jaruvarí yaiyú bácpue no daicöjeino cüinároque. ¹² Que baru ãmecubu yu. Ubenita Jümenijicui daicöjeiye üi coyhiye báque Moisés bácpue ãmeno cübetamu die. Que baru yo Jümenijicui daicöjeino cüináro máre ãmeno cübenotamu. Pheo baju mearotamu, yópe Jümenijicvacari pheo baju meacpue. Aru pöeva nore mearore daivu torojurivbu.

¹³ ¿No daicöjeino mearo aru torojure daino máre coatede daidi yure Jümenijicure jaruvarí yaiyú bácpue? ¡Bi, ye que ãmevü! ¡Aipinumü vaibéjaröri nöpe! Quénora ji baju ãmeina daiyue boje, coatedejacacu yu Jümenijicure jaruvarí yaiyú bácpue. Ji ju abede no daicöjeino mearore, jádovaivu aipe pheo ãmeno baju ji ãmeina daiyue. Que teni Jümenijicui coyurejaquemavu no daicöjeinore, ji majiquiyepo ayu aipe pheo ãmeno baju ji ãmeina daiyue. ¹⁴ Maja judíova majidivubu Jümenijicui daicöjeiye üi coyhiye báque Moisés bácpue pheo mearo baju Jümenijicui Espíritu Santoi epeye báque boje diede aru ü jie báque boje máre. Ubenita yácapürauva daicöjeimümu ji ãmeina daiyue. Aru ãmecubu yu. Yávacari dayubu yópe ji ãmeina daiyue. Yópe yebacacu, apecui bojedaimüpe páyubu yu. Aru ji ãmeina daiyue ñai yebacacu jabocpue painomu. Que baru yurecabu daicöjeimü ji ãmeina daiyue.

¹⁵ Jäve coreovabevu aipe vaiyede yure aru ji daiyede máre. Yópe ji daiyuepe dabevu yu. Ubenita iyebu ji jáiyübe ji daiye. ¹⁶ Ji daiyubede dayu baru, jádovaivu yu Jümenijicui daicöjeiyede méne. ¹⁷ Yávacari dayubu iye ãme ji daiyede. Ubenita que dabevu ji ue boje. Quénora ji ãmeina daiyue cue boje

cäreja ji ûmei, diebu ãmeina tede daiye yure. ¹⁸ Yü majivu yure me cübede. Ji ûmei mearo cübevu. Yávacari daiyuvu méne. Ubenita ye buojabevu dayu méne yópe ji hröpe. ¹⁹ Iye méne, ji daiyue, dabevu yu. Quénora iye ãmene, ji daiyubede, daivu yu. ²⁰ Yu dayu baru ji daiyubede, yu ãmevu dayu diede. Quénora ji ãmeina daiyue cue căreja ji ûmei, diedecabu ãmeina tede daiye yure.

²¹ Que baru yu coreóvaivu aipe vaiyede yure cainumua. Méne daiyuvu yu. Ubenita quénora ji daiyueque ãmene eaivu yu. ²² Torojurí uvu Jümenijicui daicöjeiyede ji ûmei. Aru daiyuriduivu yu diede. ²³ Ubenita ji ãmeina daiyueque daicöjeimümu yu. Yópe boaipöeva ne mauchvarädaiyepo imaro jabocpue, nopedeca ji ãmeina daiyue mauchvare daivu yure.

²⁴ Que baru jäve yu, pöescu, cömaje ärojacubu yu. Ùraröreca jaavu yure meadaipöecure, daicöjeimü ãmequiyepo aivu ji ãmeina daiyueque aru coateimü ãmequiyepo aivu Jümenijicure jaruvarí. ²⁵ Yu mearore jíyubu Jümenijicui pheo meacu bajure. Ùrecabe maje jaboci Jesucristore cädatede dayu yure. Yópe cüvü yu: Yávacari Jümenijicure ju aiyuvu yu. Aru üre memecaiyuvu yu. Ubenita nöpe ji daiyuepe daiye majibevu yu cainumua. Quénora apenumua daivu yu yópe ji ãmeina daiyueque.

Espíritu Santoi cure daino pöevare yópe üi hröpe

(Mr 14.36; 1 Co 3.16; Gá 3.17-19; 4.5-7)

8 Caride maja Jesucristoque curivubu cüinávüpe. Que baru coatebenajaramu maja Jümenijicure jaruvarí, maje ãmeina teiye boje.

² Ñai Espíritu Santoi daicöjeiye boje yure caride, cure daibi yure Jesucristoque cüinávüpe. Que baru jäve cure daibi yure. Que teni ñai

Espíritu Santo ji ãmeina daiyñede daicõjemene daibi yure. Que baru ji baju ãmeina daiyñe coatede dñri bñojabevu yure Jñmenijicure jarñvarí yaiyú báçupe. ³ Jñmenijicvacari dacarejaquemavu majare iye ñi daicõjeiye ñi coyñiye báque Moisés báçure dñri bñojabede. Põeva ne ãmeina daiyñede ue boje, náva daicõjeiyepe dñri bñojabedejaquemavu ne majiéque. Que baru iye daicõjeiyeque Jñmenijic meadavu bñojabedejaquemavu põevare ne ãmeina teiyede jarñvarí.

Übenita Jñmenijiccapûrvu darorejaquemavu mamacure, ñi jicure, jarñvacachuyu põeva ne ãmeina daiyñede, majae curñjiyepo ayu ãmeina daiyñbeñvña. Ñai mamach darejaquemavu ijárvn põecupe, cñvacu ñi baju yópe aperu põeva, ãmeina teivu ne bajupe. Übenita Jesucristocapûrvu ye ãmeina dñbedejaquemavu cainumha. Übenita Jñmenijicu ñájine darejaquemavu mamacu bñajure, ñi bojedaquiyepe ayu majae ãmeina daiyñede, meadacuyu majare majae ãmeina teiyede jarñvarí. ⁴ Jñmenijicu darejaquemavu nópe, dare dñcuyu majare caiye ñi daicõjeiyepe me. Majarecabu dñbevu yópe majae baju urópe. Übenita majarecabu daivu yópe ñai Espíritu Santoi urópe ñi parueque.

⁵ Ina põeva daivu yópe ne baju daiyñe daicõjeiyepe ne majiéque máre, nácapûrvu dñpiadama ne baju ueede. Übenita ina põeva daivu yópe ñai Espíritu Santoi daicõjeiyepe ñi majiéque, nácapûrvu dñpiadama ñai Espíritu Santoi ueede. ⁶ Mñja dñpiarí daivu baru mñje ümei ueede, mñjacapûrvu jâve yaivu báçavupe paivvbu, coateivu Jñmenijicure jarñvarí. Übenita mñja dñpiarí daivu baru ñai Espíritu Santoi ueede, mñjacapûrvu jâve apurivu, cñrijimena me curivvbu mñja Jñmenijicque. ⁷ Que baru ñai põecu dñpiarí dayu baru ñi baju ueede, maucvvarí ju abebi Jñmeni-

jicure. Aru jâve ye daicõjeñu bñojabebi Jñmenijicure ñi bajure máre. ⁸ Que baru ina põeva daivu ne baju ueede ne majiéque jâve Jñmenijicure torojure dñri bñojabema na.

⁹ Übenita mñjavacari, ñai Espíritu Santoi cñe boje mñjaque, mñja dñbevu yópe mñje baju urópe mñje majiéque. Quénora daivvbu mñja yópe ñai Espíritu Santoi urópe ñi majiéque. Ácu põecu cñvabecu baru ñai Espíritu Santore ñque, Cristo jicu ãmemi ñ. ¹⁰ Übenita mñjacapûrvu curivvbu Jesucristo que cñinávnu. Aru ñai Espíritu Santo apure daibi mñjare. Mñje baju coapa yópe yaivu báçavupe coateivñtam u mñja mñje ãmeina daiyñe boje. Übenita mñjavacari apurivu me curivvbu cñrijimena Jñmenijicque “Boropatebevu mñja ji jainore”, ñi arí coyñiye báque boje Jesucristoi dñcayede mñjare. ¹¹ Aru Jñmenijicu ñai Espíritu Santore nacovare darejaquemavu Jesucristore yainore jarñvarí. Ñai Espíritu Santoi cñe boje mñjaque, apure dñcuyu mñje bajuáre, mñje cñvarñjiyepo ayu mamañume. Aru iye mamañumeque mñja cñvarajaramu paruede, dñrãjivu no mearore yópe mñje daiyñepo.

¹² Mñja, jívn, que baru daiye jañvñ majare ñai Espíritu Santoi majiéque, yópe ñi urópe. Daiye jañbevu majare yópe majae baju urópe majae majiéque. ¹³ Mñja daivu baru yópe majae baju urópe mñje majiéque, jâve coatede dñmaramu mñja Jñmenijicure jarñvarí caride. Aru Jñmenijicu ñájine dñcuyu mñjare cainumha. Übenita mñja dñjocaiyu baru mñje ãmeina teiyede caride, aru mñja daicõjemevu baru mñje ãmeina daiyñede mñje bajure, ñai Espíritu Santoi cadateiyeque jâve me curivvbu cñrijimena Jñmenijicque.

¹⁴ Caivu ina Jñmenijicui mára daivvbu yópe Espíritu Santoi urópe, ñi

jaboteimarape paivu. ¹⁵ Javede jidurivu barejaquémanu maja Jümenijicure. Übenita ñai Espíritu Santo, Jümenijicu daroimu mácu, yebacavupe tede daabebi mujare yópe maje daicójemenajiyepo ayu bedióva cojedeca maje ámeina dajueque. Que baru jidure daabebi ñi mujare. Maja jidubevu coateiyede Jümenijicure jaruvarti, maje ámeina teiye boje. Nópe vaibéquiyebu mujare. Quénora ñai Espíritu Santo majide daibi mujare, curajivure yópe Jümenijicu uröpe. Que dayu ñai Espíritu Santo ñi majiéque “muy, jipacu”, arí coyure daibi majare Jümenijicure. ¹⁶ Ñai Espíritu Santo cubi maje ûmei, majide dacuyu majare Jümenijicu mára juedojinape paivure. ¹⁷ Jümenijicu máramu maja. Que baru jacopurájaramu ûre caiye iye Jümenijicu mearo dacaiyede, ñi jíquiyede ñi pöevare. Aru jacopurájaramu maja Jesucristoque iye Jümenijicu jíquiyede ûre. Übenita Jesucristope ärojamevu maja cäreja. Que baru ñájivubu Jesucristope ijäravu. Aru ñájivu baru caride, jäve cünájárvu baquinó meara baju barájáramu maja yópe Jümenijicu uröpe, Jesucristope. Aru Jümenijicu “Mearamu maja”, arí coyuchuyume majare.

Jümenijicu jádovaquino ñi pöeva meara bajure

(2 Co 5.2-4)

¹⁸ Jäve majivu yu uraró mearore Jümenijicu dacachuyure majare, maje torojurájiyepo ayu maje ûmei ñi oatuvauquiyede majare yópe ñi uröpe. Que baru ye baju ámevu majare maje ñájiyede ijäravure, maje cuede yópe Jümenijicu uröpe daiye jaue boje cäreja. ¹⁹ Caivu Jümenijicu cuedaimara napini coreivu, pare jáiyrivubu Jümenijicu oatuvauquiyede caivu ñi márare yópe ñi uröpe, mamaúmeque

meara baju. ²⁰ Caiye iye Jümenijicu cuedaiye báque “Yópe vaiquiyebu” ñi aiye báquedeca, vaibévu yópe ñi uröpe. Caiye bijare nñivu. Übenita ñi cuedaiye báque cünáro ye bijabevu. Quénora Adán mácu ámeina teni ñi ju abe báque boje Jümenijicure, Jümenijicu bijaicójenejaquemavu diede. Übenita cainumha ámeniduiyebu yópe. Quénora caivu Jümenijicu cuedaimara napini coreivubu, Jümenijicu meadäquiyepo aivu caiye iye ñi cuedaiye báquede yópe ñi aiye báquedeca.

²¹ Caiye Jümenijicu cuedaiye báque bijare nñiye jauvu javede aru caride máre, yópe yebacavure ne daiye jauepe ne jabocu daicójeyede. Übenita cünájárvu baquinó Jümenijicu dajocare dacuyume diede. Aru mamaro mearo dacuyume ñi caiyede. Quédeca uraró meara dacuyume caivu ñi márare. ²² Maja majidivubu javede pu caride máre caiye iye cuedaiye báque ñájiyede yópe juedocu pöeteyure ñájiyepo. ²³ Aru maja máre cüvarivubu ñai Espíritu Santore, Jümenijicu daroimu mácure majare, mamarumure maje ju arí baiyede Jesúre. Que baru majavacari napini coreivubu dijäravure, Jümenijicu ámeina teiye cübede daquijárvu baquinóre majare coapa, maje curajiyepo Jümenijicu márava, yópe ñi uröpe. ²⁴ Jümenijicu meadarejaquemavu majare. Majare napini corede darí ñi daquiyede yópe ñi aiye báquedeca, meadarejaquemavu majare. Übenita jáivu iye maje napini coreiyede, jäve napini coreiye ámevu die. Pöecu cübebi napini coreyu iyede ñi jave jáiye báquede. ²⁵ Übenita napini coreivu baru iye maje jämene cäreja, napini coreiye jauvu majare.

²⁶ Quédeca ñai Espíritu Santo cädate-cudayube majare, parubevure, maje mearore daiye majibe boje. Maje uraró majibe boje, jeníaiye jaüröre Jümeni-

jicure majibevu majá. Aru aipe ñarí jéniañore máre majibevu majá. Que baru ñai Espíritu Santovacari, maje coyuñyude majicu, jéniaacaibi Jümenijicure majare boje. Que teni üme culturí, coyaibi Jümenijicure iye maje coyuñyude, maje yávaiye majibeque. ²⁷ Nai Espíritu Santo jéniaacaibi Jümenijicure paruróreca, cadatechuy Jümenijicu pöevare yópe Jümenijicu urópe. Que baru Jümenijicu, caivu pöeva ne dápaiyede majicu, majibi Espíritu Santo dápiari daiyude.

Cristo ūi cadiateino caiye maje daiyede

(2 Co 3.18; Gá 4.19; Fil 3.10)

²⁸ Maja majidivabu Jümenijicure urivu baru, Jümenijicu cadiateyure majare cainumua. Jümenijicu mearo dacaibi majare caiye vaiyede majare, ūi cutuimara mácavure. Aru javede, mamarumure, Jümenijicu majidejaquemavu aipe ãrojarivure dacuyu majare, ūi cutuimara márajivure. ²⁹ Jipocamia Jümenijicu beorejaquemavu ūi jina márajivure. Ūi beoimara mácavure Jümenijicu epedeaquemavu, ūi mácupe paivu barajiyépe ayu aru mamacu némamicupe páyu baquiyépe ayu obedivu jéneboi. ³⁰ Aru ūi epeimara mácavure Jümenijicu cutuibi, ju arájiyepo ayu ūi cutuiyede ūi jina márajivuva. Aru ūi cutuimara mácavure "Boropatebevu muja ji jainore", arí coyuibi náre Jümenijicu. Aru ūi coyuñimara mácavu boropatebevure Jümenijicu cure daibi náre mearava yópe ūi urópe.

³¹ ¿Aipe arájidi maja? Jümenijicu cadiateyepo boje majare, ye baju ámevu apevu ne maucuvabu majare. Pöecu cübebi ámedarí buojayu maje ümene. ³² Jümenijicu jecubedejaquemavu mamacure, meadacuyu majare. Quénora jení jícarejaquemavu ūre, ūi

úraró ñájiquiyepe ayu majare boje. Que baru maje majié boje jíçayure mamacu cüinácre, ūi umure, majare boje, jáve majidivabu dacacuyure majare máre mearore quédá jecubeda. ³³⁻³⁴ Jümenijicuvacari "Boropatebevu muja ji jainore", arí coyuñrejaquemavu jave ūi beoimara mácavure. Que baru pöecu cübebi ámeina boro coyuñ adarí buojayu majare. Aru pöeca cübebi coyuñ adarí buojayu majare ñájiye jauróre máre. Jesucristo, yaiyá bácu majare boje, nacovaimu mácu yainore jaruvári, Jümenijicu meapúravhi cübi caride. Nai meapúravhi cucus paruhéde cüvabi. Nai Jesucristo paruróque jéniaimi Jümenijicure majare boje. Que baru ñame ámeina boro coyuñ adarí buojabema majare. ³⁵ Ye coatede ñarí buojabevu majare Cristore, majare cüre, jaruvári. Maja ñájivu baru, aru chioivu baru, aru ámeina yávaimara maru, aru ávhé ijimara maru áiye cübedu, aru cuitótecaje cübedu, aru jidurivu baru jidojae boje, aru boarí jaruvaimara maru máre, caiye iye boje ye coatede daimara ámenajaramu maja Cristore jaruvári. ³⁶ Aru iye boaiye borore javede Jümenijicu, yópe arí, toivaicójenejaquemavu cüinácu ūi yávaiyede coyuñcaipöecu bácre:

Caijárahu boarí jaruvadama ñujacavure, ñuje mure ue boje. Dápiadama ñujare chirivure ne boarí jaruvárajimarape, yópe ne dápaiyede ovejavare ne nüvaimarare boainoi, arejaquemavu Jümenijicu yávaiyede coyuñcaipöecu bácu Jümenijicure.

³⁷ Ubenita majacapúravu maje mauva ne ámeina dábemaramu. Quénora Jümenijicu pheno meare daibi majare ne ámeina ñaríduyedeca, ūi ueque ūi jádovaiye báquede Cristoi yaijárahu. Cadat-evaibí majare, dacuyu pheno meara

márajivu. ³⁸Yh jāve majivu iyede: Ye majare coatede ëarī bhojabevu Jūmenijicure, majare ucure, jaruvarti. Majeyaidú, Jūmenijicu ubi majare. Aru majecuru ijāravure obediuja, Jūmenijicu ubi majare máre. Aru ángeleva, arujabova, aru cavarōi parurivu máre ye majare coatede ëarī bhojabema Jūmenijicure jaruvarti. Nopedeca caiye iye cari jāravu vaiye boje, aru caiye iye apejāravua baquiyé vaiquíye boje máre ye majare coatede ëaimara ãmenajaramu maja Jūmenijicure, majare ucure, jaruvarti. ³⁹Aru maja nūivu baru ijāravu pñenoi aru jia urada ûmujurō jívui máre, coatede ëaimara ãmenajaramu maja Jūmenijicure, majare ucure, jaruvarti. Que baru jāve ye cubenore cuedaino mácarō boje maja coatede ëaimara ãmenajaramu Jūmenijicure, majare cuedayu báture, jaruvarti. Majidivubu maja aipe Jūmenijicu urarō hrōre majare, Jesucristoi mearo ñacaiye báque boje majare. Que baru curivutamu maja Jesucristoque cüinávupe.

Jūmenijicu üi beoino judíovare, Israecavure

(1 P 2.10)

9 Yh couyubu mñjare yávaiyede jåvene. Yh Cristoi jicabu. Que baru borocubevu yu. Nai Espíritu Santo ñaicójeimi “Boropatebevu yu”, ji arí dápiayeque. Que baru majivu yu borocubede iye ji couyuie. ²Jáve pare chioivu yu ji ûmei, jívure ne ju abe boje Jesúre. Járavua coapa chiori ñájivu yu ji ûme ji urñuiye boje ina jíñecuba mácavhi pñramena ne ju arájiyepo ayu Jesúre. ³Yh náre cadateni bhojayu baru, yávacari jéniajebu Jūmenijicure ñájine ñacayure yure toabo cüiméboi, ne bíjabenajiyepe ayu. “Coatede ñacayu yure Cristore jaruvarti”, ajebu yu Jūmenijicure. ⁴Návacari Israel bácu, nai mamarum Jacob

ñamicus bácu, Jūmenijicu pñeno baju mearo ñacaimu máchi pñramenamu. Návacari bu Jūmenijicu beoimara mácavu, üi epequiyepo ayu náre üi bñchóvaimara. Náque cñcu, Jūmenijicu jådovarejaquemavu náre üi mearo miadárore, ne majinajiyepo ayu meacu bajure. Jūmenijicu coyurejaquemavu náre: “Yñrecabu mñje jabocu. Aru mñjarecabu ji jaboteimara”. Que arí, Jūmenijicu toivacaicójenejaquemavu Moisés báture üi ñaicójeiyede náre. Jūmenijicu buedejaquemavu náre aipe ëarī ne jāve mearo jíñajiyede üre. Jūmenijicu “Yh mearo ñacacayumu mñjare”, arí coyurejaquemavu náre. ⁵Ina judíovavacari “Ñujeñecuba mácavubu”, adama Abraham máture, Isaac báture, Jacob báture, aru Jacob báchi doce paivu mamara mácavure máre, ne yajuboare bñipõeva mácavure. Aru Cristovacari pñetedejaquemavu yópe ne yajubocacupe, judíovacacupe. Ñbenita me jápiajará yure. Jesucristo pñecube. Ñbenita ü máre Jūmenijicu, mearo jímume, aru ne torojüede jímume cainumua járavu cüiméjárvu baquinóre. Quédocabu.

⁶Yh couyubu mñjare Jūmenijicu ñabede yópe “Mearo ñacacayumu yu mñjare”, üi aiye báquepedeca ina Israecavu majeñecuba mácavure. Quénora yorecabu jāve: Caivu ina Israel báchi pñramena Jūmenijicu beoimara mácavu ñamema. Que baru caivu ina judíova baju ñamema. ⁷Arújara mñja aipe Jūmenijicu jådovaino mácarore caivu ina Abraham máchi pñramenare üi pñramena baju ñamevure üi jainore. Que baru, “Quévrira ina Isaaí pñramena marajárama mipñramena baju”, arejaquemavu Jūmenijicu Abraham máture. ⁸Nópe ayu Jūmenijicu, aiyuch barejaquéma yópe: Ina Abraham máchi pñramena, pñeteivu yópe caivu apevu jñedovape, üi pñramena baju

āmema Jāmenijichí jāinore. Quénora ina Abraham máchi pāramena pōeteivn Jāmenijicu “Yópe mearo dacachuyu yu mūjare”, ūi aiye báque boje, nárecabu, ūi coyuhiyede ju ainv, jāve Abraham máchi pāramena baju. ⁹ Yópe arī, Jāmenijich coyuhejaquemav Abraham máchre: “Yópe dacachuyu yu mūjare. Cari daiñjhi copaidaschuyu yu. Dinim̄ maquinóre mimarepacó, Sara, jave juedochuvacodome mamacure”, arejaquemav Jāmenijich Abraham máchre.

¹⁰ Arujara aipe Jāmenijich jādovaino mácarōre Isaac báchque caiv ina Isaac báci pāramenare ūi pāramena baju āmevire Jāmenijich jāinore, ūi beobe báque boje náre. Majenecu máchi márepaco báco, Rebeca báco, juedoearejaquemav pucarā mamara pējavare népacu Isaac báchque. ¹¹⁻¹² Jāmenijich nōpe vaidé darejaquemav, beoschuy cūinácu némacure yópe ūi urōpe, ūi majié báquepedeca mamarumire. Yópe arī, Jāmenijich coyuhejaquemav Rebeca bácore: “Ímacuscapúravu jíbucu pueno parurō nacuyume. Jíbucu memecachuyume ímacuscapúravire”, arejaquemav Jāmenijich Rebeca bácore. Jāmenijich nōpe arejaquemav ne pōetenajije jipocamia. Ūi nōpe aiyede ina pucarā ye dabedeaquemav cāreja mearore aru āmenore máre. Que baru Jāmenijich ye beobedeaquemav nácacure ūi daiye báque boje. Quénora beorejaquemav cūinácu nácacure ūi jicu bacuyhva ūi cutuquiyе boje ūre. ¹³ Aru obediñha yóboi, yópe arī Jāmenijich toivaicōjenejaquemav ūi yávaiyede: “Jacore urejacacu yu. Ubenita Esaúre ubedejacacu yu”, arejaquemav Jāmenijich.

¹⁴ ¿Aipe coyurājidi maya caride diede? Jāmenijichvacari dabedi mearore cainumua yópe “Dachuyu”,

ūi aiye báquepedeca? ¡Que āmev! ¡Aipinum Jāmenijich dabecube nōpe! ¹⁵ Yópe arejaquemav Jāmenijich Moisés báchre: “Yu cōmajé ãroje jāiyu baru pōecure, ūre cōmajé ãroje jāchuyu yu. Aru yu mearo dacaiyacu baru pōecure, ji cōmajé ãroje jāiye boje, ūre mearo dacachuyu yu”, arejaquemav Jāmenijich. ¹⁶ Que baru Jāmenijich beobebi pōecure, ūi pōecui ūre boje. Aru Jāmenijich beobebi pōecure, ūi pōecui daiye boje. Quénora Jāmenijich beoibi pōecure, ūi baju cōmajé ãroje jāiye boje. ¹⁷ Yópe arī, Jāmenijich toivaicōjenejaquemav ūi yávaiyede ūi daroiye báquede Moisés báchre, ūi coyuquiyepa ayu ūi Egipto āmicurijoborōcavu ne jabocu báchre, Faraón ne aimire: “Mu jave āmeina teyubu aru pueabevu mu yure. Aru yu pueno baju āmeina tede nure daivn mure, jādovacuy caiv pōevare aipe vaiquiyede mure ji majiéque. Aru ne jāriburu yóboi diede, ‘Jáve Jāmenijich majicube caiv pueno’, arajarama na”, arejaquemav Jāmenijich. ¹⁸ Que baru Jāmenijich cōmajé ãroje jāimi apevire yópe ūi baju urōpe. Aru pueno baju āmeina tede nure daibi apevire máre, ne ubenajiyepa ayu ūre pueno baju yópe ūi urōpe.

¹⁹ Que baru cūinácu mājacacu jēniari jāchuyume yure: “¿Jáve maru iye mi coyuhiye, aipe darī Jāmenijich coyuhy bhojaidi pōecure, ‘Boropateyubu mu mi āmeina teiye boje’? Nāme cūbebi bhojarī vaidé dayu yópe Jāmenijichui ubenope. Aru nāme cūbebi bhojarī vaibéde dayu máre yópe Jāmenijichui urōpe”, acuyume yure. ²⁰ Aru pōecurecabu mu. ¿Aipe teni “Jorojini, copu teni bhojayatamu yu”, arī dāpiayurū mu Jāmenijicure? Jororū yávarī bhojaidu baru pōecure, jēniari jāmejeba pēpeñure: “¿Aipe teni dacurū mu yure yópe?” ¡Que āmev! Jāmenijich darejaquemav pōe-

vare ūi dāpiainope. Que baru c̄nedayu báçure jēniari jāiyē jaubevu c̄nedaimara mácavure. ²¹ Nai jororure pēpeipōecu jāve darī buojaibi ūi үrōpe joboque. Cūinábu jobobuque darī buojaibi pu-carua jororuhare. Cūinárh jororure me daibi duibajieneca, pōeva didure jári ne arājiyepē ayu, “Nai pēpeñu me majibi”. Aru apedu jororure maumejieneca daibi ūre jauede ūre daquidu caijāravua.

²² Aru Jūmenijicu daibi pōevare yópe pēpeipōecu jororuhare ūi daiyepē. Que teni Jūmenijicu napimi үrarō ina jorojini daivure ūre ne āmeina teiyeque, ina bījarājivure. Übenita apejāravu baquinó Jūmenijicu jādovacuyume ūi jorojiyede pōevare ne āmeina teiye boje. Aru pōevare majide dacuyume ūi majiéde, ūi nājine daquiyede nāre, ne āmeina teiye boje. ²³ Aru Jūmenijicu máre, yópe pēpeipōecupe páyu, daibi yópe ūi үrōpe, jādovacuy ūi baju pueno meachure aru meara dacuyu majare máre, cōmaje āro-jarivure ūi jāinore. Javede Jūmenijicu majidejaquemavu, meadacuyu majare meara baju bárājivure. Que baru Jūmenijicu daru yópe ūi үrōpe majare, ūi c̄nedaimara mácavure, ñame “Mearore dabebi ū”, arī buojabema. ²⁴ Majare-cabu Jūmenijicu cutuimara mácavu ūi mára márajivuva, apevü judíovacavu, aru apevü judíova ānevucavu máre.

²⁵ Yópe arī, Jūmenijicu toivaicōjene-jaquemavu ūi yávaiyede coyucaipōecu báçure ūi āmiá Oseas:

Ina pōeva, ji pōeva āmevu báçavure, acuyumu yu, “Ji pōevatamu muja”.

Aru diyajubo pōeyajuboacavu ji ubemara mácavure, “Ji umaratamu muja”, acuyumu yu, arejaquemavu Jūmenijicu. ²⁶ Aru no curōi “Mujavacari ji pōeva ānevutamu”, Jūmenijicu aino mácarōmiareca, “Nai Jūmenijicu apuci máramu muja”, ūi coyuimara marajárama, arī toivarejaquemavu Oseas bácu.

²⁷ Aru Isaías báçu máre Jūmenijicu yávaiyede coyucairejaquemavu, pōeva ne majinajiyepē ayu Israecavu ne borore: “Ina Israecavu obedivabu, yópe ēpayabea jia ēcaru paraiyepē. Übenita obebevu bajura nácvu meadaimara marajárama na. ²⁸ Aru Jūmenijicucapūravu nājine dacuyume Israecavure corebecuva aru maumena”, arī toivarejaquemavu Isaías bácu. ²⁹ Aru jipocamia Isaías báçvacari Jūmenijicu yávaiyede coyucairejaquemavu, yópe arī:

Nai Jūmenijicu, caivu ne jabocu, ūi epebedu apevü majacavure, ne juedocuvvarajiyepē ayu, majare máre vajébu yópe ãniimaroa Sodoma aru Gomorracavure vaiye báquepe, caivu ina bījaivu báçavu, arī Jūmenijicu yávaiyede coyucairejaquemavu Isaías báçu Israecavu báçavu borore.

Judíova ne jápiaino Jūmenijicu yávaiye méne

(Jn 12.38; Hch 2.21;
Gá 3.12; Ef 6.15; 1 P 2.6, 8)

³⁰ Que baru, ɿaipē coyuviye jauri majare caride? Yópe coyuviye jauvu majare. Ina judíova āmevu mememevu barejaquéma, Jūmenijicu jāquiyepē aivu nāre boropatebevüpe ne daiye báque boje. Quénora Jūmenijicuvacari “Boropatebevu muja ji jāinore”, arī coyuarejaquemavu nāre ne ju aiyede Jesucristore. ³¹ Übenita ina judíova, Jūmenijicu beoimara mácavu, daivu barejaquéma Jūmenijicu daicōjeyede ūi coyuviye báquede Moisés báçure, darājivu nōpe iye daicōjeyepē, Jūmenijicu jāquiyepē aivu nāre boropatebevüpe. Übenita eabedejaquemavu diede. ³² Vobede-jaquemavu Jūmenijicu me jāiyede nāre ne ju aiyepē Jesucristore. Quénora

voridurejaquemavu Jūmenijicu me jāiyede nāre ne mearo daiyeque. Ubenita yéde eabedejaquemavu na. Que baru vaidéjaquemavu nāre yópe pōechi tori tuiyepē cūraborā, ūi me jāme boje dibore, nopedeca Cristo bījarorejaquemavu ina judíovare ne jāpiarī eabe boje ūre. ³³ Javede Jūmenijicu, yópe arī, toivaicōjenejaquemavu ūi yávaiyede dibo cūrabo borore:

Epeivu yu pōecure Jerusalén āmicurūmaroi. Yópe cūrabo ma coricai dobaribo pōeva toivure ture daiyepe, nopedeca ina pōeva ju abevu ūnai pōecure bījarājaramana. Ubenita caivu ina ūre ju aivu cuyebenajaramana, arejaquemavu Jūmenijicu.

10 Muja, jívui, parurōreca uvu yu ji ūmei ina Israecavure, ji yajubocavure, ne ju arājiyepē ayu Jesucristore, Jūmenijicu meadaquiyepē ayu nāre, ne coatebenajiyepē ayu ūre jarūvarī. Que baru urarōreca jēniavaivu Jūmenijicu que nāre boje. ² Yu jāve mūjare coyūivu. Nácapūravu urarō memecaiyūrīduivubu Jūmenijicu ūi urōpe. Ubenina “Yópe Jūmenijicu urōpe daivubu ūnja”, arī dāpiadama na. Ubenita yéde dabenama na yópe ūi urōpe. ³ Jāpiarī eabenama Jūmenijicu coyūchre “Boropatebevu muja ji jāinore” pōevare, ne ju aiyede ūre. Que baru nácapūravu memecarīduivubu Jūmenijicu, “Boropatebevu muja ji jāinore”, ūi arīduquiyepē aivu. Ubenita ūre memecaivureca, “Boropatebevu muja ji jāinore”, ye arī coyūbebi nāre, ne ju abe boje ūre. ⁴ Jūmenijicu capūravu toivaicōjenejaquemavu ūi daicōjeyede ūi coyūye bāquede Moisés bācure, pōeva ne meatenajiyepē ayu Cristoi daquiye jipocai. Diede ju aicōjenejaquemavu caivu ina ju

arājivure Cristore, boropatebevu barājiyepē ayu ūi jāinore.

⁵ Aru Jūmenijicu “Boropatebevu muja ji jāinore” arī, ūi coyūjuroede pōevare, ne dājuroe boje yópe ūi daicōjeyede ūi coyūye bāquepe Moisés bācure, die borore Moisés bāchvacari, yópe arī, toivarejaquemavu Jūmenijicu yávaiyede: “Nai darī bīojayu caiye iye Jūmenijicu daicōjeyepē cūchuyume ū. Ūi daicōjeyepē daiye boje coatede dābemu macuyáme ū Jūmenijicure jarūvarī”, arejaquemavu Moisés bācu. ⁶⁻⁷ Ubenita Jūmenijicu “Boropatebevu muja ji jāinore”, ūi arī coyūiyede pōevare ne ju aiyede Jesucristore, die borore Moisés bācu, yópe arī, toivarejaquemavu Jūmenijicu yávaiyede: “Mi baju jēniari jāmejacu mi ūmei dāpiarī, ‘¿Name márajidi māivu cavarō mearo Jūmenijicu cūrōi?’ Aru mi baju jēniari jāmejacu mi ūmei dāpiarī, ‘¿Name márajidi joborō jívui coivu yaivu bācavu ne cūrōi?’” arī toivarejaquemavu Moisés bācu. Yópe aiyūrōmu no: “¿Name márajidi ēmeóvarajivu Cristore cavarō mearo Jūmenijicu cūrōre jocarī? ¿Aru ūname márajidi nacovarajivu Cristore yainore jarūvarī?

⁸ Aru yópe Moisés bāchvacari arī toivarejaquemavu Jūmenijicu yávaiyede: “Jūmenijicu yávaiye me joabenoi mu. Que baru coyūri ūi yávaiye méne jijecamuque aru ju arī ūmeque bīojaivu mu”, arī toivarejaquemavu. Aru iye yávaiye méne cūināturu baju coyūivubu maju pōevare, ne ju arājiyepē aivu Jesucristore. ⁹ Mi ju aru Jūmenijicu nacovaiye bāquede Jesucristore yainore jarūvarī, aru mi ju arī coyūru mi jijecamuque, “Jesucristo ji jabocube”, Jūmenijicu meadachuyume mu, mi coatebequiyepē ayu ūre jarūvarī. ¹⁰ Que teni ūmequedeca pōeva ju aivubu Jesucristore, Jūmenijicu “Boropatebevu muja ji jāinore”, ūi arī coyūquiyepē

aivu náre. Aru jijecamuquedeca põeva coyñivbu jävane Jesúrā, üi meadaquiyepo aivu náre, ne coatebenajiyepo aivu üre jaruvvarí.

¹¹ Jümenijicu, yópe arí, toivaicōjenejaquemavu üi yávaiyede: “Ñai ju ayu Jümenijicure chyoje tebecuyvacaribe”, arejaquemavu. ¹² Jümenijicu que aibi caivu põevare, judíovare aru judíova ãmevhre máre. Caivu põeva cùinátatamtu üi jáinoi. Jümenijicu cùináchrabe. Aru caivu ne jabocube ü. Aru unction mearo dacacuyume Jümenijicu caivu üre jéniaivure. ¹³ Yópe arí, toivaicōjenejaquemavu üi yávaiyede: “Ácu põecu üi jéniaru Jümenijicure, ‘mu, ji jabocu’ arí, Jümenijicu meadachuyume üre”, arí toivaicōjenejaquemavu. ¹⁴ Apecu aquijichubi yure: Übenita põeva jéniaivu bhojabenama Cristore, üre ju abevu baru. Aru ju aivu bhojabenama üre, jápi-abevu baru üi yávaiye méne. Aru jápi-aivu bhojabenama iye yávaiye méne, coyñipõeva ne buebedu náre. ¹⁵ Aru üi yávaiye méne coyñipõeva bueivu bhojabenama iye yávaiye méne, náre jarobedu, aquijichubi apecu. Jümenijicu, yópe arí, toivaicōjenejaquemavu üi yávaiyede: “Jesús üi yávaiye méne coyñipõeva ne eaiyede põeva yebai, torojure éaivubu náre ne ümei”, arí toivaicōjenejaquemavu.

¹⁶ Apecu üi que aru, yópe arí, coyñebu yu: Übenita ina jápiaivu bácvu obedivu ju abema na iye yávaiye méne. Isaías bácvacari arejaquemavu Jümenijicure: “Mu, ji jabocu, obebejña baju ju adama nüje borore”, arejaquemavu Isaías bácu Jümenijicure. ¹⁷ Aru cojedeca apecu aquijichubi yure: “Põeva ju adama Cristore ne jápiaiye báquede üi yávaiye méne. Aru põeva jápiadama iye yávaiye méne coyñipõeva ne bueiye báque boje náre”, aquijichubi apecu.

¹⁸ Üi que aru, yópe arí, coyñebu yu: Jénari jáivu mure: ¿Israecavu jápiare-

jaquemari cäreja Jümenijicu yávaiye méne? Jüju, jäve jápiarejaquemavu na diede. Jümenijicu, yópe arí, toivaicōjenejaquemavu üi yávaiyede üi cuedaiye báque borore:

Jäicōjenü põevare cavarore aru ne járu, majide éajebu náre pheno baju meacu Jümenijicure. Aru ne járu caiye Jümenijicu cuedaiye báquede járavha coapa aru namiá coapa máre, majide éajebu náre Jümenijicu yávaiye jaubeda, arí toivaicōjenejaquemavu.

¹⁹ Aru bediöva cojedeca jénari jáivu mure: ¿Ina Israecavuvacari coreóvare-jaquemari aipe Jümenijicu dacuyure? Jüju, jäve coreóvarejaquemavu na diede. Mamarahmure apevure ne jipocai Moisés bácvacari, yópe arí, ju arejaquemavu üi toivaiye báqueque Jümenijicu yávaiyede: “Tebutede dacuyumu yu mujare apevü põevare, jäve pöeyajubocavu ãmevhque. Aru jorojíne dacuyumu yu mujare pöeyajubocavu ãrumevhque”, arejaquemavu Jümenijicu Israecavure. ²⁰ Aru Jümenijicu toivaicōjenejaquemavu üi yávaiyede Isaías bácre napimecuvu, yópe arí: “Ina põeva ye vobevu bácvu yure, nárecabu eaivu yure. Aru yu jádovarejacasu ji baju ina põeva ye jénari jámevü bácvure yure”, arejaquemavu Jümenijicu. ²¹ Übenita Israecavure ne borore Jümenijicu arejaquemavu: “Caijáravuare cärijimene éaiyuriduivu yu ina põeva ju abevure aru mauchvarivure yure”, arejaquemavu Jümenijicu Isaías báchi toivaiye báquede.

Jümenijicu üi jecurí beoino judíovare
(Fil 3.5)

11 Que baru, ¿Israecavure Jümenijicu jaruvaidi üre jaruvvari? jénari jáivu yu mujare. ¡Bi, ye que ãmevu! ¡Aipinumü vaibéjaröri nöpe! Jümenijicu

jicu jāve jarvabebi nāre. Yurecabu Israecas. Abraham máchi pāramecibu yu. Aru Benjamín āmicuriyajubo pōeyajubocacibu yu. ²⁻³ Israecavu Jūmenijichui beoimaramu. Javede Jūmenijichu beorejaquemavu ñujare üi pōeva márajivare. Jūmenijichu jarvabebi ñujare.

Aru mija coreóavibu jāve yópe arí toivaiye báquede Jūmenijichui yávaiyede Elíai coyuhiye báquede Jūmenijichue. Elías chioñu arí jeníarejaquemavu Jūmenijichue: "Mu, ji jabocu, jave boarí jarvavaquemavu mi yávaiyede coyucaipóeva mácavare. Aru mi aímarare boarí juarí jícaivare máre mure jave bíjare daquemavu die coapa. Aru yu quéchrabu mi yávaiyede coyucaipóechu apuchu cäreja. Que baru yure máre boarí jarvaiyurivibu na", arejaquemavu Elías Jūmenijichue. ⁴ Ubenita Jūmenijichucapúravu, yópe arí, coyucaipóeva Elíare: "Siete mil paivu baju ñumava Israecavu curivu cäreja mearore jíbema na pēpeimure üi ãmiá Baal", arejaquemavu Jūmenijichu Elíare.

⁵ Quédecabu caride máre. Obebevu baju curivibu Jūmenijichui beoimara mácavu, üi cõmaje ãroje jáiye boje majare. Jūmenijichui beoibi majare üi me boje, mearo dacayu bojecibeda. ⁶ Beobebi majare maje mearo daiye boje. Jūmenijichui beoru pōevare ne mearo daiye boje, mearo dacaiye bojecibe cübejebu. Quénora üre bojedajebu na ne mearo daiyede.

⁷ ¿Aipe arajidi maja caride? Yópe arajivibu maja: Ina Israecavu voridurejaquemavu Jūmenijichu "Boropatebevu mija ji jainore", üi coyuquiyepe aivu náre. Ubenita caivu eabedejaquemavu ne urõre. Obebejina nácavu, Jūmenijichui beoimara mácavu, earejaquemavu diede. Ubenita Jūmenijichu caivu apevu nácavure jápiaicõjemenejaquemavu üi cutuiyede náre. ⁸ Yópe arí, Jūmenijichu toivaicõjenejaquemavu

üi yávaiyede: "Jūmenijichu dapiabede darejaquemavu náre aru coreóvabede darejaquemavu náre máre. Javede aru caride máre jámenama na aru jápiabenama na Jūmenijichui daiyede aru üi urõre máre", arí toivaicõjenejaquemavu. ⁹ Yópe arí, Jūmenijichu toivaicõjenejaquemavu David báçure:

Caiye iye meadaiye ñuoibope baquiyébu. Náre jeni ture daquiyebu. Aru ñájine daquiyebu náre. ¹⁰ Jūmenijichu jámene dajacurí náre, ne coreóvabeni ñájinaiyeye ayu cainumua, arí toivarejaquemavu David báçure.

Jūmenijichu üi meadaino judíova ãmevare

¹¹ Que baru, ¿ina judíova Jūmenijichue jáiyubeni aru jápiaiyubeni ne vainí tuiye báque boje bijarorejaquemari náre? jeníari jáivu mujare. ¡Bi, ye que ãmev! ¡Aipinumva vaibéjaröri nópe! Ina judíova ju abedejaquemavu Jūmenijichui yávaiye méne. Que baru vainí turejaquemavu na Jūmenijichue jarvarí. Iye ne vainí tuiye báque ãmeina teiye barejaquénavu. Aru iye ne ãmeina teiye boje, ina judíova ãmevu jápiaivure Jūmenijichui yávaiye méne aru ju aivure máre, Jūmenijichu meadarejaquemavu náre, ina judíova ne jorojinaiyeye ayu. ¹² Ina judíova ne ãmeina teiye báque boje, apevu obedivu ijäravucahu eadama urarõ mearore. Aru ina judíova ne baju boropatebevu Jūmenijichui jainore eabe báque boje, ina judíova ãmevu eadama urarõ mearore. Que baru pheño urarõ mearo baju baquiyébu ãnijäravu baquinore, caivu judíova Jūmenijichui meadaimara márajivibu ne jápiaiyede Jūmenijichui yávaiye méne aru ne ju aiyede Jesucristore.

¹³ Caride coyuvi mijke, judíova ãmevare. Cristovacari yure bueicõjeame üi yávaiye méne mujare. Que baru

Jesús ūi yávaiye méne beorī couyicō-jeimamu yu judíova āmevure. Dápiainu yu parurō ji memeinore.¹⁴ Que teiyede, apevū jívū, judíova, jorojīnajichūma ji bueiyede mūjare. Que baru ju arā-jarama Jesucristore aru jápiarājarama Jūmenijicure máre, mūjape, Jūmenijicui meadaquiyepē aivū náre.¹⁵ Jūmenijicui ūbede ina judíova jáiuybevure ūre aru jápiayubevure máre, apevū ijāravucavu cārijimenejaquemavu Jūmenijicuque. Que baru utarō mearo baju baquiyébu ãnjäravu baquinóre, Jūmenijicui copu etaiyede ina judíovare, meadacuyu náre. Yópe yaivu bá-cavu ne nacajaiye yainore jaruvarī utarō mearo bajutamu.¹⁶ Páubore mama bu-raijevede pöeva ne jídu Jūmenijicure, caibo dibo máre Jūmenijicu jibobu. Aru jocucu nñomure máre pöeva ne jídu Jūmenijicure, caiye dicu cavabuá máre Jūmenijicui cavabuá. Quédeca Abraham mácu Jūmenijicu jicu barejaquémanu. Que baru ūi pāramenacavu máre Jūmenijicu jinamu.

¹⁷ Jocucu olivo āmicuricu cuyu jioi. Aru nñija judíova dicupe paivubu. Nñjeñecu mácu, Abraham mácu, dicu nñomupe páyube. Aru apecu cuyu macarōcacsu olivo āmicuricu. Dicupe paivubu mūja, judíova āmevū. Olivocu jiocacure cavabuare burarī jaruvaquemavu. Que baru macarōcacsu cavabuare ūni, doaquemavu olivocu jiocacure. Que baru nñija judíova cadateivubu mūjare, judíova āmevure, nopedeca jocucu nñoi oco muri cadateiyepē cavabuare. Nñija meadacaivubu mūjare nñije jíye boje mūjare caiye Jūmenijicui mearo dacaiyede nñjare Abraham mácu yóbore.¹⁸ Ubenita mūjacapúravu āmeina jámeara ina judíovare, Jūmenijicui ūbemara mácavure, yópe cavabuá buraicavabuape. Dápiabejarā mūja mūje baju ne pñeno meara. Mūja

máre cavabuape paivubu. Que baru cavabuá āmevū jíye ocire nñomuare. Quénora nñomuamu jíye ocire cavabuare. Nopedeca mūja mearore dabevu nñija judíovare, quénora nñija mearore daivubu mūjare.

¹⁹ Ubenita cūinácsu mūjacacsu acuyume yure, "Yópe jocuchare coreipōecu buraiyepē cavabuare jioi curicure, doacuyu apecavabuá macarōi curicui cavabuaque, nopedeca Jūmenijicu ūnejaquemavu apevū judíovare ūi pöevare jocarī, epecuyu yure ne yebai", acuyume yure cūinácsu mūjacacsu.²⁰ Jävemu no. Jūmenijicu ūnejaquemavu náre, ne ju abe báque boje ūre. Aru cuyu tu dicu mi ju aiye boje ūre. Ubenita dápiabejacu tu mi baju apevū pñeno meacsu. Quénora me dajacu aru me jájacu tu. ²¹ Yópe jocuchare coreipōecu dajocabepē caiye cavabuare jocuchui, nopedeca Jūmenijicu caiyu judíovare dajocabedejaquemavu ūi pöevaque. Ūi ūyepedeca ina judíova ūre ju abevure, jāve mure máre ūcuyume ūre mi ju abedu.

²² Járjide apa. Jūmenijicu mearo dacarī buojaibi pöevare. Aru nñajine dayu máre buojaibi pöevare. Nñajine daibi ina āmeina teivure, ju abeni vainí tuivure ūre. Ubenita mearo dacabi maja ju aivure ūre, daiyurivure ūi urōpe. Cainumua mūje ju aru ūre aru ñaru yópe ūi urōpe, ū mearo dacacuyume mūjare. Ubenita mūje ju abedu ūre, ū ūcuyume mūjare máre ūre jocarī.²³ Aru ina judíova Jūmenijicure ju abevu bácvu, ne ju aru ūre aru ne baju dápiainore oatavaru, Jūmenijicu epecuyume náre máre ūi pöevaque cojedeca.²⁴ Mūja judíova āmevū jocuchui macarōi curicui cavabuare buraimara mácavuape paivubu mūja. Que baru mūje cójijiye báque Jūmenijicui pöevaque yópe cavabuá ne doaiye

báquepebu joscus jioi cūricurā. Übenita ina judíova joscus jioi cūricus cavabua buraicavabua bácauvpe paivubu. Que baru ne cójijiye baquiyé cojedeca Jümenijicu põeavaque yópe cavabhare ne doaräjiyepedecabu dicu jioi cūricurā cojedeca. Que baru maiyójabevu no Jümenijicure üi epequino náre cojedeca üi põeavaque.

Jümenijicu üi meadaino judíovare

(1 Co 2.16; 8.6; Ef 4.6; Col 1.16)

²⁵ Mūja, jívn, uvu yu mije majinajyepo ayu iye Jümenijicu jádovameno mácarore jipocamia ubenita jádovainore caride. Diede mūja majidivu baru, “Me majidivubu ñuya”, arí däpiabena-jaramu mūja mije ümei. Jävemu yo: Ina Israecavu Jümenijicu yávaiye méne jápiaiyubema caride. Übenita apejärvu baquinói jápiari üi yávaiye méne ju aräjarama na diede. Na ju abenama pu caivu ina judíova ámevu Jümenijicu meadaimara márajivu ne ju aiyeta Jesucristore. Aru no yóboi, ina judíova máre jápiari Jümenijicu yávaiye méne ju aräjarama diede. ²⁶ Que teni Jümenijicu meadacuyume caivu ina judíova ju aräjivure üre. Yópe arí, Jümenijicu toivaicöjenejaquemavu üi yávaiyede: Nai meadaipöecu dacuyume

Jerusalén ámicuriimarore jocari. Jaruvacuyume caiye ina Jacob báchi pärmena ne ámeina teiyede. Aru árumentecuyume diede. ²⁷ Que teni dacacuyumu yu yópe “Dacacuyumu mūjare”, ji aiye báquepedeca, ji jaruvaiyede ne ámeina teiyede, árumentecuyume diede, arejaquemavu Jümenijicu.

²⁸ Ina judíova Jümenijicure maucs-varivubu na, ju abevu üi yávaiye méne. Aru ne que daiye boje, Jümenijicu mead-aibi apevu mūjare, judíova ámevare. Übenita ina judíovare Jümenijicu ubi, üi

beoiye báque boje néñecuva mácavure. ²⁹ Jümenijicu mearo dacari bñiyede põevaro bojecubeda üi me boje, aru üi cutuiyede põevaro üi jina márajivure, jäve oatuvabebi üi däpianore. Dajocabebi üi mearo dacaiyede aru üi cutuiyede máre. Quénora buojaibi iye mearo daiyede üi bñiyede báquede. ³⁰ Aru mūja judíova ámevucapúrvavu javede ju abedejaquemavu Jümenijicure. Übenita caride ina judíova ne ju abede üre, Jümenijicu cõmaje äroje jäimi mūjare. ³¹ Nopedeca ina judíovacapúrvavu caride, Jümenijicu cõmaje äroje jäiyede mūjare, ju abema üre. Übenita ju aräjarama üre üi cõmaje äroje jäiyede mūjare, üi mearo dacaquiyepo aivu náre máre üi cõmaje äroje jäiyede boje. ³² Que baru Jümenijicu daicõjeimarape daibi caivu põevaro, ne ju abe boje üre, cõmaje äroje jächyu náre.

³³ Jäve Jümenijicu pñeno meachu bajutame. Aru utarö cõmaje äroje jäimi caivu põevaro. Utarömu üi cüve cüvae, aru üi majié, aru üi coreóvaiye máre. Ñame coyuie buojabema üi däpiaiyede, üi me coreóvaiye boje caivu pñeno. Aru ñame coreóvari buojabema üi daiyede, üi me majié boje caivu pñeno. ³⁴ Jümenijicu, yópe arí, toivaicöjenejaquemavu üi yávaiyede:

Põecu cübebi Jümenijicu däpiaiyede majicu. Aru põecu cübebi majicari bñojayu Jümenijicure. ³⁵ Aru põecu cübebi jícacu Jümenijicure apejene, Jümenijicu bojecubenore cüvaquiyepo ayu üre cojedeca, arí toivaicöjenejaquemavu.

³⁶ Que baru Jümenijicuvacari cuedare-jaquemavu caiyede. Üi paruqué que caivu curivubu aru caiye máre cüvu. Aru üi cüe boje caivu curivubu aru caiye máre cüvu. Que baru caivu jínajarevu mearore Jümenijicure cainhmu. Quédecabu.

**Cūrājarevu memecarājivu
Jūmenijicure**
(1 Co 12.4-12)

12 Mūja, jīvū, Jūmenijicui pare cōmajē āroje jāiye boje majare, paredeca jēniaivu mūjare, mūje jēniarajiyepē ayu Jūmenijicuque, jāve mūje dārājiyepē ayu yōpe ūi үrōpe, caiyede me matūiyeda cainumua. Yōpe pōeva ne jīcayepē āimara boaimara mācavure Jūmenijicure, jījarā mūja mūje bajuāre. Ubenita apurivubu mūja. Mūjavacari epejarā mūje bajuā coapa Jūmenijicure, memecarājivu ūre cūinācure. Yōpe dārī coatejarā mūja mūje āmeina teiyede jarūvarī. Aru Jūmenijicu torojurī jācūyume mūjare. Nōpe dāivu mūja mearore jīvubu Jūmenijicure jāve mūje ūmeque.

² Dabejarā mūja yōpe ijārāvucavu Jūmenijicure jū abevu ne dāre nūiyepē. Quénora Jūmenijicure oautuvaicōjejara mūja, cūvarājivu mamaūmene aru mūje dāpiaino mamarore māre mūja coapa. Que teni mūja būojarājaramu majidivu Jūmenijicui үrōre mūje dārājiyede. Aru Jūmenijicui үrō mearomu, torojure daino, aru ye jaūbenomu.

³ Jūmenijicu pūeno meacu baju mearo dacaibi yure, jīyu yo ji memeinore, ji memecaquiyepē ayu mūjare. Que baru couyuyubu mūjare, yōpe arī: "Mearamu ūtja", arī dāpiabejarā mūja mūje baju. Quénora "Jūmenijicui cādatebedu yure, apejīene daiye majibejebu yu", arī dāpiajarā mūja coapa. ⁴ Maje baju cūinárovacaribu cūvae ure cūpe. Ubenita caiye iye mememevu cūináromia. ⁵ Quédeca maja, Jesúre jū aipōeva, obedivubu. Ubenita cūinābajupe paivubu maja Jesúque. Cūinávupē Jūmenijicu cōjijovaibi majare caivu apevñque. Que teni cūinābajupe paivubu maja.

⁶ Jūmenijicu pūeno meacu baju majide dāquemavu majare coapa bojecubeda ūi majiécarōre, maje cādatenajiyepē ayu apevure. Que baru caivu maja coapa daiye jaūnū majare yōpe ūi majide daiye bāquepe. Jūmenijicui jīdu ūi majiécarōre maje couyucarājiyepē ayu ūi yávaiyede, couyucarājarevu diede, aipino ūi majare jīno mācarōpe majare coapa. ⁷ Jūmenijicui jīdu ūi majiécarōre maje memecarājiyepē ayu apevū Jesúre jū aivure, memecarājarevu nāre. Jūmenijicui jīdu ūi majiécarōre maje buenajiyepē ayu pōevare, buenajarevu nāre. ⁸ Jūmenijicui jīdu ūi majiécarōre maje cādatenajiyepē ayu apevure, cādatenajarevu nāre. Majacavu jīvū baru ne cūvecarōre apevure, jījarāri nāre jecubevuva. Majacavu jaboteivu baru ina jū aipōevare, үrarō memejarari na. Majacavu cōmajē āroje jāivu baru apevure aru mearo dacaivu baru nāre, torojurivu nāre mearo dācajarāri na.

Aipe daiye jaūrō Jesúre jū aipōevare
(Mt 5.44; 19.18-19; 22.21; Mr 12.17;
Lc 6.28; 20.25; 2 Co 8.21; Ef
6.11-17; He 10.30; 13.2; 1 P 4.9)

⁹ Ujarā apevure aru me dājarā nāre jāve. Pūcaūmea cūbevuvu cādatejarā nāre. Ubejarā āmenore. Cainumua dājarā mearore. ¹⁰ Ujarā mūja mūje bājumia. Torojurivu jājara mūja coapa apevure mūje pūenocavure aru puedajarā nāre māre.

¹¹ Jūracubejarā. Quénora pare mūje daiyueque memejara mūja. Memecajara үrarōreca maje jabocu Jesucristore mūje ūmeque.

¹² Napini coreivubu mūja Jūmenijicui mearo dacaquiyede mūjare. Que baru torojujarā mūja cainumua. Napijara mūja mūje ūnājiyede. Aru үetubevuvu couyjarā Jūmenijicuque cainumua.

¹³ Jíjarā mūje c̄hevecarōre aru tāuturare máre ina Jūmenijic̄hi pōevacavure jauede. Me copu etajarā ina curādaivure mūje yebai apenoacavure.

¹⁴ Jēnijajara mūja Jūmenijichque, ūi āmedabequiyepē aivu ina mūje mauvare. Aru mūjavacari āmeina yávabejarā nāre. Quénora jēnijajara Jūmenijichque, ūi mearo dacaquiyepē aivu nāre.

¹⁵ Torojujarā mūja ina torojurivque. Aru ch̄iori ojarā mūja ina apevū ch̄iori oivque.

¹⁶ Cārijimoque c̄ujarā mūja apevque. Cūinátrurā mūje ūmei dāpiajarā mūja. Aru jájara caivu apevure cūinátrurā. Dápiabejarā mūja coapa “¿Meara márica?” apevū p̄heno. Quénora yóvajarā mūja ina cōmajē arojarivure. Dápiabejarā mūja ӯrarō me majidivupe.

¹⁷ Apevū ne āmeno daiyede mūjare, copu āmeno dabejarā nāre. Jipocamia dāpiajarā aipe daiye jaūrōre, apevū ne járajiyepē aivu mūja juvovabevure. ¹⁸ Mūjacapūravu caiye mūje daiyeque cārijimena c̄ure dajarā mūje bajumia.

¹⁹ Mūja, ji yóvaimara, cainumua nājine dabejarā mūja apevure, ne nājine daiye báque boje mūjare. Quénora corejarā Jūmenijic̄hi nājine dacuyure nāre. Que baru yópe arī, Jūmenijic̄hi toivaicōjenejaquemavu ūi yávaiyede: “Ȳrecabu nājine dacuyu ina āmeina daivu bácvure apevure. Yávacari bojedare dacuyumu nāre yópe ne āmeno daino mácarōpe”, arejaquemavu maje jaboch Jūmenijic̄hi. ²⁰ Que baru dajarā mūja yópe Jūmenijic̄hi toivaicōjeiye báquepe ūi yávaiyede: “Mūje mauvai nājinu ãvnéna, jíjarā mūja nāre ne ãiyeva. Aru mūje mauvai ūcuiyuru, jíjarā mūja nāre ne ūcuiyeva. Que dariburu yóboi, nácapūravu ch̄iomenu mūjare ne nājine daiye báquede, p̄heno ӯrarō nājine darājaramu mūja

Jūmenijic̄hi nājiovaquijāravu baquinóre ne maucvuae báque boje mūjare, mūje mearo dacaquemavu Jūmenijic̄hi. ²¹ Āmenore dare daicōjemejara ina āmeno dare daivure mūjare. Quénora mearo dacaquarā mūja caivure, b̄járarajivu mūje mauva ne āmenore daiyede.

13 Caivu ina jabovare Jūmenijic̄hi jaboteicōjeimi ijāravure. Que baru caivu pōevare ju aiye jaunv ina jabovare coapa. Aru ina jabova Jūmenijic̄hi epeimaramu. ² Ách pōecu maucvach baru jabocvare, maucvvaibi Jūmenijic̄hi epeimu mácvare. Que teni nāi pōecu nājichuyume ūi maucvuae boje. ³ Ina mearo dāivu jidubema jabovare. Quénora ina āmenore dāivu jiduma jabovare. Que baru mūja jiduiyubevu baru jabovare, mearo dajarā. Aru ina jabova me járajarama mūjare. ⁴ Ina jabova Jūmenijic̄hi epeimaramu na, me cadatenajivu mūjare, aru mūjare cadatede darājivu apevure máre. Ubenita mūja āmenore dāivu baru, jidujarā nāre. Nājine dāivu b̄vojadama na. Aru nājine dādama na āmeno dāivure. Que teni ina jabova Jūmenijic̄hi epeimara nājine darājivubu āmeno dāivure. ⁵ Que baru ju aiye jaunv mūjare ina jabovare, ne nājine dabenajiyepē aivu aru “Boropatebevu yu”, mūje arī dāpiarajiyepē aivu máre. ⁶ Que baru bojedaiyede máre jíye jaunv ina jabova ne tāutura ícōjeiye boje caivu ne jaborōcavure. Jūmenijic̄hvacari ūi epeinore memeivubu ina jabova. ⁷ Bojedajarā mūja ina jabovare caino mūjare bojedaiye jaūrōre. Aru p̄uedajarā caivu ina jabovare, mūjare cōjeivure máre.

⁸ Bojecube dabejarā apevure. Quénora cūinárrora daiye jaunv mūjare: Ujarā apevure. Ách pōecu ucu baru apevure, daibi caiyede yópe Jūmenijic̄hi daicōjeiye coyvuyepē.

⁹ Yópe daicōjenejaquemavu Jūmenijich pōevare: “Cabejarā apevñque mujemarebucuvare jaruvārī. Boarī jaruvabejarā pōevare. Ñavamejara. Äujimejara apevñ ne cūvaede”, arī daicōjenejaquemavu. Caiye iye daicōjeiye aru caiye ape daicōjeiye máre cūináromia yópe aiyurōmu: “Muja coapa ujarā mujevure, yópe muje upedeca muje bajure”, aiyuebu iye. ¹⁰ Ácu pōescu ush baru ū jivure, ye ämenore dabecuyume náre cainumua. Que baru pōescu ush baru ū jivure, ñai daibi caiyede iye daicōjeiye coyuíyepo.

¹¹ Aru caiye iye ji coyuíyepo daiye jaunv mujare, muje majié boje ijāravni vaiyede. Caiuvpe paivubu muja. Übenita coedaiye jaunv mujare. Jesúi copaidaquiijāravu, ūi nuaquijāravu baquinó majare cavarō mearo ūi curōi, joabevu caride, majé Jesúre mamárumu ju aijāravu bácarō pueno. ¹² Majé cudee ijāravni yópe ñamipe painomu. Übenita joabevu miadáe tuiyepo paino maquinó, Jesúi copaidaquiyede yore. Que baru dajocaiye jaunv majare caiye iye ämeina teiyede, pōeva ne dare nuiyede ñami, apevñ ne jári buojabede náre. Quénora daiye jaunv majare caiye iye me teiyede yópe Jūmenijichi uröpe, pōeva ne dare nuiyede jāravu, apevñ ne jáiyede náre. Que baru yópe churara boaicarovede ñi, ūi meateiyepe boacýu ūi mauvare, nopedeca Jūmenijichi majiéque meateiye jaunv majare, dabeburí ämenore. ¹³ Que baru jaunv majare maje dare nuiye yópe curivupe jāravu, apevñ ne jári buojaiyede náre. “Ücurajare” abeni, urarō boqueiyede ücumeni, pacotebejarā muja. Aru ämeina dabejarā muja apevñque mujemarebucuvá ämevñque. Aru jarabení jorojímejara muja apevñque máre. ¹⁴ Übenita maje jabocu Jesucristore jéniajara, ūi cadatequiyepo

aivu mujare, muje curájiyepo aivu yópe ūi uröpe. Aru muje ämeina daiyñepo dápiaiyede dajocarī, dabejarā muje urō ämenore.

“Ämenamu”, arī yávabejarā mujacavure

(2 Co 5.10; Col 2.16)

14 Me copu etajarā muja ina Jesúre ju aivu coreóvabevure cäreja aipe ne ju aiyede Jesúre. Aru, “Majivevu muja”, arī yávabejarā náre. ² Apevñ Jesúre ju aipöeva me coreóvainu aipe ne ju aiyede Jesúre, ädama áde äiyede. Übenita apevñ Jesúre ju aipöeva coreóvabevu cäreja iye ne ju aiyede Jesúre, ämema äimajiaruare, ne dápiaiyede boje Jūmenijichi ubecure náre äimajiaruare äivure. ³ Muja caijíene aivu ämeina jámejara ina äimajiaruare ämevure. Quédeca muja äimajiaruare ämevñ ämeina yávabejarā ina caijíene aivure. Jūmenijicuvacari me jāñu coatebebi ina caijíene äivure ū jinare jocarī. ⁴ Jaruvārī buojabevu mu apecu ūmure memecayure. Quénora ñai ūi memecaimu quécu cūináchrabe buojarī jaruvayu o mautede dayu ūre. Nópe mi jaruvārī buojabepedeca apecu mácacure, Jūmenijicuvacari, caivu ne jabocu, jaruvacuyume o mautede dacuyume ūre.

⁵ Aru apevñ Jesúre ju aipöeva ärurivubu cūinájāravure me apejāravña pueno. Übenita apevñ Jesúre ju aipöeva ärurivubu cūinártu rū jāravña coapa. Majijarāri caivure jāvene ne dápiainore. ⁶ Majacavu me ärurivu baru cūinájāravure apejāravña pueno dadama nópe, puerdarājivu Jūmenijicure. Aru majacavu ärurivu baru cūinártu rū jāravña coapa dadama nópe, puerdarājivu Jūmenijicure. Aru majacavu caijíene aivu nópe dadama, puerdarājivu Jūmenijicure, aru torojuede jíyama ūre, ūi jíye boje náre

ne āiyeva. Aru majacavu āimajiarhare āmevu máre nópe dadama, puerdarājivu Jūmenijicure, aru torojhede jíyama ūre, ūi jíye boje náre ne āiyeva.

⁷ Pōecu cūbebi majacavu jēneboi jaboteyu ūi baju ūi apuede cāreja. Jesúre ju aipōecu cūbebi cūináchva. Quédeca pōecu cūbebi jaboteyu ūi baju ūi yaiyede máre. Jesúre ju aipōecu yaibébi cūináchva. ⁸ Maje apuede cāreja maje jabocu jinamu maja, puerdarājivu ūre. Aru maje yaiyede máre maje jabocu jinamu maja, puerdarājivu ūre. Que teni apurivu baru maja cāreja, Cristo jinamu maja. Aru yaivu bácacu baru máre, Cristo jina mārajivu maja. ⁹ Cristoi yaiye báque boje aru ūi nacajaiye báque boje yainore jarūvarī, jaboteyube ū caivure, apurivure aru yaivu bácacu máre.

¹⁰ ¿Aipe teni apevū mujacavu āmeina yávaivurū apevū Jesúre ju aipōevare, mínupe paivure? ¿Aru aipe teni apevū mujacavu āmeina jáivurū apevū Jesúre ju aipōevare, mínupe paivure? Nópe dabejarā maje baju. Caivu maja nūraramu Cristoi coyuquiyede maje daiye báquede méne o āmene ūi jāinoi. ¹¹ Yópe arī, Jūmenijicu toivaicōjenejaquemavu ūi yávaiyede:

Yópe aibi maje jabocu: “Ji Cainumha cūe boje, coyuqubu mūjare yópe vaiquiyede jāve. Caivu ijāravucavu nūuatutarī mearore jínajarama yure. Caivu ijāravucavu coyuqujarama yure, ‘Jūmenijicutamu tu. Nūje jabocubu tu’, arājarama caivu, arejaquemavu Jūmenijicu.

¹² Que baru caivu majavacari coyuqujaramu Jūmenijicure maje borore, caiye maje daiye báquede.

Āmeno dare dabejarā mūjevure

(Mt 15.1-20; Mr 7.1-23)

¹³ Que baru āmeina yávabenajarevu majevure. Quénora majijarā maje ūme

maje āmeina teivure. Que baru mearo dajarā, mūjevū ne vainí tūbenajiyepa aivu, ne jāye boje maje āmeina teiyede. ¹⁴ Yū jāve coreóvaivu ye āye cūbede yure āmedaiye, yure coavaiye Jūmenijicure jarūvarī. Nópe buedejaquemavu maje jabocu Jesucristo. Ubenita apecu “Āmetede daivu yure”, ūi arī dāpiaru apejiene, diedecabu āmetede daiye ūre. Que baru maja coapa dāpiari majidi-vubu āmeina teiyede. ¹⁵ Āyeque maje chīore īaru apevū Jesúre ju aipōevare ne ūmei, meamejebu no. Maje nōpe daiyeque, jādovajebu maje ūbenvure náre. Jesucristo yaidéjaquemavu bojedayu náre máre. Que baru bījarobejarā maje náre, ne coatenajiyepa aivu Jūmenijicure jarūvarī, maje apejiene āiyue boje. ¹⁶ Que baru maje daivu baru apejiene, méne maje jāiyede, “Boropate-bevu yu”, maje arī dāpiayede maje daiyede diede, aru pōevare cadateiyede máre, ūbenita apecu Jesúre ju aipōecu āmeina jāru, o āmeina yávaru diede, dājocajara maje daiyede. Quénora dabejarā maje diede. ¹⁷ Jūmenijicu maje jabocube. Ubenita majare jabotebebi maje ūri aru ūcuri teiye boje. Quénora cūjarā me nurié daivu, cārijimena, aru torojurivu, yópe ū Espíritu Santoi cōjeiyepa majare. Nópe īaru, Jūmenijicu jaboteibi majare. ¹⁸ Aru caivu ina memecaivu Cristore nōpe daivu, nārecabu me Jūmenijicure torojhre daivu, aru pōevare máre me jāre daivu, aru me yávare daivu náre.

¹⁹ Que baru Cainumha cārijimene dārājarevu maja apevure. Aru Cainumha cadatenajarevu maja apevū majacavure, pueno parurōreca ne ju are nūrājiyepa aivu Jesúre aru pueno me ne cūrājiyepa aivu ūque. ²⁰ Jūmenijicu pōevare ju are nūre daibi pueno parurōreca Jesúre. Que baru mujacapūravu āmedabejarā náre ne ju aiyede Jesúre, maje apejiene āiyue boje. Āye cūbevu āmedaiye

pōevare, nāre coavaiye Jūmenijicure jaruvārī. Ne āru māje āiyepedeca aru “Āmeina daiyebu ūjare”, arī dāpiaru, mājacapūravu āmeno īajebu nāre, māje āiye boje. ²¹ Que baru āmejara māja āimajiaruare, aru ūcumejara boqueiyede māre, aru īabejarā caiye apejēne, mājacacu Jesúre ju aipōecu vainī turī ūi īabequiyepē aivu āmenore māje daiyede jāri. ²² Māje dāpiainore māje āiyede, māje ūcuiyede, aru māje daiyede māre coyūbejarā apevure. Quénora Jūmenijicuvacari coreóvacuyu die. ²³ Nai pōecu caiyede dayu baru, “Boropatebevu yu”, arī dāpiarī, ūrecabe Jūmenijicu torojure īaimu. ²⁴ Ubenita nai pōecu “Majibevu yu mearore ji āino, ji ūcuino, aru ji daino” arī dāpiayu baru, ūrecabe Jūmenijicu āmeina jāimu. Ūi nōpe daiyede, “Majibevu yu Jūmenijicu uchure diede” arī dāpiayu baru, boropateyube ū Jūmenijicu jāinore. Caiye māje daiyede, “Meaquiyebu” arī dāpiabevu baru, āmeina teivubu māja.

Torojure īarājarevu majacavure

15 Māja Jesúre ju aipōeva me coreóvaivubu aipe māje ju aiyede Jesúre. Que baru majare cadateiye jauvu apevure, Jesúre ju aipōeva coreóvabevure cāreja aipe ne ju aiyede Jesúre, ne vainī tūbenajiyepē aivu āmeina teiyede. Māje ūrōpe daiye jaubevu majare. ² Quénora īacaiye jauvu majare apevure Jesúre ju aivure, torojure īarājivu nāre aru parure īarājivu ne ūmene. Nōpe daiye jauvu majare, ne pueno ūrarō majinajiyepē aivu aipe ne ju aiyede Jesúre. ³ Cristovacari ūi baju torojure īabedeaquemavu. Quénora vaidéjaquemavu ūre yópe Jūmenijicu toivaicōjeiye bāquepe ūi yávaiyede: “Pōeva ne āmeina yávaiyeque māre, āmeina yávadama yure māre”,

arejaquemavu Jūmenijicure. ⁴ Aru caiye iye toivaiye bāque Jūmenijicu yávaiyede toivaicōjenejaquemavu, māje buenajiyepē ayu. Māje bueiyede diede, napivubu māje ūnājiyede aru torojurivubu. Que baru napini coreivubu Jūmenijicu mearo īacaquiyede majare. ⁵ Aru Jūmenijicu napine īaibi pōevare, aru torojure īaibi nāre māre. Que baru caiye īajacurī mājare cārijimevua cūināturu māje ūme, māje īarājiyepē ayu nōpe Jesucristoi daiye bāquepe. ⁶ Que teni caiyu māja, cūināturu māje ūme aru cūinācamumia, jíjarā mearore Jūmenijicure, māje jaboci Jesucristoi mearore jímure, jípacure māre.

Judíova āmevu ne jāpiaino Jūmenijicu yávaiye méne

⁷ Copu etajarā māja mājevure yópe Jesucristoi copu etaiyepē majare, pōeva ne mearore jínajiyepe aivu Jūmenijicure. ⁸ Yū couyubu mājare yópe: Cristo darejaquemavu memecaipōecupe, judíovare cadatechayu. Que darī, jādovarejaquemavu Jūmenijicure jāve dayure yópe “Dacacuyumu yu”, ūi aiye bāquepedeca. Cristo jave darejaquemavu caiye iye Jūmenijicu couyiye bāquepedeca judíovai ūecuba mācavure. ⁹ Aru Cristo māre mearore jide darejaquemavu Jūmenijicure ina judíova āmevure, Jūmenijicu cōmaje īroje jāiye boje nāre. Yópe arī, Jūmenijicu toivaicōjenejaquemavu ūi yávaiyede Cristorā:

Ji cuede judíova āmevu jēneboi, mearore jíchuyumu yu māre. Aru yuriacuyumu yu, torojure māre jíchuyu māre, arejaquemavu Jūmenijicure.

¹⁰ Aru yópe arī, Jūmenijicu toivaicōjenejaquemavu ūi yávaiyede:

Māja, judíova āmevu, torojujarā māja Jūmenijicu beoimaraque, arī toivaicōjenejaquemavu.

¹¹ Aru yópe máre arī, Jūmenijicʉ toivaicōjenejaquemavʉ ūi yávaiyede cojedeca:

Caivʉ muja judíova āmevʉ, mearore jíjarā Jūmenijicʉ. Muja, caivʉ pōeva, mearore jíjarā ūre, arī toivaicōjenejaquemavʉ.

¹² Aru Jūmenijicʉ Isaías bácre, yópe arī, coyucaicōjenejaquemavʉ ūi yávaiyede:

Isaí báchi pāramenacacʉ bacʉyʉ dacʉyʉme. Jūmenijicʉ epecʉyʉme ūre, ūi jabotequiyepo ayʉ ina judíova āmevʉre. Aru ū napini corede dacʉyʉme ina judíova āmevʉre, arī toivarejaquemavʉ Isaías bácu.

¹³ Jūmenijicʉ napini corede dayʉbe mujare. Que baru me torojure dajacurī mujare me aru cārijimenoque cure dajacurī mujare, muje ju aiye boje ūre. Nópe dajacurī ū mujare ū Espíritu Santo parʉéque.

¹⁴ Muja, jívʉ, yúvacari jāve majivʉ mujare meara baju cadateivʉre aru me majidivʉre aipe daiye jaurōre mujare, muje majicarājiyepo ayʉ mujevʉre.

¹⁵ Ubenita iyoca paperayocare apecure toivaicōjeivʉ yʉ mujare yavebecchva. Yo ji coyuñino diyocaque ārure daivʉ aipe daiye jaurōre mujare, Jūmenijicʉ epeiyē báque boje yure Jesús ūi yávaiyē méne beorī coyuñicōjeimʉpe, ūi mearo dacaiae bojecabeque. ¹⁶ Que teni yurecabu Jesucristore memecaipōeçʉ, buecʉyʉ ina judíova āmevʉre. Yópe sacerdote ūi memeiyepo Jūmenijicʉ cūrami jívʉi memēñmu yʉ, cadatecʉyʉ pōevare ne mearore jíyede Jūmenijicʉ. Coyuñibʉ Jūmenijicʉ yávaiyē méne náre, ū jina marajiyépe ayʉ yópe jícayepo ūre, torojʉquiyepo ayʉ ne ju aiyede Cristore. Nai Espíritu Santo epeyʉbe náre, judíova āmevʉre, Jūmenijicʉ jinava.

¹⁷ Yurecabu cʉcʉ Jesucristo que cūinávʉpe. Que baru torojʉvʉ yʉ memecayʉ me Jūmenijicʉ. ¹⁸ Yʉ yávaquijivʉ jidubecʉva cūináro ji coyuñinore. Coyuñquijivʉ aipe Cristo yure buede dayʉre aru aipe ju are dayʉre Jūmenijicʉre ina judíova āmevʉre máre. ¹⁹ Nai Espíritu Santo parure daibi yure, ji daquiyepe ayʉ pōeva ne jāmene aru ne dāri majibede máre, ne coreóvarājiyepo ayʉ jāve ji coyuñiyede. Que teni cucanuri cainoa joborōare Jerusalén āmicuriñmarore jocarī pʉ Iliria āmicurijoborōita, coyuñcacʉ caiye iye Jesucristoi yávaiyē méne ūmaroa coapa. ²⁰ Cūináromu ji ʉrō. Coyuñyʉnʉ yʉ iye yávaiyē méne āro ūmaro ne jāpiabenoi cāreja Cristorā, dabecʉyʉ apevʉ ne memeni buino mácarōre. ²¹ Que baru yópe arī, Jūmenijicʉ toivaicōjenejaquemavʉ ūi yávaiyede:

Ina coyuñbemara mácavʉ ūi borore cāreja jārajarama na. Aru ina jāpiabevʉ bácavʉ ūi borore cāreja jāpiarī coreóvarājarama na máre, arejaquemavʉ Jūmenijicʉ.

Pablo ūi jácʉnʉiyʉrō Romacavure

(Ro 1.13; 1 Co 9.11; 16.1-4)

²² Que baru obedintumha jácʉnʉiyʉrīducacʉ yʉ muje yebai. ²³⁻²⁴ Ubenita caride jave bñojavʉ yʉ ji memeiyede yo joborōre. Que baru obedintumha joe jácʉnʉiyʉrīduyʉ, napini coreivʉ yʉ ji jácʉnʉquiyede mujare joabejñena. Ji nñquiyede España āmicurijoborōi, mauteiyʉnʉ yʉ muje yebai obedijāravʉ, coreóvacʉyʉ mujare coapa aru muje cadatenajiyepo ayʉ yure ji eaquiyede España āmicurijoborōi, ji cñrñburu yóboi mujaque.

²⁵ Ubenita carijē nñquijivʉ Jerusalén āmicuriñmaroi, cadatecʉyʉ Jesúre ju aipōevare noi. ²⁶ Ina Jesúre ju aipōeva

cóijivaivu Macedonia aru Acaya āmicurijoborōcavu máre torojurivu jíyuma ne tāuturare, cađatenajivu ina Jerusalén āmicurii marocavu Jesúre ju aivucavu cüve cüvabevure. ²⁷ Ñame jícojemema náre. Quénora torojurivu "Jínajarevu, cađatenajivu ina cüve cüvabevure", aquemavu na. Übenita jáve náre cađateiyе jauvu. Cristoi daquije jipocare maja judíova quévhra cüvarejaquemavu Jümenijicui mearo dacaiyede majare. Aru majarecabu coreóvare daivu ina judíova āmevure Jesucristoi yávaiye méne, ne cüvarājiyepe aivu iye Jümenijicui mearo dacaiyede náre máre. ²⁸ Yü jíyu bácu ina Jerusalécvu judíova Jesúre ju aivure caiye iye judíova āmevü ne jíye báquede, ina judíova ne majinajiyeppe ayu apevü judíova āmevü jáve ju aivure Jesúre napedeca, etaquijivu nore jocarí nuchuyu Espana āmicurijoboröi, aru jácudaquijivu maje yebai, noi nūñuvacari. ²⁹ Aru ji eaiyede maje yebai, majivu yu Jesucristore mearo dacachuyre majare.

³⁰ Maje, jívu, paruróque jěniaivu maje, maje ju aiyé boje maje jaboci Jesucristore aru nai Espíritu Santoi uede daiye boje majacavure. Jěniaivu yu maje, maje jěniacarājiyepe ayu yure Jümenijicque paruróreca. ³¹ Jěniajara ūque ina Judea āmicurijoborōcavu Jesúre ju abevu ne āmeina dabenajiyeppe aivu yure. Aru jěniajara Jerusalén āmicurii marocavu Jesúre ju aivu máre ne torojuři jacopurājiyepe aivu ji nūvacaquiyede náre. ³² Que teni Jümenijicui uriburu, yu torojuču eachuyumu maje yebai. Aru ji cüe majaque torojure daquiyebu yure máre. Caiye diede jěniacajara yure Jümenijicque. ³³ Yü jěniaivu Jümenijicure, nai cärijimenoque cüre dayure pöevare me, ūi cüquiyeppe ayu caivu majaque. Quédocabu.

Pablo ūi meaicōjeino Romacavure

(Mr 15.21; Hch 16.1; 18.2; 19.29; 1 Co 1.14; 2 Ti 4.20)

16 Majevucaco ūi āmiá Febe ju adobe Jesúre majapedeca. Que baru uvu yu maje me jacopuyede óre. Ō cađateipöecobe ina Jesúre ju aivu cójijinocavure Cencrea āmicurii marocavure. ² Me jacopujarā óre, ūi Jesúre ju aiye boje. Nópe daiye jauvu caivu Jesúre ju aipöeva apevü ju aivure. Óvacari me cađateibico obedivu pöevare aru yure máre. Que baru cađatejarā caiye óre jauéde.

³ Meajarari Prisca aru Aquila máre, ji yóvaimara; memecaivu Jesucristore boje. ⁴ Ina yainíduima yure boje, ji mauva ne boarí jaruvariduiyede yure. Que baru urarō pare torojude jívu yu náre. Aru caivu ina judíova āmevü Jesúre ju aipöeva máre torojude jívbü náre. ⁵ Aru quédeca meajarari caivu ina Jesúre ju aipöeva cójijivaivu ne cürami jívhi.

Meajacurí ūi ji umu Epeneto. Ū ju áme Jesúre caivu apevü Asia āmicurijoborōcavu jipocai. ⁶ Meajacorí ico María. Pare urarō memecaibicoda ū maje. ⁷ Meajarari ina Andrónico aru Junias máre. Ina yápe paivu judíovabu. Āmeina teivure jení jacoñami cüteima na yáque. Apevü ina Jesúre ju aivu ne daroimara coyurajivu Jesús ūi yávaiye méne me puelaadama náre. Aru Jesúre ju arejaquemavu na ji jipocai.

⁸ Meajacurí ūi Ampliato, ji umu. Ū ji yóvaimume Jesucristo que cüinávüpe.

⁹ Meajacurí ūi Urbano, maje yóvaimu memecayu Cristore. Aru meajacurí ūi Estaquis, apecu ji umu. ¹⁰ Meajacurí ūi Apelles. Ū jádovaimi jáve ūi ju aiyede Jesúre. Meajarari ina Aristóbuloi cüramicavu. ¹¹ Meajacurí ūi Herodión. Ū máre judíovacacube. Aru meajarari ina Narcisoi cüramicavu Jesúre ju aivu

máre. ¹² Meajarari ina p̄ucarā nomiva Trifena aru Trifosa máre. Úrarōreca memecadama na maje jabocu Jesúre. Aru meajacorī maje umo Pérsida. Ó máre pare memecaibico maje jabocu Jesúre.

¹³ Meajacurī n̄ai Rufo. Caivu majidi-vabu ūre me j̄u ayure maje jabocu Jesúre. Aru meajacorī Rufoi paco máre. Ó me cadateibico yure yópe jipacope baju. ¹⁴ Meajarari ina Asíncrito, Fle-gonte, Hermes, Patrobas, Hermas, aru caivu ina Jesúre j̄u aipōeva náque curivu máre. ¹⁵ Meajarari ina Filólogo aru Ju-lia máre, Nero aru ūi yóco Olimpas, aru caivu ina Jūmenijicu p̄eva náque curivu máre.

¹⁶ Me jacouyjarā m̄uja m̄ujevure, m̄uje jivare nuri, m̄uje Jūmenijicu jina mae boje. Caivu Jesúre j̄u aipōeva cóji-jinocavu meaicōjedama m̄ujare.

¹⁷ M̄uja, jívn, yu parurōque jēniaivu m̄ujare yópe: Me jājara ina mauchvare daivure apevure. Me jājara ina vainí ture ñariduivure apevure, dajocare daiyuriduivure náre ne j̄u aiyede Jesúre. Me jājara ina bueivure apeno bueinore m̄uje bueiye báquede jaruvarī. Yóbabejarā náre. ¹⁸ Ina p̄eva dápiabenama aipe memecaiye jaúrōre náre maje jabocu Jesucristore. Quénora dápiadama na ne ñarajiyede. Úbenina yávadama yávaiye jāvepe painore. Úbenita jujovadama na ina majibevure.

¹⁹ Caivu p̄eva jápiainvabu m̄uje borore, paruéque j̄u aivure Jesús ūi yávaiye méne. Que baru torojurī ñarunv yu m̄ujare. Yu uvu m̄ujare me majidivure mearo daiyede, m̄uje cadatenajiyepo ayu apevure. Úbenita yu uvu ye majibevure m̄ujare ñameno daiyede, m̄uje ñameina dabenajiyepo ayu apevure. ²⁰ Aru Jūmenijicu, n̄ai majare cārijimenoque me cure ñayu,

maumejiena m̄ujare bíjarocuyume n̄ai abujuvai jabocure, ūi ñamia Satanás. Maje jabocu Jesucristo me cadatejacurī m̄ujare cainumha, ūi me boje.

²¹ Timoteo, yúque memeñu memecayu Jesúre, meaicōjeimi m̄ujare. Aru apevu judíova máre, Lucio, Jasón, aru Sosípater máre meaicōjedama m̄ujare.

²² Yu, Tercio, toivacayu Pablore ūi couyiede m̄ujare iyoca paperayocare, m̄ujape páyu yu máre j̄u ayu Jesúre, meaicōjeivu m̄ujare.

²³ Yu, Pablo, chivu Gayoi cūrami. Aru ūi cūrami Jesúre j̄u aipōevai cóji-jinamimu. N̄ai Gayo meaicōjeimi m̄ujare. Aru Erasto, yo ñimarocavu ne tauturare coreipōecu máre, meaicōjeimi m̄ujare. Aru Cuarto máre, apecu majescu, Jesúre j̄u ayu, meaicōjeimi m̄ujare.

²⁴ Maje jabocu Jesucristo me cadate-jacurī m̄ujare cainumha, ūi me boje.

Pablo ūi jíno mearore Jūmenijicure

²⁵ Mearore jíjarāri Jūmenijicure caivu cainumha. Jūmenijicu parure ñarī bhojaibi m̄ujare m̄uje j̄u aiyede Jesús ūi yávaiye méne. Iye yávaiye méne couyaybu yu. Jesucristoi borore Jūmenijicu jáðovameno mácarore jipocamia ñabenita jáðovainore caride couyaybu yu. ²⁶ Úbenita cari ina Jūmenijicu yávaiyede couyaipōeva mácavu ne toivaiye báque boje, iye Jūmenijicu yávaiyede jāvene majidivu bhojadama caivu p̄eva. Javede apevu p̄eva majidejaquemavu iye yávaiyede. Aru Jūmenijicu, cainumha apus, coreóvaicōjeimi diede caivu p̄oeyajuboacavu, ne j̄u arájiyepo ayu Jūmenijicure, ne ñarājiyepo ayu ūi urōpe. ²⁷ Jūmenijicu cūinácurabe ūi. Aru caiyede majibi ūi. Cainumha p̄eva mearore jíjarāri ūre, Jesucristoi daiye boje. Quédecabu. Quénoram.

1 Corintios

Mamabuínore coyuíyebu Pablo bácu ūi toivaicōjeiye báquede mamayoca paperayocare Corinto āmicuriímarocavu Jesúre jü aipōevare. Pablo bácu judíovacacu bácvacari, Jesús ūi yávaiye méne beorí coyuicōjeimavu marejaquémavu, coyuicnyu ūi yávaiye méne judíova āmevare, judíova ne jü abe boje ūi coyuíyede. Lucas bácu coyuřejaquemavu Pablo báchi borore Hch 7:57-8:1, 9:1-31, 13:1-28:31, aru ūi cñede Corinto āmicuriímaroi 18:1-18. Javede Pablo bácuré toivacaipóecu bácuré toivacójenejaquemavu pñcayoca ūi paperayocare Tesalónica āmicuriímarocavure. Pablo bácu coyuřejaquemavu ūre toivacaipóecu bácuré aipe ūi toivacaquiyé báquede diyocare. Toivacójenejaquemavu diyocare āniújua báquede 54-55 d.C., yóbecue ūi cucusnhiyede, coyuicnyu Jesús ūi yávaiye méne. Cürejaquemavu Éfeso āmicuriímaroi ūi toivacójeyede diyocare (16:8, Hch 19).

Diyocaque Pablo bácu coyuřejaquemavu aipe daiye jaúrōre Jesúre jü aipōevare. Coyuřejaquemavu Corintocavu ne jeníari jáiye báquede ūre ne paperayocaque pñvabhoiyede (cap. 7), āiyede pñeva ne jíye báquede pñpeimarare (cap. 8), Espíritu Santo majide daiyede Jesúre jü aipōevare ūi majiécaroque (caps. 12-14), aru ne jínajiyede ina Jesúre jü aipóeva Jerusalén āmicuriímarocavu cñve cñvabevare (cap. 16). Aru jararejaquemavu Corintocavure ne yajuboa tede daiyede (caps. 1-3), ne ñájine ñabe boje nácacu āmeina ñaipóechre (cap. 5), ne coyuíye boje ne jaraiyede ne bajumia āmeina teivure jeníari jáiipóeva Jümenijicure coreóvabevu ne jivateinoi (cap. 6), aru ne āmeina teiyede ne cójiji-

vaiyede (cap. 11). Jádovarejaquemavu aipe daiye jaúrōre Jesúre jü aipōevare ūi coyuíyeque Jesú daroimarare coyuřajivure ūi yávaiye méne (cap. 4), ūi baju daiyede (cap. 9), aru Israecavu bácvavu ne daiye báquede (cap. 10). Aru árure ñarejaquemavu náre Jesús ūi yávaiye méne (cap. 15).

Pablo ūi meaicōjeino Corintocavure (Hch 18.1)

1 ¹⁻² Yü, Pablo, toivaicōjeivu apecure iyoca paperayocare. Meaicōjeivu mñja cójijivaivu Corinto āmicuriímarocavu Jümenijicui pñevare. Jümenijicu beorí epeibi yure Jesucristoi yávaiye méne beorí coyuicōjeimaracacure. Sóstenes máre, majecu ūi jü aiye boje Jesúre majapedeca, meaicōjeimi mñjare. Caivu mñjarecabu Jümenijicui cutuimara mácvavu ū jinava meara baju. Mñjarecabu cñrivu Jesucristo que cñinávçpe, yópe caivu pñeva cainoa joboróacavupe mearore jívu maje jabocu Jesucristore. Úrecabe ne jabocu aru maje jabocu máre. ³ Majepacu Jümenijicu, maje jabocu Jesucristomaque, mearo ñacajacurí mñjare bojecubeda ūi me boje. Aru torojurí cüre ñacajurí mñjare cñrijimevava.

Cristo ūi mearo ñacaiyede ūre jü aivure

⁴ Cainumua Jümenijicure torojuede jívaivu, ji mearore jímure, mñjare boje. Jümenijicu Jesucristore mearo ñacare ñaibi mñjare bojecubeda. Que baru ūre torojuede jíyavbu. ⁵ Mñje cñe boje Jesucristo que cñinávçpe, Jümenijicu mearo ñacaiibi mñjare ñrarõ baju. Caiye ū jiede coreóvare ñaibi mñjare. Aru diede mñjare me coyuře ñaibi majiéque apevare máre. ⁶ Pñeno baju mñje coreóvare nuiyede Jümenijicui yávaiyede jávene

Cristorā, pñeno baju oatñavaibi mñjare, maje mearo ñaräjiyepo ayu. ⁷ Que baru caride maje napini coreiyede majebocu Jesucristoi copaidaquiyede, ye jañbevu mñjare cñinájino Jñmenijicñi majiécaro iye ñi majide daiye ñi pñevare Espíritu Santoque, ne cadatena-jiyepo ayu apevure. ⁸ Jñmenijicu parure ñacñuyme mñjare maje ñmei pu ijárvu cñiyeta, ñame ne bñojabenajiyepo ayu boropadaivu mñjare maje jabocu Jesucristoi copaidaquijárvu baquinóre. ⁹ Jñmenijicu ñaibi cainumtu yópe ñi aiye báquepedeca. Ñrecabe mñjare culturí epeyu maje jabocu Jesucristoque cñinávüpe, “Yóvajaräri na jímacu Jesucristoque”, ñi aiye báquepedeca.

**Corintocavu Jesúre ju aivu ne
yajuboa tede daino**
(Hch 18.8, 24; 19.29;
Ro 16.23; 1 Co 16.15)

¹⁰ Mñja, jívn, maje jabocu Jesucristo yópe coyñicójeimi yure. Parñoreca jéniaivu mñjare, maje dápiaräjiyepo ayu cñinárturu mñjare ñmei. Yajuboa tede ñabejarä maje jéneboi. Cärijimenoque cujarä mñja. Cñinárturu bajadéni mñjare ñme, maje dápiaino máre. ¹¹ Mñja, jívn, nópe coyñubu mñjare ico Cloé ñi cñramicavu, ne coyñiye boje yure mñjare jaraiyede mñjare baju. ¹² Mñja dápiabevuya cñinárturu mñjare ñmei. Quénora apevü mñjacavu, “Ññjamu Pabloi bueimara”, adama. Aru apevü mñjacavu, “Ññjamu Apoloi bueimara”, adama. Apevü mñjacavu, “Ññjamu Pedroi bueimara”, adama. Aru apevü mñjacavu, “Ññjamu Cristoi bueimara”, adama. ¹³ ¿Aipe teni nópe dápiavurü mñja, yajuboa tede dainu? Caivu Jesúre ju aipõeva curivubu ñque cñinávüpe. Jäve ñamevu mñjare ñbenina arí dápiayede apevü ñre ju aivu curivure ñque cñinávüpe, ñbenita apevü ñque cubevure. Aru yu ñamevu ñai ne pëvari

jéoimü mácu jocñcñjaravena mñjare boje. Aru ocoque mñje jådovaiyede Jñmenijicñque, “Yu Pablore ju aivu”, abeteavu mñja. Quénora “Jesucristore ju aivu”, ávü mñja.

¹⁴⁻¹⁵ Mñjacavu obebejñare ocoque jådovacacu yu Jñmenijicñque. Crispore aru Gayore máre quénura Jñmenijicñque jådovacacu yu ocoque. Jñmenijicñque ji jådovaru obedivu pñevare ocoque, “Pabloi bueimaramu ñña”, aräjichuma na. Que baru torojuede jívn Jñmenijicñre, ji jådovame boje ocoque obedivu mñjare ñque. ¹⁶ Estéfanare ñ jívn que ñravu yu caride. Náre máre Jñmenijicñque jådovacacu yu ocoque. Ñrmetevu yu apevü ji jådovaimara mácvure, curivu baru. ¹⁷ Cristo jarobeteame yure, ji jådovaquiyepo ayu pñevare Jñmenijicñque ocoque. Quénora jaroáme yure, ji coyñquiyepo ayu iye yávaiye méne ñi meadacaiyede pñevare ne ñameina teiyede jaruväri. Ùbenita yu coyñbevu iye yávaiye méne pñeva ne majiéque aru me yávaiyeque máre. Ùbevu yu ne ju aiyede iye yávaiye méne, die me jápurae boje. Quénora ñvu yu ne ju aiyede diede Cristoi yaiye báque boje jocñcñjaravena. Que baru bojecñbe tede daiyñbevu yu ñi yaiye báquede ji coyñiyeque.

**Jñmenijicu ñi jådovaino ñi paruéde
aru ñi majiéde Cristoque**
(Ro 1.16; 2 Co 10.17)

¹⁸ Ina pñeva bíjare ññivu Jñmenijicñre jocarí toabo cñiméboi ne jåpiaiyede iye yávaiye méne Cristoi meadacaiyena pñevare ñi yaiye báque boje jocñcñjaravena, “¿Ùbeni márica?” arí dápiadama na. Ñrmetevu jådama caivu coyñivure iye yávaiye méne Cristorä. Que baru ju abema ñre. Ùbenita majacapñravu meadare ññivubu cavarö mearo Jñmenijicñi chroñi ñi oatñvare daiye boje ma-

jare iye yávaiye méque Cristorã. Coreóvare daibi majare ūi paruéde iye yávaiye méque.¹⁹ Yópe arĩ, toivaicójenejaquemavu Jümenijicu ūi yávaiyede ina Cri-store jú abevu ne borore:

Ina majidivu ne majiéde jaruvachuyumu yu. Aru ina coreóvaivu ne coreóvaiyede bojecube tede dacuyumu yu, arejaquemavu Jümenijicu.

²⁰ Que baru ye baquinó ámevu ina majiniduivu ne majié ijárvavque, aru ina bueniduivu ne majié ijárvavque, aru ina majicaríduivu apevure máre ne majié ijárvavque. Caiye iye ne majiniduiyede ubenina bojecube tede daibi Jümenijicu.²¹ Jäve caiyede majibi ū. Aru, "Ijárvavcavu ne majiéma ye coreóvaivu buojabema yure", arejaquemavu ū. Quénora, "Ina pöeva jú aivu ji yávaiye méne Cristorã ji meadacaimara márajivubu", arejaquemavu Jümenijicu. Iye yávaiye ménecabu Cristorã, ūi meadaiyede pöevare, nüje coyuíye.

Übenita, "¿Übeni márica?" arĩ dápiadama nüje coyuíyena ijárvavcavu Jümenijicure jú abevu. Que baru iye nüje coyuíyede bojecubevu, ne dápiaru.²² Ina judíova jáiyarivubu pöeva ne ðarí majibede, ne jú arájiye jipocai apecu ūi coyuíyede náre. Aru ina griegova jápiaiyarivubu pöecu ūi coyuíyede ijárvavque majiéde, jú arájivu ūi coyuíyede.²³ Übenita nüjacapüravu quédá cüináene coyuívbu. "Cristo jabovai pëvari jéoimá mácu jocucuaravena yaidéjaquemavu, bojedacuyu majé ámeina teiyede, jaruvachuyu diede", arĩ coyuívbu nüja. Übenita ina judíova jorojíñama ne jápiaiyede iye nüje coyuíyede, nai jabotejurocure náre. Aru ina judíova ámevu ne jápiaiyede diede, "¿Übeni márica?" arĩ, bojecubepeda dápiadama iye nüje coyuíyede.²⁴ Übenita majacapüravu coreóvaivubu Cristo Jümenijicu paruéde chvacure

aru Jümenijicu majiéde máre chvacure, ūi meadaquiyepo aivu pöevare. Majarecabu Jümenijicu cuturi epeimara ū jinava, judíova aru judíova ámevu máre, Cristoi meadaimara.²⁵ Pöeva aivu baru "Jümenijicu majibebi", nárecabu majibevu. Jümenijicu majicutame caivu püeno, majibecupe páyuvacari pöeva ne jáiyede. Pöeva aivu baru "Jümenijicu parubebi", nácapüravu ye majibema. Jümenijicu parucutame caivu püeno parubecupe páyuvacari pöeva ne jáiyede.

²⁶ Maja, jívu, árujara iyede. Jümenijicu cutuquiyepo jipocamia mujare, obebejína mujacavu majitequemavu ijárvavque majiéde, obebejína parurivupe cöjequemavu apevu pöevare, aru obebejína chvatequemavu mujebucavu parurivu ne jabovava.²⁷ Que baru Jümenijicu beorí epeibi ū jinava pöeva majibevure ijárvavque majiéde, chyoje tede dacuyu ina pöeva "¿Majidivu bárica nüja?" aríduivure. Aru Jümenijicu beorí epeibi ū jinava pöeva parubevure ijárvavque paruéde, chyoje tede dacuyu ina pöeva "¿Parurivu bárica nüja?" aríduivure.²⁸ Jümenijicu beorí epeibi ū jinava jabova ámevure, ijárvavcavu ne ubemarare, aru parubevure caivu ne cächinocavure. Majarecabu Cristoi meadaimara. Que teni Jümenijicu cüiné dacuyume caivu ina "Parurivubu nüja", aivure ubenina.²⁹ Que baru nüname "¿Meara márica?" aivu buojabema Jümenijicu jainore.³⁰ Jümenijicurecabe cure dayu majare cüinávupe Jesucristo que. Aru Cristo que majide daibi majare ūi bueiyede jävene. Jesucristo boropatebevupe daibi majare Jümenijicu jainore. Coatede daibi majare ámenore jaruvvarí, maje ðarájiyepo ayu yópe Jümenijicu urópe. Aru bojedaibi majare maje

āmeina teiyede jarūvari. ³¹ Que baru yópe arī, toivaicōjenejaquemavu Jūmenijicu ū yávaiyede: “Nai pōecu ‘Meacu bárīca?’ arī coyuīchcu baru, ū bajuma nópe arī coyuībejacurī. Quénora ‘Meacu bajube maje jabocu cavarō mearocacu’, arī coyuījacurī ū”, arī toivaicōjenejaquemavu Jūmenijicu.

Cristo jabova ne pēvari jēoimū mácare coyuīno

(Hch 18.9)

2 Mūja, jívu, ji jácspuīye báquede mūje yebai, coyuīchcu Jūmenijicu yávaiyede, coyuībetecacu yu yópe ina ijāravucavu majidivu ne coyuīyepo. Mūjare coyuīcacsu iye Jūmenijicu yávaiyede, jādovameno mácarōre jipocamia ubenita jādovainore caride, mūje coreóvabejuroede apecu ū coyuībedu diede mūjare. Ubenita majidivu ne yávaicamuaque coyuībetecacu yu. Aru maiyójae yávaicamuaque māre coyuībetecacu yu. ² Mūje me coreóvarajīyepo ayu iye Jūmenijicu yávaiyede, “Cūináene quénora coyuīquijivu ina Corintocavure”, arī dāpiacacu yu, ji buequiye jipocamia mūjare. Que baru, “Jesucristo, jabova ne pēvaimū māchcu jocuījaravena, yaidéjaquemavu majare boje, jarūvacuyu maje āmeina teiyede”, arī coyuīcacsu yu mūjare. Yu ūre quēchra coreóvare daiyūtecacu mūjare. ³ Jiduchu ji yávaiyede eacacsu yu mūje yebai. “Jūmenijicu yávaiyede me coyuīrī bhojabequijichuvu yu”, ji arī dāpiaiye boje, jidurī bidicacu yu. ⁴ Ji coyuīyepo báquede mūjare Jūmenijicu yávaiyede yópe ina ijāravucavu majidivu ne coyuīyepo coyuībetecacu yu. Majidivu ne yávaicamuare aru maiyójae yávaicamuare māre coyuībetecacu yu, mūje ju abenajiyepo ayu ji coyuīyede iye jápurae boje me. Quénora ji coyuīyepo báqueque mūjare

jādovacacu Espíritu Santoi paruēde. Aru ū paruēque majide dāme mūjare iye yávaiye mēne. ⁵ Que baru mūja ju aivubu Jūmenijicu yávaiye mēne Cristorā, Jūmenijicu jādovaiye boje ū paruēde. Ubenita pōeva ne majié boje, mūja ju aivu āmevu.

Jūmenijicu majiéde ū coreóvare daino Espíritu Santoque

(Ro 11.34)

⁶ Yu māre coyuīv u majiéque. Ubenita ijāravucavu ne majiépe āmevu. Aru ijāravucavu ne jabova ne majiépe āmevu. Iye ne majié ijāravuque cūiné nuivu. Quénora iye majié ji coyuīyepo coyuīv u ina Jesúre ju aipōeva parure nuivure ne ju aiyeque ye jaubevuva ne coreóvaiyede Jesúre. ⁷ Iye majié ji coyuīyebu Jūmenijicu majié. Javede ū chedaquiyeye jipocamia ijāravure, majidejaquemavu meadacuyu majare, maje curājiyepo ayu meara baju ūque cainumua. Cristoi daquiyeye jipocamia ijāravu, Jūmenijicu jādovamenejaquemavu iye ū majiéde, ū daquiyede. Ubenita diede jādovaimi caride. ⁸ Ijāravucavu ne jabova caivu ye coreóvabedejaquemavu iye Jūmenijicu majiéde. Ina jabova coreóvaivu baru, pēvari jēomejebu maje jabocu cavarō mearocacure meacu bajure jocuījaravena. ⁹ Aru iye ū mearo dacaquiyede ū meadaiyede, yópe arī, toivaicōjenejaquemavu Jūmenijicu ū yávaiyede:

Jūmenijicu meadaibi ū mearo dacaquiyede ina pōevare ūre urivure, yópe pōeva ne jāmene, aru ne jāpiabede, ne dāpiabede māre, arī toivaicōjenejaquemavu Jūmenijicu.

¹⁰ Iye ū mearo dacaquiyede ū Espíritu Santoque coreóvare daibi majare. Nai Espíritu Santorecabe majicu caiyede. Pū caiye iye Jūmenijicu urarō majiéde mājibi ū.

¹¹ Pōecu cūbebi coreóvayu apecu pōecui dāpiaiyede. Quécura nai pōecu coreóvaibi ūi baju dāpiaiyede. Quédecabu Jūmenijicu jie māre. Pōecu cūbebi coreóvayu Jūmenijichu dāpiaiyede. Nai Espíritu Santo quécura coreóvaibi diede. ¹² Nai Espíritu Jūmenijicui daroimu majare pōeva ne majiéde coreóvare dācabei majare. Quénora Jūmenijichu majiéde coreóvare daibi majare, maje coreóvarājiyepo ayu iye Jūmenijichu mearore dācabei yede majare bojecubeda. ¹³ Que baru ji coyuhiyede Jūmenijichu yávaiyede, coyuhevü yu pōeva ne bueiyede yure o ji baju dāpiaiyede. Quénora coyuivu yu nai Espíritu Santoi bueiyede yure. Que teni bueivu yu ina cūvarivüre Espíritu Santore iye yávaiyede nai Espíritu Santoi coreóvare dāiyede yure.

¹⁴ Ubenita ina Espíritu Santore cūvabevu coreóvaivu būojabenama iye Jūmenijichu mearo dācabei yede bojecubeda ūi Espíritu Santoque. Ne jāpiaiyede Jūmenijichu yávaiyede ūi majiéque coyuhiyede, “¿Ubeni mārica?” arī dāpiadama na. Ne dāpiaru, die bojecubevu. Ácu pōecu Espíritu Santore cūvabecu baru, Jūmenijicu jiede ye coreóvabebi ūi. ¹⁵ Nai Espíritu Santore cūvacu, caiye bueiyede ūi jāpiaiyede, “Jūmenijichu majiéque bueyube” o “Pōeva ne majiéque bueyabe”, nurié arī coyuři majibí ū. Ubenita ūi baju bueiyede nurié arī coyuři majibebi pōecu Espíritu Santore cūvabecu. ¹⁶ Yópe arī, toivaicōjenejaquemavu Jūmenijichu ūi yávaiyede: “Pōecu cūbebi Jūmenijichu dāpiaiyede majicu. Aru pōecu cūbebi majicarī būojayu Jūmenijicure”, arī toivaicōjenejaquemavu. Ubenita maja Jesucristore ju aipōeva dāpiaivubu yópe ūi dāpiaiyede.

Jūmenijicure memecaivu ne yóvaino ne baju

(Hch 18.4-11, 24-28; 1 Co 1.12;
6.19; 2 Co 6.16; He 5.12-13)

3 ¹⁻² Mūja, jīnū, ji cūe báquede mūjaque, coyuhyu būojabetecasu mūjare yópe ji coyuhiyepo ina Jesúre ju aipōeva, parure nūivure ne ūmei Espíritu Santoque. Quénora coyuhiye jauteavu yure mūjare, Jesúre ju aipōeva Espíritu Santore cūvarivüreca, yópe ji coyuhiyepo Jesúre ju abevu Espíritu Santore cūvabevure. Jñedojinape paivu bateavu mūja. Jñedojinape opoco matuhiyeda ūcuñaima aru aiyede aiyemajibema. Quédeca mūja jñedojinape paivu mūje ūme, quénora Jūmenijichu yávaiyede maiyójabede Cristorā jápiari eavu mūja, aru ūi yávaiyede maiyójaede jápiari eabeteavu mūja. Aru caride māre, bueiyede maiyójaede jápiari eajurorivüvacari, jápiari eabevutamu mūja cāreja. ³ Nopedecabu mūje dāpiaiyede boje aru mūje daiye boje māre yópe ijāravücavu Jesúre ju abeni Espíritu Santore cūvabevu ne dāpiaiyede aru ne daiye māre. Mūja jaradavu mūje bajumia cāreja. Aru mūja tebutedavu mūje baju cāreja. Mūje nōpe daiye boje, jádovadavu parure nūmevu mūje ūmei Espíritu Santoque. Quénora dare nūñavu mūja yópe ijāravücavu Jesúre ju abevüre. ⁴ Cūinách mūjacacu “Pablo ūi bueimamu yu” arī, aru apecu “Apolos ūi bueimamu yu” arī, jádovaivu ijāravücavure Jesúre ju abevüre paivubu mūja.

⁵ ¿Ye parurecde cūvari nai Apolos, aru ye parurecde cūvari yu, pōeva ne yóvarājiyepo aivu nūjare? Nūjacapūravübu Jūmenijicure memecaivu quēda. Nūje memecaive boje ūre, mūja ju aivubu maje jabocu Jesucristore. Nūja coapa dāivubu nūje memei yede yópe Jūmenijichu

memeicōjeiye báquepe ñujare. ⁶ Yópe cūinácu jiore memeipōecu ūi oteiyepo, nopedeca mamarumure Jūmenijicu yávaiye méne coyucacu yu mūjare. Aru yópe apecu ūi meadaiyepo iye oteiyede, nopedeca ji yóboi mūjare buequemavu Apolos. Ubenita yópe Jūmenijicui bucure daiyepo iye oteiyede, nopedeca ūrecabe pōevare jū are dayu ūi yávaiye méne. ⁷⁻⁸ Que baru ye baquinó āmemi Apolos, yóbocacu, ūai bueyu diede máre, yópe meadaipōecupe. Nūjacapūravu cūináturutamu. Cūinácu ñujacacu apecu rhenocacu āmemi. Ubenita Jūmenijicurecabe caivu maya maje rhenocacu, ūi jū are daiye boje pōevare ūi yávaiye méne, yópe ūi bucure daiyepo oteiyede. Ubenita mamarumucacu, yu coyuyu, aru yóbocacu, ūai bueyu, cūináturu curivuvacari ñuje memeiyepo, cūináturu āmevu ñuje íye bojeque. Quénora Jūmenijicu bojedacuyume ñujare coapa, yópe ñujare jauépe ñuje memeiyepo báque boje. ⁹ Memecaipōevarecabu ñuja. Jūmenijicurecabe ñuje memecaimu. Aru ñuje baju yóvaivubu ñuje memecaiyede ūre. Nūjacapūravu jiope paivbu. Aru yópe jiore memeipōecu ūi memeiyepo, nopedeca Jūmenijicurecabe memeñu mūjare, oatiuvacuyu, meara dacuyu.

Apenore máre jēvari coyquijivu yu. Mūja cūramipe paivu bárājivubu. Aru Jūmenijicurecabe ūai dayu diñamine. ¹⁰ Yópe pōecu cūvaiyucu meadami cūrami cūravaque daiñamine ūi darī buicōjeiyepe diñamine cūinácu cūraque memeipōecu me majichre, nopedeca Jūmenijicu yure majide dariburu yóboi ūi majiéque, coyuñi buicōjeame ūi yávaiye méne mūjare. Yópe apecu memeipōeva ne memene

nuiyepo diñamine, nopedeca apecu ji yóbocavu buede nūñama mūjare. Aru yópe ina memeipōeva ne me jāiyepo aipe ne memeiyede, nopedeca me jājarari ina mūjare bueipōeva coapa aipe ne bueiyede, jāve maquiyepo aivu. ¹¹ Yópe memeipōecu ūi darī buojabepo cūravaque daiñamine cūrava cūvabecuva, nopedeca apecu bueni buojabebi Jūmenijicui yávaiyede jāvene, Jesucristorā coyubecuva. ¹² Yópe apecu memeipōeva ne memeiyepo bojecueque, yópe úruque, plataque, aru bojecurijiboa cūrajiboaque máre, nopedeca apecu me nurié coyuñivubu Jūmenijicui yávaiyede. Ubenita yópe apecu memeipōeva ne memeiyepo bojecueque, yópe jocueaque, muiyocaque, aru cōriáque máre, nopedeca apecu nurime coyuñivubu Jūmenijicui borore. ¹³ Jesucristoi daquijárvu, ūi ñájiovaquijárvu baquinói pōevare, ne āmeina teiye boje, me jādovacuyume ū toaque aipe ārojaene caivu pōeva ne daiye báquede ijárvu. ¹⁴ Pōecu nurié buedu Cristorā, ūi daiye éni cūiméquiyebu no toaque. Aru Jūmenijicu me bojedacuyume ūre, yópe memeicōjeipōecu ūi me bojedaiyepo ūre memecayure, bojecueque memeñu máchre. ¹⁵ Ubenita pōecu nurime buedu Cristorā, ūi daiye éni cūiquiyebu no toaque. Aru Jūmenijicu bojedabecuyume ūre, yópe memeicōjeipōecu ūi bojedabepo ūre memecayure, bojecueque memeñu máchre. Ņai pōecu ūi daiye boje bíjaquiyebu ūre jocarī. Ubenita ñvacari bíjabecuyume. Meadaimu macuyáme yópe pōecu ūi cíyarī dupini nuiyepo cūrami toaque uruiñamine jocarī.

¹⁶ Caivu maya Jesúre jū aipōeva Jūmenijicui cūramipebu, maje cūvae boje ūi Espíritu Santore. Yópe pōeva ne c̄hepe cūrami jívui, ūai Espíritu Santo cūbi maje ūmei. ¿Diede coreóvabenaru mūja?

¹⁷ Yópe Jūmenijichí cūrami meadami bajupe, mūjarecabu Jūmenijichí pōeva meara baju, memecarājivu ūre. Que baru ácu pōecu, ūi bueiyede jāve āmeque, bījare dāiyuriburu yóboi mūjare, ūi dajocare dāiyuriduiyede mūjare mūje ju aiyede Jesúre, Jūmenijicūvacari bījarocchuyame ūre.

¹⁸ Mūje bajumia apecure jūjovacō-jemejara. Cūinácu mūjacacu “¿Majicu bárica yu ijāravucavu Jesúre ju abevu jiede?” arī dāpiayu baru, ubenina arī dāpiarūduibi ū. Nai nōpe arī dāpiayu majibecupe tejacurí ijāravucavu Jesúre ju abevu ne jāiyede, ūre Jūmenijicui majide daquiyepē ayu majié jāveque. ¹⁹ Ijāravucavu Jesúre ju abevu ne majié bojecubevu Jūmenijichí jāinore. Ne coyuhiyede ne majiéque, “Ubenina coyuhiyebu”, arī dāpiabibi ū. Yópe arī, toivaicōjenejaquemavu ūi yávaiyede: “Ina ¿Majidivu bárica ūuju?” ubenina arī majiniduivure jaravaibi Jūmenijichí, ne baju majiniduiye boje”, arī toivaicōjenejaquemavu. ²⁰ Aru yópe máre arī, toivaicōjenejaquemavu Jūmenijichí: “Maje jabocu majibi ina ¿Majidivu bárica ūuju?” arī majiniduivure ne dāpiayepē ye bojecubede”, arī toivaicōjenejaquemavu. ²¹⁻²² Que baru arī dāpiabejarā cūinácu pōecu majicure apevū pñeno. Que baru, “Pablo ūi bueimumu yu”, o “Apolos ūi bueimumu yu”, o “Pedro ūi bueimumu yu”, abejarā mūja. Caivu mūjare bueipōevare aru caiye apede Jūmenijichí mearo dāciayede epedeaquemavu ū majare boje. Ijāravure, maje cñede, maje yainájiyede, caride, aru javenare máre epedeaquemavu Jūmenijichí, majare boje. ²³ Mاجamu Cristo jina, dārājivu yópe ūi urōpe. Aru Cristobe Jūmenijichí jicu, dāchuyu yópe ūi urōpe.

Aipe ne memeino ina Jesúi darioimara coyuhiyebu ūi yávaiye méne

(Hch 18.3; 1 Co 11.1;
Fil 3.17; 1 Jn 3.19-21)

4 Jājara ūnjare, Jesucristoi darioimarare coyuhiyebu ūi yávaiye méne, yópe ūre memecaivure. ūnjare bueicōjeimi pōevare Jūmenijichí “Yópe dāchuyumu yu, meadachuyu pōevare ne āmeina teiyede jarūvari”, ūi arī dāpiaino jādovameno mácarōre jipocamia ubenita jādovainore caride. ² Aru nai pōecu Jūmenijichí bueicōjeimu mácure bueiyepē jaevu iye yávaiye méne Cristorā dajocabecavu aru diede oatuvabecavu máre. ³ Yácapūravure ye baju āmevu mūje coyuhiyede mearore o āmenore ji bueiyena. Ye baju āmevu yure apevū pōeva máre ne coyuhiyede mearore o āmenore ji bueiyena. Aru yávacari máre mearore o āmenore ye coyuhiyebu ji baju bueiyena. ⁴ “Boropatebevu yu”, arī dāpiavu cainumha Jūmenijichí jāinoi. Ubenita ye baju āmevu ji boropatebedu ji dāpiainore. Maje jabocurecabe nai coyuhiyebu yure, “Boropateyebu mūji jāinoi”, o “Boropatebecabu mūji jāinoi”. ⁵ Que baru caivu pōeva ye coyuhiyebu ūi coyuhiyena, ūnijāravu maje jabocu Jesucristoi copaidaquijāravu baquinó jipocamia. Corejarā mūja pñ ūi copaidaiyeta. ūrecabe coreóvare dāchuyu caiye maje majibede cāreja, pōeva ne dāiyede yavenina. Aru ūrecabe coreóvare dāchuyu caivu pōeva coapa ne dāpiayede aipe ne dārājiyede máre. Dinumha maquinóre caivu pōeva coapa ne mearore dāru, mearore jíchuyame Jūmenijichí náre coapa.

⁶ Mūja, jívu, jēvari coyuhiyebu yu caiye iyede Apolare aru yure máre, cādatechuyu mūjare, mūje dāicōjenidubennajiyepē ayu pōevare apede Jūmenijichí

yávaiyede ūi arī toivaicōjeiye báquede jocarī aru mūje abenajiyepo ayu cūinácu mūjare bueipōecurā, “¿Majicu bárica ū apevu pueno?” mūje āmeina jáiyyede apevure. ⁷Jáve ū majibecubé apevu pueno. Caiye mūje majiéde mūje cūvaede majide daibi Jāmenijicu. ⁸Aru ūi majide daiye boje diede, aipe teni yávavurū mūja yópe majidivupe mūje baju majiéque? Que baru, “¿Majidivu bárica ūjua apevu pueno?” arī dápiaiye jaubevu mūjare.

⁸“Caiye iye Jāmenijicu majiéde jave majidivubu ūjua”, arī dápiaiñduyavu mūja. Aru, “Caiye iye Jāmenijicu jíjuroede jave cūvarivubu ūjua”, arī dápiaiñduyavu mūja. Que baru caride “Iye majié Jāmenijicu jie caiyede cūvarivubu ūjua”, ubenina arī dápiaiñduvavu mūja. “Me cūrivubu ūjua Jāmenijicuque”, ubenina arī dápiaiñduvavu mūja. “Nūja jabovatamu, apevu Jāmenijicu pōevare cōjeivu”, ubenina arī dápiaiñduvavu mūja. Que baru ūjare āmeina jári bojecubevupe jaruvadavu mūja. Mūje jáve cōjenu, meajebu ūjare. Nūja máre yóvajebu mūjare mūje jaboteiyede, cūvarājivu Jāmenijicu mearo dacaiyede mūjaque. ⁹Ubenita ji dápiaainoi, Jāmenijicu epeibi ūjare, Jesúi daroimaranare coyuacarājivu ūi yávaiye méne, caivu apevu ne cāchinocavupe. Cūrivubu ūjua yópe jabovai bhoimara ne boarí jaruvavarājimarape. Caivu ijāravucavu, ángeleva aru pōeva máre, jádama ūjue ūjiyede yópe āmeina teivupe.

¹⁰Ijāravucavu Jesúre ju abevu, “Majibema na, ubenina coyuivu”, adama ūjue borore, Jesúi daroimaranare coyuacarājivu ūi yávaiye méne. Ubenita mūjacapūravu “Jesucristo caiyede coreóvare daibi ūjare”, arī dápiaiñduvavu, ubenina dápiaiñvacari. Nūjacapūravu bueni majibevu paruquéque. Ubenita mūjacapūravu “Paruquéque bueivubu

ūjua”, arī dápiaiñduvavu, ubenina dápiaiñvacari. Aru mūjatamu pōeva ne pueadimara. Ubenita ūjatamu ne āmeina jáiimara. ¹¹Que baru javede aru caride máre, cainumha ūjivubu ūjua. Ánue ijivaivu ūjare. Cūiñóvaivu ūjare. Cuitótecajea jauvavivu ūjare. Nūje mauva pare ūjiovaivubu ūjare. Aru cūvabevu ūjue cūramiva. ¹²Memevaivubu ūjue pūruáque pūuetuivata, bojedarājivu ūjue ārajiyeva. Pōeva ne āmeina yávaiyede ūjare, “Majepacu mearo dacajacurí mūja”, ávaivubu náre. Pōeva ne ūjine daiyede ūjare, napivaivubu ūjua. ¹³Pōeva ne borocurí āmenore coyuviyede ūjare, copu mearore coyuvaivubu náre. Ne dápiaju, jaruvaiyepo paivubu ūjua. Ye bojecubevupe paivure jāvaivubu ūjare.

¹⁴Caiye iye ūjue ūjiyede ji toivaicōjeiyede apecure mūjare toivaicōjemevupu cūyoje tede dacuyu mūjare. Quénora toivaicōjeivu ūre diede, majicacuyu mūja ji umarare, jímarape paivure. ¹⁵Mūja cūvarivucavari obedivu baju bueipōevare, cūinácu quécura, yure, cūvarivubu mūjepacupe, ji báre daiye boje mūje cude Jesucristo que cūinávupe, mamaramure ji coyuviyepo boje mūjare ūi yávaiye méne. ¹⁶Que baru parurōreca jéniaivu mūjare: Dajará yópe ji daiyede.

¹⁷Que baru Timoteore jaroivu mūje yebai. Úme jímacupe páyupu, ji umu, ūi cude boje Jesucristo que cūinávupe, dajocabecuva ūi ju aiyede ūre. Árure dacuyume mūjare aipe ji daiyede, ji ju aiyede boje Jesucristore. Aru cainumha daivu yu yópe ji dacōjeiyepedeca ji bueiyede caivu Jesúre ju aipōeva cójijivaivure cainore. ¹⁸Apevu mūjacavu arī dápiaiñduyama nūmecuyreca yu mūje yebai, ji jidue boje. Que baru, “¿Majidivu bárica ūjua?” arī dápiaiñdamana na, ne dápiaiñduyede boje yu coyuvescūnūcuyre

náre, ne āmeina yávaiye báque boje yure.¹⁹ Ubenita maje jabocă ūi țru, jāve născășumu măje yebai maumejiena. Ji eaiyede nore, jăcășumu ne daiyede, ina șbenina arī dăpiariduivă ne baju majidivă. Jăcășumu ne șaru majiéque, o quénora majidivăpe tedu ne yávaiyeque.²⁰ Maja Jūmenijicăi jabodaimara teni băojabenamu maje yávaiye boje o apecăi yávaiye boje măre. Quénora Jūmenijicăi jabodaimara teni băojabădăvă maje daiye boje yópe Jūmenijicăi urōpe ūi paruéque.²¹ Ji eaiyede măje yebai, aipe daji? Măje dare nără yópe măje daiyepē caride, măjare jarară năjine dăcadachășumu. Ubenita oatăvaru măje daiyede, darăjivă yópe Jūmenijicăi urōpe ūi paruéque, măjare jăcadachășumu ji ueque, meacu șumpe.

**Aipe daiye jaurōre Jesúre jă
aipōeva cūinăcă nácacă ūi
āmeina daiye boje nomiōque**

(Gá 5.9)

5 Jápiaicacă yă, “Āmeno baju șaibiya cūinăcă Jesúre jă aipōecă Corintocacă”, pōeva ne coyăvarede yure. “Căbiya jípacă mărepaco bajuque”, ávaivăbuaya. Păeno baju āmenotamu no. Que baru ina Jūmenijicăre jă abevăvacari pare șbema pōeva ne daiyede yópe ūi daiyepē.² Cūinăcă măjacacă nōpe āmeina dayăvacari, măjacapăravă “Meara márica năjja, me curivă Jūmenijicăque?” șbenina arī dăpiavaivăbuaya. Ubenita chăoiye baju jauteavă măjare, ūi āmeina daiye boje. Măja chăovă baru, năi nōpe păeno āmeina dayăre jaetovajebu măja măje cójijinore jocară.³ Yăcapăravă căbevă măjaque caride. Ubenita dăpiaivă yă ji ūmei yópe căjărochăpe măjaque. Aru jave coreovăivă yă ji ūmei aipe daiye jaurōre măjare.⁴ Măja Jesúre jă aipōeva măje cójijedă, măje majié boje ji dăpiainore,

yă yópe căjărochăpe căquijivă măjaque. Aru măje cójijiyede, maje jabocă Jesucristoi parué măre căquiyebu măjaque.⁵ Dinămure măjare jicăjecășumu năi șumre abujuvai jabocă Satanăre. Que teni, ūre coatede șară apevă Jesúre jă aipōevare jarăvară, ūre dajocară, Satanăs ūi șaquiyepē ayă ūque yópe ūi urōpe, coreovări băojaxășume ū ūi āmeina teiyede. Que teni chăori ūi āmeina teiyede, dajocară ūi daiyede yópe ūi baju āmeina daiyăpe, meadăimă macășăme maje jabocă Jesucristoi copaidaquiyede.

⁶ “Meara márica năjja?” arī dăpiaiye jaubevă măjare. Yópe pōeva ne arī cōmajiyepē, “Quăjje păure băcăre daiyepē caino jīvaibo băcăvăino măvă”. ⁷ Diede coreovăbenară măja? Nopedeca cūinăcă ūi āmeina șaru, apevă măre ūque cójijivă āmeina șarăjarama ūpe. ⁷ Que baru, “Apevă majacavă ūi āmeina daiyede jări, ūpedeca daiyărăjichăma” arī, jaetovajară ūre măje cójijinore jocară. Yópe judăovai Pascua torojăve tenajije jipocai, ne jarăvaiyepē caiye iye păure băcăre daiye javequede, nopedeca jarăvajjară ūre măjare jocară. Yópe judăovai ūiye păure băcăre daiye căbeque Pascua torojăve teijăravăre, oveajăjichăre boarăburu yóboi, nopedeca căre năjara măja meara matăiye, yópe măje căpe caride, āmeina dayă căbecăva măje jăneboi, Cristoi jave yaiye băque boje. Yópe ne oveajăjichăre boaiyepē ne āmeina teiye boje, Jūmenijicăi năjine dăbequiyepē aivă năre, ne āmeina teiye boje, nopedeca Cristore boară jarăvarejaquemavă maje oveajăjichăpe păyure, măje āmeina teiye boje, Jūmenijicăi năjine dăbequiyepē aivă majare, măje āmeina teiye boje.⁸ Que baru măja Jesúre jă aipōevare caiye măje daiye jaună ye āmeina șabenă, apevăre măre șare daiyăbevăre aru ye āmeina dăpiabenă apevăre, năre

āmenore daiyubevuva máre. Quénora āmeno cübevuvva aru mearore dápiarī, dārī cōmajini yópe maje dápiayepē daiye jaūvu majare.

⁹ Jipocare ji toivaicōjeiye báquede apecure paperayocare, mūjare yóvaicōjemetecacu ina āmeina daivure apevñque némarebucuva āmevñque. ¹⁰ Ji nópe toivaicōjeiyede ūre, coyubetecacu mūje daiyede ina Jesúre ju abevñque. Obedivu pöeva ijāravucavu Jesúre ju abevu āmeina daivubu apevñque némarebucuva āmevñque. Aru āujini, apevure jujovarī īvubu ne cüvaede. Aru ñavacurivubu. Aru pēpeimarare mearore jívubu máre. Mūje náre yóvabenajiyepē aivu, etaiye jaūjebu mūjare ijāravure jocarī. Mūje Jesúre ju abevñque dabeldu, ye cübequiyebu mūje cüjororōre. ¹¹ Quénora ji toivaicōjeiye báqueque apecure yópe aiyutecacu yu. Ácu pöecu majacacu ūi aiye boje “Jesúre ju ayubu yu”, ubenita ūi āmeina dārī cōmajidu, yóvabejarā ūre. Ácu pöecu āmeina dāyu apecoque jímarepacu āmecoque, aru āujinu jujovarī īnū apevū ne cüvaede, aru pēpeimarare mearore jíyu máre, Jesúre ju ariduru, yóvabejarā ūre. Ácu pöecu borocurī āmenore coyuhu apevure, aru pacoteuyu, aru ñavacsuva máre, Jesúre ju ariduru, yóvabejarā ūre. Pöecu ūpe páyñque ye āmejara āiyede. ¹²⁻¹³ Ina Jesúre ju abevu ne daiyede jári, corevarī coyubevu yu mearore o āmenore. Jūmenijicurecabe coyusuyu náre ne daiyede mearore o āmenore. Ubenita mūjacapūravure jári, corevarī coyuiye jaūvu ina Jesúre ju aivu ne daiyede mearore o āmenore. Que baru jaetovajara ñai āmeina dāyure mūje cójijinore jocarī.

Jūmenijicu pöeva ne jaraiyede ne bajumia coyuiye jaūbeno āmeina teivure jeniari jáipöeva Jūmenijicure coreóvabevu ne jivateinoi

6 Cüinácu mūjacasu Jesúre ju aipöecu jarayu baru apecu Jesúre ju aipöecure, coyuiye jaūvu ūre diede Jūmenijicu pöeva ne jivateinoi, ne meadarājiyepē ayu diede. Jäve coyuiye jaūbevu ūre āmeina teivure jeniari jáipöeva Jūmenijicure coreóvabevure ne jivateinoi. ² Jäve maja Jūmenijicu pöeva jeniari járiburu yóboi caivu ijāravucavure aipe ne daiyede, coyurājaramu mearore o āmenore Cristoi jabotequiyede. ¿Diede coreóvabenaru mūja? Aru mūjacapūravu coyurājivu baru mearore o āmenore caivu ijāravucavure mūje jeniari járiburu yóboi aipe ne daiyede, jäve jeniari járiburu yóboi coyurī bwojaivubu mūja mūjevure ne majiédā jaraiyede ne bajumia, meadarājivu diede. ³ Jäve maja Jūmenijicu pöeva ángelevareca máre jeniari járiburu yóboi aipe ne daiyede, coyurājaramu mearore o āmenore. ¿Diede máre coreóvabenaru mūja? Que baru pueno baju jäve jeniari járiburu yóboi coyurī bwojaivubu mūja ijāravñque majiédā jaraiyede, meadarājivu diede. ⁴ Que baru mūje jaraiyede mūje bajumia, coyurāñhiye jaūbevu mūjare diede āmeina teivure jeniari jáipöeva Jūmenijicure coreóvabevu ne jivateinoi. Nárecabu Jesúre ju aipöeva ne puedaimara quíjino baju. ⁵ Toivaicōjeivu apecure diede, cuyoje tede dacuyu mūjare. “¿Majidivu bárica ñuja?” mūja ariduivureca, mūjacacu cüinájicu majicu cübebi, meadacuyu mūjevun ne jaraiyede ne bajumia. Mūjacacu majicu cüinácu cüncu baru, ūre coyuiye jaūjebu mūjare mūje jaraiyede mūje bajumia, ūi meadaquiyepē

aivu diede. ⁶ ¡Ubenita pueno baju āmenotamu aru cuyojarōtam u maje daino! Muja, Jūmenijicu pōevavacari, jaradavu maje bajumia, aru couyavu diede āmeina teivure jēniari jaipōeva Jūmenijicure coreóvabevu ne jivateinoi.

⁷ Muje couyiue boje maje bajumia jaraiyede apevu ne jivateinoi, coreóvaivu yu dabevure yópe Jesucristoi bueye báquepe. Que baru vainí tuiuibu maja maje daiyeque. Apevure āmenore daicōjeiye jaunu mujare couybevua. Aru apevure maje cuyaede ícōjeiye jaunu mujare jocarī märe couybevua. ⁸ Ubenita mujacapūravu āmenore dadavu aru ñnavu apevu ne cuyaede náre jocarī. Aru mujevu, Jesúre ju aipōevavacari, nárecabu maje āmedaimara.

⁹ Jäve pōeva cōmajivu ne āmedaiyede Jūmenijicu jaboteimara āmenajarama. ¿Diede coreóvabenar u maja? Maje bajumia apecure jujovaicōjemejara. Ina pōeva āmeina daivu apevque némarebucuva āmevque, aru ina pēpeimarare mearore jív, ina āmeina daivu apevque némarebucuva jaruvarī, ina ūmava nomivape daivu aru ina ūmava märe daivu apevu ūmvaque yópe ne dājurope nomivaque, caivu ina Jūmenijicu jaboteimara ye āmenajarama. ¹⁰ Aru ina ñvacurivu, ina ūjivu, ina pacoteivu, ina borocurī āmenore couyivu apevure, aru ina jujovař apevure ívu ne cuyaede märe, caivu ina Jūmenijicu jaboteimara ye āmenajarama. ¹¹ Aru apevu mujacavu inape paivu batequémavu maje Jesúre ju arājiye jipocare. Ubenita yópe pōeva ne jaruviyepo docuchede ne joaiyede, nopedeca Jūmenijicu jaruviyepo majare āmeina teiyede. Majare coavarī ūre ju abevure jaruvarī, mearape darī, epedeaquemavu majare ūi pōevava. Aru boropatebevupe darejaquemavu

majare ūi jainore. Caiye iyede dacarejaquemavu Jūmenijicu majare maje jabocu Jesucristo parucque aru ūnai Espíritu Santoque märe.

**Meādaiye jaūrōre maje bajure
Espíritu Santoi c̄ue boje
majaque aru maje c̄ue boje
Jesucristoque cūinávupe**

(Mt 19.5; 1 Co 3.16; 10.23; 2 Co 6.16)

¹² Yópe ávaivubuya apevu Jesúre ju aipōeva. “Daicōjeiye deiye jaubevu majare. Que baru caiyede daicōjeimumu yu”, ávaivubuya apevu. Jävetamu. Ubenita apede maje daru, meamejebu majare o apevure märe. Yu caiyede daicōjeimuvacari, yúcapūravu yebacacupe teiyubeva ji daiyue boje apede. ¹³ Aru yópe märe ávaivubuya apevu: “Jūmenijicu cuedarejaquemavu aiyede maje yapibu boje aru maje yapibure maje aiye boje”, ávaivubuya. Jävetamu. Aru Jūmenijicu cūiné dacuyume aiyede aru yapibure märe. Ubenita cuedabedejaquemavu maje bajure maje āmeina tenajiyepo ayu apevque majemarebucuva āmevque. Quénora maje bajure cuedarejaquemavu, maje memcarājiyepo ayu maje jabocu Cristore. Aru c̄ure darejaquemavu maje jabocu Cristore majaque cūinávupe, maje baju jívui. ¹⁴ Yópe Jūmenijicu nacovaiye báquepe maje jabocu Jesucristoi baju bácarōre yainore jaruvarī ūi paruqué, nopedeca majare märe maje bajure nacovachyume ūi paruqué.

¹⁵ Jäve maje bajubu yópe Cristoi bajucarōpedeca. ¿Diede coreóvabenar u maja? Que baru yópe apeno Cristoi bajucarōre ūni, coavaiyepo ūi bajure, ye dayu bhojabevu yu nomiō āme-coque, cūináco ūi bajure bojedado āmeina dacodo ūmvaque. ¡Aipinum u dabecubu yu nöpe! ¹⁶ Jäve yópe teyube

ñai cucus nomiō āmeocoque. Ne bajuá jéori, cūinávupe teivabu na. ¿Diede coreóvabenarū mija? Yópe arí, toivaicōjenejaquemavu Jāmenijicu: “Ina pucará cūinávupe tenajarama na”, arí toivaicōjenejaquemavu. ¹⁷ Aru quédeca ñai jú ayu maje jabocu Jesucristore cūinávupe teibi ūque üi ümei.

¹⁸ Cainumha āmeina dabejarā apevque mūjemarebucuva āmevque. Ape āmeina teiye die pueno pöecu üi bajure āmedabevu. Ubenita diede dayu baru, üi bajure āmedaibi. ¹⁹ Jāve ñai Espíritu Santo cucus maje baju jívui. Que baru maje bajubu yópe Espíritu Santoi cūramipe. Jāmenijicuvacari darorejaquemavu ūre, üi cūquiyepo ayu majaque. Que baru majavacari majare uparivu āmevu aru daicōjemevu maje bajure. Quénora ñai Espíritu Santorecabe majare upacu aru daicōjeñu maje bajure. ¿Diede coreóvabenarū mija? ²⁰ Jāmenijicu ñi bojedarejaquemavu majare. Que baru caiye maje daiyede maje bajuque puerdajarā Jāmenijicu. Daicōjeimara āmevvacari, maje puerdaiye boje Jāmenijicu, me dajarā maje daiyede maje bajuque.

Pablo üi majicaino pūrubhoivure aru pūrubhohevure máre

(Mt 5.32; 19.9; Mr 10.11-12; Lc 16.18)

7 Caride coyuquijivu iye jēniari jáiyede maje toivaiye báquede yure paperayocaque. Pöecu üi pūrubhobedu, meajebu. ² Ubenita obedivu pöeva ne āmeina daiyue boje apevque némarebucuva āmevque, caivu ūmava coapa cūvajarári némarepacu bajuva aru quédeca caivu nomiva coapa cūvajarári némarepacu bajuva máre. ³ Ñai nomihsu dajacurí cainumha yópe ūre jauepe, me cucus jímarepacuque. Aru quédeca ico ūmucuco dajacorí cainumha yópe óre

jauepe, me cucus jímarepacuque. ⁴ Ñai nomihsu jímarepacu baju jinotamu, üi corequiyepo aino nore. Que baru ico ūmucuco cūinácvu oí bajure cōjememico. Aru quédeca ico ūmucuco jímarepacu baju jinotamu, oí corecojiyepo aino nore. Que baru ñai nomihsu cūinácvu üi bajure cōjememi. ⁵ Que baru mija, pūrubhoivu, nomihsu üi daiyuru yópe pūrubhoivu ne darí cōmajiyepo, “Ubevu yu”, abejacorí jímarepacu. Aru ūmucuco máre oí daiyuru yópe pūrubhoivu ne darí cōmajiyepo, “Ubevu yu”, abejacurí jímarepacu. Quédato ina pucará cūinátvu ne ūme, “Maje darí cōmajiyede dajocarajarevu apejárvare, jēniarajivu majepacu Jāmenijicuque”, arí coyuivu baru, dajocarí bhojaihvbu diede. Aru dijárvanu “apejárvanu” ne aijárvanu vainšburu yóboi, bedióva cojedeca dajarári yópe ne darí cōmajiyepedeca, ñai abujuvai jabocu Satanás üi āmeina dare dabequiyepo aivu náre apevque némarebucuva āmevque, ne cōjeme boje ne baju daiyuróre ūmavu nomiōque aru nomiō ūmave máre.

⁶ Iye pūrubhoiyede ji coyuquijede mija, “Pöeva pūrubhoiyurivu baru, pūrubhoír bhojadama na”, arí coyuivu yu. Ubenita pöevare “Pūrubhojara”, abevu yu. ⁷ Caivu ne pūrubhobedu, yópe ji pūrubhoiyepedeca, meajebu ji dípiaru. Ubenita Jāmenijicu majide daibi majare coapa bojecubeda üi majiécaróre, maje cadatenajiyepo ayu apevure. Aru epeibi majare coapa maje darajiyede ijárvui. Que baru apevü majaçavure epeibi ne pūrubhojajiyepo ayu aru apevure epeibi ne pūrubhoenajiyepo ayu.

⁸ Caride coyuquijivu ina pūrubhohevure aru ina nomiōpevare. Meavu mija maje curu yápe, pūrubhohevura. ⁹ Ubenita nácapúrvanu

cōjeni b̄ojobevū baru ne baju daiyurōre ūm̄ nomiōque aru nomiō ūm̄que máre, purab̄ojarāri na. Mētam̄ ne purab̄hoiye ne n̄ájiye p̄ueno, ne nomicucū boje o ne ūm̄ucub̄e boje.

¹⁰Aru caride coyquijivū ina purab̄hoivure. Yópe daicōjeivū m̄jare: Nomiō ūm̄ucuco jarvabejacorī jímarepacure. Aru yávacari ámevū nōpe daicōjeñū. Quénora maje jabocū Cristovacari nōpe daicōjenejaquemavū. ¹¹Ubenita ūi jarvavicōjemeneca, apeco jímarepacure jarvavado baru, purab̄hoejacorī ò apecque. Cūinácova cijacorī ò, o meadariburu yóboi copainujacorī jímarepacū yebai. Aru ūm̄ nomicucū máre quédeca jarvabejacurī jímarepacore.

¹²Aru caride coyquijivū apevū m̄jacavure. Iyede maje jabocū Cristovacari coyabedejaquemavū; ubenita yure coythicōjeimi. Jesúre jū aipōecū nomicucū jímarepacū Jesúre jū abecore cūvacū baru, aru ócapūravū ūque òi cire n̄uiyuru, jāve òre jarvabejacurī ū. ¹³Aru Jesúre jū aipōeco ūm̄ucuco jímarepacū Jesúre jū abecure cūvacū baru, aru ūcapūravū òque ūi cire n̄uiyuru, jāve ūre jarvabejacorī ò. ¹⁴Muja Jesúre jū aipōeva cūinávpetamu Jesucristo que m̄je ūmei. Aru m̄jemarebucuvaque máre cūinávpetamu m̄je bajui. Que baru Jāmenijicū me jāñume nomicucū Jesúre jū abecure, ūi c̄ue boje jímarepacū Jesúre jū aipōeco que. Die jāve ámenu, Jāmenijicū m̄jemarare me jāmejebu. Ubenita nāre máre me jāñume ū. ¹⁵Jāmenijicū cutuib̄ majare, maje c̄urājiyepe yure cārijimenoque. Que baru ina Jesúre jū abevūcapūravū mauteiyūbevū baru n̄emarebucuva

Jesúre jū aivūque, ne jaraiye boje ne baju, jarvajajarāri nāre. Ubenita nomicucū Jesúre jū aipōecū cūvacū jímarepacū Jesúre jū abecore o ūm̄ucuco Jesúre jū aipōeco cūvacū jímarepacū Jesúre jū abecure, cijarāri nāque, ne nōpe ūru. ¹⁶Que baru ne mautedu cūináturu, meaquiyebe, n̄ai jū abecū o ico jū abeco ne jū aru Jesúre, ne c̄ue boje Jesúre jū aipōeco que o Jesúre jū aipōechūque jāravua coapa. Mu, ūm̄ucuco, Jesúre jū are daqojichavū mimarepacure, Jāmenijicū meadaquiyepe ado ūre. ūi jū aquiyede o ūi jū abequiyede majibevū mu. Aru mu, nomicucū, Jesúre jū are daqojichavū mimarepacore, Jāmenijicū meadaquiyepe ayū òre. Ói jū acojiyede o òi jū abecojiyede majibevū mu.

¹⁷Quénora cire n̄ujarari caivū, dari yópe Jāmenijicū epeye báquepe nāre coapa, ne darājiyepe ayū, ūi cutuquiye jipocamia nāre ū jina mārajivūva. Nōpe bueyubu yū caivū Jesúre jū aipōeva cōjjivavure. ¹⁸Nai p̄oecū buraicōjeñū mácū baru ūi cajede, yópe judíova ne daiyepū, Jāmenijicū cutuquiye jipocamia ūre, oatvabenidujacurī iye buraiye báquede. Aru n̄ai p̄oecū buraicōjemece bácū baru ūi cajede, yópe judíova ne daiyepū, Jāmenijicū cutuquiye jipocamia ūre, buraicōjemenidujacurī ūi cajede. ¹⁹Ye baju ámevū buraicōjenu o buraicōjemenu maje cajede. Maje jū aiye Jāmenijicū daicōjeiyede, diedecabu majare jaué. ²⁰Caivū cire n̄ujarari yópe ne c̄uepedeca, Jāmenijicū cutuquiye jipocamia. ²¹Que baru mu apecu ūi yebacacū bácū baru Jāmenijicū cutuquiye jipocamia mure, cārijimejacū die mi yebacateiye boje. Ubenita mi jabocū ūi jodeiyuru mure, etajacū ūre jocarī. ²²Nai p̄oecū apecū yebacacū bácū Jāmenijicū cutuquiye

jipocamia ūre, jodeimu máchupe páyube Jūmenijicai jāinore, ūi c̄ue boje Jesucristo que cūinávupe. Aru quēdeca ñai pōeca apecu yebacacu ámeu báu Jūmenijicu cutuquiye jipocamia ūre, Jesucristoi yebacacupe páyube Jūmenijicai jāinore.²³ Jūmenijicu ñi bojedarejaquemavu majare. Que baru apevure yebacavupe tede dāicójemejara m̄ujare, m̄uje daiye boje yópe ne bueiye jāve ámepe. Quénora dājarā yópe Jūmenijicai urópe.²⁴ M̄uja, jívu, caivu c̄ue re m̄ujara Jūmenijicu jāinore yópe m̄uje c̄uepedeca, ūi cutuquiye jipocamia m̄ujare.

²⁵ Caride coyuquijivu ina nomiva ūm̄usubevure cāreja. Maje jabocu Jesucristo coyubedejaquemavu aipe daiye jaúrōre náre. Ubenita yure cōmajae ároje jāri, beorí epedejaquemavu ūi yávaiye méne coyuñicójeimu. Que baru cainumu coyuñubu yu ūi yávaiyede dajocabecu aru oatvabecuva diede máre.²⁶ Ji dāpiaru, meavu ina ūm̄usubevure cāreja ne c̄uede purubuobeuva, pōeva urarō ne ñájiye boje ne c̄uede ijāravu, aru Jesúre ji aipōeva pñeno baju ne ñájiye boje.²⁷ M̄u nomicu baru, mimarepacore jarvabejacu. Aru m̄u nomicubecu baru, purubuobejacu.²⁸ Ubenita m̄ujare ji purubuoiucójemeneca, m̄u purubuoyu baru, ámedabejebu. Aru nomió máre purubuodo baru, ámedabejebu. Ubenita ina purubuoinu ñájinajarama pare ijāravu ina purubuobeu ne ñájiye pñeno. Aru yácapúravu m̄ujare vaibéde daiyuridujebu iye ñájiyede.

²⁹ M̄uja, jívu, ji nōpe coyuñiyede yópe aiyuvu yu. Obebeuuha carivubu maja ijāravu, memecarajivu Jesúre. Que baru carimata ina nomicucarivu memecajarāri Jesúre cainumu ne oainope, yópe nomicubeu ne daiyepu.³⁰⁻³¹ Caiye ijāravuque bíjare nñivu. Aru ijāravu cūiñuíyebu. Que baru ina oivu,

yópe obevupe dājarāri na. Ina torojuve teivu, yópe torojuve tebevupe dājarāri na. Ina c̄udeu ñi bojedaivu, yópe c̄ue c̄uvarivu ne íye boje ijāravuquede, yópe diede ímevupe dājarāri na. Que baru obejarāri, torojuve tebejarāri, ñi bojedabejarāri, aru c̄udeu ímejarari máre. Que dāivu baru cainumu, oabejebu memecaivu Jesúre. Quénora memecajarāri ūre cainumu.³² Diede coyuñubu m̄ujare, ji ue boje m̄uje cārijimenajiyepu ayu.

Nai nomicubecurecabe dāpiayu maje jabocu Jesucristo jiede aru memecayu ūre caiye ūi úmeque aru caiye ūi paruéque, ūi torojure dāiyue boje maje jabocu Jesucristore.³³ Ubenita ñai nomicubecurecabe dāpiayu pare ijāravuquede aru memeñu ūi paruéque, ūi torojure dāiyue boje jímarepacore.³⁴ Que baru yópe coavaimupe páyube ū ūi úmei. Torojure dāiyuriduibi jímarepacore aru maje jabocure máre. Aru quēdeca ico ūm̄usubecorecabe dāpiado maje jabocu Jesucristo jiede aru memecado ūre cūinácura caiye òi úmeque aru òi bajuque máre. Ubenita ico ūm̄usubecorecabe dāpiado pare ijāravuquede, òi torojure dāiyue boje jímarepacore.³⁵ Nōpe coyuñubu, ji cādateiyue boje m̄ujare. Yebacavupe dāiyubevu m̄ujare, purubuoiucójeni o purubuoiucójemeni m̄ujare. Quénora m̄ujare memecare dāiyuvu maje jabocu Jesucristore cainumu, caiye m̄uje úmeque aru caiye m̄uje paruéque máre, m̄uje dārājiyepu ayu mearore yópe ūi urópe cainumu.

³⁶ Úmu, nomió máre “Purubuorá-jaramu ñuja”, aivu bácacu baru, aru ñai úmu “Dabevu yu yópe yure jaúpe ñuje purubuobe boje”, arí dāpiayu baru, ico nomió òi bñcuteiye báque boje javede aru ñai úmu ūi pare c̄uvaliyue boje óre, dajacuri

yópe ūi daiyuepe. Purubhojarāri na. Purubhoivu baru, āmeina tebenama na. ³⁷ Ubenita ñai ūmu, me majicu baru ūi ūmei aipe daiyue jaürōre, aru apecchi cōjeimu āmecu baru, aru ūi me cōjeni bhojayu baru ūi baju daiyurōre nomiόque, dajacurī yópe ūi daiyuepe. Purubhobejarāri na. Quénora cūjacorī ūi yurimacope. ³⁸ Que baru ñai ūmu purubhoyu baru ūi yurimacomaque, mearore daibi. Ubenita ñai ūmu purubhobecu baru ūi yurimacomaque pheno baju mearore daibi.

³⁹ Nomió ūmuçaco cūjacorī jímarepacque ūi apuēde cāreja. Ubenita ūi yainiburu yóboi, purubhoiyuco baru apecchi que, purubhojacorī. Ubenita jímarepacu bacuyú Jesúre ju aipōesu bajacurī. ⁴⁰ Ji dāpiaru, nomiόpeco purubhobeco baru, torojucodome nomiόpeco purubhodo pheno. Aru yu coreóvaivu Jūmenijicu Espíritu Santo dāpiaicōjeñure yure.

Pablo ūi majicaino āiyena pōeva ne jíye báquede pēpeimarare

(Mt 25.45; Jn 1.3; Ro
11.36; Ef 4.6; Col 1.16)

8 Caride coyuquijivu iye jēniari jāiyede māje toivaiye báquede yure paperayocaque āiyena pōeva ne jíye báquede pēpeimarare, mearoo meamenu māje āiyede diede. “Coreóvaivubu ūija arī bhojaivure āiyede ne jíye báquede pēpeimarare, pēpeimu parube boje”, toivacuē cūinacu mūjacacu. Jāvetamu. Caivu maja diede coreóvaivubu. Ubenita iye māje coyuquijede māje coreóvaiyede pēpeimarare aru pōeva ne jíyede nāre cārijivu yu. Mūja coreóvaivvacari diede, “Meachu bárica yu apevū pheno?” arī dāpiabejarā māja. Aru āmejara diede, dāpiabevuva apevū Jesúre ju aipōeva ne dāpiaiyede. Aivu baru nāre dāpiabevuva, nāre

ubevu māja. Ubenita meavu māje uru apevure caiye māje coreóvaiyede pheno. Pōecu ucu apevure, nāre cādateibi, ne parure nūrajiyepo ayu ne ūmei cainumua. ² Que baru ñai pōecu “Caiye iye pēpeimara jiede coreóvaivu yu”, ubenina arī dāpiayu, jāve me coreóvabebi cāreja diede yópe coreóvaiyede jaürōpe ūre. ³ Ubenita pōecu Jāmenijicure uru, Jūmenijicuvacari coreóvaibi ūre, aru me jāimi ūre. Ñai pōecu apevure ucu māre, jāve ūrecabe me coreóvayu.

⁴ Aru iye māje jēniari jāiyede aiyena ne jíye báquede pēpeimarare yópe coyuquibu yu. Caivu maja majidivubu iyede: Pōeva Jūmenijicure coreóvabevu, “Pēpeimara jādovadama aipe ārojarivure jūmenijinare. Aru ne parue de cūvarivubu”, ubenina arī dāpiadama. Ubenita jūmenijina ne jādovaimara āmevū pēpeimara. Jūmenijicu cūinácura cubi, ñai Jūmenijicu. ⁵ “Obedivu jūmenijina cūma, apevū joborōcavu aru apevū māre cavarōcavu”, ubenina arī dāpiadama ina pōeva Jūmenijicure coreóvabevu. Que baru obedivure “mū, Jūmenijicu”, ubenina arī coyuquama. Aru obedivure māre “mū, ūije jabocu”, ubenina arī coyuquama. ⁶ Ubenita majidivubu maja Jūmenijicu cūinacu quécura cucure. Ūrecabe majepacu. Uvacari cuedarejaquemavu caiyede. Aru majare cuedarejaquemavu, maje dārājiyepo ayu yópe ūi urōpe. Aru majidivubu maja maje jabocu cūinacu quécura cucure. Ūrecabe Jesucristo. Ūrecabe Jūmenijicu caiyede cuedare daimu mācu. Aru ūvacari cūre daibi majare.

⁷ Ubenita apevū Jesúre ju aipōeva majibema cāreja Jūmenijicu cūinacu quécura cucure. Quénora apevū mūjacavu cōmajivubu pōeva ne coyuquijede apevū jūmenijina ne borore.

Que baru ne āiyede āimajiaruare pōeva ne jīye báquede pēpeimure, "Apecū Jūmenijicure mearore jīvu yu, ji āiye boje yore", ubechina arī dāpiadama na. Aru, "Meamejvnu ji daiye. Ye majibevu yu", ne arī dāpiaiye boje, parabenama na ne ūmei. Que baru, "Boropateyhu yu Jūmenijicui jāinore", arī dāpiadama na. ⁸Jūmenijicu majare me jāñu āmemi majae āiye boje o majae āme boje. Maje apede āmenu, Jūmenijicu āmeina jāmemi majare. Aru maje apede aru, Jūmenijicu me jāmemi majare. ⁹Maja arī bhojaivureca iye ne jīye báquede pēpeimarare āmeina tebevhu, me jājara mūja. Ina majibevu cāreja arī dāpiaivu baru mūja mearore jīde nūivure pēpeimarare, aru "¿Mearica iye daiye?" arī dāpiaivu baru, āmeina tejebu, ne jāiye boje mūja āivure diede. ¹⁰Nācacu jāñu maru mūjare, majidivure ūi dāpiaru, āivure pēpeimure mearore jīñami jīvhi, jāve āiyuchuyume ūi māre iye āiyede, ne jīye báquede pēpeimure. ¹¹Mujacapūravu majidivubu āmeina tebevure mūje āiye boje. Ubenita ūcapūravu arī dāpiayube āmeina teyure ūi āiye boje. Que baru mūje majie boje, āmedadavu mūja ūnai mūjecure. Cristo yaidéjaquemavu ūre boje, ūi bījabequiyepo ayu. Ubenita mūja bījare nure daivubu ūre. ¹²Que teni mūjecure, Jesúre ju aipōecure, āmeina tede dādadavu mūja. Ūtame Jesucristo jicu. Que baru mūje āmedadavu mūja. ¹³Que baru jīcu, apecū Jesúre ju aipōecu, ūi āmeina tedu ji āiye boje āimajiaruare, ye āmecuyamu yu āimajiaruare bediōva cojedeca, āmeina tede dābecuyu ūre.

Pablo ūi jāđovaino ūi daiyeque aipe daiye jaūrōre

(Mt 10.10; Lc 10.7; Hch 9.3-6; Ro 15.27; 1 Co 15.8; Gá 1.11-16; 1 Ti 5.18)

9 Jāve yávacari apecū pōecu yeba-
cacu ūmevu. Jāve yávacari Jesú-
s ūi yávaiye méne beorī coyuicōjeimumu.
Jāve yávacari járejacacu maje jabocu
Jesúre. Aru jāve yávacari dācacu méne
Jesús ūi dāicōjeiyede yure, mūje ju aiye
boje ūi yávaiye méne aru mūje cūe
boje ūque cūinávupe. Que baru mea-
jebu mūje jīdu yure jaūéde, ji meme-
caiye boje mūjare. Ubenita yu yéde
jēniamevu mūjare cainumua. ²Apevu
"Pablo Jesúr ūi yávaiye méne beorī
coyuicōjeimuh āmemi" ubechina aivureca,
mūjacapūravu majidivubu yure Jesúr
ūi yávaiye méne beorī coyuicōjeimure,
mūje ju aiye boje Jesúre, ji coyuicu
báque boje mūjare ūi yávaiye méne,
ūi meadacaiyede pōevare. Que baru
mūje cūe boje Jesucristo que cūinávupe,
jāđovari bhojaivu yu jāve Jesúr ūi
yávaiye méne beorī coyuicōjeimure.
³Nópe coyuvaivu yu caivu ina āmeco-
roivure yure.

⁴Mūja jāpiaivu ji bueiyede Jesúr ūi
yávaiye méne, mūje jīdu yure āiyede
aru ūcuiyede māre yópe bojedaiyepo
ji memeinore, cādatecuyu mūjare, mea-
jebu. Jāve nópe daiye jaūvu mūjare.

⁵Aru ji cūvaru Jesúre ju aipōeco ji-
marepaco bajurócore, yópe apevu Jesúr
ūi yávaiye méne beorī coyuicōjeimara,
aru ūnjacacu Pedro māre, aru maje
jabocu Jesucristoi yóva ne cūvaepo,
meajebu. Aru jimarepaco bajurócore cū-
varu, yáque ū majurócore nūvaiye ja-
jebu yure aru jīye jaūjebu mūja jāpi-
aivure ji bueiyede ū majurócore māre
āiyede aru ūcuiyede. ⁶Mūja jīyavu
apevu Jesúr ūi yávaiye méne coyuipōe-
vare nāre jaūéde. Ubenita Bernabé yá-
maque memeicara ūnje pūrháque, bo-

jedārājivu ñujare jauede. Jäve ñuja märe, yópe apecvu Jesú斯 üi yávaiye méne beorí coyuicójeimare, memeiye ñuje puruáque jaubevu ñujare. Quénora mujare jápiavure ñuje bueiyede jíye jaunu ñujare jauede.

⁷ Churara cübebi üi baju äquiyede bojedayu. Aru jiore oteipöecu cübebi üi baju oteiyede buçurí buojarí jéiyede ämecu. Aru oteiāimarare coreipöecu märe cübebi ina äimara opecore jívu ne opecore ñimecu. ⁸ Iye ji coyuhiye tujare, “Üi baju arí dápiaiyede coyuhybebu ü”, abejarã mujare. Pöecureca üi arí dápiaiyede coyuhevü yu. Quénora yópe Jümenijicu daicójeiyede üi coyuhiye báquepe Moisés bácare coyuhybu yu. ⁹ Yópe arí, Jümenijicu toivaicójenejaquemavu üi daicójeiyede üi pöevare: “Ñai oteiāimacu uracu memecayure mujare, buobejarã üre üi jijecamure, üi ämequiyeye aivu üi cüocaiyedeca mujare tujare oteiyabeare üi curaiyede diede”, arí toivaicójenejaquemavu. Übenita Jümenijicu üi nópe toivaicójeiyede báquede, oteiāimarare quévura cõmajé aroje jámenejaquemavu. ¹⁰ Quénora toivaicójenejaquemavu üi daicójeiyede Jümenijicu memecaipöevare boje. Majarecabu üi nópe arí dápiaimara.

Jëvari coyuhybu yu. Ñai jiore memeñu, meadacachu jobore ne otequiye jipocamia, coreyube, cüvacchu üi memeiye bojede, jéijärvu baquinó eaiyede. Aru ñai oteiyede iñu coreyube, cüvacchu üi memeiye bojede märe, jéijärvu baquinó eaiyede. ¹¹ Que baru yópe oteipöecu oteiyeye, ñuje coyuhiyede tujare yebai Jesú斯 üi yávaiye méne, üi meadacaiyede pöevare, cadatenajivu mujare tujare ümei, jäve mujare jíye jaunu ñujare jauede, tujare cadatenajiyeye aivu ñujare yópe tujare bojedaiyeye ñuje memeyiede. ¹² Apecvu

Jesús üi yávaiye méne coyucaipöeva eaivu bácvu tujare yebai mujare jícojenu náre jauede, ne coyuhiye báque boje, jäve pueno baju mujare jícojeyeye jaunu ñujare jauede, ñuje coyuři buiye báque boje mujare diede mamarumure.

Übenita ñuja ye mujare jícojemevu ñujare jauede, ñuje coyuhiye boje Jesú斯 üi yávaiye méne tujare yebai. Quénora ñujacapürvu napiñavu caiyede, tujare me jápiarajiyeye aivu Jesú斯 üi yávaiye méne aru, “Ina íyurivubu náre jauede ñujare jocarí, ne bueiyede boje ñujare”, übenina tujare ämecorobenajiyeye aivu ñujare. ¹³ Ñujacavu judíova Jümenijicu memecaivu üi cürami jívní jacophyama ne ärajiyeva, ne memecaiye boje diñamine. Ina äimarare boaipöeva jínaivu na mácavure Jümenijicu memecaivu üi cürami diva üre jícaiyede juavai jacophyama ina boaimara mácavu jiaruaquede ne ärajiyeva, ne memeiye boje. ¿Diede coreóvabenarü mujare? ¹⁴ Quédeca maje jabocu Jesucristo üi yávaiye méne coyucaipöevare jacophicójeñume náre jauede, ne coyuhiye boje üi yávaiye méne. Que baru ina jápiavure ne bueiyede jícojeñume náre jauede. ¹⁵ Übenita yúcapürvu ye mujare jícojemevu yure jauede. Aru ye toivaicójemevu apecure mujare caride, tujare jínaiyeye ayu yure jauede. Quénora yaijurocchu yu jacophybecchua apejiene. Mujare jícojeñu maru, “¿Meacu bárica yu?” ye arí buojabejebu yu.

¹⁶ Yu ye coyuhevü Jesú斯 üi yávaiye méne ji coyuhiye boje diede. Quénora Jesucristo coyuicójeimi yure. Que baru ji coyuhiyede Jesú斯 üi yávaiye méne üi meadacaiyede pöevare, “¿Meacu bárica yu?” ye arí buojabevü yu. ¡Ämeno vaiquíyebu yure ji coyubedu Jesú斯 üi yávaiye méne! Que baru diede coyuhiye jaunu yure. ¹⁷ Diede coyuhybaru ji

coyñiye boje, torojuebū yu. Aru ji torojue bájebū yópe ji bojede íyepē. Úbenita diede coyuþevu, ji coyñiye boje. Quénora diede coyñiye jauevū yure Júmenijicui coyuñcōjeiye báque boje yure diede.¹⁸ Ji bajumica ji coyñiye de Jesú斯 ūi yávaiye méne bojecubeda, torojure dainu yure. Yure jauede jícojeni bñoyayuvacari yure jápiaivure, náre ye jícojemevu yure apejiene.

¹⁹ Yácapúravu apecu ūi yebacacu ámecuvacari, yebacacupe teyabu ji baju, pöeva obedivu baju ne jápiarajiyepē ayu ji coyñiye de Jesú斯 ūi yávaiye méne, ne ju arajiyepē ayu ūre, ūi meadacaquiyepē ayu náre ne ámeina teiyede jarñvarí, ne cùrañiyepē ayu me ūque cainumha. ²⁰ Ji cñede judíovaque, judíope teyabu yu, ne me jápiaiyurajiyepē ayu Jesú斯 ūi yávaiye méne, ūi meadacaiyede pöevare. Que teni ina dainu yópe Júmenijicui daicōjeiye de coyñiye báquepe Moisés báçure, ne ju arajiyepē ayu Jesucristore, yu máre dñaybu yópe iye daicōjeiye de ji cñede náque, diede daiye jaubedeca yure. ²¹ Úbenita ji cñede judíova ámevñque, nácacupe teyabu yu, ne me jápiaiyurajiyepē ayu Jesú斯 ūi yávaiye méne, ūi meadacaiyede pöevare. Que teni ina dñabevu yópe Júmenijicui daicōjeiye de coyñiye báquepe Moisés báçure, ne ju arajiyepē ayu Jesucristore, yu máre dñabevu yópe iye daicōjeiye de ji cñede náque, dñayuvacari Júmenijicui daicōjeiye de Cristoi cõjeimu mae boje. ²² Aru quédecabu ina parubevure ne ūmei, ne majibe boje cñareja ne daiye méne o ámene Júmenijicui jánore. Ji cñede náque, nácacupe teni, ne majibedu apejíe méne o ámene, diede dñabevu yu, ne me jápiarajiyepē ayu Jesú斯 ūi yávaiye méne ūi parure daiyede pöevare ne ūmei. Que teni caino ji nñinói, bñecuyu Jesú斯 ūi yávaiye méne, cainumha dñaybu yu nñocavu

ne daiyede, ámenore dñabecvua, Jesú斯 meadaquiyepē ayu aperu nácvare. ²³ Caiye iyede dñaybu yu, pöeva ne me jápiarí ju arajiyepē ayu Jesú斯 ūi yávaiye méne, na máre yáque Júmenijicui mearo dacaimara marajiyépe ayu.

²⁴ Jévari coyñuþbu mñjare. Obedivu yajuipöeva cùyaivureca, no yajuino upacu bojede jíchuyume cùinácu ina cùyaivucacare quécura. ¿Dide coreóvabenaru mñja? Yópe caivu ina yajuipöeva coapa ne me cùyaiyepē, ne íyue boje no bojede, nöpedeca caivu mñja máre mearore dñajará mñje cñede ijárvui, maje jabocu Júmenijicui jíquiyepē aivu boje méne caivu mñjare coapa. ²⁵ Ina yajuipöeva ne cùyarajiyepē jipocai, me coreðama ne daiyede, ne íyue boje no yajuino bojede, jipobu adaitarabu laurel ámicuriyocaque dñitarabure, maume pojequitarabure. Que baru ina ívu dñitarabure torojurajarama dñitarabu que quíjino baju, pu dñitarabu pojeiyeta. Úbenita majacapúravu me jåri coreivubu maje daiyede, Júmenijicui jíquiyepē aivu majare ūi boje méne pojebequiyede cainumha. Que baru torojurajaramu maja Júmenijicui boje méque cainumha.

²⁶ Que baru yábu nápe páyu, ina nurié cùyaivu pu cùyaima tñrvaita. Yácapúravu nurié dñaybu yópe Júmenijicui tñröpe dñajocabecvua cainumha. Yábu nápe páyu, ina totarí pëvari yajuivu, nurié totarí pëvari vainájivu ne mauvare. Yácapúravu nurié dñaybu, vaicýu ji mauvare, ji memeiye ijárvui bojecubé ámequiyepē ayu. ²⁷ Jévari coyñuþbu mñjare. Yópe jara popeiyepē ji bajure, úbenita ji ūmene, dñaybu yu, me corechuyu ji daiyede, Júmenijicui jíquiyepē ayu yure máre ūi boje méne. Meamejebu yure, Júmenijicui ūi jíbedu yure ūi boje méne, ji ámedaru apecu Jesúre

jʉ aipõecʉ majibecure cāreja méne aru āmene máre. Meamejebu yure, Jāmenijicʉ ūi jíbedu yure ūi boje méne, ūi jíniburu yóboi diede apevure, ūi meadacaimarare, ji bueye báque boje náre Jesús ūi yávaiye méne.

Pablo ūi majicaino Corintocavure Israecavʉ bácvu ne daiye báqueque
(Mr 14.22-24; Lc 22.19-20; 2 Co 6.15-16)

10 Muja, jívu, ʉvu yʉ mʉje majina-jiyede jāve aipe vaiye báquede ina Israecavʉ bácvure, majeñecuvape paivʉ bácvure, ne jʉ aiye boje Jū-menijicure. Ina caivurecabu vaiváivʉ bácvʉ põecubenoi no ocopenibo cāchinoi. Aru ina caivurecabu jataivʉ bácvʉ no jia ʉradá Jūariya āmicuriyare. ² Ina caivurecabu jádovaivʉ bácvʉ Moisés bácvue ne vaiváye boje ū mácvue no ocopenibo yóbole aru no jia cūrō mácarore. ³ Ina caivurecabu ūivʉ bácvʉ iye aiyede Jāmenijicʉ daroibe báquede na mácvure cavarō mearo ūi cūrōre jocarī. ⁴ Aru ina caivurecabu ūcuivʉ bácvʉ no ocore Jāmenijicʉ daroino mácarore na mácvure no cūrabo ʉrabore jocarī. Ubenita ānibo cārabo ina põeva mácvure ne apure daibo bácarō āmene-jaquemavʉ. Quénora Cristorecabe apure dayʉ bácvʉ na mácvure aru caino ne nūinoi jári coreyu bácvʉ na mácvure. ⁵ Ubenita nópe Jāmenijicʉ caðateyu bácvureca na mácvʉ caivure, obedivʉ nácvʉ bácvʉ Jāmenijicure torojure ðabedejaquemavʉ, ne āmeina teiyeh boje. Que baru Jāmenijicʉ yaidé ðarejaquemavʉ na mácvure no põecubenoi.

⁶ Caiye iye vaiye báqueque na mácvure coreóvaivʉbu maja aipe vaiquiyede majare, āmeina teiyurivʉ baru yópe ne āmeina teiyeh báquepe.

⁷ Que baru pẽpeimarare mearore jíbejarā muja, yópe apevʉ na mácvʉ ne daiye báquepe. Yópe arī, toivaicōjenejaquemavʉ Jāmenijicʉ

ūi yávaiyede ne mearore jíyena cūinácvʉ ne pẽpeimaracacure: “Ina põeva dobarī ūivʉ barejaquémavʉ aru ūcuivʉ barejaquémavʉ. Aru no yóboi nacajari upaivʉ barejaquémavʉ”, arī toivaicōjenejaquemavʉ. ⁸ Āmeina daiye jaubevʉ majare apevʉque majemarebucʉva āmevʉque, yópe apevʉ na mácvʉ ne āmeina daiye báquepe apevʉque némarebucʉva āmevʉque. Ne nópe daiye báque boje, cūinájāravʉ baji veintitrés mil paivʉ baju yaidéjaquemavʉ.

⁹ Maje jabocʉ Cristo ūi ʉrarō napiye boje maje āmeina teiyede, “Maja āmeina teivʉvacari, nájimenajaramu maja, maje āmeina teiyeh boje”, ʉbenina arī dápiaiye jaubevʉ majare, yópe apevʉ na mácvʉ ne nópe arī dápiaiye báquepe. Ne nópe arī dápiaiye báque boje, ădava, Jāmenijicʉ daroimara mácvʉ, ne cūriburu yóboi na mácvure, yaidéjaquemavʉ na mácvʉ. ¹⁰ Jāmenijicure āmeina yáv-abejarā muja, yópe apevʉ na mácvʉ ne āmeina yávaiye báquepe Jāmenijicure, ne āmecoroiye báquede ne jabovare, ūi epeimara mácvure. Ne nópe daiye báque boje, cūinácvʉ ángelede darorejaquemavʉ, ūi boarī jaru-vaquiyepē ayʉ na mácvure. ¹¹ Caiye iye vaiye báqueque na mácvure coreó-vaivʉbu maja aipe vaiquiyede majare, maja daivʉ baru yópe ne daiye báquepe. Aru Jāmenijicʉ toivaicōjenejaquemavʉ diede, maje buenajiyepē ayʉ. Maja cūrivʉbu ijāravʉl bñojaijāravʉare. Iye “Que vaiquiyebu”, aiye báque vaivʉ caride.

¹² Que baru ácvʉ põecʉ “Āmeina tebevʉ yʉ. Aru āmeina tebecuyʉmu máre”, arī dápiaiyʉ me ðajacurī, vainí tibecuyʉ. ¹³ Apenumha muja “Yópe daiyavʉ yʉ”, arī dápiaðavʉ. Ubenita nópe daivʉ baru, āmeina tejebu muja. Nópe vaiyavʉ caivʉ põevare. Ubenita Jāmenijicʉ, nai dayʉ cainumha yópe

ūi aiye báquepedeca, ye dajocabebi mūjare, mūje vainí turājiyepo ayu mūje āmeina daiyue boje. Quénora parure dacuyume mūjare mūje ūmei, mūje āmeina dabenajiyepe ayu. Parure dacuyume mūjare mūje ūmei, mūje napinajiyepo ayu caiye iye mūje āmeina daiyuede, dabevuva diede. Que teni mūja vainí tūjurorivu bácacavre vaidé dacuyume ū mūje āmeina daiyuede jocarī.

¹⁴ Que baru mūja, jīvū, ji umara, pēpeimarare mearore jībejarā mūja. ¹⁵ Coyuyubu mūjare yópe majidivupe. Nuriéna ji coyuru, mūjacapūravu coreó-vaiye majidivubu. ¹⁶ Maje āri ūcuiyede, ārurajivu maje jabocu Jesucristo ūi yaiye báquede majare boje, torojuede jīvaivubu Jāmenijicure no ūcuidoque boje. Que baru ū mearo dacaibi majare maje ūcuiyede iye ūcuidoquede. Maje ūcuiyede diede, "Majarecabu Jesucristoi meadacaimara, ūi jive meiye boje ūi yaiye báquede", arī jādovaivubu. Aru iye páure cotuvavaivubu maja. Maje āiyede diede, "Majarecabu Jesucristoi meadacaimara, ūi jíye boje ūi bajure ūi yaiye báquede", arī jādovaivubu. ¹⁷ Maja yóvaivu Jesucristore obedivu curivñvacari, cūinábo páuboquede ādavu maja. Que baru cūináyajubo pōeyajubope teni, Jesucristoquc cūinávupe cūvu maja.

¹⁸ Dápiajarā ina Israecavu ne āimara boaiyede, ne juarī jícarājiyepo aivu Jāmenijicure, ne āmeina teiye boje. Cójijivu bácacavu ne āiyede ina boaimara mácacavu jiaruaquede, "Cūináyajubo pōeyajubobu maja. Jāmenijicui yóvaimaratamu maja", arī jādovaivubu. ¹⁹ Ji nōpe coyuhiye boje, "Āimajiaruare ne jíye báquede pēpeimarare meajiaruabebu apejiarua pñeno", ubenina arī ye dápiabejarā mūja. Aru, "Pēpeimara parurivubebu", ubenina arī ye dápiabejarā mūja. ²⁰ Quénora yópe aiyuva yu ji

coyuhiyeque: Pōeva Jāmenijicure coreóvabevu ne āimara boaiyede ne juarī jícarājivu pēpeimarare, "Jāmenijinare diede jícaivubu maja", ubenina arī dápiadama. Jāmenijina āmema ne jícaimara. Jāmenijicu cūinácu quécura cūbi. Quénora abujuvatamu ne jícaimara. Aru ubevu yu mūje yóvaiyede abujuvaque. ²¹ Mūja ye bñojabevu cūináturu ūcuiuva maje jabocu Jesucristo ūi ūcuidoquede aru abujuva ne ūcuidoquede máre. Mūja ye bñojabevu cūináturu āinu maje jabocu Jesucristo ūi tuoivaquede aru abujuva ne tuoivaquede máre. ²² Maja āri ūcuiuva baru Jesucristo jiede maje cójijinami jīvui aru abujuva jiede pēpeimara ne cūrami jīvui máre cūináturu, jorojíne darājaramu maja maje jabocu Jesucristore. ¿Parurivu bárica maja ūi pñeno, napinajivu ūi nñajine daquiyede majare ūi jorojíye boje? Bítamu. Jäve ūtame parucu maje pñeno.

**Jesúre ju aipōeva apecu yebacavu
āmevñvacari, ne jādovaino ne
uude apevure ne daiyeque**

(Mt 26.26-29; Mr 14.22-25; Lc 22.14-20;
1 Co 4.16; 6.12; 8.7-12; Fil 3.17)

²³ Yópe ávaivubuya apevü Jesúre ju aipōeva. "Daicōjeiyede daiye jaubevu majare. Que baru caiyede daicōjeimumu yu", ávaivubuya apevü. Jävetamu. Ubenita apede maje daru, meamejebu majare o apevure máre. Aru apede maje daivu baru, cadatabejebu apevü majevure, ne parure nñrajiyepo aivu ne ūmei. ²⁴ Ñame mearore daiyñridubejarari ne baju boje. Quénora caivu mearore daiyñjarari apevure boje quédá.

²⁵⁻²⁶ Apenumua Jāmenijicure coreóvabevu ne āimara boaimara mácacavu jiaruaquede jíni bojedadama āimajiaruare bojedaitucubu uparivure,

pēpeimarare jícariburu yóbore. Ne que daiyedeca, ñi bojedajarā mūja āimajiaruare nore, jeníari jámevuba árore ne íyede, “¿Boropateyu bárica?” arí dápiaabenajivu. Maje jabocu Júmenijicu jietamu caiye ijárvu aru caiye ijárvuque máre. Que baru jeníari jámevuba, āimajiaruare ñi bojedarí, ájara mūja.

²⁷ Cüinácu Jesúre ju abecu, “Áranhjara ji cürami”, ñi arí cuturu mūjare, aru mūja nuiyurivu baru, áranhjara mūja. Áde ñi tuoiyede mūjare, ájara mūja. Jeníari jámejara árore ñi íyede āimajiaruare, “¿Boropateyu bárica?” arí dápiaabenajivu. ²⁸ Ubenita apecu nore cucus, “Iyebu āimajiaru ne jíye báque pēpeimarare” ñi aru mūjare, iye jiaruare āmejara mūja. Ñi que aríbaru yóboi, mūje ãru iye jiaruare, ńcapúravu arí dápiaquijichubi mūje borore yópe: “Pēpeimarare pueadaivubebu na. Que baru meavubebu Jesúre ju aipöeva ne pueadaru pēpeimarare aru ne ãru jiaruare, náre jíye báquede”, ubenina arí dápiaquijichubi ñi. Que baru ñi arí dápiabequiyepo ayu nópe, aru “¿Boropateyu bárica?” ñi arí dápiabequiyepo ayu máre, āmejara mūja. ²⁹ Mūja “¿Boropateyu bárica?” arí dápiabevureca, apecu nópe arí dápiaquijichubi. Que baru ñire boje, nópe coyuyubu mūjare.

Ubenita apecu jeníari jáquijichubi: “Aipe teni daiye jauri yure yópe apecu ‘¿Boropateyu bárica?’ ñi arí dápi-ajuroepe yurá? ³⁰ ¿Aru ji torojhede jídu Júmenijicure, ñi jíye boje ji áquiyede, aipe teni apecu āmecorori yure ji áiyede iyede?” arí jeníari jáquijichubi.

³¹ Apecu ñi que aru, yópe arí coyujebu yu. Caiye mūje ãiyuede, caiye mūje ñcuiyuede, aru caiye mūje daiyuede máre, apecu mearore jínajivu baru Júmenijicure mūje daiye boje, meajebu mūje daiye. Ubenita apecu

“¿Boropateyu bárica yu?” ne arí dápiaju, mūje daiye boje, meamejebu mūje daiye. “¿Yópe daju baru, apevare mearore jíde dajeja yu Júmenijicure?” arí dápiajarā mūja, mūje ñarajiyé jipocai. ³² Yéde dabejarā apevu ne vainí turí āmeina tenajiyepo aivu. Quénora dajarā cainumha apevu ne vainí tábenu āmeina tebenajiyepo aivu. Judíovare, aru judíova āmevure, aru Jesúre ju aipöevare máre āmeina tede dabejarā náre, mūje daiye boje. ³³ Yácapúravu torojure daiyuvu caivu pöevare caiye ji daiyequ. Méne vaidé daiyubevu yu ji baju. Quénora obedivu apevare méne vaidé daiyuvu yu, Jesúis ñi meadaquiyepo ayu náre.

11 Yúvacari dare nññumu yópe Cristo ñi daiye báquepedeca. Que baru dajarā mūja yópe ji daiyepo.

Aipe daiye jauri Jesúre ju
aipöevare ne cóijivayede
jínajivu mearore Júmenijicure

(2 Ts 2.15)

² Torojuvu yu mūje ãrué boje yure aru caiye ji bueye báquede mūjare, aru mūje ñarí cõmajiye boje yópe Cristoi bueye báquepedeca ji coyuchiye báquede mūjare. Mūje que daiyede me ñaðavu mūja. ³ Ubenita caride ñu yu mūje coreóvaräjiyepe ayu iyede. Mūje ju abedu ñai mūjare jaboteyure, meamevu. Cristorecabe jaboteyu caivu ñmuvare. Nomicarivu coapa jaboteivubu némarepacore. Aru Júmenijicurecabe jaboteyu Cristore. ⁴ ñmu cümañu maru ñi jipobure ñi jénaiyede Júmenijicuque aru ñi coyucayede Júmenijicuque apecu ñire jaboteipöecui jivateinoi. Ubenita apecu ñmu aru nomiò máre ñmure jaboteivu ñmema, quénora Cristo baju jaboteyube ñmuvare.) ⁵ Ubenita nomiò cüمامeco baru ñi

jipobure ñi jénaiyede Júmenijicque aru ñi coyucaiye Júmenijichi yávaiyede apevu pöevare máre, jímarepacure pueabebico ñi jivateinoi cuso cùmamecova. Ó cùmameco baru ñi jipobure, yópe nomiò jímarepacu jaboteimo ámecope tedobe ó. Que baru quédeca bájebu, ñi yuvaru caiye ñi podare. ⁶Nomiò ñi cùmaiuybedu ñi jipobure ñi jénaiyede Júmenijicque aru ñi coyucaiye ñi yávaiyede apevure máre, pueno meajebu óre yuvaru ñi podare. Ubenita cuyeco baru ó ñimujubepoðaque cuso baru aru caiye ñi podare yuvarí jaruvado baru, cùmajacorí ñi jipobure. ⁷Ubenita ñimure cùmaiye jaubevu ñi jipobure ñi jénaiyede Júmenijicque aru ñi coyucaiye ñi yávaiyede apevure máre, Júmenijichi cuedaiye báque boje áre árojacure. Que baru ñimuvarecabu cùrivu, mearore jínajivu Júmenijicure. Diede jádovainvbu ne cùmameque ne jipobure. Ubenita nomivarecabu cùrivu, mearore jínajivu némarepacure. Diede jádovainvbu ne cùmaiyeque ne jipobure.

⁸Júmenijich cuedabedeaquemavu ñai mamarumucacu bácu ñimure, ñi ámiá Adán, ico nomiò ñi cùadoque. Quénora cuedarejaquemavu ico mamarumucaco báco nomióre, ñi ámiá Eva, ñai ñimure ñi cùadoque. ⁹Aru Júmenijich cuedabedeaquemavu ñai ñimure, ñi cadatequiyepe ayu ico nomióre. Quénora cuedarejaquemavu ico nomióre, ñi cadatecojiyepe ayu ñai ñimure. ¹⁰Que barureca nomióre cùmaiye jauvu ñi jipobure, jádovacodo jímarepacu jaboteimore. Ñi que daiyede, ina ángeleva máre óre me jádama. ¹¹Ubenita maje jabocu Júmenijichi cuedaiye báquede ñimure aru nomióre máre ina pucarâre jaubuiyede majidejaquemavu. Nomiòre jaubi ñimure. Aru ñimure jaubico

nomiò. ¹²Que baru jávetamu ico mamarumucaco báco nomiò, ñi ámiá Eva, Júmenijichi cuedaimo máco ñimur ñi cùadoque. Aru jávetamu caivu ñimura máre cùrivu nomiò ñi jñedocuva báque boje náre. Aru caivure, caiyede máre cuedarejaquemavu Júmenijicu.

¹³¿Muje dapiaru, meameni nomiò jéniadore Júmenijicque ñi jipobure cùmamecova? Mujacapíravu coreóvaiye majidivubu jáve meamenore ñi jéniaru Júmenijicque ñi jipobure cùmamecova. ¹⁴Aru pöeva ne éarí cõmajiyeque máre majidivubu maja. Pöeva ámeina jádama ñimur ñimujue poda cùcure. Ñimur ñimujue poda cùcure baru, cuyoje tejebu ñ. ¹⁵Ubenita pöeva me jádama nomiò ñimujue poda cùcore. Nomiva pöeva ne pueadimaramu ne cùe boje ñimujue poda, cùmarajivu ne jipobure. ¹⁶Apecu mûjacacu o apeco mûjacaco ju aiyubedu iye ji majicaiyede, quédato coyuhyubu ya diede. Ñuja aru caivu apevu Jesúre ju aipöeva cójjivaiyu apenoa ímaroai ye coreóvabevu apevure, mûjare jocari, ne nomivare jéniaicójeivure Júmenijicque o coyucaicójeivure ñi yávaiyede máre ne jipobure cùmamevua.

Pöeva ne ámedaino ne ári úcuiyede, árurajivu Jesucristoi yaiye báquede

¹⁷Caride aipe daiye jaúrøre mûje cójjivaiyede majicaiyuvu ya mûjare. Muje cójjivaiyede ámedadavu mûja. Que baru torojubevu ya. Muje cójjivaiyede mearore nure dabevubebu mûja muje bajure. Quénora ámenore nure daivubebu mûja muje bajure. ¹⁸Mamarumure yópe apevu ne arí coyuaiyede, “Ina Corintocavu Jesúre ju aipöeva yajuboa tede daiyu. Ne baju cùinárturu ámevu ne ñumei ne cójjivaiyede. Apevu ne ñrarô áiyede ne davaiyede cójjijiñami, apevure jíbevua, áivubu ñrarô, apevu ne ámeneca”, jápiaivu ya muje borore. Jáve majuvá

ie ne coyuhiyede. ¹⁹Muje yajuboa tede daiye boje, pöeva coreóvaivabu Jämenijicu ämeina jänure mujacavu jíbevure apevure. ²⁰Maje jabocu Jesucristo jäve ämeina jänure muje cójijivaiyede, muje äri ücurajiyepe ayu, ärrajivu üi yaiye báquede, muje dabe boje yópe üi daicöjeiye báquepedeca diede. ²¹Muja cójijivaivu bácacu, apevu mujacavu äiyede nüvaivu bácacu coapa muje baju äiyede ini ávaivabuya, jíbevuba apevure. Aru maumena äri bávaivabuya apevu mujevenu ne earäjiye jipocai. Que baru apevu mujacavure ävhé ijivaihyu. Übenita apevu hrarö yapivaivabuya pu ne pacoteiyeta. Muja cüináthru ämevaivabuya. ²²Muje que daiyede pare übevu yu. Äri ücuiyede jahevuh pöevare ne cüramiai. Übenita muje cüramiare cuvarivvacari muja coapa, pueno baju äri ücuiyurivabuya Jesúre ju aipöeva ne cójijihami. Pare übevu yu muje ämeina jaiyede Jämenijicu pöevare aru muje cuyoje tede daiyede mujevenu äiyede cuvabevure. Ämeina jámejara muja Jämenijicu pöevare. Aru cuyoje tede dabejarä muja mujevenu äiyede cuvabevure. „Aipe äri coyuji mujare? Ye majibevu yu aipe äri coyuhiyure mujare. Jäve torojabevu yu muje que daiyede. “Me daivabu muja”, jäve ye abecchuytu yu mujare.

Jesúre ju aipöeva ne äri ücuino, ärrajivu üi yaiye báquede

(Mt 26.26-29; Mr 14.22-25; Lc 22.14-20)

²³Iye maje äri ücuiyede, ärrajivu Jesucristoi yaiye báquede, Jesucristo vacari coreóvare darejame yure. Aru yópe üi coreóvare daiye báquepedeca coreóvare dacacu mujare. Äniñami mácarömiareca, Judas báchi jeni jíye baquiyé jipocai maje jabocu Jesúre üi mauvare, páure ñejamedu Jesú. ²⁴Jämenijicure torojhede jíniburu yóboi, páure cotuvarejameda. Aru

arejamedu üi bueimarare: “Dápijarä iye páure yópe muje dápiayele ji bajure. Jíquijivu yu ji bajure, ne boarí jarüvaräjiyepe yure, mujare ji meadaquiye boje. Que baru muje äiyede iye páure, ärrajara yure”, arejamedu näre Jesú. ²⁵Aru nopedeca ücuidore ini ne äri bubaribüru yóboi, Jesú arejamedu: “Dápijarä iye ücuiyede yópe muje dápiayele ji jivede. Jíquijivu yu ji jivede, ne boarí jarüvaräjiyepe yure, mujare ji meadaquiye boje. Que baru yure mequiyebu ji jive obedivure boje. Jämenijicu ‘Yópe dajará muja, boropatebenajivu ji jainoi’, üi yóbcarö coyuino mácaröre pöevare ärrajaramu. Cainumha muje ücuiyede diede, ärrajara yure”, arejamedu Jesú. ²⁶Cainumha yópe muje páure äiyele aru muje ücuidoquede ücuiyede máre, pu maje jabocu Jesucristoi copaidaiyeta, pöevare jådovaiabu Cristoi yaiye báquede näre boje, meadacuyu näre.

**Aipe daiye jaørö Jesúre ju
aipöevare ne äri ücuiyede,
ärrajivu üi yaiye báquede**

(He 12.5-11)

²⁷Ácu pöecu pueðabecu ãñu maru iye páquede, iye ärure daiye maje jabocu Cristoi bajure, o ücuñu maru iye ücuidoquede, iye ärure daiye maje jabocu Cristoi jivede, boropatechuyume üi pueðabe boje Cristoi bajure aru üi jivede máre. ²⁸Nópe vaibéquiyepe aivu, caivu coapa me dápiarí corevajaräri caiye ne daiyede, ne dápiayede máre, “¿Ämeina teybua yu?” jeníari járajivu ne baju. Aru ämeina teivu baru, chiori coyujaräri ne ämeina teiyede Jämenijicure, üi ärumetenı jaruvaquiyepa ayu diede, ne äri ücura-jiye jipocai. ²⁹Ácu pöecu üi äru iye páquede aru üi ücuru iye ücuidoquede máre, dápiabecuva maje jabocu Cristo baju ñájini yaiyú bácre, jäve Jämeni-

jicu ñájine dacuyume úre, ñi que daiye boje. ³⁰ Que baru obedivu majacavubu parubevu aru ijimara máre. Aru apevu yaiyáma. ³¹ Maja me dápiarí corevaru maje baju daiyede aru maje baju dápiayede máre, maje jabocu Júmenijicu ñájine dabejebu majare. ³² Ubenita maje jabocu Júmenijicu ñájine dayube majare, majicacuyu majare, maje bíjabenajiyepo ayu úre jocarí ijárvacavu úre coreóvabevuque.

³³ Que baru, maja, jívü, maje cójiji-vaiyede ári úcurajivu yópe maje jabocu Jesucristoi árure daicójeiyepo mójare, corejará caivu mójevure, ne earájiyepo aivu. Que teni ári úcujara caivu maja cünáturu. ³⁴ Ácu pöecu mójacasch ñávüe yaiyábaru, ájacurí ñi cürami jívü, Júmenijicu ñájine dabequiyepo ayu mójare, maje ámedaiye boje maje cójiji-vaiyede. Apede maje jeníari jáiye báquede yure, majicacuyu mójare aipe daiye jaúrōre ji eaquiyede maje yebai.

**Espíritu Santoi majide daino
Jesúre ju aipöevare ñi
majiécaróque bojecubeda, ne
cadatenajiyepo aino apevure**

(Ro 12.6-8)

12 Maja, jívü, caride coyacuquijivu iye jeníari jáiyyede maje toivaiyibe báquede yure paperayocaque Espíritu Santoi majide daimara Jesúre ju aipöevare ñi majiécaróque bojecubeda, maje cadatenajiyepo ayu apevure. Úvu yu maje me coreóvarajiyepo diede.

² Maja iyede coreóvaivubu. Júmenijicu coreóvabevu bácahu cäreja, pëpeimara yávabevure mearore jíde daimara matequémavu maja, maje dápiariduiye boje paruédé cùvarivure. Ne daicójeimara matequémavu maja. ³ Que baru caride mójare coreóvare daiyavu yu iyede. Pöecu cùbebi Júmenijicu Espíritu Santore cùvacu,

“Júmenijicu ñájine dajacurí Jesúre toabo cùiméboi cainamua”, arí buojayu. Aru pöecu cùbebi, “Jesús maje jabocube”, arí buojayu jáve, Júmenijicu Espíritu Santoi nópe coyure dabeledu úre.

⁴ Uretamu Júmenijicu majide que ñi majide daiye ñi pöevare bojecubeda. Ubenita ñai Espíritu Santo cùinácurecabe majide dayu caivu majare maje majiécaróva. ⁵ Uretamu maje memecaiye Júmenijicu aru apevure máre maje majiécaróque. Ubenita cùináturu ámevu. Aru maje jabocu Jesucristo cùinácurecabe jaboteyu maje memecaiyede. ⁶ Uretamu Júmenijicu jádovaiye ñi paruáde, ñi jíyede majare, maje memecarajiyepo ayu úre aru apevure máre ñi majiécaróque. Ubenita cùináturu ámevu. Aru majepacu Júmenijicu cùinácurecabe parure dayu caivu majare, maje memecarajiyepo ayu maje majiécaróque.

⁷ Júmenijicu majide dayube caivu majare Jesúre ju aipöeva coapa ñi majiécaróre, maje jádovarajiyepo ayu cùvarivure ñi Espíritu Santore aru maje cadatenajiyepo ayu apevure. ⁸ Apevu ñi pöevare Júmenijicu ñi Espíritu Santore coyure daicójeimi ñi majiéque. Aru apevu ñi pöevare Júmenijicu ñi Espíritu Santore majicare daicójeimi apevure iye majiéde ñi majide daiye báquede náre, apevu ne coreóvarajiyepo ayu diede. ⁹ Apevu ñi pöevare Júmenijicu ñi Espíritu Santore jeníare daicójeimi úque, “Jáve majivu yu Júmenijicu dacuyure yópe ji jéniaiyepedeca úre” arí. Aru apevure Júmenijicu ñi Espíritu Santore meadare daicójeimi ijimarare. ¹⁰ Apevu ñi pöevare Júmenijicu ñi Espíritu Santore pöeva ne darí majibede dare daicójeimi. Apevu ñi pöevare Júmenijicu ñi Espíritu Santore coyucare daicójeimi ñi yávaiyede apevure. Aru apevu ñi pöevare Júmenijicu ñi Espíritu Santore ma-

jide daicōjeimi apecu yávayure yópe Espíritu Santoi yávaicōjeiyepo o yópe abujucu ūi yávaicōjeiyepo. Apevu ūi pōevare Jūmenijicu ūi Espíritu Santore yávare daicōjeimi apecamua yávaicamua ne majibecamuare. Apevu ūi pōevare Jūmenijicu ūi Espíritu Santore coyure daicōjeimi aipe aiyuede iye apecu ūi yávaiyede apecamua yávaicamua ūi majibecamuaque.

¹¹ Aru caiye iye Jūmenijichí majiéquede ñai Espíritu Santo cūinácuramajide daiba majare coapa yópe ūi urópe.

Jévari coyuino Jesúre ju aipōeva cójjivaivu yópe pōecu ūi bajupe

(Ro 12.4-5; Ef 4.11, 14-16)

¹² Jévari coyuiedyedcoyuyabu yu majare. Yópe pōecu ūi baju cuyaे ure cuyere, ubenita ūi baju cūinábaju quénora cuyere, nopedeca obedivutamu maya Jesúre ju aipōeva, ubenita cūináyajubo pōeyajubo teni, cūinávure cuyu maya Jesúre ju aipōeva. ¹³ Caivu maya Jesúre ju aipōeva, judíova aru judíova ámevu, yebacavu aru yebacavu ámevu máre, Jūmenijicuque jádovaimara mácavubu ocoque. Nópe dárí, ñai Espíritu Santo cūinácurabemaya Jesúre ju aipōeva caivure cūináyajubo pōeyajubo tede dayu. Aru caivu coapa cuyarivubu ñai Espíritu Santore majaque.

¹⁴ Pōecu ūi baju cūináro cuyaecarō ámevu. Quénora ūi baju cuyaे uretam. Quédica Cristo jina obedivutamu maya. ¹⁵ Mi cuyobaya yávarí buojaiba baru pōecupe aru “Yu ámevu mi pura. Que baru mi baju cuyaecarō ámevu yu”, aiba baru, nópe aibavacari, mi baju cuyaecarō bájebu diba. ¹⁶ Aru mi cámica yávarí buojaica baru pōecupe aru “Yu ámevu mi yacoru. Que baru mi baju cuyaecarō ámevu yu”, aica baru, nópe aicavacari, mi

baju cuyaecarō bájebu dica. Quédica maya cūináturu ámevucrea, majacacu cubebi meacu apevu pueno. ¹⁷ Pōecu ūi baju yacoru matuiye baru, ñai pōecu jápiarí majibejebu. Aru pōecu ūi baju cámica matuiye baru, ñai pōecu vini majibejebu. Quédica cadateiyavu maje baju iye majiéque, ñai Espíritu Santoi majide daiyede majare coapa. ¹⁸ Ubenita Jūmenijichrecabe epeyu bácu caiye pōecu ūi baju cuyaede yópe ūi urópe. ¹⁹ Cūináro pōecu baju cuyaecarō quénora curu, pōecu cuyebejebu.

²⁰ Ubenita pōecu ūi baju cuyaе ure cuyacureca, ūi baju quénora cūinárotamu. ²¹ Mi yacoru yávarí buojaida baru pōecupe, “Mure jaubevu yure”, aidu majibejebu mi purare. Aru mi jipobu yávarí buojaibu baru pōecupe, “Mure jaubevu yure”, aibu majibejebu mi cuyobare. Quédica, “Mure jaubevu Cristore” arí, majecure coyubenajarevumaya. ²² Quénora jauvu majare iye maje baju cuyaе paruve ape maje baju cuyaе pueno, maje apurájiyepo aivu. ²³ Apede maje baju cuyaecuquede yópe maje baju jívquede majié me jívubu maya. Ubenita diedecabu maje me coreye. Aru apede maje baju cuyaecuquede apevure jáicōjeiyubevu maya. Que baru cuitótecajeare doivubu, cūmarajivu diede. ²⁴ Ubenita apede maje baju cuyaecuquede die pueno ye cūmamevu maya. Jūmenijichrecabe epeyu bácu maje baju cuyaede, maje me járajiyepo ayu pueno baju iye maje baju cuyaecuquede, maje ámeina jájuroede. ²⁵ Que dayu bácu Jūmenijicu, maje baju baquiyépe ayu cūinároru, aru caiye maje baju cuyaecuquede ayu ne baju coavabevuva. ²⁶ Maje baju cuyaecarō cūináro ijidu majare, caino maje baju ijivu majare. Aru apecu ūi puerdu maje baju cuyaecarō cūinárore, maja torojurivubu caino maje bajuque. Quédica cūinácu

Jesúre jü aipōecü ūi nájiyede, caivü maya Jesúre jü aipōeva nájivübu. Aru apevü ne pueñaiyede cūinácu Jesúre jü aipōecüre, caivü maya Jesúre jü aipōeva ne pueñaimaratumu.

²⁷ Jévari coyuñübu mujare. Majatamu yópe Cristo ūi bajupe. Aru majatamu coapa ūi baju cüvaeque. ²⁸ Caivü maya Jesúre jü aipōevare coapa Jümenijicu epeibi, maje memecarājiyepo ayü majevü cójijivaivüre. Mamarümcavübu ūi epeimara Jesús ūi yávaiye méne beorí coyuñicöjeimara. Mamarümcavü ne yóbocavübu ūi epeimara ūi yávaiyede coyuñaipöeva. Ne yóbocavübu ūi epeimara bueipöeva. Ne yóbocavübu ūi epeimara pöeva ne ñarí majibede ñaipöeva. Ne yóbocavübu ūi epeimara cadateipöeva, jipocateipöeva, aru apecamua yávaicamua ne majibecamuare yávaipöeva máre. ²⁹ Jäve caivü maya ãmevu Jesús ūi yávaiye méne beorí coyuñicöjeimara. Aru jäve caivü maya ãmevu Jümenijicu yávaiyede coyuñaipöeva. Jäve caivü maya ãmevu bueipöeva. Jäve caivü maya ãmevu pöeva ne ñarí majibede ñaipöeva. ³⁰ Jäve caivü maya ãmevu ijimarare meadaipöeva. Jäve caivü maya ãmevu apecamua yávaicamua ne majibecamuare yávaipöeva. Aru jäve caivü maya ãmevu coyuñaipöeva aipe aiyüede iye apecü ūi yávaiyede apecamua yávaicamua ūi majibecamuaque. ³¹ Apeno Jümenijicu majiécaröque püeno baju cadateivübu maya apevüre. Que baru pare ñajarí maje cüvaräjiyede iye püeno baju bojecue majiéde.

Maje ue apevüre

(Mt 17.20; 21.21; Mr 11.23; 1 Jn 3.2)

Nai Espíritu Santo mujare majide ñayureca, caride majicayübu yü mujare aipe daiye jaúrøre püeno baju parüröre.

13 Maja yávaivü majijüvü caiye ijäravüque yávaiyede buebevüva diede. Aru yávaivü majijüvü ángeleva ne yávaiyede máre. Übenita maje übedu apevü pöevare, ye baju ãmevu caiye iye maje yávarí majijuroede. Apevüre übedu, caiye iye maje yávaiye jápuraivü yópe bujíepe tåuque daiyede, pare ãmeina jápuraede aru cärijovaiyede máre. ² Aru maja Jümenijicu yávaiyede coyuñcayüvü parüéque. Jümenijicu däpiaino jádovameno mácaröre jipocamia übenita jádovainore caride jápiari eajüvü. Caiyede me coreóvaijüvü. Me jü aijüvü Jümenijicüre, jëniari ūre ūi nüicöjequiyepo aivü cüracüare apenoita aru majini dicüa nüquicüare. Übenita maje übedu apevü pöevare, ye baju ãmevu caiye iye maje majijuroede. ³ Aru maja jíjüvü caiye maje cüvaede cuve cüvabevüre. Pü maje bajure juarí boarí jarüvaicöjeijüvü máre. Übenita maje übedu apevü pöevare, ye baju ãmevu caiye iye maje däjuroede.

⁴ Maja apevüre urrevü, napivaivübu náre. Aru mearore ñarí cõmajivaivübu, cadatenajivü náre. Maja apevüre urrevü, ye jorojímevaivübu náre. Aru, “¿Meara márica maje püeno?” ye arí coyuñbevaivübu náre. Aru, “¿Meara márica maje püeno?” ye arí däpiabevaivübu náre máre. ⁵ Maja apevüre urrevü, pueñavaivübu náre. Aru, “Vaijádeni me yüre”, arí däpiabení quénora “Vaijádeni me apevüre”, arí däpiari, memecavaivübu apevüre boje, cadatenajivü apevüre maje baju püeno. Maja apevüre urrevü, ye jarabevaivübu. Aru apevü ne ãmedaiyede majare,

maumena ãrûmetevaivûbu diede.⁶ Maja apevûre ʉrivu, ye torojâbeavaivûbu apevû ne ãmeina teiyede, ne coyuïyede jâve ãmene máre, aru ne ãmedaiyede apevûre, ne coyuïyede jâve ãmene apevûi borore máre. Quénora torojâvaivûbu apevû ne mearo teiyede, ne coyuïyede jâvene máre, aru ne mearo daiyede apevûre, ne coyuïyede jâvene apevûi borore máre.⁷ Maja apevûre ʉrivu, ñájivaivûbu caiye ãmene apevû ne daiyede majare, ãmenore ðabevûva náre copu. Aru ju áavaivûbu caiye méne maje jápiayede apevûi borore. Ùbenita aiye ãmene maje jápiayede apevûi borore ju áabevûbu. Maja apevûre ʉrivu, dajocabevûva corevaiyebu ina ãmedaivûre, ne oatavarí mearo darâjiyede aivu. Aru napivaivûbu caiye ãmene apevû ne daiyede majare dajocabevûva maje uede náre.

⁸ Cainumha apevûre ue jañquiyebu majare. Iye majié Jümenijicu ūi Espíritu Santore majide daiye majare cüiquíyebu. Cüiquíyebu pöeva ne coyuïcaye Jümenijicu yávaiyede apevûre. Cüiquíyebu pöeva ne yávaiye apecamua yávaicamua ne majibecamuare. Cüiquíyebu pöeva ne majicaiye apevûre Jümenijicu majide daiye báquede náre, apevû ne coreóvarâjiyede aivu diede.⁹ Jümenijicu coreóvaicõjeimi majare quénora quíjino ūi majiécarõre. Aru coreóvaicõjeimi majare quénora quíjino ūi yávaiyede.¹⁰ Ùbenita Cristo ūi majide ðaquiyyede caivu majare caiyede, maje curâjiyede ūque cavarõ mearo Jümenijicu curõi, ñai Espíritu Santo ūi majide daiye báque quíjie majare cüiquíyebu. Dinumu maquinôre caivu majare ye majié jañbequiyebu.

¹¹ Yü juedocu cäreja coyuñavayu barejacácu yópe juedova ne coyuïyede. Aru corevavayu barejacácu méne aru ãmene máre yópe juedova ne

corevaiyepo. Aru dápiavayu barejacácu yópe juedova ne dápiayepo máre. Ùbenita yu bñcucu caride, caiye ji daiye báquede juedova ne daiyepo dajocarejacasu. Quédeca ji cüe ijárvu juedocu pâyubu yu, ji coreóvaiyepo boje quíjino Jümenijicu jiede. Ùbenita ji cüquiyede cavarõ mearo Jümenijicu curõi bñcucu pâyu bacuyámu yu, ji coreóvaiyepo boje ʉrarõ Jümenijicu jiede.¹² Caride Jümenijicu jiede jáivûbu maja yópe maje jáiyepo jivaru javecarâque. Que baru jâve majibevu aipe ãrojaene caiyede. Ùbenita apejâravu daquijâravu baquinôre járajaramu Cristo bajure. Caride quénora majié jápiarí eaivûbu maja Jümenijicu jiede. Que baru ū jiede coreóvaiyepo pare jañvu majare. Ùbenita apejâravu daquijâravu baquinôre coreóvarâjaramu caiyede jañbevûva, yópe Jümenijicu coreóvaiyepo majare.

¹³ Ùbenita yóbecue Jümenijicu ðarí majide daiye majare ye cüiméquiyebu. Cainumha Jümenijicure ju aiye jañvu majare. Aru cainumha Jümenijicu mearo ðacaquiyede majare yópe ūi aiye báquepedeca napini coreiye jañvu majare. Aru cainumha Jümenijicure aru apevûre máre ue jañvu majare. Ùbenita yo cüinárorecabu iye yóbecuecarõ jañrõ ape pñeno, maje ue Jümenijicure aru apevûre máre.

Ape Espíritu Santo ūi majide daiye jañé ape pñeno

14 Ðajarã muja caino muje oainope, ʉräjivu Jümenijicure aru apevûre máre. Aru pare ʉjarã Jümenijicu Espíritu Santo ūi majide ðaquiyyede aivu muje Jümenijicu ūi majiéquede, muje cadatenajiyepo ayu apevûre. Aru pñeno baju ʉjarã ūi majide ðaquiyyede aivu muje coyuñcarâjiyepo ayu pñevare Jümenijicu yávaiyede paruquéque.² Ácu pñecu yávayu baru apecamua yávaicamua ūi majibecamuare, Jümeni-

jicure arī yávayibe. Übenita pōevare ye arī yávabebi ū. Üi yávaiye boje ū ūmeque pōeva ne majibede aru ne jáðovamene máre, ñame ye jápiarī eabejebu ūi yávariduiyede. ³ Übenita ách pōescu coyuçayu baru Jümenijicu yávaiyede paruéque, cadatejebu apevu Jesúre ju aipōevare, ne parure nūrajiyepo ayu ne ūmei. Náre parure dajebu ne ūmei. Aru chioivnque, náre orí cadatejebu máre. ⁴ Nai yávayu apecamua yávaicamua ūi majibecamuare ūi baju quécura parure nūjebu ūi ūmei, ūi nōpe yávaiye boje. Übenita ñai coyuçayu Jümenijicu yávaiyede paruéque apecvu Jesúre ju aipōevare parure nure dajebu ne ūmei, ūi nōpe coyuçiyepo ayu. ⁵ Üvu yu caivu mūjare mūje yávarajiyepo ayu apecamua yávaicamua mūje majibecamuare. Übenita pñeno baju vñv yu mūje coyuçarajiyepo ayu Jümenijicu yávaiyede paruéque. Pōescu ūi yávaru apecamua yávaicamua ūi majibecamuare übenita pōescu ūi cübedu coyuçiyepo ayu aipe aiyuede iye yávaiyede, Jesúre ju aipōevare ye parure nñiye majibejebu, ne jápiarī eabe boje diede. Que baru me bojecue bajubu pōescu ūi coyuçaiye pōevare Jümenijicu yávaiyede paruéque pōescu ūi yávaiye pñeno apecamua yávaicamua ūi majibecamuaque.

⁶ Mūja, jívu, ji eaquiyede mūje yebai yávayu baru apecamua yávaicamua ji majibecamuare, ye cadatebejebu mūjare, coyuçescu baru máre aipe aiyuede. Übenita coyuçu baru mūjare ape coyuçiyepo Jümenijicu jáðovaiye báquede yure, o apede, ñai Espíritu Santo ūi majide daiyede báquede yure, ji majicaquiyepo ayu mūjare, mūje coreóvarajiyepo ayu, o ape coyuçaiyede Jümenijicu yávaiyede paruéque, o ape bueiyede máre, cadatejebu mūjare. ⁷ Jëvari coyuçiyepo coyuçubu mūjare. Maje pedubare japuiyede aru maje biabeibore būjide daiyede máre pōeva

ne uparājiyepo aivu, maje japuiyede o maje būjide daiyede nurié ãmenu, ina upaiyuriduiyu ye majibejebu aipe upajuroede. ⁸ Aru quédeca, churarava ne coreiyede jápiarajivu apecu ūi japuiyore japuiyede náre coedaicōjeinore, náre ãradacaicōjeinore, aru náre ãdamatenanñicōjeinore máre, nurié ãmenu iye japuiye, ina churarava ye meadabejebu ne baju ãdamatenanñrajivu. ⁹ Nopedecabu majare máre. Maje yávaru apecamua yávaicamuaque, caivu pōeva ne majibecamuaque, ñame jápiarī eaiye ye majibejebu maje yávariduiyede. Übenina yávaridujebu maja!

¹⁰ Ürebebu ijärañvucavu ne yávaicamua. Aru caivu pōeyajuboacavu jápiarī eadama ne baju yávaicamua. ¹¹ Ji coyuçiduru apecuque übenita jápiarī eabedu ūi yávaicamua, “Ñujacu ãmemi”, ūcapúravu ajebu yurã, aru yu máre, “Ñujacu ãmemi”, ajebu ūra. ¹² Que baru mūja cüvaiyurivu pare ñai Espíritu Santo ūi majide daiyede, pñeno baju vñjarã mūja iye Jümenijicu majiéquede, cadatenajivu apecvu Jesúre ju aipōevare, ne parure nūrajiyepo aivu ne ūmei.

¹³ Que baru ñai yávayu apecamua yávaicamua ūi majibecamuare jéniajacurí Jümenijicuque, ūi coyuçiyepo majide daquiyede ayu aipe aiyuede iye yávaiyede apecamua yávaicamua ūi majibecamuaque. ¹⁴ Yu jéniañu maru Jümenijicuque apecamua yávaicamua ji majibecamuaque, jäve jéniajebu ji decocuque. Übenita dápiabescu majibejebu yu ji ūmei aipe aiyuede. ¹⁵ Que baru yópe daiye jaavu yure. Jümenijicuque jéniajebu jaavu yure dápiayure ji decocuque aru ji ūmeque máre, ji jápiarī eaquiyepo ayu aipe ji jéniajebu. Aru yuriajebu jaavu yure dápiayure ji decocuque aru ji ūmeque máre, ji jápiarī eaquiyepo ayu

aipe ji yuriaiyede. ¹⁶Muje mearore jídu Jümenijicure däpiabevüva quénora maje decocuque, apevü nore cürvü jápiarí eabevüva maje yávariduiyede, "Jävemu ne aiyede", ye aivü bhojabejebu ne coreóvabe boje aipe aiyüde diede. ¹⁷Muje mearore jíye me baju bajuvü. Übenita ina müjare jápiariduivu ne coreóvabedü aipe aiyüde maje coyuriduinore, náre cädatebejebu müja. Nácapürvu ye parüre númejebu ne ümei maje nöpe coyuhiye boje. ¹⁸Torojüde jíyibu yü Jümenijicure üi Espíritu Santo üi yávarí majide daiye boje yüre apecamua yávaicamua ji majibecamuare. Aru dicamuare yávavaivü yü caivü müje rhoeno. ¹⁹Übenita ji cójijivaiyede apevü Jesúre ju aipöevaque, náre ji coyuru cüinápuhue paicamua yávaicamua ne majidicamuaque, buechü náre, meajebu ji coyuriduiye rhoeno caipucapuruape paimil baju yávaicamua ne majibecamuaque.

²⁰Müja, jívü, däbejarä müja yópe juedova däpiabevü ne daiyepo. Müje apevüre jáicöjeniduiyede müjare, ñai Espíritu Santo üi majide daimara mae boje, juedovape teivübu müja. Quénora dajarä yópe buechüva däpiaivü ne daiyepo. Müje apevüre cädateiyede, ñai Espíritu Santo üi majide daimara mae boje, buechüvape teivübu müja. Übenita yópe juedova majibevü ämeno daiyeque, müja máre majibevüpe tejarä ämeno daiyeque.

²¹Javede yópe arí, toivaicöjenejaquemavü Jümenijicü üi yávaiyede: "Apevü pöeva, apeyajubo pöeyajubocavüre coyucaicöjecüyümü yü ji yávaiyede ji pöevare apecamua yávaicamua ne majibecamuaque. Übenita yü náre nöpe coyuçariduyüreca, ye yüre jápiarí adabede nurajarama na", arejaquemavü maje jabocü Jümenijicü. ²²Que baru Jümenijicü coyuçöjeiyede

pöevare apecamua yávaicamua ne majibecamuaque, ne jápiarí eabe boje diede, jäädovañüme náre ju abevüre üre aru üi cädatebemarare máre. Übenita üi coyuçöjeiyede üre coyucaipöevare üi yávaiyede parüque, ne jápiarí eaiye boje diede, jäädovañüme ina ju aivüre üre aru üi cädateimarare máre. ²³Caivü müja Jesúre ju aipöeva, müje cójijivaiyede, caivü ina yávaipöeva ne yávaru apecamua yávaicamua pöeva ne majibecamuaque quénora, aru Jesúre ju abecü o apecü ecoyü baru müje cójijiñami, jäve "¿Arümevü bárica?" ajebu ü. ²⁴Übenita caivü müjacavü yávaipöeva ne coyuçarü Jümenijicü yávaiyede parüque, aru Jesúre ju abecü o apecü ecoyü baru müje cójijiñami, coreóvajebu ämeina teyüre. Caivü müja yávaipöeva müje coyuhiye boje Jümenijicü yávaiyede, "Ji daiyede oatüvaiye jaunü yüre", arí däpiajebu ü. ²⁵Coreóvajebu Jümenijicü majicure caiye üi däpiajedye üi ümei. Nüatutarí, puerarí, mearore jíjebu Jümenijicure. Aru, "Jäve Jümenijicü cübi müjaque", ajebu ü.

Jesúre ju aipöeva ne cójijivaiye jaurö puelaivü aru codobobobeuvüva

²⁶Müja, jívü, que baru yópe daiye jaunü müjare. Müje cójijivaiyede däjarä caiyede, parüre nurajivü caivü müja müje ümei. Apevü müjacavü Salmos ämicüe yuriaiyede yuriaiyuräjarama. Aru apevü müjacavü bueiyuräjarama. Apevü müjacavü coyuçiyuräjarama ape coyuhiye, Jümenijicü jádovaiye báquede, náre coapa. Apevü müjacavü yávaiyuräjarama apecamua yávaicamua ne majibecamuaque. Aru apevü müjacavü coyuçiyuräjarama aipe aiyüde iye ne yávaiyede apecamua yávaicamua ne majibecamuaque. ²⁷Müjacavü yávaiyurivü baru apecamua yávaicamua ne majibecamuare, yávajaräri

pucarā o yóbecurā quévura, cūinácu cūinácu, ubenita cūinátu ãmevu. Aru coyuie jañv apecu aipe aiyuede ne yávaiyede.²⁸ Ubenita pöecu ūi cübedu coyuie majicu aipe aiyuede pöeva ne yávaiyede apecamua yávaicamua ne majibecamuaque, ñame nópe yávabajarari. Quénora ina nópe yávajurorivu bi ajarari nore maje cójijiñami jívní. Quedata arí dápiajarari na coapa ne yávajroede ne baju aru Júmenijicuque.

²⁹ Nopedeca majaçavu coyucaiyurivu baru pöevare Júmenijicu yávaiyede parquéque, coyuçarari pucarā o yóbecurā quévura. Aru coyuie jañv apecu nare coapa ina yávaivu bácvure yópe Espíritu Santo ūi yávaicōjeiyepre náre. ³⁰ Júmenijicu ape coyuie yávaiyede ūi majide daru apecu majaçacu nore dobacure, ñai coyuçpöecu coyuçrī dajocajacurī, apecu ūi buojaquiyepre ayu coyuçu ūi máre. ³¹ Nópe ñarī, caivu majaçavu coyucaiyurivu pöevare Júmenijicu yávaiyede parquéque buojarajarama coyuñivu, cūinácu cūinácu, ubenita cūinátu ãmevu, caivu maje bueni majinajiyepre aivu aru parure ñarajiyepre aivu maje ūmei maje baju. ³² Júmenijicu yávaiyede coyucaipöevarecabu coyuçrī majidivu yópe iye Júmenijicu ñaicōjeiyepre ji majicaiyede majaçare caride. ³³ Júmenijicu ye ubebi pöeva ne cárivaiyede ne baju. Ubibi ne codoboboiyede. Ubibi ne yávaiyede caivu cūinátu.

Que baru ñajarā maja yópe apenoa ñimaroacavu Júmenijicu pöeva ne ñarī cõomajiyepre ne cójijivaiyede. ³⁴ Maje cójijivaiyede mearore jínjivu Júmenijicure, nomiva yávaicōjememaratamu. Que baru bi ajarari ina nomiva. Yópe Júmenijicu ñaicōjeiyede ūi coyuie báquepe Moisés báçure, ju aiye jañv nomivare aru jipocatebejarari na. ³⁵ Nomio õi yávaru

Jesúre ju aipöeva ne cójijivaiyede, cuyojarotamu. Que baru ina nomiva majiyurivu baru apede ne jápiari eabede, jeníari jájarari némarepacure ne cürami.

³⁶ Coreóvajarā maja iyede. Pöeva coyuçrī bábedejaquemavu Júmenijicu yávaiyede majaçare. Maja mamarumucavurecabu ãmevu jápiaivu bácvu Júmenijicu yávaiyede coyuie yede. Aru maja quévurecabu ãmevu jápiaivu bácvu diede. Que baru, “Maje cójijivaiyede mearore jínjivu Júmenijicure, yópe maje ñrópe ñarajarev”, ubenina ñri dápiajidebejarā maja. ³⁷ Ácu pöecu “Júmenijicu yávaiyede coyucaipöecubu yu”, arí dápiajuyu baru, coreóvacuyume maje jabocu Júmenijicu ñaicōjeiyepre báquede iye ji toivaicōjeiyede apecure majaçare. Aru ácu pöecu “Júmenijicu Espíritu Santo majide ñaibi yure”, arí dápiajuyu baru, coreóvacuyume maje jabocu Júmenijicu ñaicōjeiyepre báquede iye ji toivaicōjeiyede apecure majaçare. ³⁸ Ácu pöecu ūi jápiari adabedu iye ñaicōjeiyede, apevuyu máre ūi coyuie yede jápiari adabejarari.

³⁹ Maja, jívn, que baru yópe ñaiye jañv majaçare. Pare ñajarā Júmenijicu Espíritu Santo ūi coyuçcare ñaquiyepe aivu majaçare ūi yávaiyede parquéque pöevare. Aru, “Yávabejarā”, abejarā ina yávaiyurivure apecamua yávaicamua ne majibecamuaque. ⁴⁰ Ubenita caiye maje ñaicōjeiyede maje cójijivaiyede, mearore jínjivu Júmenijicure, ñajarā maja yópe puelaivupe aru codobobobeuvu máre.

Pablo ūi coyuino Cristoi nacajaino mácarõra yainore jaruvarí

(Mt 12.40; 28.16-17; Mr 16.14; Lc 24.34, 36; Jn 20.19; Hch 2.24-32; 8.3; 9.3-6)

15 Maja, jívn, caride majaçare ñarure méne ūi meadaiyena pöevare, ji coyuie

báquede mūjare. Iye coyuhiyede ju ávñ mūja. Aru caride máre ju are nñanavñ mūja. ²Mūja jāve ju are naivñ baru Jesús ñi yávaiye méne, meadaimara marajáramu mūja. Übenita mūja jāve ju abevñ baru, meadaimara ämenajaramu mūja.

³Mamarumure Jesucristovacari coreóvare darejame yure iye yávaiye paruédé caiye ape yávaiye pñeno. Aru quédeca nópe ñi coreóvare daiye báquepedeca, yúcapúravñ coreóvare dacacu mūjare. Iyebu ñi yávaiye me. Cristo yaicárejameda majé ámeina teiye boje, yópe Jümenijicu toivaicójeiye báquepedeca ñi yávaiyede. ⁴Apevu jaruvarejaimada ñi baju bácarore pñe jaruvaino cûracobe jívnvi. Aru yóbecurijárvua yóboi Jümenijicu nacovarejaquemavñ ñre yainore jaruvári, apñchuyre bedióva, yópe ñi toivaicójeiye báquepedeca ñi yávaiyede máre. ⁵Jümenijicu ñre nacovariburu yóboi, majecu Pedro járejameda Jesúre. Aru no yóboi, ina caipñcapñrñape paivñ apevu ñi yávaiye méne beorí coyuicójeimara máre járejaimada ñre. ⁶No yóboi, apevu quinientos paivñ baju majacavñ ñre ju aipõeva járejaimada ñre cûinátrur. Apevu nácvu javé yaivñ bácvñreca, übenita obedivñ nácvu apñrñvñbu caride. ⁷No yóboi, Santiago aru ñi yóboi caivñ Jesús ñi yávaiye méne beorí coyuicójeimara máre járejaimada ñre.

⁸Aru bñojainñmure caivñ apevu ne yóboi, ñre jámejñrocu, ñre járejacacu yu. Que baru majivñ ñi jüma Cristore Jümenijicu nacovaimu máchre yainore jaruvári. Ñre jámejñrocu yu ñi oatuvaiye boje yure. Ñre ju aipõevare boarí jaruvaiyñcù bácvñ caivñ pñeno oatuvarejame, pñ ñi yávaiye méne beorí coyuicójeimava corebecchva, yópe jñedocu ñi pñeteiyepo pñeva ne corenajiye jipocamia. ⁹Yurecabu

caivñ Jesús ñi yávaiye méne beorí coyuicójeimara ne cächinocachpe páyñ baju. Ji cujurí, boarí, ñajine daiye báque boje Jesúre ju aipõevare, Jesús beobejebu yure, ji coyuquiyepo ayu ñi yávaiye méne. ¹⁰Übenita Jümenijicu mearo dacaiye boje yure, caride apecupe páyñbu yu. Ñai pñevare boarí jaruvaiyñcù bácvpe páyñ ámevu yu caride. Jümenijicu me boje, epedejaquemavñ yure, ji memecaquiyepo ayu ñre. Aru ñi nópe epeiyé báque ámepeda ámevu. Quénora memeivñ yu pñeno ñrarõ baju caivñ apevu ñi yávaiye méne beorí coyuicójeimara pñeno. Übenita yúvacari ji baju paruédé mememevu. Quénora Jümenijicu vacari cadateni, parure daibi yure, ñi me boje bojecubeda, ji memecaquiyepo ayu ñre. ¹¹Caivñ ñi jüma Jesús ñi yávaiye méne beorí coyuicójeimara cûinátrurra ñi jüje yávaiyede coyuicarã ñi jüma. Que baru ye baju ámevu yu coyuñu bácvñ baru o apevu coyuñu bácvñbaru Jesús ñi yávaiye méne mūjare. Cûinátrura coyuvaivñbu Jesúi nacajaiye báquede ne boarí jaruváriburu yóboi ñre. Aru mñjavacari ju adavñ diede.

**Jesúre ju aipõeva ne
nacajarajiye yainore jaruvári**
(Mt 22.44; Ro 5.12-18)

¹²Caivñ majá Jesúre ju aipõeva coyuvaivñbu Jümenijicu nacovaiye báquede Jesucristore yainore jaruvári, apñchuyre cojedeca. Que baru apevu mñjacavñ yópe arí, “Yaivñ bácvñre ye nacovamechuyame Jümenijicu yainore jaruvári, ne apñrñjiyepo ayu bedióva cojedeca”, übenina arñduyama na. Nópe ne arñduyiye jāve ámevu. Árñmevñre coyuñama ina, nópe aivñ. ¹³Jümenijicu nacovamenu yaivñ bácvñre yainore jaruvári, ne apñrñjiyepo ayu cojedeca, Cristo yaiyñ bácvñ ñi nacovaimu

mácu ãmejebu yainore jaruvarí. ¹⁴ Aru Jümenijicu nacovamenu Cristo yaiyá bácre yainore jaruvarí, üi apuquiyepo ayu cojedeca, iye nüje coyuhiye ūra bojecubejebu. Aru muge jü aiye máre ūre bojecubejebu. ¹⁵ Pheo ãmeno baju bájebu nüje coyuhiye yópe arí: “Nacovarejaquemavu Cristore yainore jaruvarí, üi apuquiyepo ayu cojedeca”, nüja borocubejebu Jümenijicurá. Jäve maru yaiu bácavu nacajamevure yainore jaruvarí, Cristo máre, yaiyá bácu, nacajari bñojabedejayume. Que baru, “Cristore nacovarejaquemavu Jümenijicu”, nüje arí coyuhiyede, borocubejebu nüja.

¹⁶ Jümenijicu nacovamenu yaivu bácavre yainore jaruvarí, ne apurajiyepo ayu cojedeca, Cristo yaiyá bácu máre üi nacovaimu mácu ãmejebu yainore jaruvarí. ¹⁷ Aru Jümenijicu nacovamenu Cristo yaiyá bácre yainore jaruvarí, üi apuquiyepo ayu cojedeca, muge jü aiye bájebu ãmepeda. Aru bojecubejebu majare. Que baru Jümenijicu ãrume-tebejebu cäreja muge ãmeina teiyede. Que baru bñjare nüjebu muga coatejororivu Jümenijicure jaruvarí. ¹⁸ Aru ina Jesúre jü aipöeva yaivu bácavu máre, coatejororivu bácavu Jümenijicure jaruvarí bñjajebu javede. ¹⁹ Maja “Yaivu bácavre ye nacovamecubé Jümenijicu yainore jaruvarí Cristoi yaicáiye boje majare boje” ári dápiaivu baru, aru maja coreivu baru Jümenijicu jäve mearo dacacuyure majare, maje cne boje Jesucristo que cünávüpe, maje cuede ijárvu quédato, cõmaje árojajebu maja caivu aperu pöeva pheo.

²⁰ Übenita jäve baju Jümenijicu nacovarejaquemavu Cristore yainore jaruvarí, üi apuquiyepo ayu cojedeca. Ürecabe mamarumusacu caivu aperu yaivu bácavu jipocai apusuyu cojedeca, yaibécuyu bedióva cojedeca. Aru üi nacajaiye báque boje, jäve majidivu maja ūre jü aipöevare máre Jümenijicu

nacovaimara márajivure yainore jaruvarí üi yóboi. ²¹ Cünácu ümu üi daiye báque boje, caivu pöeva yaiváivübu. Quédeca apecu ümu cünácu üi daiye báque boje, pöeva majidivübu nacajarajivu yainore jaruvarí, apurajivu cojedeca.

²² Javede cünácu ümu mácu, nai mamarumusacu bácu, üi ámiá Adán, coateyu bácu üi baju Jümenijicure jaruvarí yaidéjaquemavu, üi ãmeina teiye boje. Que baru caivu pöeva máre, üi mácu párarena, üi mácu-pedeca yaiváivübu maje ãmeina teiye boje. Quédeca, cünácu ümu, nai Jesucristo, yaiyá bácu, Jümenijicu nacovaimu mácu barejaquémavu yainore jaruvarí, apusuyu cojedeca. Que baru caivu ūre jü aipöeva máre, üi que curivu cünávüpe, üpedeca Jümenijicu nacovaimara marajáramu maja yainore jaruvarí, apurajivu cojedeca. ²³ Majare nacovajárvu cünu yópe Jümenijicu cõjeiyepo. Mamarumu cünájárvure, Cristore nacovarejaquemavu Jümenijicu yainore jaruvarí, üi apuquiyepo ayu cojedeca. Aru apejárvure, Cristo üi co-paidaquiárvu baquinóre, caivu maja Cristo jinare nacovachyume Jümenijicu yainore jaruvarí, maje apurajiyepo ayu cojedeca.

²⁴ Dinumu maquinóre ijárvu cüiquíyebu. Caivu ina cõjeivure, caivu ina parurivure, aru caivu ina purusuvárvure máre, üi mauvare, vainí tucuyume Cristo, náre jaruvarí. Aru jípacu Jümenijicure, üi mearore jímure, jaboteicõjeschýume caivu üi jaboteimarare. ²⁵ Jaboteiyе jaavu Cristore pu Jümenijicu epeiyeta caivu üi mauvare üi cùboba cächinoi. Que teni Jümenijicu jádovachyume üi vainí ture daiyede Cristore náre jaruvarí.

²⁶ Caivu pöevare yaiye jaavu. Yópe pöecu üi maucu üi vainí tuiyepo ūre jaruvarí, nopedeca yaiyebu pöeva ne

maucupe paiye, náre vainí turí. Úbenita bhojainumare, Júmenijichí nacovaiye báque boje Cristore, yaiyú báçure, aru üi nacovaquiye boje majá üi pöevare máre, ye yaibénamu majá bedióva cojedeca.

²⁷ Júmenijicu toivaicójenejaquemavü üi yávaiyede Cristore vainí turí jaboteicójescuyure caivure, caiyede máre. Úbenita majidivubu majá üi nópe cōjeiyede Cristore, ye jaboteicójemecuyure jípacure. Que baru Júmenijicure jaboteicójeipöecu cübebi.

²⁸ Cristo caivure, caiyede máre üi vainí turí jabotequiyede, üvacari, Júmenijicu mácu "Mu, ji ju aimu, jabotejacu yure aru ji jaboteimarare máre", acuyume Júmenijicure. Que teni Júmenijicu, ñai Cristore vainí turí jaboteicójeñu macuyú caivure, jabotecuyume caivure, caiyede máre.

²⁹ Apevu pöeva Júmenijichque jádoviacójedama ne baju ocoque yaivu bácvure boje. Úbenita Júmenijichí nacovamenu yaivu bácvure yainore jaruvári, bojecubejebu apevu ne jádovaiye Júmenijichque na mácvure boje ocoque.

³⁰ Aru ñija máre yaijurorivabu järavua coapa, ñuje ñájiye boje ñuje coyuränuiyede Jesús üi yávaiye méne. Ñuje ñájiye máre bojecubejebu. ³¹ Muja, jívu, iyede coyuquijivu yu mūjare, ji torojue boje maje cuede maje jabocu Jesucristo que cüinávüpe. Pöeva boarí jaruvaiyuma yure järavua coapa, ji coyuhiye boje Jesús üi yávaiye méne.

³² Ji cuede Éfeso ámicuríimaroí, pare ñájicasu yu, nócvu ne maucuvaeboje yure yópe áimara jijecurivu ne maucuvaepe. Die ye bojecubejebu yure, jáve maru yaivu bácvu nacajamevure yainore jaruvári. Majare daiye jaujebo yópe ne aiyepe, "Javena yainájichuvu majá. Que baru arí úcuri torojurájarevu", adama.

³³ Que baru muge bajumia apecure jüjovaijemejara. Árujara apecu üi yópe arí coyuhiyede: "Ámena pöeva que yóvayu baru, mearo darí cõmajiye ãrûmetecuyume", aquemavu.

³⁴ Árûmetevüpe tebejará muja. Dajocajará muge ámeina teiyede. Apevu mujacavu coreóvabevu cäreja aipe árojacure Júmenijicure. Coyuhiyu diede, muge cuyoje tenajiyepo ayu muge daiyede.

Pablo üi coyuhiyo nacovarajimara ne baju mamabaju baquinóra

(1 Ts 4.15-17)

³⁵ Apecu, yópe arí, jeníari jáquijichübi yure: "¿Aipe darí nacajara jidi majá, yainájivu bácvavu?" Aru, "¿Aipe árojaquidi maje baju baquinó?" arí jeníari jáquijichübi. ³⁶ Pöecu nópe jeníari jánvu maru, ye majibecutame. Jévari coyuhiyequ buequijivu muge. Maje oteiyede jioi, piaquíye jipocamia, oteiyabede pojeiye jaunv. Oteiyabe pojeniburu yóboi, piaquíyebu.

³⁷ Trigo ámicu oteiyabede o apeyabe oteiyabede máre maje oteiyede, iye piaquíye oteiyabepe paiye ámevu.

³⁸ Maje oteniburu yóboi, Júmenijicu píaré daibi caiye oteiyede coapa yópe "Que baquiyébu" üi arí dápaiye báquepedeca, üi cuedaiye báquede caiyede.

³⁹ Cüináturu ámevu caivu ne bajuá. Pöeva ne jiarua baju, aru áimara ne jiarua baju, míjina ne jiarua baju, aru moa máre ne jiarua baju, caivu coapa ne jiarua apebjure cüvama na. ⁴⁰ Nopedeca cavarócvu aru joborócvu máre ne bajuá cüináturu ámevu. Cavarócvu ne baju métamu, ne cuede cavarói. Aru joborócvu ne baju métamu, ne cuede joborói. ⁴¹ Ñai aviá järavucacu meacu bajube. Aru ñai aviá ñamicacu máre meacu bajube. Úbenita ñai ñamicacu järavucacupe pëomemi. Aru ina abiácvu máre meara bajuvacari,

ubenita aviávape paivu pëomema. Aru ina abiácova coapa apede pëodama na. Cünáturu āmevu cavarōcavu ne pëoíyeque.

⁴² Yópe vaiyepo oteiyabede, nopedeca vaiquýyebu Jämenijichi nacovaquiyede yaivu bácvare yainore jaruvarti. Maja yainájivu bácvu maje baju bácaro, ne yuarí jaruvaibaju bácaro, pojequiyebu. Ubenita maje baju mamabaju baquinó, maje nacajariburu yóboi yainore jaruvarti, ye pojebequiyebu.

⁴³ Maja yainájivu bácvu maje baju bácaro, ne yuarí jaruvaibaju bácaro, bojecubenotamu. Ubenita maje baju mamabaju baquinó, maje nacajariburu yóboi yainore jaruvarti, bojecuró maquiyébu. Maja yainájivu bácvu maje baju bácaro, ne yuarí jaruvaibaju bácaro, parübenotamu. Ubenita maje mamabaju baquinó, maje nacajariburu yóboi yainore jaruvarti, paruró maquiyébu. ⁴⁴ Maja yainájivu bácvu maje baju bácaro, ne yuarí jaruvaibaju bácaro, mearo mateávü, maje cuede ijäravvi. Ubenita maje baju mamabaju baquinó mearo maquiyébu, maje curájiyede mamajárvu cüiméjárvu, maje nacajariburu yóboi yainore jaruvarti. Maje ijäravquebaju cue boje, majidivubu maja mamajárvu cüiméjárvu quebaju máre cüquiyebu. Baju cübedu, apué máre cübevu.

⁴⁵ Caride maja cüvarivubu maje baju yópe Adán máchi baju bácarope, Jämenijichi jíye báquede ü mácure. Yópe arí, toivaicójenejaquemavu Jämenijichi üi yávaiyede: "Mamarumucacu, üi ámiá Adán, Jämenijichi cuedaimu marejaquéma, apusuyu üi bajuque", arí toivaicójenejaquemavu. Ubenita Adán máchi yóbocacu, Cristo, maja mamajárvu cüiméjárvu, maje mamarumucacu, apure dayube majare maje ümei. Que baru jíchyume majare mamabaju, maje curájiyepo ayu järavu

cüiméjárvu baquinóre. ⁴⁶ Aru maje apué máre quédocabu. Mamarumure mamajárvu cüiméjárvu quebaju cüvabevu. Quénora mamarumure ijäravu quebaju cüvarivubu. Aru no yóboi, maje nacajariburu yóboi yainore jaruvarti, mamajárvu cüiméjárvu quebaju cüvarajaramu.

⁴⁷ Nai Adán mácu, maje mamarumucacu bácu, Jämenijichi chedaimu mácu barejaquéma, joboque. Que baru joborócacu barejaquéma, ü mácu. Ubenita ü máchi yóbocacu, Cristobe cavaró mearo Jämenijichi cürcacu.

⁴⁸ Caivu joborócacu cüvarivubu maje bajure yópe nai jobore jocarí dayu bácu üi baju bácarope painore. Aru caivu cavaró mearocavu bárájivu cüvarajaramu maje bajure yópe nai cavaró mearore jocarí dayu bácu üi bajupe painore. ⁴⁹ Yópe caride maje cüvaepo maje bajure nai jobore jocarí dayu bácu, Adán mácu, üi baju bácarope painore, nopedeca cüvarajaramu maja maje bajure nai cavaró mearore jocarí dayu bácu, Cristo, üi bajupe painore.

⁵⁰ Maja, jívu, jáve couyubu mujare iyede. Maja cürivu bhojabenajaramu no Jämenijichi jaboteinoi ijäravquebajuque, maje cüvaede caride. Maje ijäravquebaju cüimébaju ámevu. Quénora pojequiyebu. Que baru maja cürivu bhojabenajaramu no Jämenijichi jaboteinoi ijäravquebajuque.

⁵¹ Caride mujare couyubu yu Jämenijichi yávaiyede jávene, üi jádovameno mácarore jipocamia ubenita jádovainore caride. Caivu maja, Jesúre ju aipóeva, yaibénajaramu. Ubenita Jämenijichu oatuvacuyume caiye maje bajuáre. ⁵² Maumejiena, yópe pöecu üi mimiyepe, iye Jämenijichi japuicójequye japuino bubaino maquinóre jápuraquiyede, Jämenijichu oatuvacuyume maje

bajuáre. Aru dinumma maquinómiareca maya Jesúre jü aipōeva yainájivu bácvare nacovacuyame Jūmenijicu yainore jaruvarí, maye yaibénajiyepe ayu cojedeca. ⁵³ Oatuvaiye jaunu maye baju pojejúroribajure, maye cūvarájiyepe aivu apezabu cūimébajure. Oatuvaiye jaunu maya yaijúrorivure, maye yaibénajiyepe aivu.

⁵⁴ Maja yaibénajivure, maye curájiyede maye cūimébajuque, vaiquiyebu yópe Jūmenijicu arí toivaicōjeiye báquepedeca üi yávaiyede: "Caride pōeva yaibénajarama bedióva cojedeca. Jūmenijicu bhojaibi vainí tħuħ caivure, caiyede máre, īre maucuvaríduivure jaruvarí. ⁵⁵ Pōeva vainí tħimara mácavupe paivu ne yaijuroe boje, vainí tħimarape paivu āmevu caride. Pōeva nájine daimara mácavupe paivu ne yaijuroe boje, nájine daimarape paivu āmevu caride", arí toivaicōjenejaquemavu. ⁵⁶ Ubenita pōeva āmeina teivu nájinajarama ne yainájiyede, ne āmeina teiye boje. Aru Jūmenijicu daicōjeiyede üi coyħiye báqueque Moisés báčre coreóvaivubu maya ina pōeva āmeina teivure nájine darájimarare, ne āmeina teiye boje. ⁵⁷ Ubenita torojħede jínajarevu Jūmenijicure. Īrecabé maye jabocu Jesucristore vainí tħire dare daxu majare āmeina teiyede jaruvarí, maye cie boje maye jabocu Jesucristoq cūinávupe.

⁵⁸ Que baru mija, jīnū, ji umara, parure nħajara mija mije īmei, dajocabevuva mije jü aiyede maye jabocu Jesucristore. Me majidivubu mija caiye mije memecaiyede īre bojecuede, mije cie boje īque cūinávupe. Que baru cainumha pħeno ħrarō baju īre memecajarā.

Pablo üi jícōjeino Jesúre jü aipōevare, ne cadatenajiyepu ayu névu cūve cūvabevure

(Ro 15.25-26)

16 Caride coyħqujivu iye jēniari jājiyede mije jinajiyena ina Jesúre jü aipōeva, cūve cūvabevure, mije toivaiye báquede yure paperayocaque. Dajará mija yópe ji daicōjeiye báquepe ina Jesúre jü aipōevare, cōjjivaivure Galacia āmicurijoborōi. ² Sumana coapa domingo jāravu, caivu mija coapa īni epejarā tātuturare, cadatenajivu cūve cūvabevure. Mije īye báquede no sumana baji īni epejarā mija yópe mije īye báquepe. Que teni ji eaquiyede mije yebai, tātuturare voridur, īni, jícōjeiye jaħbequiyebu mħajre. ³ Ji eaquiyē jipocamia, beojarā mħajcavure, ina nħavarajivre iye tātuturare, mije jicarājiyede, Jerusalén āmicuriħmaroita. Aru ji eaquiyede mije yebai paperayocare jíċu yħamu náre, ne nħvari jādovarajiyepu acħuħ Jerusaléċavu Jesúre jü aivure coreipōevare, ne majinajiyepu ayu nħamejare na aru yéde ne nħavaiyede. ⁴ Dinumma maquinóre mearu ji dápia inoi, u máre náque nħiri, yure yóvarājarama.

Pablo üi coyħino üi dajuroede

(Hch 19.8-10, 21; 1 Co 4.17)

⁵ Ji etaquiyede yore jocarī, vaicáyumu Macedonia āmicurijoborōi. No yóboi, eacħu yħamu mije īmaro Corintoi. ⁶ Mautequijichuva mije yebai obediaviava baju. Uu eayu baru, mauteċċu yħamu mħajque uracoro baede. Dinumma maquinóre que tedu, mħajcapūravu yure cadateivu bħojarājaramu, ji nħire nħquiyepu aivu āro ji nħquino apenoita. ⁷ Obebejāravha baju jácunuiyebu uu mħajre. Mau-mena vaiyħabevu uu mije īmarore jocarī. Quenora mauteiħuva uu mħajque obedi-

aviava baju, maje jabochi yure maute-icōjenu. ⁸⁻⁹ Ubenita obedivu yócavu jápiaiyurivubu Jesús ūi yávaiye méne. Náre bueiye jaunu yure. Aru apevu obedivu máre mauchvariduivubu maje jabocu Jesucristore. Náre cārijovaicōjeiyubevu ina Jesúre jū ájurorivure. Que baru mautechuyumu yore Éfeso āmicuriimaroi, pu Pentecostés jāravu, judíova ūcje torojave teijárvuita.

¹⁰ Timoteo máre, yúpe páyu, maje jabocu Jesucristore memecayube. Que baru ūi earu maje yebai, me torojucu cire daajarā ūre. ¹¹ Úre ámeina jámejara mija. Quénora pueadajarā ūre. Aru cadatejarā ūre, ūi nure nūquiyepo aivu cārijimenoque. Yū coreyubu ū copaidacchuyre ji yebai apevu majevnque.

¹² Caride coyquijivu iye jēniari jáiyede majecu Apolorā maje toivaiye báquede paperayocaque. Paredeca jēniariducacu ūre, ūi yóvaquiyepo ayu majevure ne járanuiye báquede mija. Ubenita dinumu mácarõre ūcapūravu nūiyubeteame. Apenumu ūi bhojaquinumu jácumachuyume mija.

Pablo ūi meaicōjeino Corintocavure

(Hch 18.2; 1 Co 1.16)

¹³ Me jájara mija. Jū are nūjara mija maje jabocu Jesucristore. Jidubejarā apevu ne āmedajuroede mija, mije Jesúre jū aiye boje. Aru parure nūjara mija mije ūmei, mije jū aiyede Jesúre dajocabevuva. ¹⁴ Caiye mije daiyeque ūjarā apevure.

¹⁵ Mija, jívü, me majidivubu Estéfanas ū jinaque ne borore. Nácapūravu jū aima Jesucristore

mamarumure, caivu apevu Acaya āmicurijoborōcavu jipocai. Aru memecavaivubu Jāmenijicu pōevare, cadatenajivu náre dajocabevuva. ¹⁶ Úvu yu maje jū aiyede náre. Náre aru apevu majevu nápe paivure, apevure cadateipōevare aru memecaipōevare máre, jū arī jaboteicōjejara mija. ¹⁷ Torojuvu yu ina Estéfanas, Fortunato, aru Acaico máre ne edaiye báquede yore. Nácapūravu cadateivubu yure yópe maje cadatejuroepe yure, cūrivu bhojaru yúque. ¹⁸ Parure nure daiivubu yure ji ūmei, yópe ne parure nure daiyepe mija mije ūmei. Náre aru apevu nápe paivure máre “Meavu”, arī pueadajarā mija.

¹⁹ Caivu ina Jesúre jū aipōeva cōjjivaiivu Asia āmicurijoborōi meaicōjedama mija. Aquila aru Priscamaque aru ina Jesúre jū aipōeva cōjjivaiivu ne cūrami jívui urarō meaicōjedama mija, ne cue boje Jesucristo que cūinávupe mijaque. ²⁰ Caivu Jesúre jū aipōeva yore cūrivu meaicōjedama mija. Me jacoyujarā mija mijeve mije jivare nuri, mije Jāmenijicu jina mae boje. ²¹ Caride yúvacari, Pablo, toivaiivu, meaicōjeñu caivu mija.

²² Ácu pōecu ūi ubedu maje jabocu Jesucristore, Jāmenijicu nájine dajacurā ūre toabo cūiméboi cainumua. ¡Mu, maje jabocu Jesús, dajacu! ²³ Maje jabocu Jesucristo mearo dacajachurā mija bojecubeda ūi me boje. ²⁴ Yū uva caivu mija cūrivure Jesucristo que cūinávupe. Quénoram.

2 Corintios

Mamabuínore coyuhiyebu Pablo bácu ūi toivaicōjeiye báquede yóbocayoca paperayocare Corinto āmicuriímarocavu Jesúre ju aipōevare. Pablo bácu judíovacacu bácvacari, Jesús ūi yávaiye méne beorí coyuhiçójeimavu marejaquémavu, coyuhsuyu ūi yávaiye méne judíova āmevure, judíova ne ju abe boje ūi coyuhiyede. Lucas bácu coyuhejaquemavu Pablo báchi borore Hch 7:57-8:1, 9:1-31, 13:1-28:31, aru ūi cñede Corinto āmicuriímaroi 18:1-18. Javede Pablo bácre toivacaipóecu bácre toivacaipóecu bácre aipe ūi toivacaquiyé báquede diyocare. Toivaicōjenejaquemavu diyocare āniuju bácarõre 55 d.C., yóbescue ūi cuchuñiyede, coyuhsuyu Jesús ūi yávaiye méne. Majidivu ne dápiayele, curenjaquemavu Filipos āmicuriímaroi ūi toivaicōjeiye diyocare (Hch 20:1-2).

Diyocaque Pablo bácu coyuhejaquemavu aipe Jūmenijicu “Yópe dajará maja boropatenbenajivu ji jainore”, ūi yóboque coyuhiye báquede pöevare. Aru coyuhejaquemavu aipe ūvacari Jesús ūi yávaiye méne beorí coyuhiçójeimavu, bueipóeva borocurivu ne cñe báque boje Corinto āmicuriímaroi Jesúre ju aipōeva jéneboi. Ina bueipóeva borocurivu ubenina coyuhejaquemavu ape yávaiyede, Jūmenijicu “Yópe dajará” ūi yávaiye jáve āmene. Aru “Pablo āmemi Jesús ūi yávaiye méne beorí coyuhiçójeimavu” ubenina arí coyuhejaquemavu. Diyoca coricai Pablo bácu Jesúre ju aipōevare jícojenejaquemavu jecubevu ne cñvaequede

cñve cñvabevure, ne caðatenajiyepo ayu náre (caps. 8-9).

Pablo ūi meaicōjeino Corintocavure

(Hch 18.1)

1 Yü, Pablo, toivaicōjeivu apecure iyoca paperayocare. Meaicōjeivu maja cójijivaivu Corinto āmicuriímarocavu Jūmenijicu pöevare aru caivu apezur Acaya āmicurijoborōcavu Jūmenijicu pöevare máre. Jūmenijicu beorí epeibi yure Jesucristoi yávaiye méne beorí coyuhiçójeimaracacure. Timoteo máre, majecu ūi ju aije boje Jesúre majapedeca, meaicōjeimi mujare. **2** Majepacu Jūmenijicu, maje jabocu Jesucristomaque, mearo dacajachri mujare bojecubeda ūi me boje. Aru torojurí cñre dajacurí mujare máre cärijimevura.

Maja caðateimara maje nájiyede

(1 Co 15.32)

3 Jínajarevu mearore Jūmenijicure, maje jabocu Jesucristoi mearore jímure, jípacure máre. Majepacu Jūmenijicu cõmaje āroje jáimi majare cainumha. Aru caðateibi majare cainumha, ūi parure daiye boje majare maje ūmei.

4 Cainumha maje nájiyede, majepacu Jūmenijicu parure dárí maje ūmei, caðateyube majare, majacapúravu maje caðatenajiyepo ayu apezur nájivure. Yópe ūi parure daiyepo majare, nopedeca maja parure daivubu apezure máre. **5** Yópe Cristoi urarō nájiye báquepe, nopedeca maja máre urarō nájivubu. Aru yópe Jūmenijicui urarō caðateiyede báquepe ūre, nopedeca urarō caðateyube majare, maje cñe boje Jesucristoque cüinávure. **6** Nüja nájivubu, bñajarájivu caðateivu mujare, maje parurájiyepo aivu maje ūmei aru maje meadaimara marajiyépe aivu máre. Jūmenijicu caðateiyede nüjare ūi parure daiyede nüje ūmei, coreóvare daibi nüjare aipe daiye jaurõre nüjare,

ñuje cadatenajiyepē ayu mūjare, parure darī mūjare mūje ûmei. Que baru mūja māre mūje ñájiyede napini buojarājivabu mūje ñájinajijāravu baquinói yópe ñuje napiyepedeca ñuje ñájiyede.⁷ Majivu ñuja mūje ñájiyede yópe ñuje ñájiyepedeca, Jūmenijicu cadateni parure dacuyure mūjare māre mūje ûmei, yópe ūi cadateni parure daiyepedeca ñujare ñuje ûmei. Que baru jāve napini coreivabu ñuja me baju vaiquíyepē aivu mūjare.

⁸Mūja, ñujevus, unu ñuja mūje mājinajiyede ñuje napiye báquede ñájino ûrarō bajure no Asia ãmicurijoborōi. Pare ãmeno ñuje ñájiye boje, ye napini majibetecarā ñuja. “¿Jāve yainájivu bárica?” arī dāpiariducarā ñuja. ⁹Jūmenijicu nópe arī dápiaicōjeñume, ñuje napini corebenajiyepē ayu ñuje baju cadatenajiyede. Quénora jāve napini coreiye jauteavu ñujare Jūmenijicure, ñai nacovañu ina yaivu bácvure yainore jaruvarti, ūi cadatequiyepē ayu ñujare, yaijúrorivu bácvure. ¹⁰Aru Jūmenijicu jāve meadame ñujare iye ñuje yaijúrorō mácarōre jocarī. Aru ñujare meadacuyume ñuje ñájiyede jaruvarti. Que baru jāve napini coreivabu ñuja ūre. Majivu ñuja jāve meadacuyure ñujare ñuje ñájiyede jaruvarti cainumua. ¹¹Que baru unu ñuja mūje cadatenajiyepē aivu ñujare mūje jéniaiyede Jūmenijicque ñujare boje. Obedivu pōeva ne jéniaiyede Jūmenijicque ñujare boje, mearo dacacuyume ñujare. Aru ne jáiyyede ūi mearo dacaiyede ñujare, obedivu pōeva torojuede jinarama ūre.

**Aipe teni Pablo ūi jácunumeno
mácarō Corintocavure yópe
ūi aiye báquepedeca**

(Hch 18.5; 19.21; Ef 1.4)

¹²Apevus mūjacavu ubenina arī coyuriduyama ñujare borocurivure.

Ubenita ne que aiye jāve ãmevu. “Dadavu maja yópe daiye jaûrōre majare Jūmenijicui jánire”, ñuje arī dápiaiyequetorojúrivabu ñuja. Coreóvaivabu ñuja cainumua darī cõmajivure jujobevava aru ãmeno cübevava māre pōeva Jesúre ju abevuque aru pueno baju mūja Jesúre ju aipõeque. Ubenita nópe darī buojabevu ñuja ñuje majiéque. Quénora Jūmenijicu nópe darī majide daibi ñujare bojecubeda ūi paruē majiéque. ¹³⁻¹⁴Cainumua ñuje paperayocare, ñuje toivaicōjeiyede apecure mūjare, jári boroteni coreóvarí buojajebu mūja. Ubenita caride caiye ñuje toivaicōjeiyede apecure coreóvabevureca cäreja, jāve napini coreyabu yu, mūje coreóvarājiyepē ayu caiye iye ñuje toivaicōjeiyede apecure mūjare. Que baru maje jabocu Jesúi copaidaquiyede caivu maja torojúrajaramu. Mūjacapúravu torojúrajaramu ñuje bueye báque boje mūjare Jesús ūi yávaiye méne. Aru ñujacapúravu torojúrajaramu mūje ju aiye boje ūi yávaiye méne.

¹⁵⁻¹⁶Ji coreóvaiye boje diede, arī dápiariducacu jácunumeyure mūje yebai mamarum, ji nuiyede Macedonia ãmicurijoborōi aru ji copaiyede nore jocarī māre, mūje cadatenajiyepē ayu yure nure nucuyure pu Judea ãmicurijoborōita. Pueque ji jácunumiyede mūjare, puque Jūmenijicu mearo dacajebu mūjare. ¹⁷Yu nópe arī dápiariduyu bácvacari, ape borore ji jápiariburu yóboi, oatuvacacu ji dápiainore. Que baru nūmetevu mūje yebai cäreja. Ji nūme boje cäreja, apevus mūjacavu yópe borocuma yure. “Pablo jujobaibi majare. Ijárañucavu Jesúre ju abevuape, ubenina coyuabi. Ūi dápiaiyede ūi daquiyede ūi baju cadateiyurti, apevure ye cadateiyubebi. Maumena ūi ju aiye báquede oatuvabib,

bi aschun. Que baru püscaümea cübi û, ubenina adama yure. Jü aivurü maja ne nópe arí coyuinore yurä? ¹⁸ Ne nópe arí coyuie yurä jäve ämevu. Jümenijicü jainore jäve coyuubu mäjare. Jümenijicü püscaümea cübecü, oatüvabecü, ye ubenina arí coyubebi. Jümenijicü "Yópe dacchymu" ayu baru, jäve dayu apa. Aru nüja máre püscaümea cübevu, oatüvabevu, ye ubenina arí coyubevu. Nüja "Yópe därajaramu" aivu baru, jäve daivu apa. Que baru yu jü ayu baru apede, ye oatüvabevu. ¹⁹ Jävetamu no, ji daiye boje yópe Jümenijicü mácu Jesucristoi daiyepe. Javede Silvano, Timoteo, aru yu máre coyuacarä mäjare Jesúss üi yávaiye méne. Jesúrecabe püscaümea cübecü, oatüvabecü, ye ubenina arí coyubecü. Cainumua "Yópe dacchymu" arí coyuchu, jäve dayuh yópe üi aiye báquepedeca. Jü ayu baru, ye oatüvabebi.

²⁰ Jesucristorecabe jü ayu caiye Jümenijicü "Yópe dacachymu pöevare", üi aiye báquede. Ürecabe dayu caiyede yópe Jümenijicü aiye báquepedeca, mearo dacachy caivu majare üre jü aipöevare. Que baru cainumua maje mearore jíyede Jümenijicüre, "Cristoi daiye báque jävemu. Quédecabu", arí coyuaivubu Jesucristoi parueque. Aru Jümenijicü torojubi dieque. ²¹ Jümenijicürecabe parure dayu nüjare aru mäjare máre maje ümei, maje cüde Jesusristoque cüinavupe. Ürecabe beoyu bácu majare üi jinava. ²² Ürecabe daroyu bácu majare üi Espíritu Santore, üi cüquiyepo ayu majaque, jådovachy majare Jümenijicü jinava. Aru ürecabe mäjide dayu majare dacachyure caiye iye méne yópe üi aiye báquepedeca, üi daroibe báque boje nai Espíritu Santore.

²³ Caride yu toivaicöjequijivu apecüre mäjare, coyuchu aipe teni oatüvayu bácur "Yópe dacchymu", ji arí dápiaiye

báquede. Jümenijicüvacari majibi jäve ji coyuiede. Ürecabe majicü caiye ji däpi-aiyede ji ümei. Yü nümetevu cäreja mäje imaro Corintoi, ji jaraiyube boje mäjare. ²⁴ Nüja jaraivu baru mäjare mäje daiye boje, yópe jabova parurivu ne cöjeiyepo, nüja jü aicöjeiyubevu mäjare aipe jü aiye jaüröre mäjare. Mäja me coreövaivubu aipe mäje jü aiyede Jesúre dajocabevuva, parurivu mäje ümei. Quénora jaraivu baru mäjare, cadateiyurivubu mäjare, mäje torojüräjiyepo aivu mäje ümei.

2 Yü nüñu maru mäje yebai caride, jarajebu mäjare. Aru jararu mäjare, chiojebu mäja. Übenita nüiyubevu yu mäje yebai, mäjare chiore dacchuy be-diöva cojedeca. Que baru copainümtevevu yu cäreja nore. ² Mäjarecabu torojure daivu yure. Que baru yu chiore dayu baru mäjare, yu máre chiojebu. Caivu maja chiojebu, yu nüñu maru mäje yebai caride. ³ Que baru toivaicöjecasü apecüre mäjare apecüre paperayoca bácaröre, jarachy mäjare, mäje meadaräjiyepo ayu mäje daiyede ji nüquiyepo jipocamia, ji jaraiyube boje mäjare mäje jivateinoi. Ji jaraiyede mäjare, torojubevu yu. Übenita mäjarecabu yure torojure dájorivu baju. Que baru yure chiore daiye jaubevu mäjare. Me coreövaivu yu iyede. Mäje torojubevu. ⁴ Chioñu baju ji orique toivaicöjecasü apecüre no paperayoca bácaröre. Pare nájicacu yure jaraiye jaue boje mäjare. Üre toivaicöjemete-casü, chiore dacchuy mäjare. Quénora üre toivaicöjecasü, mäje majinajiyepo ayu pare ji uede mäjare.

**Pablo üi ärümeteicöjeino
Jesúre jü aipöevare apecü üi
ämecoroino mácaröre üre**

⁵ Nai mäje yebai cücu ämecoroyu bácu yure chiore däbeteame yure cüinácvuva. Quénora mäjare máre chiore daue-

mavu ū. O, “Apevu mūjacavhre chīore daquemavh”, aiye jaavh yure, ji cōmajē āroje jāiye boje ūre.⁶ Iye mūjacavh obedivh mūje nājine daiye bāque ūre, ūi āmeina teiye boje, ұrarō bajubu. Ape nājine daiyede ūre.⁷ Que baru caride ārūmetejarā ūi āmeina teiyede. Ūre cadateni, parhre dajara ūi ūmei. Que dāru, ū dajocabecchymē ūi ju aiyede Jesúre, ūi pare chīoie boje mūje nājine daiyede ūre.⁸ Parurōreca jēniaivh mūjare mūje coyuhiyede aru mūje jādovaiyede māre bediōva cojedeca ūre mūje ūmure.⁹ Toivaicōjecacu apecchre no parerayoca bácarōre, majicachy mūjare nājine daiye jaurōre nai ūmure. Mūja cainumha ju aivhre yure majiyathecacu yu. Torojuvhu yu, majicu mūje daiye bāquede yópe ji majicaiye bāquepedeca.¹⁰ Mūje ārūmetedu ūi āmeina teiyede, yu māre ārūmetecchymu ūi āmeina teiyede. Yure ārūmeteiyeh jauéde apecchi āmeina teiyede, ārūmeteyhbu diede mūjare boje, caivh mūja mūje curājiyepē ayu me mūje baju, aru Cristore boje, ūi jāiye boje caiye ji daiyede, aru ji dāpiayede māre.¹¹ Maje ārūmetedu apecchi āmeina teiyede aru cadatedu ūre, nai abujuvai jaboch, Satanás, majare ye bhojabebi dāpiaicōjeñh aru dāicōjeñh māre, yópe ūi dājūrope maje ārūmetebedu apecchi āmeina teiyede aru cadatebedu ūre. Me majivh maja aipe ārojae nai juvayu ūi daiyede.

Pablo ūi cārijino ūi cuede Troai

(Hch 20.1)

¹² Ji coyuhsunyiede Cristoi yávaiye mēne, eacacu Troas āmicuriimaro. Obedivh nōcavh jāpiaiyuriduima diede. Que baru maje jaboch Cristore memecayh bhojariducacu.¹³ Ūbenita pare cārijinu batecách mūjare. Majecu Titore, ji jaroimh mácchre mūje yebai, “Ūre copuchsuyu yui”, arī dāpiariiduyh bate-

cácu. Ūbenita ūre eabeteccacu nore. Que baru, “Nāñumu” ji arīburu yóboi nōcavhre, etacacu nore jocarī, vocanacsayh Titore Macedonia āmicurijoborōi.

Cristo ūi vainí ture daino majare maje mauvare

¹⁴ Torojhede jīnajarevh Jūmenijicure. Majeh boje Jesucristo que cūinávhupe, cainumha majare vainí ture dayuhbe Jūmenijicu maje mauvare, ina majare coyuhiyemenduivhre Jesús ūi yávaiye mēne. Coyhre dayuhbe Jesús ūi yávaiye mēne caino maje nāino, obedivh pōeva ne coreóvarājiyepē ayu ūre, yópe pōecui bicovaiyepē mumijhede, eaquiyepē ayu cainoi.¹⁵ Jūmenijicu me baju jāñhume maje coyuhiyede Jesús ūi yávaiye mēne cainoi. Yópe caivh pōeva ne víyepē mumijhede ne bicovaiyede, nopedeca caivh pōeva jāpiaivh maje coyuhiyede Jesús ūi yávaiye mēne coreóvaivhbu diede. Apevu diede jāpiaivh meadare nāivhbu cavarō mearo Jūmenijicui cūrōi, aru apevu bījare nāivhbu Jūmenijicure jocarī toabo cūiméboi.¹⁶ Ina Jesús ūi yávaiye mēne jāpiarī ju abevh ubema maje coyuhiyede yópe pōeva ne víyhepe āme corajhede. Majeh coyuhiye boje, nācapūravh coreóvaivhbu ne baju yainájivhre aru bījare nārajivhre Jūmenijicure jocarī toabo cūiméboi. Ūbenita ina Jesús ūi yávaiye mēne jāpiarī ju aivhuma maje coyuhiyede yópe pōeva ne víyhepe mumijhede. Majeh coyuhiye boje, nācapūravh coreóvaivhbu ne baju apurājivhre aru meadare nārajivhre cavarō mearo Jūmenijicui cūrōi. Pōecu cūbebi ūi baju coyuhiye majicu iye yávaiyede, yaidé dayu apevhu aru apure dayu apevhu māre. Quénora maja coyuivhbu diede, Jūmenijicui cadateiyeh boje majare.¹⁷ Obedivh pōeva coyuivhbu Jūmenijicui yávaiyede, īnajivh tāuturare yópe cūvede jīni

bojedaipōevape. Apevʉ mʉjacavʉ ʉbenina arī coyuñiduyama ñʉjare nápe paivure. Ɂbenita ne que aiyē jāve āmevʉ. Quénora ñʉja Jāmenijicʉ daroimaramu. Úi coyuñicōjeimaramu Úi yávaiyede āmeno cʉbevʉva Úi jāinore, ñʉje che boje Jesucristo que cūinávʉpe.

Pablo Úi coyuñino Jāmenijicʉ “Yópe dajarā mʉja, boropatebenajivʉ ji jāinore”, Úi yóbocarō coyuñino mácarō pōevare Cristo que

(Ro 8.29; Gá 4.19; Fil 3.10)

3 Apevʉ pōeva āmecororājichʉma ñʉjare bedióva cojedeca, ñʉje nópe aiyē boje. “Pablojā ‘¿Meara mārica?’ aivʉbuya”, ʉbenina aivʉreca, ne nópe āmecoroioye ñʉjare jāve āmevʉ. Javeita ñʉjare coreóvadavʉ mʉja. Que baru apevure paperayocare toivacaicōjeiye jaubevʉ ñʉjare, mʉje coreóvarājiyepe aivʉ ñameja ñʉjare aru ye parʉéde cʉvarivure. Iyepe paiyoca paperayocare toivacaicōjeiye jaunvʉ apevʉ pōevare. Ɂbenita mʉjare jādovaiye jaubevʉ ñʉjacapūravure paperayocare, mʉje majinajiyepa aivʉ ñʉjare Jāmenijicʉ daroimara. Aru mʉjare toivacaicōjeiye māre jaubevʉ ñʉjacapūravure paperayocare, apevʉ ne majinajiyepa aivʉ ñʉjare Jāmenijicʉ daroimara. ² Mʉjavacari iyepe paiyoca paperayocape paivʉbu. Que baru jaubevʉ ñʉjare paperayocare, ñameja ñʉjare aru ye parʉéde cʉvarivure coyuñiocare. Caivʉ pōeva mʉjare jāivʉ majinajarama jāve ñʉjare Jāmenijicʉ daroimara. Aru Úi parʉéde cʉvarivure, mʉje oatʉvaiye báque boje mʉje daiyede, ñʉje coyuñiye báquede mʉjare Jesús Úi yávaiye mén. Mʉjare pare ʉnvʉ ñʉja. Que baru mʉjarecabu paperayoca Cristoi toivaino mácarōpe paivʉ ñʉje ūmei, ñʉje ārʉmetebenajiyepa aivʉ mʉjare. ³ Cristo ubi pōevare ne jārajiyepe ayʉ

caiye iye Úi mearo dacaiyede mʉjare, Úi oatʉvare daiye báquede mʉjare, mʉje ju aiyē boje Úi yávaiye mén, ñʉje coyuñiye báquede mʉjare. Que baru mʉjarecabu paperayoca “Mearatamu na”, Úi arī toivaino mácarōpe mʉjare aru Úi jícojeinope paivʉ ñʉjare, ijāravʉcavʉ ne coreóvarājiyepe ayʉ Úi parʉéde. Ɂbenita toivabeteame ñeminiñoroque paperayocarā, aru buraiyoque cʉravearā māre. Quénora oatʉvaiçōjequemavʉ ñai Espíritu Santore mʉjare, mʉje ūmene aru mʉje daiyede māre.

⁴ Jāve majidivabu ñʉja me nuriéna coyuñivure Jesús Úi yávaiye mén, Jāmenijicʉ daroije báque boje ñʉjare aru Cristoi beorī coyuñicōjeiye báque boje ñʉjare. ⁵ Ñʉjavacari Jesús Úi yávaiye mén nuriéna coyuñiye majibevʉ ñʉje baju majiéque. Quénora Jāmenijicʉrecabe coyuñiye majide dayʉ ñʉjare diede me nuriéna. ⁶ Jāmenijicʉvacari majide darejame ñʉjare, Úre memecaivure, ñʉje coyuñrājiyepe ayʉ “Yópe dajarā mʉja, boropatebenajivʉ ji jāinore”, Úi yóbocarō coyuñino mácarō pōevare Cristo que. Toivacaino mácarō āmenejaquemavʉ iye Úi yóbocarō coyuñino mácarō Cristo que, pōeva maje majinajiyepa ayʉ aipe daiye jaurōre majare. Quénora Úi yóbocarō coyuñino mácarōque Cristo que Jāmenijicʉ Espíritu Santo majide dayʉbe aipe daiye jaurōre majare. Jāmenijicʉ daicōjeiye Úi toivacajonoye báque que Moisés báçure pōeva yaivʉ báçavʉpe ne ūmei coateimara mājebu Jāmenijicʉ jarʉvarī, maje daiye majibe boje yópe Úi daicōjeiyepe. Ɂbenita Jāmenijicʉ Espíritu Santo daicōjeiyeque pōeva apurivʉbu maje ūmei, Úi dare daiye boje majare yópe Úi daicōjeiyepe.

⁷ Javede “Yópe dajarā mʉja, boropatebenajivʉ ji jāinore”,

Jūmenijicu arī coyurejaquemavu pōevare, ūi coyuiye báquede ūi daicōjeiyede Moisés báture. Iye daicōjeiyede toivaicōjenejaquemavu cūravearā. Dinumu mácarōre paredeca Jūmenijicu meacu baju ūi paruē pōorejaquemavu. Que baru Moisés báci jiva máre pōorejaquemavu. Iye pōoiye bijare nuiyedeca, ānina Israel báci pāramena mácavu ye jāivu buojabedejaquemavu ūi jivare, pare pōoiyeque boje. Que teni Jūmenijicu jádovarejaquemavu meacu bajure ūi paruē pōoiyeque, ūi majide daiye báquede pōevare aipe daiye jaūrōre náre ūi daicōjeiyede, iye coatede daiye pōevare ūre jarūvarū. ⁸Que baru pueno baju jádovarejaquemavu meacu bajure ūi paruē pōoiyeque, ūi majide daiyede pōevare aipe daiye jaūrōre majare ūi Espíritu Santoque, nai apure dayu majare maje ūmei, maje cūrājiyepe ayu Jūmenijicuque cainumua.

⁹Jūmenijicu, ūi javecarō coyuiyo mácarōque Moisés báchque, pōevare boropateivu jāri, nājicōjenejaquemavu náre. Ubenita ūi yóbocarō coyuiyo mácarōque Cristoque, pōevare boropatebevure jāri, meadarejaquemavu majare. No ūi javecarō coyuiyo mácarōque Moisés báchque, jádovarejaquemavu meacu bajure ūi paruē pōoiyeque. Ubenita yo ūi yóbocarō coyuiyo mácarōque Cristoque, pueno baju jádovarejaquemavu meacu bajure ūi paruē pōoiyeque. ¹⁰Uí yóboque coyuiyiye jipocai, no ūi javecarō coyuiyo mácarō parurejaquemavu. Ubenita yo ūi yóbocarō coyuiyo mácarō Cristoque pueno baju parurōtam. Que baru yóboquede ūi coyuriburu yóboi, no javecarō ye parubevu. ¹¹Jūmenijicu coyuiyede no javecarōre Moisés báchque, “Cūiquíyebu”, arī dāpiarejaquemavu. Ubenita

ūi yóboque coyuiyede Cristoque, “Cūiméquiyebu”, arī dāpiarejaquemavu. No ūi coyuiyo mácarō cūiquínoque jádovarejaquemavu meacu bajure ūi paruē pōoiyeque. Ubenita yo ūi coyuiyo mácarō cūiméno maquinóque pueno baju jádovarejaquemavu meacu bajure ūi paruē pōoiyeque.

¹²Uí je jāve napini coreiye boje Jūmenijicu jádovare nūchuyre meacu bajure ūi paruē pōoiyeque, uí je coyuiyede Jesúz ūi yávaiye méne, jidubevuva coyuhvainvbu diede.

¹³Moisés bácu, nai cūmañu mácu ūi jivare cuitótecajeque āmina judíova, Israel báci pāramena mácavu, ne jāmenajiyepa ayu iye pōoyede bijare nuiyede ū máchre jocarī, coyurejaquemavu Jūmenijicu yávaiyede jāvene apevu pōevare obebevjuare. Ubenita nūjacapūrvu coyuhvainvbu Jūmenijicu yávaiyede jāvene caivu pōevare cainumua. ¹⁴Ānina judíova ye coreóvaivu buojabedejaquemavu ne jāri boroteiyede Moisés báci coyuiye báquede Jūmenijicu “Yópe dājarā muja, boropatebenajivu ji jāinore”, ūi javecarō coyuiyo mácarōre.

Aru quēdecabu caride máre. Ye coreóvaivu buojabema ina judíova, yópe ne cūmaiyepe ne ūmene cuitótecajeque. Pū ne chiyeta Jesucristoque cūinávupe, coreóvaivu buojarājarama na. Cristo quécura majibi yópe cūmaicajede ūi jarūvaiyepa. ¹⁵Pū carita ne jāri boroteiyede Moisés báci coyuiye báquede Jūmenijicu javecarō coyuiyo mácarōre ye coreóvaivu buojabema ina judíova, yópe ne cūmaiyepe ne ūmene cuitótecajeque. ¹⁶Ubenita pōecu ju aiyede maje jabocu Jesucristore, coreóvayu buojabi Jūmenijicu javecarō coyuiyo mácarōre, yópe icaje cūmaicajede ūi jarūvaiyepa. ¹⁷Maje jabocu Cristo cūináturube nai Espíritu Santo. Aru ácu pōecu cūvacu

ñai Espíritu Santore, abujuvai jabocu cójemiu ámemi.¹⁸ Caivu maju cùrivabu yópe cuvaepa maje jiva cùmamejivare, maje coreóvaiye boje Jesucristore. Yópe jivaru cùmamedu jádovaiyepa ñai jáñu nore, nopedeca maju jádovaivabu apevare maje jabocu Cristo meacu baju ñi parué péoiyede maje cuvaede, maje cué boje úque cùinávüre. Maju coreóvare návaiyede úre cainumua, oatuvare návaivabu maju, úpe tenajivu. Järvava coapa pueno baju jádovare návaivabu ñi parué péoiyede maje dáiyeque. Nópe ðare dayuve maje jabocu Cristo. Úrecabe ñai Espíritu Santo.

4 Jümenijicu ñi cõmajé ãroje jáiye boje, úre memecaicõjeimi ñujare, ñuje coyrájiyepa ayu Jesús ñi yávaiye méne. Que baru uetubevuva diede coyure nurajaramu ñuja.² Ñuje coyñiyede, ye ðabevu meatenajivu ñuje baju apevu pueno yópe ñujare ámecororiduivu ne aiyepa. Ye cuyoje tede ðabevu ñuja. Yavenina máre yéde ðabevu ñuja. Jújovabevu pöevare. Aru oatuvabevu Jümenijicu yávaiye méne. Quénora caiye Jümenijicu yávaiye méne coyvavabu yéde yavebevhu, oatuvabevuva, aru jújovabevuva máre. Nópe ðarí Jümenijicu jainore jádovaivabu caivu pöevare ñameja ñujare aru ye paruéde cuvarivure, ne mearo dápijájiyepa aivu ñujare.

³ Apevu pöeva coreóvavu bwojabema ñuje coyñiyede. Übenita nárecabu quévura ina bíjare náivu Jümenijicure jocarí toabo cùiméboi.⁴ Ñuje coyñiyede Jesús ñi yávaiye méne, náre jápiarí eabede daibi ñai abujuvai jabocu Satanás, ñai jaboteyu ijárvavacavu Jümenijicure coreóvabevure. Pöeva ne jápiarí earí ju aiye iye yávaiye méne yopedecabu ne jájuroe Cristo meacu baju ñi parué péoiyede, ñuje coyñiyede diede. Übenita yópe jári eabecu ñi

jámepe péoiyede, nopedeca ina pöeva diede ju abevu coreóvabema Cristo, ñai cùinátru jípacu Jümenijicuque, meacu baju, ñi parué péoiyede, yópe ne jári eabepa diede.⁵ Ñuja coyñevu ñuje borore, pöeva ne pueðarajiyepa aivu ñujare ne jabovava. Quénora coyvavabu maju jabocu Jesucristore. Ñujacapúravu quénora memecavaivabu mûjare, ñuje daiyue boje yópe Jesucristoi urópe.⁶ Mamarumure, Jümenijicu cuedaiye báquede caiyede, ñeminijárvu bácarore, "Miadájaro" ayu bácu, miadáre ðarejaquemavu Jümenijicu. Úrecabe, yópe miadáre daiyepa maje ümene, coreóvare dayu meacu baju ñi parué péoiyede. Maju coreóvaiyede Cristore, coreóvavabu Jümenijicu meacu baju ñi parué péoiyede, yópe maje jájuroepe Cristo meacu ñi jiva péoiyede Jümenijicu paruéque.

**Jesúre ju aipöeva ne
daino ñi paruéque**

(Ro 14.10)

⁷ Iye Jümenijicu meacu baju ñi parué péoiyebu pueno bojecue baju. Übenita ñuja coreóvavabu cuvarivure iye parué péoiyede parubevure ñuje ümei, ñuje bojecube boje, yópe jobojorobu parubebupe aru bojecubebupe. Que baru Jümenijicurecabe parure dayu ñujare ñuje ümei, jádovacuyu caivu pöevare úre parucure caivu pueno.⁸ Apenumua apevu ñujare cárivavaivureca, Jesús ñi yávaiye méne coyurí ye dajocabevutamu ñuja. Apenumua aipe daiye jañore ñujare, ye majibevureca, apevu ye vainí turí jaruvaviu bwojabevutamu ñujare.⁹ Apenumua apevu ñujare ñájine daivureca, Jümenijicu ye coatebebi ñujare jaruvare. Apenumua apevu ñujare ámedaivuvacari, ñujare ye bíjare ðabevutamu na.¹⁰ Caino ñuje náino,

ñuje coyuhiye boje Jesús ñi yávaiye méne pöeva boarí jaruvaiyuriduivubu ñujare, yópe apevu ne boarí jaruvaiye báquepe Jesúre. Übenita ñuja apurivu cäreja jådovaivubu Jesúre, ne boarí jaruvaimu mácure, apucure bedióva cojedeca caride, ñujare cadateyure.

¹¹Cainumha ñuje cuede ijäravure, pöeva jeni jiniduivaivubu ñujare apevare ne boarí jaruvarduräjiyepo aivu ñujare, ñuje coyuhiye boje Jesús ñi yávaiye méne. Aru ñuja apurivu cäreja jådovaivubu Jesúre, ne boarí jaruvaimu mácure, apucure bedióva cojedeca caride, ñujare cadateyure. ¹²Que baru pöeva ne boarí jaruvaiyudedeca ñujare, ñujacapüravu coyuhiye nüvaivubu Jesús ñi yávaiye méne, maje curäjiyepo aivu cainumha maje diede ju aiyede.

¹³Ye baju ämevu pöeva ne boarí jaruvaiyue ñujare. Cainumha ju aivubu Jümenijicure. Yópe arí, apecure toivaicöjenejaquemavu Jümenijicu ñi yávaiyede: "Yu ju aivu Jümenijicu yávaiyede jävene. Que baru coyuhiybude diede", arí toivaicöjenejaquemavu. Aru quédeca ñuja máre ju aivubu Jümenijicui yávaiyede jävene. Que baru diede coyuvaivubu ñuja.

¹⁴Coreóvaivubu ñuja ñi yávaiyede jävene, ñi nacovaiye báque boje maje jabocu Jesúre yainore jaruvare, apure dacuyu üre bedióva cojedeca. Que baru coreóvaivubu ñuja nacovachyure ñujare máre yainore jaruvare, ñuje apräjiyepo ayu bedióva cojedeca, ñuje cuede boje Jesucristo que cüinávüre. Aru ñuja majaque, caivu majare nüvachyume ñi curöi, maje curäjiyepo ayu üque cainumha. Que baru jidubevuva coyuvaivubu diede. ¹⁵Ñuja vaivubu caiye iye ñájiyede mójare boje, cadatenajivu mójare. Pueno baju obedivu pöeva ne ju aiyede Jesús ñi yávaiye méne, ñuje coyuhiyede, Jümenijicu meadaibi náre ne ämeina

teiyede jaruvare, ñi mearo dacaiye boje pöevare bojecübeda ñi me boje. Que baru ina pueno baju obedivu pöeva torojüede jinajarama Jümenijicure. Aru ücapüravu pueno baju ne puedaimu machuyáme, ne pueno baju mearore jíye boje üre.

¹⁶Que baru hetubevuva Jesús ñi yávaiye méne coyuhiye nürajaramu ñuja. Järvuva coapa vainíburu, parabede nüivuvacari ñuje baju, maje üme parure nuri, mamaeva ootuvare nüvubu maja.

¹⁷Nájivureca maje cuede ijäravure, maumena vaiquiyebu maje ñájiyede. Que baru quíjino däpiaivubu diede. Aru maje curäjiyede cavarö mearore Jümenijicuque, coreóvarajaramu jäve quíjino bajura iye maje ñájiyede ijäravure. Übenita maje ñájiyede boje pueno ürarö mearo baju cavarajaramu maja cainumha, järvu cüiméjärvu baquinore. Que baru ürarö däpiaivubu diede. ¹⁸Maja däpiare numevu maje ñájiyede, iye maje jári buojaiyede. Quénora däpiare nüvubu iye mearo bajure maje cavaräjiyede, cavarö mearo Jümenijichi curöi, iye maje jári buojabede cäreja. Iye maje jári buojaiyede cüiquiyebu. Maumena vaiquiyebu. Übenita iye maje jári buojabe cüiméquiyebu. Cainumha cüquiyebu.

5 Maje baju ijäravücarö yópebu cürami maje üme curiñamipe. Majidivubu pojequivabu baquinore maje yaiyede. Übenita no pojeiyede, maja Jesúre ju aipöeva cüvavu apebaju, maje üme curiñamipe. Übenita cürami pöeva ne daiñamipe ämevu. Quénora Jümenijicurecabe cuedayu apebaju mamabajure majare. No baju pojequivayebu. Quénora cüquiyebu cainumha cavarö mearo Jümenijichi curöi. ²⁻³Üetuivubu maje cuede yo baju ijäravücaröque. Pare napini coreivubu änijärvu, Jümenijicui jíquijärvu baquinore apebaju mamabajure

majare. Yópe baquiyébu maje ecoiyepo mamadami cūrami aru maje doiyepo cuitótecaje mamacajede máre, maje cübequiyepo ayu yópe pöecu cuitótecaje cübecupe. Que baru maje üme baju cüquiyebo cainumua. ⁴Maje cüede yo baju ijäravucarōque, pare ñajini, napini coreivubu maje cüvarājiyede apebau mamabajure. Yópe pöecu ubebi cüscu cuitótecaje cübecupe, nopedeca maja ubevu curivu maje üme baju cübevuhva. Quénora uvu maja Jümenijicu oatuvuquiyepo aivu maje bajure maja yaibévuhva. Que teni maje baju ijäravucarō pojequibajure oatuvajebu Jümenijicu, maje cüvarājiyepo ayu mamabaju pojebequibaju cavarō mearocarōre. ⁵Jümenijicurecabe ñai majare meadayu bácu, maje baju oatuvuquiyepo ayu. Que baru iye maje baju oatuvaiye jåvetamu. Ürecabe majide dayu majare, dacacuyure caino mearo yópe üi aiye báquepedeca, üi daroibe báque boje ñai Espíritu Santore.

⁶Que baru ye jidubevuhva aru chiomenvuhva máre napini coreavaivubu maje cüede cainumua, yo baju ijäravucarōque cübevu cäreja, maje jabocu Cristoi cüröi. ⁷Majidivubu aipe daiye jaúrōre majare, maje ju aiye boje üre, majare majide dayure. Übenita üre jámevu cäreja. ⁸Jidubevuhva aru chiomenvuhva máre napini corede náinubu maja. Pueno baju yaiyurivubu maja, curajivu maje jabocu Cristoi cüröi. ⁹⁻¹⁰Übenita caiyede jocarí, yópe maje jabocu Cristoi uröpe daiyurivubu maja. Maje cüede ijäravure aru maje cüede üi cüröre máre quénora üi uröpe daiyurivubu maja, caivu maja maje nûrajiye boje Cristoi coyuquiyede maje daiye báquede méne o ámene üi jáinoi. Bojedacuyume caivu majare yópe maje daiye báquepedeca ijäravure. Maje mearo daiye báque boje, mearo dacacuyume majare. Übenita maje

ñameno daiye báque boje, ñajine dacuyume majare.

Jümenijicu üi cärijimene daino majare

(Jn 3.3-7; Hch 16.23; Ro 14.10; Gá 6.15)

¹¹Maje jabocu Cristoi bojedaquiyepo boje caivu pöevare, üre puedaiye jauvu majare. Que baru pöevare ju are daiyuriduivubu ñuña Jesú üi yávaiye méne. Übenita coyubevu ñuña diede, cüvarajivu ñuje boje méne. Quénora diede coyuvinubu, pöeva ne ñájimenajiyepo aivu ne ju abe boje. Jümenijicucapúravu me coreóvayube ñujare, ñuje dápiayede ñuje ümei. Que baru majibi ñujare jujovabevure aru mearo daivure. Napini coreivu yu mujare máre nopedeca me majidivure aipe ärojarivure ñujare. ¹²Bedióva cojedeca ubenina ari dápiabejarä mujaji nöpe aiye boje mujare coreóvare daiyurure ñameja ñujare aru ye paruédé cüvarivure. Quénora mujare torojure daiyuriduivubu ñuje daiye boje, muje majinajiyepo ayu me ina bueipöeva ämecorojurorivu ñujare ne coyuiyede. Ämecorojuriduivubu ñujare, ne ube boje ne jáiyede aipe ärojarivure ñujare. Übenita majibema aipe ärojarivure ñujare ñuje ümei. ¹³Apevu "Pablojä ärumevutamu", ubenina adama. Übenita ärumevu ämevu ñuña. Ärumenvu ärojatu, ye baju ämevu. Daivubu ñuña yópe Jümenijicu uröpe, mearore jínajivu üre. Übenita jäve ärurivubu ñuña, memecarajivu mujare. ¹⁴Memecaivubu mujare Cristoi ure daiye boje ñujare, üi ue boje caivu pöevare.

Maja coreóvaiubu cüinácu ümu, maje jabocu Cristo, yaicáyu báchre caivu pöevare boje. Caivu pöeva yaiyurorivureca ne ámeina teiye boje, Cristorecabe yaicáyu bácu majare boje. Que baru caivu üre ju aivu yópe

yaivu bácvapebu maje cuede ūque cūinávpe. ¹⁵ Cristo yaicárejaquemavu caivu pōevare boje, maja ūre ju aivu, maje dajocarājiyepe ayu maje daiyede, torojure dārājivu maje baju quévnra, ubenita quénora maje dārājiyepe ayu caiyede, maje torojure dārājiyepe aivu ūre. Úrecabe yaicáyu bácu aru Jūmenijicui nacovaimu mácu máre majare boje. ¹⁶ Núje ju aiye báquemata Cristore, “Que baibi”, arī dāpiabevu aipe ārojacure pōecure nūje jāiyepo boje ūre, yópe ijāravucavu Jesúre ju abevu “Que baibi”, ne arī dāpiaiyede. Núja nápe paivu “Que baibi”, arī dāpiaivu bácvavacari Cristore javede, caride nápe paivu “Que baibi”, arī dāpiabevu. ¹⁷ Que baru maja Cristore ju aivu curivubu ūque cūinávpe. Jūmenijicui oatuvaimaratamu maja. Yópe mamarumure pōeteivu bácvapebu. Maje dāpiaiyede, maje dārī cōmajiye, maje ju arājiye jipocai Cristore dajocadavu maja caride. Quénora maje cūvae boje mamaūmene, maje dāpiaiyede, maje dārī cōmajiye, oatuvadavu maja caride. Majarecabu dajocaivu bácvu javede maje dārī cōmajiye báquede maje ju arājiye jipocai. Quénora dārī cōmajiavu mamaene caride.

¹⁸ Jūmenijicurecabe dare dāyue caiye iyede majare boje. Cristoi daiye báque boje, Jūmenijicui cārijimene darejaquemavu majare ūque, maja ūre maucuvvarivu bácvu, maje yóvarājiyepe ayu ūre. Aru nūjare cārijimene dare daicōjenejame apev u pōevare máre ūque, na ūre maucuvvarivu, ne yóvarājiyepe ayu ūre. ¹⁹ Yópe ayu bu yu. Cristoi daiye báque boje, Jūmenijicui cārijimene daiyurīduibi caivu ijāravucavre ūque, ina ūre maucuvvarivu, ne yóvarājiyepe ayu ūre. Coyurī nājine dābebi ne vainí tuiye báquede ūi daicōjeyede jocari.

Aru nūjare coyūcōjeimi náre ūi yávaiye méne ūi cārijimene daiyena. ²⁰ Cristoi dāroimaramu nūja, coyūcarājivu ūi yávaiye méne. Nūje arī coyūcōjeyede pōevare “Maucuvabejarā mūja Jūmenijicure. Quénora ūre cārijimene dare daicōjeyara mūjare ūque” arī, yopedecabu Jūmenijicuvacari ūi que jēniajuroe náre. Nūja parurōreca jēniacaivubu mūjare Cristore boje. Yópe arī, “Maucuvabejarā mūja Jūmenijicure. Quénora ūre cārijimene dare daicōjeyara mūjare ūque”, Cristo nūjare jēniajōcōjeimi mūjare. ²¹ Maja curivu Jesucristo que cūinávpe Jūmenijicui cārijimene dāimaramu caride. Cristovacari ye āmenore dābedejaquemavu cainūmu. Ubenita Jūmenijicui jārejaquemavu ūre yópe ūi jāiyepo āmenore dāyue majare boje, meadacuyu majare. Que baru Jūmenijicui jāñume majare curivare Jesucristo que cūinávpe, yópe ūi jāiyepo boropatebevpe.

6 Aru nūja memecaivu Jūmenijicure mūjaque parurōreca jēniavaivubu mūjare, mūje ju are nūrajiyepe aivu Jūmenijicui urarō mearo dācāiyede, ūi meadaquiyepo aivu mūjare. ² Jūmenijicuvacari, yópe arī, toivaicōjenejaquemavu ūi yávaiye:

Mūje órejarājiyepe yure, ji cadatequiyepo aivu mūjare, jāpiarī cadateschymu mūjare. Yo jāravu baquinó ji meadaquijāravre, meadacuyumu mūjare, arejaquemavu Jūmenijicui.

Jāpiajarā mūja. Caridecabu Jūmenijicui mūjare cadatejūrōrījāravu. Cari jāravurecabu Jūmenijicui mūjare meadajūrōrījāravu. Mūjare cadateni meadaiyubu Jūmenijicui cari jāravu baju.

³ Cainūmu nūje memecaiyede Jūmenijicure, ye āmeina teiyubevu nūja aru apevure máre ye āmeina tede daiyubevu nūja, nāme ne āmeina yávarī bñojabena-jiyepe aivu nūjare aru ju abevu āmena-

jiyepo aivu Jūmenijicui yávaiye méne, “Diede coyucaipóeva āmeina teivubu aru āmeina tede daivubu apevure máre” aivu. ⁴ Quénora caiye ñuaje daiyeque jādovaiyurivubu daivu me, yópe memecaipóevare jauepe Jūmenijicure.

Que baru napiyurivubu cainumua ñuaje ñajiyede, ñujare jauede, aru ñuaje cārijiyede máre. ⁵ Póeva ñujare jara popeivu bácauvacari, ñujare jéni jacoivu bácauvacari āmeina teivure jéni jacoínamí jívní, aru ñujare maucuvári, cārijovari boaiyurivu bácauvacari máre, caiye ñuaje daiyeque jādovaiyurivubu daivu me, yópe memecaipóevare jauepe Jūmenijicure. Ñuja ularō memeinu bácauvacari pu uetuiyeta, aru ñuja cāmevu bácauvacari ñuaje memeije boje, aru ñuja āiyede āmevu bácauvacari máre ñuaje memeije boje, cainumua jādovaiyurivubu daivu me, yópe memecaipóevare jauepe Jūmenijicure. ⁶ Que baru āmeina tebevhu dare nuiyurivubu me Jūmenijicui jainore. Jūmenijicui yávaiyede jāvene majide nuiyurivubu. Aru napine nuiyurivubu pöeva ne daiyede. Cadatede nuiyurivubu ñai Espíritu Santore aru ure nuiyurivubu pöevare cainumua. ⁷ Jūmenijicui yávaiyede jāvene coyure nuiyurivubu. Aru Jūmenijicui parueque ñuaje cüvaede memecare nuiyurivubu. Cainumua mearore daiyurivubu, meatenajivu maucuvaburí āmenore, yópe churarava ne meateiyepo, ne maucuváriyepo aivu ne mauvare.

Que teni majidivubu ñuja aipe daiye jaúrōre, vainí turí jaruvárajivu āmenore aru vainí tubenajivu ñuja máre. ⁸ Apenumua apearu pöeva pueradama ñujare. Aru apenumua pueradama ñujare. Apenumua apearu pöeva āmeina yávadama ñujare. Aru apenumua me yávadama ñujare. Apenumua

“Borocurivubu”, ubenina arí dapiadama ñujare, ñuja borocubevuva yávaiyede jāvene coyuvaivureca. Ubenita ye baju āmevu ñujare. ⁹ Ñuja obedivu ne me coreóvaimarareca, apenumua “Caivu ne coreóvabemaratamu”, ubenina arí dapiadama ñujare. Apearu “Náre ne boaicójeimara márajima”, ubenina arí dapiavureca ñujare, ñuja apurivubu. Ñujare ularō ñajine daivvacari, ñujare boarí jaruvabema. ¹⁰ Apenumua chioivvacari ñujare āmeno vaiye boje, torojurivubu ñuje ūmei cainumua. Ijárvacque cüve cüvabevvacari, apevure cüve cüvarivupe tede daivubu ne ūmei ularō Jūmenijicui mearo dacaiyede ñuaje cüvare daiyede náre Jūmenijicui yávaiye méne. Aru ñuja ijárvacquede cüvabevvacari, caiye iye méne Jūmenijicui cüvare daiyede ūjinare cüvarivubu ñuja.

¹¹ Muja, jívní, Corintocavu, jidubevuva coyuivubu mujare nurié, ñuaje dapiayede ye yavebevuba. Jādovaiyubu pare ñuaje uede mujare. ¹² Joai āmevu ñuje ūme mujare jocarí. Ñujacapúravu yóvaiyubevu āmevu mujare. Quénora joai ūme cüvua ñujare jocarí. Mujacapúravurecabu yóvaiyubevu ñujare. ¹³ Que baru ūjéniaivu mujare parurōreca, yópe népacui jéniaiyepo ūjí márate. Yópe ji pare ūpe mujare, quédaca ujará ure.

**Pablo ūjí majicaino Jesíre ju
aipóevare, ne yóvabenajiyepo ayu
Jesíre ju abevuque**

(1 Co 3.16; 6.19)

¹⁴ Ubenita ji ūedeca mujje yóvarajiyepo ayu ure, yóvabejará muja ina Jesíre ju abevuque, uparivu teiyede náque aru ñajivu tauturare aru pürubhoiyede náque máre. Pöeva mearore daivu ye bhojabenama yóvaivu ina āmenore daivuque. Aru pöeva miadároi cuivupe, ne mearore

dare nuiye boje, ye bhojabenama yóvaivu náque, ina ñeminoi cuivhe, ne ámenore dare nuiye boje.¹⁵ Cristo ye bhojabebi yóvayu ñai abujuvai jabocque. Aru Jesúre jü aipõeçus ye bhojabebi yóvayu Jesúre jü abecque, ne dápiarí cõmajibe boje cùináthru. Nácapúravu pêpeimarare mearore jívaivubu. Übenita majacapúravu Jümenijicure mearore jívaivubu.¹⁶ Aru pêpeimara ye bhojabenama yóvaivu ñai Jümenijicu apusu ùi mearore jíñami jívni. Maja Jesúre jü aipõeavacari ñai Jümenijicu apusu mearore jíñamipebu. Yópe arí, toivaicõjenejaquemavu Jümenijicu ùi yávaiyede:

Ji põevaque cùchuyumu yu. Yópe ji cuiyepo ne jéneboi yóvacuyumu yu náque. Ne mearore jím u machuyumu yu. Aru nácapúravu ji põeva marajárama, arejaquemavu Jümenijicu.

¹⁷ Que baru Jümenijicu yópe máre arí toivaicõjenejaquemavu ùi yávaiyede, ùi põeva ne majinajiyepo ayu aipe daiye jaurore pêpeimarare mearore jívhre:

Náre dajocarí, etajará muja náre jocarí.

Que teni náque yóvabení, coatejará muja náre jaruvári. Ye tuobejará muja caiye ne cuvaede, ne ámeina daiyeque cuvaede. Que daru, muja re me copu etacuyumu yu.¹⁸ Yú bacuyumu mujepacu. Aru muja jímará marajáramu, arejaquemavu maje jaboch Jümenijicu, ñai paruscu caivu pueno.

7 Jäve Jümenijicu dacacuyume mafare caiye iye mearo dacaiyede yópe ùi aiye báquepedeca. Que baru muja, jívn, ji umara, yópe põevai jaruvaiyepo docchchede ne joaiyede, nopedeca jaruvaiyepo jauvu majare maje ámeina teiyede. Iye maje bajure ámedaiyede aru maje ümene máre ámedaiyede coatenajarev die de jaruvári. Jümenijicure memecaiye matuiyeda jauvu majare, maje puedaiye boje üre.

Corintocavu Jesúre jü aipõeava ne jaruvaino ne ámeina teiyede

(2 Co 2.13)

² Ùjará ñujare. Jápiarí adabejará ina ámeina yávaivare ñujare. Ñamene ámeina dabeteclará ñuja. Ñamene ámeina tede dabeteclará ñuja. Aru ñamene jujobetecará ñuja. ³ Caiye iye ji toivaicõjeiyede apecure mujare toivaicõjemevu ámecorocuyu mujare. Yópe ji toivaicõjeiyede báquepedeca apecure mujare jipojicai, pare urivubu mujare. Ñuje uraró ue boje mujare, yóvaiyurivubu mujare maje chede ijárvu. Aru apevu ne mujare boarí jaruvaiyuru, mujaque yaiyurivubu ñuja.

⁴ Jidubecuva coyuivu mujare nurie ji dápiayede ye yavebecuva. Muja torojure dadavu yure. Que baru apevu põevare couyuybu muje borore. Caiye maje ñájiyedeca, muja cadatedavu ñujare, muje parure daiye boje ñuje ümei, aru muje torojure daiye boje máre ñuje ümei.

⁵ Ñuje eaiyede yui Macedonia ámicurijoboröi, pa caride máre ye jabuóvabevu ñuja cärijivu. Cainumha ñájivaivubu ñuja, apevu ne maucuyae boje ñujare aru ñuje cärijiyepo boje põeva ne dájuroede aru muja máre, muje dájuroede. “Dajocarajichuma ne ju aiyede Jesús ùi yávaiye méne”, arí dápiarí mujare, cärijivubu ñuja.

⁶ Übenita Jümenijicurecabe, ñai cadateyu ina cõmaje árojarivure, cadateyu bácu ñujare. Parure dámme ñujare ñuje ümei, Titoi edaiyede yore.

⁷ Parure daibi ñujare ñuje ümei, ùi edaiye báque boje, cùchuyu ñujaque. Übenita pueno baju parure daibi ñujare ñuje ümei, ùi couyuyede muje parure daiyede üre ùi ümei. Pare ñujare jáiyurivubuya. Chioivubuya muje ámeina teiyede. Cärijivubuya ji

ñájiyede mujare boje. Que baru pñeno baju torojuvñ yu ji ñumei.

⁸ Mamarumure ji jaroiyede mujare no paperayoca ji toivaicõeino mácarõre apecure, jarachyñ mujare mñje ãmeina teiye boje, pare cärijiñ matecácñ yu. “¿Chïore daquijichari yu náre?” arí däpiayñ batecácñ. Aru mñje jári boroteiyede no paperayoca bácarõre, chïoquemavñ mujra. Yu mujare chïore dayñ bácvacari, “Nore apecure toivaicõeije jaubeteavñ yure”, arí däpiabevñ yu. Chïoivñ batequémavñ mujra obebejäravñare. ⁹ Caride torojuvñ yu, ji toivaicõeije báque boje apecure no paperayoca bácarõre. Ji chïore daiye báquede mujare torojuvñare. Ùbenita me torojuvñ yu, mñje chïori oatuvaiye boje mñje daiyede. Mujra jåquemavñ mñje ãmeina teiyede yópe Jümenijichí jáiyepé diede, mñje oatuvaiye báque boje mñje daiyede. Que baru mujare ãmedabecacñ yu, ji toivaicõeije báque boje apecure, majicacñ yu. Quénora mujare cadatecacñ yu.

¹⁰ Ñai jåññ üi ãmeina teiyede yópe Jümenijichí jáiyepé diede chïori oatuvayñbe üi daiyede. Que baru Jümenijicu meadayñbe üre, üi ãmeina teiyede jaruvári. Aru chïomechñbe cainumña. Ùbenita ñai jåññ üi ãmeina teiyede yópe pñeva Jümenijichre coreóvabevñ ne jáiyepé diede chïoññme, üi cñyoje teiye boje pñeva ne jáiyede, ùbenita oatuvaiyñbecñbe üi daiyede. Que baru ñaine Jümenijicu coavayñbe üre jaruvári cainumña. ¹¹ Däpajaranñ mujra caiye iye mearo vaiyede mujare, mñje chïori jáiyepé báque boje mñje ãmeina teiyede yópe Jümenijichí jáiyepé diede. Maumena corebevñva iye ãmeina teiyede dajocaquemavñ. Coyñcaquemavñ ji borore, cadatenajivñ yure ji maucñ üi ãmecoroiyede yure.

Jaraquemavñ mñje bajumia mñje ãmeina teiye báque boje. “¿Nópe ãmeina tenajichuri majas cojedeca?” arí däpiarí jidutequemavñ mñje ñájiyñroede die boje. Jäiyñriduquemavñ yure cojedeca. Cärijivñ yure boje ji ñájiyede mujare boje, yure ju aiyutequemavñ. Aru ñai ji maucure ñájine daquemavñ. Caiye iye mñje daiye báque que jádovaquemavñ mñje baju boropatebevñpe caride.

¹² Jädovaiyñbetecacñ ñai ãmedayñ boropateyure, üi ãmeina teiye boje aru yu, üi ãmedaimñ máçñ, boropatebecure quédato, no paperayoca ji toivaicõeino mácarõre apecure mujare. Quénora jádovaiyñtecacñ mujare Jümenijichí jáinore mñje chïoyede, ñajje ñájiyepé boje, mñje pare üri cädateiyñboje ñajare. ¹³ Que baru ñajare me cädateédavñ mujra, parure dñri ñajje ñumei, mñje me jápiarí ju aiye boje yure.

Torojuvñ ñajja, mñje nópe cädateiyebóje ñajare. Ùbenita pñeno baju torojuvñ ñajja, ñajje jáiyede majescñ Tito üi torojuvñ boje, caivñ mujra mñje cädateiyebóje boje üre, üi parure daquiyepé ayñ üi ñumei, üi cue báquede mñje yebai. ¹⁴ Tito etaquiyepé jipocai, jácunñcñ yebai, mñje torojuvñ boje boje yure, “Ñajare me jápiarí ju arajarama majevñ Corintocabñ”, arí coyñcasu üre mñje borore. Aru mñje me jápiarí ju aiye boje, cñyebevñ yu, ji nópe coyñciyepé báque boje üre. Yópe caiye ñajje coyñciyepé mujare jävepe, quédaca ji coyñciyepé báque mñje borore Titore máre jävetamu. ¹⁵ Caride pñeno baju ubi mujare, üi ãrñéne mñje me jápiarí ju aiyede üre, aru mñje me jacopñiyebóquede üre máre, üre pñedarí yópe mñje pñedajñroepé jaboscñ jidojacure. ¹⁶ Pare torojuvñ yu. Jidutequemavñ aru chïomechñva máre majivñ yu mñjacapñravñ daivñre caiyede yópe mujare jaubeda, ye jaubeda.

**Jesúre ju aipõeva ne jíno
jecubevuva cûve cûvabevure
(Ro 12.17; 15.26)**

8 Muja, jívnu, caride mujare coreóvare daiyurivubu ñuja ina Macedonia ãmicurijoborõcavu Jesúre ju aipõeva ne mearo daiyede Juménijicu mearo dacaiye boje náre bojecubeda ùi me boje. ² Návacari pare ñájivuubu. Ùbenita ñájivuuvacari, jádovadama Jesúre ju aivuure jáve. Ñájivuuvacari, Cainumuca me torojuma ne ûmei. Aru návacari ure cûve cûvabevutamu. Ùbenita cûve cûvabevuuvacari, jecubevuva jívaivuubu ina Judea ãmicurijoborõcavu Jesúre ju aipõeva cûve cûvabevure yópe cûve cûvarivuu ne jíjuroepe. ³ Jáve coyuvinu yu mujare. Caino ne oainope jíma na. Aru pueno baju yópe ne jíye bhojabejuroepe jíma na. Jíbeteima ne cûvaequede náre jaubede quénora. Ùbenita náre jaubede máre jíma na. Aru poecu cûbeteame jícojeñuu mácu náre. Quénora návacari “Jínajarevuu, cadatenajivuu ina cûve cûvabevure”, aquemavu. ⁴ Parurõreca ñujaré jeníaiuu bateima, ñuje iní nuvarajiyepo aivu ne tâuturare ina Judeacavu Juménijicu poeva cûve cûvabevure. ⁵ Ñuje coreiye báque pueno baju, jíma na. Mamarumure “Yópe mi urópe darãjaramu ñuja”, aquemavu majé jabocu Cristore. Aru no yóboi, “Yópe muje urópe darãjaramu ñuja”, aimá ñujaré, Juménijicu nópe aicõjeiye báque boje náre. ⁶ Ñuje jáiye boje ina Macedoniacavu Jesúre ju aipõeva ne pare cadateiyuude ina cûve cûvabevure, Titore jeníacarã ñuja paredeca, ùi copainuquiyepo aivu muje yebai. Javede Tito cójijovarí báquemavu muje jíyede. Que baru jeníacarã ùi cadatequiyepo aivu mujare, muje cójijovarí bhojarãjiyepe aivu tâuturare, muje jínajiyede ina cûve cûvabevure.

⁷ Muja ju aivuubu Jesúre apevu pueno. Muja coyuvinuubu Jesús ùi yávaiye méne apevu pueno. Muja coreóvaivuubu iye yávaiyede jávene apevu pueno. Maumena corebevuhva muja memecaiyurivuubu apevure apevu pueno. Muja urivuubu poevare yópe ñuje urep apevu pueno máre. Que baru quédeca pueno baju jíjarã muje cûvaequede máre, cadatenajivuu cûve cûvabevure.

⁸ Ji coyuvinuubu mujare diede, jícojemevuu mujare. Quénora coreóvare dayuubu mujare apevu Jesúre ju aipõeva ne urarõ jíyena, ne pare ue cadateiyuude boje cûve cûvabevure, muje jádovarajiyepo auy muja máre jáve urí cadateiyurivure náre muje jíyequje jecubevuva. ⁹ Muja me coreóvaivuubu iyede. Majé jabocu Jesucristo, ùi pare ue boje majare, pueno baju mearo dacarejaquemavu majare bojecubeda. Nai cûve cûvacuuvacari caivuu pueno, ùi cûvae boje caiye majepacu Juménijicu paruude, poecupe teni cûve cûvabecupe caivuu pueno tedejaquemavu ùi. Aru ùi nópe teiye báque boje, cûve cûvarivuupebu majá, majé cûvae boje caiye iye Juménijicu méne. Que baru ùi nópe cadateiyuude báque boje majare, apevure cadateiyuude jaunuu majare máre.

¹⁰ Yu jícojeiyuubecuvacari, majicaiyuvuu mujare. Ji dápiaru, meavu mujare muje bhojaru iye tâutura cójijovaiye muje bhiye báquede apevu barede. Mujarecabu jíni buivuu bácvuu caivuu apevu jívnu ne jínajiye jipocai. Aru pueno baju mujarecabu “Jínajarevuu” aivuu bácvuu máre caivuu apevu “Jínajarevuu”, ne arâjiye jipocai. ¹¹ Que baru maumena corebevuhva bhojajarã iye muje bhiye báquede. Muja pare bhiyurivuu bácvuu iye tâutura cójijovaiyede, cójijovarí bhojajarã máre maumena corebevuhva. Jíjarã yópe muje oainope, muje cûvaecarõque. ¹² Majé

jäve jíyuru, cadatanejivu apevure, Jümenijicu torojucu me jäñame maje jíyede. Jümenijicu ubi maje jíyede yópe maje oainope, maje cüvaecaróque. Jéniamecube majare maje jíyede maje cüvabede.¹³ Yu ubenü maje jínajiyepo ayu apevure jauede, pu maje cüvabeta mujare jauede.¹⁴ Quénora uvu yu caivu ne cüvarájiyepo ayu cüináturura. Que baru caride mujare jauede aru mujare jaue pueno máre, jíjarã, cadatanejivu ina cüvabevure. Aru apenamure nácapúravu, cüvarájivu caiye náre jauede aru náre jaue pueno máre, jínajarama, cadatanejivu maja cüvabenajivure. Que teni caivu cüináturura cüvarájivubu.¹⁵ Quédeca yópe arí, toivaicójenejaquemavu Jümenijicu üi yávaiyede: “Nai urarõ iñu mácu püphiyede cüvabedejaquemavu. Aru nai quíjino iñu mácure jaubedejaquemavu”, arí toivaicójenejaquemavu.

Nópe ayu, Jümenijicu jíyure üi pöevare náre jauede Cainumua aiyurejaquemavu.

Tito aru pücarã üi yóvaimara ne nürajino Corintoi

¹⁶ Jümenijicu Titore cadataiyure daibi mujare yópe üi cadataiyure daiyepo yure. Que baru torojude jívü Jümenijicure.¹⁷ Tito pare cadataiyubi mujare. Apecu copaicójemecuva üre maje yebai, üvacari “Corintoi copaiyuvu yu”, áme. Que baru ji jéniaiye báquede üre pare-deca, üi copainuquiyepo ayu maje yebai, maumena corebecuva ju áme yure.

¹⁸ Que baru jácunusuyume mujare bedióva. Aru üque jarocuyumu yu apecu majecure, majape ju ayure Jesúre. Caivu Jesúre ju aipöeva me puedadama üre, üi coyuhiye boje Jesús üi yávaiye méne, üi meadaiyede pöevare.¹⁹ Obedivu ne puedaimuvacari üi coyuhiye boje Jesús üi yávaiye

méne, pueno baju ne puedaimume Macedonia ámicurijoborócvu Jesúre ju aipöeva cójijivaivu, ne beoiye báque boje üre, üi yóvaquiyepo aivu ñujare, ñuje ñavarajiyede iye tăuturare Judea ámicurijoboröi. Cadatacuyume ñujare, ñuje jári corenajiyepo ayu me iye maje jíyede. Me jári coreiyurivubu ñuja diede, pöeva ne mearore jínajiyepo ayu maje jaboch Jesucristo ne puedaimure aru jádovarajivu maja Jesúre ju aipöeva maumena corebevuhu cadataiyurivure majevu cüve cüvabevure.²⁰ Üre yóvaicójeyivubu ñujare, ñame ne ámeina yávarájiyepo aivu ñujare, ñuje ñuvaiyepo boje iye ure tăuturare, maje jíyede. Ñamene ye ámeno jácicójeiyuhbevü ñujare yópe ne jáiyepe ámeina teivure. “Ñuje tăuturare ñavaivubebu”, ubenina arí coyubejarari pöeva.²¹ Que teni urivubu ñuja pöeva ne járajiyepo aivu mearo ñuje daiyede cainumua, yópe Jümenijicu jáiyepedeca mearo ñuje daiyede. Jümenijicu coreóvayube ñuja jínajivure caiye iye tăuturare ina cüve cüvabevure. Ubenita urivubu ñuja pöeva máre coreóvaivure diede.

²² Aru náque jarocuyumu yu apecu majecure, majape ju ayure Jesúre. Ñuja bhojaivubu majidivu üre pare cadataiyucure apevure, ñuje jáiye boje aipe darí cómajiyure. Üi jápiaiye boje maje borore, jáve napini coreyube maja jínajivure jecubevuhu, cadatanejivure me ina cüve cüvabevure. Que baru pueno baju jácunusuyucube mujare.²³ Pöecu üi jéniasi járu ñamejare aru ye paruhéde cüvarivure, yópe arí, coyujarã maja: “Titobe Pablore yóvayu, Jesúre memecayu aru majare Jesúre ju aipöevare cadataeyu”, arí coyujarã Tito üi borore. Aru apevü ina pücarã ümuvu ne borore, yópe arí, coyujarã: “Macedoniacavu Jesúre ju aipöeva cójijivaivu ne jaroimaramu, ñavarajivu ne jíye báquede Judeacavu Jesúre ju

aipōeva cūve cūvabevure, pōeva ne mearore jínajiyepo aivu majepo jabocu Jesucristore ne pueđaimure”, arī coyçjarā mūja. ²⁴Nāre me copu etarī, puedarī, cađateni, jáđovajara nāre aru nāre darovu bácvure máre jāvene ji coyçiyepo báquede nāre mūje borore. Nūjare torojure daivubu mūja.

**Jesúre ju aipōeva ne jíno,
cađatenajivu apevure**

9 ¹⁻²Apecure mūjare toivaicójene nūjye jaubevu yure, iye mūje jínajiyepo ayu jecubevuva, mūje cójijovaiye boje tāuturare apeju bácarōre pu caride máre. Yu majivu mūja cađateiyurivure. Que baru mūja Acaya āmicurijoborōcavu Jesúre ju aipōevare: “Majevu Acayacavu cójijovaivubuya iye ne jínajiyede ina cūve cūvabevure apeju bácarōre pu caride máre”, arī coyçvaivu yu. Aru mūje maumena corebevuvu jíyue boje, obedivu ina Macedoniacavu máre maumena corebevuvu jíyurivubu. ³⁻⁴Ina yóbecurā majevu Jesúre ju aipōevare jarochuyumu yu mūje yebai, ne cađatenajiyepo ayu mūjare, mūje cójijovarī bhojarājiyepe ayu mūje tāuturare. Que teni mūja jáđovarajaramu jāvene iye ji coyçiyepo báquede mūje borore apevū majevu, Macedoniacavu, ne eaiyede yáque. “Majevu Acayacavu cójijovaivubuya ne jínajiyede javede”, arī coyçure nūivu yu. Nūje earajiyede mūje yebai, mūje cójijovabedu cāreja mūje jínajiyede, pare cuyejebu yu, ji coyçriduiye báque boje ubenina mūje borore. Aru mūja máre cuyejebu pare. ⁵Que baru jēniaivu ina yóbecurā majevure, ne nūrajiyepe ayu mūje yebai ji nūquiye jipocai. Cađatenajarama mūjare, mūje cójijovarī bhojarājiyepe ayu mūje jínajiyede, yópe

“Jínajaramu”, mūje aiye báquedeca jipocamia. Que teni jáđovarajaramu mūja ji jícōjememarare, quénora jíyurivure jecubevuva.

⁶ Ārūjara mūja iyede. Mūje majiōvarō mearore daru apevure, Jūmenijicucapūravu mearo dacacuyume mūjare majiōvarō baju. Übenita mūje urarō mearore daru apevure, Jūmenijicucapūravu mearo dacacuyume mūjare urarō baju. Jēvari coyçiyepo oteipōecu ūi daiyede coyçquijivu yu. Oteipōecu obebeyabea oteiyabeare oteyū baru, ūcuyume majiōvarōra jēijāravu baquinói. Übenita obediyabea oteiyabeare oteyū baru, ūcuyume urarōra jēijāravu baquinói. ⁷Caiuvu mūja coapa jíjarā mūje cūvaecarōre yópe “Quéno baju jícuyumu yu”, mūje arī dápiaiyepedeca mūja coapa mūje ūmei. Chūori jecurivu jíyubevure yéde jíbejarā mūja. Apecu jícōjeimarape máre yéde jíbejarā. Quénora torojurī jecubevuvu jíjarā mūja, Jūmenijich u boje ūnai torojurī jecubecuvu jíyure. ⁸Jūmenijicu jíyū majibi ūi mearo dacaiyequede, ijāravuquede, mūjare urarō baju, ye jaubequiyepo ayu mūjare. Aru caiye mūjare jaude jíniburu yóboi, urarō p̄p̄nqiuveyu mūjare. Que baru cūvarājaramu mūja mearo dacaiyequede, ijāravuquede, cađatenajivu apevure. ⁹Yópe arī, toivaicójenejaquemavu Jūmenijich ūi yávaiyede ūnai pōecu meacu ūi borore: Ūi cūvaecarōre jívayubē jecubecuvu ina cūve cūvabevure. Aru ūi mearo dacaiyede ārūrajarama cainumua, arī toivaicójenejaquemavu.

¹⁰ Bediōva cojedeca jēvari coyçiyepo coyçquijivu yu. Yópe oteiye p̄iarí bhojarī aru b̄ucurī bhojarī, oteipōecu ūyepo ūi āquiyeva aru ūi otequiyeva máre, nopedeca mūja mearore daivu baru mūje cūvaecque, cūvarājaramu mūjare

jauéde aru muge jínajiyede máre pñeno baju, mearore ñarajivu aru cadate-najivu apevu pñevare. Jümenijicure-cabe jíyú oteiyabearé ñai oteipóecure aru áiyede pñeva ne árajiyeva. Ñre-cabe mearore dare ñayu mujare máre.¹¹ Que baru ñi mearo dñacaiyequede, ijárvñquede, ñrarõ cñvarájaramu muge cainumha, jínajivu apevñre jecvñbevnha. Aru obedivu pñeva, ina majevu Judeacavu Jesúre ju aipóeva cüve cñvabevu, torojuede jínajarama Jümenijicure, iye jíye boje muge jarorájiye náre ñu-jaque.¹² Muge jíyede apevñre, mearore ñaivñbu, muge cñvare daiye boje náre jauéde. Übenita pñeno baju mearore ñaivñbu, obedivu pñevare muge jíde daiye boje ñrarõ torojuede Jümenijicure.¹³ Muge memecaiyede náre iye jíyede muge jarorájiyeque, jáðovara-jivñbu muge ju aivñre jáve dñocabevñva Cristoi yávaiye méne, aru muge jívñre jecvñbevnha, cadatenajivñre náre aru apevñre máre. Que baru mearore jínajarama ne pñedaimure Jümenijicure.¹⁴ Muge pare ñrivi jéniarajarama Jü-menijicque muge boje, ñi pare mearo dñacaiye boje muge bojecvñbeda ñi me boje.¹⁵ Torojuede jínajarevu Jümenijicure, ñi jíye báque boje majare pñeno baju méne. Pñeva ne yávaiçamuaque ye ñuojabenama coyuñvñ diede.

Pablo ñi majicaino Jesú斯 ñi yávaiye méne beorí coyuñcõjeimara ne dñienya

(1 Co 1.31)

10 Caride yúvacari, Jesú斯 ñi yávaiye méne beorí coyuñcõjeimaraçacu, coyuñvñbu muge, ñamecorovñre yure. Yópe Cristoi coyuñyepe pñevare, náre cadateni aru pñedarí meachu pñescure, nopedeca coyuñvñbu muge. Que baru muge pñedarí meachu pñescure aru muge cadateiyurí, paredeca jéniaivu muge, muge dñocarajiyepa ayu muge

ñamecoroyede yure. “Pablo jiducu jararí ñuojabebi ñi cñede majaque. Übenita ñi cñede joai majare jocarí, jidubecuva jararí ñuojaibi ñi toivaicõjeiyede apecure paperayocare majare”, übenina aríduivñbuya muge.² Yurecabu jararí ñuojayu muge ji cñede muge muge máre. Que baru jéniaivu muge. Jarare ñabejará yure ji eaquiyede muge yebai. Mugeacavu yópe arí, “Pablojá dñapiari cñmajivñbu yópe ijárvñvacari Jesúre ju abevu, Espíritu Santore cñvabevu, ne dñapiari cñmajiyepa. Que baru nápe ñarí cñmajivñbu Pablojá”, übenina aríduivñbuya. Ina nópe aríduivñre jaracuyumu yu jáve.

³ Jáve ñujatamu ijárvñi cñrivu. Übenita ijárvñi cñrivñvacari, maucuv-abevu ñuje mauvare yópe ijárvñvacavu Jesúre ju abevu, ne maucuvaepe.⁴ Yópe churarava ne maucuvaepe ne mauvare boaicaroveaque, nopedeca ñuja maucuváriñvñbu ñuje arí dñapiari coyuñyeque. Übenita arí dñapiari coyuñmajibevu ñuja pñeva ne arí dñapiari coyuñyeque. Quénora Jümenijicu ñujare majide ñaibi ñi parñéque, ñuje coyuñrãjiyepe ayu ina ñre maucuváriñvre ñi yávaiye jávene, ne majinajiyepa ayu übenina ne arí dñapiaiyede. Ñuja, Jümenijicu parñre daimara ñi majiéque, jáðovaivñbu borocñede ñuje mauva ne ñamecoroyede ñujare.

⁵ Cainumha ina mugeacavu “¿Meara mérica apevu pñeno?” aríduivu, “Jáve ñamevu”, übenina ne aríduiyede Jümenijicu yávaiye ména, pñeva ne coreóvabenajiyepa aivu Jümenijicu majiéde, ñuja coyuñvñbu Jümenijicu parñéque, jáðovarajivu übenina ne arí dñapiaiyede. Que teni yópe churarava ne vainí turí jéni jacoiyepa ne mauvare, ju are ñarajiyepa aivu náre ne baju jabocure, ñi cõjequiyepa aivu náre, nopedeca maje jabocu Cristore dñapiaicõjene ñaivñbu ñuja

ñuje mauvare, ne ju arājiyepo aivu ñre ñuje coyuvaliyede Jūmenijicu paruéque. ⁶Muje jādovarajiyede me ju aiyuvalivure Jūmenijicu jaubevhva, ñajine darajaramu ñuja mūjacavu caivure muje ju abedu.

⁷Muja jāivubu aipe ārojarivure ñuje bajure. Ubenita majibevu aipe ārojarivure ñujare ñuje ûmei. Cuiuacu mūjacacu “Jāve yábu Cristo jicu” ayu, coreóvajacurí ñujare máre Cristo jinare. ⁸Ji coyuvaliyede ñuja Jesús ùi yávaiye méne beorí coyuvaliçememí mūjare ùi yávaiye parué cuyaede, yópe “¿Meara márica?” aivupe coyuvalvacari, yópe yure coyuval jaubepo, ye cuyebeçabu yu. Maje jabocu Cristo ñujare coyuvaliçememí mūjare ùi yávaiye méne, ñuje dajocare darajiyepo ayu mūjare muje ju aiyede ñre. Quénora ñujare coyuvaliçememí mūjare diede, ñuje parure darajiyepo ayu mūjare muje ju aiyede ñre. Que baru cuyebeçabu yu ji coyuvaliyede. ⁹Mujare cuavaiyubevenu yu yo paperayocare ji toivaicójeiyede apecure mūjare paruõoreca. ¹⁰Cuiuacu muje jeneboi cuchu, “Pablo paruéque majicayube majare yópe majicupe ùi paperayocare, ùi toivaicójeiyede apecure. Ubenita ùi cuede majaque parubecu majicarí buojabecube majare. Quénora coyuvalube yópe majibecupe”, ubenina ariduibiya. ¹¹Ubenita ñai que ariduyu coreóvajacurí iyede. Yúcapúravu cuiuñatuhureca coyuvalu mūjare ji cuyquiyede mūjaque, yópe ji toivaicójeiyepo apecure paperayocaque ji cuede joai mūjare jocarí.

¹²Jáve ñuja cuiuñatuhurete teiyubevenu ina muje jeneboi curivu “¿Meara márica majave apevu pueno?” arí dapiavu. Aru nápe paivu máre jévari coyuvalube ñuja. Nácapúravu majibevutamu. Corevaicójeivubuya ne daiyede yópe ne urópe. Aru jévari coyuvalubu ne baju. ¹³Ubenita ñujacapúravu “¿Meara márica?”

aivu baru, coyuvalu ñuje daiyede Jūmenijicu paruéque no joborõre queno, árore ñujare memecaicójeame ñre. Ñujare ñre memecaicójeino mácarõre jocarí, ye arí coyuvalje, yópe apevu ne coyuvaliyepo. Aru no joborõ jivui curivubu muje, ñujare memecaicójeinoi ñre. ¹⁴Jūmenijicu ñujare coyuvaliçememí mūjare Cristo yávaiye méne mamarumhre caivu ne jipocai. Que baru dabetecarã ñuja yópe ùi memecaicójemenope ñuje copaiyede muje yebai. ¹⁵Ñuja “¿Me daivu báraca majave?” arí coyuvaliyepo apevu ne daiyena, yópe ñuje dajuroepe o ne Jūmenijicure memecaicójeijoborõ ñuje memecaicójejurore ñre, yópe apevu ne daiyepo. Quénora ñuja napini coreivubu mūjare pueno baju ju arajivure Jesúre, memecarajivu Jūmenijicure pueno baju muje yebai, yópe ñre memecaicójeino mácarõpe ñujare. ¹⁶Nópe ëariburu yoboi, ñuja napini coreivubu, coyuval buojarajivu Jesús ùi yávaiye méne ùi meadaiyena pöevare apenoa ëamaroai Corinto aperpúravu, ároa pöeva ne jápiabenoi cäreja diede. No joborõtamu máre Jūmenijicure memecaicójeijoborõ mácarõ ñujare. Que teni, “¿Me daivu báraca majave?” arí coyuvaliyepo, yópe apevu ne arí coyuvaliyepo.

¹⁷Que baru yópe arí, toivaicójenejaquemavu Jūmenijicu ùi yávaiyede: “Ácu pöescu ‘¿Jūmenijicure memecayu meachu báraca?’ arí coyuvaliyu baru ùi baju, nópe arí coyuvaliyepo. Quénora ‘Meachu baju’ maje jabocu cavarõ mearocacu’, arí coyuvaliçememí ù”, arí toivaicójenejaquemavu Jūmenijicu. ¹⁸Ñai “¿Jūmenijicure memecayu meachu báraca?” ayure ùi baju, Jūmenijicucapúravu “Yure memecayu meachu”, arí coyuvaliyepo. Ubenita ñai “Jūmenijicu yure

cadateibi ji memecaiyede ūre” ayure, Jūmenijicacapūravu, “Yure memecayu meacabu”, arī coyuaschyme.

**Pablo ūi coyuino ina borocurivu
Jesús ūi yávaiye méne beorí
coyuicōjeimarape teivure**

(Fil 4.15-18)

11 Jápiajarā ji coyuquiyede mūjare caride. Uvu mūje napinajiyepo ayu yure ji coyuquiyede. Yu majicuvacari nai “¿Meacu bárica?” ayu ūi bajuma ārūmecu bajure, nōpe arī jaquiyebu yure, mūje dajocabenajiyepo ayu ji coyuie báquede mūjare Jesús ūi yávaiye méne mūje pueno baju jápi-aiyue boje ape yávaiyede. Que baru napijara yure ji coyuquiyede. ² Jūmenijich yure tebutede daibi mūjare, yópe ūmū ūi tebuteyepo mamaco bojuyore, “Mū cuyvacuyumu ūre mimarepacova” ūi arīburu yóboi cūinács ūmure. Jípacu me jāri coreibi mamacore, oī cibecojiyepo ayu apecu ūmque, jíchuy ūre meaco bajure āmeno cibecova Jūmenijich i jainore jímarepacu bacuyré ne pūtibchoijáravu baquinói. Aru oī jāru apecu ūmure, jípacu jarajebu ūre. Nopedeca mūjare coreóvare dācacu yu Cristore, mūje cūrājiyepo ayu ūque cūinávupe. Que baru mūjare jíyuvu yu ūre āmeno cibevuva Jūmenijich i jainore. ³ Jiduvu yu vaiquiyede mūjare yópe vaiye báquepe Eva bácore. Yópe nai āda majicu ūi jújovaiyépe báquepe ūmácore, oī dāpiabecojiyepo ayu nurié, oī āmeina tecojiyepo ayu, nopedeca aperu jújovaiyurivbu mūjare, mūje dāpiabenajiyepo ayu nurié, mūje āmeina tenajiyepo ayu, dajocaru mūje ju aiyede Cristore aru mūje memecaiyede ūre máre. Que baru jiduvu yu.

⁴ Mūja torojurivu napivbuuya aperu coyuipóeva eaivure mūje ūmaroi. Me jípáiayurivbuuya ne coyuquiyede Jesúrā, coyuivureca apede ūra ji coyuquie

báquede jaruvarí. Jacopuuyurivbuuya apecu decocure ne daroiyumure, daroiyurivureca apecure, nai Espíritu Santo ji darore daimu mácure jaruvarí. Ju aiyurivbuuya ne bueiyede Jesús ūi yávaiye méne, ne que aiyede ubenina, bueivureca apede ji bueiyépe báquede jaruvarí. ⁵ Nácapūravu yópe Jesús ūi yávaiye méne beorí coyuicōjeimarape teniduvubu. Aru ubenina arī dāpiaivubu mearare ji pueno. Ubenita yácapūravu coreóvaiyepo. Ne cāchinocacu ūmev yu. Aru ji pueno meara ūmemna na. Ubenita nárecabu mūjare jaboteivu. ⁶ Yu yávayu majibecuvacari meacamua yávaicamuaque, jāve me majivu yu Jesús ūi yávaiye méne. Mūjavacari me diede coreóvaiyubu, mūje jípáiayépe báque boje ji coyuie báquede aru mūje jáiye báque boje ji dāiye báquede obedinumua.

⁷ Aperu pōeva “Pablo ūmeina teyube, ūi jacopuuyube boje mūje tāuturare, ūi bueiyépe boje yópe aperu bueipóeva ne dāiyepe”, ubenina aivubuya. Ubenita ye ūmeina tebevu yu, ji jacopuube boje tāuturare, ji bueiyépe boje Jūmenijich yávaiye méne. Quénora yópe mūje cāchinocacupe teni, memecacu ji pūtibque, ūni bojedacu yure jauéde. Que teni coreóvare dācacu mūjare bojecubeda Jesús ūi yávaiye méne, ūi meadaiyede mūjare mūje ūmei bojecubeda. Que teni mūjare yópe ji puenocavupe tede dācacu, mūjare memeiye jaube boje, mūje jíbenajiyepo ayu yure jauéde. ⁸ Aru ji cūe báquede mūje ūmaroi, buechuy mūjare, jacopucacu aperu Jesúre ju aipóevare, apeno ūmaroi cójijivaivure, ne tāuturare, ūni bojedacu yure jauéde. Náre bojedacu ūmaroi, memecabecuvacari, memecacu mūjare bojecubeda. ⁹ Ji cūe báquede mūjaque, apenumua yure jauéde.

Ubenita ye apejīene jēniamecacas
mujacascu cūnacure. Quénora
Macedonia āmicurijoborōcavu majevu,
ne ju aiye boje Jesúre, ne daroimara
mácavu edaivu bácavu muje īmaroi,
jíma yure ne jíyede, ji ūi bojedaquiyepo
aivu yure jauede. Que baru dinamu
mácarore cārijovametecas u
mujare, yure jaue boje. Aru mujare ye
cārijovamechuyumu apenamu máre,
yure jaue boje.¹⁰ Meavu ji dāpiaru ji
coyure naiyede bojecubeda Jesú ūi
yávaiye méne cainoa īmaroa, Acaya
āmicurijoborōcarōare. Yū coyuhybu
mujare yávaiyede jāvene. Yū Cristo
jicabu. Que baru borocubevu yu.¹¹ Ji
que coyuhiye boje, “Pablo ūjare ubebi”
ubenina arī dāpiabejarā mujare. Jāve ūnu
mujare. Jūmenijicu me coreóvaibi yure
pare ucure mujare.

¹² Yūcapūravu dare nūquijivu yópe
ji darī cōmajije báquepe, muje coreo-
varājiyepo ayu borocurivure ina muje
tāuturare jacopinuvre, ne bueiye boje
“Pablo memeñume ūjapedeca”, uben-
ina ne aiyede. ¹³ Nárecabu “Nūjatamu
Jesú ūi yávaiye méne beorī coyuhicō-
jeimara” ubenina aivu. Ubenita Jesú ūi
yávaiye méne beorī coyuhicōjeimara
jāve āmemia. Quénora pōevare jujo-
vaivubu. Ne bajumia jādovariduvubu
yópe Jesú ūi yávaiye méne beorī
coyuhicōjeimarape. ¹⁴ Ne que teiyede,
cuavaiye jaubevu majare, Satanás ūi
teiye boje. Satanávacari ūi baju ma-
jibj jādovañu meacupe, yópe ángelepe.
¹⁵ Que baru cuavaiye jaubevu majare
Satanáre memecaipōeva, ina “Nūjatamu
Jesú ūi yávaiye méne beorī coyuhicō-
jeimara” ubenina aivu, ne jādovaiyede
yópe mearo daivupe. Ubenita Jūmeni-
jicu nājine dacuyume ina jujovaivure
yópe náre nājine daiye jauepe, ne que
daiye báque boje.

Pablo “¿Meacu bárica?” ūi aino
ārumecupe, Corintocavu ne
coreóvarājiyepo ayu Jesú ūi yávaiye
méne beorī coyuhicōjeimarape teivure

(Hch 9.23-25; 14.5, 19; 16.22-23)

¹⁶ Bediōva cojedeca jēniaivu
mujare, muje arī dāpiabenajiyepo
ayu yure ārumecure. Ubenita “Pablo
ārumecubebu” arī dāpiaivu baru,
jāpiajarā ji coyuhiyede. Yure máre,
yópe ina “Nūjatamu Jesú ūi yávaiye
méne beorī coyuhicōjeimara” ubenina
aivu, arī dāpiaivu ji p̄uenocavu ne
coyuhiyepo coyuhicōjejara yure, “¿Meacu
bárica?” ji bajuma ji aquiyepo aivu.
¹⁷ Maje jaboscu Jesucristo iyepe paiye
coyuhiyede ye coyuhejebu. Aru yure
máre coyuhicōjememi. Quénora yávacari
coyuhybu yópe ārumecu ūi coyuhiyepo.
¹⁸ Nore muje yebare, “¿Meara márica?”
arī coyuhiybu ne bajumia, pōeva ne
coreóvarājiyepo aivu nāmejare aru aipe
ne daiyede ijāravui. Que baru yu máre
quédeca arī coyuhybu. ¹⁹ Mujarecabu
me majidivu muje dāpiaru. Que baru
torojurivu jāpiadavu ārumevure. Aru
ne coyuhiyede napiyavu mujare. ²⁰ Muja
napiyavu ina mujare daicōjeivure yópe
ne cōjeimara majurórivure paivure.
Napiyavu ina īvure muje cūvaede, aru
ina jujovaivure mujare. Napiyavu ina
āmeina jāivure mujare, “¿Parurivu
bárica ūja ne p̄ueno?” arī dāpiaivure
mujare yópe ne cāchinocavupe. Aru
napiyavu ina jara boaivure muje
jijecamure máre. ²¹ Ji parube boje,
ne nōpe daiyepo dābetecas u
mujare. Ubenita ji p̄ueno náre me jāpiadavu
mujare. Que baru cūyevu yu, ji parube
boje.

Pōeva “¿Meara márica?” aivu ne
bajumia ārumevureca Jūmenijicu
jānore, ina jidubevuva nōpe aru, yu
máre jidubecuva nōpe coyuhybu.
²² Návacari “Hebreovatamu ūja.

Que baru judíova bajutamu aru hebreo āmicūricamua yávaicamuare yávaivubu” aivureca, yu máre napedecabu. Návacari “Israel báchi pāramenacavubu ñuja” aivureca, yu máre napedecabu. Návacari “Abraham máchi pāramenacavubu ñuja” aivureca, yu máre napedecabu.²³ Aru návacari “Cristore memecaivubu ñuja” aivureca, yu ne pñeno memecayubu Cristore. Übenita yópe ãrumeçupe yávayubu, que ayu.

Memecasü yu ne pñeno. Jabova jéni jacoima yure ámeina teivure jéni jacoíñami jívhi obedinumhare, ne pñeno. Jabova jara popeicōjeima yure obedinumhare, ne pñeno. Yainíducasü yu obedinumhare ne pñeno.²⁴ Couyubu mñjare iye ji yainíduiyé báquede. Cüinápurupe painumha baju ina judíovai jabova jara popeicōjeima yure ne treinta y nueve baju jara popeiyede ne boaime áimacajeque daimeque.²⁵ Yóbecurinumha baju ina Roma āmicuřo jaborōcavhi jabova jara popeicōjeima yure jaradoque. Cüinára pñeva cáraboaque dñvarí boarí jarvaiyuhíduima yure. Yóbecurinumha baju jiadocü ursdayü ji nñicü mácaro corí bíjaiye báque boje, cátécasü yu jia ursdayai, aru cüinára jorí, nuri coreni, mautecacü cüináñamine aru cüinájäravure máre.²⁶ Apenumhare cucumisacasü yu joai, couyuchü Jesúis üi yávaiye méne obediímaroai. Aru ji cucunuiyede, ñájicasü pare. Apenumhare bejarí bíjaríducasü ji jataríduiyede jia yaboiyede. Apenumhare tatorí ñavaipóeva ji cùvaede ñi ñavariduima. Apenumhare apevü ji pñeva, judíovacavü, ámedaima yure. Aru apenumhare ina judíova ámevucavü ámedaima yure. Apenumhare ji cuede

ñimaroai, apenumhare pñecübenoi, aru apenumhare jia ursdayai máre ñájicasü yu. Aru pñeva ubenina “mu, ñuñecu”, borocurivü arí, Jesúre jü aipóevape teni, na máre ámedaima yure.²⁷ Apenumhare pare memecasü yu pñ uetuyu baju, eacuyu tåuturare, bojedacuyu yure jauéde. Obedinumhare cámectecasü, ji memeiye boje. Áñué ijiteavü yure aru cüinóavü yure máre. Apenumhare áiyede cùvabetecasü. Apenumhare ji curiñamine cùvabetecasü. Aru apenumhare cuitótecaje jauteavü yure.

²⁸ Aru apede máre ñájicasü yu. Übenita caiye iye pñeno, järavua coapa ñájivaivü yu, ji cárijiye boje cainoa ñimaroacavü Jesúre jü aipóeva cójijivaiyure.²⁹ Cüinácu nácacü üi parübedu üi jü aiyede Jesúre, chíori vaivü yu pare. Aru cüinácu nácacü apecü jüjovaimu máchü ámeina tedu, yávacari cáríjini ñájivü pare.

³⁰ “¿Meacu bárica?” yure aiye jauru ji bajuma, arí couyuchüvü yópe parüçupe. Quénora couyuyavü, mñje majinajiyepo ayu yure parübecure ji bajuma.³¹ Maje jabocü Jesucristoi mearore jímu, jípacü máre, majibi jäve ji couyiyede. Üre mearore jíye jaavü majare cainumha.³² Javede Jümenijicü jádovame yure parübecure ji bajuma. Damasco āmicuřiímaro no joborōcarore ñai jabocü Aretas ne aimü jaboteame. Apecure jaboteicójequemavü ina Damascocavure. Ñai jabocü, Aretai epeimü, coreicōjequemavü jáipóevare ñimaro jedevacobeai, ne jéni jacobídurájiyepo ayu yure.³³ Übenita ji yóvaimara, yure cadateipóeva, epeima yure pñe ursdayü jívhi. Aru no biaido tarabü jáicobei émeóvaima yure pñ joboröita biaido aperügravü, ji dupini nñquiyepo aivü ñai jabocure jocarí.

**Pablo ūi jáino mácarō
yópe decoboainope**

12 Pöecu “¿Meacu bárica?” ayu bojecubecupe páyube ūre aru apevare máre. Ubenita muje jápiaiye boje ina jujovaivu ne coyuhiyede yávaiyede jáve āmene ji coyuhiyede pueno Jesú斯 ūi yávaiyede jávene, ji bajuma coyuhiye jaunvu yure. Ina bueipöeva borocurivu “¿Meara márica ūija apevuh pueno?” adama, ne jáiye boje yópe decoboainope. Que adama na. Que baru yu máre coyuhiyivu mujare majé jabocu Jesucristoi járe daiye báquede yure yópe decoboainope aru ūi coreóvare daiye báquede yure máre, ūi majiéquede.
² Cuiinácu ūmu, ji coreóvaimu, Cristo que cuchu cūinávhepe, jáme yópe decoboainope catorce raijua jipocamia. Yópe apecu bajumóschepe coyuhybu ji bajuma, ji chyeiye boje. Dinummu mácarore Jūmenijicu nūvame yure pu cavarō mearo ūi curōi, yóbecuritucubaita, míjina ne vuitucubu aru aviávai curitucuba puenoi. Yure nūvaiñu mácu baru ji bajuque o ji ūmeque, majibevu yu. Jūmenijicu cūinácuva majibi.
³⁻⁴ Majivu yu yure ūi nūvaimu mácure pu Paraíso ámicurō cavarō mearocaróita. Nore jápiacacu yu yávaiye me bajure, maja pöeva maje yávaicamuaque ye yávarí buojabevu diede, aru Jūmenijicu yure yávaicōjemeteame diede. Bediôva coyuhybu mujare, yure ūi nūvaimu mácure majichvacari, ji bajuque o ji ūmeque majibevu yu.
⁵ “¿Meacu bárica?” arí coyuhiyivu no boje, ji jáino mácaro decoboainope boje. Ubenita ape vaiye báquede yure ji bajuma “¿Meacu bárica?” arí coyuhiyivu. Ji bajuma arí coyuhiyivu ji parubede.
⁶ “¿Meacu bárica?” arí coyuhiyivu. Ji apede jáiye boje yópe decoboainope, arumecupe tebejebu, caiye ji coyuhyroje jáve boje.

Ubenita diede coyuhiyivu. Mujare me jáicōjeniduiyube yure, ji jáiye boje yópe decoboainope.

Quénora mujare me jáicōjeiyavu yure, muje jáiye boje ji daiyede aru muje jápiaiye boje ji coyuhiyede.
⁷ Ji arí dápiabequiyepa ayu meacure caivu pueno, caiye iye me bajure Jūmenijicu coreovare daiye báque boje yure, Jūmenijicu yure nái abujuvai jabocu Satanáre nájine daicōjeimi. Satanás nájine darí cārijovavaibi yure yópe miuyo jéiyepa ji bajui.
⁸ Yóbecurinumha jēniacacu majé jabocu Cristore, ūi dajocare daquiyepa ayu iye ūi nájine daiyede yure.
⁹ Ubenita yópe arí, coyuáme: “Dajocare dabecubu yu mi nájiyede iye parubede daiyede mure. Quénora cainumha parure dacuyumu mure ji mearo dacaiyeque bojecubeda ji me boje. Que teni ye jaubequiyebu mure cainumha. Mútamu cuchu ye parubecu, yéde daiye majibecu. Dinumumareca yúvacari jádovañumu ji parué majiéde, cādatechuyu mure”, áme majé jabocu Cristo. Que baru yu torojuchu baju “¿Meacu bárica?” arí coyuhiyivu. Ayu nūqui-jivu pueno baju, ji parube boje ji bajuma, chvacuyu Cristoi parué majiéde, apevuh ne járajiyepa ayu diede.
¹⁰ Aru, “Meavu” ayu, torojuchu máre yure ijiéde, apevuh yure ne ámeina yávaiyede, yure jauede, apevuh yure maucavarí ne nájine daiyede yure, aru ji cārijiyede. Caiye iye ámeno vaiyede yure Cristo jicu bae boje, “Meavu yure” ayu, torojuvu yu. Ji parube boje, majivu Cristo cādateyure yure ji daiyede ūi parué majiéque.

**Pablo ūi cārijino Corintocavu
Jesúre ju aipöevare boje**

¹¹ Ji nöpe toivaicōjeiye boje apecure, arumecupe teivu yu. Ubenita jauteavu yure, muje jápiaiye boje ina Jesú斯 ūi yávaiye méne beorí coyuhiyemarape teniduivu ne borocurí coyuhiyede Jesú斯

ñi yávaiye ména aru yurā máre. Ñamene yure aru yéde ji paruéde coyaiye jaúrīduavū muijare. Übenita muije coyube boje, coyuiye jaúteavū yure ji bajuma. Na “Pablo bojecibecube”, übenina ávaivubuya. Übenita yu bojecibecuvacari, ye ne cächinocacu ãmevu yu. Aru ji pueno meara ãmema na. ¹² Ji cue báquede muijaque Jümenijicu yure däre dáme pöeva ne jämene, ne dari majibede, aru ape parhäque daiyede máre, jádovacuyu yure jäve Jesús ñi yávaiye méne beorí coyñicõjeimu bajure. Caiye iye ji daiyede napini dacacu yu. ¹³ Yu ãmevu apevu ne cächinocacu. Quédeca muijacapúravu máre ãmevu apevu Jesúre ju aipöeva cójijivaivu ne cächinocavu ji jainore. Mearo dacaiyede ye dabeteccacu yu pueno baju apevure boje muije pueno. Jäve jeniametecacu muije tauturare, yópe ji jeniametecacu muije arí coyurajiyepo ayu “Meavu” o “Meamevu”. Muija ámevurecabu coyurajivu méne o meamene ñuje daiyede. Quénora Jümenijicurecabe coyuñuyu diede ñujare. Übenita caiye iye ji toivaicõjeiyeque apecure coyuñubu yu Jümenijicu jainore, ji cue boje Cristo que cüinávire, muije parure nurajiyepo ayu muije ûmei. Que baru muija, jíva, caiye ñuje daiyeque cadateiyurivubu muijare.

¹⁴ Javede pueque jácunucacu muijare. Aru caride meadaybu ji cüvede, jácunucuyu muijare bedióva cojedeca. Aru yópe jipocai ji daiye báquepedeca, jeniamecuyumu muije tauturare. Muije cüvaede cüvaiyubevu yu. Quénora cüvaiyubu yu muijare Cristo jinava. Muijarecabu yópe jímarape yure. Übenita mamara ãmevurecabu bojedacaivu nébucuvare ne árajiyeva. Quénora nébucuvarecabu bojedacaivu némarare ne árajiyeva. Que baru yu jacobuiyubevu muije tauturare. ¹⁵ Yu torojuçu baju jíchuyumu caiye ji cüvaede aru ji bajure máre, cadatecuyu muijare, ji ue boje muijare. Übenita muijare pueno baju ure nüñureca yu, muijacapúravu ji jainore quíjino baju ure nüivubu yure.

¹⁶ Apevu muijaque cürihv, yópe arí, ámechorovaivubuya yure: “Jäve Pablo jeniamemí ñuje tauturare. Übenita jujovarí iñume ñuje tauturare majibevuva”, ávaivubuya. ¹⁷ ¿Aipe dari muijare jujovarí, iñu bhojari yu muije tauturare? ¿Muije däpiaru, ina ji jaroimara mácavure jujovaicõjeari muijare? ¹⁸ Titore jeniacacu parurõreca, ñi nüquiyepo ayu muije yebai. Aru jarocacu apecu majeca Jesúre ju aipöecure ûque. ¿Muije däpiaru, Titojä jujovarí muijare? Muija me majidivubu jäve Titojä jujovabevu bácvure muijare. Me majivu yu náre, yupepedeca, cainumua mearore däpiaivure aru mearore daivure máre. Que baru ñuja ye jujovabevu muijare.

¹⁹ Caiye iye ji toivaicõjeiyeade apecure muijare jári boroteivu bácvu däpiabejarä muija coyuñure ñuje daiyede, muije arí coyurajiyepo ayu “Meavu” o “Meamevu”. Muija ámevurecabu coyurajivu méne o meamene ñuje daiyede. Quénora Jümenijicurecabe coyuñuyu diede ñujare. Übenita caiye iye ji toivaicõjeiyeque apecure coyuñubu yu Jümenijicu jainore, ji cue boje Cristo que cüinávire, muije parure nurajiyepo ayu muije ûmei. Que baru muija, jíva, caiye ñuje daiyeque cadateiyurivubu muijare. ²⁰ Jiduvu yu ji copaidaquiyede muije yebai, apevu muijacavu däbevu báräjivure yópe muijare jaúpere. Apevu jararí pare ädamateiyuräjichuma. Aru apevu tebutenajichuma. Apevu jijatenajichuma übenina. Apevu daräjichuma ne baju urõpe däpiabevuva mearore o ámenore apevure. Apevu coyurajichuma ámenore caivu ne jápiayede apevu borore. Apevu yávaräjichuma jápiabenoi ámenore apevu borore. Apevu “¿Meara márica apevu pueno?” arí däpiaräjichuma. Aru apevu maucavarí, cärijovari, boaiyuräjichuma apevure.

Mujacavu ne nōpe daru, ji copaidaquiyede torojabecuyumu yu. Aru mujja māre torojabenajaramu, ji jararī nājine daquiye boje mujare, muge nōpe āmeina teiye boje.²¹ Jiduvu yu ji copaidaquiyede muge yebai. Jūmenijicu ji mearo re jímu cuyoje tede dacuyure yure bediōva cojedeca muge jainore. Apevu mujacavu curivubuya muge āmeūmeque. Apevu mujacavu āmeina darī curivubuya apevque némarebucuva āmevque. Aru apevu mujacavu caino āmenore daivubuya. Nōpe teni āmeina teima javede. Aru chiomeni oatuvabenama cāreja ne daiyede. Quénora āmeina tede nūivubuya. Chiomeni oatuvabedu ji daquiye jipocai, chiori oscuyumu yu pare, nāre boje.

Pablo ūi majicaino aru meaicōjeino Corintocavure

(Mt 18.16)

13 Ji eaquiyebu cari yóbecue ji Yópe arī, toivaicōjenejaquemavu Jūmenijicu ūi yávaiyede: “Nai pōescue apevu ne boro coyurī adaimu maru, ‘Āmeina dayube’ aivu baru ūi borore, pucarā o yóbecurā o apevu māre majidivu bácvu ūi āmeina daiye báqueda boro coyuiye jaunu nāre ūi borore”, arī toivaicōjenejaquemavu.² Ji eaquiyе jipocamia muge yebai bediōva cojedeca, parurōreca coyuiyavu mujare yo paperayocaque ji cuede joai mujare jocarī. Ji cari eaquiyede napimecuvu jāve jararī nājine dacuyumu caivu mujacavu āmeina dare nūivure. Javede, ji puce cue báquede mujaque, quēdeca coyucasch parurōreca mujare. Coyucasch mujacavu āmeina daivure ji eaquiyе jipocamia aru caivu apevure māre.³ Mujarecabu jēniaivu ji jādovaquiyepе aivu yure Cristoi coyucōjeimu bajure. Ji eaquiyede

jādovacuyumu jāve baju ji cuyaede Cristoi paruēde. Ūrecabe parubecu āmecu. Quénora parucu bajutame. Que baru parure dacuyume yure muge jēneboi, ji nājine daquiyepe ayu ūre ju aipōeva āmeina darī cōmajivure.⁴ Cristo jādovamecu bácvacari ūi paruēde ne pēvari boarī jaruvaiye báquede ūre jocucijaravena, caride apucu cubi Jūmenijicu paruēque. Ūpedeca nūja ūi yávaiye méne beorī coyucōjeimara, ūque curivu cūinávure, parubevuvacari, jādovarajaramu ūi paruēde nūje cuyaede, nūje nājine darājiyede mujacavu ūre ju aipōeva āmeina darī cōmajivure.

⁵ Jāri corevajarā mujja coapa muge baju, jādovarajivu ju are nūivure maje jabocu Jesucristore dajocabevuva o ūre ju aiyede dajocaivu bácvure. Me dāpiarī corevajarā muge bajumia. Que teni coreóvarājaramu curivure Jesucristo que cūinávure, ūre ju aivu baru. Ubenita ūre ju abevu baru, coreóvarājaramu cibevure ūque cūinávure.⁶ Muge coreóvarājiyede curivure Jesucristo que cūinávure, coreóvarājaramu nūjare, mujare coreóvare daivu bácvure, ūi yávaiye méne beorī coyucōjeimara bajure.⁷ Nūje earājiyede, mujacavu āmeina darī cōmajivu baru, mujja coreóvarājaramu nūjare Jesús ūi yávaiye méne beorī coyucōjeimara bajure, nūje nājine darājiye boje nāre Cristoi paruēque. Ubenita nūja jēniaavaivu Jūmenijicuque, muge āmeina dabenajiyepе aivu. Muge āmeina darī cōmajibedu, nāmene ye nājine dabenajaramu nūja paruēque. Nūje paruēde jādovamenu, “Jesús ūi yávaiye méne beorī coyucōjeimara āmema”, ubenina arī dāpiarājichvnu mujja nūjare. Ye baju āmev u nūjare. Pare urivubu nūja caiye pueno, muge mearo re darājiyepе aivu.

⁸Põeva ne mearore daiyede, daivubu yópe Jümenijicu ðaicōjeiyepé üi yávaiye jåveque. Aru Cristo ñujare jåðovaicōvaicōjememi üi paruéde, ñuje āmeina ðarajiyepé ayu ina yávaiyede jåvene ðaipõevare. Quénora ñujare jåðovaicōjeimi üi paruéde, ñuje cadatenajiyepé ayu náre. ⁹Muje mearore daiyede, parure nuivubu muje ümei. Aru mujare ñájine daiye jaubevu ñuja. Que baru ñuja bñojabenamu jåðovaivu iye paruéde, Cristoi cùvare daiyede ñujare. Aru paruþevupe teivubu muje jainore. Ùbenita paruþevvacari, torojuvu ñuja, muje parure nuiye boje muje ümei. Aru cainumua jëniavaivabu Jümenijicuque, üi parure nure ðaquiyepe aivu mujare muje ümei, pu mujare ye jaubeta.

¹⁰Yo paperayocare toivaicōjeivu apecure mujare ji cuedé joai mujare jocari, muje meatenajiyepé ayu muje daiyede, ji eaquiye jipocamia muje yebai. Que tedu, mujare ñájine daiye jaubequiyebu yure, yópe Cristoi ðaicōjeiyepé yure caivu ure ju aipõevare āmeina ðarí cõmajivure.

Ùrecabe parure ðabecu ñujare, ñuje chõore ðarí, dajocare ðarajiyepé ayu põevare ne ju aiyede ure. Quénora parure ðaibi ñujare, ñuje torojure ðarí, parure ðarajiyepé ayu náre ne ju aiyede ure.

¹¹Muja, jívu, quénoramú caride. Meatejará muje ðaiyede. Aru cainumua pueno baju mearore ðare ñujara muja. Me jápiarí ju ajará ji couyiyede mujare. Cùináturu muje üme me cùjará caivu muja cùináturu. Càrijimenoque me cùjará muja. Que ðaru, Jümenijicu, ñai majare usu aru majare càrijimenoque cure ðayu, cùcuyume mujaque. ¹²Me jacouyjará muja muje jivare nuri, muje Jümenijicu jina mae boje. ¹³Caivu Jesúre ju aipõeva yore cùrivu meaicōjedama mujare. ¹⁴Maje jabocu Jesucristo mearo ðacajacurí mujare bojecubeda üi me boje. Majepacu Jümenijicu, mujare usu, ure ðajacurí mujare. Aru ñai Espíritu Santo yóvajacurí mujare cùinávupe. Quénoramú.

Gálatas

Mamabuínore coyuíyebu Pablo bácu ūi toivaicōjeiye báquede paperayocare Galacia āmicurijoborōcavu Jesúre jū aipōevare. Pablo bácu judíovacacu bácvacari, Jesú ūi yávaiye méne beorī coyuicōjeimū marejaquémanu, coyuichuyu ūi yávaiye méne judíova āmevure, judíova ne jū abe boje ūi coyuíyede. Lucas bácu coyurejaquemavu Pablo báchi borore Hch 7:57-8:1, 9:1-31, 13:1-28:31, aru ūi cuede Galacia āmicurijoborōi Hch 13-14, 16:1-7. Apevu ne dápiaiyepē, Pablo bácu toivaicōjenejaquemavu iyoca paperayocare āniúju bácarōre 48 d.C. ūi cuede Antioquia āmicuríimaro Siria āmicurijoborōcarōi. Úbenita apevu ne dápiaiyepē, ūi mácu toivaicōjenejaquemavu diyocare āniúju bácarōre 52 d.C. ruque ūi cucusnuyede, coyuichuyu Jesú ūi yávaiye méne, ūi cuede Corinto āmicuríimaro. Aru apevu ne dápiaiyepē, ūi mácu toivaicōjenejaquemavu diyocare āniúju bácarōre 56 d.C. yóbecue ūi cucusnuyede, coyuichuyu Jesú ūi yávaiye méne, ūi cuede Éfeso āmicuríimaro. Pablo bácu coyurejaquemavu ūre toivacaipōecu bácre aipe ūi toivacaquiye báquede diyocare (Gá 6:11).

Diyocaque Pablo bácu jádovarejaquemavu ū baжу Jesú ūi yávaiye méne beorī coyuicōjeimure. Aru coyurejaquemavu pōeva ne boropatebenajije majibede Jūmenijicui jáinore ne jū aiyeque Jesucristoi daiye báquede ūi yaiyede jocucusjaravena náre boje. Coyurejaquemavu pōecu cucusnuyede daiye majicu yópe boropatebecupe ūi bajure Jūmenijicui jáinore.

Pablo ūi meaicōjeino Galaciacavure (Mt 20.28; Mr 10.45; 1 Ti 2.6; Tit 2.14)

1 Yū, Pablo, Jesú ūi yávaiye méne beorī coyuicōjeimutamu. Pōecu āmemi beorī daroyu yure epecsuyu Jūmenijicui yávaiye méne coyuipōecuva. Quénora Jesucristore storecabe, majepacu Jūmenijicque, ūai nacovañu mácu Jesucristore yainore jaravarī, epeyu bácu yure coyuichuyuva ūi yávaiye méne. **2** Yū aru caivu majevu, Jesúre memecaivu yáque cūrivque, meaicōjeivubu mujare, Jesúre jū aipōeva cójijivaivure cójijiñamai Galacia āmicurijoborōi. **3** Majepacu Jūmenijicu, maje jabocu Jesucristomaque, mearo dacajacurī mujare bojecubeda ūi me boje. Aru torojurī cūre dajacurī mujare cārijimevuvu. **4** Jesucristo, jū ari majepacu Jūmenijicure, dārejaquemavu yópe Jūmenijicui urōpe. Que teni ūi bajuma yaidéjaquemavu, maje boropatebenajije ayu maje āmeina teiye boje, meadacuyu majare, maje āmeina tebenajije ayu yópe apevu ijāravucaivure. **5** Que baru mearore jinajarevu Jūmenijicure cainumua. Quédecabu.

Cūinárora Jūmenijicui meadaino pōevare

(1 Ts 2.4)

6 Cuecumari jáiuvu yu muje daiyede. Maumejena dajocavubuya muja Jūmenijicure, ūai cutuyu bácre mujare ū jina márajivuva Cristoi mearo dacaiye báquede mujare ūi yaiyede majare boje. Úre dajocarī, jū aivubuya muja ape yávaiyede, Jūmenijicui yávaiye méne jaravarī. **7** Úbenita ape yávaiye me cūbevu. Cūinároramú cūvus: Jesucristo majare meadayube. Coyuyubu mujare diede, apevu pōeva ne bueiye boje apeno bueinore. Que teni cārijovaivubuya mu-

jare. Aru oatuvaiyuriduivubuya iye yávaiye méne, Cristoi meadaiyede majare.⁸ Ubenita ácu pöecui coyuру mujare ape yávaiyede iye yávaiye méne nüje mujare mamarumure coyuhiye báquede jarhvarí, aru "Coyuhubu mujare Cristoi yávaiye méne" ūi aru ubenina, Jümenijicu nájine dajacurí ūre toabo cüiméboi cainumua. Ye baju ámevu yúvacari ji coyuру o ángele cüináchi Jümenijicu churócacuvacari ūi coyuру ape yávaiyede, nájine dajacurí Jümenijicu nüjare máre.⁹ Javede coyuacsacu mujare diede. Aru caride máre coyuuhubu diede mujare, Jesucristore ju aivure, cojedeca: Ácu pöecui coyuру mujare ape yávaiyede, iye Cristoi yávaiye méne jarhvarí, Jümenijicu nájine dacchuhme ūre toabo cüiméboi cainumua.¹⁰ Ji nópe coyuhiye boje, coreóvaivubu mujia jáve pöeva ne me jáiyede vobecure. Quénora jáve voyuhubu Jümenijicu ūi me jáiyede yure. Jáve buebevu yópe pöeva ne uröpe. Quénora bueivu Jümenijicu uröpe. Yu bueyu baru pöeva ne uröpe, memecabejebu Cristore.

Pablo ūi coyuino Jesúi coyuicōjeiyede ūre ūi yávaiye méne

(Hch 8.3; 9.3-6, 26-30; 11.30;
15.2; 22.3-10; 26.9-11, 13-18)

¹¹ Mujia, jínu, uvu yu muje coreóvaiyede iye Jesús ūi yávaiye méne ji coyuhiyede pöeva ne dápiaye ámene.¹² Pöecu cübebi coyuuhubu yure diede. Aru pöecu cübebi bueyu bácu yure diede. Quénora Jesucristovacari coreóvare darejame yure.

¹³ Javede mujavacari jápiadavu ji borore, ji daiye báquede yópe caivu judiovape, ji ju aquiyе jipocamia Jümenijicure. Jümenijicu pöeva Jesúre ju aivure cujurí, boarí, nájine dayu barejacácu yu cõmaje ãroje jámecuva. Coavaiyuriduyu barejacácu yu ne cõijiyede, ne dajocarajiyepo ariduyu

ne ju aiyede Jesúre.¹⁴ Aru ji mearore jíye báquede Jümenijicure yópe caivu judiovape, dare nurejacacu yu apevu judiova pueno, ina pöeteivu bácvure yúque. Que baru ne pueno ju arí, dare cuyu barejacácu iye daicōjeiyede nüjeécuva mácvu ne bueye báquede némarare aru népäramenare máre.

¹⁵ Ubenita nópe dayu bácvreca, Jümenijicu capúravu yópe dacarejaquemavu yure. Beorejaquemavu yure ji pöetequiyе jipocamia. Aru cuturejaquemavu yure, ūi pare ne boje pöevare, ji memequiyepo ayu yúque.

¹⁶ Coreóvare darejaquemavu yure mamacure, Jesucristore, ji coyuhiyepo ayu ūi yávaiye méne ina judiova ámevure. Que baru Jümenijicu coreóvare dariburu yóboi yure mamacure, námene jeníari jámenejacacu aipe daiye jaúrōre yure.¹⁷ Cüiná Jerusalén ámicuriimaroji jácunumenejacacu yu ina ji jipocai Jesús ūi yávaiye méne beorí coyuicōjeimarare, buechuyu náque. Quénora cüiná nurejacacu yu Arabia ámicurijoboröi, copaidacuyu cojedeca nore jocarí Damasco ámicuriimaroji.

¹⁸ Ubenita yóbecuríuva vainiburu yóboita, nurejacacu yu Jerusaléi, Pedrore jácuñu. Cürejacacu áque pucasumana bajura.¹⁹ Aru apevu ina Jesús ūi yávaiye méne beorí coyuicōjeimarare jámenejacacu yu dinumure. Quénora járejacacu yu nai Santiago, maje jaboci yócuru.²⁰ Iye ji coyuhiye jávetamu. Borocübécuva coyuuhu yu diede mujare Jümenijicu jáinoi.

²¹ Aru ji nüriburu yóboi Jerusaléne jocarí, nurejacacu yu Siria aru Cilicia ámicurijoboröai.²² Ina Jesúre ju aipöeva cójijivaivu imaroa coapa Judea ámicurijoboröcavu jámenejaquemavu yure cäreja dinumure.²³ Quénora jápiarejaquemavu ji borore, yópe

aiyede: “Ñai cujurí boarí ñájine ñayu bácu Jesúre jü aipöevare javede, ne dajocarájiyepo aríduyu ne jü aiyede Jesúre, caride coyuuyube Jesús üi yávaiye méne, pöeva ne jü arájiyepo ayu üre”, arejaimada náre yurá. ²⁴ Que baru mearore jídejaquemavu na Jümenijicure, üi mearo dare daiye boje yure.

**Apevu Jümenijicu yávaiye
méne beorí coyuicōjeimara ne
me jáino Pabloi memeinore**

2 Catorce paicuña vainíburu yóboi, nucacu yu cojedeca Jerusaléi. Bernabé yóvame yure. Aru nüvacarä Titore máre. ² Nucacu yu Jümenijicu jádovaiye boje nuiye jaúrøre yure noi. “Ji bueiye báque, aru caride ji bueiye, pöevare ubenina bíjaquijichuvu, jabova ne ubedu ji bueiyede”, arí dápiacacu yu ji baju. Que baru cójijicacu yu Jesúre jü aipöevai jabovaque, coyuicuyu náre Jesús üi yávaiye méne ji bueiyede judíova ámevure, majicuyu méne o ámene ji bueiye. ³⁻⁴ Aru apevu pöeva buraicōjeiyuríduquemavu ji yóvamu Titore üi cajede judíovape, üi buçuva judíova ámevureca. Übenita ina jabova ye buraicōjemeteima üre. Ina buraicōjeiyuríduivu Jesúre jü aivu teivu yavenina dari cójijima ñujaque, majinajivu aipe ñuje daiyede. Boro coyuírī adaiyuríduima ñujiare, ñuje dabe boje caiye Jümenijicu daicōjeiyede, üi coyuhiye báquede Moisés bácuru. Caiye diede daiye jaubevu ñujiare caride, ñuje cue boje Jesucristo que cüinávupe, üi boropatebede daiye boje majare Jümenijicu jáinore. Übenita nácapúravu yebacavupe tede daiyuríduima ñujiare, “Dajarä caiye iye Jümenijichí daicōjeiyepo üi coyuhiye báquede Moisés bácuru”, ne ainoque. ⁵ Übenita ñujacapúravu ye dabeteclarä yópe ne urópe. Ñuja dainu

baru yópe ne urópe, buebejebu iye yávaiye méne jávene, Jesucristoi meadaiyede majare. Que baru dabeteclarä yópe ne daicōjeniduiyepo, oatuvabena-jivu Jesús üi yávaiyede jávene. ⁶ Aru ina Jesúre jü aipöevai jabovavacari jü arí nüjare, ye apejíene oatuvavicōjemeteima ji bueiyede Jesús üi yávaiye méne.

Ina jabovabu Jesúre jü aivu ne aimara parurivu, ne cue báque boje Jesúque. Übenita Jümenijicuvacari jáimi caivu pöevare cüináturu. Que baru ye baju ámevu yure ina jabova ne parue pöeva ne jáiyede. ⁷ Oatuvavicōjemeteima yure ji bueiyede. Quénora, “Jáve coreóvaivubu caride”, aima na. “Jümenijicu epeimumu tu, bueyu Jesús üi yávaiye méne judíova ámevure yópe üi epeiyepo báquepe Pedrore bueyu diede judíovare”, aima yure ina jabova. ⁸ Aru Jümenijicuvacari epedejaquemavu yure Jesú üi yávaiye méne beorí coyuicōjeimu judíova ámevure, yópe üi epeiyepo báquepe Pedrore Jesú üi yávaiye méne beorí coyuicōjeimu judíovare. ⁹ Que baru ina Jesúre jü aipöevai jabova parurivu pöeva ne jáiyede; Santiago, Pedro, aru Juan máre; coreóvaima dinumure Jümenijicu yure memecare dayure üre, üi mearo dacaibe boje bojecubeda. Que baru caivu ñuja, ina yóbecurá aru yu Bernabémaque, pürjécarä ñuje baju, jádovarajivu ne jü aiyede ñuje memecaiyede Jümenijicure. Que teni ñuje üme cüináturu, “Pablo Bernabémaque buenajarama Jesús üi yávaiye méne judíova ámevure. Aru Santiago, Pedro, aru Juan máre buenajarama Jesús üi yávaiye méne judíovare”, acarä ñuja. ¹⁰ Que aiyede, cüináro apejínore ina jabova coyuimá ñujiare. Jéniaima ñuje dajocabenajiyepo aivu ñuje cadateiyede ina cõmaje ãrojarivure. Aru yúcapúravu pare cadatede nuiyucu batecácu náre.

**Pablo ūi yávarí meadaino
Pedrore Antioquíai**

(Hch 11.2-17)

¹¹ Ubenita ji cudee Antioquía amicuriímaroi, Pedro edame noi Jesúre jü aipöevai cójijiñami. Apejäravua vainíburu yóboi, ámeina dáme ū. Dinumü yávacacü yü ūre copü Jesúre jü aipöeva ne jápiainoi, ūi ména dabe boje ūi daiyede. ¹² Mamarumüre Pedro mearo ddayu bateáme. Áñu mateáme ina Jesúre jü aipöevacavü judíova ámevüque. Ubenita apejäravua vainíburu yóboi, apevü ümuvä, Santiagoi daroimara mácavü, ne edaiyede Antioquíai, Pedro yóvabeteame ina Jesúre jü aipöevacavü judíova ámevüre. Dajocame ūi aiyede náque. Aru coateni bñame ūi baju náre jarüvarí. Nópe dáme ūi jidué boje ina edaivü bácvü ne buraicöjeiyüe boje caivü Jesúre jü aipöeva ümuvare ne cajede judíovape. ¹³ Pedro majicuvacari Jümenijicü me jánure Jesúre jü aipöeva judíova ámevüre, aru majicuvacari coateiye jaübenore ina Jesúre jü aipöevacavü judíova ámevüre jarüvarí, coateame ūi bajuma. Aru apevü Jesúre jü aipöevacavü judíova máre, úpe ðarí bñima. Que teni na máre majidivüvacari coateiye jaübenore Jesúre jü aipöevacavü judíova ámevüre jarüvarí, coateima ne bajumia. Aru Bernabé máre náque nñame ū. ¹⁴ Ji jánore ne nópe daiyede ye übetecacü yü. Que baru yópe arí, coycacü Pedrore caivü ne jápiainoi: “Múvacari judítamu. Ubenita dabevü mü judíova ne daiyepo. Quénora daivü mü judíova ámevü ne daiyepo. Que baru, ¿aipo teni dare daiyuríduyurü mü ina judíova ámevüre judíova ne daiyepo? Mi dajocaiye boje náre, na yóvaiyurivü baru mure, daiye jaüjebu náre judíovape. Que baru meamevü

mi dare daiyuríduyie náre”, acacü yü Pedore.

**Jümenijicü ūi meadaino judíovare
aru judíova ámevüre máre
ne jü aiyede Cristore
(Ro 3.20, 22; Fil 1.21)**

¹⁵ Pöetedejacarä ñuja judíova. Que baru judíova bajubu ñuja. “Judíova ámevü ámeina teivübu ne cüvabe boje Jümenijicüi daicöjeiyede Moisés báchi toivaiye báquede”, arí dápiaivübu ñuja. ¹⁶ Ubenita pöescü cübebi Jümenijicü “Boropatebevü mü ji jainore”, ūi aimü, ūi daiye boje yópe Jümenijicüi daicöjeiyede Moisés báchi toivaiye báquepe. Quénora Jümenijicü “Boropatebevü müja ji jainore”, aibi pöevare ne jü aiyede Jesucristore. Diede me majidivübu ñuja judíova Jesúre jü aivü. Aru ñuja judíovavacari jü aivübu Jesucristore, Jümenijicü “Boropatebevü müja ji jainore”, ūi aquiyepo aivü dabevüva yópe Jümenijicüi daicöjeiyede Moisés báchi toivaiye báquepe. Que baru pöeva cübema boropatebevüpe Jümenijicü jáimara, ne daiye boje yópe daicöjeiyepo. ¹⁷ Que baru ñuja napini coreivü Jümenijicü jaiyede ñujare boropatebevüpe ñuje jü aiye boje Jesucristore, dajocadavü ñuje daiyuríduyede yópe Moisés báchi daicöjeiyepo. Aru apevü ne jaiyede ñuja nópe teivüre, “Jümenijicüi daicöjeiyede vainí tuivübu na yópe judíova ámevüpe”, arajichüma na. Aru, “Cristo vainí ture ðaibi pöevare Jümenijicüi daicöjeiyede jarüvarí”, arajichüma na. ¡Aipinumüa nópe abejaräri! Ne que aru jáve ámevütamü.

¹⁸ Que baru yópe bueyübu yü: “Pöevare boropatebevüpe Jümenijicüi jáquiyepo aivü, ne jü aiye Jesucristore jaüvü náre”, arí bueyübu. Ubenita, “Müje me curäjiyepo aivü Jümenijicüque, daiye jaüvü müjare

yópe Moisés bácu daicōjeiyepo”, abevu yu mūjare. Aru nópe cōjeñu maru, vainí tuijebu yu Jūmenijicu daicōjeiyede.¹⁹ Aru javede Jūmenijicu daicōjeiyede ūi coyuie báquede Moisés bácre daridurejacacu yu, boropatebecchu Jūmenijicu jainore. Ubenita nópe dariduyuvacari, cainumua boropateyupe barejacácu. Ubenita caride ji cuede Jesucristo que cūinávupe, boropatebecutamu yu Jūmenijicu jainore. Que baru caride Moisés báci daicōjeiyepo báquede quénora dabecutamu yu.²⁰ Maje jabocu Jesucristo yaiyá bácu joscucujaravena oatuvarejaquemavu ji āmene. Que baru caride jipocai ji cué báquepe āmevu yu. Cristo cuchu yúque dare daibi yópe ūi urópe. Que baru javede ji daiye báquepe dabevu cojedeca. Quénora daivu Cristo jiede. Ji āmeina teiye boje, yaidéjaquemavu. Que baru ūre ju arí, ūi daicōjeiyede dayutamu yu.²¹ Que baru jaruvabevu yu Jūmenijicu jíye bojecubede ūi me boje, iye Jesucristoi mearo dacaiyede yure, ji dariduiyeque yópe Moisés báci daicōjeiyepo. Jūmenijicu járu pōevare boropatebevupe ne daiyede yópe ūi daicōjeiyepo, Jesucristoi yaino mácaro jaubejebu. Yaijébu ū ubenina.

**Pablo ūi bueino pōeva boropatebevu
āmevare Jūmenijicu jainore ūi
daicōjeiyede Moisés
báci toivaiye báqueque**

(Hch 3.25; Ro 1.17; 4.3, 16; 10.5)

3 Mūja, Galacia āmicurijoborōcavu Jesúre ju aivu, ārumevupre nurié dapiabevu mūja. Mūje jáiyede nurié coyuacsacu mūjare Jesucristoi yaiye báquede ne pēvaimure joscucujaravena maje āmeina teiye boje. Ubenita mūjamu ahevnu ne jujovaimara.² Que baru mūje ju aiyede iye yávaiyede jāvane, ji coyuie báquede mūjare,

dajocaivubuya mūja. Quénora ubenina dāpiarī báyavu boropateni buojaivu Jūmenijicu jainore mūje daiyeque yópe iye daicōjeiyepo Moisés báci toivaiye báquede. Ubenita Jūmenijicu jāve darobedejaquemavu majare ūi Espíritu Santore maje daiye boje yópe ūi daicōjeiyede Moisés báci toivaiye báquepe. Quénora jāve darorejaquemavu ūre maje jāpiarī ju aiye boje Jesús ūi yávaiye méné.³ Jūmenijicu Espíritu Santo apure darī báquemavu mūjare mamaūmene. Que baru buojaiyue jaubevu mūjare iye mūje cuvaede mamaūmene mūje majiéqueda. Nópe daivu baru, ārumevupre dajebu mūja.

4 ¿Caiye iye vaiye báque bojecubedi mūjare? Jāve dāpiarī coreóvadavu aipino bojecuede iye mūjare vaiye báquede.⁵ Jūmenijicu jāve darobebi mūjare ūi Espíritu Santore aru dabebi pōeva ne darī majibede mūje jēneboi, mūje daiye boje yópe ūi daicōjeiyede Moisés báci toivaiye báquepe. Quénora jāve darobi ūre aru daibi diede mūje jēneboi, mūje jāpiarī ju aiye boje Jesús ūi yávaiye méné.⁶ Aru caride dāpiajarā Abraham mácre. Yópe arí, Jūmenijicu toivaicōjenejaquemavu ūi yávaiyede: “Abraham ju arejaquemavu Jūmenijicu daquiyede yópe ūi aiye báquepedeca. Que baru Jūmenijicu coyuarejaquemavu ūre, ‘Boropatebecchbu mu ji jainore’, ūi ju aiye báque boje Jūmenijicu”, arí toivaicōjenejaquemavu.

7 Que baru coreóvaiye jauvu mūjare iyede: Ina pōeva ju aivu Jūmenijicu, nárecabu Abraham máchi pāramena baju.⁸ Javede Jūmenijicu toivaicōjenejaquemavu ūi yávaiyede, pōeva ne coreóvarajiyepo ayu boropatebede dacchu ūi jainore ina judíova āmevare ne ju aiyeque ūre. Jūmenijicu coyuarejaquemavu Abraham mácre mearo dacacchupre

ū mācure ūi mearo dacaquiyē jipocai yópe arī: “Mū ju aivu yure. Que baru mure ji mearo dacaīye báquepedeca ijāravacavu apevū, caivu yure ju aivure māre, mearo dacaçuyumu yu”, arī toivaicōjenejaquemavu Jūmenijicu. ⁹ Abraham mācui ju aiye boje Jūmenijicure, ū mearo dacařejaquemavu ū mācure. Que baru Jūmenijicu mearo dacaibī caivu pōeva ju aivure ūre yópe ūi mearo dacaīye báquepedeca Abraham mācure.

¹⁰ Caivu ina pōeva daiyuriduivu yópe Jūmenijicu daicōjeyede Moisés báchi toivaiye báquepe Jūmenijicu jāquiyepo arīduivu nāre boropatebevupe, jāve Jūmenijicu nājine daimara marajárama na, ne āmeina teiye boje. Coreóvaivubu majā die jāvene, Jūmenijicu toivaicōjeyē báque boje, yópe arī, ūi yávaiyede: “Ácu pōecu dabecu baru cainumua yópe caiye Jūmenijicu daicōjeyede Moiséi toivaiye báquepe, jāve nājicuyume ū, ūi vainí tuiye boje diede”, arī toivaicōjenejaquemavu Jūmenijicu. ¹¹ Aru coreóvaivubu majā iyede: Pōecu c̄hebi boropatebecu Jūmenijicu jāinore, ūi daiye boje yópe Jūmenijicu daicōjeyede Moiséi báchi toivaiye báquepe. Jūmenijicu toivaicōjeyē báque boje, yópe arī, ūi yávaiyede: “Ina Jūmenijicu boropatebede daimara mācavu, ne ju aiye boje ūre, apurājivubu cainumua. Que baru coatede dabemara mārajivubu na Jūmenijicure jarūvarī”, arī toivaicōjenejaquemavu Jūmenijicu. ¹² Nai Jūmenijicure ju ayu, “Jūmenijicurecabe boropatebede dacuyu yure”, aibi. Ubenita nai darīduyu yópe iye daicōjeyede Moiséi báchi toivaiye báquepe, “Yūrecabu boropatebede dacuyu ji bajure ji daiyeque iye daicōjeyede”, arīduibi. Ubenita ūrecabe boropatecuyu, ūi darī buojabe boje caiye iyede. Coreóvaivubu

maja die jāvene, Jūmenijicu toivaicōjeyē báque boje, yópe arī, ūi yávaiyede: “Nai darī buojayu caiye iye Jūmenijicui daicōjeyede cūchuyume ū aru coatede dabemū macuyáme ū Jūmenijicure jarūvarī”, arī toivaicōjenejaquemavu Jūmenijicu.

¹³ Ubenita Cristorecabe cadateyū báchi majare. Jūmenijicu nājine daiye jauridurejaquemavu majare, majae dabe boje caiyede yópe Jūmenijicu daicōjeyepo. Ubenita Cristovacari nājicarejaquemavu yaiyū, ne pēvaimu mācū jocchuyaravena, majare boje. Que teni bojedarejaquemavu majae vainí tuiyede, majae nājimenajiyepo ayu majae baju āmeina teiye boje. Coreóvaivubu majā jāvene Cristoi nājicaiye báquede jocchuyaravena majare boje. Jūmenijicu toivaicōjenejaquemavu, yópe arī, ūi yávaiyede: “Caivu ina ne pēvaimara jocchurā Jūmenijicu nājine daimarama na, ne āmeina teiye boje”, arī toivaicōjenejaquemavu Jūmenijicu. ¹⁴ Cristo nājīnu yaicárejaquemavu muje judíova āmevure boje māre, muje c̄avarājiyepo ayu iye mearo dacařeyede, yópe Jūmenijicu “Mearo dacaçuyumu yu mujare”, ūi aiye báquepedeca Abraham mācure, aru majae copu etarājiyepo ayu nai Espíritu Santore yópe Jūmenijicu “Cadateyure darocuyumu yu mujare”, ūi aiye báquepedeca.

Jūmenijicu ūi coyuino “Yópe mearo dacaçuyumu” ūi coyuquiye jipocare ūi daicōjeyede

(Ro 4.14)

¹⁵ Muja, jívū, caride coyuquiijivu mujare majā pōeva majae darī cōmajiyena muje coreóvarājiyepo ayu. Pucarā ūmava “Yópe darī memenajare”, ne arī toivarū ne āmiare diena, nāme buojabebi jarūvayu aru oatūvayu diede, ina ūmava ne ju abedu.

Quédeca Jūmenijicu “Yópe dārājare”, ūi aiye báquede nāme b̄ojabebi jaruvayu aru oatuvayu diede māre. ¹⁶ Jūmenijicu “Yópe mearo dacacuyumu yu mūjare”, ávarejaquemavu Abraham mācure aru ūi pāramenacacu bacuyáre māre. Ubenita Jūmenijicu toivaicōjemenejaquemavu ūi yávaiyede “mipāramena márajivu”, obedivu ainore. Quénora toivaicōjenejaquemavu ūi yávaiyede “mipāramenacacu bacuyá”, cūinácu ainore. Aru Cristorecabe nāi cūinácu. ¹⁷ Ji coyuhiyede mūjare yópe aiyurōtam: “Yópe dārājaramu maja”, arejaquemavu Jūmenijicu Abraham mācure. Aru que arīburu yóboi, Jūmenijicu “Jāve dacuyumu yu yópe ji aiye báquepedeca mure”, arejaquemavu Abraham mācure. Que baru Jūmenijicu ūi aiye báquede cuatrocientos treinta paíp̄ua jipocai ye jaruvabedejaquemavu aru oatuvabedejaquemavu ūi daicōjeiyede, Moisés báci toivaiye báqueque cuatrocientos treinta paíp̄ua yóboi. Jāve Jūmenijicu daibi yópe ūi aiye báquepedeca. ¹⁸ Pōevai boropatebeni buojaru Jūmenijicu jāinore ne daiyeque yópe iye daicōjeiyepo Moisés báci toivaiye báquede, Jūmenijicu “Yópe mearo dacacuyumu pōevare”, ūi aiye báque bojecubebu. Ubenita pōeva boropatebevu buojabema ne dārīuiyeque yópe Jūmenijicu daicōjeiyepo. Que baru Jūmenijicu “Yópe mearo dacacuyumu pōevare”, ūi aiye báque bojecubu. Aru Jūmenijicu mearo dacayu pōevare, jāimi nāre boropatebevu yópe ūi aiye báquepedeca Abraham mācure: “Caivu pōeva yure ju aivare yópe mi ju aiyepe yure mearo dacacuyumu yu”, arejaquemavu.

¹⁹ Jāve Jūmenijicu coyuhejaquemavu ūi daicōjeiyede Moisés báci, “Yópe ji daicōjeiyepo dājarā mūja”, arīduyu

judíovare. Jūmenijicu coyuhejaquemavu diede, pōeva ne coreóvarājiyepo ayu vainí tuivare ne āmeina teiyepo boje. Abraham mācui pāramenacacu Jesucristoi daiyede, iye daicōjeiyepo daiye cūinéjaquemavu. Que baru Jesucristoi daiyede, Jūmenijicu mearo dacarejaquemavu pōevare yópe ūi aiye báquepedeca. Iye Jūmenijicu daicōjeiyede Jūmenijicu yávarejaquemavu ángelevare. Aru na yávarejaquemavu Moisés báci. Aru ū mācu toivarejaquemavu diede, pōeva ne majinajiyepo ayu. Que teni Jūmenijicu coreóvare darejaquemavu pōevare ūi daicōjeiyede ūi coyuhiyede apecvare, ina ángelevare aru Moisés báci māre. ²⁰ Ubenita Jūmenijicu coyuhejaquemavu “Yópe mearo dacacuyumu”, ūi aiye Abraham mācure apecvare. Quénora Jūmenijicu vacari cūináchra coyuhejaquemavu diede ū mācure apecui cūbeda.

Jūmenijicu ūi dāyurō iye ūi daicōjeiyepo

(Ro 4.13; 8.15-17; Col 2.8, 20)

²¹ ¿Jūmenijicu bojecubede darejaquemari iye “Yópe mearo dacacuyumu”, ūi ávaiye báquede Abraham mācure ūi daicōjeiyepo, ūi coyuhiye báquede Moisés báci? ¡Bi, ye que āmevu! ¡Aipinum̄ vaibéjarōri nōpe! Jūmenijicu ye jāmecube pōevare boropatebevu maje daiye boje yópe ūi daicōjeiyepo. Maja ye mearore daiye majibevu, Jūmenijicu cūre daquiyepo aivu majare jāravu cūiméjāravu baquinóre. Cainum̄a maje mearo daiye jauvu Jūmenijicu jāinore. Que baru daicōjeiyepo dārīuiyvacari, caivu pōeva eabenajarama jāravu cūiméjāravu baquinóre. Ye boropatebevu buojabenajaramu maja Jūmenijicu

jáinore maje mearo daiyūrīduiyeque. ²²Jūmenijicū toivaicōjenejaquemavū ūi yávaiyede, coreóvare dacuyū majare caivū ijāravucavū daicōjeimarare ne baju āmeina daiyueque. Que baru pōeva ne jū aiyede Jesucristore, Jūmenijicū jáimi nárē boropatebevūpe “Yópe mearo dacacuyūmu”, ūi aiye báquepedeca. Aru ina pōeva jū aivū Jesucristore quévarabu Jūmenijicū jáimara boropatebevūpe.

²³Jesucristoi daquiye jipocare caivū pōeva daicōjeimarape paivū barejaquémauv, maje dārīduiye boje yópe Jūmenijicū daicōjeiyede ūi coyuviye báquepe Moisés báture. Nópe barejaquémauv pū Jesucristoi daiyeta. Cristo ūi daiyede, Jūmenijicū jádovarejaquemavū majare boropatebevūpe ūi jáinore maje jū aiyede Jesucristore. ²⁴Que baru Jesucristoi daquiye jipocare, caivū pōeva juedova coreimarape paivū barejaquémauv. Aru Jūmenijicū daicōjeiyede ūi coyuviye báque Moisés báture majare coreipōecvpe paiye barejaquémauv. Yópe coreipōecvī coreóvare daiyepē juedovare ūajinajivare ne mearo dābedu, nopedeca iye daicōjeiyede coreóvarejaquemavū ūajinajivare, maje āmeina teiye boje. Nópe barejaquémauv pū Jesucristoi daiyeta, maje boropatebenajiyepē aiye Jūmenijicū jáinore maje jū aiyeque Jesucristore. ²⁵Caride Jūmenijicū jáimi majare, Jesucristore jū aivare, boropatebevūpe. Ñuja Jesucristore coreóvaivū, ūre jū aivū, coreimarape āmevutamu iye daicōjeiyede.

²⁶Aru caivū muja Jūmenijicū máramu muje jū aiyeque Jesucristore, ūque curī cūinávūpe. ²⁷Muja jádovaimara mácavū Jesucristoque ocoi curivubu ūque cūinávūpe. Que baru caride cūvū muja Jesucristope arojarivū. ²⁸Que baru caride ye baju

āmevū judío o judío āmech, yebacacū o yebacacū āmech, aru ūmū o nomiō máre. Caivū cūinátarupe paivubu majare, maje cūe boje Jesucristoque cūinávūpe. ²⁹Muja Cristo jina mae boje, Abraham máchi pāramena bajubu muja. Que baru Jūmenijicū mearo dacacuyūme mujare yópe ūi aiye báquepedeca.

4 Maje cūede Jesucristoque ū jinava, daicōjeimara āmevū. Mamacū, bucūrīburu yóboi, cūvacuyūme jípacū jiede. Ubenita juedocū cāreja, jabocū bacuyúvacari, yebacacvpe páyū apevū cōjeimavū ū. ²Juedocū cāreja, apevū jári coreivubu ūre aru ū jie baquiyede máre pū ūnjāravū, jípacū beoijāravū baquinóita, ne dajocarājiyepē aivū ne jári coreiyede ūre aru ūi cūvaede máre. ³Nopedeca vaidéjaquemavū majare máre maje majibede cāreja Jūmenijicū yávaiye méne. Yópe juedova ne cōjeimarape, maja máre yebacavū barejaquémauv, iye daicōjeiyede, majeñecuva ne dārī cōmajiye báqueque.

⁴Ubenita majare nápe paivū bácvare ūnjāravū, Jūmenijicū beoijāravū bácarōi, Jūmenijicū darorejaquemavū mamacure ijāravuita. Ū máre caivū apevū pōevape, cūvarejaquemavū jípacore. Aru pōetedeaquemavū judívacacū. Que baru jū arī Jūmenijicū daicōjeiyede ūi coyuviye báquede Moisés báture cūrejaquemavū ū, mamacū. ⁵Uj daiye boje Jūmenijicū daicōjeimavū páyūvacari, bojedayū buojarejaquemavū ina daicōjeimara mácvare iye daicōjeiyede, ne ūnjimenajiyepē ayū ne vainí tuiye báque boje diede. Aru ūi nōpe daiye báque boje, buojaibi cūre dayū majare Jūmenijicū márapē. ⁶Muje Jūmenijicū mára teiye boje, ū daroibi mamacū Espíritu Santore, ūi cūquiyepē ayū muje ūmei, jádovacuyū jāve Jūmenijicū mārare muja. Aru

ñai Espíritu Santo “mū, jipacū”, arī jēniari buojare daibi caivū majare Jāmenijicāque. ⁷ Jāmenijicui nōpe daiye boje, caride yebacavūpe, apevui daicōjeimarape paivū āmevū mūja. Quénora Jāmenijicui máramu mūja, ūi jāve mearo dācaye boje mūjare yópe ūi aiye báquepedeca. Caiye iye ūi cūvaede ūi jíquiyede ūi mārare jíchuyūme mūjare.

**Pablo ūi dāpiaino aipe
nuquinore Galaciacavūre**

(Hch 16.6; Ro 8.29; 2 Co 3.18;
Fil 3.10; Col 2.8, 20)

⁸ Javede mūje coreóvabede cāreja Jāmenijicure, ijāravūre cōjeivū ne yebacavūpe paivū barejaquémavū mūja. “Jāmenijinamu na”, arī dāpiarīduivū barejaquémavū mūja. Ubenita ye jāmenijina āmemna na. Nai Jāmenijicu cūinácura, caiyede cuedayū bácre coreóvabení mearore jíbedejaquemavū mūja. ⁹ Ubenita caride mūja coreóvaiybū Jāmenijicure, ūi coreóvaiye báque boje mūjare mamarumūre. Que baru, ¿aipe teni dajocaiyūrivurū mūja mūje cuede jocarī Jesucristo que cūinávūpe, yebacavūpe tenajivū bedióva cojedeca iye daicōjeyeque, majeñecuva mácavū ne darī cōmajye báqueque? Iye daicōjeye parubetamu. Que baru mūja ye cādatebemaramu iye daicōjeyeque. Aru cūre dābejarā mūje baju yebacavūpe cojedeca mūje darī bñiyequer yópe judíovape. ¹⁰ Mūja dāpiarīduivūbu mūje daiyede judíovape, Jāmenijicui mearo dacaquiyepa aivū mūjare. Que baru torojuve teivubu yópe judíovape apejāravhai, apevū aviávai, aru apeñjuaí māre. ¹¹ Mūje que daiye boje chīoivū yū mūjare. Que baru, “¿Ye bojecubedi ji bueiyepa báque nāre?” arī dāpiaivū yū.

¹² Mūja, jívu, parurōreca jēniaivū mūjare, mūje darājiyepa ayū yópe ji

daiyepe. Yū judíovacari, dābevū yópe Jāmenijicui daicōjeiyede Moisés báchi toivaiye báquepe. Que baru yū māre dāivū yópe mūje daiyepe. Mūjape teyūbu yū. Diede dajocarejacacū yū. Āmeno dabeteavū mūja yure. Quénora mearo dāvū mūja yure. ¹³ Coreóvavubu mūja yure ijimū mácure. Aru ji ijeteiyepa boje mamarumūre coyucunūcasu Jesús ūi yávaiye mēne mūje yebai. ¹⁴ Aru yure ijié báque boje, copu etaiyūbejebu mūja yure. Ubenita āmeina jāmevūra jaruvabeteavū yure. Quénora me copu etavū yure yópe mūje copu etajūroepa cūinacū ángele, Jāmenijicui daroimūre, aru yópe mūje copu etajūroepa Jesucristore māre. ¹⁵ Mamarumū ji bueiyede mūjare Jesús ūi yávaiye mēne, torojurivū bateávū mūja. ¿Aipe teni torojubevurū mūja caride? Yávacari majivū aipe mūje daiyede dinumūre. Caijíene dajebu mūja, cādatenajivū yure, ívū mūje yacorubare, jínajivū yure. ¹⁶ Ubenita caride jāivubu mūja yure yópe mūje maucubre, ji coyuhiye boje yávaiyede jāvene mūjare.

¹⁷ Apevū, ina bueivū ape yávaiyede, torojure dāiyūrivubu mūjare, mūje me puerājiyepa aivū nāre. Ubenita ne dāiyūriduiye meamejebu mūjare. Mauchubare dārīduivubu mūjare yáque, mūje ju arājiyepa aivū ne bueiyede. ¹⁸ Pōeva ne cādateiyepa apevūre mēmu cainumūha, ne cādatedu nāre ne baju dāpiaino mearoque. Ubenita meamevū ne cādateiyepa mūjare ji cuede mūjaque ubenita ne cādatebe mūjare ji cūbede mūjaque. Que baru cādatejarāri mūjare ne dāpiaino mearoque cainumūha, ji cuede aru ji cūbede māre. ¹⁹ Mūja, jímajinape paivū, bedióva cojedeca nājivū yū mūjare boje yópe ico jñedochvacodo oí nājiyepa. Nājivū yū, jácuyū mūjare Cristope ārojarivure. ²⁰ Pare cārijivū yū mūjare boje. ¿Aipe dārī Galaciacavūre cādateje bárīca yū?”

arī dāpiavu yu. Que baru chiyuriduivu yu mūjaque caride, oatuvacuyu ji coyuiyede mujare.

**Pablo ūi jēvari coyuino daicōjeiyede
dariduivu ne daiyena aru
Jūmenijicu mára ne daiyena máre
pucarā nomiva ne cue báqueque**

²¹ ¿Caivu mūja daiyuriduivu yópe Jūmenijicu daicōjeiyede Moisés báchi toivaiye báquepe, jápiarī eabenaru mūja iye daicōjeiyede? Jāve jápiarī eabevu mūja diede. ²² Jāpiajarā caride Moisés báchi toivaiye báquede Abraham máchi borore. Abraham mácu ina pucarā mamarumu pōeteivu bácvare cūvarejaquemavu pucarōmiva nomivaque. Cūináctu Abraham máchi márepaco yebacacoí mácu barejaquémavu. Aru apecu Abraham máchi márepaco bajui mácu barejaquémavu. ²³ Ñai yebacacoí mácure juedocuvarajquemavu yópe caivu apevu pōevape. Que baru jíbucu pōetedejaquemavu yópe caivu apevu juedovape. Ubenita ñai jímarepaco bajui mácure juedocuvarajquemavu Jūmenijicu coyuiye báque boje cuvarajivu mamacure. Que baru ñimacu pōetedejaquemavu Jūmenijicu pōeva ne darī majibede daiyeque, jípacoi pare buchco bae boje.

²⁴ Maje coreóvaiye Agar bácoi borore aru Sara bácoi borore máre jādovaimico majare ape yávaiyede jāvene. Yópe vaiye báquepedeca ina pucarōmiva nomivare, vaivu pōevare ne voiyede Jūmenijicu me jāquiyepe aivu náre. Apevu daiyurivu yópe Jūmenijicu daicōjeiyede ūi coyuiye báquede Moisés báchre, Jūmenijicu me jāquiyepe ariduivu náre. Aru apevu jū aivubu “Yópe mearo dacachuyu mu mujare”, Jūmenijicu aiye báquede, ūi me jāquiyepe aivu náre. Ico yebacacoí Agar ámicurejaquemavu. Aru ó máco

jādovaimico majare ne daiyede, ina voivare Jūmenijicu me jāquiyepe ariduivu ne daiye boje. Nápe paivabu caivu daiyurivu yópe Jūmenijicu daicōjeiyede Moisés báchi toivaiye báquepe Sinaí ámicuricu cūracū. Que baru yebacavupe paivabu na, ūpe Agar bácoi mácupe. ²⁵ Aru Agar báco jādovaimico majare pucarōa cūrōare, Sinaí ámicuricu cūracūre, Arabia ámicurijoborōcacūre, aru Jerusalén ámicuriímarore ijāravu carore, judíovai ñimaro urarore. Aru ina judíova dariduivu yópe Jūmenijicu daicōjeiyede. Que baru Agar báco népacope pádobe aru ūpedeca yebacavupe paivabu na. ²⁶ Ubenita Sara báco jādovaimico majare apeno ñimaro Jerusalén ámicuriímarore, cavarō mearo Jūmenijicu cūrōre, Jūmenijicure jū aivu ne ñimaro mearore. Aru majá jū aivubu Jūmenijicure. Que baru Sara báco majepacope pádobe aru ūpedeca yebacavupe paivu ámevutamu maja. ²⁷ Que baru Jūmenijicu mára, caivu Jesucristore jū aivu, obedivu barājáramu maja. Ubenita ina dariduivu yópe Jūmenijicu daicōjeiyede ūi coyuiye báquede Moisés báchre, obebejina marajárama na. Nópe arī Jūmenijicu toivaicōjenejaquemavu ūi yávaiyede:

Mu, juedocuvarabeco, torojújaco mu mi ūmei. Mu, ñajimeco cäreja juedocuvaede, codobobo jaco mu mi torojue boje. Que baru ico nomió jímarepaci jaruvaímo máco, ūmucu coéome cojedeca. Que baru mamaara cūvacodome ico ūmucu pueno, arī toivaicōjenejaquemavu Jūmenijicu.

²⁸ Aru mūja, jínu, yópe Abraham máchi mácu Isaac báchi pōeteiye báquepe Jūmenijicu “Yópe baquiyébu” ūi aiye báquepe, nopedeca mūjamu Jūmenijicu mára yópe ūi aiye báque

boje. ²⁹Javede Abraham máchí máchú mamarumú pöeteyú bácu, Agar bácoi mácu, nái ne juedocuvamu máchú yópe caivu apevu pöeva ne juedocuvaepe, nájine dayu barejaquémavu ímacu bácre, Sara bácoi mácre, nái ne juedocuvamu mácre Jümenijicu Espíritu Santoi parure daileyque üi buçuva bácvare. Aru quédecabu caride máre. Ina dare daicōjeiyuriduivu yópe Jümenijicu daicōjeiyepo nájine daivubu majare máre. ³⁰Übenita yópe arí, toivaicōjenejaquemavu Jümenijicu üi yávaiyede: “Ico yebacacoí máchú chvabecuyume jípacu chvaaede. Quénora ico üi márepaco bajui máchú chvacuyume caiye jípacu chvaaede. Que baru jaetovajacu ico mi yebacacore aru mamacure máre yore jocarí”, arí toivaicōjenejaquemavu Jümenijicu. ³¹Muja, jívh, que baru maja yebacacoí márape paivu ámevu maja. Quénora majamu majepacuí márepaco bajui márape paivubu. Que baru mearore cuvarájaramu maja, majepacu Jümenijicu jíquiyede majare.

Yebacavupe tebejarā muja cojedeca

(Mt 19.19; 20.26; Jn 8.32-36;
Ro 13.8-10; 1 Co 5.6)

5 Maja yebacavupe paivu bácvare májeñecuva ne darí cõmajiye báqueque jave meadaibi majare Jesucristo. Ürecabe bojedacayu bácu maje ámeina teiyede, maje curájiyepe ayu me Jümenijicuque. Que baru maja, Jümenijicu mára, ju áavaivubu Jesucristore. Que baru jápiarí adabejará ina dare daicōjeiyurivare yópe Jümenijicu daicōjeiyepo üi coyuíye báquede Moisés bácre.

²Jápijará yure. Yávacari, Jesús üi yávaiye méne beorí coyuicōjeimara-
cacu, coyuivu mujare. Muje buraicō-
jenu muje cajede Jümenijicu me jáicō-
jeniduivu mujare yópe ina dare daicō-

jeiyurivu ne daicōjeiyepo, Jesucristoi yaiye báque bojecubequiyebu mujare. ³Bedióva cojedeca paruróreca coyuivu mujare. Ácu pöecu buraicōjeñu maru üi cajede daiye jaçebu üre yópe cai-
jíe Jümenijicu daicōjeiyepo üi coyuíye báquede Moisés bácre. ⁴Mujacavu vorí eaiyuriduivu Jümenijicu jáquiyepo aivu mujare boropatebevare, muje daiye boje yópe üi daicōjeiyepo üi coyuíye báquede Moisés bácre, jave coatedavu muja Cristore jaravarí. Mujacapúravu jave ubeni jaruvadavu mujare jaravarí Jümenijicu jíyede pöevare bojecubeda üi me boje. ⁵Übenita majacapúravu napini coreivubu aru jáve coreóvaivubu Jümenijicu jáquiyede majare boropate-
bevare üi Espíritu Santoi parueque maje ju aiyede üre. ⁶Que baru maje chede Jesucristo que cüinávare ye baju ámevu buraicōjenu o buraicōjemenu maje ca-
jede. Übenita maje ju aiyede Cristore apevu pöevare urí, mearo dacaivubu maja, cadateivu náre. Aru diedecabu bo-
jescue majare.

⁷Mamarumure me nure nurejavu muja muje chede Jesucristo que cüinávare. ¿Name matedí dajocare daivu mujare muje ju aiyede iye yávaiyede jävene? ⁸Ácu pöecu Jümenijicu ámemi. Jümenijicu mujare cutuyube ü jina márajivuva. Que baru ucube muje ju are nürajiyepe ayu Jesucristore. ⁹Yópe pöeva ne quíjie páure buçure daiyeque buçuóvainope Caino jívaibore, nopedeca obebe bueiye jáve áme meamene darí bujoiaivu obedivu pöevare. ¹⁰Muja aru yu máre curivubu Jesucristo que cüinávare. Que baru majivu yu Jesucristo cadatecuyare mujare, muje dápiare nürajiyepe ayu ji dápiayepe. Aru yácapúravu majivu Jümenijicu nájine dacuyare nái mujare cärijovañure, ye baquinó ámevu ácu pöecure.

¹¹ Mūja, jívn, yúcapūravu “Ūmūvare ne cajede buraicōjeiye jaūvu mūjare”, ji arī coyure naru, ina judíovacārijo-vamejebu yure. Aru ji buraicōjenu ūmūvare ne cajede, ina judíovacapūravu cārijimejebu ji coyuiye boje Jesucristo yaiye báquede joc̄cjaravena. Ubenita na cārijivutamu, ji pōevare ju aicōjeiye boje Jesucristore, ne curājiyepe ayu me Jūmenijichue. Que baru cārijovadama yure āmeno ji vaiquíyepe aivu. ¹²Ina mūjare cārijovare cuivure, buraicōjeiyurivure mūje cajede, nācapūravure cūiná burarī jaruvaicōjejara ne cajede.

¹³ Mūja, jívn, mūjarecabu Jūmenijichui cutuimara mácavu ū jina mára-jívn, dabenañivu iye daicōjeiyede yebacavupe. Ubenita me jájara diede, yebacavupe tede daiyede. Mūjare daiye jaube boje iye daicōjeiyede, “Caiye maje āmeina daiyuede darī bhojaivubu maja”, arī dāpiabejarā. Quénora dāpijarā mūje baju yópe yebacavupe, cadate-najivu mūjacavu Jesúre ju aipōevare, mūje ue boje caivu Jesúre ju aivure. ¹⁴Caiye iye Jūmenijichui daicōjeiye ūi coyuiye báque Moisés báture aru caiye ape daicōjeiye máre cnebu cūináromia yópe: “Mūja coapa ujarā mūjevure yópe mūje nēpedeca mūje bajure”, aiyuebu iye. ¹⁵ Ubenita mūja jijatede nūivu baru mūje bajumia aru boaivu baru mūje bajumia yópe āimara jijecurivupe, me jájara mūja, bijare cuiye mūje me cneude mūje bajumia.

Pōeva ne āmeina daiyue aru Jūmenijichui Espíritu ūi mearo daicōjeiye

(Ro 6.3-14; 7.15-23; Gá 2.20; 6.14)

¹⁶ Yópe coyuiyuvu yu mūjare. Nai Espíritu Santoi daicōjeiyepe daivu cnejarā mūja ūi urōpe. Dabejarā yópe mūje baju āmeina daiyuepe. ¹⁷Maje baju āmeina daiyue Espíritu Santoi mearo daicō-

jeiyepe āmevu. Quédeca Espíritu Santoi mearo daicōjeiye maje baju āmeina daiyuepe āmevu. Mauchavarōreca painotamu no. Ubenita maje ju aiyede ūi Espíritu Santore, darī bhojabevu yópe maje āmeina daiyuepe. ¹⁸Mūja daivu baru yópe ūi Espíritu Santoi mearo daicōjeiyepe, daicōjeimarape paivu āmevu mūja Jūmenijichui daicōjeiyeque ūi coyuiye báquede Moisés báture. Que baru darīduiye jaubevu mūjare diede, mūje curājiyepe aivu me Jūmenijichue.

¹⁹ Caivu majima aipe ārojae ne daiyede ina ne baju āmeina daiyueque daivu. Āmeina daivubu apevque nēmarebucuva āmevuque, curivubu āmeūmeque, aru caino āmenore daivubu. ²⁰⁻²¹Mearore jívnubu pēpeimarare, aru yaviéde daivubu. Maucuvarivubu ne baju, jaraivubu, tebutieivubu, jijateivubu ubenina, aru daivubu ne baju urōpe dāpiabevu mearore o āmenore apevure. Jarare daivubu apevure, yajuboa tede daivubu mauchavarājivu apeyajubocavuque, aru jorojivubu. Pacoteivubu, būjique ūcuri aru urarō arī torojuve teivubu, aru apeno nōpe paino urarō āmenore darī cōmajivubu na. Parurōreca coyuiyuvu mūjare diede, nōpe ji coyuiye báquepedeca mūjare javede, mūje majinajiyepo ayu Jūmenijichui jabotebecchue ina nōpe daivure.

²² Ubenita daivu maja yópe ūi Espíritu Santoi mearo daicōjeiyepe, yópe ārojaetamu maje daiye. Utrivubu apevure. Torojuvirubu maje ūmei. Curivubu me cārijimevuba. Aru napivubu. Mearo daivubu apevure. Cadateivubu apevure. Aru jāvene daivubu yópe “Darājare”, maje aiye báquepedeca. ²³Meara pōevape curivubu me. Aru maje bajure curī majidivubu. Nōpe daiyede caiye daicōjeiye bijarorī bhojabevu.

²⁴ Jesucristo ūi yaiyede jocucuaravena jaruvarejaquemavu maje āmeina teiyede. Que baru maje cuedé Jesucristo que cūinávupe, dajocaivabu maje āmeina teiye báquede aru jāve dabevu yópe maje āmeina daiyuepe. ²⁵ Nai Espíritu Santo apure daibi majare mamaūmeque. Que baru ūre coreicōjeiye jaunv majare caiye maje daiyede, maje dápiaiyede máre. ²⁶ “¿Meara márlica apevu pueno?” arí dápiaiyede jaubevu majare. Majacavure jarare daiyue jaubevu majare. Aru jorojine daiye máre jaubevu majare.

Cadatejarā muje baju

(2 Ts 3.13)

6 Muja, jívh, cūinách mujacacu ūi vainí tħru āmeina dayu, muja nai Espíritu Santo daicōjeimara cadatejarā ūre, ūi dajocaquiyepē aivu ūi āmeina teiyede. Ména meadarī, cadatejarā ūre. Aru me jājara, muja máre vainí tħbenajivu ūpe. ² Muje baju cadatejarā, apecu ūi nájimequiyepē aivu. Nópe daivu baru, daivabu muja yópe Cristoi daicōjeiyepe.

³ Ách pōecu “Mearo daivu yu”, arí dápiaiyu baru mearore dabecuvacari, ūi bajuma jujovayube ū. ⁴ Caivu jāri corevajarāri ne baju daiyede, coreóvarājivu mearore o āmenore. Aru nai mearore dayu torojacurī ūi nópe daiye boje. Ubenita jāmecuva apevu ne daiyede, “¿Name pueno mearore dari?” arí jēniari jāmejacurī ū. ⁵ Que baru muja coapa me jāri corevaiye jauvu mujare muje daiyede.

⁶ Nai bueyuh Jūmenijicu yávaiye méne jíjacurī ūre bueipōecure apejē ūi me cūvaede, que dari cadatecuyu ūre bueipōecure jauede.

⁷ Muje bajumia apecure jujovacōjemejara. Jūmenijicu bojedacuyume caivu pōevare yópe ne daiyepedeca. Que baru pōecu cūbebi jujovari bħojaxu Jūmenijicure. ⁸ Nai dayu yópe ūi baju

āmeina daiyuepe ūi baju āmedarī coatecuyume Jūmenijicure jaravarī aru nájichuyume cainumua. Ubenita nai dayu yópe nai Espíritu Santo mearo daicōjeiyepe cħvacuyume jāravu cūiméjāravu baquinóre Cristo que. ⁹ Que baru uetubevva mearo darājarevu, Jūmenijicui bojedaquiyepē aivu majare me ānijāravu, ūi beoijāravu baquinói. Majare me bojedacuyume, maje uetubevva dajocabedu maje daiye méne, caðatenajivu apevare. ¹⁰ Que baru mearo darājarevu caivu pōevare cainumua. Aru pueno mearo darājarevu majacavu Jesúre ju aivu.

Pablo ūi majicaino aru meaicōjeino Galaciacavure

(Jn 3.3-7; 2 Co 5.17)

¹¹ Jājara muja caride yo ji toivacainore mujare ħararōa toivainu ji bajui. ¹² Ina pōeva buraicōjene daiyuriduvu mujare muje cajede nōpe daivabu, judíova ne me jārajiyepe aivu náre. Ubenita nōpe daivabu, ina judíova ne nájine dabenajiyepe aivu náre yópe ne nájine daiyepe ina coreivure Jūmenijicui meadaquiyede náre Cristoi yaiye báque boje jocucuaravena. ¹³ Ina buraicōjeivuvacari ne cajede dabenama yópe Jūmenijicui daicōjeiyede ūi coyuiye báquepe Moisés bácur. Ubenita buraicōjene daiyuriduvu mujare, yópe torojurī “Ina pōeva ju arí, buraicōjedama ne cajede yópe nuje daicōjeiyepe náre”, arí coyurajivu. ¹⁴ Ubenita ye baju āmevu yure yópe ne daicōjeiye. Quénora torojuvu yu ji ūmei yo boje: Jesucristo yaidéjaquemavu jocucuaravena yure boje. Que baru caride ubevu yu caiye iye āmeina teiyede ijāravuvacavu ne daiyede. Yu ye dápiabevu yópe ijāravuvacavu ne dápiaiyepē. Aru na máre ubenama yure caride. ¹⁵ Que baru ye baju āmevu pōecui

buraicōjenu ūi cajede o buraicōjemenu. Quénora bojecʉvʉ majare maje cʉede mamarʉmu pōeteivʉpe meaūmeque.
¹⁶Jūmenijicʉ torojʉrivʉ me cʉre dajacʉrī cārijimevhva aru cōmaje āroje jājacʉrī caivʉ ina daivʉre yópe ji bueyepe Jesucristoi daicōjeiyede. Ina nópe daivʉ jāve Jūmenijicʉ pōevatamu na.

¹⁷Yūrecabu cʉvacʉ ji churiá báquede ji bajui, ji memecaiye boje Jesúre. Que baru yo jipocare ina Jesucristore jʉ aivʉre cārijovaivʉ chīore dabejarāri yure.

¹⁸Majə, jívʉ, maje jabocʉ Jesucristo mearo dacajacʉrī mujare maje ūmei bojecʉbeda ūi me boje. Quédecabu. Quénoram.

Efesios

Mamabuínore coyuíyebu Pablo bácu ñi toivaicójeiye báquede paperayocare Éfeso ãmicuriímarocavu Jesúre ju aipóevare. Pablo bácu judíovacacu bácuvacari, Jesús ñi yávaiye méne beorí coyuicójeimavu marejaquémavu, coyuicnyu ñi yávaiye méne judíova ãmevure, judíova ne ju abe boje ñi coyuíyede. Lucas bácu coyuírejaquemavu Pablo báchi borore Hch 7:57-8:1, 9:1-31, 13:1-28:31, aru Éfeso ãmicuriímarocavu ne borore Hch 18:19-20:1, 20:17-38. Javede Pablo bácre toivacaipóescu bácre toivaicójenejaquemavu pucayoca ñi paperayocare Tesalónica ãmicuriímarocavure, aru pucayoca ñi paperayocare Corinto ãmicuriímarocavure, ñi paperayocare Galacia ãmicurijoborócauvure, aru ñi paperayocare Roma ãmicuriímarocavure máre. Apevu ne dápiaiyepo, javede toivaicójenejaquemavu ñi paperayocare Filipos ãmicuriímarocavure. Toivaicójenejaquemavu yóbecuriyoca ñi paperayocare ãpiñju bácarore 60 d.C., ñi cueda aameina teivure jéni jacoíñami Roma ãmicuriímaroi, cüináyocare Éfeso ãmicuriímarocavure, apeyocare Colosas ãmicuriímarocavure, aru apeyocare Filemón mácre. Tíquico bácu nñavarejaquemavu iyoca yóbecuriyocare cüinátu ñi nuiyede Roma ãmicuriímarore pu Asia ãmicurijoboró. Pablo bácu coyuírejaquemavu ñire toivacaipóescu bácre aipe ñi toivacaquiye báquede diyocare.

Diyocaque Pablo bácu coyuírejaquemavu Jümenijicu coreóvaiye báquede ñi cuedaquiye jipocamia caivure aru caiyede máre, epecuyure caivu Jesúre ju aipóeva márajivure, judíova aru judíova

ãmevure, yópe cüináyajubocavupe aru Jesucristo maje jabocuva. Pablo bácu jádovarejaquemavu maje cueda Jesucristo que cüinávupe yóbecue ñi jévari coyuíyequ: maja yópe cüramipe aru Cristo yópe cüramipe cüramítobu (2:20-22); maja yópe pöecu bajupe aru Cristo yópe maje jipobu (4:15-16, 5:23); aru maja yópe jímaperapcope aru Cristo yópe majemarepacupe (5:27-32). Aru Pablo bácu maucuvaicójenejaquemavu Jesúre ju aipóevare abujuscque jévari coyuíy u yópe churara ñi cürinu ñu bácarócasu bácu ñi cüvaepe (6:11-17).

Pablo ñi meaicójeino Éfesocavure

(Hch 18.19-21; 19.1)

1 ¹⁻² Yü, Pablo, meaicójeivu mäjare, Éfeso ãmicuriímarocavure Jümenijicu pöevare. Yübu Jesucristoi yávaiye méne beorí coyuicójeimaracacu. Yu toivaicójeivu apecure iyoca paperayocare mäjare, Jesucristore ju aivure dajocabevuva aru curivure ñique. Majepacu Jümenijicu, maje jabocu Jesucristomaque, mearo dacajachri mäjare bojecubeda ñi me boje. Aru torojurí cüre dacajachri mäjare cärijimevuvu.

Cristo ñi mearo dacaino maje ümene

(Mr 10.45; 14.24; Lc 24.49; Jn 14.26; 16.13-15; Hch 1.4; 2.33; 9.12-14; 2 Co 1.22; Col 1.14)

³ Jínajarevu Jümenijicure mearore, maje jabocu Jesucristoi mearore jímure, jípacure máre. Ürecabe mearo dacayu majare, maje cüe boje Cristo que cüinávupe. Maje ümene mearo dacaiibi ñ caiye méque, ñi jaboteiye boje majare.

⁴ Javede Jümenijicu cuedaquiye jipocamia ijárauvure, beorejaquemavu majare ñi pöeva márajivu, maje curájiye boje Cristo que cüinávupe. Majare beorejaquemavu, maje curájiye ayu pueno meara baju aru ye ãmeno cübevu ñi jainore.

⁵ Jāmenijicu ue boje majare, jipocamia majidejaquemavu epecchuyre majare ūi mārape paivu báräjivre Cristoi daquiye boje. Ūi үrōpe daiyuch, “Que dacchuymu yu”, arī dāpiarejaquemavu Jāmenijicu.

⁶ Jídevu Jāmenijicure mearore, ūi үrarō mearo dacaibe boje majare. Ūi daroibe báque boje mamaçure, pare ūi umure, үrarō mearo dacarejaquemavu majare. ⁷ Jesucristoi jive meiye báque boje ūi yaiyede, bojedaibi majare, jodecuyu. Que baru Jāmenijicu ārumeteibi maje vainí turí āmeina teiyede. Que daibi Jāmenijicu ūi үrarō mearo dacaibe boje. ⁸ Pueno үrarō baju mearo dacaibi majare ūi majiéque, maje me coreóvarí daräjiyepayu. ⁹ Jāmenijicu majide daibi majare ūi үrōre yo jádovameno mácarõre jipocamia ubenita jádovainore caride. Que daibi majare yópe ūi үrōpe, maje majinajiyepayu caiye iye ūi mearo dacaquiyede majare, Cristoi daiye báque boje. ¹⁰ Iye ūi daiyuhed dacchuyume Jāmenijicu änijäravu, ūi beoijäravu baquinói. Cójijovachuyume caivu ūi cuedaimarare, cavaröcavure aru joboröcavure máre, Cristoi jabotequiyepayu caivure.

¹¹ Jāmenijicu beorejaquemavu ñujare judíova Jesúre ju aivure, epecchuyu ūi pöevare Cristoque cüinávure. Jipocamia Jāmenijicu majidejaquemavu nöpe dacchuyre yópe ūi dāpiari daiyuröpe. Jāmenijicurecabe ñai vaidé dayu caiyede yópe ūi үrōpe. ¹² Que baru caivu ñujare, mamarumucavu napini coreivure Cristoi meadaquiyede ñujare, Jāmenijicu mearore jícojeimi ñujare ūre, ñuje mearore jímu macchuyá cainumua, ñuje cudec careja. Mearore jíye jaunu ñujare Jāmenijicure, ūi me boje caivu pñeno. ¹³ Aru mñjare máre epedejaquemavu Jāmenijicu ū jinare Cristoque cüinávure. Mñje

jápiaiye báquede iye yávaiyede jåvene, Jesucristoi yávaiye méne, ju arejaquemavu mñja diede. Que baru dinumure ñai Espíritu Santore darorejaquemavu mñjare Jāmenijicu yópe “Jíchuyumu”, ūi aiye báquepedeca. Úre darorí, jádovarejaquemavu mñjare ū jinare. ¹⁴ Nai Espíritu Santoi che boje mñjaque, majivu maja jåve cavaräjivre caiye iye méne Jāmenijicu “Jíchuyumu” ūi aiye báquepedeca. Que baru majivu maja Jāmenijicu meara baju dacchuyre majare, caivu ū jina märajivre, yópe ūi үrōpe. Que baru jínajarevu mearore ūre.

**Pablo ūi jéniaino Jāmenijicuque
ūi majide daquiyepe ayu
Jesúre ju aipöevare**

(Mt 22.44; 1 Co 15.27; Col 1.18)

¹⁵⁻¹⁶ Jāmenijicu mearo daiye boje caiye iyede, torojüede jívu yu ūre. Jápiaivu yu mñje borore, ju aivure maje jabocu Jesúre aru үrivure caivu Jāmenijicu pöevare máre. Diede ji jápiaivumácarõre pü caride máre, dajocabecuva jívu yu torojüede Jāmenijicure mñjare boje. Cainumua ãrvu mñjare ji jéniaiye coapa Jāmenijicuque. ¹⁷ Jéniaivu yu maje jabocu Jesucristoi mearore jímure, ñai majepacu meachu bajure, ūi majide daquiyepe ayu mñjare mñje ümei, mñje coreóvaräjiyepayu Jāmenijicu jádovaiyede mñjare jåvene. Que jéniaivu yu, mñje coreóvarí nura-jiyepayu Jāmenijicure pñeno baju me.

¹⁸ Jéniaivu yu Jāmenijicure, ūi dāpiare daquiyepe ayu mñjare me nurié, mñje majinajiyepayu ūi mearo dacaquiyede mñjare. Mñjarecabu ūi cutuimara mácavu, napini corenajivu ūi mearo dacaquiyede mñjare. Üvu yu mñja coreóvaivure iye mñje napini coreiyede. Mñjavacari cavaräjaramu ūi үrarō mearo dacaquiyede mñjare yópe “Jíchuyumu” ūi aiye báquepe caivu ūi

põevare. Üvh yu maja coreóvaivure iye maje cavarajiyede.¹⁹⁻²⁰ M̄yjarecabu cavarivu ūi paruede pueno urarō bague. Iye ure parue cūiméque Jūmenijicu cadateibi majare, caivu Jesucristore ju aivure. Üvh yu maja coreóvaivure iye maje parue cavaade. Yópe iye Jūmenijicu majié paruequé ūi nacovaiye báquepe Cristore yainore jaruvāri aru yópe iye ūi dobare daiye báquepe máre ūre ūi meapūravu yebai cavarō mearoi, quédecabu iye ūi majié paruequé. Dieque cadateibi majare Jūmenijicu.²¹ Aru ñai Cristorecabu jaboteyu caivu jabova pueno. Caivu cōjeivure, parurivure, pūrūcavarivure, aru jabovare máre pueno jaboteyuhe Cristo, cavarōcavure aru joborōcavure máre. Que baru caivu náre me pueadaiye jaavu ūre. Quédecabu caride ijāravu. Aru quédeca baquiyébu mamajāravu, Jūmenijicu ðaquiijāravu máre, ijāravu cūiniburu yóboi.²² Majepacu Jūmenijicu epeibi Cristore ne jabocuva caivure. Caivu pöeyajuboacavu Jesúre ju aivure ijāravu, Jūmenijicu epeibi ūre majae jabocuva.²³ Maje c̄e boje Cristoque, jaubevu ūre. Yópe ūi majaque cucus buojaiyepe ijāravu, buojaiibi ū. Nope-deca Cristoi c̄e boje cainore, ijāravure aru cavarō mearore máre, jaboteyuhe caiyede.

Jūmenijicu ūi meadaino majare ūi mearo dacaiye bojecubeda

(Ef 6.11-12; Col 1.13; 2.13; 3.6)

2 Javede majarecabu yaivu bácvape maje ūmei coateimara mácvuhe maja Jūmenijicure jaruvāri, maje vainí tuiye báque boje aru maje āmeina daiyue báque boje máre.² Dinumu mácarōre maja curivu barejaquémavu āmeina daivu yópe ijāravucau ne c̄epe āmeina daivu. Maja ju aivu barejaquémavu ñai āmecu, abujuvai jabocure. Ūre-cabe buoyu ina pöeva Jūmenijicure ju

abevure.³ Javede maja caivu, ina Jūmenijicure ju abevupe, curivu barejaquémavu, āmeina daivu. Maje āmeina daiyuepe ðarī, maje baju үrōpe ðarī, aru maje ūme dápiaiyepé máre daivu barejaquémavu maja. Que baru majare Jūmenijicu āmeina jāri, ñajine dacayu barejaquémavu caivu apevu pöevape maje āmeina teiye boje.⁴ Maja Jūmenijicu ñajine ðarājimara majurórvuvacari, pare cōmajae ūroje jāimi majare ū, ūi urarō baju ue boje majare.⁵ Que baru ū jāñu mácvuvacari majare yaivu bácvape paivure maje āmeina teiye boje, apure daibi majare apue mamaequé yópe ūi nacovaiye báquepe Cristore yainore jaruvāri. Nopedeca jāimi majare Cristoque cūinávupe. Que baru curivubu maja apue mamaequé. Jūmenijicu mearo dacaiye bojecubedecabu meadaiye majare.

⁶ Maje c̄e boje Cristoque cūinávupe, yópe Jūmenijicu nacovaimara mácvape yainore jaruvāri curivubu maja caride. Aru Jūmenijicu jāimi majare yópe ūi jaboteimarape, ñai abujuvai jabocu biobe boje majare caride. Jūmenijicu jāimi majare yópe ūi dobare daimara mácvape Cristoque cavarō mearoi.⁷ Nópe daibi, jāðovacayu caivu pöevare cainumua pueno urarō mearo ūi cōmajae ūroje jāiyede mearo dacayure bojecubeda majare, Cristoque curivure cūinávupe.⁸ Jāmenijicu mearo dacaiye bojecubedecabu ūi meadaiye majare maje āmeina teiyede jaruvāri, maje ju aiye boje ūre. Maja meadarī oabevu maje bajumia. Jūmenijicurecabu meadayu majare.⁹ Übenita meadabebi majare maje mearo daiye boje. Maje mearo ðarðuiye quíjie bajutamu. Que baru urarō jaurōtam. Ye meadaiye majibevu maje bajumia. Quénora Jūmenijicu meadaibi majare ūi mearo dacaiye bojecubequ. Que baru

pōecu cūbebi “¿Meacu bárica yu?” arí bhojayu. ¹⁰ Jūmenijicu recabe nai cuedayu majare. Apue mamaeque cure daiyurejaquemavu majare, maje mearo darājiyepe ayu caivu pōevare cainumua. Que darejaquemavu ūi cutuiye báque boje majare, maje ju arājiyepe ayu Cristore. Jipocamia “Dajarāri na mearo matuyeda”, arí dāpiarejaquemavu Jūmenijicu majacurājivurā Cristoque cūinávupe.

Maje cūe cārijimenoque Cristoi daiye báque boje

(Mt 21.42; Jn 14.27; 1 Co 3.16-17; Col 1.20; 2.14; 1 P 2.4-5)

¹¹ Mūja, judíova āmevu, dāpiajarā aipe mūje cūe báquede javede. Mūje pōeteiyep báquede ijāravhi, Jūmenijicu pōeva āmenejaquemavu mūja. Nūja ūmava judíova buraicōjeivu ūje cajede, coreóvare darājivu ūje baju Jūmenijicu pōeva, āmeina jārejaquemavu mūja buraicōjemevure. “Jūmenijicu coreóvabevubu”, aivu barejaquémavu majare. Ubenita iye buraiye ūmavai bajure pōeva ne daiyedecabu ne bajumia quénora. ¹² Dinumua mácarōmiareca curivu barejaquémavu mūja Cristore cūvabevuva. Jūmenijicu pōeva ūi beoimara mácavu āmenejaquemavu mūja. Que baru cūbevu barejaquémavu mūja Jūmenijicu pōevaque. Jūmenijicu “Mearo dacacuyumu yu mūjare”, ūi arí coyuhiye báque boje ūi pōevare, “Yurecabu mūje jaboci. Aru mūjarecabu ji jaboteimara”, arí coyuhejaquemavu na mácavure. Ūi nōpe coyuhiye báquede, ye coyubedejaquemavu mūjare. Ijāravhi curivu barejaquémavu mūja Jūmenijicu coreóvabevuva. Que baru, “Ye meadaimara āmenajaramu maja”, arí dāpiarejaquemavu mūja. ¹³ Ubenita caride curivbu mūja Cristoque cūinávupe. Mūja Jūmenijicu pōevacavu

āmenejaquemavu javede. Ubenita caride cójijovaimaramu ūjaque. Que daibi mujare Jūmenijicu, Jesucristoi jive meiye báque boje ūi yaiyede.

¹⁴ Jesucristorecabe cure dayu majare cārijimenoque. Javede maucuvaviru barejaquémavu maje baju, judíova aru judíova āmevuque. Maje baju coateivu barejaquémavu maja. Ubenita Jesucristo ūi yainoque jarvarejaquemavu majare coatede daino mácarōre, cure dacuyu majare yópe cūináyajubopeda, judíovare aru judíova āmevure máre. ¹⁵ Cristoi yaiye báque boje, coreóvaiybubu maja bhojabenajivure boropatebevu Jūmenijicu jáinore maje darāduiye boje yópe ūi daicōjeiyepo ūi coyuhiye báquede Moisés bácare. Aru Cristoi nājicaiye báque boje caivure iye daicōjeiyepo dabevure, coreóvaiybubu maja Jūmenijicu nājine dabenajimarare, maje dabe boje yópe ūi daicōjeiyepo. Que baru ina pucayajubo pōeyajuboacavu bácvu Jesúre ju aivure, cūináyajubo mamayajubo pōeyajubocavure cūedarejaquemavu ū, ne curājiyepe ayu ūque cūinávupe. Que baru cārijimenoque cūvu maja caride. ¹⁶ Nūja judíovare aru mūja judíova āmevure máre, Jūmenijicu jáimi majare cūináturura boropatebevure. Cristoi yaiye báque boje joscucjaravena, bhojarejaquemavu ina pucayajubo pōeyajuboacavu ne maucuvae báquede ne baju. Que teniburu yóboi, cójijovaiyi majare cūináyajubo pōeyajubocavure, cārijimevure cure daibi majare Jūmenijicuque ūi yaiye báque boje joscucjaravena.

¹⁷ Que baru darejaquemavu, coyuhicōjecuyu iye yávaiye méne pōevare cārijimena cure daiyede Jūmenijicuque. Diede coyuhicōjecudaibi mūjare, judíova āmevure, Jūmenijicu pōeva āmevu bácvure. Aru ūjare máre, judíovare, cainumua Jūmenijicu pōevare, coyuhicō-

jecudaibi ū iye yávaiye méne. ¹⁸ Cri-storecabe jéniare dayu caivu majare ma-jepacu Jūmenijicque. Úi yaiye báque boje, cüre daibi majare ūque cüinávüpe. Ñai Espíritu Santo cüinácu cadateibi caivu majare, judíovare aru judíova ámevüre máre, maje jéniarajiyepo ayu majepacu Jūmenijicque.

¹⁹ Que baru caride muja, judíova ámevü, Jūmenijicu pöeva ámevüpe cübevu muja. Ijárvucavu Jūmenijicure ju abevüpe paivu cübevu muja caride. Quénora Jūmenijicu pöevatamu muja. Cavarō mearocavüpe paivutamu muja. ²⁰ Maja Jūmenijicu pöeva ūi cüramipebu. Cüraque dañamipebu diñami cürami. Ñuja Jesúre ju aivu ne daroimara coyurajivu Jesú ūi yávaiye méne aru Jūmenijicu yávaiyede coyuscaipöeva mamarumüre ju arejacarā ñuja Jesucristore. Aru bueni bárejacarā iye ūi yávaiye méne.

Que baru ñujatamu yópe cürava Jūmenijicu mamarumü epeivape cürami cächinore. Aru mujatamu yópe apeva cürava ūi epeivape ñuje pñenora, muje ju aiye boje ūre ñujapedeca. Aru Jesucristorecabe yópe cüravape cüramitobu, paruriva apeva pñeno. ²¹ Yópe ñai cüramine daipöecu caiva cürafare ūi tuoiyepo ároi thoije jauroi, nopedeca Cristorecabe epeyu majare ároi majare cüe jauroi. Yópe ñai cüramine daipöecu vori, cójijovari tuoire naiyepo apeva cürafare buojacuyu diñami ūi dañami cüramine, nopedeca Cristorecabe ūre ju are nure daivu tenajiyepo ayu Jūmenijicure memecaivüre. Yópe cüramine daipöecu meadami cüramine daiyepo pöeva ne Jūmenijicure mearore jínajiñamine, nopedeca Cristorecabe pñeno meara baju dayu ūre memecaivüre, maje cüe boje ūque cüinávüpe. ²² Que baru muja judíova ámevü máre curivu ūque cüinávüpe, Jūmenijicu

cójijovaimaramu caivu apevu Jesucristore ju aipöeva que. Aru ñai Espíritu Santo cubi mujaque máre. Que teni apevu majare jári, Jūmenijicure puedarí jínajarama mearore majare boje.

Pablo Jesú ūi bueicöjeimu ūi yávaiye méne judíova ámevüre

(1 Co 15.9; Gá 1.12;
Col 1.25-27; 3.12-13)

3 Muja judíova ámevü, muje Jūmenijicu pöeva teiye boje, jéniaivu yu ūque mujare boje. Yü, Pablo, bhoimumu ámeina teivüre jení jacoñami jívui, ji coyhiye boje Jesú ūi yávaiye méne. Jesucristore memecayubu yu muja judíova ámevüre boje. ² Jäve majidivubu muja Jūmenijicu epeyu báture yure, ji memecaquiyepo ayu ūre mujare boje, ūi mearo dacaiye bojecübeda. Que teni yure coyure daibi mujare iye ūi mearo dacaiye bojecübeda. ³ Jūmenijicu majide daibi yure ūi dápiaiye báquede javeita Cristorä, yo jádovameno mácarõre jipocamia ubenita jádovainore caride. Que baru obebecamuaque toivaicöjeivu mujare diena.

⁴⁻⁶ Yópebu ūi dápiaiye báquepe jipocamia: Muje jápiaiye boje Jesucristoi yávaiye méne, muja judíova ámevü Jūmenijicu meadaimaramu ñuja judíova que. Ñujaque jacoburajaramu muja caiye iye Jūmenijicu mearo dacaiyede, ūi jíquiyede ūi pöevare. Ñujaque cüináyajubo pöeyajubocavubu muja. Que baru ñujaque mearo dacacuyame mujare Jūmenijicu yópe ūi aiye báquepe. Caiye iye mujetamu, muje cüe boje Jesucristo que cüinávüpe. Iye ji toivaicöjeiye báquede jáivu baru coreóvarajaramu muja yure me majicure Jūmenijicu urõre yo jádovameno mácarõre

jipocamia ʉbenita jádovainore caride. Javede ácu pōecure Jūmenijicu jádovamenejaquemavu diede, ʉi dápiarí jádovame máquede. Que baru javede, "Judíova quévuramatu Jūmenijicui meadarājimara", arí dápiarídurejaquemavu. Ɂbenita caride ñai Espíritu Santore majide daibi Jūmenijicui dápiayurōre, ʉuja Jesúre jü aivure ne daroimare coyurājivure Jesú ʉi yávaiye méne aru Jūmenijicui yávaiyede coyucaipōevare, ʉre memecaivure.

⁷ Yurecabu Jūmenijicui beorí epeimʉ ʉre memecachuyva. Ӯi majide daibe bojecubeda yure, bueyubu yu Jesú ʉi yávaiye méne. Majide daibi yure ji ʉmei ji buequiyepo ayu ʉi ʉrarō majiéque. ⁸ Yurecabu caivu ina Jūmenijicui pōeva ne cāchinocacupe páyʉ baju. Ɂbenita Jūmenijicu ʉrarō mearo dacalibi yure, bueicōjeñu ʉja judíova ámevure iye yávaiye méne, ʉje coreóvarājyepo ayu aipe baju meacure ñai Cristore aru aipe ʉrarō mearo cūiménore dacayure ʉre jü aivure. ⁹ Jūmenijicu ʉi dápiainore jádovameno mácarore coreóvare daicōjeimi yure pōevare cūinátarura beobecuva. Ñai cuedayʉ bácu caiye ijāravquede yópe ʉi daiyhepe daibi ʉi cuedariburu yóbore pu carita. ¹⁰ Que daibi Jūmenijicu caivu cōjeivure aru parurivure máre, ángelevare aru abujuvare máre, ne coreóvarājyepo ayu caride ʉ majicure caiyede aru caiye ʉi dápiayiye me matuiyede. Diede coreóvarājarama ne jáyede Jūmenijicui daiyede ʉ jinare caivu Jesucristore jü aivure.

¹¹ Que baru Jūmenijicu darejaquemavu yópe ʉi dápiarí daiyurōpe, "Que dacuyumu" ʉi aino mácarōpedeca, ijāravure ʉi cuedaquiye jipocamia. Maje jaboci Jesucristoi daibe báque boje, Jūmenijicu darejaquemavu caiyede ʉi ʉrōpe. ¹² Maje cue boje Jesucristo que cūinávupe aru maje jü aiye boje ʉre

jidubevuva jēniaivubu Jūmenijicque. Majidivubu jidué jaubede majare ʉi jáinore. ¹³ Que baru parurōreca jēniaivu mujare. Uetubevuva chīomejara mujare ji ñájiyede ji bueiye báque boje mujare. Ji ñájiyede mujare boje, mujarecabu Cristoi meadaimara. Jäve ʉrarō mearo caðateino cūvarivubu mujare caride.

Pablo ʉi jēniaino Éfesocavure Jūmenijicque

¹⁴ Mujare, judíova ámevʉ, ʉje Jūmenijicui pōeva teiye boje, majepacu Jūmenijicure pñuatutarí torojhede jívʉ yu ʉi jáinore. ¹⁵ Majepacu Jūmenijicurecabe cuedayʉ bácu caivu cavarō mearocavure aru caivu ijāravucavure máre. Caivu náre ne yajuboa coapa epedeaquemavu ʉ. Que teni népacupe páyʉ curí, coreóvare daibi náre coapa aipe meacu árojajurocure pōesci pacure. Que baru jēniaivu Jūmenijicque mujare boje. ¹⁶ Ӯrarō mearo bajutamu Jūmenijicui parue. Que baru jēniaivu yu ʉque, ʉi pñueno ju are nure daquiyepo ayu mujare ʉi majiéque yópe ʉi parue cūimépe. Ñai Espíritu Santorecabe pñueno ju are nure dayu mujare ʉi majiéque. ¹⁷ Jēniaivu yu Cristo cñachuyure mujaque ʉje ʉmei. Que dacuyume ʉ, ʉje jü aiye boje ʉre. Jēniaivu yu ueque dápiarājivure mujare aru darājivure caiye ʉje darājiyede, ʉje ue boje apevʉ Jesúre jü aipōeva.

¹⁸ Que baru mujare caivu, apevʉ Jūmenijicui pōevaque, coreóvaiu buojarājaramu aipe Jūmenijicu ʉrarō meacure. Yópe mearo dacaiyubi ʉ jabovare aru jabova ámevure máre. Cainoa joborōcacavure mearo dacaiyubi cainumua, Cristoi ue boje pōevare. ¹⁹ Iye Cristoi ueede pōevare ye jápiari eaivu buojabenamu majah. Ɂbenita majah coreóvarī buojabevureca caiye ʉi ueede, jēniaivu yu ʉje ʉrarō coreóvare nurajiyepo ayu. Ӯi ueede coreóvarī

tenanurajaramu maja yópe Jūmenijich
bajupe.

²⁰ Mearore jíjarári caivu majepacu Jūmenijicure. Úi majié parueque ularo
mearo dare dacaibi majare, maje úre
jéniajuroe pueno aru maje dapijuroe
pueno máre. ²¹ Caivu pöeyajuboacavu
Jesúre ju aivu ne cüe boje aru Je-
sucristoi cüe boje máre, mearore jí-
jarári caivu majepacu Jūmenijichre da-
jocabevuva cainumua, jádovarajivu úre
meacu bajure. Quédecabu.

**Espíritu Santo üi cójiovaino
caivu Jesúre ju aipöevare
cüináyajubocavupe**
(Col 2.19; 3.12-13)

4 Caiye iye ji toivaicójeyede apecure
mujare dapiarí caride, paruroreca jé-
niaivu yu, mujare darájiyepo ayu yópe
daiye jauepe mujare. Yébu bhoimua
ameina teivure jeni jacoñiami jívnhi,
ji memecaiye boje Jesucristore. Dajará
mujare yópe Jūmenijich “Que dajarári” üi
arí dapiaino mácarópedeca, üi cutuiye
báquede mujare üi jina marajiyépe ayu.
² “¿Meara márlica apevü pueno?” abe-
jará mujare. Aru ména meadarí cadatejará
apevüre. Napijara apevüre. Aru joro-
jimevüva náque jádovajara mujare ueste
náre. ³ Nai Espíritu Santo cärijimenoque
cure daibi mujare. Cójiovabi
mujare cüináyajubocavupe cüinárturu mujare
ümei. Que baru dajará caiyede mujare
oainope, meadarájivu iye mujare cüede
cüinárturu mujare ümei.

⁴ Cüináyajuborabu maja Jesucristore
ju aipöeva. Cüinácurabe nai Espíritu
Santo. Cüinároramu yo maje napini cor-
eino Jūmenijich mearo dacauiyede
majare, üi cutuimara mácavüre, maje
cavarájiyepo ayu diede. ⁵ Cüinácurabe
maje jabocu Cristo. Cüináenamu iye yá-
vaiye me, maje ju aije. Cüinácurabe nai
maje jádovaimu ocoque. ⁶ Cüinácurabe
majepacu Jūmenijich, maje mearore

jímu, caivu Jesúre ju aipöeva majepacu.
Caivu Jesúre ju aipöeva maje jaboché
ü. Caivu Jesúre ju aipöevare memeicö-
jeimi üre maje daiyeque majare coapa.
Aru caivu Jesúre ju aipöeva que cübi ü.

⁷ Majare coapa dare daibi Cristo
üi majide daiye bojecübeda. Yópe üi
uröpe mearore dare daibi majare coapa.
⁸ Cristoi que dare daiyede, yópe arí,
Jūmenijich toivaicójenejaquemavu
javede üi yávaiyede:

Vaidéjaquemavu üi mauva mácavüre.

No yóboi, copaini muri nürejaquemavu
ümtui. Que baru na obedivüre,
üi bhoimarare, nüvarejaquemavu üi
yóboi. Que teni émüribur yóboi,
darorejaquemavu pöevare üi majide
daiyede náre, arí toivaicójenejaquemavu
Jūmenijich.

⁹ ¿“Copaini muri nürejaquemavu ümtui”,
Jūmenijich yávaiyede coyucaipöescu
báctui aino mácaró, aipe aiyurömu no?
Yópe aiyurömu: Cristo üi muri nüquiye
jipocai, javede émeñu mácu ijárvui,
corejaquemavu joboró jívnhi, yaivu
bácvu ne curöi. ¹⁰ Aru nai émeñu
máçurecabe muri nüñu cojedeca pu
cavaró mearo Jūmenijich curöita, cücu
cainore caride aru cücu cainore
cainumua máre. ¹¹ Nai Cristorecabe jíyu
üre ju aipöevare majide daiyede, maje
mearo daivu bhojarájiyepo ayu yópe
üi uröpe. Epeibi apevüre üi yávaiye
méne beorí coyuicöjeimara márajivüva,
aru apevüre Jūmenijich yávaiyede
coyucaipöeva márajivüva. Epeibi
apevüre üi yávaiye méne coyuipöeva
márajivüva, aru apevüre úre ju aivüre
ne coreipöeva márajivüva, aru náre
bueivu márajivüva máre. ¹² Que daibi
meadachuyu caivu Jūmenijich pöevare,
maje memecaivu bhojarájiyepo ayu úre.

Que teni pueno baju dare daibi
caiyajuboaa pöeyajuboacavu Jesúre
ju aipöevare Jūmenijich uröpe yópe
pöescu baju bñchuyepo. Majamu

Cristoi bajupe paivu. ¹³Jūmenijicu
urōpe pueno dare nurajaramu
maja, pu maje eaiyeta curājivu
cūināturu majae jū aiyede Jesucristore,
Jūmenijicu mácure, aru cūināturu majae
coreóvaiyede máre aipe ārojacure ūre.
Bucuvape paivu barājāramu majae
ūmei. Que baru buojarājaramu curivu
Cristo bajupedeca. Aru Jūmenijicure jū
arī coreóvarājaramu majae ye jaubeda.
¹⁴Que baru juedovape paivu majae
cubenajiyepa ayu, Cristo jībi majare ūi
méne. Juedova pūcaūmea curivbu.
Napedeca ina Jesúre jū aipōeva
pūcaūmea curivu baru, oatūvaivubu ne
dápiayede cainumua, ape bueiyede
jápiavuva. Ina bueipōeva borocurivu
me majidivubu aipe jū are dārājivu
apevure ne borocueque. Que baru
bucuvape paivu barijārajarevu majae
ūmei, jujovaimara āmenajivu yópe
juedovape. ¹⁵Ubenita coyurājarevu
Jesús ūi yávaiyede jävene. Maje
yópe coyuiyede jáðovarajarevu majae
uude maje bajumia, aru náre maje
coyūmarare máre.

Que daivu baru, Jūmenijicu urōpe
dare nurajaramu majae, maje cūe boje
Cristo que cūināvupe. Maja ūre jū aivu
cayajuboa pōeyajuboacavu ūi bajupe
paivubu. Aru ūvacari maje jabocuhe,
majare dāicōjeñu. ¹⁶Uí dāicōjeiye
boje, maje caivu dāri majidivubu
yópe majare jauepe ūi urōre. Cristoi
bajucarōpebu maje coapa. Pōecu
chvacu baru caiye ūi bajuquede āri die
cūe jaehrōi, daquiyepa ayu yópe daiye
jauepe, me cūbi nai pōecu. Quédecabu
maje cūede Cristo que. Cristoi bajure
bucuvaiyepetu, maje daiyede dare
nūmuri yópe ūi majide daiyepet, aru
maje cadateiyede apevure, náre ūri.

Aphé mamae jaehrō majare,
Jesúre jū aipōevare
(Ro 1.21-25; 12.5; Col
3.9-10, 13; Stg 1.19-20)

¹⁷Ji cūe boje Jesucristo que
cūināvupe, coyuquijivu mūjare
paredeca. Dabejarā mūja yópe ina
Jūmenijicure jū abevu ne daiyepet.
Iye ne daiyepet paiyede dajocajarā
mūja. Námu ubenina dápiavu. ¹⁸Que
baru jápiarī coreóvabema na. Iye aphé
mamaene, Jūmenijicu cūvare daiyede
ūjinare, cūvabema na. Ūi yávaiyede
jápiavuva. Que baru Jūmenijicure
coreóvabema. ¹⁹Ye chīomema ne
āmeina daiye boje, ne dápiaino mearo
cūbe boje. Torojurivu dādama caino
āmenore. Urarō baju āmenore dādama
dajocaiyubevuva. ²⁰Nópe ne daiyedeca
mūjacapūravu buebedejaquemavu
Jesucristore jū aivu ne daiyepet jaehrōre.
²¹¿Jāve jápiabedejacarāru mūja Jesús
ūi yávaiyede mēne? ¿Buebedejacarāru
mūja diede? ²²Que dāivu baru,
dajocajarā aipe ārojat máquede
mūje āmeina daiyueque. Dare nuivu
barejaquémavu āmenore mūje āmeina
daiyue boje. No boje, jujovaimaratamu
mūja. Que baru pūeno āmenore dāivu
baru aru dajocabevu baru mūje javeque
daiye bāquede, bījarājaramu mūja
coateivupe Jūmenijicure jaruvarī.
²³Mūje cūe boje aphé mamae que
caride, Jūmenijicure oatūvaicōjejara
mūja, cūvarājivu mūje mamaūmene
aru mūje dápiaino mamarore máre.
²⁴Dajarā mūja yópe ina aphé mamaene
cūvarivure daiye jauepe. Jūmenijicu
ubi mūjare curivure yópe ūi cūpedeca.
Que baru cūre daibi mūjare aphé
mamae que aru mamaūmeneque máre.
Que baru meara májara Jūmenijicu
jāinore aru mearo dajarā apevut pōeva
ne jāinore máre, yópe ūi yávaiyede
jävene coyuiyepet.

²⁵ Que baru borochébejarā mūja caride. Quénora caivu mūja coapa borotejarā jāvene mūje baju. Cūináyajubo pōeyajubope paivvbu maja. Cristoque cūinábjupe paivvbu. Que baru jāve borotejarā mūja. ²⁶ Jaraivu baru, āmeina dabejarā mūja mūje jaraiye boje. Quénora vaidé dājarā mūje jaraiyede maumena, dijāravchareca. ²⁷ Mūje jaraiye boje, jūjovaicōjemejara ñai abujuvai jabocure, āmenore dabenaivu mūje baju. ²⁸ Cūinácu mūjacacu ñavacucu baru, dajocajacurī ūi ñavaiyede. Quénora memecōjejara ūre memeino mearore, ūi bojedajuiyepo aivu ūre jauede aru ūi cadatequiyepo aivu ina cōmaje ārojarivure máre. ²⁹ Mūje yávaiyeque āmeina dabejarā apevure. Quénora me cadatejarā náre dieque. Mūje yávaiyeque pare ju are nure dājarā náre Jesucristore. Coychjarā me yópe náre jauepe. Que dārī cadatenajaramu náre, ina jápiaivure mūjare. ³⁰ Chīore dabejarā mūja ñai Espíritu Santore, Jūmenijicu jicure. Úrecabe jādovañu majare Jūmenijicu jinava. Nai Espíritu Santoi cue boje majaque, majidivvbu jāve cūinájāravu daquijāravu baquinóre meara baju jaubeda dachyure majare yópe Jūmenijicu үrōpe. ³¹ Nájine dabejarā pōevare mūje yávaiyeque. Jorojīmejara náre. Aru jarabejarā náre. Jararī codobobobejarā máre. Coychbejarā āmenore caivu ne jápiaiyede apevui borore. Aru āmeina dāpiabejarā apevure máre. ³² Quénora cōmaje āroje jāri, cadatejarā mūje bajumia. Aru ārūmetejarā apevui ne āmeina daiyede mūjare yópe Jūmenijicu vacari ūi ārūmeteiye báquepe mūje āmeina teiyede, diede jaravarī, mūje cue boje Cristoque cūinávupe.

Aipe daiye jaurō Jūmenijicu márare

(Col 3.16-17; 4.5)

5 Majamu Jūmenijicu mára pare ūi umara. Que baru me dārī jārarevui, dārājivu yópe Jūmenijicu daiyede. ² Caiye maje daiyede dārājarevui maje ue boje Jūmenijicure aru apevure máre. Cristovacari ucu majare, boarī jaruvacōjenejaquemavu ūi bajure majare boje. Ūi nópe daiye báque cojurejaquemavu Jūmenijicure, yópe cojuépe ūre pōeva ne cūvaequede jíye aru ne āimarare boarī juarī jíye máre. Yópe iye jíye me corajvui ūre mumijuepe, nopedeca Cristoi yaiye báque majare boje me cojurejaquemavu Jūmenijicure. Yópe Cristoi daiye báquepe үrarō baju ūi ue boje majare, nopedeca үrarō ure nuiye jauvu majare máre.

³ Majamu Jūmenijicu pōeva, ūre memecaivu. Que baru āmeina daiye jaubevu majare. Aru āmeina daiyede apevque mūjemarebucuva āmevque ye dāpiabejarā mūja. Aru mūja ūmuva nomivaque āmenore daiyurī dāpiabejarā mūja. Aru mūja nomiva máre ūmuvaque āmenore daiyurī dāpiabejarā mūja. Aru mūje cūvae pueno baju cūvaiyurī dāpiabejarā mūja. Caiye diepe paiye mūje dāpiaru, meamenotamu. ⁴ Aru apejīene máre daiye jaubevu mūjare. Que baru coychbejarā āmene chyoje tede daiyede. Aru yávabejarā ārūmevupe máre. Yurivupeda yávabejarā āmeina baju yávaiye máre. Meamevu diepe paiye yávaiye. Quénora pueno baju torojhede jíjarā Jūmenijicure. ⁵ Me majijarā mūja iyede jāve: Pōeva daivu baru āmenore apevque némarebucuva āmevque aru pōeva āmeina daivu baru ūmuva nomivaque aru nomiva ūmuvaque, ina pōeva nópe daivu curānūmenajarama Jūmenijicuque aru Cristoque máre.

Ye ne jaboteimara āmenajarama na. Aru pōeva үrīvū baru pñeno baju ne cüvaede Jāmenijicure jaruvāri, pēpeimarare mearore jívüpe paivabu na. Que baru pōeva nápe paivabu cübenajivü Cristoque cavarō mearo Jāmenijicui curōi. ⁶ Jāmenijicu jorojini jári, nájine dacuyume pōevare diepe paiyede daivüre, üre ju abevüre, ne āmeno daiye boje. Que baru námene jujovaicójemejara maja ubeni cñequé, "Ye baju āmevü nüje ñaru āmenore", ne aiye. ⁷ Ye dabejarā nápe ina āmenore daivüpe.

⁸ Mujarecabu ñeminoi cuivü bácvüpe javede, maje āmenore ñare nuysi báque boje. Übenita caride, maje ju aiye boje maje jabocu Jesucristore, miadároi cuivüpebu maja caride. Que baru mujare daiye jaivü yópe ina miadárijárañi cuivü ne daiyepe. ⁹ Que teni meara marajáramu maja Jāmenijicui jainore. Caino mearore ñarajaramu maja apevü pōeva ne jáiyede. Aru yávaiyede jávene coyñrajaramu maja máre. ¹⁰ Me ñarí járabajevü, ñarajivü mearore yópe Jāmenijicui үröpe. ¹¹ Mujacapúravü dabejarā yópe ina pōeva ñeminoi cuivüpe. Ina āmenore ñariburu ñeminocavü. Iye ne daiye bojecubetamu. Que baru iye ne āmeina daiyede coreóvare dajarā náre. ¹² Iye āmene ne daiye pōeva ne jámene ñaroró baju cñyoyetamu die. Que baru ye coyuñye jaibevü pōevare diena. ¹³ Übenita ne daiyede maje coreóvare ñariburu yóboi, majinajarama Jāmenijicu āmeina jánire ne que daiyede. ¹⁴ Maje coreóvare daiyede náre diena yópe ñeminore pëoiyepabu. Que baru pōeva, yópe arí, yuriaivabu diepe paiyede daivurā:

Mh, Jāmenijicure coreóvabecü, cañüpe páyü, coedajacü, coreóvacchü üre. Nacajajacü yainore jaruvāri. Aru Cristo cüre dacuyume mure miadároi, arí coyuñabu.

¹⁵ Que baru me matuiyeda dajarā apejie maje daiyede. Dabejarā yópe ina coreóvabevü, Jāmenijicure ñariburu, ne daiyepe. Quénora dajarā maja yópe ina coreóvaivü, Jāmenijicure ñariburu, ne daiyepe. ¹⁶ Caride ijárvacavü Jāmenijicure ju abevü ñaroró āmene ñariburu. Que baru cainumua maje oainope Jāmenijicure memecaiye jaivü maja. ¹⁷ Que baru dabejarā coreóvabevüpe. Quénora me ñarí jájara, coreóvarajivü maje jabocu Cristoi үrōre, maje ñarajiyepa ayü yópe üi үröpe. ¹⁸ Ücumejara pacotebeburü maja. Pacoteivü baru, āmedarajaramu maja, maje ñarajiyepa boje maje bajure. Quénora mujacapúravü ñarajiyepa ñai Espíritu Santore üi majiéque. ¹⁹ Maja que ñariburu, torojurajaramu. Que baru coyuñarā mujevüre iye Salmos āmíçneque. Aru mearore jíjará Jāmenijicure yuriainoque, aru üi Espíritu jino yuriainoque máre. Yuriajará mearore jíyede aru Salmore máre maje jabocu Cristore. Yópe ñariburu mearore jíyede yuriaivabu maja maje ümei. ²⁰ Que baru caiye üi vaidé daiyede, torojuede jíjará majepacu Jāmenijicure cainumua maje jabocu Jesucristo paráque, maje cüe boje üque cüinávüpe. ²¹ Puedarí jápijara maja maje bajumia, maje pueñaiyede boje Cristore.

Mearo daiye jaivü cñramicavüque aru memeinüque máre

(Mt 15.4; 19.5; 2 Co 11.2; Col 3.18-25;
4.1; 1 P 3.1, 7; Ap 21.2, 9)

²² Maja, ümucrivü, ju ajará maje marepacure yópe maje ju aiyepe maje jabocu Cristore. ²³ Nomicacu jaboteyübe jímarepacore yópe Cristoi jaboteiyepa caivü majare, üre ju aivüre. Cristorecabe ñai meadayü majare, caivü üre ju aivüre. Üvacari maje jabocübe, majare ñarajiyepa. Que baru ütame maje jipobüpe

páyu. ²⁴ Aru majamu ūi bajupe paivu. Que baru yópe maje jü aiye jañépe Cri-store cainumua, nopedeca ūmáchicore jü aiye jañvu jímarepacure cainumua.

²⁵ Muja, nomicurivu, jecujarā muje-marepacore yópe Cristoi jecuérpe caivu majare, ūre jü aivure. Cristo pare usu mujare, boarí jaruvaicōjenejaquemavu ūi bajure. ²⁶ Que darejaquemavu maje āmeina teiyede jaruvarī, meadachyúu majare aru coavacuyu majare ū jinava. Majare, ūre jü aivure, meadarī joarejaquemavu majare maje jü aiye báquede aru maje jādovaiye báquede Jūmenijicure ocoque.

²⁷ Caiye iyede dāibi, cūvacuyu ū jinava majare. Yópe pōecu cūvaiuyere jímarepacu bacodóre meaco bajure, nopedeca Cristo cūvaiyubi majare. Ico pūrñbñocodo bojuyo baju, ye āmeno cūbecope, ūpedeca barajáramu maja, Jesucristore jü aivu máre. Pheño meara bajure aru ye āmeno cūbevure cūvacuyume Cristo majare, ūi baju dāiye báque boje. ²⁸ Ina nomicurivare coreiye jañvu némarepacore, ye jañbequiyepe aivu ūre, yópe ne coreiyepe ne bajuáre náre coapa. Nai coreyu jímarepacore coreyube ūi bajure. ²⁹⁻³⁰ Pōecu cūbebi cōenícu ūi bajure. Quénora javateni me cūchbe. Aru cūinábajupe paivubu maja Cristoque. Que baru ūrecabe coreyu majare.

³¹ Jūmenijicu toivaicōjenejaquemavu ūi yávaiyede, yópe arī: “Que baru caride ácu pōecu jímarepacu bacodó cūvacuyu, ūi būchvare dajocachuyume. Aru jímarepacu cūvarī ūmaque cūinávupetamu Jūmenijicu jāinore”, arī toivaicōjenejaquemavu Jūmenijicu.

³² Iye yávaiye Jūmenijicu toivaicōjeiye báque maiyójaevacari majare diede jápiarī coreóvajurorivure jāvetamu iye. Ji dāpiaru, iye yávaiye coreóvare dāivu majare aipe ārojaene Cristoi cuede majaque, ūre jü aivu que.

³³ Ubenita mujare máre couyivu die. Muja nomicurivu, muja coapa jecujarā mujemarepacore. Aru muja ūmáchirivu, muja coapa puedajarā mujemarepacure.

6 Muja, juedova, jü ajarā me mujebñcuvare ne couyiyede mujare, muje jü aiye boje Jesucristore. ²⁻³ Nópe dāiye jañvu mujare. Nopedeca dāicōjenejaquemavu Jūmenijicu ūi couyiye báquede Moisés báchre iye caipñcapñruape pāiye dāicōjeiye pheño me bajure. Jūmenijicu ūi couyiye báquede yo dāicōjeinore, “Yópe mearo dācacuyumu yu”, arejaquemavu máre: “Mipacure aru mipacore máre urī jü ajarā. Que dāivu baru, me curajaramu obedijjua ijāravñi”, arī couyrejaquemavu Jūmenijicu.

⁴ Muja, nébñcuvva, jorojñe dabejarā mujemarare. Quénora buejarā náre aru majicajará náre aipe dāiye jañrōre, ne torojure dārājiyepe aivu Jūmenijicre ne dāiyeque.

⁵ Muja, memecaivu, jü ajarā me muje jabova ijāravñcavure ne couyiyede mujare. Mujamu náre memecaivu. Que baru puedajarā náre me. Jujovalbevñva memecajarā náre yópe muje Cristore memecajrope. ⁶ Cainumua jü ajarā náre me muje ūmeque. Jü aivu āmejara náre quénora ne jāiyede mujare, “Mearo dāivubu” ne arājiyepe aivu mujare. Yópe Jūmenijicu urōpe memecajarā muja, muje memecaiye boje Cristore.

⁷ Torojarivu memecajarā muja. Yópe muje pōevare memecajrope āmevu. Quénora yópe maje jabocu Cristore muje memecajrope dājarā muja. ⁸ Coreóvajarā me maje jabocu Jesucristovacari bojedachuyure caivu pōevare náre coapa yebacavure aru memecaivure máre, ne mearo dāiye báque boje.

⁹ Muja, ne jabova, quédeca mujare memecaivu ne dāiyepe me, muja máre dājarā me. Cainumua “Bojedabequijivu mujare”, abejarā náre. Coreóva-

jarā mūja me ñai cavarō mearocacu caivu mūje jabocure. Mūjare meme caivure aru mūjare māre, cūinácrabe ñai mūje jaboci. Útame jāñu caivu pōevare cūináturu. Que baru caivu náre coapa bojedacchuyume me yópe ne daiye báquepe.

Jesúre jū aipōeva ne maucūvarō abujuvai jabocure

(Ro 13.12-14; Col 4.2-4;
1 Ts 5.8; He 4.12)

¹⁰Caride buojaivu yu iye ji toivaicōjeiyede apecure mūjare. Parure dajarā mūja mūje ūmei, mūje cue boje Jesucristo que cūinávupe ūi parue pñeno urarō bajuque. ¹¹Cainumua meateivu bájarā mūja, maucūvarājivu copu ina āmenaque ijāravui. Yópe Romacacu churara ūi doiyepre meatecuyu ūi bajure, meatejarā mūja iye Jāmenijicu jíye báquei mūje ūmene ūi meadaiyede. Que teni abujuvai jaboci ye vainí tūyu buojabecubé mūjare ūi jujovaiyede. ¹²Pōevare copu maucūvarivu āmevu maya. Quénora ijāravucavu abujuvare copu maucūvarivubu maya. Ina cōjeivu, ina parurivu, aru ina jabova māre, nárecabu ijāravucavure jaboteivu. Ijāravu āmejāravu ñamipe pajāravubu, ina abujuva ne jaboteiye boje yore. ¹³Que baru iye Jāmenijicu jíye báquei majare, maje meatenajiyepre ayu maje ūmene, ñi chvajarā mūja. Diede cūvarivu cainumua abujuvai jujovaiyarinumure náre copu maucūvarivu buojarājaramu mūja. Vainí tūbenajarama mūjare. Aru maucūvariburu yóboi, cūrājaramu mūja ijāravui parurivu mūje ūmei.

¹⁴Que baru cainumua meateivu bájarā, maucūvarājivu. Yópe ñai churara ūi buoiyepre ūi jārióicāvare, nopedeca buojarā mūje bajure Jāmenijicu yávaiyede jāvene mūje majiéque. Yópe ñai churarai taoiyepre ūi bajure jājaricaje doicajeque,

nopedeca taojarā mūje bajure mūje mearo daiyeque. ¹⁵Yópe cūraidoare ūi doiyepre tutué núcuyu, aru nurié cucuyu māre, nopedeca tutué nújara mūje ūmei aru nurié couyjarā Jāmenijicu yávaiyeme, cārijimoque cūre daiyede pōevare ūque. ¹⁶Yópe ñai churara ūi jēiyepre ūi taoivare ēomecuyu ūi mauvai tāuyoa uruiyoare, nopedeca cainumua jējara mūja mūje Cristore jū aiyede, abujuvai jaboci āmech baju ūi āmedabequiyepre aivu mūjare ūi jujovaiyede. ¹⁷Yópe ñai churara ūi cūvaepre moibo jājari-bore taocuyu ūi jipobure, nopedeca cūvajarā mūja Jāmenijicu meadaiyede ūi jíye báquede mūjare bojecubeda, mūje meatenajiyepre aivu mūje dāpiaiyede. Aru yópe ñai churara ūi vainí tūiyepre ūi mauvare jaruhvarī ūi boaicaroveque, nopedeca vainí tūjarā mūja ina mūje ūmene copu maucūvarivure Jāmenijicu yávaiyede, ñai Espíritu Santoi jíyeque mūjare.

¹⁸Cainumua dajocabejarā mūje couyiyede Jāmenijicuque. Caiye mūje daiyede couyjarā ūre ñai Espíritu Santoi cādateiyede. Torojuede jíjarā ūre ūi mearo dacaibe boje majare. Aru jēnajara Jāmenijicuque caiye mūjare jauéde. Útetubevuva me dāpiajarā mūje couyiyede Jāmenijicuque. Jēniare nūjara caivu Jāmenijicu pōevare boje dajocabevuva. ¹⁹Aru mūje couyiyede jēnajara Jāmenijicuque yure māre. Jēnajara ūi majide daquiyepre aivu yure aipe yávaiyede jaúrōre yure pōevaque, ne jápiarī coreóvarājiyepre ayu Jāmenijicu yávaiyeme ne jápiabe báquede cāreja. Jēnajara ji buequiyepre aivu diede jidubecuva. ²⁰Ji couyiyede báque boje iye yávaiyeme Cristoi borore, āmeina teivure jēni jacoinami jívhí cūvu yu tāumeaque caride. Cristoi daroimumu yu, couycaschuyu ūi yávaiyeme āroi ji curoi. Jēnajara Jāmenijicuque, ūi yávayu buojare

daquiyepē aivu yure, ji coyñuiyepē aivu diede jidubecuva caivu ne jápiaiyede yópe yure jauepe.

Pablo ūi meaicōjeino Éfesocavure

(Hch 20.4; Col 4.7-8; 2 Ti 4.12)

²¹ Caiye iye vaiyede yure ñai Tíquico coyuñuyume mujare. Úrecabe majecu, maje umu, aru maje jabocu Jesucristore memecayu yáque dajocabecuva. Maje coreóvarājiyepē ayu ji borore, coyuñuyume aipe cūcure, dayure máre.
²² Darocuyumu úre yo paperayocaque

maje yebai, ūi coyñuiyepē ayu aipe vaiyede ñujare, ūi torojure daquiyepē ayu mujare maje úmei.

²³ Majepacu Jūmenijicu, maje jabocu Jesucristomaque, curre dajacurí caivu majevu Jesucristore ju aivure cārijimevava. Úre dajacurí caivu maje bajumia, maje ju aiye boje úre. ²⁴ Mearo dacajacurí caivu maje uriva maje jabocu Jesucristore maje ue cūmqué, ūi mearo dacaiye boje pōevare bojecubeda. Quénoram.

Filipenses

Mamabuínore coyuhiyebu Pablo bácu ūi toivaicōjeiye báquede paperayocare Filipos āmicuriímarocavu Jesúre jü aipōevare. Pablo bácu judíovacacu bácvacari, Jesús ūi yávaiye méne beorí coyuicōjeimu marejaquémavu, coyuhsuyu ūi yávaiye méne judíova āmevure, judíova ne jü abe boje ūi coyuhiyede. Lucas bácu coyuarejaquémavu Pablo bácu borore Hch 7:57-8:1, 9:1-31, 13:1-28:31, aru ūi cuede Filipos āmicuriímaroi Hch 16:11-40, 20:1-6. Pablo bácu toivaicōjenejaquémavu iyoca paperayocare ūi cuede āmeina teivure jení jacoíñami. Apevu ne dápiaiyepo, toivaicōjenejaquémavu diyocare āniúju bácarore 55 d.C., ūi cuede āmeina teivure jení jacoíñami Éfeso āmicuriímaroi. Ubenita apevu ne dápiaiyepo, toivaicōjenejaquémavu diyocare āniúju báquede 60-63 d.C., ūi cuede āmeina teivure jení jacoíñami Roma āmicuriímaroi. Que baru javede Pablo bácre toivacaipōecu bácre toivaicōjenejaquémavu pucayoca ūi paperayocare Tesalónica āmicuriímarocavure, aru pucayoca ūi paperayocare Corinto āmicuriímarocavure, aru ūi paperayocare Galacia āmicurijoborōcavure. Aru apevu ne dápiaiyepo, javede toivaicōjenejaquémavu ūi paperayocare Roma āmicuriímarocavure, aru Éfeso āmicuriímarocavure, Colosas āmicuriímarocavure, aru Filemón mácre märe. Pablo bácu coyuarejaquémavu ūre toivacaipōecu bácre aipe ūi toivacaquiye báquede diyocare.

Diyocaque Pablo bácu torojhede jídejaquémavu ina Filipos āmicuriímarocavu Jesúre jü aipōevare ne daroiye báquede tāuturare ūre (2:25, 4:14-19). Pablo bácu jabova ne bhoimhvacari

torojurejaquémavu (1:12-26, 2:17-18, 3:20-4:1, 4:10-13). Aru diyocaque jádovarejaquémavu Jesúre jü aipōeva torojurivure ye baju āmevu ne cuede, ne cuede méne o āmene märe ijāravu, yópe Jesucristoi daiye báquepe (2:5-11). Coyuarejaquémavu Timoteo bácu borore (2:19-24), aru Epafradito bácu borore (2:25-30), ū baju ūi daiyede (1:3-8, 12-26, 3:4b-14), aru aipe daiye jaúrōre Jesúre jü aipōevare (1:9-11, 27-2:4, 2:12-16, 3:1-4a, 4:2-9).

Pablo ūi meaicōjeino Filipocavure

(Hch 16.12)

1 Yü, Pablo, aru ñai Timoteo märe Jesucristore memecaivu, meaicōjeivubu mujare, Filipos āmicuriímarocavu Jūmenijicu pōevare, Jesucristore jü aivure. Yü toivaicōjeivu apecure iyoca paperayocare mujare, Jesúre jü aivure coreipōevare, aru náre cadateipōevare märe, aru caivu muja Jūmenijicu pōeva curivure Jesucristo que cūinávure.
2 Majepach Jūmenijicu, maje jabocu Jesucristomaque, mearo dācjacurí mujare bojecubeda ūi me boje. Aru torojurí curre dājacurí mujare cārijimevava.

Pablo ūi jēniaino Jūmenijicuque Jesúre jü aipōevare

3 Cainumha ji ārhéne mujare, torojhede jívu yu Jūmenijicure, ji jabocure aru ji mearore jímure, mujare boje.
4 Aru cainumha ji jēniacaiyede Jūmenijicuque caivu mujare boje, torojuvu yu ji ümei. **5** Yü torojurí jívu torojhede Jūmenijicure, mujare cadateiyepo boje yure ji coyuhiyede Jesús ūi yávaiye méne mujare mamarumha Jesúre jü aijāravu bácarōmiareca phe caride märe. **6** Dijāravu, mujare mamarumha jü aijāravu bácaroi, Jūmenijicu mearo dācarí bürjaquémavu mujare. Aru coreóvaivu yu

mearo dacare nūchuyure mujare pū Jesucristoi copaidaquiāravu baquinóita. Dijāravu baquinóre mujra meara márajivabu yópe Jūmenijicui aiyé báquepedeca ūi daquiyede yópe ūi urōpe.⁷ Jūmenijicui ūi meacu baju boje memecare daibi caivu majare Jesucristore. Que baru āravu yu mujare, ji umarare, ji ūmei. Aru ji que ārue métamu, caivu mujra mūje cadateiyede boje yure. Mujra cadateivabu yure caride bhoimui cūcure, aru ji jādovaiyede jāvene Jesús ūi yávaiye méne aru ji jū are daiyede pōevare diede.⁸ Jūmenijicuvacari majibui jāve cūcure caivu mujare urarōreca, yópe Jesucristo ūi aepedeca mujare.

9-11 Yópe arī, jēniacaiu yu Jūmenijicuque mujare boje: “Nūjepasui Jūmenijicu, pñeno baju nure dajacu nare, jū aivure ne uede ne bajumia, aru ne majiéde mi yávaiyede jāvene, aru ne coreóvaiyede aipe daiye jaúrōre nare”. Yópe arī jēniaiu, mūje beorājiyepo ayu iye pñeno baju mearo daiye jaúrōre mujare. Que teni āmeno cūbequiyebu mūjaque aru boropatebenajivabu mujra Jesucristoi copaidaquiāravu baquinóre, pōeva ne puerājiyepo aivu Jūmenijicure aru ne jinaiyepo aivu mearo ūre. Que dārājivabu na, mūje mearo daiye boje. Aru Jesucristorecabe cūnácura no mearo dare dayu mujare.

Pablo “Yúcapūravu cūvu ijāravui memecacuuy Cristore” ūi yávaino

(Hch 16.19-40; 28.30; Gá 2.20; Col 3.4)

¹² Mujra, jívu, coreóvare daiyuvu mujare apevu obedivu jápiaivure Jesús ūi yávaiye méne iye vaiye boje yure.¹³ Que baru caivu ina churarava, jabocui cūramine coreivu, aru caivu apevu máre, coreóvaivabu yure jabovai bhoimure, ji memecaiye boje Cristore.¹⁴ Aru obedivu ina majevu Jesúre jū aipōeva, ne jáiyede yure bhoimure, parure nūñama ne jū aiyede

Jesucristore. Que teni caijāravu pñeno baju parurōreca coyuñivabu Jesús ūi yávaiye méne jidubevabu.¹⁵ Apevucapūravu jorojīñama yure, pōeva ne puerājiyepo boje yure, ji coyuñiye boje Jesús ūi yávaiye méne. Que baru coyuñama Jesús ūi yávaiye méne pñeno baju parurōreca, pōeva ne puerājiyepo aivu me nare, yure ne puerājiyepo pñeno. Que teni ne jorojīni mauchvaiyhe boje yure, coyuñivabu Jesús ūi yávaiye méne. Ubenita apevucapūravu coyuñivabu Jesús ūi yávaiye méne, ne mearo daiyue boje aru ne cadateiyue boje yure.¹⁶ Aru ina coyuñivabu Jesús ūi yávaiye méne ne ue boje yure. Coreóvaivabu na Jūmenijicu cūre dayure yure bhoimure, ji coyuñiye ayu “Jávemu” Jesús ūi yávaiye méne.¹⁷ Ubenita apevu coyuñivabu Jesús ūi yávaiye méne, ne jorojīye boje yure ne āmeno dāpiaiyepo. Coyuñbema na meaūmeque. Quénora coyuñama meara nure dārājivu apevu pñeno. Nópe dāivabu pñeno baju chiori nājine daiyurūduivu yure, ji jápiaiyede ne daiyede ji bhoimui cuede.¹⁸ Ye baju āmevu ne nājine dārājiviede yure. Quédala meavu ne coyuñiye Cristorā. Ye baju āmevu ina coyuñipōeva ne coyuño ne dāpiaino mearoque o ne dāpiaino āmenoque. Quédala torojuvu yu ji ūmei, caivu nare ne coyuñiye boje Cristorā.

Aru torojure nūquijivu ji ūmei.¹⁹ Yū me majivu jodenajivure yure āmeina teivure jēni jacoñamine jocarī, mūje jēniacaiye boje yure Jūmenijicuque aru Jesucristoi Espíritu Santoi cadateiyede boje yure.²⁰ Pare uvu yu caiye vaiquiyede yópe ji coreiyepo, cuyoje tebecuuy cainumua ji daiyepo. Quénora daiyuvu yu cainumua yópe daiye jaúrépe yure. Que baru caride aru cainumua jidubecuva coyuñuijivu

Cristorā. Que teni puedaquijivu Cristore caiye ji daiyeque, pōeva ne majinajiyepo ayu ū pueno meacu bajure. Que daquijivu yu apucu baru o yaiyú baru máre.²¹ Yácapūravu cūvū memecacuyu Cristore ijāravni, pōeva ne mearore jínajiyepo ayu ūre. Aru ji yaiyede pueno baju meaquiyebu yure, ji cūquiye boje Cristoque.²² Ubenita cūri jaroyu baru ijāravni, apevū pōevare ju are dayu bhojaquijivu Jesucristore. Que baru ye majibevu yu aipe beoiye jaúrōre yure.²³ Pucáumeamu ji ūme. Pare yaiyuvu yu, cūcuyu Cristoque. Que baru ji yaidú, pueno mearo baju meajebu yure.²⁴ Ubenita pueno baju jaúnu mūjare ji cūe cāreja ijāravni, cadatecuyu mūjare. ²⁵ Que baru yu me majivu aipe ji beoquiyede. Beocuyumu cūcuyu cāreja ijāravni, cadatecuyu caivu mūjare, mūje ju arājiyepo ayu pueno baju Jesucristore, aru torojure dachuyu mūjare mūje ūmei, pueno baju mūje ju aiye boje ūre.²⁶ Que teni ji cuede mūjaque cojedeca pueno baju mearore jínajaramu mūja Jesucristore yure boje.

²⁷ Yo cūinárore dārī cōmajide nūrajino jaúnu mūjare. Cainumha dajarā mūja yópe Jesús ūi yávaiye me daicōjeyepo. Que baru yu nūñu maru o nūmecu baru mūje yebai, jápiacuyumu mūje borore mūja ju aivure parurōreca iye yávaiye méne, dajocabevuva diede, cūinártu mūje ūmei aru cūináro mūje ūrōre máre. Que teni jápiacuyumu mūja memeivure parurōreca cūinávure, pōeva ne ju arājiyepo ayu Jesús ūi yávaiye méne.²⁸ Cuavaicōjemejara ina maucuvavure mūjare. Jidubejarā náre. Que teni mūja jádovarajaramu náre, nácapūravu bījarājivure Jūmenijichre jocarā. Ubenita mūjacapūravu jádovaivubu mūje daiyeque meadarājimarare. Jūmenijicu meadacuyume mūjare.

²⁹ Que baru mūjarecabu Jūmenijichí mearo daimara, mūje memecarājiyepo ayu Jesucristore mūje ju aiyede ūre aru no puenoreca mūje ūnájiyede máre, ūi yávaiye méne coyuhiye boje.³⁰ Aru caride mūja yupedeca cūinártu ūnájini memeivubu maja, coyuhrājivu iye yávaiye méne. Javede mūja jāvu ji ūnájiyede. Aru caride máre ji ūnájiyede jāpiaivubuya mūja.

Cristo, Jūmenijicu baju, ūi pōecupe teino aru ūi jaboteino caivure

(Mt 26.39; Jn 1.1-3; 10.18;
Col 1.15; He 2.9; 5.8; 12.2)

2 Jesucristorecabe parare dayu mūjare mūje ūmei. Ūi ue boje mūjare cārijimene daibi mūjare mūje ūmei. Ūi Espíritu Santo cūbi mūjaque mūje ūmei. Aru ure daibi mūjare, mūje cadatenajiyepo ayu aru mūje cōmaje āroje jārajiyepo ayu mūjevure.² Que baru parurōreca jēniaivu mūjare, mūje torojure dārājiyepo ayu yure ji ūmei pueno baju, cūinártu mūje ūque mūjevure, cūinártu mūje ūmeque, aru cūinártu mūje ūrōque máre.³ Dabejarā mūje daiyede, meara nūre dārājivu apevū pueno. Aru dabejarā mūje daiyede “¿Meara mārica apevū pueno?” aivu. Quénora dāpiabejarā mūje baju mearape apevū pueno. Cainumha “Apevū ji pueno mearamuna”, arī dāpiajarā.⁴ Aru vobejarā quénora mūje baju pueno meara nūiyede. Quénora dajarā apevure máre, ne meara nūrajiyepo aivu pueno baju.

⁵ Dāpiajarā mūje baju yópe Jesucristoi dāpiaiye bāquepedeca ūi baju, dārājivu yópe ūi daiye bāquepedeca.

⁶ Cainumha Jūmenijichí bajurecabé ū.

Ubenita “Jūmenijichí paruēpedeca cūvavu yu”, abedejaquemavu.

⁷ Quénora ūi baju ue boje dajocarejaquemavu iye ūi paruēde,

põevare memecacuyu. Que teni põetedejaquemavu põescupe. Cuetedejaquemavu põescu ãrojacu. ⁸ Dápiabedejaquemavu ūi baju meacupe apevu pñeno. Quénora parurejaquemavu ūi baju apevu cãchino. Que teni jü arejaquemavu jípacu Jümenijicure pu ūi boarí jaruvaicõjeiyeta ūi mauvare ūi baju. Aru chyoje ñarí, boarí jaruvarejaquemavu ūre, ne pëvaimu máchure jocuchajaravena. ⁹ Que baru Jümenijicu epedejaquemavu ūre caivu ne jabocuva. Aru ãmidorejaquemavu ūre yo ãmiá mearo bajure caivu ne puedaiamia pñeno. ¹⁰ Que baru caivu cavarõ mearo Jümenijicu curõcavu, aru caivu ijaborõcavu, aru caivu joborõ jívucavu máre ne jápiaiyede Jesúi ãmiáre ñuatutarãjarama, puerdarãjivu ūre. ¹¹ Aru caivu jü aivu, "Jesucristo maje jabocube", arí coyurãjarama caivu ne jápiaiyede. Que teni caivu mearore jínajarama majepach Jümenijicure.

Maje boropatebeno Jümenijicu jáinoi

¹² Maje, jívu, ji umara, que baru yópe ñajarã. Maje ñarí cõmajiyeji cõjeiyede yópe ji bueiyede javede ji cuede mujaque, nopedeca pñeno baju yure jü arí, ñajarã ji bueiyede caride, ji cuede joai mujare jocarí. Maje Jümenijicu meadaimaratamu. Que baru puerdarã Jümenijicure me. Aru cainumma memene nujara maje daiyequ, curãjivu me aru chvabenajivu pñcaumea máre. ¹³ Jümenijicurecabe ãrure ñayu mujare maje ñumei iye mearo daiye jausrõre mujare, maje torojuñri daiyuñrãjipe ayu mearo daiyede. Aru ñrecabe cadateyu iye mearo daiye jausrõre yópe ūi urõpe.

¹⁴ Caiye maje daiyede ñajarã torojuñri ãmeina yávabevuva aru

jarabevuva maje baju máre. ¹⁵ Que baru boropatebenajaramu maje. Aru maje ñameno daiye cübequiyebu. Aru Jümenijicu mára, ñameno cübevuvu, barajáramu maje. Maje cuede ijäravucavu jüjovaivu aru pñeno ñameno daivu ne jéneboi, maje cadateyiye jañu náre, ne järäjiyepe aivu ne ãmeina teiyede aru maje mearo teiyede yópe abiácovai cadateyiye põevare cojiéque, ne järäjiyepe aivu ñamine. ¹⁶ Nopedeca maje cadateivubu ijäravucavure maje couyiyede náre iye yávaiye méne, ne coreóvarãjipe aivu aipe cüvarãjivu järavu cüiméjärvu baquinóre. Maje que ñaru, jåðovarajivubu ji mememeniduiye báquede maje yebai ji bueiyede báquede mujare. Que baru torojuñcavu yu ji ñumei mujaque Cristoi copaidaquijärvu baquinói, ji coreóvaiye boje ji che báque aru ji memecaiye báque máre bojecube ãmene. ¹⁷ Jümenijicu me torojuñbi maje jü aiyede Cristore. Úi nópe torojuñede coreóvavu yu. Apevu yure boarí jaruvareureca, torojuñcavu yu. ¹⁸ Quédeca maje máre torojuñjarã maje ñumei. Aru ñjarã ji torojuñede ji ñumei máre mujaque. Que teni caivu maja torojuñrãjaramu maje ñumei cüinátaru.

Timoteo aru Epafrido ne curãntino Filipoi (Hch 16.1-3)

¹⁹ Maje jabocu Jesús ūi uru, jaroiyavu yu Timoteore maje yebai, ūi cadatequiyede ayu mujare. Que teniburu yóboi, ūi copaidaquiyede ji yebai cojedeca, torojuñcavu yu ji ñumei ji jápiaquiyede maje borore. ²⁰ Ñai Timoteo cüinácurabe cõmaje ãroje dâpiayu mujare ji dâpiayepedeca. Úrecabe jâve cadateiyuscu mujare. ²¹ Caivu apevu ye dâpiabema aipe ñarí cadateni

bhojarājivhre iye memecaiyede Jesucristo dārājivhre yópe ūi hrōpe. Quénora ne bajumia caðateiyurī dādama ne hrōpe.²² Aru mujavacari coreóvaivhbu jāve caðateyhre iye memecaiyede Jesucristo. Ūi daiye báquede jādovaimi memecayu meacure. Ū coyu*bi* Jesú s yávaiye méne yáque, apevu poeva ne jāpiarājiyepo ayu diede, yópe junedocu ūi memeiyepe jípacuque caðateyhre.²³ Que baru ūrecabe ji jaroquimu muje yebai, cūiná ji majiquiyepe ayu aipe yócavu ne jabova ne dārājiyede yáque.²⁴ Aru maje jabocu Jesú ūi hru, yu máre maumena jácunhiyu muje yebai.

²⁵ Ji dāpiaru jaro^uye javu yure muje yebai majecu Epafraditore, muje daroimu mácure ji yebai, ūi caðatequiyepo aivu yure. Ū memeimi yáque ūje memecaiyede Jesucristo, apevu ne maucuvaedeca ūjare.²⁶ Ū jácunhiyubi caivu mujare pare. Urarō cārijimi ūi ūmei ūi jāpiariburu yóboi muje jápiaiye báquede ūi borore ijimure.²⁷ Jāve ijimu mateáme. Pare ūnájame pu ūi yainiduiyeta. Ubenita Jūmenijicu cōmaje āroje jāquemavu ūre, quénora ū matuieda ámevu, yure máre. Que baru Jūmenijicu ūmedavaquemavu ūre, ji chīomequiyepo ayu pueno baju.²⁸ Que baru pueno baju jaroiyunu ūre muje yebai, muje torojurājiyepo ayu muje ūmei cojedeca, muje jāiyede ūre bediôva, ji chīoye cūiquiyepo ayu.²⁹ Que baru torojarivu copu etajarā ūre me, yópe Jesúre ju aipoeva ne copu etaiye javépe apevu névure. Puedajarā caivu ūpe paivhre.³⁰ Ūrecabe yainiduyu bácu, ūi memecaiye boje Jesucristo. Jidabeteame ūi baju yaijhroede, caðatechuyu yure, muje caðateivu bhojabe boje yure.

Poeva ne boropateiye cubeno ne daiyeque

(Hch 8.3; 9.1-2; 22.4; 23.6; 26.5, 9-11; Ro 2.28-29; 6.11-13; 8.29; 11.1; 2 Co 3.18; Gá 4.19; 6.14-15; Col 2.11-13)

3 Muja, jívu, cujarā torojurī maje jabocu Jesucristo que cūinávhpe. Uetubevu toivaicōjeivu yu apecure bediôva cojedeca iye majié jauéde mujare, muje curājiyepo ayu me Jesucristo. ² Me jájara ina apevu poeva ne ámeina jáimarare, aru ámeina daivhre, aru ūmuva ne baju ne cajede buraicōjeivhre máre. Ne cajede buraicōjeiye boje, “¿Jūmenijicu poeva márica maja?” arí dāpiariduyama. Que teni nácapūravu napini coreniduivhbu Jūmenijicu meadaquiyede náre, ne nópe daiye boje. ³ Ubenita majacapūravu jāve Jūmenijicu porevatamu. Que baru majarecabu mearore jívu Jūmenijicure jāve, Espíritu Santoi bhojarare daiye boje majare. Aru majarecabu torojurī curivu Jesucristo que cūinávhpe. Aru majarecabu “¿Jūmenijicu meadaquidica majare maje daiye boje?” arí dāpiabevu.

⁴ Ácu poecu napini coreni bhojaru Jūmenijicu meadaquiyede ūre ūi daiye boje, yávacari ūi pueno napini coreyu bhojabe diede.⁵ Yurecabu ne buraimu mácu ji cajede ocho pajáravu ji poeteniburu yóboi, yópe ne daiyepe caivu ūmuva judíovare. Aru yurecabu Israecacu, aru poeyajubo Benjamín ámicuriyajubocacu. Jipacu aru jipaco máre judíovabu. Judíovai yávaicamuare yávaivu yu. Aru yávacari, fariseo bácu, dārī cōmajidejacacu Jūmenijicu daiçōjeiyede ūi coyu*bi* báquede Moisés bácre yópe apevu fariseovape.⁶ Urarō ji memecaiyuriduiyede Jūmenijicure, yávacari ūnjine darejacacu ina Jesúre ju aipoevare. Aru urarō ji daiyuriduiyede yópe caiye iye daiçōjeiyepo meacu

bachyú, pōecu cābedejame āmeina yávarī bhojayu yure.

⁷ Jipocamia caiye diede corevarídure-jacacu bojecuepe yure. Ubenita caride corevayubu caiye diede ye bojecubede yure, Jesucristoi mearo dācaye boje yure. ⁸⁻⁹ Aru pueno bajutamu caijē ji cū-vajuroe. Corevayubu bojecubede yure. Bojecubu yure caiye pueno ji coreóvaiye ji jaboch Jesucristore. Que baru dajocaivu caiye iye ji daiye báquede, aru ji cūvae báquede, aru ji napini cor-eiye báquede máre, memecacchuyu Cristore. Caiye iye báquede ji coreóvaiyede jaruvaiyepa pailayebu caride, Cristo jicu bacchyúre aru cuchuyre ūque cūinávape. Que baru caride yu dabevu yópe Jūmenijichí dāicōjeiyepa, ūi jáquiyepa arī-duyu yure meacupe yópe ji dārīduiyepa báquedepedeca. Quénora caride Jūmenijicu jáimi yure meacupe, ji ju aiyepo boje Cristore. Que teni Jūmenijicurecabecaride meacu dayu yure ūi jáinoi ji ju aiyede Cristore.

¹⁰ Que baru cūinároramatu ji urō caride. Coreóvaiyuvu yu Cristore me, coreóvacchuyu iye parhéde nacovaiyepa báquede ūre yainore jaruvarti, nājicchuyu ūi nājiye báquedepedeca, aru arojachuyu ūpe ūi yaiye báquede. ¹¹ Que baru napini coreivu yu Jūmenijichí nacovaquiyepa ayu yure máre yainore jaruvarti, ji cūquiyepa ayu jāravu cūiméjāravu baquinóre.

Jūmenijicu ūi pōevare bojedaquino

(1 Co 4.16; 11.1)

¹² Yópe arī, abevu yu: "Jave bhojaivu yu caiye iye yure daiye jahede, meacu bacchyú yópe Jūmenijichí urōpe", abevu yu. Jauvu yure cāreja ji meacu baquiyépe yópe Jūmenijichí urōpe. Javede Jesucristo beorī īnejaquemavu yure ū jicchua, ji cūquiyepa ayu ūque cavarō mearoi meacu baju yópe Jūmenijichí urōpe. Aru cainumua

memecaivu yu Jesucristore caiye ji majiéque aru caiye ji parhéque máre, eachuyu ji cūquinore ūque cavarō mearo Jūmenijichí curōi. ¹³ Muja, jívu, yácapūravu corevabevu jave eayu bácare diede. Que baru cūinároramatu ji daino: Árumevu yu iye ji daiye báquede; quénora áruvu yu iye ji daquiyede, yure jaquiyede. ¹⁴ Yópe yajuipōdeschi cūyaiyepa nurié, pa cūyaima turuvaita, nopedeca yávacari nūñumu nurié pa bhojayata ji memecaiyede Jesucristore, cūchuy ūque cavarō mearoi jāravu cūiméjāravu baquinóre, yópe Jūmenijichí urōpe ūi cutuiyede ina curājivure Jesucristo que cūinávape.

¹⁵ Nópe dāpiaiye jahev u caivu majare, coreóvaiyure aipe maje ju aiyede Jesúre. Que baru cūinárturu maje ūme dāpijārarev maja. Ubenita apev u mūjacavu "Jave meara matuvubu maja yópe Jūmenijichí urōpe", ubenina ne arī dāpiaru, Jūmenijichí coreóvare dacchuyume ne que dāpiaiye jāve āmene. ¹⁶ Cūinároramatu ji coyuino mūjare caride. Maje dāpiaiye aru maje eaiye máre daiye jahev majare coapa, yópe iye Jūmenijichí yávaiyede jāvene, maje coreóvaiyepa.

¹⁷ Muja, jívu, dare nūjara yópe ji daiyepe. Yóvajarā apevure ina dāivure ji daiyepedeca. Aru me jájara ina curivure ūnje cūpedepedeca. ¹⁸ Obedijāravu javede yu coyuincas u mūjare iye coyuinye, chīore daiyede yure. Aru coyuquijivu caride bediōva cojedeca ji orique, ji urarō chīoibe boje. Obedivu pōeva cūma maucucharivu iye yávaiye méne Cristoi yaiye báquede jocucujaravena. Ne cuede ijāravu jādovaihvbu, "Ye baju āmevu Cristoi yaino mácarō jocchuyjaravena", ne arī dāpiaiyede. ¹⁹ Nárecabu bījaroimara mārajivu Jūmenijichí jocarī. Que daimara, nūrajarama na toabo cūiméboi.

Nárecabu mearore jíbevu Júmenijicre. Úbenita jíyama mearore ne baju үrōpe. Que teni ne áiye ne júmenijicupe paíyebu. Cuyojo tebenama ne ámeina dáiyyede. Quénora, “¿Meara márica maja?” adama ubenina. Nárecabu dápiabevu cavarō mearo Júmenijicui curóquede. Quénora dápiadama ijárauñquede.²⁰ Úbenita majacapúravu ijárauñcavu ámevu. Quénora cavarō mearo Júmenijicui curócautamu maja. Que baru torojurí maje ümei napini coreivubu, үrarō jáiyurivu majare meadaipóecre, maje jabocu Jesucristore, üi daquiyede ijárauñcojedeca, cavarō mearo üi curóre jocarí.²¹ Üi daquiyede, oáthvacuyume maje bajuá parubebajua yainájibajuaré, maje cüvarájiyepo ayu maje bajuá cüimébajua majare coapa üi baju cüimébajupe. Nópe dacuyame üi majié parueque. Iye üi majiéque puruchuvabi caiye ijárauñquede aru caivu ijárauñcavure máre. Que teni caiye vaiquíyebu yópe üi үrōpe.

Torojujarā maje ümei maje cue boje Jesucristo que cüinávüpe

(Col 4.2-7; 1 Ts 5.16-18)

4 Maja, jívü, ji umara, pare jáiyuñu mójare. Torojuarí áruñu mójare. Maje ju aiye boje ji bueiyede, yu cüvacuyumu mearore cavarō mearo Júmenijicui curó. Paredeca ju are nüjara Jesúis üi yávaiye méne. Jaruvabejará diede. Quénora cüjará cüinávüpe Jesucristo que, yópe maje cuepe caride.

² Paruróreca jéniauvu ico Evodiare aru ico Síntiquede máre. Ne Jesúre ju aiye boje, curivubu üque cüinávüpe. Que baru cüináturu dápiajarári na ne ümei.³ Aru jéniaivu mure, ji yóvaimure, jave cadateyure yure. Cadatejacu ina pucaróomiva nomivare, ne cáríjimene dáräjiyepo ayu ne bajure. Nárecabu

memeivu bácvu paredeca yáque, pöeva ne ju aräjiyepo aivu Jesúis üi yávaiye méne. Que baru mi cadateye jaevu náre caride. Memedama Clemente que aru apevu Jesucristore memecaivnque máre. Aru ne ámiá cüvü toivaiye curóita, Júmenijicui paperatucubo, caivu ina järavu cüiméjäravu baquinóre cüvarivu üque ne ámiáre toivaitucubo jívü.

⁴ Cüjará torojurí maje ümei cainumha maje cüede maje jabocu Jesucristo que cüinávüpe. Que baru coyivu mójare cojedeca: Torojujará maje ümei.

⁵ Caivu pöeva coreóvajarári mójare cadateyurivure apevu pöevare. Maje jabocu Jesucristo üi copaidaquino maquinó joabenotamu. Que baru cadatejará caivüre. ⁶ Aru caiye iye mójare vaiyede, cáríjimejara muja. Úbenita caiye iye mójare vaiyede, torojuede jíni Júmenijicre, coyujará üre mójare jaüede. Aru jéniajara üre maje jéniaiyede máre. ⁷ Que teni muja curájaramu me cáríjimevüva Jesucristo que cüinávüpe. Júmenijicurecabe cáríjimene daya mójare nópe, jári corecuyu maje ümene aru maje dápiayede máre. Aru yo cáríjimenó Júmenijicui jíyede ye jápiari eaivu buojabenama na, pöeva üre ju abevu.

Dápiajará muja mearore

⁸ Maja, jívü, caride buojaivu yu iye ji toivacójeyede apecure mójare. Yópe dápiajará muja: Árujara caiye iye yávaiyede jávene, aru caiye iye pöeva ne puedaiyede máre. Árujara caiye iye méne, aru caiye iye me Júmenijicui jáinore máre. Árujara caiye iye pöevare ure daiyede. Aru árujara caiye iye pöeva ne me yávaiyede máre. Dápiajará caiye iye pheno baju méne aru caiye iye pöeva ne mearore jíyede máre. ⁹ Dajará muja yópe ji coyviye báquepe mójare, aru yópe ji daicójeyiye báquepe mójare.

Đajarā yópe mūje jápiaiye báquepe ji coyhiyede, aru yópe mūje jáiye báquepe ji daiyede máre. Que daru, ñai Jūmenijicuvacari, cārijimenoque cūre dāyu mājare, cūchuyume mūjaque.

Filipocavu ne cadateino Pablore

(Hch 17.1; 2 Co 11.9)

¹⁰ Pare torojuvu yu ji ūmei ji cuede cūinávpe maje jabocu Jesucristoque, mūje cadateivu buojaiye boje yure. Mūje coreniburú yóbó joe baju, cadateivubu yure caride. Coreóvaivu yu dinumureca mūje coreiyede, cadatenajivu yure cojedeca. Ārumetebetu maja yure. Quénora cadateni majibeteavu mūja. ¹¹ Yúvacari torojuvu ji ūmei, ji majiéde cūvae boje. Que baru ñájimevu mūje cadatebede yure. ¹² Yurecabu coreóvayu cūcure ji cūvae ureque, aru cūchre yure jauéque máre. Que baru cainumua aru ári ji cūrōi máre torojuvu yu ji ūmei. Yu ji ãquiyede cūvacu baru aru ji ãquiyede cūvabecu baru máre, torojurí majivu yu ji ūmei. Aru pueno ure ji cūvae baru aru pueno yure jaué baru máre, torojurí majivu yu ji ūmei.

¹³ Cristoi cue boje yáque cūinávpe, parure dāibi ji ūmei. Que baru caijievaiyede yure, daiye majivu yure jauéde yópe ūi uröpe. ¹⁴ Ubenita meateavu mūje cadateiyede yure ji ñájiyedeca.

¹⁵ Mūja, Filipocavu, mūjavacari coreóvaivabu me ji etaiye báquede Macedonia āmicurōre jocarí, apenoa īmaroacavu Jesúre ju aipöeva cójijivaivu cadatebevu bácvare yure. Dinumui ji būiye báquede bueyu Jesú ūi yávaiye méne mūjare, mūja quévura,

Jesúre ju aivu cójijivaivu Filipoi, jiavu yure tāuturare, bojedarājivu ji bueye báquede mūjare. Que teni jíni aru jacopurí máre bħavu maja maje baju. ¹⁶ Ji cue báquede Tesalónica āmicurīimaro cūinárūmu aru apenūmu máre mūja jaroáv u yure tāuturare, yure jaue boje. ¹⁷ Torojuvu yu ji ūmei mūje jiyede yure. Ubenita pueno baju torojuvu yu ji ūmei, Jūmenijicu me jáiye boje mūjare mūje yópe daiye boje, mūje cadateye boje yure. ¹⁸ Jacopuvu yu caiye mūje daroive báquede yure Epafroditoque. Ure cūvaede davacube yure, mūje jíye báquede. Que baru caride pueno baju cūvavu yu. Aru ye jaubevu yure. Yure mūje jíye báque cojuvu Jūmenijicure yópe pöeva ne juaiye mumijude ne jíye cojuépe ūre. Nopedeca mūje jíye báque máre me cojuvu ūre. ¹⁹ Aru majepas Jūmenijicu, ji memecaimu, ure cue cūvabi. Que baru jícuyume caiye mūjare jauéde, mūje ju aiye boje Jesucristore. ²⁰ Jínajarevu maja mearore majepas Jūmenijicure cainumua. Quédecabu.

Pablo ūi meaicōjeino Filipocavure

²¹ Meajarari na, caivu ina Jūmenijicu pöeva, ina cūrivu Jesucristoque cūinávpe. Ina Jesúre ju aipöeva yáque cūrivu caride meaicōjedama mūjare. ²² Caivu ina Jūmenijicu pöeva yócvu meaicōjedama mūjare. Caivu pueno meaicōjedama mūjare ina Jūmenijicu pöeva ñai jabocu ijāravuacu pueno baju parucu cūramicavu. ²³ Maje jabocu Jesucristo mearo dācājacurí mūjare bojebeda ūi me boje. Quénoram.

Colosenses

Mamabuínore coyuíyebu Pablo bácu ūi toivaicōjeiye báquede paperayocare Colosas āmicuriímarocavu Jesúre jū aipōevare. Pablo bácu judíovacacu bácvacari, Jesú ūi yávaiye méne beorí coyuicōjeimu marejaquémanu, coyuachuyu ūi yávaiye méne judíova āmevure, judíova ne jū abe boje ūi coyuíyede. Lucas bácu coyurejaquemavu Pablo báchi borore Hch 7:57-8:1, 9:1-31, 13:1-28:31. Úbenita Pablo bácu aipiyede nūmecuvacari Colosas āmicuriímaroi, toivaicōjeiyurejaquemavu ūre toivacaipōechu báçure náre, ūi ne boje náre (2:1-5) aru Épafras báchi coyuíye báque boje Pablo báçure Colosacavu ne borore (1:7-8). Javede toivaicōjenejaquemavu pucayoca ūi paperayocare Tesalónica āmicuriímarocavure, aru pucayoca ūi paperayocare Corinto āmicuriímarocavure, ūi paperayocare Galacia āmicurijoborōcavure, aru ūi paperayocare Roma āmicuriímarocavure máre. Apevu ne dápiaiyepo, javede toivaicōjenejaquemavu ūi paperayocare Filipos āmicuriímarocavure. Toivaicōjenejaquemavu yóbecuriyoca ūi paperayocare āniyu bácarore 60 d.C., ūi cuedé āmeina teivure jéni jacoñami Roma āmicuriímaroi, cūináyocare Éfeso āmicuriímarocavure, apeyocare Colosas āmicuriímarocavure, aru apeyocare Filemón máçure. Tíquico bácu nūvarejaquemavu iyoca yóbecuriyocare cūináthru ūi nuiyede Roma āmicuriímarore pu Asia āmicurijoborōi. Pablo bácu coyurejaquemavu ūre toivacaipōechu báçure aipe ūi toivacaquiye báquede diyocare.

Diyocaque Pablo bácu daicōjenejaquemavu Jesúre jū aipōevare yópe

náre jauede ne c̄he boje Jesucristo que cūináñvpe (3:1-4:6). Coyurejaquemavu náre Cristorā, caiyede cuedayu báçure aru c̄ure dayure máre, que baru parucure caivu p̄heno (1:15-23) aru cūináçura meadaiye majicure ūre jū aivure dabevuvva yópe bueipōeva borocurivu ne daicōjeniduiyepo (2:6-23).

Pablo ūi meaicōjeino Colosacavure

1 ¹⁻²Yh, Pablo, aru majecu Timoteo máre ūi jū aiye boje Jesucristore meaicōjeivubu m̄jare, Colosas āmicuriímarocavu Jūmenijicu p̄ovare. Yábu Jesucristoi yávaiye méne beorí coyuicōjeimaracacu. Yu toivaicōjeivu apecure iyoca paperayocare m̄jare, n̄ujevure, Jesucristore jū aivure, ūi ühröpe daivure, aru c̄urivure ūque dajocabevuvva cūináñvpe. Majepas Jūmenijicu, mearo dacajacurí m̄jare bojecubeda ūi me boje. Aru torojurí c̄ure dajacurí m̄jare cārijimevuvva.

Pablo ūi jēniaino Jūmenijicuque Jesúre jū aipōevare

(Ef 1.7; 6.12; Col 4.12; Flm 23)

³Torojude jíñvbu n̄uja Jūmenijicure, n̄ai majé jaboch Jesucristoi pacure, Cainumua n̄uje jēniaiye coapa Jūmenijicuque m̄jare boje. ⁴Jápiavubu n̄uja m̄uje jū aiyede Jesucristore aru ührivure máre caivu ina Jūmenijicu p̄ovare. Que baru torojude jíñvbu Jūmenijicure m̄jare boje. ⁵Javede m̄uja jápiarejaquemavu iye yávaiyede jāvene, Jesú ūi yávaiye méne. M̄uje jápiayede diede, jápiarejaquemavu iye borore Jūmenijicu mearo dacaquiyede m̄jare cavarō mearo ūi cárōi. M̄uje napini coreiyepo boje iye Jūmenijicu mearo dacaquiyede m̄jare, m̄uja jū aivubu Jesucristore aru ührivubu caivu ina Jūmenijicu p̄ovare. ⁶Yópe m̄uje jápiayede iye Jesú ūi yávaiye méne, nopedeca obedivu p̄ovava

apenoa joborōacavu máre jápiadama diede. Que baru caijāravu apevu pōeva ju adama diede. Aru pueno baju mearo dadama, ne ju aiye boje diede. Aru quēdeca vaidéjaquemavu mūjare. Marumure mūje jápiaiyede iye Jesús ti yávaiyede jāvene pu caride máre, coreóvaivubu mūja jāve Jūmenijicu mearo dacayhre bojecubeda, ūi pueno meachu baju boje. Que baru caijāravu apevu mūjacavu ju adama diede.⁷ Diede bueibi ūuje umu Épafras. Nai Épafrarecabe, memecayu Jesucristore ūjaque, coreóvare dayu bácu mūjare iye Jūmenijicu mearo dacaiyede pōevare bojecubeda. Que teni cadateyu ūjare memecaibi Jesucristore.⁸ Ú coyuhi ūjare aipe nai Espíritu Santo ure dayhre mūjare caivu Jūmenijicu pōevare.

⁹ Que baru ūuje jápiaiyede boje mūje borore, coyuñubu mūjare Jūmenijicuque máre. Ūuje jápiaiyede mūje borore coyuři búcarā mūjare Jūmenijicuque. Aru caride máre coyuře nūñubu mūjare Jūmenijicuque. Jēniaivubu ūque ūi coreóvare daiyede mūjare jāve caino yo ūi urōre, mūje darājiyede aivu yópe ūi urōpe. Que baru jēniaivubu Jūmenijicuque, mūje cūvarājiyede aivu majié caiyede aru coreóvaiye méne mūje ūmeque.¹⁰ Jēniaivubu diede, mūje darājiyede aivu yópe ina Jūmenijicu jina ne daiyede, Jūmenijicu torojhuiyede aivu mūjaque cainumua. Pueno baju jēniaivubu Jūmenijicuque mūje mearo darājiyede aivu yópe ūi urōpe aru mūje coreóvarñurajiyede aivu Jūmenijicu pueno baju caijāravu.¹¹ Aru pueno baju jēniaivubu Jūmenijicuque, ūi parure daquiyede aivu mūjare mūje ūmei ūi majié pueno baju parhqué ūi jādovaiyede pōevare, mūje napinajiyede aivu mūje nājinajiyede cainumua torojurivu mūje ūmei.¹² Aru pueno baju jēniaivubu Jūmenijicuque, mūje

torojhuiyede jínajiyepe aivu majepacu Jūmenijicu, ūi cūvare daiye boje mūjare iye mūje cūvarō coapa, ūi mearo dacauquiyede ūi pōevare cavarō mearo ūi curō miadároi.

Maje cūe cārijimevhuva Jūmenijicuque Jesúi yaiye báque boje

(Jn 1.1–3.18; Hch 26.23; Ef 1.22-23;
2.16; 4.15; 6.12; He 1.2-3; Ap 1.5)

¹³ Jūmenijicu meadaibi majare ūai abujuvai jabocu jaboteino ūminore jocarī. Que baru epeibi majare maje jabocuva mamacu, ūi umure.¹⁴ Nai mamacu bojedare daibi majare, ū jina marajiyépe auy. Que baru ārūmeteibi maje āmeina teiyede.¹⁵ Nai mamacu cūináturube jípacu Jūmenijicuque. Aru pōeva jāri būojarejaquemavu Jesucristore. Übenita jāri būojabenama Jūmenijicu. Nai mamacu paracu caivu pueno cūrejaquemavu jípacuque caiyede cuedaquiye jipocare.¹⁶ Ürecabe Jūmenijicu caiyede cuedare daimu mácu. Ürecabe cuedayu bácu caijene cavarō mearo ūi curōquede, aru joborōquede máre, aru caijene maje jāiyede aru maje jāmene máre. Que baru cuedarejaquemavu caivu ina jabovare, aru pūrucuvavure, cōjeivure, aru parurivure máre cavarō mearo ūi curōcavure. Que teni Jūmenijicu ūre cuedare darejaquemavu caiyede. Aru cuedare dacarejaquemavu caiyede ūre boje, ūai mamacu caivu ne mearore jím u maquiyépe auy.¹⁷ Cristorecabe caivu ne jipocacacu. Ürecabe cucus caiyede cuedaquiye jipocare. Aru ūrecabe Jūmenijicu caiyede mautede dare daimu, caiye cūquiyede auy me.¹⁸ Maja ūre ju aivu caiyajuba pōeyajuboacavu ūi bajupe paivubu. Aru ūvacari, maje jipobhre páyu, maje jabocube, majare daicōjéu. Ürecabe cūre dayu jāve caivu ina ūre ju

aivure ne bajure aru ne ūmene máre, ūi nacajaiye báque boje yainore jaruvarí caivu jipocai, jabotecuyu parucu caivu apevu pueno cainumha.

¹⁹ Jūmenijicuvacari beorejaquemavu cucure mamacuque yópe ūi baju үrōpe. Que baru Cristorecabe jādovañu jāve aipe ārojacure jípacu Jūmenijicure. Aru Jūmenijicupe páyu matuyle cojuvu jípacure. ²⁰ Jūmenijicu cārijimene daiyurejaquemavu caivure ūque. Aru ména cure daiyurejaquemavu caiyede máre. Daiyurejaquemavu diede mamacuque, caivu ne mearore jím u maquiyépe ayu. Que baru mamacu jive meiye báque boje ūi yaiye báquede jocuscijaravena, Jūmenijicu cārijimene darejaquemavu caivure ūque, caivu ijāravucaivure aru caivu cavarō mearocavu máre. Aru caiye ijāravuquede aru caiye cavarō mearoquede máre ména cure darejaquemavu Jūmenijicu.

²¹ Aru mujacapúravu javede āmeina dápiaivu barejaquémanu aru āmenore dáiivu barejaquémanu. Que baru Jūmenijicure coreóvabevuva mauchavarinu barejaquémanu mujia. ²² Ubenita caride Jūmenijicu cārijimene darí yóvare daibi mujare ūque. Nópe darejaquemavu mamacu yaiye báquede ūi baju. Nópe dacarejaquemavu mujare, dacuyu meara yópe ūi үrōpe, ye āmeno cübequino mujare, aru pöeva ne boro coyurí adarí bujabenajino mujje borore, ūi ecovaquiyede mujare ūi yebai. ²³ Nópe vaiquíyebu mujje daiye boje yópe daiye jauepé. Jauvu mujare mujje ju are nuiye Jesú ūi yávaiye méne, “¿Jáve márica?” arí dápiabevhu. Aru jauvu mujare mujje napini corede nuiye maje curájiyede Jūmenijicuque cainumha yópe mujje napini coreni bujiye báquepe mujje marumu jápiaiyede iye Jesú ūi yávaiye méne. Iye yávaiye méne obedivu pöeva cainoa joboróacavu jápiadama. Aru yá-

vacari, Pablo, Jūmenijicure memecayu, coyuyubu diede.

Pablo Jesú ūi memecaicōjeimū ūre ju aipōevare

(Ef 3.2; Ap 3.14-22)

²⁴ Caride torojuvu yu ji ūmei ji nájiyede mujare boje. Que teni buojaivu yu ji nájiquiyé jaehrōre yure ji baju, cadatechuyu ina caiyajuboa pöeyajuboacavu Jesúre ju aivure. Ji nájiyebu yópe Cristoi nájiye báquepe ina caiyajuboacavu ūre ju aivure boje. Jesucristoi bajupe paivubu na. ²⁵ Yurecabu Jūmenijicu epeimu, corechuyu aru cadatechuyu mujare. Que baru memecayu recabu ina caiyajuboa pöeyajuboacavu Jesúre ju aivure, coreóvare dacuyu mujare caiye iye Jūmenijicu yávaiye méne. ²⁶ Javede Jūmenijicu jādovamenejaquemavu iye yávaiye méne, caivu ina pöeva javecavu bácacavu ne majibenajiyepe ayu. Ubenita caride jādovaimi diede ūi pöevare, ne majinajiyepo ayu. ²⁷ Jūmenijicu ubi mujje majinajiyepo ayu mujja judíova āmevu ūi pheño baju mearo dacaimara márajivure үrarō ūi pheño baju mearo daiyeque. Que baru jādovaimi diede. Iyebu yávaiye jādovame máque pöevare jipocamia: Cristo cübi cüinávupe majaque. Que baru torojurí maje ūmei napini coreivubu maja yo mearo maje cüvarájinore cavarō mearo Jūmenijicu curóo.

²⁸ Que baru nüja coyuhuvu Cristoi borore caivure. Coyuhuvu caivure parurōreca aipe daiye jaehrōre náre. Aru caivure majicaivubu ūi majiéque. Nópe dacainuvu nüja caivu curivure Jesucristo que cüinávupe, ne curájiyepo aivu meara baju jaubeda yópe Jūmenijicu үrōpe, nüje eare darájiyepo aivu náre Jūmenijicu yebai. ²⁹ Que baru yu pheño baju memeñumu püuetuyuvacari. Que dare daibi yure Cristo ūi majié paruéque.

2 Coreóvare daiyvn̄ m̄jare p̄ueno baju ji memeyede p̄u uestyñvacari, cādatecuyu m̄jare aru ina Jesúre ju aivu Laodicea āmicuríimarcavure, aru apevñ Jesúre ju aivure máre, yure jámevñ bácvure. ² Yópe memeivn̄, parure dachuy caivu m̄jare m̄uje ümei, m̄uje c̄ue boje cūinávure m̄uje uede m̄uje bajumia. Aru yópe memeivn̄, m̄uje jápiarí coreóvarajiyepo ayu jâve caiye iye Jümenijicu majiéde üi meadaiyede m̄jare. Que teni jâve coreóvarajaramu m̄uja Cristoi borore. Ürecabe Jümenijicu jâdovamem mácu cāreja javede. ³ Cristo cūinácurabe majicu p̄ueno baju caiye iye p̄oeva ne majibede aru ne coreóvabede máre. Majibi caiyede. Aru üi majiébu p̄ueno baju me, yópe p̄oechí bojecuede yaveiyepo paiye. ⁴ Caiye diede toivaicōjeivu apecure m̄jare, apevñ ne jujovabenajiyepo ayu m̄jare borocueque. ⁵ Ji cuedeca joai m̄jare jocarí árhvñ yu m̄jare cainumua. Coreóvavñ yu m̄jare curivure Jesucristoque cūinávure aru ju aivure üre parurōreca. Que baru torojavñ yu ji ümei.

Apué mamae jaürō majare, Jesúre ju aipōevare

(Ro 6.4; Gá 4.3, 9; Ef 2.1-5, 15)

⁶ M̄uje ju aiye báque boje iye majebocu Jesucristoi yávaiyede, dājarā m̄uja cainumcha yópe ne daiye jaüröpe ina curivu Jesucristoque cūinávure. ⁷ Que teni ju are n̄ujara Jesucristore, aru dare n̄ujara yópe n̄uje bueiyepo m̄jare üi yávaiye méné mamarumure. Caijäravña p̄ueno baju dare n̄ujara yópe üi uröpe. Aru, “Jesucristoi yávaiye me jávetamu”, are n̄ujara. Nopedeca buedeaquemavu m̄jare mamarumure. Aru pare torojuede jíde n̄ujara majepacu Jümenijicure cainumua.

⁸ Me jájara m̄uja. M̄uje bajumia apevñre jujovaicōjemejara ne bueiyepo

bojecueque aru borocueque máre, ne dabenajiyepo aivu m̄jare ne bueimarare. Iye ne bueiyepo p̄oeva néñecuva mácavu ne ëarí cōmajiyebe. Iye ne bueiyepo p̄oeva ne majiébu. Aru iye ne bueiyedecabu Cristoi yávaiyede, “Jâve ámevñ” aiye. Que baru jâve ámevñ aru bojecuevñ iye ne bueiyepo

⁹ Jümenijicuvacari c̄ubi Cristoque. Üi bajurecabe ári Jümenijicu c̄uscu jâdovavñ jâve aipe árojacure. Que baru majebajure Cristore, majivu aipe árojacu bajure Jümenijicure. ¹⁰ Jümenijicu jâve c̄ure dāibi m̄jare m̄uje ümei, m̄uje c̄ue boje cūinávure Cristoque, n̄ai jaboteyu caivu jabovare aru cōjeivure máre. Que baru ye jaubevñ m̄jare m̄uje ümei. ¹¹ Yópe ümuvu ne buraicōjeiyepo ne cajede, árurajivu ne baju Jümenijicu jinava, nopedeca Cristo dāibi m̄jare Jümenijicu jinare, m̄uje c̄ue boje üque cūinávure. Übenita ü burarí iní jaruvabebi m̄uje cajede. Quénora daiyñbede dāibi m̄jare ámeina teiyede, m̄uje ámeina teiyede daiyue cōjeimara ámenajiyepo ayu.

¹² M̄uje jâdovaiye báquede Jümenijicure ocoque yaivu bácvure tedejaquemavu m̄uja Cristoque, aru ne p̄oe jaruvainoi epeiyepo báquepe m̄jare üque, aru Jümenijicu nacovaiye báquepe m̄jare üque máre yainore jaruvarti. Que dācarejaquemavu Jümenijicu m̄jare üi majié parueque m̄uje ju aiyede üre, “Jâve Jümenijicu nacovarejaquemavu Cristore yainore jaruvarti”, m̄uje aiyede. ¹³ M̄uja yaivu bácvure m̄uje üme coatede daimara marejaquemavu Jümenijicure jaruvarti, m̄uje vainí tuiye boje aru m̄uje daicōjeiyepo boje m̄uje ámeina daiyueque. Dinumure Cristo epebedejaquemavu m̄jare cāreja Jümenijicu jinava. Übenita caride Jümenijicu apure dāibi m̄jare apue mamarueque Cristoque. Que teni árumeiteibi caiye maje ámeina teiyede. ¹⁴ Jü-

menijicu toivaicōjeiye báque boje ūi daicōjeiyede, daiye jaurejaquemavu mājare. Ubenita maje dabe boje diede, bojecube daiye cūvarejaquemavu Jūmenijicu que. Maja dabevū bácavhreca iye daicōjeiyede, ye boropateivupe jāmenejaquemavu majare Jūmenijicu. Quénora Cristoi yaiye báqueque joscucjaravena jaruvarejaquemavu maje bojecube daiye báquede ūre. ¹⁵ Que dayu Jūmenijicu pueno baju vainí tarejaquemavu caivu ina jabovare aru cōjeivure ūi cāchinoi. Náre chyoje tede darī, jādovaimi paracure caivu apevu pueno Cristo ūi daiyeque. Que daibi Jūmenijicu caivu pōeva ne jāiyede.

Ijāravuque bābevenu Jesúre ju aipōeva

(Mt 15.9; 22.44; Ro 6.4-11;
14.1-6; Gá 2.19-20; Ef 1.22;
4.15-16; Fil 1.21; Col 2.21; He 1.3)

¹⁶ Que baru jápiarī adabejarā māje ácu pōecu āmeina yávayure mājare, māje āiye boje aru māje ūcuiye boje māre, aru māje torojave tebe boje ūpe ūi torojave teijāravhare caiujua coapa, caivu aviáva coapa, aru sábadore māre caisumana coapa. ¹⁷ Iye javeque daicōjeiyeque āiyeda coyhiyede, aru torojave teiyeda coyhiyede, aru apejīena coyhiyede māre Jūmenijicu epedeaquemavu, buechuyu nājare. Iye daicōjeiyeque Jūmenijicu jādovañu marejaquémavu aipe ūi daquiyede yóbore. Cristo cūchuyurā māre jādovañu marejaquémavu ū. “Yópe ūre vaiquíyebu”, arī jādovañu marejaquémavu. Que baridurejaquemavu iye daicōjeiye. ¹⁸ Aru jápiarī adabejarā māja ácu pōecu āmeina yávayure mājare, māje mearore jíye boje Jūmenijicure ūpe āmevu. Que teni apecu ūi cāchinocavure tebejarā māja. Aru mearore jíbejarā ángelevare māre, yópe ūi daiyepe.

Ūrecabe arīduyu uabenina “Jāvemu ji coyhiye, ji jāiye báque boje apusu yópe decoboinope”. Ubenita jāmemi iyede, ūi coyhiye borore. Aru, “¿Meacu bárica apevu pueno?” uabenina arīduibi. Nópe arīduibi ūi daicōjeiye boje ūi dāpiainore ūi āmeina daiyueque. ¹⁹ Ūrecabe dajocayu bácu ūi cuede Cristo que cūinávupe. Que baru majibebi iye bueiye jāveme Cristo borore. Cristo maje jabocube. Que baru daicōjeimi caivu ina caiyajuboa pōeyajuboacavu ūre ju aivure, ne pueno baju dare nūrajiyepo ayu yópe Jūmenijicu urópe. Que baru caijāravu pueno baju majide nūñama na, ūre ju aivu caivu, me curājivu ne ūmei yópe Jūmenijicu urópe.

²⁰⁻²¹ Māje cue boje Cristo que cūinávupe, yaivu bácahvare paivabu ūque. Aru jaubevu ina yaivu bácahvare ne ju aiye daicōjeiyede. Que baru jaubevu mājare māje ju aiye iye daicōjeiyede pōeva ne majiéque coyhiyede. Que barureca apevure daicōjeiye jaubevu mājare. Jaubevu mājare cāreja māje ju aiye pōeva ne daicōjeiyede, yópe ne aiyede: “Jēmejara apejīene. Aru āmejara apejīene. Aru tūobejarā apejīene māre”, ne aiyede. ²² Quénora iye ijāravuque cūiquiyede coyhyama pōeva ne daicōjeiyede coyhyequ. Aru diedecabu pōevavacari ne daicōjeiye aru ne bueiye māre. ²³ Pōeva iye daicōjeiyede daivu Jūmenijicure puelaivupe ārojariduivabu. Aru jādovariduivabu ne baju apevu ne cāchinocavure. Nājine darī ne bajure, Jūmenijicure puelaivupe teniduivabu na. Iye ne daiyede yópe ne daicōjeiyepo majidivupe teniduivabu. Ubenita iye daicōjeiyede daivvacari, ye dajocabema ne baju āmeina daiyuede. Que baru iye daicōjeiye ne cūvae bojecubevu náre.

3 M舅arecabu yópe J舅menijicu naco-vaimara mácavupe Cristoque yainore jaruvarí. Que baru Cristo jinatamu m舅ja. Que baru m舅je āmeina teiyede m舅je javeque daiyede dajocarí, oatu-vadavu m舅ja, mearo ɏarājivu. Oatu-vaimara mácavu m舅ja, cainumua ure nujara yo cavarō mearo J舅menijicu curōcarore. No cavarō mearotamu Cristo ūi curō, dobach ūi dobarō mearo J舅menijicu meapūravu yebai, ūi parue cu-vae boje.

2-3 Caride m舅ja ɏabevu yópe m舅je daiyede báquepe, m舅je yaivu báca-vupe paiye boje Cristoque. Que baru coatede ɏaimaratamu m舅ja m舅je cue báquede jaruvarí. Quénora curivubu m舅ja m舅je ūmei Cristoque cūinávupe J舅menijicu jainore. Ɉbenita apevu pōeva jāmema cāreja iye m舅je jāve cuede Cristoque. Quénora J舅menijicu yaveimarapebu m舅ja caride. Que baru cainumua ɏapiare nujara yo cavarō mearo J舅menijicu curōcarore. Dápiabejará iye āmene ijāravuquede ijāravuca-vu ne daiyede. ⁴ Cristorecabe jāve chre ɏayu m舅jare m舅je ūmei. Ūi copaidaquiyede ijāravu cojedeca caivu ne jāiyede, m舅ja máre curājaramu ūque. Dinumua maquinore meara marajáramu m舅ja ye jaubeda yópe J舅menijicu uthōpe.

Aipe daiye jauro Jesúre ju aipoevare

(Ef 2.3, 10; 4.2, 22, 24, 32; 5.19-20)

5 Coatejará m舅je baju m舅je āmeina daiyuede jaruvarí. Āmeina ɏabejará apevque m舅jemarebucuva āmevque, aru āmeina ɏabejará ūmua nomivaque aru nomiva ūmuaque máre. Caiye iye āmene daiyubejará m舅ja. M舅je baju āmeina daiyuepe ɏabejará m舅ja. Ɉbe-jará pueno baju m舅je cuvaede. Que ɏaivu baru, ɏajebu m舅je cuvaede yópe J舅menijinape. ⁶ Aru J舅menijicu joro-jini jári ina ūre jāpiabevure, nājine dacuyume nāre, āmene ne daiye boje.

⁷ M舅ja máre javede āmenore ɏarejaque-mavu napedeca m舅je jāpiabede cāreja J舅menijicure. ⁸ Ɉbenita caride m舅ja-capūravu dajocajarā caiye āmene. Que baru jarabejarā apevure. Aru jorojime-jara nāre máre. Āmeina dápiabejarā apevure. Aru coyubejarā āmenore caivu ne jāpiaiyede apevhi borore. Āmeina yávabejarā apevure ne jāpiaiyede máre. ⁹ Que baru borodabejarā m舅je bajumia. M舅ja aipe ɏrojarivu báca-vure m舅je āmeina daiyueque aru m舅je dare nuiye báquede āmenore dajocadavu m舅ja.

¹⁰ Caride mearape ɏrojarivbu m舅ja. Aru caijāravu J舅menijicu pueno baju meara nure ɏaibi m舅jare, m舅je ɏrojarajiyepo ayu ūpe, ūi m舅jare cuedayu bácupe mamaūmeque, m舅je coreóvarājiyepo ayu ūre jāve. ¹¹ Que baru caride ye baju āmevu pōecu judío o judío āmecu, aru buraicōjēnū ūi cajede o buraicōjemece diede, aru yávayu griego āmicuricamua yávaicamuare o yávabecu diede, aru ūmarocacu o Ɉbeni curijicu, aru apecni yebacacu o apecni yebacacu āmecu máre. Quénora Cristorecabe cūinácura parucu caivu apevu pueno cainumua. Aru caivu ū jinaque cubi ū.

¹² M舅ja J舅menijicu ūi beoimaramu, ū jinatamu, aru ūi umaramu máre. Que baru yópe paivu bájará m舅ja. Cō-maje ɏroje jājara m舅jevure. Aru cadate-jarā nāre. Dápiabejará m舅je baju mearape apevu pueno. Puedajará m舅jevure meara pōevape. Aru napijara nāre.

¹³ Jarabejará m舅je bajumia. Aru apecu m舅jecu ūi āmeina yávaru o āmeina ɏaru m舅jare, ɏrumetejará ūi āmeina daiyede. Yópe maje jabocu Jesucristo ūi ɏrumeteiyepo báquepe m舅je āmeina teiyede, m舅ja máre ɏrumetejará m舅jevne āmeina teiyede. ¹⁴ Aru paruebu caiye die pueno m舅je ue m舅je baju. M舅je uede apevure, curājaramu cūinávupe

yópe Jūmenijicu utrōpe. Que baru ajarā apevare.

¹⁵ Cristo cārijimene daibi mujare. Aru Jūmenijicu cuturī epeibi mujare, maje cūrājiyepē ayu cūinávhe cārijimevhā. Que baru cārijimena cūre nujara maja. Aru cainumha torojuede jíde nujara Jūmenijicure. ¹⁶ Coreóvare nujara caiye iye yávaiye méne Cristoi borore. Yópe dajará maje bueiyede aru maje coyuhiyede parurōreca mujevare máre ure majiéque. Majicajarā aru coyujarā parurōreca Salmos ámicueque, aru mearore jíjarā Jūmenijicure yuriainoque, aru ūi Espíritu jino yuriainoque máre. Que teni yuriajara Jūmenijicure, torojuede jínajivu ūre maje ūmeque.

¹⁷ Que baru caiye maje coyuhiyede aru caiye maje daiyede máre, dajará yópe ina Jesucristore ju aivare jauépe, ina jéniaivu ūi paruquéque. Aru cainumha Cristoi cadateiyequete torojuede jíjarā mepacu Jūmenijicure.

Mearo daiye jaúrō cūramicavuque aru memeivuque máre

(Ef 5.16, 22, 25; 6.1,
4-9, 18-20; Fil 4.6; 1 P 3.1, 7)

¹⁸ Maja, ūmichirivu, ju ajarā mjemarepacare ūi coyuhiyede mujare. Ju aiye jauvu mujare ūre, maje cue boje maje jabocu Cristoquē cūinávhe. ¹⁹ Maja, nomicirivu, jecujarā mjemarepacore. Jarabejarā óre.

²⁰ Maja, juédova, cainumha ju ajarā me mjebhucavare ne coyuhiyede mujare. Jūmenijicu torojurí jáimi maje ju aiyede náre. ²¹ Maja, nébhucvua, jorójine dabejarā mjemarare, ne chiomena-jiyepē aivu.

²² Maja, memecaivu, cainumha ju ajarā me maje jabova ijárahvavare ne coyuhiyede mujare. Cainumha ju ajarā náre me maje ūmeque. Ju aivu ámejara náre quénora ne jáiyede

mujare, "Mearo daivabu" ne arājiyepē aivu mujare. Ju ajarā náre, maje pœdaiye boje maje jabocu Cristore. ²³ Torojurivu memecajarā maja. Yópe maje pœvare memecajurope ámevhā. Quénora yópe maje jabocu Cristore maje memecajurope dajará maja. ²⁴ Cristorecabe maje maje jabocu jave. Úrecabe maje memecaimu jave. Que baru coreóvaivbu maja maje jabocuvacari Cristo bojedachyare mujare yópe Jūmenijicui aiye báquepedeca, ūi mearo dacaquiyede mujare. ²⁵ Ubenita ácu mujacacu ūi ámeina dare náru, Jūmenijicu, ján̄u caivu pœvare cūináturura, nájine dacuyume ūre ūi ámeina daiye báquepedeca. Que teni Jūmenijicurecabe bojedayu caivu pœvare yópe ne daiye báquepedeca.

4 Maja, ne jabova, dajará me mujare memecaivhe yópe mujare jauépe Jūmenijicu jainore, maje coreóvaiye boje maje jabocu cavarō mearocacu cúcure, maje coyurajimure aipe maje daiye báquede.

² Uetubevhā coyujarā Jūmenijicuque. Maje coyuhiyede ūque, me dápiajarā maje coyuhiyede aru torojuede jíjarā ūre. ³⁻⁴ Aru maje coyuhiyede jéniajara Jūmenijicuque yure boje máre, cuchare ámeina teivare jení jacoñami jívui, ji coyuhiye báque boje iye yávaiye méne, Cristoi borore, jádovameno mácarore jipocamia ubenita jádovainore caride. Jéniajara Jūmenijicuque ūi yávayu bhojare daquiyepē yure, ji coyuquiyepē aivu diede caivu ne jápiaiyede yópe yure jauépe.

⁵ Coyujarā maja Jesús ūi yávaiye méne ina ūre ju abevare. Cainumha maje cuedé náque me majiéque dajará náre.

⁶ Coyujarā náre, me coyuquiyepē aivu náre aipe árojarore maje coyuvinore. Que teni coreóvarajaramu maja aipe árojae

jaūrōre mūjare mūje coyuhiyede nāre ne jēniari jāiyede mūjaque.

Pablo ūi meaicōjeino Colosacavure

(*Hch 12.12, 25; 13.13; 15.37-39; 19.29; 20.4; 27.2; Ef 6.21-22; Col 1.7; 2 Ti 4.10-12; Flm 2, 10-12, 23-24; Ap 3.14-22*)

⁷ Caiye iye vaiyede yure ñai Tíquico coyuhsuyume mūjare. Úrecabe majecu, maje uthu, yure cadateyu dajocabecuva, aru maje jabocu Cristore memecayu yáque máre. ⁸ Daroscuyumu úre mūje yebai, ūi coreóvare daquiyepo ayu aipe vaiyede ñujare, ūi torojure daquiyepo ayu mūjare mūje úmei. ⁹ Aru nūvacuyume ñai Onésimore úque, majecu dajocabecure, maje uthure, mūje ëmarocacure. Na pucarā coyurājarama mūjare caiye vaiyede ñuje yebare.

¹⁰ Ñai Aristarco, ámeina teivure jēni jacoñami cuchu yáque, meaicōjeimi mūjare. Aru ñai Marcos máre, Bernabé ūi chimacu, meaicōjeimi mūjare. Javede coyuhsacu mūjare ūi borore. Que baru ūi earu mūje yebai, me copu etajarā úre. ¹¹ Aru ñai Jesús máre, apenuthu ne aimu Justo, meaicōjeimi mūjare. Ina yóbecurā quévhra judíovacavu Jesucristore ju aivurecabu memeinu yáque caride, pöeva ne jaboteicōjenajiyepo aivu Jūmenijicure nāre. Na cadateivu yure me torojure dadama ji úmei. ¹² Aru ñai Épafras máre, mūje ëmarocacu, aru Cristore memecayu, meaicōjeimi mūjare. Úrecabe cainumua pueno baju jēniañu mūjare Jūmenijicque. Jē-

niañume mūje meara marajiyépe ayu mūje úmei ye jaubeda yópe Jūmenijicui urópe aru mūje coreóvarajiyepo ayu aipe caino Jūmenijicui uróre, “¿Jáve márica?” arí dápiabevuva. ¹³ Pueno baju ubi mūje curajiyepo ayu me Jūmenijicui jainore, aru nāre máre, ina Jesucristore ju aivure Laodicea ámicuriñmarocavure aru Hierápolis ámicuriñmarocavure máre. Que baru paruróreca jēniaimi Jūmenijicque mūjare boje. Yúvacari coreóvaivu die jävene. ¹⁴ Aru ñai Lucas, maje jhoipöecu, maje uthu, aru Demas máre, meaicōjedama mūjare.

¹⁵ Meajarari na Jesúre ju aipöeva Laodiceacavu. Aru meajarari Ninfa aru ina Jesúre ju aipöeva cójjivaivu õi cürami jívhi. ¹⁶ Jári boroteicōjejara iyoca paperayocare mūje cójjinoi caivu ne jápiaiyede. Aru mūje jápiariburu yóboi, jári boroteicōjejara diyocare ina Laodiceacavu Jesúre ju aipöeva ne cójjinoi caivu ne jápiaiyede máre. Aru apeyoca paperayocare máre, ji toivaino mácarore, Laodiceacavure mūja máre jári boroteicōjejara diyocare mūje cójjinoi caivu ne jápiaiyede. ¹⁷ Yópe arí, coyujará ñai Arquipore: “Me jájacu mu, buojachuyu yo mi memeinore maje jabocu Jesucristo ūi epeiyé báquede mure mi cue boje cüinávhe úque”. Que ajará úre.

¹⁸ Yúvacari, Pablo, toivainu ji puerque caride. Meaicōjeivu caivu mūjare. Árujara yure ne buoimure tāumeaque, ámeina teivure jēni jacoñami cuchure. Jūmenijicu mearo dacajacurí mūjare bojecubeda ūi me boje. Quénoram.

1 Tesalonicenses

Mamabuínore coyuhiyebu Pablo bácu ūi toivaicōjeiye báquede mamayoca paperayocare Tesalónica āmicuriímarocavu Jesúre ju aipōevare. Pablo bácu judíovacacu báchvacari, Jesús ūi yávaiye méne beorí coyuhičojeimu marejaquémavu, coyuhsuyu ūi yávaiye méne judíova āmevure, judíova ne ju abe boje ūi coyuhiyede. Lucas bácu coyuhejaquemavu Pablo báchi borore Hch 7:57-8:1, 9:1-31, 13:1-28:31, aru ūi cuede Tesalónica āmicuriímaroi Hch 17:1-10, 20:1-5. Caiye iyoca, Pablo báchi toivaicōjeiyoca báque chriyoca Majepacu Jūmenijichu yávaiye mamaene coyuhitucubo jívnui, mamarumure ūre toivacaipōecu báture toivaicōjenejaquemavu iyoca paperayocare ūi toivaicōjequiye jipocare apeyocare. Pablo bácu coyuhejaquemavu ūre toivacaipōecu báture aipe ūi toivacaquiye báquede diyocare. Toivaicōjenejaquemavu diyocare āniúhu báquede 50-51 d.C. pāque ūi cucunhiyede, coyuhsuyu Jesús ūi yávaiye méne, ūi cuede Corinto āmicuriímaroi.

Pablo bácu toivaicōjenejaquemavu diyocare ūi cucunhiye eabe boje Tesalónicacavu ne yebai aru Timoteo báchi coyuhiye boje ne borore ūmáture (2:17-3:6). Coyuhejaquemavu náre méne ne parure nuiye boje Jesucristoque, dajocabevuva ne ju aiyede aru ne daiye boje yópe ūi urōpe (1:2-10, 3:7-9). Coyuhejaquemavu náre aipe dare nuiye jaúrōre náre yópe Jūmenijicui urōpe (4:1-12, 5:12-22), aru ne majibeno mácarōre Jesucristoi copaidaquino maquinóra aru ūre ju aivure ne yainíburu nacajarajiyeda (4:13-5:11). Aru ārure darejaquemavu ina Tesalónicacavure aipe ūi daiye

báquede ne jēneboi, ne ju abenajiyepe ayu apevü borocuēde coyuhiiduivure Pablojā ne borore (2:1-16).

Pablo ūi meaicōjeino Tosalónicacavure

(Hch 17.1)

1 Yü, Pablo, toivaicōjeivu apecure iyoca paperayocare. Silvano aru Timoteo que yu meaicōjeivu mūjare, Tesalónica āmicuriímarocavu Jesucristo store ju aipōeva cójijivaivure. Mūja majepacu Jūmenijicu aru maje jabocu Jesucristo jinatamu mūja. Majepacu Jūmenijicu, maje jabocu Jesucristomaque, mearo dācjacurí mūjare bojecubeda ūi me boje. Aru torojurivu cure dājacurí mūjare cārijimevava.

Tesalónicacavu ju aipōevape ne jādovaino

(Hch 17.5-9)

2 Torojuede jívnubu ūjua Jūmenijicure Cainumua jēniaiye coapa caivu mūjare, mūje ju aiye boje Jesúre. **3** Ūjua coyuhiyede majepacu Jūmenijicuque, ūjua ārurivubu mūje memeinore, mūje ju aiye boje Jesúre. Ūjua dápiaivubu mūje memecainore apevure, mūje ue boje Jesúre aru náre máre. Ūjua ārurivubu mūje napini ūnajiyede, mūje coreiye boje maje jabocu Jesucristoi copaidaquijāravure. **4** Mūja, ūjuevü, coreóvaivubu ūjua mūjare Jūmenijicu umarare. Ūjua majivu mūjare Jūmenijicu beoimarare, ūjua bárājivure. **5** Jesús ūi yávaiye méne coyuhsarā mūjare. Ubenita buebetecarā mūjare diede quénora yávaiyeque. Quénora jādovacarā ūnai Espíritu Santo ūi paruēde pōeva ne darī majibede daiyeque. Jādovacarā ūjue majiēde máre yavebeda Jesús ūi yávaiye méne jāvene. Ārūjara daivure me ūjue cuede mūje jēneboi, aru ūjue cadateiyede mūjare.

⁶ Mūjacapūravu dāvū me nūjape aru maje jabocu Jesucristope máre. Yópe nūje daiyepē me nājivūreca, nope-deca mūja máre nājivūvacari dādavū me. Mūje jū aiye boje Jesús ūi yā-vaiye méne, apevū nājine daima mū-jare utarōreca. Ubenita nājiye cuedeca jacopuavū mūja Jesús ūi yávaiye méne torojūrī. Aru nai Espíritu Santorecabe torojure éayu mūjare iye torojuque. ⁷ Que baru caivu ina Jesúre jū aipōeva Macedonia aru Acaya āmicurijoborōca-cavu, jápiaivu mūje borore, dāivubu me mūjape. ⁸ Mūjavacari majide dāivubu pōevare maje jabocu Jesucristo ūi yā-vaiye méne. Que baru nora jápiadama mūje borore ina Macedoniacavu aru ina Acayacavu máre. Ubenita obedivu apenoacavu máre majidivubu mūja jū aivure Jūmenijicure caride. Que baru couyiye jaubevu nūjare apevure mūje borore, jave ne majié boje. ⁹ Quénora caivu ina pōeva couyayama mūje ja-copriyede nūjare me, nūje eaiyede mūje īmaroi. Couyayama mūje dajocaiyede mūje pēpeimarare, memecarājivu nai Jūmenijicu apuyere aru jāvene máre. ¹⁰ Couyayama mūje napini coreiyede máre ueubevuva Jūmenijicui máchre, copaidachyure ijāravu cavarō mearo Jūmenijicui curōre jocarī. Nai Jesúre-cabe Jūmenijicui mách. Ūi yainiburu yóboi, Jūmenijicu nacovarejaquemava ūre yainore jarūvarī. Nai Jesús mead-ayu majare, maje nājimenajiyepe ayu Jūmenijicui nājiovaquijāravu baquinóre pōevare, ne āmeina teiye boje.

Pablo Tesalónicai ūi memecaino

(Hch 9.23, 29; 13.45, 50; 14.2,
5, 19; 16.19-24; 17.1-9, 13;
18.3, 12; Gá 1.10; 2 Ts 3.8)

2 Mūja, nūjevu, mūjavacari coreóvaivubu nūje daiyede mūje īmaroi, me jápiaivure nūje couyiyepe. Que baru nūje daiye

mūje yebai bojecubé āmeteavū. ² Aru mūjavacari coreóvaivubu javede nūje cuede Filipos āmicurijmaroi, nōcavu ne jabova ne daiyede nūjare. Nājine daima nūjare. Aru āmeina yávaima nūjare máre. No yóboi, nūje eaiyede mūje īmaroi, obedivu pōeva mauchvateima nūjare. Ubenita Jūmenijicu couyicōjeame nūjare jidubevuva. Aru ne mauchvade nūjare, couycarā mūjare ūi yávaiye méne, Jesús meadayure pōevare. ³ Nūja buebevu mūjare jāve āmene. Aru buebevu āmeūmeque máre. Aru jūjovabevu pōevare nūje bueiyeque. ⁴ Quénora Jūmenijicui me jājiye boje nūjare, ū beoibi nūjare, nūje buenajiyepē ayu pōevare Jesús ūi yávaiye méne. Que baru cainumua bueivubu yópe Jūmenijicui bueicōjeiyepē. Buebevu nūja, pōeva ne me jārajiyepē aivu nūjare. Quénora bueivubu nūja, Jūmenijicui me jāquiyepē aivu nūjare. Jūmenijicurecabe majicu maje dāpiaiyede. Que baru Jūmenijicu jāimi pōeva ne daiyede aru ne dāpiaiyede máre.

⁵ Mūjavacari coreóvaivubu nūje daiye báquede mūje jēneboi. Cainumua yávabetecarā, jūjovarājivu mūjare, mūje dārājiyepē aivu yópe nūje utarōpe. Buebetecarā mūjare quēdata īajivu mūje tātūrare. Jūmenijicuvacari majibi nūje daiye báquede mūje jēneboi. ⁶ Pōevare puelaicōjemetecarā nūjare. Vobetecarā nūja mūjare aru apevure máre, mearo jiyede nūjare. ⁷ Nūjamu Jesús ūi yávaiye méne beorī couyicōjeimara. Que baru nūja daicōjeni bhojaivubu apevure. Ubenita daicōjemetecarā mūjare. Quénora mearo pōevape cātecarā mūje jēneboi. Yópe nēpacoi mead-aiyepē mamarare meadacarā mūjare. ⁸ Nūje utarō jecué boje mūjare, toro-jūrī buecarā Jūmenijicui yávaiye méne. Aru caiyede daiyutecarā, cādatenajivu

mujare pu ñuje yainumuita. Que baru ñuje pare jecumaramu mujja. ⁹ Mujja, ñujejevu, mujavacari árurivabu ñuje pare memeni vonore ñujare jauéde. Ñuje cuede mujje jeneboi memecarã ñuja järavure aru ñamine máre, mujje ñajime-najiyepo aivu, bojedainu ñujare jauéde ñuje bueiyede Jümenijicui yávaiye méne mujare.

¹⁰ Mujavacari jáiñabu, aru Jümenijicu máre majibi ñuje daiye báquede mujje Jesúre ju aipóevaque. Caiye ñuje daiye báquede mujare dacarã mearoque yópe Jümenijicure memecaívpe. Aru caiye ñuje daiye báquede mujare meatevu Jümenijicui jáiñore. Que baru ñame buojabema boropadavu ñujare ñuje daiye báquede mujje jeneboi. ¹¹ Mujavacari coreóvaivabu ñuje daiye báquede mujare coapa yópe népacu ui daiyepo mamarare. Bueivu batecárã mujare, mujje toroju're darájiyepo aivu. Cadateivu batecárã mujare, mujje chiomajiyepo aivu. ¹² Aru daicójeivu batecárã mujare yópe ina Jümenijicu jina ne daiye jaúròpe, Jümenijicui toroju'quiyepo aivu mujaque. Jümenijicurecabe cutuyu'mujare meara márajivure aru ui jaboteinocavu báräjivure máre.

¹³ Ñuja jíñabu toroju'ede Jümenijicure cainumua mujje jápiaiye báque boje ñu-jaque Jümenijicui yávaiye méne. Dápi-abeteavu mujja pöeva ne yávaiyepo iye yávaiyede ñuje bueiyede. Quénora ju áv'u mujja diede Jümenijicui yávaiyepo. Aru jávetamu ñuje bueiye Jümenijicui yávaiyede. Que baru Jümenijicu oatuvayube mujare me, mujje ju aiyede ui yávaiye méne. ¹⁴ Mujja, ñujejevu, mujje ñumarocavu ñajine dáv'u mujare nöpe ina judíova ñajine daiye báquepedeca ina Jesúre ju aivure Judea ámicuri-jaborócaivure. Cüináturu vaivu mujare máre. ¹⁵ Ina judíova, nárecabu boarí jaruvavaivu bácaivu maje jabocu Jesucristo

store. Javede ina judíovavacari boarí jaruvarejaquemavu ina Jümenijicui yávaiyede coyucaipöeva mácavure máre. Aru caride máre ina judíovavacari ñajine darí jaetovadama ñujare máre. Ne que daiyeque jorojíne daivabu na Jümenijicure. Aru maucuvarivabu caiuvu apevu pöevare máre. ¹⁶ Ina judíovavacari ñujare coyucojemeniduivabu Jümenijicui yávaiye méne ina judíova ámevure, ne meatebenajiyepo aivu. Que teni buojaivabu caiye ne ámeina teiyede. Que baru caride uetubu Jümenijicu jánus daivure ámeno. Que baru ñajine dacuyume náre.

Pablo ui jácunuiyuró Tosalónicacavure cojedeca

(Hch 17.5; 18.5)

¹⁷ Mujja, jíñu, ñujare coatede daima ñuje mauva mujare jaruvári. Cüicójemeteima ñujare mujaque. Übenita árhcójemeni buojabema na ñujare. Que baru cainumua árurivabu mujare. Maje coateniburu yójiboi, ñuja chiori áruteclarã mujare. Járadaíyuríducara mujare. ¹⁸ Ñuja copainuiyuríducara mujje yebai, járajuvabu mujare cojedeca. Cainumua yávacari, Pablo, mujare jácucopaiyuríducacu. Übenita ñai abujuvai jabocu, Satanás, nüicójemetequemavu ñujare. ¹⁹ Übenita ñuja toroju'räharamu mujare boje maje jabocu Jesucristo ui copaidaquiyede. Mujarecabu napini corede daivu, ñuje cüvarajiyepo aivu mearore. Mujarecabu toroju're daivu ñujare. Aru mujarecabu ñuje jádovaimara mearore ñuje bueinore, ñuje bueiye boje mujje jeneboi. ²⁰ Jáve mujarecabu ñuje mearore jímara aru ñuje toroju'mara máre.

3 Übenita ñuja napini buojabetecara jámeyu mujare. Que baru cüináturu ñuje üme majitecarã ñuje darájiyede. Ñuja phacara mautecara Atenas ámicuri-

maroi. ²⁻³ Aru jarocarā ñai majecu Timoteore maje yebai. Ú yóvaibi ñujare memecayu Jūmenijicure, coyuhyu Jesús ùi yávaiye méne. Que baru jarocarā úre cadatecuyure mūjare, aru parure dacuyure mūjare máre maje ûmei, maje ju ainore Jesúre pñeno baju parurō nure dacuyure, maje dajocabenajiyepe aivu maje ju aiyede Jesúre, pñeva ne ñájine daiye boje mūjare. Mujavacari coreóvaivubu me majare ñájiye jaúrōre. ⁴ Javede ñuje cñede mūjaque, coyu-
carā maje ñájinajiyede. Aru mūjavacari coreóvaivubu me javé vaivu majare yópe ñuje aiyé báquepedeca. ⁵ Que baru yácapúravu napini buojabeteacu coreni majibecu cäreja maje borore. Que baru jarocacu ñai Timoteore, coreóvacuyu aipe curivure maja yópe iye yávaiye méne coyuhiyepe maje ju aiyede. “Ñai abujuvai jabocu juijovaiyusubebu náre. Aru ñuje bueiye báque náre bojecubebu”, arí dápiacacu yu.

⁶ Caride Timoteo copaidaibi mūjare jocarí. Úi coyuhiyede ñujare maje borore torojure daibi ñujare pare. Coyuibi aipe ju aivure Jesúre aru aipe uringure maje bajumia máre. Coyuibi aipe torojuñ ãrurivure ñujare cainumua aru aipe jáiuyurivure ñujare máre, quédeca ñuja máre járanumiyuñ maje yebai. ⁷ Que baru maja, ñujevñ, iye ùi coyuhiyede maje borore parure daibi ñujare ñuje ûmei, caiye iye ñájine daiye cñedeca yui ñuje jéneboi. ⁸ Caride ñuja coreóvaivubu jáve ju aivure maja Jesúre. Maja dajocabenajivubu maje jabocu Jesucristore. Que baru me curí torojuvirubu ñuja. ⁹ Úrarō torojuhede jínvubu ñuja Jūmenijicure mūjare boje. Ñuje coyuhiyede Jūmenijicuque pñeno baju torojuvirubu, maje ju aiyé boje Jesúre parurōreca. ¹⁰ Járavure aru ñamine máre parurō jéniaivubu ñuja Jūmenijicuque, mūjare ùi járanure daquiyeye ayu ñujare, buena-
jivu cojedeca mūjare iye maje coreóv-

abede cäreja. Jéniaivubu diede, maje me majinajiyeye aivu aipe daiye jaúrōre maje cñede yópe Jūmenijicui urópe.

¹¹ Jéniaivubu majepacu Jūmenijicuque aru maje jabocu Jesúque máre, ne nure daquiyeye aivu ñujare maje yebai. ¹² Aru maje jabocu Jesú pñeno baju urarō nure dajacurí mūjare maje cñede maje bajumia aru aperuvure máre, maje uburí aperuvure me yópe ñuje cñere mūjare. ¹³ Que teni parure dajacurí mūjare maje ûmei, ñame ne buojabenajiyepe aivu boropadáinu mūjare maje meara mae boje majepacu Jūmenijicu ùi jainoi maje jabocu Jesú ùi copaidaquiyárvu baquinói ù jivu mearaque. Quédecabu.

Pablo “Jūmenijicure torojure daiyurivu, yópe dajarā” arí, ùi coyuino

4 Maja, ñujevñ, maje jabocu Jesú ñujare bueicõjeimi mūjare cojedeca yópe ñuje bueiyepe mūjare javede. Coyuinvubu mūjare, maje me majinajiyeye aivu aipe jaúrōre maje daiyede, Jūmenijicu me jáquiyeye aivu mūjare. Caride dadavñ maja yópe Jūmenijicu urópe. Que baru parurōreca jéniaivubu ñuja mūjare, maje darájiyepe aivu yópe Jūmenijicu urópe pñeno baju cainumua. ² Mujavacari coreóvaivubu bueivure ñuja mūjare yópe maje jabocu Jesú ùi bueicõjeiyeye. ³ Yópe ubi ñai Jūmenijicu: Maja coapa dajarā mearore cainumua. Meara májara maja, ù jina maje teiye boje. Que baru cñejará maja aperuvque mūjemarebñchva ãmevñque. ⁴ Me cñajarā maja coapa mūjemarepacoque Jūmenijicu jainore aru pñeva ne jáiyyede máre. Puedajarā maja coapa mūjemarepacore. ⁵ Dabejará nápe ina Jūmenijicure coreóvabevure. Dadama na ãmenore, Jūmenijicu ubenore, ne pñedaiye

majibe boje nomivare. Daðama ãmenore náque.⁶ Que baru jújovabejarã maja apecu mäjecure, ãmeno daivu jímarepacoque. Javeita ñüja couycarã mäjare parurõreca aipe maje jabocu Jümenijicu ñájine dacayure caivu ina nópe ãmeno daivure. ⁷ Jümenijicu cutuibi majare ù jina márajivuña. Que baru buojabevu maja curivu ãameümeque. Quénora maje meara mae jauvu majare, maje curäjiyepo aivu me Jümenijicu jainore, ù jina mae boje. ⁸ Aru ácu pöecu ju abecu baru iye ñüje bueiyede, ju abeniduibi ù apecu pöecu bueiyede. Quénora ju abebi ù Jümenijicu yávaiyede, ñai daroyu mäjare ñai Espíritu Santore.

⁹ Iye mäje uede mäje bajumia toivabenajivuña ñüja. Maja me urivuña mäje bajumia. Que baru diede toivaiye jaubevu ñüjare. Javede Jümenijicuvacari majicaiba mäjare, Jesúre ju aipöevare, jaürõre mäje bajumia uede. ¹⁰ Nopedeca mäjacapürañu cainumha urivuña ina Jesúre ju aipöevare, caino Macedonia ãmicuriyoborõcavure. Parurõreca jeniaivuña ñüja mäjare, mäje uräjiyepo aivu yópe Jümenijicu urõpe rhoeno baju cainumha. ¹¹⁻¹² Caiye mäje daiyeque rhoeno dajarã, cärijimevnuña curäjiyu apevüque. Daicójemejara apevure aipe daiye jaürõre náre ne daiyede. Memejara mäja coapa, cavaräjiyu mäje äiyede, mäje curiñamiare, aru caiye apede mäjare jauéde máre. Yópe iye ñüje daicójeyepo mäjare caride, nopedeca daicójecarã mäjare jipocamia, ina Jesúre ju abevu ne puerdaräjiyepo aivu mäjare me, mäje corebe boje apevüne ne jiyede mäjare jauéde, aru ye jaubequiyepo aivu mäjare.

Maje jabocu Jesús üi copaidaquino

(Mt 24.30-31, 43; Mr 13.26-27; Lc 12.39; Ro 13.12; 1 Co 15.51-52; Ef 6.13-17; 2 P 3.10)

¹³ Maja, ñüjevü, unu ñüja mäje majinajiyede jäve aipe vaivure ina Jesúre ju aipöeva yaivu bácvure. Chioomejara mäja mäjevü ju aipöeva yaivu bácvu boje yópe ina ju abevu ne chioiyepo, ne napini corebe boje järavu cüiméjärañu baquinóre. ¹⁴ Coreóvaivuña maja yaiyá bácvure Jesúr, aru nacajañu mácvure yainore jarhvarí. Que baru coreóvaiyepo jauvu majare nacovacayure Jümenijicu ina Jesúre ju aipöeva yaivu bácvure Jesúr üi copaidaquiyede ijäravu.

¹⁵ Que baru caride ñüja couyciyurivuña mäjare me iye Jesúr üi bueye báquepe ñüjare. Jesúre ju aipöeva ariñivu ijärañu maje jabocu Jesúr copaidaquijärañu baquinóre copu nümenajaramu üre ne jipocamia ina Jesúre ju aipöeva yaivu bácvure jocarí.

¹⁶ Pöeva jápiarajarama codoboborí cöjeiyede; aru ángelevai jabocu yávainore; aru Jümenijicu japiuyore, trompeta ãmicuriyore, japiuye pare bujiéde máre. Dinumumiareca maje jabocu Jesúvacari ëmechayume cavarõ mearo Jümenijicu curõre jocarí. Aru ina Jesúre ju aipöeva yaivu bácvu nacajarajarama yainore jarhvarí.

¹⁷ No yóboi, maumena Jümenijicu cöjjiovachayume ina Jesúre ju aipöeva apurivure cäreja ina üi nacovaimara mácvüque. Aru cüinátuña caivu maja copu nüri jacoyurajaramu maje jabocu Jesúre ümhi ocopeniboa yebai. Que teni curäjaramu maja maje jabocu Jesúque cainumha. ¹⁸ Que baru chioomejara mäja. Couycarã iye borore, torojure ðaräjiyu mäje bajumia.

5 Maja, ñüjevü, pöecu cübebi majicu aipijärañu jaürõre aru aipe vaiquiyede maje jabocu Jesúr üi

daquiye jipocare. Que baru toivaiye jaubevu ñujare diede. ²Mujavacari coreóvaivubu me majae jabocu Jesú copaidacuyure ijárvui pöeva ne corebede, üi copaidaquinumure majibedeca yópe ñavaipöecu daiyepo ñamine pöeva ne corebedeca. ³Pöeva, yópe arí, coyuridurájarama ne bajumia: "Caino cárrijimene daivu. Yéde jidubevu majae", arídurájarama. Aru ne nópe coyuriduiyedeca, cüná býjarájarama na. Nájini býrarájarama maumejiena. Aru dupini majibenajarama na diede jocarí. Nájinajarama na yópe ico jue docuvacodo maumejiena ámei ijiéde nájiyepo pöedare dacodo mamajicure.

⁴Übenita mujja, ñujevu, mujja capúravu Jümenijicure coreóvabevu ámevu mujja. Aru ámeina teivu ámevu mujja nápe, Jesúre ju abevu, ñeminoi curivupe. Que baru mujje coreóvaiye boje majae jabocu Jesúr dacuyure, üi cuavabecuyume mujare üi copaidaiyede ijárvui, yópe ñavaipöecu üi cuavaiyepo cárramicavure. ⁵Caivu mujja Jesúre ju aivu majidivupe daivubu cainumha pöeva ne jáinoi mujje daiyede, mujje coreóvaiye boje Jümenijicure. Que baru caivu mujja miadároi curiva járavucavupebu. Maja Jesúre ju aivu dabevu cainumha majibevupe, ne coreóvabe boje Jümenijicure pöeva ne jáiyede majae daiyede. Que baru ñamicavu aru ñeminoicavu máre ámevu majae. ⁶Que baru dápiabenajarevu majae nápe, Jesúre ju abevupe. Cáiuvupebu na. Quénora dápiarájarevu majae me apurivupe, me oaburí coreivu majae bajure. ⁷Naminecabu ina cáiuvu ne caiyede. Aru ñaminecabu ina pacoteivu ne pacoteiyede. ⁸Übenita majacapúravu coateivubu ina ñamicavure jaravarí. Aru ñeminoi cubevu majae. Quénora járavucavutamu majae. Aru miadároi cuivubu majae.

Que baru me daicōjeiye jauvu majae bajure. Majae ju aiye Jümenijicure jauvu majare aru majae ue apevure máre. Yópe darí taoivubu majae nópe churara va ne taoiyepo ne bajure jájaricaje doicajeque. Aru jauvu majare majae napini coreye Jümenijicui meadaquiyede. Nópe darí taoivubu majae yópe churara va ne taoiyepo ne jipobure jájaribo moi boque. ⁹Que baru Jümenijicu epeebi majare ñájine dacuyu. Quénora epeebi majare majae jabocu Jesucristoi meadaquiyepo ayu, ñájimemuri ámenaque. ¹⁰Jesús yaidéjamea majare boje, majae curájiyepo ayu üque cainumha. Ina apurivu cäreja aru ina yaivu bácvu máre üi copaidaquiyede caivu majae cünárturu curájaramu üque cainumha. ¹¹Que baru parure dajará mujja pheno baju cainumha, mujje baju ju aiyede Jesúre paruró nure daquiyepo aivu. Aru cädatejará cainumha mujje bajumia, no pedeca mujje dare nuiyepo caride.

Pablo üi majicaino Jesúre ju aipöevare aipe daiye jaüröre náre

(Fil 4.4, 6; Col 4.2-7)

¹²Mujja, ñujevu, mujja jéniaivubu paruröreca mujare, mujje puerdarájiyepo aivu ina memecaivure majae jabocu Jesúre mujje jéneboi. Nárecabu majae jabocu Jesúr epeimara, jabolajivu aru majicarajivu máre. Aru buenajivubu mujare aipe daiye jaüröre, mujje darájiyepo aivu mearo majae jabocu Jesúr üi jáinoi. ¹³Que baru puerdajará náre. Aru pare ujará náre, ne cädateiyepo boje mujare. Cújará mujja cárrijimevua mujevuque.

¹⁴Mujja, ñujevu, mujja jéniaivubu paruröreca, mujje darájiyepo aivu yópe mujare jaüde. Majicajará ina memeiyubevure, ne memenajiyepo aivu. Torojure dajará ina jidurivure, ne jidubenajiyepo aivu. Cadatejará ina

chōivure, ne torojure ðarājiyepē aivu ne ūmei. Aru napijara caivure.

¹⁵ Apecu ūi āmeno ñaru cūnácu mūjacacure, ðabejacurī āmeno ūre copu. Quénora cainumua napini dápiajarā mūje ðarājiyede mearore mūje bajumia aru caivu pōevaque máre.

¹⁶ Torojajarā mūja mūje ūmei.

¹⁷ Aru uestubevuva coyujarā Jūmenijicāque. ¹⁸ Aipe vaiye vaijárōri mūjare. Cainumua torojude jíjarā Jūmenijicure. Jūmenijicu ubi maje nópe daiyede, maje jū aiye boje ūre.

¹⁹ Nai Espíritu Santore maucvabearā mūja ūi daiyurōre mūjaque. ²⁰ Jūmenijicui yávaiyede coyuçaiyedeca jápi-aiyubevupe tebejarā mūja. ²¹ Caiyede me jári coreóvajara mūja. Aru coreóvariburu yóboi, dajarā caiye méne.

²² Ubenita ðabejarā caiye āmene. ²³ Jūmenijicuvacari, cārijimenoque curre dayu pōevare, curre ðajacurī mūjare caivu meara baju. Aru corejacurī mūjare

coapa caivu, mūje decocure, mūje ūmene, aru mūje bajure máre, mūje boropatebenajyepē aivu maje jabocu Jesucristoi copaidaquijāravu baquinói. ²⁴ Jūmenijicu cutuibi mūjare ū jina márajivuva. Aru cainumua dayube yópe ūi aiye báquepedeca. Que baru ūvacari mearo ðacacuyume mūjare.

Pablo ūi meaicōjeino Tosalónicacavuva

²⁵ Mūja, ūjevev, jēniajara Jūmenijicāque ūjare. ²⁶ Meaicōjeivuva ūja

caivu mūja Jesúre jū aipōevare. Me ja-

coyujarā mūja ūjevevure, mūje jivare nuri, mūje Jūmenijicu jina mae boje.

²⁷ Maje jabocu Jesú ūi jáinoi yu jári boroteicōjeivu mūjare iyoca paperay-

ocare caivu ūjevev Jesúre jū aipōevare. ²⁸ Me cūjarā mūja maje jabocu Jesu-

cristo ūi mearo ðacaiye bojecubeda ūi me boje. Quénoram.

2 Tesalonicenses

Mamabuinore coyuiebu Pablo bácu ūi toivaicōjeiye báquede yóbocayoca paperayocare Tesalónica āmicuriūmarocavu Jesúre jü aipōevare. Pablo bácu judíovacacu bácvacari, Jesús ūi yávaiye méne beorí coyuicōjeimh marejaquémavu, coyusnuy ūi yávaiye méne judíova āmevure, judíova ne jü abe boje ūi coyuiedy. Lucas bácu coyurejaquemavu Pablo báchi borore Hch 7:57-8:1, 9:1-31, 13:1-28:31, aru ūi cuede Tesalónica āmicuriūmaroi Hch 17:1-10, 20:1-5. Javede Pablo bácre toivacaipōescu bácre toivaicōjenejaquemavu ūi mamayoca paperayocare Tesalónica āmicuriūmarocavure, aru obebeaviava yóbore toivaicōjenejaquemavu diyocare, āniñua báquede 50-51 d.C. máre, pñque ūi cucusnuyede, coyusnuy Jesúr ūi yávaiye méne, ūi cuede Corinto āmicuriūmaroi. Pablo bácu coyurejaquemavu ūre toivacaipōescu bácre aipe ūi toivacaquiye báquede diyocare.

Pablo bácu toivaicōjenejaquemavu diyocare napicōjesuyu ina Tesalónicacavure ne nájiyede ne jü aiye boje Jesúre (1:3-12, 2:13-3:5), aru coyusnuy nurié Jesucristoi copaidaquinu maquinóra, ne dápiabenajiyepo ayu javede copaidayu bácre yópe aperu borocurivu ne ubenina arí coyuiente báquepe (2:1-12), aru memeicōjesuyu Jesúre jü aipōevare (3:6-15).

**Pablo ūi meaicōjeino
Tesalónicacavure**
(Hch 17.1; 1 Ts 1.1)

1 Yü, Pablo, toivaicōjeivu iyoca pa perayocare. Silvano aru Timoteoque yu meaicōjeivu mñjare, Tesalónica āmicuriūmarocavu Jesucristore jü

aipōevare. Mñja majepacu Jümenijicu aru maje jabocu Jesucristo jinatamu mñja. ²Majepacu Jümenijicu maje jabocu Jesucristomaque mearo dacajacurí mñjare bojecubeda ūi me boje. Aru torojurí cire dajacurí mñjare cärijimevava.

Jümenijicu ūi nájine daquino ameina teivure Cristoi copaidaiyede

³Mñja, pñjeyu, torojuede jívubu pñjua Jümenijicure mñjare cainumha. Náje nópe daiye jaunu pñjare. Aru mearomu. Mñja coreóvaivubu aipe daiye jaurore mñjare mñje cuede yópe Jümenijicui urópe, caride jave báque pñeno. Aru caivu mñja coapa urivubu mñjeyure caride jave báque pñeno. ⁴Que baru pñjacapúravu torojurí coyuvubu mñje borore apeno imaroacavu Jesúre jü aipōevare. Coyuvubu mñje pare napiyede aru mñje jü aiyede Jesúre, apevu ne mauchvaede mñjare aru ne nájine daiyede máre mñjare.

⁵Mñja nájivubu mñje jü aiye boje Jesúre. Aru mñje dajocabe boje mñje jü aiyede ūre uetubevava, Jümenijicu cire dacuyume mñjare ūi jaboteinoi. Yópe acuyume mñjare coapa: “Bojedacuyumu mñre mi nájiyede, mi jü aiye boje Jesúre”, acuyume Jümenijicu. Que teni jádovachuyume meacure ūi dacaiyede pñevare yópe ūre jauepe. ⁶Que baru Jümenijicu dacuyume yópe jauepe. Nájine dacuyume ina caride nájine daivure mñjare. ⁷Aru mñja caride nájivure, aru nñjare máre, Jümenijicu dajocare dacuyume maje nájiyede. Nópe dacuyume Jümenijicu maje jabocu Jesúr ūi copaidaquijárvu baquinóre. Êmecuyume cavaró mearo Jümenijicui círõre jocarí ūi ángeleva ūi paruáde cavarivuque. Aru darajarama toa uruiye jéneboi. ⁸Nájine dacudacuyume ina Jümenijicure coreóvabevure aru ina jü abevure máre

maje jabocu Jesús ūi yávaiye méne. ⁹Nácapūravu ñájinajarama ñájino cüiménoi. Maje jabocu Jesús, meacu baju, jaruvacuyume náre ūre jocarí, ne jámenajiyepo ayu ūi șuraro paruéde. ¹⁰Caiye iye vaiquíyebu ãnjárapu, maje jabocu Jesúi copaidaquiýaravu baquinóre. Copaidacuyume ijárapu, ū jina meara ne jínajiyepo ayu mearore ūre. Que baru caivu ina ju aivu me puerarajarama ūre dijárapu baquinóre. Aru maja máre náque curájaramu, maje ju aiye báque boje ñuje couyiye báquede majaře Jesús ūi yávaiye méne.

¹¹Que baru jeníavaivubu ñuja majaře ñuje couyiye Júmenijicuque cainumua, “Maja, Tesalónicacavu Jesúre ju aipóeva, bojedacuyumu yu majaře maje curájino mearoque, ji cutuiye báque boje majaře”, ūi aquiyepo aivu. Júmenijicu majaře dare dajacurí caiye méne yópe maje daiyure ūi paruéque. Aru majaře bhojare dajacurí caiye maje mearo dacaiyede, maje ju aiye boje Jesúre ūi paruéque. ¹²Que teni pöeva puerarajarama maje jabocu Jesúre, ūi mearo dacaiye báque boje majaře. Aru majaře máre pueracuyume majepas Júmenijicu maje jabocu Jesucristomaque bojecubeda ūi me boje.

Pablo ūi coyurí meadaino Jesúi daquinore

(Mt 24.24; 1 Ts 4.15-17)

2 ¹⁻²Maja, ñujevu, coyurajivubu majaře maje jabocu Jesucristo ūi copaidaquiyede aru maje cójijinajiyede ūque. Jéniaivubu ñaja majaře, apecu ūi coyurí majaře, yópe arí: “Nai Espíritu Santo aibi: ‘Maje jabocu Jesucristoi copaidajárapu eavu jave’”, o “Pablojá aima: ‘Maje jabocu Jesucristoi copaidajárapu eavu jave’”, o maja jacobinu baru paperayoca toivaiyede ñuja Pablojá ñujapeda teivu: “Maje jabocu Jesucristoi

copaidajárapu eavu jave” arí, ju abejarā diede. Maumejieno oatvabejarā maje dápiaiyede. Aru cuavare dabejarā maje ümene, apecu couyiye boje o no paperayoca toivaiyede boje máre. ³Queda apecure jújovaicójemejara majaře.

Dijárapu baquinó, Jesúi copaidaquiýaravu, eabequiyebu pu obediu pöeva ne șuraro mauchavaeta Júmenijicu. Dinumu maquinó ñai ūmu āmeču, býjacuyu yóboi, cuetecuyume Jesúi copaidaquiye jipocai. Júmenijicu ñájini dacuyume ūre, ñai ūmu āmečure, toabo cüiméboi cainumua. ⁴Nai ūmu āmeču maucuvacuyume caivu pöeva ne pëpeimarare, aru ne júmenijinare, caivu ahevü ne mearore jímarare, aru Júmenijicu máre. Yópe arí, ñai ūmu āmeču “Yurecabu parusia caivu ahevü pueno”, acuyume. Que teni ecocuyume Júmenijicu círami, dobacuyu yópe jabocu. Aru, “Yurecabu Júmenijicu”, acuyume caivure.

⁵Caiye iyede jave coyure cucacu yu majaře ji cuede cäreja majaque. ¿Arumenaru maja?

⁶Maja coreóvaivubu cüinácu cucure caride, ñai ūmu āmeču ūi járobequiyede cäreja. Ubenita yóboi, Júmenijicu beojárapu baquinóre, ñai ūmu āmeču cuetecuyume. ⁷Jipocamia Júmenijicu jáðovamenejaquemavu aipe ūi daquiyede pöeva āmeina daivure. Ubenita caride jáðovacuyume aipe ūi daquiyede náre. Cüinácu mauyaibi ñai ūmu āmečure. Ubenita Júmenijicu ícuyume ñai mauyayure ūre jocarí. ⁸Dinumu maquinóre cuetecuyume ñai ūmu āmeču. Ubenita maje jabocu Jesucristo ūi copaidaiyede boarí jaruvacuyume ūre ūi yávaiye paruéque. Que baru copaidayu pueno meacu baju býjarocuyume ūre.

⁹Nai ūmu āmeču cuvacuyume ñai abujuvai jabocu, Satanás, ūi paruéde. Jáðovacuyume ūi șuraro paruéde ūi

daquiyede caijīene pōeva ne jāmene aru ne darī majibede máre, “¿Jāmenijicū bárica ū?” pōeva ne arājiyepē ayu ubenina.¹⁰ Ū jujovacūyume caiye ūi āmeina daiyeque ina bíjarājivure Jāmenijicure jocarī. Ū jujovarī bhojacūyume nāre, ne jacopubeni ubē boje Jāmenijicū yávaiyede jāvene. Aru ne jaruvaiye boje ūi yávaiyede, Jāmenijicū meadabecūyume nāre.¹¹ Que baru Jāmenijicūvacari jujovaicōjescūyume nāre, ne ju arājiyepē ayu borocuēde.¹² Que baru nājine dāchūyume caivu ina urivure ne āmeina teiyede aru ūi yávaiyede jāvene ju abevure máre.

Pablo ūi aino “Jāmenijicū beobi meadacuyu mujare”

¹³ Mūja, nūjevū, Jāmenijicure jīye jaunvū nūjare torojhede cainumua, mūja Jāmenijicū umarare boje. Javede ūi cuedaquiye jipocai caiyede, Jāmenijicū beorejaquemavu meadacuyu mujare, nā Espíritu Santoi dāiye báque boje mujare Jāmenijicū jinava, aru mūje ju aiye báque boje Jāmenijicū yávaiyede jāvene.¹⁴ Nūje bueiye báquede mujare iye Jāmenijicū yávaiye méne, ū culturaquemavu mujare, mūje jabotenajiyepē ayu maje jabocu Jesucristo que ūi jabotequiyede.

¹⁵ Que baru, nūjevū, parurōreca ju ajarā cainumua iye nūje bueiyede jāvene, nūje coyuhiye báquede mujare aru nūje toivaiye báquede paperayocaque máre. Aru cainumua dajocabejarā diede.

¹⁶ Jēniaivubu nūja maje jabocu Jesucristore majepacu Jāmenijicūmaque, majare ucure. Majare cadateyube, ūi me boje dajocabecuva. Aru majare napini corede dāyube ūi mearo dācaquiyede majare.¹⁷ Dajacurī mujare parurivu mūje ūmei aru jidubevu mūje coyuhiyeque aru mūje dāiyeque máre, me maquiyépe cainumua.

Pablo ūi aino “Jēniajara nūjare Jāmenijicūque”

3 Mūja, nūjevū, jēniajara nūjare Jāmenijicūque, apevū obedivū pōeva ne jápiarājiyepē aivu maje jabocu Jesucristoi yávaiye méne maumena, ne ju arājiyepē aivu diede, aru ne jínamejiyepē aivu mearore Jāmenijicure, nōpe vaiye báquepedeca mūjaque.² Aru jēniajara nūjare Jāmenijicūque, ūi meadabecuque aivu nūjare ina pōeva āmena, ne āmeno dabenajiyepe aivu nūjare. Pōeva obebevū ju aivubu Jāmenijicū yávaiye méne. Que baru ina āmeina dāivu aru apevure máre āmeno dare dāivu āmeno dāiyurivubu nūjare.

³ Ubenita maje jabocu Jesucristo Cainumua dāyube yópe ūi aiye báquepedeca. Que baru jāve parure dāchūyume mujare mūje ūmene. Aru jāri corecūyume mujare nāi abujuvai jabocu, ūi āmeno dābequiyepē ayu.⁴ Nūja coreóvaivubu maje jabocu Jesucristo cadateyure mujare, mūje ju aiye boje ūre. Que baru coreóvaivubu mūja dāivure yópe nūje bueiye báquepe mujare, aru dārājivure máre yópe nūje bueiyepē iyocaque caride.⁵ Nūja jēniaivubu maje jabocu Jesucristo que, ūi napine daquiyede aivu mujare parurōreca yópe ūi baju napino mācarōpe, aru mūje urājiyepe aivu pōevare yópe majepacu Jāmenijicū ūi uepe majare.

Memeiye jaūrō

(Hch 18.3; Gá 6.9; 1 Ts 2.9)

⁶ Mūja, nūjevū, yóvaicōjemevū nūja mujare, maje jabocu Jesucristoi paruhéque, ina mujacavu jūracurivure aru dābevure máre yópe nūje bueiye báquepe.⁷ Mūjavacari coreóvaivubu aipe dāiye jaūrōre mujare, dārājivu nōpe nūje dārī cōmajiye báquepe mūje jēneboi curivu cāreja. Memeiuyubevu

āmetecarā ñūja. Quénora jūracubevuva utarō memecarā.⁸ Jacopubetecarā ñuje āiyede mūjaque bojecubeda. Quénora cainumua bojedacarā mūjare mūje jíye báquede ñujare. utarō memeivu batecárā jāravure aru ñamine máre, mūje ñájimenajyepo aivu ñujare jaue boje.⁹ Ñuja jēniari buojajebu ñujare jauede, ñuje bueiye boje Jesús ñi yávaiye méne. Ubenita quédá jeniametecarā mūjare. Jādovacarā mūjare ñuje daiyeque aipe daiye jaürōre mūjare. Que baru dajará mūja yópe ñuje jādovaiye báquepe.¹⁰ Javede ñuje cavaquede mūje jēneboi, yópe arī, “Ñai memeiyubecure jíbejarā āiyede”, daicōjeivu batecárā mūjare.¹¹ Nópe arī, coyuñubu ñuja mūjare, ñuje jápiaiye boje ne borore, apevu mūjacavu jūracurivure. Nácapúravu mememema, bojedarajivu náre jauede. Quédata cārijovadama náre ina memeivure ména.

¹² Que baru, ina mūjeivu memeiyubevure coyuñubu ñuja caride. Maje jabocu Jesucristo ūi parueque memeicōjeivubu náre. Aru parurōreca

jēniainvu náre, ne memenajyepo aivu cārijovamevava apevure, ne cūvarājiyepo aivu ne āiyeva.

¹³ Ubenita mūja, ñujevu, uetubejarā mearo daiivu.

¹⁴ Apecu mūjacach ūi ju abedu ñuje coyuñiede yo paperayocaque, ūre coreóvarī caivu mūja yóvabejarā ūre, ūi cuyjo tequiyepe aivu.¹⁵ Ubenita jāmejara ūre yópe mūje jāiyepo mūje mauchure. Quénora coyuñarā aipe daiye jaürōre ūre yópe mūje majcailyepo mūjeyocure.

Pablo ūi meaicōjeino Tosalónicacavu

¹⁶ Maje jabocu Jesucristovacari cārijimenoque cure dayu pōevare, cure dajacurī mūjare cārijimevava cainumua. Maje jabocu Jesucristo cajacurī caivu mūjaque.¹⁷ Yávacari, Pablo, toivaivu ji pñrhque caride. Meaicōjeivu caivu mūjare. Caiyoca ji paperayocare toivaivu yu yópe, jādovacuyu mūjare jāve ji toivaicōjeiye báquede. Que toivaivu yu.¹⁸ utarō mearo dajacurī mūjare maje jabocu Jesucristo bojecubeda ūi me boje. Quénoram.

1 Timoteo

Mamabuínore coyuíyebu Pablo bácu ūi toivaicōjeiye báquede mamayoca paperayocare Timoteo bácare. Pablo bácu judíovacacu báchvacari, Jesú ūi yávaiye méne beorí coyuicōjeimavu marejaquémavu, coyuçuyu ūi yávaiye méne judíova āmevare, judíova ne ju abe boje ūi coyuíyede. Lucas bácu coyu'rejaquemavu Pablo báchi borore Hch 7:57-8:1, 9:1-31, 13:1-28:31, aru Timoteo báchi borore Hch 16:1-3, 17:13-16, 18:5, 19:22, 20:4. Pablo báchi toivaicōjeiyede áre toivacaipöecu bácare diyocare, javede toivaicōjenejaquemavu apeyoca caipucapuñape paiyoca ūi paperayoca curiyocare Majepacu Jūmenijicu yávaiye mamaene coyuñitucubo jívnui. Diyocare toivaicōjeniburu yójiboi, toivaicōjenejaquemavu Tito bácare, aru no yóbore yoca bhojaiyocare yóbocayocare Timoteo bácare. Pablo bácu coyu'rejaquemavu áre toivacaipöecu bácare aipe ūi toivacaquiyé báquede diyocare. Toivaicōjenejaquemavu diyocare ániñu bácarõe 63 d.C., ūi chede Macedonia ámicurijoborõi.

Pablo bácu toivaicōjenejaquemavu diyocare parure ñacuyu Timoteo bácare ūi ūmei (1:12-19, 4:1-16, 6:11-21), aru dajocare daicōjesuyu ū mácare Éfesocavare ne bueino jāve ámene (1:3-11, 6:3-10), aru coyuçuyu ū mácare aipe daiye jaúrõre Jesúre ju aivare coreipöevare aru náre cadateipöevare máre (3:1-16, 5:1-6:2), aru aipe daiye jaúrõre Jesúre ju aipöevare ne mearore jíyede Jūmenijicure (2:1-15).

Pablo ūi meaicōjeino Timoteore (Hch 16.1-3)

1 Yü, Pablo, toivaicōjeivu apecure iyoca paperayocare. Yábu Jesú ūi yávaiye méne beorí coyuicōjeimaracacu. Jūmenijicu meadaibi majare. Aru Jesucristo napini corede daibi majare caiye iye ūi mearo ñacaquiyede. Ne coyuicōjeimamu yu Jesú ūi yávaiye méne. **2** Mu, Timoteo, yu meaicōjeivu mure. Jāve jímacupe páyubu mu, mi ju aiye boje Jesúre. Majepacu Jūmenijicu, maje jabocu Jesucristomaque, mearo ñacajacurí mure bojecubeda ūi me boje. Aru cõmaje ároje jájacurí mure. Aru torojuri cure ñajacurí mure cärijimecuba.

Pablo ūi bueicōjemeno boro ámene

3 Ñajacu mu yópe ji coyuíye báquepe mure ji nñiyede Macedonia ámicurijoborõi. Yu mauteicōjecacu mure Éfeso ámicuríímaroi, mi dajocare ñaquiyepe ayu apevü nócavare ne bueiyede jāve ámene maje bueiyede jocari. **4** Coyuicōjemejacu náre ne coyuño mácarõre aru ne áruriduiyede nénecuva mácavu ne ámiá coapa. Ne nópe daiyede, jeníari jádama ne bajumia ye majibevnva cainñumua. Ne nópe daiyede, coreóvaivu bhojabema na Jūmenijicu ñrõre náre ne ñarajiyede, yópe jaúrõre náre ju aivu baru Jesúre.

5 Daicōjejacu náre ji coyuíyepe, ne ñrãjiyepe ayu apevare me ne dápiaiyeque "Boropatebevu yu", ne arí dápiaiyeque aru jāve ne ju aiyeque Jesúre. **6** Ùbenita ina põeva yópe ñabema na. Quénora coyuñvabu ñabenina. **7** Bueiyurivabu na Jūmenijicu daicōjeiyede ūi coyuíye báquede Moisés bácare. Ùbenita coreóvabema ne baju ne coyuíyede aru aipe aiyuede ne bueniduiyede máre majidivupe.

8 Coreóvaivabu maja méne Jūmenijicu daicōjeiyede ūi coyuíye

báquede Moisés báçure, põeva ne coreóvaru aipe teni Jūmenijicu coreóvare daiye báquede diede.⁹ Coreóvaiye jañvu põevare aipe teni Jūmenijicu coreóvare daiye báquede iye daicōjeiyede. Jūmenijicu coyñrejaquemavu iye daicōjeiyede Moisés báçure, jádovacu dieque põeva ne ãmeina teiyede. Que baru ina põeva boropatebevure Jūmenijicu jáinore, ne ju aiye boje Jesúre, jañbevu náre iye daicōjeiye. Quénora ina ãmeina teivure iye daicōjeyeque Jūmenijicu jádovaimi ne ãmeina teiyede.

Âmeina teivu ne daiye nópe pailyebu. Námu Jūmenijicu daicōjeiyede ju abeni dabevu. Puedabevubu Jūmenijicure, ãmeina daivu. Námu Jūmenijicu ubemara aru yñrivu Jūmenijicure máre. Námu boari jarñvaivu népacure, aru népacore, aru apevure máre.¹⁰ Námu curivu apevñque némarebucuva ãmevñque, aru ñmava ãmeina daivu ne baju apevü ñmavaque. Námu ñavaivu põevare, jínañivu náre yebacavñre. Námu borocurivu aru “Coyñchaymu jàve”, ne aríburu yóbore borocurivu. Jūmenijicu jádovaimi üi daicōjeyeque caiye iye dare daiyede copu ãmenore iye bueiye méne jocarí.

¹¹ Aru bueivu yu iyede jävene, coyuñvu Jūmenijicu yávaiye me pueno baju méne, põeva ne majinajiyepo ayu aipe Jūmenijicu meadayure náre. Nai Jūmenijicu meacu baju jári coreicōjeimi yure aru bueicōjeimi yure üi yávaiye méne.

Pablo üi torojñede jíno Jūmenijicure üi cõmaje ároje jáiye boje

(Hch 8.3; 9.4-5)

¹² Yü torojñede jíyubu maje jabocu Jesucristore, üi jáiye boje yure yópe üi urõre dayupe. Que baru epeibi yure, ji memecaquiyepo ayu üre. Aru parure daibi yure, ji buequiyepo ayu üi yá-

vaiye méne.¹³ Yópe mearo dacaibi yure javede, ãmeina üre yávayu báçureca, cujurí ñájine dayu báçureca üre ju aivure, aru maucuvacu báçureca üre. Übenita Jūmenijicu cõmaje ároje járejaquemavu yure, ji que daiye boje caiye iyede coreóvabecupe, ji ju abe boje Jesúre cäreja.¹⁴ Aru Jūmenijicu pueno urnal mearo baju dacarejaquemavu yure. Üi mearo dacaiye boje yure bojecubeda, caride yu ju ayubu Jesucristore aru uvu yu üre.

¹⁵ Jävetamu iye. Que baru ju aiye jañvu caivure iyede. Jesucristo darejaquemavu ijäravui, meadacu yu ãmeina teivure. Aru yñrecabu ãmeina teivucacu bácu ãmecu baju caivu pueno.¹⁶ Übenita Jūmenijicu cõmaje ároje járejaquemavu yure, Jesucristo üi jádovaquiyepo ayu aipe üi napino urnal põevare. Napinejaquemavu yure, ãmecu bajure caivu apevü ãmeina teivu pueno, ji ju aquiyepo ayu üre. Que teni jádovaimi üi urnal napinore ina ji yóbocabu üre ju aivu, ne cüvaräjiyepo ayu járavu cüiméjärvu baquinóre, ne jáiyede üi meadaiye báquede yure, ãmecu bajure.

¹⁷ Nai maje jabocu, cainñmua jaboteyure caivure, puerarajarevu üre aru mearore jínjajarevu üre máre. Ürecabe apucu cainñmua. Ürecabe maje jámemu. Aru ürecabe Jūmenijicu cüinácura. Quédocabu.

¹⁸ Mu, Timoteo, jímacupe páyubu mu. Mure coyuñcōjeivu yu põevare ji bueiyede mure. Árujacu apevü ne coyuñcáiye báquede mura aipe vaiquiyede mure. Árucu diede, parure dajacu mi ñmene, memecaschuyu Jūmenijicure yópe üi uröpe, apevü ne maucuvaedeca mure, nopedeca ñai churara üi me ädamateiyepo boainoi.¹⁹ Cainñmua ju ajacu Jesúr üi yávaiyede méne jävene. Aru, “Boropatebevu yu”, arí dápiarí, cüjacu mu. Apevü põeva meateyübema ne boropateiyede. Quénora ju adama apeno

bueino jāve āmenore. Aru dajocadama ne jū aiye báquede Jesúre. ²⁰ Pūcarā ūmūva cūma nōpe daivū, ne āmiá Hime-neo aru Alejandro. Jave jícacū náre ñai abujuvai jabocū Satanáre, ne coreó-varājiyepe ayū āmeina yávaiye jaubede náre Jūmenijicure.

**Pablo ūi bueino aipe
jēniainore Jūmenijicque**

(Mt 20.28; Mr 10.45; Gá 1.4;
2 Ti 1.11; Tit 2.14; 1 P 3.3)

2 Mamarumure yū coyuñuyū mure iyede. Caivū Jesúre jū aipōeva coyuñjarāri Jūmenijicure náre jauede, aru apevure jauede máre. Yópe darī jíjarāri torojuede máre Jūmenijicure aru jēniajarari na Jūmenijicque caivū pōevare boje máre. ² Jēniajarari Jūmenijicque jabovare aru caivū ina cōjeipōevare máre, maje curājiyepe aivū me, maucuvabevuva aru cārijimevuvā máre. Que teni mearore jíni Jūmenijicure aru puedarī apevū pōevare curājaramu maja me. ³ Maje jēniaiye Jūmenijicque meavū apevure, aru cojuyū Jūmenijicure, majare meadayure. ⁴ Úre cojuvū ūi ue boje caivū pōeva ūi meadaimara márajivure aru coreóvarājivure máre ūi yávaiyede jāvene.

⁵ Cūinácurabe ñai Jūmenijic. Aru cūinácurabe ñai pōevare meara cūre dayū Jūmenijicui jainore. Ñai mead-aipōecū ūrecabe Jesucristo. Ūvacaribe ūmū. ⁶ Boarī jaravaicójenejaquemavū ūi bajure, pōeva ne āmeina teiye boje, bojedacachū caivure, Jūmenijic jina marajiyépe ayū. Ūi que daiye báque boje Jūmenijicui beoijárvu bácarōi, jádovarejaquemavū Jūmenijic mead-aiyucure caivū pōevare.

⁷ Aru Jesús epedejame yure ūre coyuñcaipōecuva aru ūi yávaiye méne be-orí coyuñcōjeimuvā máre, ji coyuñquiyepe ayū ūi yávaiye méne. Ū bueicōjenejame yure ina judíova āmevure iye yávaiyede

jāvene, ne jū arājiyepe ayū ūre. Coyuñu mure jāve. Yū borocchbevu.

⁸ Yū uvu ūmūva ne jēniarajiyeppe ayū Jūmenijicure cainoa ne cōjijinoai, jāmūrī ne pūruáre āmenore dabevuvā. Quénora memecajarāri Jūmenijicure. Jarabejarāri apevure. Aru jāve napini corejarāri Jūmenijicui jū aquinore ne jēniayede.

⁹ Aru yū uvu nomiva ne dorājiyepe ayū ne doiyede yópe nomiva meara ne doiyeppe. Dobejarāri yópe āmenape, apevū ne jārajiyepe aivū náre. Quénora dojarāri ne cuitótecajeare yópe Jūmenijicure cojuépe. Que teni dabejarāri ne podaque cāoidu ūmeno baju. Aru adabejarāri cámucha yuyuiyede aru ūmuyo adaitarabuare máre cārajiboa bojecurijiboaque aru úruque máre. Dobejarāri cuitótecajeare bojecuricajeare máre, apevū ne jārajiyepe aivū náre. ¹⁰ Ubenita dajarāri yópe nomiva Jūmenijicure ührivupe, apevū ne jārajiyepe aivū náre ne cađateiye boje me apevure.

¹¹ Jūmenijicui yávaiyede bueiyedeca, caivū nomiva me jápiarī, majijarāri iye bueiyede bídeca coyuñbevuva. Aru puedajarāri caivū náre cōjeivure máre.

¹² Yū nomivare bueicōjemevū ūmūvare.

Aru yū nomivare máre jaboteicōjemevū ūmūvare. Quénora bi ajarāri na, nomiva.

¹³ Yū daicōjeivū náre nōpe, Jūmenijicui cuedaiye báque boje Adán mācure mamarumure aru Eva bácore ūi yóboi.

¹⁴ Aru yū máre daicōjeivū náre nōpe, Adán mācure abujuvai jabocui jújovabe báque boje. Ubenita Eva báco abujuvai jabocui jújovaimo máco barejaquémavū ò. Que baru ico nomió vainí turejaquemavū Jūmenijicui daicōjeiye báquede.

¹⁵ Ubenita nomiva meadaimara márajivubu, me ne buchóvaiye boje némarare yópe Jūmenijicui ühröpe, na cainumua jū aivū baru Jūmenijicui yávaiye méne,

aru ʉrīvʉ baru apevʉre máre, aru memecaivʉ baru Jūmenijicure me.

Aipe daiye jaarrō Jesúre ju aivʉre coreipōevare

(Tit 1.6-9)

3 Jāvetamu iye. Nai pōecʉ coreiyʉcsʉ baru Jesúre ju aipōevare, ʉ memecaivyʉbi me Jūmenijicure. Que baru mearomu ʉi daiyʉrō. ² Nai coreiyʉcsʉ Jesúre ju aipōevare daiye jaavʉ ūre cainʉmuha yópe pōeva “Āmecubे nai”, ne boro coyʉrī adaivʉ bhojabenajiyepē aiye ʉi borore. Aru daiye jaavʉ ūre cainʉmuha yópe pōeva ne jādovamena-jiyepē aiye ʉi āmeina teiyede. Jaavʉ ūre máre ʉi cħvaquiyepē jímapaco cūinácora. Coreiye jaavʉ ūre me ʉi daiyede. Aru daiye jaavʉ ūre majiéque. Daiye jaavʉ ūre yópe pōeva ne puedaimʉpe. Me copʉ etarī jacoyñiye jaavʉ ūre ina curādaivʉre. Aru me bueiye jaavʉ ūre ʉi coreimarare máre. ³ Úcumejacurī pacot-edē daiyede. Aru ādamateiyʉbejacurī. Quénora meacʉ pōecʉ bajacurī. Aru jarabejacurī. Tāuturare jecubeni, diede pare ʉrī vore nūmejacurī. Aru āuji-jejacurī apevʉ ne cuvaede. ⁴⁻⁵ Nai ʉmu bhojabeccʉ baru jaboteyu ʉi cūrami-cavʉre, jāve bhojabeccʉbe coreyu Jū-menijicʉ cūramicavʉre, Jesúre ju aipōe-vare. Que baru jaavʉ ūre ʉi jaboteiye me ʉi cūramicavʉre, mamara ne ju arājiyepē aiye ūre aru ne puerdarājiyepē aiye ūre máre cainʉmuha. ⁶ Cūinácu ʉmu mama ju ayʉ Jesúre corebejacurī apevʉ Jesúre ju aipōevare, “¿Meacu bárica yʉ apevʉ rhoeno?” arī dāpiabechu. Ʌi que aru, Jūmenijicʉ “Nájichʉmu mʉ”, ajebu ūre nópe “Nájichʉmu mʉ”, ʉi aiye báquepedeca nai abujuvai jabocure. ⁷ Aru nai Jesúre ju aivʉre coreipōecure daiye jaavʉ cainʉmuha yópe ina Jesúre ju abevʉ ne me yávarājiyepē aiye ūra. Ʌi ména dabedu ina ju abevʉ āmeina yávarājarama ūra. Que teni

vainí tħichyʉme ūre nai abujuvai jabocʉ ʉi jħovaiyequ. Nai abujuvai jabocʉ jēchʉme ūre nopedeca doriñu jēiyepē moacure.

Aipe daiye jaarrō Jesúre ju aivʉre cadateipōevare

⁸ Quédeca ina Jesúre ju aivʉre cadateipōeva máre, jaavʉ náre ne mearo daiye cainʉmuha. Jaavʉ náre ne daiye yópe pōeva ne puedaimarape, aru ne yávaiye máre jāve caivʉre jħovabevuva. Urarō ʉcuiyede ʉcumejarari na pu ne pacotede daiyeta. Aru vorī eabejarāri na tāuturare āmei dāpiayequ. ⁹ Jaavʉ náre ne ju aiye jāve “Boropatebevʉ yʉ”, ne arī dāpiayequ iye bueiyede jāvene, Jūmenijicʉ jādovameno mácarōre jipocamia ubenita jādovainore caride. ¹⁰ Apevʉ jārajarama ne cħede. Aru náre āmeina teiyede jāmenu, memecajarāri na Jesúre ju aivʉre cadateipōevape. ¹¹ Quédeca ina nomiva Jesúre ju aipōevare cadateinomiva máre, jaavʉ náre ne mearo daiye cainʉmuha, yópe pōeva ne puedaimarape. Yávabejarāri borocħeade apevʉi borore. Corejarāri me ne daiyede máre. Jaavʉ náre máre ne bhojaiye me caiye ne memeiyede. ¹² Jaavʉ ina Jesúre ju aivʉre cadateipōevare ne cħavarājiyepē nēmarepacova cūinácora. Aru jaavʉ náre ne jaboteiye me nēmarare aru caivʉ ne cūramicavʉre máre. ¹³ Que teni ina Jesúre ju aivʉre cadateipōeva ne memecaru me, pōeva puerdarājarama náre. Que baru nácapūravʉ bhojarājarama coyuñu jidħibevuva aipe ne ju aiyede maje jabocʉ Jesucristore.

Jūmenijicʉ ʉi jādovameno mácarōre jipocamia coyuñino

¹⁴⁻¹⁵ Jācunñiyyu yʉ mire maumena. Ubenita caride toivaicōjeivʉ apecure

mure yo paperayocare, ji járobedu mi majiquiyepo ayu aipe daiye jaúrōre ne bajumia Jūmenijicui pōevare, Jesúre ju aipōevare, nai Jūmenijicu apucu jinare. Nácapúravu couyama Jūmenijicui yávaiyede ūi toivaicōjeiye báquede ne bajumia. Aru buedama apevure parurōreca diede máre.¹⁶ Jāve pñeno métamu iye bueiye jāve, Jūmenijicui jádovameno mácarō jipocamia ubenita jádovaino caride, maje majinajiyepo aiye aipe darí curajivu meara Jūmenijicui jainore. Yópe arí, couyinbú maja:

Cristo járorejaquemavu ijárvu pōecupe. Aru nai Espíritu Santo jádovarejaquemavu ūre pueno meacu bajure. Ina ángeleva járejaquemavu ūre. Pōeva coyrejaquemavu ūi borore caivu joborócvure. Ijárvucavu ju arejaquemavu ūre. Aru Jūmenijicu muvarejaquemavu ūre cavarō mearo ūi curði, arí couyinbú maja.

Ina dajocavu ne ju aiye báquede Jesúre

4 Nai Espíritu Santo jāve couyibi bhojaijárvare apevu Jesúre ju aipōeva mácavu dajocarajivu ne ju aiye báquede. Que teni jápiarájarama na abujuvare ne bueiyede, ina jujovaiyurvare pōevare ne bueiye jāve āmeque. ² Buede ðarajarama pōeva borocarivure. Que teni jujovarajarama pōevare ne bueiye jāve āmeque. Ina bueipōeva coreóvarajarama ne bueiye jāve āmene. Ubenita ye chíomenajarama ne jujovaiyede, “Boropatebevu yu”, ne arí dápiabe boje. ³ Yópe arí, buenajarama na: “Purubhobejará muja” aru “Āmejara muja apejíe āiyede”. Ne nópe bueiye meamevu. Caiye maje āiyede chedarejaquemavu Jūmenijicu, Jesúre ju aipōeva, ūi yávaiyede jāvene majidivu, torojuede jíni ūre, ne

ārajiyepe ayu diede. ⁴ Que baru caiye iye Jūmenijicui cuedaiye báquede maje ūru, mearotamu. Maje torojuede jídu ūre maje jacopuiyede ūi cuedacaiyede majare, jarvaiye jaúbevu diede majare cainumua. ⁵ Jūmenijicui yávaiyede ūi toivaicōjeiye báque boje aru maje jénaiye boje ūque máre, jívubu mearore ūre. Jūmenijicu me jāñume diede.

Aipe ðarí Jesucristore memecayu me

⁶ Mu couyu baru yópe ji toivaicōjeiyepe apecure ina Jesúre ju aipōevare, mi baju máre bueiyedeca iye yávaiye méne mi ju aríburu yóboi Jesúre aru caride máre, meacu memecaipódecu bacuyámu mu Jesucristore. ⁷ Ubenita jápiabejacu iye ijárvu que couyiyede puedabede Jūmenijicure aru ūrumene máre. Quénora buejacu mi baju, puedacuyu Jūmenijicure pñeno baju mi daiyeque cainumua. ⁸ Pöecu ūi parure ðaru ūi bajure, quíjino mearomu ūre. Ubenita pöecu ūi parure ðaru ūi ūmene, uraró mearomu ūre. Ūi bajui paruru, mearomu ūre ijárvumata. Ubenita ūi ūmei paruru, uraró mearomu ūre ijárvure aru daquijárvu baquinore máre. ⁹ Jävetamu iye. Que baru ju aiye jaúvu diede caivure. ¹⁰ Que baru memeinbú maja pu uetuvu vacari, maje napini coreiye boje Jūmenijicui cädatequiyede majare. Yópe coreinvu Jūmenijicui apuē boje aru ūi bhojaiye boje meadayu caivu pōevare máre. Que baru Jūmenijicu meadacuyume caivu ina ju aivure Jesúre. ¹¹ Iye ji couyiyede mure, nopedeca buejacu aru ðaicōjejacu.

¹² Pōevare puedabede dabejacu mi bojué boje. Quénora yávajacu me. Mearo dajacu máre. Aru ujacu apevure. Ju ajacu Jesúre máre. Aru āmeno dabejacu. Que teni pōevare puedare ðajacu mure, mi jádovaiye boje náre aipe

daiye jaúrōre caivu Jesúre ju aipōevare. ¹³Caride aru pu ji eaiyeta hetubecuva jári borotejacu pōevare Jūmenijicu yávaiyede ui toivaicōjeiye báquede. Coyujacu aipe daiye jaúrōre náre. Aru buejacu náre máre. ¹⁴Árujacu Jūmenijicu majiéde, ui jíye báquede bojecubeda mure javede, ina Jesúre ju aivure cor-eipōeva ne coyucaiye báquede mura aipe vaiquiyede mure, aru ne t̄hoiye báquede mi jipoburā ne puruáque. Áru dajocabejacu dayu yópe mi majiéque Jūmenijicu jíye báquede mure.

¹⁵Me dāpijacu caiye iye ji coyuhiyede mure. Caijāravu pñeno dajacu yópe ji coyuhiyede, pōeva mure jári ne majinajiyepa ayu dayure yópe mi coyuhiyede. ¹⁶Me jájacu mi daiyede. Aru buejacu yávaiyede jávene máre. Nópe dajacu cainumua. Que teyu mi baju meadachumtu mu. Aru meadachumtu mu ina jāpiaivure mi bueiyede máre.

Aipe daiye jaúrō Jesúre ju aipōeva que

(Mt 10.10; 18.16; Lc 10.7; 1 Co 9.9)

5 Jarabejacu mu ina ñumava bñus-vare. Quénora coyujacu me aipe daiye jaúrōre náre, nopedeca mipacure mi coyuhiyede. Ina ñumava bojñuvure máre, coyujacu nopedeca míyovare mi coyuhiyede. ²Ina nomiva bñusromivare máre, coyujacu nopedeca mipacore mi coyuhiyede. Ina nomiva bojñromivare máre, coyujacu nopedeca míyoromivare mi coyuhiyede. Aru cainumua ámeno dabejacu náque.

³Puedajacu ina nomiópeva cūinácova curivure némaru aru népáramena máre cibevure. Jäve cõmaje ärojarivu na. Que baru cadatejacu náre jaúde.

⁴Úbenita ico nomiópecoi mamara curivu baru o jípáramena máre curivu baru, jaúvu náre ne cadateiye óre. Que baru napini corebejarari ina Jesúre ju aipōevare ne cadatenajiyepe aivu népacore o nénecore máre. Quénora jíjarari

na óre jaúde. Ói me jári coreiye boje náre jñedovare cäreja, ó bñusco caride, óre jári coreiye jaúvu náre. Que teni Jūmenijicu me jāñume ina pōeva jári coreivure me nébñusvare. ⁵Úbenita ico nomiópeco cūinájico chco, óre jári cor-eipōecu cibabeco, napini coreibico õ Jūmenijicu cadatechuyre óre. Que baru jeníadome üre cainumua, ui cadatequiyepa ado óre járavure aru ñamine máre. ⁶Úbenita ico nomiópeco torojuve teiyede vodore, cadatebejacu óre. Que teni õ apubico õi baju. Úbenita yaiyó bácope pádobe õi ñmene Jūmenijicu jainore. ⁷Daicōjejacu mu ina Jesúre ju aipōevare yópe ji coyuhiyede. Que teni apevu bñojabenama ámeina yávaivu ne borore. ⁸Ina ju abevñvacari jíma ne bñusvare jaúde. Que baru cūinácu Jesúre ju aipōecu jíbecu baru ü jivure aru ui cibramicavure máre náre jaúde, ñcapúravu ámecu bajube ju abevu pñeno.

⁹Mi toivarí cuvarõre ne ámiáre ina nomiópevare, toivajacu ico nomiópeco sesenta paíñcha pñeno cibvacore jári baju, aru cūinácura ñmucuco bácore dajocabecova üre, Jesúre ju aipōeva ne cadatenajiyepe ayu. ¹⁰Póeva ne puedaimo majacóri õ. Coyjarari na õi borore, “Ico nomiópeco mearo daibico õ”. Jaúvu óre õi bñusóvaiye báque me mamarare, aru õi copu etaiye báque curádaivure, õi joaiye báque Jūmenijicu pōevai cibobare, aru õi cadateiye báque cõmaje ärojarivure máre. Que teni jaúvu óre õi mearo dacaíye apevure cainumua.

¹¹Úbenita toivabejacu ne ámiáre, Jesúre ju aipōeva ne cadatebenajiyepe ayu ina nomiópeva bojñromivare. Ina pñubñcoiuyrivu baru apecuque, dajocarajarama ne memecaiyede Jesucristore. ¹²Que teni dabenajarama yópe “Yu bácojivu memecado”, ne aiye báquepe Jesucristore. ¹³Aru ina

nomiópeva bojürömiva jüracürivu, curre cuyama cüramia coapa. Borore coyurí jiodama na. Cärijovadama pöevare. Aru borotedama boroteiye jaubede máre. ¹⁴ Que baru yu hvu ina nomiópeva bojürömivare ne purhborí juedocuvaräjiyepe ayu jári coreivuva ne cüramiare. Que teiyede maje mauchu bhojabecube ämeina yávayu Jesúre jü aipöeva ne borore. ¹⁵ Javede apevu nomiópeva dajocaquemavu ne jü aiye báquede Jesúre. Que teni memecadama ñai abujuvai jabocu Satanáre. Que baru que aivu yu mure.

¹⁶ Cüináco nomiò Jesúre jü ado cuvaco baru nomiópevare õ jivu jéneboi, cadateiye jaunvu óre, ina Jesúre jü aipöevare cadateiye jaubequiyepe aiye náre. Nópe daiyede ina Jesúre jü aipöevare jáve cadatenajarama ina nomiópevare, ñame ne cadatebemarare jáve cõmajae ärojarivvre.

¹⁷ Ina Jesúre jü aipöeva urarö puedajarari náre ina coreipöevare, ne jaboteiye boje náre. Aru ina Jesúre jü aivure coreipöeva bueivure aru coyivure máre Jümenijichu yávaiye méne pñeno baju puedajarari aru bojedajarari náre ména. ¹⁸ Que baru yópe arí Jümenijichu toivaicöjenejaquemavu üi yávaiyede: “Ñai oteiáimacu uracu memecayure mñjare, bhojeará ūre üi jijecamure, üi ämequiyepe aivu ūre üi cõocaiyedeca mñjare maje oteiyabeare, üi curaiyede diede”. Que baru üi äye memeiye bojepetu. Aru, “Memecaipöecure bojedaiye jaunvu üi memeinore”, arí toivaicöjenejaquemavu. Que baru me bojedajarä mñja ina mñjare bueivure.

¹⁹ Cüinácu pñecu üi boro coyurí adaru cüinácu Jesúre jü aivure coreipöecure, jápiarí adabejacu mu üi coyuiyede. Übenita pñcará o yóbecurá majidivu bácavu üi ämeina teiyede báqueda ne boro coyurí adaru ūre, jápiarí adajacu mu

ne boro coyuiyede. ²⁰ Aru jarajacu ūre caivu apevu Jesúre jü aipöeva ne jainoi, ne jiduräjiyepe ayu daräjivu ämeno ūpe. ²¹ Iye ji toivaicöjeiyede apecure mure Jümenijichu, aru Jesucristo, aru ina ángeleva meara baju máre majima. Que baru ne jainoi jü aicöjeivu mure ji daicöjeiyede. Que baru arí dapiabejacu mi baju apecu ämeina dayure üi coyuiyede jipocai. Aru jámejacu ubenina apecu meacure apevu pñeno.

²² Dapiabecuva, mi purháque tuorí, epebejacu apecure Jesucristore memecaipöecure. Mu que dayu baru, aru üi ämeina tedu, mävacari jü ajebu üi ämeina teiyede. Que baru apevure ämeno dare dabejacu mu. Aru mävacari ämenore dabejacu cainumua.

²³ Apenumua mure yapibu ijié boje, ücumejacu oco matuiyeda. Quénora ücuijacu apecoro vino úyaicorore, jnoscuyu mi bajure.

²⁴ Apevu pñevare, ne ñájinajiye jipocamia, caivu javede jádama ne ämeina teiyede. Übenita apevu pñeva ämeina tedama yavenina. Que teni pu ne ñájinajíjárau baquinó eaiyeta apevu jámenama ne ämeina teiyede. ²⁵ Quédeca apevu pñeva mearo dadama caivu ne jaiyede. Aru caivu coreóvadama aipe ne mearo daiyede. Übenita apevu pñeva mearo dadama yavenina. Übenita yaveni daivu bhojabenama na cainumua. Quénora cüinájárau baquinói apevu coreóvaräjarama aipe ne mearo daiyede.

6 Caivu Jesúre jü aipöeva memecaivure puedaiye jaunvu ne jabocure cainumua, apevu ne ämeina yávabenajiyeye aivu Jümenijicure aru maje bueiyede máre. ² Aru apevu memecaivu baru Jesúre jü aipöevare, dajocabejarari ne puedaiyede náre, ne jü aiye boje nápe. Quénora pñeno mearo baju memecajarari náre, ne jü

aiye boje Jesúre aru Jūmenijicu ue boje náre.

Maje bojecue jāve

(He 13.5)

³ Maje jabocu Jesucristo bueibi majare jāve, maje majinajiyepo ayu aipe daiye jaūrōre majare, maje curājiyepo ayu yópe Jūmenijicu үrōpe. Übenita apevü curivübu, ju abevü Jesús üi bueiyede. Quénora bueivübu na ape bueiyede jāve āmene. ⁴ Ina pōeva dāpiaivübu ne baju mearape apevü pñeno. Übenita ye majibema na. Jēniari jāiyurivübu übenina ne bajumia. Aru jaraivübu ne bajumia aipe aiyurōre ne yávaicamuaque. Ne que daiye boje, pōeva jorojivübu, aru jaraivübu, yávaivübu borocuēde apevü borore, aru “Āmeina daiyubi yure”, arī dāpiaivübu apevü borore. ⁵ Que teni ina ne dāpiaino āmenoque cārijovaivübu ne bajumia aru dajocabevü ne jaraiyede ne bajumia, ne jaruvaiye boje iye bueiyede jāvene. Ina pōeva bueiyurivübu Jūmenijicu yávaiyede, ñajivü үrarō ne bojeva. Coatejacu náre jaruvare. ⁶ Jāve Jūmenijicu yávaiyede bueiye pare bojecuebu pōevare, übenita ina torojurivüre ne cūvaequeda. ⁷ Davabedeaquemavü maja maje cūveva ijāravüre jocarī. ⁸ Que baru maje cūvaru maje ãiyeva aru maje cuitótecajeva máre, meaquiyebu majare. ⁹ Übenita apevü urivübu ne cūveva. Que baru ñai abujuvai jabocu jujovayübe náre, ne āmeina tenajiyepo ayu, cūvarājivü cūvede. Que teni ü jēñume náre yópe ñhoibo jēiyepo āimacure. Ārñevnepo vore cuivübu cūvede. Que teni āmeno daivübu ne baju aru apevüre máre. Bíjare daivübu ne baju Jūmenijicure jocarī. Aru ñájinajivübu na. ¹⁰ Pōeva ne ue boje tāuturare, dādama caiye āmenoquede, cūvarājivü diede. Apevü pōeva cūma, ne ju aiye báquede Jesúre jaru-

vaivü bácvu, cūvarājivü tāuturare. Aru caride chīori ñájiñama na.

Jūmenijicu jiede dājarā āmene dābevüva

(Jn 18.37)

¹¹ Ma Jūmenijicu pōecubu. Ūre memecayübu ma. Que baru dābejacu caiye iye āmeina teiyede yópe ji couyiyepo. Pñeno baju dājacu cainümu, mearo dāchü Jūmenijicu jāinoi, puedachü ūre, ju achü Jesús üi yávaiye méne, cūchü pōevare, napicüu mi ñájiyede, aru meacu pōesçpe cūchü apevüque. ¹² Jūmenijicu cutuquemavü mure, mi cūquiyepo ayu me üi үrōpe aru mi cūvaquiyepo ayu jāravü cūiméjāravü baquinóre. Dijāravü bácarō, Jūmenijicu mure cutuijāravü bácarōi, mūvacari ūre ju ávü obedivü ne jāiyede. Que baru pñeno baju dājacu, cūchü yópe mi ju aiyepo Jesúre, aru cūvacüu jāravü cūiméjāravü baquinóre máre. ¹³ Caride yu dāicōjeivü mure Jūmenijicu, cūre dāyü caivüre, aru Jesucristo máre, couyüu bácu Jūmenijicu yávaiye méne Poncio Pilato báçure, ne jāpialiyede. ¹⁴ Ju aicōjeivü mure iye ji dāicōjeiyede. Daiye jañu mure caiyede yópe ji couyiyepo. Apejíene ārñmetebejacu ma. Aru oatuvabejacu ma iye ji dāicōjeiyede mure. Que teni ñame bñojabecuē āmeina yávayü mure mi daiyede. Nópe dājacu ma cainümu pu maje jabocu Jesucristoi copaidaiyeta. ¹⁵ Jūmenijicu járore dāchüume Cristore meajāravü üi beoijāravü baquinóre. Ū parçu pñeno baju cūináçura jaboteyübe caivüre aru caiyede máre. Que baru meacu bajube Jūmenijicu. Ūrecabe jaboteyü caivü apevü jabovare. Aru ūrecabe cōjēñu caivü apevü cōjēivüre máre. ¹⁶ Ūrecabe cūináçura yaibéch üi baju. Ū cūcü miadáro mearoi, noi pōeva joabenoi nuri bñojabema. Ūrecabe

põevai jámemu javede aru caride máre. Ñame bñojabecube jánñ ūre cainumha. Caivu pueðajarāri Jümenijicure aru jabotejacurí ū cainumha. Quédecabu.

¹⁷ Aru ina cüve cuvarivu ijárvanquede yópe arí, coyuçjacsu náre: “Dápiabejarã muja mearape apevu pñeno”, ajacsu náre. Aru, “Ñuje cüve cuvae boje, napini coreivubu ñuña”, arí dápiabejarãri na. Que baru ijárvanqude cüve cüiquíyebu. Aru ñame bñojabebi majicu aipino joe cüquiyede diede. Quénora náre napini coreicöjejacu Jümenijicure. Ürecabe jíyu majare ularõ baju caiyede, maje torojurájiyepo ayu.

¹⁸ Ina cüve cuvarivure daicöjejacu me apevure. Jecubevuva jícöjejacu náre ne cuvaequede, ne coapavarájiyepo ayu cõmaje árojarivure, cadatenajivu náre. ¹⁹ Nópe ne cadateiye boje apevure, cuvarajarama na coapa ne

bojedaräjiyede daquijäravu baquinóre cavarõ mearo Jümenijicu curöi. Jäve torojurivu ne ūmei cuvarajarama na järavu cüiméjäravu baquinóre.

Pablo ūi cõjeino Timoteore yóbocarõ baju

²⁰ Mu, Timoteo, Jümenijicu epeibi mure, mi coyuçquiyepo ayu iye Jesús ūi yávaiye méne. Jäpiabejacu iye coyuçquiyede pueðabenore Jümenijicure aru árumenore máre. Jäpiabejacu iye bueiyede jäve ámene. Ina põeva borocurivu bueniduyama majidivupe. “Me majivu ñuña. Ñuje bueiye jävemu”, aríduyama. Übenita majibema na.

²¹ Aru apevu yópe bueivu, javede dajocadama ne ju aiye báquede Jesúre. Jümenijicu mearo dacajacurí caivu mujare bojecubeda ūi me boje. Quénoram.

2 Timoteo

Mamabuínore couyiyebu Pablo bácu ūi toivaicōjeiye báquede yóbocayoca paperayocare Timoteo bácre. Pablo bácu judíovacacu bácvacari, Jesús ūi yávaiye méne beorí couyicōjeimu mareaquémavu, couychuyu ūi yávaiye méne judíova ámevure, judíova ne ju abe boje ūi couyiyede. Lucas bácu couyrejaquemavu Pablo bácu borore Hch 7:57-8:1, 9:1-31, 13:1-28:31, aru Timoteo bácu borore Hch 16:1-3, 17:13-16, 18:5, 19:22, 20:4. Caiye apeyoca doce paifyoca Pablo bácu toivaicōjeiyoca ūre toivacaipóecu bácre ūi paperayoca curiyocare Majepacu Jūmenijichu yávaiye mamaene couyitucubo jívui javede toivaicōjenejaquemavu ūi toivaicōjequiyede jipocare diyoca ūi buejaiyocare. Pablo bácu couyrejaquemavu ūre toivacaipóecu bácre aipe ūi toivacaquiye báquede diyocare. Toivaicōjenejaquemavu diyocare ániyu bácarõe 64 d.C., ūi chede ámeina teivure jéni jacoñami Roma ámicurii-maroi, ūi yaiquíye jipojícai. Dinumure Lucas bácu quécu dajocabedejaquemavu Pablo bácre (4:11).

Pablo bácu toivaicōjenejaquemavu diyocare ūi coreóvaiyede maume jabova ne boarí jaruvaquimure. Parure daiyurejaquemavu Timoteo bácre ūi úmei aru daicōjenejaquemavu aipe daiye jaúrõe ū mácre (1:3-14, 2:1-13, 3:14-4:2, 5). Jári coreicōjenejaquemavu ū mácre apevü ne bueye jáve ámene (1:15-18, 2:14-3:9, 4:3-4). Couyrejaquemavu aipe vaiye báquede ū mácre (3:10-13, 4:6-8, 14-18). Aru daicōjenejaquemavu Timoteo bácre Marcos báque que ūi yebai ūi cüveque (4:9-13, 21).

Pablo ūi meaicōjeino Timoteore

(Hch 16.1; 1 Ti 1.2)

1 Yü, Pablo, toivaicōjeivu apecure iyoca paperayocare. Yábu Jesús ūi yávaiye méne beorí couyicōjeimaracacu. Jūmenijichu ubi ji couyiyede pöevare, ne majinajiyepo ayu ū cure dacuyure caivu ina Jesúre ju aipöevare Jesucristoque järavu cüiméjärvu baquinóre. **2** Mu, Timoteo, yu meaicōjeivu mure, ji umure, jímacupe páyure. Majepacu Jūmenijichu, maje jabocu Jesucristomaque, mearo dacajacurí mure bojecubeda ūi me boje. Aru cõmaje ároje jájacurí mure. Aru torojurí cure dacajacurí mure cãrijimecuvu.

Pablo ūi couyino pöevare Cristorâ

(Hch 16.1; 1 Ti 2.7)

3 Yu torojude jívü Jūmenijichure, ji memecaimure, “Boropatebevu yu”, ji arí dápiaiyequ, nópe jíñecuva mácavu máre ne ūre memecaiye báquedepedeca. Ji jénaiyedeca Jūmenijichue järavure aru ñamine máre árhvu mure cainumha. **4** Árhvu mi oiyé báquede. Que baru urarõ jáiyuvu mure cojedeca, torojuchuyu ji baju. **5** Árhucubu yu mi ju aiye báquede Jesúre jáve. Mamarumure míñeco Loida aru mipaco Eunice máre ju arejaima Jesúre. Aru jáve majivu yu mure máre ju ayure ūre.

6 Que baru árhicōjeivu mure Jūmenijichu jíye báquede bojecubeda ji thoiyede mure ji pürháque mi jipoburá, mi daquiyepo ayu yópe Jūmenijichu urópe.

7 Aru Jūmenijichu darobi majare ñai Espíritu Santore. Ú jidure dabecubé majare. Quénora parure daibi majare, maje úmei memecarajiyepo ayu me Jūmenijichure. Ure daibi majare Jūmenijichure aru pöevare máre. Aru majide daibi majare maje oaburí coreivu maje bajure coreóvaivuva me.

⁸ Que baru cuyaebajacu mū iye maje coyuhiyede maje jabocu Jesucristorā. Aru cuyaebajacu yure máre, baoimū cuchareca ūre boje. Quénora yávacari ñájiyubecu āmevu ji coyuhiye boje Jesús ūi yávaiye méne, mū máre ñájiyubecu cuyaebajacu mi coyuhiye boje Jesús ūi yávaiye méne. Napijacu mi ñájiyede Júmenijicu paruquéque. ⁹ Júmenijicu meadaibi majare aru cutuibi majare máre, maje meara baju barājiyépe ayu. Ubenita die boje maja memecabevu ūre. Quénora Júmenijicu mearo dacaibi majare bojecubeda nópe ūi daiyue boje. Javede ijárvu báquiye jipocai, Júmenijicu majidejaquemavu meadachyure majare Jesucristo dacaquiyede boje. ¹⁰ Aru ñai meadaipōecu Jesucristo ūi daiye báquede ijárvu, Júmenijicu jádovaimi ūi mearo dacakiye bojecubeda majare. Jesucristo āmei vaibéde daibi majare maje yaijüroede. Que baru yaidé dainore jidé jaubevu majare. Aru Júmenijicu jádovaimi maje ju aiyede Jesús ūi yávaiye méne cuyvarajivure járvu cüiméjárvu baquinóre aru apebaju pojebabajure máre.

¹¹ Yávacari Júmenijicu epeimumu, coyuhiyue Jesús ūi yávaiye méne aru buechuy pöevare diede máre. Que baru Jesús ūi yávaiye méne beorí coyuhiçójeimumu yu. ¹² Que baru ñájiva yu caride baoimüpe. Ubenita cuyojarō cübevu yure. Que baru coreóvaivu yu ñai Jesucristore, ji ju aimüre. Aru jáve býaroicójemecuyume ū iye ji memecaiye báquede ūre cainumua. Que majivu yu jáve.

¹³ Cainumua coyuhiyacu mū iye yávaiyede jávene cüináturu ji coyuhiyede mi jápiayiye báquede. Ju ajacu Jesúre. Aru ajacu Júmenijicure, pöevare máre, mi cue boje Jesucristo que cüinávüpe. ¹⁴ Júmenijicu coyuhiçójeimi mure iye yávaiye méne, apevu ne oatuvabena-

jiyepe ayu diede. Ñai Espíritu Santo máque cuchu cadatechuyume mure, me mi coyuquiyede ayu Júmenijicu yávaiye méne.

¹⁵ Mū coreóvaivu caivu ina Jesúre ju aipōeva Asia āmicurijoborócvu javede dajocaivure yure, aru pucarā nácvu ne āmiá Figelo aru Hermógenes máre. ¹⁶⁻¹⁷ Ubenita Onesíforocapúravu ūi edaiyede Roma āmicuríimaro, cüiná vore cuquemavu uecubecu pü yure earita. Aru obedijárvu torojure dáme yure, cuyojarō cüre dabeceji ji cue de ne baoimüpe. Que baru cómaje āroje jájacurí maje jabocu Jesucristo Onesíforo jivure. ¹⁸ Mávacari coreóvaivu me aipe Onesíforo ūi cadateyiye báquede urarō majare, curivu bácvure Éfeso āmicuríimaro. Que baru ãnjijárvu, Júmenijicu ñájiovaquijárvu baquinóre pöevare, ne ámeina teiye boje, cómaje āroje jájacurí Onesíforore máre.

Jesucristoi churara meacu

(Mt 10.33; Lc 12.9; 1 P 5.1)

2 Mū, jímacureca páyu, parure dajacu mi baju mi ümei Jesucristoi mearo dacakiye boje mure bojecubeda. ² Aru iye ji coyuhiyede mi jápiainoi obedivu pöeva ne jápiayiye bueicójejacu mū ümava mearare, mi majimarare aru bueni majidivure máre, ne buenajiyede ayu apevu pöevare máre.

³ Napijacu yápe ñuje ñájiyede Jesucristore boje yópe churara meacu ūi ñájiyede napiyede. ⁴ Dajacu yópe churarape. Ñai churara daili yópe ūi jabocu, ūre órejayu bácu, ūi uröpe. Que baru ū memecayuvacari ūi jabocure memecaiyuridubebi churara āmecure. Quédeca mū Jesúre memecayuvacari memecabejacu apecure mi jabocu. ⁵ Aru dajacu yópe cuyayüpe. Nopedeca ñai yajuipōecu máre eabebi yo ūi yajuino bojede ména, dabeceji baru yópe

yajuipõevare ne cõjeiyepo. Quédeca mu dayu baru yópe Jesucristoi ðaicõjeiyepo, cûvacuyumu no bojede.⁶ Aru dajacu yópe jiore máre memeñüpe. Ñai memeipõecure íye jaunu caivu jipocamia die üi oteiye báque jéinumure ü jie baquiyé, üi utarõ memeiye báque boje. Quédeca mu memecayu baru Jesucristore uetubecuva, cûvacuyumu mi bojede.⁷ Me dápijacu mu caiye ji coyuviyede. Mi me dápiaru diede, maje jabocu Jesús jápiarí eare dacuyume mure caiyede.

⁸ Árjacu mu ñai Jesucristore, Jümenijichu nacovaimu mácure yainore jaruvarí aru ñai jabocu David bácu pâramecure máre. Üi yávaiye méne coyuviybu yu põevare.⁹ Aru iye yávaiyede ji coyuviyede boje ñájivu yu. Carita apevu maucu-varivubu yure buoyeta tâumeaque yui ámeina teivure jéni jacoñami jíñchi ámeina dayupe. Übenita ñame buojabecube buoyupe dayu Jümenijichu yávaiye méne.¹⁰ Que baru napivu yu caiye iye ñájiyede náre boje, ina Jümenijichu beoimara, Jesucristo üi meadaquiyepo ayu náre máre, ne curâjiyepo ayu üque üi curõ pueno mearo cavarõi cainumua.

¹¹ Jävetamu iye.

Dabevu maja yópe maje daiye báquepe maje ju arâjiye jipocare Jesúre. Que teni yaivu bácvapebu maja Cristoque. Que baru curâjaramu maja üque.¹² Aru napivubu maja maje ñájiyede. Que baru jabotena-jaramu maja üque. Übenita maje ju abedu üre, ü capuravu dacuyume majare yópe üi aiye báquepedeca, dacuyu ina üre ju abevure. Que baru üi baju, “Que ámevu”, arî buojabebi ü.

Jävetamu die.

Memeipõecu meacu

(Jn 10.14; 1 Co 8.3)

¹⁴ Arure dare dajacu mu ina bueipõevare iye ji coyuviyede mure. Coreóvare dajacu náre Jümenijichu jáinoi, ne jarabenajiyepo ayu ne baju aipe aiyurõre ne yávacamuvaque. Bueipõeva ne jaraiye boje, cûbejebu die. Quénora ne jaraiyeque ámedadama ina jápiaivure náre.¹⁵ Méneca darí jájacu, cucusu Jümenijichu jáinore üre memecayu üi ju aimupe. Que teni cuyebecebubu mu mi bueiye boje me Jümenijichu yávaiyede. Aru buejacu põevare yávaiyede jävene.

¹⁶ Übenita buebejacu iye ijäravuque coyuviyede pueabede Jümenijichre aru áruvane máre. Ina nópe bueivu pueno ámenape baju nñivubu na.¹⁷ Aru ne bueiyeque ámeina daivubu apevure nópe ñai ijimu pojeiyepo pueno ámecu baju üi nñiyepo. Pucarâ nópe buedama, ne ámiá Himeneo aru Fileto máre.¹⁸ Ina dajocadama ne ju aiye báquede iye yávaiyede jävene. Borocurí, yópe arî, “Javeta Jümenijichu nacovaquemava põevare yainore jaruvarí”, übenina arî coyuviybu na. Que teni cárijoavaivubu apevure, ne arâjiyepo aivu, “Majibeju ñuña aipe jaivõre ñuña ju aiyede”.¹⁹ Übenita ñame buojabema oatuvaiju iye Jümenijichu yávaiyede jävene. Que baru ñame buojabema bíjare daivu Jümenijichu daiyede. Jümenijichu parure daibi üi põevare ne ümei. Aru jádovaimi diede üi toivaicõjeiyepo báquede üi yávaiyede, yópe arî: “Maje jabocu Jesús majibi ü jinare. Que baru caivu ina aivu, ‘Jesucristobe ji jabocu’, dajocajarari na ne ámeina teiyede”, arejaquemavu Jümenijichu.

²⁰ Cûrami ursdayamí jívure jororua ure cûvu. Apedua úruque daidua aru plataque daidua máre, übenita apedua jocuque daidua aru joboque daidua máre cûvu. Diduare úruque,

plataque máre, daidua bojecuriduare, ñai cūrami upacu epeicōjeñume ūi yebai curādaivure. Ubenita diduáre jocuque aru joboque máre, daidua bojecubeduare, epeicōjeñume cūramicavure. ²¹ Que baru ñai pōecu dajocayu baru ūi ãmeina teiyede, memecacuyume me maje jabocure. Úi mearo daiye boje, pōeva puedarajarama maje jabocure, nopedeca diduá bojecuriduaque ñai cūrami upacu puedaiyepo ñai ūre jácudayure. Que teni ñai Jūmenijicure memecayu me, coreibi dacuyu caino memecaino mearore cainumua. ²² Que baru dabejacu mu ãmenore yópe apevü bojvüne ne daiyepo ne baju unctione. Quénora mearo darī jājacu, dacuyu mearore Jūmenijicui jainoi cainumua, aru ju acuyu Jesú斯 ūi yávaiye méne, ucyu Jūmenijicure aru pōevare máre, aru cārijimecuyu náque, ina jēniaivu maje jabocure, ūi cadatequiyepo ayu náre aru curivure ne dápiaino mearoque máre.

²³ Jápiarī adabejacu mu apevü ne coyuiede bojecubede aru árūmene máre. Nácapūravu me coreóvabevübu. Ubenita mūcapūravu coreóvaivu pōeva yópe coyuchüre, jararī búrājivure. ²⁴ Ubenita ñai memecayu Jūmenijicure jaraiye jaubevu ūre apevüque. Quénora caivüque pōecu meacüpe bajacurī. Aru buejacurī me. Napijacurī jarabecuva pōeva que máre. ²⁵ Que teni buejacurī duibareca pōecu meacüpe ina maucuvvarivure Jūmenijicui yávaiye méne. Que daru, Jūmenijicui náre oatuvare dacuyume ne dápiainore, ne ju arājiyepo ayu ūi yávaiyede jāvene. ²⁶ Que teni nácapūravu dupini nūjebu ñai abujuvai jabocure jocarī. Úme náre jēñu mách yópe doríñu jēiyepo moare. Úi jujovaiye báque boje, cuvabi náre ãmeina teivüpe, náre dare dacuyu ūi unctione.

Aipe pōeva ne ðarājino bhojaquijāravu baquiyéde

3 Coreóvajacu mu iyede. Ánijāravu bhojaquijāravu baquiyéde, Cristoi copaidaquijāravu baquinó jipocai, pōeva ãmena maiyójare ðarājarama apevure. ² Yópe ðarājarama na, ina ãmena. Ne baju unctione. Aru jecurājarama tāuturare. Dápiarājarama ne baju mearape apevü püeno. Arājarama, “Mearamu ñüja apevü püeno”. Aru ãmeina yávarājarama. Juédoval ju abenajarama nébucuvai coyuiede. Jíbenajarama torojuede. Aru puedabenajarama Jūmenijicure máre. ³ Jecubbenajarama névüre. Aru cōmaje ároje jāmenajarama apevure. Yávarājarama borochede apevü borore. Oarī corebenajarama ne baju daiyede. Jijecurājarama. Aru ubenajarama caino mearore máre. ⁴ Jēni jínajarama pōevare ne mauvare. Aru ðarājarama árūmeyüpe. Dápiarājarama ne baju majidivüpe caiyede apevü püeno. Jūmenijicui unctione dabenenajarama na. Aru cojubbenajarama ūre. Quénora ðarājarama cojutājivu ne baju yópe ne baju unctione. ⁵ Apevü pōeva ne jāiyede náre ðarājarama yópe ina mearore jív Jūmenijicure daiyepo. Ubenita Jūmenijicure parure daicōjemenajarama ne ümene ðarājivu yópe ūi unctione.

Dupini nūjacsu mu nápe paivure jocarī. ⁶ Apevü nácapu duibajieneca ecoicōjene daivübu náre apevü ne cūramiai, jujovarājivu nomiva árūmeyüre. Ina nomiva, ne dápiaiye ãmeque daiye boje, daiyurivübu ãmenore unctione. ⁷ Cainumua jápiaivübu obedivu pōeva ne bueiye mamaene. Ubenita ye bhojabema coreóvaivu áde yávaiyede jāvene. ⁸ Yópe ina yaviva bácvu ne ãmiá Janes aru Jambres ne mauchvæ báquepe

Moisés bácre, nopedeca na máre, ina jújovaivu nomivare, maucuvavirinuvi iye yávaiyede jávene. Dápiavavu ámenore cainumua. Aru Júmenijicui jaruvaimaramu na, ne ju abe boje iye yávaiyede jávene. ⁹ Ubenita obedivu pöeva coreóvarajarama aipe ärojarivure náre. Járabajarama náre árumevüre, yópe ne jáiyepo ina pucarä Moisés báchi mauva mácavüre paivüre.

**Pablo üi cõjeino
yóbocarô baju Timoteore**
(Hch 13.14-52; 14.1-20)

¹⁰⁻¹¹ Ubenita mucusapürvu coreóvaivu aipe ji bueiye báquede, aru ji daiye báquede, ji daiyue báquede, ji ju aiye báquede Júmenijicure, ji napiye báquede, ji ue báquede pöevare, aru ji nájiye báquede máre. Mu coreóvaivu aipe ina Antioquía, Iconio, aru Listra amicuriimaroacavu ne nájine daiye báquede yure. Ne nájine daiyedeca yure, cainumua napinejacacu yu. Aru maje jabocu Jesucristovacari meadarejame yure cainumua. ¹² Jäve caivu ina meara maiyurivu Júmenijicui jainoi curivu Jesucristo que cünávüre nájinajarama na. ¹³ Ubenita ina pöeva ámena aru ina jújovaivu máre püeno ámena nürajarama na. Jújovarajarama apevüre. Aru náre máre jújovarajarama püeno baju.

¹⁴ Ubenita mucusapürvu dajocabejacu mi ju aiyede caiye iye mi bueiye báquede. Majivu mu jave diede. Que baru mu coreóvaivu ina mure bueivu bácvüre iye yávaiyede jávene. ¹⁵ Aru mu coreóvaivu juedocu cäreja, caride máre, majicure iye Júmenijicui toivaicõjeiye báquede üi yávaiyede, mi mäjiquiyepo ayu Júmenijich meadachuyure mure, mi ju aiye boje Jesucristore. ¹⁶ Caiye iye Júmenijicui yávaiyede üvacari toivare darejaquemava ina üre toivacaivu bácvüre. Que baru üi yá-

vaiye bojecuvu majare, maje buenajiyepe aiye iye yávaiyede jávene, aru maje coreóvarajiyepo aiye maje ámeina teiyede, aru maje oatuvavarajiyepo aiye maje daiyede, aru maje majinajiyepo aiye aipe daiye jaüröre, curajivu meara Júmenijicui jainore. ¹⁷ Nai Júmenijicure memecayübe nöpe darí me majini, nappini coreyü, daschü caiye méne.

4 Caride majepasch Júmenijicu, maje jabocu Jesucristomaque, jápiaibi iye ji coychiyede mure. Jesucristo copaidachuyume ijäravu. Nájine daschuyume pöeva apurivüre aru yaivu bácvüre máre, ne ámeina teiyede boje. Aru jabotecuyume caivu pöevare. Que baru paruröreca daicõjeivu yu mure yópe ji coychiyepo. ² Coypjacu Jesús üi yávaiye méne pöevare. Me jári coreni buejacu náre cainumua, ne jápiaiyuru aru ne jápiaiyübedu máre. Coypjacu mu pöevare aipe ne ámeina teiyede. Aru dajocacõjejacu náre diede. Buejacu aipe daiye jaüröre náre máre. Aru buejacu napiyeque. ³ Eaquiyebu apejäravu ámejäravu. Ánijäravu baquiyéde pöeva jápiabenajarama bueiye méne. Quénora ne baju uröpe vorajarama obedivu bueipöevare, ne buenajiyepo aivu náre yópe ne baju jápiaiyüpe, ne darajiyepo aivu ámeina teiyede yópe ne baju uröpe. ⁴ Que teni jápiabenajarama iye bueiyede jávene. Ubenita jápiarajarama néñecuva mácavu coychiye báquede. ⁵ Aru paruröreca daicõjeivu yu mure cojedeca. Mucusapürvu daicõjejacu me mi baju, coreóvayüre cainumua. Napijacu mi nájiyede. Aru coypjacu Jesús üi yávaiye méne pöevare máre. Que teni mi memecaiyede maje jabocu Jesucristore dajacu caiyede yópe mure daiye jaüröpe.

⁶ Aru yácapürvu joabejnotamu ji yaiquino. Maumena yure boarí jaravarajarama, ji memecaiye boje Jesu-

cristore.⁷ Iye Jesús ūi yávaiye méne coyuhiyede coyuivu yu oabecuvacari. Que teni daivu yu yópe ñai cuyayu apevñque ūi cuyaiyepo oabecuvacari. Aru iye Jūmenijicu ūrōpe daiyede daivu yu oabecuvacari. Que baru bhojaivu yu yópe ñai cuyayu apevñque ūi cuyari bhojaiyepo tūrvaita. Aru iye maje jū aiyede Jesucristore dajocabevu yu. Quénora ju aivu yu ūre cainumua.⁸ Que baru yópe ñai cuyayu ūi jacopuhyepedeca ūi cuyaiyepo bojede eayu apevñ jipocai, yure máre jíchuyume maje jabocu Jesucristo ūi daquijāravu baquinóre, ji mearo daiyede báque boje. Aru yu cūinácura āmevu, quénora jíchuyume caivu ina ūre urivu napini coreivure ūi daquijāravu baquinóre.

Pablo ūi daicōjeino Timoteore

(Hch 12.12, 25; 13.13; 15.37-39; 20.4, 6; Ro 2.6; 2 Co 8.23; Gá 2.3; Ef 6.21-22; Col 4.7-8, 10, 14; Tit 1.4; Flm 24)

⁹ Caride meatejacu, jácudacuyu maumena ji yebai. ¹⁰ Ñai Demas dajocame yure ūi ue boje ijāravñquede aru nuamedá Tesalónica āmicuriímaroi. Crescente nuamedá Galacia āmicurijoboroi. Aru Tito máre nuamedá Dalmacia āmicurijoboroi. ¹¹ Ñai Lucas quécurabe cuchu yáque caride. Vorí davajacu mûque Marcore, ūi coreóvaiye boje cadateiyede ji memeinore. ¹² Jarocacu yu Tíquicore Éfeso āmicuriímaroi. ¹³ Mu dayu, davacajacu yure ji puenocacaje cuitótecajede, ji dajocaino mácarore Troas āmicuriímaroi, Carpoi cūrami. Aru davacajacu ji paperatucuboare aru ji toivaiyocare máre. Úvu yu iye toivaiyocare pueno baju.

¹⁴ Ñai Alejandro, tăure memeipõechu, darejame urarō āmeno yure. Maje jabocu Jesucristo nájine dacuyume

ūre ūi nópe daiyede báque boje.¹⁵ Que teni mávacari máre me jājacu ūre, ūi maucuvaes boje parurōreca maje yávaiye méne.

¹⁶ Mamarumure ji nuiye báquede jabova ne āmeina teivure jēniari jáiñami, coyusuyu ji daiyede báquede ne boro coyurí adaiyede báque boje yure, pōecu cibeteame yóvayu yure. Quénora caivu dajocaima yure. Jēniaivu Jūmenijicuque ūi ārumetequiyepo ayu yo ne āmeno daino mácarore yure. ¹⁷ Ubenita maje jabocu Jesucristo cadateame yure aru parure dámé yure, ji coyusquiyepo ayu caiye iye ūi yávaiye méne. Aru cainoa joborōacavu nore curivu bácvu jápialma diede. Que teni maje jabocu Jesucristo meadame yure urarō āmenore jaravarí, yópe jēni íyepo pōecure yavide jocarí. ¹⁸ Que baru jāve coreóvaiyu yu maje jabocu Jesucristo meadachuyure yure cainumua. Aru curre dacuyume yure ūi meadaimupe ūi jaboteinumure cavarō mearo ūi cūrōi. Que baru mearore jínajarevu ūreca cainumua, jáðovarajivu ūre meacu bajure. Quédecabu.

Pablo ūi meaicōjeino Timoteojäre

(Hch 18.2, 18; 19.22; 20.4, 21, 29; Ro 16.23; 2 Ti 1.16-17)

¹⁹ Meajarari Prisca, aru Aquila, aru caivu ina Onesíforo ūi cūramicavu máre. ²⁰ Ñai Erasto mauteamedá Corinto āmicuriímaroi. Aru ñai Trófimo ijimure dajocacacu Mileto āmicuriímaroi. ²¹ Me darí jājacu, dacuyu ji yebai uracoro jipocamia. Eubulo, Pudente, Lino, Claudio, aru caivu apevñ Jesúre jū aipóeva meaicōjedama mure.

²² Maje jabocu Jesucristovacari cūjacurí mûque. Aru Jūmenijicu mearo dajacurí caivu mājare bojecubeda ūi me boje. Quénoram.

Tito

Mamabuínore coyhiyebu Pablo bácu ūi toivaicōjeiye báquede paperayocare Tito bácre. Pablo bácu judíovacacu báchvacari, Jesús ūi yávaiye méne beorí coyicōjeimavu marejaquémauvu, coyichuyu ūi yávaiye méne judíova ámevhre, judíova ne ju abe boje ūi coyhiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31. Pablo bácu coyurejaquemavu Tito bácu borore ūi paperayocaque ūi toivaicōjeiye báquede ūre toivacaipóecu bácre Galacia ámicurijoborócavhre aru yóbocayocaque Corinto ámicuríimarocavhre, aru yóbocayocaque Timoteo bácre máre. Javede toivaicōjenejaquemavu apeyoca once paiyoca ūi paperayoca curiyocare Majepacu Jūmenijicu yávaiye mamaene coyutucubo jívhi. Diyocare toivaicōjequiye jipojícai toivaicōjenejaquemavu mamayoca ūi paperayocare Timoteo bácre. Pablo bácu coyurejaquemavu ūre toivacaipóecu bácre aipe ūi toivacaquiye báquede diyocare. Toivaicōjenejaquemavu diyocare ániuhu bácarõre 63 d.C. Majidivu ne dápiaiyepo, currejaquemavu Macedonia ámicurijoborói ūi toivaicōjeiyede diyocare.

Diyocaque Pablo bácu coyurejaquemavu Tito bácre aipe daiye jaúrõre Jesúre ju aivure coreipóevare (1:5-9). Majide darejaquemavu ū mácre aipe bueye jaúrõre Creta ámicurijavhavre (2:1-15, 3:8) aru aipe daiye jaúrõre Jesúre ju aipóevare (1:10-16, 3:1-2, 9-11, 14). Árure darejaquemavu ū mácre Jesú ūi yávaiye méne (1:1-3, 3:3-7). Ū mácre apevure cadateicōjeni, daicōjenejaquemavu ū yebai (3:12-13).

Pablo ūi meaicōjeino Titore

(2 Co 8.23; Gá 2.3; 2 Ti 4.10)

1 Yü, Pablo, toivaicōjeivu apecure iyoca paperayocare mure. Jūmenijicure memecayubu yu. Aru Jesucristo ūi yávaiye méne beorí coyicōjeimaracacabu yu máre. Nópe ñayabu, Jūmenijicu beomara mácavu ne ju arajiyepo ayu Jesú ūi yávaiye méne aru ne majinajiyepo ayu caiye iye bueiyede jāvene aipe darí Jūmenijicu ucure pōeva ne daiyede. **2** Maja Jesúre ju aipóeva napini coreivubu Jūmenijicu jíchuyure jāravu cūiméjárvu baquinóre majare. Javede, ijárvu báquiye jipocai, Jūmenijicu arejaquemavu jíchuyu pōevare jāravu cūiméjárvu baquinóre. Aru Jūmenijicu borocubecube cainumua. Que baru dacuyume yópe ūi aiye báquepedeca. **3** Aru Jūmenijicu beojárvu bácarõre coyicōjenejaquemavu ūi yávaiye méne, coreóvare dacuyu diede majare. Aru yúvacari Jūmenijicu epeimumu, coyichuyu ūi yávaiye méne. Que baru Jūmenijicu, majare meadaipóecu, yure coyicōjenejaquemavu pōevare diede. **4** Mh, Tito, yu toivaicōjeivu diyoca paperayocare mure. Jäve jímacupe páyabu mh, maje ju aiye boje Jesúre cünátarura. Majepacu Jūmenijicu, maje jabocu Jesucristomaque, mearo dacajacurí mure bojecubeda ūi me boje. Aru torojurí curre dajacurí mure cárrijimechva.

Tito ūi memecaino Cretacavure

(1 Ti 3.2-7)

5 Yü dajocacacu mure nore, Creta ámicurijavhi, mi ñaquiyepo ayu caiye iye daiye bñojabede cäreja ina nocabu Jesúre ju aipóevare. Que baru imaroa coapa epejacu mh ina Jesúre ju aivure coreipóevare yópe ji cójeyepo báquepe mure. **6** Ácu pōecu mi epeimua machuyáre, corecuyure Jesúre ju aipóevare, daiye jaúvhu ūre cainumua yópe

põeva “Āmecubē ñai”, ne boro coyurī adaivu bñojabenajiyepē aiyē ūi borore. Aru daiye jañvū ūre cainumha yópe põeva ne jådovamenajiyepē aiyē ūi āmeina teiyede. Jañvū ūre máre ūi cuyaquiyepē jímarepacō cūinácora. Jañvū mamarare máre ne ju aiyepē Jesúre. Aru jañvū ne daiye cainumha yópe põeva “Āmenamu na”, aru “Ne buçhvare ju abema na”, ne boro coyurī adaivu bñojabenajiyepē aiyepē ne borore.⁷ Ñai Jesúre ju aipõevare coreipõecu Jümenijicure memecayube. Que baru põeva boro coyurī adaivu bñojabejarari ūre. Jaboteiyubejacurī jápiabecuva apevure. Aru jijecubejacurī. Úcumejacurī pacotede daiyede. Ádamateiyubejacurī. Aru vorī eabejacurī tåuturare āmei dápi-aiyeque máre.⁸ Quénora jañvū ūre ūi copu etarī jacoyuviye me ina curādaivure. Aru mearo dacaiyue jañvū ūre apevure cainumha. Daiye jañvū ūre majiéque. Mearo daiye jañvū ūre Jümenijicui jái-noi. Jümenijicure cūinácura memecaiye jañvū ūre. Aru ūi bajure curī majié jañvū ūre máre.⁹ Jañvū ūre ūi ju aiyepē iye Jümenijicui yávaiyede jåvane, ne bueiyepē báquede ūre, ūi cadateni bñojaquiyepē aiyepē apevure ne buena-jiyede iye bueiyede jåvane, ne jådovari bñojarājiyepē aiyepē ina Jümenijicui yávaiyepē méne mauchavarivure ne āmeina daiyede.

¹⁰ Que baru obedivu põeva curivu, ye jápiabema. Quénora daivabu yópe ne baju utarope. Coyuvabu ubenina. Que baru ne coyuhino bojecubevu caivu jípiaivure náre. Aru jujovaivabu põevare máre. Judíova obedivu nápe paivu chuma. Buede cuivabu, yópe arí: “Úmava Jesúre ju aipõevacavu ne cajede buraicō-jeiyepē jañvū náre coapa”, are cuivabu na.¹¹ Bueivabu na yópe bueiyepē jañvape náre, āmei dápiaiyepē vorī earajivu põeva ne tåuturare. Que darī cärijo-vaiabu apedämia cüramicavure, ne

dajocarājiyepē aivu Jümenijicui yávaiyepē méne. Que baru bi aicójejacu mū náre. ¹² Cünacu cäcoé namuñóipõecu Creta ámicuriyavucacu bácu arejaquemavu ūi joborõcavurā: “Cretacavu borocurivabu cainumha. Áimara jijecurivupe paivabu. Múivabu. Aru jüracurivabu máre”. Que arejaquemavu ūi mácu.

¹³⁻¹⁴ Aru ne borore coyurejaquemavu jåvane. Que baru majicajacu paredeca ina bueivure yávaiyede jåvane āmene, jådovachuyu náre ne āmeina daiyede, ne coreóvarājiyepē ayu bueiyede jåvane, aru ne jápiarī adabenajiyepē ayu ina judíovai coyuviye báquede, aru ne jápiarī adabenajiyepē ayu ina põeva dajocaivu bácvu yávaiyede jåvane ne daicójeiyede máre.¹⁵ Põeva “Boropatebevu yu”, ne arí dapiaru, caino ne daino máre mearotamu. Übenita põeva “Boropateivu yu”, ne arí dapiaru, aru ne ju abedu Jesúre máre, caino ne daino máre āmenotamu. Quénora dápiaðama na āmeno mathiye. Que baru “Boropateivu yu”, aiyepē jañvū náre cainumha. Que teni ne āmeina daiyede chíomenama na.¹⁶ Yópe arí, “Jümenijicure coreóvaivabu nūja”, übenita aivabu na. Übenita ne daiyepē jådovaiabu coreóvabevure Jümenijicure. Ámena bajubu na Jümenijicui jáiñore. Aru jápiabeni ju abevabu ūre. Que baru ye mearo daiye majibema na.

Pablo ūi coyuino Titore bueiyepē méne

(Mt 20.28; Mr 10.45; Gá 1.4; 1 Ti 2.6; 1 P 2.9; 2 P 1.1)

2 Übenita mácapūravu coyujacu põevare iye bueiyede jåvane.² Ina ūmava buçhva corejarari me ne daiyede. Aru dajarari yópe põeva ne puedaimarape. Dajarari majiéque. Ju ajarari parurõreca iye bueiyede jåvane. Jümenijicure ujarari aru põevare máre. Aru napijarari ne ñájiyede máre.

³ Quédeca ina nomiva būcūrōmiva dājarāri yópe nomiva Jūmenijicure jū aivupe. Yávabejarāri borocuede apevui borore. Aru ūcumejarari na pū ne pacotede daiyeta. Quénora jādovajarari apevure mearo daiyede ne baju daiyeque. ⁴ Que teni majide dājarāri ina nomiva bojūrōmivare aipe daiye jaūrōre, ne ūrājiyepa aivu némarepacvua aru némara māre. ⁵ Majide dājarāri nāre aipe daiye jaūrōre, ne dārājiyepa aivu majiéque, aru ne dabenajiyepa aivu āmenore, ne memenajiyepa aivu me ne cūramiai, ne cadatenajiyepa aivu apevure, aru ne jū arājiyepa aivu torojurivu némarepacvure. Que daiye jaūvu nāre pōeva ne āmeina yávabenajiyepa aivu Jesúsi yávaiye méne.

⁶ Quédeca coyūjacu parūrōreca ina ūmūva bojuvure, ne dārājiyepa ayu majiéque māre. ⁷ Jādovajacu nāre cainūmu mi baju mearo daiyeque aipe daiye jaūrōre nāre. Mi bueiyede nāre buejacu caiye iye yávaiyede jāvene. Ārūmetebajacu aru oatuvabejacu apejīene. Que baru mi bueiyede bajadéni nurié cainūmu. Aru buejacu ina mure jāpiaiu ne puerdarājiyepa ayu mure aru mi bueiyede māre. ⁸ Coyūjacu nāre iye yávaiyede jāvene, pōeva “Āmecubē nñai”, aru “Āmene buebi ū”, ne arī būojabenajiyepa ayu. Que teni apevui maucūvarivu baru maje bueiyede, chyoje tenajarama, ne boro coyūrī adarī būojabe boje majare.

⁹ Quédeca coyūjacu ina memecaipōevare, ne jū arājiyepa ayu ne jabovare cainūmu. Dājarāri ina memecaipōeva yópe ne jabovai ūrōpe, cojūquiyepa nāre. Aru āmeina yávabejarāri ne jabovare. Quénora puerdarāri nāre cainūmu. ¹⁰ Aru ñavamejarari ne jabovai cūvaede. Quénora jādovajarari ne jabovare ne mearo dācayiede cainūmu. Que teni ina memecaipōeva

me jāre dārājarama apevui pōevare iye Jūmenijicu yávaiyede, majare meadayu, ūi bueicōjeiyede majare.

¹¹ Que baru Jūmenijicu meacu baju jādovaimi ūi mearo dācayiede bojecubeda majare. Que teni Jūmenijicu būojare dāyube caivu pōevare ūi meadaiyūrīduimara márajivure. ¹² Que baru majidivubu maja majare jaūrōre maje dājocaiye maje āmeina teiyede iye Jūmenijicu ūbede, aru maje dājocaiye maje daiyuede yópe Jesúre jū abevu ne daiyepa māre. Quénora maje cudee ijāravu jāuvu majare maje daiye majiéque, maje mearo daiye Jūmenijicu jāinoi, aru maje memecaiye māre Jūmenijicure ūi ūrōpe. ¹³ Que daiye jaūvu majare maje napini coreiyede torojurivu iye jāve vaiquiyede: Jesucristo, majare meadayu, maje jū aimu pueno meacu baju, copaidaschymē ijāravu. ¹⁴ Jesucristo boarī jarūvaicōjenejaquemavu ūi bajure ūi mauvare, meadachyu majare maje āmeina teiyede jarūvarī. Que dācōjenejaquemavu, meara dachyu majare, maje torojurī memecarājiyepa ayu ūtre me ūjinape.

¹⁵ Que baru buejacu mu caiye iyede. Coyūjacu parūrōreca ina Jesúre jū aipōevare, ne dārājiyepa ayu caiye iyede. Jādovajacu ina pōeva nōpe dābevū cāreja aipe daiye jaūrōre nāre. Aru buejacu nāre paruhēque. Que teni āmeina jāicōjemejacu pōevare mure.

Aipe daiye jaūrōre Jesúre jū aipōevare

(Ef 5.26)

3 Arūre dājacu mu ina Jesúre jū aipōevare jaūrōre nāre ne jū aiye ina jabovare aru cōjeipōevare māre. Dājarāri yópe ina jabova ne dācōjeiyepa. Aru napini corejarāri, mearo dārājiyūrī cainūmu. ² Āmeina yávabejarāri apevui borore. Jarabevuva cārijimene dājarāri

põevare. Aru dñibareca meara põevape puedajarãri caivu põevare cainumua.

³ Javede maja máre ãrumevu dñapiabevu barejávã. Aru ju abevu barejávã Jümenijicure. Pñeno ãmeno nñivu barejávã, ina bueivu yávaiyede jåve ãmene ne juvovaiye boje majare. Bñojabedejavã dajocaivu majae ãmeina dñaiyede, cojuquiyepo majare. Dñapiare cuivu barejávã ãmeina daiyede cainumua. Aru jorojivu barejávã. Apevu ubedejaima majare. Aru majavacari ubedejavã majevure máre. ⁴ Ùbenita Jümenijicuvacari, majare meadaipõecu, jådovaimi ùi baju meacure aru ucure põevare máre. ⁵ Que baru meadaibi majare. Ùbenita meadabebi majare, maje mearo ðaríduyiye boje. Quénora meadaibi majare ùi baju cõmaje ãroje jáiye boje. Maje ãmeina teiyede jaruvaibi, meadacuyu majare. Que teni ñai Espíritu Santo apõre ðaibi majare, maje apurâjiyepo ayu apué mamaeque. ⁶ Jesucristo, majare meadaipõecu, cure ðaibi ñai Espíritu Santore majae ûmei. Que baru Jümenijicu daroibi ñai Espíritu Santore maje ûmei, ùi cadatequiyepo ayu majare urarõreca. ⁷ Que teni Jümenijicu meadaibi majare, ùi coavaiyede majare maje ãmeno daiyede jaruvarí. Ùi mearo dacaiye bojecubeda ùi me boje, "Boropatebevu maja ji jáinoi", arí coyuibi majare. Que baru caride majae Jümenijicu máramu. Aru jåve cuvarâjaramu järavu cüiméjärvu baquinóre. Que baru napini coreivubu diede.

⁸ Jävetamu die. Que baru uvu yu mi coyuquiyede caiye iyede parurõreca, ina Jümenijicure ju aipõeva ne mearo ðarâjiyepo ayu cainumua. Iye bueiye jåve métamu. Aru bojecuetamu máre. Que baru caivu põeva majima aipe daiye jaúrõre náre, iye bueiye jäveque. ⁹ Ùbenita jarabejacu ubenina apevñue.

Aru ãrure ðabejacu põevare néñecuva mácavu ne ãmiá coapa. Coyubejacu náque, ina aivure, "Mu coreóvabevu aipe aiyurõre Jümenijicu ðaicõjeiyede ùi coyuibe báquede Moisés báçure". Náque jarabejacu mu. Caiye iye bojecubevu aru cadatebevu máre. ¹⁰ Ácu põecu Jesúre ju ayu ùi maucuvariduru apevu Jesúre ju aipõevare, dajocaiçõjejacu ûre ùi que daiyede. Ùi dajocabedu, dajocaiçõjejacu ûre cojedeca, ùi dabequiyepo ayu diede. Aru ùi dajocabedu cäreja, ye yóvabejacu ûre. ¹¹ Ùi que daiye boje, coreóvavu mu ñai ûmu ãmech bajure. Ùvacari majide ðaibi apevure, ùi ãmeina teiye dajocabe boje. Ùrecabe ñajicuyu.

Pablo ùi ðaicõjeino Titore

(Hch 18.24; 20.4; 1 Co 16.12; Ef 6.21-22; Col 4.7-8; 2 Ti 4.12)

¹² Yácapûravu cüquijivu Nicópolis ãmicurímaroi uracorore. Que baru jaroquijivu mi yebai Ártemare o Tíquicore. Ñai ûmu ùi eaquiyede nore, meatejacu jácuhuacuyu Nicópoli, yure copñchuyu noi. ¹³ Aru meatejacu cadatechuyu ñai ðaicõjeiyede bueipõecure ùi ãmiá Zenas aru Apolore máre. Jíjacu náre caiye náre jaúede, ne bñojarâjiyepo ayu ne curâñuiyede. Ye apejie jaúbejadéni náre. ¹⁴ Aru caivu apevu ina Jesúre ju aipõeva quédaca buejarãri, na máre mearo ðarâjivu aru cadatenajivu ina cõmaje ãrojarivure náre jaúede. Que teni mearo ðarâjarama ne cñede ijärvu.

Pablo ùi meaicõjeino Titojäre

¹⁵ Caivu ina Jesúre ju aipõeva yáque curivu meaicõjedama mure. Meajarari caivu ñujevu, Jesúre ju aipõeva nócvu, ñujare urivu. Aru Jümenijicu mearo ðacajacurí caivu majaare bojecubeda ùi me boje. Quénoram.

Filemón

Mamabuínore coyuíyebu Pablo bácu ūi toivaicōjeiye báquede paperayocare Filemón mácure, Colosas āmicuriímarocacure. Pablo bácu judíovacacu bácvacari, Jesús ūi yávaiye méne beorí coyuicōjeimu marejaquémavu, coyuicnuy ūi yávaiye méne judíova āmevure, judíova ne jū abe boje ūi coyuíyede. Lucas bácu coyurejaquemavu Pablo báchi borore Hch 7:57-8:1, 9:1-31, 13:1-28:31. Javede toivaicōjenejaquemavu pucayoca ūi paperayocare Tesalónica āmicuriímarocavure, aru pucayoca ūi paperayocare Corinto āmicuriímarocavure, ūi paperayocare Galacia āmicurijoborōcavure, aru ūi paperayocare Roma āmicuriímarocavure máre. Apevu ne dápiaiyepo, javede toivaicōjenejaquemavu ūi paperayocare Filipos āmicuriímarocavure. Toivaicōjenejaquemavu yóbecuriyoca ūi paperayocare āniúju bácarōre 60 d.C., ūi cuedé āmeina teivure jení jacoíñami Roma āmicuriímaroi, cūináyocare Éfeso āmicuriímarocavure, apeyocare Colosas āmicuriímarocavure, aru apeyocare Filemón mácure. Tíquico bácu nūvarejaquemavu iyoca yóbecuriyocare cūináturu ūi nūiyede Roma āmicuriímarore pü Asia āmicurijoborōi. Pablo bácu coyurejaquemavu ūre toivacaipōecu bácu aipe ūi toivacaquiyebáquede diyocare.

Onésimo mácu, Filemón máchi yebacacu, dupini nūñu mácu ūi jabocure jocarī, earejaquemavu Roma āmicuriímaroi. Nore ūi jápiaiyede Pablo báchi coyuíyede Jesús ūi yávaiye méne, jū arejaquemavu diede. Pablo bácu ūre toiva-

caipōecu bácu toivaicōjenejaquemavu diyocare, jēniacnuy Filemón mácure ūi copu etaquiyepo ayu Onésimo mácure yópe ūi copu etajuroepe Pablo bácu bajure.

Pablo ūi meaicōjeino Filemóre

(Col 4.17)

1 Yū, Pablo, buoimu ji coyuíye báque boje Jesucristoi yávaiye méne, toivaicōjeivu apecure iyoca paperayocare mure, Filemóre. Yū aru Timoteo, majecu ūi jū aiye boje Jesúre, meaicōjeivubu mure, nūaje umure nūjape memeñure. ² Meajarari ina Jesúre jū aipōeva cójijivaivu mi cūrami. Aru Apia máre, nūjeco ūi jū aiye boje Jesúre meajacorī ū. Aru Arquipo máre meajacurī ū. Nūjape coyuibi Jesús ūi yávaiye méne apevu ne mauchvaedeca nūjare. ³ Majepacu Jūmenijicu, maje jabocu Jesucristomaque, mearo dacajacurī mūjare bojecubeda ūi me boje. Aru torojurī cure dajacurī mūjare cārijimevuvuva.

Filemón ūi urō pōevare aru ūi jū aino Jesucristore

⁴⁻⁵ Mu, jícu, Filemón, ji coyuíyede jipacu Jūmenijicque torojhede jívaivu mure boje cainumha. Jápiaivu mi borore mi uede Jesúre jū aipōevare aru mi jū aiyede maje jabocu Jesúre. Que baru jívaivu mearore Jūmenijicure. ⁶ Aru ina pōevare, mi jū are daimara Jesúre, mi coyuíye boje náre ūi yávaiye méne, yū Jūmenijicque náre máre jénavaivu, ne coreóvarājiyepo ayu me caiye iye Jūmenijicui mearo dacaquiyede majare, maje che boje Jesucristo que cūinávure. ⁷ Mu, jícu, caride torojvnu yū. Mu torojhure daivu yure mi me cadateiyede ina Jesúre jū aipōevare, mi ue boje náre.

**Pablo ūi jēniaino Filemóre
ūi cadatequiyepē ayu ñai
yebacacure, Onésimore**

(Col 4.9)

⁸ Que baru jēniaivu mure mi cadatequiyepē ayu. Yu cadateicōjeiyubevu mure ji parueque, Cristoi parure daiye báquede yure. ⁹ Quénora jēniaivu mure, mi cadatequiyepē maje ue boje, Cristoi cure daiye báquede majare. Bucucabu yu. Aru ji bueiye boje Jesús ūi yávaiye méne bhoimamu caride.

¹⁰ Jēniaivu mure mi cōmajé āroje jāquiyepē ayu ñai Onésimore. Ūi jāpiaiye báquede ji coyuīye báquede Jesús ūi yávaiye méne ji cuedeca yui āmeina teivure jēni jacoīnami, ju áme Jesúre. Que baru jímacupe páyube ū. ¹¹ Javede ūi yebacacue báquede mure, ñai Onésimo cadatebetequemavu mure. Ubenita caride cadateibi mure aru yure máre. ¹² Jacopaiyovaquijivu ūre mi yebai cojedeca. Copu etajacu ūre yópe mi copu ījuroopedeca yure. ¹³ Yácapūravu bhoimamu caride ji coyuīye báque boje Jesús ūi yávaiye méne. Aru yu coreóvaivu iyede: Mu cuchu baru yui, cadatejebu yure. Ubenita mu c̄bevu yui. Que baru mautede daiyuriduvu Onésimore, ūi c̄quiye ayu yore ji yebai, ūi cadatequiyepē ayu yure yópe mi baju cadatejurope yure.

¹⁴ Ubenita yu mautede dabevu ūre ji yebai, mi ju aije jaue boje yure cāreja. Que baru ubevu yu cadatecuyure yure ji cōjeiye boje mure. Quénora uvu yu cadatecuyure yure mi baju ue boje. ¹⁵ Ñai mi yebacacu Onésimo apenamtu coateyu bácu bateichuame mure jaravarí, mi cuyaquiyepē ayu ūre bedióva cojedeca aru cainumua. ¹⁶ Caride yebacacu bacuyá āmemi ū. Ū māre, majepe, ju aibi Jesúre. Que baru majepe, maje umume ū. Ū pare cadateibi

yure. Ubenita p̄eno baju cadatecuyume mure.

¹⁷ Que baru mu coreóvayu baru majare curivure Jesucristo que cūinávype, copu etajacu Onésimore nopedeca mi copu ījurope yure. ¹⁸ Ūi cue báquede máque, mure āmedaru, meadacuyumu yu mure ūre boje. Aru ūi cue báquede māque, mure bojecubé daru, bojedacuyumu yu mure ūre boje. ¹⁹ Yúvacari toivaivu ji paruque. Jāve bojedacuyumu mure. Ubenita ārure daiyubevu mure mi baju bojecubé dayure yure, ji coyuīye báque boje Jesús ūi yávaiye méne mure. Que baru māvacari bojecubé daivu yure mi cuyaquiyede jāravu cūiméjāravu baquinore. ²⁰ Mu, jícu, maje ju aiye boje cūináturu maje jabocu Jesucristore, cadateni, torojure dajacu yure.

²¹ Yu toivaicōjeivu apecure iyoca paperayocare mure, ji majié boje dacuyure jāve yópe ji jēniainope, aru ji jēniainore māque p̄eno baju máre.

²² Aru meadacajacu yure cūinátucubure, ji c̄quitucubuva ji jācunhquiyede mi yebai. Muja jēniadavu Jūmenijicuque, ūi etavaquiyepē aivu yure āmeina teivure jēni jacoīnamine jocarí. Que baru mujare jācunhuyri, napini coreyabu yu.

**Pablo ūi meaicōjeino
Jesúre ju aipōevare**

(Hch 12.12, 25; 13.13; 15.37-39; 19.29; 27.2; Col 1.7; 4.10, 12, 14; 2 Ti 4.10-11)

²³ Épafras meaicōjeimi mure. Ū māre bhoimamu yáque, ūi coyuīye boje Jesús ūi yávaiye méne. ²⁴ Ina apev u māre, Marcos, Aristarco, Demas, aru Lucas māre meaicōjedama mure. Caivu ina yáque memecaivubu Jesúre. ²⁵ Maje jabocu Jesucristo mearo dācajacurí mujare bojecubeda ū me boje. Quénoram.

Hebreos

Mamabūinore coyuhiyebu iyoca paperayocare cūinácu pōecu ūi toivacaino mácarō ina judíova Jesúre ju aivu Hebreos āmicurivu bácvure. Caivu majibevu ñamene toivacayu bácre diyocare. Úbenita iyede majivu: Nai toivacayu bácu diyocare jápiabedeaquemavu Jesúre, quénora jápiarejaquemavu Jesú ūi yávaiye méne coyuipóeva mácvure (2:3). Ūi toivacaimara ne cójijinocacu āmenejaquemavu (13:7). Copaiyurejaquemavu ūi toivacaimara ne yebai (13:19). Pablo báchi yóvaimaracacu bácu barejaquémavu (13:23). Italia āmicurijoborōcavu Jesúre ju aipóeva mácvu ne yóvaimu marejaquémavu (13:24). Obedivu majidivu ne dápiaiyepo, Apolos bácu toivacarejaquemavu diyocare (Hch 18:24-28). Apevu ne dápiaiyepo, Lucas bácu toivacarejaquemavu diyocare, diyoca árojariyoca boje apeyoca pucayoca Lucas báchi toivacaiye báquepe. Apevu ne dápiaiyepo, Bernabé bácu toivacarejaquemavu diyocare (Hch 11:22-26, Gá 2:11-21). Áimarcavu bácvure mamarumure eaiyoca bácarō diyocare máre, aru áimaro nai toivacayu bácu ūi cūriimaro ūi toivacaiyede diyocare máre caivu majibevu. Apevu “Jerusalén āmicuriimarcavure” arī, aru apevu “Antioquía āmicuriimarcavure” arī, apevu “Roma āmicuriimarcavure” arī, aru apevu “Alejandría āmicuriimarcavure”, arī dápiaivubu. Toivacarejaquemavu Jūmenijicu cūrami Jerusalén āmicuriimarcadāmi mácarōre churarava ne tūvarī jaravarājiye jipocai, que baru ãniuju bácarōre 70 d.C. jipocare. Majidivu ne dápiaiyepo,

toivacarejaquemavu ãniuju bácarōre 66 d.C.

Nai toivacayu bácu diyocare toivacarejaquemavu ina judíova Jesúre ju aivu bácvure, ne dajocabenajiyepe ayu ne ju aiyede. Dápiarīduivu barejaquémavu oatuvavarājivu, mearore jínajivu Jūmenijicure yópe ne jíye báquepedeca ne Jesúre ju arājiye jipocare. Toivacarejaquemavu coyuhi na mácvure yópe ne oatuvaiyepo majibevure, Jūmenijicui bojecubede daiye báque boje javede, Jesúi yainfburu nacajaiye báquede, ãniñami javecadāmi ūre mearore jínami mácarōre, aru ãnina ūre jícaiyede jípóeva, sacerdoteva bácvure, aru ãnina áimara ūre jícaimara mácvure máre. Aru ūi bojecubede daiyede caiye iyede epedejaquemavu Jesúre cūináura majare jícaiyede jíyure, aru epedejaquemavu Jesúi jivede cūinárora ūre jícaiyede, aru epedejaquemavu cavarō mearore cūinárora maje ūre mearore jínamine. Que baru nai toivacayu bácu jádovarejaquemavu Jūmenijicu “Que dárājare”, ūi aino pōevare Jesúque mearore ūi aino mácarō Moisés báque pueno, aru Jesúvacari meacu bajure caivu Jūmenijicure coyucaipóeva mácvu pueno.

Jūmenijicu ūi coyuino mamacuque pōevare

(Mt 22.44; Jn 1.1-3; Col 1.15-17)

1 Javede Jūmenijicu ūi yávaiyede coyucaipóeva mácvure coyuicōjenejaquemavu. Majeñecuva mácvure coyuarejaquemavu. Obedinumua yávarejaquemavu. Apecu Jūmenijicu yávaiyede coyucaipóesu apede coyuři aru apecu máre apede, obedivu coyuarejaquemavu. Que teni Jūmenijicu pōevare jádovari bárejaquemavu aipe árojacure. ² Úbenita caride, ijāravu

b̄hojaijāravhare, maje c̄rijāravhare, Jesucristoi dariburu yóbole, Jūmenijich yávarí jebelbi majare mamacque. Úrecabe Jūmenijicu cuedaicōjeimá mácu ijāravhre aru caiye ijāravhquede. Úrecabe Jūmenijich p̄urucuvaicōjeimá mácu caiyede, ūi cuedaquiye jipocamia. ³ Úrecabe jádovañu Jūmenijicu meacu bajure. Coreóavaivhu aipe árojacure Jūmenijicure mamacchi daiyeque aru ūi coyhiyeque máre. Úrecabe cūinárturu jípacu Jūmenijicque. Úrecabe caiyede c̄ure dayu, ūi cōjeiyequ, ūi yávaiye paruhéque, caiye n̄aquiyepo ayu yópe Jūmenijichi үrōpe. Úrecabe jaruvayu bácu maje ámeina teiyede, Jūmenijicu árumetequiyepo ayu diede, maje c̄urájiyepe ayu yópe docucubevhre maje ūmei. Que teniburu yóboi, úrecabe dobacu bácu jípacu Jūmenijicu parucu caivu pueno ūi meapúravhí cavaró mearoi, ūi c̄uvaе boje caiye jípacu paruhéde ūpe, jabotecuyu caiyede. Aru nore c̄ubi caride. ⁴ Jūmenijicu mamacure parure darejaquemavu caivu ángeleva p̄ueno, ūi jaboteicōjeiyede ūre caiyede. Aru quédeca Jūmenijicu ámidorejaquemavu mamacure “jímacu”, jádovachuyu ūre parucure ina ángeleva p̄ueno.

Jūmenijicu mácu parucu caivu ángeleva p̄ueno

(Mt 22.44; Mr 12.36; Lc 20.42-43)

⁵ Ácu ángele c̄ubebi ūre, yópe arí, Jūmenijicu toivaicōjeino mácarore: Jímacurecabu mu. Caride caivu ne jápiainoi yúvacari jaboteicōjeivu mure, arejaquemavu Jūmenijicu mamacure.

Quédeca ácu ángele c̄ubebi ūra, yópe arí, bedióva apeno Jūmenijicu toivaicōjeino mácarore:

Yu bacuyámu ūi pacu. Aru ū machuyáme jímacu, arejaquemavu Jūmenijicu, ūi daroquiyede mamacure.

⁶ Aru Jūmenijicu ūi daroquiye jipocamiareca mamaçu parucure, caivu ne puedarājimure, bedióva ijāravui, yópe arí, coyurejaquemavu:

Caivu ina ji ángeleva mearore jíjarári ūre, Jūmenijicu mamaçurá acuyume.

⁷ Que baru ángelevacapúravu ne borore yópe arí, toivaicōjenejaquemavu Jūmenijicu:

Jūmenijicu ūi daroimara ángeleva ūmevüpe paivure daibi náre. Náre, ūre memecaivure, toa uruinope paivure daibi ū, ne náraiye boje ne memecaiyede ūre, arí coyurejaquemavu.

Que arí, jádovarejaquemavu ángeleva oatuvaihvare aru dajocaivure ne memecaiyede ūre. ⁸ Ubenita mamaçucapúravure yópe arí, toivaicōjenejaquemavu Jūmenijicu:

Mu, Jūmenijicu baju, Cainumua p̄oevare jabotecuyumu mu. Mátamu meacu baju. Que baru Cainumua p̄oevare jabotecuyumu mu ména. Aru náre mearore dare dacuyumu yópe mi үrōpe. ⁹ Mearo daiyede daiyavu mu. Cainumua daivu mu yópe ji daicōjeiyepo. Aru ámeno daiyede daiyubevh mu. Cainumua dabevu mu yópe ji daicōjemepe. Que baru yu, Jūmenijicu, mi mearore jímu, beiovu mure, caivu ne puedaimu machuyáre, mi jaboteiyede náre. Yu epeivu mure parucure caivu mi yóvaimara, ina ángeleva p̄ueno. Aru mure ne puedarājimu mae boje pare torojure daivu yu mure aru ina ángeleva mi yóvaimarare máre, Jūmenijicu arí coyurejaquemavu mamacure.

¹⁰ Bedióva cojedeca Jūmenijicu, yópe arí, coyurejaquemavu mamacure:

Mu, caivu ne jabocu yúque, marumure múvacari cuedarejavu yo p̄oevai curijoborore. Aru

mávacari cuedarejavū cavarōre máre.¹¹ Caiye iye mi cuedaiye báque cūiquíyebu. Ubenita mácapūravu cainumha cūimécabu. Quénora cuchuyumu cainumha. Caiye iye mi cuedaiye báque yópe cuitótecaje javecacaje pojequiyebu.¹² Yópe pōeva ne pēpejeiyepedeca ne cuitótecaje javecacajede, ne doiyede mamacaje cuitótecajede, nopedeca mávacari pēpejene dacuyumu caiye mi cuedaiye báquede, mi epeiyede joborō mamarore aru cavarō mamarore máre. Yópe pōeva ne oatuvaiyepo ne cuitótecajede, nopedeca mávacari oatuvachuyumu caiye mi cuedaiye báquede. Ubenita mácapūravu oatuvabecabu cainumha. Bucutebecabu. Aru yaibécabu mu, arī toivaicōjenejaquemavu Jūmenijicu.

¹³ Aru ách ángele cübebi úre, yópe arī, Jūmenijicu toivaicōjeino mácarōre: Dobajacu ji meapūravni, mi cüvaae boje paruédé yupedeca. Aru yu epecuyumu mi mauvare mi cüboba cächinoi. Que teni mure vainí jaruvare dacuyumu yu náre, mi jabotequiyepo ayu náre, arī coyurejaquemavu Jūmenijicu mamacare.

¹⁴ Ubenita caivu ina ángelevacapūravu torojurivu memecaivubu Jūmenijicure aru mearore jívabu úre. Námu Jūmenijicu daroimara, pōeva ne jámemara, cadatenajivu maju üi meadaimara mára-jivure, chvarajivure caiye iye méne Jūmenijicu dacaquiyede majare.

Jūmenijicu üi meadaino majare me baju

(Hch 2.22; 2 Co 12.12)

2 Caride coreóvaivubu maju Jūmenijicu mácu parucure caivu ina ángel-eva pñeno. Que baru pñeno baju me jápi-

arī adaiye jauvu majare iye üi yávaiyede jávene maje jápiayé báquede, maje ñájinamenajiyepo aiyé maje jápiarī adabe boje. Diede ju arī, daiye jauvu majare yópe maje jápiayé báquepedeca. Que daivu baru, ju are nuri, árumegebenajivubu aipe daiye jaúrōre majare, maje bíjabenajiyepo aivu maje ümene. Ubenita maje ju aiyede dajocarī bñivu baru, bíjare nñrajivubu maja maje ümene.

² Javede Jūmenijicu üi ángelevare coyuhicōjenejaquemavu üi daicōjeiyede Moisés báture, üi toivarī epequiyepo ayu diede majeñecuva mácavure, ne majañajiyepo ayu diede. Iye ángeleva ne coyuhiyé báque Jūmenijicu yávaiye jáve marejaquémavu. Que baru caivu vainí tuivu bácvu diede nñájinejaquemavu ne vainí tuiye báque boje, yópe Jūmenijicu "Ina vainí tuivu ji daicōjeiyede nñájinajarama", üi aiyé báquepedeca. Aru caivu diede ju abevu bácvu máre nñájinejaquemavu ne ju abe báque boje, yópe Jūmenijicu "Ina ju abevu yure nñájinajarama", üi aiyé báquepedeca. ³ Que baru coreóvaivubu maja jáve nñájivu bácvure ina jápiarī adabevu bácvu ángelevai yávaiyede. Pñeno baju coreóvaivubu maja jáve nñájinajivure majare, jápiarī adabevu baru Jūmenijicu yávaiye mamaene, üi coyuhiyede caiye iye üi mearo dacaquiyede majare, üi meadaiyede majare me.

Yópe epedejaquemavu majare üi yávaiye mamaene. Maje jaboci Cristovacari mamarumhucacu coyurejamedá Jūmenijicu meadaiyede pōevare me baju. Aru ina úre jápiaivu bácvu coreóvare darejaima majare Cristoi yávaiyede jávene ne coyuhiyede diede majare. ⁴ Aru Jūmenijicu máre coreóvare daibi majare Cristoi yávaiyede jávene üi dare daiyeque diede coyuhipōevare caijíe pōeva ne darí majibede, ne jámene, aru üi daiye paruédé máre, aru üi jíni coavaiyequé üi Espíritu Santoí majié-

carōre ūi pōevare yópe ūi үrōpe, ne cađatenajiyepē ayu apevare.

Jesucristo pōevare meāđapōecu

(Fil 2.6-11; He 12.2)

⁵ Jápiař adaiye jaňvū majare iye Jümenijicu yávaiye mamaene, ūi coyñicōjeiye báquede Cristore, maje jabotenajiyepē boje Cristoque. Ángeleva ámenejaquemavu Jümenijicu jaboteicōjeimara ūi jaboteinocavure mamajāravu edaquijāravu baquinóre, ijāravu ji mūjare yávaijāravure. ⁶ Quénora maja pōeva marejaquémavu Jümenijicu jaboteicōjeimara ūi jaboteinocavure mamajāravu edaquijāravu baquinóre. Yópe arī, toivaicōjenejaquemavu Jümenijicu ūi yávaiyede:

Mu, Jümenijicu, pōeva parubevureca mi jainoi aru árčé jaňbenovacari mure náre, árari dípiayabu mu náre. Pōeva parubevureca mi jainoi aru coreiye jaňbenovacari mure náre, coreyabu mu náre. ⁷ Obebenumha epeivu mu pōevare quíjino paruchu ángeleva cächijinomia. Übenita que dayvacari, epeivu mu ina pōevare meara baju caivu ne jainoi. Aru caivu pueđadama náre. ⁸ Que teni jabotede daivu mu ina pōevare caiye mi cuedaiye báquede, arī toivaicōjenejaquemavu Jümenijicu.

Que arī, Jümenijicu pōevare jaboteicōjenejaquemavu caiyede. Ye jaboteino cübeno aiyurötamu no. Übenita caride jámevu maja pōevare caiyede jaboteivure. ⁹ Quénora coreóvaivabu maja Jesúrā. Obebenumha Jümenijicu epedejaquemavu ūre quíjino paruchu ángeleva cächijinomia. Nópe därejaquemavu Jümenijicu ūi ūe boje caivu pōevare, Jesús ūi yaicáquiyepe ayu maje boje. Übenita caride coreóvaivabu maja Jesúre Jümenijicu epeimure meacu bajure aru maje

puedaimure máre, ūi nájiye báque boje ūi yaiyede.

¹⁰ Jümenijicu ye jaňrō cübecu därejaquemavu Jesúre, ūi nájiyede earī buojare dachyuh obedivu pōevare Jümenijicu mára márajivuva, maje cüräjiyepe ayu meara baju Jümenijicu cavarō mearo ūi cüröi. Meavu Jümenijicu, ūi cuedayu bácu caiyede ūi cüvaiyue boje diede, ūi eavare daiye majare ūi yebai ūi mára márajivuva. Aru Jesúrecabe yópe ūi jipocateni nüvaiyepē ūi mái, maje međarī eare dayu caiye iye Jümenijicu mearo dacaquiyede majare. ¹¹ Majare međarī, Jümenijicu jina tede daibi Jesú. Ņai jipocateyuh pōevare Jümenijicu yebai aru maja ūi jipocateimara máre cüináturu cüvarivabu majepacu Jümenijicu. Que baru Jesúvacari “mija, jívuh” ayu maje, cüyebebi ū. ¹² Yóbecue ūi coyñiyede, Jesú “jívuh”, arī coyñrejaquemavu maje borore, ūre ju aipōevare. Apenumha yópe arejaquemavu jipacu Jümenijicu:

Coyñcuyumu mi borore jívure. Ne cójijiyede, mearore jínajivu mure, yuriacuyumu yu, mearore jíchuyu mure, arejaquemavu jipacu Jümenijicu.

¹³ Yópe máre arejaquemavu: Yávacari ju acuyumu jipacu Jümenijicu jave, yópe ina jívuh ne ju aiyepē ūre, arejaquemavu ū.

Aru cojedeca yópe máre arejaquemavu: Yui cüvuh yu jívque, ina pōeva Jümenijicu jímara mácavuque, arejaquemavu ū, coyñuh maje borore, ūi eavarājimarare Jümenijicu yebai.

¹⁴ Maja pōevatamu. Que baru Jesúvacari “Pōecu tecñuyumu” arīburu, maje páyureca tedejaquemavu ū. Pōevape ārojarejaquemavu ū. Que tedejaquemavu parubede dachyuh ūai abujuvai jabocure, ūai cüvacu ūi cōjimarape caivu pōeva jidurivu ne

yainájiyede, ne boropateiyede, ne āmeina teiye boje. Jesús ūi yaiyede paruhbede darejaquemavu ñai abujuvai jabocure.¹⁵ Que teni meadaibi pōevare. Javede maje c̄ue báquede abujuvai jabocui cōjeimara c̄urejavu majae, maje jidue boje yainore. Ubenita yópe ne jodeiyepo cōjeimarare, nopedeca Jesús īnejaquemavu majare abujuvai jabocui paruhedē jocarī, maje jidubenajiyepo ayu yainore. Ūi bojedaiye báque boje caiye maje āmeina teiyede ūi jiveque, boropatebevubu majae caride. Que baru jidubevubu majae yainájinore.

¹⁶ Me coreóvaivubu majae iyede: Jesús pōetebedejaquemavu, cadatecacuyu ángelevare. Quénora pōetedejaquemavu, cadatecacuyu majae pōevare, Abraham mácu pāramenare, maje ju aiye boje Jūmenijicure.¹⁷ Nōpe dacuyu baru, cūinárturu teiye jaurejaquemavu Jesúre yópe ūi jivu Jūmenijicure ju aivupe. Cūinárturu majapedeca tebecu baru, sacerdotevare jaboteipōecu teni buojabejebu ūi, Jūmenijicui cōjeiyepo dacayu pōevare boje, ūi me jāquiyepo ayu majare. Cūinárturureca majape páyu teni, cōmajae āroje jári, aru dajocabecu darī ūre daiye jaurede, sacerdotevare jaboteipōecu teni buojarejaquemavu ñai Jesús. Memecarejaquemavu Jūmenijicure, ūi ārūmetequiyepo ayu maje āmeina teiyede aru ūi me jāquiyepo ayu majare, Jesúu jícaiye báque boje ūi bajure Jūmenijicure.¹⁸ Jesúvacari abujuvai jabocui jujovaiyumu maridurejaquemavu. Aru ñájinejaquemavu diede. Que baru caride ūrecabe cadateni buojayu majare, abujuvai jabocui jujovaiyumarare.

Jesús parucu Moisés bácu pueno

3 Caiye iye ji coyuhiye mujare jāve-tamu. Que baru muja, jívua, Jesúre

ju aivu aru Jūmenijicu jina, yápe paivubu muja máre Jūmenijicui cutumara mácavu ū jina márajivu, cuvarājivu caiye iye Jūmenijicui mearo dacaquiyede majare. Me árūjara muja Jesúre, coreóvarājivu me aipe árojacure aru aipe dayure. Ūrecabe Jūmenijicui doroimá mácu, ūre coyucaipōecu, majide dacuyu majare Jūmenijicu “Que dārājare” ūi aino mácarore majare. Aru sacerdotevare jaboteipōecube ū, cadatecuyu majare, maje dārājiyepo ayu yópe maje aiyepedeca, maje ju aiye boje Jūmenijicure.² Jūmenijicu beorejaquemavu Jesúre ūre memecaipōecuva.

Aru Jesús memecaibi Jūmenijicure dajocabecuva yópe ūre daiye jaurōpe, yópe Moisés báchi memecaiye báquepe Jūmenijicure dajocabecuva, ūi jaboteiyede Jūmenijicui pōeva Israecavu bácvavre.³ Ubenita Jesúre puedaiye jaunvu Moisés báchre puedaiye pueno. Moisés bácu cūinácu Jūmenijicui pōevacacu barejaquémavu. Ubenita Jesús, caiyede c̄uedayu bácu, Jūmenijicui pōevare máre darejaquemavu. Nopedeca pōecui cūramine dariburu yóboi, pueno baju, “Ñai pōecu cūramine daiyede majibi me”, pōeva adama. Ubenita majiéda, “Cūrami meadamimu”, adama na. Que baru, ñai dayu bácu ne puedaimume ūi daiye báque pueno. Aru ñai c̄uedayu ne puedaimume ūi c̄uedaimara pueno.⁴ Cūrami c̄ubevu pōecu diñamine dayu c̄ubedu. Ubenita Jūmenijicurecabe caiye ijāravuquede c̄uedayu bácu.

⁵ Moisés bácu, Jūmenijicui pōevacacu. Jūmenijicure memecarejaquemavu, coreyuu ūi pōevare. ūre memecaiyurejaquemavu. Que baru dajocabecuva darejaquemavu yópe ūre daiye jaurōpe. Moisés bácu capiravu ūi coyuhiye que aipe daiye jaurōre Jūmenijicui pōevare, coreóvare darejaquemavu náre jāvene iye Jūmenijicui coyuquiyede aipe daiye

jaurōre obediūjua yóboi Jesucristo que. ⁶ Ubenita Cristocapūravu Jūmenijicu mácu. Aru jaboci mácu paracu ūre memecaipōecu pñeno. Que baru Cristobe paracu Moisés bácu pñeno. Caride Cristorecabe dajocabecu coreyu Jūmenijicu pñevare, yópe ūre daiye jaurōpe. Aru majamu Jūmenijicu pñeva, jidubevuva aru torojuví dajocabevuva napini corede nñivu baru iye ūi mearo dacaquiyede majare.

Jūmenijicu pñeva ne cārijimequino

(Ef 6.17)

⁷⁻⁸ Mñjamu Jūmenijicu pñeva. Que baru me jájara muja, yópe Jūmenijicu coyucaicōjeiye báquepe ñai Espíritu Santore:

Caride muje jápiaiyede Jūmenijicu coyuhiyede, jápiaiyubevupe tebejará muja, yópe mujeñecuva mácavu ne teiye báquepe. Na mácavu capūravu ju abedejaquemavu Jūmenijicu ne cuede pñecubenoi. Ūre ju abeni, ūi urōre majidivu bácvuvacari dabedejaquemavu na mácavu. “Nájine dabecu báquepe Jūmenijicu majare, ūre maje ju abedu”, arí dapiaridurejaquemavu ubenina na mácavu, arejaquemavu ñai Espíritu Santo.

⁹ Jūmenijicu, yópe arí, toivaicōjenejaquemavu ūi coyuhiyede báquede:

No pñecubenoi mujeñecuva mácavu yure ju abeni, ji urōre majidivu bácvuvacari dabedejaquemavu. Pare maucuvarejaima yure, járiduivu bácvuvacari caiye ji daiyede pñeva ne dñari majibede cuarenta pñiuja baju. ¹⁰ Que baru jorojini járejacacu na mácavu. Yópe arí dapiarejacacu nára: “Cainumha ina pñeva jápiaiyubema yure. Que baru ji urōre aru ji daiyede coreóvabenama na”, arí dapiarejacacu yu. ¹¹ Que baru

pare baju jorojini jáñu, yópe arí dapiarejacacu yu: “Yábu Jūmenijicu. Que baru yópe coyuhyuvi jáve. No joboró ji náre cārijimene dñajurorijoboróre ye eabenama na”, arí dapiarejacacu yu, na mácavu jarayu, arí coyuhejaquemavu Jūmenijicu.

¹² Que baru muja, jivu, Jesúre ju aivu, me dñajará, mujacacu cùinácu ūi ámeina dñapiabequyepu aivu ūi ümei, dajocaiyucu ūi ju aiyede ñai Jūmenijicu apucure. ¹³ Quénora parure dñajará muja, cañatenajivu mujacavu, paruró nñure dñarajivu muje ju aiyede Jūmenijicu. Nópe dñajará muja, “Jesúre ju are nñivu bájará”, caijárvavu muje cuede cäreja “caride”, Jūmenijicu yávaiyede coyuhiyede báquepe. Mujacacu cùinácu yávaiyede jávene jápiaiyubecupe tebejacurá, abujuvai jaboscu jujovaiye báque boje ūre ūi borocu ede coyuhiyede Jūmenijicurá. Nópe dñayu baru, ámeina tejebu. Aru ámeina teyu baru, dajocajebu ūi ju aiyede Jesúre. ¹⁴ Cainumha maje cuede cäreja ijárvavi dajocabevuva ju are nñiye jaivu majare Jesúre parueque, yópe maje mamarumhre ju aiye báquepedeca ūre. Nópe daiye jaivu caivu majare, yóvarajivu Cristore, memenajivu ijárvavi ūque, aru cñarajivu cavaró mearo Jūmenijicu curói. ¹⁵ Que baru yópe arí, toivaicōjenejaquemavu Jūmenijicu:

Caride muje jápiaiyede Jūmenijicu coyuhiyede, jápiaiyubevupe tebejará muja, yópe mujeñecuva mácavu ne teiye báquepe. Na mácavu capūravu Jūmenijicu ju abedejaquemavu, arejaquemavu ū.

¹⁶ Caivu ina majeñecuva mácavu, Moisés báchi jipocateimara mácavu Egipto ámicurijoboróre jocará, Jūmenijicu coyuhiyede jápiaivu bácvuvacari ju abeni maucuvarejaquemavu ūre. ¹⁷⁻¹⁸ Aru caivu ina ju abevu bácvu vacare ūi

cōjeiyede yópe pare baju arejaquemavu Jūmenijicu: "Yábu Jūmenijicu. Que baru yópe coyuyubu jāve. No joborō ji náre cārijimene dājúrorijoborore ye eabenama na", arejaquemavu. Aru Jūmenijicu āmeina jorojínejaquemavu na mácavure ne āmeina teiye boje cuarenta paitjua baju. Que baru yaidé darejaquemavu na mácavure no pōechbenoi.¹⁹ Que baru coreóvaivubu maya aipe vaiye báquede na mácavure. No joborō ne cārijimejúrorijoborore eabedejaquemavu na mácavu, ne jápiayubeni ju abe báque boje Jūmenijicure.

4 Aru Jūmenijicu "Que dacacuyumu yu jāve" arī, cārijimene daiyubi mājare máre ūque, yópe ūi cārijimene daiyuriduiye báquepe majeñecuva mácavure. Que baru me jāyiye jauvu mājare Jūmenijicu ūi eaicōjemequiyepo aiye cūinácu mājacacure ūi cārijimene daiyede yópe "Jāve dacacuyumu", ūi aiye báquepedeca.²⁰ Yópe majeñecuva mácavu ne jápiayie báquepe iye yávaiye méne Jūmenijicu cārijimene daiyuhede pōevare, nopedeca maya máre jápiainu bácauvu iye yávaiye méne. Ubenita na mácavu diede jápiariduivvacari, ju abedejaquemavu diede. Que baru na mácavu barejaquémavu Jūmenijicu cadatebemara.³ Ubenita maya Jesúre ju aivurecabu Jūmenijicu cārijimene daimara. Jūmenijicurecabe cārijimene daiye majicu. No cārijimene daiyede Jūmenijicu, yópe arī, coyurejaquemavu: Jorojini jāñu pare baju, yópe arī dāpiarejacach: "Yábu Jūmenijicu. Que baru yópe coyuyubu jāve. No joborō ji náre cārijimene dājúrorijoborore ye eabenama na", arī dāpiarejacach yu, na mácavure jarayu, arī coyurejaquemavu Jūmenijicu.

Nópe arejaquemavu Jūmenijicu, majicu bácu ūi caiyede cuedaquiye jipocamia, caiyede ūi daquiyede, cārijimene dacayu

majare ūque. Aru cuedarī bhojarī, ūi memeinore bhojarejaquemavu Jūmenijicu.⁴ Jāmenijicu yávaiyede, yópe arī, toivaicōjenejaquemavu no jāravu ūi cuedarī bhojaijáravu bácarōra.

Seis pajáravu vaiyede, cuedarī dajocarī bhojarejaquemavu Jūmenijicu, cārijimecū, arī toivaicōjenejaquemavu ū.

5 Yópe ji coyuyie báquepe mājare jipocamia, iye ūi cārijimene daiyede, yópe arī, toivaicōjenejaquemavu Jūmenijicu:

"No joborō ji náre cārijimene dājúrorijoborore ye eabenama na", arī toivaicōjenejaquemavu ū, Jūmenijicu.

6 Ina majeñecuva mácavu, mamarūmū jápiaivu bácauvu iye yávaiye méne Jūmenijicu cārijimene daiyuhede pōevare, cārijimene daimara āmenejaquemavu na mácavu, ne diede jápiaridurī ju abe báque boje. Ubenita apevū pōeva cūma caride, Jūmenijicu cārijimene daimara.⁷ Diede coreóvaivubu maya Jūmenijicu beoijáravure, "cari jāravu" ūi aijáravure. Que baru obediçjua vainíburu yóbore, yópe ji coyuyie báquepe mājare jipocamia, yópe arī, David bácre toivaicōjenejaquemavu Jūmenijicu cūináro yuriainore:

Caride māje jápiayede Jūmenijicu coyuyiede, jápiayubevupe tebejarā māja, arī coyurejaquemavu David bácu.

8 Ūi que aiye báque boje, coreóvaivubu maya Jūmenijicu cārijimene daiyuhure apenumucavure, Josué báchi yóbocavure. Josué báchi jaboteiyede majeñecuva mácavure, ne mauva mácavure boari, vainí turejaquemavu. Aru dinumure yópe Jūmenijicu "Jāve dacacuyumu", ūi aiye báquepedeca, cārijimene darejaquemavu na mácavure. Ubenita Jūmenijicu ūi coyunicōjeiyede David bácre bediôva

apejāravurā, “caride” arī, maje cārijimenajiyede coyurejaquemavu.

⁹Caiye iye jāvetamu. Que baru Jūmenijicui pōeva eaivubu cūrivu ijāravui cārijimenoque maje ūmei. Yópe Jūmenijicui cuedarī dajocaiye báquepedeca cuedayu bácu seis pajāravu, nopedeca maja ūi pōeva máre dajocaiybui maje āmeina teni daiyu, maje ju aiyede Jesúre. ¹⁰ Caivu maja dajocaiybui bácavu maje daiye báquede cārijimenoque maje ūmei cūrivubu caride, dārājivu yópe Jūmenijicui ūrōpe, yópe Jūmenijicui cārijimecu ūi cuederiburu yóbore caiye ijāravu quede, die nāquiyepo aivu yópe ūi ūrōpe.

¹¹ Que baru caino maje oainope daiye jauvu majare, earājivu maje cuede Jūmenijichque cārijimenoque. Nópe daiye jauvu majare, majacacu cūinácu ūi cobequiyepo aivu eabecu ūi cuede Jūmenijichque cārijimenoque, ūi dajocaiye boje ūi ju aiyede Jesúre, yópe ma-jeñecuva mácavu ne eabe báquepe ne cuede Jūmenijichque cārijimenoque, ne jápiabení ju abe báque boje ūi yávaiyede. ¹² Jūmenijicui ūi yávaiyeque coyuchbe pōevare ūi ūrōre ūi yávaiyeque. Que baru ūi yávaiyebu apuápe. Aru ū majide dāyube pōevare ūi ūrōre ūi yávaiyeque. Que baru ūi yávaiyebu paruē. Yópe carove ūpūjidive caipucapūravu burarī coavaiyepo me, nopedeca aru pueno baju me coavaiyebu Jūmenijicui yávaiye. Yópe carove cotuvaiyepo pōescui bajure, nopedeca Jūmenijicui yávaiye cotuvaiyebu pōescu jívui pu ūi ūmeita aru pu ūi decochita máre. Que baru maje bueiyede Jūmenijicui yávaiyede coreóvarī eaivubu méne o āmene maje ūrōre aru maje dāpiainore máre. ¹³Pōescu cūbebi apejīene yaveiye majicu Jūmenijicure jocarī. Caiye iye maje dāpiainoyede jāri majibi Jūmenijicu. Aru ūrecabe maje coyurājimū caiye maje daiyede ijāravu.

Jesús sacerdotevare jaboteipōecu paruē caivu pueno majare boje

(Mt 26.36-46; Mr 14.32-42; Lc 22.39-46; Jn 10.18; Fil 2.8; He 1.5)

¹⁴ Caride coyquijivu mājare bediōva cojedeca Jesucristo Jūmenijicui mácure, sacerdotevare jaboteipōecu paruē caivu pueno. Ñai sacerdotevare jaboteipōecu coyuscaibi Jūmenijicure majare boje. Jesucristorecabe ecoyu bácu cavarō mearo Jūmenijicui curō bajui. Que baru majare paruē nuiye jauvu maje ūmei, dārājivu yópe maje aiyepedeca maje ju aiye boje Jūmenijicure. ¹⁵ Ñai sacerdotevare jaboteipōecu majare boje jāve cōmajae āroje jāñume majare maje nājiyede, maje parube boje maje ūmei. Ñai abujuvai jabocu ūi jujovaiyede majare, nājiñavu maja. Jesúre máre, majapedeca, jujovarīdurejaquemavu ñai abujuvai jabocu. Que baru Jesús me coreóvaibi maje nājiyede. Caino ūi oainope ñai abujuvai jabocu jujovarīdurejaquemavu Jesúre. Úbenita ye jujovarī oabedeaquemavu ūre. Aru Jesúcapūravu ye āmeina tebedeaquemavu cainumha. ¹⁶ Que baru, yópe maje joabejīnoi nuiyepo ūi yebai, jēniarajarevu jidubevuva Jūmenijicui paruē bajure. Nópe dārājarevu, ūi cōmajae āroje jāquiyepo aivu majare, ūi ārūmetequiyepo aivu maje āmeina teiyede, aru ūi jíquiyepo aivu bojecubeda majare jauede, ūi cādatequiyepo aivu majare.

5 Caride ārure daquijivu mājare aipe ārojarivu ina sacerdotevare jaboteipōeva mácavure. Jūmenijicu beorejaquemavu caivu sacerdotevare jaboteipōeva mácavure nácvu ne jēneboi. Aru epedeaquemavu na mácavure, ne memecarājiyepo ayu ūre pōevare boje. ūre memecarejaquemavu jícaivu Jūmenijicure āimara ne

boaimara mácavure juaiyede, nácavu aru ne baju máre ne ámeina teiye boje, üi nájine dabequiyepa aivu náre die boje, aru ape jícaiyede máre, puerarí Júmenijicure, torojuede jínajivu, üi cadateiyede báque boje náre. ²Sacerdotevare jaboteipóecuvacari parubedejaquemavu üi ümei, yópe apevü pöevape. Que baru cõmaje ároje jâñu coreóvarejaquemavu ina ámeina teivure coreóvabevüva, ne majibe boje yéde ámeina teiye. ³Aru üvacari üi parube boje üi ümei, Júmenijicure jícaiyede jaurejaquemavu üre áimara boaimara mácavure juaiyede, pöeva ne ámeina teiye boje aru üi baju ámeina teiye boje máre.

⁴Sacerdotevare jaboteipóecu bácu barejaquémavu pöeva ne pueraimu, üi memecaiye boje Júmenijicure paruéque. Aru pöecu cubebi üi bajure beorí epeyü sacerdotevare jaboteipóecuva. Quénora Júmenijicure-cabe cùinácura beorí, cuturí, epeyü sacerdotevare jaboteipóecuva. Quédaca barejaquémavu Aarón mácu, pöeva ne pueraimu mácu, Júmenijicu beorí, cuturí, epeye báque boje ü mácure sacerdotevare jaboteipóecuva.

⁵Aru nopedeca vaidéjaquemavu Cristore. Üvacari üi bajure beorí epebedejaquemavu sacerdotevare jaboteipóecuva. Quénora Júmenijicuvacari üre beorí, epeni, yópe arejaquemavu üre:

Jímacurecabu mu. Caride caivu ne jápiainoi yávacari jaboteicõeivu mure, arejaquemavu Júmenijicu mamacure.

⁶Aru apeno Júmenijicu coyüino mácarore Cristore, yópe arí, toivaicõjenejaquemavu:

Cainumua sacerdote tecñumu mu dajocabecuva, yópe Melquisedec üi sacerdote teiye báquepedeca

dajocabecuva, arejaquemavu Júmenijicu.

⁷Cristo üi cuede cäreja ijárvavi coyüvarejamedá Júmenijicuque, aru jeníarejamedá üque, üi cadatequiyepa ayu. Origue codoborí jénivarejamedá Júmenijicure, nai meadaiye majicure üre üi yaijúrórörere jocarí. Aru Cristoi puerarí ju aiye boje, üi jénaiyede Júmenijicure, "Mi urópe dajacu mu" arí, Júmenijicucapúravu Cristoi jénaiyede jápiari ju arejaquemavu, üi cadateiyede Cristoi daquiyepa ayu yópe üi urópe. ⁸Cristo, Júmenijicu mácu, jípacure ju aiye majicuvacari, nájínu majini jebedejaquemavu aipe árojaene Júmenijicure jápiari ju aiyede aru üi urópe daiyede. ⁹Cristoi daiye báquede caiye iye üre jaude yópe Júmenijicu urópe, pöevare meadaipóecu tedejaquemavu. Que baru caivu maja üre jápiari ju arí daivure yópe üi urópe meadayübe ü, maje cavarajiyepa ayu caiye iye Júmenijicu mearo dacaquiyede majare, aru maje jabenajiyepa ayu Cristoque cainumua. ¹⁰Aru Júmenijicu epedeaquemavu üre sacerdotevare jaboteipóecuva cainumua, yópe üi epeye báquepedeca Melquisedede sacerdotevare jaboteipóecuva.

Dajocabajará maje ju aiyede Cristore (1 Co 3.2)

¹¹Toivacaiyuríduivu maje uraró iye Cristoi sacerdotevare jaboteiyede. Übenita mjacapúravu jüracurivu tedavu. Que baru ji coyüru maje Cristoi sacerdotevare jaboteiyede, jápiabejebu maja. Que baru maiyójavu yure diede ji coyüiyuríduiyede maje.

¹²Javede majivu maja iye yávaiye méne Cristorá. Aru üre ju aivubu obediçjare. Que baru parurivu baru maje ümei, mjacavacari buejebu apezure, ne jápiari ju arajiyepa aivu diede. Übenita

quénora pu caride máre mujavacari me jápiari eabevu. Jauvu mujare apevu ne bueiye bedióva cojedeca no bueino maiyójabenore, yópe mamarumu muje bueino mácarópe Juménijich yávaiyequede.

Mujavacari juedojojnape paivu tedavu. Juedojojna opeco matuiyeda ūcuñaima. Ubenita bucuvu aiyede aiyemajima. Quédeca poeva juedojojnape paivu ne ūmei quénora Juménijich yávaiye maiyójabede jápiari eadama na. Ubenita poeva bucuvape paivu ne ūmei Juménijich yávaiye maiyójaaede máre jápiari eadama na.¹³ Caivu ina āri majibevu aru opeco matuiyeda ūcuivu juedojojnatamu. Bucuvu āmevutamu cárera. Poeva majibevu yéde daiye méne aru āmene máre juedojojnape paivubu ne ūmei. Dápiari majibevu cárera iye maiyójaaede Juménijich yávaiyequede.¹⁴ Ubenita ina āri majidivu bucuvatamu. Poeva majidivu aipe daiye méne aru āmene máre bucuvape paivubu ne ūmei, ne dápiari cõmajiye boje caiye ne daiyede mearo maru o āmeno maru. Dápiari majidivubu iye maiyójaaede Juménijich yávaiyequede.

6 Que baru bueiye jauvu majare Juménijich yávaiye maiyójaaede ūi yávaiye méne Cristorā, yópe ina bucuvape ne ūmei ne bueiyepedeca, maje darajiyepa aiye järavuua coapa yópe Juménijich uthópe Cristoi paruqué. Buebenajaramu bedióva cojedeca Juménijich yávaiye maiyójabede ūi yávaiye méne Cristorā, yópe maje mamarumu bueiye báquepe, yópe ina juedojojnape ne ūmei ne bueiyepedeca. Que baru mujare buebequijivu cojedeca iye muje mamarumu bueiye báquede. Maja buebenajaramu poeva ne chioyede ne āmeina teiyede aru ne dajocaiyede diede, oatuvarajivu ne

daiyede, Juménijich jaruvaquiyepa aivu diede, náre coavajuroede ūre jaruvari. Aru poeva ne ju aiyede Juménijich buebenajaramu maja.² Mujare buebequijivu cojedeca iye bueiyede poeva ne Juménijich que jádvayiede ocoque aru ne apevure tuoyede ne purruáque, Juménijich mearo dacaquiyepa ayu ina tuoimaranare. Mujare buebequijivu cojedeca iye bueiyede poeva ne nacajarajiyede yainore jaruvari, curajivu Cainumuma mamabaju cuimébajuque, aru Juménijich jaroquiyede caivu poevare ne curajinoi järavu cuiméjäravu baquinóre, apevure cavarō mearo ūi curōi aru apevure toabo cuiméboi, na coapa ne daiye báque boje ne cuede ijäravu.³ Quénora bueiye jauvu majare Juménijich yávaiye maiyójaaede ūi yávaiye méne Cristorā bucuvape tenajivu maja maje ūmei ye jaubeda. Bucuvape teiyuru maje ūmei, Juménijich bueicõjecuume majare ūi yávaiye maiyójaaede. Aru Juménijich nópe bueicõjenu majare, coreóvarajivubu Cristore ye jaubeda.

4-6 Ubenita nópe bueni buojabevu apevu poeva. Poecu ubenina bueyu bácu Juménijich yávaiyede aru ju aríduyu bácu Cristore, ūi ju abeni dajocaru ūi ju aríduye báquede Cristore, poecu cuebi majicu chiore dayu, ūi dajocaiyepa ayu ūi āmeina teiyede aru ūi oatuvaquiyepa ayu ūi daiyede. Poeva ūpe paivurecabu cuinára coreóvaivu bácau Juménijich yávaiye méne jävene Cristorā, aru cuvarivu bácau Juménijich mearo dacaquiyede náre ūi meadaiye báquede náre aru ūi cure daquiyede náre järavu cuiméjäravu baquinóre ūque, aru cuvarivu bácau Juménijich Espíritu Santo majiécarōre, aru majidivu bácau Juménijich dayure Cainumuma yópe ūi aiye báquepedeca ūi yávaiyeque, aru jáivu bácau Jesúre ju aipóeva ne

daiyede Jūmenijichí parueque, yópe Jūmenijichí dacuyure ūi jaroquiyede apevü pöevare ūi curōi aru apevü pöevare toabo cüiméboi. Caiye diede majidivü bácahvacari, nárecabu dajocainü bácavü ne jü aiye báquede Cristore. Que darí yópe pëvaiyepa Jūmenijicui mácure cojedeca jocucujaravena, ne übe boje ūre, pöeva ne yurinajiyepa aivü, dadama na.

⁷ Que baru jëvari coyurí, pöevamu yópe joboröpe. Jūmenijichí ocare ñaibi joboröi. Nore ne jiore pöeva ne memeniburu yóbore aru ne oteiye báque píaríburu yóbore, ure jëiyé méne ññama ina memeipöeva. Que baru Jūmenijichí mearo dacaibi no joboröre, pöeva ne memeiyepa boje. ⁸ Übenita no joboröre pöeva ne mememenu, miúmenejaiye aru ámecöríamenejaiye máre quédá píaiyavü nore jiorojai. No joborö bojecübe boje, jëiyé cübe boje nore, pöeva ne juaríburu yóbore caiye iye miúmenejaiyede aru iye ámecöríamenejaiyede máre dajocadama no jiorojare jocari. Que baru Jūmenijichí ámedaibi no joboröre, pöeva ne mememe boje. Quédeca Jūmenijichí mearo dacaibi ūre jü aivüre aru ñájine ñaibi ūre jü abevüre.

Maja dajocabevü maje jü aiyede Cristore maje napini coreiye boje Jūmenijichí me dacaquiyede majare

⁹ Maja, jívnü, ji umara, yü toivacayuvacari nópe parueque ji couyiyede, majicacuyü mujare, übenita cärijimevü yü mujare boje. Quénora coreóvaivü yü dare nñivare yópe jauepé mujare, Jūmenijichí pöevare, ūi meadaiye báque boje mujare. Daðavü yópe mujare jauepé mujare memecaiyede Jūmenijichí aru mujare cadateiyede apevü pöevare. ¹⁰ Cainumha Jūmenijichí mearo ñaibi, yópe ūre jauepé. Que baru jäve áruchuyume mujare memecaiyede

üre. Mujare cadateðavü apevü majevü Jesíre jü aipöevare javede aru caride máre. Que teni mujare aede Jūmenijichí jáðovaðavü. Diede Jūmenijichí áruchuyume cainumha.

¹¹ Úraröreca yü yu mujare coapa mujare memecare nñrajiyepa ayü Jūmenijichí torojurivü, mujare cadateiyepa apevüre cainumha mujare cüde ijäravü. Que daivü baru, caiye iye Jūmenijichí mearo dacaquiyede mujare, mujare napini coreiyyede, earäjaramu mujare. ¹² Übevü yü mujare jüracurivü tede nñivare mujare jápiayede Jūmenijichí yávaiyede. Quénora ina ūi yávaiyede jápiari jü aivüre tejarä mujare. Ina dajocabevüre ne jü aiyede Jūmenijichí aru napivüre ne ñájiyede tejarä mujare. Nápe paivürecabu earäjivü caiye iye Jūmenijichí mearo dacaquiyede náre yópe ūi aiye báquedepedeca.

¹³⁻¹⁴ Nápe páyvrecabe majeñecu mách Abraham mách. Javede yópe arejaquemavü Jūmenijichí ū mácure: “Yábu Jūmenijichí. Que baru yópe couyuybu mure jäve. Mure mearo baju dacachuyumu yü. Aru mipäramena márajivü obedivü baju tenajarama ina márajivü”, arejaquemavü Jūmenijichí. Jūmenijichí nópe aiye báquede Abraham mácure, “Jäve baju dacachuyumu yü nópe ji aiye báquedepedeca”, arejaquemavü. Apecü ūi cübe boje parucü Jūmenijichí pñeno, “Yávacari jáðovacachuyumu jävene ‘Jäve baju dacachuyumu’, ji aiye báquedepedeca”, arejaquemavü ū. ¹⁵ Abraham máchcapürvü napini corede nñrejaquemavü Jūmenijichí dacaquiyede yópe ūi aiye báquedepedeca. Aru Jūmenijichí vaidé ñarejaquemavü ū máchre yópe ūi aiye báquedepedeca.

¹⁶ Pöeva “Jäve dacachuyumu yü” ne aiyede, ne baju pñeno baju parueque cainumha jëniavaivübu, ūi jáðovaquiyede aivü jävene ne aiye

báquede. Apecu cübebi yávare nuri majicu, pöecu que aru. Quénora caivu “¿Dachyú bárica yópe üi aiyepe?” abeñva, coreóvaivabu jáve dachyure caino üi oainope. ¹⁷ Aru quédeca “Jáve dachyumu”, arejaquemavu Jümenijicu, jádovacuyu parurore üi coyinu mácarore. Jümenijicucapúravu ye oatuvabebi üi dápiaínore üi daiyude. Diede coreóvare daiyurejaquemavu ina üi mearo dacaimara márajivure yópe üi aiye báquepe. Que baru, “Yávacari jádovacuyumu jávene ‘Jáve báju dachyumu’, ji aiye báquepedeca”, arejaquemavu Jümenijicu.

¹⁸ Jümenijicu “Jáve dachyumu yu”, üi aiye ye oatuvaiye bhojabevu cainumcha. Aru, “Yávacari jádovacuyumu jávene ‘Jáve báju dachyumu’, ji aiye báquepedeca”, üi aiye máre ye oatuvaiye bhojabevu cainumcha. Diena ye borocurí bhojabebi Jümenijicu. Que baru maya Jümenijicu pöevatamu, cüiná dajocaivu bácvu caiye maje ámeina teni daiyude aru üi meadaimara curivu maje ámeina teiyede jaravarí. Aru torojueque napini corede nñivubu, earájivu Jümenijicu mearo dacaquiye jáve bajure majare. ¹⁹ Maja napini coreivu diede, parurivabu maje ümei aru ye dajocabevu maje ju aiyede Jümenijicu. Que baru ámedaimara tebevu maje ümei. Yópe sacerdotevare jaboteipöecu báchi ecoiye báquepe no Jümenijicu cüramicacaje uringa bácaro aperúravure, nopedeca nñai maje napini corenjimu ecorejaquemavu cavaró mearo Jümenijicu curóita. ²⁰ Ürecabe Jesús. Cañatechuyu majare, ecorejaquemavu Jümenijicu curó mearo maje jipoca. Aru sacerdotevare jaboteipöecu teibi yópe Melquisedei sacerdote teiye báquepedeca.

**Jesús üi sacerdotevare
jaboteino Melquisedec üi
sacerdote teino mácaröpe**

(He 5.6)

7 Arure daquijivu tñjare nñai Melquisedede, nñamene aru aipe üi daiye báquede. Nñai Melquisedec Salem ámicurímarocavu bácvu ne jabocu barejaquéma. Aru Jümenijicu caivu pueno parucure memecarejaquemavu sacerdotepe. Majeñecu Abraham máchi copaiyede üi jivu bácvu que ne boarí, vainí turíburu yóbore apevü jabovacavujá mácvure, Abraham mácvure copu nuri, jeniarejaquemavu Jümenijicu, üi mearo dacaquiyepa ayu Abraham mácvure. ² Aru caiye iye chvede üi íye báquede üi boarí, vainí tuimara mácvure jocarí, caipucapuyuape paiedyede coavaríburu yóbore, cüináro iye coavaiye báquecarore jídejaquemavu Melquisedede Abraham mácu. Nópe dñarejaquemavu Melquisedec üi sacerdote teiye báque boje. No ámiá Melquisedec “jabocu méne dayu” aiyurótamu. Aru no ámiá Salem “cärijimeno” aiyurótamu. Que baru jabocu méne dayu aru cärijimene dayu barejaquéma nñai Melquisedec. ³ Pöecu cübebi yéde coreóvayu Melquisedei pacu báci borore, aru üi paco bácoi borore, aru üi nñecuva mácvu ne borore máre. Nñame majibema üi pöeteino mácarora aru üi yaino mácarora máre. Que baru Jümenijicu mácvu páyu sacerdotebe cainumcha, nñai Melquisedec.

⁴ Me majivu maja nñai Melquisedec maje puedaimure majeñecu Abraham mácu pueno. Abraham mácu barejaquéma majeñecu mamachu báci, maja Israecavu maje pöeyajuboare báyu báci. Que baru üi mácvu maje puedaimu. Übenita üi mácvu vacari Melquisedede jídejaquemavu no cüináro iye coavaiye

báquecarō mearo bajure, ūi íye báquede caip̄cap̄ruape paiye coavaiye báquede ūi boarī, vainí tūimara mácavure jocarī, ūi jíquiyepē ayu diede Jūmenijicure.

⁵ Aru me majivu majā apevū ina Abraham máchi pāramecū bácu Leví āmiciču báchi pāramenacavu Jūmenijicure memecaipōeva mácavure sacerdotevape. Na mácavhrecabu Jūmenijicui jacop̄rejaquemavu mácavu caivu apevū Israecavu bácvu, majeñecuva mácavure cūináro iye caip̄cap̄ruape paiye ne cūvae coavaiyecarōre, yópe Jūmenijicui daicōjeiyepē ūi coyuiye báquede Moisés bácurē. Ina Israecavu bácvu névu bácvuvacari, Abraham máchi pāramena mácavuvacari, ina sacerdoteva bácvu cūvaede jacop̄rejaquemavu na mácavure. ⁶ Ubenita Melquisedecap̄ruavu Leví báchi pāramecū āmečuvacari, Abraham mácurē, ñai Jūmenijicu “Jāve mearo dacaçuyumu yu mure”, ūi aimu mácurē, jacop̄rejaquemavu no cūináro iye caip̄cap̄ruape paiye ūi cūvae coavaiye báquecarōre, Abraham máchi jíye báquede Melquisede. Aru Melquisedec jēniarejaquemavu Jūmenijicure, ūi mearo dacaquiyepē ayu Abraham mácurē. ⁷ Caivu pōeva coreóvaivubu iyede: Puedaimtame ñai jēniañu Jūmenijicui mearo dacaquiyepē ayu apecure ūi jēniacaimu p̄heno.

⁸ Apede máre me majivu majā. Caivu ina sacerdoteva Leví báchi pāramenacavu bácvu barejaquémavu yainájivu. Ne c̄hede ijāravui Jūmenijicure memecarī jacop̄rejaquemavu névu bácvu jíye coapa na mácavure cūináro iye caip̄cap̄ruape paiye ne cūvae coavaiyecarōre. Ubenita caivu ina sacerdoteva bácvure dajocaiye jaurejaquemavu ne memecaiyede, ne yaiye boje. Caivu ina sacerdoteva bácvu ne buçuteni yainiburu

yóbore, apevūta ne memecaino mácarōre memecarejaquemavu. Ubenita Jūmenijicu ūi yávaiyede toivaicōjemenejaquemavu Melquisedei yaiye báque borore. Que baru Melquisedecap̄ruavu yaibéchpe páyube. ⁹ Ina sacerdoteva bácvu Leví báci pāramenacavu bácvu jacop̄rejaquemavu névu bácvu jíye coapa na mácavure cūináro iye caip̄cap̄ruape paiye ne cūvae coavaiyecarōre. Aru Leví báchi Abraham máchi pāramecū barejaquémavu. Que baru Abraham máchi jíye báquede no cūináro coavaiye báquecarōre iye caip̄cap̄ruape paiye iye cūve ūi íye báquede ūi boarī, vainí tūimara mácavure jocarī, yópe barejaquémavu Leví báchi máre ūi jíye báquepe. ¹⁰ Melquisedei copu n̄hiye báquede Abraham máchre, Leví báchi Abraham máchi pāramecū bacuyú boje, yópe barejaquémavu Leví báchi pōetebecu bácvuvacari cāreja, aru caivu apevū Abraham máchi pāramena márajivu máre, ne c̄hepe n̄ñecu máchque Jūmenijicui jainoi.

¹¹ Jūmenijicu coyurejaquemavu ūi daicōjeiyede Moisés bácurē, Israecavu bácvu ne majinajiyepē ayu aipe daiye jaürōre na mácavure, boropatebenajivure Jūmenijicui jainoi. Que teni Jūmenijicu epedajaquemavu Aarón máchre aru ūi pāramena mácavure, Leví báchi pāramenacavu bácvure, ne jinajiyepē ayu ūre pōeva ne jícaiyede ne āmeina teiye boje. Ubenita ina sacerdoteva bácvu, Aarón máchjā, ñamene ye boropatebevū teni jebeni oabedejaquemavu. Que baru caiye iye Jūmenijicui mearo dacaíyede pōevare ye dabedejaquemavu Jūmenijicu ina sacerdoteva bácvu, Aarón máchjāque. Ne boropatebevū teni jebedu pōevare, apecu sacerdote ūi daiye jaübnejebu. Ubenita apecu

sacerdote, Aarón mácupe páyū ámecu quénora Melquisedepe páyū, ūi daiye jaurejaquemavu, ūi boropatebevu teni jebequiyepo aye pōevare.

¹² Aru apecu sacerdote ūi daiye jaue báque boje, oatuvaiye máre jaurejaquemavu iye daicōjeiyede, iyeque pōeva ne majinajiyepo aye aipe daiye jaurōre náre, boropatebenajivu Jūmenijicu jáinoi. ¹³ Ñai apecu sacerdote ūi bororā toivaicōjenejaquemavu Jūmenijicu ūi yávaiyede. Úrecabe maje jabocu. Leví báchi pāramecu ámemi. Quénora apeyajubo pōeyajubocacu ū. Aru ye pōecu cübebi diyajubocacu sacerdotepe Jūmenijicure memecayu. ¹⁴ Me majivu maja maje jabocu Jesucristore Judá báchi pāramecure. Que baru Judá ámicuriyajubocacu pōetedejaquemavu ū. Ubenita Moisés bácu, ūi coyhiyede sacerdotevara, ye coyhbedejaquemavu diyajubocavu Judá ámicuriyajubocavurā.

¹⁵ Me majivu maja iye daicōjeiyede oatuvaiye jaue de apecu sacerdote ñai Melquisedepe páyū ūi daiye báque boje. ¹⁶ Jūmenijicu ūre sacerdoteva epedeaquemavu. Ubenita nópe dábadejaquemavu no daicōjeino mácarō parhéque, Aarón mácupe aru ūi pāramena mácavu memecaicōjeino mácarō parhéque. Quénora ūi cainumua cue parhéque, ūi yaibé boje, Jūmenijicu ūre sacerdoteva epedeaquemavu. ¹⁷ Que baru Jūmenijicu ūi yávaiyede, yópe arī, toivaicōjenejaquemavu: Cainumua sacerdote tecuyumu mu dajocabecuva, yópe Melquisedec ūi sacerdote teiye báquepedeca dajocabecuva, arejaquemavu Jūmenijicu.

¹⁸ Que teni Jūmenijicu oatuvarejaquemavu "Yópe darājare", ūi aino mácarore pōevare. Iye daicōjeiyequ ūi coyhiyede báquede Moisés bácu pōeva boropatebeni bhojabenama na.

Diedecabu parube aru bojecube máre. Que baru iye javeque daicōjeiyede dajocarī jaruvarejaquemavu Jūmenijicu. ¹⁹ Pōeva ne cuede Jūmenijicu que yópe náre jaue eabenama na iye daicōjeiyequ. Úrarō jaunu náre, ne daiye majibe boje caiye diede. Ubenita iye napini coreniduiye báquede iye mearore maje cüvajuroede Jūmenijicu que dajocarī, caride pheño baju napini coreivubu maja iye mearore maje cüvarājiyede Jūmenijicu que. Jūmenijicu napini corede daibi majare, maje curājiyepo ayu ūque yópe majare jaue. Que baru yópe maje joabejīnoi nuiyepo ūi yebai, ūre jēniari eaivubu maja jidubevuva.

²⁰ Aru Jūmenijicu epeye báquede ñai apecu sacerdoteva, "Jáve ayubu. Ji aiye báquepedeca dacuyumu", arejaquemavu ū. Ubenita ūi epeye báquede apevu sacerdotevava Leví báchi pāramenacavu bácvavre "Jáve ayubu", abedeaquemavu ū. ²¹ Jesucristorecabe Jūmenijicu epeimu mácu sacerdoteva, "Jáve ayubu", ūi arī coyhiyede báqueque. Yópe arī, toivaicōjenejaquemavu: Maje jabocu Jūmenijicu "Jáve baju dacuyumu yu yópe ji aiye báquepedeca", aibi ū. Aru ye oatuvabecube ū, "Dacuyumu", ūi arī dápiaiyede. Yópe arī, coyhiyi: "Cainumua sacerdote tecuyumu mu", arejaquemavu Jūmenijicu Jesucristore.

²² Jūmenijicu "Jáve ayubu", ūi aiye báque boje ūi epeye báquede Jesúre maje sacerdoteva, mearo bajubu yo ūi "Yópe darājare", ūi aino mácarō yóbo-carō no ūi "Yópe darājare", ūi aino mácarō javecarō pheño. Que baru Jesúre-cabe jáve dayu caiyede yópe ūre jaue, maje curājiyepo ayu me Jūmenijicu que.

²³ Aru ūi javecarō aino mácarōque, ina sacerdoteva bácvavu Leví báchi pāramenacavu bácvavu obedivu

barejaquémavu, ne yaiye boje. Caivu ina sacerdoteva bácvu ne báctuteni yainíburu yóbore, apevuta ne memecaino mácarõre memecarejaquemavu. Ne yaiye boje, ye memecare nñiuvu bhojabedejaquemavu na mácavu caivu. ²⁴ Úbenita Jesúcapúravu cibí Cainumua, üi yaibé boje bedióva cojedeca. Apecu ye memecabecu üi memecaiyede üi baju memecare nñiye boje Cainumua. ²⁵ Que baru Cainumua jaubecuva meadayu bhojaibi caivu maya vorí eaiyurivure maje curájiyede me Jümenijicu yópe majare jaúépe, Jesúi cadateiye boje majare, maje cuvarájiyeye ayu caiye iye Jümenijicu mearo dacaquiyede majare. Jesús cibí Cainumua, jéniacachyu Jümenijicu que majare boje.

²⁶ Que baru Jesúrecabe nñai sacerdotevare jaboteipõeçu majare jaumu baju. Úrecabe dayu caiye üre jaúéde, cadatecuyu majare. Úrecabe meacu baju Jümenijicu jáinoi aru ye däbecu ámenore, Jümenijicu úbenore. Úrecabe ye ámeno cibecu aru cuchu báctvacari ijárvhi ámeina teipõevaque ye ámeina tebecu Cainumua. Úrecabe Jümenijicu jámhoimu mácu pü cavarõ mearoi üi curöita aru üi parvare daimu caivu pñeno. ²⁷ Apevu sacerdotevare jaboteipõeape páyu ámemi ü. Üi ámeina tebe boje, jícaiyeye jaúbevu üre jícaiyede Jümenijicu üi baju ámeina teiye boje járvha coapa yópe apevu sacerdotevare jaboteipõeva bácvu ne daiye báquepe. Na mácavu capúravu, apenumua jícarí aru apenumua jícaicôjeni apevu sacerdoteva bácvure, jícavarejaquemavu ne jícaiyede Jümenijicu járvha coapa. Mamarumure ne baju ámeina teiye boje aru no yóbore caivu põeva névu bácvu ne ámeina teiye boje, áimara ne boaimara mácavure juarí jícavarejaquemavu na mácavu. Úbenita

Jesúcapúravu cünára jícarejaquemavu üi jícaiyede Jümenijicu caivu põeva maje ámeina teiye boje. Üi bajure jícarejaquemavu ü, üi yaiye báquede majare boje.

²⁸ Úmava parubevu bácvurecabu ne ümei, ne daiye majibe boje yópe Jümenijicu hröpe, Jümenijicu epeimara mácavu sacerdotevare jaboteipõevava üi daicõjeiyeque üi coyuviye báquede Moisés báçure. Na mácavure jaúrejaquemavu cäreja, ne darájiyeye aiye yópe na mácavure jaúépe. Úbenita obediçu yóbore iye daicõjeiyede dajocarí jarvacuyu, Jümenijicu "Jáve baju dáschymu yu yópe ji aiye báquepedeca", üi aino mácarõque, epedeaquemavu mamacure sacerdotevare jaboteipõeçuva. Aru nñai mamacure ye jaúbevu, üi daquiyeye aiye yópe hré jaúépe. Que baru hré recabe cuchu yópe hré jaúépe, aru dayu caiyede yópe Jümenijicu hröpe Cainumua.

Jümenijicu "Que darájare", üi aino põevaré Jesúque pñeno mearo üi que aino mácarõre Moisés báçque

(He 1.13)

8 Caiye iye ji toivacaiye tñjare yópe aiyurótamu: Maje sacerdotevare jaboteipõeçu cibi, nöpe ji coyuviye báquepedeca javede. Úrecabe dobacu báçu, jabotecuyu cavarõ mearo Jümenijicu curöi, jípacu Jümenijicu parucu caivu pñeno üi dobarõ mearo meapúravhi. Que baru maje sacerdotevare jaboteipõeçu Jesús máre jaboteibi Jümenijicuque.

² Majeñecuva mácavu ne cñede põeçubenoi cüvarejaquemavu náque diñami cürami ne áimacajeaque ne daiñami mácarõ, iveá cürvareva báque Jümenijicu daicõjeiye üi coyuviye báquede Moisés báçu toivainoque ne curiñami mácarõ, ne Jümenijicu mearore jíñami

mácarōre. Übenita Jesúcapūravu Jūmenijicure memecabebi diñami, pōeva ne dañami mácarō jívui. Quénora ūrecabe sacerdotevare jaboteipōecu Jūmenijicure memecayu cavarō mearo Jūmenijicui curōi. Nore chvu Jūmenijicure mearore jíñami baju, Jūmenijicuvacari ūi dañami. Diñami jívuita Jūmenijicure memecaibi Jesucristo.

³Jūmenijicu epedejaquemavu caivu sacerdotevare jaboteipōeva bácvare, ne memecarajiyepo ayu ūre pōevare boje. Ūre memecarejaquemavu jícaivu Jūmenijicure äimara ne boaimara mácavure juaiyede, nácvu aru ne baju máre ämeina teiye boje, ūi nájiiye dabequiyepo aivu na mácavure die boje, aru ape jícaiyede máre, puerar Jūmenijicure torojuede jínaivu, ūi cadateiyé báque boje na mácavure. Que baru Jesucristore máre, maje sacerdotevare jaboteipōecure, jícaiyé jauvu Jūmenijicure ūi jícaiyede. ⁴Ūi cüe boje cavarō mearo Jūmenijicui curōi, nore memecaibi Jūmenijicure majare boje. Übenita ū cucus baru ijāravhi, ye sacerdote ämejebu, Jūmenijicui epeiyé báque boje apevhu ijāravucavu sacerdotevare, ne jícarajiyepo ayu caiye iye jícaiyede, yópe Jūmenijicui daicōjeiyepo Leví báchi pāramenacavu bácvure, ūi coyuviye báquede Moisés bácre.

⁵Nácapūravu Jūmenijicure memecarejaquemavu ijāravucadāmi, Jūmenijicure mearore jíñami mácarō jívui. Übenita ne memecaiye báquebu quénora majiéda ärojaepo páriduiye Jesúi memecaiye cavarō mearo Jūmenijicui curōi. Cūinártu ämevu. Yópe bótaiyede pōecui decocu jáve ämepe, nopedeca ijāravucadāmi Jūmenijicure mearore jíñami mácarō jáve ämenejaquemavu. Coreóvaivubu maja caiye cavarō mearo Jūmenijicui curōque jávene aru ye jaubede, übenita

caiye ijāravuque jáve ämene aru jauéde, Jūmenijicui yópe coyuviye báque boje Moisés bácre. Moisés báchi barejaquémavu diñami Jūmenijicure mearore jíñami mácarōre daicōjecuyu. Aru ūi daicōjequiyé jipocamia, Jūmenijicu, yópe arī, coyujaquemavu ū mācure: “Me dajacu mu. Caiye mi daicōjequiyede memeipōevare yure mearore jíñamine daicōjejacu yópe ärojaepo paiedyede iye ji jādovaiye báquede mure no cūracu Sinaí ämicuricu puenoi”, arejaquemavu Jūmenijicu.

⁶Übenita caride Jesúcapūravu, Jūmenijicui epeimu máchi sacerdoteva, me baju memecaibi apevhu sacerdoteva bácvu ne memecaiye báque pueno. Ūi memecaiyebu paruhé baju ne memecaiye báque pueno. Quédeca iye Jūmenijicu “Que darajare” arī, ūi yóboque coyuviye báquebu pōevare Jesúque, me baju änié “Que darajare” arī, ūi mamarumque coyuviye báque pueno Moisés báchque. Jūmenijicu “Que darajare” arī, ūi coyuviye báquede Jesúque “Yópe dacachuyumu yu mūjare”, ūi aiye báquebu me baju “Yópe dacachuyumu yu mūjare”, ūi aiye báque pueno änié “Que darajare”, ūi coyuviye báquede Moisés báchque. Moisés báchi que “Muje ämeina teiyede jaruvacuyumu yu, mūje daru yópe ji daicōjeiyepo”, arejaquemavu. Übenita Jesúque “Muje ämeina teiyede jaravariburu yóboi, ye ärumecebubu yu diede, mūje ju aru Jesucristoi dacaiye báquede mūjare boje”, arejaquemavu. Que baru ūi yóboque coyuviye báque me bajutamu ūi mamarumque coyuviye báque pueno.

⁷Änié Jūmenijicui mamarumque coyuviye báque Moisés báchque jaubedu, ape ūi yóboque coyuviye báque Jesúque jaubejebu. ⁸Übenita Jūmenijicu járejaquemavu Israecavu bácvure boropateivupe ne dabe

boje yópe “Que dārājare” arī, ūi mamarūmque coyhiye báquepe na mácavure. Que baru na mácavure, yópe arī, toivacójenejaquemavu Jūmenijicu. Yópe aibi maje jabocu Jūmenijicu:

“Jápijarā. Apejāravna edaquijsaravna baquiyéde bedióva cojedeca ‘Que dārājare’, acuyumu yu ape coyhiye mamae coyhiyede caivu ji pōevare, Judá āmicurijajubocavure aru apevu Israel báchi pāramena ne yajuboacavure máre. ⁹Néñecuva mácavure ‘Que dārājare’ arī, coyurejacacu yu no jāravu bácarore ji nūvaiye báquede na mácavure Egipto āmicurijoborore jocarī. Yópe népacu nūvaiyepe mamarare dūibajie, ne puruáre jēni, nopedeca na mácavure nūvarejacacu yu no ocopenibo bácarōque. Úbenita ye dābedejaima na mácavu yópe ‘Que dārājare’ arī, ji aiye báquepe. Que baru na mácavure āmeina jāri dajocarejacacu yu. Iye ji yóboque coyhiye ‘Que dārājare’ arī, ānié ji mamarūmque coyhiye báquepe cūinárturu āmequiyebu. Nópe ayubu yu, Jūmenijicu. ¹⁰Que baru yópe ‘Que dārājare’ arī, coyacuyumu yu caivu Israel báchi pāramena márajivu ne yajuboacavure”, aibi Jūmenijicu. Aru yópe are nūimi maje jabocu Jūmenijicu: “Apejāravna edaquijsaravna baquiyéde na márajivure dāpiare dacuyumu ji dāicōjeiyeda yópe ji epej̄uroepedeca diede ne ūmei. Aru me coreóvare dacuyumu diede máre yópe ji toivaj̄uroepedeca diede ne ūmedurā, torojueque ne dārājiyepe ayu diede. Yurecabu ne jabocu bacuyá. Aru nārecabu ji jaboteimara márajivu. ¹¹Dinumma maquinore caivu pōeva me majinajarama yure ne jabocuva.

Ina parubevu aru ina parurivu máre majinajarama yure ne jabocuva. Que baru nāmene bueije ye jaubequiyebu ūi īmarocavure aru ūjinare máre, ne coreóvarājiyepe ayu yure ne jabocuva. Pōescu cibeschbe yure coreóvabecuyu cāreja. ¹²Nāre cōmajae āroje jāri, jaruvacuyumu yu ne āmeno daiyede apevure. Aru ye dāpiabechbu diede cojedeca. Aru ārūmetecuyumu yu caiye ne āmeina teiyede máre”, aibi Jūmenijicu.

¹³Jūmenijicu “Ape coyhiye mamae coyhiyede coyuyubu mūjare” ayu, aiyurejaquemavu ūi jipocaque coyhiye báque javeque bajure aru bojecubede máre. Aru apejje javeque tedu aru bojecubedu máre, maumejiena oatuvaquiyebu.

**Jūmenijicure mearore jíñami cavarō
mearoi meadami ūre mearore
jíñami mácarō pueno ijāravni**

(Mt 26.28; 27.45)

9 Mamarūmure Jūmenijicu “Que dārājare”, ūi coyhiye báquede majenecuva mácavure Moisés báchque dāicōjenejaquemavu na mácavure, ne coreóvarājiyepe ayu aipe daiye jaūrōre, ne jíñajiyepo ayu mearore Jūmenijicure yópe ūi urōpe. Aru dārejaquemavu ne Jūmenijicure mearore jíñami mácarore ijāravni, jíñajivu mearore ūre nore, yópe ūi dāicōjeiyede báquepe. ²Mija coreóvavubu aipe ārojariñami diñami cūrami mácarore. Diñami cūrami ne daiñami mácarō āimacajeaque aru cuiotecajeaque daiñami mácarō marejaquémanu. Pucatucubu curiñami mácarō marejaquémanu. Diñami cūrami mácarore japoporti dabuborí jochyoaque tātíori nūvarejaquemavu majenecuva mácavu. Cūinátucubu, uratucubu, ne mamarūm ecoitucubu, “meatucubu sacerdoteva ne Jūmenijicure

memecaitucubu” āmicuritucubu bácarō marejaquémanu. Ditucubu bácarō jívhi ānijarabo cūinájarabo pēoibua tuojarabo bácarō curejaquemavu. Aru cūináva tuoiva bácarōra āniboa pāuboada doce paiboa báque Jāmenijicure ne jíye báque sacerdoteva bácvu ne ārajiye curejaquemavu. ³Ditucubu pūcatucubu coricōpavaitucubu báque barejaquémanu cuitótecaje bácarōque. Dicaje bácarō ānipūravhi apetucubu quíjiticubu bácarō curejaquemavu. “pueno baju meatucubu sacerdotevare jaboteipōecu Jāmenijicure memecaitucubu” āmicuritucubu bácarō marejaquémanu.

⁴ Ānitōcu mumijuede juaitōcu úruque cūmaitōcu mácarō curejaquemavu, meatucubu ne aitucubu bácarō jívhi. Ubenita pueno meatucubu bácarōcatōcu mácarō marejaquémanu. Ānitōcu adaitōcu jocutōcu úruque cūmaitōcu mácarō jívure aru puenore máre, Jāmenijicu “Que dárājare”, ūi coyhiye báquede majeñecuva mácavure ne āruritōcu mácarō curejaquemavu ditucubu quíjiticubu pueno baju meatucubu ne aitucubu bácarō jívhi. Ditōcu mácarō jívhi ānibu jorobu úruque cūmaibu bácarō curejaquemavu. Ānié āiye báque, maná āmicue, Jāmenijicu jíye báque majeñecuva mácavure ne cue báquede pōecbenoi ne ārajiye cūribu bácarō curejaquemavu. Aru āniyo abojíyo, Aarón máchi tuturiteyo bácarō, Jāmenijicu pīaré daiyo bácarō, curejaquemavu ditōcu mácarō jívhi. Aru ānivea pūcavea cūravea Jāmenijicu daicōjeiyeque toиваivea báque máre curejaquemavu ditōcu mácarō jívhi. ⁵Ditōcu mácarō puenora pūcarā pēpeimara mácavu querubín āmicurivu ārojarivu, pōeva ne úruque daimara mácavu curejaquemavu. Ina querubín āmicurivu caveá cūrivu bácvu,

Jāmenijicu que cūrivu bácarō Cainumua. Caipucatūvai ditōcu moaino mácarō puenora curejaquemavu na coapa, ne ārurajiyepo aiye Jāmenijicu miadáro mearo cūrōre. Ne caveáque taorejaquemavu ditōcu moaino mácarōre, sacerdotevare jaboteipōecu báci bojedacaino Jāmenijicure pōeva ne āmeina teiye boje. Ditōcu moaino mácarō puenora sacerdotevare jaboteipōecu báci ūi epeino mácarō curejaquemavu āimara ūi boaimara mácavu ne jive báquede, bojedacacuycu Jāmenijicure pōeva ne āmeina teiyede. Ubenita caride mūjare coyhiye jaubevu yure apejene diñamique báquede.

⁶ Diñami cūrami mácarō nōpe barejaquémanu. Que baru caijāravu coapa ditucubu uratucubu ne mamaramu ecoitucubu bácarōre ecovarejaquemavu ina sacerdotevare bácvu, memecarājivu Jāmenijicure yópe jauepe na mácavure. ⁷ Ubenita ditucubu quíjiticubu jívucatucubu bácarō jívhi ecorejaquemavu ūi sacerdotevare jaboteipōecu báca quécura. Aru ūjá coapa cūinájāravu quénora ecorejaquemavu ūi mácu. Aru ūi ecoiyede nore, nūvarejaquemavu jivede, āimara ūi boaimara mácavu ne jive báquede, jíchuyu Jāmenijicure. Ure jídejaquemavu iye jive báquede ūi baju āmeina teiye boje aru pōevare boje máre, ne āmeno daiye báquede, majibevuva ne baju āmeina teivure.

⁸ Caiye dieque ūi Espíritu Santo coreóvare dārejaquemavu pōevare iyede: Ānitucubu pūcatucubu cue báquede Jāmenijicure mearore jínamu mácarō jívhi, ahevü pōeva sacerdotevare jaboteipōecu āmevu bhojabedejaquemavu ecoivu ditucubu pueno baju meatucubu bácarō jívai. ⁹Caiye dieque, yópe jáđovainope, coreóvaivubu maja aipe vaiyede caride. Sacerdotevare bácvu caiye iye

ne jícaiye báqueque Jūmenijicure ãimara ne boaimara mácavure ne juaiye báquede aru apejé ne jícaiye báquede máre, ye jāve baju cadatebedejaquemavu pōevare. Caiye dieque ye “Boropatebevu yu”, arī dāpiarī buojabedejaquemavu ina Jūmenijicure mearore jívü bácvu.

¹⁰ Na mácavucapūravu quénora ju arejaquemavu iye dāicōjeiyede, Jūmenijicui coyuhiye báquede Moisés bácvure, pōeva ne jári buojaiyede, aipe ne ãiyede, aipe ne ūcuiyede, aipe ne joaiyede ne cūvede, aru aipe ne cuyaiyede ne bajure máre. Dieque curejaquemavu pōeva Jūmenijicueque pu “Que dārājare” arī, ūi yóboque coyuhiyeta.

¹¹ Ubenita javede Cristo darejaquemavu. Maje sacerdotevare jaboteipōecube ū, maje chvarājiyepē ayu caiye iye Jūmenijicui mearo dacaiye jāvene. Yópe ijāravucacu sacerdotevare jaboteipōecu bácu ūi vaiye báquepe no meatucubu sacerdoteva bácvu ne Jūmenijicure memecaitucubu bácarore, ecocchuyu no pñeno baju meatucubu sacerdotevare jaboteipōecu báchi Jūmenijicure memecaitucubu bácarore, nopedeca vaidéjaquemavu Cristo apetucubu meatucubu baji. Ubenita ditucububu paruritucubu ijāravucatucubu pñeno baju meatucubu bácaro pñeno. Aru jaubetucububu ijāravucatucubu pñeno baju meatucubu bácaro pñeno. Ditucubu, Cristoi memecaitucubu, pōeva ne daitucubu ãmevu. Aru cuedaitucubu, ijāravucatucubu máre ãmevu. ¹² Cristo ecorejaquemavu no tucubu pñeno baju meatucubure. Ubenita cabrava bácvu ne jive báqueque aru oteivecu mamajina mácvu ne jive báqueque máre ecobedejaquemavu ūi. Quénora ecorejaquemavu ūi jive bajuque,

jícacchuyu diede Jūmenijicure pōevare boje. Que teni cūinára quénora ecorejaquemavu. Aru yópe pōecu bojedacarī jodeni meadaiyepē buoimara mácavure, nopedeca Cristo bojedacarī jodeni meadarejaquemavu majare, maje ãmeina teiyeque buoimarape tede dāiye báquede jocarī ūi jiveque.

¹³ Majeñecuva mácavu ne jení jáiye báquede yaiyú báci baju bácarore aru apede ne dāiye báquede máre Jūmenijicui ubede, na mácavu ecoicōjememara marejaquémauvu Jūmenijicure mearore jíñami mácaro jívui. Ne que dāriburu yóboi, sacerdoteva bácvu jajidéjaquemavu na mácavure cabrava bácvu ne jive báquede apenümua, aru oteivechua bácvu ne jive báquede apenümua, aru apenümua oteivecuso ne boarí juaimo mácoi ūapena máquede ocoque. Que teni ina sacerdoteva bácvu majeñecuva mácavure buojare dārejaquemavu jívü mearore Jūmenijicure bediôva cojedeca. Ne baju pñenomia boropatebevu barejaquémauvu Jūmenijicui jainore. Ubenita ne ūmei boropateivu barejaquémauvu cäreja. ¹⁴ Ubenita Cristoi jive meiye báque boje ūi yainümua mácarore majare boje, pñeno baju cadateibi majare Jūmenijicui jainore. Me jánümue majare Jūmenijicui Jesúi jiveque ūi jáiye báque pñeno majare ãimara ne boaimara mácvu ne jive báqueque. Nai Espíritu Santo cainümua cuchu parhre dārejaquemavu Cristore, ūi boarí jarhvaicōjequiyepē ayu ūi mauvare ūi bajure. Que baru Jūmenijicure jícaiyepē tedejaquemavu ūi. Ye ãmeno cübecchua aru jaubecchua ūi baju jícarejaquemavu Jūmenijicure majare boje. Yópe joaiyepē docuchuede ocoque, nopedeca Cristo joaiyepē dāibi maje ãmeñmene aru maje dāpiaino ãmenore maje ãmeina teiye boje, “Boropatebevu yu” maje arī dāpiarī buojarājiyepē ayu. Iye maje ãmeina teiye boje maja coavajúromaramu Jū-

menijicure jaruvarí. Nópe dacarejaquemavu Cristo majare boje, maje mearore jíni memecarājijepe ayu ñai Jūmenijicu apucure.

¹⁵ Cristoi yaicáye báque boje pōevare, Jūmenijicu coyurejaquemavu “Que darājare” arí, ñui yóboque coyuhiye báquede Cristo que. Que baru Jūmenijicu mearo dacachuyume caivu maya ñui cutuimara mácavure ñ jina márajivuva. Ina yaivu bácvure Cristoi yaiquíye jipocai máre mearo dacachuyume ñ. Na mácavu ñui mearo dacaimara marajárama cainumua yópe “Jáve mearo dacachuymu yu mājare”, ñui aiye báquepedeca na mácavure. Pōeva ne cwe báquede Jūmenijicu “Que darājare” arí, ñui mamarumque coyuhiye báqueque, boropateivu barejaquémavu Jūmenijicu jáinore ne ámeina teiye boje. Ubenita Cristoi yaiye báquede, yópe bojedacarí joéni meadaiyepo tedejaquemavu pōevare maje ámeina teiyeque bhoimarape tede daiye báquede jaruvarí, Jūmenijicu árumetequiyepo ayu diede. ¹⁶ Yópebu apevhu pōeva ne daiye: Cūinácu pōecu pōeva ne jápiayede coyuru ne ámiáre ina cuvarājivure ñui cuvaede ñui yainiburu yóbole, náre jádovaiye jauvu yaiyá báctre, ne c̄hvarājije jipocai ñui cuvaede. ¹⁷ Nai coyuhyu bácu yaibécu cāreja, ñui coyuhiye báque bojecubu ina ne ámiáre coyuimara mácavure. Quénora ñui yainiburu yóboita náre bojecubu ñui coyuhiye báque die. ¹⁸ Quédocabu Jūmenijicu “Que darājare” arí, ñui coyuhiyeque. Que baru ánié “Que darājare” arí, ñui mamarumque coyuhiye báquede pōevare Moisés báctre que máre, áimara ne boaimara mácavu ne jive báqueque bárejaquemavu. Aru iye jive cwe báque baru, bábejebu die báque.

¹⁹ Mamarumture Moisés bácu coyurejaquemavu majeñecuva mácavure caiye iye daicōjeiyede Jūmenijicu toivaquino mácaro diveá c̄ravea báquede. No yóbole oteivecuva bácvu ne jive báquede ñui, aru cabrava bácvu ne jive báquede máre ñui ocoque jōmeni jívari bhojarí jajidéjaquemavu ániyoca paperayoca ûmujuriyoca cāriáiyoca iye daicōjeiyede toivacaiyoca bácarora aru pōevara máre. Hisopo ámicuricu jocujiçu cavabuá báquede p̄uyorí bhojarí, cuitótemea jūarimea lana ámicurimea máqueque bhorí, ánié jive báque ocoque jōmeni jívaiye báquede jajidéjaquemavu ñ mácu. ²⁰ Aru yópe arejaquemavu: “Jūmenijicu mājare jā aicōjeimi ‘Que darājare’ arí, ñui coyuhiye báquede, māje darājijepe ayu caiye iye daicōjeiyede. Iye jiveque jádovañmu yu yópe ñui coyuhiye báquepedeca daiye jaurore caivu mājare. Aru ñ máre ñui coyuhiye báquepedeca dacachuyume ñ”, arejaquemavu Moisés bácu. ²¹ Quédaca diñami c̄rami ne Jūmenijicure mearore jíñami mácarora aru caiye ánié diñamique ne mearore jíyeque báquede máre áimara ne boaimara mácavu ne jive báquede jajidéjaquemavu Moisés bácu. ²² Jávetamu yópe coyuhiye Jūmenijicu daicōjeiyede ñui coyuhiye báque Moisés báctre. Ure cwe ne Jūmenijicure mearore jíyeque báquede ina sacerdoteva bácvu mearore darejaquemavu Jūmenijicu jáinore ne jive báquede jajidéjaquemavu báqueque, Jūmenijicure jínajivu mearore dieque bediôva cojedeca. Aru p̄ueno baju jive meiye jauvu. Jive memenu, Jūmenijicu ye jaruhabeni árumetebecube pōeva ne ámeina teiyede.

**Jūmenijicu ūi jarūvarī
ārūmeteino pōevai āmeina
teiyede Cristoi yaiye báque boje**

(He 1.13)

²³ Die ijāravuque Jūmenijicure mearore jíñami mácaroqué cüve báquede mearore dare daiye jaurejaque-mavu majeñecuva mácavu ne ecorí bhojarājiyepa aiye no mácarõre, nópe ji jave coyuie báquepe. Diedecabu quénora majiéda ãrojaepe páriduiye iye cavarõ mearo Jūmenijicui curóque ūre mearore jíñamique. Cünáturu āmevu. Que baru pueno baju me jícaiye jauvu die cavarõ mearo Jūmenijicui curóque cüvede, mearore daquiyepa aiye, pōeva maje ecorí bhojarājiyepa aiye nore. ²⁴ Ubenita Cristocapūravu ecobedejaquemavu diñami cürami Jūmenijicure mearore jíñami pōeva ne daiñami mácarõ. Diñami cürami mácarõ jāve baju āmenejaquemavu. Quénora majiéda ãrojaepe páriduiye báquebu ãniñami cürami Jūmenijicure mearore jíñami jāve baju cavarõ mearoi curiñamipe. Quénora ecorejaquemavu cavarõ mearo Jūmenijicui curõ baj. No Jūmenijicu yebai caride cübi, jeníacacuyu Jūmenijicuque majare boje, ūi cadatequiyepa ayu majare. ²⁵ Caiñuha coapa maja judíova maje sacerdotevare jaboteipöecu bácu ecorejaquemavu ditucubu pueno baju meatucubu ūi Jūmenijicure memecaitucubu bácarõ jívui ãimara ūi boaimara mácavu ne jive báqueque, ubenita ūi baju jive báque āmeque. Ubenita Cristocapūravu ecovabedejaquemavu pueno baju meatucubure obedinumua jícuuyu ūi bajure. ²⁶ Que teyu bácu baru, Cristo yajébu obedinumua Jūmenijicui ijárvure cuedaiye báquemiata. Quénora caride, ijárvure bhojaijárvure, maje curijárvure, Cristo darejaquemavu ijárvui cünára,

jarúvacuyu āmeina teiyede, Jūmenijicui árūmetequiyepa ayu diede, Cristo ūi bajure ūi boarí jarúvaicōjeiye báquede ūi mauvare.

²⁷ Jāve caivu pōeva yainájaramu cünára. Aru jāve maje yainiburu yóboi, Jūmenijicu coyuicuyume árore maje curájinore jāravu cüiméjárvu baquinóre majare coapa, maje daiye boje maje cuede ijárvui. Apeva curájaramu cavarõ mearo Jūmenijicui curõi aru apeva curájarama toabo cüiméboi. ²⁸ Aru quédeca jāve ūai Cristo máre yaidéjaquemavu cünára. ūi bajure boarí jarúvaicōjenejaquemavu cünára, jarúvacuyu obedivu pōeva, caivu Jūmenijicure jü aivu, maje āmeina teiyede, Jūmenijicui árūmetequiyepa ayu diede. Aru jāve dacuyume ū ijárvui bedióva cojedeca. Ubenita maje āmeina teiyede jarúvacudabecuyume, diede ūi jarúvacudaiye báque boje javede. Quénora meadacudacuyume caivu majare, ūre napini coreivure, ūi cüvare daiyede majare caiye iye Jūmenijicui mearo dacaquiyede ūi pōevare.

10 Coyuquijivu mujare apede, muje majinajiyepa ayu aipe teni jahé báquede Jesucristoi yaiye báquede. Jūmenijicui daicōjeiye ūi coyuie báque Moisés bácuru ye jāve baju āmevu. Que baru iye jāve bajupe cünáturu āmevu. Quénora yópe bótaiye pöecu de-cocu jāve āmepa, nopedeca iye daicōjeiye máre jāve āmevu. Majiéda ãrojaepe páriduiyebu caiye iye Jūmenijicui mearo dacaquiyede jāve, iye maje cüvaquiyede. Cünátururecabu sacerdoteva bácvu ne jícaiye báque Jūmenijicure ãimara ne boaimara mácavure ne āmeina teiyede boje jārvuha coapa, ujua coapa, cainumua. Ubenita majeñecuva mácavu ne Jūmenijicure jícaiye báquede yópe ūi daicōjeiyepe, yópe nuri earí bhojabepa Jūmenijicu yebai, ye boropatebevure

teni bhojabedejaquemavu, na mácavure jaubede tebe báque boje.

²Ina pöeva Jümenijicure mearore jivu bácavu boropatebevu bácavu baru Jümenijicui jáinore cüinára, cüináro iye jícaiyecaró mácaróque, boropate-bejebu na mácavu. Aru caiye iye ne jícaiyé báquede Jümenijicure dajocajebu na mácavu. ³Übenita quénora árure daimara mácavu barejaquémavu ne ámeina teiyede iye jícaiyé báqueque ujuá coapa. ⁴Oteivechua bácavu ne jiveque aru cabrava bácavu ne jiveque máre Jümenijicu ye jaruvabení árume-tebecube pöeva ne ámeina teiyede. Que baru diepe paiye jícaiyéque, pöeva boropateivu cüma cäreja.

⁵Que baru Cristore üi daiye báque ijäravu jaurejaquemavu, üi jícaquiyepo aiyé üi bajure pöeva ne ámeina teiyé boje. Aru mamarumu üi daquiyé jipocare ijäravu, yópe arejaquemavu jípacu Jümenijicure: Pöeva áimara ne boaimara mácavure ne jícaiyede mure aru ape ne jícaiyede mure ubevu mu. Übenita yure pöecu bajueque pöetede daquijivu mu, ji jícaquiyepo ayu ji bajure mure. ⁶Caride pöeva mure ye torojure däbema ne jícaiyede mure áimara ne boaimara mácavu juarí jaruvaimara mácavure, puedarajivu mure, aru ape ne jícaiyede máre, ne ámeina teiyé boje. ⁷Aru que aríburu yóboi, arejacacu yu: "Mu, jípacu, Jümenijicu, jájacu. Yui cüvu yu, dacacu yópe mi urópe. Javede nöpe arí, toivacójenejavu mu ji borore ániyoca paperayoca ümähriyoca cäriáiyoca mi yávaiyéque toivacaiyoca bácaróque", arejaquemavu Cristo.

Nópe arí, toivacójenejaquemavu Jümenijicu.

⁸Mamarumure Cristo arejaquemavu jípacu Jümenijicu ubecure pöeva ne

jícaiyede úre áimara ne boaimara mácavure, aru ape ne jícaiyede úre, aru ne jícaiyede úre áimara ne boaimara mácavu juarí jaruvaimara mácavure, ne puedarajiyepo ayu úre, aru ne jícaiyede úre ne ámeina teiyé boje máre. Caiye dieque pöeva ye torojure däbema úre. Que arejaquemavu Cristo Jümenijicurá, Jümenijicu jícaicójeñu mácureca caiye iye jícaiyede úre üi daicójeiyequetüi coyuiye báquede Moisés báture. ⁹Que aríburu yóboi, yópe arí, Cristo arejaquemavu jípacu Jümenijicure: "Jájacu. Yui cüvu yu, dacacu yópe mi urópe", arejaquemavu. Que baru Cristo üi yaiye báque boje caiye ape jícaiyede Jümenijicure parubepo jaure darí, bojecubede darejaquemavu. Quénora Cristo üi yaiye báquemiata, Jümenijicure jícaino cüinároratamu paruró bojecuró Jümenijicui jáinore. ¹⁰Jesucristoi yaiye báque boje yópe Jümenijicui urópe, caivu maja úre jaivu, boropatebevu Jümenijicui jáinore, yópe nuri eaiyepo bhojaivabu maja Jümenijicu yebai ye jaubede daimara. Yópe joaiyepo docuchude ocoque, nopedeca Cristo jaruvarejaquemavu maje ámeina teiyede, üi bajure üi boarí jaruvacójenejaquemavu báquede üi mauvare cüinára.

¹¹Maja judíova maje sacerdoteva bácvu capuravu coapa nürivu bácvu darejaquemavu ne memecaiye báquede Jümenijicure járavu coapa. Aru ye bujabedejaquemavu memeinu Cainumua. Obedinumua cüinárturura ne jícaiyé báquede Jümenijicure jícarejaquemavu na mácavu coapa bedióva cojedeca. Übenita caiye iye ne jícaiyé báqueque Jümenijicu ye jaruvabení árumebedejaquemavu pöeva ne ámeina teiyede. ¹²Übenita Cristocapuravu cüinára üi bajure jícarejaquemavu Jümenijicure, maje ámeina teiyé boje. No üi jícaino

mácarō cūinároque, Jūmenijicʉ Cainumua jaruvarī ārūmetecuyʉmame maje āmeina teiyede. Aru ūi bajure jícariburu yóboi, ūi buojaiyede caino ūi memeino mácarõre, Cristocapúravʉ dobarejaquemavʉ jípacʉ Jūmenijicʉ meapúravai, ūi cūvae boje caiye jípacʉ parʉéde ūpe, jabotecuyʉ caiyede. ¹³Caride noi napini coreibi, pʉ jípacʉ Jūmenijicʉ epeiyeta ūi mauvare ūi cüboba cāchinoi, náre vainí turī jabotecuyʉ. ¹⁴Que baru cūinára ūi bajure jícaíno mácarōque Cainumua ye jaubede darejaquemavʉ caivʉ maje ūi boropatebede daimarare Jūmenijicʉ jainore, ūi jipocateimarare Jūmenijicʉ yebai.

¹⁵Aru ñai Espíritu Santo máre, yópe arī, diede ju arī, toivaicōjenejaquemavʉ:

¹⁶Yópe aibi maje jabocʉ Jūmenijicʉ: “Que dārājare”, arī coychuyumu yʉ Israel báci pāramena márajivʉ ne yajuboacavʉre apejāravʉ edaquijāravʉ baquiyéde. Na márajivʉre me coreóvare dachuyʉmu yʉ ji dāicōjeyede yópe ji epejuropedeca diede ne ūmedurā. Aru na márajivʉre dápiare dachuyʉmu diede yópe ji toivajuropedeca diede ne ūmei”, aibi Jūmenijicʉ.

¹⁷Aru que aríburu yóboi, yópe are nurejaquemavʉ maje jabocʉ Jūmenijicʉ: Jāve ārūmetecuyʉmu yʉ caiye ne āmeina teiyede. Aru jaruvacuyʉmu yʉ ne āmeno daiyede apevʉre. Aru ye dápiabecʉbu diede cojedeca, aibi Jūmenijicʉ, arejaquemavʉ ñai Espíritu Santo.

¹⁸Que baru Jūmenijicʉ ūi ārūmeteiye boje maje āmeina teiyede aru maje āmeno daiyede apevʉre, ye jaubevu be-dióva cojedeca sacerdotevare ne jícaíye ūre. Áimara ne boaimara mácavʉre o apejíene máre ye jaubebu caride, maje āmeina teiye boje.

Jūmenijicʉ yebai yópe nuri eaiyepē maje napini coreiyede maje baju parure dāri maje ūmei nure nūrajare

(Mt 27.51; Mr 15.38; Lc 23.45;
Ro 12.19; He 13.20)

¹⁹Jesucristo jāve memecaibi Jūmenijicʉre cavarō mearoi majare boje. Que baru muja, jívʉ, Jesúre ju aivʉ caride jidubevʉva bhojaivʉbu boroteivʉ maja Jūmenijicʉ bajueque, yópe maje ecoiyepē no curō pñeno mearo, cavarō mearo Jūmenijicʉ curōi. Nópe bhojaivʉbu Jesúi jaruvalye báque boje caiye maje āmeina teiyede ūi jive meiye báque boje ūi yainumʉ mácarõre. ²⁰Yópe ñai sacerdotevare jaboteipóecʉ báci ūi ecoiye báquepe no pñeno baju meatucubʉ bácarō jívʉ ãnicaje coricōpavaicaje bácarõre ūi vaiye báque boje, nopedeca Jesúi yaiye báque boje ecoivʉpe teivʉbu maja Jūmenijicʉ yebai. Que baru dicaje bácarō corica baji jadeni nurejavýa Jesúi yainumʉ mácarõre. Que teni Jesucristo nñimape tedejaquemavʉ, yópe maje nuri earī bhojarājiyepē ayʉ Jūmenijicʉ yebai. Jipocare ūi yebai ye nuri eaiyepē bhojabedejavʉ maja. Úbenita caride Jesucristo yópe nuri earī bhojare dāibi majare Jūmenijicʉ yebai. Que baru, “¿Nuri earī bhojarājidica?” abevʉva, jāve majivʉ maja boroteni bhojaivʉre Jūmenijicʉ bajueque. ²¹Aru Jesucristorecabe maja Jūmenijicʉ pñeva maje sacerdotevare jaboteipóecʉ, majare jāri coreyʉ yópe cūrami upacui jāri coreiyepē ūi cūramicavʉre. ²²Úi yaiye báque boje majare boje, yópe joaiyepē docʉchede ocoque, nopedeca maje āmeñmene, maje dápiaino āmenore, aru maje daiye āmene máre joaimara mácavʉpe paivʉbu maja, boropatebevu Jūmenijicʉ jainore. Que baru Jūmenijicʉque borotenajarevʉ

pucaūmea cūbevūva aru maje jū aiyede ūre dajocabevūva.

²³ Coreóvaivūbu majā Jūmenijicū jāve dāyure yópe ūi aiye báquepedeca cainūmu. Que baru paruēque Jesúre jū are nūrajarevū yópe maje jū aiye báquepedeca mamarumure. Aru ye “Jūmenijicū dābecubē yópe ūi aiye báquepe” abevūva, napini corenajarevū Jūmenijicū dācaquiyede caiye iye mearore yópe “Jāve mearo dācacuyumu yu mūjare”, ūi aiye báquepedeca.

²⁴ Torojurivū dāiyurājarevū yópe majare jaūrōpe pueno méne nūre dare nūrajivū maje baju maje ūmei, cādatenajivū majacavure, aru urājivū majacavure, mearo dārājivū nāre māre. ²⁵ Apevū mūjacavū dajocadama ne cójijivaiye báquede apevū Jesúre jū aipōevaque. Ubenita nōpe dāiye meamevū nāre. Quénora cójijinajarevū majā, parure dārājivū majacavū ne jū aiyede Jesucristore. Joabejnotamu ānjāravū baquinó maje jabocu Jesucristoi coyuquiyede ārore maje cūrājinore jāravū cūiméjāravū baquinore, cavarō mearoi o toabo cūiméboi, maje dāiye boje maje cuedē ijāravui. Que baru pueno baju parure dārājarevū majacavū ne ūmene.

²⁶ Parure dābevū baru majacavū ne ūmene, bediōva cojedeca āmeina tévarānūvajebu majā. Āmeina tede nūivū baru, coreóvaivūvacari Jūmenijicū yávaiyede jāvene, ye Jūmenijicure jícaiyede cūvabejebu majā, maje āmeina teiye boje.

²⁷ Quénora coreiye jaūjebu majacavū āmeina tede nūivure Jūmenijicū nājine daquiyede nāre. Jūmenijicū nājine dācuyumu caivū ūi mauvare, ina nāre jaboteicōjemevū ūre, ne bíjarājiyepē ayu ūre jocarī no toabo urabo āmebo cūiméboque. ²⁸ Ácu pōecu Jūmenijicure puedabecuva jū abecu bácu ūi dāicōjeiyede ūi coyuquie báquede Moisés

bácre jāve nājinejaquemavu. Pucarā o yóbecurā majidivu bácvu apeschi jū abe báquede Jūmenijicū dāicōjeiyede ne boro coyurī adaiyede ūre, cōmajé āroje jāmevūva boarī jaruvarejaquemavu nai jū abecu bácre. ²⁹ Que baru pueno urarō baju nājicuyume nai āmeina jānū Jūmenijicū mácre.

Ūre pueabecuva jū abedu, “Jūmenijicū mácu āmemi” ayu, pōeva ne jāpiaiyede, yópebu jaruvaiyepē ūre. Pueno urarō baju nājicuyume nai “Ye baju āmevu. Ye bojecubevu” ayu, Jūmenijicū máchi jive meiyede ūi yaiye báquede, Jūmenijicū coyuquiyepē ayu pōevare apeno “Que dārājare”, ūi coyuquie yóboquede. Jesucristoi jiveque joaimara mácavupe paivubu caivu ūre jū aivu boropatebevu Jūmenijicū jānore. Ubenita nai “Ūi jivebu caivu apevū ne jivepe” ayu, joaimupe āmemi aru boropateyube. Que baru pueno urarō baju nājicuyume. Aru pueno urarō baju nājicuyume nai āmeina yávayu nai Espíritu Santore, “Abujuchi paruēque pōeva ne dāri majibede dārejaquemavu Jesús” ayu, Jūmenijicū mearo dācare daimure bojecubeda ūjinare, ūi ue boje nāre.

³⁰ Coreóvaivūbu majā jāve nājicuyure maje jabocu Jūmenijicū ūi yópe aiye báque boje: “Yurecabu nājine dācuyu ina āmeina dāivu bácvure apevure. Yúvacari bojedare dācuyumu nāre no boje yo āmeno ne daino mācarōre”, arejaquemavu. Aru yópe arī, toivaicōjenejaquemavu: “Maje jabocu Jūmenijicū coyuquiyume ūi pōevare nājiye jaūrōre o nājiye jaūbede nāre coapa ne dāiye báque boje ijāravui”, arī toivaicōjenejaquemavu ūi. ³¹ Nai Jūmenijicū apeschi “Nājicuyumu mū”, ūi coyuquim máchū curu, jidojarō baju bájebu ūre. Que baru pueno baju parure dārājarevū majacavū ne ūmene.

³² Ąrūmetebejarā mūja aipe mūje cūe báquede javede mūje coreóvariburu yójiboi Jāmenijicu yávaiye méne jāvene Cristorā, ūi meadaiyede majare. Dinumū mácarore ұrarō nájinore napini nūavuya mūja. Ubenita dajocabevuva ye vainí turī nūmeteavuva mūja.
³³ Apenuumua mūjacavuque nūri yóvavuva mūja nāre, pōeva Jesúre jū abevu ne āmeina yávaiyede nāre caivu ne jápiayede aru ne āmeno daiyede nāre caivu ne jáiyede māre. Aru apenuumua mūjare māre āmeina yávavuva caivu ne jápiayede aru āmeno dávuya caivu ne jáiyede māre.
³⁴ Mūjacavu jabova ne bhoimarare cōmaje āroje jāri, cadateivu bateávuya mūja, mūje jiyede nāre jauede. Náque nájivu bateávuya mūja. Mūje jū aiye boje Jesúre, ina mūje mauva jēni nūvari mūje cūvaede, mūja ne īcaimaravacari napivu bateávuya chiomuvuva. Quénora torojure nūivu bateávuya, mūje coreóvaiye boje cūvarivure caiye iye mearore Jāmenijicu jíquiyede mūjare cavarō mearo ūi cūrōi, yópe ūi aiye báquepedeca. Aru iye Jāmenijicu mearo dacaiae bojecue bajubu ijāravuque pħeno aru cūimétamu māre.

³⁵ Que baru yópe mūje jū aiye báquepedeca Jesúre jū are nūjara mūja jidubevuva. Aru ұrarō mearo bojedainore earājaramu mūja. ³⁶ Mūje nájiyede, napiye jauedecabu mūjare, mūje jū arājiyepo aiye Jesúre yópe Jāmenijicu ұrōpe. Que teni earājaramu iye mearore ūi dacaquiyede mūjare yópe ūi aiye báquepedeca. ³⁷ Yópe arī, Jāmenijicu toivaicōjenejaquemavu Cristorā:
 Maumejiena nāi dacuyu dacuyume.

Joe corebecubé ū. ³⁸ Aru ina ji boropatebede daimara mácavu ne jū aiye boje yure, apurājivubu cainumua. Que baru coatede dabemara márajivubu na yure jarūvarī. Ubenita apecu nácacu

ūi dajocaru ūi jū aiye báquede yure, ye torojubecubu yu ūque, arejaquemavu Jāmenijicu.

³⁹ Ubenita majarecabu ye dajocaivu āmevu maje jū aiyede. Que baru coatede daimarape bījabenamu Jāmenijicure jocarī. Quénora Jāmenijicure jū are nūri ūi meadaimaratamu maja, cūvarājivu caiye iye mearore ūi dacaquiyede majare.

Pōeva ne jū aiye Jāmenijicure

(Ro 4.17-22; He 13.14)

11 Jāmenijicure jū aivvrecabu jāve majidivu eare daimara márajivure iye maje napini coreiyede, maje cūvarājiyede méne Jāmenijicuque, cūvabevuvacari cāreja diede. Me majidivubu iye maje jāmene cāreja jāve bajure, aru vaiquiyede jāmevuvacari cāreja diede. ² Jāmenijicu me jārejaquemavu majenecuva mácavure ne jū aiye báque boje ūre. Aru cadatedejaquemavu na mácavure ūi daiye báquede pōeva ne darī majibede.

³ Maje jū aiye boje Jāmenijicure, coreóvavubu cuedayu bácre ijāravure aru caiye ijāravuquede ūi yávaiye paruque. Que baru caiye iye maje jāri bhojaiyede cuedarejaquemavu ū maje jāri bhojabeque.

⁴ Abel bácu ūi jū aiye báque boje Jāmenijicure, jídejaquemavu ānié jícaiye mearore Jāmenijicu jāinore Caín máchi jícaiye pħeno. Mearore jídejaquemavu Jāmenijicure Caín mácu yópe ūi ұrōpe. Ubenita mearore jídejaquemavu Jāmenijicure Abel bácu yópe Jāmenijicu ұrōpe. Que baru Jāmenijicu “Boropatebecubu mu ji jāinore”, arejaquemavu Abel bácre. Aru jacopurejaquemavu ūi jícaiye ūre. Abel bácu yaiyū bácvacari, majare coreóvare daibi caride aipe daiye jaurōre majare maje mearore jíyede Jāmenijicure, ūi jū aiye báque boje ūre.

⁵ Enoc ūi jū aiye báque boje Jūmenijicure, yaibédejaquemavu ū. Quénora apucureca ūre nūvarejaquemavu Jūmenijicu Paraíso āmicurōi. Que baru Enoc cùbedejaquemavu cojedeca ijāravhi. Aru Jūmenijicu ūi nūvaquiye jipocai Enore, yópe arejaquemavu ūi borore: “Yure torojure dāyubē ū” arejaquemavu Jūmenijicu, yópe Moisés báchi toivaquiye báquepedeca obediujua yóbore. ⁶Pōecu jū abecu baru Jūmenijicure, ye bñojabebi torojure dāyu ūre. Ácu pōecu yópe nūri eaiyuepe Jūmenijicu yebai, chiyus me ūque, borotecuyu ūre, ñai pōecure jū aiye jañvu Jūmenijicu cūcure aru me bojedayure caivu ina ūre voivure, ūi cadatequiyepe aiye náre ne jēnaiyede ūque.

⁷ Noé mácu ūi jū aiye báque boje Jūmenijicure, jiaðocu ñracu cūrami chricure darejaquemavu yópe Jūmenijicu coyhiye báquepedeca ūmáture, meadacuyu ūjina mácavure muiváibore jocarī. Jūmenijicu coreóvare darejaquemavu ūmáture ñanié ñamene vaiquíye báquede, ñanié jáme máquede cāreja. Aru Noé máchcapúravu jápiari adarī jū arejaquemavu ūre. Ñbenita ijāravucavu Jūmenijicure jū abevu bácvu Noé máture jápiari adabení jū abedejaquemavu ūmáture. Que baru Jūmenijicu ñajine ñarajimara marejaquémauvu na mácavu. Ñbenita Noé máture “Boropatebecubu mū ji jáinore”, arejaquemavu Jūmenijicu, ūi jū aiye báque boje ūre.

⁸ Abraham mácu ūi jū aiye báque boje Jūmenijicure, etarejaquemavu ūi joborōre jocarī, nucuyu apejoborōita, yópe Jūmenijicu coyhiye báquepedeca ūmáture. Jūmenijicu ūmáture cūturī ūjicu bacuyáva, “Mi apeno curō mi cùquinore mure jádovachuyumu yu”, ūi aiye báquede ūmáture, árore ūi

nūquinore majibecvacari, jū arī etarī nūrejaquemavu ū, Abraham mácu.

⁹ Ūi jū aiye báque boje Jūmenijicure, cùrejaquemavu no joborō Jūmenijicu jíquijoborō ūi pāramena márajivure, yópe dijoborōcavu ñamev u ne cùrepe. Abraham mácu ūjinaque, cuivu bácvu, ūi mácu, Isaac bácu, aru ūi pāramec, Jacob bácu máre, chrejaquemavu ñaniñamia cùramia ñimapodaque ñaniñamia máque jívhī. Aru na mácavu máre, Isaac bácu aru Jacob bácu, Jūmenijicu “Mearo ñacachuyumu yu mure”, ūi coyhimara marejaquémauvu na mácavu coapa. ¹⁰ Abraham mácu napini coredejaquemavu ūi cùquiyede no ñimaro cùiméno Jūmenijicu cainumua curímaroi. Jūmenijicurecabe dāpiayu bácu aipe árojaro maquinore diñmarore aru dāyu bácu máre diñmarore.

¹¹ Abraham mácu jū aiye báque boje Jūmenijicure, parure darejaquemavu Jūmenijicu ūmáture ūi juedocuvaquiyede ayu. Bucucu baju bácvacari ūmácu aru jímarepacu Sara báco juedoeabeco bácovacari ūmáco, na mácavure juedocuvarare darejaquemavu Jūmenijicu. Abraham máchcapúravu “Jáve Jūmenijicu ñacchuyume yópe ūi aiye báquepedeca”, arī dāpiarejaquemavu ūi jū aiyede Jūmenijicure dajocabecuva. ¹² Que baru ūi juedocuvarajurorōre juedocuvarí bñojabebi bácu yaiyú báchi bajupe cùvacu bácvacari, obedivu baju ūi pāramena cùma caride. Abiácovape obedivu teni, épayabeape obedivu máre tedama na, Abraham mácu pāramena.

¹³ Caivu ina pōeva mácavu jū arejaquemavu Jūmenijicure, pu ne yaiyeta dajocabevuva. Eabedejaquemavu cāreja ñanié Jūmenijicu jíquiyе báquede yópe ūi aiye báquepedeca na mácavure. Obediujua Jūmenijicu mearore jíquiyе jipocai, coreóvarejaquemavu na mácavu Jūmenijicu jáve jíchuyure. Que baru toro-

jurejaquemavu iye vaiquíye boje yópe Jümenijicai aiye báquepedeca. Coreovarejaquemavu aipe paiye na mácavu ne cuede. “Apenoacavu curivabu maja. Maje joborõre jocarí dajocaivabu maja”, are nñivu barejaquémauvu na mácavu. ¹⁴Pöeva diepe paiyede aivu jäve vore nñivabu, earäjivu apeno curõre, ne curäjinore. ¹⁵Na mácavu ãrurivu baru ne curõ mácarõre, copainhivu bhojajebu na mácavu nore. ¹⁶Ubenita quénora apeno curõ pueno mearore curõ cavaro mearore Jümenijicai curõre, ne pueno torojuräjiye boje nore, uthi, vori, napini coredejaquemavu na mácavu. Jümenijicu no imaro mearore meadacarejaquemavu na mácavure. Que teni jádovarejaquemavu chyebechva jaboteyu na mácavure. Aru ne mearore jímu chyebedejaquemavu ü.

¹⁷⁻¹⁸Abraham mácu üi ju aiye báque boje Jümenijicure, nñvarejaquemavu mamacu Isaac báchure juarí jícaríducchuyu ü máchure Jümenijicure. Jümenijicu Abraham máchure juarí jícaicõjenejaquemavu üi mácu baju cüináchure, Jümenijicai majiyhe boje aipe ãrojaene Abraham mácu ju aiyede üre. Abraham mácu jádovaquiyepo ayu aipe ãrojaene üi ju aiyede Jümenijicure, “Quévura ina Isaai pâramena marajárama mipâramena baju”, Jümenijicu ayu báchvacari, Abraham mácu Isaac báchure juarí jícaschuyu baridurejaquemavu Jümenijicure. ¹⁹Yópe arí, “Jímacure ji boarí jarúvaru, Jümenijicu nacovañu bhojaibi üre yainore jarúvarí”, arí dapiarejaquemavu Abraham mácu. Isaac bácu jípacu báchi boarí jarúvajuromu mácu barejaquémauvu. Que baru yópe nacovaimape páyu barejaquémauvu yainore jarúvarí. Aru caiye dieque coreóvare daibi majare Jümenijicu nacovañure yaijúrorivure yainore jarúvarí.

²⁰Isaac bácu üi ju aiye báque boje Jümenijicure, üi yaiquíye jipocamia jeníarejaquemavu Jümenijicai mearo dacaquiyede mamara pucarãre, Jacob báchure aru Esaú báchure máre.

²¹Jacob bácu üi ju aiye báque boje Jümenijicure, üi yaiquíye jipojícai, jeníarejaquemavu Jümenijicai mearo dacaquiyede mamacu José báchi mára pucarãre. No jipocai tutaya báchvacari üi tuturiteiyorá üi parabe boje, mearore jíchuy Jümenijicure, parueque jeníarejaquemavu iye mearo dacaquiyede imacu báchure jíbhusu bácu pueno, José bácu oatuhvaiyuriduyu báchvacari üi nópe dñaiye báquede.

²²José bácu üi ju aiye báque boje Jümenijicure, coyurejaquemavu Israel báchi pâramena márajivu ne etaräjiyede Egípto ãmicurijoborõre jocarí. Aru nñvaicõjenejaquemavu üi cüa máquede, ne jarúvaräjiyepo ayu diede cûracobei ne copainhrajiyede Canaán ãmicurijoborõi.

²³Moisés báci bucusu bácauvu ne ju aiye báque boje Jümenijicure, yavedejaquemavu ü máchure ne cûrami jívhi yóbecurá aviávare üi pöeteniburu yóboi. Nópe darejaquemavu üai juedocu meajicu baju boje aru na mácavu ne jidube boje Egípto ãmicurijoborõcavu ne jabocu báci Faraón máchure. Jidubedejaquemavu üi ñajine dâjuroede na mácavure, ne dabe báque boje yópe üi boarí jarúvaicõjeiye báquede jipocare Israel báchi pâramena ne juedova ãmavare.

²⁴Moisés bácu üi ju aiye báque boje Jümenijicure, bucusu teyure übedejaquemavu pöeva “Ñai jabocu Faraón üi mácoi bucusóvaimume ü, Moisés”, ne aiyede üra. ²⁵Quénora ina Egíptocavu ne yebacavu, üi pöeva, Jümenijicai pöeva, ina judíovaque, ñajiyurejaquemavu Moisés bácu. Egíptocavu ne jêneboi torojucu me cucus bácu baru ijäravuque ureque, Jümenijicai urópe dabejebu. Quénora coateni Jü-

menijicure jarūvarī, āmeina tejebu. Aru obebenūmuara torojyebu ū mácu. ²⁶ Ú dāpiainope pheno baju bojecurō marejaquémavu ñajichyure pōeva ne āmeina yávaiyede ū mácure, ū coreóvaiye boje Jūmenijicui daroquimure, Cristore, ūi pōeva, ina yebacavuacavu ne pāramecu bacchyúre. Que baru ina yebacavu bácahvque ñajini, cadateni, meadaiyurejaquemavu Moisés bácu. Aru caiye ānié cuvaede, Egiptoque me bajure, ubeni jarūvarejaquemavu. Nópe darejaquemavu ūi napini coreiye boje caiye iye mearore Jūmenijicu jíchuyre ū mácure.

²⁷ Moisés bácu ūi ju aiye báque boje Jūmenijicure, etarejaquemavu Egipio āmicurijoborore jocarī. Ñai jabocu bácu Faraón mácu jaraimu máchvacarita etarī nurejaquemavu Moisés bácu, jidubecuva. Ú mácu yópe jāñupe barejaquémavu ñai Jūmenijicure, pōeva ne jāmemure. Que baru ūi ju aiyede ūre dajocabecuva, etarī nurejaquemavu.

²⁸ Úi ju aiye báque boje Jūmenijicure, ina Israel báchi pāramena mácavure ja-jíéicjenejaquemavu ovejava mamajina ne boaimara mácavui jivede ne jedevacobea phenorar aru caip̄cap̄uravhai, ángele boarī jarūvabequiyepa ayu diñamia cūramiacavure. Ñai ángele Jūmenijicui daroimu mácu barejaquémavu, boarī jarūvacuuy caivu ūmava ina mamarumu pōeteivu cūrivure Egiptoi, jivede cūvabevvra ne jedevacobea yebai. Ubenita ina Israel báchi pāramena mácavu ye āmedabemara marejaquémavu. Aru Moisés báchi ju aiye báque boje Jūmenijicure, Pascua āmicurō torojuve teinore bári, oveja jiaruare būchure daiye cūbe pāuque ári torojuve teicjenejaquemavu ina Israel báchi pāramenare үjuá coapa cainumua.

²⁹ Ina Israel báchi pāramena mácavu etaivu bácahv Egiptore jocarī Moisés báque ne ju aiye báque boje Jūmeni-

jicure, joborōi vaivári jatarejaquemavu no Jūariya āmicuririya jia үrada curō mácarō coricare. Ubenita ne yóbore ina Egiptocavu jataiyuriduvu bácahv nápe, ina Israecavu bácahvpe, corī nuri yaídéjaquemavu na mácavu.

³⁰ Israel báci pāramena mácavu ecoivu bácahv Canaán āmicurijoborōi ne ju aiye báque boje Jūmenijicure, Jūmenijicu ture darejaquemavu Jericó āmicurímaro biaido parurido bácarōre. Siete pajjārvu baju na mácavu ne tarabuteni jacoturiburu yóbore diñmaro jedyevare turejaquemavu no biaido parurido bácarō.

³¹ Rahab báco, nomiō ūi baju boje daðo ūmuvare āmenore dādo báco náque, ūi ju aiye báque boje Jūmenijicure, yaibédejaquemavu ina Israecavu bácahv ne boarī jarūvaiyede apevu ūi curōcavu bácahv Jūmenijicure ju abevvra. Ne meadaimo máco barejaquémavu ūi torojurī me jacoyurī cadateiye báque boje ina Israecavu bácahv pūcarā ne jabochi daroimara mácavu jári coreovarājivure yavenina aipe ārojarore diñmaro mácarōre.

³² Coyuñi buojajebu yu apevu obedivu Jūmenijicure ju aipōeva mácavure. Apejārvu yure curī cojioru, na mácavu ne borore coyujebu mujare. Coyujebu Gedeón máchi daiye báquede, Barac báchi daiye báquede, Sansón máchi daiye báquede, aru Jefté báchi daiye báquede; aru David bácu Samuel máchmaque ne daiye báquede; aru apevu ănina Jūmenijicui yávaiyede coyuscapōeva mácavu ne daiye báquede máre, ne ju aiye báque boje Jūmenijicure. ³³ Nácahv bácahv aru apevu Jūmenijicure ju aivu bácahv máre pōeva ure ne darī majibede darejaquemavu, ne ju aiye báque boje Jūmenijicure. Nácahv bácahv boarī, vainí turejaquemavu apenoa joboroacavu, ădamatenanuivu

bácvare na mácvare. Nácvu bácvu me jabotedejaquemavu pöevare, ne ñarajiyepo aivu mearo ne baju. Nácvu bácvu jeníarejaquemavu Jümenijicuque, üi cadatequiyepo aivu na mácvare. Aru ü cadatedejaquemavu caivu ina mácvare, yópe üi aiye báquepedeca. Nácvu bácvu biede ñarejaquemavu äimara jijecurivu, león ämicurivu, yavipe paivu ne jijecamure, ne ämenajiyepo aivu na mácvare.³⁴ Nácvu bácvu jabova ne jaruvacoc-jeimara mácvvacari toabo urabo ämebo jívui, éimara ämenejaquemavu. Dupini nurejaquemavu, apevu ne totarí boarí jaruvabenajiyepo aivu nácvu bácvare boaicaroveque. Nácvu bácvu parubevu bácvare parure ñarejaquemavu Jümenijicu. Churarava parurivu tedejaquemavu nácvu bácvu. Aru nácvu bácvu apenoa joboröacavu bácvu ne ñavaranuyede ne oteiye báquede jéiyede aru ne oteiäimarare máre, ina ñavaivu bácvare cujurí copaide ñarejaquemavu ne joboröita. Nópe ñarejaquemavu na mácvu ne ju aiye báque boje Jümenijicure.³⁵ Aru nácvu nomiva mácvu máre jacoprejaquemavu apurivare cojedeca névu yaivu bácvu Jümenijicu nacovaimarare. Apevu nácvu bácvu jabova ne buoimara mácvu barejaquéma, ne ju aiye báque boje Jümenijicure. Ina jabova bácvu churarava bácvare pare jara popeicójenejaquemavu na mácvare. Que teni, “Muje ju abedu Jümenijicure, jaetovarajaramu mujare”, aridurejaquemavu na mácvare ina jabova bácvu. Übenita ina Jümenijicure ju aivu bácvu ye ju abevhu tedejaquemavu cainumha. Quénora ina jabova bácvare boarí jaruvacocjenejaquemavu na mácvare, nacajarajivu yainore jaruvarti apurivu cojedeca aru cüräjivu pheo baju

me cavarõ mearo Jümenijicu curöi.³⁶ Apevu nácvu bácvare yurini, jara popedejaquemavu. Aru apevu bácvu pheo baju ñájivare tåumeaque buorí ñuvarejaquemavu ämeina teivare jení jacoñami.³⁷ Apevu bácvare cüraboaque duvarí boarí jaruvarejaquemavu. Apevu bácvare jocuburaveque coriburari boarí jaruvarejaquemavu. Aru apevu bácvare boaicaroveque totarí boarí jaruvarejaquemavu. Nópe ñarejaquemavu, na mácvare ju abevhu teni ñaridurajivu Jümenijicure. Nácvu bácvu cuitótecajea cübevhua dorejaquemavu oveja podaque daicajede o cabra podaque daicajede. Aru na mácvu cüramia cüvabevhuva vaivárejaquemavu apenoita apenore jocarí, ne cürjoborore cüvabevhuva. Cüve cüvabevu baju, äiyede ye cüvabedejaquemavu. Pare ñájivu baju barejaquéma. Aru apevu ne ämeno daimara marejaquéma.³⁸ Caivu na mácvu, Jümenijicure ju aivu, meara baju barejaquéma apevu ijäravucavu pheo. Nácvu bácvu ne curö cüvabedejaquemavu. Que baru vaivárejaquemavu pöecübenoi aru cüracuai máre. Cärejaquemavu cüracobea jívui aru jobocobea jívui máre.

³⁹ Jümenijicu me járejaquemavu caivu na mácvare ne ju aiye báque boje úre. Übenita me jänü máchvacari na mácvare, ne yainájiye jipoca nácasu cünacu ye eabedejaquemavu caiye iye mearo yópe Jümenijicu “Jäve dacacuyumu mujare”, üi aiye báquepedeca.⁴⁰ Jümenijicu dápiaiye boje majare máre, pheo baju métamu üi dápiai dacieiyue majare, üi yóboque “Que ñarajare” üi coyhiye báqueque, üi yópe nuri eari buojare daiyepe üi yebai majare aru na mácvare máre. Que baru na mácvare ye jaubede dacacuyume ü ma-

jaque. Aru jaubede dabechuyume na mácavhre maje cübeda.

**Daiye jaurō majare Jesúi
daiyepe yópe Jūmenijicui
urōpe maje napinajipepe aiye**

(1 Co 11.31-32; Fil 2.6-11; He 1.13; 2.9)

12 Maje cüebu ijäravhí yópe cuyaivu ne cuyaivepe. Obedivu pöeva jádama ne cuyaivede. Aru ina cuyaivu cuitótecajeare dodama obebecajea ümujubede, aru ducuéde jocarí nuvamenama, cuyaräjivu maumejiena. Quédecabu majare máre. Majare jádama ina obedivu pöeva napivu bácvu nájiyede pu ne yaiyeta, ne ju aiye báque boje Jūmenijicui yávaiyede jävene. Que baru napedeca napinajarevu maja maje nájiyede dajocabevhva. Dajocaräjarevu majare jocarí caiye iye daicöjemene majare yópe Jūmenijicui uröpe aru caiye maje ámeina teiyede, maje daiye cõmajiyede. Maje ámeina teiyebu yópe cuitótecaje ümujuricaje áraðoare bñororicaje ina cuyaivu ne dajocarí jarvävaiye báquepe ne cuyaräjiye jipocare. Aru iye daicöjememu majare yópe Jūmenijicui uröpe yópe ducué ina cuyaivu ne dajocarí jarvävaiye báquepe ne cuyaräjiye jipocare.

²Cainumua dápiaräjarevu Jesúre yópe maje jáimupe. Úrecabe majare ju are dayu Jūmenijicure aru jaubede dayu maje ju aiyede Jūmenijicure máre, majare meadarí eare dayu caiye iye Jūmenijicui mearo dacaquiyede majare. Jesúvacari üi nájiyede napini dajocabedejaquemavu, yaiyá bácvacarita jocuchjaravena. Pöecui yaiye jocuchjaravena urarö ámeno cuyojarotamu, pöeva ne dápiayede. Quénora Jesúcapüravu üi dápiayie boje iye urarö mearo torojuede cüvacuyure üi yainiburu yóbore, ámeina jámenejaquemavu üi yaiquiyede

jocuchjaravena. Que baru ye baju ámenejaquemavu üre iye cuyoje tede daiye. Aru caride dobacube, jabotecuyu, jípacu Jūmenijicu üi dobarö mearo meapüravhi. ³Que baru me árújara mija Jesúre, coreóvarajivu me aipe nájinh mácure. Pöeva ámeina teivu üre ubeni mauchavarivu “Jūmenijicui daroimumu yu”, borocurí aibi Jesús”, ne aiye báquede, ne ure nájine daiye báquede üre jáve napinejaquemavu ü. Üre áruri chiori parubetebejarä mija mije ümei. Dajocarí jarvabejarä mije ju aiyede Jūmenijicure.

⁴Pöeva ámeina teivu mijke boarí jarvabenenama cäreja, mije napiyedeca ne nájine daiyede mijke, mije ámenore dabe boje yópe ne daiyepe. ⁵¿Aru árumetenaru mija iye Jūmenijicui majicaiyede majare yópe mamarape? Yópe arí, toivaicöjenejaquemavu:

Mu, buch, me jápiarí adajacu maje jaboch Jūmenijicu majicayure mure aipe daiye jaurore. Chiori parubetebejacu mi ümei ü coreovare dayure mi ámeina teiyede. ⁶Que teni maje jaboch Jūmenijicu caivu üi umarare majicaibi. Aru caivu üi jacopuimara mamarape nájine daibi ü, arí toivaicöjenejaquemavu.

⁷Napijara mije nájiyede ijäravhí yópe juedova ne napiyepo ne nájiyede népacui majicaiyede náre. Mija nájivu baru, coreóvaivubu Jūmenijicu dayure mijke mamarape, mije daräjiyepo ayu yópe üi uröpe. Caivu majivu mamaca cübecure jípacui nájine dabemu, majicachyu üre. ⁸Aru Jūmenijicu majicayube caivu ina mamarare. Que baru mija üi nájine dabemara maru üi majicaiyede mijke, mamara baju ámevitamu mija. Quénora eaimarape paivhubu mija. ⁹Coreóvaivubu maja majebucuva ümuvare coapa, majare urivure, ne daiye cõmajiyede majare. Nácapüravu nájine daivu barejáima

maja juedovare cāreja, majicarājivu majare. Aru náre, pōevareca, jū arī puelaivu barejávū majá. Que baru pueno baju jū arī puelaive jaúvu majare ñai majepacu cavarō mearocachre, Jāmenijicu bajure, maje cūrājiyepa aivu me ñique jāravu cūmējāravu baquinóre.¹⁰ Majebucuva ñumava coapa ijāravucañcapūrvu majare ñajine dārejaima, majicarājivu majare yópe náre me jaúpe ne dāpiaru obebeñjare maje cude juedova cāreja. Ubenita majepacu Jāmenijicucapūrvu majare ñajine dāibi majicacuyu majare, cādatecuyu majare maje pueno meara baju barājiyépe ayu yópe ñi bajupe.¹¹ Jāve pōecu cübebi ñájiyu. Que baru maje ñajinumare ye torojubevubu maja. Quénora chioivubu maja ñájivu. Ubenita ñájivucañcapūrvu Jāmenijicu majide daimaramu, maje ñájije báque boje. Que baru maje ñajiniburu yóbore, cārijimenoque cūrivubu mearore dār yópe Jāmenijicu urōpe majare jaúpe.

¹² Que baru yópe cūyaivu ne parure dāiyepa ne ñamuvede aru ne ñuaboare máre, parure dājarā mija mije ñumei. ¹³ Yópe ne voiyepa cūyaima nurinimare nácacu ijinoque cūyayu ñi meadaquiyepa aivu aru nácacu cuiye majibecu ñi cūyarí majiquiyepa aivu máre, nopedeca mearore dājarā mija yópe Jāmenijicu urōpe mijare jaúpe, mije dajocabenajiyepa aivu mije jū aiyede Jesúre aru mije cādateni parure dārājiyepa aivu ne ñumei mūjacavu parubevure cāreja ne ñumei, na máre ne dajocabenajiyepa aivu ne jū aiyede Jesúre.

Me bajure maje dāru yópe Jāmenijicu urōpe ubenita ñame bajure maje dābedu yópe ñi urōpe

(Mt 3.12; 2 Ts 1.7-8)

¹⁴ Caino mije oainope cādatejarā mijevure, ne cūrājiyepa aivu

cārijimevura. Aru Caino mije oainope cādatejarā mijevure, ne cūrājiyepa aivu mearore dāivu yópe Jāmenijicu urōpe cainumua. Nópe dābecu baru, pōecu cübebi cūcuyu maje jabocu Jesucristo que. ¹⁵ Caino mije oainope me dājarā mija. Mūjacacu cūinácu ye dajocarí jaruvabéjacurí iye Jāmenijicu jíjuroede mearore bojecubeda, ñi jū abequie Jesúre, ñai Jāmenijicu darioimá máchre, ñi meadaquiyepa ayu pōevare. Mūjacacu cūinácu ye ñamedabejacurí yópe ijede ñamene oteiyepa oteiyepa me máquede. Cūinácu mūjacacu bueyá baru jāve ñamene aru que teni coateyá baru Jāmenijicre jaruvári, apevá mūjacavure máre coatede dāchuyume ñi, Jāmenijicre dajocarí jaruvayá bácu. ¹⁶ Mūjacacu cūinácu ye ñameina dabejacurí, ñum nomiόque aru nomiό máre ñamque. Aru ye Jāmenijicre ubeni yuribejacurí ñire máre. Nópe dārejaquemavu Esaú bácu. Ñi mách cūvacuyu cūináru jororu ñaiyeque jororure ñimacu bácre bojedarejaquemavu mamarumá pōeteyu ñi cūvajhro báquede, Jāmenijicu mearo dācajuroe báquede ñi máchre. ¹⁷ Mija coreóvaivubu aipe vaiye báquede ñi máchre. Ñi bojedáríbura yóbo diede, uridurejaquemavu jípacu báchi jeníacaiye báquede Jāmenijicque, ñi mearo dacaquiyepa ayu ñi máchre. Ubenita ñi mách ñi uriduiyede ye eabedeaquemavu. Pare oyu bácvacari, ye buojabedejaquemavu oatuvayu iye ñi dāye báquede.

¹⁸ Majacapūrvu nūmenamu Jāmenijicu yebai yópe ñanina Israecavu bácvu ne nuiye báquepe ñi yebai. Na mácavucañcapūrvu jári jení majidejaquemavu no cūrō, ne Jāmenijicre voránñinore, ñi coyu que báquede na mácavure “Que dārājare”, ñi aino mácarore Moisés báque. No cūrō, Sinaí ñamicuricu cūracu,

toabo uruinoque énejaquemavu. Ñemitedejaquemavu. Ocopenibо dicüre taorejaquemavu. Aru ámei ümevu parurō jasurejaquemavu dicü cūracüre. ¹⁹Na mácavu capúravu jápiarejaquemavu japuiyo, trompeta ámicuriyo, bujíé báquede aru Jümenijicui yávaino mácarõre máre. Üi yávaiyede jápiarī, cuecumavaivu jeniarejaquemavu Jümenijichu yávabequiyepo aivu na mácavure ne jidue boje. ²⁰Cuecumarejaquemavu na mácavu Jümenijichu, yópe arī, üi coyuhiye báque boje na mácavure: “Nai jári curayu bajuróchre icü cūracü turuvare, boarí jaruvajarā muja. Pöecu baru u oteiāimachu baru, cūraboaque o tāuyoque dūvarī boarí jaruvajarā muja ūre”, arejaquemavu Jümenijichu. Üi nópe coyuhiye báquede ye jápiarī napimenejaquemavu na mácavu. ²¹Caiye ánié nópe vaiye báque pare jidojae boje, Moisés bácvacari, “Jiduch bidini jáiyubevu yu”, arejaquemavu. Que baru majenecuva mácavu ye nuri eabedejaquemavu Jümenijichu yebai.

²²Übenita majacapúravu maje jeníaiyede Jümenijichu yópe nuri earī buojadavu apecü cūracü, Jümenijichu cūracü, Sión ámicuricü cūracü. No cūrō Jümenijichu apachü üi imaro, Jerusalén ámicuriñamaroi, cavarō mearoi, yópe nuri earī buojadavu maja, maje jeníaiyede Jümenijichu. Diimaro ángeleva obedimillones baju ne imaro yópe nuri earī buojadavu maja, maje jeníaiyede Jümenijichu. Ina ángeleva torojurivu cójijidama mearore jínajivu Jümenijichu. ²³Aru caivu ina Jümenijichu mára üi mamarumu pöeteivupe paivu, na máre torojurivu cójijidama, mearore jínajivu Jümenijichu. Nárecabu ina ne ámiá toivaino mácarõre cūvarivu cavarō mearo Jümenijichu curöi, jádovaquiyepo aivu ne curäjinore. Na torojurivu baju ne cójijinoi yópe nuri earī buojadavu

maja, maje jeníaiyede Jümenijichu. Jümenijichvacari, üi coyuhiye caivu pöevare árore maje curäjino coapa, cavarō mearore o toabo cüimébore, maje daiye báque boje maje cuede ijäravui, üi yebai yópe nuri earī buojadavu maja, maje jeníaiyede Jümenijichu. Ina pöeva meara mácavu Jümenijichu jáinore, ina üi jañbede daimara mácavu ne ümene, ne yebai yópe nuri earī buojadavu maja, maje jeníaiyede üque. ²⁴Aru Jesúvacari, üque Jümenijichu ayu bácu “Que édaräjare” arī, üi yóboque coyuhiye báquede, üi yebai yópe nuri earī buojadavu maja, maje jeníaiyede Jümenijichu. Jesúi jive meiye báque boje, boropatebede daibi majare Jümenijichu jáinore. Nai Abel bácu üi jive meiye báque boje jibuchu báchi boarí jaruvaiye báquede ü máchre, Jümenijichu nájine darejaquemavu ūre boarí jaruvayu báchre. Übenita Jesúi jive meiye báque boje, Jümenijichu meadayubé pöevare. Que baru Jesúi jivebu bojecue baju Abel báchi jive pheno.

²⁵Que baru me édajarā muja. Me jápiarī adajarā Jümenijichu yávaiyede mujare. Ūre jápiayubeni ju abevu tebejarā muja. Jümenijichu coyucaicójeiye báquede ijäravucacu Moisés báchre Israecavu bácvure, ina jápiabenju ju abevu bácvavu ye dupivu majibedejaquemavu Jümenijichu nájine daiyede jocarī, ne ju abe boje. Que baru jáve pheno baju dupivu majibenajivbu maja, jápiabenju ju abevu baru Jümenijichu üi coyucaicójeiye majare cavarō mearocacu Jesúre. ²⁶Dinumu mácarõre Jümenijichu coyucaicójeiye báquede Moisés báchre ina Israecavu bácvure, cújiovarejaquemavu caino joborõre. Übenita caride yópe aibi Jümenijichu: “Cüináro bediôva cojedeca caino joborõre cújiovacuyumu yu urarō baju. Aru caino cavarõre máre cújiovacuyumu yu urarō baju. Jáve dacuyumu”, aibi Jümeni-

jicu. ²⁷“Cūináro bedióva cojedeca” ūi aiye báque boje, coreóvare daibi majare caiye iye ūi cuedaiye báquede cújiovatí bíjarochuyame Jūmenijicu. Que teniburu yóboi, quédá iye ūi cújiovabeno, ūi jaboteinoque, cüquiyebu.

²⁸Cújiovaino bhojabenotamu no curō Jūmenijicui jaboteino. Majarecabu ūi epeimara, jabotenajivu ūque nore. Que baru maje cürājiye boje ūque cainumha ūi īmaro cavarō mearoi ūre memecarājarevu ūi mearore jíyeque majare bojecubeda. Aru, “Jūmenijicure ye jarare dabenajarevu ūjaque”, arī dāpiarí cuecumari, aru ūre puelaivu máre ūi parue boje, mearore jínajarevu ūre, torojure darājivu ūre. ²⁹Ubenita yópe toa bíjaroiyepe cüvede, nopedeca Jūmenijicu, maje mearore jímhu, bíjarochuyame ina ūi yávaiyede jápiaiyubeni ju abevure. Que baru iye ūi yávaiyede me jápiarí ju arājarevu maju.

Torojure darājiyepe aiye Jūmenijicure maje daiye maje ue boje

(Mt 25.35-46; Lc 15.4-5; Jn 10.1-16; Ro 12.13; Fil 4.11-13; 1 Ti 6.6-10; He 10.29; 1 P 4.9)

13 Ure nujara apevu Jesúre ju aivure dajocabevuva, yópe jauépe ū jinare. ²Cainumha torojurivu me copu etarí jacoyujarā muja ina curādaivure muje cūramia coapa. Nópe daiyede dajocabejarā muja. Apevu majeñecuva mágavu ne nópe daiyede, coreóvabevuva copu etarejaquemavu Jūmenijicui daroimara ángelevare.

³Dápiare nujara muja náre, ámeina teivure jēni jacoíñami jívní cürivure, cadatenajivu náre yópe muje újuroepe apevu ne cadateiyede mujare, jabova ne bhoimara maru. Dápiare nujara muja ina ūjivure, cadatenajivu náre máre yópe muje újuroepe apevu ne cadateiyede mujare, ūjivu baru.

⁴Caivu pöeva purubhoivu ne purubhoiyede, ne cueda yópe cūinávape, pueðajarāri ne baju. Que teni ūmava nomicurivu cübejarāri apecoque aru nomiva ūmucurivu máre cübejarāri apecaque, némarebucuvare jaruvarti. Caivu ina purubhoivu apevque curivu baru, némarebucuvare jaruvarti, Jūmenijicui ūjine daimara márajivubu na. Aru caivu ina nomicubevu nomioque curivu baru aru ūmucubevu máre ūmique curivu baru, Jūmenijicui ūjine daimara márajivubu na máre.

⁵Täuturare jecubeni, diede pare urí, vore nūmejara muja. Quénora torojurivu cüjarā muja quédá muje cüvaeque, Jūmenijicui yópe aiye báque boje: “Cainumha jíchuyumu mure jauéde. Aru cainumha dajocabesçuyumu mure”, arejaquemavu Jūmenijicu. ⁶Que baru jidubevuva yópe arájarev: Maje jabocu Jūmenijicurecabe yure cädateyu. Que baru jidubecubu yu. Pöecu cübebi ámedarāti bhojayu ji ūmene, arájarevu maju.

⁷Ärçjara muja ina muje jabova bácvure, Jūmenijicui yávaiye méne yávacaimara mágavure mujare. Dápijarā aipe ne daiye báquede yópe Jūmenijicui uröpe pu ne yaiyeta. Na mágavu Jesúre ju aivu bácvupe paivu bájarā muja. Aru ne daiye báquedeca dajarā muja. ⁸Que baru Jesucristorecabe oatuvabecu cainumha. Ú cüinátrurecabe pöevare meadayu bácu javede, aru pöevare meadayu caride, aru pöevare meadayu bacuyá cainumha máre. ⁹Jüjovainaçõejemejara apevu pöevare ne ape bueyeye, Jūmenijicui yávaiye méne jäve ámeque mujare. Iyepo paiye bueyede jápiarí ju abejarā. Métamu parure daru muje ūmei Jūmenijicui mearo dacaíyeque mujare bojecubeda. Bojecubeda Jūmenijicu cädateibi majare ūi mearo dacaíyeque. Ubenita pöeva ju aivu baru

apevu ne daicōjeiyede, “Apede ājara. Ubenita apede ye āmejara muja” arī, ye cadatebemaratumu na. Que baru maje ju ayeque iyepe paiye daicōjeiyede maje ūmei parure dārāduiye jaubevu majare.

¹⁰⁻¹¹ Maja judíova maje sacerdoteva bácvu āivu barejaquémavu jiarhare āimara ne boaimara mácavuquede, majeñecuva mácavu ne jícayebáquede, ne āmeina teiye boje jāravu coapa. Ubenita ānjāravu cūinājāravu bácarō uju coapa, ñai sacerdotevare jaboteipóecu bácu nūvaiyede āimara ñi boaimara mácavu jivede ditucubu pueno baju meatucubu bácarō jívu, jícuyu diede Jūmenijicure poevai āmeina teiye boje, ye āmenejaquemavu sacerdoteva bácvu jiarhare, ina āimara ñi boaimara mácavuquede. Que baru ye mearore īmenejaquemavu ina sacerdoteva bácvu ina āimara ne boaimara mácavure. Quédeca caivu ina poeva mearore jíyuriduivu Jūmenijicure yópe “Que dārājare” ñi aino mácarópe Moisés báchque, ye mearore īmeni, meadabemaramu na. Ubenita maja mearore jívu Jūmenijicure yópe “Que dārājare” ñi aino mácarópe Jesúque, ñi meadaimaramu maja. Jesúi yaiye báquepe jocuujaravena poeva ne āmeina teiye boje yópe ne jícayebáquepe āimara ne boaimara mácavure poeva ne āmeina teiye boje. Ubenita Jesúi yainiburu yóbore cūináro, Jūmenijicu ye ubebi caiye ape jícayede. Aru ñai sacerdotevare jaboteipóecu bácu juaru jaruvaicōjenejaquemavu ina āimara ñi boaimara mácavure ne īmaro jedevai, poeva ne ube boje na, āimara mácavure. ¹² Quédeca Jesús máre ñajini yaidéjaquemavu īmaro jedevai, poeva ne ube boje ēre. Yópe joaiyepe docuuede ocoque, nopedeca Cristo joaiyepe daibi poevare maje āmeina teiyede jaruvaru, ñi jive meiye báque boje, maje curājiyepe ayu yópe

Jūmenijicu ursópe. ¹³ Que baru yópe Jesúi yaiye báquepe poeva ne cuyojeda daimu mácu ñi yaiye báque boje īmaro jedevai, nopedeca maja máre dajocarājarevu maje mearore jíyede Jūmenijicure yópe “Que dārājare” ñi aino mácarópe Moisés báchque, judíovai mearore jíyepo. Aru poevare cuyoje teicōjenajarevu majare máre yópe ne daiyepo Jesúre. Maje dajocaiye judíovai bueiyede, yópebu Jesúi etaiye báque judíovai īmaro ursore jocarī, yaicáyu.

¹⁴ Ye īmaro cibevu majare ijāravu, īmaro cainumua curājimaro. Quénora vore nūivubu, earājivu apeno īmarore, maje curājinore. ¹⁵ Que baru cainumua mearore jínajarevu Jūmenijicure. Maje mearore jíyedecabu ëre maje jícayebu ëre. Aru Jūmenijicure mearore jíni buojaivubu maja, Jesúi yaiye báque boje ñi jaruvaquiyepo aivu maje āmeina teiyede aru ñi jeníacaiye boje Jūmenijicu que majare boje cainumua. Maje torojuede jíyebu, yópe arī, “Ñujepasu, Jūmenijicu, meacu bajubu mi daroibe báque boje Jesúre, ñi meadaquiyepo ayu ñujare”, maje jícayebu ëre. ¹⁶ Aru maje mearore daiyebu maje jícayebu máre Jūmenijicure. Que baru maje cadateiyebu apevare maje jíyede náre maje cuyaquede, ne cuyarājijepo aivu náre jaude, maje jícayebu ëre. Caiye dieque ëre me torojure dāivubu maja. Que baru ārūmetebajarā muja mearore daiyede aru poevare cadateiyede máre.

¹⁷ Me jápiajarā muja, Jesúre ju aipóeva, muja coreipóevare. Náre puedarī, ne coyuyede ju arī, dajará yópe ne daicōjeiyepo. Cainumua muja coreipóevare Jūmenijicure aipe ne daiyede iye ñi náre coreicōjeiyede muja. Muja ne coyuyede ju arī, diepe muje dāru, torojurivu coyurājarama

Jūmenijicure mūje jū aiyede. Ubenita mūja ne coyhiyede jū abeni, diepe mūje dabedu, chīoivu coyurājarama Jūmenijicure mūje jū abede. Aru chīoivu coyuru, ye meamejebu mūjare. Jūmenijicu ñajine dajebu mūjare, mūje jū abe boje nāre.

¹⁸ Cainumua daiyurivubu ñūja caiyede yópe mearope Jūmenijicu jāinore ūi cadateyeque. Que baru, “Boropatebevū yū”, arī dāpiarī buojaivubu ñūja. Que baru jēniacare nūjara mūja Jūmenijicuque ñūjare boje, ūi cadatede nūquiyepo aīvu ñūjare. ¹⁹ Paredeca jēniaivu yū mūjare, mūje jēniacarājiyepo ayu Jūmenijicuque ūi copaini nūcōjequiyepo ayu yure, cūchupujivari mūje yebai pñeno maumejiena.

²⁰ Jūmenijicurecabe cārijimenoque cure daiye majicu pñevare. Úrecabe nacovañu mácu maje jabocu Jesúre yaivu bácacu ne cürōre jocarī. Maje jabocu Jesús caivu maja ūre jū aivure jári coreyube me baju aperu mūjare coreivu pñeno. Yópe ovejavare coreipñecu jári coreiyepo, nopedeca maje jabocu Jesús jári coreyube mūjare. Ūi jive meiye báque boje ūi yaiye báquede, Jūmenijicu “Que dārājare” arī, ūi yóboque coyhiyebáque pñevare jāve jaubedejaquemavu.

²¹ Mūjare mearare dārī jaubede dājacurī majepacu Jūmenijicu, nai cārijimene dayu, mūje daiye majinajiyepo ayu caiyede mearo bajure yópe ūi urōpe. Aru majepacu Jūmenijicu Jesucristore mearare dare dājacurī mūjare, maje torojure dārājiyepo ayu ūre. Que baru mearore jínajarevū Cristore cainumua, jádovarajivu ūre meacu bajure. Quédecabu.

Meaicōjeino

²² Mūja, jívu, Jesúre jū aivu, paredeca jēniaivu mūjare, mūje napinajiyepo ayu iye ji toivaiye báquede aipe daiye jaúrōre mūjare. Urarō ji toivacajuroede yū toivabecuvacari, toivacaivu mūjare parure dāscuyu mūje ūmei, cadatechuyu mūjare. ²³ Majecu Timoteoi borore jaroivu mūjare. Nai jabova ne buoimu mácu, ne jodeimume caride. Maumejiena ji yebai ūi earu, cūinatūru nūrajaramu ñūja mūje yebai. ²⁴ Meajarari caivu mūjevu, Jesúre jū aivure coreipñeva, aru caivu aperu Jūmenijicu pñeva máre. Italia ámicurijoborōcavu ñūjaque cürivu meaicōjedama mūjare. ²⁵ Aru Jūmenijicu mearo dācjacurī caivu mūjare bojecubeda ūi me boje. Quédecabu. Quénoram.

Santiago

Mamabuínore coyuhiyebu Santiago bácu ūi toivacaiye báquede paperay-ocare doce paiyajuboacavu Israecavu Jesúre ju aipōevare, ne joborōare jocarī dajocaivu bácvure, curājivure apenoa joborōai. Santiago bácu judíovacach barejaquémavu. Jesucristoi yócu barejaquémavu. Majidivu ne dápiaiyepo, toivacarejaquemavu diyocare āniūja báquede 40-60 d.C. Aru apevu ne dápiaiyepo Santiago bácu toivacarejaquemavu diyocare caiyoca apeyoca Majepacu Jūmenijicu yávaiye mamaene coyuhtucubo jívhi curiyoca jipocai āniūja báquede 40-50 d.C.

Diyocaque napicōjenejaquemavu ina judíova Jesúre ju aipōevare ne nájiyede (1:2-4, 12-18). Aru coyuhejaquemavu Jesúre ju aipōevare aipe daiye jaūrōre (1:5-11, 19-27, 2:14-26, 3:13-18, 5:7-20) aru aipe daiye jaūbenore (2:1-13, 3:1-12, 4:1-17, 5:1-6).

**Santiago ūi meaicōjeino
Jesúre ju aipōevare**
(Mt 13.55; Mr 6.3; Hch
15.13; Gá 1.19; 1 P 1.1)

1 Yū, Santiago, toivacavu mūjare. Majepacu Jūmenijicure aru maje jabocu Jesucristore máre memecayabu yū. Meaicōjeinvu mūjare, jívure, doce paiyajuboacavu Israecavure, mūje joborōare jocarī dajocaivu bácvure, curājivure apenoa joborōai.

Pōevare Jūmenijicu majiéde ūi jíno
(Mt 7.7-11; Jn 16.23-24; Stg
3.13-17; 1 P 1.24-25)

² Mūja, jívhu, torojujarā mūja mūje ūmei mūje nájiyede apejēe āmeque. ³ Que baru coreóvaiybubu mūja nájivu baru dajocabevuva mūje ju aiyede Jesucristore, pheeno baju napinajivure mūje

nájiyede. Que teni jári corevaivubu mūja mūje ju aiyede. ⁴ Me napijara mūje nájiyede, curājivu meara matuiye yópe Jūmenijicu urōpe aru ye jaūbequiyepo aivu mūjare Jūmenijicu jainore.

⁵ Apecu majacacu majibecu baru aipe daiye jaūrōre ūre, jēnijacurī Jūmenijicu que ūi cadatequiyepo ayu ūre. Aru Jūmenijicu majide dacuyume ūre aipe daiye jaūrōre. Que baru cadateiyubi pōevare jecubecuva aru jarabecuva náre, ne jēniaiyepo boje ūre. ⁶ Ubenita ūai jēniañure, “Jāve yure cadatecuyume Jūmenijicu. Dacachuyume ji jēniainore ūque”, arī dápiaiyepo jaūvu, ūi ju aiye boje Jūmenijicure, “Jūmenijicu cadatequijichabi yure”, abecuva. Yópe pācaibo náraiyepe ūmevque, nopedeca ūai pōecube arī dápiaiyu apenumua “Majivu yu Jūmenijicu cadatecuyure yure”, aru apenumua “Majibevu yu Jūmenijicu ūi cadatedu yure”, arī dápiaiyu. Ū nōpe dápiaiyu cūináro ūi dápiaino, Jūmenijicu ūre majide dacuyure, ye dápiaabebi ū. Que baru pācaiboapebu ūi dápiaiyepo. ⁷ Ņai pōecu nōpe dápiaiyu ūi jēniaiyede Jūmenijicu que, maje jabocu Jūmenijicu dacabecube ūre yópe ūi jēniainope. ⁸ Ņai pōecu nōpe dápiaiyu p̄ucaūmea cūbi. Que baru coreóvaino āmevu aipe daiye jaūrōre ūre cainumua.

⁹ Jesúre ju ayu cūve cūvabecu, apevu ne coyuhimu, “cōmaje ārojacu aru bojecubecu”, bojecubbi Jūmenijicu jainore. Que baru torojujacurī ū ūi ūmei. ¹⁰ Ubenita Jesúre ju aipōecu cūve cūvacu torojujacurī ū ūi ūmei coreóvayu ūi cūve bojecubede Jūmenijicu jainore. Ūi baju cūiquíyebu yópe cōvua cūiyepo. ¹¹ Aviá ūi cōari, bórī, popovaibi cōriáre. Que teni cōvua poporī, turī yaiyebu. Nopedeca ūai cūve cūvacu býjachuyume, ūi vorī earíduiyepedeca p̄heeno baju cūvede. Que baru yópe cōvua býjaiyepo cōriáre, nopedeca ūi cūve býjaquiyebu cūve cūvacure.

Maje ñájiye aru ãmeno daiyue

(1 P 1.23)

¹²Torojubi ñi ûmei ñai pöecu napiñu caiye iye ñi ñájiyede. Ñi ñájiniburu yóboi dajocabecuva ñi ju aiyede Jesucristore, Jümenijicu bojedachuyume ñre me. Cuvare dacchuyume ñre järavu cüiméjärvu baquinóre. Que dacchuyume yópe “Dacachuyumu yu mhäjare”, ñi aiyé báquepedeca ina urivure ñre. ¹³Ácu pöecu ãmeno daiyede dápiayu bácu, yópe aridurí, “Jümenijicu jüjovaibi yure”, abejacurí. Jümenijicu jüjovaimu ãmemi, dacchuyu ãmenore. Aru Jümenijicu ye jüjovabebi pöecure, ñi daquiyepa ayu ãmenore. ¹⁴Quénora ácu pöecu jüjovaimu dacchuyu ãmenore, ñi baju jüjovaibi. Ñi baju ãmeina daiyuede dainomu ñre yópe moacu ñi jáiyepa cü piaváinore, aru no yóboi nore ñi vorí nñiyepa, pöecu ñi jajovarí boaqúyepa aiyé ñre. ¹⁵Aru yópe juedoeáríburu yóboi jüedocure pöeteiye jauepe, aru ñi buçuríburu yóboi ñre yaiye jauepe, nopedeca pöecu ñi dápiaríburu yóboi ãmenore ãmeina teibi, aru ãmeina teniburu yóboi coatecchuyume ñi baju Jümenijicure jarvarí.

¹⁶Müja, jívu, ji umara, jápiajarã. Müje bajumia apecure jüjovacíjemejara. Dápiabejarã ubenina Jümenijicu dayure müje ãmeno daiyude. ¹⁷Quénora me matuyede dayube Jümenijicu. Caiye méne aru jaubede máre maje cuvaede jacopuivbu majá cavarõ mearo Jümenijicui curõre jocarí, majepacu Jümenijicui jíyede majare. Jümenijicu cuedarejaquemavu ina cavarõcavu miadáre daivure. Aru nácapúravu oatuvavivu bhojadama aru bótainore dadama. Übenita Jümenijicucapúravu ye oatuvabebi ñi. Cainumua cüináturu chbi. Aru ñi yávaiyede máre oatuvabebi cainumua. ¹⁸Jümenijicurecabe cure dayu majare apné mamaeva yópe ñi

urópe ñi yávaiye jáveque. Que teni yópe jéidua mama jüaidua pueno mearuape, nopedeca maja máre Jümenijicu pöeva mama curivubu aru mearamu máre caivu ñi cuedaimara pueno.

Ju aiyé Jümenijicure jáve

¹⁹Müja, jívu, ji umara, coreóvajará iyede: Caivu pöeva yaue jápiajarari me. Übenita duibareca yávarí bújarari me dápiarí adaivu ne yávaiyede. Aru duibareca jarajarari. ²⁰Pöecu jarayu baru, mearore dayu bhojabebi yópe Jümenijicu urópe. ²¹Que baru dajocajará caiye ãmeina teiyede mhäjare jarvarí. Aru dabejarã ãmenore. Meara pöevape ju ajarã iye yávaiyede jávene, iye coiye báquede müje ûmei yópe oteiye coiyepa joborõi. Iye yávaiye parue boje, meadaimara marajáramu müja.

²²Übenita jüjovabejarã müje baju. Ina jápiiaivu iye yávaiyede jávene quëda, dabeviva yópe iye ne bueiye báquepe, jüjovadama ne baju. Que baru dajará müja yópe müje bueiye báquepe iye yávaiyede jávene. ²³Nai jápiayu diede quëda, dabecuva yópe ñi bueiye báquepe, ñrecabe ñai pöecu jánupé páyu ñi jivare jivarque. ²⁴Aru ñi járiburu yóboi, cüiná copedini nüri jivarore jocarí árûmetecchuyume ñi jáino mácarore. Nopedeca cüinácu jánupé dabecuva aru apecu jápiayube dabecuva. Ne dabe boje, árûmetedama cüinácu ñi jáino mácarore aru apecu ñi jápiaino mácarore. Que teni cüinácu ñi jáino mácaro aru apecu ñi jápiaino mácaro bojecchbevu näre. ²⁵Übenita ñai me dápiarí budee nñuñu Jümenijicui daicójeiyede aru árûmetebecu ñi jápiaino mácarore diede, quénora dayu yópe ñi bueiye báquepe, ñrecabe torojicu bacchuyu ñi ûmei ñi ju aiyequediede. Aru Jümenijicui daicójeiyé métamu aru jaubebu. Que baru ñai pöecu ñi daiyue boje diede cõjeimupé ãmemi.

²⁶ Ácu pōecu dápiayu baru ūi baju jū ayu Jūmenijic̄re me, ubenita āmeina yávaicōjeñu maru ūi baju, ūrecabe jūjovayu ūi baju. Ūrecabe ubenina jū arīduyu Jūmenijic̄re. ²⁷ Ubenita ñai jū ayu Jūmenijic̄re jāve, aru meacu, aru āmeina tebecu majepacu Jūmenijic̄u ūi jāinore, ūrecabe cadateyu ina tēumarare aru ina nomiōpevare máre. Aru ūvacari dabebi āmenore yópe ijāravacavu Jūmenijic̄re jū abevu ne daiyepo.

Jāmejara apevu pōevare me apevu pueno

(Mt 5.21, 27; 19.19)

2 Mūja, jívus, maje jabocu meacu baju Jesucristore jū aivu, jāmejara apevu pōevare me apevu pueno. ²⁻³ Ecosystem baru mūje cójijiñami cūinácu ūmu cūve cūvacu, āmuyo adaitarabhu úruque aru meacaje cuitótecajede máre doyu, aru ecoyu baru mūje cójijiñami apecu ūmu máre, cūve cūvabecu, cōmajae ārojacu, aru meamecajue javecacaje cuitótecajede doyu, ne ecoiyede, mūja me jāri ñai cūve cūvacure aivu baru ūre, “Dobajacu mū yo dobarō mearo”, ubenita āme jāri ñai cūve cūvabecure aivu baru ūre, “Nújacu mū nore o dobajacu joboroi ji cūboba yebai”, mūje nōpe ðaru, meamejebu no. ⁴ Que daivu baru, mujavacari pūcaūmea cūvu. Apevure jāivu baru me baju apevu pueno, beovivu apevu bojecurivure mūje jāru aru jarhavivu apevu bojecubevure mūje jāru. Que dāpiaru, āmenotamu.

⁵ Mūja, jívus, ji uthara, jāpiajarā. Javede Jūmenijic̄u beorejaquemavu ina ijāravacavu cōmajae ārojarivu cūve cūvabevure, ne jū arājiyepo ayu ūre cūve cūvarivu pе bárājivu ne Jūmenijic̄u jaboteinocavu bae boje yópe ūi aiye báquepedeca. Jūmenijic̄u “Mearo dacachuyu mu yu mūjare”, arejaquemavu ina urivure ūre jāve. ⁶ Ubenita mūjacapūravu cuyojo

daivubu ina cūve cūvabevure. Ina cūve cūvarivurecabu ñájine daivu mūjare. Nárecabu jabuboivu mūjare jabova ne āmeina teivure jēniari jāiñami. ⁷ Mūjavacari “Jesucristo jinamu maja”, aivubu, mūje jū aiye báque boje ūre. Ubenita nárecabu āmeina yávaivu Jesucristore, mūje puedaimure.

⁸ Jūmenijic̄u toivaicōjenejaquemavu ūi yávaiyede ūi daicōjeino mácarō pueno parurō cōjeinore, yópe arī: “Ujacu mícure yópe mi uepe mi baju”, arī toivaicōjenejaquemavu. Mūja daivu baru jāve yópe yo cōjeinope, mearo daivubu mūja. ⁹ Ubenita mūja jāivu baru apevu pōevare me apevu pueno, ye jecubevu caivure cūináthura. Que teni āmeno daivubu mūja, mūje jū abe boje Jūmenijic̄u daicōjeiye báquede aru mūje vainí tuiye boje diede. ¹⁰ Pōecu jū arī dāiyuriduyu baru Jūmenijic̄u daicōjeiye matuviyede, ubenita queno cūinájino cōjeinore dabecu baru, boropateibi ū Jūmenijic̄u jāinore ūi jū abeni, vainí tūjurope caiye diede.

¹¹ Jūmenijic̄vacari “Cūbejarā apevūque mūjemarebūcūvare jarūvari”, arejaquemavu. Aru ū máre “Boarí jarūvabejarā pōevare”, arejaquemavu. Que baru mūja cūbevu baru apevūque mūjemarebūcūvare jarūvari, ubenita boarí jarūvavivu baru pōevare, mūjarecabu jū abeni, vainí tuiyu Jūmenijic̄u daicōjeiyede.

¹² Mūja coreóvainubu Jūmenijic̄u jāri coyachuyure méne o āmene mūje daiyede. Jācuyume aipe ārojaene diede, yópe ūi daicōjeiye me, aru ye jaube, aru bhoimaranre dabepe máre. Que baru me yávajará aru me dājarā máre yópe Jūmenijic̄u uthope. ¹³ Jūmenijic̄u cōmajae āroje jāmecu ñájine dacchuyume ñai pōecu cōmajae āroje jāmecure ū jicure. Ubenita jidhē jaubequiyebu ina cōmajae āroje jāivure apevure

Jāmenijicu ñájiovaquijāravu baquinói pōevare, ne āmeina teiye boje.

Pōeva ne daiye me bojecurō ne yávaiye pñeno

(Ro 4.3)

¹⁴Muja, jívu, jápiajarā. Nai pōecu coyuchu “Ju aivu yu Jesucristore”, ubenita mearore dabecuvacari, ubenina coyuridubí ñi ju ayure. Ye baju āmevu no ju aino jāve āmeno. Pōecu ñi ju aino nópe painoque meadaimu macuyu bhojabebi. ¹⁵⁻¹⁶Cūinácu mūjacacu o cūináco mūjacaco cūvabedu cuitótecajede aru ãiyede máre, aru náre “Me nūjara muja. Cūmajara mūje me aru me javatejarā máre” mūje aru, ubenita mūjavacari ye jíbedu náre ne doiyeva aru ne ãiyeva máre, meamejebu no. Ye baju āmevu mūje que daiye. ¹⁷Quédecabu ñai pōecu ayu “Ju aivu yu Jesucristore”, ubenita mearore dabecuva. Nai ju ayu jāve āmemi.

¹⁸Aru apecu ñi aru: “Mu ju ayubu Jesucristore aru yu mearore dāyubu”, yópe arí, coyuchebu yu: “Jādovajacsu yure mi ju aiyede Jesucristore mearore daiye cūvabecuva. Aru yácapúravu jādovaquijivu mure ji ju aiyede ñre ji mearore daiyeque”. Que ajebu yu. ¹⁹Mu coreóvayubu Jāmenijicu cūinácura cūchre. Mearotamu no mi coreóvaino. Abujuva máre coreóvadama Jāmenijicu cūinácura cūchre. Aru ñre jidurivu bidiyama na. Ubenita ne coreóvaiyede ñre cadatebevu náre.

²⁰Mu, árumecu, jādovaquijivu mure pōecu ñi ju aiyede mearore dabecuva ju aiye jāve āmene aru cadatebede ñre. ²¹Jāmenijicu jārejaquemavu majenecu mácure, Abraham mácure, boropatebecupe, ñi bhoiye báquede mamachre, Isaac bácre, ñi boarí, juarí jícaquiyepu ayu ñre Jāmenijicure, yópe Jāmenijicu daicōjeino mácarōpedeca ñre. ²²Que teni coreóvayubu mu Abraham máchi

jādovaiye báquede ñi ju aiye báque Jāmenijicure jāvene ñi daiye báqueque. Aru ñi daiye báqueque jādovarejaquemavu ñi ju aiye báque ye jaubede. ²³Que teni vaidéjaquemavu yópe Jāmenijicu aiye báquepedeca. Abraham máchrā Jāmenijicu toivaicōjenejaquemavu ñi yávaiyede, yópe arí: “Abraham ju arejaquemavu Jāmenijicu ‘Yópe dāchuyumu’, ñi aiye báquede ñre. Que baru Jāmenijicu coyurejaquemavu ñre, ‘Boropatebecubu mu ji jāinore”, arí toivaicōjenejaquemavu. Aru Abraham mácu, “Jāmenijicu yóvaimume”, ne aimu marejaquéma.

²⁴Que baru coreóvainubu muja Jāmenijicu coyuchure, “Boropatebevu muja ji jāinore”, ina pōeva mearore dāivure. Ubenita pōecu quénora coyuchu baru “Ju aivu yu Jāmenijicure”, jaevu ñre Jāmenijicu jāinova. ²⁵Quédecabe ico nomiό máco, òi baju bojedado ñumvare āmenore dado báco náque, òi āmiá Rabah. Jāmenijicu jārejaquemavu õ mácore boropatebecope òi daiye báqueque. Õ máco copu etarejaquemavu ina Josué báci jaroimara mácavure. Aru cadatedejaquemavu na mácavure máre, ne dupini nūrajiyepe aeo òi jādovaiye báquede na mácavure apema, ne dupini nūima mácarore. ²⁶Que baru yópe pōecu ñume cùbecu, yaiyú báçupe, no pedeca ñai pōecu mearo dabecu ju ayu Jāmenijicure jāve āmemi. Cadatebebi ñi. Aru ñi ju aiye bojecubevu.

Maje jemedo yávaino

3 Muja, jívu, jápiajarā. Maja, bueipóeva, bueivu apevure Jāmenijicu yávaiyede ñi toivaicōjeiye báquede maje buedu jāve āmene, Jāmenijicu ñájine dāchuyume majare apevü pñeno baju. Que baru obedivu mūjacavure bueiye jaubevu apevure. ²Caivu maja vainí turí āmeno dāivubu obedinumua. Pōecu cùcu baru vainí turí

āmeno īabecu cainūmu ūi yávaiyeque, ūai pōecu meacu baju bájebu. Ūi baju me matuiyeda īaicōjejebu. ³ Quíjiyo cōjeiyo tāuyore epeivubu maja caballore ūi jijecamui, nūicōjenajivu ūre cōjeimeaque āri maje nūiyurōi. Que teni ju are daivubu ūre aru ūi baju me matuiyeda īaicōjeivabu maja. ⁴ Quédecabu jiadocu ӯracūque. Ӯracū bajubu. Aru ūmevu parurō copu japuivu. Ӯbenita jipocateipōecu nūicōjeimi dicūre quíjive japhuaiveque āri ūi nūiyurōi. ⁵ Quédecabu maje jemedo que. Quíjinomu maje jemedo. Ӯbenita maje quíjive yávaiyeque ӯrarō daivubu maja. Nopedeca quíjino toaque macarō ӯrarō ēiyavu. ⁶ Aru maje jemedo toapebu. Yópe toa ēiyepē caino macarōre, nopedeca maje jemedo āmedaivu maje baju matuiyede. Aru ūai abujuvai jabocuvacari iye āmeina daiyē dare dayube. Maje yávaiyeque āmeina daivubu aru nājine daivubu máre yópe abujuvai curō, toabo cūimébo, āmeina daiyepē aru nājine daiyepē máre.

⁷ Maja, pōeva, īaicōjeni bhojaivubu caiyajuboa āimayajuboacavure: macarōcavu jijecurivure, aru mījinare, papeivure, aru jiacavure máre. ⁸ Ӯbenita pōecu cūbebi īaicōjeni bhojayu ūi jemedore. Āmeina yávaiyeche dajocarī majibevu maja. Yópe āda jīmaque ūi ijetede daiyepē ūi cūiyede, nopedeca maja máre ijié daivubu maje yávaiyeque. ⁹ Maje jemedo que mearore jīvubu mepacu Jūmenijicure. Aru no jemedomi-areca āmeina yávavubu maja pōevare, ina Jūmenijicu chedaimara mācavure ūpe paivure. ¹⁰ Cūinācamu jijecamuque yávavubu méne aru āmene máre. Muja, jīvu, que īaru meamevu. ¹¹ Macajia cūbevu oco me aru oco jīme máre pīapori cūinātūra. ¹² Aru muja, jīvu, higueracure olivorua jēye bhojabevu. Aru ūyaimure máre higuerarua jēye bhojabevu. Quédecabu oco yuquiraque aru

oco me etarī bhojabevu cūināro oco pīapónore jocarī.

Majié jāve

(Stg 1.5)

¹³ Mūjacacu apecu cūcu baru majich aru jāpiari eayu, jādovajacurī ūi majiēde aru ūi jāpiari eaiyede ūi mearo daiyepē, “¿Meach bárica yu apevu pueno?” arī dāpiabecuva.

¹⁴ Ӯbenita mūjacacu apecu cūcu baru āmei jorojīnū ūi ūmei aru cadateiyuchu ūi baju apevu pueno, “Me majivu yu”, borocueque arī dāpiabejacurī. Ӯpe pāyube ӯbenina ayu, jāvene majibecu. ¹⁵ Ūi majié jāve āmevu. Jūmenijicu jīye āmevu. Quénora iye majié ijāravuquebu. Aru pōeva ne ӯrōpe yópe āimara dāpiabevupebu. Aru abujuvai dāpiaiyequebu máre. ¹⁶ Pōeva jorojīnū baru aru cadateiyurivu baru ne baju apevu pueno, cārijovadama ne bajumia aru dādama caino āmenore máre. ¹⁷ Ӯbenita Jūmenijicu majide dayube pōevare majié jāveque. Mamarūmure ina pōeva majidivu me Jūmenijicu jiede caino mearo daivubu. Aru cārijimene daivubu. Cadateivubu apevure. Jijecubevuva curivubu apevque. Cōmajé āroje jāivubu apevure. Puedaivubu apevure. Jāivubu caivure cūinātūra, jāmevuva apevure me apevu pueno. Pūcaūmea cūbevu. Aru mearore daivubu. Québu ina pōeva majidivu Jūmenijicu majiéque. ¹⁸ Na cārijimene daivubu caivu apevque, curājivu daivu me.

Maje yóvaiye ijāravuque jābevu majare

(Mt 6.24; 23.12; Lc 16.13; 1 P 5.5-6)

4 ¿Aipe teni boaivuba muja muje baju? Aru, ¿aipe teni ādamateivuba muja muje baju? Muje āmeina daiyue yópe maucuvaepetu muje dāpiaiyeque. ² Muja ӯrivu baru apejīene aru eabevu

baru diede, boarí jaruvaiyurivabu pōevare, cūvaridurājivu diede. Aru mūja āujivu baru apejíene aru cūvarivu bñojabevu baru diede, maucūvarī boaivabu, cūvaridurājivu diede. Mūja cūvabevutamu, mūje jēniame boje Jūmenijicque. ³Mūje jēniariduiyede Jūmenijicque, jēniariduivabu yópe jaubenope mūjare mūje dápiaiye āmeque. Quéda jēniariduivabu Jūmenijicque, cojauquiyepo aivu mūje āmeina dñayuñede. Que baru mūja jacopubenamu mūje jēniariduiye báquede. ⁴Āmena bajutamu mūja. Jūmenijicre jaruvvarī dajocaiyurivabu mūja yópe nomió āmecoi dajocaiyepo jímarepacre jaruvvarī. Ina yóvaiavu ijāravuñcavure ne āmeina teiyeque yópe ne baju uröpe maucūvarivabu Jūmenijicre. ¿Coreóvabenaru mūja diede? Jäve mūja me coreóvainavu diede. Que baru ách pōescu yóvaiavu ijāravuñcavure ne āmeina teiyeque yópe ne baju uröpe, ñrecabe maucūvacu Jūmenijicre.

⁵¿Dápiaivurā mūja Jūmenijicu toivaicōjeiye báquede ñi yávaiyede ñbenina? ¡Que āmevu! Yópe arí, toivaicōjenejaquemavu ñi: “Jūmenijicu cuedabedeaquemavu pōeva jorojinajivure. Maje ümene Jūmenijicu epeiyе báquede majare, maucūvare ñabevu apevure”, arí toivaicōjenejaquemavu. ⁶Aru Jūmenijicu pñeno baju cadateibi majare ñi me boje. Que baru yópe arí, Jūmenijicu toivaicōjenejaquemavu ñi yávaiyede: “Jūmenijicu maucūvaibi ina ‘¿Meara márica apevhu pñeno?’ aivure. Ñbenita ñi me boje cadateibi ina ‘Apevu cächinotamu maja’, aivure”, arí toivaicōjenejaquemavu.

⁷Ju ajarā mūja Jūmenijicre, mūje ñarajiyepo aivu yópe ñi uröpe. Maucūvajarā ñai abujuvai jabocre, mūje ñabenajiyepo aivu yópe ñi uröpe. Aru que ñaru, ñi dupini nñcuyume mū-

jare jocarí. ⁸Pñeno baju coreóvaiyuñjarā Jūmenijicre. Aru que ñaru, Jūmenijicu mūjare coreóvare ñacuyume ñire. Mūja, āmeina teivu, dajocajarā mūje āmeina teiyede. Mūja, pñcañmea curivu, oñtuvajarā mūje dápiaiye, mūje ñede cñinárora Jūmenijicre aru ijäravuñquede máre. ⁹Mūje que dápiaiye boje, ñajijara, ojarā, aru chñojara mūja. Yurivu baru, dajocajarā mūje yñriyede aru ojarā. Aru torojurivu baru, dajocajarā mūje torojuñede aru chñojara. ¹⁰Que baru, “Apevu cächinotamu yuñ”, ajarañ mūja Jūmenijicre, ñi cadatequiyepo aivu mūjare ñi parñéque. Que teni Jūmenijicu mearore jíçuyume mūjare.

Coyuñye jaubevu majare apevure ne ñaiyede

¹¹Mūja, jívhu, yávabejarā āmenore caivu ne jápiaiye ñe apevhu borore. Ñai coyuyu ñamenore ñi jicuñ borore aru “Āmeina teivu mu” ayu ñire, ñrecabe yávayu ñamenore Jūmenijicu ñaicōjeiye. Ñai que ayu, “Āmetamu Jūmenijicu ñaicōjeiye”, ayube. Mūja yávaiavu baru ñamenore Jūmenijicu ñaicōjeiye, mūja ju abevu diede. Quénora mūja ñaivabu yópe mūje baju uröpe. ¹²Ñbenita Jūmenijicu cñináçrabé ñaicōjeñu majare. Aru Jūmenijicu cñináçrabé coyuyu maje ñaiye méne o āmene máre. Que baru ñrecabe cñináçura meadayañ bñojaiibi pñevare, ne ñájimenajiyepo ayu ne āmeina teiye boje. Aru ñrecabe cñináçura jaruvayu bñojaiibi pñevare, ne ñájinajiyepo ayu ne āmeina teiye boje. Ñbenita mūjacapúravu ye ñamenore coyurí bñojavevu apevhu borore.

Pñeva aipe vaiquíyede javenare ne majibeno

¹³Caride me jápiajarā mūja yópe arí dápiaivu: “Caride o javenare nñrajarevu maja apeno ñmaroi. Mautenajarevu nore cñinájuñ memeni, bojedarí, earajivu ure

tāutūrare aru cūvede máre”, aivubu.
¹⁴Mujia ye coreóvabevu aipe vaiquíyede
 javenare. Coreóvabevu aipiyede mujie
 yainájjäravu baquinóre. Mujie apurō
 yópe painomu abobicope. Yópe abo-
 bico járori, maumena bíjaiyepo, nopede-
 cabu maje apurō máre maumena cūino.

¹⁵Que baru yópe arī dápiaiye jaunvu mu-
 jare: “Jūmenijicui uthu, cūri, memeni,
 ðarājarevu apejíene”. Que aiye jaunvu.

¹⁶Úbenita mujacapūravu boroteivubu
 mujie baju majiéque, Jūmenijicui ma-
 jiéde jaruhvarí. Úbenina “Jūmenijicu
 jaubebi majare”, arī dápiaiðuivubu
 mujia. Que ðaru ãmenomu. ¹⁷Nai coreó-
 vayu ðayu méne, ðabecu baru méne
 yópe üi coreóvaiyepo, ãmeina ðayubé üi,
 üi ðabe boje yo mearore ðayu majicupe.

Majicaino cūve cūvarivure

(Mt 6.19)

5 Caride jápiajarā mujia, cūve cū-
 varivu. Codoboborí ojarā mujia mujie
 ñájinajinore. ²Mujie cūve pojeiyebu. Aru
 mujie doiye bocomiva ne ãiyebu. ³Aru
 mujie tāutūratūrava, úru aru plata máre,
 cūra etaiyebu. Iye cūra etaiye jáðovaivu
 mujie cadatebe báquede ina cõmaje ãro-
 jarivure mujie cūveque. Que baru mujia
 ñájinajivubu yópe põescui ñájiyepo toa
 éiyede üi bajure. Mujia jéivubu mujeva
 utharō cūvede ijäravu, buojaijäravhare,
 Jūmenijicui ñájiovaquijäravu baquinó
 jipocai põevare, ne ãmeina teiye boje.
⁴Járijide apa. Ina memecaivu mujare
 mujie jioai chioivu codoboboivubu, mujie
 jibe boje iye bojedaiye jauede náre,
 ne memecaiye báque boje. Ina mujie
 júgovaimara, mujie bojedabemara, ne
 boro coyurí adaiyede jápiabi üi Jū-
 menijicui, caivu ijäravucavu ne jaboci.

⁵Ijäravhi torojuñri cūrivubu mujia
 ure cūveque. Ùrabuchvabu mujie ãiye
 boje méne. Que baru yópe oteiäimacu
 coreóvabecupe põevai jíyede üre utharō
 ainore, ðarājivu jiacchure ne boarájiye

jipocai üre, nopedeca mujie ñájinaj-
 järavu baquinó edaquiyebu mujare,
 corebevare. ⁶Mujacapūravu ãmenore
 coyurí ñájicójeivubu aru boarijaro
 vaivubu máre ina cõmaje ãrojarivu
 mearare. Úbenita nácapūravu maucuv-
 abema mujare.

Põeva ne napiyeque ne jéniajino Jūmenijicuque

(Mt 5.34-37; Mr 6.13; Lc 10.34)

⁷Mujia, jívu, caride napini corejarā
 mujia maje jaboci Jesucristoi
 copaidaquiye. Dápiajarā ünai
 oteyure. Napini coreibi ícuyu iye
 jéiye bojecu. Napini coreibi mama
 ocaínore aru ocaíno yóbocarõre máre.
 Aru no yóboi, jéiyede ünai buojaibi.
⁸Quédeca mujia máre napini corejarā.
 Parure ðajarā mujie ümene. Caijäravu
 vainiburu yóboi, Cristoi copaidaquiño
 pheeno joabenotamu.

⁹Mujia, jívu, boro coyurí adabejarā
 mujevure mujie ñájiye boje. Que ðaru,
 mujavacari ñájine ðaimara márajivubu.
 Jūmenijicu recabe ñájine ðayu põevare
 ne ãmeina teiye boje. Aru üi náre
 ñájine ðaquino joabenotamu. ¹⁰Mujia,
 jívu, dápiajarā ina Jūmenijicui yá-
 vaiyede coyucaipõeva mácavure. Ne
 ñájiye báquede napini coredejaquemavu
 na mácavu. Napedeca napini corejarā
 mujia. ¹¹Torojuñritamu maje jáinoi ina
 napivu caiye iye ne ñájiyede. Javede
 jápiadavu mujia Job báci borore. Coreó-
 vadavu mujia utharō ñájiye báquede
 napiñu mácure Job báci. Aru Jūmenijicui
 cõmaje ãroje jáiye boje aru üi
 mearo ðacaiyue boje põevare Job báci
 ñájiniburu yóboi, Jūmenijicui mearo
 ðacarí buojarejaquemavu üi mácure.

¹²Mujia, jívu, caiye mujare jaue pheeno
 yo cūináro jaúrótamu. Mujie yávaiyede
 jéniamejara cavarō mearo Jūmenijicui
 curócaivure aru ijäravucavure máre,
 ne ðare ðarājiyepo aivu mujare

yópe mūje jēniaiyepedeca. Quénora cainumua borocubevuva coyçjarā yávaiyede jävene, jauequiyepo aiyemujare cavarō mearocacui ãmiáque aru ijäravucachui ãmiáque máre, pöeva ne majinajiyepo aivu mūja yávaiyede jävene coyuivure. Mūje yávaiyede, nurié ju aiyurivu baru, ju ajarā, aru bi aiyurivu baru, bi ajarā quénora, Jūmenijicui ñájine dabequiyepo aivu mūjare.

¹³Apecu mūjacacu ñájiñu maru, jēnajacurí ñ Jūmenijicque. Aru apecu mūjacacu torojucu baru, yuriajacurí, jíchuyu mearore Jūmenijicure. ¹⁴Aru apecu mūjacacu ijimu maru, cutujacurí ina Jesúre ju aivure coreipöevare, ne jēniarajiyepo ayu ñre maje jabocu Jesucristo que ne yuaiyede ñra olivo ãmicuricu jéidu córoque. ¹⁵Aru ne jēniaiyede “Jesucristo meadarí majicutame”, ne arí dápiaru, ñai ijimu meadaimu machuyume. Maje jabocu Jesucristo meadachuyume ñre. Aru ijimu mácu baru ñi ãmeina teiye báque boje, Jūmenijicu ãrume tecuyume diede. ¹⁶Que baru coyçjarā mūjevure mūje ãmeina teiyede. Aru jēnajara Jūmenijicque mūjevure,

ñi meadaquiyepo aivu mūjare. Ñai pöecu meacs Jūmenijicui jáinoi, ñi jēniaiyede Jūmenijicque, jäve Jūmenijicu jápiaibi aru cadateibi ñre yópe ñi jēniaiyepo. ¹⁷Ñai Jūmenijicui yávaiyede coyucaipöecu Elfas majape páyu barejaquémavu. Paruqué jēniarejaquemavu ñ Jūmenijicque, ocabequiyepo ayu. Que baru ocabedejaquemavu ñi joborði yóbecuriuha coricai. ¹⁸Aru bediôva cojedeca jēniarejaquemavu Jūmenijicque, ocaquiyepo ayu. Que baru ocarejaquemavu. Aru pöeva ne oteiye báque bñcurejaquemavu.

¹⁹⁻²⁰Mūja, jívu, jápiajarā. Apecu mūjacacu ñi dajocaru ñi ju aiyede iye yávaiyede jävene, aru apecu ju are dayu baru ñre diede cojedeca, ñai oatuvare dayu apecure ñi dápiainore, ñi dajocaquiyepo ayu ñi ãmeina teiyede jaruvávarí, ñi ju aquiyepo ayu iye yávaiyede jävene cojedeca, meadaibi ñre, ñi ñájimequiyepo ayu ñi ãmeina teiye boje. Que baru Jūmenijicu jaruvacuyume caiye ñi ãmeina teiye báquede. Aru ãrume tecuyume diede máre. Coreóvajarā mūja diede. Quénoram.

1 San Pedro

Mamabuínore coyhiyebu Pedro bácu ūi toivacaíye báquede paperayocare judíova Jesúre jū aipōevare, ne joborōare jocarī dajocaivu bácvare, curājivare apenoa joborōai, die āmíá Ponto, aru Galacia, Capadocia, Asia, aru Bitinia máre (1:1). Pedro bácu judíovacacu barejaquémavu. Jesúr ūi yávaiye méne beorī coyhicōjeimavu marejaquémavu. Lucas bácu toivarejaquemavu Pedro báchi borore Hch 1:12-5:42 aru 9:32-12:19 aru cap. 15. Majidivu ne dápiayepo, toivacarejaquemavu diyocare āniyjua báquede 63-64 d.C. ūi c̄ue báquede Babilonia āmicuriímaroi (5:13).

Toivacarejaquemavu ārure dacuyu ina judíova Jesúre jū aipōevare napini coreivure Jūmenijicu mearo dacaquiyede náre ne jū aiye boje Jesucristore (1:2-12), aru Jesucristo nájiye báquede náre boje (2:18-25), aru Espíritu Santo oatuvaiyede náre (4:1-11). Coyurejaquemavu Jesúre jū aivure ne nájiyede ijāravui (3:8-22, 4:12-19). Aru coyurejaquemavu máre aipe daiye jaúrōre náre meara bajupe (1:13-2:3), ne memecaiyede ūre (2:11-17), purubuoivure (3:1-7), aru Jesúre jū aivure coreipōevare (5:1-11). Jēvari coyurejaquemavu Jesúi jaboteiyede ūi pōevare yópe cūrava apurivape paiyede (2:4-10).

**Pedro ūi meaicōjeino
Jesúre jū aipōevare**

(Stg 1.1)

1 Yábu Pedro, Jesucristoi yávaiye
méne beorī coyhicōjeimaracacu.
Toivacaivu mūjare, mūje joborōare
jocarī dajocaivu bácvare, curivare
caride apenoa joborōai die āmíá Ponto
aru Galacia, Capadocia, Asia, aru

Bitinia máre. ² Majepacu Jūmenijicu beorejaquemavu mūjare, ūi majié boje aipe vaiquiyede. Aru ūi Espíritu Santo epede darejaquemavu mūjare Jūmenijicu pōevare, mūje jū arājiyepo ayu Jesucristore aru mūje meadaimara marajiyépe ayu mūje āmeina teiyede jaruvarti, ūi jive meiye báque boje, ūi yaiye báquede majare boje. Jūmenijicu mearo dacajacuri mūjare bojecubeda ūi me boje. Aru torojurī me c̄ure dajacuri mūjare cārijimevva pheno baju.

Jāve maje napini coreino

(Jn 3:3-7; 20:29; Ro 6:4-13; 1 P 1.22)

³ Jínajarevu Jūmenijicure mearore, maje jabocu Jesucristoi mearore jímure, jípacure máre. Ūi cōmaje āroje jājiye boje, c̄ure daibi majare apuē maaeque ūi nacovaiye báquede Jesucristore yainore jaruvarti. Que baru torojurī napini coreivubu maju Jūmenijicu dacaquiyede majare, maje coreóvaiye boje Jūmenijicu jāve mearo dacaquiyure. ⁴ Iye Jūmenijicu c̄uvare daquiye majare yaibébu. Que baru pojebequiyebu. Āmedabequiyebu. Aru javecarōpe tebeni bijabequiyebu máre. Caiye iye mearore Jūmenijicu dacaquiyede napini coreivubu maju. Jūmenijicuvacari corecayube diede mūjare nore, cavarō mearo ūi curōi. ⁵ Mūje jū aiyede Jūmenijicure, meadaibi mūjare ijāravui ūi parueque. Aru bhojaquijāravu baquinóre jādovacuyume mūjare meara baju yópe ūi urōpe. Que teni bhojacuyume meadacayu mūjare, mūje c̄avarājiyepo ayu caiye iye ūi mearo dacaquiyede mūjare.

⁶ Caride torojajarā mūja mūje ūmei caiye iye Jūmenijicu mearo dacaquiyede mūjare. Apenumha chīorajaramu mūja, mūje nájinajiye boje ūre nájiyede. ⁷ Mūja nájinajaramu, Jūmenijicu jādovaquiyepo aivu mūje jū aiyede Jesucristore jāvene. Yópe pōeva ne juaiyepo ūrure, ne majinajiyepo

aivu jāve maru, nopedeca Jūmenijicu ñájine dayubé mujare, jádovachuyu maje ju aiyede Jesucristore jāvane. Aru yo úru me bojecuróvacari bhojari býjaivu. Ubenita maje ju aiye Jesucristore pñeno bojecvuyu Jūmenijicu jainore aru cùiméquiyebu. Que baru Jūmenijicu me jácuyume mujare, mearame dacuyume mujare, aru pñedacuyume mujare máre ñanijárau Jesucristoi jádovaquijárau baquinore.⁸ Nai Jesúrecabe maje umu jámevuya ūre cäreja. Aru ūrecabe maje ju aimu jámevuya ūre caride. Que baru torojurivbu maja urarō torojué mequé. Pñeva ne yávaiyequ coyuñri majibema die torojuede, pñeno baju me boje.⁹ Torojurivbu maja Jūmenijicu meadaiye boje mujare. Aru maja ju aivubu Jesucristore, Jūmenijicu meadaquiyepa aivu mujare.

¹⁰Iye Jūmenijicu meadaiyede pñeva ūre ju aivure, ina Jūmenijicu yávaiyede coyuñcaipóeva mácavu me majiyurejaquemavu, coreóvarajivu caiye iye yávaiyede pñevare meadaiyena. Coyuñcarejaquemavu Jūmenijicu dacaquiyede mujare bojecubeda ñi me boje.¹¹ Ne bueyequ iye Jūmenijicu yávaiyede coyuñcaipóeva mácavu meadaiyene. Nai Espíritu Santo jádovañu marejaquémavu ñanijárau baquinore ñi Jūmenijicu yávaiyede coyuñcare daiye báquede ina Jūmenijicu yávaiyede coyuñcaipóeva mácavure. Jūmenijicu yávaiyede coyuñcarejaquemavu iye napiye jaquínore ñi ñájiquiyede Jesucristore aru yo urarō mearore Jūmenijicu dacachuyure ūre ñi ñájiniburu yóboi. Jesucristovacari darorejaquemavu ñai Espíritu Santore, ñi Jūmenijicu yávaiyede coyuñcare daquiyepa ayu na mácavure.¹² Jūmenijicu coreóvare darejaquemavu ina ñi yávaiyede

coyuñcaipóeva mácavure ne coyuñie cadatabequiyede náre. Ubenita mujare cadataiye baquiyébu. Ne coyuñiede coreóvabevuva, diedecabu iye Jesús ñi yávaiyé méne maje jápiaiye caride. Nai Espíritu Santo, Jūmenijicu daroimá mácu cavaró mearo ñi curóre jocarí parure daiibi ne ûmei ina Jesús ñi yávaiyé méne coyuñipóevare, ne coyuñräßiye ayu diede paruqué. Aru ángeleva máre coreóvaiyuriduivu caiye iyede.

Maje memecaino Jūmenijicure jaúrøre

(Jn 3.3-7; Stg 1.10-11, 18; 1 P 1.3)

¹³Caiye iye méne Jūmenijicu dacaibi mujare boje. Que baru me dápijará maje ñaräjiyede aru me ñajará caiye maje daiyede majidivupe. Que teni napini corejará cùinárora caiye iye Jūmenijicu mearo dacaquiyede mujare, ñi jádovaquiyede Jesucristore.

¹⁴Ju ajará Jūmenijicure yópe marara meara ne ju aiyepa nébucuvare. Aru ñabejará yópe maje ñameina daiyuepe, yópe maje daiye báquepe coreóvabevuva cäreja Jūmenijicu yávaiyé méne. Que baru ñabejará yópe maje daiye báquepe javede, maje ju aräjiye jipocare Jesucristore.¹⁵ Ubenita méne ñajará mujacapúravu caiye maje daiyede, Jūmenijicu, mujare cutuyu bácu ñina márajivua, ñi me boje caivu pñeno.¹⁶ Yópe arí, toivaicõjenejaquemavu Jūmenijicu ñi yávaiyede: “Meara baju bájará maja. Yábu meacu baju caivu pñeno. Que baru maja máre, ji pñeva, meara baju bájará maja”, arejaquemavu Jūmenijicu.

¹⁷Maje jénaiyede Jūmenijicque, “mu, jipach” aivubu ūre. Aru Jūmenijicurecabe ñai jáñu caivu pñevare cùinátu, coyuñu majare coapa, mearo dayure o ñameno dayure máre, maje daiye báque boje ijárauvure.

Que baru pueñajarā ūre mūje cuedeca yore ijāravui. ¹⁸ Me majidivubu mūja dajocare daimara mácavure mūje cue báquede jocarī yópe apecu ūmūi bojedaiyepe ūi yebacavure. Die cue báquebu yopedeca mūjeñecuva mácavu ne cue báquepe. Ne majicaiye báquede aru ne jáðovaiye báquede mūjare ye cadatebedejaquemavu mūjare. Que teni mūja mearore ñarídurejaquemavu aru torojurídurejaquemavu máre. Ùbenita mūja bñoiñarape paivu barejaquémavu die cue báque boje. Mūjare bojedaiye báque bíjabequiyebu aru pojebequiyebu máre, yópe bojedaiyepe úrure aru platare máre. ¹⁹ Ùbenita mūja bojedaimara mácavubu Jesucristoi jive bojecueque, ūi yaino mácarōque, yópe ñrarō bojecurōre jícaiyepo Jūmenijicure. Que teni ñnai Jesucristo ovejajíçupe barejáme ye ãmeno cùbecuva, jañbecuva, quénora pñeno meach baju, ne jínajiyepe aïnu ūre ne juaimupe Jūmenijicure.

²⁰ Jūmenijicui cuedaquiye jipocamia ijāravure majidejaquemavu darochuyu mamachre, ūi yaicáquiyepe ayu majare, jaruvacuyu maje ãmeina teiyede. Que teni Jūmenijicui beorejaquemavu Jesucristore meadaipöecu bacuyáre javede. Aru jáðovarejame ūre ijāravui bñojajáravui. ²¹ Mūje coreóvaiye boje Jesucristore caride, ju aivubu Jūmenijicure nacovañu máchre Jesúre yainore jaravarī aru epeuy bácare ūre meacu baju caivu pñeno. Que baru mūja ju aivubu Jūmenijicure aru napini coreivubu iye ūi mearo dacaquiyede mūjare yópe ūi aiye báquepedeca.

²² Mūje ju aiye báque boje iye yávaiyede jåvene mūje jápiayie báquede diede, dajocaivubu mūja mūje ãmeina teiye báquede caride. Yópe teni jåve bñojajáravubu mūja ñrivu apevure Jesúre ju aipöevare. Que baru pare ñjarā mūja mūje baju caiye mūje

úme méque. ²³ Mūja cùrivubu caride yópe mamarumu pöeteivupre cojedeca juedovape népacu yaibécu quénora apucu cainumua. Jūmenijicui yávaiye apuñepo paiyebu aru oatuvabebu máre. Aru dieque Jūmenijicui cùvare ñaibi mūjare mamañumene. ²⁴ Yópe arī, Jūmenijicui toivaicõjenejaquemavu ūi yávaiyede:

Caivu pöeva cõriápe paivubu. Que baru ne majié cónuape paiyebu. Iye cõriá popoiyavu. ²⁵ Aru iye cónu tñiyavu. Ùbenita Jūmenijicui yávaiye cùquiyebu cainumua, arī toivaicõjenejaquemavu.

Iye Jūmenijicui yávaiye mému. Diedecabu Jūmenijicui yávaiye méne coyuñipöeva ne coyuñiye báque mūjare.

2 Caride dajocajarā mūja caiye mūje ãmeina teiyede. Aru borocubejarā mūja. Jujoñabejarā apevure, jorojiméjara apevure, aru ãmeina yávabejarā apevure máre. ² Yópe mamajina mamarumu pöeteivu pare nuiñepre népacoí opecore, nopedeca mūja máre pare buejarā Jūmenijicui yávaiyede jåvene. Que teni yópe mamajina ne opecore nuiye boje me bacuyépe, nopedeca mūja máre, mūje pñeno baju me jápiarī aru ju arī nñiye boje Jūmenijicui yávaiyede, me jápiarī earäjaramu mūja diede. Que teni mūje ûmene me parure ñarī, meadaimara márajivubu mūja. ³ Nópe ñajarā, mūje coreóvaiye boje aipe Jūmenijicui ñrarō mearore dacayure mūjare.

Jesucristo cùrava apurivape páyu

(Mt 21.42; Ro 9.25-26, 33; Tit 2.14)

⁴ Pñeno baju majinadajarā Jesucristore. Ùrecabe jaboteyu ūi pöevare. Ñai Espíritu Santoi ñacaiye boje, náre cójijovaibi, ne cùräjiyepe ayu ūque cùinávupre. Jesucristorecabe yópe cùrava apuriva Jūmenijicui mamarumu epeivape ūi ñainore yópe

cūramipe. Apevñcapūravu jaruvarejaquemavu diva cūravare. Ùbenita Jämenijicuvacari beorejaquemavu diva cūrava meava bajure, epecchuy ùi daiñamine.⁵ Aru mñjacapūravu yópe bájarã cūrava apurivape, Jämenijicu daquiyepo mñjaque ùi daiñamine yópe cūramine daipöecu ùi daiyepo cūramine cūravaque. Aru Jämenijicu daiñami ùi Espíritu Santoi cñquino maquiyébu. Noi mñja memecarãjaramu nápe, sacerdotevape, jínajivu Jämenijicure jícayiede mñje ümequede aru méne ùi jainoi. Aru Jesucristo cadateibi mñjare, mñje jínajiyepo ayu mñje ümeque aru Jämenijicu jáquiyepo ayu me.⁶ Jävemu no Jämenijicu toivaicõjeive báque boje ùi yávaiyede, yópe arí:

Beoivu yu cùináva cūrava bojecuriva bajure. Divare epeivu yu ji ñimaro, Jerusalén ãmicuriñimaro, yópe cūramitôbui cūravape ji daquiñami. Ácu pöecu ju ayu baru maje jabocure, ñai divape páyure, cainumua chiomescube ùi ju aiye boje ñai jabocure. Quénora cainumua torojusçuyume ùi ju aiyeque ñre, arejaquemavu Jämenijicu.

⁷ Aru mñja ju aivubu Jesucristore. Que baru ñrecabe meacu baju mñjare. Ùbenita ina ju abevure ñre, yópe arí Jämenijicu toivaicõjenejaquemavu ne borore:

Iva cūrava ina cūrami daipöeva ne jaruvava bácarõ apeva cūrava bojecuriva cùbevu diva pñeno. Quénora diva Jämenijicu epeivabu cūramitôbu yebai. Que baru parurivabu apeva cūrava pñeno, arejaquemavu Jämenijicu.

⁸ Aru apenñm Jämenijicu, yópe arí, toivaicõjenejaquemavu ùi yávaiyede:

Iva cūrava boje, pöeva toriñdurájarama. Aru iva cūrava

boje, pöeva turájarama máre, arí toivaicõjenejaquemavu.

Que baru pöeva ne ju abede Jämenijicu yávaiyede jävene vaivu náre yópe pöecu toriñturiduiyepo. Que teni ina pöeva daivubu yópe Jämenijicu majié báquepedeca ina pöeva ne darájiyede.⁹ Ùbenita mñjacapūravu Jämenijicu jinava, ùi beoimaramu. Mñjarecabu ñai jabocure memecaivu ùi sacerdotevape. Mñjamu pöeyajubocavu Jämenijicu coatede daimara ãmenore jaruvarti ùi jina márajivu. Mñjamu Jämenijicu pöeva ùi beoimara, mñje coyurájiyepo ayu iye yávaiye méne Jämenijicu pñeno mearore dacaiyede pöevare. Ùvacari cuturejaquemavu mñjare, mñje dajocarâjiyepo ayu ãmeina teiyede jaruvarti yópe etaiyepo ñeminore jocarí, mñje cue báquede Jämenijicure coreóvabevu cäreja. Jämenijicu cuturejaquemavu mñjare, mñje darájiyepo ayu meatede daiyede yópe ecoiyepo ùi pñeno mearo miadároi. Que baru mñja coreóvaivubu Jämenijicure caride. Aru ãmeina tebevubu.¹⁰ Javede Jämenijicu pöeva ãmenejaquemavu mñja. Ùbenita caride ùi pöevatamu mñja. Javede Jämenijicu cõmaje ãroje jäiyede majibedejaquemavu mñja. Ùbenita caride cõmaje ãroje jäimi mñjare. Que baru majidivubu ñre pare cõmaje ãroje jäñure.

Maje memecaino Jämenijicure

¹¹ Mñja, ji ñmara, parurõreca jení-ainu mñjare. Mñja ijäravñcavu paivu ãmevu. Quénora cavarõ mearo Jämenijicu cùrõcavu barâjáramu mñja. Mñja cùrivubu ijäravu obebejïena. Mñje ãmeina daiyue yópe maucuvaepetu mñje ümeque. Que baru dabejarã yópe mñje ãmeina daiyhepe. Daicõjemejara mñja mñje dâpiaino ãmenore mñje bajure.¹² Quénora mearo ñarí me cujarã mñja ina Jesucristore ju abevu ne

jēneboi. Que teni ne āmeina yávaiyede mūjare āmeina teivupe, návacari, mūje mearo daiyede jāri, yópe arī, “Āmeina teivu āmema na. Me dadama na”, arī coyurājarama mūjara. Que baru mearore jínajarama na Jūmenijicu ūi daquijāravu baquinore, nājine dacuyu pōevare, ne āmeina teiye boje.

¹³ Mūja daiyhrivu baru yópe Jūmenijicu urōpe, jū ajarā caivu mūje jabovare. Jū ajarā nai jabocu ijāravucacu pueno baju parucure. ¹⁴ Aru jū ajarā caivu apevu jabovare ūi cāchino parurivure. Námu ūi daroimara, nājine dārājivu ina āmeno dāivure aru jínajivu mearore ina mearo dāivure. ¹⁵ Que baru Jūmenijicu ūbi mūje bi are dārājiyepo ayu ina pōeva ārūmevure ne āmeina yávaiyede mūjare, ne coreóvabe boje. Mūje mearo daiyeque dārājivubu mūja diede. ¹⁶ Caride jauevnu mūjare mūje daiye yópe caiye iye Jūmenijicu dāicōjeiye báquepe pōevare Cristoi daquiye jipocai. Que baru mūja yebacavupe paivu āmevutamu. Ubenita dāpiabejarā mūja āmeina teni buhojaivure, mūje c̄ue boje yebacavu āmevupe. Quénora jaunu mūjare mūje daiyede yópe Jūmenijicure memecaivupe. ¹⁷ Puedajarā caivu pōevare. Ujarā apevu Jesucristore jū aipōevare. Jūmenijicure puerarī, mearore jíjarā ūre. Aru puerajarā nai jabocu ijāravucacu pueno baju parucure.

Cristoi nājiye báquede coreóvare daino majare aipe daiye jaurōre

¹⁸ Mūja, memecaipōeva, jū ajarā mūje jabovare aru puerajarā me nāre. Nōpe dājarā ina jabova jijecubevure aru ina jijecarivure māre. ¹⁹ Jūmenijicu me jāimi aru mearo dacaibi mūjare mūje napiyede nājiyede āmeina dābevhuva. Mūje coreóvaiye boje Jūmenijicu urōre, mūja napivubu āmeina dābevhuva. ²⁰ Mūje napinu ne jara popeiyede mūjare, mūje āmenore

daiye báque boje, meamejebu mūjare. Ubenita mūje napinu nājiyede mūje mearore daiyede, Jūmenijicu me jāchuyume aru mearo dācacuyume mūjare. ²¹ Que baru mūja Jūmenijicu cutuimaramu, nājinajivu. Cristovacari nājicarejame mūjare boje, cādatecuyu mūjare. Que teni jādovarejame mūjare ūi daiye báqueque aipe daiye jaurōre mūjare, mūje majinajiyepo ayu aipe dārī nājinajivure ūi nājiye báquepe. ²² Ye āmenore dābedejame ū. Aru ye borocurī jūjovabedejame ū. ²³ Pōeva ne āmeina yávaiye báquede ūre, ūcapūravu āmeina yávabedejame nāre copu. Aru pōeva ne nājine daiye báquede ūre, ūcapūravu “Nājine daquijivu mūjare”, abedejame nāre. Quénora yópe arejaquemavu Jūmenijicure: “Mū, jipacu, cādatejacu yure. Napini coreivu māre”, arejaquemavu Jesús. Que teni napini coredejaquemavu Jūmenijicure, nai meacu bajure, bojedacuyure caivu pōevare yópe ne daiye báque jauepe nāre.

²⁴ Jesucristovacari ne pēvaimu mácu jocchjaravena yaicárejame maja āmeina teivure boje. Yópe sacerdotei nūvaiyepo ūi jícaiyede juainoi, nopedeca Jesucristo nūvarejaquemavu maje boropateiyede maje āmeina teiye boje ūque ūi yaiye báquede. Que teni jaruharejaquemavu maje āmeina teiyede. Que baru majarecabu coatede daimara caride maje āmeina daiyude jaruhvarī. Aru curivubu, dārājivu mearore. Mūjarecabu meadaimara caride Jesucristoi churiá boje. ²⁵ Javede coatedejaquemavu mūja Jūmenijicure jaruhvarī yópe ovejava mamateivupe nūmevu nāre coreipōecuque. Ubenita caride mūja oatuhvarī curivubu yópe Jūmenijicu urōpe, yópe ovejavare vorī eariburu yóboi ne jacopaiyovaiyepo nāre coreipōecu yebai. Que baru

Jāmenijicu jári coreyube mūjare aru meadayube mūje ūmene.

Aipe daiye jaūrō purubuoivure

(Ef 5.22, 25; Col 3.18-19; 1 Ti 2.9)

3 Mūja ūmucurivu māre, ju ajarā mūjemarepacure nopedeca ina memecaivu ne ju aiyepe ne jabovare. Que teni apevu nácvu ne ju abedu Jāmenijicu yávaiyede, mūja yávabevuva ju are dārājaramu nāre, mūje mearo daiye boje. Jaūbequiyebu mūje coyurājiye nāre, ne ju arājiyepo aivu Cristore. **2** Quénora ne jāiyede mūjare mearo daivure pucaūmea cūbevuvu aru pueðaivure māre, ju arājarama Cristore. **3** Mūje meadaiyede mūje bajure, dabejarā jāicōjenajivu apevure mūjare. Que baru mūje vaivéiyepo mūje podare, aru mūje adaiyepo cōdeimeare māre, aru mūje doiyepo cuitótecajeare māre, jāicōjemejara apevure. **4** Quénora meara májara mūja, mūje meaúme boje. No mearo oatuvabenotamu aru cūiménotamu, mūje ūme jijecubeque aru cārijimeque māre. No mearo bojecuvu me Jāmenijicu jāinore. **5** Quédecabu ina nomiva mácavu javede Jāmenijicure mearore jívu bácvu. Napini coredejaquemavu na mácavu Jāmenijicure, ūi mearo dacaquiyepo aivu nāre. Aru ju arejaquemavu némarebucuvu bácvure. Que teni meara darejaquemavu ne bajure. **6** Quédecabe cūináco náccaco, Sara báco. Ó máco ju arejaquemavu jímarepacu Abraham mácure. “mu, ji jabocu”, ado barejaquémanu. Aru mūjavacari ópe paivubu buojaivu, mearore daivu baru jidubevuva.

7 Aru mūja nomicurivu māre, me coreóvajarā aipe daiye jaūrōre mūjare mūjemarebucuvare. Na mūje cāchino parurivubu. Que baru pueðajarā nāre. Aru na cūvarajarama jāravu

cūiméjāravu baquinóre cūináturu mūjaque. Que baru pueðajarā nāre. Me cujarā náque, mūje jēniari buojarājiyepe aivu Jāmenijicu que yópe mūjare jaúepo.

Jesúre ju aivu ne mearo daiye boje ūnájiyede coyuino

(Mt 5.10)

8 Quénora coyuhuvi mūjare die borore. Dápiajarā caivu mūja mūje ūmei cūináturu. Apevu ne chīoru, chīojara náque. Aru apevu ne torojuru, torojajarā náque. Ujarā mūjeyevure yópe mūje uepe mūjeyovare. Cadatejarā ina cōmaje ārojarivure. “¿Meara mārica apevu pueno?” arī dāpiabejarā. **9** Apevu ne āmeno dāru mūjare, copu āmeno dabejarā nāre. Apevu ne āmeina yávaru mūjare, copu āmeno yávabejarā nāre. Quénora jēniajara Jāmenijicu que, ūi mearo dacaquiyepo aivu caivu nāre, mūje coreóvaiye boje Jāmenijicu cutuyu báçure mūjare, mūje mearo dārājiyepo ayu yópe ūi mearo dacaquiyepo mūjare. **10** Yópe arī, Jāmenijicu toivaicōjenejaquemavu ūi yávaiyede:

Ácu pōecu torojuiyucu baru aru chīyucu baru me ijāravu, āmeina yávabejacurī, aru dajocajacurī ūi borocuede māre. **11** Dajocajacurī ūi āmeno daiyede. Aru dajacurī mearo. Uetubecuvu pueno baju vorí eajacurī ūi ūmeque cārijimene dachyu apevure. **12** Maje jabocu jāri coreyube ina mearo daivure. Jāpiayube ne jēniayedo. Ubenita maucuvacube ina āmeno daivure, arī toivaicōjenejaquemavu.

13 Nāme āmeno dabenama majidivu mūjare mūje ūmei, mūje torojurī dāru mearo. **14** Ubenita mūja ūnájivu baru, mūje mearo daiye boje, urarō torojurājaramu mūja. Jidubejarā ina ūnájine daivure mūjare. Aru

cuecumamejara. ¹⁵ Quénora mearore jíjarā Cristore muge ūmei. Aru puelaajarā ūre, muge jabocure. Náme ne jéniaru mujare, muge coyurājiyepa aivu iye muge napini coreiyede Cristoque, maumena coyurī majijarā me iye borore muge napini coreimare. ¹⁶ Aru coyujarā náre jijecubevuva aru puelaivu náre. Cainumua mearo dajarā, yópe muge majipe, “Boropatebevu yu”, muge arí dápiainoque. Que teni apevu āmeina yávaivu baru mujare, mearo daivureca muge ju aiye boje Jesucristore, návacari cuyoje tenajivbu ne āmeina yávaiye báquede muge borore. ¹⁷ Que baru Jūmenijicu ñájicōjenu mujare, yópe ūi urōpe, muge ñájiye meavu, muge mearo daiye boje. Ubenita meamevu, muge āmeno daiye boje.

¹⁸ Cristocapūravu ñájini yaidéjame cuinára, pœvare maje āmeina teiyé boje, maje boropatebenajiyepa ayu diede. Nai meacu ñájinejame āmeina teivure boje, meara dacuyu majare Jūmenijicu jáinoi aru cuiné dacuyu maje coateiyepa báquede Jūmenijicure jaruvvarí, maje Jūmenijicu jina tenajiyepa ayu. Cristobe pœva ne boarí jaruvaimu mácu ūi bajure, ubenita Jūmenijicu ñimedavaimu mácu ūi ûmene. ¹⁹ Aru decocupe ūi baju cibecuva, coyucunrejaquemavu ina yaivu bácvu bhoimarape paivure. ²⁰ Na mácvu apurivu cäreja ju abedeaquemavu Jūmenijicu yávaiyede ñanijárvu báquei, Noé mácu ūi daiye báquede jiadocu uracure. Dinumure Jūmenijicu napini coreyu barejaquémauvu, na mácvu ne ju arajiyepa ariduyu ūre. Ubenita obebejína baju, ocho paivu quévura, na mácvu meadaimara marejaquémauvu dicuque muiváibore jocarí. Ocoi jorí, ocoque meadaimara marejaquémauvu. ²¹ Quédecabu iye muge jádovaiye Jūmenijicure ocoi. Yópe Jūmenijicu

meadaiye báquepe Noéja mácavure ocoque, nopedeca caride Jūmenijicu meadaibi mujare máre ocoque muge jádovaiyede ūre Jesucristoi nacajaiye báque boje yainore jaruvvarí. Aru maja jádovamevu Jūmenijicure ocoi, joarajivu maje docure. Quénora jádovaivubu Jūmenijicure ocoi, jéniarajivu ūre, “Boropatebevu yu” ūi arí dápiare daquiyepa aivu majare. Aru boropatebevu maja, ūi ārumeteiye báque boje maje āmeina teiyede. ²² Javede nai Jesucristo nurejaquemavu cavarō mearo Jūmenijicu cibroí. Caride cibui Jūmenijicu meapūravu, ūi paruédé cuvae boje. Jaboteyu be caivu ina ángelevare, aru cavarōcavu jabolare aru parurivure máre.

Maje memecaino Jūmenijicure Espíritu Santoi majide dainoque majare coapa

(Ro 12.13; 1 Co 13.7)

4 Jesucristo ñájinejame ūi baju ūi cibede ijárvu. Que baru muge máre, dápiari ūi dápiaiyepa báquede, jidubejará muge ñájinajiyede. Ácu pœcu ñájim, āmeina teiyede dajocaibi. ² Que baru caride muge cibede ijárvu daicōjemejara muge bajure yópe muge baju urōpe. Quénora daicōjejara Jūmenijicure muge bajure yópe ūi urōpe. ³ Ina Jūmenijicure ju abevu daivu ne baju urōpe. Javede muge máre nápe daivu barejaquémauvu obediujua. Que teni muge āmeno daivu barejaquémauvu. Muge āmeina daiyuepe daivu barejaquémauvu. Pacoteivu barejaquémauvu. Bújiéque ūcuri torojave teivu barejaquémauvu. ūcuri upaivu barejaquémauvu. Aru āmeno daivu barejaquémauvu mearore jívü pêpeimarare Jūmenijicure ubevuva. ⁴ Aru caride coreóvabema na muge náre yóvabe boje ne urarō āmeno daiyede. Que baru arí dápiarí, “¿Aipe teivu báraca yóvabevu ma-

jare?” arī, āmeina yávadama mūjare ne bajumia.⁵ Ubenita návacari núrajarama, coyrājivu ne baju ne borore caiye ne daiye báquede, aru ne yávaiye báquede, aru ne dápiaiye báquede máre Jūmenijicui jivateinoi, ūi ñájine daquiyede caivu pōevare ne āmeina teiye boje, yaivu bácvare aru apurivure máre.⁶ Ne majinajiyepo ayu diede, javede iye Jūmenijicui yávaiye méne coyharejaquemavu ina yaivu bácvare caride. Que baru ñájine daimara mácavuacari ne yaiye báquede yópe caivu pōevape ne bajure, apurivu curivu bhojarājarama ne ûmene yópe Jūmenijicupe.

⁷ Caijāravu vaivu, pueno joabentamu ijāravu cíiquíno. Que baru me dáiçejara mūje dápiaiyede aru mūje daiyede máre, me jéniamuri Jūmenijicueque yópe ūi urōpe. ⁸ Caiye mūjare jaúé pueno, yo cūináro jaúrötamu: Ujarā apevure parurōreca. Urivu baru apevure, árumeteiyurājivubu ne āmeina teiyede. ⁹ Torojuviru copu etajarā mūjevure me. Jecubejarā ne áiyede, “Ubevu yu náre copu etari”, abevuva. ¹⁰ Jūmenijicui Espíritu Santo majide dáiibi mūjare coapa, mūje dáräjiyepo ayu apeno memeinova, cadatenajivu apevu mūjevure. Me dajarā iye ūi majide daiyede yópe coreipöechi me dáiyepe iye ūi jaboci cüvaede ūi coreicöjeive báquede ūre. ¹¹ Nai coyuhyu, coyuhiye jaúnu ūre Jūmenijicui yávaiyede jävene. Aru nai memecayu, memecaiye jaúnu ūre iye paruéque Jūmenijicui jiyede ūre. Que baru caiye mūje daiyeque Jesucristo mearore jíde dáiibi Jūmenijicure, mearore aru paruéde máre cüvacu cainumua. Quédocabu.

Jesucristore ju aivu ne ñájinajino (Ro 8.17; 1 P 4.1)

¹² Mūja, ji umara, cuecumamejara ne ñájine daiyede mūjare. Mūje ñájiyeque

jádovarajivubu mūje ju aiyede Jūmenijicure jāve, yópe ne jádovaiyepo tāure jāve toaque. Que baru caivu Jesucristore ju aivu ñájinajaramu.¹³ Que baru cuecumamejara. Quénora torojajarā mūje ûmei mūje ñájiyede yópe Jesucristo ūi ñájiye báquepe. Que baru pueno baju torojurājaramu caivu ne járaiyede Cristo meachu bajure.¹⁴ Pöeva ne āmeina yávaru mūjare, mūje ju aiye boje Cristore, torojajarā mūja mūje ûmei. Caivu mūja ne āmeina yávaimara Cristore boje, mūjarecabu cüvarivu Jūmenijicui Espíritu Santore, nai Espíritu pueno baju meacure. Aru ū cübi mūjaque.¹⁵ Mūja ñájivu baru, ñájimejara yópe pōevare boarí jarvavu, aru ñavaipöevape, aru apevu ámeno dailpöevape máre. Aru ñájimejara yópe ina “Yópe ji coyuhiyepo dáiye jaúnu mūjare”, coyuhiyepo apevure.¹⁶ Ubenita mūja ñájivu baru mūje ju aiye boje Cristore, cüyoje tebejarā mūje ju aiyede ūre. Quénora mearore jíjarā Jūmenijicure mūje Cristo jina mae boje.

¹⁷ Joabejínoi Jūmenijicu báçuyume ūi ñájine daquiyede pōevare, ne āmeina teiye boje. Mamarumure Jūmenijicu ñájine dachuyume ūi jinare. Aru Jūmenijicui ñájine dáiye boje ūi jinare, ina ju aivure ūi yávaiye méne, jāve pueno urarō ñájine dachuyume ina ju abevure ūi yávaiye méne.¹⁸ Yópe arī Jūmenijicu toivaicöjenejaquemavu ūi yávaiyede: “Ina pōeva mearore meadariduumara maru, pueno baju meadariduumaramu ina pōeva ámena, āmeina teivu”, arī toivaicöjenejaquemavu.¹⁹ Iye ji coyuhiyede yópe aiyurötamu: Ina pōeva ñájivu Jūmenijicui urōpe mearore dare cuiye jaúnu náre cainumua. Aru ju aiye jaúnu náre Jūmenijicure, náre cuedayu báçure aru cainumua dayure yópe ūi aiye báquepedeca, ūi meadaquiyepo aivu ne ûmene.

Jesucristore ju aivure majicaino

(Mt 6.25-34; 23.12; Lc 14.11; Jn 21.15-17; He 13.20; Stg 4.6, 10)

5 Caride coyuñuyuñu yu mujevure, Jesúre ju aivure coreipoevare. Yu máre Jesúre ju aipoevare coreyubu. Yávacari járejacacu Jesúi nuájiye báquede. Aru Jumenijicu juádovaquiyede Jesú meacu bajure, yu máre meacu baju cuchuyuñu.

² Yu jueniaivuñu mujare, coreipoevare, muje corenajiyepo ayu me ina Jesúre ju aipoevare cójjivaiñuñu muje yebai, yópe ovejavare coreipoeva ne me coreiyepo ne ovejavare. Corebejará náre paruróque. Quénora corejará náre muje ue boje. Aru memecabejará Jumenijicu ne juye boje tuuturare mujare. Quénora memecajará ³tre muje cadateiyuñu boje apevure. ³ Aru jabova parurivu ne cōjeyepo cōjemejara muja ina muje coreimarare. Quénora cajará me ne jáiyede, juádovarajivu náre aipe daiye jañore ne curajiyede me Jumenijicu jáinoi. ⁴ Que teni ñai Cristo, caivu maya coreipoevare maje jabocu, majare coreyu, juchuyuñu mujare bojedaino pueno baju mearore cüiménore ⁵jádovaquiyede.

⁵ Aru muja, bojuyuñu, ju ajará ina Jesúre ju aivure coreipoevare. Aru caivu muja dápiabejará muje baju meara apevu pueno. Quénora memecajará muje baju yebacavuñu, jabocu tebevuva. Yópe arí Jumenijicu toivaicójenejaquemavu ⁶yávaiyede:

Jumenijicu mauchuvaibi ina dápiaivure ne baju pueno meara apevu pueno. Ubenita ⁷ti pueno meacu baju boje, cadatequibe ina “¿Meara murica?” abevure, arí toivaicójenejaquemavu.

⁶ Que baru yebacavuñu tejará muja, Jumenijicu ⁸ti cadatequiyepo aivuñu mujare ⁹paruéque. Que teni ¹⁰ti

beojárávu baquinóre Jumenijicu mearare epecchuyuñu mujare. ⁷Jumenijicu mujare pare ucu coreibi me. Que baru cáríjimejara muja. Quénora coyuñará Jumenijicu caiye iye cáríjovaiyede mujare. Aru yópe poeva ne epeiyepo náre ducháde, nopedeca epejará muja iye cáríjovaiyede mujare Jumenijicuñu.

⁸ Me jájara. Apurivuñu, coreivuñu, me daicójejara muje dápiaiyede. Yópe yavi jiyeñuñu oyu bujiéque ¹¹vorí ¹²are cuiyepo ¹³ti áquimure, nopedeca muje maucu, ñai abujuvai jabocu, vorí bíjaroiyuñu cuibi poevare, ne dajocarajiyepo ayu ne ju aiyede Cristore. ⁹Ubenita dajocabejará muje ju aiyede ¹⁴tre. Quénora maucuvajarañu ñai abujuvai jabocu, muje coreóvaiyepo boje caino joboróacavuñu ijárvai Jesúre ju aivu, na máre nuájiñama muje nuájiyepo. ¹⁰Obejárávu ñájinajaramu muja. Muje ñájiniburu yóboi, Jumenijicuñu vacari ye jañbede darí, nurié dápiaire darí, parure darí, bíjabede dacchuyuñu mujare. Ñai Jumenijicu pueno meacu baju, ¹⁵recabe cutuyuñu bácu mujare, muje cavarájiyepo ayu mearo cüiménore, muje cue boje Jesucristo que cüinávure. ¹¹Paruéde cuvacuñu Jumenijicu cainuñuña. Quédecabu.

Pedro ¹⁶meaicójeno Jesúre ju aipoevare

(Hch 12.12, 25; 13.13; 15.22,
37-40; Col 4.10; Flm 24)

¹²Toivacaivuñu mujare iyoca paperayoca quíjiycare Silvanoí cadateiyequ. ¹³Recabe Jesúre ju ayu dajocabecuñu ji jáinoi. Parure daiyuyuñu mujare muje ¹⁴umei. Aru majide daiyuyuñu mujare juave iye ji toivacaiyede Jumenijicu mearo dacaiyede mujare ¹⁵ti pueno me boje. Que baru dajocabejarañu muje ju aiyede ¹⁶tre.

¹³Ina Babilonia ãmicuriñmarocavuñu Jesúre ju aipoeva, Jumenijicu beoimara

mujape paivu, meaicōjeđama mujare. Aru Marcos máre, jímacupe páyu, meaicōjeimi mujare.¹⁴ Me jacoyujarā mujja mujevure, mujje jivare nuri, mujje

Jūmenijicu jina mae boje. Caivu mujja curivu Jesucristo que cūinávupe me cujarā cārijimevava. Quénoramú.

2 San Pedro

Mamabuínore coyhiyebu Pedro bácu ūi toivacaiye báquede yóbocayoca paperayocare. Apevu ne dápiaiyepo, toivacarejaquemavu judíova Jesúre ju aipōevare, ne joborōare jocarī dajocaivu bácvure, curājivure apenoa joborōai, die āmiá Ponto, aru Galacia, Capadoccia, Asia, aru Bitinia máre (1 P 1:1). Ubenita obedivu ne dápiaiyepo, toivacarejaquemavu caivu Jesúre ju aipōevare. Pedro bácu judíovacacu barejaquémanu. Jesús ūi yávaiye méne beorī coyhičōjeimū marejaquémanu. Lucas bácu toivarejaquemavu Pedro báchi borore Hch 1:12-5:42 aru 9:32-12:19 aru cap. 15. Majidivu ne dápiaiyepo, toivacarejaquemavu diyocare āniuju bácarōre 64 d.C. Ubenita āimaro Pedro bácu ūi curiūmaro ūi toivacaiyede diyocare caivu majibevu. Apevu “Babilonia āmicuriūmaroi currejaquemavu” arī, aru apevu “Roma āmicuriūmaroi currejaquemavu”, arī dápiaivu.

Toivacarejaquemavu Jesúre ju aipōeva, ne me járajiyepe ayu Jūmenijicure ju abevu ne jujovabenajiyepo ayu náre ne bueiye jāvē āmeque, ne vainí turī bíjabenajiyepo ayu ne ju aiyede jarūvarī (3:17). Coyurejaquemavu aipe ārojae jaūrōre Jesúre ju aipōevare (1:1-15), aru aipe ārojae máquede Jesúi jádovaiye báquede meacu bajure aru Jūmenijicure coyhecaipōeva mácavu ne yávaiye jāvēne (1:16-21), aipe ārojaene borocuēde bueivu ne coyhiyede (cap. 2), aru aipe ārojaene Jesucristoi copaidaquiyede (cap. 3).

Pedro ūi meaicōjeino Jesúre ju aipōevare

(Tit 2.13)

1 Yábu Simón Pedro, Jesucristore memecayu aru ūi yávaiye méne beorī coyhičōjeimaracacu. Toivacaiu yu mūjare, ju aivure cūinátu ūi jaque Jūmenijicure, majare meadaipōecu pueno meachu baju Jesucristore. **2** Jūmenijicu mearo dacajacurī mūjare bojecubeda ūi me boje. Aru torojurī me curre dacacurī mūjare cārijimevhu pueno baju mūje majiéque maje jabocure.

Jesúre ju aipōeva ne mearo daino

(Jn 21.18-19)

3 Jūmenijicu coreóvare daibi majare Jesucristore, ūi cutuyu bácurē majare, maje ū jina marajiyépe ayu. Cutuibi majare, maje cūvarājiyepe ayu me ūpe aru maje dārājiyepe ayu mearore ūi daiyepo. Caride maje coreóvaiye boje Jesucristore, Jūmenijicu cūvare daibi majare caiye jaūdé majare, maje curājiyepe ayu me ūi jáinoi, ūre memecaivu ūi paruéque. **4** Ijāravuacavu āmena āmeina dápiaídama aru āmedaídama ne āmeina daiyuepe. Que teni bíjare nuñama na. Ubenita Jūmenijicu pueno meachu baju me dápiaibi aru me daibi máre. Que teni cūbi me cainhyma. Aru Jūmenijicu “Mearo dacacuymu yu mūjare”, ūi urarō mearo aino mácarōque, bíjabede daibi mūjare, yópe ne buoimarrare dupini nūre daiyepo, mūje curājiyepe ayu me ūpe. Que baru mūja meara, me dápiaivu, me daivu máre buojarājivu. **5** Que baru jaūvu mūjare mūje memenajiye, mūje curājiyepe aivu me Jūmenijicu jáinoi. Javede ju aðavu Jesucristore. Ju arī, meara tejarā mūja. Meara teni, coreóvajarā mearore aru āmenore máre. **6** Mearore aru āmenore

máre coreóvarí, daicōjejara me maje dápiaiyede aru maje daiyede máre. Daicōjeni maje baju me, napijara maja. Napini, me cijarā maja yópe Jūmenijicui urōpe ūre memecaivn. ⁷ Me curí yópe Jūmenijicui urōpe ūre memecarí, cijarā maja apecu Jesúre jū aivure yópe maje uepe mājeyovare. Aru urí apecu Jesúre jū aivure, cijarā maja caivure máre.

⁸ Maja daivu baru diede, aru caijāravu pñeno baju daivu baru diede, jūracabenamu maja. Aru maje daiye bojecube ámequiyebu. Quénora uetubevuva memecarajivbu maja, maje coreóvaiye boje me maje jabocu Jesucristore. ⁹ Úbenita ñai dabecu baru diede aru die jauru ūre, yópe pñecupe joaroi jári eabecu mimini quíjino jāñu joabenoi, nopedeca jápiari eabecu cavarō mearoquede, Jūmenijicu jinore coreóvabebi. Quénora jápiari eayu ijāravuquede, coreóvaibi diede. ¹⁰ Recabe árumeteyu Jūmenijicui árumeteiye báquede ñi ámeina teiye báquede aru Jūmenijicui jaravaiye báquede ñi boropatejeroe báquede. ¹¹ Maja, jívu, que baru maje memecaiye méque, maje daiye mearoque máre, coreóvare daajarí jāve Jūmenijicui beoibe báquede maja, ñi cutuiye báquede máre. Que daivu baru, maja ye vainí tñri bíjabenamu Jūmenijicure jocarí. ¹² Que baru torojurí copu etaimara mārajivbu maja maje jabocu Jesucristo, majare meadayu, ñi jaboteino cūiménoi.

¹³ Que baru árure cure daiyvhu yu maja cainumha iye yávaiye ji coyuviyede. Javede maja coreóvare-jaquemavu diede aru jū arejaquemavu iye yávaiyede jāvene ne bueye báquede maja. ¹⁴ Meavu árure dayu maja ji cuede cāreja ijāravu iye yávaiye mene ji coyuviyede, maje dapiare nārajiyepu ayu diede. ¹⁵ Maumejie yaicáyumu yu yópe maje jabocu Jesucristo ñi

majide daiye báquepe yure. ¹⁶ Que baru daquijivu yu caiyede ji oainope, maje áruri bñajarājiyepu ayu caiye iye yávaiye mene ji yainiburu yóbore máre.

Ina Jesucristo meacu bajure jáivu bácavu ne coyuino

(Mt 17.1-5; Mr 9.2-7; Lc 9.28-35)

¹⁷ Borocubedejacarā majaue ñuje bueye báquede maje jaboch Jesucristoi paruédé. Aru borocubedejacarā majaue ñuje bueye báquede dacuyure cojedeca ijāravu. Ñuje bueye báque ñuje baju dápiaiyé ámevhu. Quénora ñujavacari járejacarā ñuje baju ñuje yacoruaque Cristoi urarō paruédé. ¹⁸ Majepacu Jūmenijicuvacari pueñarejame Jesúre aru mearore jídejame ūre ñi aiye báquede ñi yávaino mearoque: “Ñaime jímacu, ji umu. Torojuvu yu ūre”, arejame. ¹⁹ Aru ñujavacari jápiarejacarā ñuje baju ñuje cámucobeaque iye yávaino mácarore cavarō mearore jocarí ñuje cue báquede Jesucristo que dicu cūracu meacu bajui, Jūmenijicui cue báque boje nore.

²⁰ Ñuje jāino mácaro aru ñuje jápiaino mácaro máre nopedecabu iye Jūmenijicui yávaiyede coyucaiye báquepe javede. Que baru iye Jūmenijicui yávaiyede coyucaiye báqueque ñi jádovaimi jāvene ñuje coyuviyede iye vaiye báquede ñujare. Jápiari adajarā maja iye Jūmenijicui yávaiyede coyucaiye báquede. Yópe pñecupe pñeva ne quíjino jári eaiyepe ñeminoi pu miaadé tuiyeta aru aviá ñi boyjeta ne jārajiyepu aivu me, nopedeca iye Jūmenijicui yávaiyede coyucaiye báqueque ñi coreóvare daibi maja quíjino pu Jesucristoi copaidaiyeta, ñi coreóvare daquiyede maja me caiyede maje ümei. ²¹ Mamaramu coreóvajarā maja iyede: Pñecu cübebi ñi baju coyuři buojayu aipe aiyurore Jūmenijicui yávaiyede coyucaino mácarore ñi toivaicōjeino má-

carōre ūi yávaiyede.²¹ Que baru ūi yávaiyede coyucauyu bácu cübedejaquemavu coyuhyu bácu ūi baju dápiaiñore yópe ūi baju ʉrōpe. Quénora caivu ina Jūmenijicu yávaiyede coyucaivu bácvu memecarejaquemavu ūre. Aru coyucrejaquemavu ūi dápiaiñore yópe ūi ʉrōpe. Jūmenijicu Espíritu Santo coyuçójenejaquemavu na mácvure.

Ina borocñede bueivuřre coyuño

(Mt 12.45; Lc 11.26; Jn 8.34;
Ro 6.6, 16; Jud 4-13)

2 Javede Israecavu bácvu ne jéneboi cürejaquemavu Jūmenijicu yávaiyede coyucaipóeva ʉbenina. “Jūmenijicu yávaiyede jáveneca yávaivubu ūja”, borocñri arejaquemavu na mácvu. Nopedeca bueipóeva ʉbenina cüräjivubu mýje jéneboi. “Jūmenijicu yávaiyede jáveneca bueivubu ūja”, borocñri aräjivubu na. ʉbenita yavenina buenibárväjivubu ne yávaiyede jáve āmene. Aru ju abevuvacari maje jabocu Jesucristore, ñai meadayu báçure náre, “Maje jabocu āmemi ū”, aräjivubu na. Yópe pöecu ūi bojedaiyepu ūi ʉrōre bojedainoi ū jino maquiyépe ayu, nopedeca Jesucristo ū jinare daibi náre ūi meiye báque boje ūi jivede. Aru ne yávaiyede jáve āmene bueiye boje, maumejiena bíjare dáräjarama ne baju.² Obedivu pöeva náre ju arí, yóvarí nuri, napedeca ʉrarō āmeno dáräjivubu. Ne daibi boje nópe, āmeina yávaräjarama ina ju aivure Jesucristore.³ Újinajivubu na apevni cüvede, tátuturare máre. Que teni jújovaräjivubu mýjare ne bueiye borocñede, ñajivu mýje cüvaede. ʉbenita javede Jūmenijicu “Ina borocñede bueivu ūjinajarama”, arejaquemavu. Que teni bíjaräjarama na Jūmenijicu jocarí.

⁴ Ina ángeleva āmeina teivu bácvure Jūmenijicu árumetebedejaquemavu ne

āmeina teiye báquede. Quénora darorí jaruvarejaquemavu náre ñeminitucubu, ina ñajinajivure ne coreinoi. Nore nárecabu bhoimara tâumeaque coreivu pu Jūmenijicu ñájiovaquijäravu baquinóita.

⁵ Quédeca ina ijäravuřcavu javecavu bácvure máre, Jūmenijicu árumetebedejaquemavu ne āmeina teiye báquede. Quénora ocare darí, muivári yaidé darejaquemavu caivu ina āmeina daivu bácvure. ʉbenita meadarejaquemavu Noé máçure, ñai coyuřre curiduyu báçure pöevare ne mearore daibi jaquiyepu ariduyu báçure. Aru apevni siete paivu bácvure quévura Noé máçque Jūmenijicu meadarejaquemavu muiváibore jocarí.

⁶ Quédeca Sodoma aru Gomorra máre āmicuriřmaroacavu bácvure Jūmenijicu árumetebedejaquemavu ne āmeina teiye báquede. Quénora cüraboa uruiboarorí ocainopedeca, éni bíjare darejaquemavu caivu diimaroacavu bácvure. Que teni diimaroa quédato ūapena teni cüinéjaquemavu. Que darí, Jūmenijicu coreóvare daibi caivu ijäravuřcavu cüräjivure āmeina daivu báräjivure ū ñajine dacuyure na márajivure ne āmeina teiye baquiyé boje.⁷ ʉbenita meadarejaquemavu Lot báçure, ñai meacu báçure. ʉrarō chioñu marejaquémavu Lot bácu ūi ūmei ina Jūmenijicu ju abevu bácvure ne āmeina teiye báquede.⁸ Ñai ūmu meacu cücu barejaquémavu ne jéneboi. Aru ñajinu marejaquémavu ūi ūmei ūi jáiyede aru ūi jápiayede máre ne vainí tuiyede järavuña coapa.

⁹ Maje jabocu Jūmenijicu majibi meadayu ina ūre ju arí mearo daivure yópe ūi ʉrōpe, jújovaivure jaruvare. Aru ū majibi coreyu ina ūre ju abeni āmeno daivure, ñajinajivure pu ūi ñájiovaquijäravu baquinóita.¹⁰ Jūmenijicu ñajine dacuyume ina

torojurī daivure āmeina ne baju ursōpe aru ju abeni āmeina jāivure ūre apevū pueno.

Puedabenama ina borocuede bueivu. Dadama yópe ne baju ursōpe. Aru jidubevuva āmeina yávadama ina pueno parurivure. ¹¹ Que teivureca ina ángelevacapūravu, ne pueno parurivu aru ne pueno cōjeivu máre, puedarī āmeina yávabenama ina pueno parurivure Jūmenijicu jāinoi ñajine dārājivu náre. ¹² Ubenita ina borocuede bueivu coreóvabenama ina pueno parurivure ne āmeina yávaimarare. Que baru āimara ārumevhpe dāpiabevuva dadama yópe ne baju ursōpe. Yópe pōeva ne jēiyepo āimarare boarājivu náre, nopedeca na máre bíjaroimara mārajivubu, ne bíjare daiye boje apevure. ¹³ Āmeina ñajinajivubu na yópe ne baju āmeina ñajine daiyepo apevure, ne ñájiye daiye boje apevure. Torojuve tedama ubenina jāravure aru ñamine máre. Que teni dadama yo āmenore, chyoje tenajivu ne baju pōeva ne chyojeda jāiyede. Aru ne yóvarānuiyede mūje torojuve teinoi chyoje tede dadama mūjare ne torojurī jujovaiyede mūjare. ¹⁴ Áco nomiō ne jāimore āmenore daiyurī dāpiavubu óque. Uetubevuva āmeina dārī ne āmeina teiyede dajocaiye majibema na. Vainí ture dadama ina ju aivure Jesucristore parubevuva cāreja ne ju aiyede ūre. Náre jujovadama yópe moa boaipōecu ūi jajovaiyepo moacure cūvaque. Cainumua dāpiadama ne chvaiyude caiye ne jāiyede. Que baru ursarō ãujiñama na. Nárecabu Jūmenijicu ñajine daimara mārajivu. Que baru ūi coavaimara mārajivubu ūre jaruhvari. ¹⁵ Dajocadama ne ju aiyede Jūmenijicu yávaiyede jāvene. Que teni mamatedama ne baju yópe pōecu māi nūri macarōi ūi mamateiyepo ūi dajocaiyede dimare jocarī. Dadama

yópe Balaam máchpe. Nai Balaam mách Beor báchi mách barejaquémavu. Jūmenijicu yávaiyede coyucaipōecu báchvacari, borocuchu barejaquémavu. Úi āmeina teiye báque boje, bojede vorī eaiyurīdurejaquemavu ū mách. ¹⁶ Ubenita ūi tubam, aímacu yávabecu bách, jararejaquemavu ū máchare. Yávarejaquemavu ūre ape yávaiyequ yópe pōeschi yávaiyepo, dajocare dacuyu nai Jūmenijicu yávaiyede coyucaipōecu báture ūi daiye báquede ãrumesche.

¹⁷ Yópe pōeva ocote earī coreniduivu ne chioyepo cocobe pīapóri popoyle boje, nopedeca pōeva chiodama ina bueipōeva borocurivu ne bueiyequ, ne jújovaiye boje. Aru yópe ocopenibo ūmevhque japuri jaroiyepo pōeva majibevuva, nopedeca ina bueipōeva borocurivu ne bueiyede majibenama, ne jújovaiye boje. Que teni ne bueiyebáque bojecubevu. Que baru Jūmenijicu meadaibi náre ne curājino pueno baju ñeminore, ne ñajinajinore. ¹⁸ Yávadama parueque yópe majidivu ne yávaiyepo. Ubenita quēda ubenina yávadama na. Apevū pōeva dajocadama ne bueiyebáque jāve āmene jaruhvari, yópe bhoimū ūi dupini nūiyepo. Daicōjeivubu náre, ne dārājiyepo aivu cojedeca no āmenore yópe ne dajocarīduino mácarōpe. ¹⁹ Yópe arī, coyuvinubu náre: “Mūja yebacavu āmevh. Que baru dajará caiyede yópe mūje baju ursōpe”, adama na. Ubenita ne que aiyedeca, nárecabu yebacavupe paivu. Ne āmeina daiyude daicōjeiye boje náre, bíjarājarama na. Nai daicōjeñu apevure, ūrecabe ne jabocu. Aru apevū ūi yebacavubu. Nopedeca pōecu apejene daicōjeimū maru, ūrecabe yebacacupe páyu. ²⁰ Ina pōeva jaruhvaivu bácvu ijāravhcvavu ne āmeno daiyede, ne coreóvaiye boje maje jabocu Jesucristore, majare meadaipōecure, oatuhvaivu

baru ne ūmene, āmeina tenajivu cojedeca, b̄ojarājarama na āmena ne mamarumure āmeno daino mácarō p̄ueno. ²¹Ne jaruvaru Jūmenijicu īaicōjeiye méne ūi coyuhiye báquede náre, p̄ueno baju meajebu náre, ne majibedu iye bueiyede aipe dārī p̄oeva curī b̄ojarājivu mearare Jūmenijicu jainoi. ²²Dadama na yópe majidivu ne coyaíno mácarōpe: “Yavimi copedini āñume ūi baju bijoiye báquede. Aru várīco ne cuyavaimo máco copainuri paradise yaoburā”, adama na.

Maje jabocu ūi copaidaquinore coyuhiño

(Mt 24.43; Lc 12.39; 1 Ts 5.2; 2 Ti 3.1-5; Jud 18; Ap 16.15; 21.1)

3 M̄ija, ji ȣmara, caride toivacaivu m̄ujare cojedeca. Javede toivacacu m̄ujare apeyoca paperayocare. Diyoca p̄ucayocaque ārure daiyuvu m̄ujare iye bueiyede jāvene m̄ije jápiaiye báquede, m̄ije dāpiarājiyepe ayu nurié. ²Āru-jara ina Jūmenijicu yávaiyede coyu- caipōeva mácavu, Jūmenijicu memecaivu bácavu, ne bueye báquede mamarumure. Ārujara maje jabocu Jesucristo, majare meādaipōecu, ūi īaicō- jeiye báquede máre ūi yávaiye méne be- orī coyuhićojeimara ūjue bueye báquede m̄ujare.

³ Mamarumure coreóvajarā m̄ija iyede: Ānijāravu b̄ojaquijāravu baquiyéde, Cristoi copaidaquijāravu jipocare, darājarama p̄oeva Jūmenijicure ju abevu, yurivu, aru ne āmeina daiyuepe daivu. Yurinajarama Jūmenijicure aru Jesucristore ju aipōevare máre. ⁴ Yurini, yópe arājarama na: “M̄ija aivu, ‘Copaidachyumu yu ijāravni’, arejameda Cristo, aivubu m̄ija. Jāve maru no, ¿Ari curi ū? Obediúja vaivu majeñecuva mácavu ne yainſburu yóbore. Aru ne curinumure, caride

máre, caiye vaivu cūináturu iye vaiye báquepedeca Jūmenijicu ijāravure cuedainum u yóbore”, arī yurinajarama na. ⁵ Ubenita nácapūravu coreóvaiyubenama Jūmenijicu cuedaiye báque caijene. Mamarumure Jūmenijicu cuedarejaquemavu cavarōre aru joborōre máre ūi yávaiyeque. Cuedarejaquemavu ijāravure ocoque aru oco jēneboi. ⁶ Aru ocoque máre jaruvarī b̄ijare darejaquemavu ānijāravucaivu bácavure muiváiboque. ⁷ Aru caride máre meadayube ijāravure, cavarōre aru joborōre máre, ūi yávaiyeque. Meadayube ijāravure p̄u ūi nájiovaquijāravu baquinóita, ūi nájine īaquiyede caivu āmenare, ne coatenajiyepa ayu ūre jaruvarī. Dinumma maquinóre cūiné dacchuyume ijāravure toaque.

⁸ M̄ija, ji ȣmara, ārūmetebejarā iyede: Jūmenijicu jāñume cūinajāravu vainore yópe maje jáiyepo mil p̄aiyua vainore. Aru Jūmenijicu jāñume mil p̄aiyua vainore yópe maje jáiyepo cūinajāravu vainore. ⁹ Maje jabocu Jesucristo “Copaidachyumu yu” arejame. Ubenita apev u p̄oeva ne majiépe, ne jāravhare corevaiyepo, d̄uibajiemu ūi daiyuriduino. “Dabebi cāreja. Que baru dabecchuyume”, arī dāpiadama ȣbenina. Ubenita daiyubecu āmemi. Quénora napiñume m̄ujare. Jūmenijicu ubi caivu p̄oevaré meādaimara marajiyépe ayu. Que baru ubebi ū cūinácu ūi coateiyede ūre jaruvarī toabo cūiméboi.

¹⁰ Yópe ūnavipōecu daiyepo ñamine, p̄oeva ne majibede, nopedeca dacchuyume Jesucristo, p̄oeva ūre ne corebede. Dinumma maquinóre yo cavarō cūiquíyebu ȣrarō jidojarō b̄ujinoque. Aru caiye iye ijāravni cue báque me éni cūiquíyebu toaque p̄u ne b̄ijari cūiyeta. Aru maje curijoborō máre, caiye ijāravuque máre, Jūmenijicu

cuedaiye báque, põeva ne daiye báque máre, me éni cüiquíyebu.

¹¹ Que teni caiye bíjarí cüiquíyebu. Que baru me cüjarã maja meara teni Jūmenijicu jáinoi úre memecaivu. ¹² Napini corejarã maje jabocu Jesucristoi copaidaquiyede. Aru dajarã maja caiye iye jauede mójare cäreja üi daquiye jipocare. Que teni daicōjenajivbu maja úre maumena. Dijárvu üi copaidaquijárvu baquinóre, yo cavarõ me éni cüiquíyebu toaque pü bíjarí cüiyeta. Aru caiye iye ijárvu cue báquede toaijiquiyebu toaque pü énuricoro teni cüiyeta. ¹³ Ubenita cüquiyebu cavarõ mamaro aru joborõ mamaro máre. Jūmenijicu aibi majare, “Apejárvu mamajárvu meajárvu baquinó cüquiyebu jáve”. Aru caivu dinumu maquinócavu meara curájarama cainumua Jūmenijicu jáinoi.

¹⁴ Maja, ji umara, maje napini coreiyedeca diede dajarã caiyede maje oainope, maje jabocu eaquiyepo aivu mójare ámeno cübevure. Quénora eajacurí mójare pñeno baju mearare aru me curivure cärijimevhuva. ¹⁵⁻¹⁶ Coreóvajarã iyede: Maje jabocu

Jesucristo napini coreibi põevare, ne meadaräjiyepo ayu. Quédeca caiyoca üi paperayocaque toivaicōjequemavu diede majecu, maje umu, Pablo. Apeyoca üi paperayocare apevü põeva jápiariduyama. Ina majibevu aru ina ju aivu Jesucristore parabevuva cäreja coyuriduyama aipe aiyurore iye üi toivaicōjeiye báquede aru ape toivaiye báquede máre, Jūmenijicu toivaicōjeiye báquede üi yávaiyede. Ubenita ubenina coquyama na. Que baru ne baju coatedama Jūmenijicure jaruvári.

¹⁷ Maja, ji umara, javede majivu maja diede. Que baru me jájara ina põeva Jūmenijicure ju abevure, ne jujobabenajiyepe aivu mójare ne bueiye jave ámeque, maje vainí turí bíjabenajiyepe aivu maje ju aiyede jaruvári.

¹⁸ Quénora pñeno baju nñjara maja, Jūmenijicu mearo däcaimara bojecubeda üi me boje. Aru pñeno baju coreóvajarã maje jabocu Jesucristore, majare meadapõecure. Mearore jínajarevu úreca caride aru cainumua, jådovarajivu úre meachu bajure. Quédecabu. Quénoram.

1 San Juan

Mamabuinore coyuhiyebu Juan mácu ūi toivacaiye báquede iyoca mamayoca ūi paperayocare. Juan mácu barejaquémavu judíovacacu, Galilea ámicurijoborócacu, aru Jesú斯 ūi yávaiye méne beorí coyuhiçójeimaracacu. Ūi mamicu Santiago bácuque moa boaipöecu bácu barejaquémavu, Jesúi órejaquiye jipocare ū mácure. Lucas bácu coyuhejaquemavu Juan mácu borore Hch 3:1-4:22. Majidivu ne dápiaiyepo, toivacarejaquemavu diyocare ū mácu cucus bácu Éfeso ámicuriñamaroi, ne coreóvaiye boje ū mácu Éfesocavu Jesúre ju aipöevare coreipöech bácuré. Apevu ne dápiaiyepo, toivacarejaquemavu Partia ámicurijoborócacu bácarure. Pöecu cübebi majicu ye պյս ūi toivacaiju bácarore diyocare, ւbenita obedivu ne dápiaiyepo աniujua báquede 87-90 d.C. baji, ūi toivaquiye jipocare ūi coyuhiyede Jesucristorá aru Jesucristoi jádovaiye báquede ū mácure.

Bueipöeva borocurivu bácvu "Jesú斯 ámemi Jümenijicu mácu" arí, buenidurejaquemavu Juan mácu toivacaimara mácavure. Que baru ū mácu toivacarejaquemavu na mácavure, Jesúre ju aipöevare, ne majinajiyepo ayu jäveneca Jesúre Jümenijicu mácure, aru ne torojurájiyepo ayu ne ju aiyeque ūre, aru ne majinajiyepo ayu caivu ūre ju aivure jäveneca meadaimara mácavu aru járvu cüiméjárvu baquinóre cüvarivure ūque (1:1-4, 2:18-3:3, 4:1-6, 5:1-15). Na mácavure buedejaquemavu diyocaque caiye pñeno jaüröre ne uede Jümenijicure aru Jesúre ju aivure máre (2:9-17, 3:11-24, 4:7-21), aru aipe daiye jaüröre Jesúre ju aipöevare

ne ámeina teniburu yóbore (1:5-2:8, 3:4-10, 5:16-21).

Nai Jümenijicu dápiainore coyuçudayu

(Jn 1.1, 4, 14, 18; 6.68; 1 Jn 2.13-14)

1 Toivacavu mujare Jesucristorá. Nai 1 cucus bácu caiyede ūi cuedaquiye jipocamia, aru caride máre ū cubi. Üvacari apure dayube pöevare aphé mamaeque. Majide dayube aphé jävene. Que baru ū majare Jümenijicu dápiainore coyuçudayube. Ūi cuededijäravu, նüjavacari jápierejacarā ūi coyuhiyede aru járejacarā ūre. Aru ūre jäve jári coreóvarí jenejacarā նüja. ²Nai apure dayu pöevare aphé mamaeque cuetedejame ijäravu. Aru նüja járejacarā ūre. Que baru coyuvinvbu նüje jári majié boje. Coyuvinvbu mujare ūi borore, nai apuhure cainumha. ū cürejaquemavu majepacu Jümenijicque cavarö mearoi. Ւbenita darejaquemavu nore jocarí pu ijäravu, cuetecvuy uui. ³Urivvbu նüja մüje yóvarájiyepo aivu նüjaque cüinávhupe cüináturu maje ūmei, majepacu Jümenijicque aru mamacu Jesucristo que máre. Que baru նüja coyuvinvbu mujare նüje jáyiye báquede ūre, aru ūi bueye báquede máre. ⁴Que baru toivacavu yu mujare iye coyuhiyede, maje mearo torojurájiyepo aivu maje ūmei.

Jümenijicu ámeina daiyue cübecu

⁵Iye yávaiyede Jesucristo coyuhejametüjare. Aru caride նüja coyuvinvbu iye yávaiyede mujare máre. Jümenijicu miadárope páyube. Que baru meacubé ū. Jümenijicure նeminijino cübevu. Que baru ámeno cübecube ū. Miadárope pöeva jáivvbu aipe árojarore ijäravure. Nopedeca Jümenijicu jádovaiyabi pöevare ne majinajiyepo ayu ū meacure. ⁶Maja ámenore daivvacari,

"Majepacu Jūmenijicuque yóvaivubu maya cūinávupe cūinárturú maje ūmei" aivu baru, dabevacari meareore, borocurivubu maya. Ubenita jāve ñeminoi curivupe daivubu maya āmenore.⁷ Ubenita maya daivu baru meareore Jūmenijicupe, aru yópe miadároi curivupe baru, jāve maya curajaramu cūinávupe cūinárturú maje ūmei. Aru Jūmenijicu mácu Jesú斯 bojedarejame maje yóvaiyede Jūmenijicuque ūi jiveque, ūi yaicáiyé báquede majare maje āmeina teiyede boje. Que baru Jūmenijicu ārūmeteibi maje āmeina teiyede, Jesú斯 dacaiye báque boje majare.

⁸Maja aivu baru "Āmeno cibevu majare", jujovaivubu maye bajuma. Que aru, maye aiye jāve āmevu aru Jūmenijicu jāve coyuviye cibevu majare.⁹ Ubenita maye coyuvi Jūmenijicure aipe maye āmeina teiyede, Jūmenijicu capúravu ārūmeteni jaruvacuyume diede. Nópe dacayume ūi daiye boje cainumha yópe "Dacachumu yu mūjare", ūi aiye báquepe, ūi daiye boje meareore quēda.¹⁰ "Āmenore dabevu maya" aivu baru, Jūmenijicure borocucupe dápiaivubu maya aru jāve ju abevu maya ūi yávaiyede.

Cristo majare me coyuvi

(Jn 14.15, 21, 23; Ro 6.11-14; 1 Jn 4.10)

2 Muja, jímajinape paivu, toivacainu mūjare diede, muje dabenajiyepa ayu āmenore. Ubenita ácu pōecu āmenore daríburu yóbore, apecu cibi majare coyuvi cadateni coyuvi me majepacu Jūmenijicuque maje borore. Aru ñai majare cadatacuyu, ūrecabe Jesucristo, ñai meachu baju Jūmenijicu jainore.² Aru ñai Jesucristovacari yaidéjame majare boje. Ūi yaiye boje, Jūmenijicu ārūmeteibi maje āmeina teiyede. Que baru meateimume

ū majepacu Jūmenijicuque, maya aru caivu ijáravacavu máre.

³Maja daivu baru yópe Jūmenijicui daicōjeiyepa buojadavu maya coreóvaivu Jūmenijicure.⁴ Ubenita ñai pōecu "Yu coreóvaivu Jūmenijicure" ayu baru, dabecuvacari yópe Jūmenijicui daicōjeiyepa, borocucube ū. Que teni Jūmenijicu jāve coyuviye cibevu ūre.⁵ Ubenita ñai dayu yópe Jūmenijicui daicōjeiyepa, ūrecabe jāve coreóvayu me aipe darí ucu Jūmenijicure. Que teivu maya coreóvaivubu curivu Jūmenijicuque cūinávupe, cūinárturú maje ūmei.⁶ Aru ácu pōecu "Yu yóvaivu Jūmenijicure cūinávupe" ūi aru, ūre cue cue jaivu yópe Jesucristovacari ūi cue báquepedeca.

Daicōjeino mamaro

(Jn 13.34; 15.12; Ro 13.12-14; Stg 1.27)

⁷Muja, jívu, ji umara, yo daicōjeino, ji toivacaino mūjare caride, daicōjeino mamaro āmevu. Quénora cūinárturubu no daicōjeino yo muje ju aino mácaro mamarumure ju aivu Jesúre. Que baru javede muja jápiarejaquemavu yo daicōjeino javecarore.⁸ Ubenita yo ji toivacaino mūjare daicōjeino mamarotamu máre. Aru yo mamaro jāvemu. Cristo ūi daiye jādovaivu nore jāve, aru muje daiye máre. Pōeva ne Jūmenijicu yávaiye méne majibede, ñeminoi curivupe paivubu. Aru ne majiéde diede, miadároi curivupe paivubu. Que baru Cristoi daiyede yópe miadáre daiyepe ijáravui yo ñemino mácaro bíjare nuivu caride.

⁹Nai pōecu "Cuvu yu miadároi, dayu meareore yópe Jūmenijicu cōjeiyepa" ayuvacari ubecu baru ū jichre, ñeminoi cibi ū cäreja. Que baru dabebi ū meareore.¹⁰ Nai uchu ū jichre cibi ū yópe miadároi cuchape. Que baru daibi meareore. Aru ye āmei vainí turí dare dabecube apecure āmenore.¹¹ Ubenita ñai ubecu ū jichre cibi ū yópe ñeminoi

cucupe. Que baru daibi āmenore. Que teni ye coreóvabebi aipe daiye jaūrōre ūre. Ūi āmeno daiye boje, buojabebi dápiayū coreóvayupe. Que baru ūi dápiaino ñeminomu yópe pöecu jári eabecu ñeminoi coreóvabepē ári ūi nūinore.

¹² Muja, jímajinape paivu, yu toivacaivu mujare Cristo ñii yaicáiyé báque boje mujare, bojedaciyu muje ámeina teiyede. Que baru Jämenijicu árumeteibi muje ámeina teiyede. ¹³ Aru muja, jíbucuvape paivu, yu toivacaivu mujare muje coreóvaiye boje ñai cuchre caiyede ñii chedaquiye jipocamia. Aru muja, bojuvu, yu toivacaivu mujare máre muje vainí tuiye boje ñai abujuvai jabocure.

Aru mūja, jímajinape paivn, yu toivacaivn mūjare mūje coreóvaiye boje majepasch Jūmenijicure. ¹⁴ Aru mūja, jíbucuvape paivn, yu toivacaivn mūjare mūje coreóvaiye boje nñai cùchure caiyede ñii cuedaquiye jipocamia. Aru mūja, bo-junv, yu toivacaivn mūjare máre mūje cùvae boje Jūmenijicui yávaiye méne mūje ümei, aru mūje jú aiye boje diede parurōque, aru mūje vainí tuiye boje nñai abujuvai jabocure.

15 Ubejarā mūja iyede, ijāravucavu Jūmenijicure jū abevu ne uede. Aru ubejarā yo ijāravucarō cūiquínore máre. Nai ucu baru ijāravure aru ijāravuquede máre, nai buojabebi ucu majepacu Jūmenijicure. 16 Que baru ina ijāravucavu ne dāpiaino, ne uro, aru ne cūvarō máre Jūmenijicu jino āmevu. Quénora ijāravucavuvacari jinomu no. Aru nai abujuvai jabocu jinomu no. Daiyurivubu yópe ne āmeina daiyuepe. Aru cūvaiyurivubu caiye iye āmene ne jáiyede. Aru, “¿Meara márica caivu apevu pueno?” arí cūiyurivubu. 17 Ubenita ijāravucavu bíjare nūivubu ne āmeina daiyueque. Quénora nai dayu yópe Jūmenijicui urope cūvacuyume jāravu cūiméjāravu baquinóre.

Jäve aive aru borocue

(1 Go 2.10-16)

¹⁸ Muja, jímajinape paivu, joabenomu ijáravu cíiquíno. Javede jápiadavu muja cuinácu dachyure, nai Cristoi maucu bacuyure. Aru caride obedivu maucuvarivubu Cristore. Que baru coreóvaivubu maja joabenore ijáravu cíiquíno. ¹⁹ Ina Cristore maucuvarivu maje jéneboi cátēima. Ubenita majevu ámema. Que baru etadama na majare jocarí. Majevu baru, cujebu na majaque. Ubenita ne etaiye báque boje majare jocarí, majidivubu maja majevu ámevure.

²⁰ Mujareca Cristo daroibi Espíritu Santore. Que teni ñai Espíritu Santo majide ñaibi mujare yávaiyede jávene aru jáve ámene máre. Que baru caivu majidivutamu muja. ²¹ Yü toivacabevu mujare muje majibe boje iye yávaiyede jávene. Quénora yü toivacaivu mujare muje majié boje diede, aru muje majié boje iye borocubede, iye jáve covuviye.

22 Ácu pöecu “Jesús Jämenijicui mácu Cristo āmemi” ayu baru, ūrecabe borocucu. Nai nópe ayu maucuvaibi Cristore. Que teni ju abebi Jämenijicure aru Cristore máre. 23 Ácu pöecu “Jesús Jämenijicui mácu Cristo āmemi” ayu baru, yóvabecube majepacu Jämenijicure. Ubenita nai “Jesús Jämenijicui mácu Cristobe” ayu baru, ūrecabe yóvayu majepacu Jämenijicure máre.

²⁴ Que baru ārūjara iye Jāmenijicu
yávaiye méne muge jápiaiye báquede
muge ju aiye báquede Jesúre ma-
marumure. Me dápiajarā iye yávaiyede
jávene muge ūmei. Muga me dápi-
aivu baru iye muge jápiaiye báquede,
mujacapūravu yóvarajaramu Jāmeni-
jicu mácu Jesucristore, aru Jāmeni-
jicu máre cūinávape, cūinátaru muge
ūmei. ²⁵ Aru yorecabu Jesús “Yu cūvare

daçħuyħtu mħejre jārav u cūiméjārav u baquinore", īi aino mácaro.

²⁶ Yu toivacaiv u mħejre mħejre ma-jinajiepe ayu aperu ne borore, ina mħejre juijovaiyurivvare. ²⁷ Ubenita mħjacapūrav u javede jacopuquemav u nai Espíritu Santore, cuscure mħajaque, Jesucristo īi daroim u mäcure mħejre. Aru nai Espíritu Santo bueibi mħejre caiyede. Aru īi bueiye mħejre jāvetamu. Borocħbetamu die. Que baru apecu jaubebi mħejre majicacħu iye yávaiyede jāvene. Que baru yóvajarā mħaja Jesucristore cūinavupe cainumha, cūinatru mħejre īmei.

²⁸ Aru mħaja, jīmajinape paivu, quēdata yóvajarā mħaja Jesucristore cūinavupe, cūinatru mħejre īmei caride aru puh īi copaidaquijāravuita, maja nūmuri aivu īi jipocai jidu bevvu aru cħojjarō märe cibeda. ²⁹ Coreóvaivu mħaja Jesucristore meacu bajure Jūmenijicui jāinore. Que baru coreóvaiye javu mħejre iyede märe: Caiv u daiv u mearore, nárecabu Jūmenijicui märe.

Jūmenijicui märe

(Jn 1.12, 29; He 2.14-15)

3 “Jímaratamu mħaja”, aibi majepas u Jūmenijicui majare. Que baru coreóvaivu mħaja aipe Jūmenijicui uharō uċure majare. Aru jāve īi māratamu mħaja. Ubenita aperu pőeva ijāravu-cavu coreóvabema majare. Jūmenijicure aru Jesucristore märe coreóvabema na. Que baru majare märe coreóvabema na. ² Mħaja, jīvu, ji umara, caride Jūmenijicui māratamu mħaja. Ubenita coreóvabevu mħaja cāreja aipe ārojarajiv u bárājivu yóbore. Quēdata coreóvaivu mħaja Jesucristoi daquiyede īppu tenajivu, maje jāri majinajie boje īre aipe ārojacie. ³ Aru caiv u mħaja napini cor-eivu Jūmenijicui oħraquiyede majare maje Cristope barajjiede, dare

nūmemuri āmeina teiyede. Quénora mearore daiyurivu yópe Cristovacari mearore daiyepē cainumha, īi me boje.

⁴ Caiv u ina āmeina teivu ju abema Jūmenijicui daicōjeiye báquede. Que teni maucħvadama Jūmenijicure. Que baru āmeina teiye cūinatru uju abepedeca Jūmenijicui daicōjeiye báquede. ⁵ Jesucristo cħetedejame ijārav u jarvacħu āmeina teiyede. Aru ħcapūravu meacu bajube. Que baru ye āmeina teiye cibevu īre. Javede coreóvaivu mħaja diede. ⁶ Que baru caiv u mħaja yóva inu Jesucristore cūinavupe, cūinatru maje īmei, āmeina tévabevu. Ubenita caiv u ina āmeina tévaiv u jejapiar eabema Jesucristore aru coreóvabema īre.

⁷ Mħaja, jīmajinape paivu, jápiabejarā ina juijovaiyurivvare mħejre. Nai dayu mearore cainumha daibi mearore yópe Jesucristovacari īi daiyepē mearore cainumha. ⁸ Ubenita nai dayu āmeina teiyede, nai abujuvai jabocu jicseb. Mamarumħu nai abujuvai jabocu maucħvarejaquemav u Jūmenijicure. Que teni mamarumħu aru puh caride märe, cainumha āmeina teiyede daibi u. Que barureca darejame Jūmenijicui mācu, jarvacħu nai abujuvai jabocu daiyede. ⁹ Caiv u mħaja Jūmenijicui märe Jūmenijicui apħre daiyede mamaene cibavu mħaja. Que baru cūnacu cibebi Jūmenijicui māracacu cōmajie dayu āmeina teiyede cainumha. Aru āmeina tévayu bħojabebi u. ¹⁰ Ácu pōeċu mearore daiyubecu baru, Jūmenijicui jicu āmemi u. Aru ácu pōeċu u jicure märe ubecu baru, Jūmenijicui jicu āmemi u. Que baru coreóvaivu mħaja nāmene Jūmenijicui märare aru nāmene abujuvai jabocu märare märe.

Urājarevu mħaja majevu

(Jn 5.24; 13.34; 15.12-13)

¹¹ Jápiaivu mħaja iye yávaiyede mħejre ju aiye báquede Jesúre

mamarumture aru caride máre. Ue javu majare majevure. ¹²Daiye jabevu majare yópe Caín mácu ui daiye báquepe. Ú mácu nai abujuvai jabocu jicu barejaquémavu, aru boarí jaruvarejaquemavu imacu bácre. ¿Aipe teni boarí jaruvarejaquemari ú mácre? Caín mácu dare nurejaquemavu amenore Jümenijicu jainore. Ubenita imacu bácu dare nurejaquemavu mearore Jümenijicu jainore. Que baru Caín mácu boarí jaruvarejaquemavu imacu bácre ui baju jorojinina.

¹³Muja, jívu, cuecumamejara muja ina ijárvacavure Jümenijicure ubevu ne ubede mujare máre.

¹⁴Jipocamia maja yaivu bácvu paivvacari, apurivupe barejávu. Ubenita caride apué mamaene cuvarivbu maja. Aru coreóvaivbu maja apurivure jáve caride, maje ue boje majevure. Ubenita nai ubecu ú jivure apuchvacari caride, jáve yaiyá bácpe páyube ú. ¹⁵Ácu póecu ubecu ú jicure, boaipóecupe páyube ú. Aru coreóvaivbu muja boaipóecu cubecu apué mamaequ. Que baru cuvabecupe ú járvu cüiméjárvu baquinóre.

¹⁶Jesucristo jádovarejame majare aipe darí maje urajinore majecure, yaicáyu majare boje. Quédeca daiye javu majare máre, jívu maje bajure yaicáiu majevure boje. ¹⁷Ácu póecu cuve cuvacu baru aru jánu maru ú jicure cuve cuvabecure úre jauéde, ubenita yéde jibecu nai comaje árojacure cadatebebi úre. Jáve "Yu uvu Jümenijicure ji úmeque", arí buojabebi ú. Quénora nai comaje ároje jámecu ubebi Jümenijicure jáve. ¹⁸Muja, jímajinape paivu, quéda "Uvu yu jícure" abenajarevu. Quénora jádovarajarevu urivu majevure maje daiyeque. Que baru cadatenajarevu náre.

Jidubevuva Jümenijicu jainore

(Jn 13.34; 15.12, 17)

¹⁹Maja urivu baru majevure jáve, coreóvaivbu maja daivre yópe Jümenijicu yávaiye jávepe. Que teni carijimevu maje úmei jidubevu maja Jümenijicu jainore. ²⁰Ubenita maja jidurivu baru maje dápiaiye bojedaveu yópe Jümenijicu yávaiye jávepe, carijiye jabevu majare. Que baru maja nájine dabenajaramu maje bajure maje dápiaiye boje. Quénora Jümenijicu nájine dacuyume majare ui majé boje caiyede. ²¹Muja, jívu, ji umara, maja jidubevu baru maje dápiaiyeque, ména curivbu maja Jümenijicu jainore, jéniarajivu úre maje uede.

²²Aru Jümenijicu dacuyume majare caiyede yópe maje jéniaiyepe úre, maje ju aiye boje ui daicójeiye báquede aru maje daiye boje yópe ui urópe. ²³Jümenijicu daicójeimi majare, maje ju arajiyepe ayu mamacu Jesucristore, aru maje urajiyepe ayu majevure, yópe Jesúi daicójeiyepe. ²⁴Caivu maja ju aivu Jümenijicu daicójeiye báquede yóvaivbu Jümenijicure cüinávupe, cüinátuu maje úmei. Coreóvaivbu maja Jümenijicu chede majaque, maje cuvae boje nai Espíritu Santore, Jümenijicu daroimu mácre majare.

Jümenijicu Espíritu Santo aru nai Cristore maucuvacu

(Mt 7.15; Jn 8.47; 15.19; 2 Jn 7)

4 Muja, jívu, ji umara, ju abejara muja caivu ina "Jümenijicu Espíritu coyucojeimi yure" aivure. Ubenita cainumua cüinácu póecu "Que aibi Jümenijicu" ui arí coyuru, jári coreóvajara muja ui coyuiyede, majinajivu jáve Jümenijicu Espíritu dápicójeñure úre. Que dajara muja, obedivu Jümenijicu yávaiyede coyucaipóevape teniduivu ne daiye

boje. Coyure cuivabu “Jūmenijichí yávaiyede coyucaipōecabu yu” arīduivu. Ubenita borocurivabu na. ² Coyuquijivu mūjare aipe darī coreóvarī buojarājivure cūinácu pōecu dāpiayure yópe Jūmenijichí Espíritu ūi cōjeiyepo. Caivu ina aivu “Jesucristo, Jūmenijicui mácu, jāve daibi pōecupe ijāravni”, dāpiaivabu na yópe Jūmenijichí Espíritu ūi dāpiaicōjeiyepo. ³ Ubenita ñai jāve dāpiabecu yópe Jūmenijicui Espíritu ūi dāpiaicōjeiyepo, dāpiaibi yópe Cristoi maucu ūi dāpiaiyepo. Javede jāpiadavu mūja ñai Cristoi maucu dacuyure. Aru caride curivabu ijāravni ina Jūmenijichí yávaiyede coyucaipōevape teniduivu, ubenita borocurī. Yópe Cristoi maucu ūi dāpiaiyepo dāpiaivabu. Que baru borocueque coyuvinabu na.

⁴ Mūja, jímajinape paivu, mūjacapūravu Jūmenijichí jinatamu. Que baru Jūmenijichí Espíritu Santo dāpiaicōjeimi mūjare. Ijāravucavu Jesúre ju abevu ñai abujuvai jabocu jinatamu. Aru ñai abujuvai jabocu dāpiaicōjeimi náre. Ubenita parucube ñai dāpiaicōjeñu mūjare, ñai náre dāpiaicōjeñu pueno. Que baru mūja vainí tħivabu ina Jūmenijichí yávaiyede coyucaipōevape teniduivu borocurivure. ⁵ Nácapūravu ijāravucavu Jesúre ju abevu névutamu. Que baru cainumha coyuvinabu na ijāravuquede. Aru ina jāpiaivu náre máre ijāravucavu Jesúre ju abevutamu na. ⁶ Ubenita majacapūravu Jūmenijichí jinatamu. Ñai coreóvayu Jūmenijichíre torojuscu jāpiaibi maje bueiyede. Ubenita ñai coreóvabecu Jūmenijichíre jāpiabebi maje bueiyede. Que darī coreóvaivabu maja ñamene coyuuyure yávaiyede jāvene aru ñamene yávaiye borocuquede.

Jūmenijichí ubi pōevare

(Mt 5.44-45; Mr 12.29-31; Jn 1.18; 3.16-17; Ro 8.9; 1 Jn 3.24)

⁷ Mūja, jívu, ji umara, Jūmenijichí ure daibi majare majevure. Que baru ue jaivu majare majevure. Caivu urivu apevure Jūmenijichí máramu maja. Aru coreóvaivabu maja Jūmenijichíre máre. ⁸ Jūmenijichí ubi caivu pōevare. Que baru ñai ubecu ū jivure, Jūmenijichíre coreóvabebi ū. ⁹ Jūmenijicu jādovare-jaquemavu ūrōre majare daroyu bácu mamacure cūinácu yui ijāravni, maje cūvarājijepo ayu jāravu cūiméjāravu baquinore, mamachí yaiye báque boje majare. ¹⁰ Maja buojarī urivabu Jūmenijichíre quíjinora. Ubenita Jūmenijichí buojarī ubi majare pueno urarō baju. Yópebu Jūmenijichí ue jāve: Jūmenijichí darorejaquemavu mamacure ijāravni, jícayu ūre ūi yaicáquiyepe ayu majare boje, Jūmenijichí arūmetequiyepe ayu maje āmeina teiyede.

¹¹ Mūja, jívu, ji umara, nópe urarō baju ubi Jūmenijichí majare. Que baru nopedeca ue jaivu majare máre maje baju. ¹² Ácu pōecu Jūmenijichíre jāñu mácu cūbebi ū. Ubenita maje uru majevure, Jūmenijichí yóvaibi majare cūinávure, cūináturu maje ūmei. Que teni coreóvaivabu me aipe darī buojarī urivu Jūmenijichíre jāve. ¹³ Jūmenijichí darorejaquemavu ñai Espíritu Santore, ūciquiyepe ayu majaque, maje majinajijepe ayu jāve Jūmenijichí yóvaiyede majare aru maje cūvaede ūre máre cūinávure, cūináturu maje ūmei. ¹⁴ Aru ñujavacari jārejacarā Jūmenijichí mácu. Que baru coyuvinabu majepas u Jūmenijichí daroibe báquede mamacure ijāravni. Pōevare coyuvinabu majepas u daroibe báquede mamacure, ūi mead-aquijepe ayu ijāravucavure abujuvai jaboci paruēde jaruvarī. ¹⁵ Ácu pōecu “Jesucristo Jūmenijichí mácu” ayu,

ñ jāve yóvaibi Jūmenijicure aru Jūmenijicu máre yóvaibi ūre cūinávhe, cūinátrur ne ūmei.

¹⁶ Que baru maja coreóvaivhbu Jūmenijicu ucure majare. Aru jū aivhbu maja diede jāve. Jūmenijicu ubi caivh pōevare. Nai ucu Jūmenijicure aru apevure máre cainumha, ūrecabe yóvayh Jūmenijicure aru Jūmenijicu máre yóvaibi ūre cūinávhe, cūinátrur ne ūmei. ¹⁷ Coreóvaiye jauvu majare aipe dāri maje urōre Jūmenijicure jāve, jidubenajivh ūi nájiovaquijáravh baquinore ámeina teivure. Jesucristo pacu Jūmenijicube. Aru maja máre, ijáravh curivui pacube ū. ¹⁸ Nai ucu Jūmenijicure jāve jidubecube ūre ūi nájiovaquijáravh baquinore. Ú majibi Jūmenijicu nájine dabechyure náre, ina urivure ūre jāve, ne ámeina teiye boje. Que baru jidubecube ū. Ubenita ách pōecu jiducu baru, bhojabebi ucu Jūmenijicure jāve cāreja.

¹⁹ Jūmenijicucapúravh urejaquemavu majare mamarumure. Que baru maja máre uvu Jūmenijicure caride. ²⁰ Nai “Jūmenijicure uvu yu” ayu baru, aru que ayvacari ubecu baru ū jicure, nai pōecu borocubi ū. Nai ubecu baru ū jicure, ūi jaimure, jāve bhojabebi ucu Jūmenijicure, ūi jāmemure. ²¹ Que baru daicōjeimaramu maja. Nai ucu Jūmenijicure, ujacur ū jicure máre.

Maje vainí tuino ijáravucarō ámenore

(Mt 11.30; Jn 14.15; 2 Jn 6)

5 Caivh “Jesúrecabe Jūmenijicu mách Cristo” aivh, Jūmenijicu máramu maja. Cūinách ucu baru apeschu pacure, mamacure máre ubi ū. ² Que baru maja urivh baru Jūmenijicure aru daivh baru yópe ūi daicōjeiye báquepe, coreóvaivhbu urivh Jūmenijicu mārare máre. ³ Nai ucu Jūmenijicure dayube caiyede yópe ūi daicōjeiye báquepe. Aru caiye iye Jūmenijicu daicōjeiye báque

maiyojabevh nai pōecure ūi daiyede. ⁴ Caivh ina Jūmenijicu mára vainí tuivhbu caino no ijáravucarō ámenore. Jesucristo javede vainí turejaquemavu ijáravucarō ámenore. Que baru maje jū aiye boje ūre maja máre vainí tuivhbu nore. ⁵ Nai jū ayu Jesucristore, Jūmenijicu mácure, ūrecabe vainí tuyu ijáravucarō ámenore.

Jūmenijicu mácure jāve coyuino

(Jn 3.36; 5.32-37; 8.18)

⁶ Nai Jesucristorecabe dayu bácu ijáravh. Ūrecabe jādovaimu mácu Jūmenijicu mácu ocoque, Juan Bautista bácu ūi jādovaiye báquede ūre Jūmenijicuque ocoque. Ubenita quéda ocoque jādovaimu mácu Jūmenijicuque ámemi ū. Quénora ūrecabe jādovaimu mácu Jūmenijicu mácu jiveque máre, ūi yaiye báquede jocuchjaravena aru ūi nacajaiye báquede yainore jaruhvarí. Nai Espíritu Santovacari cainumha borocubecu jū aibi diede jāve. ⁷⁻⁸ Maja coreóvaivhbu Jesucristore Jūmenijicu máchre jāve bajure yóbecue jādovaiye cue boje. Mamarumure nai Espíritu Santo coreóvare dayube diede. Aru maja coreóvaivhbu diede Jesús ūi jādovaiye báque boje Jūmenijicuque ocoque. Aru coreóvaivhbu diede máre, Jesús ūi jive meiyé báque boje ūi yaiyede. Caiye iyeque coreóvaivhbu maja Jesucristore Jūmenijicu máchre jāve bajure. ⁹ Pōeva “Jávemu no” ne aiyede, maja jū aivhbu náre. Ubenita apenumha pōeva borocuma na. Ubenita Jūmenijicucapúravh borocubecube cainumha. Que baru pueno baju jauvu majare maje jū aiye ūre. Aru Jūmenijicuvacari “nai jímacu”, arī coyuibí Jesucristorā. ¹⁰ Nai jū ayu Jūmenijicu mácu Jesúre, majibi ūi ūmei Jūmenijicu coyuibe báquede jāvene. Ubenita nai jū abecu Jūmenijicu mácu Jesúre, yópe

borocucupe dápiaibi Jümenijichre, ūi jü abe boje Jümenijicai coyuíye báquede mamaçurã. ¹¹ Iye Jümenijicui coyuíye báquebu ūi cùvare daiye majare järavu cüiméjärvu baquinóre. Aru Jümenijichu cùvare daibi majare diede maje jü aiyede mamaçure. ¹² Ñai yóvayu Jümenijicui mácure cùvabi järavu cüiméjärvu baquinóre ūque máre. Übenita ñai yóvabecu Jümenijichu mácure cùvabebi järavu cüiméjärvu baquinóre ūque.

Toivarí buojarí majicaino

(Mt 7.7-11; Lc 11.9-13; Jn 15.7, 16; 16.23-24; 17.3; 20.31; 1 Jn 3.21-22)

¹³ Caiye iyede yu toivacaivu mäjare, Jümenijicui mácure jü aivare, mäje majinajipepe ayu cùvarivure järavu cüiméjärvu baquinóre ūque.

¹⁴ Coreóvaivubu maja maje jeniaiyede Jümenijicque yópe ūi urópe jápiayure majare. Que baru jeniaivubu ūre jidubevuva. ¹⁵ Aru yópe maje majípedeca jápiayure maje jeniaiyede, quédeca majivu maja maje jeniaiyede Jümenijicque jacopivure diede.

¹⁶ Cüinácu pöecu jâñu maru ū jicure ámeina teyure aru majicu baru Jümenijichu árûmeteni bhojayure no ámeina dainore, jeniacaiye jaavu ñai pöecure ū jicure boje, ūi cùvaquiyeppe ayu järavu cüiméjärvu

baquinóre. Aru Jümenijichu árûmeteni majicu baru, cùvare dacchume ūre järavu cüiméjärvu baquinóre ūque. Übenita cùinácu pöecu ámeina dayu baru Jümenijichu árûmeteni bhojabede, ñai pöecu nájichume, coateyuh Jümenijichre jaravarí. Yu coyuábevu mäjare mäje jeniaiyede Jümenijicque ñaine. ¹⁷ Caiye pöeva ne ámeina daiye, diedecabu ámeina teiye. Übenita ape ámeina teiye coatede dabevu pöevare Jümenijichre jaravarí. Quénora Jümenijichu árûmeteibi diede.

¹⁸ Majidivubu maja caivu ina Jümenijicui márare dare nûmevare ámeina teiyede caride. Jümenijichu mácu coreibi náre, abujuvai jabocu ūi imequiyeppe ayu náre. Que baru ámeina dare nûmema na. ¹⁹ Coreóvaivubu maja Jümenijicui márare. Übenita caivu apevuh ijárvucavu cima abujuvai jabochi daicôjeimara. ²⁰ Aru majidivubu maja Jümenijicui mácure dayu báçure ijárvui, ūi coreóvare daquiyeppe aivu majare ñai Jümenijichre jáve. Maja curivubu ūque, Jümenijichu jáveque. Aru curivubu maja Jümenijichu mácu Jesucristo que máre. Jesucristo Jümenijicuttame. Aru cùvare daibi majare järavu cüiméjärvu baquinóre ūque. ²¹ Mäja, jímajinape paivu, jíbejarã mäja mearore pêpeimarare. Quénoram.

2 San Juan

Mamabuínore coyhiyebu Juan mácu ūi toivacaiye báquede iyoca mamayoca yóbocayoca ūi paperayocare. Juan mácu barejaquémanu judíovacacu, Galilea ámicurijoborōcacu, aru Jesús ūi yávaiye méne beorí coyhicōjeimaracacu. Ūi mamicu Santiago báchue moa boaipōecu bácu barejaquémanu, Jesúi órejaquiye jipocare ū mácure. Lucas bácu coyrejaquemavu Juan mácu borore Hch 3:1-4:22. Majidivu ne dápiaiyepo, toivacarejaquemavu diyocare ū mácu cucus bácu Éfeso ámicurímaroi, ne coreóvaiye boje ū mácu Éfesocavu Jesúre ju aipōevare coreipōecu báture. Apevu ne dápiaiyepo, ico ju aipōeco báco aru ūi mára mácavu, ūi toivacaimara mácavu, Partia ámicurijoborōcacu barejaquémanu. Pöecu cubebi majicu ye ayu ūi toivacaiju bácarōre diyocare, ubenita obedivu ne dápiaiyepo ápiju báquede 87-90 d.C. baji, ūi toivaquiye jipocare ūi coyhiyede Jesucristorā aru Jesucristoi jádovaiye báquede ū mácure, ubenita ūi toivacariburu yóbore ūi mamayoca paperayocare.

Toivacarejaquemavu Jesúre ju aipōevare, ne urājiyepo ayu Jūmenijicure aru apevu Jesúre ju aipōevare máre, aru ne majinajiyepo ayu aipe daiye jaürōre jujovaívque, ina Jesúre ju aivubu teniduivque.

Bueye jāve aru jāve ue máre

(Jn 13.34; 14.15, 23-24; 15.12, 17; 1 Jn 5.3; 3 Jn 3)

1 Yū, bucusu, Jesucristore ju aivure coreipōecu, toivacaivu mure, jíco, Jūmenijicui beoimore aru mímarare máre. Meaicōjeivu mujare. Yúvacari jāve uvu mujare, maje coreóvaiye boje Jūmenijicui yávaiyede jāvene. Aru yu

cūináchra ãmevu usu mujare. Ubenita caivu ina coreóvaivu Jūmenijicui yávaiyede jāvene, na máre urivubu mujare. ² Nüja urivubu mujare, nüje majié boje Jūmenijicui yávaiyede jāvene. Que baru caivu maja curivubu majidivu iye yávaiyede jāvene caride. Aru cainumua curājaramu maja dieque. ³ Maje cuede ijāravu curājaramu maja me, coreóvaivu Jūmenijicui yávaiyede jāvene aru urivu majevure. Majepacu Jūmenijicu, mamacu Jesucristomaque, mearo dacacuyume majare bojecubeda ūi me boje, ūi cōmaje ároje jáiyede aru ūi cárjjimene cure daiyede máre.

⁴ Majivu yu apevu mímaracavure curivure ju arī Jūmenijicui yávaiyede jāvene yópe majepacu Jūmenijicu ūi daicōjeiyepo majare. Que baru pare torojuvu yu ji ūmei. ⁵ Aru mu, jíco, ji umo, caride yu jéniaivu mure. Urājarevu majevure, caivu maja Jesúre ju aivu. Yu toivacabevu mure apeno daicōjeino mamarore. Quénora ji toivacaiye mure cūináturubu no daicōjeino mácarō, maje ju aiye báque Jesúre mamarumure. ⁶ Aru maja urivu baru Jūmenijicure, dārājivubu caiyede yópe ūi daicōjeiyepo báquepe. Daicōjeimi ū majare apevure urī curivure. Maja jápiaivubu no daicōjeino mácarōre, maje ju aiye báquede Jesúre mamarumure. Aru caride máre ju aivubu nopedeca.

Ina jujovaivu pōevare

(Mt 7.15; 1 Jn 2.18, 22-23; 4.1-3, 15)

⁷ Obedivu jujovaivu cuivubu yore ijāravu. Nárecabu ju abevu Jesucristore jāve dayu báture pöecupe ijāravu. Ácu pöecu que ayu baru, nürecabe jujovayu pōevare aru mauchuvachu Cristore máre. ⁸ Me jájara mija, maje bíjabenajiyepo aivu yo bojedaino jaürōre mujare, maje memecaiye boje. Quénora me dajará

mujá, c̄avarājivu caino no bojedaino jaúrōre mujare.

⁹Aru ácu pōecu buebecu yópe Jesucristo ūi bueye báquepedeca quénora bueyu baru ape bueiyede Jesúi bueye báquede jarúvarí, ūrecabe yóvabecu Jāmenijicure. Ubenita ácu pōecu bueyu baru yópe Jesucristo ūi bueye báquepedeca, ūrecabe yóvayu máre. ¹⁰Ácu pōecu buecudayu baru maje yebai ape bueiyede Jesúi bueye báquede jarúvarí, ñaine copu etabejarã maje cūramiai aru jacoyubéjarã ūre.

¹¹Que teni ūre jacoyhivu baru, jü ainvu ūi bueye borocuēde, yóvaivhbu ūque ãmeina daivu.

Meaicōjeino

(3 Jn 13-14)

¹²Apeno ularō coyñinore coyñiyavu mujare. Ubenita yore toivaiyubevu yu. Quénora napini coreivu yu jácdacuyu maje yebai, yávacuyu ji bajumiareca, maje b̄ojarājiyepo ayu torojurivu maje ūmei. ¹³Mimamicoi mára, Jāmenijicui beoimo mácoi mára, meaicōjeđama mure. Quénoram.

3 San Juan

Mamabuínore couyiyebu Juan mácu ūi toivacaiye báquede iyoca ūi bhojaiyoca paperayocare. Juan mácu barejaquémanu judíovacacu, Galilea ámicurijoborócacu, aru Jesú斯 ūi yávaiye méne beorí couyicójeimaracacu. Ūi mamicu Santiago bácuque moa boaipöecu bácu barejaquémanu, Jesúi órejaquiyede jipocare ū mácure. Lucas bácu couyrejaquemavu Juan mácu borore Hch 3:1-4:22. Majidivu ne dápiaiyepo, toivacarejaquemavu diyocare ū mácu cucus bácu Éfeso ámicuriímaroi, ne coreóvaiye boje ū mácu Éfesocavu Jesúre ju aipöevare coreipöecu bácur. Apevu ne dápiaiyepo, ñai Gayo bácu, Jesúre ju aipöecu bácu, ūi toivacaimu mácu, Partia ámicurijoborócacu barejaquémanu. Pöecu cubebi majicu ye uju ūi toivacaiyu bácarore diyocare, ūbenita obedivu ne dápiaiyepo ápiyu báquede 87-90 d.C. baji, ūi toivaquiyede jipocare ūi couyiyede Jesucristorá aru Jesucristoi jádovaiye báquede ū mácure, ūbenita ūi toivacariburu yóbore apeyoca pucayoca ūi paperayocare.

Toivacarejaquemavu “Torojvn u yu mijaque”, couyisuyu ñai Gayo bácur aru Demetrio bácur máre, ne daiye boje yópe jaúrōpe Jesúre ju aipöevare. Ūbenita couyrejaquemavu ūi ūbede ñai Diótrefes báci daiyede.

Gayo mearore jím̄u

(Hch 19.29; Ro 16.23; 1 Co 1.14; 2 Jn 4)

1 Yu, báchus, Jesucristore ju aivure coreipöecu, toivacaivu mure, ji yóvaimu, ji umu, Gayo. Yúvacari jáve uvu mure, maje coreóvaiye boje Júmenijicu yávaiyede jävane.

2 Mu, ji yóvaimu, ji umu, yu Júmenijicuque jéniacaivu mure, ūi cadate-

quiyepe ayu mure caiye mi daiyede, aru ūi me cure daquiyepe ayu mi bajure duica ijiede jaruvári yópe mi ūme cœpe me ámeina teiyede jaruvári.³ Pare torojvn u yu ji ūmei apevu majevu Jesúre ju aipöeva ne couyiyede, ne járiburu yóboi mure, aipe mi cœde Júmenijicu yávaiyede jävane ju ayu.⁴ Yácapúravu pueno baju torojvn majicu maje borore jímajinape paivure, curivure ju arí Júmenijicu yávaiyede jävane, yópe ūi urópe. Ye apejíe cibevu torojure daiye yure die pueno.

5 Mu, ji yóvaimu, ji umu, cainumha mearo daivu mu yópe daiye jaúpé mure mi cadatevaiyede majevure Jesúre ju aipöevare mi majibemara mácavureca.⁶ Ina copaivu bácvu mure jocarí couyama mi borore yui Jesúre ju aipöeva ne jápiaiyede. Couyama aipe mi cadateiyede náre mi ue boje. Aru ne copaiyede mi yebai, cadatejacu náre cojedeca náre jaúde. Que teni mu me bhojare daquijivu náre yópe Júmenijicu urópe, ne curanhiyede.⁷ Na etaima couyrájivu Jesú斯 ūi yávaiye méne ina Jesúre ju abevure cäreja. Aru náque yéde jacopubeteimada apejíene.⁸ Que baru cadateye jaúvnu majare máre ina Jesúre ju aivure ina couyinure iye yávaiyede jävane, ne memecarajiyepo aivu Júmenijicure jäve.

Diótrefes ūi ámeno daino aru Demetrio ūi mearo daino

(1 Jn 2.29; 3.6, 9-10)

9 Apayoca paperayocare toivacavu yu caivu Jesúre ju aipöevare mi yebai. Ūbenita Diótrefes, ñai caivure jaboteiyus, jápiaiyubebiya ji couyiyé báquede aru ju abebiya yure.¹⁰ Que baru ji daiyede mi yebai coreóvare daquijivu yu caivure aipe ūi daiye báquede. Borocacu ámeina yávaibiya ñujare. Aru pueno ámeno daibiya. Úvacari copu etabebiya majevure

curānūivure. Pñeno ãmeno ñayu, náre copu etaicõjememiya ina curānūivure Jesúre ju aipõevacavu copu etaiyurivure náre. Pñeno ãmeno ñayu, ina curānūivure copu etaiyurivureca ecoicõjememiya Jesúre ju aipõeva ne cójijiñami jívui. Que ñaibiya ñai Diótrefes.

¹¹ Mu, ji yóvaimu, ji uthu, dabejacu mu nápe, ãmeina ñaivupe. Quénora ñajacu mu nápe, ména ñaivupe. Ñai põecu ména ñayu Jumenijicu jicube ū. Ùbenita ñai põecu ãmeina ñayu coreóvabebi Jumenijicure. ¹² Demetriocapûravu caivu ne me yávaimume. Ùvacari cùbi me ū majié boje Jumenijicu yávaiyede

jávene. Ñuja máre coyuivubu ñuje jáiye báque boje aipe ūi mearo daiyede. Aru majivu mu ñuje yávaiyede jávene.

Meaicõjeino

(2 Jn 12)

¹³ Apeno utharõ coyuinore coyuivu mure. Ùbenita yore toivaiyubevu yu.

¹⁴ Quénora napini coreivu yu jácudacuyu mi yebai maumejiena, yávaburí maje baju ména. ¹⁵ Cärijimenoque cùjacu mu. Caivu mi yóvaimara yócavu meaicõjedama mure. Meajarari na, caivu ñuje yóvaimara coapa nócavu. Quénoram.

San Judas

Mamabuínore coyhiyebu Judas bácu ūi toivacaiye báquede paperayocare Jesúre jū aipōevare (1-3). Ubenita árocavu ūi toivacaimara mácavure aru ári ūi cuede ūi toivacaiyede diyocare máre caivu majibevu. Judas bácu judíovacacu barejaquémanu. Jesucristoi yócu barejaquémanu. Majidivu ne dápiaiyepo, toivacarejaquemavu diyocare ániyuá báquede 66-90 d.C.

Toivacarejaquemavu Jesúre jū aipōeva, ne me járajiyepo ayu, Jūmenijicure jū abevu ne jujovabenajiyepo ayu náre ne bueye jáve ámeque, ne vainí turí bíjabenajiyepo ayu ne jū aiyede jaruvvarí (4-16). Coyurejaquemavu náre aipe daiye jaúrōre Jesúre jū aipōevare (17-23). Aru ūi toivacarí buojaiyede, jídejaquemavu mearore Jūmenijicure, majare meadayure Jesucristoi daiye báque boje (24-25).

**Judas ūi meaicōjeino
Jesúre jū aipōevare
(Mt 13.55; Mr 6.3)**

1 Yábu Judas, Santiagoi yócu, Jesucristore memecayu. Toivacaivu yu mūjare, Jūmenijicui cutuimara mácavure. Majepacu Jūmenijicui jecumaramu mūja. Aru Jesucristoi coreimaramu mūja máre. ² Jūmenijicui pueno baju cōmaje ároje jájacurí mūjare, me cure dajacurí mūjare cārijimevava, aru jecujacurí mūjare.

Ina borochudee bueivure coyhiino

(He 11.4; 2 P 2.1-7; 1 Jn 3.12; Ap 2.14; 12.7)

³ Mūja, ji umara, yu toivacaríduivu mūjare iye ména maje cūvaede caride, Jūmenijicui meadaiye báque boje majare maje ámeina teiyede jaruvvarí. Ubenita jaúvu yure ji jēniaiyepo

paruéque mūjare, maje corenajiyepo ayu iye yávaiye méne maje jū aiyede, Jūmenijicu cūinára ūi jíye báquede ūi pōevare. Que baru apevu ne ámeina yávaru diede aru apevu ne oatuvaiyuru diede, parurōreca coyujarā mūja iye yávaiyede jävene. ⁴ Apevu jujovaivu curivubu maje jēneboi, yavenina ecoivu bácvubu maje cójijiñamia jínci. Ina yópe teivu ubenina dápiaire daiyuríduyama mūjare. Ubenita Jūmenijicure jū abevu, ámeno dādama. Jūmenijicui mearo dacaiyedeca ina pōevare bojecubeda ūi me boje, urarō ámenore daivu, “Jūmenijicu árumetecuyume caiye iyede”, arí dápiairíduyama na. Aru jū abenama Jesucristore, majare upacure aru maje jabocure cūináchura. Que baru yópe arí, “Jesucristo jabocu cūináchura ámemi”, borocurí adama na. Javede Jūmenijicu toivaicōjenejaquemavu ūi yávaiyede, pōeva nópe aivu nájinajivure, ne ámeina teiye boje.

⁵ Iye ji coyhiyede mūjare caride jave majivu mūja. Ubenita árure daiyuvu mūjare Jūmenijicu nájine dāyure ámeina teivure, ne ámeina teiye boje. Ina Israecavu bácvure, maje jabocu Jūmenijicui ūi etavaríburu yóboi meadacuyu na mácavure Egipto ámicurijoborōre jocarí, bíjare darejaquemavu nácvu bácvu jū abevu bácvure ūre. ⁶ Aru ina ángelevare máre, dābevure iye ne memeiyede Jūmenijicui daicōjeiye báquede náre, Jūmenijicure ne ubeni jaruvvaríburu yóboi aru ne curō mearore jocarí etaríburu yóbore máre, Jūmenijicui buorí epedeaquemavu náre nēminitucubui. Noi buoimara mauteñajarama tāumeaque cainhamu pu dijáravu Jūmenijicui nájiovaquijárvu baquinóita. ⁷ Aru quédica ina Sodoma aru Gomorra ámicuriñamaroacavu bácvure, aru apenoa ñamaroa joabenoacavu bácvure máre, Jūmenijicu nájine darejaquemavu na mácavure toabo cūiméboque, ne

urarō ãmeno daiye báque boje ne bajumia. Dajocarejaquemavu na mácavu ne daiye báquede ne baju yópe Jümenijicui cuedaiye báquepedeca pöevare ūrōpe, ne darājiyepo ayu urarō chyojarō ne daiye báquede ne baju ûmuvu matuvu bácvu. Jümenijicu éicôjenejaquemavu na mácavure, apevu ne majañajiyepo ayu aipe vaiquiyede pöeva nöpe ãmeno daivure.

⁸Aru napedeca ina jujovaivu, borocuede bueivu, maje jeneboi jujovadama ne baju. "Jävemu no" aru "Mearomu yo", arī däpiariduyama na. Übenita ãmeina dadama ne bajumia. Ju abenama jabovare. Aru ãmeina yávadama ina pheo parurivure máre. ⁹Übenita Miguevacari, ñai ángelevai jabocu, ūi jaraiye báquede ñai abujuvai jabocure ne jijateiyepo báquede ūi iye báqueda Moisés báchi baju bácarõre pueðayu ãmeina yávabedejaquemavu ūre. "Nâjichyumu mu", abedejaquemavu, ūi pueðaiye boje ūre. Quénora "Jümenijicu ñájine dajacurí mu", arejaquemavu Miguecapúravu. ¹⁰Ina jujovaivu, borocuede bueivu, ãmeina yávadama iye ne coreóvabede. Aru iye ne coreóvaiyede coreóvabenama ne majiéque yópe pöeva dápiaivupe. Quénora coreóvadama diede ne dápiaiyequie jícuá yópe ãimara dápiahevupe. Aru bíjarajarama na no boje.

¹¹¡Chíorajarama na! Dadama yópe Caín mácupe, ñai imacu báçure boarí jaruvayu báçupe. Aru ãmeina tedama, earajivu tauturare yópe Balaam mácupe. Übenita bíjarajarama, ne ju abe boje jabovare yópe Coré báçupe. ¹²Yópe cuitótecajede muje docu jacobí ãmedaiyepo, nopedeca ina jujovaivu, borocuede bueivu, ãmetede dadama mujacavure, ne cuyoje tede daiye boje pueðabevuva apevure muje

ãranhiyede torojuve teinoai. Yópe ovejavare coreipóeva ne baju me ãiyepo übenita jibevuva ãiyede ovejavare, nopedeca ina jujovaivu ãri ücuñama apevu pheo. Aru yópe ocopeniboa ümevque japuino übenitaocabeni cadatebenope pöevare ne ocainore coreniduiyede, nopedeca ina borocuede bueivu, cadatebenama pöevai ümene ne bueiyequie. Aru yópe jocucu jéidua cùbecu jéijäravure meamecupe, nopedeca ina jujovaiyede bueivu yaivu bácvupe paivbu na, ne meame boje. Aru yópe pheo baju meamecupe dicure ñiburu yóbore caino nñoque jobore jaravarí, nopedeca pheo baju meamema na. ¹³Aru yópe pâcaiboa uraboja jia uradai jaruvaboape êcarhi caivu ne jáinoi yaore aru pojeyede máre, ãme ûrojüede, nopedeca ina jácójedama caivure ne daiye chyojeda. Aru yópe abiácova tuivu bácvupe ne nñimare jocarí pü ñeminitucubu, nopedeca ina jujovaivu curajarama cainumua ñeminitucuba pheo baju ñeminoi, no Jümenijicu náre dacaino mácaroí.

¹⁴Ina jujovaivure, borocuede bueivure, Enoc Jümenijicu yávaiyede coycarejaquemavu javede nápe paivu ne borore. Ñai Enoc yaibécu, Jümenijicu nñavaimu mácu apucra ijäravure jocarí, Adán mácu pâramec u báchi pâramec u báchi pâramec barejaquémañu ù, Enoc. Yópe arí, Jümenijicu yávaiyede coycarejaquemavu ù: "Me jájara. Maje jabocu Jümenijicu dacchymu. Aru obedivu baju ūi ángeleva meara baju darajarama ūque. ¹⁵Bojedachyume caivu pöevare, ne daiye báque boje ijäravu. Ñájine dacchymu caivu ina ãmeno daivure ne ãmeina teiye báque boje ne ju abe báquede ūre, aru ne ãmeina yávaiye báque boje copu ūre", arejaquemavu Enoc. ¹⁶Ina jujovaivu,

borocñede bueivñ, ãmeina yávadama caiyede. Ye apeno ne jáino ye baquinó ãmevu náre. Aru ãmeccorodama caivñ apevñre máre. Ne ãmeina ñaiyñere ñadama na. Ne baju “Ñuja apa mearo ñaivñbu apevñ pñeno”, ubenina arí couyayama. Aru “Muja máre mearo ñaivñbu apevñ pñeno”, borocñri couyayama apevñre. Que arí, mamarumñre vorí eadama náva méne apevñ pñeno.

**Judas ñi majicaino
Jesúre ju aipõevare
(2 Ti 3.1-5; 2 P 3.3)**

¹⁷ Muja, ji umara, ñaujara iyede Jesucristoi yávaiye méne beorí couyñcõ-jeimara ne couyñye báquede mujare jipocamia. ¹⁸ Couyivñ barejaquémavñ mujare, yópe arí: “Anijárvavñ buojaquijárvavñ baquiyéde, Cristoi copaidaquijárvavñ jipocare, darájarama pñeva Jümenijicre ju abevñ, yurivñ, aru ne ãmeina ñaiyñere ñaivñ”, arí couyñrejaquemavñ na. ¹⁹ Ina jujovaivñ, borocñede bueivñ, nárecabu coatede ñaiyñre mujacavñre muje baju. Ñaivñbu ne ãmeina ñaiyñere yópe ñaimara dñapiabevñre. Aru curivñbu ñai Espíritu Santore cùvabevñva.

²⁰ Ubenita muja, jívñ, ji umara, parure ñadjarã muje ñumei muje Jesucristore ju aiyequ me, Jümenijicui majide ñaiye báquede majare ñi yávaiye méne, maje meara marajiyépe ayu jaubevñva ñi jáinoi. Aru jéniajara Jümenijicre ñai Es-

píritu Santoi cañateinoque. ²¹ Cainumña ñadjarã muja yópe Jümenijicui urópe ñi ue boje mujare, muje napini corieyedeca Jesucristoi cùvare ñaquiyede jàravñ cùiméjárvavñ baquinóre, ñi cõmaje ñroje jáiye boje.

²² Cõmaje ñroje jájara muja ina ju abevñre cõreja yávaiyede jávene. ²³ Apevñre meadajarã maumena yópe muje íyepo pñecure toabore jocarí. Corebevñva couyjarã náre Cristoi yávaiye méne. Aru apevñre cõmaje ñroje jájara, ne ãmeina teiye boje. Couyjarã náre máre Cristoi yávaiye méne. Ubenita me ñadjarã, muje ñabenajiyepo aivñ ãmenore nápe. Nácapúrvavñ ne pare ãmeina teiye boje cuitótecaje docucúricajede doivñre paivñbu na. Que baru ubejarã ne ãmeina teiyede yópe muje ubere dicajede.

Mearore jíni buojaino

²⁴⁻²⁵ Jümenijicu cùinácurabe majicu aru parucu meadachu mujare, muje vainí tñabenajiyepo ayu ye ãmeno cùbevñva. Ñvacari nûre ñaibi mujare ñi jáinoi torojurivñre muje ñumei. Jümenijicu meacu baju meadaibi majare, Jesucristoi ñaiye báque boje. Mearore jínajarevñ ñre. Ñtame meacu baju, majicu urarõ, pñeno parucu, aru caivñ pñeno jabocu jàravñ jipocare aru caride aru cainumña. Quédecabu. Quénoram.

Jesucristoi jádovaiye báque

Apocalipsis

Mamabñinore coyahiyebo Juan mácu ñi toivacaiye báquede Jesucristoi jádovaiye báquede ñi mácure. Juan mácu barejaquémanu judíovacacu, Galilea ámicurijoborócacu, aru Jesús ñi yávaiye méne beorí coyñicójeimara-
cacu. Ñi mamicu Santiago bácuque moa boaipóecu bácu barejaquémanu, Jesúi órejaquiye jipocare ñi mácure. Lucas bácu coyurejaquemavu Juan mácu borore Hch 3:1-4:22. Éfeso ámicuríimarocavu Jesúre ju aivure coreipóecu barejaquémanu. Iye jádovaiye báquede járejaquemavu ñi cue báquede jabova ne bñouim Patmos ámicurijiañu (1:9). Apevu ne dápiaiyepo, toivacarejaquemavu iyoca paperayocare ñi cuede nore. Ùbenita apevu ne dápiaiyepo, toivacarejaquemavu diyocare ñi cuede Éfeso ámicuríimaroi o apeno ñimaroí, ñi mácure ne jaetovariburu yóbore no jiavure jocarí. Toivacarejaquemavu Jesúre ju aipóeva cójijivaivure siete pañamia cójijiñamiai Asia ámicuri-
joboroi (1:4). Póecu cùbebi majicu ye ñu ñi toivacaiju bácarõre diyocare, ùbenita obedivu ne dápiaiyepo ñaniñu báquede 94-98 d.C. baji. Caiye ape toivaiye Majepacu Jämenijici yávaiye mamaene coyñitucuboque toivaiye báquede ne toivariburu yóbore, Juan mácu toivacarejaquemavu diyocare.

Juan mácu coyurejaquemavu diyocaque ñi jáino mácarõre Jesucristo meacu bajure, ñai toivacójeñu mácu ñi mácure caiye iye ñi jádovaiye baquiyéde ñi mácure (cap. 1). Ina coreipóeva mácavure Jesúre ju aipóevare siete painoa ñimaroacavu bácvure toivacarejaquemavu

paperayocare (caps. 2-3). No yóboi, toivacarejaquemavu parvare dacuyu Jesúre ju aipóeva ñájivure ne ju aiye boje, ne majinajiyepo ayu aipe vaiquiyede ijárvanu bñojajárvahare, Jesucristoi vainí tñiquiyede abujuvai jabocure jaruvarí aru mamajárvu bñquiyede máre.

Juan ñi coyurí bñino

1 Iye coyahiyebo Jesucristoi coreóvare ñi daiyue pñevare. Jämenijicu coreóvare daicójequemavu Jesucristore iyede ñire memecaivure, ne coreóvarajiyepo ayu iye vaiquiyede maumena. Que baru ñi daroquemavu cùinácu ñi ángelede ji yebai, ñi jádovaquiyepo ayu yure, Jüare, ñire memecayure, aipe tequinore ijárvanu. **2** Yü coyñuijivu mujare caiye ji jáiye báquede, Jesucristo ñi coyñino mácarõ jáve bajure yure Jämenijichu yávaiyede.

3 Torojuscuyume ñai jári boroteyu ji toivaiye báquede iye Jämenijicu yávaiyede coyñcayiede apevure. Aru torojurájarama ina jápiaivu diede aru ju arí daivu yópe iye toivaiye daicójeiyepo. Maumena vaiquiyebu caiye iye.

Juan ñi meacójeino ina Jesúre ju aipóeva cójijivaivure

(Mt 24.30; Mr 13.26; Lc 21.27; Jn 19.34, 37; Hch 26.23; Col 1.18; 1 Ts 4.17; Ap 1.17; 4.5; 5.10; 20.6; 22.13)

4 Yu, Juan, toivacaivu iyoca paperayocare mujare, siete pañajuboare Jesúre ju aipóevare Asia ámicurijoboroi. Jämenijicu mearo dacajacurí mujare bojecubeda ñi me boje aru torojurivu mujere ñimeí me cure dacajacurí mujare ñique cärijimevuva. Que dacajacurí mujare Jämenijicu, ñai cuchu caride, aru cuchu bácu javede, aru dacuyu apejárvahre. Aru que dacajarari mujare ina siete paivu decova curivu Jämenijicu jabochi dobarõ mearo jipocai. **5** Que dacajacurí mujare

Jesucristo, ñai coyuhyu bácu yávaiyede jävene Jümenijicurā pü ne yaiváiyeta ūre, aru mamarumü nacajauh mácu yainore jaruhvarí, aru cōjeñu caivu ina ijárvacavu jabovare. Ñai Jesucristorecabe usu majare. Majarecabu ñajijurorivu maje ámeina teiye boje. Übenita ū ue boje majare, ūrecabe boarí jaruhvaicōjeñu mácu ūi bajure, bojedacuyu majare ūi jiveque, maje ámeina teiyede jaruhvarí.

⁶ Ūrecabe epeyu majare ūi jaboteimara márajivuva aru sacerdoteva báräjivuva máre, maje memecarajiyepo ayu ūi meareore jímure, jípacure. Mearore jíjaräri caivu Jesucristore, ñai parucu caivu pheno cainumua. Quédecabu.

⁷ Jájara. Cristo dacuyume ocopeniboaque. Caivu pöeva járajarama ūre, ina ūre pëvaivu bácahu jochuvaravena. Aru caiyajuboa pöeyajuboacavu Jesúre ju abevu chiori orájarama ne jiduá boje, ne jáiyede ūre émeñure cavarore jocarí. Quédecabu.

⁸ Maje jaboci Jümenijicu, yópe arí, coyuhybe, "Yurecabu báyu bácu aru yóbocach máre. Que baru cahu yu cainumua", arí coyuhybe Jümenijich, ñai parucu caivu pheno. Que baru ū cahu caride, aru currejaquemavu jave, aru dacuyume apejárvu baquinóre máre.

Juan ūi jáino Cristo meachu bajure

(Ap 1.8; 2.8; 22.13)

⁹ Yh, Juan, mäjescibu, maje ju aiyepo boje Jesucristore. Curiñibu maja ūque cüinávupe. Yu máre ñájivu mäjapedeca. Aru Jesucristo parure daibi yure máre yópe ūi parure daiyepo mäjare, maje napinajiyepo ayu maje ñájiyede. Aru jabotede dacuyume majare ūque. Cátecacu yu jabova ne bhoimü Patmos ámicurijiañu, ji coyuhiye báque boje Jümenijichi yávaiyede Jesucristorá.

¹⁰ Nore ji cuede ñai Espíritu Santo dápiaicójeame yure. Aru jápiacacu ji yóboi yávaino bujinore, yópe trompeta

āmicuriyo japuiyore japuiyepo. ¹¹ Ñai yávayu yure coyuáme, yópe arí:

—Toivajacu caiye mi jáiyede caride paperayoca ūmujuriyoca cäriáiyocaque. Aru toivariburu yóboi jarojacu diyocare diyajuboa siete paiyajuboa Jesúre ju aipöevare Asia ámicurijoboröi. Diyajuboa pöeva curivubü Éfeso, Esmirna, Pérgamo, Tiatira, Sardis, Filadelfia, aru Laodicea ámicuriimaroai.

Nópe arí, toivacójeame yure.

¹² Copedicacu, jácuyu ūre, ñai yávayure yure. Copedini jácacu siete paíjaraboa pöoibua tuoíjaraboa úruque daíjaraboare. ¹³ Aru dijaraboa coricai cüteame cüinácu ūmu. Maja, pöevape páyu bateáme ū. Doame ūmujuricaje cuitótecaje ūi cahobaita eaicajede aru bhoáme úruque daicávare ūi ñareba cüinátuřu baji. ¹⁴⁻¹⁵ Úi poda boe matxiye bateávü yópe oveja poda lana ámicuripodape, aru abobico jujuröpe máre. Úi yacorua cojiteavü yópe toa uruiyepo, aru ūi cahoboba cojidiba bateávü yópe tăure toaijide ñariburu yóbole. Aru ūi yávaino jápurateavü yópe cäratácuve uratácuve bujinope. ¹⁶ Cuvateame ūi puru meapüravuçapurhui siete paivu abiácovare. Úi jijecamure jocarí etavü cüináve boaicarove caipucapüravua upujidivepe. Aru ūi jiva pöoavü yópe aviá pöoiyepo járavu coricare.

¹⁷ Ji jáiyede ūre, tucach yu ūi cahoboba yebai yópe yaiyá bácu. Quénora tuoáme yure ūi puru meapüravuçapurhque. Aru áme yure:

—Jidubejacu mu. Yurecabu báyu bácu aru yóbocach máre. Que baru cahu yu cainumua. ¹⁸ Yurecabu apuchu cainumua. Yúvacari yaidéjacacu. Übenita apunu yu cojedeca. Aru apuchu yu cainumua. Quédecabu. Yurecabu llavede cahvacu yaivu bácahu ne curore máre. Que baru yurecabu bhojayu nuiójeñu pöevare toabo

cūiméboi.¹⁹ Que baru toivajacu caride mi jáiyede aru aipe vaiquýede yóbore máre.²⁰ Que baru coyuquijivu mure caride aipe aiyurõre ina siete paivu abiácovare, mi jáimara curivure ji puru meapúravucapuruí, aru ijaraboa siete pajaraboa péoibua tuoijaraboa úruque dñaijarabore máre. Diebu aru námu Jümenijicu jádovameno jipocamia ubenita jádovaino caride. Jëvari coyuivu ina siete paivu abiácovape paivure. Nárecabu yópe ina siete paivu coreipõevape, Jesúre ju aipõeva cójijivaivu diímaroa siete paíimaroacavu ne coreipõevape. Aru jëvari coyuivu ijaraboa siete pajarabore. Dijaraborecabu yópe siete pajayuboape Jesúre ju aipõeva ne yajuboa cójijivaivu diímaroa, siete paíimaroai.

Que arí, coyuáme yûre.

**Juan üi toivacaino Éfesocavu
Jesúre ju aipõevare
(Ap 22.2)**

2 Que arí, toivacójeame yûre.—Toivajacu üre, ñai coreipõecure Jesúre ju aipõeva cójijivaivure Éfeso ámicuriímaroi. Yópe arí, toivajacu mû: “Yópe arí, coyuibi ñai cùvacu ina siete paivu abiácovare üi puru meapúravucapuruí, ñai cùcu ijaraboa siete pajaraboa péoibua tuoijaraboa jéneboi.² Coreóvaivu yu mi memeinore, memecayure uetuyureca, aru mi napini ñájiyede máre. Coreóvaivu yu ye buojabecure napiñu põeva ámenare, aru jári coreóvayure ina, ‘Ñujamu Jesúre ju aivure ne daroimara coyurájivu Jesús üi yávaiye méne’, mi majiquiyepe aivure ubenina jáve maru ne coyuño. Que teniburu, coreóvaivu mû Jesúre ju aivure ne daroimara ámevure. Quénora borocurivubu na.³ Coreóvaivu yu uetubecuva napiñure mi ñájiyede yûre boje dajocabecuva.

4 Übenita cùináro mi dainore ámeina jáivu yu. Quíjino bajuta ʉnvu mû yûre caride. Mamarumure úteavu mû yûre pare mi ümei. Übenita caride dajocaivu mû mi ʉede yûre.⁵ Caride ãrûjacu yûre javede mi pare ue báquepe. Chñori jaruvajacu mi ámeina teiyede. Aru oatuvajacu mi daiyede, dacuyu yópe mi daiye báquepe mamarumure mi coreóvaiyede yûre. Pare úteavu mû. Übenita que dñaybecu baru, ʉbecu bacuyámu mû yûre. Que baru mi yebai darí, mi péoibua tuoijarabore ñi, nûvacuyumu dijarabore mure jocarí.

6 Übenita cùináro mi dainore me jáivu yu, mi ámeina jáiyede ina nicolaíta ámicuriyajubocavu ne daiyede. Yû máre ámeina jáivu ne daiyede.

7 Caivu me jápiajarã ñai Espíritu Santoi coyuíyede Jesúre ju aipõeva cójijivaivure: ‘Ina mûjacavu vainí tuivure ámenore jarvarí áicôjeschuyumu yu Jümenijicu jioba coricacacu joscus jéiduare, apure dñajocuscu dichu ámiá’, arí coyuuyube ñai Espíritu Santo”, arí toivacójeame yûre.

**Juan üi toivacaino Esmirnacavu
Jesúre ju aipõevare**

(Ap 1.17; 20.14; 21.8; 22.13)

8 Bedióva cojedeca yópe áme yûre.

—Toivajacu üre, ñai coreipõecure Jesúre ju aipõeva cójijivaivure Esmirna ámicuriímaroi. Yópe arí, toivajacu mû: “Yópe arí, coyuibi ñai báyu bácu aru yóbocacu máre, ñai yaiyú bácu nacajau mácu apuscu cojedeca. Que baru cùvu yu cainuyuña. ⁹ Coreóvaivu yu mi ñájiyede yûre boje. Coreóvaivu mure cùve cùvabecure máre. Übenita jáve ure cùve cùvavu mû Jümenijicu cùve méne. Aru coreóvaivu yu caiye iye ne ámeina yávaiyede mi borore ina ‘Judíovabu ñuja’ ubenina aivure. Übenita judíova baju ámema na. Quénora nárecabu Satanás

jina. Aru cójijivaivubu, memecarājivū ūre.

¹⁰ Jidubejacu mi nájiquinore. Jájacu. Ñai abujuvai jaboca buore dacuyume apevu mūjacavure ámeina teivure jéni jacoñami, jári coreóvacuyu mūje ju aiyede yure. Caipucapuruaape paíjárauvu baquiyéde nájinajaramu mūja. Ju ajacu yure pu mi yaiyeta. Que teyure, yu bojedacuyumu mure me. Mure cure dacuyumu járauvu cüiméjárauvu baquinóre yáque.

¹¹ Caivu me jápiajarā ñai Espíritu Santo couyiyede Jesúre ju aipóeva cójijivaivure: ‘Ina mūjacavu vainí tuivure ámenore jarúvarí námenajarama toaboi cüiméboi’, arí couyuybe ñai Espíritu Santo”, arí toivaicójeame yure.

Juan ۳ toivacaino Pérgamocavu Jesúre ju aipóevare

(Jn 6.48-50)

¹² Bedióva cojedeca yópe áme yure. —Toivajacu ūre, ñai coreipóecure Jesúre ju aipóeva cójijivaivure Pérgamo ámicuriímaroi. Yópe arí, toivajacu mu: “Yópe arí, couyibi ñai cùvacu ive boaicarove caipucapuruaape yáquidivede. ¹³ Coreóvaivu yu mi cùrōre. Mu cùvu nore Satanás ūi jaboteinore, ūi jaboteimara jéneboi. Úbenita nore cùvacari, me ju ayubu mu yure. Aníjárauvu bácaro Satanás jina ne boarí jarúvaiye báquede Ántipas bácuré, dajocabeteavu mi ju aiyede yure. (Ñai Ántipas bácu couyuy barejáme yávaiyede jávene yurā pu ne boarí jarúvaiyeta ūre.) Boarí jarúvaima ū mácuré no mi imaro, Satanái cùrōi.

¹⁴ Úbenita apejíe mi daiyede ámeina jáivu yu. Apevu mūjacavu cùrivu daivubu yópe Balaam mácu ūi bueiye báquepe. Javede ñai Balaam mácu majicarejaquemavu Balac bácuré ūi ámeina dare daquiyepo ayu ina Israecavu bácvure.

Áicójenejaquemavu na mácvure aiyede pêpeimarare ne jíye báquede. Aru ámeina daicójenejaquemavu na mácvure apevunque némarebucuva ámevunque máre. Nópe Balac bácuré daicójenejaquemavu Balaam mácu. ¹⁵ Quédeca apevu mūjacavu daivubu yópe ina nicolaíta ámicuriyajubocavu ne bueiyepe.

¹⁶ Que barureca chíori jarúvajacu mi ámeina teiyede. Aru oatuvajacu mi daiyede. Úbenita mi que daiyubedu, maumena dacuyumu yu mi yebai, ádamatechuyu náre, ina Balaam máchi daiyepo daivure aru ina nicolaítava ne daiyepo daivure máre, ive boaicarove etaiveque ji jijecamure jocarí.

¹⁷ Caivu me jápiajarā ñai Espíritu Santo couyiyede Jesúre ju aipóeva cójijivaivure: ‘Ina mūjacavu vainí tuivure ámenore jarúvarí áicójecuyumu yu áiye me cavaró mearo Júmenijichí cùrōquede, iye áiye yaveiyede ijárauvucavure jocarí. Aru jícuuyumu náre coapa cùinájibo cùrajibó borijibore. Dijiborá toivaino cùvu cùináro ámiá mamaro ámiáre. Aru ina jacopurájivu quévura coreóvarajarama no ámiáre. Apecu cùbecubé coreóvayu no ámiáre’, arí couyibi ñai Espíritu Santo”, arí toivaicójeame yure.

Juan ۴ toivacaino Tiatiracavu Jesúre ju aipóevare

(Mt 16.27)

¹⁸ Bedióva cojedeca yópe áme yure.

—Toivajacu ūre, ñai coreipóecure Jesúre ju aipóeva cójijivaivure Tiatira ámicuriímaroi. Yópe arí, toivajacu mu: “Yópe arí, couyibi Júmenijichí mácu, ñai yacoru cojididua cùcu aru ūi cùboba máre cojidiba yópe tâure toaijide dáríburu yóbole. ¹⁹ Coreóvaivu yu mi dainore. Aru majivu ucure yure aru apevure máre, ju ayure yure, memecayure Júmenijicure, aru napiñure mi

ñájiyede máre. Coreóvaivu mi daino mearore. Mearo daivu mu caride marumu ju ayu yure mi daino mácaro pueno.

²⁰ Ubenita cūináro mi dainore ámeina jáiivu yu. Mu jaetovabevu nomióre òi ámiá Jezabel. Ó muje jéneboi ‘Júmenijicui yávaiyede coyucaipóecobu yu’, ubenina aibico ò. Ói bueiyeque jujovaibico ina yure memecaivure. Que baru ámeina dare daibico náre apevuque némarebucuva ámevunque. Aru áre daibico náre áiyede pêpeimarare ne jíye báquede máre. ²¹ Joe coreniduivu yu òi chiori oatuvacojiyepo ayu òi daiyede, òi jaruvacojiyepo ayu náre òi ámeina tede daiyede jaruvári. Ubenita oatuvaiyubebico ò. ²² Que baru nájine dacuyumu óre pare. Aru ijimo macodóme ò, paraélo òi parainoi. Aru ina óque ámeina daivu bácvu ne chiori oatuvabedu ne ámeina daiyede ópe, paraicójecuyumu náre máre ópedeca, pare ne nájinajiyepo ayu. ²³ Aru boarí jaruvachuyumu caivu ina òi jujovaimara mácavure, mamara majurórivupe paivure.

‘Que dáríburu caivu Jesúre ju aipöeva cójijivaivu coreóvarajarama. Yurecabu coreóvayu caivu pöevare caiye ne dápiyede aru caiye ne uede máre. Que baru bojedacuyumu mujare coapa yópe muje daiye báquepedeca. ²⁴ Ubenita mujacapúravu Tiatiracavu dabevu yópe òi bueiyepe. Coreóvaiyubevu muja iye Santanái majié yaveiyede apevu ne daiyepo. Cübevu apeno ji daicójeino mujare copu. ²⁵ Quénora dajará yópe ji coyuviyepo ji yávaiye méne pu ji copaidaiyeta.

²⁶⁻²⁷ ‘Ina mujacavu vainí tuivure ámenore jaruvári aru daivure yópe ji urópe pu ne yaiyeta, jabotede dacuyumu náre cainoa joboróacavure iye paruéque yópe jipacui jabotede daiye báquepe yure. Jabotenajarama

náre paruéque. Que baru cainoa joboróacavu ne ju abedu, dárájarama náre yópe jobojororure boarí yavaiyepo abodo tâque daiyoque. ²⁸ Aru cüvare dacuyumu náre ñai abiácoru pëonu miadáre daiyede.

²⁹ ‘Caivu me jápijarã ñai Espíritu Santo coyviyede Jesúre ju aipöeva cójijivaivure’, arí toivalcõejeame yure.

Juan ui toivacaino Sardicavu Jesúre ju aipöevare

(Mt 10.32; 24.43-44; Lc 12.8,
39-40; Ap 16.15; 20.12)

3 Bedióva cojedeca yópe áme yure.

—Toivajacu úre, ñai coreipöecure Jesúre ju aipöeva cójijivaivure Sardis ámicuriímaroi. Yópe arí, toivajacu mu: “Yópe arí, coyubi ñai daroyu Espíritu Santore Jesúre ju aivu ne cójijiñamiai siete paímaroai aru cüvacu ina siete paivu abiácovare máre. Coreóvaivu yu aipe dayure mure. Ubenina arí, ‘Dayube Júmenijicui urópe ui paruéque’, coyuviybu mura. Ubenita coateyu bajubu mu Júmenijicure jaruvári. ² Jüracuchu, jabóvayu bhojabevu mu mi memecaiyede jocarí Júmenijicure. Que baru Júmenijicu ámeina jáiimi mure. Que baru cañupe ámejacu mu. Pueno parure dárí ju are nure dajacu mívure ne ûmei, ina coatebevure cäreja Júmenijicure jaruvári, ne coateni bíjabenajiyepo ayu úre jaruvári. ³ Que baru árure nüjacu caiye iye Júmenijicui yávaiye méne ne bueiyede mi jápiayiye báquede. Diede jápiarí, ju arí, chiori oatuvajacu mi daiyede, jaruvacuyu mi ámeina teiyede. Ubenita nöpe mi dabedu, dacuyumu yu mi yebai yópe ñavaipöecu ui daiyepo. Aru ji daquinumure ye majibecuyumu mu.

⁴ Ubenita obebejina curivbu no Sardis ámicuriímaroi ámene dabevu, yópe pöeva docütede dabepe ne cuitótecajare, ne daiye boje yópe Júmenijicui urópe. Nárecabu dorájivu

cuitótecajea boricajeare aru curājivu yáque. Que dārājarama me, ne napini coreiye boje Jūmenijicui jíye báquede náre.

⁵ Ina mūjacavu vainí tħivu āmenore jarħvarī nápe paivu cuitótecajea boricajeare dorājarama. Ne āmiá toivaino mácarōre ānitucubo Jūmenijicui paperatucubo, caivu ina jāravu cūmējāravu baquinóre cħvarājivu yáque ne āmiáre toivaitucubore tħreni jarħabecħu yu ne āmiáre. Quénora, ‘Ji pőevatamu na’, arī coħxu yu jipacu jāinore aru īi ángeleva máre ne jāiyede.

⁶ Caivu me jápiajarā ñai Espíritu Santo coħxiyede Jesúre ju aipōeva cójiji-vavu, arī toivacōjeame yure.

Juan ॥ toivacaino Filadelfiacavu Jesúre ju aipōevare

(Ap 21.2)

⁷ Bediόva cojedeca yópe áme yure.

—Toivajacu īre, ñai coreipōecure Jesúre ju aipōeva cójijivaivu Filadelfia āmicuriimaro. Yópe arī, toivajacu mħu: “Yópe arī, coħxib i ñai meachu baju, memecayu Jūmenijicure, aru jāvene bueu máre. Īrecabe cħvacu llavede, ñai jabocu David bácu jino mácarōre. Yópe pőecu voaiyepē bieivede aru bieicōjemepe apevure divede, nopedeca īi daicōjeiyede pőevare apede, ñame buojabenama daicōjemevu náre diede. Aru yópe pőecu bieniburu yóbore divede máre, voaicōjemepe apevure divede, nopedeca īi daicōjemene pőevare apede, ñame buojabenama daicōjeivu náre diede. ⁸ Coreóvaivu yu aipe dayure máre. Coreóvaivu yu obebejna mívu curivu memecarājivu yure. Ju aivu mħu ji yávaiyede. Aru ‘Jesucristobu ji jabocu’, ju arī coħxinvu mħu. Que baru jēvari coħxu, yópe pőecu apēcure ecoicōjeiyede jedevacobe bieivede voarī aru apēcure bieicōjemepe divede, nopedeca máre memecaicōjeivu yure. Aru

pőecu cħebbi máre memecaicōjemeni majiċu.

⁹ Cøyivu máre ne borore ina ‘Judíov-abu ñuha’ aivure, ubenita judíova baju āmema na. Quénora Satanás jinatamu cójijivaivu memecarājivu īre. Náreca ñuattutare dacħu yu mi cħobba yebai, ne coreóvarājiyepē ayu ji baju uċżere máre. ¹⁰ Napivu mħu mi ñájiyede yópe ji daicōjeiyede báquepe máre. Que baru jāri corecħu yu máre mi ñájine daiyede. Caivu ijāravu cavu Jesucristore ju abevu ne ñájinajiye jaħvu náre. Ubenita máre cadatecħu yu, mi ñájimequiyepe ayu iye ñájiovaiyeque. ¹¹ Maumena dacħu yu. Daċacu yópe mi bueiyepe ji yávaiye méne apecu īi īmequiyepe ayu mi bojede máre.

¹² Ina mūjacavu vainí tħivu āmenore jarħvarī epecħu yu jabova parurivu Jūmenijicui cūrami jīnhi yópe bħaxporarha parure daiyepē cūramine. Aru etabenajarama na nore jocarī cainuha. Aru toivacħu yu nára Jūmenijicui āmiáre, aru Jūmenijicui īmaro āmiáre máre. No mamaro īmaro Jerusalén āmicurōtamu. Īmequiyebu cavarō mearo Jūmenijicui cırōrere jocarī. Aru toivacħu yu nára ji āmiá mamarore máre.

¹³ Caivu me jápiajarā ñai Espíritu Santo coħxiyede Jesúre ju aipōeva cójiji-vavu, arī toivacōjeame yure.

Juan ॥ toivacaino Laodiceacavu Jesúre ju aipōevare

(Jn 1.3; 16.33; Col 1.15,
18; He 12.6; Ap 5.5)

¹⁴ Bediόva cojedeca yópe áme yure.

—Toivajacu īre, ñai coreipōecure Jesúre ju aipōeva cójijivaivu Laodicea āmicuriimaro. Yópe arī, toivajacu mħu: “Yópe arī, coħxib i dajocabecu, ñai coħxu yávaiyede jāvene Jūmenijicurā ru ne boarī jarħavaiyeta īre. Īrecabe Jūmenijicui caiyede cħedare daimu

mácu. ¹⁵ Coreóvaivu yu aipe dayure mure. Coreóvaivu yu maucuvabecure yure yópe juijiteyure. Aru coreóvaivu yu memecabecure mi ümei yópe toaijiteyure. Mu ju ayvacari yure, majiéda quénora ju ayvbu. Yópe oco aviá üi boiyequo toaijide daiocore ücuiyubepe maya, nopedeca mi majiéda ju aiyede yure ubevu yu. Mi me ju arí memecaru yure, yópe toaijiteyure meajebu. Mi ju abeni maucuvbaru yure, yópe juijiteyure, meamejebu. Übenita mi ju aiyé boje yure majiéda quénora, pñeno baju meamevu. Que baru coavajacu mi baju yure jaruvvarí o memecajacu yure mi ümei. ¹⁶ Übenita mi dabe boje yópe ji uröpe majiéda toaijicupebu mu. Que baru jaruvacuyumu mure yure jocarí yópe ji jécutuiyepo oco majiéda toaijiede ji jijecamure jocarí.

¹⁷ 'Múcapúravu 'Ure cüve cüvavu yu', aríduivu mu. Aru 'Apejíe ye jaubevu yure', aríduivu mu. Aru 'Caiye cüinátaru me nuivu yure ji majié boje', aríduivu mu. Übenita ye coreóvabecubu mu mi baju chioñire, yópe cõmaje ärojacepe, cüve cüvabecupe, jári eabecupe, aru cuitótecaje cüvabecupe máre. Yópe jári eabecu üi jári eabepo ijärvavquede, nopedeca majide eabevu mu Jümenijicu jiede. Aru yópe cuitótecaje cüvabecu üi cüyepo, nopedeca cüyevu mu mi ámeina teiye boje Jümenijicu jainore. ¹⁸ Que baru majicaybu mure aipe daiye jaüröre mure. Yópe pñecu bojedaiyepo úrure mearo baju toaijide daino mácaröre, mu jäve cüve cüvaiyucu baru, ijacu yure iye méne ji cüvaede. Dinumu maquinore jäve cüvacuyumu mu urarö méne Jümenijicu jiede. Aru yópe pñecu ini bojedaiyepo cuitótecaje boricajede üi doquiyepo üi bajure cüyoje tebecuyu, yópe ámeina teiyede joaimu mácupo bájacu mu ji yaiye boje, cüyoje tebecuyu mi ámeina teiye boje. Aru yópe pñecu ini bojedaiyepo yaco taiyóiyede, üi me

jári eaquiyepo ayu üi epequiyede, me jápiarí adajacu iye bueiyede Jümenijicu yávaiyede, me majicayu diede. ¹⁹ Yurecabu coreóvare dayu caivu ji umarare ne ámeina teiyede aru nájine dayu náre die boje máre. Que baru pñeno baju daiyacu Jümenijicu uröpe. Chiori jaruvajacu mi ámeina teiyede. Aru oatuvajacu mi daiyede.

²⁰ Jájacu. Yópe pñecu núcu cürami bieñamine jedevai ecoiyucupe, mautecuyu diñamicavque, nopedeca yu mauteiyuvu máque. Yópe üi órejaiyepo diñamicavure, ne majinajiyepo ayu cüchure, aru ne voaräjiyepo ayu bieivede, nopedeca mi coreóvaiyede yu mauteiyucure máque, mauteicójejacu yure. Dinumumica jícu bájacu mu. Mi mauteicójeiyede yure máque, mautecuyu mu máque. Aru yópe pñeva ne torojühepe cójijini äivu, nopedeca me cüräjaramu maya. Yu mi yóvaimu macuyámu. Aru mu ji yóvaimu macuyámu.

²¹ Ina tñjacavu vainí tñivure ámenore jaruvvarí dobaicójeschuyumu yáque jabocu ji dobarö mearoi, ne jabotenajiyepo ayu yáque. Quédeca vainí tñrejacacu yu ámenore jaruvvarí. Aru caride dobava yu jipacque jabocu üi dobarö mearoi, jaboteyu üque.

²² 'Caivu me jápiajarã nai Espíritu Santoi coyuviyede Jesúre ju aipóeva cójiji-vaiyure", arí toivaicójeame yure.

Juan üi coyuino cavarö mearocavu ne mearore jiyede Jümenijicure

(Ap 1.4; 8.5; 11.19; 16.18)

4 No yóboi jácacu yu cojedeca jedevacobe bieivede voaicobe bácaröre cavarö mearo Jümenijicu cüröi ecoicobede. Jápiacacu cojedeca iye yávainore, ji mamarumu jápiaiye báquede bñjiépe yópe trompeta ámicuriyo japuiyore japuiyepo. Nai yávayu yure coyuñame, yópe arí:

—Dajacu yo cavarō mearoi. Mure jādovacuñubu iye vaiquíye jañé yóbore, arī coyuáme yure.

²Dinumumiareca ñai Espíritu Santo dápiaicójeame yure. Jácacu cūináro jabocu dobarō mearore no cavarō mearo Jūmenijicu cūrōi. Aru jácacu cūinácu dobacure noi. ³Ñai dobacu noi yópe cūrajiboa pare bojecurijiboa cojidijiboape ārojacs cojiteame. Jaspe āmicurijiboa pare cojidijibope aru corinalina āmicurijiboa jūarijibope ārojacs cojiteame. Ñai náme cojiteame yópe apebo cūrajiboa pare bojecurijiboa esmeralda āmicurijibope. ⁴Jabocu dobarō mearo yebai apenoa jabovai dobarōa mearoa veinticuatro painoa yópe meatarabu dobarī jāpūrino mateávū. Aru die coapa dobateima veinticuatro paivu būcuvá, doivu cuitótecajea boricajeare aru ne jipobu cuateima úruque daitarabuare máre. ⁵No jabocu dobarō mearo coricacarōre jocarī yaroíno, yávaino būjino, aru òpo tūino máre etavū. No jabocu dobarō mearo coricacarō jipocai cátteavū siete paivea cámavea pēoivea cojiéque. Diedecabu ina siete paivu Jūmenijicu decova. ⁶Aru no jabocu dobarō mearo coricacarō jipocai cátteavū apeda yópe jia uraða jivarupe paíya, ubenita me jári javaiyoiya bateávū diya.

No jabocu dobarō mearo coricacarō tarabuteni yóvaicuwaitobuacapūravnuai cátteima yóvaicuvaivu apurivu. Aru ina apurivu cátteima yacorua caipucapūravnuai jipocare aru yóbore máre. ⁷Cūinácu nácacu yavi jūacuape ārojateame. Apecu yópe oteivecupre ārojateame. Apecu apucu ùmure ārojateame ñi jiva. Aru apecu yópe míyavipe, águila āmicuñu vñuñpre, ārojateame. ⁸Ina yóvaicuvaivu apurivu cuvarivu seis paicavea ne caveá náre coapa. Aru cuvateima yacorua

caino ne caveái, puenocapūravnu aru cāchinocapūravnu máre. Jāravure aru ñamine máre dajocabevuva yópe aíva bateima:

Meacube, meacube, meacube maje jabocu Jūmenijicu. Úrecabe paracu caivu pueno. Úrecabe cuchu bácu javede, cuchu caride, aru dacuñu apejāravu baquinóre, aivu bateima na.

⁹Ina apurivu mearore jívü, pueðaivu aru torojuede jívü bateima ñai dobacure no jabocu dobarō mearo coricacarōi, ñai cuchure cainumua.

¹⁰Ne nópe daiyedeca, ina veinticuatro paivu būcuvá pueðarī ñuatutaima ñre dobacure no jabocu dobarō mearo coricacarōi ñi jipocai. Mearore jíma ñre, cuchure cainumua. Dúvaima ne jipobu adaitarabuare jabocu dobarō mearo jipocai. Aru yópe aimá ñre:

¹¹Mu, ñuje jabocu Jūmenijicu, murecabu caiyede cuedayu bácu. Caiye iye mi cuedaiye báque cuhn yópe mi urópe. Que baru mi meacu baju boje, ñuje mearore jíye aru ñuje pueðaiye máre jañvü mure aru ñuje coreóvaräjiye mi paruñde máre, arī coyuima na.

Juan ñi coyuño iyoca paperayoca ùmujuriyoca cāriáiyocarā aru Cristorā, ovejañcure ne aimura, máre

(Jn 1.29; 16.33; 1 Co 5.7; Ap 1.6; 3.21; 8.3; 20.6)

5 Jácacu ñai dobacure jabocu dobarō mearo coricacarōra ñi puru meapūravnuacapūravnuai cūináyoca paperayoca ùmujuriyoca cāriáiyocare. Caipucapūravnuai toivaiyoca bateávū. Aru diyoca jedeva turuvai bieino mácarō mateávū yópe juturijoboyabea jājariyabea siete paíyabeaque. ²Aru jácacu yu cūinácu ángele paracure jeníari jánure yávaino būjinoque, yópe arī:

—¿Ñamema meacu baju burarí maticu iyabea siete paipayabeare, voachyu iyoca cáríaiyocare? arí jeníari jáme.

³ Úbenita cūinácu cábeteame bhojari voayu diyabeare. Cavaró mearocacu cábeteame. Ijárávucacu cábeteame. Aru yaivu bácavu ne curócacu máre cábeteame. Cúinácu cábeteame bhojari voayu diyabeare, jáchyu diyocare. ⁴ Que baru yácapúravu ocacu pare, ne eabe boje cúnacu meacu bajure, üi voaquiyepo ayu diyabeare, jáchyu diyocare. ⁵ Úbenita cúnacu ina veinticuatro paivu buevacacu, yópe arí, coyuáme yure:

—Obejacu mu. Ñai paracu Judá ámicuriyajubocacu león ámicacu yavipe páyu daibi. Ñai jabocu David bácu páramecu meacu bajube ü. Úrecabe javede vainí tuyu bácu ámenore jarúvarí. Que baru ü macuyáme burarí bhojayu iyabea siete paipayabeare jájariyabeare aru voarí bhojayu diyoca cáríaiyocare, arí coyuáme yure.

⁶ Dínumu jácacu cúnacu ovejajícu no jaboci dobaró mearo coricacaró yebai ina yóvaicuvaivu apurivu aru ina veinticuatro paivu buecava ne jéneboi. Boarí jarúvaimu mácupe árojachuvacari núteame ü nore. Cúteame siete paipayaroa aru siete paidua üi yacorua. Diedecabu ina siete paivu Júmenijicu decova üi daroimara mácavu cainoa joboróai. ⁷ Ñai ovejajícu nuri íame diyoca cáríaiyocare ñai dobacure üi puru meapúravucapurure jocarí. ⁸ Üi nore íyedeca, ina yóvaicuvaivu apurivu aru ina veinticuatro buecava máre puedarí ñuatutaima ñai ovejajícu jipocai. Cuvateima biabeiboare arpa ámicuriiboare ne purhi náre coapa. Aru cuvateima jororua úruque daiduare mumijue buidíduare máre náre coapa. Jévari coyurí diedecabu yópe Júmenijicu pöeva ne boroteiyepo paipaye

üque. ⁹ Aru yópe arí, yuriaima cúnáro yuriaino mamarore:

Murecabu meacu baju. Que baru iyoca cáríaiyocare iní, jájariyabeare burarí bhojaivu mu. Meacu bajubu, mure ne boarí jarúvaiye báque boje. Murecabu bojedayu bácu pöevare mi jiveque ne vainí turí ámeina teiyede jarúvarí, Júmenijicu pöeva marajiyépe ayu. Bojedarejaquemavu mu náre, caiyajuboa pöeyajuboacavure, aru caicamua yávaicamuacavure, cainoa ímaroacavure, aru caijaboróacavure máre. ¹⁰ Epeivu mu náre, ne jabotenajiyepo ayu munque aru ne memecarajiyepo ayu majepacu Júmenijicure sacerdotevape. Aru nárecabu jabotenajivu ijárávucavure, arí yuriaima na.

¹¹ Bedióva cojedeca jácacu. Aru jápiacacu obedivu ángeleva ne yávaiyede. Jaboci dobaró mearo coricacaró tarabuteni ina yóvaicuvaivu apurivure aru ina veinticuatro paivu buecavare máre ne dobaroa yóbore cútima ina ángeleva, tarabuteni. Obedimillones baju bateima na. ¹² Aru yópe arí, coðoboboima:

Ñai ovejajícu, ne boarí jarúvaimu mácuvacari, meacu bajube. Que baru caivure mearore jíye jaivu üre. Yópe arí, coyujarári na: “Úrecabe caiye parádeé cuvacu, aru caiye cue upacu, caiyede coreóvayu, aru caiyede daiye majicu máre”. Que baru caivu puedajarári üre, mearore jíjarári üre, aru torojuede jíjarári üre máre, aima na.

¹³ Aru jápiacacu yu obedivu yuriaivure. Caivu cavaró mearo Júmenijicu curócacu, aru caivu ijárávucavu, caivu yaivu bácavu ne curócacu, aru caivu jia urreadacavu máre, caivu Júmenijicu cuedaimara yuriaima, yópe arí:

—Ñai dobacure jabocu dobaro mearo coricacarora aru ñai ovejajicure mare, caivu meareore jinajarevu, aru nare puerarajarevu cainumua. Narecabu pueno meara baju aru parurivu baju caivu pueno cainumua, arí yuriaima na.

¹⁴ Ina yóvaicuvaivu apurivu, “Quédocabu”, aima na. Aru ina veinticuatro paivu buecua ñuatutaima, mearore jinajivu ñai chucure cainumua.

Juan ñi coyuino iye siete paiyabea jajariyabeara

(Mt 24.29; Mr 13.24-25; Lc 21.25;
23.30; Ap 11.13; 16.18, 20)

6 No yóbore, jácacu Cristore, ovejajicu ne aimure, burayure cünáyabede iye siete paiyabea jajariyabea quede. Aru jápiacacu cünácu ina apurivucacu ayure ñi yávaino bujinoque yópe ópo tuiñope. Yópe arí, “Dajacu”, áme ñi.
² Jácacu cünácu caballo bocure. Ñai tubacu úra cuchacu ñi témutarabure ñi purui. Jímü mateáme cünátarabu jipobu adaitarabure yópe ne jiyepu ñai vainí tuyure. Etame vainí tuyu apevure jocarí, aru vainí tuyu máre.

³ Ñai ovejajicu ñi buraiyede apeyabe jajariyabede, jápiacacu apecu ina apurivucacure, “Dajacu” ayure. ⁴ Que aiyeda, etame apecu caballo, júacu. Ñai tubacu úra ñadamatede daicójeimur mateáme ijárvucavure, ne boarí jaruvvarajiyepu ayu ne baju. Que teni cárrijimenore cüné daicójeimur mateáme. Cuvateame cünáve boaicarove ñumujurivede.

⁵ No yóboli, ñai ovejajicu ñi buraiyede apeyabe jajariyabede, jápiacacu apecu ina apurivucacure, “Dajacu” ayure. Jácacu cünácu caballo ñemicure. Ñai tubacu úra cuvateame cünáro duchéde corevainore ñi purui. ⁶ Jápiacacu apeno yávainore yópe. Jápurateavu ina yóvaicuvaivu apurivu jenebore. Yópe arí, coyuávuu.

—Cuinákilo quénora trigo ámicu pao daiye bojedari eaino mávü pöecu cünájárvure ñi memeiye báque bojeque. Aru yóbecurikilos quénora cebada ámicu pao daiye bojedari eaino mávü pöecu cünájárvure ñi memeiye báque bojeque. Ubenita ámedabejacu olivo ámicuricu jéidua córora aru vino úyaicorore máre, arí coyuávuu.

⁷ No yóboli, ñai ovejajicu ñi buraiyede apeyabe jajariyabede, jápiacacu apecu ina apurivucacure, “Dajacu” ayure. ⁸ Jácacu cünácu caballo cürayumecure. Ñai tubacu úra Yaino ámicu. Aru ñi yóbore dáme cünácu, Toabo cüimébo ámicu. Boarí jaruvvaicójeimara mateima ina obedivu pöeva ijárvucavu. Caivu ijárvucavu yópe yóvaicuvaivu yajuboa teni, yópe cünáyajubocavu boarí jaruvvaicójeimara mateima na boaino que, aru ánnéque, duica ijiéque, aru áimara jijecurivu que máre.

⁹ No yóboli, ñai ovejajicu ñi buraiyede apeyabe jajariyabede, jácacu apecu yaivu bácau ne ümene. Caivu ina boarí jaruvvaimara mácau ure ne coyuie báque boje Jümenijicu yávaiyede, ne ümene jácacu ya Jümenijicure jícaiyede juiva cächinoi. Dajocabevuva “Jávemu” arí coyurejaquemavu Jesucristoi yávaiye méne. ¹⁰ Buijé codobobori, yópe aima:

—Mu, ñuje jabocu, caivure cöjenü, meacu baju, aru javeque coyuávuu. ¿Joe baju corede dacuyurü mu ñujare “Boropateivabu muja”, mi aiyeta ijárvucavure Jesucristore ju abevure? ¿Aru joe baju corede dacuyurü mu ñujare mi ñajine daiyeta nare ne boarí jaruvaiye báque boje ñujare? codobobori aima na.

¹¹ Ina yaivu bácau jímara mateima ne cuitótecajea boricajeare. Aru coyuimara mateima iye yávaiyede:

—Jabuóvajarā cāreja pū ne boarí jaru-vaiyeta caivu ina mūjevu memecaivure Jūmenijicure. Boarí jaruvaimara mara-járama mūjape, Jūmenijicu yávaiyede coyuhiye boje, jápiaima na.

¹²No yóboi, jácacu ñai ovejajích u buraiyede apeyabe jääjariyabede. Pare cújiavu caino joborō. Aviá ñemiteame yópe pöeva ne doiyepo ñeminicajede, orájivu yaivu bácvure. Aru aviá ñamicacu jūacsu bajura bateáme yópe jivepe. ¹³Ina abiácova tuima cavarore jocarī, yópe jocuhsu jéidua tuiyepo jocuchre jocarī ümevu pare japuiyede. ¹⁴No cavarō bíjavu, yópe toivaiye báque bíjaiyepo paperayocare cáríáriburu yóboi. Aru caicúa cáracuá, caiye jiavhu máre jaruvavu die cárōre jocarī. ¹⁵Dinumure caivu jabova, aru cōjeivu, churaravai jabova, cuve cuvarivu, parurivu, yebacavu, aru yebacavu ámevu máre dupinanuima cáracobea jívhi aru cáracuá uracuá cáraboa jéneboi máre. ¹⁶Codoboborí órejaima cáracuá uracuáre aru cáraboare máre, yópe arí:

—Tujacuari ñujare. Yavejacuari ñu-jare üre jocarī, ñai dobacure jaboci dobarō mearo coricacaróra, uí jäm-equiyepe aino ñujare. Yavejacuari ñujare üre jocarī, ñai ovejajích jánure. ¹⁷Jave eaivu ijárvu parurijárvu, caivu Jūmenijicure ju abevu ne ñájijárvu. Ñame buojarī númerama náre copu, ñai jaboci dobarō mearo coricacaróri dobacure aru ñai ovejajícre máre, arí codoboboima na, jidurivu.

Juan uí coyuino ina ciento cuarenta y cuatro mil paivu Israecavurā

7 No yóboi, jácacu yóvaicchavu ángelevare núrivure maje cáríjaboró turuvai yóvaicchavituruvu yebai na coapa. Japuicójemeteima náre coapa iye yóvaicchavaye ümevuare ijárvuquede. Que teni

japuicójemeteima joborore copu, jia uradare copu, aru apecu jocuchre copu máre. ²Aru jácacu apecu ángelede muri dayure aviá dainocapúravure jocarī. Chivateame uí purhi ñai Jūmenijicu apucu uí jádovare dainore u jinare. Nai ángele codoboboame, majicachu apevu yóvaicchavu ángelevare, ina Jūmenijicu paruédé jímara mácvure, ne ámedare darájiyepo ayu joborore aru jia uradare máre. ³Yópe arí, codoboboame:

—Ámedabejarā cāreja yo joborore, jia uradare, aru jocuchare máre. Yéde ámedabejarā pū ñujo jádovaiye baquiyéta ina maje jaboci Jūmenijicure memecaivure ne tütuvára náre coapa, jádovarajivu náre u jinare, codoboborí áme ñai ángele.

⁴Aru jápiacacu aipivu ina obedivu jádovaimara mácvure ne tütuvára Jūmenijicu jinape. Caiyajuboa doce pайяjuboa Israecavure jocarī ciento cuarenta y cuatro mil paivu baju cíteimada. ⁵Judá báchi pármenacavu doce mil paivu jádovaimara mateimada. Aru Rubén máchi pármenacavu doce mil paivu jádovaimara mateimada. Gad báchi pármenacavu doce mil paivu jádovaimara mateimada. ⁶Aser báchi pármenacavu doce mil paivu jádovaimara mateimada. Neftalí báchi pármenacavu doce mil paivu jádovaimara mateimada. Aru Manasés báchi pármenacavu doce mil paivu jádovaimara mateimada. ⁷Simeón máchi pármenacavu doce mil paivu jádovaimara mateimada. Leví báchi pármenacavu doce mil paivu jádovaimara mateimada. Isacar báchi pármenacavu doce mil paivu jádovaimara mateimada. ⁸Aru Zabulón máchi pármenacavu doce mil paivu jádovaimara mateimada. José báchi pármenacavu doce mil paivu jádovaimara mateimada. Aru Benjamín

mácu pārmenacavu doce mil paivu jádovaimara mateimada máre. Caivu ina jádovaimara Jūmenijicu jinape ciento cuarenta y cuatro mil paivu baju bateimada na.

Juan ūi coyuino ina obedivu Jūmenijicu jina boricajeare doivurā
(Mt 24.1; Mr 13.19; Jn 1.29; 4.10; 7.37;
10.1-16; 1 Jn 1.7; Ap 21.4)

⁹No yóboi, jácacu obedivu baju pōe-vare. Ne obedivu cue boje, ñame bho-jarī corevabejebu náre. Caijaborōacavu, aru caiyajuboa pōeyajuboacavu, caica-mua yávaicamuacavu, aru caímaro-a-cavu máre cúteima na. Núteima no jabocu dobarō mearo coricacarō jipocai aru Cristo, ovejajicu ne aimu, ūi jipocai máre. Caivu ina doima ne cuitótecajeare boricajeare. Aru ujamedua paiyede cuateima náre coapa ne puruái. ¹⁰Yópe arī, būjié codoboboima:

Maje jabocu Jūmenijicu, ñai dobacu jabocu dobarō mearo coricacarōra, meadayube majare. Aru ñai oveja-jicu máre meadayube majare, aimana.

¹¹Caivu ina ángeleva núrivu ina veinticuatro paivu būcuvu ne yóboi, ina yó-vaicuvaivu apurivu ne yóboi, no jabocu dobarō mearo coricacarō yebai, mori tuiima ne jivare, mearore jinajivu Jū-menijicure. No jabocu dobarō mearo coricacarō jipocai mearore jíma Jūmenijicure. ¹²Yópe arī, mearore jíma ūre: Quédecabu. Maje jabocu Jūmenijicure-

cabe caivu ne mearore jímu, aru ne torojure daimu máre. Ūrecabe caiyede coreóvayu. Caivu torojude jíjarari ūre aru pueajarari ūre. Ūre-cabe caiye paráde cūvacu aru caiye méne daiye majicu máre cainumua. Quédecabu, aimana.

¹³Aru cūinácu nácacu, ina veinticua-tro paivu būchvacacu, yópe arī, jeníari jáme yure:

—¿Namema ina pōeva doivu ne cuitótecajea boricajeare? ¿Árocavu ba-na? jeníari jáme yure.

¹⁴Yópe arī, coyuacu ūre:

—Mu, ji jabocu, majibevu yu. Mure-cabu coreóvayu náre, acacu yu.

Aru coyuáme yure:

—Nárecabu napivu bácvu ne ñájiye báquede pheño urarō baju. Joaquemavu ne cuitótecajeare, bore darajivu dicajeare ñai ovejajicu jiveque. ¹⁵Que baru núrivu Jūmenijicu jabocu dobarō mearo jipocai. Memecaivu būre ūi cūrami jívui järavure aru ñamine máre.

Ñai dobacu jabocu dobarō mearo coricacarōra jári corechuyume náre ūi cue boje náque. ¹⁶Aipinumu ñájimenama na ávheña. Aru aipinumu cūñómebu náre máre. Aipinumu aviá bórī émecube náre. Aru aipinumu toaijino máre cārijovamebu náre.

¹⁷Nópe baquiyébu ñai ovejajicu cuchu jabocu dobarō mearo coricacarō yebai dobacu ūi jári coreiye boje náre. Jipocatechuyume náre oco apure daioco pīapóino curōi. Türecchuyume caiye oride ne yacoruhare. Aru torojure dachuyume náre cainumua, arī coyuáme ñai būcucu yure.

Juan ūi coyuino piniducayabe jájariyabena

(Ap 5.8; 11.19; 16.18)

8 No yóboi Cristo, ovejajicu ne aimu, burame apeyabe piniducayabe jájariyabede diyoca cāriáiyocare jocarī. Ūi buraiyede diyabede, ye yávaino japuraben, caivu bi aimu no cavarō mearo Jūmenijicu curōi coricaorare.

²Aru jácacu ina siete paivu ángeleva núrivure Jūmenijicu jipocai. Jímaru mateima siete paiyoa japuiyoare trompeta ámicuriyoare náre coapa. ³Apecu ángele dáme. Cuvateame ūi purui cūináru jororu úruque daidure mumijude adaidure. Dari, níteame

Jūmenijicure jícaiyyede juativa jipocai. Jím̄ mateáme ū ure mumijude, ūi jícaquiyepo ayu caivu Jūmenijicu pōeva ne boroteiyede ūque. Que teni jiame diede Jūmenijicure iva juativa úruque daivarā Jūmenijicu jabochi dobarō mearo jipocai.⁴ Iye mumijue éiyede, bico muavu Jūmenijicu jipocai ñai ángelei purure jocarī. Muavu Jūmenijicui pōeva ne boroteiyede ūque.⁵ Aru ñai ángele nuvari buiváme idu jororure toatūchia, ūi ño mácarore Jūmenijicure jícaiyyede juavare jocarī. Buiváriburu yóboi, dñvame didure joborōi. Ūi dñvayede didure òpo tuavu, yávaino bujino japurateavu, yaroino cojiteavu, aru joborō máre cíjiavu.

Juan ūi coyáno iye siete paivoa japuiyoa trompeta ámicuriyoarā

⁶ Dñum̄ure ina siete paivu ángeleva c̄avarivu siete paivoa japuiyoare trompeta ámicuriyoare meadaima, japurajivu diyoáre.

⁷ Cūinácu ángele nácacu mamarum̄u cacu japuáme mamarum̄u ūi japuiyore. Ūi japuiyede, ocavu jājaro yópe cārajiboape, aru toabo jiveque ocainope tuavu joborōi. Yópe yóbecue coavaiyepo caino joborōre, cūináro iye yóbecuecarō éni bíjavu. Caiye yóbecuricuha jocucua curi, cūinácu éni bíjavu. Aru yópe yóbecue coavaiyepo caiye cōriá jūmenicōria máre, cūináro iye yóbecuecarō, éni bíjavu.

⁸ Aru cūinácu yóbocacu ángele japuáme ūi japuiyore. Ūi japuiyede, cūinácu cūracu uracupe paicu, éicu toaque dñvaicu mateávhu jia uradai. Yópe yóbecue coavaiyepo caiya jia uradare, cūináro iye yóbecuecarō jiveteavu.⁹ Caivu yóbecurā apurivu jia uradacavu curivu, cūinácu yaiáme. Aru caiye yóbecuricuha jiadocuha uracuha che, cūinácu bíjavu.

¹⁰ Aru p̄ucarāi yóbocacu ángele japuáme ūi japuiyore. Ūi japuiyede, cūinácu abiácoru uracu uruyu tuame yópe cámavepe cavarore jocarī. Caiye yóbecuriya jia curiyare, cūinádare tuame ñai abiácoru uracu. Aru cainoa yóbecurā oco p̄iapóinoa curōare máre, cūinárore tuame ū. ¹¹ Jūmecu ámicuteame ñai abiácoru. Yópe yóbecue coavaiyepo caiye oco úcuiocore, cūináro iye yóbecuecarō jūmeteavu. Obedivu pōeva yaima, ina úcuiu bácvu die oco jūmene.

¹² Aru yóbecurāi yóbocacu ángele japuáme ūi japuiyore. Ūi japuiyede ñai aviá yóbecue coavaiyepo ūre, cūinára iye yóbecuecarō ámedaino mateávhu. Quédeca vaiávhu ñai aviá ñamicacure aru ina abiácovare máre. Cūináro ne yóbecuecarō ámedaino mateávhu náre coapa. Que baru caivu ina yópe yóbecue coavaiyepo náre, cūináro iye yóbecuecarō ñemiteavu náre coapa. Yóvaicu-vaiora jāravure ñai aviá bóbeteame. Aru yóvaicu-vaiora ñamine ina ñamicavu máre p̄eomeiteima.

¹³ Aru jācacu cūinácu míyavipe páyure, águila ámicuecure. Vuyu bateáme pare ūm̄hi, cavarō corica bajui, aviá ūi curōi jāravu corica baj. Jāpiacacu ūi yópe ainore yávaino bujinoque:

—Ámeno bajutamu. Ina apevu yóbecurā ángeleva ne japurajiyede ne japuiyoare ámeno baju vaiquíyebu ijāravuavu Jesúre ju abevure, arí codoboboame ū.

9 Aru yóvaicu-vaioru yóbocacu ángele japuáme ūi japuiyore. Ūi japuiyede, jācacu cūinácu ángele abiácoru p̄e arojacu tuyu bácre cavarore jocarī p̄u joborōita. Jím̄ mateáme llavede, voacuhy ecoino ūm̄jūricobede abujuva ne napini coreinoi ecoinore.² Ñai abiácoru voame no ūm̄jūricobede ecoinore. Ūi voaiyede nore, toabico

etavū dicobede jocarī. Yópe toabo ularō uruiyede bico ularō etaiyede bateávū die toabico. Aru die toabico ñemíe ture dávū aviā ūi boiyede aru úmevure máre. ³ Aru no toabicore jocarī mujuñuva darī ēmeima joborōita. Ina mujuñuva paruede jímara mateima, dorenajivu yópe muriva joborōcavupe. ⁴ Amedaicōjememara mateima caiye cōriáre, caicua jochuchare, aru caiye ape píaiyede máre. Quénora ina jádovamemara mácavure ne tūtūvarā Jūmenijicu jinape quévura ñájine daicōjeimara mateima ina mujuñuva. ⁵ Ubenita boarí jaruvaicōjememara mateima ina ne dorenajimarare. Quénora ñájine daicōjeimara mateima náre cūinápurupe paiaaviava baju. Ina ne doreimara ñájima yópe pöecu ñájiyede muri doreiyede. ⁶ Ina ne doreimara ñájinajarama pare ãnijāravu baquiyéde. Ne ámei ñájiye boje, yaiyurājarama na. Ubenita yaino jémequiyebu náre.

⁷ Ina mujuñuva árojateima yópe caballosa meadaimara mácavu boaránurajivupe. Ne jipobu cūvateima náre coapa apede yópe jipobu adaitarabu úruque daitarabuape. Aru ne jiva náre coapa úmuvai jivape árojateavū. ⁸ Ne poda náre coapa nomivai podape árojateavū. Aru ne cōpiá máre león ámicuca ãimacu yavipe páyhi cōpiápe árojateavū. ⁹ Ne ñarebare cūvateima náre coapa apede yópe cūmaicajea tāucajeape paiyede. Ne caveá máre bujiteavū yópe pöeva boaránhivu jāturuicúa caballovaque cuyaivu bujíepe. ¹⁰ Ne pícomua náre coapa muri pícomupe árojateavū. Aru doreima yópe muri ūi doreiyede. Ne pícomuaque ñájine darī majiteima pöevare cūinápurupe paiaaviava baju. ¹¹ Ina mujuñuva ne jabocu cátame. Ú mateáme ñai ángele jāri coreyu dicobe úmujuricobede. Hebreovai

yávaicamuaque Abadón ámicubi. Aru griegovai yávaicamuaque Apolión ámicubi. Que aino pöevare, ñájine daya ayiurōtam.

¹² Que teiyede, cūináro ñájiovaino vaiávū. Ubenita pñcarōa jaunu cárera.

¹³ No yóboi, cūinápurupe paivhi yóbo-cacu ángele japuáme ūi japuiyore. Úi japuiyede, jápiacacu yu cūinácu ūi yá-vainore. No yávaino etavū Jūmenijicure jícaiyede juaiva úruque daivare jocarī. Diva Jūmenijicu jipocai curivai yóvaicu-vaitōbhare jocarī etavū no yávaino. ¹⁴ Yópe arī, coyuávū no yávaino ñai ángele ūi japuiyore cūvacure:

—Jodejacu ina yóvaicuvaivu ángel-evare bhoimara mácavure jia ularada Éufrates ámicuviya yebai, arī coyuávū.

¹⁵ Que baru ina yóvaicuvaivu ángeleva jodeimara mateima. Meadaimara mácavu batequémavu, boarí jaruvarajivu obedivu pöeva ijāravucavure. Caivu yajubo curivupe yóbecurāque cūinácurre boarí jaruvarajivu bateima na. Meadaimara mácavu batequémavu nöpe ðarajivuva cūináora beoiorare, cūinájāravu beoijāravure, cūinácu aviā beoiaviare, aru cūinájhu beoijuhre máre. ¹⁶ Jápiacacu yu aipivu churarava caballovare tubarivu daiuvre. Caivu ne obeno doscientos millones paivu cátēimada na.

¹⁷ Yópe decoboainope jácacu ina caballovare aru nára tubarivure máre. Ne ñarebare cūvateima náre coapa cūmaicajea tāucajeare. Jūaro baju toape, jūmeno cavaröpe, aru cūrajumeno azufrepe máre jácacu yu ne cūmaicajeare. Ina caballosa ne jipobu yópe león ámicuca ãimacu yavipe páyhi jipobupe bateávū. Aru ne jijecamuare jocarī etavū toa, bico, aru azufrede máre. ¹⁸ Iye toa, bico, aru azufreque máre boarí jaruvaima na obedivu pöeva ijāravucavure. Caivu yóbecurā curivu,

cūinácu nácacure boarí jarhvaima ina caballova.¹⁹ Ne boarí jarhvaiye parue cátteavu ne jijecamui aru ne pícomui máre. Ne pícomua yópe ádavape bateávü. Ne pícomuaque cüima pöevare yópe ádavai cüiyepé, ijide dárájivu náre.

²⁰Caiye iye vainíburu yóbore, ina pöeva ijárvacavu yaibévu bácvu cárera ye jarhvaiybeteima na ne pëpeimara mácvure. Quénora dajocabeteima ne mearore jíyede abujuvare. Aru dajocabeteima ne mearore jíyede pëpeimara mácvure. Ina pëpeimara mácvu pöeva ne daimara mácvubu úruque, aru plataque, bronceque, cáraboaque, aru jocchuaque máre. Nárecabu yéde jári majibevu aru jápiarí majibevu. Aru cuivu máre bñojabema.²¹ Aru chíomevu, ne ámeina teiyede jarhvaiybevu, oatvabeteima ne daiyede. Dajocabeteima ne boarí jarhvaiyede pöevare, ne yavié teiyede, ne ámeina daiyede apevque némarebñchua ámevque, aru ne ñavaiyede máre.

**Juan ūi coyuino ángelena ñai
chvacurá quíjiyoca
paperayoca cáráiyocare**

(Hch 4.24)

10 No yóboi, jácacu apecu ángele parucure, émeñtre cavarõ mearo Jämenijicui curõre jocarí. Cüinábo ocopenibo cümovu ūre. Cüinácu náme cútteamo ūi jipobu pñenoi. Ūi jiva pëoávu yópe aviái pëoíyepé. Aru ūi áradao yópe edivea uruiyepé toaque árojae mateávü.² Chvateame ūi puru cüináyoca quíjiyoca paperayoca cáráiyocare. Diyoca voaiyoca bácarõ mateávü. Núteamo ūi cùboba meapúravacacubobaque jia uradai aru ūi cùboba cäcopúravacacubobaque

joborõi.³ Codoboboame yávaino bñjinoque yópe león ámicuca áimacu yavipe páyhi codoboboyepe. Ūi codoboboríburu yóbore, jápiacasu siete painoa ópo tñinoare.⁴ Ópo turíburu yóboi, toivajurocu batecácu ne yávainore. Ubenita jápiacasu apeno yávaino cavarõ mearo Jämenijicui curõre jocarí. Yópe arí, coyuávü yure:

—No yávainore, siete painoa ópo tñino coyuino mácarõre mure toivabejacu mu. Yavejacu caivure jocarí ne coyuino mácarõre, arí coyuávü yure.

⁵ Dinumure ñai ángele, ji jáimu mácu núcure jia uradai aru joborõi máre, jämúóame ūi puru meapúravacapurure cavarõ mearo Jämenijicui curõi. Aru yópe arí, coyuáme:

⁶ —Jämenijicurecabe apchacu Cainumua. Urecabe chedayu bácu cavarõre aru caivu cavarõcavure aru caiye cavarõquede máre, aru joborõre aru caivu joborõcavure aru caiye joborõquede máre, aru jia uradare aru caivu jia uradacavure aru caiye jia uradaquede máre. Ñai Jämenijicu dare dajacurí yópe ji aiyepé: Napini corequiye cùbejadéni. Järvu cüiquíyebu.⁷ Quénora apecu ángele, ina siete paivu piniducacu, ūi japuri bñiyede ūi japuiyore, Jämenijicu dachuyume yópe ūi dápiaiye báquepedeca. Dachuyume yópe ūi jáðovameno mácarõpe jipocamia ūi coyuíye báquede ina ūi yávaiyede coyucaipöeva mácvu ūre memecaivu bácvure, arí coyuáme ñai ángele.

⁸ Dinumure jápiacasu bedióva cojedeca no yávainore, ji jápiaiye báquede cavarõ mearo Jämenijicui curõre jocarí. Yópe arí, coyuávü yure:

—Íchuyacu diyoca quíjiyoca paperayoca cáráiyoca voaiyocare ñai ángele núcua jia uradai aru joborõi máre ūi purure jocarí, arí coyuávü yure.

⁹ Que baru ñai ángele yebai nüri jé-niacacu, üi jíquiyepo ayu yure diyoca quíjijocare. Aru ácapúravu áme yure:

—Iyocare íni ájacu. Jumetequiyebu mi yapibui. Übenita mi jijecamure mumi-corope émijquiyebu, áme yure.

¹⁰ Diyoca quíjijocare ícacu üi pürure jocarí. Aru ácacu yu. Mumicoro émijuepe dápurateavu ji jijecamure. Übenita järhóriburu yóboi jumeteavu ji yapibure. ¹¹ Dinumure coyshima yure, yópe arí:

—Jaunu mure mi Júmenijichi yá-vaiyede coyusquiyepo cojedeca ina obedivu ímaroacavurá, aru pöeyajubo-cavurá, yávaicamuacavurá, aru jabovará máre, arí coyshima yure.

Juan üi coyusino ina pucará coyuscaipóevara

(Lc 21.24; Ap 6.12; 8.5; 13.5-7; 16.18-21; 17.8)

11 Majé jabocu jiame yure cùinádo corevaiyore yópe aboijyope paivore. Aru coyusáme yure, yópe arí:

—Corevacuñucacu mu Júmenijichi cùramine, aru üre jícaiyede juavare aru ina meareore jívare üre nore máre. ² Übenita corevabejacu tâibure Júmenijichi cùrami jedevare, judíova ámevure jíno mácarore. Ina judíova ámevu býjarorájarama no ímaro Júmenijicu jinore cuarenta y dos paivaviava baju. ³ Aru yu jarochuyumu pucará ümuvare, ne coyuscarájyepo ayu yurá apevure mil doscientos sesenta paíjárvua baju pu apevu náre boarí jaruvaiyeta. Ina pucará dorájarama cuitótecajeare yópe pöeva ne doiyepo orájivu yaivu bácvure, arí coyusáme yure.

⁴ Ina pucará coyuscaivu úra, jévari coyurí nárecabu icuá pucacu jocuscua olivo ámicuricua ijárvucavu jabocu jipocará curicuape paivu. Aru jévari coyurí nárecabu ijaraboa pucajaraboa

péoibua thoijaraboa ijárvucavu jabocu jipocará curijaraboape paivu máre. ⁵ Ácu pöecu üi nájine daiyuriduru náre, toa etarí ne jijecamure jocarí éni býjarouiyepo ne mauvare. Que baru nópe yainájarama náme nájine daiyuriduvu ina pucarare. ⁶ Ina pucará parué cùvarivubu ocabede darí bhojarajivu ne coyuiedeca cäreja Júmenijichurá. Aru parué cùvarivubu jivetede daivu bhojarajivu oco piapóinoare. Aru duica ijié cure daivu bhojarajivubu máre ijárvucavure aipino ne urópe. ⁷ Ina pucará ne bhojaiyede ne coyuiede, ñai áimacu jijecucu ámecu muñu ümpujuricobede jocarí ádamatechuyume náre. Ádamateni, vainí turí, boarí jaruvacuyme náre.

⁸ Yaivu bácvu ne bajuá báque cùquiyepo uraró ímarocamara, ne Jesucristore boarí jaruvaiímaroi, ne pëvaiye báquede üre jocuscuaravena. Diímarore pöeva adama “Sodoma” aru “Egipto” máre, ne jádovarajyepo aivu aipe ámeno árojarore no ímarore. ⁹ Cainoa ímaroacavu, aru caiyajuboa pöeyajuboacavu, caicamua yávaicamuacavu, aru cajaboróacavu máre járájarama ina yaivu bácvu ne bajuá báquede yóbecurijárvua corica bajureca. Yuarí jaruvaiçojemenajarama na ne bajuá báquede. ¹⁰ Ijárvucavu Jesucristore ju abevu torojurájarama ina pucará ne yaiye boje. Ina pucará Júmenijichi yávaiyede coyuscaipóevara mácvu ne nájine daiye báque boje pare ijárvucavu pöevare, nácapúravu torojuve teni jínajarama ne bojecubeda jíyude ne baju.

¹¹ Übenita yóbecurijárvua corica bajureca cäreja nore curiburu yóboi, Júmenijichi náre nacovari yainore jaruvarí, apure daquemavu náre cojedeca. Que baru nacajaima ina pucará. Aru caivu ina jáivu bácvu

nacajaivure cuecumaima pare.
¹² Dinumture ina pucarā Jūmenijicu yávaiyede coyucaipōeva jápiaima apeno yávainore būjinoque, yópe ainore cavarō mearo Jūmenijicu cūrōre jocarī:

—Muri dajārā yui, ávū náre.

Ne mauvai jáiayedeca náre, muri nūima ina pucarā ocopeniboque pu cavarō mearo Jūmenijicu cūrōita.
¹³ Aru dinumumiareca joborō cūjiavū pare. Yópe caipucapuruape paiye coavaiyepē caino no īmarore, cūináro iye caipucapuruape paiyecarō bījavū. Aru siete mil baju pōeva yaima no joborō cūjiye boje. Caivu apevū diūmarocavu apurivu cāreja cuecumaima pare aru mearore jíma ñai Jūmenijicu cavarō mearocacure.

¹⁴ Que teniburu yóbore, pucarōa ñájiovainoa vaiávē caride. Ubenita cūináro jaivu cāreja. Maumejiena vaiquíyebu no.

**Juan ūi coyuino siete ángeleva
piniducacūi japuiyena ūi
japuiyo trompeta ámicuriyore**

¹⁵ No yóboi, apecu ángele, ina siete paivu piniducacūi, japuáme ūi japuiyore. Ūi japuiyede, yópe arī, coyuima obedivu cavarō mearo Jūmenijicu cūrōcavu būjiéque:

Caride maje jabocu Cristoque jaboteivubu caivu ijāravucavure. Aru ūrecabe jabotecuyu cainumcha, arī coyuima na.

¹⁶ Dinumture ina veinticuatro paivu būcuvu dobarivu jabovai dobarōa mearoai Jūmenijicu jipocai joborōita mori tūrī mearore jíma ūre. ¹⁷ Que teni yópe arī, coyuima:

Mu, ñuje jabocu Jūmenijicu, parucu caivu puceno, cucus caride aru cucus bácu javede, torojuede jívubu mure. Murecabu jaboteni báyv u caivu pōe- vare mi paruē ureque. Que baru torojuede jívubu mure. ¹⁸ Eaivu yo

jāravu mi jādovajāravu mi joro- jīni jáiyyede pōeva ne āmeina teiye boje. Eaivu yo jāravu mi jāri core- vajāravu caivu ina yaivu bácvavure ne daiye báquede. Que baru caivu ijāravucavu mure ju abevu jijateima pare. Caride eaivu yo jāravu mi bo- jedajāravu pōevare ne daiye báque bojede. Me bojedacuñumu mu caivu mure memecaivure, ina mi yá- vaiyede coyucaipōevare aru mi pōe- vare, ina mure puelaivure máre, quíjinare aru būchavare máre. Aru bījaroquijivu mu caivu ina ijāravu- cavu apevure ñájine daivure, arī coyuima na.

¹⁹ No yóboi, Jūmenijicu cūrami, cavarō mearo ūi cūrōi cūrīñami voavū. Nore jáino mateávū ñanitōcu ina judíovai adaitōcure iveá cūravea Jūmenijicu “Yópe dācacuyumu yu mūjare”, ūi arī toivaiyede báque cūrítōcure. Aru yaroino cojiteavu, yávaino būjino jāpurateavu, ñopo tuavu, joborō cūjiavu, aru ocaino jājaro yópe cūrajiboape tuavu máre.

**Juan ūi coyuino nomióra
aru āijuacurā máre**

(Lc 10.18; Jud 9)

12 No yóboi, cūináro jādovaino ūrarō jāroteavu cavarōi. Jāroteaco cūináco nomío cūmaimo máco aviáque yópe cuitótecajede cūmaiyepe. Núteaco aviá ñamicaca puenora. Ói jipobhi cátteavu jipobu adaitarabu doce paivu abiácovaque. ² Micaco, juedocuvacodo bateáco maumejiena. Que baru pare odo bateáco, òre ijié boje. ³ Aru jācacu. Apeno jādovaino ūrarō jāroteavu cavarōi. Jāroteame cūinácu āijuacu ūracu baju. Siete paibcha jipobcha cucus bateáme caipucapuruape pailjavaroaque. Cátteavu ūi jipobcha coapa cūinátarabu jipobu adaitarabu. ⁴ Ūi pícomuque jabuboame obedivu

abiácovare cavarõre jocarí pu
joborõita. Caivu yóbecurã abiácova
curivu, cūináchre jabhborõ ture
dáme ū joborõita. Nai ãijuacu
mauteame ico nomiõ jipocai, áchuyu õi
juedocuvacojimure mama põeteyu.
⁵Ico nomiõ juedocuivateaco mamacu
ñamujicure, jabotecuyure caivu põevare
paruque, yópe ūi chvajhrope abodo
tâuque daiyore. Que baru ñame
dabejebu yópe ūi cõjeiyepo. Ubenita
nai juedocu ñi nuvaimu mateáme pu
Jümenijicu yebaita, jabocu dobarõ
mearoita. ⁶Aru ico nomiõ dupini
nuaco põecubenoi, Jümenijicu óre
meadacaino mácarõi. Nore ãiye jímo
macodóme õ mil doscientos sesenta
pajárravu**a** baju.

⁷No yóboi, ádamateino mateávu
cavarõ mearo Jümenijicu curõi.
Ángelevai jabocu ūi ãmiá Miguel ūi
ángelevaque ádamateame nai ãijuacure.
Aru nai ãijuacu máre ūi ángelevaque
ádamateniduame Miguejäre copu.
⁸Ubenita ãijuacu jäcapúravu ye vainí
tubeteima na, Miguejäcapúravu. Que
baru ãijuacu järe cavarõ mearo
Jümenijicu curõre mauteicõjememara
mateima na chreja. ⁹Que baru nai
ãijuacu uracu ne jaetovaimu mateáme
cavarõ mearo Jümenijicu curõre jocarí.
Úrecabe ãñu ãijuacu javecacu ūi ãmiá
Satanás, abujuvai jabocu. Úrecabe
jugovayu caivu ijárravucavu. Ú ūi
ángelevaque, nárecabu ūi jaetovaimara
mácavu cavarõ mearo Jümenijicu
curõre jocarí pu joborõita.

¹⁰Dinumure jápiacacu apeno yávain-
ore bujinoque, yópe ainore cavarõ
mearo Jümenijicu curõre jocarí:

—Caride jave eaivu Jümenijicu
meadaijárravu põevare. Jümenijicu
jádovaimi ūi paruque ūi jaboteiyede.
Cristo máre jádovaimi ūi paruque.
Caride jaetovaimu me cavarõ mearo
Jümenijicu curõre jocarí abujuvai

jabocu, nai boro coyurí adaipõec
bácu majevu Jesucristore ju aipõevarare.
Jipocamia nai núcu bateáme Jümenijicu
jipocai, boro coyurí adacuyu náre
járvure aru ñamine máre. ¹¹Cristo,
nai ovejajicu ne aimu, ūi jive meiye
báqueque bojedarejaquemava
majevu Jesucristore ju aipõevarare
ne ámeina teiyede. Ne ju aiyeque
vainí tuyama nai abujuvai jabocure.
Aru coyuima Jümenijicu yávaiyede
dajocabevuva “Jávemu” ne aiyede
Jesucristoi yávaiye méne. Aru iye ne
yávaiye méne coyuhiyeque máre vainí
tuyama nai abujuvai jabocure. Boari
jaruvarajimaravacari ne nópe bueiye
boje Cristo jiede, nácapúravu buede
nuivu bateima ūi jiede dajocabevuva.
Que baru jecubeni ne baju aphede
ijárravui, jidubevuva napini coreima
ne yainájinore. Que baru boro coyurí
adaino chbevu náre copu caride.
¹²Que baru torojue chquiyebu cavarõ
mearo Jümenijicu curõi. Torojuejará
muja cavarõ mearo Jümenijicu
curõcavu. Ubenita pare chiorajarama
ijárravucavu, ina joborõi curivu aru ina
jia uradai curivu máre. Nai abujuvai
jabocu émeimi muje yebai jarayu
baju, ūi coreóvaiye boje maumejiena
ñájichuyu.

Nópe jápiacacu yu.

¹³Nai ãijuacu ūi coreóvaiyede ūi baju
ne jaetovaimu máchre joborõita, cu-
juáme ico nomiõre, mamacure juedocu-
vaco bácore. ¹⁴Ubenita ócapúravu jímo
mateáco phcacavea, míyavipe águila
ámicaschi caveáre, vucodo põecubenoi,
Jümenijicu óre jímo mácarõre ūi curõita
ãijuacure jocarí joaita. Nore ãiye jíye
jaquiyé bateávu óre yóbecuriyua aru
apeyua corica baji. ¹⁵Dinumure nai ãi-
juacu jäcapúravu jécuturi japuri jaroáme
urarõ ocore ūi jipecamure jocarí yópe ji-
ape, ūi muicojiyepe ariduyu óre, ūi bí-
jacojiyepe ariduyu. ¹⁶Ubenita yo joborõ

cadateavū ūre. Yo joborō jāruóiyepē dāvū iye urrearō ocore, ñai ãijuacu jē-cuturi japuri jaroiyē báquede.¹⁷ Que baru ñai ãijuacu pare jijateyū ūre, ádamatecunuame caivu apevū òi pārameleonque copu. Nárecabu caivu ina ju aivu Jūmenijicui daicōjeiyede aru dajocabevuva coyuvinu Jesú ūi yávaiyede jāvene pu apevū náre boarí jaruvaiyeta.¹⁸ Aru ñai ãijuacu núchunhuame épacúra jia urada écarui.

Juan ūi coyuino ina pucarā áimara jijecurivurā

(Mt 24.24; 2 Ts 2.9-10;
Ap 3.5; 17.3, 7-12)

13 Dinumure jācacu cūinácu ãame ãimacu jijecucure muri dayure jia uradare jocarī. Siete paibua jipobua cuchu bateáme caipucapuruape paíjavaroaque. Cáteavū ūi javaroa coapa cūinátarabu jipobu adaitarabu aru ūi jipobua coapa ãmiá ámeãmiare toivaino mácarō. No ãmiá cojubeteavū Jūmenijicure.² Ñai ji jaimu yópe árojateame: Yavipe páyū bateáme ūi baju. Ūi ceboba miei cebobape bateávū. Aru ūi jijecamu ãimacu jijecacu león ãmicuchi jijecamupe bateávū. Ñai ãijuacu jiame ūi paruéde ñai ãimacure. Dobaicōjeame jaboci dobarō mearora. Aru jaboteicōjeame ūre obedivu pōevare.³ Ñai ãimacure, cūinábu ūi jipobuacabu yaivájhorichuri bácarō curō árojateavū. Ubenita no churi bácaróvacari paparī meateavū. No churi meateinore jáivuvata, caivu ijárvacavu Jesúre ju abevu pare cuecumaima. Aru naima na ñai ãimacu yóboi, ne ju aiye boje ūi bueiyede.⁴ Coreóvaima na ñai ãijuacu jíyu bácre ūi paruéde ñai ãimacure. Que baru mearore jíma ñai ãijuacure. Aru mearore jíma ñai ãimacure máre. Yópe arī, mearore jíma na:

—Apecu cübebi parucu ñai ãimacure páyū. Ñame maucavarī, ádamateni vainí tuivu buojabenama ūre, aimar na.

⁵ Ñai ãimacu coynicōjeimu mateáme, “¿Meacu bárica yu apevū pueno?” acuyu aru ámeina yávacuyu Jūmenijicure máre. Aru jaboteicōjeimu mateáme cuarenta y dos paíaviava baju.⁶ Que baru ámeina yávame Jūmenijicurā, aru ūi cüramina, aru caivu ina cavarō mearo Jūmenijicui curōi curivurā máre.⁷ Ádamateicōjeimu mateáme Jūmenijicui pōevare copu ūi vainí tuiyeta. Aru jaboteicōjeimu mateáme caiyajubo pōeyajuboacavure, aru caímaroacavure, caicamua yávaicamuacavure, aru caijaboroacavure máre.⁸ Ñai ãimacure mearore jínajarama caivu ijárvacavu Jesúre ju abevu. Námu ne ámiáre toivabemara mácavu ánitucubo paperatucuboi, caivu ina järavu cüüméjäravu baquinore cüvarajivure ne ámiáre toivaitucuboi. Ditucubo Cristo, ovejajicu ne aimu, ūi tucubobo. Ñai ovejajicu ne boarí jaruvaimu macuyáre Jūmenijicu majidejaquemavu ūi cuedaquiye jipocai ijárvavure.

⁹ Caivu me jápiajarā.¹⁰ Ina buoimara márajivu, jāve buoimara marajárama na. Aru ina boarí jaruvaimara márajivu, jāve boarí jaruvaimara marajárama na.

Que baru caivu Jūmenijicui pōevare jāve ne napiye jañquiyebu caiye ne ñájiyede. Aru jāve ne ju aiye jañquiyebu náre dajocabevuva Jūmenijicui coyuviye báquede ūi mearo dacaquiyede náre.

¹¹ No yóboi, jācacu apecu áme ãimacu jijecucure muri dayure joborore jocarī. Pucarō javaroa cüvateame yópe ovejai javaroape. Ubenita yávame yópe ãijuacu yávaiyepē.¹² Ñai ãimacu jia uradare jocarī dayu bácu cüvateame ure paruéde. Caiye ūi paruéde cüvateame ñai ãimacu joborore jocarī dayu bácu.

Ñai jia ʉradare dayu bácu jáinoi ñai joborore dayu bácu jaboteame ure parueque. Caivu ijäravucavu Jesúre ju abevure mearore jíde dáme ñai jia ʉradare dayu bácre, ñai churi meateino mácarore cùvacure. ¹³ Aru ure pöeva ne ðarí majibede máre dáme ñ. Toabore jödaicójeame cavarore jocarí pu joboröita caivu pöeva ne jáinoi. ¹⁴ Pöeva ne ðarí majibede daicójeimü mateáme ñai jia ʉradare dayu bácu jáinoi. Yópe ðarí jujovame caivu ijäravucavu Jesúre ju abevure. Ðaicójeame náre, ne pëpeimure ne puedaräjiyepo ayu ñai áimacu apucure cäreja, buraimu mácreca boaicaroveque. ¹⁵ Ne pëpeimure ðaríburu yóboi, ñai joborore dayu bácu ümene japuicójeimü mateáme pëpeimure, yávayu ñi buojaquiyepo ayu aru boarí jarüvaicójeñu ñi buojaquiyepo ayu caivu ina mearore jíyubevure ñre.

¹⁶ Toivaicójeame caivu pöevare ne puru meapüravurá o ne tütvarar. Quíjinare aru buchvare máre, cüve cùvarivure aru cüve cùvabevure máre, yebacavure aru yebacavu ámevure máre, caivure toivaicójeame ñ. ¹⁷ Ácu pöechu cùvabecu baru no toivainore, bojedarí ñu aru jíni bojedayu máre buojabeteame. No toivaino mateávü ñai jia ʉradare dayu bácu ámiá o yo número ñi ámiáque cürö. ¹⁸ Majié jañvu ñre coreóvaiyuchre nore. Ñai coreóvayu corevajacarí ñai áme áimacu jijecuchi númerore. Yo númerobu pöechu número. Yo númerobu seiscientos sesenta y seis.

Juan ñi coyuhino ina ciento cuarenta y cuatro mil paivu baju yuriaivurá

(Stg 1.18; Ap 7.3)

14 No yóboi, jácacu cojedeca. Jákacu Cristore, ovejajícu ne aimu, núcure Sión ámicaricu cùracüi. Aru ñque cùteima obedivu pöeva, ciento

cuarenta y cuatro mil paivu baju. Nárecabu cùvarivu ñi ámiáre aru jípacui ámiáre máre toivaino mácarore ne tütvará náre coapa. ² Que teni jápiacacu cùináro bujinore cavarö mearo Jümenijicu cüröre jocarí. Jápurateavu yópe cùratäcuve ʉratäcuve bujinope aru yópe òpo tuino pheeno baju bujinope. Yópe obedivu biabeiboare arpa ámicraboare ne upaiye bujíepo jápurateavu no bujino. ³ Ina ciento cuarenta y cuatro mil paivu baju pöeva yuriaima yo yuriaino mamarore no jaboci dobarö mearo coricacarö jipocai, ina yóvaicuvaivu apurivu aru ina veinticuatro paivu bucüva ne jáinoi. Ina ciento cuarenta y cuatro mil paivu baju ijäravucavu Cristoi meadaimara mácavu quévura yuriari majiteima no yuriaino mamarore. Apecu cùbebi yuriari buojayu nore. ⁴ Inarecabu ámetebevu bácvu nomivaque. Nomivaque cùbeteima na. Nárecabu nñivu ñai ovejajícu yóboi ári ñi nñinoi. Nárecabu bojedaimara mácavu caivu ijäravucavu jéneboi, jínajimara márajivu Jümenijicure aru ñai ovejajíchre máre yópe jéidua mamarumü buchidua pheeno mearua jíyepo. ⁵ Nárecabu ye borocabevu aru ye ámeno cùbevu máre cainumua.

Juan ñi coyuhino yóbecurá ángeleva ne coyuhiyena

(Ap 10.6; 16.19; 18.2)

⁶ No yóboi, jácacu apecu ángel, vuyure pare ümhi, cavarö coricai aviá ñi cüröi järavu corica bají. Coyuháme iye coyuhíye cùiméne cainumua caivu ijäravucavu ne jípái yede. Coyuháme caijaboröacavure, aru caiyajuboa pöeyajuboacavure, caicamua yávaijamuacavure, aru caiímaroacavure máre. ⁷ Yópe arí, coyuháme yávaino bujinoque:

—Puedajará Jümenijicure. Mearore jíjará ñre ñi pheeno majié boje. Eaivu

iora pōevare ūi ñájiovaquiora ne āmeina teiye boje. Que baru mearore jíjarā ñai dayu bácre cavarōre, aru joborōre, jia ӯradare, aru oco pīapóinoare máre, arī coyuáme ñai ángele.

⁸ Apecu ángele dámē ūi yóboi, yópe arī coyuáme:

—Jave bíjaivu no ñamaro ӯrarō Babilonia ãmicurō. No ñamarocavu ne pare āmeina daiye báque boje aru ne pare āmeina dare daiye báque boje caivu ijárvacavu Jesucristore ju abevure cai-jaborōai, bíjare daimaramu na, arī coyuáme ñai ángele.

⁹⁻¹⁰ Apecu ángele dámē ina phcarā yóboi, yópe arī, yávaino bujinoque coyuáme:

—Pare ñájinajarama caivu ina mearore jívu ñai āme āimach jijecuchu jia ӯradare dayu bácre aru ūi pēpeimure máre, aru ina toivare daicōjeivu ne tütuvārā náre coapa aru ne pururā máre ūi āmiáque o ūi númeroque máre. Ne que daiye boje, Jūmenijichu pare jorojini jáñu náre, ñájine ñacchuyame náre pare yópe ūi aiye báquepedeca. Que teni ñocchuyame náre azufre ãmiche tāu uruino jívui, ūi ángeleva meara baju aru Cristo, ovejajichu ne aimu, máre ne jáiyede. ¹¹ Ibo toabo náre ñájiovaibore jocarī bico porī muivu cainumha. Que baru cūiméquiyebu ne ñájive. Quénora jabuóvabevuva ñájinajarama järavure aru ñamine máre caivu ina mearore jívu ñai jia ӯradare dayu bácre aru ūi pēpeimure máre, aru ina toivare daicōjeivu ne bajure ūi āmiáque, arī coyuáme ñai ángele.

¹² Que baru Jūmenijichu pōeva, ina ju aivure ūi daicōjeiyede aru ju aivu Jesúre máre dajocabevuva ne ju aiyede ūre cainumha, nácapúrvavre jāve ne napiye jaquiyebu ure ne ñájivede.

¹³ Dinumure jápiacasu cūináro yávainore cavarō mearo Jūmenijichu curōre jocarī. Yópe arī, coyuávū yure:

—Yópe arī, toivajacsu mu: “Caride aru cainumha torojurājarama caivu yainájivu curivu Jesucristo que cūinávape”, toivaicōjeame yure.

Aru ñai Espíritu Santo ju arī coyuáme:

—Jävemu. Cūivu ne ñájive. Quénora jabuóvarājarama. Dajocarājarama ne pare memecaiyede. Aru cūvarājarama ne memecaino mácarō boje méne, arī coyuáme ñai Espíritu Santo.

**Juan ūi coyuáno Jūmenijichu
daquinora ijárvacavure yópe pōeva
ne daiyepē ñajivu ne oteiye báquede**

(Ap 19.15)

¹⁴ Dinumure jácacasu cojedeca. Cúteavu cūinábo ocopenibo boribo. Aru diborā dobateame cūinácu. Maja, pōevape ãro-jacu bateáme ū. Cuvateame cūinátarabu jipobu adaitarabu úruque daitarabure ūi jipobui. Aru durháme cūináve tāuve oteiye buraive jevucurivede ūi purui.

¹⁵ Dinumure apecu ángele etame Jūmenijichu cūramine jocarī. Yópe arī, yávaino bujinoque coyuáme ñai dobacure ocopeniborā:

—Jave eavu iye oteiye jéijárvu. Iye oteiye ijárvui buchuiyebu. Que baru burarī ijacsu mu iye oteiye buchuiyede, arī coyuáme ñai ángele.

¹⁶ Ūi que aiyeda, ñai dobacsu báchu ocopeniborā burarī ñame caiye iye oteiye buchuiyede ijárvavre jocarī.

¹⁷ No yóboi, apecu ángele etame Jūmenijichu cūramine jocarī no cavarō mearo ūi curōi. Ū máre cuvateame cūináve tāuve jéiduare buraive jevucurivede ūi purui. ¹⁸ Dinumure apecu ángele, ñai toare jári coreyu, etame Jūmenijichu jícaiyede juavare jocarī. Yópe arī, yávaino bujinoque coyuáme ñai ángele ive tāuve oteiye buraive jevucurivede cuvacure:

—Iboá vino ūyaiboa ijāravucaboa ñemiboabu caride. Que baru burarī ijacu ma iboá vino ūyaiboa ñemiboare, arī coyuáme ñai ángele.

¹⁹ Úi que aiyeda, ñai ángele ive tāuve oteiyede buraive jevucurivede cūvacu burarī īame caiboa iboáre némure vino úyaimure jocarī. Burarī īniburu yóboi, dūvame iboáre pipoino jívhī. Yópe arī Jūmenijicu, pare jorojini jāñu, ñajine dacchuyume obedivu pōevare, ne ãmeina teiye boje. Que aiyarōtam no. ²⁰ Yópe vino ūyaiboaare pipocorore yuayipe, nopedeca Jūmenijicu ñajine daimara ñajima īmaro jedevai. Aru ne jive etaiyede yuarī yabovaiyepo nūavu pū trescientos paikilometros joaita aru eavu caballovare cōjeimeita.

Juan ñi coyuino iye siete paiye ñájiovaiye yóboquede

15 Dinumure jácacu apeno jādovaino urrearōre cavarōi. Cuecumacacu ji jāiyede nore. Cúteima siete paivu ángeleva cūvarivu náre coapa siete paiye ñájiovaiye yóboquede. Iye siete paiye ñájiovaiye vainfburu yóboi, Jūmenijicu ye ñajine dabecebu pōevare cojedeca. Iye siete paiye ñájiovaiyeque Jūmenijicu bhojacchuyume ñi jādovaiyede ñi jorojini jāiyede.

² Aru jácacu apedare yópe jia urada jivarupe ubenita me jāri javaiyoia bateávū. Aru toaque jīvainope áro-jateavu diya jívui. Diya écaru núteima ina vainí tuivu bácvu ñai ãme ãimacu jijecucu jia uradare dayu báçure. Vainí tuima ñre ne mearore jíbe báque boje ñre aru ñi pēpeimure máre. Vainí tuima ñre ne toivaicōjeme máque boje ne bajurā yo número ñi ãmíáque curōre. Ina vainí tuivu bácvu cūvateima biabeiboare arpa ãmicuriboare, Jūmenijicu jíboare, ne purui cūvarivu náre coapa.

³ Yuriaima na yo yuriaino Moisés bácu

Jūmenijicure memecayu báchi yuriaino mácarōre aru Cristo, ovejajícu ne aimu, ñi yuriainore máre. Yópe arī, yuriaima na:

Mu, ñuaje jaboci Jūmenijicu, paracu caivu pñeno, caiye mi daiye urebu aru cuavaiyebu máre. Mu jaboteyubu caivu pōevare, caijaborōacavure. Caiye mi daiye mému aru jāvemu máre. ⁴ Mu, ñuaje jaboci, caivu pōeva puedarājaramu ñuaje mure jāve. Caivu pōeva mearore jínajaramu ñuaje mure jāve. Mu cūinácrabu meacu. Caivu pōeva caijaborōacavu mure mearore jínadarājarama ne jáiye boje mi daiye méne, arī yuriaima na.

⁵ No yóboi, jácacu Jūmenijicu cūramine, cavarō mearo ñi curōi curiñamine voaiñamine. Diñamimu iveá cūravea Jūmenijicu daicōjeiyeque epeiñami. ⁶ Dinumure ina siete paivu ángeleva cūvarivu náre coapa iye siete paiye ñájiovaiyede etaima diñamine jocarī. Doima ne cuitótecajea docuchbecajea, cojidicajeare, boricajea lino ãmicuricajeare. Aru bhoima jarióicáva úruque daicāvare ne ñareba cūinárturu baji. ⁷ Aru cūinácu ina yóvaicchvaivu apurivucacu jiame ina siete paivu ángelevare siete paidua jororua úruque daiduare náre coapa. Diduá jívhī cátteavu iye Jūmenijicu ñájiovauquye pōevare, ñi jorojini jāiyede boje ne ãmeina teiye. Ñai Jūmenijicu cubi cainumua. ⁸ Aru Jūmenijicu meacu ñi cue boje, aru ñi paracu cūvae boje máre, bico porí muri buiávū diñami ñi cūramine. Que baru ñame bhojabeteima ecoivu diñami Jūmenijicu cūramine pū ne bhojaiyeta iye siete paiye ñájiovaiyede ina siete paivu ángeleva ne davarājiyede.

**Juan ūi coyħino iduá
jororuarā nájiovaiyeque**

(Mt 24.43-44; Lc 12.39-40; Ap 3.3;
6.14; 8.5; 11.13, 19; 14.10)

16 Dinumure jápiacacu apeno yá-vaino bujino etaiyede Jūmenijicu-i cui cūramine jocarī. Būjiéque yópe arī, coyuħavū ina siete paivu ángelevare.

—Iduá siete paidua jororha mħejre cun-varidħa quede jayuári jebenanu jara mħaja ijjāravni. Jūmenijicu nájine dachu yume ijjāravu Jesucristore jū abevu re iye siete paide nájiovaiyede ūi jorojini jáiye boje ne āmeina teiyede, arī coyuħavū.

² Que arīburu yóboi, cūinácu ángele, nácasu mamaruħu casu, jayuári jebeċ-ħuħame ūi jororha cie báquede joborōi. Ūi que daiyede, obedivu pőevare etavu churiá āmechuria. Caivu ina toiva cōjievu báċavu re bajurā nai āme āimacu jijescu jia ħradare jocarī dayu báciu toivaiyequede aru mearore jivu báċavu ūi pēpeimure máre etavu náre churiá āmechuria aru āmeina ijié máre.

³ Aru cūináchi yóbocacu ángele jayuári jebeáme ūi jororquede jia ħradai. Ūi que daiyede, caiye oco jia ħradare jivetearv yópe yaiyú báciu jivepe. Aru caivu ina apurivu ċurivu jia ħradai yaima na.

⁴ Aru pūcarāi yóbocacu ángele jayuári jebeáme ūi jororquede caiye jiare aru cainoa oco piapōnoare máre. Ūi que daiyede caiye iye oco máre jivetearv.
⁵ Dinumure jápiacacu apesu ángelede, nai ocore jāri coreyvre, yópe arī coyuħuvre:

—Mu, Jūmenijicu meacu baju, cuscus caride aru cuscus bácu javede, mi yópe nájine daiye báque pőevare métamu caride. ⁶ Ne boarī jaruvaiye báque boje mi pőeva mācavu re aru mi yávaiyede coyuħcaipōeva mācavu re máre, ne jivede mene daiye báque boje ne nájiye mé-

tamu. Que baru caride murecabu bogedayu náre, ne nápe daiye báque boje. Murecabu ūcure dayu náre jivede yópe náre jaħépe, arī coyuħáme nai ángele.

⁷ Dinumure jápiacacu cojedeca apeno yávaino jápuraede Jūmenijicure jícaiyede juaivare jocarī. Yópe arī, coyuħavū:

—Mu, nájje jabocu Jūmenijicu, paruċu caivu pħeno, mi nájine daiye pőevare mému aru jāvemu máre, arī coyuħavū.

⁸ Aru yóbecurāi yóbocacu ángele jayuári jebeáme ūi jororquede aviárā. Ūi que daiyede, nai aviá bórī, éni, juaicōjeimu mateáme pőevare yópe toa ēiyepe. ⁹ Ūi ħararō ēiye boje, caivu pőeva ijjāravu Jesucristore jū abevu juaimara mateima na. Ubenita juaimara mācavu vacari, chħomevu ne āmeina teiyede oatħvabeteima na ne daiyede. Aru ye mearore jibeteima na Jūmenijicure máre. Quénora pħeno baju āmeina yávare nħima Jūmenijicure, nai paruēde cħvacu dayure iye nájiovaiyede.

¹⁰ Aru yóvaichha inu yóbocacu ángele jayuári jebeáme ūi jororquede nai āme āimacu jijescu jia ħradare jocarī dayu báciu jabocu dobarō mearora. Ūi que daiyede nemié tħavu caino nai āimacu ūi jaboteinore. Aru caivu ūi jaboteimara cūivu bateima ne baju ne jemedoare, pare ne nájiye boje. ¹¹ Ubenita nájivu vacari aru āmechuri are cūvarivu vacari, dajocabeteima ne āmeina daiyede. Quénora ne nájiye boje aru ne churiáre cħvae boje máre pħeno baju āmeina yávare nħima Jūmenijicure, cavarō mearocacure.

¹² Aru cūinapħu paivu yóbocacu ángele jayuári jebeáme ūi jororquede iya Ěufrates āmicuriya jia ħradarā. Ūi que daiyede, diya jia popoavu, ina aviá dainocavu jabova ne jatarājiyepe aino diyare. ¹³ Dinumure jācacu yóbecurā abjuvare yópe momavape ārojarivu.

Cūinácu abujusc etame ñai ñijuacu ūi jíjecamure jocarī. Apecu etame ñai áme áimacu jíjecacu jia uradare jocarī dayu bácu ūi jíjecamure jocarī. Aru apecu etame ñai Júmenijicu yávaiyede coyucaipóecupe teuy, borochede coyuuy, ūi jíjecamure jocarī.¹⁴ Ina abujuva pöeva ne ñarī majibede daiye majiteima na. Etaivu bateima cójijovaránurajivu caivu ijárvacavu jabovare, ne ádamatena jíyepo aivu Júmenijicu que, ñai parucure caivu pueno, ñáijárvavu, ūi pöevare pueno baju ñájiovare bhojaquijárvu baquinóre, ne ámeina teiye báque boje.

¹⁵ Yópe arī, coyuáme Jesucristo:

—Muje yebai dacuyumu mije majibedeca yópe ñavaipóecu daiyepo cürami upacu majibedeca. Torojuçuyume ñai apucu jári coreyu yure. Aru yópe pöecu meadaiyepo ūi cuitótecajede chyoje tebecuyu ūi cuitótecaje cube boje, nopedeca torojuçuyume ñai meadayu ūi daiyede chyoje tebecuyu ji daiyede, áme Jesucristo.

¹⁶ Ina jabova, abujuva ne cójijovaimara, cójijima na apeno curōi, hebreovai yávai camuaque Armagedón ámicurōi.

¹⁷ Aru apecu ángele, ina siete paivu piniducacu, jayuárí jebeáme ūi jororúquede ümeverá. Úi que daiyede etavu apeno yávaino bñjinoque no jabocu dobarō mearo coricacarō yebai Júmenijicai cüramine jocarī. Yópe arī, coyuávū:

—Quénoram, arī coyuávū.

¹⁸ Dinumumia yaroino cojiteavu, yávaino bñjinoque jápurateavu, ópo tħavu, aru urarō joborō cūjiavu máre. No joborō cūjino ámeno mateávū cainoa apenoa joborō cūjinoa pueno, Júmenijicu pöevare cuedainum mácaromia.

¹⁹ Que teni no urámaro mácarore bururī, bururī yóbecurōcarōape mauteavu no mácarō. Caiye ìmaroa ijárvacavu bí-

jainoa mateávū. Aru Júmenijicu árutequemavu no ìmaro urarō Babilonia ámicurōre. Que baru bojedame nòcavure ne ámeina daiye boje. Pare jorójíñu, ñájine dámē náre pare. ²⁰ Caiye jíavua aru caicuā cáracuá máre bíjavu. ²¹ Aru cavarōre jocarī tħavu ocaino jājarō urarō baju yópe cáraboape. Diboa coapa cuarenta paikilos ducuriboa bateávū. Tħavu pöevara, ijárvacavu Jesucristore ju abevure. Ubenita nácapúravu, ñájivvacari diboá tħiye boje, pueno ámeina yávare nħima na Júmenijicu, iye ñájiovaiye pare ñájine daiye boje náre.

Juan ūi coyuino ico nomiō ámeoco baju õi ñájjiyena

(Ap 3.5; 11.7; 13.1, 8; 19.16)

17 No yóboi, cūinácu ina siete paivu ángeleva iduá siete paidha jororúcare cūvarivu bácvacacu coyuçudame yure. Yópe arī, coyuáme:

—Dajacu. Jádovachuybu mure aipe ñájicodore ico nomiō õi bajure bojedado ümuvare urarō ámenore dàcodó náque. Órecabe dobaco obediya jia puenor. ² Caivu ina jabova ijárvacavu õi daiyepedeca daiyurivu bateima, yópe ne ámeina dájuroepe óque. Júmenijicu jiede ubeteima. Yópe õi pacotede dájuroepe ijárvacavu Jesucristore ju abevure aru yópe õi ámeina dare dájuroepe náre máre, nopedeca náre pare baju ámeina daiyure dáco õ. Que baru náre ámeina dare dáco õ, áme ñai ángele.

³ Dinumure ñai Espíritu Santo jácōjeame yure. Que teiyede ñai ángele nħavame yure pöecubenoi. Noi jácacu cūnáco nomiōre. Ó tubaco bateáco áme áimacu jíjecacu jūacurā. Úi baju caibaju toivaino mateávū ámiá ámeina yávaiāmiaque Júmenijicu copu. Siete paibua jipobua cátteamen caipucapurhapse pajjavaroaque. ⁴ Ico

nomiό doaco bateάco ői cuitótecaje jūaricaje aru ñemijuaricajede. ői bajure meatedo báco bateάco úruque, aru quíjiboa cūrajiboa cojidijiboa bojecurijiboaque aru perla ámicurijiboaque máre. Cuvateaco ői purui cūináru jororú úruque daidure. Didu jívure buiávú caiye ámeina dáiye, aru caiye ői bajuque pheo ámene daiye báque máre.⁵ ői tūtuhvarā toivaino cátteavú cūináro ámiá: “No ɻarō ɻamaró ámiá Babilonia aino, yópe aiyurō mateávú no. Caivú ina ne bajure bojedaivú ámeina dárájivú apevñque népacope pádobe. Caivú ijárvacavú Jesucristore ju abevure cainoa joborōai ɻarō ámeina dare dadobe”, ainore toivaino mateávú ői tūtuhvarā.

⁶ Dinumare coreóvacacu ico nomiό boarí jaruvaðo bácore obedivú ina Jūmenijicui pœvacavvure. Yópe ői torojávhrope pacoco baru, nopedeca torojuteaco ő ői mene daiyede ne jivede ői boarí jaruviyede náre. Náre boarí jaruvaco, ne coyuñie báque boje Jūmenijicui yávaiyede dajocabevvua ne “Jávemu” aiyede Jesucristoi yávaiye méne. Que baru pare cuecumacacu yu.

⁷ Dinumare ñai ángele, yópe arí, jēniari jáme yure:

—¿Aipe teni cuecumáñhuru mu? Coyuñijivú mure aipe aiyuñede mi jáiyede. Coyuñijivú ne borore, ico nomiōre aru ñai áimacu ői tubamú cuvacure siete paibua jipobuare caipucapuruape paíjavaroaque.⁸ Ñai áme áimacu jijecuscu mi jáimú mácu cútame javede. Aru cübebi caride. Übenita muri dacuyume icobe ümujuricobede jocarí üi bijacunquiyie jipocai. Aru caivú ijárvacavú Jesucristore ju abevu pare cuecumarajarama, ne jáye boje ñai áimacu cuchu bácuru javede, cübecure caride, übenita dacuyure cojedeca. Ina cuecumarajivurecabu ne ámiáre

toivabemara mácvanu ánitucubo Jūmenijicui paperatucuboi, caivu ina járavu cūiméjárvu baquinóre cüvarájivu ne ámiáre toivaitucuboi. Ditucubo toivaino marejaquémanu Jūmenijicui cuedaquiye jipocai ijárvavure.

⁹ Majié jaúvu üre coreóvaiyucure nore. Jévari coyurí ibuá siete paibua jipobua, diedecabu siete paicúa cūracúa ico nomiό ámeco ői dobae. Aru jévari coyurí ibuá siete paibua jipobua diedecabu, siete paivu jabova.¹⁰ Cūinápurupe paivu nácvanu yaiquémavu javede. Cūinácu nácasu jaboteyube caride. Aru apecu dabecuþe cäreja. Übenita üi jabotecudaquiyede obebejárvua jabotecuyume ü.¹¹ Ñai áme áimacu jijecuscu cuchu bácu javede aru cübecu caride, ü macuyume apecu jabocu, ina siete paivu ne yóbocacu. Übenita cūinácu ina siete paivuacuþvacaribe máre. Ürecabe bijacuyu baju býjaiye baji.

¹² Caipucapuruape paíjavaroa mi jáye báque, jévari coyurí diedecabu caipucapuruape paivu jabova bárájivu, jaboteni bábevu cäreja. Übenita cūináora baju jaboteicójeimara marajárama ñai áme áimacu jijecusque.¹³ Caivú ina caipucapuruape paivu jabova ne üme cūináturubu. Que baru cūinárotamu ne daiyurō. Cadatenajarama ñai áme áimacu jijecusque ne paruque aru ne cōjeiyeque máre.¹⁴ Ádamatenajarama na Cristore, ovejajicu ne aimure copu. Übenita ücapuravu jaboteyube caivu apevü jabovare aru cōjeñume caivu apevü cōjeivure. Que baru vainí tucuyume ina üre maucuvarivure. Üi ádamatecudaiyede yóvarajarama ina Jūmenijicui beorí cutuimara mácvanu dajocabevu cainumua ne ju aiyede üre, áme yure ñai ángele.

¹⁵ Aru ñai ángele, yópe arī, coyure nñame yure:

—Jévari coyurī iya obediya jia ico nomiō ãmeço õi dobae, diedecabu ñímaroacavu, aru põeyajuboacavu, obedivu yávaicamuacavu, aru jaboroacavu máre. ¹⁶ Nai ãme ãimacu jijecucu aru ina caipucapuruape paivu jabova, jévari coyurī yópe ñi javaroape, mi jáimara mácavu jáiyubenajarama ico nomiō ãmecore. Caiye õi cuyaede ñajarama óre jocarī, dajocarājivu óre cuitótecaje cubecore. Árajarama õi bajure. Aru bíjare darajarama óre toaboi. ¹⁷ Jümenijicvacari dápiaicōjecchuyume ina caipucapuruape paivu jabovare. Que baru cūináturu baquiyébu ne ûme. Caðatenajarama ñai ãme ãimacu jijecucure, darajivu yópe Jümenijicci uthope pu ne daiyede bñojaiyeta caiye iye ñi daiyue báquede yópe ñi aiye báquepedeca. ¹⁸ Aru jévari coyurī ico nomiō ãmeço mi jáimo máco, órecabe yópe no ñímaro dñacójearope caivu ina ijárvucavu jabovare, áme yure ñai ángele.

Juan ñi coyino Babilonia amicuriñímaro bíjainora

(Mt 22.2-3; Ef 5.23-32; Ap 7.14; 14.8)

18 No yóboi, jácacu apecu ángele émeñure cavarō mearo Jümenijicci curōre jocarī. Parueque cõjeáme. Aru ñi mearoque miadáre dámē cainore. ² Bñjiéque yópe arī, codoboboame ñi:

—Jave bíjaivu no ñímaro utharō Babilonia ãmicurō. Diñímaro mácarō abujuva ne curō teivu. Obediyajuboaa ãimara vñivu põeva ne ubemara máre ne curō teivu no ñímaro mácarō. ³ No ñímaro mácarócaivu utharō ãmeina dare daima caivu ijárvucavu Jesucristore ju abevure cainoa joborōai. Aru caivu ina jabova ijárvucavu ãmeina daima diñímaro mácarócaivuque. Aru caivu ijárvucavu bojedaipõeva cûve chvarivu bateima diñ-

marocavu ne utharō ãmeina daiye boje. Que baru bíjaivu no ñímaro mácarō, áme ñai ángele.

⁴ Aru jápiacacu apeno yávainore cavarō mearo Jümenijicci curōre jocarī. Yópe arī, coyuráv:

—Muja, ji põeva, etajarā diñímarore jocarī, muja ãmene dabenajivu nôcavuque, muje ñájimenajiyepa aivu náque. ⁵ Diñímarocavu ãmene dare nñivu bateima, yópe Cainiyutubope teni ne ãmenoque pu cavarō mearo Jümenijicci curōita. utharō baju ãmene daima na. Que baru Jümenijicci árumi caiye iye ne ãmeina daiyede. ⁶ Nôcavure dajará yópe ne daiyepa apevure. Yópe ne apevure ñájine daiyepa, ñájine dajará náre pñquedeca. Aru yópe ne apevure ãmeno daiyepa, ãmeno dajará náre pñque. ⁷ Yópe utharō mearo aru ure cûve bojecude máre ne íye báquepe ne baju, nopedeca ícavajarā náre ñájiyede ure aru chñoyede máre ure cùináturura. Yópe arī dñapiariduyama na ne ûmei: “Yui jabotenajivu dobarivu ñiija. Apejíe ye jañbevu ñiija. Cõmaje ãrojarivu ãmenajaramu ñiija cainumua. Aru chñomenajaramu, ñájimenajaramu máre cainumua”, arī dñapiariduyama nôcavu, “¿Meara márica apevü pñeno?” aivu. ⁸ Que baru cùinájárvu baquinómiareca utharō ãmeno daquiyebu diñímarocavure. Maumejiena nôcavu chñori, ãvhé ñájini, yainájarama na. Aru ne ñímarore juarí bíjaino maquiyébu. Yópe vaiquiyebu, maje jaboci Jümenijicci parucu baju “Ñájijara” ñi aiye boje.

Nópe jápiacacu apeno yávainore cavarō mearo Jümenijicci curōre jocarī.

⁹ Caivu ina jabova ijárvucavu ãmeina daivu bácvu diñímaro mácarócaivuque bñjiéque codoboborī, ñarebare totarí orájarama na, ne jáiyede toabico porí muinore no ñímaro mácarore éiyede. ¹⁰ Jidurivu ne ñájiyube boje diñímaro-

cavu bácvupe, joai mautenajarama. Aru yópe arí, orájarama na:

—¡Ayu, ayu, mūjare pare meamevu Babilonia āmicurímarocavu! Pare chioivubu mūja. Maumejiena no īmaro ӯrarō, parwé curō mácarō bíjaivu, orí codoboborájarama.

¹¹ Caivu ijāravucavu bojedaipóeva máre būjiéque codoboborí, ñarebare totarí orájarama diímarocavu bácvure boje. Que baru ñame cùbenama caride ne cùvede bojedarí ívu. ¹² Pöecu cùbecube bojedarí ínu náre ne úrure, ne platare, ne cùrajiboa bojecurijiboare, ne perla āmicurijiboa bojecurijiboare máre, ne cuitótecajea meacajea lino aru seda āmicuricajeare, aru ne cuitótecajea bojecuricajea jūaricajeare aru ñemijuariacajeare máre. Pöecu cùbecube bojedarí ínu náre caiye joscuha me mumijurichare, ne cùve bojecuricuvede áimachí javaro marfil āmicurijavaroque daiyede, aru joscuha bojecuricuaque daiyede, bronce āmiche tāuque daiyede, hierro āmiche tāuque daiyede, aru cùrabo boribo mármol āmicuribooke daiyede máre. ¹³ Pöecu cùbecube bojedarí ínu náre ne canela āmiche mumijuede aru ape mumijuede máre, ne juarajinore mumijüröre daquiyepa aivu, aru ape mumijuede mirra āmiche aru olíbano āmiche de máre. Pöecu cùbecube bojedarí ínu náre ne vino úyaicorore, ne neo carorájijepa aivu neore, ne páure daiyede harina āmiche, aru ne trigo āmiche oteiyede máre. Pöecu cùbecube bojedarí ínu náre ne oteiámarare duchéde ûmaivure, ne ovejavare, ne caballovare, ne jāturiucuare, aru ne yebacavure máre, ina dápiaivure. ¹⁴ Ina bojedaivu bácvu, yópe arí, coyurájarama diímaro mácarócvu:

—¡Ayu, ayu, jave cùivu mūjare iduá joscuha jéidua mearua pare cojuteavu mūjare! Jave bíjaivu mūjare jocarí

caiye mūje cùve bojedaivu aru mūje tāuturare máre. Que baru diede ye cùvabenajaramu mūja bedióva cojedeca, arí coyurájarama na, chioivu.

¹⁵⁻¹⁶ Ina caiye iyede bojedaivu bácvu cùve cùvateima ne bojedaive báque boje diímaro mácarócvu bácvuque. Ina bojedaivu bácvu joai mautenajarama, ne jáiyube boje diímaro mácarócvu ne ñájiyede. Aru būjiéque codoboborí, ñarebare totarí orájarama, yópe arí:

—¡Ayu, ayu, pare meamevu no īmaro ӯrarō mácaró! Nomió cùve cùvacope paino mateávü no īmaro mácaró. Diímarocavu bácvu cuitótecajea meacajea lino āmicuricajeare, jūaricajeare aru ñemijuariacajeare máre doivu bateima na. Aru úrure, aru perla āmicurijiboa bojecurijiboare, aru apejiboa cùrajiboa cojidijiboa bojecurijiboare máre adaivu bateima na. ¹⁷ Maumejiena caiye iye ure cùve báque me cùivu, arájarama ina bojedaivu bácvu, chioivu.

Caivu ina jiadocúa ӯracuare japuvaipóeva aru caivu ina curanuivu jiadocúa ӯracuaque, caivu ina jiadocúa ӯracuá memeipóeva aru caivu jia ӯradai memeipóeva máre joai mautenajarama na. ¹⁸ Ne jáiyede toabico porí muri no īmaro mácaró éiyede, yópe arí, codoboborájarama:

—Apeno īmaro ӯrarō, ári nópe paino cùbeteavu cainumhare, arájarama na.

¹⁹ Que arí, dñvarájarama jobore ne baju jipoburá ne chioive boje. Būjiéque codoboborí, ñarebare totarí orájarama na, yópe arí:

—¡Ayu, ayu, pare meamevu no īmaro ӯrarō mácaró! Caivu ina cùvarivu bácvu jiadocúa ӯracuare jia ӯradai cùve cùvarivu bateima diímarocavu bácvu ne bojedaive báque boje na mácvure ure cùvede. Maumejiena caiye iye me bíjarí cùivu. ²⁰ Mūja, cavaró mearo Jūmenijicui curócvu, torojújará mūja no īmaro mácarócvu bácvu ne ñájiye

boje. Muja, Jūmenijichí pōeva, Jesucristoi yávaiye méne beorí coyuñicō-jeimara aru Jūmenijichí yávaiyede coyuñcaipóeva máre torojujarā muja Jūmenijichí nájine daiye boje nócavu bácvare. Úi nájine daiyede, bojedaibi na mácvare yópe ne ámeno daiye báquepedeca mujare, arájarama na.

²¹ Dinumure cūinácu ángele parucu cūinábo cárabo urabore, oteiyabeare cñoibope paibore, ñi davarí jaruvame jia uradai. Yópe arí, coyuñáme:

—Yópe bíjaino maquiyébu no ímaro ührarō Babilonia ámicurō. Buojarí jámenamu cojedeca cainumua. ²² Ye jápurabequiyebu cojedeca no ímaro mácarõre ne yuriaiye báque arpaque, flautaque, aru trompetaque máre. Ye cùbenama cojedeca memeipóeva no ímaro mácarõre. Ye jápurabequiyebu cojedeca no ímaro mácarõre ne cñoioye oteiyabeare cñoiboque, ne páure darajivu. ²³ Ye péoibu cojibequiyebu cojedeca no ímaro mácarõre. Que baru ñemiquiyebu nore. Ye purubuobenama cojedeca no ímaro mácarõre. Que baru jápurabequiyebu cojedeca nore ne torojuve teiye báque pōeva ne purubuoyede. Nópe vaiquíyebu diímaro mácarõcavare ne bojedaipóeva parurivu bácvu caivu apevu ijäravñcavu bojedaipóeva pheno. Nópe vaiquíyebu diímarocavare jujovaivu bácvare caivu ijäravñcavu Jesucristore ju abevare ne yavié daiye báqueque, áme ñai ángel.

²⁴ Ina Babilonia ámicuriímaro mácarõcavu bácvu nájima ne boarí jaruvaiye báque boje caivu ina Jūmenijichí yávaiyede coyuñcaipóeva mácvare, ina Jūmenijichí pōeva mácvare, aru caivu ijäravñcavu boarí jaruvaimara mácvare máre.

19 No yóboi, jápiacacu yu bñjino ührarõre yópe cùináyajubo obe-

divu pōeva ne yávaiye bñjiépe. Cavarõ mearo Jūmenijichí curõre jocarí jápiacacu náre, yópe arí codoboboiyede:

¡Aleluya! Mearore jínajarevu Jūmenijichre. Úvacari jáve meadaibi pōevare. Aru jáve meacu bajube. Pheno parucube máre. Jáve majepacu Jūmenijichre ñi. ²Caiye ñi daiye métamu. Aru caiye ñi coyuñie jávetamu máre. Nájine daibi ico nomiò ñi baju bojedado bácore ñuvare ührarō ámenore dacodo náque. Ó ámeina dare nñuño mateaco caivu ijäravñcavuque, cainoa joborõai Jesucristore ju abevare ñi ührarō ámeina daiyeque. Jūmenijich nájine daibi bojedaya ñore, ñi boarí jaruvaiye báque boje ñre memecaivare. Que baru mearore jínajarevu Jūmenijichre, aimána.

³ Bedióva cojedeca codoboborí aimána:

—¡Aleluya! Mearore jínajarevu Jūmenijichre. No ímaro ührarō éni dajocabevu cainumua. Que baru toabico porí muñu nore jocarí cainumua, aimána, mearore jívü Jūmenijichre.

⁴ Ina veinticuatro paivu buçava aru ina yóvaicuvaivu apñrivu mori tuima joborõita mearore jínajivu Jūmenijichre, ñai dobacure jabochi dobarõ mearo coricacarõra, yópe arí:

—Quédecabu. ¡Aleluya! Mearore jínajarevu Jūmenijichre. Jūmenijichrecabe maje mearore jímü, aimána.

⁵ Dinumure jápurateavu apeno yávaino no dobarõ mearo coricacarõ yebare jocarí. Yópe arí, coyuñávü:

Mearore jíjarã majepacu Jūmenijichre.

Caivu ñre memecaivu aru caivu apevu pōeva máre, ina quijina aru buçava máre, caivu ñre puelaivu, mearore jíjarãri ñre, arí coyuñávü.

**Juan ūi coyuino ne torojuve
teinora Cristo, ovejajicu ne
aimu, ūi purubhoiyede**

⁶No yóboi, jápiacasu yu býjino urarõre yópe cùináyajubo obedivu pöeva ne yávaiyepo yópe cùratäcuve uratäcuve býjinope aru yópe öpo tuino pheo baju býjinope. Jápiacasu náre, yópe arí codoboboivure:

¡Aleluya! Mearore jínajarevu

Júmenijicure. Maje jabocu Júmenijicu paracu caivu pheo jaboleni býyube caride. Que baru mearore jínajarevu úre. ⁷⁻⁸Eaivu caride Cristo, ovejajicu ne aimu, ūi purubhoijárvu. Jímarepacu bacodó meadaibico õi baju. Maje jabocu doicöjeimi öre meacaje lino ámicuricaje docicubeni cojidicajede. Aru jévari coyuñi dicajedecabu yópe Júmenijicu pöeva ne daiye mépe. Que baru torojurajarevu maja. Torojurivu maje úmei mearore jínajarevu maja Júmenijicure, aimu na.

⁹Dinumure ñai ángele, yópe arí, toivaiçójeame yure:

—Toivajacu mu iyede: “Torojurá-
jarama caivu ina cutuimara mácaru
ne árajiyepo ayu ñai ovejajicu
purubhoiyede torojuve teinoi”, áme ñai
ángele.

Aru yópe arí, cuturi jaroáme:

—Iye ji coyuñiye mure caride Júmeni-
jicu yávaiye jåvetamu, áme ü.

¹⁰Ji jápiayede ūi nópe aiyede,
ñuatutacacu yu ūi cuboba yebai,
mearore jíyuriduyu úre. Übenita yópe
arí, mearore jícojemetamee ü yure:

—Que dabejacu mu. Yu märe meme-
cayubu Júmenijicure mupedeca aru
mívüpe páyu märe, ina coyuñu Jesúsu
ü yávaiyede jåvene dajocabevuva pu
apevu náre boarí jaruvaiyeta. Que baru

mearore jíjacu mu maje jabocu Júmeni-
jicure cùináchrata, áme yure.

Nai Espíritu Santo majide daibi caivu
ina Júmenijicu yávaiyede coyuñcaipöe-
vare, ne coyuñrjyepo ayu Jesúsu ūi yá-
vaiyede jävene.

**Juan ūi coyuino ñai
caballo bocurá tubacurá**

(Jn 1.1, 14; Ap 13.1-18; 14.20; 17.14)

¹¹Dinumure jácacu yu cavarö mearo
Júmenijicu curö voainore. Aru nore
jároteame cùinácu caballo bocu. Nai
tubacu úra bojedaibi pöevare méque.
Aru ádamateibi méque ūi mauvare
märe. Que baru útame jäve yávayu
aru méne dayu märe cainumua.

¹²Úi yacorua cojiteavu yópe toa
uruiyepo. Cuvateame obeditarabua
jipobu adaitarabua ūi jipoburá, ūi
jaboteiye boje obediyajuboacavure.
Aru cùináro ámiá toivaino mácarõre
cuvateame. Übenita ü cùináchua
majibi nore. ¹³Doame ūi cuitótecaje
phenocacajede jiveque énuicaje
bácarõre. Ürecabe “Júmenijicu
dápiainore coyuñchedachu” ne aimu.

¹⁴Úi yóboi daima ina cavarö mearo
Júmenijicu curöcavu ádamateipöeva
tubarivu cabollova borivurá na coapa.
Aru doaima meacaje lino ámicuricajea
cuitótecajeare. ¹⁵Nai ne jabocure
etavu ūi jijecamure jocarí cùináve
boaicarove árphidivepe. Diveque boarí
vainí tucuyume caivu ijárayacavu
Jesucristore ju abevure. Ürecabe
jabotecachu náre parhéque. Aru úvareca
ñájine dacuchu náre yópe pöeva ne
vino áyaiboare piporí córore yuaiyepo
Júmenijicu jorojini jáiye boje náre,
ne ámeina teiye boje. ¹⁶Nai ne jabocu
üi cuitótecajena aru ūi tóarurá märe
yópe arí toivaino mateávü: “Jaboteyube
caivu apevu jabovare aru cōjeñume
caivu apevu cōjeipöevare märe”, arí
toivaino cùteavu.

¹⁷ Aru jácacʉ cūináçʉ ángele núcure aviárã. Yópe arí, cođoboboame paruéque caivʉ ina cavavape paivure, ina vuivʉ cavarō coricai, aviá ūi curōi jāravʉ corica bají:

—Aradajarã. Cójijiarã ãmuri yo javateino urarõ Jümenijicʉ meadacaquinore mujare. ¹⁸ Ina jabovare, aru churaravai jabovare, ūmʉva parurivure, caballovare, aru caballovarã tubarivure, yebacavure, yebacavʉ ãmevure, quíjinare, aru buevare máre, caivʉ ne jiarvare aradajarã, áme ñai ángele.

¹⁹ Aru jácacʉ ñai ãme ãimacʉ jjecuscure aru caivʉ ina jabovare ijárañucavʉ boaipóeque cójjivure ne boarídurájiyepo aivʉ ñai caballo bocurã tubacure aru ina ūque curivure máre. ²⁰ Ubenita ñai ãme ãimacʉ jjecuscʉ ne jéimʉ mateáme. Aru ñai Jümenijicʉ yávaiyede coyucaipóeçupe teyʉ, borocuede coyuçʉ, máre ne jéimʉ mateáme. Úrecabe pöeva ne ðarí majibede ðayʉ báçʉ jipocamia ñai ãme ãimacʉ jjecuscʉ jainoi. Iye pöeva ne ðarí majibede ūi daiyeque jujovame obedivʉ pöevare jipocamia. Ina c̄varivʉ báçavure ñai ãme ãimacʉ jjecuscʉ toivaino mácarõre aru ina mearore jivʉ báçavure ñai ãme ãimacʉ jjecuscʉ pëpeimure máre jujovame ū. Ina p̄carâre jení, jaruvaimara mateima apurivure cäreja toabo azufreque cūiméboi. Noi ñai ãme ãimacʉ jjecuscʉ aru ñai Jümenijicʉ yávaiyede coyucaipóeçupe teyʉ, borocuede coyuçʉ, énajarama cainumua. ²¹ Aru caivʉ apevʉ náque nūivurecabu ūi boarí jaruvaimara mácavʉ ñai caballo bocurã tubacʉ ive boaicaroveque c̄vacʉ ūi jjecamui. Aru caivʉ ina cavavape paivʉ javateni yapima na mácavʉ ne jiarua báquede.

Juan ūi coyuino mil paivjua
baju Cristo ūi jaboteiyena

(Mt 19.28; Lc 22.30; Ap 1.6; 5.10;
6.9; 13.16-17; 14.9)

20 Jácacʉ cūináçʉ ángele ēmeñure cavarō mearo Jümenijicʉ curore jocarí. Cuvateame ūi purhi no llavede, ūi voaquinore aru biequinore máre no ūmujuricobe ecoinore. Aru cūináme tāume ducurimene máre cuvateame ū. ² Jéame ñai ñaijucʉ cucure mamarumure pʉ caride máre. Ñai ñaijucʉbe abujuvai jabocʉ. Diablo ãmicʉbi ū. Aru Satanás máre ãmicʉbi ū. Ñai ñaijucʉre jení bhoáme ūre mil paivjua bajú. ³ Úre bhoriburu yóbore, ñai ángele jaruvame ūre no ūmujuricobe jívnʉ. Úre jaruvariburu yóbore nore, dicobe ecoinore bieáme llaveque. Jäjaro dáme dicobe ecoinore ñai ángele. Nópe dáme ñai abujuvai jabocure, ūi jujovabequiyepo ayʉ ijárañucavure bedióva cojedeca pʉ mil paivjua vainíburu yóboita. Dinumʉ maquinóre jodeimʉ macuyáme obebejárañucavure bajura.

⁴ Aru jácacʉ jabovai dobarõa mearoare. Ina dobarivʉ iye dobarõara maje jabocʉ ñajine ðaicõeimara mateima pöevare, ne ãmeina teiye boje. Aru ina yaivʉ báçavʉ ne coyuçye báque boje Jesú斯 ūi yávaiye méne aru Jümenijicʉ yávaiyede máre dajocabevuva ne ūmene jácacʉ yu. Na mácavurecabu mearore jíbenu báçavʉ ñai ãme ãimacʉ jjecuscure, aru ūi pëpeimure máre. Aru ūi toivaino mácarõre máre cuvabeteima na mácavʉ ne tåtuvarã aru ne purhára máre. Nacajari yainore jaruvarí, apurivʉ teni jaboteima na Cristoque mil paivjua bajureca. ⁵ Nómu pöeva ne mamarumʉ nacajaiye yainore jaruvarí. Ubenita apevʉ ina yaivʉ báçavʉ nacajameteima cäreja pʉ diujsa mil paivjua vainíburu yóboita.

⁶Torojürājarama ina Jūmenijicu nacovaimara yo mamarumu nacovaino yainore jaruvare. Námu Jūmenijicu pōeva. Sacerdoteva barājárama na, memecarajivu ūre aru Cristore máre. Jabotenajarama na Cristoque mil paíujareca. Que baru nūmenajarama na toabo cūiméboi.

Juan ūi coyuño Cristo ūi vainí tuiyena abujuvai jabocure

⁷Que baru mil paíujua vainiburu yóboi, ñai Satanás jodeimu macuyúme. ⁸Etacuyume dicobe ūmujuricobede jocarí, jujovacunuchuyu pōevare, cainoa joborōacavure. Jujovacunuchuyu ina Gog āmicurōcavure aru ina Magog āmicurōcavure máre. Ina pōeva obedivu barājárama yópe ēpayabea c̄uepe jia urada ēcarurā. Náre cójijovachuyume Satanás, ne ādamatenajipe ayu. ⁹Ina pōeva obedivu cainoa joborōare jocarí darí, cójijini, nuri jacoturājarama Jūmenijicu pōevare, ina boacáivure, aru Jūmenijicu ëmarore, ūi jecurōre. Ubenita toa ocainope turí cavarō mearo Jūmenijicu curōre jocarí éni b̄ijaroquiyebu náre. ¹⁰Aru ñai abujuvai jabocu, náre jujovayu bácu, jaruvaima macuyu toabo azufreque cūiméboi máre. Que teni vainí t̄uquiyebu ūre yópe ñai āme āimacu jijecucure ūi vainí tuiye báquepedeca aru ñai Jūmenijicu yávaiyede coyuñaciprōcescure teyu, borochede coyuñure, máre. Noi ñájinajarama na jāravure aru ñamine máre cainumua.

Juan ūi coyuño Jūmenijicu bojedaiyena yaivu bácvare ne daiye báque bojede

(Mt 25.41; Ap 2.11; 3.5; 21.8)

¹¹Dinumure jácacu jabochi dobarō mearo cūináro, urarō borō dobarōre aru ñai dobacure nora. Joborō aru cavarō máre b̄ijavu. Járobeteavu co-

jedeca. ¹²Aru jácacu ina yaivu bácvu caivure, quíjinare aru b̄acuvare máre, nūrivure no jabochi dobarō mearo urarō jipocai. Paperatucuboa voaino mateávū. Aru apetucubo paperatucubo máre, Jūmenijicu paperatucubo caivu ina jāravu cūiméjárvu baquinóre c̄uvájivu ūque ne āmiáre toivaitucubo voaino mateávū. Aru ina yaivu bácvu ñájicōjeimara mateima yópe ne daiye báquepedeca aru iye toivaiye c̄uepedeca ditucuboa paperatucuboi. ¹³Caivu ina yaivu bácvu jia uradai c̄uteima no jabochi dobarō mearo urarō jipocai. Aru caivu ina yaivu bácvu coreivu bácvu ne curōi máre c̄uteima no jabochi dobarō mearo urarō jipocai. Que baru caivu ina yaivu bácvu c̄uteima nore. Aru caivu ina ñájicōjeimara mateima yópe ne daiye báquepedeca. ¹⁴Caride ina yaivu bácvu yainájarama cojedeca. Na mácavure cor-eino mácarō jaruvaino mateávū toabo cūiméboi. Ina yaivu bácvu yainájarama p̄que, mamarumu ne bajuque ijāravu aru no yóboi ne ūmeque toabo cūiméboi. No toabobo yópe jia urada uruinope urarō baju. Nore ñájinajarama cainumua. ¹⁵Caivu ina ne āmiá toivaino c̄uvabevu bácvu ditucuboi, Jūmenijicu paperatucubo caivu ina jāravu cūiméjárvu baquinóre c̄uvájivu ūque ne āmiáre toivaitucuboi, nárecabu jaruvaimara mácavu dibo toabo cūiméboi.

Juan ūi coyuño cavarō mamarora aru joborō mamarora

(Mt 25.41; Jn 4.10, 14; 7.37; Gá 4.26; 2 P 3.13; Ap 2.11; 3.12; 7.17; 19.7-8; 20.14)

21 No yóboi, jácacu cavarō marore aru joborō mamarore máre. No cavarō javecarō mácarō aru no joborō javecarō mácarō máre b̄ijaiye bateávū. Aru diya jia urada máre b̄ijaiya bateávū. ²Aru jácacu no ëmaro p̄eno mearo Jūmenijicu ëmarore, mamaro Jerusalén āmicurii-

marore. No īmaro ēmene dāvū Jūmenijicu jivateino cavarō mearo ūi curōre jocarī. Yópe nomiō purubuocodo ūi meadaiyepo torojure dacodo jímarepacu bacuyáre, nopedeca no īmaro meadaino mateávū torojure daquiyepo aino Cristore. ³ Aru jápiacasu apeno yávaino būjino etaiyede no jabocui dobarō mearo coricacarōre jocarī. Būjíequé yópe arī, coyuávū:

—Caride Jūmenijicu cubi pōevaque. Cūchuyume náque. Aru nácapūravu ūi pōeva marajárama. Jūmenijicuvacari cūchuyume náque. Ne mearore jímū macuyáme ū. ⁴ Tūrecuyume caiye oride ne yacorāra. Torojure dacuyume náre cainumua. Caiye javede cūe báque jave bījavū cari. Que baru pōeva ye yaibénajarama. Chīomenajarama. Obenajarama. Aru ijibequiyebu náre máre, arī coyuávū.

⁵ Dinumhre ñai dobacu jabocu dobarō mearora, yópe arī, coyuáme:

—Caride caiyede mamae dāyabu yu, áme.

Aru yópe arī, toivaicōjeame yure cojedeca:

—Iye yávaiye métamu aru jāvetamu máre. Que baru toivajacu mu iye ji yávaiyede, áme yure.

⁶ Aru ñai dobacu jabocu dobarō mearora, yópe arī, coyuáme:

—Quénoram. Yūrecabu mamarumucachu aru yóbocachu máre. Yūrecabu báyuh bácu, bubayuh máre. Que baru cūnu yu cainumua. Ácu pōecu ūi ūcuiyuru, ūre jíchuyumu yu oco bojecabede no oco pīapóino apure dāiocore jocarī. ⁷ Yópe mearo dacacuyumu yu ñai vainí tāyure ámenore jarūvarī. Ūi mearore jímū macuyámu yu. Aru jímacu bacuyáme ū. ⁸ Ubenita caivu ina nájiyubevu yure boje ne jiduē boje, aru ina dajocaivu ne ju aiyede yure, ina caijé āmene dāivu, ina pōevare boarī jarūvaivu, ina āmeina dāivu apevque némare-

bucuva āmevque, ina yaviéde dāivu, ina mearore jívuh pēpeimarare, aru ina borocurivu máre, caivu ina nūrajarama ne curājinoi, no toabo azufreque cūiméboi. Que baru jēvari coyurī yópe ne yaiyepo pāque nūrajarama na.

Juan ūi coyuino mamaro Jerusalén āmicurōra

(Mt 5.8; Jn 8.12; Ef 2.20; 1 Jn 3.2; Ap 16.1; 21.23)

⁹ No yóboi, cūinácu ina siete paivu ángeleva iduá siete paiduá jororua nájiovaiye buidídhuá jororare iye siete paive nájiovaiyeque cūvarivu bácavacuacu coyuadame yure. Yópe arī, coyuáme:

—Dajacu. Jādovachuyubu māre ico nomiō purubuocodore Cristo, ovejajicu ne aimuque, áme yure ñai ángele, áme.

¹⁰ Aru ñai Espíritu Santo dápiaicōjeame yure. Que teni ñai ángele nūvame yure cūracu ūmujuricu puenoita. Noi curivata, jādovame yure no īmaro mearo baju, Jāmenijichu īmaro Jerusalén āmicuriūmarore. No īmaro ēmene daino mateávū Jūmenijicu jivateino cavarō mearo ūi curōre jocarī. ¹¹ Jūmenijichu cūe bojeno, ӯrarō pēoávuh no īmaro. Yópe cūrabo cojidibo pare bojecribore jāri javaiyoibo jaspe āmicuribope pēoávuh no īmaro. ¹² Pare ūmujurido biaido cūteavu no īmaro yóbore. Dido biaido cūvateavu doce paicobea jedevacobea. Dicobea jedevacobearā toivaino mateávuh ne āmiá ina doce pāiyabuoa Israecavu ne yajuboa āmiá coapa. Aru doce paivu ángeleva jāri coreivu bateima dicobea jedevacobea coapa. ¹³ Yóbecuricobea jedevacobea cūteavu caiyovaicuvaipūravhai coapa. Aviá dainocapūravhi yóbecuricobea jedevacobea cūteavu. Aviá daino meapūravhi yóbecuricobea jedevacobea cūteavu. Aviá daino cācopūravhi

yóbecuricobea jedevacobea cárteavú. Aviá doinocapúravhi máre yóbecuricobea jedevacobea cárteavú.¹⁴ No biaido me jájaro núvari daido bateávú cárava urava parurivarã. Doce paiva cárava cárteavú. Diva cáravarã toivaino mateávú ñuje ámiá ñuja doce paivu ñai ovejajíchui yávaiye méne beorí coyñicójeimara ñuje ámiá coapa.

¹⁵ Nai ángele yávayu yure cùvateame cùinádo corevaiyo úruque daiyore, corevacuyu no ñamarore, dicobea jedevacobearé, aru biaidore máre.¹⁶ No ñamaro yóvaicuwaitobua cárteavú. Caiye yóvaicuwaitobua cùinátuру bateávú. Úmujurõ vaibóque cùinátuру bateávú. Úi corevaiyede coreovame no ñamarore pucamil doscientos paikilometros baju ñumujurõre, pucamil doscientos paikilometros baju joarõre, aru pucamil doscientos paikilometros baju ñarõre máre.¹⁷ No yóboi, corevame no biaidore máre. Yópe pôeva ne corevaiyepo sesenta y cinco paimetros baju corevame no biaidore.

¹⁸ No biaido daino mateávú jaspe ámicuriva cárava bojecurivaque. Aru no ñamaro daino mateávú úru me baju docuchébeque. Que baru jivarupe paino ñabenita jári javaiyoino mateávú.¹⁹ No ñamaro jájaro núvari daino mateávú cárava urava parurivarã. Aru divarã cárteavú apeva bojecuriva meava baju. Doce paiva cárava bojecuriva cárteavú. Diva mamarumucava ñamaro nûrivarã jaspe ámicuriva bateávú. Apeva cutuiva ñamaro nûrivarã zafiro ámicuriva bateávú. Apeva cutuiva ágata ámicuriva bateávú. Apeva cutuiva esmeralda ámicuriva bateávú.²⁰ Apeva cutuiva ónica ámicuriva bateávú. Apeva cutuiva cornalina ámicuriva bateávú. Apeva cutuiva crisólito ámicuriva bateávú. Apeva cutuiva berilo ámicuriva bateávú. Apeva cutuiva topacio ámicuriva

bateávú. Apeva cutuiva crisoprasa ámicuriva bateávú. Apeva cutuiva jacinto ámicuriva bateávú. Aru diva piniducava ñamaro nûrivarã amatista ámicuriva bateávú.²¹ Dicobea doce paicobea jedevacobea daino mateávú perla ámicuriva bojecuriva cáravaque. Caicobea jedevacobea coapa cùináva perla ámicurivaque daino mateávú. Aru dima no ñamaro urama daino mateávú úru me baju docuchébeque. Que baru jivarupe paima, ñabenita jári javaiyoima, mateávú.

²² No ñamaroi jámetecacu Júmenijichui cùramine. Caino no ñamarore Júmenijichui cùrami cùbeteavú. Maje jabocu Júmenijichui parucu caivu pheeno cubi caino no ñamaroi. Aru Cristo, ñai ovejajíchui, máre cubi caino no ñamaroi. Que baru Júmenijichui cùrami jaubevu nore.²³ Aru jaubevu aviá aru aviá ñamicacu máre ne pêoye nore. Júmenijichui cue boje nore, ñarõ pêoávhu no ñamarore. Aru ñai ovejajíchui pêoibupe pêoñume nore. Que baru aviá aru aviá ñamicacu máre jaubema na nore.²⁴ Caivu pôeva cainoa joborõacavu vaivárájarama no ñamaro miadáeque. Aru caivu jabova davarãjarama caiye ne cùvaede, ne tâuturare máre no ñamaroitá.²⁵ Caijárvu no ñamaro jedevacobea voacobea baquiyébu. Aru ñami cùbequiyebu nore. Que baru no ñamaro jedevacobea ye biebecobea baquiyébu cainamhu.²⁶ Caivu pôeva cainoa joborõacavu davarãjarama caiye ne cùvaede, ne tâuturare máre no ñamaroitá.²⁷ Ñabenita ye ámeno cùbequiyebu nore. Ye pôeva chyojeda teivu aru borocurivu máre ecobenajarama nore. Quénora caivu ina cùvarãjivu järavu cùiméjãrvu baquinóre Júmenijichui que ne ámiáre toivaiye báque boje ánitucubo, ñai ovejajíchui paperatucuboi, ecorãjarama nore.

22 No yóboi, cojedeca ñai ángele jáðovame yure cūináda jiare. Diya jia meada cojidiya etaivu no jabocui dobaro mearore, Jümenijicui dobarore aru ñai ovejajicui máre üi dobarore jocarí. Diya jia apure daivu pöevare mamañmeque. ² Diya jia bejaivu ma ʉrama coricai no ñimaro Jümenijicui ñimaro. Aru diya ëcarhai caipucapúravhai joscua apure daicua cunua. Caiaviava jéijäravua eaivu. Que baru doce paituvaboa caiusua coapa jéiduhare jívu dicuá joscua. Aru dicuá joscua yoca meadaivu caivu pöevare cainoa joboróacavure. ³ No ñimaro ye cübequiyebu caiye iye jorojini járe daiye Jümenijicure. Que baru ye ãmeno ñajine daino pöevare cübequiyebu nore. No jabocui dobaro mearo, Jümenijicui dobaro aru ñai ovejajicui dobaro máre, cübequiyebu no ñimaro. Aru Jümenijicure memecaiþeva mearore jínajarama ñire. ⁴ Üi jivare járajarama na. Aru üi ãmiáre toivaino maquiyébu ne tütvará. ⁵ Ñami cübequiyebu nore. Maje jabocu Jümenijicui miadáre ñacachuyume nócavure. Que baru jaubequiyebu náre pöoibua aru aviá máre. Aru nócavu jabotenajarama járvu cüiméjárvu baquinóre.

**Juan üi coyuño
Jesucristo copaidachyure
ijárvui bedióva cojedeca**

(Jn 4.10, 14; 7.37; Ap 1.8, 17; 2.8)

⁶ Dinumure ñai ángele, yópe arí, coyuámé yure:

—Iye ji yávaiye métamu aru jåvetamu máre. Maje jabocu Jümenijicu, ñai ma-jide dayu bácu ina üi yávaiyede coyucaipöevare, daroáme yure üi ángelede, üi jáðovaquiyepa ayu ñire memecaivure iye vaiquíye jauede maumejiena, áme ñai ángele yure.

⁷ Aru Jesúvacari yópe aibi:

—Jájacu. Maumejiena dacuyumu ya. Torojurájarama caivu me jápiarí ju aivu

caiyie iye Jümenijicui yávaiyede coyucaiyede toivaiye báquede itucubo paperatucuboi, aibi Jesús.

⁸ Yü, Juan, jápiacacu aru jácacu caiye iye ji toivaiye báquede. Diede jápiarí aru járiburu yóboi, ñuatutacacu yu ñai ángele üi cüboba yebai, ñai jáðovañu mácu yure caiye iyede, mearore jíyuríduyu ñire. ⁹ Ùbenita yópe arí, yure mearore jícojemeteame ñire:

—Que dabejacu tu. Yu máre memecayabu Jümenijicure mäpedeca aru mívape páyu máre, ina Jümenijicui yávaiyede coyucaipöeva, aru nápe paivu máre, caivu ina me jápiarí ju aivu caiye iye toivaiye báquede itucubo paperatucuboi. Que baru maje jabocu Jümenijicure cüináchra mearore jíjacu tu, áme yure.

¹⁰ Aru yópe arí, coyuámé yure cojedeca:

—Joabejínnotamu vaiquíno yópe iye toivaiye báquepedeca ditucubo paperatucuboi. Que baru yavebejacu pöevare jocarí caiye iye Jümenijicui yávaiyede coyucaiyede toivaiye báquede itucubo paperatucuboi. ¹¹ Dinumure caiye iye nópe vaiquínumure, ácu pöecu ãmecu baru, ãmenore dare nuiye jaunu ñire. Aru ácu pöecu ãmecu baju baru, ãmeno bajure dare nuiye jaunu ñire. Ácu pöecu meacu baru, mearore dare nuiye jaunu ñire. Aru ácu pöecu meacu baju baru Jümenijicure üi memecaiye boje, mearo bajure dare nuiye jaunu ñire, áme yure ñai ángele.

¹² Bedióva cojedeca Jesús, yópe arí, coyuámé:

—Jájacu. Maumejiena dacuyumu ya. Davacuyumu caivu pöevare ne bojede, bojedachyu caivure yópe ne daiye báquepe náre coapa. ¹³ Yurecabu marumucacu aru yóbocacu máre. Yurecabu cucus bácu caiyede cuedaquiye jipocai aru cucus caiye cüiníburu yó-

bore. Aru yurecabu báyuh bách, bubayuh máre. Que baru cuhn yu cainumua.

¹⁴ "Torojurájarama caivuh ji meadaimara ne ámene jaruvaiye báque boje yópe ne jaruvaiyepe docure ne joaiyede ne cuitótecajeare. Nárecabu áicōjeimara márajivuh dicuh jocuch apure daicuh jéiduare. Aru nárecabu ecoicōjeimara márajivuh no ímaro jedevacobeai. ¹⁵ Úbenita no ímaro jedevai mautenajarama caivuh ina ámena baju, ina yaviéde daivuh, ina ámeina daivuh apevñque némarebucuhuá ámevñque, ina pöevare boarí jaruvaivh, ina mearore jívuh pépeimarare, aru ina borocurí jujobayurivuh apevñre máre, áme Jesús.

¹⁶ Aru yópe arí, coyuáme Jesús cojedeca:

—Yuh, Jesús, darocachuh nai ángelede, üi coyuquiyepo ayuh caiye iyede mühare, yure ju aivure, muge cójijinoai. Yurecabu nai jabocuh David báchih páramecuh. Aru yurecabu nai abiácoruh pëoñuh miadáre dayuh, áme Jesús.

¹⁷ Nai Espíritu Santo “Dajacuh”, ayuhbe Jesúre. Aru ico ovejajíchui márepaco “Dajacuh”, adobe Jesúre. Aru caivuh ina jápi-aivuh diede “Dajacuh”, ajarári na máre. Yópe cüñóimara ne pare ücuiyñepo ocore, nopedeca mugea nñiyurivuh baru Jümenijichui cüröi, pare ujará Jesúre. Ú-

tame yópe oco apure daiocope. Caivuh üre urivuh Jümenijichui cire daimara marajárama üi curó mearoi cainumua bojecubeda.

¹⁸ Yuh, Juan, mearo daicōjeivuh paredeca caivuh ina jápiaivure caiye iye Jümenijichui yávaiyede coyuçaiyede toivaiye báquede itucubo paperatucuboi. Pöecuh üi toivaru apejiene erescuh iyeque, Jümenijichu pueno baju nñajine dacuyume üre iye nñajiovaiyeque, coyuhiye báquede ditucubo paperatucuboi. ¹⁹ Aru pöecuh üi türeni jaruvvaru apejiene itucubo paperatucuboquede, iye Jümenijichui yávaiyede coyuçaiyede toivaiye báquede, Jümenijichuh üre áicōjemecuyume apure daijochuh jéiduare. Que baru me cürí bñojabecuyume Jümenijichque cainumua. Aru Jümenijichuh cüicōjemecuyume üre no ímaro mearo bajure. Dicuh jocuchrá aru diímarora máre coyuño mateávuh itucubo paperatucuboi.

²⁰ Nai caiye diede coyuñuh aibi:

—Maumena dacuyumtu, aibi.

Que bajaróri. Muh, maje jabocuh Jesús, dajacuh.

²¹ Maje jabocuh Jesucristo mearo dacajacurí mühare bojecubeda üi me boje. Quédecabu. Quénoram.